


Ja jembyu kajxy'átypyu mada Jesukristukyjxm: El

Nuevo Testamento de nuestro Señor Jesucristo en

el mixe de Juquila



New Testament in Mixe, Juquila (MX:mxq:Mixe, Juquila)

Ja jembyu kajxy'átypyu mada Jesukristukyujxm: El Nuevo Testamento de nuestro Señor Jesucristo en el mixe de Juquila

New Testament in Mixe, Juquila (MX:mxq:Mixe, Juquila)

copyright © 2009 Wycliffe Bible Translators, Inc.

Language: Mixe, Juquila

Translation by: Wycliffe Bible Translators, Inc.

Mixe, Juquila [mxq], Mexico

Copyright Information

© 2009, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mixe, Juquila

© 2009, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files dated 29 Jan 2022

0c492fbf-e19b-5f77-b2cc-07da5aab0305

Contents

MATEWÛ	1
MARKÛS	41
LUKÛS	66
FWANK	108
APOSTÛLÛTY	142
ROMANÛS	179
1 KORINTÛ	196
2 KORINTÛ	212
GALASYÛ	223
ÉFESÛ	229
FILIPÛS	235
KOLOSÛ	239
1 TESALÓNİKÛ	243
2 TESALÓNİKÛ	247
1 TIMOTEE	249
2 TIMOTEE	254
TITÛ	257
FILEMÓN	259
EBREEÛSÛTY	260
Santya'agu	272
1 PEEDRÛ	276
2 PEEDRÛ	281
1 FWANK	284
2 FWANK	288
3 FWANK	289
JUUDÛS	290
DI'IBÛ JATANÛP	292

Oybyu Ayuk Di'ibu Matewua Jyaay

Jesukristu 'yaptujkuty

¹ Tyaadu du'un tu'ugu listu ma 'yity kuxjaay yu xyuuajuty ja 'yaptujkudyu Jesukristu, di'ibu tuump'ajt aats'ajtu rey Davit, di'ibu tuump'ajt aats'ajtudu Abraan.

² Abraan yu'u teety'ajtu Isaa, di'ibu teety'ajtu Jakooob, di'ibu teety'ajtudu Judaa esu myuga'axaty. ³ Judaa yu'u teety'ajtu Fares esu Zeru, di'ibu tyaak'ajtu Tamar. Fares yu'u teety'ajtu Esrom, di'ibu teety'ajtu Aram, ⁴ di'ibu teety'ajtu Aminadap, di'ibu teety'ajtu Naason, di'ibu teety'ajtu Salmón. ⁵ Salmón yu'u teety'ajtu Booz, di'ibu tyaak'ajtu Raap. Booz yu'u teety'ajtu Obeed, di'ibu tyaak'ajtu Rut. Obeed yu'u teety'ajtu Isa'i, ⁶ di'ibu teety'ajtu rey Davit.

Davit yu'u teety'ajtu Salomonk, di'ibu tyaak'ajtu ku'ekytoy'oxy di'ibu ñudo'oxy'ajtu Uriiis. ⁷ Salomonk yu'u teety'ajtu Robwam, di'ibu teety'ajtu Abiiis, di'ibu teety'ajtu Asaa, ⁸ di'ibu teety'ajtu Josafat, di'ibu teety'ajtu Joram, di'ibu teety'ajtu Uziiis, ⁹ di'ibu teety'ajtu Jotam, di'ibu teety'ajtu Akaz, di'ibu teety'ajtu Ezekiiis, ¹⁰ di'ibu teety'ajtu Manasés, di'ibu teety'ajtu Amón, di'ibu teety'ajtu Josiiis, ¹¹ di'ibu teety'ajtudu Jekoniiis esu myuga'axaty ma ja tiempu ko ja babiloñudu rey tmonejxy ja israelitu ja'ayuty tsimy jap Babiloñu ñaaxóty.

¹² Ko tyaadu du'un ñajxy, Jekoniiis yu'u teety'ajtu Salatyel, di'ibu teety'ajtu Zorobabel, ¹³ di'ibu teety'ajtu Abyut, di'ibu teety'ajtu Elyakim, di'ibu teety'ajtu Azoor, ¹⁴ di'ibu teety'ajtu Sadok, di'ibu teety'ajtu Akim, di'ibu teety'ajtu Elyut, ¹⁵ di'ibu teety'ajtu Elyazaar, di'ibu teety'ajtu Matán, di'ibu teety'ajtu Jakooob. ¹⁶ Jakooob yu'u teety'ajtu Josee, di'ibu Mariiu muut pyejky. Esu Mariiu yu'u taak'ajtu ja Kristu, ja'a njuna'annu ja Nindsun'ajtam Jesukristu.

¹⁷ Pes du'un oj kya'pxy majmajkts naska'axu Abraanu tyuump 'yaadsuty extu jabaat ma rey Davit, es nan jamajmajkts naska'axu Davitu tyuump 'yaadsuty extu jabaat ma yu Babiloñu ryey dyajnejxy tsimy ja ja'ayuty jap ñaaxóty, es nan jamajmajkts naska'axu extu jabaat ma myiñ jyajty ja Kristu.

Jesús myiñ jya'ty

¹⁸ Du'un myiñ jyajty ja Jesukristu. Yu Mariiu, Jesukristu tyaak, yu'u naty pakánup ja Josee. Es maanamu naty kyapaktu, Mariiu oj wye'emy u'unkmuut mut ja Espiritu Santu myuk'ajtan.

¹⁹ Josee jyiky'ajty tui'ajtan muut es kyaj jyanayajnidu'xanu ma Mariiu, jyadimmastu'udán wi'ix kyaju ja'ayuty tnijáwudat.

²⁰ Ko du'un twinmaay, tu'ugu Diosu 'yanklus t'ijxy tsyuujóty mya'ayóty es 'yanmaayy:

—Josee, Davitu tyuump 'yaats, katu xyjawa es xy'axajut yu Mariiu éxtamu mñado'oxy, mut ko ja u'un'k di'ibu yajminaampy yajja'taampy, yu'u Espiritu Santu jya'a. ²¹ Yu Mariiu tpaada'añ tu'ugu u'ungu'unk, es xpyujtákat ja xyuu Jesús. Du'un txu'átut mut ko yajniito'ogaampy ja jya'ayuty ko dyajtagoyannu pyojpöty.

²² Tugekyu tyaadu du'un tyuun jyajtu es yajkyudyúnat di'ibu naty ja Diosu kyugajxpu tu tnigajxy:

²³ Yu kixyudo'oxy wu'umaamp u'unkmuut es tpaada'añ tu'ugu myaangu'unk

di'ibu yajtukxu'ataamp Emanwel,

di'ibu ayuk wimbadsuump Dios ijtp mut adsajtam.

²⁴ Ko ja Josee dyajwijy ja tsyuun mya'ay, du'un ttuuñ éxtam ja Nindsun'ajtamu 'yanklusu naty tu tyuknipékyuty. Ta t'axaju ja Mariiu éxtamu ñado'oxy es oj tmonejxnu ma tsyuunu.

²⁵ Per kyaj tsyunaaydyu éxtam tsyuunadu kasaadu ja'ayuty extu ko ja Mariiu dyajmiñ dyajyajty ja myaangu'unk. Es ja Josee tpaajtaku ja xyuu Jesús.

2

Di'ibu tni'uxpükudu wi'ixu du'un yu mudsa'q tni'ixtu ja mixyu'unk Jesús

¹ Ko Jesús myiñ jyajty ma yu Belén kajpn, Judee ñaaxóty, ma natyu Eroodus ryey'aty ma tadu naxwiñudu, ta jyajtu Jerusalén naagadyu ja'ay di'ibu miinda ma xuu pyadsemy, es jap tni'uxpükudu wi'ixu du'un yu mudsa'q. ² Es dyajtuudu:

—¿Mañ net ja israelitadyu ryey di'ibu tu myiñ tu jya'ty? Pes ndsooñ ma xuu pyadsemy. Tu n'ixtuts ja myuds'a es paadyats nnimindu es n'awdata'andats.

³ Ko ja rey Eroodus tmudooyu tyaadu, ta wye'emy amoñu, es nidugekyu nandu'un ja Jerusalén ja'ayuty. ⁴ Netu rey dyajwooyu nidugekyu ja teedywyindsunuty es ja di'ibuty tsajptugóty ya'uxpuktup, es dyajtuuy:

—¿Mañ net myina'añ jya'ta'añ ja Kristu?

⁵ Ta ja'ajuty 'yadsoodu:

—Jam Belén, Judee ñaaxóty; mut ko ja Diosu kyugajxpu tkuxjaay du'un:

⁶ Es mij Belén, Judeea ñaaxóty, kyaj mñuugoojapnuty ma tadu nax, mat ko ma mij pyudsama'añ tu'ugu yajkutujkpu di'ibu kywentu'ataambyuts ja nja'ayuty, ja israelituty.

⁷ Netu Eroodus tñagajxu ayu'udsyu ja di'ibu naty tu jya'ttu, es dyajtuuy na'a du'un meeru naty tu kyuxe'eky ja muds'a'a. ⁸ Net yajkajxtu Belén, es ya'anmaaydyu:

—Nujxtu jam, es xta'a'aydyu tadu mixyu'unk; es ko xypyaatut, awa'anuguts esuts uj nandu'un nujx n'awdátutyts.

⁹ Mudu tyadu rey'u 'yayuk ñujxtu ja ja'ayuty. Net ja muds'a'a di'ibu naty tu t'ixtu ma ja ñaxuty, kyuxe'ky jatugok, es yu'ujuty tranujxtu extu ko jyajttu ma naty ja muds'a'a tu wya'umu tujk nikujxm ma naty ja mixyu'unk. ¹⁰ Es yu'ujuty xyondaktu ko t'ijxtu ja muds'a'a. ¹¹ Ta tyujkudu tugoty, es Prattu ja mixyu'unk mudu tyaak Mariu. Net ñaygyoxtonaaydyákudu es t'awdajttu ja mixyu'unk. Ta t'agajtu ja myay'átuty es tmooyduu ooru, ja oybyu pa'ak xu'kpu es jatu'ugu pa'ak xu'kpu di'ibu xuy'ajtypy mirru.

¹² Dios anmaayadu tsyuujóty mya'ayóty es kudiibu jyambittut ma Eroodus, paaty tpujktu wiink tu'u es jyambijttu ma ja ñaxuty.

Jesús yajmage'eky

¹³ Ko tyaadu jyambijttu, ta ja Josee t'ijxy tsyuujóty mya'ayóty tu'ugu Diosu 'yanklus. Ta 'yanmaayyu:

—Pudu'uk. Mñujx ja mñudo'oxy esu 'yu'unk, es nujxtu tsojk Ejiptu es wu'amdu jap extu kots uj mij n'awánudut es mjambittut, mat ko Eroodus 'yuxta'ayaampy yu mixyu'unk es dya'ooga'añ.

¹⁴ Netu Josee pyude'ky es tmñejxy ja mixyu'unk esu tyaak. Ta tsoy'ondu koots, ñujxndu Ejiptu. ¹⁵ Jap wye'emy extu koonam 'ye'ky ja Eroodus.

Tyaadu du'un tyuun jyajtu es yajkuudyúnnut di'ibu naty ja Nindsun'ajtam ta ttukkajxwa'xy ja kyugajxputy: “Jap Ejiptuts nñigaxu n'U'unguts.”

Eroodus tni'ana'amu es 'yooktat ja mixyu'unguty

¹⁶ Ko ja Eroodus tñaja'aju ko ja di'ibu naty tu kyuxudu ta tyukxi'igudu, yu'u ko oj kyaj 'yokjambijnadu, ta jyantsytyugoyjyot'ambejky. Net tni'ana'amu nidagekyu ja yedyujku'unguty 'yooktat, yu majtsk jumajtpe es waanu mútskputy, jam Belén es tugekyu myugajpnba'ajuty. Du'un ttuuñ ma ja tiempu ma naty tim jawyiuñ tu kyuxe'eky ja muds'a'a, éxtamu naty tu tyukmadya'agudu yajxon di'ibu oj kyuxudu. ¹⁷ Es mat ko du'un dya'o'ktaaydyu ja una'ku'unk, net yajkuudyuñ di'ibu naty ja Diosu kyugajxpu Jeremiús tu dyajwe'emy kaxja'ay:

¹⁸ Yajmudooy ma Ramaa kajpn

ko pán jyu'uy ya'axy ya'ayow ya'amá'at. Rakéldamu du'unu naty ñijjiipy ja 'yu'unguty es kyaj ttseky es pán pyumay pyutájudut mat ko tu naty 'yo'ktaayñudu.

¹⁹ Es ko 'ye'ky ja Eroodus, ta ja Josee tsyuujóty mya'ayóty t'ijxy ja Diosu 'yanklus jam Ejiptu, es 'yanmaayyu:

²⁰ —Pudu'uk. Tsoon yaa mudu mixyu'unk esu tyaak, es jumbittu ma ja israelitadyu ñax, mat ko tu 'yookta di'ibu naty ya'oogaampy yu mixyu'unk.

²¹ Netu Josee ñejxy mudu mixyu'unk esu tyaak ma israelitu ñáxuty. ²² Es ko Josee tmudooy ko Arkelawu naty ana'amp jam Judeea ko tkuwe'emy ja tyeety Eroodus, ta tsyu'ku ko ñujxñ jam. Es kom tu natyu Dios 'yanu'amxaty tsyuujóty mya'ayóty kudiibu ñujxtu Judeea, ta oj ñejxy Galileea ñaaxóty. ²³ Ko oj jya'ty jam, ta oj tsyunaaydyaknbéky ma ja Nazaret kajpn. Tyaadu du'un tyuun jyajtu es yajkuudyúnnut éxtam jyanandu ja Diosu kyugajxputy: “Ya'anamap ja Kristu: Nazarenu ja'ay mij.”

3

Fwank Yajnubajtpe tkajxwa'xy ja Diosu 'yayuk ma muj it

¹ Es ma tadu tiempu ja Fwank Yajnubajtpe myiñ ma muj it Judeea, tkajxwa'xy, ² es jyuana'añ:

—Yajjumbittu mjot mwinma'añuty, mat ko ja tsajpótmudu kutujkan tu wyingón.

³ Tyadu Fwank yu'u naty di'ibu ja Diosu kyugajxpu Isaiuu tu tkaxja'ay du'un:

Yajmudóy tu'ugu ja'ay ya'axy jyekey ma tu'ugu muj it:

“Uxkúudu ja Nindsun'ajtam ñu'u tyu'u.

Yajtujjudu tyu'aa.”

⁴ Yu Fwank yu'u wyit'ajtypy ijty ja kameyu jumk es po'o twuun'áty, es yu'u ijty jye'xy'ajtypy ja mu'u esu tsimba'ak. ⁵ Es ma ja Fwank ñimiinudu Jerusalén ja'ayuty es nidagekyu di'ibu

tsanaaydyap ma ja Jordán majnaba'a, es tugekyu di'ibu Judeeñ ñaaxóty, ⁶ es tmayatstu ja pojpu. Esu Fwank dyajnebety ma ja Jordán majnaba.

⁷ Es ko ja Fwank t'ijxy ko mayu fariseeuty esu saduseeuty ñimínudu ma yajnebety, ta t'anmaay:

—Miidsuty du'ün éxtamu awa'andsa'añun. Es éxtamu tsá'añuty tkuga'akta ja juun kadiibu tyóyut, miits mjanándap xytyijy ko mnits'oktat madu mnubajtan es ko du'ün ja Dios kyaj mdudyúnudat éxtamu pojpu ja'ayuty. ⁸ ¡Kyaj tyuy'ajtanuty! Jawyiin xytyuk'ixtat mat ja mjiky'ajtan ko tuya'ajtan tu mjodambittu, ⁹ es katu mnayjyana'anada: “Údsajtam yu'u tyuamp 'yaats ja Abraan.” Tyu'ajtan n'anamu ko yu Dios mbaat dyajtagatsyu tyadu tsaa éxtam ja Abraan tyuamp 'yaadsuty. ¹⁰ Es ja Diosu tyudyu'unun tim wingoomp madu pojpu ja'ayuty, éxtam ko madu jatsyu ndukpo'tu'kum ja kepy di'ibu kyaj 'yóyuty. Paaty tugekyu kepy di'ibu kyaj tyuamp'áty oyaty, yajpo'tu'ugap es yajpujta'agut juunóty. ¹¹ Új tyámuts miidsuty nyajnebety mat ja nuu es ya'ixut ma nidugekyu ja'ayuty ko miidsuty tu mjodambittu ma mbojpty. Per miimp ja di'ibu myudajtypy ni'igu ja mak'ajtan es kyajts uj ndu'unuty. Es kyajts xyiitaku esuts yu'u nmudúnat éxtam tu'ugu ja'ay ja tyuumbu di'ibu yajnujxap ja kyu'uk. Yu'u myajnebátudap mat ja Espiritu Santu esu juun. ¹² Es yu'u kyujóty tmudaty ja tyuumbajin es dyajwa'adsa'añ ja triigu, es yajpujku'ugut ja triigu ma ja tsya'x, es ja triigu pyosta'ak yajno'ogut mat ja juun di'ibu ni na'a kya'eeky.

Jesús ñabety

¹³ Net ja Jesús tsyo'oñ Galilee, es tnimiñ ja Fwank ma Jordán majnaba esu Fwank yajnebátudat. ¹⁴ Tim jawyiin kyaj tjakupakáñ ja Fwank, es t'anmaay ja Jesús:

—Mijtsu du'ün mjarátap xyajnebátudats, ¿es wi'ixats uj mij nyajnebátut?

¹⁵ Jesús 'yadsooyu:

—Tyam wa'an du'unuty, mat ko oyu du'ün es ndu'unam di'ibu Dios tsyejpy.

Net ja Fwank tkupejky.

¹⁶ Ko naty ja Jesús tu ñubajtta'ay, netyu pyudseemy najoty. Ta pójnu tsajp 'yawatsy esu Fwank t'ijxy ko ja Diosu Jya'ajan kyada'aky éxtam tu'ugu paku'unk, es ñiguda'agyuty kyubajkkujxyu Jesús. ¹⁷ Es net yajmudooy jyuna'añ tsajpóty:

—Tyaadudsu du'an ja n'U'ungats di'ibuts njantsytsyejpy, di'ibuts muut njotkujk'áty.

4

Mujku'ugópk tja'ixy esu Jesús pyekeytyúnut

¹ Netu Espiritu Santu yajnujxu Jesús ma muj it es ja mujku'ugópk t'ixut wi'ix ja Jesús dyajpekytyúñ. ² Justyikxyxyu justyikxy ux 'yjity ni nu'un kyakaay. Ta pyatu ja yuu. ³ Ta ja mujku'ugópk tmawingooñ ja Jesús, es t'anmaay:

—Pun mijtsu du'ün ja Dios m'U'unk'ajtap, anamu tyadu tsaa es jyumbitut tsajkaaky.

⁴ Es ja Jesús t'adsooy:

—Ja Diosu jyaabyajtan jyuna'añ: “Kyaj jyatyim'yu'uyudyu tsajkaaky muut jyiky'aty ja ja'ay, tyukjiky'átap mat tugekyu Diosu 'yayuk.”

⁵ Net ja mujku'ugópk dyajnejxy ja Jesús ma Jerusalén kajpn, es dyajpejty ma muj tsajptajk kopk. ⁶ Ta t'anmaay:

—Pun mijtsu du'ün ja Dios m'U'unk'ajtap, naygyujubijpnáxudu, mat ko ja Diosu jyaabyajtan jyuna'añ:

Ja Dios tyuk'ana'amdap ja 'yánklusuty

es mgwentu'átudat.

Myajpudu'ugudap madu kyuu

kadiibu tsaa dyajtsayútut ja mdeky.

⁷ Netu Jesús t'adsooy:

—Nandu'un ja Diosu jyaabyajtan jyuna'añ: “Katu xy'ijxmátsy yu mWindsún Dios.”

⁸ Ta jatugok ja mujku'ugópk dyajnejxy ja Jesús ma tu'ugu kopku kujxmbu, es ttuk'ijxy nidugekyu naxwíñudu ja'ayuty es ja myuj'ajtan. ⁹ Ta t'anmaay:

—Újtsats mij nmo'oyup tugekyu tyadu pun xywyingoxtanaabyats es xy'awdátudats.

¹⁰ Net ja Jesús t'anmaay:

—Nujx, Satanás. Mat ko ja Diosu jyaabyajtan jyuna'añ: “M'awdátap ja mWindsún Dios, es xymudúnut yu'uyu je'eyu.”

¹¹ Net ja mujku'ugópk tmastuty ja Jesús, esu anklus ñimiinudu yajkaay ya'úkudu, es myaduunudu.

Jesús tkajxwa'xtso'oñ ja Diosu 'yayuk

¹² Es ko Jesús damudooy ko Fwangu naty 'yity pujxndugóty, ta oj ñejxy Galilee ñaaxóty.

¹³ Per kyaj oj wye'emy Nazaret, nik jap oj ñejxy tsanaabyu Kafarnaúm, mejyñbyu'aaay ma

Zabulongu ñax esu Neftalii ñax. ¹⁴ Tyaaɗu du'un tyuun jyajtu es yajkuydyúnut di'ibu ja Diosu kyugajxpu Isaiiu naty tu tkaxja'ay:

¹⁵ Ja Zabulongu ñax esu Neftalii ñax esu nax di'ibu jadsuu ma mejyñun, ma xuu tsyi'ity es ma xuu pyudsemey, ja ñax ma Jordán mujnuu mut ja Galilee ñax, ma jyiky'attu di'ibu kyaj 'yisraelitaty,

¹⁶ ja ja'ay di'ibu jiky'ajttu kubi'its ku'ook tu t'ixtu ja mujpu jaj tu'xun. Es ma yu di'ibu naty jiky'ajttup ma éxtum mbaat njuna'anuñ 'yawaxu o'kan, tu kyuxuuñu mut ja jajun.

¹⁷ Net ja Jesús tkajxwa'xtsondáky es jyunañ:

—Yajtagátsu mwinma'añu es jodambittu, mut ko ja tsajpótmudu kutujkan tu wyingoñ.

Jesús tway nimajtaxku ajkxmajtsputy

¹⁸ Tu'uye'ebyu naty Jesús ma yu Galilee Myejiñbya'a, ko t'ijxy nimajtsk tukka'axu ana'k. Yu'u naty Simonk di'ibu nandu'un xyu'ajtypy Peedru, es jatu'uk ja'adam ja Andrés. Ajkxmajtsudu naty, yu'u naty kyujubijpnajxtup ja 'yajkxmajtsn najoty. ¹⁹ Netu Jesús t'anmaay:

—Pamiinduguts, es ujts miits n'uxpukpu'áttup es nmo'oydyut jatu'ugu tuunk. Tyamyu xyajtsonda'aktut es xy'axta'ayut may ja ja'ayuty es xytyuknimindudats esuts nandu'un yu'ujuty n'uxpukpu'áttut.

²⁰ Netyu tnikaktu ja 'yajkxmajtsn es tranujxtu Jesús.

²¹ Ko waanu 'yaknujxtu, ta Jesús t'ijxy nimajtsk tukka'axu ana'k, Santya'agu esu Fwank, 'yu'ungudyu Zebedeeu. Tamu naty ma tu'ugu barku mudu tyeety t'axuyu ja 'yajkxmajtsnuty. Netu Jesús oj yaxudu, ²² es nan jamyu tnikaktu ja byarku es ja tyeety. Ta tranujxtu ja Jesús.

Jesusu mayjya'ay dya'uxpeky

²³ Jesús tyuk'yo'oydyaabyu naty ja Galilee it, ya'uxpeky majaty ja tsyajptajk, nidu'uk nidu'ugu kajpn tkajxwa'xy ja oybyu ayuk di'ibu ñigajxypy ja tsajpótmudu kutujkan, es dya'aguda'aky ja ja'ayuty di'ibáty pujkadup. ²⁴ Ko oj tñijawudu Jesús ma tugekyu Siryu naxwiñudu, ta ttuknimiindu nidugekyu di'ibu ayoodup mut kanak nax ja pujk ado'onun, di'ibu pujkadup ja ka'oybyu pa'am, mo'tputy esu xuxuty, esu Jesús dya'aguda'aky. ²⁵ Ryanujxudu mayu Galilee ja'ayuty es ja ja'ay di'ibu tsunaaydyup ma ja Dekápolus kajpnuty esu Jerusalén, nu'un di'ibuty tsunaaydyup wiink tsoo Judeeu ñaaxóty es ma Jordán mujnuu ma xuu pyudsemey.

5

Jesusu mayjya'ay dya'uxpeky

¹ Ko Jesús t'ijxy ja mayjya'ay, ta pyejty ma ja kopkan, es ñaxwe'tsy jam. Net tyuknabikudu ja 'yuxpukputy, ² esu Jesús ya'uxpukjtsondákudu du'un:

Pánty kuni'xyuty

³ —Kuni'xy ja di'ibuty nay'uxkajrudup ko pyojpaja'ay'áttu, pes yu'u íttup ma tsajpótmudu kutujkan.

⁴ 'Kuni'xy ja di'ibuty juygyuyk yaxkujkadup, pesu Dios pa'ayowánudup.

⁵ 'Kuni'xy ja di'ibuty kyaj muy pyaádudu, ja'a ko Dios mo'oyánudup ja naxwiñudu éxtamu kyuma'añ.

⁶ 'Kuni'xy ja di'ibuty jyantsysojoktup es ttúnat di'ibu Dios tsyejpy, ja'a ko du'un yajpajta'aga'andu.

⁷ 'Kuni'xy ja di'ibuty naymyuma'xtujkadup, pes nandu'un muma'xtúkadup ja Dios.

⁸ 'Kuni'xy ja di'ibuty wa'ats ja 'yanmaja'anaty, pes yu'udyu du'un íttup mudu Dios.

⁹ 'Kuni'xy ja di'ibuty yajtsipwa'xtup, pesu Dios pujta'agudup éxtamu 'yu'unguty.

¹⁰ 'Kuni'xy ja di'ibuty jittup witsy po'oty mut ko jyiky'aty éxtamu Dios ttseky, pes yu'u íttup ma tsajpótmudu kutujkan.

¹¹ 'Kuni'xy miidsuty ko ja ja'ayuty m'oojudu es mnixi'ik mduxxi'igudu, es m'udu'uts mgajxtu'udsudu miidsuty mut kots miits nmuduumbu'áttu. ¹² Xonda'aktu es jotkujk'áttu, mut ko ja Dios mmudajtxudup pujke'eky tsajpótm muj may'aty di'ibu mmo'oyánudup, pes nandu'un trajudijttu ja Diosu kyugajxputy di'ibu jiky'ajttu maanamu naty miits mgajaa'áttu.

Kaan esu jajun

¹³ 'Éxtum ja kaan dyajta'amdsu ja tsu'utsy kadiibu mya'adut, miidsuty mbaat xyujpkuwa'agudu ja axuk'ajtan ya naxwiñ kadiibu ja'ayuty mya'áttut. Pun ja kaan

tugeepya ja tya'amts'át, ¿ti mætt mbaaqt nbujtákum ja tya'amts'át jatægok? Ni wi'ix tsoo mbaat kyanakytyúñ, ¿kadii? Je'eyu ya'uxko'ot esu ja'ayuty ttuktaandut.

¹⁴ 'Extam ja xuu xykyudu'xam ma njúdiytam kadiibu ngunajp nguja'pxam, miidsadyu du'an éxtam ja jajun es xytyukni'ixkudat ja ja'ay di'ibu du'an pojpu es wi'ixu du'an ja Dios tteky es njiky'ajtam. Du'an miidsaty éxtam tu'ugu kajpn di'ibu ijtp kopkkajxm, 'yixtup miidsaty mjiky'ajtam. ¹⁵ Ni pún tkaymajtoye'eky tu'ugu seeru juun es netyu tkuijidsat mudu armuun; nik ni'igu trujta'aky kajxm ma ttukjajudya'ayut tugekyu ja tugot. ¹⁶ Nandu'an jajtru du'anaty, wa'an yu mjájunaty tjajy muk éxtam mbaaqt ja ja'ay t'ixtu ja oybyu mduungaty es t'awdattut ja mDeedyu tsajpótmudu.

Wi'ix ja Moisés ja 'yana'amun tyuñ

¹⁷ 'Kyaj xywyinnmádyut ko uj nyajtugoya'añ ja Moisesu 'yana'amun o ja 'yuxpajkunu Diosu kyugajxpaty. ¡Ni wi'ix tsoo! Ja'ats tu nniimiñ esuts nguudyuna'añuts. ¹⁸ Pes uj n'anmaaydyuupts miits ja tui'ajtam, ja tsajp esu nax tugóyup jawyiin maanamu naty kyatugoy tu'ugu letru kyukón di'ibu ja ana'amun jya'a'ajtypp. Tugekyu yajkuudyuunda'aya'añ. ¹⁹ Paaty di'ibu kyaj tkuydyuñ tu'ugu tyadu ana'amun, oy yu'ujuty ja yil'inam waanabu, es ttukni'ixut ja wiinkpaty es kyaj tkuydyuñdat tadu ana'amun, tyadu ja'ayu du'an 'yitat pi'ixy jajp amu'unuk jam tsajpótm. Per di'ibu kyuydyiimpy es ttukni'ixu ja wiinkpaty tkuydyuñut, tyaadu du'an itap muj jam tsajpótm. ²⁰ Tui'ajtam n'anamudu, pun kyaj miits mjiky'ajttap tui'ajtam mætt kadiinam ja fariseeuty es ja di'ibuty tsajptugóty ya'uxpajktap, kyaj mdákudat tsajpótm.

Win'ak'ajtam

²¹ 'Miidsaty tu xymyudowdu ko ja n'aptujk'ajtam ya'anmaaydyu: "Katu myajja'ay'leeky. Di'ibu ya'e'kypy tu'uk pún, yu'u yajmanujxup ma tkumadówt." ²² Per uj n'anmaaydyuupts miits ko di'ibu tyukjot'ambejkypy yu myagu'uk, yu'u du'an yajpayo'oyup ja pyeky; di'ibu 'yoo yaxypy ja myagu'uk, pátyr es tyukkumadówdat di'ibu ana'amdup muj tsajptugóty; es di'ibu pyejty kyudakypy ja myagu'uk, kudsu'ugu ko ñujxat ayoodaknóty ma junya'ank.

²³ 'Es pun mmænejxypy ja mwindsu'kun ma artal es jam xyjamyetsy ko ja mmæny'uk tu mij xymyudogoy, ²⁴ nika'ak yu mwindsu'kun jam artal windum es nuix jawyiin mnyaya-jti'igyudu mudu mmæny'uk. Net mjumbítat ma artal es xyryujta'agat ja mwindsu'kun.

²⁵ 'Pun ja pún mni'uanudu es mmænejxyuty kumdaat, kajx'óyudu tu'agay kadiibu mgayákudat ma justisun, ja'a ko yu justisu mgayákudup ma ja polusiu, es mbujta'agudup pujxndugóty. ²⁶ Tui'ajtam n'anamudu ko kyaj mbudsámut jap extu ko xykyubajtta'ayut tugekyu ja mbeky.

Ja'ay dyajtagóty ja pujk ukunu wyindsu'kun

²⁷ 'Miidsaty tu xymyudowdu ko yajnigajxy jékyup: "Katu xyajtagóty ja pujk ukunu wyindsu'kun." ²⁸ Per uj n'anmaaydyup miits ko otyim pánaty di'ibu 'yadsejpy tu'ugu toxtyujk es tmadugoya'añ, ñapatypy éxtam mætt tu tyugoy, oy je'eyu tu jyuna'añ jyodoty wyinma'añóty.

²⁹ 'Pun m'aga'añ wiin myajpektytyuunup, juut es naska'adsu jagam.* Waanu oy ko xyajtagóty tuk pedazu mnini'x es kadiinam ko mwu'umut mat amuumu mnini'x es myajpujta'agat ayoodaknóty. ³⁰ Es pun m'aga'añgyu'u myajpektytyuunup, niboot es uxjawip jagam. Waanu oy ko xyajtagóty tuk pedazu mnini'x es kadiinam ko mwu'umut mat amuumu mnini'x es myajpujta'agat ayoodaknóty.

Kasaqdu ja'ay ñaymyastu'ududu

³¹ 'Nandu'an yajnigajxy jékyup: "Di'ibu myastu'udaampy ja ñudo'oxy, jawyiin tsyékyuty tmo'oyut tu'ugu neky ma jyuna'añ ko tmastu'uty ja ñudo'oxy." ³² Per uj n'anmaaydyup miits ko pún ja toxtyujk t'uxwejpy, pun kyaj ja'agyujxmty ko dyajtagóty ja pujk ukunu wyindsu'kun, ña'agyujxm ja toxtyujk dyajtagóty ja pujk ukunu wyindsu'kun ko wiink yedyujk tpeky. Es ja di'ibu pyejkypy ja toxtyujk di'ibu dyajmatstu'uty, nandu'an dyajtagóty ja pujk ukunu wyindsu'kun.

Ja'ay wyanda'aky

³³ 'Nandu'an miidsaty tu xymyudoodu ko ya'anmaaydyu ja n'aptujk'ajtam: "Katu xywyanda'aky tii andakungyujxm. Mguudyuñabu du'an di'ibu mwandakypy ma Nindsun'ajtam." ³⁴ Per uj miits n'anmaaydyup: Ni na'a mgajuna'andut "por tsyos" ko ti xywyanda'aktat; es ni mudu tsajp, mat ko yu'u ja Diosu 'yuñaaybyajn ma yajkutíky; ³⁵ es ni na'a xykyawanda'aktat mudu naxwiñudu, mat ko yu'u du'an éxtam ma tkuxkapy ja tyecky; es ni mudu Jerusalén, mat ko yu'u du'an ja kyajpnu Dios, ja muj Rey; ³⁶ es ni mudu mgubajk,

* 5:29 Xytyuk'ijxam Jesús ko di'ibu xyajpektytyu'unam, yu'u jot winma'añ, es kyaj yu'udyu wiin, es ni yu'u ja ku'u. Ix Matewu 15:17-20

müt ko kyaj mbaat xpyujta'aky poop o yúk tu'uk je'eyu mwaay. ³⁷ Du'añu mjuna'andut "oy" o "kyaj", ja'a ko di'ibu ñikeempy yu ayuk, tyaadu du'un miimp ma yu ka'oybyu.

Kata ja'ay naydyukmujumbitudu axuuk

³⁸ Miidsuty tu xymyudowdu ko yajnigajxy jékypur: "Mdukkabátur ja wiin ak wiin esu tats ak tats." ³⁹ Per uj n'anmaaydyur miits ko ja ja'ayuty mduna'anudut axuuk, katu miits xyñiwa'k'óyudu. Pün mgójxur ma m'aga'añdsyooba m'ama'atsy, koojambit jatuk adu'um. ⁴⁰ Pün ja pün tsyiptuna'añ müt mij es mbajkuya'añuty ja mniixuy, mo'oy nandu'un ja mdsyamarru. ⁴¹ Pün jaa tu'ugu soldaadu o justisu agwanu mdukmunujxa'añuty ja tsyemy tuk mil metru, manajx majtsku du'unun jyagamuty. ⁴² Ko pün ti m'amdówudut, mo'oy; es pün ja ti pün m'amdóyuty ani'xy, tuk'anu'x.

Wi'ixu madsip yajtsókut

⁴³ Nan tu xymyudoodu ko yajnigajxy jékypur: "Mdsókup ja mmudujkra'a, es mduk'ak'átur ja mmadsip." ⁴⁴ Per uj n'anmaaydyur miits ko mdsókup ja mmadsiputy, es mninu'xta'aktur ma Dios di'ibáty axuuk mduunudur. ⁴⁵ Du'unu dun xya'ixudut ko m'u'unk'átudu mDeedyu tsajpótmudu. Pes yu'u tyukni'aampy yu xuu ti'igyu ja oyjya'ayuty es di'ibaty kyaju Dios tmudundu, es yajtiipy ma ja ja'ayuty di'ibu jiky'ajttur tuy'ajtan maut es nandu'un di'ibaty kyaj jyiky'attu tuy'ajtan maut. ⁴⁶ Pün miits mdsóktur yu'uyu di'ibu miits mdsóktur, žwi'ix xymyubajkrudu ko Dios miits mgumaya'anudu? ¡Pes extu yu pojru ja'ayudyu du'un tyuundur! ⁴⁷ Pün mgajxpo'xtur miidsuty yu'uyu mmagu'uguty, žti oy'ajtanu dunu taadu? Pes extu di'ibaty kyaj t'uxkaptu Dios tyuundubu du'un. ⁴⁸ Du'un éxtamu mDeedyu tsajpótmudu wya'adsuty, ittu miits wá'ats nandu'un.

6

Oybyu tu'unun

¹ Ko xytyundu ja oybyu, éxkam es xykyatúndut mayjya'ayóty es yu'u je'eyu t'ixtat ti mduundur. Pün mdiimbyu du'un, yu ja mDeedyu tsajpótmudu kyaj mmay'átudut. ² Paaty ko xpyudákut müt tii di'ibu tugoy'ajtxudur, katu ja'ay xytyuknijawut éxtam 'yadu'utstu di'ibu nay'andíjudur jyiky'attu tuy'ajtan maut, müt ko du'un yu'ujuty 'yadu'utstu esu ja'ayuty 'yixudut ko dyaktu ja naybyuduku ma ja tsajptujk, o ma ja muj tu'u di'ibu kajpnóty, es du'un myajpudsúmdu ko jyiky'attu tuy'ajtan maut. Pes uj n'anmaaydyurts miidsuty ko müt yu'uyu taadu, tu t'axájudu ja myay'aty. ³ Per mij ko xpyudakuya'anut di'ibu tugoy'ajtxur, mo'oy ayu'udsyu, éxtam mbaat njuna'anum katu m'anajñgyu'u xytyuknijawu di'ibu tyiimpy ja a'oybyu. ⁴ Ko du'un xmyo'oy ayu'udsyu, net ja mDeedyu tsajpótmudu t'ixat di'ibu mdiimpy ayu'udsyu, es yu'u mmay'átudur.

Kajxtákan

⁵ Ko mgajxta'aktut, katu du'un xytyundu éxtam di'ibu nay'andíjudur jyiky'attu tuy'ajtan maut. Yu'ujuty kyajxta'aktu tanu ma ja tsajptujk o ma ja muj tu'u di'ibu kajpnóty es du'un ja ja'ayuty 'yixudut. N'anmaaydyur miidsuty ko yu'ujuty tu t'axájudu ja myay'aty. ⁶ Per mij ko mgajxta'agut, taku mgwartu tugoty es nayñi'agájudu, es jar ayu'udsyu xmyugajxta'agut, es du'un mDeedyu tsajpótmudu di'ibu 'yijxypy ti ja'ay tyuundur ayu'udsyu, yu'u mmo'oyudur ja mmay'aty.

⁷ Ko mgajxta'agut mij, katu je'eyu xyñikajxpéty ja m'ayuk, éxtam 'yadu'utstu di'ibu kyaj t'ixy'attu Dios es jyuna'andu ko müt ko kyajxut ni'igu, jantsy tmudaty ko Dios myudoo'ítudut. ⁸ Katu miju du'un xytyuñ, ja'a ko mDeety wá'ats tnijawu di'ibu miits mdugoy'ajtxur maanumu naty xykya'amdoy. ⁹ Paaty ko miits mgajxta'aktut, du'un mgajxta'aktut: Tatitu'unk di'ibu ijtp tsajpótm,

wa'an nidugekyu ja'ayuty mwindsu'ugudu es m'awdátudu.

¹⁰ Min mij es myajkutúkut ja ya naxwiñ,

es yajtúnur ja mdsókan yaa éxtam jam tsajpótm.

¹¹ Meegyats tyam di'ibats xytyugoy'ajtxur esuts ngay n'uugut.

¹² Es xmya'xut uudsuty ja nbojpadyats,

éxtamts uudsuty tu nma'xtu di'ibats axuuk tu xytyundu.

¹³ Es kudii xyajkutíky es ja ka'oybyu xyajpekytyúnut.

¹⁴ Paaty ndukjagyujkudu, pün miits mma'xtur ja di'ibáty mduundur axuuk, yu mDeedyu tsajpótmudu mma'xudur miidsuty nandu'un. ¹⁵ Per pün kyaj xmya'xtu di'ibu mduundur axuuk, yu mDeedyu tsajpótmudu nan kyaj mma'xudut ja mbojru.

Ja'ay yayu'aty

¹⁶ Ko miits m'ayu'áttut, katu xpyujta'aktu mwiin mjajpúty ya"ayow ya"ama'at, éxtam 'yadu'utstu di'ibu nay'andíjudur jyiky'attu tuy'ajtan maut. Yu'ujuty tyuundubu du'un esu ja'ayuty 'yixudut ko 'yayu'attu. Tuy'ajtan n'anumu ko mudu taadu tu dun t'paktu yu myay'aty.

17 Per ko miits m'ayu'áttat, wimbuj kupuj es naywoogudu yajxón, ¹⁸ kadiibu ja ja'ayuty tjaygyúkadat ko m'ayu'áttu. Yu'uyu de'eun ja mDeedyu tsajpótmudu di'ibu ñija'ap ti ja'ay tyuundap ayu'utsy, es yu'u mmo'oyudap ja mmay'aty.

Pujku'uktu ja m'oy'ajtan tsajpótm

¹⁹ Katu mjiky'aty xywyindsimy xywyinwuuñ ja meeñ ya naxwiiñ, ma yu juyujk añimal dyajwindugóy otyyiiti, ma tyowu ja meeñ es ma ja ma'tspu tnidákudu. ²⁰ Nik oy pujku'uktu ja m'oy'ajtan jam tsajpótm, ma ni ti tkayajwindugóyut es ma kyajpu ma'tspu. ²¹ Ja'a ko ma xymyudaty pujke'eky yu m'oy'ajtan, jamu du'un nandu'un 'yity yu mjot mwinma'añaty.

Du'un ja wiin éxtamu kudu'xn

²² Yu mwiinu du'un éxtam tu'ugu kudu'xn es tkudu'xat ja mdu'u. Pün oy yu mwiin, mdu'uyo'oyup yajxón kude'xy. ²³ Per pün yu mwiin ma'at, mjadítup kubi'its. Es pün kyaj xytyuk'ixy ja mwiin, ñugoo jyantsyúkaty ja koots'át ma mjadity!

Dios esu meeñ

²⁴ Ni pün mbaat tkamudúñ majtsku wyindsán, ja'a ko pün tuump yajxon ma ja jawyiimbu wyindsán, kyaj mbaat ñakutyñ yajxon ma ja myumajtskpu. Es pün ja myumajtskpu wyindsán tsyejy ni'igu es tyuñ yajxon mat yu'u, kyaj mbaat ja jawyiimbu tnakymyudúñ. Kyaj mbaat xymyudúñ yu Dios pün mbajtákyu ja mwinma'añ es ja mmajaa ma ja meeñ. ²⁵ N'anmaaydyup ko katu mnaydyukjotmaydyúnuadu di'ibu m'okkay m'ok'uuktap es mjiky'áttat, es ti wit m'oktuktákudap. Pes mat yu'uyu yu mjiky'ajtan es yu mnini'x di'ibu Dios tu mdukmay'átyuty, yu'u du'un ni'igu oy kadiinam ja mje'xy mbeky esu mwit mnijam. ²⁶ Ixtu yu joon juyujkaty. Kyaj ñi'iptu es ni kyatsiktu, es ni tkapujku'uktu ja pyajta'aky ma yu mok tujk. Pes yu mDeedyu tsajpótmudu mooyudap yu jye'xy pyeky. Dios mdsokkadup miidsaty ni'igu kadiinam ja joon juyujkaty. ²⁷ ¿Pánu du'un mbaat dyajyón ja jyiky'ajtan mat ko may tyajy? ²⁸ ¿Ti ko mmay mdajtu mada mwit mnijamuty? Ixtu wi'ix aamyóty yondu ja pujy, es ni kyatundu es ni kyata'akta. ²⁹ Es n'anamu ko ni ja rey Salomonk, mat tugekyu tsyuj'ajtanu wyit, kyaj oy tyi'igyu tsyuj'ajtan mat yu'u. ³⁰ Es pün ja Dios yajpipy ja pujy di'ibu pi'tsp pojn es jakumbow yajno'knu, ¿ti ko kyaj xymyubaktu es adsajtam yu'u xymyútam? ¿Es ti ko miidsaty je'eyu waanu xymyubaktu? ³¹ Paaty katu mmay mdajtu: "¿Tii net n'okka'ay n'ok'úkum?", es "¿Tii net nwit'ajt mnijam'ajtan?" ³² Mat ko ja ja'ayuty di'ibu kyaj tmadundu Dios maay tajtat mat tugekyu tyaadu. Pes ja mDeedyu tsajpótmudu ñija'ap ko mdugoy'ajtxadup tugekyu tyaadu. ³³ Es du'un jotmo'oydu ja Dios es jyiky'áttat éxtam yu'u yajkutíky, es m'axájjudap nandu'un tugekyu tyaadaty. ³⁴ Pes kyaj xymyumay xymyudajtat pün ti bom xtaxjm miimp kadakp, ja'a ko bom bom miits xymyudattu di'ibu mmamay mmudájup. Tu'uk tu'ugu xuu di'ibu mmamay mmudájup.

7

Kyaj wiinkpúty ñugoo nbayo'oyum

¹ Katu miits xpyayo'oydu ñugoo yu wiinkpúty, kadiibu Dios mbekymyo'oyudat. ² Mat ko éxtam miits xpyayo'oydu ja wiinkpúty, Dios nandu'un mbayo'oyudap miidsaty. Éxtam mbaat njuna'anum, mat ja armuun di'ibu maat xkyijy ja wiinkpúty, nan yu'u maat Dios mgijxadat ja mja'ajaty. ³ ¿Ti ko xy'ixy tu'uk ja kepywyayu'un'k di'ibu jap mmagu'uk wyiinóty es kyaj mij xytyuñ kwentu ja majkepy di'ibu jap mwiinóty? ⁴ ¿Es wi'ix mjuna'añ: "Mugu'uk, n'okju'tamu tadu kepywyayu'un'k di'ibu jap mmudajtypy mwiinóty", es kyaj mnayjyáwuty ko mij xymyudaty ja majkepy jap mwiinóty? ⁵ Mnay'andijyuty éxtamu ja'ay di'ibu jiky'ajtp tuj'ajtan maat. Yajpudsám jawyiinu tadu majkepy di'ibu jap mwiinóty, es du'un mbaat xy'ixy yajxon es xyjuudat tadu kepywyayu'un'k di'ibu jap mmagu'uk wyiinóty.

⁶ Katu xymyo'oy ja úkaty yu tsu'utsy di'ibu tu ñe'xy windsu'kun es nan katu xywyujy ja perlu ma yu udsam, ja'a ko ttuktaandut, ta mnijambítudat es mduktu'uts mduknúkadat.

Amdowdu, uxta'aydu es koxtu jun'aa tujk aa

⁷ Amdowdu, es m'axájjudap; uxta'aydu, es mbaattap; koxtu jun'aa tujk aa, es m'awátsxadup. ⁸ Mat ko di'ibu 'yamdeepy, 'yaxájup; es di'ibu 'yuxtaapy, pyatypy; es di'ibu kyojxypy ja jun'aa tujk aa, awátsxup ja tujk aa.

⁹ ¿Pán nidu'uk miidsaty myo'oyup ja 'yu'un'k tu'ugu tsaa ko 'yamdówdut ja tsajkaaky, ¹⁰ o tu'ugu awa'andsa'añ ko 'yamdówdut ja ajkx? Kyaj pán, ¿kadii? ¹¹ Es miidsaty pojpu ja'ayuty, mmooydyup ja oyatypy ja m'u'un'k m'una'katy, waanu ni'igu ja mDeedyu tsajpótmudu tmo'oyut ja oyatypy pánaty amdoojudap.

¹² Pes du'un di'ibu miits mdsokkáp es ja wiinkpúty mdukmadúndut, miits mdukmadúndubu taadu. Tyaadu du'un tu ya'awijtsmíky tugekyu ja Moisesu 'yuxpajkun esu Diosu kyugajxpyty.

Tujk aa xu'utspu

¹³ Tükudu ma ja tujk aa xu'utspu. Ja'a ko wyoofuty ja kemy'aa es ja tu'u di'ibu najxp ma ja kutugo'oyun, es may ja ja'ayuty di'ibu najxtap jap. ¹⁴ Per xyu'udsuty ja kemy'aa es ja tu'u di'ibu najxp ma ja jiky'ajtanu winu xuu winu tiempu, es niwaanaty ya'u di'ibu pyáttap.

Ya'uxkajtpap ja ja'ay éxtamu du'un 'yadu'utstu

¹⁵ Naygywentu'átudu ma yu andákruty di'ibu janándup ko yu'ujuty ja Diosu kyugajxpu. Naybyujátádu tudu'agyuty éxtamu borreegu, per du'unu dun yu'ujuty éxtamu waxka'uk awa'anun. ¹⁶ Miidsuty mbaat xy'uxkartu mut éxtamu du'un 'yadu'utstu. Kyaj yajtyky yu uuvu ma yu aruñgyery, es ni yu iigu ma yu botonas puju. ¹⁷ Tugekyu oykyery yajkyry ja tyuamp oy, es tugekyu axuk kepy yajkyry ja tyuamp axuuk. ¹⁸ Yu obybu kepy ni na'a kyatamp'áty axuuk, es ni yu kepy axuukru kyatamp'áty oy. ¹⁹ Tugekyu yu kepy di'ibu kyaj tyuamp'áty oy, ya'uxpo'tu'kp es yajkujubíru junóty. ²⁰ Paaty n'anuumadu ko miits m'uxkártap pán oyjya'ay es pán kyaj 'yoyjya'ayuty mut yu di'ibu tyuundap.

Kyaj nidugekyu tyákudu tsajpótm

²¹ Kyaj nidugekyuty di'ibuts xy'anmaadyap: "Windsún, Windsún", tyákudut tsajpótm, ya'uyu tákudap di'ibu tyuundap ja tsyojkunu nDeedyuts di'ibu jam tsajpótm. ²² Ko ja'ay yajpayo'oydyut, máyats xy'anuumadut: "Windsún, Windsún, mut ja mxuugyujxmuts ta ngajxwa'xyuts ja m'ayuk, es tats nyajpudsúmdu ja ka'óbyuty, es tats may nduñ ja muj'ajtan." ²³ Nétats uj n'anuumat: "Ni na'ats miits ta ngaja'ay'áttu. ¡Mástúttaguts miidsuty ka'oybyu muduumbuty!"

²⁴ Pes du'un di'ibuts xymudoo'ijtp es ttuñ éxtamts uj n'anuumu, du'un éxtam tu'ugu ja'ay kuwiy di'ibu kyoy ja tyujk ma tu'ugu maj tsaade'eky. ²⁵ Myiñ ja nuu tuu, kyeemy ja mujnuu es myiñ ja muk poj ma tadu tujk. Per kyaj kyudaay, mut ko ya'u pyotsy'ujx'ajtyry ja muj tsaade'eky. ²⁶ Per ja di'ibuts xymudoo'ijtp es kyaj tkuyduñ di'ibuts nja'anmaary, du'un éxtam tu'ugu ja'ay kujuumbu di'ibu kyuxkoj ja tyujk ma yu pu'ujun. ²⁷ Myiñ ja nuu tuu, ja mujnuu kyeemy es myiñ ja muk poj ma tadu tujk. Ta kyudaadaay ja tujk.

²⁸ Ko ja Jesús du'un junaandaay, ta ja ja'ayuty du'ũnu wyu'umudyayadyu ja agyujxm ja Jesusu 'yuxpukun, ²⁹ mut ko ya'uxpákudu éxtam tu'uk di'ibu myudajtyry ja kutujkun, es kyaj éxtamu di'ibu ya'uxpuktap ja di'ibuty tsajptugóty ya'uxpuktap.

8

¹ Ko ja Jesús junajky jam kopkujxm, may ja ja'ayuty oj ryanujxudu. ² Ta ñimawingoonu tu'ugu ja'ay di'ibu myudajtyry ja lepru pa'am. Ta ñaygyoxtanáadyáku Jesús wyindum, es t'anmaay:

—Windsún, mij pán mdsejpy, mbaaduts xya'aguda'aky.

³ Net ja Jesús tku'unikooñ, es t'anuumu:

—Ndsejpyuts es m'aguda'agut.

Es ko t'anmaadyaay du'un, netyu ja lepru puma'ay 'yagudaky. ⁴ Esu Jesús t'anmaay:

—Ix jaygyuku. Katu pán xy'anuumu. Nujx winguwa'agu ja teety, es yak ja mwindsu'kun éxtamu Moisés dyajningutjku, es du'un nidugekyu ja'ayuty tñjwudut ko ta m'aguda'aky.

Jesús dya'aguda'aky tu'ugu soldaadu windsunu tyuumbu

⁵ Ko Jesús jyajty ma ja Kafarnaúm kajpn, tu'ugu soldaadu windsún ñimiinu, es myunu'xtáku, ⁶ yanu'umxuty du'un:

—Windsún, yu nduumbuts mabajngujy 'yity madsu ndujk, tu xyujxnu es jyantsy'ayoy muk.

⁷ Jesús 'yanmaayy:

—Ujtsuts nujx nya'aguda'aky.

⁸ Ja soldaadu windsún 'yadsooy:

—Windsún, kyajts uj xyñituku es mij mdákut madsu ndujkun. Je'eyu ko mjuna'anut, es aguda'agup ja nduumbuts. ⁹ Uj ku'am nmudajtyryuts ja nwindsún di'ibuts xy'ana'amp, es nandu'un nmudátyuts ja soldaaduty di'ibuts n'ane'empy. Kots n'anuumu yu'ujuty nidu'uk: "Nujx", najxp, es kots n'anuumu jat'u'uk: "Min", miimp, es kots nduk'ane'emy yu nduumbuts ti ttúnut, tyiimpy.

¹⁰ Ko ja Jesús tmadooyu tyáadu, du'ũnu oj wyu'amu es t'anmaadyu di'ibu naty panujxudu:

—Tuy'ajtan n'anuumadu ko ma nidugekyu israelitu ja'ayuty, kyajts nbaaty ni pán mut kajaa myubujkun éxtamu tyadu ja'ay. ¹¹ Ujts miits n'anmaadyap ko may myíndut ja ja'ayuty di'ibu tso'ondap ma xuu pyudsemy es ma xuu kyunaxy, es ñaxwaatstut kyádyut mudu Abraan, Isaa esu Jakooob ma ja tsajpótmudu kutujkun. ¹² Per ja di'ibu du'un tu jparaadudu es 'yítut ma yu tsajpótmudu kutujkun, yu'ujuty yajjubijppudsúmdap awa'atstuuy ma ja koots'át, ma ja'ayuty jyu'ay ya'axtat es ñaydyutskaadudut mudu ayo'on.

13 Net ja Jesús t'anmaay ja soldaada windsán:

—Najx ma mdujk, es yajtúndu da'un éxtam tu xymuabekyán.
Ta ja tyuumbu netyu oj 'yagudaknu.

Jesús dya'aguda'aky ja Peedru myu't toxytyujk

14 Jesús oj ñejxy ma tyujku Peedru, es t'ijxy ja Peedru myu't toxytyujk mabajngujxy pya'amgo'knu mudu muk juun. 15 Ta ja kyua ttoon. Net ñiwatsu ja juun. Ta pyuda'knu es tmooy ja kya'ay 'yukan.

Jesús dya'aguda'aky may ja puma'ayuty

16 Es ko oj tsi'tnu ja xuu, net tmáimindu ma Jesús may ja ja'ayuty di'ibu myudajttap ja ka'oybyu. Es mat tuk aagajxyu dyajpudseemy ja ka'oybyu, es nandu'un dya'agudaky nidugekyu ja puma'ayuty. 17 Tyaadu da'un jyajty es yajkyudyúnt di'ibu ñigajx ja Diosu kyugajxpu Isaiiu ko juunáñ: “Yu'u yajpuda'k ja nbagi'ix'ajtam es dyajnejxy ja nba'am'ajtam.”

Pánuty pyatsoonándup ja Jesús

18 Jakumbom mejyñbyu'agy ko ja Jesús t'ijxy tyukmíkyuty ja mayjya'ay, ta t'anmaay ja 'yuxpajkpty es 'yawinnáxtat ma ja mejyñ. 19 Tu'ugu di'ibu tsajptugóty ya'uxpajk ja 'yana'amun tmáwingooñ ja Jesús, es t'anmaay:

—Windsán, nbanujxaambyats mij oytyim maaty mnejxy.

20 Jesús 'yadsooy:

—Yu wax myudajttapy ja 'yaank esu joon juyukaty myudajttap ja pya'an, per uj ja Naxwiñdu ja'ayudyu Kyudnaabyu, kyajts nmudaty ja ngukóyats madsu ngubajk nya-jpoxat.

21 Jatu'uk ja 'yuxpajkpu 'yanmaay:

—Windsán, nbanujxupts mij, per extu koonamsu ndeedyats 'yoogat esats n'okku'uy n'oktájudats, net nbanujxat.

22 Netu Jesús t'adsooy:

—Pamingats tyam es nika'ak yu o'kpty, wa'anu wiink ja'ayuty dyajnaxtákudu. Ja'ats n'andijpy di'ibu kyaj jyotmaydyúnty esu Dios tmadúnt.

Jesús dyajmo'oty ja poj es dyajtmijtku ja mejyñ

23 Net ja Jesús es ja 'yuxpajkpty tyujkudu ma tu'ugu barku, es 'yawinnaxánudu ma ja mejyñ. 24 Ti'in myiñ tu'ugu muk poj. Ta ja mejyñ ñikary extu tyujkunu nuu barkoty. Maaba natyu Jesús. 25 Ta ja 'yuxpajkpty oj ñinujxudu es oj yúxudu. Ta t'anmaaydyu:

—¡Yajtsóktugats, Windsán! ¡Tyap ngupa'tsanu!

26 Ta ja Jesús 'yanmaayudu:

—¿Ti ko nugo m'oktsu'kudu? Miits mmudajttap je'eyu waanu ja mmubajkanuty.

Ta pyude'ky ja Jesús, es t'ooj ja poj es ja mejyñ. Ta oj wyu'amadya'ay amoñ es tamijtku.

27 Es ja 'yuxpajkpty ak da'ññ wyu'amadyaaydyu, es ñayjunánudu:

—¿Pánu da ñunu tyaadu?, ko extu yu poj es yu mejyñ tu myumadóyaty.

Gadaru ja'ayuty di'ibu myudajttap ja ka'óbyuty

28 Ko Jesús jyajty mejyññinaxy ma Gadaru ñax, majtsku yedyujk pyudseemy kampoonyoty. Ta ñimiinudu. Nimajtsk tmudattu ja ka'óbyuty es nugo jyantsy'awa'an'attu, ko ni pán mbaat kyanaxy ma tadu tu'aa. 29 Ta oj yaxka'aktu:

—Diosu 'yU'unk, ¿ti mdunaampy mat udsuty? ¿Tii ja'a mnamiimpy es xtyuadyuna'andats maanm tkapaaty ja tiempu?

30 Natuknas'ixu jamu naty nimayu udsu jyu'xu'aktu, 31 es ja ka'óbyuty yajjunánudu ja ja'ayuty, es ja Jesús t'anmaay:

—Pán xyajpudsumándupts ma tyadu ja'ay, na'ijxtugats esats ndúkat ma tadu udsúmaty.

32 Netu Jesús 'yadsooy:

—Oy. Tákudu.

Ja ka'óbyuty pyudsuudu ma ja ja'ayuty, es tyujkudu ma ja udsúmaty. Net nidugekyu ja udsúmaty ñujxtu jantsy pye'egyu nax jup'am es kyupuy'knajxtu mejyñóty, es jap oj jyi'xta'aydyu.

33 Di'ibu kywentu'ajttap ja udsu ñay'adsu'kudu, es kyaktu. Ko jyajty ma ja kajpn, ta tmadyaktu tugekyu tyaadu éxtamu naty tu tyuñ tu jyátyuty mat ja ja'ayuty di'ibu myudajttap ja ka'óbyuty. 34 Net nidugekyu ja kugajpnaty tso'ondu es tñinujxtu ja Jesús, es tmánu'xtáktu es pyudsúmat jam es ñujxat wiinktuuy.

¹ Net ja Jesús jyumbijna mut nan ja'ay barku, es ñujxnu ma yu'u ja Kafarnaúm kajpn. ² Ko jam jyajty, ta tyukniimiinuda tu'ugu ja'ay di'ibu tu xyujxnu, kyo'knu ma tu'ugu mabajnu'unk. Ko Jesús t'ijxy ja myubajknanuty, ta t'anmaay ja puma'ay:

—Jotkujku. Yu mbojpu yajma'xp.

³ Net nidu'uguty ja di'ibuty tsajptagóty ya'axpuktpur twinmaaydu: “Tyadu ja'ay myudageepu ja Dios éxtum jyuna'añ.”

⁴ Komu Jesús ñija'abu naty di'ibu wyinmaaydu, ta t'anmaaydu:

—¿Ti ko xymyudattu axuugu winma'añuty? ⁵ Kyaj ñimajaaty njuna'anum: “Yu mbojpu yajma'xp”, mut ko kyaj ya'ixy pun tay'ajtan. ¿Tii kyaj dyu'anuty? Es mjuna'andup miidsuty ko ni pán tka'anumut yu tyadu xux: “Pudu'uk, es ñujx”, mut ko netu mbaat ya'ixy ko kyaj tmuđaty ni ti muk'ajtan. ¿Tii kyaj dyu'anuty? ⁶ Pes oy. Min n'oktuk'ixtu ko uj, ja Naxwíñudu Ja'aydu Kyudunaabyu, ujtsu du'un nmudajtypuats ja muk'ajtan ya naxwiiñ es nma'xaduts ja pojpu.

Net t'anmaay ja xux ja'ay:

—Pudu'uk. Yajmúk ja mmabajn es ñujx ma mdujk.

⁷ Net ja xux ja'ay pyude'ky es oj ñujxnu ma ja tyujk. ⁸ Ko ja mayjya'ay t'ijxtu tyadu, ta tsyu'kudu es t'awdajtu Dios mut ko tu tmo'oy ja myuk'ajtanu Jesús.

Jesús tway ja Matewu

⁹ Ta Jesús jam tsyo'oñ es t'ijxy tu'ugu ja'ay di'ibu xyu'ajtypu Matewu, ja 'yu'uñu ma yaj'yáky ja kugubety. Ta t'anmaay:

—Pamiinguts es n'axpukp'átat.

Ta Matewu pyude'ky, es t'adso'oñ ja Jesús.

¹⁰ Ma tadu xuu ya'ux'ajty ja Jesús ma yu Matewu tyujk, mut mayu yajkugubajtpu es nan niganagaty di'ibu 'yandijpu pojpu ja'ayuty, es ti'igyu mut ja 'yuxpukpadyu Jesús. ¹¹ Es ko ja fariseeuty t'ijxtu tyadu, ta dyajtuadu ja Jesusu 'yuxpukpadyu:

—¿Wi'ixu du'un ko yu mwindsún kyaj 'yiiky mada yajkugubajtpu es mada pojpu ja'ayuty?

¹² Jesús myudoo tyadu, es t'anmaay:

—Kyaj tsyékyuty ja kudsooy ma yu di'ibu oy'ajt muk'ajttap, jaayu du'un ma yu puma'ayjya'ayuty. ¹³ Ñujx jattu di'ibu 'yandijpu ja Diosu jyaabyajtan ma jyuna'añ: “Uj nd-sejpyuts es xymyudáttu ja pa''ayo'on, es kyajts xytyukwindsu'uguduts ja juyujk añimáty.”

Jesús dyajtuadu ti ko kya'ayu'aty

'Pes kyajts uj nwoy ja ja'ay di'ibu jiky'ajttap tay'ajtan maut, ya'u du'unu pojpu ja'ayuty es jyodumbíttat.

¹⁴ Net nija'ajty ja 'yuxpukpadyu Fwank Yajnubajtpu tñimiindu ja Jesús, es dyajtuadu:

—¿Ti ko kya'ayu'attu yu m'axpukpadyu éxtum 'yayu'attu fariseeuty es udsuty, yu 'yuxpukpadyu Fwank?

¹⁵ Netu Jesús t'adsooy:

—¿Tii mbaat 'yitta jotmaymyuut yu di'ibu tu yajwówdu ma tu'ugu ja'ay pyekey maanum ja pujkpu yedyujk 'yak'ity mut yu'ajty? Miimp ja tiempu ma yajpukadut ja pujkpu yedyujk, taanamu du'un 'yayu'áttat.

¹⁶ 'Ni pán tka'abatsu tu'ugu tyuk wit mada jemywyit, mut ko ja jemywyit ñumúkut, ta kyudsut ja tuk wit waanu kaja. ¹⁷ Ni yu vinu jembyu kyaya'adamu ma yu tukpu nu'abutsunbyo'o, mut ko pun yajtuumbu du'un, ja po'o kudsap, es du'un ja vinu es ja po'o tyagóyut. Paaty n'ada'amum ja jembyu vinu ma yu jembyu nu'abutsunbyo'o es du'un yajmudáttu yajxon nimajtsku tyadaty.

Jayru ñux es ja toxytyujk di'ibu Jesusu wyit tyoon

¹⁸ Ma ja Jesús t'anumudu tyadu, tu'ugu israelitadyu wyindsún jyajty ma ja Jesús, ñaygoxtunaaydyáku es t'anmaay:

—Yu nuuxuts tu 'yeeky. Pun mujxp mij es mgu'anikeempy, jiky'áttap jatagok.

¹⁹ Netu Jesús pyude'ky es ñejoy mut yu'u, ti'igyu mada 'yuxpukpadyu. ²⁰ Net tu'ugu toxytyujk puma'ay di'ibu majmajtsk jumajtu naty tmuđajnu windaxyu, tmuwingooñ ja Jesús ukku'p tsoo, es ñaydyukpatu ja wyit pa'a, ²¹ mut ko du'un ñayjyuna'añuty: “Mut yu'ayu kots nnydyukpaadadut yu wyitu Jesús, aguda'agupts.” ²² Per ja Jesús wa'kambijt, t'ijxy ja toxytyujk es t'anmaay:

—Jotkujk, tu m'aguda'aky mut ko tu xymyubeky.

Ta netu 'yagudaknu.

²³ Ko Jesús jyajty ma ja windsunu tyujk, ta t'ijxy ko ja xuxpuy t'axkujkñudu es ñujx dyajnaxtukyánudu ja o'kpu, es ja ja'ayuty jyantsyju'uy jyantsyja'axtu. Ta t'anmaaydu:

²⁴—Pudsundu yaa. Yu kixyu'unk kyaj tu 'yeeky. Maabu dun jam.

Ja ja'ayaty je'eyu ttukxi'iktu. ²⁵ Ko ja Jesús dyajpudsúmdaay ja ja'ayaty, net tyujku ma ja o'kpu es tku'ummajtsu. Ta ja kixyu'un'k pyude'ky. ²⁶ Ta yajmadyakwa'xtaay oymyaaty yu tyadu muj'ajtun.

Jesús dya'ixpéky majtsku wiints

²⁷ Ko pyudseemy jamu Jesús, majtsku wiints pyanujxudu es myuyaxkákudu:

—jPa'ayoodaguts udsuty, Davitu tyuamp 'yaats!

²⁸ Es ko Jesús jyaty ma ja tujk, net ja wiindsuty ñimínudu, es yu'u dyajtaay:

—¿Mmubjktap miidsuty ko uj mbaadadsu tyaadu nduñ?

Net ja'ajaty jyanandu:

—Ti ko kudii, Windsún.

²⁹ Net ja Jesús ttoonu ja wyiin, es t'anmaay:

—Wa'an dyajtún éxtam ja mmubjkanuty.

³⁰ Ta ja wyiinuty oj wyu'umdaaydyu yajxon. Jesús tyuknipujkudu jantsy yajxon, 'yanu'umxudu:

—Katu pán xytyuknijáwudu.

³¹ Per je'eyu yu'ujaty pyudsúmdu ma ja Jesús, ta tmadyakwa'xtu ma tugekyu ja kajpn di'ibu naty ja Jesús ta ttuñ.

Jesús dya'aguda'aky tu'ugu uum

³² Ko yu'udyu naty jam pyudsúmdu, naagudyu ja'ay dyajmiindu ma Jesús tu'ugu yedyujk uum, di'ibu naty myudajtypy ja ka'oybyu. ³³ Ko ja Jesús dyajpudseemy ja ka'oybyu ma tadu uum, ta ja uum oga'an oj kyajxy. Du'añu ja ja'ayaty oj wyu'umadyaaydyu, es jyanandu:

—Ni na'annum kyaya'ixy du'an éxtamu tyaadu ma yu israelítuty!

³⁴ Per nik ni'igu ja fariseeuty ñajyuna'anudu:

—Tyaadu yajpudseemy ja ka'oybyu mat ko pyudákuty ja majku'ugórk.

Jesús tra'ayooy ja ja'ayaty

³⁵ Jesús dya'abudseemy tugekyu nax kajpn, es ya'uxpejky majaty tsajptajk nidu'uk nidu'ugu kajpn, es tkajxwa'xy ja oybyu ayuk di'ibu ñigajxypy ja tsajpótmdu kutujkun, es dya'aguda'aky ootyim di'ibudyu pujk ado'onun. ³⁶ Ko ja Jesús t'ijxy ja mayjya'ayaty ñimínudu, ta tra'ayoodu, mat ko moon tujktabu naty éxtamu borreegu di'ibu kyajpu 'yijx'ijt kywentu'ajtpu. ³⁷ Ta t'anmaaydyu ja 'yuxpajkpty:

—Tuy'ajtun ko ja pujta'aky oy myáuty, per ja tuumbuty ootyim waanuty. ³⁸ Paaty amdowu es manu'xta'aktu ja Dios, ja ñiwindsunu tyadu pujta'aky, es t'akkáxat ja tuumbuty es min dyajpuda'uktu ja pujta'aky.

10

Jesús twin'ixy nimajmajtsk ja 'yapóstaluty

¹ Net ja Jesús dyaxu ja nimajmajtskpu 'yuxpajkpty, es tkutujkunmooy es dyajpudsúmdut ja ka'oybyu es dya'aguda'aktut tugekyu ootyim di'ibudyu pujk ado'onun. ² Tyaadudyu du'an ja xyujaty ja nimajmajtskpu apóstaluty: Tim jawyiin Simonk di'ibu nandu'un xyu'ajtypy Peedru, es ja myoga'ax Andrés; Santya'agu esu myuga'ax Fwank, 'yuna'kadyu Zebedeey; ³ Felipe; Bartolome; Tomás; Matewu ja yajkugubajtpu; Santya'agu ja Alfeeu myaank; Tadeey; ⁴ Simonk ja kananeeu ja'ay; esu Juudas Iskaryotu di'ibu óknum kyuyajk ja Jesús.

Jesús tkexy ja 'yuxpajkptyujk Diosu 'yayuk kajxwa'xpu

⁵ Jesús ttuk'ane'emyu tyadu nimajmajtskpu es nuix 'yayuk kajxwa'xtu mudu tyadu kajxwijn:

—Katu mnejxy majaty tsyunudu di'ibu kyaj 'yisraelítuty, es ni mgatákut majaty samaritanu kajpn. ⁶ Nuixtu jamu ma ja borreegu tugeoybyu ma yu ñaxwiñudu Israel. ⁷ Nuix kajxwa'xtu ko ja tsajpótmdu kutujkun ta wyingón. ⁸ Ya'aguda'aktu ja puma'ayaty, yajikyuyákta ja o'kputy, tukniwa'atsta di'ibu myudajttap ja lepru pa'am, es yajpudsúmdu ja ka'oybyuty. Miits m'axájudu tyadu muk'ajtun nadu'añu, nan katu myajmájudyu ko du'an xytyúndut. ⁹ Katu xyajnujxtu ni di'ibu meeñ, ¹⁰ ni yu mdu'amgyujxmudu. Yu'u je'eyu myajnujxtap ja mnixuy tu'uk. Katu xymyujxtu wiinkpu mgu'ak es ni mdajk, mat ko di'ibu tuump, pátap kya'ay 'yuugut.

¹¹ Ko mja'ttut miidsuty ma tu'ugu kajpn o rantsyu, xta'aydyu jap tu'ugu ja'ay di'ibu ijtp windsu'ugu, es wu'umdu ma yu'u tyujk extu koonum mdsoona'andut. ¹² Ko mdajktákudut, kajxpo'xtu es amdow ja Dios es kyunu'xudut yu'ujaty. ¹³ Punu tadu ja'ay di'ibu ma tadu tujk nitujkap ja Diosu kyunu'xun, yajkuudyúnup; es pun kyaj ñitákuty, miidsuty ni tii mgatugo'oyxudut. ¹⁴ Es pun jam ma kyaj m'axájudu es ni je'eyu mgamudoo'ita'anudu, pudsúmdu ma tadu tujk o tadu kajpn es winixtu yu naxjok ma yu mdékuty. ¹⁵ N'anumudu

tay'ajtan ko ja'ay yajpayo'oydyat, ja tyaydyu'unanu tyadu kajpn waanu o'ktay kadinum ja ja'ayuty majatyu Sodomu kajpn esu Gomorra kajpn.

Jesús tnigajxy ko ja 'yuxpajkputy yajpajudijtta'aktat

¹⁶ 'ixtu! Ejts miits ngajxtup éxtam ja borreegu waxka'uk agijky. Du'un m'ittat pe'typy éxtamu tsá'áñun, per kyaj m'awa'an'áttat. Ittu éxtamu paku'unuk. ¹⁷ Nay'ix'it naygywentu'átadu, mat ko ja'ayuty mguyakánudap ma yu justisu, myajwopánudap ma tsajptujkuty, ¹⁸ es extu myajnujxudap gobernadoor windum es ma réyaty mat ko n'apostulu'attu, es du'un xymyadya'aktaduts uj miidsaty ma yu'ujaty es ma di'ibu kyaj 'yisraelitaty. ¹⁹ Ko mguyákudat ma yu justisaty, katu mjotmay'ooktu wi'ix m'okjana'andut o wi'ix xy'ok'anuumadut, ja'a ko mbaadudat ma mgajxa'andut, Dios myajmi'inxudap ja m'ayúkaty, ²⁰ ja'a ko kyaj miidsaty di'ibu dun kajxándap, yu'u du'unu mDeedyu Jya'ajan di'ibu mgugajxánudap.

²¹ Yu ja'ayuty kyuyáktup ja myuga'axaty es 'yoogut, esu u'unkteedyaty kyuyáktup ja 'yu'unguty; ja u'unuk una'kuty myudsiptsoondup ja tyaak tyeedyaty es 'yooktat. ²² Nidugekyu naxwiñudu ja'ayuty mduk'ak'atá'áñuty miits mat ejtskyujxm. Es di'ibu 'yaktubejkyupyam du'áñun, yu'u nitso'ogup. ²³ Ko mbajudítudat ma tu'ugu kajpn, nuix wiink tsoo. Tay'ajtan n'anuumadu ko uj, ja Naxwiñudu Ja'ayudyu Kyudunaabyu, minaaambats maanamu naty miits xykyatuk'yo'oydyu'ayduyumu nidugekyu yu israelitu kajpnaty.

²⁴ Ni tu'ugu xrpajkpu kya'ity windsu'ugu ni'igu kadinum ja di'ibu ya'xrpajkup, es ni tu'ugu po'oduumbu kya'ity windsu'ugu ni'igu kadinum ja wyindsán. ²⁵ Ja xrpajkpu mat yu'uyu ko du'un yajwindsu'ugut éxtam di'ibu ya'xrpajkup, es ja po'oduumbu mat yu'uyu ko du'un yajwindsu'ugut éxtamu wyindsánun. Ejtsu du'un éxtam tu'ugu kudujk, es miidsaty, du'un éxtamsu njiiky nmugu'uk. Pun ja kudujk ya'anuumu majku'ugóp Belzebuu, ¿ti kyaj waanu axuuk ya'anuumadut ja di'ibu tsyunaaydyup ma ja jyuun tyujk?

Pán yajtsu'ugup

²⁶ Paaty katu xytsyu'ugudu ja'ayuty. Ni ti kya'ity ayu'udsyu di'ibu kyaj ñide'xyuty, es kyaj ni ti ayu'udsyubu di'ibu kyaj yajnijáwat. ²⁷ Di'ibu n'anmaaydyup ma ja koots'át, kajxwa'xtu miits ma ja xuuñ'át; es di'ibu n'anmaaydyup ayu'udsyu, nigajxtu miidsaty muk extu tujkkujxm. ²⁸ Katu xytsyu'ugudu di'ibu ya'e'kyup yu'uyu nini'x es kyaj mbaat dya'eeky ja anmujá'an; ja'a du'un mjaw mdsu'ugup di'ibu mbaat dyajkutugóy ma ayoodákn ja nini'x es nandu'un ja anmujá'an.

²⁹ ¿Ti kyaj yajteeky majtsku joonu'unuk mat tu'ugu meeu'ungu? Es ni tu'ugu tadu joonu'unuk kyaka'ay naxwiñ pun kyajpu mDeedyaty dyajkutiky. ³⁰ Es extu yu mwaay myudajtypy ja Dios madsyoy tu'uk tu'uk. ³¹ Katu mdsu'ugudu. Miidsadyu du'un ja Dios mmudajtudap kumay waanu ni'igu kadinum may ja joonu'unguty.

Pánaty ja Jesús 'yuxkajptup mayjya'ayóty

³² Nidugekyu ja'ayuty di'ibuts xy'axájup éxtamu wyindsánun ya mayjya'ayóty, ejtsats nandu'un n'axájup éxtamsu nja'ayuty madsu nDeedyats di'ibu jam tsajpótm. ³³ Di'ibuts xy'axtjip mayjya'ayóty ya naxwiñ, nan n'axtjupts uj madsu nDeedyats di'ibu jam tsajpótm.

Jesuskuyjxmu ja'ay yajtsiptúkudu

³⁴ Katu mjuna'andu miidsaty kots uj tu nmamíñ yu jotkujk'ajtan ya naxwiñ. Kyaj yu'ujaty; yu'u du'unu jotmay je'eyu. ³⁵ Tyam tu nmíñats yajtsiptujkubu mat ja ja'ayuty. Ja u'unuk una'k tsyiptúnut madu tyeety, ja u'unkaak madu ñuux esu xekxy ttuk'ak'átat ja xyekx. ³⁶ Extu nidu'uk nidu'uk ñaymyudsip'átadut di'ibu tsyunaaydyup ma ti'igyu tujk.

³⁷ Di'ibu tsyejpy ja tyeety o ja tyaak ni'igu kadinum uj, kyaj ñitákuty nja'ay'átaduts; es di'ibu tsyejpy ja myaank o ja ñuux ni'igu kadinum uj, kyaj ñitákuty nja'ay'átaduts; ³⁸ es di'ibuts kyaj xypyanexy es kyaj jyiky'aty éxtam tu'ugu ja'ay di'ibu pyagiipy ja kyruuz ko 'yo'kan tninejxy, kyaj ñitákuty yu'u nja'ay'átaduts. ³⁹ Di'ibu yajtso'ogaampy ja jyiky'ajtan, yajtugóyup; per di'ibu yajtugeepy ja jyiky'ajtan mat ejtskyujxm, nitso'ogup.

Wi'ixu Dios ti tuunumbity

⁴⁰ Di'ibu miits m'axájudap, xy'axájupts uj nandu'un; es di'ibuts uj xy'axájup, 'yaxájup nandu'un di'ibuts xykyajx. ⁴¹ Di'ibu 'yaxájup ja Diosu kyugajxpu mat ko Dios kyuga-jy'átyuty, 'yaxájup nan ja du'umbu may'aty éxtam di'ibu yajmeepy ja Diosu kyugajxpu; es di'ibu 'yaxájup tu'ugu ja'ay di'ibu jiky'ajtp tay'ajtan mat ja'agyujxm ko jyiky'ajty tay'ajtan mat, 'yaxájup nan ja du'umbu may'aty éxtam di'ibu yajmeepy ja ja'ay di'ibu jiky'ajtp tay'ajtan mat. ⁴² Es di'ibu myeepy tuk vasu wa'ats nuu tu'ugu u'unuk una'k ja'agyujxm kots uj nja'ay'áty, tay'ajtan ko kyaj wyu'umut axkumay.

11

Fwank Yajnubajtrp kyexyye'ebyyty

¹ Ko Jesús t'anmaaydaaydu du'un ja nimajmajtskpu 'yaxpukpu, ta jap tsoyo'oon es ñejoy ya'axpukpu es ayuk kajxwa'xpu ma tadu israelitadyu kyajpn wingonuty.

² Ko Fwank di'ibu naty ijtp pujxndugóty, tmudooy di'ibu natyu Kristu tyiimpy, net tkejxy ma Jesús naaguty di'ibu ya'u panujxadup, ³ es dyajttay:

—¿Tii mijsu du'un ja Kristu di'ibu minagmp, o n'awixtupts ja wiinkpu?

⁴ Netu Jesús 'yadsoojuda:

—Najxtu es tukmumadya'aktu ja Fwank di'ibu miits tu xy'ixtu tu xymyudowdu.

⁵ Tukmumadya'aktu wi'ix tyam ja wiints 'yixtu, ja axneybyu tu yo'oybyéky yajxon, di'ibu ja lepra pa'am myudajtypu tu 'yagada'aktu, ja nátaty mudoonadup, ja o'kpaty jikyryujktup, es ja ayobu ja'ayuty ya'awa'anadup ja oybyu ayuk. ⁶ Kuni'xy ja di'ibu kyaj dyajtgóy ja myubajkun ma uj.

⁷ Ko tyagady o'j ñajxnudu, ta ja Jesús tmadyaktso'oñ ma ja ja'ayuty éxtumu du'un ja Fwank, es t'anumadu:

—¿Tii dun miidsuty o'j xñinajxtu es xy'ixa'andu ma maj itan? ¿Tu'ugu tsajkáryñ di'ibu tu wyinxijta'ayuty ja poj? ⁸ Es pun kyaj, ¿tii dun o'j xy'ixtu? ¿Tu'ugu yedyujk oy xyoxyryu? Miits mnija'adup ko di'ibu dun nayxoyxadup jam 'yittu ma tyujkadyu réyuty. ⁹ ¿Per tii dun o'j tu xy'ixtu? ¿Tu'ugu Diosu kyugajxpu? Yu'u du'un. Yu'u tu'uk di'ibu waanu ni'igu tmudaty ja maj'ajtan kadiinamu wiinkpuy ja Diosu kyugajxpu. ¹⁰ Fwank ya'u du'un di'ibu ja Diosu jyaaybyajtan myadyakypu ma jynuna'an:

Ngejxypyuts jawyiin ja n'ayuk kajxwa'xpu es mya'awátsxadut ya mnu'u mdu'u.

¹¹ Táy'ajtanats njuna'an: Kyaj pán ja Diosu kyugajxputy ja jékuyr waanu tmudattu ja maj'ajtan kadiinam ja Fwank Yajnubajtrp; per waanu tmudaty ja maj'ajtan oytyim pánaty ijttup ma ja tsajpótmadu kutujkan.

¹² 'Es ma ya Fwank Yajnubajtrp dyajtsondáky tkajxwa'xy ja Diosu 'yayuk es extu tyambaat, ta ja ja'ayuty di'ibu tujkadup ma tsajpótmadu kutujkan. Du'un ja'ajuty éxtumu mayja'ay di'ibu ti'igyu tuktoñu tukayándup ma tu'u xu'utspu. ¹³ Di'ibu ja Moisés es nidugékyyadyu Diosu kyugajxputy ñikaktu kaxja'ay ma ja Diosu jyaaybyajtan maanamu naty kyamiñ ja Fwank, tugekyu tnigajxy ko myina'an jya'ta'an ma ja Dios yajkutuka'an. ¹⁴ Es pun miits mmabakándup, Fwank ya'u du'un éxtum ja Diosu kyugajxpu Elius di'ibu jaminán. ¹⁵ Di'ibu mudoodup, wa'an tjaygyúkadu.

¹⁶ ¿Tits maat mbaat n'ijxkiixyu ja ja'ay di'ibáty tyam jiky'ajttup? Kaxu'ktup éxtum ja ana'ku'ungun di'ibu uñaaydyup es kyuyattu maayóty, es ya'ax jyoctu madu myatku'yajtputy: ¹⁷ "Tuts njaxu'uxy di'ibu ya'ajtsp, es kyaj tu m'atstu; es tu n'yáuts di'ibu maat ja o'kpu ñaxtaku, es kyaj tu zykyoxtu mgui mgaadsyuty es ni tu mgaj'a'ydyu."

¹⁸ 'Pes kyaj ja Fwank Yajnubajtrp tkay éxtumu ja'ay ti tsoktu, es kyaj ti'ily ja vinu, es miits mjuna'andu ko ya'u myajku'umaduñ. ¹⁹ Es uj, ja Naxwiñadu ja'ayadyu Kyudunaabyu, kaabyuts es n'i'ikypuys ja vinu, es miits mjuna'andu: "Kax es amu'uuk, es myatnaymyaayup ja pekyjya'ayuty esu yajkugubajtrp." Per di'ibu tu t'axájuda ya oybyu axpukpu es jyiky'attu éxtumu Dios tseky, tadu ja'ay dya'ixadu ko 'yóyuty di'ibu Dios tyiimpy.

Kajpn di'ibu kyaj jyodambittu

²⁰ Net ja Jesús dyajtsondáky t'ooj ja kajpnaty ma naty tu ttuñ may ja maj'ajtan, ja'a ko ya ja'ayuty jap kyaj jyodambittu. Es du'un t'anmaaydyu:

²¹ —¿Puroobu miits Korazin kajpn, es puroobu miits Betsaydu kajpn! Ja'a ko pun kooxyup yajttuñ ma Tiru kajpn esu Sidón kajpn ya maj'ajtan éxtumts nbajta'aky ma miidsuty, tadu kajpn jékuyrxyup dya'ixyuty ya jyotmay madu pyojpukyaxm, es jyodambijtxyup madu Dios. ²² Per uj n'anmaaydyup miits ko ja'ay yajpayo'oydyut, miits m'axájedup tu'ugu tadydu'unan muk es kyaj dyu'unaty ma Tiru es ma Sidón. ²³ Es mij Kafarnaúm kajpn, di'ibu naybyajta'agánup maj kujxm extu ma tsajpnan, ja Dios ya'u mbajta'agadup ma ayoodákn! Ja'a ko pun uxyupts nbajtak ma Sodomu kajpn ya maj'ajtan éxtum ma mijun, tadu kajpn taaxyup tyambaat. ²⁴ Per uj n'anmaaydyup miits, ko ja'ay yajpayo'oydyut, miidsuty myajnáxup waanu ni'igu muk ja tadyu'unan es kyaj dyu'unaty ma Sodomu ja'ayuty.

Nimiinduguts es mbo'xtat

²⁵ Ma tadu tiempu ja Jesús kyajxtáky, es jynunán:

—Tatitu'unk, n'awdajtypyuts mij di'ibu Windsun'ajtp tsajpótum es ya naxwiñ, ja'a ko mij tu xyu'utsy ja m'ayuk maat ja ja'ayuty di'ibu yajtijtap axpékyuty es wijjya'ayuty, per mij tu xytyuk'ixy ja ja'ay di'ibu du'un éxtum ana'ku'unguty. ²⁶ Es oy, Tatitu'unk, ko du'un tu xytyuñ éxtum mij xytsyekyan.

²⁷ Ta ja Jesús t'anmaaydu ja ja'ayaty di'ibu naty mudoo'ijtadap:

—Yu nDeedyats tats xytyukkaduka otyyim tiity tugekyu. Ni pánats xykya'ixy'aty yajón, ja Diosu 'yU'unuk, yu'uyu du'un ja nDeedyats; es nan ni pánamts tka'ixy'aty ja nDeedyats, ujsu dun je'eyu es di'ibátyats uj ndsejpy es nduk'ixy'átadats. ²⁸ Nimiindugats miits nidugékyaty di'ibu tu ya'anu'xudu ja tyuunuk es ja tsyemy kyu'uyaty, es ujsats miits nmo'oyduy ja mbo'xtákn. ²⁹ Kupáktu tyadu kukap di'ibats uj nbajtákyap ma miidsaty, es xpráktu ma ujs ja ndu'ununats, mut ko uj nmudajtypyats ja ma'xtujkun es yuyi tuda'agyats, es pyaadap ja po'xtákn yu m'anmujá'anaty. ³⁰ Ja ngukap di'ibats uj nbajta'agaampy ma miidsaty, kyaj tsyipyaty xyajnujxtat, es ja tsemy di'ibu muat xyku'uyat, to'tsyky yu'u.

12

Jesusa 'yuxpajkpty ktutujtu ja triigu saabudu xuu

¹ Ma tu'ugu saabudu xuu Jesús mut ja 'yuxpajkpu ñajxtu triigu kamoty, es ja 'yuxpajkpty ktutujtu ja triigu, es twinxatstu, es tju'xtu ja pyajk, mut ko yu'oogudu. ² Ko ja fariseeuty t'ijxtu taadu, ta t'anmaaydu ja Jesús:

—Ix yu m'uxpajkpty, ja'a tyuundap di'ibu kyaj ñigutikyuty ma ja po'xanxuu.

³ Ta ja Jesús 'yadsooy:

—¿Tii kyajnum miits xy'xpráktu di'ibu tyuun ja Davit ko yu'u es ja jyamyuudaty tmudajttu ja yuu? ⁴ Net tyajku Davit ma ja Diosu tyajk, es tju'ty ja tsajkaaky di'ibu kuni'xy, es tkaay yu'u es nandu'un tmooydu jyamyuudaty. Es kyaj jyanigutikyuty es yu'ujaty tkádyut, yu'u je'eyu ja teety kyádyur. ⁵ ¿O kyajnum xy'xpráktu ja Moisesu 'yana'amun ko ja teety ma ja muj tsajptajk kyaj pyo'xtu ma ja po'xanxuu?, es nan ni tyaadu tu kyapekytuundu. ⁶ N'anmaayduy ko taa ja yaa tu'uk di'ibu ni'igu myájaty kadiinam ja muj tsajptajk. ⁷ Miidsaty kyajnum xyjaygyúkadu di'ibu dun 'yandijpy ja Dios ma yu jyaaybyajtan ma jynna'añ: “Ej ndsejpyats es xymuudáttat ja pa'ayo'on, es kyajts ndseky es xytyukwindsu'ugudats ja jayujkyty.” Kooyur xyjaygyúkadu, kyajxyur xpyekymyo'oy ja ja'ayaty di'ibu tu kyapekytuñ. ⁸ Ja'a ko uj, ja Naxwíñudu Ja'ayudyu Kyudnaabyu, nmudajtypyats ja kutujkun ma yu tadu po'xanxuu.

Yedyujk di'ibu myudajtypy ja kyuu tuk adu'um tu'uts

⁹ Ta ja Jesús tsoyo'ñ jam es tyajku ma tu'ugu tsajptajk. ¹⁰ Japu naty tu'ugu yedyujk di'ibu myudajtypy ja kyuu tuk adu'um tu'uts. Es kom ja fariseeuty 'yuxtaayduyur wi'ix t'okpajtákadu pyojpu ja Jesús, ta dyajtuudu:

—¿Tii mbaat 'yaguda'aky tu'ugu puma'ay ma po'xanxuu?

¹¹ Ta ja Jesús 'yadsooy:

—Pán miidsaty nidu'uk myudajtypy tu'ugu byorreegu es kyunáxat ma tu'ugu jut ma yu po'xanxuu, ¿ti kyaj nujx xyjuudyu? ¹² Pes, jwaanu oy es tu'ugu ja'ay nbudajkam es kadiinam tu'ugu borreegu! Paaty mbaat ndu'unam ja oybyu ma po'xanxuu.

¹³ Ta ja Jesús t'anmaay ja yedyujk:

—Xajtáw.

Es ko xajtáw, ta oj 'yaguda'aky éxtam jatuk adu'umbu. ¹⁴ Ta pyudsuumdu ja fariseeuty, es ñaymyujkadu es jyuntatuundu wi'ix mbaat ja Jesús 'yeeku.

Wi'ix ja Diosu kyugajxpu Isaiiu trigajxy ja Jesús

¹⁵ Ko Jesús tnija'aju tyaadu, ta jap tsoyo'ñ, es may ja ja'ay oj pyanajxudu. Jesús ya'agudak ja puma'ayaty, ¹⁶ es ttukni'pajktu es kyaj tkajx tmadya'aktat mayja'ayoty. ¹⁷ Tyaadudsu du'un jyajtu es yajkuudyúnat di'ibu ja Diosu kyugajxpu Isaiiu kyuxjaay ma Dios jynnañ:

¹⁸ Tyaadu du'un ja nmuduumbats

di'ibats uj tu nwin'ixy,

di'ibats uj ni'igu ndsejpy

es di'ibats uj muat njotkujkyty.

Nbajta'agupts ja nJa'ajanats ma yu'u

es tkajxwa'xat ma yu naxwíñudu ja'ayaty kots nbayo'oy mut ja tuj'ajtan.

¹⁹ Kyaj tsyiptúnat es ni kyaya'ax kyajókát,

es ni kyajymudówdu kyajxy tu'ujoty.

²⁰ Kyaj ttájut ni tu'ugu tsajkápyñ ja neybyu,

ni tkaya'oogut ja kudu'xnu myetsu di'ibu oogánur,

extu koonam dyajpajta'agut ja tuj'ajtan.

²¹ Es ma yu'un ja naxwíñudu ja'ayaty t'awix tujp'ixtu yu ñitsokan.

Jesús yajni'gajxy ko dyajtuñ ja mujku'ugópik ja kyutujkan

²² Ta ma ja Jesús dyajnujxtu tu'ugu ja'ay wiints es uum, di'ibu myudajtypy ja ka'oybyu. Jesús ya'agudak éxtum mbaat ja ja'ay 'yixy es kyajxy. ²³ Nidugekyu ja ja'ayuty du'ánu wya'umadyaadyu es jyunandu:

—¿Tii ja'a da dnu tyadu ja Davitu tyump 'yaats?

²⁴ Es ko ja fariseeuty tmdoodu tyadu, net ñayjyunandu du'un:

—Tyaadu yajjugékypy ja ka'oybyu yu'uyu mat ja mujku'ugórk Belzebuu kyutujkun.

²⁵ Jesús ñija'abu naty di'ibu wyinmaadyup, es t'anmaadyu:

—Oytyim di'ibuty ja kutujkun ma ja ja'ayuty ñaywya'xudu es ñayñitsiptúnudu, du'un ñayyajkutogóyudu; es pun tu'ugu kajpn o di'ibu tsanaadyup ja ja'ay tuk junn tuk tajk ñaywya'xudu, kyaj mbaat jyeky. ²⁶ Es nandu'un pun ja mujku'ugórk Satanás yajpudseempy ja myuga'oybyu, ta ñaywya'xudu. Pes ¿wi'ix mbaat jyeky ja kyutujkun? ²⁷ Es pun tay'ajtan éxtum mjuna'andu kots uj nyajpudsémy ja ka'oybyu mat ja mujku'ugórk Belzebuu kyutujkun, ¿ti kutujkun myudajtypy miidsu m'axpajkputy es dyajpudsémy ja ka'oybyu? Paaty ku'umu m'axpajkputy dya'ixudu ko miits mgajxtugóydyu. ²⁸ Per pun ujts mat ja Diosu Jy'a'ajun nyajpudsémyats ja ka'oybyu, tu naty ya'ixy ko tu wyingón ja tsajpótmadu kutujkun ma miidsaty. ²⁹ ¿wi'ix mbaat pan tu'uk tyaku ma yu kudsu'ugubu ja'ayu tyujk es trujkadu di'ibu myudajtypy pun kyaj jawyiin t'awannmiky? Du'anu dan mbaat tjuuty di'ibu jap tugoty.

³⁰ Di'ibu kyaj 'yity mat uj, yu'u du'un xymyudsip'ajtpats; es di'ibu kyaj dyajmiky mat uj, yu'u du'un 'yuxka'tsypy.

³¹ 'Es n'anumadu ko yu ja'ayuty mbaat yajme'xy tugekyu oytyim di'ibadyu pyojpaty esu 'yaxuk kajxy, per pun myugajxtugeepy ja Espiritu Santu, taadu kyaj mbaat yajme'xy. ³² Oytyim pánuty di'ibats uj, ja Naxwiñudu Ja'ayudyu Kyudunaabyu, xykyajxpátr axuuk, mbaadu taadu yajme'xy, per di'ibu tkajxpátr axuuk ja Espiritu Santu, yu'u muut ñaybyekytyákudat es ni na'á Dios kyapojpuma'xadat, ni ma tyadu naxwiñudu es ni ma ja di'ibu miimp.

Jya'ay'ajtan ja ja'ay yajtuk'axkajp

³³ Pun oy ja kepy, tump'ajtr oy; es pun ja kepy kyaj 'yóyuty, nan axuuk ja tyump. Ja kepy ya'uxkapy ma ja tyumbun. ³⁴ Miidsaty du'un éxtumu awa'andsa'añun! ¿wi'ix mbaat xymyadya'aktu ja oybyu es miidsaty ku'um m'axakja'ay'ajttup? Ja'a ko ja aa kyajxyppu ja di'ibu yajpi'ipy yajkeppy jodoty. ³⁵ Paaty ja ja'ayu oyjya'aybyu tsuj kyajxy myadya'aky mat ko ijtr jyodoty ja oybyu; per ja axuk ja'aybyu myadyakypy ja tsatsykyubétypy mat ko ijtr jyodoty ja axuk'ajtan. ³⁶ Per uj n'anmaadyup miits ko ja'ay yajpayo'oydyut, nidugekyu tkayáktudu kywentu di'ibáty tu tkajxtu di'ibu tu tkapawinmay. ³⁷ Ja'a ko mat ja mgu'umgajxy ja Dios mbayo'oyudat. Es pun oy mgajxy, ta mnajxtat ma ja jiky'ajtanu winu xuu winu tiempu; per pun axuuk tu mgajxy, ta mnajxtat ma ja tadyu'unanu winu xuu winu tiempu.

Jesús ya'amdoy es dya'ixudat tu'ugu muj'ajtan

³⁸ Net t'anmaadyu ja Jesús naagudyu fariseeuty es ja di'ibuty tsajptagóty ya'axpajktap:

—Windsán, nja'ixándupts es mij xytyúnat tu'ugu ijxwu'umun di'ibu myudajtypy ja muj'ajtan, es uudsaty nnijawat ko tay'ajtan di'ibu mgajxyppu.

³⁹ Jesús t'adsooy:

—Ja pojpu ja'ayuty di'ibuty myastúttap ja Dios 'yamdoodap tu'ugu ijxwu'umun di'ibu myudajtypy ja muj'ajtan, per kyaj yajmo'oya'añ yu wiinkpu ijxwu'umun, yu'uyu du'un ja jya'aju yu Diosu kyugajxpu Jonás. ⁴⁰ Mat ko du'un éxtum ja Jonás 'yijty muj'ajkx jodoty tuguk xuu es tuguk ux, nandu'un uj, ja Naxwiñudu Ja'ayudyu Kyudunaabyu, n'ita'añ tuguk xuu es tuguk ux naaxóty. ⁴¹ Ko ja'ay yajpayo'oydyut, ja ja'ayuty di'ibu jékyap ijttu ma Nínive kajpn jyikyryáktat ti'igyu mat di'ibu tyam jiky'ajttup. Es yu'ajuty ñiguxu'uktat ko pekyjya'ayuty di'ibu tyam jiky'ajttap, ja'a ko yu Nínive ja'ayuty myadood'ijttu ja Jonasu 'yayuk es jyodumbijttu, es taa ja yaa tu'uk di'ibu myudajtypy ni'igu ja muj'ajtan kadiibum ja Jonás. ⁴² Es ko ja'ay yajpayo'oydyut, yu toxytyujk di'ibu ijt reyna jékyap es nax ma jamboj myiñ, jyikyryuka'añ ti'igyu mat ja ja'ayuty di'ibu tyam jiky'ajttap, es yu'n nigu'umguy ko pekyjya'ayuty di'ibu tyam jiky'ajttap, ja'a ko yu'u jagam tsooñ es tmdowya'añ ja rey Salomonga kyajxwijn, es taa ja yaa tu'uk di'ibu myudajtypy ni'igu ja muj'ajtan kadiibum ja rey Salomonk.

Ka'oybyu di'ibu jatugok jambijtp

⁴³ Ko tu'ugu ka'oybyu pyudsemy ma tu'ugu ja'ay, net jyudity tu'ats ittum es t'uxta'ay ma 'yokpo'xat. Es ko tkapaaty, ⁴⁴ net ñayjyuna'añuty: “N'okjumbityats jatugok ma tadu ja'ay.” Es ko jyumbity, net t'ijxy ja ja'ay éxtum tu'ugu tajk pade'eky ja'xe'ekypyu es tukwa'ats. ⁴⁵ Net najx dyajmiñ janijxujtkpu myuga'oybyu di'ibu waanu axuukpu, es mat yu'u tyukyaya'añ tsunaabyu ma tadu ja'ay, es du'anu tadu ja'ay wye'emy waanu axuuk kadiimam jawyiñup. Es du'un nandu'un jyata'añ ja axuk ja'ay di'ibu tyam jiky'ajttap.

Jesús tyaak es myuga'axuty

⁴⁶ Tánnum nadyu Jesús t'akmugajxy ja ja'ayuty ko jyajttu ja tyaagu'unk es ja myuga'axuty. Jaryu taja'p oj wu'umdu es tmugajxa'andu ja Jesús. ⁴⁷ Nidu'ugu ja'ayuty t'awa'anu ja Jesús: —Yu mdaagu'unk esu mmuga'axuty tyap taja'p, es yu'ujaty mij mmugajxánudap.

⁴⁸ Es ja Jesús t'adsooy di'ibu nadyu awa'anup:

—¿Pándsú du'un ndaak'ajtypy, es pándsú du'un nmuga'ax'ajtypyats?

⁴⁹ Ta ttukni'ijxu ja 'uxpajkpty, es t'anmaay:

—Tyaadusú du'un éxtam ja ndaagats es éxtam ja nmuga'axudyats. ⁵⁰ Mut ko oytym pánty di'ibu tyiimpy ja tsoykúndsú nDeedyats di'ibu jam tsajpótm, yu'udsú du'un éxtam ja nmuga'axats yedyujk toxytyujkuty es éxtamsú ndaagan.

13*Triiguwajpu éxtam ixpajtan*

¹ Ma tady xuu Jesús tsoyo'ón má ja tujk es oj ñejoy mejnbyu'ay, es ñaxwe'tsy jam. ² Ta ja ja'ay may jyantsyñaymyujku má yu'u. Ta Jesús tyujku má tu'ugu barku es ñaxwe'tsy jam, es nidugekyu ja ja'ayuty wu'umdu jaryu má pu'u jot. ³ Net tyujku ya'uxpajkpu mut kanak nax ixpajtan, es jynáñ:

—Tu'ugu triiguwajpu 'yojtsy wajpu. ⁴ Es má oj twujy, oj nandu'un kya'ay ja tuumt má padu'u, es ja joon trüidu. ⁵ Es nandu'un kya'ay ja tuumt má ja tsaade'eky patku'p es wingujxy kyaj kyúkyty ja nax. Paadyu tady tuumt pojún myujxy mut ko wingujxy je'eyu ja nax. ⁶ Es ko ja xu'an myiñ, net tyutsy, mut ko kyaj 'yaatske'eky. ⁷ Jatuk peky ja tuumt kya'ay má ja apyñ jawyiin myujxy, ta dyajji'xy ja triigu. ⁸ Es jatuk peky ja tuumt kya'ay oyñaaxóty. Ta byeen oy tuump'ajty. Naagaty wyinjnanjky mugo'pxu triigu tu'uk tu'ukpu tuumt, naagaty tugu'px es naagaty i'px majk. ⁹ Di'ibu mudoodap, wa'an tjaygyúku.

Ti ko ja Jesús ya'uxpeky mudu ixpajtan

¹⁰ Ta ja xupajkpty tmawingoonda ja Jesús, es dyajtudu:

—¿Ti ko xumamadya'aky ja ja'ay mudu ixpajtan?

¹¹ Ta Jesús 'yadsoojudu:

—Ja Dios mduknija'adap miidsaty di'ibu kyaj yajnijáwu ijty wi'ix yu'u yajkutiky, per ja wiinkpu ja'ayuty kyaj tuijáwudu. ¹² Ja'a ko di'ibu myudajty jyagyeypy, ak'yajmo'oyup waanu ni'igu; es t'aktimmudátat waanu may; es di'ibu myudajtypy waandi'knu, aktim'yajpajkadya'ayup di'ibu myudajtypy. ¹³ Paaty ndukmadya'akti mudu ixpajtan, mut ko yu'ujaty ixtap, per du'un yu'ujaty éxtam kyadim'ixtu; es mudoodap, per kyaj tjaygyúku éxtam tkadimmudowdu. ¹⁴ Es du'un éxtam yu'ujaty yajkuudyúñ éxtam ja Diosu kyugajxpu Isaiu jynáñ:

Oy miidsaty xyjamowdu,

ni ná'a xykyajgyúkuat;

oy xyja'ixpudu,

ni ná'a xykumwinma'añbyaattat,

¹⁵ mut ko tyadu ja'ayadyu jyot tu jwambittu juun,

kyaj myadowdu

es tu ja wyiin dyajpi'itsta,

du'un tka'ixtat mut ja wyiin

es tkamudówat mut ja tyatsk,

es kyaj tjaygyúkuat mut ja jyot,

es kyajts uj xyñimindat esats nyajnitso'ogat.

¹⁶ 'Per kuni'xy miidsaty, mut ko m'ijxtap es mmudoodap. ¹⁷ Tu'ajtanats miits n'anumudu ko may ja Diosu kyugajxpty esu ja'ayuty di'ibu jiky'ajtu tuj'ajtan mut tja'ixandu tyaadu di'ibu miits m'ijxtap, per kyaj oj t'ixtu; jyamowandu di'ibu miits yu tyaadu mmudoodap, per kyaj oj tmadowdu.

Jesús tkajxte'xy ja triiguwajpu éxtam ixpajtan

¹⁸ Mudowdu di'ibu myadyakupy ja ixpajtan má ja ja'ay oj twujy ja triigu. ¹⁹ Di'ibu mudoodap wi'ix ja tsajpótmudu kutujkun es kyaj tjaygyúku, du'un yu'u éxtam má ja tuumt kya'ay tu'ay. Myiñ ja muijku'ugórk es pyujkxu ja Diosu 'yayuk di'ibu du'un ni'ipyun jyodoty. ²⁰ Má ja tuumt kya'ay má ja tsaade'eky patku'p, ja'a 'yandijpy ja ja'ayuty di'ibu myudoodap ja Diosu 'yayuk es t'axájudu xonda'aky 'yaa xonda'aky jyot. ²¹ Du'un yu'u éxtam ja triigu di'ibu kyaj kyúkyty ja 'yaats, kyaj jyakty. Ko tyukmín tyukja'tadu ayo'on jotmay mut ja'agyujxm ja Diosu 'yayuk, net tmastu'uty ja myubujkun. ²² Má ja tuumt kya'ay má ja apyñ myuxy, ja'a 'yandijpy ja di'ibu myudoodap ja Diosu 'yayuk; per ja'ay wyinma'añ'ajttap di'ibu tyukjky'attap ya naxwiñ es ja jotkujka'ay'ajtan win'u'un winxájudap, es tkajamyetsy Diosu 'yayuk, es kyaj dyajmuj dyajmáyudu ja Diosu 'yayuk má tyadu ja'ayuty. ²³ Es má ja

tuumt kya'ay oyñaxóty, ja'a 'yandijpy ja di'ibu myádoodap ja Diosu 'yayuk es tjaygyúkuđu, es dyajmaj dyajmáyudu. Naagudyu du'un éxtum má di'ibu ja tuumt du'un tuump'ajt mugo'px, esu wiinkpu du'un éxtum má di'ibu tuump'ajt tagu'px, o éxtum má di'ibu tuump'ajt i'px majk.

Axuu KPU ujts éxtumu ixpajtan

²⁴ Jesús tpujtáky tyadu jat'u'ugu ixpajtan:

—Ja tsajpótmudu kutujkanu du'un éxtum tu'ugu ja'ay ko twujy ja oybyu triigu má yu ñax. ²⁵ Es ko myanaxta'aydyu, ta tyuku tu'ugu myádsip má naty tu twujy. Ta twujy ja axuu KPU ujts tuumt. ²⁶ Ko naty ja triigu yoñ es tyuump'atánu, ta kyaxe'ky es tap tmat'yoñ ja axuu KPU ujts di'ibu ja myádsip oj ttukwaju. ²⁷ Ta ja muduumbutajkaty oj t'anuumu ja wyindsún: “Windsún, pun ja tuumt oyu naty di'ibu yajwaj má yu mnax, zmaa dun tsooñu tadu axuu KPU ujts?” ²⁸ Net ja wyindsún 'yadsoojudu: “Nidu'uguty ja nmúdsipudu du'un tu 'yadu'atsy.” Ta ja myaduumbuty dyajtudu ja wyindsún: “¿Ti mdsejpy esús nujx n'axwijxu'aktu tadu axuu KPU ujts?” ²⁹ Es ja wyindsún 'yadsoojudu: “Kyaj, mut ko nujx yajwijxe'egy tadu axuu KPU ujts, pudu'ugup nandu'un tadu triigu. ³⁰ Nik mastu'utta. Wa'an dyoñ ti'igyu extu koonum myúkat ja triigu. Taanum ngáxtut es xyajpudu'aktut jawyiin ja axuu KPU ujts es xy'awuundut adsim'yam es yajno'kta'ayut. Es ok xypyajku'aktut ja triigu má ja ndrriigu tujkats.”

Mortás tuumt éxtumu ixpajtan

³¹ Jesús nandu'un tpujtáky jat'u'ugu tyadu ixpajtan:

—Ja tsajpótmudu kutujkan du'un éxtum tu'ugu mortás pajk ko tu'ugu ja'ay twujy kyamoty es tmaxnijepyy. ³² Tyadu tuumt byeen jyantsymyutsk'átyuty; per ko yeeky, waanu maj yoombéty éxtum mbaat ja joon juyujk ñaybye'eñuty má yu xye'endsyun.

Levaduuru éxtumu ixpajtan

³³ Nandu'un tpujtáky tyadu jat'u'ugu ixpajtan:

—Yu tsajpótmudu kutujkan du'un éxtum ja levaduuru di'ibu tu'ugu toxytyujk pyujtákyry má mayu arinu es ttuktij'yo'oy koonum ñaydyuktajkadya'ayuty.

Ti ko ja Jesús ya'uxpeky mudu ixpajtan

³⁴ Jesús t'anmaay tugekyu tyaađu ja ja'ayuty mudu ixpajt, es ni tii tkatukmamadyaky pun kyaj dyajtúñ ja ixpajtan. ³⁵ Tyaađu du'un jyajty es yajkuudyúnat éxtum ja Diosu kyugajxpu jyunáñ má tkuxjaay:

Nmugajxupts mudu ixpajtan,

n'anuumupts di'ibu tu 'yity ayu'udsyu extu má Dios ja naxwiñudu dyajkojy.

Jesús tkajxe'xy ja axuu KPU ujts éxtumu ixpajtan

³⁶ Ko ja ja'ayuty oj ñujxtaayñudu, ta ja Jesús tyujku tyugoty. Ta ñimiinudu ja 'yuxpujkruty es 'yanmaayudu:

—Tukjagyujkuduguts ja 'yijxpajtanu tadu axuk ujts ja'aygyamoty.

³⁷ Ta ja Jesús 'yanmaayudu:

—Di'ibu wyijpy ja oybyu triigu tuumt, yu'u du'un ja Naxwiñudu Ja'ayudyu Kyudunaabyu, ³⁸ es ja naxwiñudu ja'ayuty yu'u du'un ja kam. Ja oybyu tuumt ja'a du'un ja Diosu myaduumbuty, es ja axuk ujts ja'a du'un ja ka'oybyu myaduumbuty, ³⁹ es ja di'ibu wyijpy ja axuk ujts tuumt, yu'u du'un ja mujku'ugópk. Ja puja'taky ja'a 'yandijpy ko ja'ay yajpayo'oydyut, es di'ibu yajpudu'ktap ja puja'taky, ja'a du'un ja Diosu 'yánklusaty. ⁴⁰ Es du'un éxtum ja axuk ujts yajwijxmiky es yajpuja'taky juunoty es tyóyut, du'un nandu'un jyata'añ ja xuu ko ja naxwiñudu ja'ay yajpayo'oydyut. ⁴¹ Es uj ja Naxwiñudu Ja'ayudyu Kyudunaabyu, ngajxupts ja n'ánklusats es dyajjuga'aktut mádsu ngutujkan tugekyu di'ibu adáststap axuuk es di'ibu wiinkruty yajpekytyuundap. ⁴² Yajpuja'taga'andu má ja juun jorna má ja'ay jyun'uy ya'axtut es ñaydyutskaadudut mut ja ayo'on. ⁴³ Es net di'ibáty jiky'ajjtap éxtumu Dios tteeky, du'un nujx jyaj tyu'xtu éxtum ja xuu má yu Dios Teedyu kyutujkan. Di'ibu mudoodap, wa'an tjaygyúkuđu.

Ni'igu tsooxuty di'ibu yu'utsy éxtumu ixpajtan

⁴⁴ Yu tsajpótmudu kutujkan du'un éxtum ja meeñu tájubu. Ko tu'ugu ja'ay tpaaty, ta dyu'utsy nan jamu jatugok, es jyantsyxyón nujx tteeky tugekyu di'ibu myadajty jyagyeyjpy, es tjuuy tadu nax.

⁴⁵ O nandu'unu du'un ja tsajpótmudu kutujkan du'un éxtum tu'ugu ajuuy ado'kpu di'ibu 'yuxtaapy ja oyatypyu perlu; ⁴⁶ es ko tpaaty tu'uk di'ibu oydsyooxaty, ta nujx tteeky tugekyu di'ibu myadajty jyagyeyjpy, es tjuuy tadu perlu.

Ajxmajtsn éxtumu ixpajtan

⁴⁷ Nandu'unu du'un ja tsajpótmudu kutujkan éxtum tu'ugu ajxmajtsn. Ko yajkujabípu mejyñóty, ta tmatsy kanak naxu ajkx. ⁴⁸ Ko 'yútsut ja ajxmajtsn, ta ja ajxmajtspary

dyajpudsámdut pu'ujótm. Ta ñaxwaatstat es twimbíwdut ja ajkx, es trájku'agut ja oyatypyu katsyoty es t'axwájut di'ibu kyaj 'yóyuty. ⁴⁹ Du'un myina'añ ko ja'ay yajpayo'oydyut. Es myíndut ja ánkusuty es dya"abekyuya'añ di'ibu kyaj 'yoyjya'ayuty, es kyaj 'yok'ijnudut mat ja oyjya'ayuty. ⁵⁰ Ta trájta'agut ja axuk ja'aydyujk ma ja jorna yeeñ, ma ja'ay jyu'ny ya'axtat es ñaydyutskaadudut mat ja ayo'on.

Oyatypyu esu jembyu di'ibu pujke'eky ijtp

⁵¹ Net ja Jesús dyajtudu:

—¿Mjagyujkudup miidsuty tugekyu tyaađu?

Ta ja'ajuty 'yadsoodu:

—Njagyujkudupt Windsún.

⁵² Es ja Jesús 'yak'anmaayudu:

—Nidugekyu ja di'ibaty tsajptugóty ya'axpujktup di'ibuts tu xyñimindu éxtumdsu n'axpujkrú esuts ndukni'ixut ja tsajpótmadu kutujkan, yu'u du'un éxtumu kudajk di'ibu jyu'typy ma tu trájke'eky ja oyatypyu jembyu esu di'ibu tuuyap.

Jesús jam Nazaret

⁵³ Ko Jesús trájta'agay tyadu ixpajtan, ta oj jap tsooñ ⁵⁴ es jyajty ma ja kyu'amgajpn, es jap tyujku ya'axpujkrú tsajptugóty ma tadu kajpn. Es ja ja'ayuty du'ññ wyu'amudyaaydu, es jyu'anda:

—¿Maa dññ tyaađu tu tjaty nugoo yu wijy'ajtan, es wi'ixu du'un ko ttuñ ja muj'ajtan?

⁵⁵ Yu'adsu tyadu tsajspu myaank es ttaak'áty ja Mariu, es tmuaga'ax'áty ja Santya'agu, Josee, Simon esu Juudas, ⁵⁶ esu myuga'axtoxytyujkuty nan yaa tsyuñndu ma ndsajtam. ¿Maa dññ tyaađu tugekyu tu tjaty?

⁵⁷ Paaty kyaj tjatunandu kwentu. Esu Jesús 'yanmaayudu:

—Nidugekyu ja ja'ay twindsu'ugudu ja Diosu kyugajxpu, jamyu kyaj yajwindsu'ugu ma ñax jajpn es ma kyu'amdujk.

⁵⁸ Es kyaj nugoo ttuñ ja muj'ajtan jap, mat ko ja ja'ayuty kyaj myubujkudu.

14

Fwank Yajnbajtrú 'yeeky

¹ Ma tadu tiempu Eroodusu naty gobernadoor'ajtr Galilee. Ta tmudo y wi'ixu naty yajmadya'aky ja Jesús. ² Ta t'anmaaydu di'ibu naty jap muut:

—Taadu yu'u ja Fwank Yajnbajtrú. Tu jyikyryeeky ma tu 'yeeky, paaty tmudaty ja muk'ajtan es ttuñ tyadu muj'ajtan.

³ Pesu Eroodus tu naty t'ok'yajmajtsubu Fwank es tu t'ok'yajkuwu'anubu pujxndugóty ja aguyaxm ja myuga'ax Felipe ñudo'oxy, di'ibu xyu'ajtr Erodius. ⁴ Tu natyu Fwank t'ok'anmaary ja Eroodus:

—Kyaj ñigutikyuty es xymudátut éxtumu mñudo'oxyu.

⁵ Eroodus jyaya'oogán ja Fwank, per tsyu'ku ja ja'ayuty mat ko jyu'anda ko Fwank yu'ujuty ja Diosu kyugajxpu.

⁶ Es ma naty ja Eroodus yajmajtúñ ma dya"abety ja jyu'majt, ja Erodius ñuux oj tyuku ajtspu mayjya'awyindum. Es nugoo oj t'oktsojku ja Eroodus, ⁷ extu wyandak tmo'oya'añ otyim tiity di'ibu amdoop. ⁸ Net ja kiixy oj wyinma'añ myo'oyuty jawyiin ja tyaaq. Ta t'anmaary ja Eroodus:

—Meegyats palanganoty yu Fwank Yajnbajtrú kyubajk.

⁹ Mudu tyaađu oj ja rey Eroodus may tyajy. Es kom tu naty twanda'aky es tu tmudowdu ja jabye'xyuty, ta jyu'añ es yajmo'oyut. ¹⁰ Net tni'ana'amu es yajnihoodut ja kyubajku Fwank jap pujxndugóty. ¹¹ Net tmumiindu ma tu'ugu palanganu. Ta tmooydu ja kiixy, es ja kiixy ttukkudajku ja tyaaq.

¹² Net jyajttu di'ibaty ya'axpujktup ja Fwank. Ta dyajnjxudu ñini'x es oj dyajnaxtáku, es óknam oj t'awánudu ja Jesús.

Jesús dyajkáy nimugox mil naxy ja ja'ay

¹³ Ko Jesús tmudooy tyaađu, ta jap tso'oñ yu'nyu mudu 'yuxpujkruty ma tu'ugu barku es ñajxnu muj'ittum. Per ja ja'ayuty ñija'adu. Ta majaty kajpn tpadso'ondu tekyku'am. ¹⁴ Ko Jesús ttukpudseemy ja barku, ta t'ijxy ja mayjya'ay es tmudajty ja pa'ayo'on mat yu'ujuty, es dya"agudaky ja pa'am ja'ayuty di'ibu naty ja'ajuty myumiindap. ¹⁵ Es ko tsyu'ujnu, ta ja Jesús 'yuxpujkruty ñiimiindu es 'yanmaayudu:

—Tu tsyu'unu, es ni pán yaa kyatsunu ma tyadu it. Wa'an tñajxnu tyadu ja'ayuty, es najx tjuudyu kya'ay 'yukan ma wingombu kajpn.

¹⁶ Jesús t'anmaary:

—Oy kyanajxtat. Mo'oydu miidsu kya'ay 'yukan.

¹⁷ Ta ja'ajuty 'yadsoodu:

—Kyajts ti may nmadattu, je'eyu mugoxku tsajkaagyu'unk es majtsku ajkxu'unk.

¹⁸ Ta Jesús t'anmaaydyu:

—Yajmíndu yaa.

¹⁹ Ta tni'ana'am es ja ja'ayuty ñaxwaatstat maaóty. Net tkone'ky ja mugoxkpu tsajkaagyu'unk es ja majtskpu ajkxu'unk, es pyat'ijxy tsajpótm. Ta jyanáñ:

—Nja'aygyudákyryuts mij Tatitu'unk.

Ta tuukwa'xy ja tsajkaaky es tmooydu ja 'yuxpukpudy, es ja'ajuty dyajwa'xtu ma ja mayja'ayun. ²⁰ Nidugekyu kyaaydaaydu jotkuda'aky. Es óknam dyajmujkta majmajtsk katsy ja tsajkaaky tyuktuk di'ibu nadajku. ²¹ Ja'a da'un kyaaydu mugoxk milu yedyujk, es kyaj ndukpuwíjtsam ja toxytyujk esu ana'ku'unguty.

Jesús yo'oy nuu wyingujxy

²² Net Jesús dyajtjukudu ja 'yuxpukpudy barkoty es 'yawinnáxtat ma ja mejyu, es ja Jesús 'yakwe'emuy mat ja mayja'ay, ñayjyugajxanu. ²³ Ko Jesús ñayjyugajxtaay, ta pyatjukú naydyi'igyu ma tu'ugu korp es tkajxta'aga'añ. Ko oj kyoodsanu, nadyi'igyu naty jam.

²⁴ Ko naty ja barku ñijxnu mejyñgyujk'am, ja barku jyantsywyépyuty ja mejyñ ko ñikapy, mat ko ja poj xidsoo yadsoo jyantsymyíñ ma ya'ujaty. ²⁵ Móñamu Jesús mywíngoonudu ya'ujaty, tyu'uyo'oy nuu wingujxy. ²⁶ Ko ja 'yuxpukpudy 'yijxudu tyu'uyo'oy nuu wingujxy, ta tsu'kudu, es yaxkaktu mada tsu'ugu:

—i'yu'a da'un tu'ugu ijxma'tun!

²⁷ Esu Jesús myugajxu, es 'yanmaayun:

—jotmuktá'aktu! Ujtsu da'un. Katu mdsu'ugudu.

²⁸ Ta ja Peedru myugajxu es 'yanmaayun:

—Windsán, pán mijtsu da'un, yajnuxkats nuu wingujxy extu ma mijun.

²⁹ Esu Jesús 'yanmaayun:

—Pes min.

Ta ja Peedru ttukjanajky ja barku es ñejxy ye'epy nuu wingujxy jadsoo ma natyu Jesús. ³⁰ Es ko ñaygyujamyajtsu mat ja myuk'ajtunu poj, ta tsu'ku es oga'an kyinannu. Ta yaxkeky: —Yajtsókats, Windsán.

³¹ Netyu Jesús tku'amumajtsu, es t'anmaay:

—jTim waanu je'eyu xymyudaty ja mubjukun! ¿Ti ko tu xkykamubeky?

³² Ko ya'ujaty tyujkudu ma ja barku, ta myo'ty ja poj. ³³ Net ja di'ibu naty jápudy barkoty t'awdajttu ja Jesús, es t'anmaaydyu:

—jantsy táy'ajtandamu da'un ko mij ja Dios m'U'unk'átyuty!

Jesús dya'aguda'aky ja puma'ayuty jap Jenesaret

³⁴ Tninajxtu ja mejyñ es jyajttu ma Jenesaret ñaxóty. ³⁵ Ko ja ja'ayuty di'ibu jap tsanaaydyup t'uxkajttu ja Jesús, ta tjantsymyadyaagudijttu ma tugekyu tadu naxwíñudu. Ta dyajmiindu ja puma'ayuty ma natyu Jesús, ³⁶ es tmanu'xtá'aktu es tna'ixat es ojyie'eyu pyáxudu wyit pa'a; es nidugekyu di'ibu oj tyónudu, agudaktu.

15

Di'ibu ja'ay ya'adútsup axuuk

¹ Net tmawíngoondu ja Jesús naagudyu fariseeuty es ja di'ibuty tsajptugóty ya'uxpukpudy. Jamu naty tu tsooindu ma yu Jerusalén kajpn. Ta dyajtuudu:

² —¿Ti ko yu m'uxpukpudy tkakuydundu ja kyostúmbradyu n'aptujk'ajtam?, ja'a ko kyaj yajxón trujtu ky'u jawyiin ma kyaya'andu.

³ Es ja Jesús 'yadsoojumbijtu:

—¿Es ti ko nandu'un miits xkyakuydundu ja Diosu 'yana'amun es xypyadúndat ja mgu'umgostúmbraty? ⁴ Mat ko Dios jyanáñ: “Mwindsu'ugup ja mdaak mdeety”, es “ja di'ibu kyajxpejkypy yu tyeety o yu tyaak, oogup yu'u.” ⁵ Es miits mjanándup ko tu'ugu ja'ay mbaat t'anamu yu tyaak tyeety: “Kyaj mbaat nbuduku, mat ko tats ndukwindsu'ugu Dios tugekyu di'ibuts nmudajtypy es mbudákuxyup.” ⁶ Es oytyim pánuty di'ibu da'un junaamp, kyaj ñakysyékuyty ja tyaak tyeety tpuúkat. Du'un miidsuty tu xymyastu'uttu éxtam ni ti tkatsooty ja Diosu 'yana'amun es xy'akpaduna'andu ja mgu'umgostúmbraty. ⁷ Miidsuty di'ibu nay'andjjudup es jyiky'attu táy'ajtan muut, yajxón tjamadyaky ja Diosu kyugajxpu Isaiiu éxtamu da'un miidsuty ko tkuxjaay:

⁸ Tyadu ja'ay xywyindsu'kupts wingu'uy agu'uy, per ja jyot wyinma'añ jagam 'yity ma wjan.

⁹ Ni ti tkatsooty ko ñaybyujta'agudu es xyja'awdátats.

Ja 'yuxpukpudy yu'uy da'un ja ja'ay 'yana'amun.

¹⁰ Es ta ja ja'ay dyáxudu es t'anmaaydyu:

—Mudowdu es jaygyukudu. ¹¹ Di'ibu tukap aajoty, kyaj yu'adyu ja'ay ya'adu'adsyuty axuk. Ja'a du'an ja ja'ay ya'adatsap axuk di'ibu pudsump aajoty.

¹² Net ja 'yuxpukpudy niniinudu es 'yanmaayudu:

—¿Mnija'ap ko yu fariseeuty tu 'yakudu ko tu mudoy ko du'an tu muna'añ?

¹³ Es ja Jesús 'yadsooy:

—Oytyim di'ibudyu kepy di'ibuts ja nDeedyats di'ibu jam tsajpótm kyaj tu tkojy, ya'axwixu'kp 'yaadsoty. ¹⁴ Mastu'utta. Wiindsudyu. Wa'an twijts'yo'oyudu jatu'ugu wiints. Es pan tu'ugu wiints wyijts'ye'epy ja myuwiints, nimajtsk kyunáxtat ma tu'ugu jut.

¹⁵ Ta yu Peedru t'anmaay ja Jesús:

—Tukjaygyukuduguts yu tyadu iixprajtun.

¹⁶ Ta Jesús 'yanmaayudu:

—¿Nan kyajru miits xyjaygyukudu? ¹⁷ ¿Tii kyaj xyjaygyukudu ko di'ibu najxp aajoty, jar kyada'aky jodoty es óknum ñaxy? ¹⁸ Per di'ibu pudsump aajoty, yu'u dun miimp jodoty winma'añoty, esu tyaadu du'an di'ibu axuk ya'adatsypy ja ja'ay. ¹⁹ Mut ko jodoty winma'añoty du'an pyadsemy yu axuk winma'añ, yu yajja'ay'o'k, ko yu ja'ay dyajtgóy ja puk úkunu wyindsu'kun, yu ma'induunk, yu ma'tsk, yu andakan es yu ni'o'o niyáxuk. ²⁰ Tyaadudyu du'an ya'adatsypy axuk ja ja'ayuty, per ko nga'ayam, oy ngakubúmba, kyaj ja'ay dya'axuugu.

Toxytyjk kyaj yisraelítuty tmabeky ja Jesús

²¹ Ta tso'of ja Jesús jar es oj ñejoy wingón ma Tiru kajrn esu Sidón kajrn. ²² Es tu'ugu kananeu toxytyjk di'ibu tsunaary ma tadu naxwifudu, tniimiñ ja Jesús, es tmagajxy jantsy muk:

—iWindsún, tyuamp 'yaats ja Davit, pa'ayooguts uj mij! Yu nnuaxuts myudajtypy ja ka'oybyu es nugoo 'yoktsaatsyjajnu.

²³ Esu Jesús kyaj ni wi'ix kya'adsooy. Net ja 'yuxpukpudy niniinudu, es myanu'xtákudu:

—Anumu tadu toxytyjk wa'an tnejxy, ja'a ko yax jokp xurpami'inun.

²⁴ Jesús t'adsooy ja 'yuxpukpudy:

—Ja Dióuts tu xkyeju jaayn ma yu tugooybu borreeguty ma yu naxwifudu Israel.

²⁵ Es ja toxytyjk myuwingoonu es ñaygoxtunaaydyaku Jesús wyindum, es t'anumu:

—iWindsún, pudujkuguts!

²⁶ Esu Jesús 'yadsooy:

—Kyaj 'yóyuty esu u'unk aná'k nbujkam ja tsajkaaky es nmo'oyum ja úkuty.

²⁷ Ta ja toxytyjk 'yadsooy:

—Tuy'ajtunu'u, Windsún. Per ja uk kyaadyup ja tsajkaakywyáy di'ibu ka'ap ma ja wyindsunu myeesu.

²⁸ Net ja Jesús jyanáñ:

—iByeen jyantsymyáuty ja mmabujkan! Wa'an dyajkuydyún di'ibu mij mdsejpy.

Nety ja ñux 'yagudaky.

Jesús dya'agada'aky may ja puma'ayuty

²⁹ Ta Jesús tso'of jar es ñajxy ma yu Galileu Myejyñbya'a. Ta pyatjku ma tu'ugu kopk. Jam ñaxwe'tsy. ³⁰ May ja ja'ayuty oj ñejoy ma yu'u naty, es oj tmanujxtu axneybyu, wiints, uumuty, kutúkruty, es mayu wiinkruty ja pa'am ja'ayuty. Jar tprjaktu Jesús tyeky'ujxy es yu'u dya'agudaky. ³¹ Es du'ñu ja ja'ayuty wya'umadyaadyu ko t'ijxtu ko ja uumuty kajxtap, ja axneybyu ye'epy, ja kutukru wye'emy jatugoku ky'u'u yajxón, es ja wiindsuty ijxtap. Ta t'awdattu Dios.

Jesús dyajkáy nimajtáx mil naxy ja ja'ayuty

³² Net ja Jesús dyáxudu ja 'yuxpukpudy, es t'anmaayudu:

—Nmudajtypyts ja pa'ayo'on mudu tyadu ja'ayuty, mut ko tu 'yijnudu tuguk xu ja yaa mut uj es kyaj tudattu ti 'yokja'x 'yokpáktap. Kyajts ngaxa'añ ayuu ma yu tyujkuty, éxkam muum du'ñu 'yokkudaagnudu tu'aay.

³³ Net ja 'yuxpukpudy 'yanmaayudu:

—¿Per wi'ix mbaat nbátun ja kya'ay 'yúkanu tyadu mayjya'ay? Ma tyadu it kyaj pán tsyunu.

³⁴ Ta Jesús 'yadsooy:

—¿Naak xymudattu tsajkaaky?

Ta ja'ajuty 'yadsood:

—Juxtujk, es naagudyu ajkxu'unk.

³⁵ Ta tni'ana'amu es ja ja'ayuty ñaxwaatstat naxkujxy. ³⁶ Ta tkone'ky ja juxtujkru tsajkaaky es ja ajkxu'unk. Ta tja'aygyudáky ja Dios. Net ttujkwa'xy ja tsajkaaky es ttuknuku ja ajkx, es tmooy ja 'yuxpukpudy es dyajwa'xat ma ja mayjya'ayuty. ³⁷ Nidugekyu kyaay

'yuktu jotkada'aky, es dyajmujktu juxtujk katsy ja naduku. ³⁸ Di'ibu kaay uktu ja'a wyinaty nimajtaxk milu yedyujk, es kyaj yajmadsyóy ja una'ku'unk es ja toxytyujkuty. ³⁹ Ta ja Jesús ñajyugajxnu, es tyujknu ma ja barku es oj ñujxnu ma yu Magdalu it.

16

Fariseeuty es saduseeuty t'amdowdu tu'ugu muj'ajtun

¹ Ja fariseeuty es ja saduseeuty oj tnujxtu Jesús es t'ixa'andu wi'ix t'ok'yajka'adut. Ta t'amdoodu es tyuk'ixadut tu'ugu ijxwu'amunu mujpu di'ibu tsajpótm. ² Es ja Jesús 'yadsooy:

—Ko tsyu'uju miits mjuna'andu: “Poju'ugaamp bom. Ix tsaptsu tsajp.” ³ Es jépyup mjuna'andu: “Tyam kyaj pyoju'uga'añ. Ix tsaptsu tsajp es mudu yoots.” Mnija'adup xyajnikajtat ja tiempu tsajpótmudu, ¿wi'ix xykyanijáwudu xyajnikajtat di'ibu tuun jajtp ma tyadu tiempu? ⁴ Ja pojpu ja'ayuty di'ibuty myastúttap ja Dios, 'yamdoodup tu'ugu ijxwu'amun di'ibu myadajtypu ja muj'ajtun, per kyaj yajtuk'ixa'andu wiinkpu ijxwu'amun, yu'uyu du'an ja jya'aju Jonás.

Ta Jesús tmastuty, es oj ñejxy.

Fariseeudyu 'uxprijkun

⁵ Ko ja Jesús mut ja 'uxprijkputy tyujkudu barkoty es 'yawinnaxa'andu ma ja mejyñ, jya'aydyugoodyu 'uxprijkputy dyajnujxtut ja tsajkaaky. ⁶ Net ja Jesús t'anmaaydyu ja 'uxprijkputy:

—Jaygyúkudu, mnaaygywentu'átudup mut ja lyevaduuru fariseeuty esu saduseeuty.

⁷ Net ja 'uxprijkputy ñajyuanánu ak yu'ujuty:

—Ja'a du'an mut ko kyaj tu njamyajtsun nyajmi'inum ja tsajkaaky.

⁸ Jesús ñija'ap wi'ix ja'a ñajyuna'anudu, ta t'anmaaydyu:

—¿Ti ko mjuna'andu ko kyaj xymyudattu tsajkaaky? ¡Waandi'knu mabujkun xymyudattu miidsuty! ⁹ ¿Kyajnum xyjaygyúkudu, ni xykyaajamyátstunum ja mugoxkpu tsajkaaky di'ibuts nyajwa'x ma nimugoxk milu ja'ayuty, es naak katsy xy'ak'yajmujktu? ¹⁰ ¿Ni xykyaajamy-atstu ja juxtujkpu tsajkaaky di'ibuts nyajwa'x ma yu nimajtaxk milbu ja'ayuty, es naak katsy xy'ak'yajmujktu? ¹¹ ¿Wi'ixu du'an ko miidsuty kyaj xymywinma'añbyaattu ko uj kyajts yu'ujuty nmadya'aky ja tsajkaaky ko t'anmaaydyu es mnaaygywentu'átudut mut ja lyevaduuru ja fariseeuty es ja saduseeuty?

¹² Net tjaygyujkudu ko Jesús yu'u naty myadyakypy ja fariseeudyu 'uxprijkun esu saduseeudyu 'uxprijkun.

Peedru tñigajxy ko Jesús ja'a ja Kristu

¹³ Ko jap tsoyo'ñ ja Jesús, es jyajty Sesareeu Filipu ñaxóty. Ko jap jyajttu, ta ja Jesús dyajttuudu ja 'uxprijkputy:

—¿Wi'ix ja ja'ayuty jyuna'andu mut uj, ja Naxwiñudu Ja'ayudyu Kyudunaabyu?

¹⁴ Ja 'uxprijkputy 'yadsoojudu:

—Naaguty jyuna'andu ko mij mja'ajuty ja Fwank Yajnuabajtpu. Naaguty jyuna'andu ko m'Eliisuty, es janándup ja wiinkputy ko mijtsu du'an ja Jeremias o jatu'ugu wiinkpu Diosu kyugajxpu.

¹⁵ Ta ja Jesús dyajttuudu ja 'uxprijkputy:

—Es miidsuty, ¿wi'ix mjuna'andu, pándsu dun uj?

¹⁶ Netu Simonk Peedru 'yanmaayu:

—Mijtsu du'an ja Kristu, ja Diosu 'yU'unk.

¹⁷ Net ja Jesús 'yadsooy:

—Kuni'xy mij, Simonk, Jonasu 'yu'unk, mut ko ni pán tu mgatuk'íxyudyu tyaadu, yu'uyu du'anu nDeedyuts di'ibu ijtp tsajpótm. ¹⁸ Mijtsu du'an Peedru (di'ibu 'yandijpy tsaa). Du'an mijts extum ja tsaa ma tu'ugu tujk tsyonda'aky. Mijtskyujxm may ja ja'ay xymyubáktudats, es ni ja o'kan tkamumada'agut ja ja'ayuty di'ibuts xymyubáktup. ¹⁹ Eñtsats mij nmo'oyup ja tsajpótmudu 'yawatsn ma Dios yajkutíky. Di'ibu mij m'awi'impuy ja naxwiñ, nandu'an ya'awuñup tsajpótm; es di'ibu mij m'agejpy ya naxwiñ, nan ya'agajup tsajpótm.

²⁰ Net ja Jesús ttuknipujktu ja 'uxprijkputy es kadiibu pán t'anumut ko yu'u du'an ja Kristu.

Jesús tñigajxy ja 'yo'kun

²¹ Es net oga'an ja Jesús t'awa'anudu ja 'uxprijkputy ko tsojkup yu'u ñujxtu Jerusalén, es ko kanak peky ya'ayowa'anudu yu mujja'aydyujkuty esu teedywyindsunuty es ja di'ibuty tsajptugóty ya'uxprijktup. Ya'anmaaydyu extu ko ja'ay ya'ooga'anudu, per ko tyugukxabátut jiyikpyuka'añ. ²² Net ja Peedru dyajnejxy wiink tsoo ja Jesús, es t'oooy. Ta t'anmaay:

—Nindsun'ajtam, ini tkatsókat ja Dios, es ni na'a du'an mgajátut!

²³ Es ja Jesús wya'kumbijty es t'anmaay ja Peedru:

—iNikákuts mij, mujku'ugópk Satanás! Je'eyats mij xy'adsipy. Mij kyaj mwinmay éxtamu Dios, je'eyu du'un éxtamu ja'ayaty.

²⁴ Net ja Jesús t'anmaay ja 'yuxpjkpúty:

—Pún jaats pún xpyanuxa'añ, tsojkap tmastu'udut ja kyu'am winma'añ es jyiky'átut éxtam tu'ugu ja'ay di'ibu pyagiipy ja kyruuz ko 'yo'kun tninejxy, esuts xpyatsoonat. ²⁵ Mut ko di'ibu jiky'ataamp mudu kyu'am winma'añ, du'ambu ja'ay yajtugeeipy ja jyiky'ajtan, per di'ibu jiky'ataamp éxtamts uj ndukni'ixu, du'ambu ja'ay kyaj dyajtagóy ja jyiky'ajtan. ²⁶ ¿Ti tyimpatypu tadu ja'ay, oy tjaniwindsun'ajtrú tugekyu naxwiñudu, pún yajtugeeipy ja jyiky'ajtan ma Dios? ¿O ti mbaat ja ja'ay dyaky es kya"ayówat winu xuu winu tiempu? ²⁷ Mut ko uj, ja Naxwiñudu Ja'ayudyu Kyudunaabyu, nmina'añats mut ja myuj'ajtanudsu nDeety es mudu 'yánklusaty, es nétats nmo'odyut éxtam nidu'uk nidu'uk tu 'yadu'utstu. ²⁸ Tuy'ajtan n'anumudu ko ta yaa naagaty di'ibu kyaj 'yooktat maanum tka'ixy uj, ja Naxwiñudu Ja'ayudyu Kyudunaabyu, kots nmínat yajkutujkrú.

17

Jesús tyugatsy

¹ Ko tudujk xuu ñajxy, ta ja Jesús dyajnejxy ja Peedru, Santya'agu esu Fwank, myuga'axu Santya'agu, es pyatákudu ma tu'ugu kopku kujxmbu. ² Es jam ja Jesús tyugajtsy éxtamu du'un yu'u. Yu wyiin jyujp jyantsytye'xy éxtam ja xuu, es ja wyit tyugajtsy poop éxtam ja jajun. ³ Es ti'in yu'ujaty t'ijxtu ja Moisés esu Eliiis myadya'aktu mudu Jesús. ⁴ Net ja Peedru t'anmaay ja Jesús:

—Windsún, joy ko udsajtam nyaa'ajtam! Pún mdsejpy, n'ok'ya'óyudats tuguuu uxkuda'ak tujk, tu'uk mij mja'a, tu'ugu Moisés jya'a es jatu'uk tja'a'átut ja Eliiis.

⁵ Maanum naty ja Peedru 'yakkajxy, tu'ugu yoots jantsy ta'xp 'yabijttu, es ma ja yoots yajmudooy ko jyana'añ:

—Tyaadudsu du'un ja n'U'ungats di'ibats uj njantsyseyeipy es di'ibats uj muut njotkujku. jMumadowdu yu'u!

⁶ Ko tyaadu tmadoodu ja uxpjkpúty, ta ñayjyupudu naxkujxy es jyantsytsyu'kudu. ⁷ Net ja Jesús ñimiuudu ja'ajaty, ñinaxkuxájudu, es 'yanmaayy:

—iPudu'aktu! ¡Katu mdsu'ugudu!

⁸ Es ko 'yijxu'ktu, kyaj tnaky'ijxtu ni pún, yu'ayu ja Jesús naydyi'igyu.

⁹ Ko naty jam wyinjnaktu ma ja kopk, ta ja Jesús tyukniupjukudu:

—¡Katu pún xtyukmadya'agyu tyaadu di'ibu tu xy'ixtu extu koonum uj, ja Naxwiñudu Ja'ayudyu Kyudunaabyu, naty tu njikypyeky madsu naty tu n'eeky!

¹⁰ Net ja uxpjkpúty dyajtuudu ja Jesús:

—¿Es ti ko jyana'andu di'ibaty tsajptagóty ya'uxpjkpúty ko koonum Eliiis myina'añ jawyiin?

¹¹ Jesús 'yadsooy:

—Tuy'ajtanu'u ko Eliiis miimp jawyiin es dya'oyu'a'añ tugekyu. ¹² Per uj n'anmaaydyup miits ko Eliiis tu myiñ, es ja ja'ayaty kyaj 'yuxkajpudu. Yu'ayu tyuundu mut yu'u di'ibu yu'u tsyojktu. Du'un nandu'un uj, ja Naxwiñudu Ja'ayudyu Kyudunaabyu, xya"ayowa'andats yu'ujaty.

¹³ Net ja 'yuxpjkpúty tmawinma'añbyattu ko Jesús yu'u naty myadyakypy ko ja Fwank Yajjubajtrú yu'u du'un ja Eliiis.

Jesús dya"aguda'aky tu'ugu mixy di'ibu ka'oybyu myudajtypy

¹⁴ Ko jyajttu ma naty ja ja'ayaty, ta ja Jesús ñimujwa'ku tu'ugu yedyujk, es ñaygoxtnaaydyáku wyindum, es 'yanmaayy:

¹⁵ —Windsún, pa"ayówats ja n'u'unuk, éxtam dyajnáxy ja ayo'on ko myo'oty. Kanak ok jyangujubipy es kanak ok ñangujubipy. ¹⁶ Tyaats tu njayajmíñ ma yu m'uxpjkpúty, per kyaj tu tmamad'a'aktu dya"aguda'agut.

¹⁷ Ta ja Jesús 'yadsooy:

—¿Extu mabaatnams n'akmumada'agudats yu ja'ayaty di'ibu kyaj jyiky'attu éxtam jy-atsékyaty es kyaj Dios tmabaktu? Yajmín ja yaa ja mixyu'unuk.

¹⁸ Net ja Jesús t'oobadseemy ja ka'oybyu ma ja mixy. Ta netyu 'yagudaky.

¹⁹ Oknum ja uxpjkpúty myadyaktu mut ja Jesús wiink tsoo, es dyajtuudu:

—¿Ti kots udsaty tu ngamumada'aktu nyajpudsámudats ja ka'oybyu?

²⁰ Jesús oj 'yadsówudu:

—Mut kooxyup miits xymyudattu waandi'knu yu mmubujkunaty. Tuy'ajtan n'anumudu kooxyup xymyudattu ja mubujkun, oy du'unan je'eyu éxtamu mortás pajk, m'anmaapxyup miidsaty tyadu kopk: “Juga'ak yaa es nuix wiink tsoo”, es jugákrxyup. Ni ti di'ibu kyaj

m'o'oyxyudat ko xymyudattu ja mubajkan. ²¹ Tyaadu da'ambu ka'oybuu, ya'ayu maut pyudsemy ko n'ayu'ajtam es ko ngajxtakam.

Jesús tnigajxy mymajtsk ok ja 'yo'kun

²² Maanamu naty 'yajakudittu ti'igyu ma yu ñaxwíñudu Galileeu, Jesús t'anmaaydyu: —Yu Naxwíñudu ja'ayudyu Kyudunaabyu yajtukkadukaya'añ ja ja'ayuty di'ibu kyaj kyurákudu, ²³ es dya'ooga'andu, es ko tyugukxabátut, jyikyryuka'añ.

Ko du'an oj ya'anamudu, ta oj jyantsjyotmaybyaktu.

Tsajptajk kugubajtan

²⁴ Es ko Jesús es ja 'yuxpajkruty jyajttu Kafarnaum, ja di'ibu yajkugubajttur ma ja muj tsajptajk oj tñinajxtu ja Peedru, es dyajtudu:

—¿Ti kyaj t'ayakut miidsadyu mwindsán ja tsajptajk meen?

²⁵ Peedru 'yadsooy:

—¿Ti ko kadii!

Es ko Peedru tyujku tugoty, ta Jesús oj jawyiin jyana'añ:

—¿Wi'ix mjuna'añ, Simonk? ¿Pán yajtukkabajtr ja ayaku ja réyuty, ja jya'ayuty, o yu wiink ja'ayuty?

²⁶ Peedru 'yadsooy:

—Yu wiink ja'ayuty.

Jesús 'yadsooy:

—Punu du'an, ja jya'ayuty kyaj kyubety. ²⁷ Per kadiibu nmadugo'oyam ni pán, ñujx ma yu mejyñ es xyúyut ja ajkx. Es di'ibu jawyiin mxiirp, 'yaajóty xuryaadat tu'ugu meen di'ibu mbaat maut xkyubajtta'ay ja mgugubety es ja nja'ats. Es ñujx xkyubety.

18

Pun ni'igu muj

¹ Ma tyaadu du'an jyajty, ja 'yuxpajkrudyu Jesús ñimiinudu es yajtudu:

—¿Pán ma udsaty waanu muj tsajpótm?

² Net ja Jesús dyaxu tu'ugu ana'ku'unk, es tpujtáky kujk'am ma ja 'yuxpajkruty, ³ es t'anmaaydyu:

—Tyu'ajtan n'anamudu, pun miidsaty kyaj mdugatstu es mjambítut éxtamu tyadu ana'ku'unk, kyaj mdákat ma ja tsajpótmudu kutujkan. ⁴ Es du'an di'ibu ni'igu myudajtypy ja muj'ajtanu tsajpótmudu, ya'ayu du'an di'ibu yuunk náxuryur es jyambity éxtamu tyadu ana'ku'unk. ⁵ Es ja ja'ay di'ibu 'yaxájur maduds nxuugyujxm tu'ugu ana'ku'unk éxtamu tyaadu, nan xy'axájurts uj.

Puroobuty ko pekyoty nyajka'am ja wiink ja'ay

⁶ Es pun ja pán dyajpekykya'ay nidu'ugu tyadu ana'ku'unk di'ibuts uj xymyubajkr, waanu oy pyudsu'amxaty yu'u kooxyur yajtuk'yo'kmawannu tu'ugu muj paan es yajkujubijpnáxat mejyñóty. ⁷ Puroobu naxwíñudu ja'ay, ja'a ko may di'ibu yajpekytyuump! Du'ñum jyaat'añ, per juroobu tadu ja'ay di'ibu wiinkru yajpekytyuumpy! ⁸ Paaty pun myajpekytyuunur tu'ugu mgu'u o tu'ugu mdeky, niboot es uxjwip jagam. Waanu oy ko mnajxat tsajpótm ma ja jiky'ajtanu winu xuu winu tiempu, éxtam mbaat njana'anum kutuk o tekytyuk, es kadiinam ko myajpajta'agut ma ayoodákn mut majtsk adu'umadyu mgu'u mdeky. ⁹ Es pun myajpekytyuunur tu'ugu mwiin, juut es axka'ats.* Waanu oy ko mnajxat tsajpótm ma ja jiky'ajtanu winu xuu winu tiempu, éxtam mbaat njana'anum mut tuk adu'um je'euy mwiin es kadiinam ko myajpajta'agut ma ayoodákn mut majtsk adu'umadyu mwiin.

Borreegu di'ibu tgyoy jxrajtan

¹⁰ 'Katu xy'axtijy ni tu'ugu tyadu ana'ku'unk. Pes n'anamudu ko jam tsajpótm ja ánklausy wyin'ijxtandur ja nDeedyuts tsajpótmudu. ¹¹ Mut ko uj, ja Naxwíñudu ja'ayudyu Kyudunaabyu, ta nmíñuts esuts nyajnitso'oga'añ di'ibu naty tu tyugoy.

¹² 'N'okrajtakam pun ja pán tmudaty mugó'pxu byorreegu es 'yux'yo'oy tu'uk, ¿ti kyaj dyajwu'amut yu tadu majta'px majmócx majtáxku jamu ujtsóty, es ñujx t'axta'ay tadu tu'ukru? ¹³ Es pun pyatypy, tyu'ajtanuts nmudaty ko xonda'agur ni'igu mudu tadu tu'ukru kadiinam mudu tadu majta'px majmócx majtáxku di'ibu kyaj tu 'yux'yo'oy. ¹⁴ Es nandu'anu du'an yu mDeedyuty di'ibu ijtr tsajpótm, kyaj ttseky tyugóyut ni tu'ugu tyadu ana'ku'ungaty.

Wi'ix nmugu'ugy peky mye'xyuty

¹⁵ 'Pun yu nmugu'uk nmudugooyp, madya'ak maut nimajtskyu, es tukmamadya'ak di'ibu tu mdukmuduundugóyuty. Pun mjaygyujkxur, tu dan oy mwe'emy mut ja mmugu'uk.

* **18:9** Xtyuk'ijxamu Jesús ko di'ibu xyajpekytyu'unam, yu'u jot winma'añ, es kyaj ya'udyu ku'u, teky, es ni yu'u wiin. Ix Matewu 15:17-20

16 Pæn kyaj mjaygyúkaty, manæjx tu'uk o majtsk di'ibu myudówdap, es da'un tugekyu ja h'ænæn yajtukmadya'agut wi'ix jyna'andu ja majtskpu o tugekpu di'ibu naty tu tmdoo'ittu. 17 Es pæn nan ni yu'h tkamæmædoy es tjaygyúkat, anæmædu ja mæmæbjkpatujk ma ñaymyúkadu. Es pæn kyaj tjaygyuku, wa'an da'un ñáxat éxtam tu'uk di'ibu kyaj tmdbeky ja Dios o éxtamu yajkugubajtræ. 18 Tay'ajtæn n'anæmædu ko di'ibu miits m'awu'andap ya naxwiin, ya'awænap nandu'un tsajpótm, es di'ibu miits m'agajtæp yæ naxwiin, ya'agájæp nandu'un tsajpótm.

19 'Nandu'unu da'un pæn yæ naxwiin nimajtsk miits xyajti'igyudu m'ayuk es xy'amdowa'añ oytyiity, nmo'oyudubæ'u ja nDeedyats di'ibu jam tsajpótm. 20 Mæt ko ma nimajtsk o nidægnæk mnaymyúkadu es xy'awdátts, jámæts æj n'ity kujk'am ma miidsaty.

21 Net ja Peedræ oj dyajtáy ja Jesús:

—Windsún, ¿extu naak ókats nma'xat ja pyojpæ yæ nmægu'ugæts kots æj xymyæduundægóy xymyægjæxtægóy? ¿Extu jæxtujk oku?

22 Jesús oj 'yadsóyaty:

—Kyajts njana'añ ko extu jæxtujk ok, ja'a da'un extu jæxtujk ok tægu'px majkpa.

Tuumbu di'ibu kyaj ja myumæduumbu mye'xyuty

23 'Es mæt yæ'ugyæjxm tadu naymya'xu n'okpajtákam tu'ugu ijxpajtæn. Ja tsajpótmædu kutujkan ja'a da'un éxtam tu'ugu rey di'ibu jyaya'oyayæn yæ kywentu mædu tyuumbæty. 24 Ko naty ttuundsonda'aky ja kwentu, net yajtuknimiin tu'uk di'ibu myæni'xy'ajtypy majtsk mil jæmjæt naxy niduunk. 25 Ja'a ko ja tyuumbu kyaj tmdæty ti mæat dya'adúkat ja ñi'xy, ta ja wyindsún oj ñi'ana'amæty es yajtoogæt, ti'igyæ mæt ja ñudo'oxy, ja 'yu'ungæty es tugekyu tijaty myudajtypy, es da'un 'yadúkat ja ni'xy. 26 Net ja mæduumbu ñaygyoxtænaagydyáku wyindsún winduuy, es tmænu'xtáku: “Windsún, mædat ja ma'xtujkan mæt æj es nmægubátæp tugekyu.” 27 Ja wyindsún pya'ayooyæ es mya'xu ko tkamægnæty. Ta oj yajnasmátsu.

28 'Per ko pyædseemy ja mæduumbu, net tpaty jatu'ugu myæmæduumbu di'ibu naty yu'h kamægabajtæp mægo'px xæu niduunk. Ta dyo'kmæmajtsæ es dyo'krépæ, es t'anæmæ: “¿Kæbat di'ibæts xykyameepy?” 29 Net ja myæmæduumbu wyingoxtnæagydyáku, es myænu'xtáku: “Mædat ja pa'ayo'on mæt æj es nmægubátæp tugekyu.” 30 Es ja myæni'xy kyaj oj myæma'xtúkyaty, nik ni'igu oj dyajtsímæty extu ko tkæbatæt ja ñi'xy.

31 'Ko ja wiinkpædyæ myæmæduumbu t'ijxtu tyæadu, net byeen oj tjæwædu es oj ttukmæmadya'áktu ja wyindsún tugekyu éxtamu naty tu jyaty. 32 Net ja windsún oj dya-jwóyaty ja tyuumbu, es t'anmaay: “¿Axæk mæduumbu, kyaj oy tu mduñ! Új tats mij nme'xy tugekyu yæ mni'xy mæt ko tu xymyænu'xta'agyæts. 33 Mij nan mbæatxyæp tu xymyæma'xtíky ja mæmæduumbu, éxtamts æj mij tu nba'ayooy.” 34 Ta ja windsún jyantsjyot'ambejky, es tni'ana'amæ es yajtædyúnæt extu ko tkæbatjtæ'ayut tugekyu di'ibu kyayajkpyy.

35 Esu Jesús 'yakjænán:

—Du'un nandu'unæts ja nDeedyats ttuna'añ mæt miidsaty pæn kyaj nidu'uk nidu'uk mnaymya'xædu mæt winu mjot.

19

Kasqadu ja'ayuty ñaymyastu'ududu

1 Ko Jesús yæ tyæadu tmdyaktæy, ta oj tsooñ Galileæ es jyajty Judeæ ñæaxóty di'ibu ijtp jadsoo ma yæ xæu pyædseemy, ma yæ Jordán mujnæba'a. 2 May ja ja'ayuty oj pyanæjxædu, es jar dya'agudaky ja puma'ayuty.

3 Net naagædyæ fariseæty tniimiindu ja Jesús es t'ixa'andu wi'ix t'ok'yajka'adut. Ta dyajtædu:

—¿Ti mbaat ñaywya'xyuty tu'ugu yedyujk mædu ñudo'oxy mæt oytyi winma'æñaty?

4 Yu'h 'yadsoojædu:

—¿Kyajnem miits xykyajxtu ja Diosu jyaaybyajtæn ma tmdya'aky ko jawyíæp ja Dios tkojy ja ja'ayuty, ja yedyujk esu toxytyujk?, 5 esu Dios jyænán: “Paaty ja yedyujk myastu'udæp ja tyæak tyeety es ñaybyæwa'agudæt mædu ñudo'oxy, es da'un nimajtsk 'yittæt ti'igyæ.” 6 Es da'un kyaj ñakyñimajtskaty, je'eyæ da'un tu'uk. Es paaty ja yedyujk kyaj tmæstu'udæt ja ñudo'oxy, mæt ko ja Dios tu yajnaymyikyaty.

7 Net yajtæjædu:

—¿Es ti ko yæ Moisés tni'ana'amæ es ko tu'ugu yedyujk tmæstu'uta'añ ja ñudo'oxy, jawyiin tu'ugu neky yajmo'ot ma jyæna'añ ko tu tmæstu'uty ja toxytyujk?

8 Jesús 'yanmaayædu:

—Ja'a da'un mæt ko jyænuudyæ mjótaty ja Moisés dyajkutijky es ja yedyujk tmæstu'udæt ja ñudo'oxy, per tim jayæp kyaj dyæ'unæty. 9 Es n'anmaaydyæp ko di'ibu myastutypy ja ñudo'oxy, es kyaj mæt ko dyajtægooy ja pæjk úkanu wyindsu'kan, es pyákat mæt ja wiinkpu toxytyujk, yajtægeebæyæ da'un ja pæjk úkanu wyindsu'kan.

¹⁰ Net ja 'yuxpajkpuťy 'yanmaayuda:

—Punu da'unu da'unu taada, nik oy ko kyaj pán tyimpákut.

¹¹ Jesús jyunañ:

—Kyaj nidagekyu mbaat tkupákut yu ayuk, yu'ay da'un mbaat di'ibadyu Dios tu myo'oyuty ja myadakan. ¹² Ta di'ibu kyaj pyaktu. Naagaty da'unu dan tyimmín tyimja'ttu kyaj kya'px'áttu, naagaty kyaj pyaktu mat ko ja'ay yajma'adudu, es naagaty kyaj pyaktu mat ko ni'igu oy tmaduna'andu Dios. Pán mbaat tkupeky yu ayuk di'ibuts tu ngajxy, wa'an tkupeky.

Jesús tkuni'xy ja una'ku'unguty

¹³ Net naagaty ja ja'ayuty dyajmiindu ja 'yana'ku'unguty ma ja Jesús es tnigajxta'áktut; es ja 'yuxpajkpuťy 'yoodu ja di'ibu myamiindu ja 'yana'ku'unguty. ¹⁴ Net ja Jesús t'anmaaydyu ja 'yuxpajkpuťy:

—Mastu'uttu, wa'andsu una'ku'unguty xyñimínduts, es katu xyajjumbity, mat ko ja tsajpótmodu kutujkan yu'u jya'a'ajtypy di'ibu da'un éxtam yu'ujuty.

¹⁵ Es ko ja Jesús tku'unikooñ ja una'ku'unguty, ta jap oj tsoy'onnu.

Mukja'ay tmamadya'aky ja Jesús

¹⁶ Tu'ugu mixy oj tñinejxy ja Jesús, es dyajtuuy:

—Windsún, ¿di'ibu óybyuts ndúnup esuts nmudátut ja jiky'ajtanu winu xuu winu tiempu?

¹⁷ Netu Jesús 'yadsooy:

—¿Ti kots xyajtáy di'ibu dan oy? Ti'igyu da'un di'ibu dan oy, yu Dios. Pun mmudataampy yu jiky'ajtanu winu xuu winu tiempu, kuydyún ja Diosu 'yana'amun.

¹⁸ Ta yajtuaju ja mixy:

—¿Di'ibuty?

Jesús 'yanmaay:

—Katu myajja'ay'eeky, katu xyajtuóy ja pajk úkunu wyindsu'kun, katu mmeetsy, katu pán xywyngajxpéty, ¹⁹ mwindsu'ugup ja mdaak mdeety es mdsókup ja mmudajkpa'a éxtam mij ku'am mnaydsyékuty.

²⁰ Ta ja mixy jyunañ:

—Tagekyu tyaadu tuts nguydyún extu tu ndimmutsk'átuyuts. ¿Tits xy'aktugoy'ajtxup?

²¹ Jesús 'yanmaay:

—Pun m'itaamp wa'ats, to'kta'ay di'ibu mmudajtypy es mo'oy ja ayooba ja'ayuty, es xymyudátut pajke'eky ja m'oy'ajtanu tsajpótmodu. Es net mjumbit es xypyaminudats.

²² Es ko ja mixy tmadooyu tyaadu, ta oj ñejxy jotmaymyuat, mat ko jyantsymyukja'ayadyu naty.

²³ Ta ja Jesús t'anmaaydyu ja 'yuxpajkpuťy:

—Tu'y'ajtan n'anumudu ko ni'igu ñimajaaty es tu'ugu mukja'ay tyákut ma ja tsajpótmodu kutujkan. ²⁴ Waanu pojun es tu'ugu kameyu ñáxat xu'uñ jutoty, es ñimajaaty es tu'ugu mukja'ay tyákut ma yu tsajpótmodu kutujkan.

²⁵ Ko tyaadu tmadoodu ja xpujkruty, da'ñu wu'umudyayadyu es ñayyajtuaju ak yu'ujuty:

—¿Es pánu dan mbaat ñitse'eky?

²⁶ Jesús wyin'ijxpajtudu es 'yanmaayuda:

—Yu ja'ayuty kyaj mbaat ttuñ tyaadu, peru Dios mbaat ttuñ tagekyu.

²⁷ Ta ja Peedru 'yanmaay:

—Windsún, udsuty tuts nmastu'uttu di'ibudsu naty nmudajttup tagekyu es nbanajxtupts mij, ¿es tiidsu net nmudáttup?

²⁸ Netu Jesús 'yadsooy:

—Tu'y'ajtan n'anumudu ko ma tadu tiempu ma tagekyu 'yóyut jemy, ko yu Naxwíñudu Ja'ayadyu Kyudanaabyu 'yu'uñut mat ni'igu muj'ajtan ma yajkutuka'añ, miidsuty éxtam xurpanajxtu m'u'uñudup nandu'an ma majmajtsku uñaaybyajn es xurpayo'oydyut ja nimajmajtsku kajpnbu Israel ja'ayuty. ²⁹ Es nidagekyu di'ibu tu tmastu'uttu tyajk, o myuga'ax, o tyeety, o tyaak, o 'yu'unuk, o ñax, mat ajtskyujxm, 'yaxájjudup mago'px da'unun éxtam di'ibu tu tmastu'uty, es nan 'yaxájjudup ja jiky'ajtanu winu xuu winu tiempu. ³⁰ Per may di'ibu tyam ittup muj windum, yu'u dan najxtup ax'am; es di'ibu tyam ax'am najxtup, yu'u da'un ittup muj windum.

20

Tuumbutajk éxtamu ijxpajtan

¹ Ja tsajpótmodu kutujkanu da'un éxtam tu'ugu ja'ay di'ibu myudajtypy ja 'yuuvu kam, es ñejxy tsejkyu muduumbu axtaabyu es ttúnut ma 'yuuvu kam. ² Ja tuumbutajk tkupajktu éxtam ja kugam myajuyaj'ñudu mat tu'ugu denaryu meeñ. Ta kyajxadu ma ja kyam.

³ Oknam ja kugam tsoyo'õn waambetyxyuu, es t'ijxy ja wiinkpety jap maayoty di'ibu awaadsuty. ⁴ Ta t'anmaay: "Nujxtu miidsuty nandu'un mdunda madsu n'uuvu kam, es nmujuyup extum pyaadyuty." Ta ja'ajuty oj ñujxtu.

⁵ 'Ja kugam tsoyo'õn jatugok kijkyxyuu, es nandu'un tugak yaxp xyuu, es nandu'un ttuun jatugok. ⁶ Es ta natyñu extum jawaanxyuu, ta ñejxy jatugok jap maayoty, es tpaty ja wiinkpety di'ibu nady awaadsuty. Ta t'anmaay: "¿Ti ko miits xyajtgódydu ja mxuu es ni mgatundu?" ⁷ Ta 'yadsoojudu: "Mut ko ni pánuus tu xykya"anu'xtu." Net ja kugam 'yanmaayudu: "Nujxtu nandu'un miits mdunda madsu ngam es nmujuyup extum pyaadyuty."

⁸ 'Es ko oj tsyu'ujunu, ta ja kugam t'anmaay ja di'ibu yajtuump: "Yáxudu ja tuumbaty es majuydyu, mdsonda'agut madu di'ibu ok tujkudu tuumbu es xytyukkugáxut madu di'ibu jawyiin tujkudu tuumbu." ⁹ Net myiindu di'ibu naty tu tyuundáxudu tim tsuu, es nidu'uk nidu'uk t'axájudu ja myuju'uñ tuk xuu nidún. ¹⁰ Oknam ko pyátudu yajmajuydyut di'ibu naty jawyiin tu tyákudu tuumbu, ja'ajuty janandu ko waanu ni'igu da yajmajuyanda. Per nandu'un t'axaju tuk xuu nidún ja myuju'uñ. ¹¹ Ko t'axajadyaaydyu, ta ttukjot'ambujktu ja wyindsán, ¹² es t'anuumadu: "Tyaadu di'ibu tu jya'ttu ok es je'eyu tuk ooru tu tyundu, tu xymyujuy nandu'un extum uadsuty di'ibátyus tu nyajnáxtu ja ambu mats tu ndundu tuk xuu." ¹³ Es ja windsán t'adsooy nidu'uguty ja'ajuty: "Ix mugu'uk, kyajts jayam ti nbuwitsyus di'ibu mbátup. ¿Tii kyaj tu nnay'anma'ayam es nmujuyut extum jayam nmo'oyu? ¹⁴ Jauwá'ak. Nujx madu tyadu nmujuju'uñ. Eñ nmo'oyaambyadsu tyaadu di'ibu tim ok tu tyaku tuumbu du'un extum mij jayam nmo'oy. ¹⁵ ¿Tii kyajts uj mbaat nduñ di'ibuts uj ndsejpy madadsu nmeefu? ¿O mnaywyinnaxuja'ap kots uj n'oyjya'ayuty?"

¹⁶ Net ja Jesús t'anmaaydyu ja 'yuxpukpety:

—Es du'un jyata'añ di'ibu ijtp ok, yu'u du'un ñujxup jawyiin; es di'ibu dan jawyiin ijttup, yu'u dan ittup ok. Ja'a ko may yajwowa'andu, per waanu di'ibu yajtukwjiststudaamp.

Jesús tnigajxy myudugak ok ja 'yo'kun

¹⁷ Ko ja Jesús tsoyo'onnu es ñajxnu Jerusalén, ta twoonejxy wiink tsoo ja nimajmajskpu 'yuxpukpu, es t'anmaaydyu:

¹⁸ —Extum xy'ixtu, tyam nbatujkam Jerusalén, ma uj, ja Naxwiñudu Ja'ayadyu Kyudunaabyu, nyajkyak'añuts ma ja teedywyindsánuty es ja di'ibuty tsajptgóty ya'uxpukpup, es xytyuknikajxpatá'anduts ja o'kun ¹⁹ es nyajkyak'añuts ma yu romanu ja'ayuty esuts xyñixi'ik xytyukxi'iktaduts, xywyóptaduts es xyajkruuzpátaduts, per ja kumdugak xuu njikyryákaduts.

Toxytyujk pyujktso'ojun

²⁰ Santya'agu esu Fwank, Zebedeeu myaanguty, ñujxtu madu tyaaguty es tnimajwa'ktu Jesús. Net ja tyaak ñaygoxtanaaydyáku Jesús wyindum es t'amdowa'añ ja may'ajtun. ²¹ Ta ja Jesús yajtuuju:

—¿Tii dan mdsejpy?

Ta ja'a 'yadsooy:

—Tyaats majtsku n'u'unk. Tunu may'ajtun es xya'u'uñut tu'uk aga'añdsyoo es jatu'uk anajñdsyoo ma mij mayjuktúkut.

²² Jesús t'adsoodu ja tukka'axpu uxpujktuty:

—Kyaj xyñijáwudu di'ibu m'amdoodup. ¿Mbaat miits xy'uuktu ma ja káluz mats uj n'uuga'añ?

Ta ja'ajuty 'yadsoodu:

—Ti ko kudii, mbaat.

²³ Netu Jesús 'yadsoojudu:

—Tuy'ajtun ko miits m'uuktap mats ja ngáluz, per kyajts uj xypyaaty esuts njuna'anut pánutu u'uñup mats n'aga'añdsyoo es mats n'anajñdsyoo. Taadu yu'u du'un ittup di'ibuts ja nDeety ta ttuknibujtaagu.

²⁴ Ko ja nimajkpu uxpujktuty tmudoodu, ta ttukjot'ambujktu ja nimajtskpu uxpujktu.

²⁵ Esu Jesús dyajnaymyujkudu, es t'anmaaydyu:

—Miits mnija'adap ko yu di'ibu yu naxwiñudu ñiwindsun'ajtypy es di'ibu 'yane'empy yu'ujuty, tyuktiimpy di'ibu yu'u ku'um tseyjpy. ²⁶ Per kyaj dyu'un'átut ma miidsadyu. Ja'a du'un di'ibu sitay mupradsamaamp ma miidsadyu, yu'u du'un mmadúnadup. ²⁷ Es di'ibu naybyujta'agánup nidu'uk ma miidsuty extumu jawyiimbu, yu'u du'un mduumbu'áttup. ²⁸ Du'un extum uj, ja Naxwiñudu Ja'ayadyu Kyudunaabyu, kyajts tu nmiñ esuts pán xymyadúndut, ja'a du'un esuts uj nmudúndut es nyákaduts ja njiky'ajtun es nimayjya'ay ñitso'oktat.

Jesús dya'ijxpéky nimajtsk ja wiints

²⁹ Ko naty ja Jesús es ja 'yuxpajkraty tsoondu Jerikoo, may ja ja'ayuty oj tpanujxta ja Jesús.
³⁰ Nimajtsku naty ja wiints 'yu'uñadu tu'ubu'aay. Es ko tmudoodu ko Jesusu naty ñaxy, ta yaxkaktu:

—¡Windsún, tyuamp 'yaats ja Davit, pa''ayoodugats uudsuty!

³¹ May ja ja'ayuty 'yoojadu es 'yamóndut, per ja'ajuty ni'igu 'yaktim'yaxka'aktu jantsy mak:

—¡Windsún, Davitu tyuamp 'yaats, pa''ayoodugats uudsuty!

³² Ta Jesús oj waanu wyu'amu es dyaxu ja wiindsuty, es dyajtuadu:

—¿Wi'ix xytsyoktu es ndúndut?

³³ Net ja'ajuty 'yadsoodu:

—Windsún, yu'u esudsu nwiinuty 'yijxpákat.

³⁴ Ta ja Jesús tpa''ayooj ja wiindsuty, es ttoonu ja wyiin es netyu oj 'yijxpéky. Ta oj tpanujxta ja Jesús.

21

Jesús tyuku Jerusalén éxtam tu'ugu rey

¹ Ko naty jya'tánnu Jerusalén, ko jyajttu Betfajee, jamyu ma ja Oliivus Kopk, netu Jesús tkejxy nimajtsku 'yuxpajkratu, ² es t'anmaay:

—Najx ma yu mutsk kajpnu'unk di'ibu yajwingu'ijxap, es jap xyryaádat kuwñañ tu'ugu burru to'oxy mada 'yu'unk di'ibu ni pánnam tkatuk'u'uñu, es magaju es xyajmínut. ³ Es pan jap pan wi'ix m'anu'amxaty, anuamu ko yu mwindsún dyajtuna'añ es pójanuk tkajxambítat jatugok.

⁴ Tyaádu du'an jyajty es yajkuydyúnat di'ibu ja Diosu kyugajxpu myadyak ma tkaxjaay:

⁵ Anuamu Syon kajpn.*

“Ixtu yu mreya mnimínadu, tuda'aky,

es ttuk'u'uñu tu'ugu burru to'oxyu 'yu'unk.”

⁶ Net ja 'yuxpajkraty oj ñujxtu es ttuundu éxtamu naty ja Jesús tu tyuknipákadu, ⁷ dyajmiindu ja burru to'oxy es ja 'yu'unk, es tpa'jaktu ja ñikujxyadu wit éxtamu jyuba'an. Ta ja Jesús ttukpejty. ⁸ Es ja mayjya'ayuty dwinya'pudu ja ñikujxyadu wit ja tu'aa, es wiinkraty ttujtu ja kepyu 'yaay xye'entsy es ttukwin'o'oxadu ja tu'aa. ⁹ Ja ja'ayuty di'ibu ñujxtap jawyiin es nanda'un ja di'ibu miindap ux'ok ya'ax jyoktu:

—¡Muj 'yítat ja rey Davitu tyuamp 'yaats! ¡Kuni'xy di'ibu miimp éxtamu Kyudanaabyu Nindsun'ajtam Dios! ¡Awdattu Dios!

¹⁰ Ko kyajpndujkadu Jerusalén, nidagekyu ja ja'ay tmuj'ix dmujjáuadu, es dyajtáwdu:

—¿Tii danu tyaádu?

¹¹ Ja ja'ayuty jyuna'andu:

—Yu'u du'an ja Diosu kyugajxpu, Jesús di'ibu kugajpn Nazaret, Galileeu ñaaxóty.

Jesús dyajpudsémy di'ibu juuy to'ktap ma ja muj tsajptujk

¹² Oknum ja Jesús tyujku muj tsajptujk ñabotsoty es dyajpudseemy nidagekyu di'ibu naty jap juuy to'ktap, es dyajjambijty ja myeesuty di'ibu naty jap wyingugoondup ja meen di'ibu kyaj ja tsajptujk tja'a'áty, es nanda'un dyajjambijty ja syiyuty di'ibu tyo'ktap ja pak. ¹³ Ta ja Jesús jyunañ:

—Du'an ja Diosu jyaaybyajtan jyuna'añ: “Yu ndujkuts yu'u du'an ma ja'ay kyajxta'aky”, per miidsuty tu xyajwa'andu ma'tspu aank.

¹⁴ Jap ma muj tsajptujk ñimiinadu ja Jesús naagadyu wiints esu uxneybyu, es yu'u dya''agudaky. ¹⁵ Es ko ja teedywyindsúnaty es ja di'ibuty tsajptugóty ya'uxpajktap t'ijxta ja muj'ajtan di'ibu Jesús tyiimpy, es ko tmudoodu ko ja uná'ku'ungaty jyuna'andu muk ma ja muj tsajptujk: “¡Muj 'yítat ja rey Davitu tyuamp 'yaats!”, ta jyot'ambujktu. ¹⁶ Ta t'anmaaydyu ja Jesús:

—¿Mmudeepu éxtam jyuna'andu?

Ta Jesús 'yadsooy:

—Nmudeebyuts. ¿Per tii, kyajnum xyajmadya'akta miidsuty ja Diosu jyaaybyajtan ko tyaádu tmadya'agyu? Du'an jyuna'añ:

Tu xyryujta'aky es ja uná'ku'ungaty, es extu di'ibu tsi'tspnum, m'awdátudut amumdu'uk jot.

¹⁷ Ta ja Jesús jaryu tnikaktu, es oj ñejxy ma Betañu kajpn. Jap myaay.

Jesús tkajxpéky ja iigu kepy

¹⁸ Jakumbom jepy ko Jesús jyumbijty es jatugok ñejxy Jerusalén, ta yu'o'ku. ¹⁹ Ta t'ijxy tu'ugu iigu kepy tu'ubu'aay. Ta tmujjwa'ky, es kyaj tpaty ni ti tyuamp ja kepy, je'eyu 'yaay. Ta ja Jesús t'anmaay ja iigu kepy:

* 21:5 Syon yu'u nanda'un ya'andijp Jerusalén.

—Ni na'a mganakytyuamp'átut.

Netyu ja iigu kepy oj tyutsnu.

²⁰ Ko t'ixtu tyaađu ja uxprujkruty, du'ũñ wya'amadyaadyu es dyajtũdu ja Jesús:

—¿Es wi'ixu du'un ko tyadu iigu kepy tu tyu'atsy tim rójunu?

²¹ Jesús 'yadsooy:

—Tuy'ajtan n'anũmudu ko pun mmudajttap ja mabujkan es kyaj xyujpjawudu, kyaj ya'uyadyu tyaađu mbaat xtyuundu éxtamts tu nduñ ja iigu kepy, éxtu m'anũmudubu tyadu kopk: “Jawa'ak ja yaa es najx mejyñóty.” Es du'un jyátut. ²² Es tugekyu di'ibu miits m'amdoodup ma mgajxta'aktu, pun mmabujktup, m'axajadup.

Jesusa kyutujkan

²³ Ta ja Jesús tyujku muj tsajptujk ñabotsoty. Es ma naty ya'uxpeky ñimiinudu ja teedy-wyindsanaty es ja israelitadyu myujja'aydyujk, es yajtuujudu:

—¿Pán kyutujkan muut xtyuũñ tyaađu? ¿Pán tu mgutujkanmo'oyaty?

²⁴ Ta Jesús t'adsoodu:

—Hj nandu'un nyajtewaambyats tu'ugu ayuk miidsaty. Pun xy'adsoojambijtrats, net n'anũmut ti kutujkanats uj muut nduñ tyaađu. ²⁵ ¿Pán kutujkanmooyu ja Fwank es yajnubatut, Dios o yu ja'ayaty?

Ta ak ya'ujaty ñay'uu ñaygyajxudu es ñayjyana'anudu:

—Pun n'okjana'anum ko Dios tuk'ana'amu, ta yu xy'adso'om: “¿Es ti ko xykyamubaktu?”

²⁶ Es pun njana'anum ko ja'ayaty, ta yu ja'ayaty xtyu'unum axuuk, mut ko nidugekyu ya'ujaty tmabaktu ko Fwank ya'ujaty ja Diosu kyugajxpu.

²⁷ Ta t'anmaadyu ja Jesús:

—Kyajts nnijawudu.

Ta ja Jesús 'yadsoojudu:

—Es uj nan kyajts miits n'awánudat ko ti kutujkanats uj muut nduñdsu tyaađu.

Nimajtsku ja'ay tukka'ax éxtumu ixpajtan

²⁸ Min n'oktukmadya'aktu tu'ugu ixpajtan:

—Tu'ugu ja'ay tmudaty majtsku myaank. Ta t'anmaay nidu'uk: “Nitu, najx mduñ madsu n'uuvu kam.” ²⁹ Ta ja 'yu'unk 'yadsooy: “Kyajts nnijxa'añ.” Oknum dyajtagajtsy ja wyinma'añ, es oj ñejxy tuumbu. ³⁰ Ta ja u'unkteety oj tnejxy jatu'uk, es nandu'un t'anmaay. Es 'yadsooy: “Oy, tatu, nnejxyats.” Es kyaj oj ñejxy. ³¹ ¿Di'ibu nidu'ugu tyadu majtsku tyuun éxtum ja tyeety tsejky?

Ta ja'ajaty 'yadsoodu:

—Ja jawyiimbu.

Ta ja Jesús 'yanmaayudu:

—Tuy'ajtan n'anũmudu ko yu yajkugubajtraty esu kujeñdyo'oxyuty tákudup ma yu tsajrótmudu kutujkan oy miits mgadimtakudat. ³² Mut ko yu Fwank Yajnuabjtrpu myiñ tuk'ixxpu wi'ixu Dios tsejky mijky'átut, es miidsaty kyaj xymyubujktu, es nik ja yajkugubajtraty es ja kujeñdyo'oxyuty mabujkudu. Es miidsaty, oy oj xyja'ixtu tyaađu, kyaj xyajtagajtsu mjot mwinnma'añ esxyp xymyubujktu.

Axuk kamgwentu'ajtraty éxtumu ixpajtan

³³ Mũdowdu tyadu jatu'ugu ixpajtan. Tu'ugu ja'ay oj tkojy ja uuvu kam. Ta tnageemy es dya'uyuy ma dyajnipátut ja uuvu ko yajwinma'adsa'anat, es tkojy tu'ugu potsy kujxm ma mbaat jam n'ijxkákum es ngwentu'ajtan tugekyu.

'Oknum tmooy ani'xy ja uuvu kam mut wiink ja'ayaty, es tsoy'onnu. Jagam nax jagamajpn oj ñejxy. ³⁴ Ko traty ja tiempu ma ja uuvu yajtujkmukánu, ta tkejxy naagadyu tyuumbu es t'amdówt ja mduumbuty ja uuvu di'ibu páty ja kugam. ³⁵ Es ja uuvu kamgwentu'ajtrpu tmajtsu ja di'ibu ja windsún kyajx. Ta twojptu es dya'o'ktu naagaty, es naagaty tká'tstu. ³⁶ Net ja kugam tkejxy ja wiinkpu tyuumbuty waanu ni'igu, es ja uuvu kamgwentu'ajtrpu nandu'un ttuundu jatugok.

³⁷ Es tim ok tkejxy ja kyum'u'unk, es wyinmaay: “Wyindsu'ugubu daa yu n'u'unk.” ³⁸ Es ko t'ixtu ja uuvu kamgwentu'ajtrpu ko myiñ ja wyindsunu 'yu'unk, ta ñayjyana'nudu ak ya'ujaty: “Tyaađu du'un di'ibu 'yaxajyaaampy ja kyuma'añ. Min n'ok'ya'o'kum es du'un nmw'u'umam yu uuvu kam.” ³⁹ Es ta tmajtsu, es dyajpdsũmudu uuvu kamoty es dya'o'ktu.

⁴⁰ Ta Jesús dyajtuuy:

—Es ko myínut ja kugam, ¿ti tyúnup mudu tatu kamgwentu'ajtraty?

⁴¹ Ta t'anmaadyu:

—Ya'ooktup es ni tkapa'ayówat, es ttuk'anuxut yu tatu ñax ja wiinkruty mduumbuty di'ibu tukkadúkadup ma ja tiempu tpaadat ja pyujta'aky di'ibu páty.

⁴² Net ja Jesús t'anmaay:

—Ja Diosu jyaabyajtun jyuna'añ:
 Ja tsaq di'ibu ja pojtspu 'yuxtijtu,
 tu tpaaty ja lyugaar ma ja tujk t'ujx'áty.
 Tyaadu da'un ja tyu'ununu Nindsun'ajtun Dios,
 es n'okwa'amadya'ayum da'uñu.

¿Tii ni na'anum miits xkya'uxpaktu yu tyaadu? ⁴³ Mada tyaadu, ja'ats n'andijpy ko myajpajkaya'anudu ja tsajpótmađu kutujkun, es yajmo'oya'añ ja ja'ayuty di'ibu myeepy ja Dios di'ibu pátur. ⁴⁴ Es oytyim pánuty ko kyadawut ma tyadu tsaq, jo'pts tyúnudat; es di'ibu nikauybyajtabu tyadu tsaq, tukwa'ayadya'ayudap.

⁴⁵ Ko ja teedywyindsánuty es ja fariseeuty tmadoodu ja iixpajtun di'ibu Jesús pyujtákyry, ta tmawinma'añbyattu ko yu'u naty yajmadyákr. ⁴⁶ Ta tjamatsandu, per tsyu'kudu ja mayjya'ay, mut ko ja ja'ayuty jyuna'andu nidugekyu ko Jesús yu'ujuty ja Diosu kyugajxpu.

22

Di'ibu rey tyuun ko 'yu'unk pyejky

¹ Jesús t'akpajtáky ja wiinkpu iixpajtun, es t'anmaagydyu:

² —Yu tsajpótmađu kutujkunu da'un éxtum tu'ugu rey di'ibu tyuun ja xuu ma ja 'yu'unk pyejky. ³ Ta tkejxy ja pyo'oduumbuty woobu di'ibu naty jawyiin tu t'anuumadu, peru taaduty kyaj myinandu. ⁴ Ta jatugok ja rey tkejxy ja pyo'oduumbuty, es t'anuumu: “Anuumadu taaduty ko tyam tu 'yabatadya'ay ja ka'ay ukun. Tuts nya'eegyuty ja ndsajkaatsa ni'xyátyutyry es tugekyu 'yity abaadu. Wa'an tmindu.” ⁵ Per ja di'ibu oj yajwówdu kyaj ttuundu kwentu, nidu'uk oj ñejxy kyamoty, jatu'uk oj ñejxy to'kpu, ⁶ es ja wiinkpury tmajsttu ja reyu pyo'oduumbu es ttuundu axuuk, extu ko dya'o'ktu.

⁷ Es ta ja rey jyantsyjyot'ambejky, es tkejxy ja syoldaaduty es dya'o'ktu taadu di'ibu tu ya'o'kxuty ja pyo'oduumbu, es dyajno'ktu yu kyajpn. ⁸ Net t'anmaagy ja tyuumbuty: “Tugekyu 'yity abaadu ma tyadu xuu, peru taaduty di'ibu tu yajwówdu, kyaj ñitákyty myíndat. ⁹ Nujxtu ma yu kajpñgijkyudu maj tu'u, es wowdu ma tyadu xuu nidugekyu di'ibu mbatypy.” ¹⁰ Ja po'oduumbuty tso'ondu es dyajmiindu nidugekyu di'ibu pyattu, oyjya'aybyu esu kyaj 'yoyjya'aybyuty; es da'un 'yujtspejty ja tujk mut ja ja'ayuty.

¹¹ Net ja rey tyujku tugoty es t'ixa'añ di'ibu naty tu yajwówdu. Net t'ijxy tu'ugu ja'ay jap ko kyaj tmadaty ja wyit éxtum pyaadyuty ttuktaku tadu xuu. ¹² Es ja rey t'anmaagy: “Mágu'uk, ¿wi'ixu da'un mij tu mdaku ja yaa es ni tu xkyatuktaku yu mwit éxtum pyaadyuty xtyuktaku tyadu xuu?” Es amofu oj wye'emy ja yedyujk. ¹³ Net ja rey t'anmaagydyu ja wingiibyuty: “Kawuun tekywyuunde es jubijppudsámdu awa'atstúm ma ja koots'át, ma ja'ay jy'u'y ya'axtat es ñaydyatskaadudat mut ja ayo'on.”

¹⁴ Ta ja Jesús 'yakjunañ:

—Pes may di'ibu yajwoodap, per waanu di'ibu yajtukwijtstútp.

Jesús tmadya'aky ja kugubajtun

¹⁵ Ta oj ñujxnudu ja fariseeuty es dyajti'igyudu ja wyinma'añuty wi'ix mbaat dya'anuguga'adu ja Jesús. ¹⁶ Es ta tkajxtu naaguty ja jya'ayuty ti'igyu mut ja Eroodusu jya'ayuty, es t'anmaagydyu Jesús:

—Windsán, nnija'adupts ko mgajxy mut ja tuj'ajtun es ko mya'uxpeky mut ja tuj'ajtnu Diosu ñu'u tyu'u, es ni xkyatuñu kwentu di'ibu ja'ayuty myadyáktur, mut ko kyaj mmujpudsémy mut ni pán. ¹⁷ Winma'añmyoodyuguts. ¿Oyu daa kots ngugubáttut ma yu yajkutujkpu kopk, o kyaju?

¹⁸ Ñija'abu naty ja Jesús ja tyaadadyu 'yaxuk winma'añuty. Ta t'anmaagydyu:

—Miidsuty di'ibu nay'andijudap es jyiky'attu tuj'ajtnu maat, ¿ti kots miits xya- jka'aja'andu? ¹⁹ Tuk'ijxtuguts ja meef di'ibu munt mguyabety.

Net dyajmiindu tu'ugu platu meef. ²⁰ Ko tyaadu t'ijxy ja Jesús, net dyajtáyy:

—¿Pánu tyaadu wyiin jyujp esu xuu di'ibu yam kaxja'ay?

²¹ Ta ja'ajuty 'yadsooda:

—Yu yajkutujkpu kopku wyiin jyujp.

Net ja Jesús 'yanmaagydu:

—Pes mo'oydyu ja yajkutujkpu kopk ja di'ibu yu'u jya'a'ajtypy, es mo'oy ja Dios di'ibu Dios jya'a'ajtypy.

²² Ko tmadoodu tyaadu, ta da'uñu wyu'amadyaaydyu. Ta tmastuttu es oj ñujxnudu.

Ja'ay dyajtáwdu pñ jikypyáktur ja o'kputy

²³ Nan ja xuu naagadyu saduseeuty oj tñinujxtu Jesús. Ja saduseeuty jyuna'andu ko kyajp jikypyuka'añ ja o'kputy. Da'unu tyaadu ttukñibujtákdud:

²⁴ —Ya'uxprijkpu, Moisés ja 'yana'amun junaamp ko tu'ugu yedyujk 'yeeky es kyaj tu tpaattu 'yu'unk, ja myuga'ax pyákap ja ku'ekyto'oxy es tmúdtát ja 'yu'unk, es ja'a tyuknikujxm'átup ja jamyii. ²⁵ Du'un jyajty ma'udsuty. Tamu naty jaxtujk tukka'axu yedyujkuty. Ja ka'axkórk pyejky, es 'ye'ky, es kyaj tpaattu ja 'yu'unk. Ta ja myumajtskpu tpejky ja ku'ekyto'oxy. ²⁶ Es nandu'un jyajty, es ja myudugaukpu nandu'un jyajty, extu ko 'yabadsuumdaay nijaxtujk. ²⁷ Es ko tyaadu du'un tugekyu ñajxy, ta 'ye'ky nandu'un ja toxytuyjk. ²⁸ Es ma' jiykyryuka'andu ja o'kraty, ¿pának nidu'ugu tadu jaxtujkpu ana'kuty ñudo'oxy'átup, ja'a ko tu pyujkta'aydyu mat ya'u?

²⁹ Jesús 'yadsoojuda:

—Miidsuty nugoo m'okkajxtugooñudu mat ko kyaj xyñijáwudu ja Diosu jyaaybyajtan es ni ja myuk'ajtanu Dios. ³⁰ Es ko ja o'kraty jiykyryúktut, ni kyarúktut ni pán, pes du'un 'yítut éxtamu Diosu 'yánklusu tsajpótumu. ³¹ Yu o'kraty situ jiykyryúktup. ¿Ti kyajnum miits xykyajxtu di'ibu Dios ku'am junaamp ma ja jyaaybyajtan?, ma t'anmaay ja Moisés: ³² “Ujtsu du'un ja Abraanu Dyios, Isaa esu Jakoob.” Yu Dios kyaj ya'u Dyios'átyuty ja o'kraty, ya'u du'unu jiykyryuty.

³³ Ko ja ja'ayuty tmúdoodu tyaadu, du'ñu wu'umudyayadyu mat ja 'uxprijkanuty.

Ana'amunu waanu mñjpu

³⁴ Ko ja fariseeuty tnija'adu ko Jesús tu dya'amonda ja saduseeuty, ta ñaymyujkudu, ³⁵ es nidu'uk ya'ujuty di'ibu tsajptugóty ya'uxprijkpu tjakajxywitsa'añ ja Jesús. Ta dyajtanu:

³⁶ —Ya'uxprijkpu, ¿di'ibu du'un ja ana'amun ni'igu myújuty?

³⁷ Jesús jyanáñ:

—“Mdsókap ja mWindsún Dios mat winu mjot, mat winu m'anmaja'an es mat winu mjot mwinma'añ.” ³⁸ Tyaadu du'un ja jawyimbú ana'amun di'ibu ni'igu myújuty. ³⁹ Ja myumajtskpu nandu'un éxtamu tyaadu: “Mdsókap ja mmudajkpa'a éxtam mij ku'am mnaydsyékuty.” ⁴⁰ Tyadu majtskpu ana'amun ya'u tyukwa'kpejtypy tugekyu ja Moisesu 'yana'amun es ja 'uxprijkanuty ja Diosu kyugajxraty.

¿Pánu tyuump 'yaats ja Kristu?

⁴¹ Maanumu naty ja fariseeuty 'yak'ittanum ni'amuku, ⁴² Jesús oj yajtáwudu:

—¿Ti mwinmaaydyur miidsuty mat ja Kristu? ¿Pánu du'unu tyuump 'yaats?

Ta 'yadsoodu:

—Yu'u Davitu tyuump 'yaats.

⁴³ Ta Jesús 'yadsooju:

—¿Wi'ix ko ya Davit mat ja Espírítu Santu myuk'ajtan t'anuumu nWindsún? Ja'a ko du'un jyanáñ:

⁴⁴ Yu Dios t'anmaay ujtsu nWindsún:

“U'ñu yaa aga'áñdyoo ma ujñ, extu kots uj nyajtugóty nidugekyu ja mmúdsip.”

⁴⁵ ¿Es wi'ix mbaat ya Kristu tyuump'áty 'yaats'átyuty ja Davit?, ja'a ko Davit ku'am junaamp “nWindsúnats.”

⁴⁶ Es ni pán kparaaty wi'ix 'yadsówat ni tuk aa. Es extu ja xuu ni pán kyanakyñaydyuk'a'ijxu es tii dyajtáwat.

23

Jesús tnigajxy ja fariseeuty es di'ibu tsajptugóty ya'uxprijkpu

¹ Net ja Jesús t'anmaay ja 'uxprijkraty esu ja'ayuty:

² —Yu di'ibuty tsajptugóty ya'uxprijkpu esu fariseeuty kyajxwátstup ja Moisesu 'yana'amun. ³ Pes du'un mmúadowdu miidsuty es tundu tugekyu di'ibu mdukniprijkpu; per katu xpyranujxtu éxtam ya'ujuty jiyky'attu, mat ko wiinkpu myadyáktup es wiinkpu tyuundup. ⁴ Pes ya'ujuty 'yawu'undup ja tsemy jantsy jemtsy di'ibu ni mbaat ngamamadákum, es tpejta'áktu es tsumu'úktut ja ja'ayuty, per ya'ujuty ku'am ni je'eyu mudu kyawa'xy tkapudaku. ⁵ Tugekyu di'ibu tyuundup, ya'u du'un wi'ix myajpudsámdat mayja'ayóty. Pes t'aktim'yajmájudu ja kaju'unk ma dya'ítta waana Diosu 'yana'amun es ñaydyukwimbokmuwññuty es ñaydyukkmuwññuty, es nandu'un dya'óyudu yéñadyu kyaryu pyaduy pyaxunán kadiinam ja wiinkraty, ⁶ es jam tyim'u'uñya'añ ma ja ja'ayuty mbaat yajxon 'yixudu tsajptugóty, es jam 'yu'uñya'añ ma ya windsu'kun tyu'uyo'oy muj windum ma pán kyay 'yiiky, ⁷ es tsojktup es ja ja'ayuty 'yubo'x kyajxpo'xudat mudu windsu'kun tu'agay es 'yanu'umxudat ya'uxprijkpu.

⁸ Per miidsuty katu xy'adsoktu es ja ja'ayuty m'anu'umxudat ya'uxprijkpu, mat ko miits mdukk'a'ax'ajttup nidugekyu es ti'igyu je'eyu xumyudattu ya mYa'uxprijkpu, uj, ya Kristu. ⁹ Es katu pán miidsuty xytyeetyñwa'añ ja wiinkpu, mat ko mmudajttup tu'uk je'eyu mDeedyuty di'ibu ijtp tsajpótum. ¹⁰ Es ni mgajana'andut ko jyaadyu mwindsunu wiinkpu, mat ko uj, ja

Kristu, uja du'un je'eyu mWindsun'ajtypy. ¹¹ Di'ibu myadiimpy oypyánaty ma miidsadyan, yu'u du'un ijtp muj ma miidsaty. ¹² Mut ko di'ibu nayyajmujpudsuumap ku'am, yu'u du'unu Dios pujtákap mutsk; es di'ibu nayjya'ap mutsk, yu'u du'unu Dios pujtákap muj.

¹³ ¡Puroobu miits di'ibuty tsajptugóty ya'uxpajktap es miits fariseeety, mnay'andjjudap mjiky'attu tuy'ajtan maat! Mya'adujktap esu ja'ay kyatákuadat ma tsajpótmuđu kutujkan. Miidsaty ku'amaty kyaj mdákuđu es ni xkykana'ixtu es ja wiinkpáty tyákuđu di'ibu jatukuyándap.

¹⁴ ¡Puroobu miits di'ibuty tsajptugóty ya'uxpajktap es miits fariseeety, mnay'andjjudap mjiky'attu tuy'ajtan maat! Miits mbájkudap ja ku'ekytyo'oxy yu tyájkaty, es ko kyaj xyajniguxu'uga'andu, jeky mgajxta'aktu. Paaty myajmo'oydyat ni'igu ja kumadó'on.

¹⁵ ¡Puroobu miits di'ibuty tsajptugóty ya'uxpajktap es miits fariseeety, mnay'andjjudap mjiky'attu tuy'ajtan maat! Miits mdukyo'oydyaaadyap tugekyu ja naxwiñadu esu jikymyejyñaty es xytyukpanujxa'andu ja ja'ayaty ja mmubájkunaty, es ko naty tu xytyukkupaktu, majtsku du'un nitákuđu tadu ja ja'ay ja ayoodákn es kadiinam miidsaty. ¹⁶ ¡Puroobu miidsaty, wiindsaty di'ibu wiyjits'ye'epy ja myawwiints!, mut ko mjána'andu ko kyaj tymwi'ixaty ko nwandákuđu es nyajtestiigu'ajtam ja muj tsajptujk; per pan ja pán twanda'aky es dya-jtestiigu'áty ja muj tsajptujku 'yooru, yu'u sitay koonam tkuydyúnat. ¹⁷ ¡Wiints kunabáputy! ¿Tiibu dan ni'igu muj'ajtan myudajtypy? ¿Ja oorú o ja muj tsajptujk di'ibu ya'ijtypy wa'ats tadu oorú?

¹⁸ Miidsaty nandu'un mjána'andu ko pan ja pán ñaywyanda'agyaty mut ja artal, kyaj jyatyimpaadyaty tkuydyúndat; per di'ibu naywyandákuđu madu windsu'kun di'ibu ijtp artalkujkm, yu'u sitay koonam yajkuudyúnat. ¹⁹ ¡Wiindsaty! ¿Tiibu dan ni'igu muj'ajtan myudajtypy, ja windsu'kun, o ja artal di'ibu ya'ijtypy wa'ats ja windsu'kan? ²⁰ Es di'ibu naywyandákuđu ma ja artal, kyaj ñaywyanda'agyaty yu'uyu ma ja artal, nandu'unu du'un mut tugekyu di'ibu ijtp jam. ²¹ Es di'ibu naywyandákuđu ma ja muj tsajptujk, kyaj ya'ujaty ñaywyanda'agyaty ma ja muj tsajptujk, nandu'unu du'un ma ja Dios tsyuanu. ²² Nandu'un di'ibu naywyandákuđu ma ja tsajp, naywyandákuđu ma Dios 'yu'uiñu yajkutiky, es nandu'un madu Dios di'ibu jam yajkutujkp.

²³ ¡Puroobu miits di'ibuty tsajptugóty ya'uxpajktap es miits fariseeety, mnay'andjjudap mjiky'attu tuy'ajtan maat! Miits mdukwinyojtup ja Dios ja dyezma tojx tsooy: ja xu'uk, ja anis esu kominus, per kyaj xytyundu kwentu ja uxpujkan di'ibu ni'igu 'yóyaty ma yu ana'amun, di'ibu du'un ja tuy'ajtan, ja pa'ayo'on es ko ja'ay jyiky'attu yajxón. Oy ko xytyukwinyoxtu ja dyezma, per tsojkuđu nandu'un es xytyúndat di'ibu ni'igu 'yóyaty. ²⁴ Du'un miidsaty éxtam pánaty wiyjits'ye'epy ja myawwiints, es éxtam pánaty 'yaxijttap tu'ugu tsuksu'unx es jya'andap tu'ugu kameyu.

²⁵ ¡Puroobu miits di'ibuty tsajptugóty ya'uxpajktap es miits fariseeety, mnay'andjjudap mjiky'attu tuy'ajtan maat! Miits myajwátstap nikujxy ja mvasu es ja mdexy, per jyodoty ujts 'yity mut di'ibu tu xymyaaatstu es tu xy'adsoktu. ²⁶ ¡Farisee wiindsaty! Jawyiin xypyújat jodoty ja mvasu es ja mdexy, ja'adsu du'un n'andjpy yu m'aa mjet, es nétnam wya'amut wa'ats nandu'un mnikujxy.

²⁷ ¡Es puroobu miits di'ibuty tsajptugóty ya'uxpajktap es miits fariseeety, mnay'andjjudap mjiky'attu tuy'ajtan maat! Du'un miidsaty éxtam ma o'kpu ñaxtuku. Níkóyaty poop es tsuj kyaxe'eky, per naáxóty japu o'kpu pajk es tugekyu axuk'ajtan. ²⁸ Du'unu dan miidsaty éxtamu tyaáđu. Mgxu'aktu éxtamu ja'ay di'ibu jiky'ajtp tuy'ajtan maat, per mjodótyaty ujts madu andakun esu axuk'ajtan.

²⁹ ¡Puroobu miits di'ibuty tsajptugóty ya'uxpajktap es miits fariseeety, mnay'andjjudap mjiky'attu tuy'ajtan maat! Miits mbojttap ma ñaxtákuđu Diosu kyugajxpaty es m'oydyuundap ja kyupótsyaty ja di'ibu tu jyiky'ajttu tuy'ajtan maat, ³⁰ es net mjána'andu: "Kooxyap adsajtam oj njiky'ajtam ma jyiky'ajttu ja n'aptujk'ajtam, kyajxyup oj nbudájkam es nya'o'kumxyap ja Diosu kyugajxpaty." ³¹ Madu tyaáđu miidsaty ku'am mnay'axkápuđu ko m'ok'átadu di'ibu ya'o'ktu ja Diosu kyugajxpaty. ³² Pes aktuungáxta di'ibu ja m'aptujkaty yajtsondáktu.

³³ ¡Miidsaty du'un éxtamu awa'andsa'añun! ¿Tii mjánándap xytyijy ko mnits'o'oktat ma ja muj tadydy'unun? ³⁴ Es uj n'akkaxaambýuts yu Diosu kyugajxpaty, yu kuwijpyu es yu ya'uxpajkpaty, es miits mya'o'oktat es myajkruuzpáttap naagyat, esu wiinkpáty xywyóptat es xypyajedittat kajpngajpn. ³⁵ Es du'un ma miits kya'ada'ayut ja pojpu ma dya'o'ktu tugekyu ja jyiky'attu tuy'ajtan maat, tsyonda'aky ma Abel, tu'ugu ja'ay di'ibu jiky'ajtp tuy'ajtan maat, es extu Zakariius, Berekiiusu myaank, di'ibu miits mya'o'ktu muj tsajptujk winduuy es artal axku'uy. ³⁶ Tuy'ajtan n'anuumu ko ja pyeky yu tyaáđu tugekyu, jaaj kya'ada'ay ma ja ja'ayaty di'ibu tyam jiky'ajttap.

Jesús tniya'axy ja jerusaléngudu ja'ayaty

³⁷ 'Jerusalén ja'ayuty, Jerusalén ja'ayuty, miits mya'o'ktap ja Dios kyugajxputy es mguka'tstap ja Diosu 'layuk kajxwa'xpu di'ibu mduknigajxudap! i'kanak ókuts tu njaya-jmuka'añuts yu m'u'unk m'ana'kuty, éxtamu tuttaak dyajmíky ja tyutku'unguty kyakn-batka'p, per kyaj tu xytsyoktu! ³⁸ Ixtu miidsuty ja mdujk wi'ix wyu'ama'añ kubak. ³⁹ Du'anuts miits n'anamudu ko kyajts xyñaky'ixtat jaanam extu ko jya'tut ja tiempu ma mjana'andut: "Kuni'xy di'ibu miimp Nindsan'ajtamgyajxm."

24

Jesús tnigajxy ko ja muj tsajptujk tyugoya'añ

¹ Tso'onubu naty ja Jesús ma ja muj tsajptujk. Tamu naty ñujxnu ko ja 'yuxpukpudy myw'ingoonudu es ttuk'ixa'andu ko jantsy tsuj ja tsajptujk potsy'ajtan. ² Es ja Jesús 'yadsooy:

—¿M'ixtup tugekyu tyaadu? Tui'ajtan n'anamtu ko yaa kyaj wyu'ama'añ ni tu'ugu tsaa ñayñikoombétyuty, tugekyu tyugoya'añ.

Ijxwu'umun ko ja naxwíñudu tyugoya'añ

³ Net oj ñujxtu ma ja Oliyus Kopk. Es ko naty Jesús jam 'yu'uñu, ta yu 'yuxpukpudy oj 'yanu'amxudu ayu'udsyu:

—Njanijawu'ándupts na'a dnu tyaadu jyata'añuty. ¿Wi'ix ja ijxwu'umun esuts ñujx njanjawn ko mmina'añ naty es ma ja naxwíñudu tyugoya'añ?

⁴ Ta Jesús 'yanmaayudu:

—Mnaygywenta'átudap kudiibu pán mwin'unudat. ⁵ Mut ko may myina'andu win'u'ambuty di'ibu juna'anaamp: "Ujtsu du'un ja Kristu", es wyin'unaampy mayu ja'ayuty. ⁶ Es ko xymyudoo'ittut ja tsip nixim niyam, katú mna'y'adsu'ugudu. Du'un jyata'añ, per kyajnam du'un yu'ujuty ma ja naxwíñudu tyugoya'añ, ⁷ mut ko tsyiptuna'andu tu'ugu naxwíñudu mudu wiinkpu esu ana'ambuty nandu'un, es myina'añ ja muk yuu esu muk ujxuty oymyaaty. ⁸ Tugekyu tyaadu yu'u du'un maanam je'eyu tsyonda'aky ja ayo'on.

⁹ 'Net mgayaka'anudu miidsuty es myajtúndut axuuk, es extu mya'ooga'anudu; es nidugekyu naxwíñudu ja'ayuty mduk'ak'ata'anudu mut ujtskyujxm. ¹⁰ Ma tadu tiempu may dyajtyugoya'andu myubujkanuty, es ñaymyudsip'átudat nixim niyam es ñayya'ooga'anudu nandu'un. ¹¹ Kuxu'ugaamp mayu andákpudy es juna'andut ko yu'ujuty ja Diosu kyugajxpu, es du'un twin'una'andu mayu ja'ayuty. ¹² Es jaa'ataamp waanu ni'igu ja axuk'ajtan, es kyaj ja ja'ayuty tnakymudáttut ja tsojkan nixim niyam. ¹³ Es di'ibu 'yaktmbejkyupum du'ñum, yu'u nitso'ogap. ¹⁴ Tyaadu oybyu ayuk di'ibu ñimadyakypy ja tsajpótmodu kutujkan yajkajxwa'xaamp es yajknijawut ma tugekyu naxwíñudu, es net myina'añ ma tyugoya'añ ja naxwíñudu.

¹⁵ Yu Diosu kyugajxpu Dañel tkuxjaay di'ibu tyúndup ja axuukpu. Jaygyúkudu di'ibu yam n'anamuyándup. Ko xy'ixtat ma wa'ats lugaar tyanu di'ibu kyaj tmuj'ixy ja Dios, ¹⁶ net di'ibáty ijttabu naty Judee, ka'aktup jap es ñujxtat tungujxy kopkujxy. ¹⁷ Di'ibu naty jam tujkkujxm, kyaj jyunácut es ñujx tniduku di'ibu jap es tjuuda'anut. ¹⁸ Es di'ibu naty jam kyam, kyaj jyunbítut es min'ooxy ja wyit. ¹⁹ i'Puroobu ja toxytyujkuty di'ibu naty ijtp u'unkmut ma tadu xuu es di'ibu ya'u'unktsi'tstap! ²⁰ Amdow pujktsówudu miidsuty ja Dios kudiibu mga'aktut ma naty xyuxy es kudiibu du'un mjáttut ma ja po'xuxuu. ²¹ Mut ko net 'yita'añ ja muk ayo'on, éxtam ni na'anam kyajaty extu ma naxwíñudu tsyondaky, es ni du'un kyanakyjyata'añuty jatugok. ²² Es pnu Dios kyaj dyajwaanu tadu tiempu, ni pán kyatso'oktu, per yajwaanubu'u mut ko ttseky pánuty yu'u tu twin'ixy.

²³ 'Ko naty pán miits m'ana'umxudu: "i'ixtu!, tyaadu du'un ja Kristu", o "i'ixtu!, tuxim ja Kristu", katú xymyubuktu. ²⁴ Mut ko minaamp ja win'u'ambuty di'ibu nayyajnaxánudap éxtamu Kristu es éxtamu Diosu kyugajxpu, es tyunaampy yu ijxwu'umun esu muj'ajtan, es extu yu'u jyawin'uanándup ja ja'ayuty di'ibu Dios wyin'ijx. ²⁵ Tu n'anamudu miidsuty yu tyaadu tim jayujp. ²⁶ Paaty ko pán m'ana'umxudat: "Tuxim ja Kristu ma yu muj'itán", katú jam mnajxtu. O pán m'anmaayudap: "i'ixtu!, tyap kwartu tugoty", katú xymyubuktu. ²⁷ Mut ko éxtam tye'xy ja judsk ma yu xuu pyudsemy es extu ma xuu tsyl'ity, du'un nmina'añuts uj, ja Naxwíñudu Ja'ayudyu Kyudunaabyu. ²⁸ Ma ti tu 'yeeky, jam ñaymyúkudu ja kus.

Wi'ix jyunbítut ja Naxwíñudu Ja'ayudyu Kyudunaabyu

²⁹ 'Es ko du'unu naty tu ñajxta'ayu tadu ayo'on, ja xuu wyingoodsuya'añ, ja po'o kyaj ñakyjyaja'añ, kya'adut ja madsa'ajuty es yu'xut ja muk'ajtan di'ibu jam tsajwinm. ³⁰ Net ya'ixat tsajwinm ja ijxwu'umun kots uj, ja Naxwíñudu Ja'ayudyu Kyudunaabyu, nmíñuts. Nidugekyu naxwíñudu ja'ayuty jyu'uy ya'axtat es xy'ixtudats nmiñ uj, ja Naxwíñudu Ja'ayudyu Kyudunaabyu, yoodsóty mut ni'igu ja muk'ajtan es ja muj'ajtan. ³¹ Es ngáxupts ja n'ánklusaty ko naty ja trompetu muk xyu'uxy, es ñaymyúkadut di'ibáty tu nwin'ixtats oytym maaty, ma yu jamboj esu yukpoj myiñ es ma yu xuu pyudsemy es ma tsyl'ity.

³² Jattu tyadu 'yijxwun'aman ja iigu kepy. Ko ja xye'entsy 'yity u'un'k, es pyadsemy ja 'yaay, miits mnija'adup ko wingoombu du'un ja ambu. ³³ Nandu'un ko xy'ixtat tugekyu tyadu, mnijawudup ko wingonu naty esuts nmimat, éxtam mbaat njuna'anam tujk agu'aybyu. ³⁴ Tuj'ajtan n'anuumudu ko tugekyu tyadu jyata'añty maanam naty ja ja'ayaty di'ibu tym kyaj 'yooktanam. ³⁵ Ja tsajp es ja naxwiñudu náxup, per ja n'ayúkatš ni na'á kyakexy kyanaxy.

³⁶ Per ja xuu es ja ooru ni pán tkanijawu, ni yu Diosu 'yánklusaty es ni uj, ja Diosu 'yU'un'k, yu'ayu du'un je'eyu ñija'ap ja Dios Teety.

³⁷ Kots nmimat uj, ja Naxwiñudu Ja'ayudyu Kyudunaabyu, du'un jyata'añ éxtam ma ja No'ee jyiky'aty. ³⁸ Ma tadu tiempu ma naty kyajnum myiñ ja ayo'onduu, ja ja'ayaty kyaj 'yuukta es ñayyajpákuudu extu ja xuu ma ja No'ee tyujku ma ja 'yarku. ³⁹ Es ni ti tkaja'adu wi'ixu naty jyata'andu extu jaanum ko myiñ ja ayo'onduu. Ta yajji'xudu nidugekyu. Nandu'un jyata'añ kots nmimat uj, ja Naxwiñudu Ja'ayudyu Kyudunaabyu. ⁴⁰ Ma tadu tiempu majtsku ja'ayu naty tyundu kyamotm, tu'uk yajmunujxat es tu'uk yajnika'agut. ⁴¹ Majtsku toxytuyk jyutstu, tu'uk yajmunujxat es tu'uk yajnika'agut.

⁴² Wjij m'ittat miidsaty, mat ko kyaj xyñijawudu ti ooru du'un myina'añ ja mWindsúnaty. ⁴³ Es nijawudu tyaadu, kooxyup tu'ugu kudujk tñijawu ti ooru ma ja koots'at myina'añ ja ma'tspu, wjijxyup 'yity es kyajxyup tna'ixy es ja ma'tspu ya'awáxšudat ja tyujk es myaadsudat. ⁴⁴ Paaty miidsaty nandu'un ittu wjij es nay'uxkúkuudu, mat ko ma naty xykya"awix xykyajup'ixtu, jaats nmina'añ uj, ja Naxwiñudu Ja'ayudyu Kyudunaabyu.

Oyduumbu es di'ibu kyaj

⁴⁵ N'okpujtákum tu'ugu kudujk tmadaty tu'ugu tyuumbu di'ibu kuwjij es tyiimpy ti wyindsán tsyejpy. Ta ttukmnikaaugu ja tyujk es bom bom dyajkáyut ja po'oduumbaty di'ibu jam. ⁴⁶ Jotkujk ja tuumbu ko ja wyindsán jya'tat es pyaadadut tkuydyuñ di'ibu tu yajtuknipéky. ⁴⁷ Tuj'ajtan n'anuumudu ko ja windsán ttuknipákuudup tugekyu di'ibu myudajtypy. ⁴⁸ Es n'okpujtákum, pun ja mduumbu kyaj 'yoyjya'ayaty es je'eyu twinmay ko yu wyindsán jákup ma jya'tat, ⁴⁹ ta ttúnat axuk ja wiinkpadyu myumduumbu, es tyuku kaay ukpu mudu myu'ami'ikyjya'ayaty, ⁵⁰ es ma tadu xuu ma ja tyuumbu kyaj 'yawixyaty es kyaj tñijawu ti ooru ja wyindsán jya'ta'añ, net jya'ty ja wyindsán. ⁵¹ Net yajmo'oyut ja muk tudyu'unun, yajpajta'agup ma pánaty nay'andijadup jyiky'attu tuj'ajtan meut, ma ja'ay jyu'ay ya'axtat es ñaydyutskaadudut mat ja ayo'on.

25

Nimajku to'oxyuna'k éxtamu ixpajtan

¹ 'Esu tadu tiempu ma myina'añ ja tsajpótudu kutujkan, du'un jajtr éxtam nimajku to'oxyuna'k di'ibu wyiitsu'ktu ja lyampru es t'awixtu ja pujkpu yedyujk. ² Nimogokku tadu to'oxyuna'k kyuwinma'añty es janimogokpu kyaj. ³ Di'ibu kyaj yajxon twinmaaydyu, ja'a je'eyu myunujxtu 'yaseytu di'ibu jap lyamproty; ⁴ es ja kuwinma'añbyu oj tmajexy ni'igu ja aseytu, kyaj jya'ayaty di'ibu jap lyamproty.

⁵ 'Es kom ja di'ibu naty púkaamp kyajpu naty ñaja'ty, ta pyátudu ja tsuu. Ta myanajxtu ni'amuku. ⁶ Es éxtam tsu'pun tmadooy kyajxy muk, es jyuna'añ: "¡Ta myiñ ja pujkpu yedyujk! Nujx jajpkubaadudu." ⁷ Nidugekyu tadu to'oxyuna'k pyudu'ktu. Ta yu lyampru t'uxkujkudu. ⁸ Net ja nimogokpu di'ibu kyaj kyuwinma'añty t'anmaaydyu ja nimogokpu kuwinma'añbyu: "Meegyuts waanu ja m'aseytu, mat ko tap kyujxnu yu nlámpradu 'yaseytu es pi'idsaamp." ⁹ Es ja kuwinma'añbyuty 'yadsoodu: "Kyaj, mat ko kyaj tpaadut esuts uudsuty nyajtundut es ni miidsaty. Nik najxtu ma tyeegyuty es jyudyu mja'a." ¹⁰ Es ma naty ja nimogokpu tjuudyu ja aseytu, net jyajty ja pujkpu yedyujk. Ja to'oxyuna'k di'ibu naty tu ñay'uxkúkaty, ta tyujkudu mat ja pujkpu ma pyujkpanigaya'andu. Ta 'yadijky ja tujk. ¹¹ Oknum jyajtu ja nimogokpu to'oxyuna'katy. Ta kyugajxudu: "Windsán, windsán, ya'ayu'ats." ¹² Es ya'adsooy: "Kyajts miits n'ixy'attu."

¹³ Net ja Jesús t'anmaaydyu ja 'yuxpjkpúty:

—Wjij m'ittat, mat ko kyaj xyñijawudu ti xuu ti ooru nmina'añty.

Tuktujku ooru meen éxtamu ixpajtan

¹⁴ Ma myina'añ ja tsajpótudu kutujkan, nandu'un jajtr du'un éxtam tu'ugu ja'ay ko ñijxa'añ wiink naxwiñudu, es twoodsooy ja tyuumbaty es ttukkadujku ja myeeñ.

¹⁵ Nidu'uk tmooy mugokku ooru meen es jat'u'uk majtsku ooru meen es jat'u'uk tu'ugu ooru meen. Du'un tmooy nidu'uk nidu'uk éxtam mbaat tmumada'aky. Ta net oj tsoy'onnu. ¹⁶ Ja di'ibu 'yaxaju ja mugokpu meen, ta tyujku ajuuy ado'kpu mat ja meen. Ta nandu'unun dyajganarajty. ¹⁷ Nandu'un di'ibu yajmooy majtsku meen dyajganarajty nandu'unun. ¹⁸ Es ja di'ibu 'yaxaju tu'uk, yu'ts ja meen ma ttajujty ja nax.

¹⁹ Tu naty oy jyajknu ko jyajty ja wyindsún. Ta tyujku kwentatuumba. ²⁰ Jawyiii ttuufn mut ja di'ibu naty tu tmo'oy mugoxx. Ta tyukkudajku ja tyuumba jamugoxx ja meefi ni'igu, es 'yanmaay: "Windsún, xymyooyuts mugoxx, es tyaa jamugoxx di'ibuts tu nyajganaráty." ²¹ Net ja windsún t'anmaay ja tyuumba: "A weenu. Oymyuduumba mij. Extam oy tu mdufn ma waanu tu ndukkuduku, n'aktimtukkadukup waanu may. Min es nxondákum."

²² 'Ok jyajty di'ibu naty tu yajmo'oy majtsk. Ta t'anmaay ja wyindsún: "Windsún, xymyooyuts majtsk, es tyaa jamajtsk di'ibuts tu nyajganaráty." ²³ Ta ja wyindsún 'yanmaay: "A weenu. Oymyuduumba mij. Extam oy tu mdufn ma waanu tu ndukkuduku, n'aktimtukkadukup waanu may. Min es nxondákum."

²⁴ Es ko jyajty jatu'ugu tyuumba di'ibu naty tu yajtukkaduku tu'ugu meefi, ta t'anmaay ja wyindsún: "Windsún, kom nniija'abudsu naty ko m'adsojpk, es ko mdsiky ma kyaj tu mni'ipy es xyajpude'eky ma kyaj tu xywyujwa'xy, ²⁵ paadyuts ndsu'ku es tu ndajuts ja mmeefi naaxóty. Pes tyaa di'ibu mij mja'a'ajtypy." ²⁶ Ja windsún t'adsooy ja tyuumba: "iNuux, axuk muduumbu! Es pun nniija'ap kots uj ndsiky mats kyaj tu mni'ipy es nyajpude'egyuts mats kyaj tu nwujwa'xy tii, ²⁷ paaty tuxxyupts ja mmeefi xypyujtaku ma yu banku, es kots tu njumbity, taaxyupts n'axaju nandu'un ja mmeefi'ajuydyukuts." ²⁸ Ta ja windsún t'anmaay di'ibu naty jápty: "Pujkudu tadu meefi, es mo'oy di'ibu myudajtypy majk. ²⁹ Mut ko di'ibu myudajtypy, aktim'yajmo'oyup es tmudátat waanu ni'igu; es ja di'ibu kyaj tmudaty, aktim'yajpujkudya'ayup di'ibu oynu'unun myudajtypy. ³⁰ Esu tyadu nduumbuts di'ibu kyaj ti tsooty, jubjppndsumdu awa'atstúm ma ja koots'át, ma ja'ay jyu'uy ya'axtat es ñaydytskaadadut mut ja ayo'on."

Ja'ay yajpayo'oy

³¹ Esu Jesús 'yakjanán:

—Kots uj, ja Naxwiñudu Ja'ayudyu Kyudunaabyu, nmínut mut ni'igu muj'ajtan es juwudity mudadsu n'ánklusuty, nétuts n'u'uñut ma uñaaybyajn mats uj nyajkutuka'añ. ³² Nidagekyu naxwiñudu ja'ayuty ñaymyujka'ayudut ma ujun, esuts nyajnaywya'xuduts nidu'uk nidu'uk éxtam ja borreegu kwenta'ajtpu dyajnaywya'xyuty ja byorreegu esu tsiyip awiingáty. ³³ Nbuja'taguduts ja borreegu n'aga'añdsyoo es ja tsiyibu n'anajñdsyoots. ³⁴ Nétuts n'anuumudut ja nborreeguts di'ibuts nya'ijtypy n'aga'añdsyoo: "Mindu miidsuty di'ibuts ja nDeety tu kyunu'xudu. Axájudu ja oy'ajtan ma ngutujkanuts di'ibu Dios mduknibujtaaguty extu ma oy dyajkojy ja naxwiñudu. ³⁵ Ja'a ko nmudajtats ja yuu es miits xyajkaadyuts, nmudajtats ja tuudsu es miits xyajnu'úktuts, du'unuts njudijty éxtam di'ibu kyajpu jyuun tyujk, es miidsuts xymyoodyu jajttákn, ³⁶ xytyugoy'ajtxuts ja nwit es miidsuts xymyoodyu, ijtsats pa'am muut es miidsuts oj xykyu'ixtu, ijtsats pujxndugóty es miidsuts oj xykyu'ixtu."

³⁷ Es di'ibu jiky'ajit tuj'ajtan muut xy'anuumuduts: "Windsún, zna'a tu n'ixtu myu'eegyuty es tu nmo'oodyu mga'ay m'ukan, o na'a tu n'ixtu xymyudaty ja tuudsu es tu nyajnu'uuktu, ³⁸ o na'a tu n'ixtu mjudity éxtam di'ibu kyajpu tyujk, es tu nyajajitta'aktu, o tu mdugoy'ajtxuty ja mwit es tu nmo'oodyu, ³⁹ o na'a tu n'ixtu mbékyuty es tu ngu'ixtu, o na'a tu m'ity pujxndugóty es tu oj ngu'ixtu?" ⁴⁰ Es uj n'adsówduts: "Tuy'ajtan n'anuumudu ko ma du'un xytyuundu mut oytym di'ibuty nmugoy'uguts, mduundu mut uj nandu'un."

⁴¹ 'Net uj n'anuumuduts di'ibu nya'ijtypyuts n'anajñdsyoo: "Mastúttuguts miidsuty di'ibu tu yajkajxpóktu. Nujx ma ja junya'angu winu xuu winu tiempu di'ibu tu yajtuknibujtaagu es tjaa'átat ja mujku'ugópk es ja 'yánklusuty. ⁴² Ja'a ko nmudajtats ja yuu es miidsuty kyajts xyajkaadyu, nmudajtats ja tuudsu es miidsuty kyaj xyajnu'úktuts, ⁴³ judijtats éxtam di'ibu kyajpu tyujk, es miidsuty kyajts xymyoodyu jajttákn, xytyugoy'ajtxuts ja nwit es miidsuty kyaj xymyoodyu, nmudajtats ja pa'am es ijtsats pujxndugóty es miidsuty kyajts oj xykyu'ixtu."

⁴⁴ 'Net ja'ajuty xy'adsówduts: "Windsún, zna'a tu n'ixtu mjudity myu'eegyuty, o xymyudaty ja tuudsu, o éxtamu di'ibu kyajpu tyujk o kyajpu mwit, o tu mbékyuty, o pujxndugóty es kyaj tu nbuduku?" ⁴⁵ Es uj n'adsówduts: "Tugekyu di'ibu kyaj tu xytyundu mudu oytym di'ibuty nmugoy'uguts, nan kyaj tu xytyundu mut uj."

⁴⁶ 'Netu tyaaduty ñujajit ma ja tuadyu'ununu winu xuu winu tiempu, per di'ibu jiky'ajttap tuj'ajtan muut, yu'u nujxtap ma ja jiky'ajtanu winu xuu winu tiempu.

26

Tkajxy'áttu pun wi'ixu Jesús yajmátsut

¹ Ko Jesús tkajxtaay tugekyu tyaaadu, ta t'anmaay ja 'yuxpujkruty:

² —Miits nniija'adup ko juxtxjmu du'un ja pasku xuu, es uj, ja Naxwiñudu Ja'ayudyu Kyudunaabyu, nyajku'yaka'añuts esuts xyajkruuzpátut.

³ Ma tadu tiempu ja teedywyindsúnaty es ja di'ibuty tsajptugóty ya'uxpujktap es nandu'unu israelítadyu myujja'aydyujkaty ñaymyujkadu ma tyujk aa Kaifás, ja teedywyindsungópk.

4 Jam dyajtaidyujkudu wi'ix t'okmátstat ja Jesús mudu andakan, es 'yoogut. 5 Es ñajjyunnánda:

—Kyaj jyaaty ma ja xuu, kudiibu xyñibudu'kum ja ja'ayuty.

Tu'ugu toxytyujk ttukkuutsy ja pa'ak xu'kpu ja Jesús

6 Jamu naty Jesús Betañu ma tyujku Simonk di'ibu yajtijp nilepra pa'am. 7 Ta ñimwangoonu tu'ugu toxytyujk mut tu'ugu limetu alabástrabu ujts mudu aseytu pa'ak xu'kpu es jantsy tsooxpu. Ko naty ja Jesús 'yu'uñu meesu windum, ta ja toxytyujk oj tyukkuudsuty kyubajkkajxy. 8 Ko ja uxpujkraty t'ijxtu tyáadu, ta 'yajkudu es jyunnandu:

—¿Ti ko tyáadu du'an tu 'yaxtagoy? 9 Tyáadu tuxxup tsoox yajteeky esxyup tu yaj-tukpudákudu ja ayoobu ja'ayuty.

10 Ko Jesús tmodooyu tyáadu, ta jyunnáñ:

—¿Ti ko xy'oodu tadu toxytyujk? Tyáadu óyudsu du'an tu xytyuñ. 11 Pes ja ayoobutajkaty mmudáttap du'uñum ma miidsuty, per uj kyajts du'uñum xymudáttat. 12 Di'ibu tyadu toxytyujk tu ttuñ kots tu xytyukkuudsuy tadu aseytu pa'ak xu'kpu mañsu nnini'x, ja'a du'an jyujp'ijxnup esuts nnaxtákat. 13 Tuj'ajtun n'anuumadu ko oytym maaty yajkajxwa'xy yu obybu ayuk ma tgekyu naxwíñudu, yajmadya'agut nandu'an di'ibu tyuunu tyadu toxytyujk, es du'an yajjamyátsut yu'u.

Juudas tkayaka'añ ja Jesús

14 Net nidu'ugu nimajmajtskpu ja uxpujkrpu di'ibu xyu'ajtypy Juudas Iskaryotu, oj myadya'aky mudu teedywyindsúnaty. 15 Ta t'anmaay:

—¿Nu'unats xymyo'oyut pun ndukkudajkudup ja Jesús?

Net myooyudu i'px majku platu meeñ. 16 Es net ja Juudas t'uxtaay oga'an ja tiempu ma t'okkuyákut ja Jesús.

Nindsun'ajtmu 'ya'ux

17 Es ma ja pasku xuu tsyondaky ma yajkáy ja tsajkaaky di'ibu kyaj tmudaty ja levaduuru, ja uxpujkraty tnimiindu wingón ja Jesús es dyajtaudu:

—¿Maá xytsyeky n'axkúkaduts es ndu'unam ja pasku a'ux?

18 Ta ja Jesús 'yanmaayudu:

—Nujxtu jam kajpnóty ma ja tyujk tu'ugu yedyujk nmtnaymyaayubu, es anuumadu: “Yu Windsún du'an jyuna'añ: Yu nxuu n'oorats tu wyingón, es ma yu mdajk nduna'añuts ja pasku mududsu n'uxpujkraty.”

19 Net ja uxpujkraty du'an tuuundu éxtum ja Jesús tyuknipujkudu. Ta t'axkujkudu ja pasku a'ux.

20 Ko oj tsyu'ujunu, tamu naty Jesús meesu windum mut ja nimajmajtskpu 'yuxpujkraty.

21 Ma naty jam 'ya'ux'attu, ta Jesús jyunnáñ:

—Tuj'ajtun n'anuumadu ko nidu'uk miidsuty xykyuyaka'añuts.

22 Net ja uxpujkraty jyantsyjoyotmaydyuktajkudu, es dyajtaudu nidu'ugáty ja Jesús:

—Windsún, ¿tii ujtsu daa?

23 Ta 'yadsooyu ja Jesús:

—Di'ibuts xymyattojxmujkp, yu'udsu du'an xykyuyakaamp. 24 Uj ja Naxwíñudu Ja'ayudyu Kyudanaabyu, du'an nnejxyuts éxtum ja Diosu jyaaybyajtun jyuna'añ. ¡Per puroobu tadu yedyujk di'ibuts xykyuyakaamp! Nik oy mut yu'u kooxyubu tadu yedyujk kyadimmiñ kyadimjajty naxwiñ.

25 Net ja Juudas di'ibu kayakánup, oj dyajtauy ja Jesús:

—Windsún, ¿tii ujtsu daa?

Ta Jesús 'yadsooyu:

—Mijtsu du'an.

26 Ma naty jam 'ya'ux'attu, ta Jesús tkone'ky ja tsajkaaky, es tja'aygyudáky ja Dios.

Es ko ttujkwa'xy, ta tmooydyu ja 'yuxpujkraty, es t'anuumadu:

—Kaydyu. Tyáadudsu du'an ja nnini'x.

27 Net tkone'ky tu'ugu káluz mudu vynu, es tja'aygyudáky ja Dios.

Ta tmooydyu ja 'yuxpujkraty, es t'anuumadu:

—Uuktu nidugekyu miidsuty ma tyadu káluz. 28 Tyáadudsu du'an ja nne'pyñuts di'ibu yajtamamp yaj'yokamp es tyudyúkat ja kajxy'átyrupu, es du'an yajma'xat mayu ja'ay ja pyojpady. 29 Es n'anuumadu ko kyajts nnaky'uuga'añ tyadu uunu nuu extu kodsu naty n'iiky mut miidsuty ja jembyu uunu nuu mañsu nDeedyats yajkutiky.

Jesús tnigajxy ko Peedru 'yuxtij'añuty

30 Ko t'undaay tu'ugu alabanzu, ta oj ñujxtu ma ja Oliivus Kopk. 31 Net ja Jesús t'anmaaydyu ja 'yuxpujkraty:

—Nidugekyu miits xymyatstu'udándapts tyaadu koots, mat ko jyuna'añ ma Diosu jyaabyajtan: “Nya'oogapts ja borreegu kwentu'ajtrn, es ja byorreegaty 'yayo'ooywa'xta'aydyut.”³² Es kodsu naty tu njikyryekey, jawyiniuts nnajxat Galileu maanumu naty miits mganajxtu.

³³ Net ja Peedru 'yadsooy:

—Oy nidugekyu njamatstuttaayubu, uj kyajts mij nmatstu'udut.

³⁴ Net ja Jesús 'yanmaay:

—Tuy'ajtan n'anumu ko nan ma tyadu koots, kyajnumu natyu tugaak 'yuy, esuts mij xy'uxtija'añ tugak ok.

³⁵ Netu Peedru jyunañ:

—Oyuts ndim'oogut mat mij, kyaj n'uxtijut.

Es nidugekyu ja xprajkruty nandu'an jyunaandaaydyu.

Jesús kyajxta'aky Jetsemanii

³⁶ Net ja Jesús jyajtu mudu 'yuxrajkruty ma tu'ugu nugam di'ibu xyu'ajtypy Jetsemanii. Ta t'anmaaydyu ja 'yuxrajkruty:

—U'uñdu yaa mints xim n'okkajxta'aky.

³⁷ Ta tmunejxy ja Peedru es majtsku Zebedeeu myaank. Ta ñayjya'aju jantsy jotmaymyuut es 'yamutsk'ajty.³⁸ Net t'anmaaydyu:

—Du'unuts njawu njodoty éxtam tu'ugu jotmay di'ibu mudu o'kan. Wu'umdu miits ja yaa es wijy m'ittut mat uj.

³⁹ Net ja Jesús oj waanu ñas'yo'oyu. Ta ñayjyuru koxtanu naxkajxy, es kyajxtáky du'un:

—Tatitu'unk, pun mbaat, kudiibuts n'uugut yu ta'ambu. Per kyaj dyu'unuty éxtamts uj ndseky, wa'anu du'unuty éxtam mij xytsyeyky.

⁴⁰ Net jyambijty ma naty ja nidugaukra 'yuxrajkra es tpatu mya'adu, es t'anmaay ja Peedru:

—¿Kyaj tu mmada'aktu miits m'ittut wijy mat uj ni tuk oora? ⁴¹ Wijtu es kajxta'aktu kudiibu ja ka'oybyu mmamad'a'agadut. Tuy'ajtan ko ja anmaja'an tsyejpy es ttúnat di'ibu Dios tsyejpy, per yu nini'x kyaj oy tmananu.

⁴² Ja myumajtsk ok oj ñejxy, ta kyajxtáky du'un:

—Tatitu'unk, pun kyaj mbaat xya"adiky es kudiibuts uj du'un n'ayówat, wa'anu du'un du'unuty éxtam mij xytsyeyky.

⁴³ Net jyambijty jatugok ma ja nidugaukra 'yuxrajkruty, es tpaty ak maadup, mat ko nugoo naty ja tsuu tu 'yokwindajkandu. ⁴⁴ Ta tna'ijxy es oj ñejxy myadugak ok kajxtáky, nandu'an éxtam tu t'ok'amdoo t'okrajtsoobu. ⁴⁵ Ta oj jyambijtnu ma ja nidugaukra 'yuxrajkruty, es t'anmaaydyu:

—¿Tii m'akmaa m'akpo'xtubu? Tu net tpaaty ja xuu ja oora ma uj, ja Naxwíñudu Ja'aydyu Kyudunaabyu, nyajkyaka'añuts ma yu pojru ja'ayaty. ⁴⁶ ¡Pudu'aktu! ¡jo'omdu! Ta myiñ ja di'ibuts xykyayakaamp.

Jesús yajmátsy

⁴⁷ Tamu natyñumu Jesús 'yakkajxy ko jyajty ja Juudas di'ibu nandu'an 'yapóstulu'ajtypy ma yu nimajmajtskra, es myndu mudu mayjya'ay mudu 'yespaadu esu kyépyuty. Yu'u naty kajxadup ja teedywyindsánuty esu myajja'aydyujkudyu israelituty. ⁴⁸ Es tu natyu Juudas ttukni"ixu wi'ixu naty dyaka'añ ja ijxwu'umun:

—Di'ibuts uj ndsi'xyry, yu'u du'unu naty ja Jesús. Yu'u du'un mmátstup.

⁴⁹ Netyu Juudas tnimiñ ja Jesús, es tkajxpe'xy:

—Dios maygyépyuty, Windsán.

Ta oj tsi'xy. ⁵⁰ Netu Jesús 'yadsooy:

—Munaymyaaybyu, ¿tun ti mnimiimpy?

Ta tnimwingoonda ja Jesús es tmajtstu es dyajnjxnadu tsimy. ⁵¹ Nidu'uk di'ibu naty jam mudu Jesús, tju'ty ja 'yespaadu es tnibo'tu tuk adu'umu tyatsk ja teedywyindsangópku tyuumbu. ⁵² Net ja Jesús t'anmaay:

—Pujku'ugu m'espaaðu ma xya'ity. Mat ko nidugekyu di'ibu tsiptuump mudu espaaðu, nan mudu espaaðu 'yoogut. ⁵³ Es tim tyamyu mbaaduts nja"amdoy ja nDeedyuts es tkaxut tugoymyayu ánkusaty esxyapts xypudaku. ⁵⁴ Per kyajtsu du'un ndúnat, mat ko wi'ix yajkuudyunat ja Diosu jyaabyajtan di'ibu junaamp ko du'un tyun jyatut.

⁵⁵ Net ja Jesús t'anmaaydyu ja mayjya'ayuty:

—¿Tii du'unuts miits tu xyñimínduts mudu m'espaaðu esu mgepy es xymyatsa'anduts éxtamxyapts uj nma'tspaty? Bom bómuts uj tu n'u'uñu mat miidsaty maj tsajptajk ñabotsoty es nya'axpaktu, es ni na'ats tu xykyatsumdu. ⁵⁶ Es tugekyu tyaadu du'un jatyuty es yajkuudyunat di'ibu ja Diosu kyugajxpaty myadyaktu ma ja Diosu jyaabyajtan.

Jesús, Anás wyindum

Ta nidagekyu ja uxpujkruty tmastuttu ja Jesús, es kyaktaaydyu. ⁵⁷ Di'ibáty myajtstu ja Jesús, yu'ujuty jajnujxtu ma ja teedywyindsungórk Kaifás, ma naty ja di'ibáty tsajptugóty ya'uxpujktup esu mujja'aydyujkuty tu ñaymyúkuđu. ⁵⁸ Es yu Peedru pyanujx extu ma ja tyuja'a ja teedywyindsungórk. Jap tyujku es ñaxwe'tsy madu polusiuty, es tñajawuya'añ wi'ix 'yokwe'emy ja Jesús.

⁵⁹ Yu teedywyindsúnaty es ja mujja'aydyujkuty es tugyeku di'ibu ana'amdup muj tsajptugóty t'uxta'aydyu ja winma'añ wi'ix t'okniwaambáttat ja Jesús es 'yoogat, ⁶⁰ es kyaj trattu ja pyojru oy may ja ja'ay oj jyamindu es tñaniwaambajttu ja Jesús. Es tim ok myiñ nimaajtsku testiigu di'ibu andáktup, ⁶¹ es jyunandu:

—Tyaadu yedyujk du'an jyuña'añ: “Mbaadats njity tyadu muj tsajptujk es tuguk xuuts ngójt jatugok.”

⁶² Net ja teedywyindsungórk pyade'ky es t'anmaay yu Jesús:

—¿Kyaj m'adsoy ni tii? ¿Tii dunu tyaadu di'ibu yam myadyáktup mat miijskyujxm?

⁶³ Es ja Jesús oj wye'emy amoiñ. Net ja teedywyindsungórk 'yanmaay:

—Hjtsuts mij n'anmaapy madu Diosu xyuugyujxm es xy'anuumadats ja tñajajtan pan miijsu du'an ja Kristu, ja Diosu 'yU'unk.

⁶⁴ Jesús 'yadsooy:

—Hjtsu du'an éxtam mij mjuna'añ, es nandu'an n'anuumadu miidsuty ko m'ixtup ko uj, ja Naxwíñudu ja'aydyu Kyudanaabyu, n'u'uñya'añts ma yu 'yaga'añdsyoo ja Dios di'ibu tugyeku muk'ajtan myudajtypy, es ma naty nmina'añts yoodsóty.

⁶⁵ Net ja teedywyindsungórk tku'tsy ja wyit es ñuuguxu'ugut ja 'yak, es jyunáñ:

—¿Tyaadu yedyujk tu tñudagoy ja Dios madu kyu'am ayuk! ¿Oy njadimtsojkam ja testiigu? Miidsuty ku'am tu xymudowdu yu 'yaxak ayuk. ⁶⁶ ¿Wi'ix mjuna'andu?

Es ja'ajuty jyunandu:

—Myudajtypy ja pyeky, es pátap 'yoogat.

⁶⁷ Ta twindsuju'ktu es twojptu es naaguty twimbojtsu'ktu, ⁶⁸ es t'anmaaydyu:

—Mij Kristu, imay pán tu mgóxyuty!

Peedru t'uxtijy ja Jesús

⁶⁹ Ma naty ja Peedru 'yu'uñ tuja'p, ta ñimiinu tu'ugu kiixy po'oduumba es 'yanmaay:

—Mij nandu'an tu mjudity madu Jesús, Galileu ja'ay.

⁷⁰ Es ja Peedru 'yuxtijy ja Jesús mayjya'ayóty, es jyuña'añ:

—Kyajts nnijawu ti dun mmadyakypy.

⁷¹ Jamu naty Peedru tujk agu'am ko jatu'ugu kiixy po'oduumba di'ibu naty jap 'yijxu. Ta jyunáñ:

—Tyađu ja'ay nandu'an tu jyudity madu Jesús nazarenu.

⁷² Ta jatugok ja Peedru t'uxtijy, es jyunáñ:

—Diósuts ndestiigu'ajtypy ko kyajts n'ixy'atyu tadu yedyujk.

⁷³ Ko waanu 'yak'ijty, di'ibu naty jajuty tñimujwa'ktu ja Peedru es t'anmaaydyu:

—Tñajajtan ko mij nandu'an mja'ay'ajtabu tyaadu, mat ko madu m'u'u mgajxun mya'uxkapy.

⁷⁴ Netu Peedru oj ñaygyajxpékuty ko kyaj tñajajtan jyuña'añ:

—¡Ay, por tsyos! Kyajts n'ixy'atyu tadu ja'ay.

Ta nety 'yuy ja tugaak. ⁷⁵ Net ja Peedru tjamyejtsy éxtam ja Jesusu naty tu 'yanu'amxuty: “Ko kyajnumu naty tugaak 'yuy, es mij mjuna'ana'añ tuguk ok ko kyajts xy'ix'aty.” Taa ja Peedru pyudseemy jap, es jantsy juy yaxy.

27*Jesús, Pilatu wyinduuy*

¹ Ko oj xuyñu, ta ja teedywyindsúnaty es ja israelítadyu mujja'aydyujkuty t'amujk tkajxmujktu es dyajti'igyadu es 'yoogat ja Jesús. ² Net tkatsuumdu es oj ttukudákudu ja gobernadoo Ponsu Pilatu.

Juudu's 'yeeky

³ Ko ja Juudu's di'ibu naty tu tkayaky ja Jesús, t'ijxy ko tu naty tkayaky es 'yoogat ja Jesús, ta oj jyajotmay'o'knu. Ta tkoonambijty ja i'px majkru platu meñ tsajptugóty ma ja teedywyindsúnaty es ja mujja'aydyujkuty. ⁴ Ta t'anmaay:

—Hj tuts nbekyuyñ kots tu ngayaky es 'yoogat tu'ugu ja'ay di'ibu kyaj tii pyeky.

Per ja'ajuty 'yadsooy:

—Esu taadu, ¿tits udsuty ngwéntuty? ¡Mij taadu mbátup!

⁵ Net ja Juudu's tñaswaju ja meñ ma muj tsajptujkun, es ñajxu es ñayyo'ktuuy.

⁶ Ja teedywyindsúnaty tkoonmujktu ja meñ, es ñajyunánudu:

—Kyaj mbaat nbajtákuu tyadu meeñ ma ja limosna ñipety, mat ko yu'a yaj'yajk ko tu'ugu ja'ay 'yoogut.

⁷ Net ñaybyujtákuu ti'igyu es tjuyandu tu'ugu nax di'ibu jya'a'ajtypy ja tu'ts pojtspu, es du'un tmuđttat ma dyajnaxtákuu ja jabye'xyuty. ⁸ Paaty txu'atyu tadu nax extu tyambaat ne'pyñáx. ⁹ Es du'un yajkuudyuuñ yu tyaadu di'ibu ja Diosu kyugajxpu Jeremiias ta tkajxyu naty: “Es t'axájuu i'px majku platu meeñ, éxtam ja israelitu ja'ayuty tpujtákuu ja tsoo, ¹⁰ es madu tadu meeñ tjuudyu ja tu'ts pojtspu ñax, éxtam ja Nindsan'ajtam xtyuknipejky.”

Jesús, Pilatu wyinduuy

¹¹ Net Jesús oj yajmunejxy ma ja gobernador, di'ibu yajtuuju:

—¿Tii mijtsu du'an ja israelítudu ryey?

Netu Jesús 'yadsooy:

—Du'unu du'an éxtam mij mjuna'añun.

¹² Es ko ja teedywyindsánuty es ja mujja'aydyujkuty ñi'uunadu, Jesús kyaj 'yadsooy. ¹³ Net ja Pilatu yajtuuju:

—¿Tii kyaj xymyudooy tugekyu di'ibu yam mdukni'u'unuup mij?

¹⁴ Es ja Jesús kyaj tyim'adsooy ni tuk aa. Es ja gobernador du'añu oj wyu'amnu es kyaj tñijawu wi'ix 'yajakuna'anat.

Jesús ñiduku es 'yoogut

¹⁵ Es ma ja xuu ja gobernador jumajt jumajt tasmatsa tu'ugu tsimyjya'ay di'ibu ja ja'ayuty tsojktup. ¹⁶ Es ma tadu tiempu, japu naty 'yity tsimy tu'ugu muj pekyjya'ay di'ibu xyu'ajtypy Barrabás. ¹⁷ Es ko naty ja israelítuty ta ñaymyúkuu, ta ja Pilatu dyajtuuy:

—¿Di'ibu miits mdsojktup esuts nasmátsut, yu Barrabás, o yu Jesús di'ibu xyu'ajtypy Kristu?

¹⁸ Du'an jyunañ ja Pilatu mat ko ñija'abu naty ko ja teedywyindsánuty tñaywyin-naxujáwudu ko Jesús may ja ja'ayuty pñanajxudu es paaty ty tukudákuu.

¹⁹ Ko naty ja Pilatu 'yak'u'uñu ma yajkutiky, yu ñudo'oxy oj ñigajxykaxuty es 'yana'umxuty: —Katu mij ti xtyuktuku madu tadu ja'ay di'ibu kyaj tii pyeky, mat ko tsu'uyats nguma'ay jantsy axuuk mat yu'ugyujxm.

²⁰ Es ja teedywyindsánuty es ja mujja'aydyujkuty oj ttukkupaktu ja ja'ayuty es jyuna'anat ko yajnaśmátsut ja Barrabás es ja Jesús 'yoogut. ²¹ Ja gobernador dyajtuuy jatugókuty:

—¿Di'ibu nidu'uk mdsojktup esuts nasmátsut?

Ta ja'ajuty 'yadsoodu:

—Yu Barrabás.

²² Net Pilatu dyajtuuy:

—¿Es tits ndúnup madu tyadu Jesús di'ibu mij m'andijtup Kristu?

Es nidugekyu 'yadsoodu:

—¡Yajkruuzpát!

²³ Net ja Pilatu t'anmaaydyu:

—Pes, ¿tii du'an ta ttimtuundugóy?

Per ja'ajuty 'yaktim'yaxkaktu:

—¡Yajkruuzpát!

²⁴ Ko ja Pilatu t'ijxy ko kyaj ja ja'ayuty tkupaktu es ni'igu ñaymyuk ñaydu'a'adsudu ja ja'ay, ta tñigajxu nuu es oj kyabujy mayjya'ay wyinduuy, es jyuna'añ:

—Ej kyajts nduktuku ja 'yo'kanu tyadu ja'ay. Miidsudyu taadu mbátuup.

²⁵ Es nidugekyu ja ja'ayuty 'yadsoodu:

—¡Tudsuty es n'u'unk n'una'kuty pyeky'áttup madu tyadu 'yo'kan!

²⁶ Net ja Pilatu tasmajtsu ja Barrabás, ta tñi'ana'amnu esu Jesús yajwórup. Ta net tkayajky es dyajkruuzpáttat.

²⁷ Net ja gobernadoru syoldaaduty tmanujxu ja Jesús ma ja palasyu es dyajnaymyujku nidugekyu ja soldaaduty ma Jesús. ²⁸ Net tjaanudu ja wuyt, es ttukpujktu tu'ugu witu tsu'unkpu éxtamu reyu wyit. ²⁹ Ta txugajtu ja apyñ éxtam tu'ugu korona, es tpujtákuu kyubajkkajxm, es ttukkakajpuu tu'ugu tajk ma 'yaga'añgyu'a. Ta net twingoxtnaaydyu, ttukxi'ktu es t'anmaaydyu:

—¡Muj kujxm mij, israelítudu ryey!

³⁰ Nandu'un twindsuju'ktu, es ttukkakajptúttu ja tyajk es ttukkuwojpu'ktu. ³¹ Ko ttukxiktaaydyu, ta dyajjunajktu ja tsu'unk wit, es ttukpujktu ja kyu'am wit. Ta tmanujxudu es dyajkruuzpata'andu.

Jesús kyruuzpéty

³² Ko naty tsoondu, ta ñaybyátudu mat tu'ugu ja'ay di'ibu kugajpn Sirene es txu'aty Simonk. Ta ttukkupajktu agwanu es dyajnajxat ja Jesusu kyruuz.

³³ Es du'an jyajtu ma tu'ugu lugaar txu'aty Gólotu, di'ibu 'yandijpy Kalaveeru Lugaar. ³⁴ Jam tjabatuk'uugánda ja vínu taam'yo'oy mudu tsajkadsuxknijy es kyaj muk tjáwat ja ayo'on. Es ko t'ukmajtsy ja Jesús, ta kyaj tim 'yiky.

³⁵ Ko naty tu dyajkruuzpáttu, ta ja soldaadaty ttuundu ja rifu es dyajwa'xtu ak yu'ujuty ja Jesusu wyit. Du'an yajkuudyuufi éxtam jyunañ ja Diosu kyugajxpu: "Dyajwa'xtuts ja nwit ak yu'ujuty mat ko ttuundu ja rifu." ³⁶ Net ñaxwa'tstu jam es tkwentu'ata'andu. ³⁷ Es kyubajky tpujtákudu tu'ugu letreeru di'ibu junaamp éxtamu du'an ja 'yu'anun: "Tyaadu du'an ja Jesús, israelítadya ryey."

³⁸ Nandu'un majtsku ma'tspaty dyajkruuzpajttu mat yu'u, tu'uk aga'añdsyoo es jat'uuk anajñdsyoo. ³⁹ Ja ja'ayuty di'ibu najxtap jam, tnixi'ik ttukxi'iktu es ttuknugow ttuk'yujkówdu, es jyuna'andu:

⁴⁰ —¿Tii kyaj mmijtsuty di'ibu junaamp ko mjítap ja muj tsajptujk es tuguk xuu xykyójat jatugok? Minuts n'ok'ixtu. Pun mijtsu du'an ja Diosu 'yU'unk, nanyajnitso'ogudu mij ku'am es junak kruuzkujxy.

⁴¹ Es nandu'un tyukxíkudu ja teedywyindsúnaty es ja di'ibuty tsajptugóty ya'axpujktap es mudu fariseeuty es ja mujja'aydujkyuty. Es ak yu'ujuty ñayjyuna'anadu:

⁴² —Tu dyajtse'eky ja wiinkpaty es kyaj mbaat ñayyajtse'egyuty ku'am. ¿Tii kyaj yu'ujuty ja israelítadya ryey? Wa'an tjunaky kruuzkujxy es nmabujkam yu'u. ⁴³ ¿Tii kyaj tu jyuna'añ ko yu'u Dios 'yU'unk'átyuty? Ko tuy'ajtanaty ko Dios yu'u tsyékyuty, jwa'anu net ja Dios dyajtse'egyuty jam kruuzkujxm!

⁴⁴ Extu ja ma'tspaty di'ibu naty jam mat yu'u kruuzkujxy, twingajx tpujpkajxtu ja Jesús nandu'un.

Jesús 'yeeky

⁴⁵ Net tugekyu ja naxwíñudu kyoodsudyaay kijkyxuu extu tuguk yaxp xuumum. ⁴⁶ Es nan ma tadu ooru Jesús kyajjy jantsy muk:

—Elii, Elii, ¿lamu sabaktanau?

Di'ibu ayuk wimbudsuum: "Dios miu, Dios miu, ¿ti kots mij ta xymyastu'uty?"

⁴⁷ Nidu'ugaty di'ibu naty jam, tmudoodu es ñayjyuna'anadu:

—Yu'u tyaadu yáxup ja Eliias, ja Diosu kyugajxpu.

⁴⁸ Netyu nidu'ugaty oj ñejoy puye'egyú es oj dyajtsoon tu'uk di'ibu yuunkpunaanu. Ta dyajxe'eky madu vínu xun, es ttukujptjú tu'ugu kepy, es tmawingooñ ja Jesús es tmuugut.

⁴⁹ Per ja wiinkpaty jyunaandu:

—¡Mastu'ut! Min n'ok'ijxum pun nimiinap ja Eliias es yajtso'ogudut.

⁵⁰ Ta jatugok ja Jesús oj kyajjy jantsy muk. Ta oj 'yo'knu. ⁵¹ Netyu ja aduy di'ibu jap muj tsajptugóty kyu'tswa'xy kubajky extu ax'ambaat, ja naxwíñudu pyumiimy, ja ju'u kaats oj 'ya'ajudya'ay, ⁵² es 'yawatsy ja o'kpu jut, es jyikyppyujktu mayu Diosu jya'ay di'ibu tu 'yooktu. ⁵³ Es ko naty tu jyikyppyujknu ja Jesús, net ñujxtu Jerusalén ma mayjya'ay 'yijxudu.

⁵⁴ Ja soldaadu windsún esu syoldaadaty di'ibu naty muat tkwentu'attu Jesús, ko t'ijxtu ja muk uyx es tugekyu di'ibu naty tun jajtup, net jyantsytsyu'kudu es ñayjyuna'anadu:

—¡Tuy'ajtundamu naty ko tyaadu yu'ujuty ja Diosu 'yU'unk!

⁵⁵ Jamu naty mayu toxytyujkyuty myuj'ixtu jagam di'ibu natyu Jesús tu tpanujxtu Galileeu es tu tpujúkudu naty. ⁵⁶ Ma yu'udyu naty ja Mariu Magdalenu, ja Mariu di'ibu tyaak'ajtp ja Santya'agu esu Josee, es ja Zebedeu ñudo'oxy di'ibu Santya'agu esu Fwank tyaak'ajtp.

Jesús ñaxtuku

⁵⁷ Ko ja xuu tsiyi'idánnu, ta myiñ tu'ugu mukja'ay di'ibu xyu'ajtypy Josee, Arimateu kyugajpnaty, di'ibu naty tu tpanejxy ja Jesús. ⁵⁸ Yu'u oj tninejxy ja Pilatu es t'amdooy ja ñini'xu Jesús. Ta Pilatu tni'ana'amú es yajmo'oyut. ⁵⁹ Ja Josee t'axaju ja ñini'xu Jesús. Ta t'abijty mat tu'ugu wa'atspu saabanu, ⁶⁰ es tpujtáky ma kyuum o'kpu jut di'ibu naty yu'u tu dyajtsajtsjuty dyajpa'ajutyaty tsawiñ. Ta oj t'agu'ay mat tu'ugu mujpu tsaa. Ta oj ñujxnu. ⁶¹ Jamu naty ja Mariu Magdalenu esu wiinkpu Mariu twin'u'uñudu ja jut.

Soldaadaty di'ibu kywentu'ajttup ja o'kpu jut

⁶² Jakumbom ma ja saabudu xuu, ja teedywyindsúnaty esu fariseeuty oj tmugajxtu ja Pilatu, ⁶³ es t'anmaaydu:

—Windsún, yu'uts njamyajstap ko tadu andakpu jyunañ ma naty 'yajakjy'átyñam, ko ma tyugukxabety jyikyppyúkat ma naty tu 'yeeky. ⁶⁴ Paaty tunu may'ajtan, kaxtu msoldaadaty es najx tkwentu'atyu tadu jut aa extu ko tyugukxabátutnum, kadiibu najx ja 'yaxpujktaty jyududu koots, es óknum t'anumamadat ja ja'ayuty: "Tu jyikyppyeky ma tu 'yeeky." Ko du'an jyátat, ni'igu naty 'yaxuuguty es kudiinam ma naty kyakruuzpétyñam.

⁶⁵ Pilatu jyunañi:

—Jótum. Munnajxta ja soldaaduty es yajxon xytyukkwentu'áttut ja jut aa éxtum kyaj mbaat pán tyuka.

⁶⁶ Ta tmunajxta ja soldaaduty es trujaktaaydyu yajxon ja tsaa di'ibu aguuy'ajtypy ja jut, es tsaaydyu mut ja syeyu, es ja soldaaduty oj wu'umdu kwentu'ajtrn.

28

Jesús jyikyppeky

¹ Ko ja saabudu xuu ñajxy, xuuñubunu naty ma ja domingu xuu, ñejxy ja Mariia Magdalenu es ja wiinkru Mariia ma ja Jesús oj ñaxtuku. ² Es ti'in myiñ tu'ugu muk ujx, ja'a ko tu'ugu Nindsun'ajtm Diosu 'yánklusu naty kudakp tsajpótm, es jyajty ma ja jut aa. Ta dyajjugéky ja tsaa di'ibu naty 'yagu'uy'ajtypy ja jut, es jam ñaxwe'tsy. ³ Esu wyiin jyujp tye'xy éxtumu judsuk, esu wyit poop éxtumu tsajp'e'pyky. ⁴ Ko ja soldaaduty t'ijxta, tsuyuydyu mut ja tsu'ugu es wu'umdu éxtumu o'kraty. ⁵ Net ja anklus t'anmaaydyu ja toxytyujkuty:

—Katu mdsu'ugadu. Eñ nniija'abuts ko xy'axta'aydyu Jesús di'ibu tu dyajkruuzpáttu. ⁶ Kyaj ñakyyaaty, pes tu jyikyppeky, du'un éxtumu naty tu tñigajxy. Min xy'ixtu ja lugaar ma naty 'yity. ⁷ Nujxta pojan, anuumadu yu 'yuxpukpaky ko di'ibu tu 'yeeke tu jyikyppeky, es nuxp Galileeu jawyiin mañam miits mganujxta. Jap xy'ixtat. Tyaadu du'un di'ibu naty miits n'anuumayándap.

⁸ Net ja toxytyujkuty pojan tso'ondu ma ja jut aa, jyantsyxyondaktu es tsu'ugadu nandu'un, es oj pwe'egyu t'awánudu ja uxpujkpaky.

⁹ Nujxtabu naty, ta tu'aay pyátudu ja Jesús, es kyajxpo'xudu. Ta ja'ajaty tmawingoondy ja Jesús. Ta t'awdajttu es tmanaandy ma tyeky. ¹⁰ Ta 'yanmaayudu:

—Katu mdsu'ugadu. Nujx anuumadu nmugu'uktujkats ko jap ñujxtat Galileeu, es jápats xypaattat.

Di'ibu soldaaduty myadyaktu

¹¹ Ko naty ja toxytyujk ñujxta, naagaty ja soldaadu oj ñujxta Jerusalén kajpnóty es oj ttukmumadya'aktu ja teedywyindsanaty tugekyu di'ibu tu tyuñ tu jyátyty. ¹² Tyaadu teedywyindsanaty oj ñujxta ma ja muija'aydyujkuty es ñayajti'igyudu. Net tmeefmyoodyu ja soldaaduty, ¹³ es t'anmaaydyu:

—Miits mjuna'andut ko koots ma naty miits mma'adu, ja 'yuxpukpadyu Jesús oj tu tjuuttu ja ñini'xu Jesús. ¹⁴ Es pun ja Pilatu ñija'abu tyaadu, udsuty muat nnygyajxadut kadiibu ti mjátudut.

¹⁵ Ta ja soldaadu t'axájudu ja meeñ es du'un oj tmadyakwa'xta éxtumu naty tu ya'anuumadu. Es du'un tmadya'aktu ja israelítaty extu tyambaat.

Di'ibu Jesús tyuknipejkypy ja 'yuxpukpaky

¹⁶ Ja nimajk tu'ukru uxpujkpaky oj ñujxta Galileeu ma ja kopk éxtumu naty ja Jesús tu 'yanu'umxudu. ¹⁷ Es ko t'ijxta ja Jesús, ta t'awdajttu, oy naagaty 'yamajtsk jyotmajtskudu.

¹⁸ Net ja Jesús tmawingoon ja 'yuxpukpaky es t'anmaaydyu:

—Ejts tu xymo'oy ja Dios tugekyu kutujkun, du'un jam tsajpótm es du'un ya naxwiñ. ¹⁹ Paaty nujx ya'uxpuktu ja'ayty ma tugekyu naxwiñudu esuts uñ nja'ay'áttat. Yajnabáttu xyuuguyxm Dios Teety, es uñ, ja 'yU'unk, es ja Espírítu Santu, ²⁰ es tukni'ixudu es tkuydyunat tugekyu di'ibuts uñ miits tu nduk'ana'amdu, es mnijáwudap ko du'umts uñ n'ity mut miidsaty extu ko jyá'tat ja tiempu ma naxwiñudu tyugoya'añ.

Oybyu Ayuk Di'ibu Markus Jyaay

Fwank Yajnaɓajtpu tkajxwa'xy ja Diosu 'yayuk ma muj it

¹ Du'un tsonɗakɗy ja oybyu ayuk mat yu'ugyujxmu Jesukristu, ja Diosu 'yU'unɓ, ² éxtam kaxja'ay 'yity ma ja Isaiiu ñeɓy, Diosu kyugajxpu. Du'unu Dios t'anmaay ja 'yU'unɓ: Ngejxyɓyats jawyiin ja n'ayuk kajxwa'xɓats es mya'awátsxudat yu mnu'u mdu'u.

³ Es 'yakjanáñ ja Diosu kyugajxpu:

“Ma muj itun, jam yajmadówut mak kyajxy:

Nayjyujp'ixudu mat ko taa du'un myiñ ja Nindsun'ajtam.”

⁴ Es ja Fwank yajnaɓejty ma ja muj it es t'anuumudu ja ja'ayaty es jyodumbítat, tmastu'uttat ja pyeɓy es ñubátat. Du'un tñundat ja agyujxm esu Dios mya'xudat ja pyojpu. ⁵ Es majatyu Judee ñaxwiñudu es ma Jerusalén kajpn tñimiindu ja Fwank es tmadoo'ittu. Es ko tmayatsta ja pyojpu, net ja Fwank yajnaɓátudu ma ja Jordán mujnuu.

⁶ Ja Fwangu wyit kyojyaty mudu kameyu jamk es twaun'áty ja po'o, es yu'u ijty jye'xyɓy ja mu'u esu tsimba'ak, ⁷ es tkajxwa'xy ma ja ja'ayaty es t'anuumudu:

—Oknuu myina'añ tu'ugu di'ibu ni'igu tñudaty ja mak'ajtan kaɗiinam uj. Kyajts uj xwiñitaku, ni je'eyu yu kyuk'uk nga'agájudat éxtamxyupts uj n'ityats tyuumbun. ⁸ Eɗ nyajnaɓajttupts miits mat ja nuu, per ja'a myajnaɓátudap mat ja Espiritu Santu.

Jesús ñubety

⁹ Ko waanu 'yity, ta ja Jesús tsoyo'ón ma ja Nazaret kajpn di'ibu ijtp Galilee. Ta tñimiñ ja Fwank ma ja Jordán mujnuu, es net dyajnaɓejty ja Jesús. ¹⁰ Es ko naty pyadsemy nujotm, net ja Jesús t'ijxy ko ja tsajp 'yawatsy es ja Espiritu Santu jyanajky ma yu'u éxtam tu'ugu paku'unɓ. ¹¹ Es yajmadóy tu'ugu kajxy tsajpótɓ jyan'a'añ:

—Mijtsu du'un n'U'unɓ'ajtyɓy di'ibats njantsytsyejɓy, es óyats njotkujk'áty mat mij.

Mujku'ugópk tja'tiñ wi'ixu Jesús pyekytyúnat

¹² Net ja Espiritu Santu yajnujxu ja Jesús ma tu'ugu muj it. ¹³ Jap 'yijty justyikxyxu ma yu ujts juyujk, es ja mujku'ugópk Satanás tja'ijxy esu Jesús pyekytyúnat. Es ñimiinudu Diosu 'yánklusaty es myaduunudu.

Jesús tkajxwa'xtso'ón ja Diosu 'yayuk

¹⁴ Es ko Fwank yajtsiimy, net ja Jesús ñeɓy Galilee ñaaxóty es jap tkajxwa'xy ja oybyu ayuk. ¹⁵ Net ja Jesús t'anuumudu ja ja'ayaty:

—Tu jya'ty ja timpu es wingoombu du'un ja Diosu kyutujkan. Yajtagátsta ja mjoyt mwinma'añ es mubaktu ja oybyu ayuk.

Jesús twoy nimajátxku ajkxmajtsɓty

¹⁶ Mejyñbyu'aayy naty ja Jesús jyudity jam Galilee ko t'ijxy ja Simonk es ja myuga'ax Andrés. Yu'u naty tuunɓ'ajttap ja ajkxmajtsk, es tkujabírudu naty ja 'yajkxmajtsn nujoty. ¹⁷ Es 'yanmaayudu ja Jesús:

—Pamiingats, es ujts miits n'uxɓujkpu'áttap es nmo'oydyat jatu'ugu tuunɓ. Tyamuy xyajtsonda'aktat es xy'uxta'aydyat mayu ja'ay esats nandu'un yu'ujaty n'uxɓujkpu'áttat.

¹⁸ Netyu tnikaktu ja 'yajkxmajtsn es oj tranujxtu ja Jesús.

¹⁹ Es ko ja Jesús waanu 'yaknas'yo'oyu, net t'ijxy ja Santya'agu esu Fwank, Zebedeu myaangaty, di'ibu naty ma tu'ugu barku ya'o'oyudap ja 'yajkxmajtsn. ²⁰ Ta ja Jesús dyáxudu, es ja'ajaty tnikaktu ja tyeety ma ja barku mat ja tyuumbaty. Ta oj ñujxtu mat ja Jesús.

Jesús dyajpádsemy ja ka'oybyu ma tu'ugu ja'ay

²¹ Ta jyajtu ma ja Kafarnaum kajpn. Ma ja saabudu xnu Jesús tyujku ma ja tsajptujk es tyujku ya'uxɓujkpu. ²² Du'añu ja ja'ayaty wuy'amudyaaydu mudu di'ibu kyajxyɓy, mat ko du'unu naty ya'uxɓeky éxtam tu'uk di'ibu myudajtyɓy ja kutujkan es kyaj éxtam ja di'ibaty tsajptugóty ya'uxɓujkpu. ²³ Ma ja tsajptujk japu naty tu'ugu ja'ay di'ibu myudajtyɓy ja ka'oybyu. Ta yaxkeɓy:

²⁴ —¿Tii mdunaampy mat uj, Jesús nazarenu? ¿Tii mmiimp xyajkutugoya'añudsu? Eɗ n'uxkajɓyats mij ko mwa'atsja'ayaty di'ibu Dios wyandak tkaxa'añ.

²⁵ Net ja Jesús t'ooy ja ka'oybyu, es t'anmaay mudu kyutujkan:

—¡Amoñu es mastu'udu tyadu ja'ay!

²⁶ Es ja ka'oybyu twijtsxiɓty ja ja'ay, es ja ja'ay jyantsyyaxy amujaa, ta tyukpádsuumu ja ka'oybyu. ²⁷ Nidagekyu du'añu wuy'amudyaaydu ja ja'ayaty, es ñayajtuujudu ak yu'ujaty:

—¿Tii dnu tyaadu? ¡Tyadu ja'ay myudajtyɓy ja kutujkan es t'ana'amut extu yu ka'oybyu, es mamadoojap!

²⁸ Es pojn yajmadyaagudijty ma ja Galileu naxwiñudu éxtam ja Jesús ttuñ ja māj'ajtæn es ya'uxpeky.

Jesús dya''aguda'aky ja Peedru myu't toxytyujk

²⁹ Ko pyudsuumdu ma ja tsajptujk, net ja Jesús mudu Santya'agu esu Fwank oj ñajxtu ma ja tyujku Simonk esu Andrés. ³⁰ Esu Simongu myu't toxytyujk ja'a naty mabajngujxy ko'knaapy mudu jummba'am. Ta t'anmaaydyu ja Jesús ko pyékyuty. ³¹ Ta ja Jesús tmawingooñ, es tmajtsu ja kyu'u es dyajpude'ky. Ta netyu ñajxnu ja jummba'am, es ja toxytyujk yajkaay ya'ükudu.

Jesús dya''aguda'aky may ja puma'ayuty

³² Ko oj tsiyitnu ja xuu, ta oj dyajmíndu ma Jesús nidugekyu ja puma'ayuty es di'ibu myudajttup ja ka'óbyuty, ³³ es tugekyu ja kugajpnuty myiíndu tujk agu'am ma naty ja Jesús. ³⁴ Jesús ya''agudak may ja di'ibu myudajttup kanak nax ja pa'am es yajpudsuum ja ka'óbyuty. Es ja'a ko ja ka'óbyuty ñija'adup pánu dan ja'a, paaty ja Jesús dyajkutijky es kyaj kyajxtat.

Jesús ja Diosu 'yayuk tkajxwa'xy Galileu

³⁵ Móñam, maanamu naty wyingoodsaty, ja Jesús pyude'ky es oj ñejxy adakatuuy kajxtákrp. ³⁶ Simonk esu jyamyudaty oj 'uxta'ayudu. ³⁷ Ko tpatu, ta t'anmaaydyu:

—Ni'amuku ja'ayuty m'uxta'ayudu.

³⁸ Es 'yadsoojudu ja Jesús:

—Jo'om wiink tsoo nawingón es ngajxwa'xadats ja ayuk jam, mut ko mudu tyaadudsu du'un tu nmiñ.

³⁹ Es du'unu Jesús jyudijty ma tugekyu Galileu ñax es tkajxwa'xy ja nitsokun majatyu tsajptujk es dyajpudsémy ja ka'óbyuty.

Jesús dya''aguda'aky ja ja'ay di'ibu myudajtypy ja lepru pa'am

⁴⁰ Ma tu'ugu xuu myiíñ ma ja Jesús tu'ugu ja'ay di'ibu myudajtypy ja lepru pa'am. Ta ñaygoxtanaaydyáku wyinduuy es t'anmaay:

—Ej nnija'abats ko mij mbaadats xya''aguda'aky pyn mdsejpy.

⁴¹ Es ja Jesús pya''ayooju es tku'unitooñ es t'anmaay:

—Ndsejpyats es m'aguda'agut.

⁴² Ko du'un t'anmaaydyaay, netyu ñiwatsu ja pya'am es 'yagudaky. ⁴³ Ta ja Jesús t'anmaay es ñujxtat, es tjantsyuknipejky es t'anmaay du'un:

⁴⁴ —Ix jaygyuku. Katu xytyukmadya'aky ni pán. Nuix winguwa'agu ja teety, es yak ja mwindsu'kun éxtamu Moisés dyajngutujku, es du'un nidugekyu ja'ayuty tñjáuudat ko tu m'aguda'aky.

⁴⁵ Per ja ja'ay oj ñejxy es tmadyakwa'xy tugekyu oytyim maaty di'ibu naty tu jyátyuty. Paaty ja Jesús kyaj mbaat 'yoktjukunu ixnide'xy majatyu kajpn, jaayu 'yakjudity ma kyajpu ja'ay tsuunudu. Es oytyim maaty ja ja'ayuty tsooondus es tñinujxtu ja Jesús.

2

Jesús dya''aguda'aky tu'ugu xux ja'ay

¹ Oknum jyumbijty ja Jesús ma ja Kafarnaúm kajpn. Es ko yajnija'aju ko tapu naty tu tyujkja'ty, ² ta pojn ja ja'ayuty ñaymyujkudu, es ni je'eyu kyanakyñibatu ma ja tujk aa. Es yu'u tkajxwa'xy ja Diosu 'yayuk. ³ Net tmamiíndu ma ja Jesús tu'ugu ja'ay di'ibu naty xux, nimaajtáx tku'uyduy. ⁴ Es kom kyaj mbaat jya'ty extu Jesús wyindum, mut ko jyantsymayajya'ayuty, ta dyajjugáktu waanu ja tujkni'x. Es ma dya''awatstu, jap tktuayñajxtu ja puma'ay mut tu'ugu mabajnu'unk. ⁵ Ko ja Jesús t'ijxy éxtam ja myubujkunuty, ta t'anmaay ja puma'ay:

—Yu mbojpu yajma'xp.

⁶ Es naaguty ja di'ibuty tsajptugóty ya'uxpuktup di'ibu naty jap uñaayduap, ja'a winmaaydyu: ⁷ “¿Ti ko tyadu ja'ay du'un kyajxy? Myudageebyu du'un ja Dios, mut ko ni pán mbaat tkame'xy ja pojpu, yu'uyu du'unu Dios.”

⁸ Ñija'abu naty ja Jesús di'ibu wyinmaayduap. Ta t'anmaayduy:

—¿Ti ko xymyudattu axuugu winma'añuty? ⁹ Kyaj ñimajaaty njuna'anum: “Yu mbojpu yajma'xp”, mut ko kyaj ya'ixy pyn tya'ajtæn. ¿Tii kyaj dyu'unuty? Es mjuna'andup miidsaty ko ni pán tka'anuumet yu tyadu xux: “Pudu'uk, yajmúk ja mmabajn es nuix”, ¹⁰ mut ko mbaat ya'ixy ko kyaj tmudaty ni ti muk'ajtæn. ¿Tii kyaj dyu'unuty? Pes oy. Min n'oktuk'ixtu ko uj, ja Naxwiñudu Ja'ayudyu Kyudunaabyu, situy nmudajtypyats ja muk'ajtæn ya naxwiíñ es nma'xadats ja pojpu.

Net t'anmaay ja xux:

¹¹ —Mij n'anmaapy, pudu'uk, yajmúk ja mmabajn es nuix ma mdujk.

¹² Net ja puma'ay pyade'ky, es dyajmijky ja myabajn, es tso'oñ jam iixnide'xy. Es mudu tyaadu du'uñ wu'u'mudyaaydyu es t'awdajtu ja Dios, es jyanandu:

—Ni na'anamu du'un nga'ijxam éxtamu tyaadu.

Jesús twoy ja Matewu

¹³ Oknum ja Jesús oj ñejxy jatugok ma ja meyjñbya'a, es mayu ja'ayuty myuwingoonadu, es dya'uxpajktu.

¹⁴ Najxpu naty ja Jesús tu'aay ko t'ijxy ja Levi, Alfeeu myaank, 'yu'uñu ma yajkugubéty. Ta t'anmaay:

—Pamiinguts es n'uxpajkpu'átut.

Net ja Levi wya'tse'ky. Ta t'padso'oñ.

¹⁵ Mugaabyu naty ja Jesús ma Levi tyujk, es mayu yajkugubajtpaty esu wiingátpyru di'ibu 'yandjtap pojpu ja'ayuty, nan jam 'yu'uñudu nandu'un ti'igyu ma meesu ma Jesús es ja 'yuxpajkpty, mut ko mayu naty ja ja'ayuty di'ibu panajxudup. ¹⁶ Es ja fariseeuty di'ibuty tsajptugóty ya'uxpajktap, ko t'ijxtu ja Jesús kyay mudu tadu ja'ayuty, ta t'anmaaydyu ja uxpajkpty:

—¿Wi'ixu du'un ko yu mwindsán kyay 'yiiky mudu yajkugubajtpaty es mudu pojpu ja'ayuty?

¹⁷ Ko Jesús tmadooyu tyaadu, ta t'anmaaydyu:

—Yu u makpu ja'ay kyaj tseky ja kudsooy, yu'u du'un di'ibu pajkudup. Kyajts tu nmiñ esuts nwowa'añ ja di'ibu jiky'ajttap tuj'ajtan muut es jyodumbittut, yu'u dun je'eyu pojpu ja'ayuty.

Jesús dyajtawdu ti ko kya'ayu'aty

¹⁸ Tugok ko naty ja Fwank Yajnbajtpu 'yuxpajkpty es nandu'unu fariseeudyu 'yuxpajkpty 'yayu'attu, ta myiindu naagadyu ja'ayuty ma Jesús, es dyajtuadu:

—¿Ti ko kyaj 'yayu'attu miju m'uxpajkpty éxtam 'yayu'attu yu fariseeuty esu Fwangu 'yuxpajkpty?

¹⁹ Jesús 'yadsooyu:

—¿Tii mbaat 'yayu'aty di'ibu tu yajwóudu ma ja ja'ay pyekey, ma 'yak'ity mudu pajkpu yedyujk? Pñ jam ja pajkpu yedyujk, kyaj mbaat 'yayu'aty. ²⁰ Per minup ja timpu ma ja pajkpu yedyujk yajtukpuwjtstu'udut, taanam situy 'yayu'áttut.

²¹ 'Ni pán tka'axuyu tuk wit mut tuk pedazu jemyywit, mut ko ja abajtsunu jembyu nuumúkar es kyuusap ja tuk wit. Ta wu'u'mut ni'igu muj ja kyuu'tsy'át. ²² Es ni yu jembyu vinu kyaya'adamu ma yu tukpu nuu'abutsunbyo'o, mut ko ja jembyu vinu muguusap ma ja nuu'abutsunbyo'o, es du'un tyugóyut ja vinu es ja nuu'abutsunbyo'o. Paaty yajpajta'aky yu vinu jembyu ma yu jembyu nuu'abutsunbyo'o.

Jesusu 'yuxpajkpty tkutujtu ja triigu saabudu xuu

²³ Tugok ma ja saabudu xuu najxtabu naty ja Jesús mudu 'yuxpajkpty triigu kamoty, ta ja 'yuxpajkpty tkutujtu ja triigu ko jap ñaxtu. ²⁴ Net ja fariseeuty t'anmaaydyu ja Jesús:

—Ok adsow, ¿ti ko yu m'uxpajkpty tundu di'ibu kyaj ñigutkyuty yajtúnut saabudu xuu?

²⁵ Es ja Jesús 'yadsooy:

—¿Tii ni na'anam miits xykya'uxpaktu di'ibu tyuun ja Davit ko tugok mut ja jyamyudaty oj tyugoy'ajtxudu es oj yu'oogudu? ²⁶ Tyuku ja Davit ma ja Diosu tyujk ma naty ja Abyatar 'yity teedywyindsungórk. Ta ja Davit tkaay ja kuni'xyru tsajkaaky, di'ibu naty je'eyu nigutiky tkádyut ja teedyuty, es tmooy nandu'un ja jyamyudaty.

²⁷ Ja saabudu xuu yajpajtáky es ja ja'ayuty ttuk'oy'áttut, es kyaj ja ja'ayuty tyuk'oy'áttudut ja saabudu xuu. ²⁸ Paaty jaygyúkudu ko uj, ja Naxwiñudu Ja'ayudyu Kyudunaabyu, nmudajtpyuts nandu'un ja kutujkan ma yu saabudu xuu.

3

Yedyujk di'ibu myudajtypy ja ky'u tuk adu'um tu'uts

¹ Jesús tyujku jatugok ma ja tsajptujk, es japu naty tu'ugu ja'ay di'ibu tu'adsu naty ja ky'u tuk adu'um. ² Es naagadyu fariseeuty t'ix ttundu ja Jesús pñ 'yok'ya'agudakypy ja puma'ay ma ja saabudu xuu, es du'un tmudáttut wi'ix t'okni'uunudut. ³ Net ja Jesús t'anmaay ja ja'ay di'ibu naty myudajtypy ja ky'u tu'uts:

—Pudu'uk. Tanu yaa kujk'aay.

⁴ Net ja Jesús dyajtuuy ja fariseeuty:

—¿Tii mbaat ndu'unum ma ja saabudu xuu, ja oybyu o axukpu? ¿Nyajtsókum o nya'o'kumu?

Es ja'ajuty kyaj 'yadsoodu. ⁵ Net ja Jesús twin'ijxtu ja'ajuty mudu aku, es jyotmay'e'ky ko kyaj tpa'ayowdu ja kumpama'ay. Ta t'anmaay ja ja'ay:

—Yajtáw ja ngu'a.

Ja ja'ay dyajtáw ja ky'u'h, es ta 'yakudaky.

⁶ Net pyádsuámdu ja fariseeuty es tkajxmúktu mut ja Eroodusu jya'ayuty wi'ix 'yoogut ja Jesús.

Jesús ya'uxpeky mejnbyu'aay

⁷ Es ja Jesús oj ñeju mut ja 'uxpajkputy mejnbyu'aay, es pyanuxadu mayu Galileeu ja'ayuty. ⁸ Es nandu'un mayja'ay tnimiindu ja Jesús mut ko tmuowdu ja muj'ajtanaty di'ibu tyiimpy. Ja di'ibu tso'ondap Jerusalén es wiink tooo ma Judeeu, ma Idumeeu ñax, Jordán mujnuu ninaxy, ma Tiru ñax esu Sidón ñax. ⁹ Jesús ttuknipejky ja 'uxpajkputy es ya'awixadut tu'ugu barku awiink ma mbaat tyuku kudiibu ja ja'ayuty 'yadijmúkadut. ¹⁰ Mut ko mayu naty ja ja'ayuty tu dya'aguda'aky, jyantsy'adijmujktap es tmuwingoondy es traada'andú oyyje'eyu ja wyytu Jesús, es mut ya'uyu 'yaguda'aktut. ¹¹ Es ko di'ibu naty myudajttap ja ka'óbyuty t'ijxtu ja Jesús, ta ñaygoxtunaadyákadu Jesús wyindum es jyana'andu muk:

—iMijtsu du'an ja Diosu 'yU'unk!

¹² Es ja Jesús muk t'ane'emy ja ka'óbyuty kudiibu jyana'andut pánu dan ya'u ja Jesús.

Jesús twin'ixy nimajmajtsk ja 'yapóstuluty

¹³ Oknum ja Jesús pyatujku ma tu'ugu kopk, es jam dyaxu di'ibu ya'u tsoyok. Es ñimiinudu. ¹⁴ Es ttuknipejky nimajmajtsk ya'ajuty es 'yapóstula'áttaty, es 'yittat mut ya'u es tkaxa'añ ayuk kajxw'a'xpu, ¹⁵ es tmooy ja kutujkun es dya'aguda'agut ja puma'ayuty es dyajpúdsámut ja ka'óbyuty. ¹⁶ Tyaadu du'an ja nimajmajtskpu: Simonk di'ibu yajpajtak ja xyuu Peedru, ¹⁷ Santya'agu es ja myuga'ax Fwank, Zebedeu myaanguty, di'ibu xyuúmooy Boanerjes (di'ibu 'yandijpy ko muk kyajxtu, éxtumu anaa), ¹⁸ Andrés, Felipe, Bartolomee, Matewu, Tomás, Santya'agu, ja Alfeeu myaank, Tadeeu, Simonk ja kananeu ja'ay, ¹⁹ esu Juudus Iskaryotu di'ibu ok kyuyajk ja Jesús.

Jesús yajniagjxy ko dyajtún ja mujku'ugópk kyutujkun

²⁰ Oknum jyambijty ma ja tyujk mut ja 'uxpajkputy, es jatugok ñaymyujkudu ja ja'ayuty, es ni tka'okmudajnu ja tiempu es kyádyut. ²¹ Ko ja Jesusu myugu'uguty tnija'adu, ta tnimiindu es dyajnujxánu, es ñajjyuanánu:

—Tuu da ya'u lyoku.

²² Nandu'un ja di'ibuty tsajptugóty ya'uxpajktap tso'ondy Jerusalén, es ñajyuna'anudu:

—Tyaadu ja'ay myudajtypy ja mujku'ugópk Belzebuu, paaty dyajpúdsémy ja ka'óbyuty.

²³ Net ja Jesús dyaxu ja ja'ayuty, es t'anmaaydyu:

—Mindu es ndukmáadya'aktat tu'ugu ixpajtan. ¡Ni wi'ix tsoo mbaat ja mujku'ugópk Satanás tkayajpúdsémy ja myuga'oybyu! ²⁴ Pes pan tu'ugu kutujkun naywya'xap es tsiyptundu tuk peky mut ja wiinkputy, tadu kutujkun kyaj mbaat jyeky. ²⁵ Nandu'un pan tsiptuundap ak tukka'axuty, kyaj mbaat ñaktyuunmúktu. ²⁶ Es du'un nandu'un, pánu mujku'ugópk nayñibudu'kup madu myuga'óbyuty, kyaj mbaat ja mujku'ugópk kyutujkun jyeky.

²⁷ 'Ni pán mbaat kyatuku amujaá ma tu'ugu kumujaábu ja'ayu tyujk es tjuudut di'ibu jap pan kyaj jawyiin t'awánnmiky. Per pan tu t'awánnmiky, net mbaat tjuuty. ²⁸ N'anmaaydyupts miidsuty ja tuj'ajtan. Yu Dios mbaat tme'xy nidagékyudyu ja'ayudyu pyojpu es ma tmu'udugoy tmuagajtgóty ja Dios; ²⁹ per di'ibu myu'udageepy myugajtgópepy ja Espiritu Santu, kyaj mbaat ni ná'a yajme'xy, myu'ijttáwabu du'un ja pyojpu winu xuu winu tiempu.

³⁰ Du'unu Jesús jyanañ mut ko japu naty naaguty di'ibu junaamp ko Jesús ttuñ ja muj'ajtan madu ka'oybyu myak'ajtan, kyaj jyannandu ko Jesús du'un ttuñ madu myak'ajtanu Espiritu Santu.

Jesusu tyaak esu myuga'axuty

³¹ Net yajjitu ja tyaak es ja myuga'axuty. Ta wyu'ámdu jaryu taja'p. ³² Di'ibu naty uñaaydyap Jesús myáwingón, ja'a 'yanmaaydyu ja Jesús:

—Yu mdaak esu nmuga'axuty tyap taja'p, es ya'u nmugajxánu.

³³ Es ja Jesús 'yadsooy:

—¿Pándsú du'un nmuga'ax'ajtypy es pándsú du'un ndaak'ajtypy?

³⁴ Net twin'ijxy di'ibu naty wingón win'uñaaydu, es jyanañ:

—Tyaadusu du'un éxtum ja ndaaguts es éxtum ja nmuga'axudyuts. ³⁵ Mut ko ooytim pánuty di'ibu tyiimpy di'ibu tsyejpy ja Dios, ya'udsu du'un éxtum ja nmuga'axuts yedyujk toxytyujkuty es éxtumdsu ndaagan.

¹ Jatugok tyujku ya'uxpejkrpu Jesús mejnñbya'aa, es ñaymyujku mayu ja'ay ma naty ya'u. Paaty tyujku ma tu'ugu barku di'ibu naty jap mejñu agu'p, es jap ñaxwe'tsy, es ja ja'ayaty 'yittu pu'ujótm. ² Net dya'uxpejky kanak peky mudu 'yixpajtun. Es ma ya'uxpeky, du'un jynañ:

³ —Mudowdu tyaadu: Tu'ugu ja'ay oj ñejxy triiguwujpu. ⁴ Ko naty jam wyujy, tuk peky ja tuamt kya'ay tu'ay, es myiindu ja joon juyujkuty, ta triidu. ⁵ Jatuk peky kya'ay tsaade'ekykyujxm ma kyaj nugoo yu nax. Ta ja tuamt myujxy pojan mut ko ja nax kyaj kyúkaty. ⁶ Es ko 'yaandáky ja xuu, ta tsyaayu ja xu'án. Es kom kyaj tmudaty ja 'yaats kuk, ta tyutsy. ⁷ Es jatuk peky kya'ay ma apyñ myuxy. Ta ja apyñ yooñ es ja'a yajji'xtaayu, es du'un ja tuamt kyaj wyinduuy. ⁸ Es jatuk peky kya'ay ma ja oynaax, ta yooñ pjejty ja tuamt es wyinduuy; naaguty dyajky i'px majk ja triigu tu'ugátyruy ja tuamt, naaguty tugu'px es naaguty mugop'x. ⁹ Di'ibu mudoodup, wa'an tjaygyúkadu.

Ti ko ja Jesús ya'uxpeky mudu ixpajtun

¹⁰ Oknum ko Jesús oj wye'emy naydyu'uk, naaguty di'ibu naty ta mudowdu ñimiundu mut ja nimajmajtskrpu 'yuxpejkrpuy, es yajtunajdu ko ti dun 'yandiipy ma tadu ixpajtun. ¹¹ Ta 'yanmaayudu:

—Miidsaty, Diosu du'un mduknija'adup wi'ix ya'u yajkutiky, di'ibu kyaj yajniáwu ijty; es di'ibats kyaj xupyanejxy, nduk'uxpejkyruyts mudu ixpajtun, ¹² mut ko oy tjamdoodu di'ibats nmadyakupy es tja'ijxtu di'ibats ndiimpy, kyaj tjaygyúkadat, es kyaj jyodumbittat, es ja Dios pyojpuma'xudat.

Jesús tkajxte'xy ja triiguwujpu éxtumu ixpajtun

¹³ ¿Tii kyaj xyajgyúkadu miidsu tadu ixpajtun? ¿Es wi'ix mbaat xyajgyúkadu ja wiinkpadyu ixpajtun? ¹⁴ Ja di'ibu wyijpy ja tuamt, du'un éxtum ja Diosu 'yayuk kajxwa'xpu. ¹⁵ Naagudyu ja'ay du'un éxtum ma ja tuamt kya'ay ma tu'u. Myudoodup ja Diosu 'yayuk, per ko tmadooda'aydyu, ta myiñ ja mójku'ugórk es pyujkxuty ja ayuk di'ibu ta tyuku jyodoty wyinma'añóty. ¹⁶ Es naagudyu ja'ay du'un éxtum ma ja tuamt kya'ay tsaade'ekykyujxm ma kyaj nugoo nax. Myudoodup ja Diosu 'yayuk es 'yaxájudup xonda'aky'aa xonda'akyjyót, ¹⁷ es mut ko kyaj tmudattu 'yaats kuk, paaty kyaj jyaktu. Es ko 'yayo'ombaattu mut ja'agyujxmu Diosu 'yayuk, ta kyaj tnakymybaktu. ¹⁸ Es ja wiinkpadyu du'un éxtum ma ja tuamt yajwujy ma apyñ myuxy. Myudoodup ja Diosu 'yayuk, ¹⁹ es ya'uuy wyinma'añ'ajttup di'ibu ya ijtp naxwiñ, ja mukja'ay'at, ja'a win'u'un winxájup es t'adseky ootyim tiity. Tugekyu tyaadu yajtugeepy ja Diosu 'yayuk ma yu'ujaty, es kyaj myuj myayu. ²⁰ Es ta naaguty di'ibu myudoodup ja Diosu 'yayuk es 'yaxájudup, es yajmaj yajmáypur éxtum ma ja tuamt oynaaxóty, es naaguty yajk i'px majk, naaguty tugu'px, es naaguty mugop'x.

Lampru éxtumu ixpajtun

²¹ Nandu'un 'yanmaayudu:

—Ko pán dyajtoye'eky ja lyampru es dyajnejxy tyugoty, ¿tii netyu tkuijitsy mudu kajoon o trujta'aky mabajnbatku'pu? Kyaj, ¿kadii? Nik ni'igu yajpajta'aky kujxm es tyukjájat ja tujk yajxón. ²² Es ni tii di'ibu ijtp ayu'udsyu es óknum kyawu'umut ixnide'xy, es kyaj jyaadyu ayu'udsyubu di'ibu kyaj yajniáwut. ²³ Di'ibu mudoodup, wa'an tjaygyúkadu.

²⁴ Nandu'un ya'annmaaydyu:

—Mbáktubu kwentu miits mut di'ibu mmudoodup. Ja kijxn di'ibu miits myajtuundup, nandu'unu Dios miits mgijxambita'anudu, es extu waanu ni'igu miits di'ibu myudoodup. ²⁵ Es di'ibu myudajtyruy, yajmo'oyup waanu ni'igu; es di'ibu tugoy'ajtxup, yajpajkup extu nu'unun je'eyu tmudaty.

²⁶ Nandu'un jynañ:

—Ja Diosu kyutujkun du'un éxtum ja tuamt di'ibu ñipy tu'ugu ja'ay. ²⁷ Myanaxy, es óknum pyude'eky, es du'un ñaxy xuan koots bom bom, es ja tuamt myuxy es yoiñ, es ya'u kyaj tnijawu wi'ix. ²⁸ Ja'a ko kum myuxy ja tuamt naaxóty, jawyiin wyimbudsemy ja tyeky, óknum pyujy, taanum trujta'aky ja tyuamp. ²⁹ Es ko ja tyuamp tsya'amy, ta dyajpudu'akta, mut ko tu trajaty ja tiempu ma myúkat ja pajta'aky.

Mortás tuamt éxtumu ixpajtun

³⁰ Nandu'un jynañ ja Jesús:

—¿Wi'ix kyuxe'eky ja Diosu kyutujkun, o ti ixpajtun mut ndukmu'ijxkijxyum? ³¹ Du'un éxtum mortás tuamt di'ibu yajwujy es yajnaxnijeepy. Yu'u dun waanu ni'igu mutsk ma ja tuamt ya naxwiñ, ³² es ko yajni'ipy, yoomp muj kudiinam ja wiinkpadyu aay ujts, mudu 'yaay xye'entsy majjatyuty, ko extu yu joon juyujk mbaat 'yaniktse'eky ma dya'aniku.

Ti ko ja Jesús ya'uxpeky mudu ixpajtun

³³ Du'an ja Jesús ttuk'axprjktu ja Diosu 'yayuk, es trujta'aky may ja ijxprajtun éxtamu tyaaduty, exth mbaat tjaugyúku. ³⁴ Ni ti tkatukmumadyaky ko ja ijxprajtun tkayajtúñ. Per ko wu'umdu ak yu'ayu mudu 'yuxprjkruty, tyukjagyuujkudup tugekyu.

Jesús dyajmo'oty ja poj es dyajtamijtku ja mejyñ

³⁵ Nan ja xuu ko oj tsyu'ujunu, ta t'anmaaydu ja 'yuxprjkruty:

—N'okninajxum ja mejyñ.

³⁶ Net ntikaktu ja ja'ayuty es ñujxtu mut ja barku ma naty ja Jesús 'yu'uñu. Es 'yakranujxudu wiinkrudu barku. ³⁷ Ta myiñ tu'ugu muk poj. Es ko ja nuu ñikary tujkup barkoty, net ja barku 'lyutsannu mudu nuu. ³⁸ Tamu natyu Jesús mya'ay ax'am ma tu'ugu kukoy kyxmada'aky. Ta dyujxtu es t'anmaaydu:

—jWindsún! Tyar ngi'inanu, ¿es mij kyaj ti xyjawn?

³⁹ Net ja Jesús pyade'ky es t'ooy ja poj, es t'anmaay ja mejyñ:

—jAmoñu! jTamijtku!

Ta ja poj myo'ty, es tugekyu oj wu'umadya'ay amoñu es tamijtku. ⁴⁰ Net ja Jesús t'anmaaydu ja 'yuxprjkruty:

—¿Ti ko nugoo m'oktsu'knuadu? ¿Ti ko xkykumadattu mubujkan?

⁴¹ Ta ja 'yuxprjkruty jyantsytsyu'kudu, es ñayjunánudu:

—¿Pánu dnu tyaadu, ko exth yu poj esu mejyñ mumudooyur?

5

Gadaru ja'ay di'ibu myudajtypy ja ka'obyuty

¹ Ta tñinajxtu ja mejyñ, es jyajttu ma yu ñaxwíñudu Gadaru. ² Ko ja Jesús pyudseemy ma ja barku, net ñimiinu tu'ugu ja'ay di'ibu myudajtypy ja ka'obyuty es tsooñ ma ja kampyoon.

³ Tyadu ja'ay jam tsyunaay kampyoonoty es ni pán kyamumada'aguty, ni mudu kadenu.

⁴ Kanak ok jyayajkwu'añ mudu kadenu, es tyuknujkadyaary, ⁵ es jyadity xuuñ koots majaty tu kopk, es ya'axy jyeky kampyoonoty es ñayjaysayútytu mudu tsa. ⁶ Es ko t'ijxy ja Jesús jagam, pyae'egyu oj ñejxy, es ñaygoxtanaaydyaku Jesús wyindum, ⁷ es t'anmaay jantsy muk:

—Jesús, Dios Tsajpótudu 'yU'unk, ¿wi'ixuts mij xytyuna'añ? jNmunu'xtáky py mudu Diosu xyuugyuujxm kudiits xysyaatsytyúñ!

⁸ Du'an jyunañ mut ko Jesús tu naty t'anummu:

—Ka'obyuty, tukrudsumu tadu ja'ay.

⁹ Ta ja Jesús yajttaju:

—¿Ti mxu'ajtypy?

Ta ja'a 'yadsooy:

—Ja'ats nxu'aty Lejyonk, mut ko nimáyuts uudsuty.

¹⁰ Es ja ka'obyuty myunu'xtáktu ja Jesús es kudiibu kyáxudut wiink tsoo. ¹¹ Jamu naty mayu udsam jy'xtu nawingón ma tadu kopk. ¹² Ta ja ka'obyuty tmanu'xtáktu ja Jesús es t'anummu:

—Tunu may'ajtan, kajxtuguts ma yu tadu udsam esuts uudsuty ndákudut ma yu'a.

¹³ Net ja Jesús dyajkutijky. Ta ja ka'obyuty pyudseemy ma ja yedyujk es tyujku ma ja udsámuty. Jamu naty éxtam majtsk milu udsámuty. Net ja udsámuty ñujxtu jantsy pyae'egyu nax jujp'am es kyupyu'knajxtu mejyñoty, es jap jyi'xtaaydu.

¹⁴ Net ja di'ibu ja udsam kywentu'ajttap pyae'egyu oj ñujxtu, es oj ttukmumadya'aktu ja nax kajpn es nu'ay tu'aaybyuty. Ta myiñ ja ja'ay es t'ixandu ti dnu naty tu jyaty tu kyubétyuty. ¹⁵ Ko jyajttu ma naty jam ja Jesús, ta t'ijxtu ja ja'ay di'ibu naty myudajtypy ja ka'obyuty. Tamu naty 'yu'uñ wixu es yuunk naxypy. Ta ttsu'kudu, ¹⁶ es di'ibu naty tu t'ixtu, ja'a tyukmumadyaktu éxtamu naty tu jyaty tu kyubety mut ja ja'ay di'ibu myudajtypy ja ka'obyuty es éxtamu naty tu jyaty mut ja udsámuty. ¹⁷ Net tmanu'xtáktu ja Jesús es pyudsámut jam es ñujxat wiinktuuy.

¹⁸ Ko ja Jesús tyujku ma ja barku, ja ja'ay di'ibu naty myudajtypy ja ka'obyuty myunu'xták ja Jesús esxyur ñejxy mut yu'a. ¹⁹ Es ja Jesús kyaj dyajkutijky, ni'igu t'anmaay:

—Nujx ma mdujk mudu mjiiky mmagu'uk, es tukmumadya'ak tugekyu di'ibu ja Nindsun'ajtm tu tuñ mut mij, es wi'ix tu tmadaty ja pa'ayo'on mut mij.

²⁰ Ja ja'ay oj ñejxy, es tmadyakwa'xy ma yu Dekápolus kajpnaty tugekyu di'ibu natyu Jesús tu tuñ mut yu'a. Es da'uñ wu'umadyaaydu ja di'ibaty myudoodu.

Jayru ñnuh es ja toxytyujk di'ibu Jesusu wyit tyoon

²¹ Ko ja Jesús jyumbijty ma ja barku mut ja 'yuxprjkruty, ta tñinajxtu ja mejyñ. Es ko jyajty jamdsoo, ta ñimiinudu mayja'ay. ²² Net ñimiinu nidu'uk di'ibu xyu'ajtypy Jayru, di'ibu windsun'ajtp ma ja tsajptajk. Ko jyajty ma ja Jesús, ta ñaygoxtanaaydyaku tyeku'ujxm, ²³ es tjantsymyunu'xtáky, es t'anummu:

—Yū nnuuxats tim'oogánap. Tunā may'ajtān, min esū mgu'ū xytyuknikónat es 'yaguda'agut es jyiky'átut.

²⁴ Net ja Jesús oj ņejxy mut yu'ū, es may ja ja'ay oj pyanujxudu es 'yadimúkudu. ²⁵ Es mā yū tadū mayjya'ay, japū naty tu'ugu toxytyujk di'ibū majmajtsk jumujtū naty ja taxyū pa'am tmūdajnu. ²⁶ Tū naty jyantsy'ayoonū es tū ņajxnu natyū kudsooy kanaak, es tū naty dyajtu-undāyū ņugekyū ja myeeñ di'ibū naty myūdajtyry, es ni wi'ix tsoo tū kya'aguda'aky, ni'igu myujtāknu.

²⁷ Ko tyādū toxytyujk tmūdooy ko jaa ja Jesús, ta tmūwingooñ xkku'p tsoo mā ja mayjya'ay, es ņaydyukpatū ja Jesusa wyit, ²⁸ mut ko ņayjyūna'añty: “Mut yu'ūyū kots nnaidyukpaādudu yū wyit, aguda'agupts.” ²⁹ Es netyū ja wyindaxyū 'yadijky, es tja'aju ja ņini'x ko tū 'yaguda'aky.

³⁰ Es net ja Jesús tja'aju ko tū naty pán dya'aguda'aky mut ja myuk'ajtān. Net ņayjyū'ijxu mā ja ja'ayuty, es dyajtūy:

—¿Pánats ja nwiit tū ņaydyukpaādyuty?

³¹ Net ja 'yuxrujkruty 'yanmaayudu:

—M'ijxyry ko ja mayjya'ay m'adijmúkudu, es xyajtý: “¿Pán tū ņaydyukpaādyuty ja nwiitats?”

³² Es ja Jesús ņas'ijxu xidsoo yadsoo es t'ixa'añ pánū naty tū ņaydyukpaādyuty ja wyit. ³³ Ta ja toxytyujk tsyūyū mut ja tsu'agu, ja'a ko ņija'ap éxtamū naty tū jyaty. Ta ņaygoxtūnaaydyáku Jesús wyindum, es t'anmaaydyaay ņugekyū ja tūy'ajtān. ³⁴ Jesús 'yanmaayū:

—Tū m'aguda'aky mut ko tū xymyubeky. Nuix yajxón. Tū m'aguda'aky.

³⁵ Támmū naty ja Jesús 'yakkajxy ko ņimiinudu ja ja'ayuty di'ibū tso'omp mā ja Jayru tyujk. Ta t'anmaaydyū ja Jayru:

—Yū mnuux tū 'yo'knu. Katū xyñaky'adsipy ja Windsán.

³⁶ Es ja Jesús ni tkamujpūjtáky éxtamū naty jyūna'andū. Ta t'anmaay ja Jayru:

—Katū mlotmay'eeky. Mubujkats je'eyū.

³⁷ Es tkutijky es kyaj pán pyanujxudat, ja'ayū ja Peedru, Santya'agu esū Fwank, ja myuga'axū Santya'agu. ³⁸ Ko jyajty mā ja tyujku Jayru, net t'ijxy ko ni'igu ja ja'ayuty ņaymyuk ņaydya'adsudu es jyantsyju'ūy jyantsyya'axtu. ³⁹ Ta ja Jesús tyujku jap tugoty es t'anmaaydyū:

—¿Ti ko nūgoo m'okna'amnudu es mju'ūdydyū? Yū kixyū'unk kyaj tū 'yeeky, māabu du'ūn.

⁴⁰ Per je'eyū tyukxíkudu. Net ja Jesús dyajpudsūmudu nidugekyū. Ta tmūnejxy ja u'unktaak u'unkteety es madū 'yuxrujkruty. Ta tyujku mā ja o'kpu'unk 'yity. ⁴¹ Ta tmajtsū ja kyū'ū es t'anmaay:

—Talita, kumi (di'ibū ayuk wimbudsūmp: “Kixyū'unk, mij n'anmaapy, pudū'uk.”)

⁴² Netyū ja kixyū'unk pyade'ky es yo'oydsyo'oñ. Majmajtskū natyū jyūmajt. Es ja ja'ayuty du'ūñ wu'ūmudyaydyū. ⁴³ Es ja Jesús oj tyuknipákudu es kudiibu pán ttukmādyā'aktet, es tyuknipujktū es dyajkáyut ja kixyū'unk.

6

Jesús jap Nazaret

¹ Es ja Jesús tsoyo'oñ jap es oj ņejxy mā ja kyajpn, es pyanujxudu ja 'yuxrujkruty.

² Ko jyajty ja saābudu xū, ta tyujku ya'uxrujkrū mā ja tsajtpujk, es may ja ja'ayuty di'ibū mūdoo'ijtudu du'ūñ wu'ūmudyaydyū es ņayjyanánudu:

—¿Mā tū t'uxpekyū tyādū ja'ay ņugekyū tyāadu? ¿Tii dānu tyādū wijy'ajtān di'ibū tū yajmo'oy esū tyādū muj'ajtān di'ibū tyiimpy? ³ Ja'a tyāadu ja tsajtspū, ja Mariū myaānk esū myuga'axū Santya'agu. Josee, Juudas esū Simonk, esū myuga'ax toxytyujkuty nan yāa 'yity mā ņdsajtūm.

Du'ūn jyūna'andū es kyaj ttundu kwentu. ⁴ Es ja Jesús 'yanmaayudu:

—Nidugekyū wyindsū'kudap tu'ugu Diosū kyugajxru. Jap kyawindsū'agudu mā ja myūgugajpn esū myūgu'uk myuga'axuty.

⁵ Es kyaj mbaāt ttuūñ ja muj'ajtān jap, je'eyū naaguty oj t'akku'unitoñ es dya'agudaky. ⁶ Es ja Jesús du'ūñ wu'ūmū mut ko kyaj myabúkudu.

Jesús tkexy ja 'yuxrujkrutyjk Diosū 'yayuk kajxwā'xru

Oknum ja Jesús oj ya'uxpeky majatyū kajpnū wingombū. ⁷ Ta dyaxū ja nimajmajtskrū 'yuxrujkruty, es tkējxy nimajtskáty, es tmooy ja kutujkn es dyajpudsūmūdū ja ka'óbybyuty.

⁸ Es ttuknipujktū kudiibu dyajnajxtat tyu'amgyujxmudu, yu'ūyū tyajk, es kyaj dyajnajxtat ja pyijñ, ni yū kyāayñajxak, ni yū myeeñ, ⁹ yu'ūyū tyukwā'agudap ja kyū'uk es je'eyū wit di'ibū ņiku'xm myūdajttap.

¹⁰ Nandū'ūn 'yanmaayudu:

—Ko mja'tut ma tu'ugu tujk, japyu m'ittut extu ko mdsoondut jatugok. ¹¹ Es pun jaa ma kyaj m'axajjudu es ni mgamadowa'anudu, pudsumdu jap es yajjunak ja naxjok mdekykyujxy éxtamu ijxwu'amun ko du'an pojpu muut 'yittu.

¹² Net oj ñujxtu ja'ajuty es tkajxwa'xtu ko yu ja'ayuty dyajtugátstut ja jyot wyinma'añuty. ¹³ Es nandu'an dyajpudsumdu mayu ka'óybyuty es ttukku'tstu ja aseytu oliivu nimayu puma'ayuty, es dya'agudaktu.

Fwank Yajnubajtru 'yeeky

¹⁴ Ja rey Eroodus tmudooyu tyaadu, mut ko nidugekyu ja ja'ayuty tmadyakwa'xtu oymyad-sooty di'ibátyu ja Jesús tyiimpy. Es nija'adyu ja'ayuty jyunandu:

—Ja Fwank Yajnubajtru tu jyikypyeky ma tu 'yeeky, paaty tmudatyu tyadu muk'ajtun es ttúnut ja muj'ajtun.

¹⁵ Wiinkpúty jyunanda:

—Yu'u du'an ja Diosu kyugajxpu Eliius.

Es ja wiinkpúty jyunandu:

—Yu'u du'an tu'ugu Diosu kyugajxpu, éxtam di'ibu jékyup ja Diosu kyugajxpu.

¹⁶ Ko ja Eroodus tmudooyu tyaadu, ta jyunán:

—Tyaadu du'an ja Fwank di'ibuts uj nni'ana'amu es yajniboodut ja kyubajk. Tu jyikypyeky.

¹⁷ Du'an ja Eroodus jyunán mut ko tu naty dyajtsímuyty ja Fwank, es tu naty dyajkwuññuty mudu kadenu jap pujxndugóty ja'aguyjxmu wyinma'añ ja Erodius, di'ibu naty ñudo'oxy'ajtyty ja Felipu, Eroodusu myuga'ax, es ja Eroodusu naty tu twiitstúku éxtamu toxytyujkun. ¹⁸ Es ja Fwank 'yanmaabyumu naty yu Eroodus:

—Yu Dios kyaj dyajkutiky es xytyoxytyujk'átut ja mmuga'axu ñudo'oxy.

¹⁹ Es ja Erodius tyuk'ak'ajtytyu naty ja Fwank, es jyaya'oogaampy, per kyaj mbaat, ²⁰ mut ko yu Eroodus tsa'ku ja Fwank, ja'a ko ñija'abu naty ko yu Fwank jyiky'aty tuj'ajtun muut es wya'atsja'ayuty, es kyaj tna'ijxy es yajtúnut axuuk. Es oy ja 'yaa 'yayuk tjamdooju xonda'aky'aa xonda'akyjyót, kyaj tñijawu ti tyúnup.

²¹ Es ja Erodius pyat wi'ix tsoo mbaat 'yeeky ja Fwank ma ja Eroodusu naty tmujtún ma ja xyuu jyamajt dya'abety, ma Eroodus dyajnaxkadáky tu'ugu ka'ay ukun es kyádyut ja syoldaadu wyindsúnaty, ja windsundajkuty esu Galileu ja'ayudyu myuj yajkutujkpu. ²² Ja Erodius ñuux tyujku ma naty tu ñaxkuda'aky ja ka'ay ukun es 'yejtsy, es ja Eroodus es ja di'ibu naty muut kyaadyu tyukjotkadaktu éxtamu naty 'yetsy. ²³ Es ja Eroodus twandaky ja kiixy:

—Amdooguts di'ibu mdsejpy es nmo'oyut, es tuj'ajtun n'anamu ko nmo'oyup oytyim tiity di'ibuts xy'amdoop, oytyim kujkwa'xyuty di'ibuts uj nmudajtyty.

²⁴ Net ja kiixy pyudseemy, es t'anmaay ja tyaak:

—¿Tits n'amdówup?

Ta ja tyaak 'yadsooju:

—Amdow ja Fwank Yajnubajtru kyubajk.

²⁵ Ta ja kiixy tyujku pojun ma naty ja Eroodus, es t'anmaay:

—Ndsejpyuts es tyamu xyumo'oyudats palanganoty ja Fwank Yajnubajtru kyubajk.

²⁶ Net ja Eroodus jyantsyiyotmaybyejky. Per kom tu naty t'anamu jyabye'xy wyindumty, kyaj ttseky yajtukxi'igut ja 'yayuk. ²⁷ Netyu ttuk'ane'emy tu'ugu syoldaadu es dyajminat ja Fwank kyubajk. Ja soldaadu oj ñejxy ma ja Fwank 'yity tsimy pujxndugóty es oj tñibo'tu ja kyubajk ²⁸ es dyajmiin ma tu'ugu palanganu. Ta tmooy ja kiixy es ja kiixy tmooy ja tyaak.

²⁹ Ko tñija'adu ja Fwangu 'yuxpukpúty, ta dyajpuda'ktu ja ñini'x es oj dyajnaxtáku.

Jesús dyajkáy nimugoxk mil naxy ja ja'ay

³⁰ Oknum 'yajajtmujktu ja apóstulaty ma ja Jesús, es ttukmumadyaktu tugekyu di'ibu naty tu ttundu es di'ibu naty ja ja'ay tu dyajtuk'uxpáktu. ³¹ Es mut ko nimayu naty ja ja'ayuty ñaywyinax ñaywyindáku ma Jesús, ni tka'okmudajnúdu ja timpu es kyádyut, paaty ja Jesús t'anmaaydyu:

—Mindu. Jo'om n'okpro'xum ma tu'ugu abak it.

³² Net ak yu'ujuty oj ñujxtu barkoty adukatuuy. ³³ Per may ja ja'ayuty t'uxkajptu ja Jesús es t'ijxso'oñ. Paaty tsyo'ondu pojun majaty kajpn, es tekye'epuy jyajttu jawyiin ma naty ja barku jyata'añ. ³⁴ Ko ja Jesús pyudseemy barkoty, ta t'ijxy may ja ja'ayuty es tpa'ayooy, mut ko du'nu naty éxtamu borreegu di'ibu kyaj tmudaty ja kywentu'ajtru. Ta tyujku ya'uxpukpu, es ttuk'uxpuktu kanak peky. ³⁵ Ko oj tsyu'ujunu, ta ñimiinudu ja 'yuxpukpúty es 'yanmaaydu:

—Tu tsyu'ujunu, es ni rán kyatsunu ma tyadu lugaar. ³⁶ Anuunudu ja ja'ayuty es ñixnuđut rantsyotom o ma yu wingombu kajpn es tjuudyut ja kya'ay 'yukan, mut ko kyaj tnuđattu ti kyadyu.

³⁷ Per ja Jesús 'yadsoojuđu:

—Mo'oydu miidsuty kya'ay 'yukan.

Ta ja'ajuty 'yadsoodu:

—¿Mdsejpy esuts uđsuty nujx njuudyu majtsk mugoxp xuu nidun yu tsajkaaky esuts ndukkadyut?

³⁸ Jesús 'yadsoojuđu:

—¿Naagu tsajkaaky jap xymudattu? Nuix ixtu.

Ko tnija'adu, ta t'anmaadyu:

—Mugoxku tsajkaaky es majtsku ajkxu'unk.

³⁹ Net ja Jesús ttuk'ane'emy ja 'uxpukpudy es dyajnaaxwaatstut ja ja'ayuty tuk pekyaty ma ja mnyoty. ⁴⁰ Ta ñaxwa'tstu tuk pekyaty mugoxp'xaty es justyikxymyajakaty. ⁴¹ Net ja Jesús tkone'ky ja mugoxkpu tsajkaaky es ja majtskpu ajkxu'unk, es pyat'ixy tsajpót m es tja'aygyudaky ja Dios. Ta ttukwa'xy ja tsajkaaky es tmooydu ja 'uxpukpudy es dyajwa'xtut ma ja ja'ayuty. Nandu'un dyajwa'xy ja majtskpu ajkxu'unk ma ja mayjya'ay. ⁴² Nidugekyu kyaadyaadyu jatkada'aky. ⁴³ Oknum dyajmujktu majmajtsk kasy ja tsajkaaky tyuktuku esu ajkx di'ibu nadajku. ⁴⁴ Es di'ibu ja tsajkaaky kyaadyu, ja'a nimugoxk milu yedyujkuty, es kyaj myadsyodyujku ja toxytyujkuty es ja unaku'unguty.

Jesús yo'oy nuu wyingujy

⁴⁵ Netu ja Jesús dyajtuku ja 'uxpukpudy barkoty es 'yawinnáxtut ma ja mejyñ es jya'ttut Betsaydu ko naty yu'u ñayjyugajxyuty mut ja ja'ayuty. ⁴⁶ Es ko naty tu dyaj'yo'oywya'xtu ja ja'ayuty, ta ja Jesús wyimbejty ma tu'ugu kopk kajxtápu.

⁴⁷ Ko oj kyoodsnu, mejyñgyujk'ámu natyñ ja barku es ja Jesús naydyi'igy naty tu wye'emy windu'utstuu, ⁴⁸ es t'ixy ko ja 'uxpukpudy nimujáa tjantsykyaptu ja nuu, mut ko naty pyojkuyaty. Es kajamóñam yo'oy nuu wyingujy ja Jesús es tñinejxy ja 'uxpukpudy. Najxambu naty ja Jesús ma ja 'uxpukpudy ⁴⁹ ko 'yixudu yo'oy nuu wyingujy. Ta ñayjynánu ko ixtma'ttubu daa. Ta yaxkaktu, ⁵⁰ mut ko tsyu'kadu. Es myugajxudu ja Jesús, es 'yanmaadyu:

—Jotmukta'aktu! Ujtsu du'un. Katu mdsu'ugudu.

⁵¹ Net ja Jesús tyujku barkoty ma naty ja'ajuty. Ta myo'ty ja poj. Ta ja'ajuty du'ufnu wyu'umadyaadyu, ⁵² ja'a du'un mut ko kyajpu naty tu tjaygyúkadu ti dan 'yandijpy ma Jesús dyajmáyu ja tsajkaaky es ja ajkxu'unk, mut ko juun wyinma'áñty.

Jesús dya'aguda'aky ja puma'ayuty jap Jenasaret

⁵³ 'Yawinnajxtu ma ja mejyñ. Ta jyajtú Jenasaret, es jam tkuwu'undu mejyñbyu'agy ja barku. ⁵⁴ Ko ttukjnnajktaadyu ja barku, net ja ja'ayuty t'uxkajptu ja Jesús ⁵⁵ es pye'egy o j ñujxtu ja ja'ayuty majaty kajpn, es tkuumyinu mabajngujy ja puma'ayuty ma naty Jesús. ⁵⁶ Es omyaaty ma ja Jesús jya'ty majaty kajpnba'ajuty es kajpnótyuty o rantsyótyuty, tpujta'aktu ja puma'ayuty tu'agy es tmanu'xta'aktu ja Jesús es oyjye'eyu tpaattut ja wyit pa'a. Es nidugekyu di'ibu pátydap agudátp.

7

Di'ibu ja'ay yajpekyka'adup

¹ Ta ñaymyukudu ma Jesús ja fariseeuty es ja di'ibuty tsajptugóty ya'uxpukpudy di'ibu tso'нду Jerusalén. ² Tyadu yu'u 'yijxtu ko nija'adyu Jesusu 'uxpukpudy kyadyu es kyaj wya'adsudy ky'u, ja'a ñjuna'anum kyaj kyubujtu éxtam jaayum fariseeuty ttundu. ³ Mut ko yu fariseeuty esu israelítuty nidugekyu pyanujxtup ja kyostumbrudy 'yaptujkuty ko ma kyaya'andu koonum wa'ats wa'ats kyubujtu. ⁴ Es ko tu 'yotstu maagyoty, kyaj kyadyu pun kyaj kyubujtu wa'ats wa'ats. Es ta mayu kostumbruty di'ibu yu'ujuty 'yakpaduundup, éxtam ko tpujtu vyasu di'ibu tyuk'úkadup, ja pyujxndu'ts esu wiingátpy 'yabujk 'yadu'unu. ⁵ Ja'agyajxm ja fariseeuty es ja di'ibuty tsajptugóty ya'uxpukpudy dyajtudu ja Jesús:

—¿Ti ko tkapadundu yu 'uxpukpudy di'ibu jaayum ja n'aptujkudyts ttundu? Yu'ujuty je'eyu kyadyu madu ky'u ni kyawa'adsuty.

⁶ Netu Jesús 'yadsoojuđu:

—Miidsuty di'ibu nay'andjudup es jyiky'attu tuj'ajtun mut, yajxon ja Diosu kyugajxpu Isaiu mnimadyaku miidsuty ko du'un tkuxjaay:

Tyadu ja'ay xywyindsu'kupts wingu'uy agu'uy,

per ja jyot wyinma'añ jagam 'yity ma un.

⁷ Ni ti tkatsooty ko ñay'andjudu es xyja'awdátuts.

Yu'u tuk'uxpukpudy

di'ibu 'yana'amun'ajtypy je'eyu ja'ayuty.

⁸ Paadyu Isaiiu t'anuumu du'ambu ja'ayuty éxtam miidsuty. Mmastúttap miidsuty ja Diosu 'yana'amun es xypyadúndat éxtam ja ja'ay jaayum ttundu.

⁹ Yak'anmaayudu ja Jesús:

—Miits m'aktimpaduundap di'ibu m'aptujk tyuundap, es du'un xy'xhtijtj ja Diosu 'yana'amun. ¹⁰ Moisés myooy ja ja'ayuty ja Diosu 'yana'amun ma jyuna'añ: “Mwindsu'agup ja mdaak mdeety”, es “Ja di'ibu kyajxpejkyru yu tyeety o yu tyaak, oogop yu'u.” ¹¹ Per miits mjunándap ko tu'ugu ja'ay mbaat t'anuumu tyaak tyeety: “Kyaj mbaat nbuduku, mat ko tugekyu di'ibuts nmadahtyru esxyur miits nbudákadu, tudsu Dios ndukmuyoxy.” ¹² Es pun du'un jyuna'añ, kyaj ñakysyékuty ja tyaak tyeety tpuđakat. ¹³ Es mudu tyaadu myajtugoodyur ja Diosu 'yayuku myadakun mat yu'aguyjxmu tadu mgostúbraty. Mayu du'ambu mgostúbraty di'ibu m'akpaduundap.

¹⁴ Jatugoku Jesús dyáxudu ja ja'ayuty, es t'anmaaydu:

—Mudowdu nidékyuty, es jaygyúkadu. ¹⁵ Yu di'ibu ja'ayuty jyuxtap, kyaj yu'u yajpekyka'adu, yu'u du'un di'ibu pudsamp jyodoty wyinma'añóty. ¹⁶ Di'ibu mudoodap, wa'an tjaygyúkadu.

¹⁷ Ko ja Jesús tmastuty ja ja'ayuty, ta tujku tugoty es ja 'yuxpajkraty yajtuujudu ti dan 'yandijru tyadu 'yixpajtan. ¹⁸ Ta ja'a 'yadsooy:

—¿Nan kyaj miits xyajgyúkadu? Ko di'ibu tujkup aajóty, kyaj yu'u di'ibu yajpekyka'ap, ¹⁹ mat ko di'ibu tujkup aajóty, jodoty yu'u ñejxy, es óknun pyudsemy.

Es mudu tyaadu Jesús tyuknija'adu ko tugekyu je'xy peky, wa'adsu'u. ²⁰ Es nandu'un 'yanmaayudu:

—Ko di'ibu pudsamp jyodoty wyinma'añóty, yu'u sitay yajpekyka'adap ja ja'ayuty, ²¹ mat ko ma ja ja'ay jyodoty wyinma'añóty myiñ yu axuk winma'añ, yu ma'induunk, yu yajja'ay'o'k, ko ja'ay dyajtugódyu yu pajk úkunu wyindsu'kun, ²² yu ma'tsk, yu adsojk, yu andak, yu axuk jiky'ajtan, yu nauwyinnaxuja'ak, yu pi'tskajx, yu mairpátuk, yu kujuan'át. ²³ Tugekyu tyadu axuk'ajtan, yu'u miimp jodoty winma'añóty, es yu'u du'un yajpekyka'apy ja ja'ayuty.

Toxytyujk kyaj 'yisraelítu tmabeky ja Jesús

²⁴ Ta Jesús jap tsoyo'ñ es ñejxy jamdsow ma Tiru kajpn es Sidón kajpn. Es tyujku ma tu'ugu tujk, es kyaj t'atsejky es pán tnijáwat. Per kyaj oj mbaat 'yity ayu'udsyu. ²⁵ Tu'ugu toxytyujk di'ibu naty ñuxx myudajtyru ja ka'oybyu, ko tmadooy ko tu naty jya'ty ja Jesús, ta tnimiñ es ñaygoxtmaaydyáku tyeky'ujxy. ²⁶ Tadu toxytyujk kyaj 'yisraelítu es sirufenisyu ja'ay. Yu'u 'yamdooyu ja Jesús es ttúnat ja may'ajtan es dyajpudsamat ja ka'oybyu ma ja ñuxx. ²⁷ Esu Jesús 'yanmaay:

—Jayujp yajkádyu u'unuk uná'k, mat ko kyaj 'yóyuty es ndukwingo'ondútam ja tsyajkaagyuty es nmo'oyum ja úkaty.

²⁸ Es ja toxytyujk 'yadsooy:

—Tu'y'ajtanu'u, Windsán, per extu yu uk kyaadyur meesu patku'p di'ibu ja uná'ku'ungaty yajka'adap ja tsyajkaakywyáy.

²⁹ Net ja Jesús 'yadsooy:

—Mat ko oy tu m'adsoy, nujx jotkujk ma mdajk. Tu ja ka'oybyu pyudsemy ma ja mnuxun.

³⁰ Ko ja toxytyujk jyaoty ma ja tyujk, ta tpaty ja ñuxx mabajngujxy es tu naty tyukpudsemyty ja ka'oybyu.

Jesús dya'aguda'aky tu'ugu yedyujk di'ibu nat es awu'umup

³¹ Netu Jesús tsoyo'ñ jap Tiru ñaxóty, es ñajxy Sidón kajpnóty es majaty ja Dekápolus kajpnaty. Ta jyaoty ma ja Galileu Myejyñ. ³² Jap tyuknimiinudu tu'ugu yedyujk nat es awu'umup, es yajpajktsooy ja Jesús esu ky'u'u ttuknikónat tadu yedyujk. ³³ Ta Jesús oj dyajnejxy ja ja'ay wiink tsoo ma kyaj pán. Net ja kyawa'xury t'adiju ja ja'ay tyatskoty es mudu tsuyjy ttoón ja ja'ay yu'an. ³⁴ Net ja Jesús pyat'ijxy tsajpótm, es myakxejy es t'anmaay:

—jAwá'ats!

³⁵ Netyu ja ja'ay tyatsk 'yawatsy es ja ya'an 'yagudaky. Ta oj yajxón kyajxpeky. ³⁶ Esu Jesús tyuknipujku kudiibu pán t'awánat. Es éxtam jyantsyayajtuknipejky, waanu ni'igu oj tmadyakwa'xy. ³⁷ Es du'uñ wu'umudyaadyu ja ja'ayuty, es jyuna'andu:

—Tugekyu oy ttuñ, extu yajmudoobejkyru ja nátuty es yajkajxpejkyru ja uum.

8

Jesús dyajkáy nimajtáx mil naxy ja ja'ayuty

¹ Ma tadu tiempu mayu naty ja'ayuty tu ñaymyúkadu es kyajru naty tmudattu kya'ay 'yukun. Net ja Jesús dyaxu ja 'yuxpajkraty es t'anmaaydu:

²—Nmudajtypyuts ja pa'ayo'on mudu tyadu ja'ayuty, mut ko tu tyugukxabajnu ma'yittu yaa mut uj es kyaj tmudattu ni tii ti jyu'xtup. ³ Es pun ngejxypyuts ma ja tyujkuty ayuu, yuugudawdabu'u tu'aay, mut ko naaguty jagam tu tsooindu.

⁴Net ja 'yuxprijkputy 'yadsooduu:

—¿Es wi'ix mbaat yajmo'oy ja kya'ay 'yukan ma tyadu itun? Yaa ni pun kyatsunu.

⁵Ta Jesús yajtuujadu:

—¿Naak xymudattu miidsuty yu tsajkaaky?

Es ja'ajuty 'yadsoodu:

—Juxtujk.

⁶Net ja Jesús t'anmaaydyu ja 'yuxprijkputy es dyajnaaxwaatstat ja ja'ayuty naxkajxy. Ta tkone'ky ja juxtujkpu tsajkaaky es tja'aygyudaky ja Dios. Net tujkwa'xy es tmooy ja 'yuxprijkputy, es ja'ajuty dyajwa'xtat ma ja ja'ayuty. ⁷Myudajttabu naty nandu'an naagudyu ajkxu'unk. Esu Jesús oj tja'aygyuda'aky ja Dios, es oj ttuk'yajwa'xtu ja 'yuxprijkputy ma ja ja'ayuty. ⁸Nidugekyu kyaay 'yuktu es 'yujts jyotkadaktu, es t'aktim'yajmujktu juxtujk katsy ja tsajkaaky tyuktuku di'ibu nadajku. ⁹Di'ibu kaaydyu nimajtaxk milun, es kyaj yajmaydsyoy ja toxytyujkuty esu una'ku'unguty.

Ta Jesús ñayjyugajxu mut ja'ajuty, ¹⁰es tyujku ma ja barku mut ja 'yuxprijkputy es oj ñejxy ma ja ñaxwiñudu Dalmanutu.

Fariseeuty t'amdowdu tu'ugu muj'ajtanu tsajpótmodu

¹¹Ko jap jyajty, ta naagudyu fariseeuty tnujxtu ja Jesús es dyajtudu tijaty es du'an dya'anagugaja'ajyua'andu. Ta t'amdoodu es tyuk'ixadut tu'ugu ixxwu'umun di'ibu myudajtypy ja muj'ajtan pun jantsyu du'an ko Diosu naty tu kyéxyuty. ¹²Netu Jesús oj myakxejy es jyunañ:

—¿Ti kots xy'amdowdu miidsuty tu'ugu ixxwu'umun di'ibu myudajtypy ja muj'ajtan?

¹³Ta ja Jesús tmastutta ja'ajuty, es tyujku jatugok ma ja barku es oj ñejxy wiink tsoo ma ja mejyñ.

Fariseeudyu 'yuxprijkan

¹⁴Taudamu naty ja 'yuxprijkputy tja'aydyugódyu dyajnujxut ni'igu yu tsajkaaky, es jap barkoty je'eyu naty tmudaty ti'igyu tsajkaaky. ¹⁵Ta ja Jesús tyuknipujkudu:

—Ixtu, mnaygywentu'átudap mudu fariseeudyu lyevaduuru esu Eroodusu jya'ajuty.

¹⁶Ta ja 'yuxprijkputy ñayjyunañudu ak yu'ujuty:

—Paadyu du'un xy'anma'ayam mut ko tu nyajmi'inum yi'inum tsajkaaky.

¹⁷Esu Jesús ñija'abu naty éxtamu naty ñayjyuna'ganudu. Ta 'yanmaayadu:

—¿Ti ko mnayjyuna'ganudu ko kyaj xymudattu ja mdsajkaaky? ¿Tii kyajnum xyjay-gyúkadu es ni xykyapúktunumu kwentu? Múk juun xymudattu ja mwinma'añuty. ¹⁸¿Tii kyaj m'ixtu miidsuty mudu mwiin, es ni mgamudowdu mudu mdatsk? ¿Ti kyaj xyjamyatstu? ¹⁹Kots nyajwa'xy ja mugoxkpu tsajkaaky ma yu nimugoxk milbu ja'ayuty, ¿naak katsy xyajmujktu ja tsajkaaky tyuktuku di'ibu nadajku?

Es ja'ajuty 'yadsoodu:

—Majmajtsk.

²⁰Ta ja Jesús 'yak'anmaayadu:

—Es kots nyajwa'xy ja juxtujkpu tsajkaaky ma ja nimajtaxk milbu ja'ayuty, ¿naak katsy xyajmujktu?

Es ja'ajuty 'yadsoodu:

—Juxtujk.

²¹Ta ja Jesús 'yanmaayadu:

—¿Tii kyajnum xyjaygyúkadu ko kyajts yu'ujuty n'andijy ja tsajkaaky?*

Jesús dya'aguda'aky tu'ugu wiints jap Betsaydu

²²Oknum jyajttu ma Betsaydu kajpn, es naaguty ja ja'ayuty dyajmiindu ma Jesús tu'ugu wiints, es tmanu'xtáktu es ttonu ja wiints. ²³Es ta twijstso'ofñ ja Jesús ja wiints es oj tmonejxy kajpnbu'aay. Ta ttukwingu'tse'ky waanu tsujy es tku'anikooñ. Ta dyajtany pun 'yijxyuty tii oynu'anun.

²⁴Ta ja wiints 'yijxpejky oga'an, es jyunañ:

—N'ijxypyudsu ja'ayuty. Du'un kyaxu'uktu éxtamu kepy, per yo'oydyur éxtamu ja'ayun.

²⁵Net ja Jesús tpujtáky jatugok ja kyu'u ma ja ja'ayu wyiin. Ta ja ja'ay oj 'yijxpeky es tugekyu t'ijxtaayñu wa'ats. ²⁶Net ja Jesús tkejxy ma ja tyujk, es t'anmaay:

—Katu sitay mduku kajpnóty es ni pun xykyatukmumadya'agudu tyaadu.

Peedru tñigajxy ko Jesús ja'a ja Kristu

* 8:21 Ix Matewu 16:12.

²⁷ Net ja Jesús es ja 'yaxpukpúty oj ñajxta ma mutsk kajpnaty di'ibu wingón ma Sesareeu Filipu kajpn. Es tu'aa dyajtúy ja 'yaxpukpúty:

—¿Wi'ix ja ja'ayuty jyuna'andu pándsuga dun uj?

²⁸ Ta ja'ajuty 'yadsoodu:

—Naaguty jyuna'andu ko mijtsa du'un Fwank Yajnaabjtrú, naaguty jyuna'andu ko mij m'Eliusaty, es akjanándarnum naaguty ko mijtsa du'un jatu'uga wiinkpu ja Diosu kyugajxpu.

²⁹ Ta yajtuujadu:

—Es miidsuty, ¿wi'ix mjuna'andu, pándsuga dun uj?

Esu Peedru 'yanmaayu:

—Mijtsa du'un ja Kristu di'ibu ja Dios wyin'ijx.

³⁰ Esu Jesús oj tyuk'ana'amudu kadiibu pán t'awánudut.

Jesús tnigajxy ja 'yo'kun

³¹ Es net oga'an ja Jesús t'awa'anudu ja 'yaxpukpúty ko yu'u, ja Naxwiñudu Ja'ayudyu Kyudunaabyu, jyantsy'ayowa'añ, es 'yaxtija'anudu ja mujja'aydyujkuty esu teedywyindsánuty es ja di'ibuty tsajptagóty ya'axpukpúty, 'ya'anmaaydyu ko ja'ay ya'ooga'anudu, es ko tugukxabajtr jyikyryuka'añ.

³² Du'un tyukmumadyákudu wa'ats. Net ja Peedru dyajnejxy wiink tsoo abeky es t'oooy.

³³ Es ja Jesús wya'kambijty, es twin'ijxy ja 'yaxpukpúty es t'oojumbijty ja Peedru, es t'anuumu:

—¡Kátuts mij xy'awa'ktíky, mujku'ugópik Satanás! Mij kyaj dyu'unudyu mwinma'añ éxtamu Dios, yu'u je'eyu mij mwinma'añ'ajtyty éxtamu ja'ayuty.

³⁴ Net ja Jesús dyaxu ja 'yaxpukpúty es ja ja'ayuty, es t'anmaaydyu:

—Pun jaats pán xypyanauxa'añ éxtamdsu n'axpukpúty, tsobjek es t'mastu'udut ja kyu'um winma'añ es jyiky'átut éxtam tu'ugu ja'ay di'ibu pyagiipy ja kyruuz ko 'yo'kun tneijxy, esuts xpyatsoonat. ³⁵ Mut ko ja ja'ay di'ibu jiky'ataamp éxtam ja kyu'um winma'añ, tyadu ja'ay nayyajtugóyudup. Per ja ja'ay di'ibu myastutyty ja kyu'um winma'añ es ñayákyuty es xymyaduñuts uj es ttuñ éxtam jyuna'añ ja oybyu ayuk, tyadu ja'ay pyaadup ja nitsokan. ³⁶ ¿Ti tsyoo ja ja'ay ko tjaganarátut tugekyu yu naxwiñudu pun yajtugeepy ja 'yanmaja'an? Ni tii, ¿kadú? ³⁷ Pes pun tu dyajtagóty ja 'yanmaja'an, kyajp tii di'ibu mbaat muut dyajjumbity jatugok.

³⁸ Pun pánuts xtyuyktsoydyuump es ttuktsoydyúñ ja n'ayúkaty ya naxwiñ ma pojpu ja'ay di'ibu Dios myastúttup, uj, ja Naxwiñudu Ja'ayudyu Kyudunaabyu, nan nduktsoydyúnupts kots nminat jatugok mudu myaj'ajtana nDeedyats es mudu 'yánklusaty.

9

¹ Nandu'un ja Jesús 'yamaayudu:

—Tuy'ajtan n'anuumudu ko ta naaguty di'ibu ja yam ko kyaj 'yooktat extu koonam t'ixtat ja Diosu kyutujkan jya'ty mat ja myuk'ajtan.

Jesús tyugatsy

² Kyumduujk xuu Jesús oj ñejxy ma tu'ugu kopku kajxmbu. Yu'uyu wyoo ja Peedru, Santya'agu esu Fwank. Es jam wyindumuty tyugajtsy ja Jesús. ³ Yu wyit jyumbijty jantsy tu'xp es jantsy poop éxtamu tsajp'e'pyky, éxtam ni pán ya naxwiñ mbaat tkayajwe'emy poop. ⁴ Es yu'ujuty 'yijxta ja Elius esu Moisés myadya'aktu mudu Jesús. ⁵ Net ja Peedru t'anmaay ja Jesús:

—Windsán, oy ko nyaa'ajtam. N'ok'ya'o'oyum tugaagu axkada'ak tujk: tu'uk mij xyja'a'átut, jatu'uk tja'a'átut ja Moisés es jatu'uk tja'a'átut ja Elius.

⁶ Du'un 'yanmaay mat ko ja 'yaxpukpúty tsyu'ugudu naty, esu Peedru ni tkanijawu wi'ix jyuna'anut. ⁷ Net oj myiñ tu'ugu yoots di'ibu yajnitujkudu, es jap yoodsóty yajmudooy tu'ugu ayuk di'ibu junaamp:

—Tyadudsu du'un ja n'U'unk di'ibuts njantsytsyepy. Mamedowdu yu'u.

⁸ Ko tiiñ ñas'ijxudu ma naty tu t'ixtu, ta kyaj tnaky'ijxta ni pán, yu'uyu natyu Jesús ma yu'ujuty.

⁹ Ko naty wyinjanaktu ma ja kopk, ta Jesús tyuknipujkudu:

—Kyaj xtyuykmadya'aktut ni pán di'ibu tu xy'ixtu, extu koonam uj, ja Naxwiñudu Ja'ayudyu Kyudunaabyu, njikyryakudats madsu naty tu n'eeky.

¹⁰ Es mudu tyaadu tmudajttu ayu'udsyu ak yu'ujuty, es ñayajtuujudu:

—¿Tii dunu tyaadu di'ibu myadyakypy ko jyikyryuka'añ ma 'ye'ky?

¹¹ Es paaty dyajtuudu ja Jesús:

—¿Ti ko jyuna'andu ja di'ibuty tsajptagóty ya'axpukpúty ko yu Elius myina'añ jawyiin es kyaj ja Kristu?

¹² Ta ja Jesús 'yadsoojudu:

—Tay'ajtnu'u ko Elius myiñ jawyiin, es ko yu'u 'yuxkúkaty tugekyu. ¿Es tii, kyaj xyñijáwudu ko ma yu Diosu jyaabyajtnu tmdya'aky ko uj, ja Naxwiñudu Ja'ayudyu Kyudanaabyu, n'ayowa'añats muk es nnajxa'añats xtiijy? ¹³ Per uj n'anmaaydyur miits ko Elius tu myiñ*, es tu ja ja'ay tyúnudu wi'ix yu'u ttiimtsoktu, du'an éxtam jyuna'añ ja Diosu jyaabyajtnu.

Jesús dya'aguda'aky tu'ugu mixy di'ibu ka'oybu myudajtypy

¹⁴ Ko kyudaktu ma ja 'yuxpújkpúty di'ibu naty tu wyu'umdu, ta t'ijxtu may ja ja'ayuty juwudity ma yu'ujuty. Jamu naty nandu'an tmattspkajxtu ja di'ibuty tsajptugóty ya'uxpújktur. ¹⁵ Ko ja ja'ayuty t'ijxtu ja Jesús, net du'añ wyu'umduyaadyu. Ta tñinujxtu puy'e'egy es oj tkajxpo'xtu. ¹⁶ Net ja Jesús dyajtnu ja di'ibuty tsajptugóty ya'uxpújktur:

—¿Ti mnaydyukkajxtytykudur mat ja n'uxpújktur?

¹⁷ Nidu'uk jap mayjya'ayóty 'yadsoodu:

—Ya'uxpújkr, tats uj nyajmiñ yu n'u'unk di'ibu myudajtypy ja ka'oybu, es yu'u yajwu'amur uum. ¹⁸ Pes oytyim maaty myátyuty ja ka'oybu es yajkudáuty. Net ya'a'eebyuty, es yajnyadyutskadúuty es du'unu ñini'x yajwu'amxuty juun. Tats nja'anu'mu m'uxpújktur esxyur dyajpudsémyu tadu ka'oybu, per kyaj tu tmumada'aktu.

¹⁹ Es ja Jesús jyunáñ:

—¡Ay, ja'ayuty di'ibáty kyaj xymyudattu ja mabújkun! ¿Extu nu'unadsu du'an n'aktim'ítat mat miidsuty es nmudánudat? ¿Na'adsu du'an xymyubuka'andats? Yajmín ja mixy.

²⁰ Ta tyuknimiinudu. Es ko ja ka'oybu t'ijxy ja Jesús, net ttukpaty ja mo'odyu ja mixy. Ta kyudaay es tyiimy yejky es 'ya'eepy. ²¹ Net ja Jesús dyajtnu ja u'unkteety:

—¿Nu'unu danu tyadu kujk tmdajnu?

Ta ja u'unkteety 'yadsooy:

—Extu tyimmutsk'ajty. ²² Kanak ok yu ka'oybu yajkukudáwuty juunóty es nujoty, es du'an jyaya'ooga'añaty. Tunu may'ajtnu, pun mbaat oynu'unun ti muut xytyuñ, pa'ayoodugats uudsuty es pudújkudugats.

²³ Ta ja Jesús 'yadsooy:

—¡Katu mjuna'añ pun mbaat! Tugekyu yu'u mbyaaduty mat di'ibátyu Dios myubújktur.

²⁴ Net ja u'unkteety yaxkeky:

—¡Nmubejkyppuys! ¡Pudújkugats esuts n'akmabákat ni'igu!

²⁵ Ko ja Jesús t'ijxy ko may ja ja'ayuty ñaymyújkudu, ta t'ooy ja ka'oybu es t'anuu'mu:

—Ka'oybu, ujtsuts mij n'anmaapy, pudsam jap ma tadu ja'ayun es katu mnaktyuku ma yu'un.

²⁶ Ta ja ka'oybu dyaj'yáxy ja mixy. Ta jatugok dyajmo'ty es pyudseemy, es dyajwe'emy éxtamu o'kr. May oj jyuna'andu ko tu 'yeeeky. ²⁷ Per ja Jesús tmajtsy ma ja ky'u, es twijtse'ky. Ta ja mixy tyuna'aye'ky.

²⁸ Net ja Jesús tyújkudu ma ja tyújk mudu 'yuxpújktur ak yu'uyuty. Ta yajtnu'udu ja 'yuxpújktur:

—¿Tii da kots uudsuty kyaj tu nmumada'aktu tadu ka'oybu?

²⁹ Ta 'yanmaayudu:

—Tyadu du'ambu ka'oybu, yu'uyu muut pyudsemy je'eyu mat ko ngajxtakam.

Jesús tñigajxy myumajtsk ok ja 'yo'kun

³⁰ Ko jam tsoy'onda, ta ñajxtu Galilee. Esu Jesús kyaj ttsejky es pán tñijáwudat, ³¹ mat ko dya'uxpúktu naty ja 'yuxpújktur es ttukmumadya'aktu:

—Uj, ja Naxwiñudu Ja'ayudyu Kyudanaabyu, nyajkyaka'añats ma ja ja'ayuty, es yu'uts xya'ooktur, es ko tyugukxubátut, njikyryúkduts.

³² Es ja'ajuty kyaj tjaygyújkudu éxtam 'yanu'umxudu, es tsyu'kudur es dyajtáwdut.

Pán waanu maj

³³ Net jyajtnu ma ja Kafarnaúm kajpn. Es ko naty 'yitta tugeoty, ta yajtnu'udu ja Jesús:

—¿Tii du'an naty mdsipkajxtur miidsuty tu'aay?

³⁴ Es amofu wyu'umduyaadyu, mat ko yu'u naty tu ttsipkajxtu ko pánu du'an ma yu'ujuty ni'igu myújuty. ³⁵ Netu Jesús ñaxwe'tsy ma ja nimajmajtskr 'yuxpújkr, es t'anmaaydyu:

—Pun nidu'uk miits mnaybyujta'agánudur muj kajxm, wa'an ñaybyujta'agyuty yuunk naxpyu, es tmudúnat nidugekyu.

³⁶ Net tsa'ane'ky tu'ugu una'ku'unk es tyunaay kujk'aay ma ja 'yuxpújktur, es t'anmaaydyu:

³⁷ —Di'ibu 'yaxájur tu'ugu una'ku'unk éxtamu tyadu mndudsu nxuugyujxm, xy'axájurpsu du'an uj; es di'ibuts uj xy'axájur, nan 'yaxájubu du'an di'ibuts uj xykyajx.

* 9:13 Ix Matewu 11:14.

Di'ibu kyaj xyñi'o'o xyñi'axum, yu'u du'un ijtp mut udsajtum

³⁸ Net ja Fwank t'anmaay ja Jesús:

—Ya'uxpajkpu, tats n'ixtu tu'ugu ja'ay dyajpudsémy ja ka'óbyuty ma yu ja'ay mudu mxxuuyujxm, es kom kyaj jyudity mut udsajtum, tats nyajkubóktu.

³⁹ Es ja Jesús 'yadsooju:

—Katu xyajkubóktu, mut ko di'ibu tyiimpy ja muj'ajtun muduts nxxuuyujxm, óyuts xymyadya'aky es kyaj 'yaxuuguty. ⁴⁰ Es di'ibu kyaj xymyudsip'ajtum, yu'u dun mut n'ijtm. ⁴¹ Pün pün mmo'oyudu oyjje'eyu tuk vasu wa'ats nuu mut kots uj miits nja'ay'áttu, tay'ajtun n'anuumudu ko Dios myay'átup ja ja'ay.

Puroobuty ko pekyoty nyajka'am ja wiink ja'ay

⁴² Pün ja pün dyajpekyka'ay nidu'ugu tyadu du'umbu una'ku'unk di'ibuts uj xymyubujkp, waanu oy pyudsu'umxuty kooxyup yajtuk'yo'kmawuunu tu'ugu muj paan es yajkubujpnáxt mejyñoóty. ⁴³ Pün myajpekytyuunup tu'ugu mgu'u, niboote. † Waanu oy ko mnuxxt tsajpótm, éxtum mbaat njuna'anum kutuk ma ja jiky'ajtun wínu xuu wínu tiempu, es kudiinam ko myajpajta'agut mut majtsku mgu'u ma ayoodákn, ⁴⁴ ma ni na'a kya'oogut ja tnu'k es ni kya'oogut ja juun. ⁴⁵ Es pün myajpekytyuunup tu'ugu mdeky, niboote. Waanu oy ko mnuxxt tsajpótm, éxtum mbaat njuna'anum, tekytyuk ma ja jiky'ajtun wínu xuu wínu tiempu es kudiinam ko myajpajta'agut mut majtsku mdeky ma ayoodákn, ⁴⁶ ma ni na'a kya'oogut ja tnu'k es ni kya'oogut ja juun. ⁴⁷ Es pün myajpekytyuunup tu'ugu mwiin, juut. Waanu oy ko mnuxxt tsajpótm, éxtum mbaat njuna'anum, mut tuk adu'um je'eyu mwiin ma ja jiky'ajtun wínu xuu wínu tiempu es kudiinam ko myajpajta'agut mut majtsku mwiin ma ayoodákn, ⁴⁸ ma ni na'a kya'oogut ja tnu'k es ni kya'oogut ja juun.

⁴⁹ 'Es nidugekyu ja'ayuty 'yayówdut, oyu tadu ayo'on njaja'ambu éxtumu juun xyt-sya'ayum. Éxtumu juun dyajtu'utsy ja tsu'utsy kudiibu mya'adut, tadu ayo'on mbaat xytyukmawingo'onum ja Dios. ⁵⁰ Oy yu kaan. Per pün tugooynup ja tya'amts'ajtun, kyaj wi'ix 'yóyut es jatugok tya'amut. Ittu éxtum ja oy kaan es jiky'attu amumdu'uk jot nixim niyam.

10

Kasaadu ja'ayuty ñaymyastu'ududu

¹ Net ja Jesús tso'oñ Kafarnaum es oj ñejxy ma ja Judee ñax es 'yawinnajxy ma ja Jordán mujnu jadoo ma xuu pyudsemy. Jap ja ja'ayuty ñaymyukdu jatugok ma naty yu'u, es dya'uxpejky éxtumu naty yu'u ya'uxpejky aayum. ² Net naagadyu fariseemy tnimiindu Jesús es du'un dya'anuguga'ajuya'andu. Ta dyajtuudu:

—¿Tii mbaat yu yedyujk tmastu'uty ja ñudo'oxy?

³ Ta ja Jesús 'yadsooju:

—¿Wi'ix t'ane'emy ja Moisés?

⁴ Ta ja'ajuty 'yadsoodu:

—Ja Moisés tu dyajnigutúku es mbaat ja yedyujk tmastu'uty ja ñudo'oxy pün jawyiin tm'ooy tu'ugu neky ma jyuna'añ ko kyaj t'oknudo'ox'ajnu.

⁵ Ta Jesús 'yanmaayudu:

—Ja Moisés tkuxjaayu tadu ana'amun ja'agyujxm ko kujuun miidsuty. ⁶ Per ma tsondaky ko Dios dyajkoju tugekyu, yu Diosu jyaaybyajtun jyuna'añ: “Dios yajkoj ja ja'ayuty yedyujk es toxytyujk.” ⁷ “Paaty ja yedyujk 'yabekyu ma ja tyaak tyeety es du'un ñaybuwa'agudu mudu ñudo'oxy, ⁸ es nimajtsk jyiky'attu éxtum tu'ugun je'eyu.” ⁹ Paaty di'ibu ja Dios tu dyajnaymyúku, ni pün tkayajwa'xut.

¹⁰ Ko naty jap tugótyuty, ja 'yuxpajkpty yajtuujudu jatugok yu tyaadu. ¹¹ Esu Jesús 'yanmaayudu:

—Di'ibu myastutypy ja ñudo'oxy es pyeky mudu wiink to'oxy, yajtugeepy ja pujk úkunu wyindsu'kun. ¹² Es pün ja toxytyujk myastutypy ja ña'ay es pyeky mudu wiink yedyujk, nan yajtugeepy ja pujk úkunu wyindsu'kun.

Jesús tkuni'xy ja una'ku'unguty

¹³ Naagadyu ja'ayuty dyajmíndu 'yana'ku'unguty esu Jesús tyónudut, es ja 'yuxpajkpty t'oodu ja ja'ayuty. ¹⁴ Ko ja Jesús t'ijxy, ta 'yajku mut yu'ujuty es t'anmaaydyu:

—Mastu'uttu, wa'andsu una'ku'unguty xyñimínduts, es katu xyajjumbity, mut ko ja Diosu kyutujkan yu'u jya'a'ajtypy di'ibu du'un éxtum yu'ujuty. ¹⁵ Tay'ajtun n'anuumudu ko di'ibu kyaj t'axaju ja Diosu kyutujkan éxtum tu'ugu una'ku'unk, kyaj tyáktu ma Diosu kyutujkan.

¹⁶ Net tsa'ane'ky ja una'ku'unguty. Ta tkuxkooñ ja kyuu'ma ja kyubajkuty es tkuni'xy.

† 9:43 Xytyuk'ijxumu Jesús ko di'ibu xyajpekytyu'unum, yu'u jot winma'añ, es kyaj yu'udyu ku'u, teky es ni yu'u wiin. Ix Markus 7:18-23.

Mukja'ay tmamadya'aky ja Jesús

¹⁷ Ko ja Jesús 'yaktu'uyo'oy, net myiñ tu'uga yedyujk p̄y'e'egy, es ñaygoxtunaaydyáku Jesús wyindum es yajtuujju:

—Oy ya'uxp̄ujk̄p̄n, ¿ti tsojkap ndúnudats esats nyajtukkumáyut ja jiky'ajtanu winu xuu winu tiempu?

¹⁸ Netu Jesús 'yanmaayn:

—¿Ti kots mij xytyijy kots uj n'óyuty? Ja'a ko ya'ayn du'ann Dios oy. ¹⁹ Oy xynija'aju ja Diosu 'yana'amun: “Katu myajja'ay'eeky; katu xyajtagóy ja p̄ujk úkanu wyindsu'kun; katu mmeetsy; katu mada andakungyujxm p̄n xyniwaambéty; katu ti xynipeky; mwindsu'agup ja mdaak mdeety.”

²⁰ Ja yedyujk 'yadsooy:

—Ya'uxp̄ujk̄p̄n, tugekyu tyaadu tats nguudyuunda'ay extu tu ndimmutsk'átyuts.

²¹ Netu Jesús twin'ijxy mada tsojkan, es t'anmaay:

—Jatu'uk mdagoy'ajxtuty. Najx took tugekyu di'ibu mmudajty mjaygyejpy es yajwa'x ma ayooobu ja'ayuty, es net xypyaminudats es du'ann xymudátut ja oy'ajtan jam tsajpótm.

²² Es ko tmadooy yu tyaadu, ta ja yedyujk jyotmayduyuktajku. Ta oj ñejxy jotmaymunt, mat ko nagoos naty jyantsymyukja'ayuty. ²³ Ta ja Jesús t'ijxambijty, es t'anmaaydyu ja 'uxp̄ujk̄p̄ty:

—¡Tsip nimujaa esu mukja'ayduyuky tyákuat ma Diosu kyutujkan!

²⁴ Ja 'uxp̄ujk̄p̄ty du'ann wya'umadyaaydyu mada tyaadu. Esu Jesús 'yak'anmaayambijtuadu:

—¡Tsip nimujaa esu mukja'ayduyuky tyákuat ma Diosu kyutujkan! ²⁵ Ni'igu tsiypty es tu'ugu mukja'ay tyákuat tsajpótm es kudiinam ko tu'ugu kameyu ñaxat xu'uñ jutoty.

²⁶ Ko t'akmdoodu tyaadu ja xp̄ujk̄p̄ty, waanu ni'igu wya'umadyaaydyu du'ann es ñayjynánudu:

—Pes, ¿p̄anu du'ann mbaat ñitse'eky?

²⁷ Esu Jesús wyin'ijxudu es 'yanmaayadu:

—Mada ja'ayuty kyaj mbaat, per mada Dios, ak mbaat tugekyu.

²⁸ Netu Peedru t'anmaay ja Jesús:

—Es udsaty sitay tats tugekyu nmastutta'aydyu es mij nbanujxta.

²⁹ Jesús 'yadsooy:

—Tuy'ajtan n'anumadu ko oytym p̄naty di'ibu tu tmastu'uty ja tyujk, o myuga'axuty, o tyaak, o tyeety, o 'yu'unguty, o ñax kámuty mat kots xypyanejxy uj es tuñ éxtum jyuna'añ ja oybu ayuk, ³⁰ tadu ja'ay Dios mo'oyudap tyam ma tyadu naxwiñudu mugopx du'ann ni'igu tyujk, tyaak, myuga'axuty, 'yu'unguty esu ñax kámuty, oy 'yayoy du'ann; es nandu'ann tsajpótm Dios mo'oyudat ja jiky'ajtanu winu xuu winu tiempu. ³¹ Per may di'ibu tyam ya naxwiñ ijtr muj, jam tsajpótm Dios pyujta'agudat mutsk; es may di'ibu tyam ya naxwiñ ijtr mutsk, jam tsajpótm Dios pyujta'agudat muj.

Jesús tnigajxy myuduguk ok ja 'yo'kun

³² Jamu naty wyimbattu ma ja tyu'uju Jerusalén, esu Jesús jawyiinu naty ñejxy ma ja 'uxp̄ujk̄p̄ty. Es ja nimajmajtskuty du'ann wya'umadyaaydyu es tsyu'kudu ja ja'ayuty di'ibu panujxudap. Net ja Jesús twoonejxy wiink tsoo ja nimajmajtskpu 'uxp̄ujk̄p̄ty. Ta oj ttukmumadya'aktu di'ibu naty jatán kubatánup, ³³ es 'yanmaayadu:

—Ixtu, nbatujkam Jerusalén ma uj, ja Naxwiñudu ja'aydyu Kyudunaabyu, nyajkayaka'añuts ma yu teedywyindsánuty es ma ja di'ibaty tsajptagóty ya'uxp̄ujk̄p̄ty, es xytyuknikajxpata'andats ja o'kan es xkyuyaka'andats ma ja romanu ja'ayuty. ³⁴ Yu'uts xynixi'iga'an xytyukxi'iga'andats, xywyopa'andats, xyniidsujyua'andats es xya'ooktupts, es ko tyugukxubátut madsu naty tu n'eeeky, njikyuyákuat.

Santya'agu esu Fwank t'amdowdu tu'ugu may'ajtan

³⁵ Net ja Santya'agu es ja Fwank, Zebedeu myaanguty, tmawingoonu ja Jesús es t'anmaaydyu:

—Ya'uxp̄ujk̄p̄n, ndsojktupts es xytyúnut ja may'ajtan di'ibu n'amdoodap.

³⁶ Net ja Jesús yajtuujju:

—¿Ti dan mdsojktup esats ndúnut?

³⁷ Ta t'anmaaydyu:

—Moodyuguts esats n'u'uñudat tu'uk ma m'aga'añgyu'u es jatu'uk ma m'anajñgyu'u ko m'ana'ama'añ muj'ajtan munt.

³⁸ Ta ja Jesús 'yadsooyadu:

—Miits kyaj xyniawudu ti dan m'amdoodap. ¿Tii mmudánudap miidsaty, éxtum mbaat njuna'anam xy'uuktu ma ja káluz mats uj n'uuga'añ? ¿Tii mmudánudap miidsaty éxtum mbaat njuna'anam mnubátut éxtamts uj nnubata'añ?

³⁹ Ta ja'ajuty 'yadsoodu:

—Nmudánudupts.

Esu Jesús 'yanmaayudu:

—Tuy'ajtn ko miits m'uuktup ma ja káluz mats uj n'uuga'añ, es nandu'un mnubáttut éxtamts uj mnubat'añ. ⁴⁰ Per uj kyajts xypyaaty esuts miits nmo'oydyut es m'u'uñudut mats n'aga'añdsyoo o mats n'anajñdsyoo. Diosu du'un pátur tmo'oydyut di'ibáty tu yaj-tuknibujtaagu.

⁴¹ Ko ja nimajkpu uxprajkputy tmudoodu tyaadu, net ttuk'ak'ajttu ja Santya'agu es ja Fwank. ⁴² Netu Jesús dyáxudu nimajmajtskaty, es t'anmaaydyu:

—Mnija'adup miits ko di'ibáty 'yana'amdap ya naxwiñ, jya'abáktup ja ja'ayuty, es 'yana'amudu éxtam yu'ujuty ja kyutujkun. ⁴³ Per kyaj dyu'un'átut ma miidsuty. Nik ni'igu ko di'ibu naybyujta'agánup muj ma miidsuty, yu'u myudúndup ja myu'uxprajkputy, ⁴⁴ es otyyim pánuty miidsuty di'ibu itaamp jawyiin, yu'u myudúndup ja myu'uxprajkputy éxtamxyp yu'udyu myuduumbu. ⁴⁵ Du'un éxtam uj, ja Naxwiñdu Ja'ayudyu Kyudunaabyu, kyajts nmiñ naxwiñ esuts nyajmedúnut, ja'ats uj tu nmiñ esuts uj ja ja'ay nmedúnut esuts ngubátut mayu ja'ay ja pyeky kots ja'a ngu'oogat, du'un may tmedáttut ja nitsokun.

Jesús dya'ixpéky tu'ugu wiints

⁴⁶ Net jyajttu Jerikoo. Es ko naty Jesús kyajpnbudsémy mut ja 'yuxprajkputy es mut ja mayjya'ayuty, tu'ugu wiints di'ibu xya'ajtypy Bartimeeu, Timeeu myaank, jamu naty 'yu'uñu tu'ubu'ayy es t'amdoy ja limosnu. ⁴⁷ Es ko tmudooy ko wyingón ja Jesús nazarenu, ta ja wiints yaxkeky:

—Jesús, Davitu tyuamp 'yaats, pa'ayoogats mij!

⁴⁸ May ja ja'ayuty 'yoojudu es 'yamónut, per ja wiints ni'igu waanu muk yaxkeky:

—iDavitu tyuamp 'yaats, pa'ayoogats!

⁴⁹ Net ja Jesús wya'k'a'aju, es jyanáñ:

—Yajmíndu.

Ta ja ja'ayuty t'anmaaydyu ja wiints:

—Jotkujku, puda'uk, mut ko tam myáxuty.

⁵⁰ Net ja wiints tnasajtu ja tsyamarru, es pyujte'ky. Ta twinguwa'ku ja Jesús. ⁵¹ Net ja Jesús yajtuujtu:

—¿Ti mdsejpy esuts uj ndúnudats?

Ja wiints 'yadsooy:

—Ya'uxprajkpu, yu'ats njatsejpy esuts n'ixpákat.

⁵² Ta ja Jesús 'yanmaaydu:

—Mbaat mnejxy. Tu m'agada'aky mut ko tats xymyubeky.

Netyu ja wiints oj 'yixpéky, es tpanejxy ja Jesús.

11

Jesús tyuku Jerusalén éxtam tu'ugu rey

¹ Ko naty jya'ta'añ Jerusalén, ko jyajttu Betfajee, jamyu ma ja Oliivus Kopk, netu Jesús tkejxy majtsku 'yuxprajkpu, ² es t'anmaay:

—Nujxtu ma yu mutsk kajpnu'unk di'ibu yajwingu'ixxup, es jap xypyaadut kuwuuñ tu'ugu burru di'ibu ni pénnam tkatuk'u'uuñ. Mugañ es xyajmínut. ³ Es pun ja pán myajtáwadu: “¿Ti ko xymyugaju?”, net xy'anuumut: “Ja Windsún yajtunaampy es pojan tkajxambítut jatugok.”

⁴ Es ja 'yuxprajkputy oj ñujxtu, es tpattu tu'ugu burru kuwuuñ tujk agu'am muj tu'ubu'ayy. Es ko naty tmugañ ja burru, ⁵ net ja ja'ay yajtuujjudu:

—¿Ti ko xymyugájudu tadu burru?

⁶ Es yu'ujuty 'yadsoodu éxtamu Jesús naty tu 'yanu'umxudu. Net ja ja'ay myastútu. ⁷ Ta oj dyajnujxtu ma ja Jesús es tpujáktu ja wyit jam burru ñikujxm, es ja Jesús ttukpejty. ⁸ Es ja mayjya'ayuty dya'ptu ja ñikujxyudu wit tu'ayy. Wiinkputy tujtu ja kepyu 'yaay xye'entsy es ttukwin'o'oxudu ja tu'aa. ⁹ Ja ja'ayuty di'ibu ñujxtup jawyiin es nandu'un ja di'ibu miindup ux'ok ya'ax jyoktu:

—iAwdattu Dios! ¡Kuni'xy di'ibu miimp éxtamu Nindsun'ajtam Diosu kyudunaabyu! ¹⁰ Muj kujxm 'yítut ja rey Davitu tyuamp 'yaats di'ibu yajkutukaamp. ¡Awdattu Diosu tsajpótmuñ!

¹¹ Ta ja Jesús kyajpnajty Jerusalén es jyajty ma ja muj tsajptujk es t'ixtaay tugekyu di'ibu jar. Ta tsyo'oñ jam es tmunejxy ja majmajtskpu 'yuxprajkputy ma Betañ kajpn, mut ko tu tsyu'ujanu naty es jap mya'aja'añ.

Jesús tkajxpéky ja iigu kepy

¹² Jakumbom ko Jesús tsoyo'ón jap Betaña, ta yu'o'ku. ¹³ Ta t'ijxy tu'ugu iigu kepy tu'ubu'aay. Ta nimumjwa'ky, es kyaj tpaty ni ti tyuump ja kepy, je'eyu 'yaay, ja'a ko kyajnum ja tiempu ma tyuump. ¹⁴ Ta ja Jesús t'anmaay ja iigu kepy:

—Ni na'a mganakytyuump'átat.

Es ja 'yuxpajkputy tmadoodu.

Jesús dyajpudsemy di'ibu juuy to'ktap ma ja muj tsajptujk

¹⁵ Oknum jyajttu Jerusalén, netu Jesús tyujku muj tsajptujk ñabotsoty. Ta dyajpudseemy di'ibu naty jap juuy to'ktap es dyajjumbijty ja myeesaty di'ibu naty jap wyingugoondup ja meeñ mut ja tsajptujk meeñ, es dyajjumbijty ja syíyaty di'ibu pakto'ktap. ¹⁶ Es kyaj dyajkutijky es pán dyajnáxat ooytiity muj tsajptujk ñabotsoty. ¹⁷ Ta dya'axpejky ja ja'ayaty, es t'anmaay:

—Ja Dios jyunán ma ja jyaaybyajtan: “Yu ndujkuts yu'u ma nidagekyu naxwíñudu ja'ay kyajxta'aktu”, per miidsaty tu xyajwa'andu ma'tspu aank.

¹⁸ Es ja teedywyindsánaty es ja di'ibaty tsajptugóty ya'uxpajktap tmadooy yu taadu. Ta t'axtaaydyu ja winma'añ wi'ix ja Jesús 'yoogut, per tsa'ugudu, ja'a ko nidagekyu ja ja'ayaty tam yajxon tmadoo'ittu ja 'yuxpajkun. ¹⁹ Es ko tsyu'ujanu, net Jesús tsoyo'ón jap Jerusalén.

Iigu kepy tyu'utsy di'ibu Jesús tu tkajxpéky

²⁰ Jakumbom jepy ko jyumbitandu Jerusalén, ta ñaxtu ma ja iigu kepy, es ja 'yuxpajkputy tu t'ixtu ko tu naty tyu'tsnu. ²¹ Ta ja Peedru tjamyejtsy, es t'anmaay yu Jesús:

—Windsán, ¡ix! Tu tyutsnu tyadu iigu kepy di'ibu mij tu kykyajxpéky.

²² Jesús 'yadsooy:

—Mabaktu Dios. ²³ Tyu'ajtan n'anuumudu ko pán ja pán miits m'anuumudubu tyadu kopy: “Jawa'ak ja yaa. Nujx mejyñóty.” Pán kyaj xyujjajwadu, pes du'unu dan jyátat.

²⁴ Paaty n'anuumudu miidsaty ko tugekyu di'ibu miits m'adoodup ja Dios ma mgajxta'aktu, pán mmubajktap, m'axájdup. ²⁵ Es ko mgajxta'aktu, mma'xtap di'ibaty miits mduunudup axuuk, es du'un yu mDeedyu tsajpótudu mma'xudup miidsaty ja mbojputy nandu'un. ²⁶ Es pán kyaj xymya'xtu di'ibu mduunudup axuuk, mDeedyu tsajpótudu nan kyaj mma'xudat miidsaty ja mbojputy.

Jesusa kyutujkun

²⁷ Ta net jyajttu Jerusalén. Es ko naty Jesús jyudty muj tsajptujk ñabotsoty, ta ñimiinudu Jesús ja teedywyindsánaty es ja di'ibaty tsajptugóty ya'uxpajktap es ja mujja'aydujkaty, ²⁸ es yajtuujdu:

—¿Pánu kyutujkun muut xytyuñ tyaaðu? ¿Pán tu mgutujkunmo'oyaty?

²⁹ Ta Jesús t'adsoodú:

—Hj nandu'un nyajtuwaambuyts tu'ugu ayuk miidsaty. Pán xy'adsoojumbijtpats, net n'anuumut ti kutujkunats uj muut nduñ tyaaðu. ³⁰ ¿Pán kutujkunmooyu Fwank es yajjubátat? ¿Dios, o yu ja'ayaty? ¡Adsoodugats!

³¹ Ta ak yu'ujaty ñay'uu ñaygyajxudu es ñayjyuna'anudu:

—Pán n'okjana'anam ko ja Dios tuk'ana'ama, ta xy'adso'om: “Es pánu du'un, ¿ti ko xkyamabaktu?” ³² Es pán njuna'anam ko ja'ayaty, ta yu ja'ayaty xytyu'unam axuuk, mut ko nidagekyu yu'ujaty tmabaktu ko Fwank yu'u ja Diosu kyugajxpu.

³³ Ta t'anmaaydyu ja Jesús:

—Kyajts nnijáwudu.

Ta ja Jesús 'yadsoojudu:

—Es uj nan kyajts miits n'awánudat ti kutujkunats uj muut nduñ tyaaðu.

12

Axuk kamgwentu'ajtpaty éxtimn ijxrajtun

¹ Net tyujku ya'uxpajkpu mut kanak nax ijxrajtun es jyunán:

—Ja ijty tu'ugu yedyujk di'ibu kyoj yu uuvu kam ma ja ñax. Ta tngaeemy es dya'uyuy ma dyajnipátat ko ja uuvu yajwinma'adsa'anat es tkojy tu'ugu potsy kujxm ma mbaat jam n'ijxkákam es ngwentu'ajtm tugekyu. Oknum tmooy tukmiky ja uuvu kam mudu wiink ja'ayaty es tsoy'onnu ja kugam. Jagam nax jagamgajpn oj ñejoy.

² Ko tpaty ja tiempu ma ja uuvu yajtukmukánnu, ta tkejxy tu'ugu tyuumbu es t'amdówut ja maduumbaty ja uuvu di'ibu pátp ja kugam. ³ Es ja uuvu kamgwentu'ajtpu tmajtstu ja kugamu tyuumbu, tkepywojptu es dyajjumbijttu. Ni tii tkamooydyu. ⁴ Net ja kugam tkejxy ja wiinkpu tyuumbu, es tyaaðu tsaaga'tstu es dyajtsayujttu kyubajk es axuuk ttuundu. ⁵ Ta ja kugam tkejxy ja wiinkpu, es yu'u dya'o'ktu. Oknum ja kugam tkejxy ja wiinkpudyu tyuumbaty nimay, es ja uuvu kamgwentu'ajtpu tkepywojptu naagaty ja tuumbaty es naagaty dya'o'ktu.

⁶ Ja kugam tmadajnu je'eyn tu'ugu myaank di'ibu jyantsytsyejpy, ja'a kyajx tim ok es twinmaay: "Wyindsu'ugubudts ja nmaank." ⁷ Es ko t'ijxtu ja uuvu kamgwentu'ajtrn ko myiñ ja kugamu myaank, ta ñajyynánadu ak yu'ujuty: "Tyaadu du'un di'ibu yaxajyaampy yu kyuma'añ. Min n'ok'ya'o'kum, es du'un nmwun'umam udsajtam."

⁸ Ta tmajstsa, dya'o'ktu es dyajpudsuumdu ja ñini'x ma ja uuvu kam.

⁹ Ta ja Jesús yajtmay:

—¿Ti tyunaampy mat yu'ujuty ja kugam? Pes minup es dya'o'kta'ayudu tadu axuk ja'aydyujk, es tmo'oyat wiinkru ja yuuvu kam.

¹⁰ ¿Tii ni na'anum miits xykya'uxpuktu ja Diosu jyaaybyajtan ma jyuna'añ?:

Ja tsaa di'ibu ja pojtsputy 'yuxtijtu, tu tpaaty ja lyugaar ma ja tujk t'ujx'áty.

¹¹ Tyaadu du'un ja tyu'unun ja Nindsun'ajtam Dios, es n'okwu'amodya'ayam du'añu.

¹² Ta ja teedywyindsunuty es ja fariseeuty tjamatsandu ja Jesús, ja'a ko tmawinma'añbyattu ko yu'udyu naty yajmadyákr madu tadu ixpajtan. Es mat ko tsyu'kudu ja nax kajpn, ta tna'ijxtu ja Jesús es ñujxtu.

Jesús tmdya'aky ja kugubajtan

¹³ Oknum ja Jesús yajtuknikejxy nidu'uguty ja fariseeuty esu Eroodusu jya'ayuty, es t'uxtaaydyu wi'ix mbaat dya'anuguga'adu ja Jesús. ¹⁴ Ta ja'ajuty t'anmaaydyu ja Jesús:

—Ya'uxpukru, nnija'adapts ko mgajxy mat ja tuj'ajtan es ni xykyatuñ kwenta di'ibu ja'ayuty myadyáktur. Je'eyn xya'uxpeky mat ja ñu'u tyu'u ja Dios. ¿Tii óyudsu da ngugabátat ma yu yajkutujkru kopk, o kyaju?

¹⁵ Es ja Jesús ñija'abu naty ja tyádadyu 'yaxuk winma'añuty. Ta t'anmaaydyu:

—¿Ti kots miits xyajka'aja'andu? Tuk'ijxtugats ja meeñ di'ibu muat mgugabety.

¹⁶ Net dyajmiindu tu'ugu platu meeñ. Ko tyaadu t'ijxy ja Jesús, net dyajtmay:

—¿Pánu tyadu wyiin juyjr esu xyuñ di'ibu yam kaxja'ay?

Ta ja'ajuty 'yadsoodu:

—Yu yajkutujkru kopk.

¹⁷ Net ja Jesús 'yanmaayudu:

—Pes mo'oydyu ja yajkutujkru kopk ja di'ibu yu'u jya'a'ajtypy, es mo'oydyu ja Dios di'ibu Dios jya'a'ajtypy.

Ko tmadoodu tyaadu, ta du'añu wyu'amodyaaydyu.

Ja'ay dyajtuwdu pun jikyryúktur ja o'kruty

¹⁸ Net oj tñinijxtu Jesús naagadyu saduseeuty. Ja saduseeuty jyuna'andu ko kyajp jikyryuka'añ ja o'kruty. Du'unu tyaadu ttukniubjta'kudu:

¹⁹ —Ya'uxpukru, Moisés dyajnigutúku ko pun ja pún 'yeeke es kyaj tu tpatu 'yu'unuk, ja myuga'ax pyúkur ja ku'ekytyo'oxy es tmadáttat ja 'yu'unuk, es ja'a tyuknikujxm'átur ja jamyi. ²⁰ Du'un jyajty ma udsuty. Tamu naty juxtujk tukka'axu yedyujk. Ja ka'axkórk pyejky, es 'ye'ky, kyaj tpatu ja 'yu'unuk. ²¹ Ta ja myumajtskru tpejky ja ku'ekytyo'oxy, es nandu'un jyajty. Es ja myudugunukru nandu'un jyajty, ²² extu ko 'yabudseemy nijxujky, es ni pán tkatukpattu 'yu'unuk. Es ko tyaadu du'un tugekyu ñajxy, ta nandu'un ja toxytyujk 'yo'knu. ²³ Es ma jikyryuka'anduk ja o'kruty, ¿pánuk nidu'ugu tadu juxtujkru ana'kuty ñado'oxy'átur, éxtam tu pyajka'aydyu mat yu'u?

²⁴ Esu Jesús 'yadsoojudu:

—Miidsuty nugoo m'okkajxtugooynudu, mat ko kyaj xyñijawudu ja Diosu jyaaybyajtan es ni ja myuk'ajtanu Dios. ²⁵ Es ko ja o'kruty jikyryúktat, ni kyaráktat ni pán, du'un 'yítat éxtamu ánkusu tsajrótmudu. ²⁶ Yu o'kruty sitay jikyryúktur. ¿Tii kyajnum miits xyajmadya'aktu éxtam ja Dios jynán ma ja jyaaybyajtan, ma tmdya'agyu tadu apyñgyery ko tyoy?, ko t'anmaay ja Moisés: "Ujtsu du'un ja Abraan Dyios, Isaa esu jakoob." ²⁷ Yu Dios, kyaj yu'u Dyios'átyuty ja o'kruty, yu'u du'un ja jikyryuty.* Es du'un miidsuty sitay nugoo m'okkajxtugooynudu.

Ana'amun waanu mupru

²⁸ Net nandu'un ñimiinu Jesús tu'uk ja di'ibu tsajptugoty ya'uxpukru, di'ibu tu tmdoyu tyaadu es ñija'ap ko Jesús tu t'adsoodu ja saduseeuty madu wijy'ajtan. Ta dyajtmay:

—Ya'uxpukru, ¿di'ibu du'un ja ana'amun ni'igu myújuty?

²⁹ Ta Jesús 'yadsooju:

—Ja ana'amun di'ibu ni'igu myújuty, yu'u tyaadu ma jyuna'añ: "Mudowdu es jaygyúkudu, miits israelítaty: ja Dios di'ibu Nindsun'ajtam, yu'uyu je'eyn Windsun'ajtp. ³⁰ Tsoktu ja mWindsun Dios mat winu mjot mwinma'añ, mat winu m'anmuj'a'an es mat winu

* 12:27 Yu'u 'yandijpy ko madu Dios tugekyu jiky'ajtta'aydyu. Ix Lukas 20:38.

mmujaa.” ³¹ Es ja myamajtskpu yu'u du'un jyuuna'añ: “Tsoktu ja mmudajkpa'a éxtam mij ku'am mnaydsyékuty.” Tadu nimajtskpu ana'amun nik ni'igu myajuty kadiinam ni tu'ugu wiinkpu.

³² Ta ja di'ibu tsajptugóty ya'uxprijkr 'yanmaayn Jesús:

—Oyuts tu xy'adsoy, ya'uxprijkpu. Tuy'ajtanu'u ko ijtp tu'uk je'eyn Dios, kyajpu wiinkpu.

³³ Es pun ndsojkm ja Nindsun'ajtam Dios mut winu njot nwinma'añ'ajtam, mut winu nmujaa'ajtam es pun nandu'un ndsojkm ja nmudajkpa'a'ajtam éxtam mnaydsyojkam ku'am, yu'u situy nik ni'igu tsoobaadat kadiinam tugekyu yojxun es tugekyu windsu'kun di'ibu yajtooydyup artalkujxm.

³⁴ Es mut ko ja Jesús ñija'ap ko ja di'ibu tsajptugóty ya'uxprijkr tu 'yadsooyuty madu wjij'ajtan, ta t'anuumu:

—Je'eyn tim waanu mdugoy'ajtxuty es m'itat ma Dios yajkutíky.

Es kyaj pun 'yoknaydyuk'a'ijxanu es t'ak'yajtáwut ni tii.

Pánu tyuump 'yaats ja Kristu

³⁵ Oknum ko Jesús ttuk'axpejky ja ja'ayuty muj tsajptujk ñabotsoty. Ta yajtuujadu:

—¿Wi'ix ko yu di'ibaty tsajptugóty ya'uxprijktup jyuuna'andu ko yu Kristu yu'u tyuump'ajit aats'ajtup ja Davit je'eyn? ³⁶ Mut ko Davit ku'am, mut ja myuk'ajtan ja Espírítu Santu jyuuna'añ:

Yu Dios t'anuumu ujtsu nWindsán:

“U'uñu yaa aga'añdsyoo ma ujun, extu kots uj nyajtugóty tugekyu mij ja mmudsip.”

³⁷ ¿Es wi'ix mbaat yu Kristu tyuump'áty 'yaats'átyuty yu Davit? Pes Davit ku'am junaamp nWindsán.

Es ja ja'ayuty di'ibu nimáyudyu naty, yu'ujuty myudoodaaydyu yajxón ja Jesús.

Jesús tnigajxy ja fariseeuty es di'ibu tsajptugóty ya'uxprijktup

³⁸ Es ja Jesús t'aktuk'axpejky:

—Naygywentu'átadu miidsuty mut ja di'ibaty ya'uxprijktup tsajptugóty. Yu'u pyujáktup ja witu yembyu es ttoktu es ja ja'ayuty 'yubo'x kyajxpo'xndut tu'aay madu windsu'kun, ³⁹ es tsajptugóty jap tyim'u'uñuya'andu ma ja ja'ayuty mbaat yajxón 'yixadu es muj windum 'yu'uñuya'andu ma pun kyay 'yuuaktu. ⁴⁰ Es trujkadu ja tyujkuty yu ku'ekytyo'oxyuty, net kyajxta'aktu jeky es du'un twin'uuna'andu ja ja'ayuty, es ñay'andíjudu jyiky'attu tuy'ajtan muut. Paaty pátudup ni'igu ja tudyu'unun.

Ku'ekytyo'oxy ja myeeñ dyoxy

⁴¹ Oknum ja Jesús ñaxwe'tsy ma t'ijxy ko ja mukja'aydyujk trujáktu may ja myeeñ ma ja muj tsajptujku 'yalkansiin. ⁴² Es nandu'un jya'ty tu'ugu ku'ekytyo'oxy ayoobu, es trujta'aky majtsku mutsk meenu'unk di'ibu yin waanu tso'ajtjpy. ⁴³ Net ja Jesús dyaxyu ja 'yuxprijkrutjyk, es t'anmaay:

—Tuy'ajtan n'anuumu ko tyadu ku'ekytyo'oxy di'ibu ayoop tu dyaky ni'igu es kadiinam nidugekyu ja mukja'ayuty. ⁴⁴ Ja'a ko yu'ujuty dyaktu di'ibu yajnandujkup, peru tyadu ayoobu ku'ekytyo'oxy dyaky tugekyu ja myeeñ di'ibu tyujjky'ajtjpy.

13

Jesús tnigajxy ko ja muj tsajptujk tyugoya'añ

¹ Ko ja Jesús tso'oñ ma ja muj tsajptujk, nidu'ugu 'yuxprijkruty jyuunáñ:

¹—Windsán, ok'ix yu muj tsajjuty es yu tsuj tajkuty.

² Es ja Jesús 'yadsooy:

—¿M'ijxtup tugekyu tyaaðu? Kyaj wyu'ama'añ ni tu'ugu tsaa ñayñiikombétyuty, tugekyu tyugoya'añ.

Ijxwu'umun ko ja naxwiñudu tyugoya'añ

³ Net oj ñujxtu ma ja Oliivus Kopt di'ibu jam windum ma ja muj tsajptujk. Es ko natyu Jesús jam 'yu'uñu, ta ja Peedru, Santya'agu, Fwank esu Andrés oj 'yanu'umxudu ayu'udsyu:

⁴ —Njanijawuyándupts na'a dunu tyaaðu di'ibu tunán jatánup es ti ijxwu'umun ja'ay myudáttup ko tyaaðu tugekyu du'un tyuna'añ jyata'añuty.

⁵ Ta Jesús 'yanmaayudu:

—Mnaygywentu'átadup kadiibu pun mwin'uunudut. ⁶ Mut ko may myina'andu di'ibu juna'anaamp: “Ujtsu du'un ja Kristu.” Es wyin'uunaampy mayu ja'ayuty.

⁷ Es ko miits xymyudówdut tsiyptundu oymyaaty, katu mnay'adsu'ugadu. Pes du'un jyata'añ, per kyajpu du'un yu'ujuty ma ja naxwiñudu tyugoya'añ. ⁸ Mut ko tuk peky mut jatuk peky ja naxwiñudu ja'ayuty ñayñitsiptuna'andudu esu ana'ambuty nixim niyam, es

myina'añ ja muk ujxaty oymyaaty esa muk yuu. Tugekyu tyaađu yu'u du'un maanam je'eyu tsyonda'aky ja ayo'on.

⁹ 'Per mnaygywentu'atudap miidsaty, ja'a ko ja ja'ayuty mmunujxudap ma ja kumdattujkun es myajwóptat mat ko miits xpyanujxtapts. Es mmunujxudap ma gubernadoor esa rey es du'un miidsaty jap xpyujta'aktat ja tui'ajtan ujtskyujxm.¹⁰ Es koonum yajkajxwa'xat ja oybyu ayuk ma tugekyu naxwíñudu, es óknum ja naxwíñudu tyugoya'añ. ¹¹ Es ko myajmunujxat es myajkyákut ma ja kumdattujkun, katu mjotmay'ooktu miidsaty wi'ix mjuna'andat. Ja'a mgajxtap di'ibu Dios mmo'oyudap jaanam, ja'a ko kyaj miits xkyajxa'andu mgu'am winma'añ, yu Espírítu Santu mwinma'añmyo'oyudap.

¹² 'Ma tadu tiempu jyata'añuty, ko extu di'ibáty tukka'ax'ajttap kyuyaka'anap nixim niyam es ttuk'ya'ooktat; es ja u'unkteety du'un tyuna'añ mat ja 'yu'unuk; es ja unu'ku'ungaty nandu'un myuhtsiptuna'andap ja tyaaq tyeety es tyuk'ya'ooktap. ¹³ Es nidugekyu ja'ayuty m'axuk'ixudat ja'a ko miits xpyanujxtapts. Per di'ibu 'yakmabejkyurum du'añum, yu'u nitso'ogap.

¹⁴ 'Yu Diosu kyugajxpu Dañel tkaxjaay di'ibu tyúndap ja axuukpu. Ko xy'ixtat tyanu ma kyaj pyaadyuty ja di'ibu ya'axu'kup es di'ibu kyaj tmuj'ixy ja Dios (wa'an tjaygyuka di'ibu yu neky kyajxpyu), net di'ibáty jttubu naty Judeen kya'aktat jap es ñujxtat tungujxy kopkkujxy. ¹⁵ Es di'ibu naty jam tujkkujxm, kyaj jyunákut es ñujx tuidaku di'ibu jap es tjuudá'anut. ¹⁶ Es di'ibu naty jam kyamotm, kyaj jyumbítat es min t'ooxy ja wyit. ¹⁷ i'puroobu ja toxytyujkaty di'ibu naty ijtr u'unkmuat ma tadu xuu es di'ibu ya'u'unksit'tstap! ¹⁸ Amdow pujktsówdu miidsaty ja Dios es kadiibu mga'aktat ko naty xyuxy, ¹⁹ mat ko muk 'yita'añ ja ayo'on, éxtam ni na'ánum kyajaty extu ma Dios dyajkoju ja naxwíñudu, es ni du'un kyanakyjyata'añuty jatugok. ²⁰ Es punu Dios kyaj dyajwaanu tadu tiempu, ni pán kyatso'oktat. Per yajwaanup yu'u mat ko tseky pánuty yu'u tu twin'ixy éxtamu jya'ayun.

²¹ 'Ko naty pán miits m'anu'umxudu: "Ixtu, tyaađun ja Kristu", o "Ixtu, tuxim ja Kristu", kyaj xmyubáktat. ²² Mat ko minaamp ja win'u'ambaty di'ibu nayyajnaxánup éxtamu Kristu es éxtamu Diosu kyugajxpu, es tyunaampy yu ijxwa'umun esa muj'ajtan es du'un tjawin'una'andat ja ja'ayuty di'ibu Dios ku'am wyin'ijx. ²³ Paaty mnayjyujp'ixudap miidsaty. Tu n'anuummudu miidsaty yu tyaađu tim jayujp.

Wi'ix jyumbítat ja Naxwíñudu Ja'ayudyu Kyudunaabyu

²⁴ 'Es ko du'unu naty tu ñajxta'ay tadu ayo'on, ja xuu wyingoodsuya'añ, ja po'o kyaj ñakjyaja'añ, ²⁵ kya'adat ja madsa'ajuty es yu'xap ja muk'ajtan tsajwím. ²⁶ Net xy'ixtudats nmíñ uj, ja Naxwíñudu ja'ayudyu Kyudunaabyu, yoodsóty madu muk'ajtan esa muj'ajtan. ²⁷ Es nduk'ana'amudats ja n'ánklusats, es dyajnaumyúkadat di'ibáty tu nwin'ixtats, ma yu jumboj esa yukpoj myiñ es ma yu xuu pyudsemy es ma tsiy'ity, oytyim maaty.

²⁸ 'Jattu tyadu 'lyijxwa'umun ja iigu kepy. Ko ja xye'entsy 'lyity u'unuk es pyudsemy ja 'yaay, miits mnija'adap ko miimp ja amba. ²⁹ Nandu'un jajtrú du'un ko xy'ixtat tugekyu tyaađu, mnijáwudap ko tuu dunu naty wingoombats, éxtam mbaat njuna'anum tujk agu'yubyun. ³⁰ Tui'ajtan n'anuumudu ko tugekyu tyaađu jyata'añuty maanam naty ja ja'ayuty di'ibu tyam kyaj 'yooktanum. ³¹ Ja tsajp es ja naxwíñudu náxup, per ja n'ayúkat ni na'a kyakexy kyanaxy.

³² 'Ja xuu es ja oogu ni pán tkanijawu, ni yu Diosu 'yánklusaty es ni uj, ja Diosu 'yU'unuk, yu'uyu du'un je'eyu ñija'ap ja Dios Teety. ³³ Paaty wu'umdu miidsaty wijyuty es mnayjyujp'ixudap, ja'a ko kyaj xyñijáwudu na'a nminga'añuts.

³⁴ 'Du'un ja'a éxtam tu'ugu ja'ay di'ibu ñajxaamp jagam. Ko naty kyajnam tsoyóñ, ta tmo'oydu ja pyo'oduumbuty ja tyuunk nidu'uk nidu'uk, es t'anmaay ja di'ibu kywentu'atup ja tujk aa es wyijy'ítat. ³⁵ Es n'anuumudu miidsaty, wu'umdu wijy, mat ko kyaj xyñijáwudu na'a jyumbita'añ ja mWindsán, pán tu tsyu'ujanu, pán tsu'pán, ma 'yuy ja tugaak o ma xyuñu. ³⁶ Exkum ko jyumbity ti'in es mbaadudat maabuty. ³⁷ Es di'ibu n'anmaaydyup miidsaty, n'anmaaydyupts nandu'un nidugekyuty: Wu'umdu wijyuty.

14

Tkajxy'áttu pán wi'ixu Jesús yajmátsut

¹ Ja'a tyugoy'aty majtsk xuu ja pasku xuu ma yajkáy ja tsajkaaky di'ibu kyaj tmudaty yu levaduuru, es ja teedywyindsánuty es ja di'ibuty tsajptugóty ya'uxpajktap t'uxtaaydyu ja winma'añ wi'ix t'okmátstat ja Jesús mudu andakun, es ttuk'ya'ooktat. ² Es ñajjyunánudu:

—Kyaj jyaaty ma ja xuu kadibú xyñibudu'kam ja ja'ayuty.

Tu'ugu toxytyujk ttukkuutsy ja pa'ak xu'kpu ja Jesús

³ Jamu natyu Jesús Betañu ma yu tyujku Simonk di'ibu yajtijp nilepnu pa'am. Ko naty ja Jesús 'yu'uñu meesu winduuy, ta ñimawingoonu tu'ugu toxytyujk mat tu'ugu alabastru

limetu ujts mædu aseytu pæ'ak xu'kpu jantsy tsooxæbu. Ta ja toxytyujk oj ttuknitemy kyabajkkajxy. ⁴ Ko t'ijxtu tyaadu ja ja'ayuty, ta nidu'ugaty 'yajkudu, es ñayjyuanædu:

—¿Ti ko tyaadu du'an tu 'yuxtgoy? ⁵ Tyaadu tuuxyup yajteeky tugak mægo'px xuu nidún, esxuyup yajtukpudákudu ja ayooobu ja'ayuty.

Ta t'oodu ja toxytyujk. ⁶ Es ja Jesús t'anmaaydyu:

—Mastu'uttu. ¿Ti ko xy'oodu? Tyaadu oyudsu du'an tu xytyuñ. ⁷ Ja ayooobutujkaty du'añum xymyudáttut ma miidsaty, es oyña'aty mbaat xypudákudut. Per uj kyajts du'añum xymyudáttut. ⁸ Tyaadu toxytyujk tu ttuñ di'ibu mbaat, tu ja nnini'xats pæ'ak xu'kpu ttukkuutsy esats nnaxtujkunæduts. ⁹ Tyy'ajtun n'anæmædu ko yajkajxwa'xy yu oybyu ayuk ma tugekyu naxwiñudu, yajmadya'agut nandu'un di'ibu tyuunu tyadu toxytyujk, es du'un yajjamyátsut yu'a.

Juudas tkayaka'añ ja Jesús

¹⁰ Net nidu'ugu nimajmajtskpu ja xrpjkrpu di'ibu xyu'ajtypy Juudas Iskaryotu, oj ñejxy ma ja teedywyindsúnuty es oj myadya'aky mat yu'ujaty wi'ix tkayaka'añ ja Jesús. ¹¹ Es yu'ujaty xyondaktu es twandaktu ja Juudas ko tmo'oya'andu ja meen. Net ja Juudas t'axtaay ja winma'añ wi'ix tkayáktu ja Jesús.

Nindsun'ajtumæ 'ya'ux

¹² Es ma ja pasku xuu tsyondaky, ma yajkáy ja tsajkaaky di'ibu kyaj tmædaty ja levaduuru, es ja ja'ayuty dya'ooktu ja byorreegu, ta ja xrpjkrpty tnimiindu wingón ja Jesús es dyajtuædu:

—¿Ma xytsyesty n'axkúkuduts es ndu'unum ja pasku a'ux?

¹³ Ta ja Jesús tkejxy nimajtsku 'yuxrpjkrpty, es t'anmaay:

—Najxtu jam kajpnóty. Jap xypyaadut tu'ugu yedyujk di'ibu myanejxypy tuk tsiyu nuu, ¹⁴ es xypyanajxtut extu ma tyujktáku, es xy'anæmædu tadu kudujk: “Yu n'Windsúnuts xytyuk'yajtuup: ¿Ma ja kwartu ma mbaat n'a'ux'áttuduts mudædsu n'xrpjkrptyujk ma tyadu pasku?” ¹⁵ Net mdúk'ixudut tu'ugu muj kwartu es oydyúñ ma ja tukniku'uybyu tujk, es xy'axkúktu ja a'ux jam.

¹⁶ Ta ja nimajtsk xrpjkrpty ñajxtu kajpnóty es tpattu tugekyu éxtum 'yanmaayy ja Jesús, es dya'abátudu ja pasku a'ux. ¹⁷ Es ko oj tsyu'ujunu, ta jyajttu Jesús mædu 'yuxrpjkrpty, ¹⁸ es ñaxwa'tstaaydyu meesu winduuy, es jwyadyu. Net ja Jesús jyunañ:

—Tyy'ajtun n'anæmædu ko nidu'uk miidsaty di'ibu kaapy mat uj, ja'ats uj xykyuyakaambuts.

¹⁹ Net ja xrpjkrpty jyantsyjoyotmaydyuktujkudu, es dyajtuædu nidu'ugáty ja Jesús:

—¿Tii ujtsu daa?

²⁰ Ta 'yadsoojudu Jesús:

—Yu'a du'un nidu'uk miidsaty ja nimajmajtskpu di'ibuts xmyutkaaymyujk. ²¹ Eñ, ja Naxwiñudu ja'ayudyu Kyudanaabyu, du'un nnejxyuts éxtum ja Diosu jyaaybyajtun jyuna'añ. Per puroobu tadu yedyujk di'ibuts xykyuyakaamp. Nik oy mat yu'a kooxyup kyadimmiñ kyadimjajty naxwiñ.

²² Ma naty jam 'ya'ux'attu, ta Jesús tkone'ky ja tsajkaaky es tja'agygyudáky ja Dios.

Es ko ttujkwa'xy, ta tmooydyu ja 'yuxrpjkrpty, es t'anæmædu:

—Kaydyu. Tyaadædsu nnini'x.

²³ Net tkone'ky tu'ugu káluz mædu vinu es tja'agygyuda'aky ja Dios. Ta tmooydyu ja 'yuxrpjkrpty, es nidugekyu 'yuktu ma ja káluz, ²⁴ es 'yanmaayyudu:

—Tyaadædsu du'un ja nne'pyñ di'ibu Dios yajnaxkudákyry ja jembyu kajxy'átyryu, di'ibu yajtmaañ yaj'yokaamp es du'un yajma'xat nimay ja ja'ayudyu ryojpty. ²⁵ Es n'anæmædu ko kyajts nnaky'uuga'añ ja uuvu nuu extu kodsu naty n'iiky naty miidsaty ja jembyu uuvu nuu ma ja Diosu kyutujkun.

Jesús tnigajxy ko Peedru 'yuxtij'a'añuty

²⁶ Ko t'æddædyu tu'ugu alabanzu, ta oj ñujxtu ma ja Oliivus Kopk. ²⁷ Net ja Jesús t'anmaaydyu:

—Nidugekyu miits xmyastu'udándæpts ma tyadu koots. Mat ko jyuna'añ ma Diosu jyaaybyajtun: “Nya'oogæpts ja borreegu kwentu'ajtpu, es ja byorreegaty 'yaayo'oywya'xta'aydyut.” ²⁸ Es kodsu naty tu njikyrye, jawyiinats nnajxtat Galileeu maanæmu naty miits mganujxtu.

²⁹ Net ja Peedru jyunañ:

—Oy nidugekyu mjamastútubu, uj kyajts mij nmastu'udat.

³⁰ Net ja Jesús 'yanmaayy:

—Peedru, tyy'ajtun n'anæmædu ko ma tyadu koots, kyajnumu naty tuugaak 'yuy majtsk ok, es mij mjana'ana'añ tugak ok ko kyajts xy'ix'aty.

³¹ Ta ja Peedru mak 'yadsooy:

—Oyuts ndim'oogut mat mij, kyajts njuna'ana'añ ko kyaj n'ix'aty.
Es nidugekyu ja wiink uxpujkruty nandu'un junaandaadyu.

Jesús kyajxta'aky Jetsemanii

³² Net ja Jesús jyjattu madu 'yuxpujkruty ma tu'ugu lugaar di'ibu xyu'ajtypy Jetsemanii.
Ta t'anmaadyu ja 'yuxpujkruty:

—U'uñudu yaa mints xim n'okkajxta'aky.

³³ Ta tmunejxy ja Peedru, Santya'agu esu Fwank, esu Jesús ñayjya'aju jantsy jotmauyunat
es 'yamutsk'ajty. ³⁴ Net t'anmaadyu:

—Du'unuts njawu njodoty éxtam tu'ugu jotmay di'ibu madu o'kan. Wu'umdu miits ja yaa
es madánudu ja tsuu mat uj.

³⁵ Net ja Jesús waanu ñas'yo'oyu. Ta ñayjyujru koxtanu naxkajxy, kyajxtáky ³⁶ es jyunáñ:

—Tatitu'un, mij mbaat oytyiity xytyuñ. Pán mbaat, kadiibuts n'uugut yu ta'ambu. Per
kyaj dyu'unuty éxtamts uj ndseky, wa'an du'un éxtam mij xytsyeky.

³⁷ Net jyumbijty ma naty ja nidugukru 'yuxpujkruty, es tprattu mya'adu, es t'anmaay ja
Peedru:

—Simonk, ¿tii mmaaba? ¿Ti kyaj tu mmada'aky m'ítat wijy mat uj ni tuk ooru? ³⁸ Wijty es
kajxta'aktu kadiibu ja ka'oybyu mmamada'agudat. Tu'yajtan ko ja anmaja'an myudajtypy
ja tsojkan, per kyaj yu nini'x tkupaka'añ.

³⁹ Ta jatugok oj ñejxy, es kyajxtáky du'un éxtam jayujr. ⁴⁰ Net jyumbijty jatugok ma ja
nidugukru, es tprattu ak maadur, mat ko nugoo naty ja tsuu tu 'yokwindujkandu. Es yu'ujaty
kyaj tnija'adu wi'ix 'yadsówdat. ⁴¹ Ja myudugak ok oj ñejxy. Ta kyajxtáky. Net jyumbijty ma
yu'ujaty, es t'anmaadyu:

—¿Tii m'akmaa m'akpo'xtubu? Tu net tpaaty ja xuu ja ooru ma uj, ja Naxwiñudu ja'ayudyu
Kyudunaabyu, nyajkyak'añuts ma yu pojru ja'ayuty. ⁴² ¡Pudu'aktu! ¡jo'omdu! Ta myiñ ja
di'ibuts xkyuayakaamp.

Jesús yajmátsy

⁴³ Tamu natyñamu Jesús 'yakkajxy ko jyajty ja Juudas di'ibu nandu'un 'yuxpujkr'ajtypy
ma yu nimajmajtkru, es myndu madu mayjya'ay ak madu 'yespaadu esu kyépyuty.
Yu'u naty kajxadur ja teedywyindsánuty, ja di'ibuty tsajptugóty ya'uxpujkrut esu
mujja'aydujkaty. ⁴⁴ Yu Juudas tu naty ttukni'ixu wi'ixu naty dyaka'añ ja ijxwu'aman:

—Di'ibuts uj ndsi'xy, yu'u du'unu naty ja Jesús. Yu'u du'un mmátstap es yajxon
xykyutsúmdat es xyajnujxtat.

⁴⁵ Netyu Juudas tnimiñ es Jesús es tkajxpe'xy:

—Dios maygyépyuty, Windsán.

Ta oj tsi'xy. ⁴⁶ Ta tmajtsnudu ja Jesús es dyajnujxudu tsimy.

⁴⁷ Es nidu'uk di'ibu jamu naty madu Jesús tju'ty ja 'yespaadu es tnibo'tu tuk adu'umu
tyatsk ja teedywyindsangópk tyuumbu. ⁴⁸ Net ja Jesús t'anmaadyu ja mayjya'ayuty:

—¿Tii du'unuts miits tu xyñimíndats madu m'espaadu esu mgepy es xymyatsa'andats
éxtamxyupts uj nma'tspaty? ⁴⁹ Bom bómats uj tu nya'uxpuktu miidsaty muj tsajptujk
ñabotsoty, es ni na'ats tu xykyamatsta. Per tugekyu tyaadu du'un jyatyuty es yajkudyúnat
ja Diosu jyaabyajtan.

⁵⁰ Ta nidugekyu ja uxpujkruty tmastuttu ja Jesús, es kyaktaadyu.

⁵¹ Jap tu'ugu ana'k tpanejxy twit'aty yu'uyu tu'ugu saabunu. Net ja ja'ayuty tmajtsu ja
ana'k, ⁵² es ja'a dyajwe'emy ja syaabunu es kyeky niwa'ats axwa'ats.

Jesús, Anás wyindum

⁵³ Di'ibáty myajtsu ja Jesús, yu'ujaty myunujxtu ma ja di'ibu ñigopk'ajtypy ja teedy-
wyindsánuty. Ta jap ñaymyujkudu ja teedywyindsánuty, mujja'aydujkaty es ja di'ibuty
tsajptugóty ya'uxpujkrut. ⁵⁴ Esu Peedru pyanujx ja Jesús extu ma ja tyuja'a ja teedy-
wyindsangópk. Jap oj wye'emy es ñaxwe'tsy madu polusiuty, es ñayyajokxpukudu ma ja juun.

⁵⁵ Yu teedywyindsánuty es nidugekyu di'ibu ana'amdur muj tsajptugóty t'uxta'ayduy ja
winma'añ wi'ix tniwaambáttat ja Jesús es 'yoogut. Per kyaj tprattu ja pyojru. ⁵⁶ May ja
ja'ayuty oj jyamindu es tjaniwaambajttu, per kyaj tyi'igyu'áttu ja 'yayuk. ⁵⁷ Net myiñ
naagaty di'ibu andáktur, es jyunandu:

⁵⁸ —Tuts nmadóyats ko tyadu yedyujk du'un jyun'añ: “Éj njítuptsu tyadu muj tsajptujk
di'ibu ja'ayuty tu tkojy, es tuguk xuuts ngójtat ja wiinkru di'ibu kyaj ja ja'ayuty dyajkojy.”

⁵⁹ Per ni yu'ujaty tkayajti'igyudu 'yayuk.

⁶⁰ Net ja teedywyindsangópk pyude'ky, es ja'ay kyujk'aay dyajtuuy ja Jesús:

—¿Kyaj m'adsoy ni tii? ¿Tii dnu tyaadu di'ibu yam myadyáktur mat mijtskyujxm?

⁶¹ Per ja Jesús oj wye'emy amoñu, ni ti tka'adsooy. Net ja teedywyindsangópk 'yanmaay:

—¿Tii mijsu du'an ja Kristu, ja Diosu 'yU'unk?

⁶² Es ja Jesús 'yadsooy:

—Hjtsu du'an. Es miits m'ixtup ko uj, ja Naxwíñudu Ja'ayudyu Kyudunaabyu, n'u'uñuya'añits ma 'yaga'añdsyoo ja Dios di'ibu tugekyu mak'ajtan myudajtyru, es kots nmina'añ yoodsoty.

⁶³ Net ja teedywyindsungópku tku'tsy ja wyit es ñaguxu'ugut ja 'yaku, es jynañ:

—¿Ti ko n'aktimtojkm ja testiigu? ⁶⁴ Miidsuty ku'am tu xymudowdu yu 'yaxuk ayuk. ¿Wi'ix mjuna'andu?

Es ja'ajaty nidugekyu jynandu:

—Myudajtyru ja pyeku es pákup 'yoogat.

⁶⁵ Ta naagaty tniidsújudu, es twingudsu'umudu es tkojxtu. Ta t'anmaagydu:

—¡Okmay! ¿Pán tu mgóxyuty?

Es ja polusiuty nandu'an tkojxtu.

Peedru t'axtij ja Jesús

⁶⁶ Jaru nátyñum ja Peedru abatku'p ma taja'a. Ta ñimiinu tu'ugu kiixy, teedywyindsungópku pyo'oduumbu. ⁶⁷ Es ko t'ixy ja Peedru ñay'ajókxaty ma ja junn, ta oj tayu tjantsy'ixy es jynañ:

—Mij nandu'an tu mjodity mudu Jesús nazarenu.

⁶⁸ Es ja Peedru t'axtij ja Jesús, es jynañ:

—Kyajts n'ixy'atyu tady yedyujk. Kyajts nnijawu ti dan mmadyakury.

Net ñeju tujk agu'am, es 'yuu ja tugaak. ⁶⁹ Ta ja kiixy jatugok t'ijxy ja Peedru es t'anmudu di'ibáty jámty:

—Tyaadu, sitay yu' ja 'ay'ajtubu tyadu yedyujk.

⁷⁰ Per ja Peedru jatugok t'axtijy. Es ko waanu 'yak'ijty, di'ibu naty jápty jatugok t'anmaagydu ja Peedru:

—Tuy'ajtan ko mij nandu'an mja'ay'ajtubu tyadu, mut ko Galileeu ja'ay mij.

⁷¹ Ta ja Peedru oj ñaygajxpekuty ko kyaj tuy'ajtan, es jynañ:

—Por tsyos, kyajts n'ixy'atyu tyadu ja'ay di'ibu miits mmadyáktup.

⁷² Ta nety 'yuu ja tugaak mymajtsk ok. Net ja Peedru tjamyejts éxtam ja Jesusu naty tu yanu'umxaty: “Ko kyajnumu naty tugaak 'yuu mymajtsk ok, es mij mjuna'ana'añ tuguk ok ko kyajts xy'ix'aty.” Ta ja Peedru jyantsytyjku juu yaxru.

15

Jesús, Pilatu wyinduuy

¹ Ko oj xuyñu, ta ja teedywyindsunaty ñaymyujkudu mudu mija'aydyujkuty es ja di'ibuty tsajptugoty yu'axpajktup es mut nidugekyu di'ibu ana'amdup muj tsajptugoty. Net tkutsuumdu ja Jesús, es oj tmunajxtu es ttukkudujkudu ja gobernador Pilatu. ² Es ja Pilatu dyajtuuy ja Jesús:

—¿Tii mijsu du'an ja israelítadyu ryey?

Ta ja Jesús 'yadsooy:

—Tuy'ajtan, hjtsu du'an.

³ Es ja teedywyindsunaty tni'unudu kanak nax. ⁴ Ta ja Pilatu jatugok dyajtuuy ja Jesús:

—¿Tii kyaj m'adsoy ni wi'ix? ¿Ti kyaj xymudoy tugekyu nu'an yam mdukni'unudu?

⁵ Per ja Jesús kyaj tyim'adsooy. Es ja Pilatu oj wyu'umu du'ñu es kyaj tnijawu wi'ix 'yajkuna'anut.

Jesús ñiduku es 'yoogat

⁶ Es pasku pasku ja Pilatu tasmatsu tu'ugu tsimyja'ay di'ibu ja ja'ayaty wyin'ijxtup. ⁷ Jaru naty 'yitta tsimy naagaty di'ibu tu yajja'ay'eeky ko tsyiptuundu yu yajkutujkru, es nidu'uk yu'hjuty xuy'ajtyru Barrabás. ⁸ Ta ja ja'ayaty tniwingoonda ja Pilatu, es t'amdoodu ttúnat éxtam jaayam tuñ. ⁹ Ta ja Pilatu 'yadsoodu:

—¿Tii mdsoktup es nnasmátsudts ja mrey?

¹⁰ Du'an jynañ ja Pilatu mut ko ñija'abu naty ko ja teedywyindsunaty tnaywyin-naxjávudu ko ja Jesús may ja ja'ayaty pyanujxudu es paaty tu tyukkudáku. ¹¹ Per ja teedywyindsunaty tni'budu'aktu ja ja'ayaty es jynañ'andut ko jajnasmátsut ja Barrabás.

¹² Ta ja Pilatu dyajtuudu:

—¿Es tns ndúnup mut di'ibu miits mdijtup ja israelítadyu ryey?

¹³ Yu'hjaty yaxkaktu:

—¡Yajkruuzpát!

¹⁴ Ta ja Pilatu t'anmaagydu:

—Pes, ¿tii du'an tu ttuundugóy?

Per ja'ajaty 'yaktim'yaxkaktu:

—ǝYajkruuzpát!

¹⁵ Es ja'a ko Pilatü wu'u'ma'añ oy mut ja ja'ayaty, ta tnamaǝtsu ja Barrabás es tni'ana'amu esü Jesús yajwópat. Ta net tkuyajky es dyajkruuzpáttut.

¹⁶ Oknum ja soldaǝduty tmunǝjxtü ja Jesús mä ja yajkutujkpu tyaja'an di'ibu 'yandijpy pretooryu. Ta dyajnaamyujku nidagekyu ja soldaǝduty mä tadu lugaar. ¹⁷ Net ttukpǝjktü ja witu tsu'unkpü éxtamu yajkutujkpu wyit. Ta txugajttu ja apyñ éxtam tu'ugu koronu es tǝjítáküdu kyubajkkujxm. ¹⁸ Net t'anumüdu:

—ǝMuj kujxm mij, israelitüdu ryey!

¹⁹ Net ttukkuwoǝp'ktü tu'ugu kepyu'unk, tnidsüjüdu, twingoxtánüdu es jyawu twindsu'ugu. ²⁰ Ko ttukxiktaǝydu, ta dyajjunajktü ja tsu'unk wit es ttukpǝjktü ja kyu'am wit. Ta tmunǝjxnüdu es dyajkruuzpata'andu.

Jesús kyruuzpéty

²¹ Ta tu'aay tǝpattu tu'ugu ja'ay di'ibu kyamotyü naty tu 'yotsy. Ja'a xyu'ajitypy Simonk es kyugajpnaty Sirene, es tyeety'átyaty ja Alejandru esü Rufu. Ta ja soldaǝduty ttukkupǝjktü agwanu ja Simonk es dyajnajxat ja Jesusu kyruuz.

²² Ta tmunǝjxtü ja Jesús mä tu'ugu lugaar txu'aty Gólgotu, di'ibu ayuk wimbüdsuamp Kalaveeru Lugaar. ²³ Jam tǝtuk'uugándü ja vinu taam'yo'oy mut ja mirru ujts aay, per ja Jesús kyaj t'iky. ²⁴ Ta dyajkruuzpajttu. Es net ja soldaǝduty ttuundü rifu es dü'un dyajwa'xtü ja Jesusu wyit.

²⁵ Taxtujk yaxru naty ko dyajkruuzpajttu. ²⁶ Es kyubajky tǝjítáküdu tu'ugu letreeru di'ibu junaamp éxtamu dü'un ja 'yu'unun: “Tyaadu ja israelitüdu ryey.” ²⁷ Nandu'un majtsku ma'tǝpüty dyajkruuzpajttu mut yu'u, tu'uk aga'añdsyoo es jatu'uk anajñdsyoo. ²⁸ Es dü'un yajkuudyuñ ja Diosu jyaaybyajtan mä jyana'añ: “Dü'un ñajxy éxtamu axuk ja'ay.”

²⁹ Ja ja'ayaty di'ibu najxtap jam tnixi'ik ttukxi'iktü, ttuknugow ttuk'yujkówdü es jyana'andu:

—Mij di'ibu muj tsajptujk mǝjitypy es mǝjuna'añ ko tǝgukxabajtp xkyooy jatuk ok.

³⁰ Nayyajtso'ogudu mij kü'am es junak kruuzkujxy.

³¹ Es nandu'un tyukxiküdu ja teedywyindsünaty es ja di'ibuty tsajptügóty ya'axpǝjktap es müdu fariseeuty es ja mǝjja'aydujkaty, es ak yu'ujuty ñayjyuanüdu:

—Tu dyajtse'eky ja wiinkpüty, per kyaj mbaat ñayyajtse'egyaty kü'am. ³² ¿Ti kyaj yu'ujaty ja israelitüdu ryey? ǝWa'an tǝnaky kruuzkujxy es net yu'u nmubajkum!

Extü ja ma'tǝpüty di'ibu naty jam mut yu'u kruuzkujxm twingajx tǝjǝpkajxtü ja Jesús.

Jesús 'yeeky

³³ Net tǝgekyu ja naxwíñüdu kyoodsüdyay kijkyxuü extü tǝguk yaxp xüunum. ³⁴ Es nan mä tadu ooru ja Jesús muk kyajxy:

—Eloy, Eloy, ¿lamu sabaktanu? (di'ibu ayuk wimbüdsuamp: “Dios müü, Dios müü, ¿ti kots mij tu xymyastu'uty?”)

³⁵ Nidu'ugaty di'ibu naty jam tmüduudu, es ñayjyuanüdu:

—Müduwüdu, yu'uga yáxap ja Diosu kyugajxpu Eliüs.

³⁶ Net nidu'uk oj ñejxy pǝye'együ, es oj dyajtsooñ tu'uk di'ibu yuunkpünaanu. Ta dyajxe'ky müdu vinu xun, es ttukǝjptütu tu'ugu kepyu'unk, es ttukmawingooñ ja Jesús es tmuugat. Ta jyanañ:

—Mastu'uttu. Min n'ok'ijxum pün nimiinap ja Eliüs es yajjunáküdat kruuzkujxy.

³⁷ Ta jatǝgok ja Jesús oj muk kyajxy, es oj 'yo'knu. ³⁸ Net ja aduy di'ibu jap muj tsajptügóty kyu'tswa'xy kubajky es extü ux'am.

³⁹ Net ja soldaǝdu windsán di'ibu naty jap tanaapy Jesús wyindum es tmüduoy ko muk kyajxy es 'yeeky, yu'u net jyanañ:

—ǝTay'ajtandumü naty ko tyaadu yu'ujaty ja Diosu 'yU'unk!

⁴⁰ Jamü naty nandu'un naagüdu toxytyujkaty myuj'ixtu jagam. Mä yu'ujaty jamü naty ja Mariü Magdalena, Salomee esü Mariü, ja mutsk Santya'agu esü Josee tyaagaty. ⁴¹ Tyadu toxytyujkaty tso'ondap Galileu es tranajxtü ja Jesús es tǝduküdu ko 'yijty Galileu. Es jamü naty may ja wiinkpüdu toxytyujk di'ibuty nandu'un müüt pyatáküdu Jerusalén.

Jesús ñaxtuku

⁴² Ko oj tsyu'ujünu es ko naty ñayjyǝp'ixüdu ko ja saabüdu xüü dyajtsonda'aga'andu, ⁴³ ta Josee tninejxy ja Pilatü müdu jotmuk'ajtan es t'amdooy ja Jesusu ñini'x. Esü tadu Josee, Arimateeü ja'ay, yu'u naty nidu'uk ja di'ibu naty ana'amdap muj tsajptügóty es jap muj 'yity, es 'yawijxy ko ja Diosu kyutujkan myínut. ⁴⁴ Ta ja Pilatü dü'añü wu'umu ko yajnimaaay ko tu ja Jesús 'yeeky. Net twoodsooy ja soldaǝdu windsán es dyajtany pün tu 'yeeky ja Jesús.

⁴⁵ Net ja soldaǝdu windsán jyanañ:

—Tay'ajtan. Tu 'yo'knu.

Ta ja Pilata t'anmaay ja Josee:

—Mbaat xyajkruuzjanáky.

⁴⁶ Net ja Josee tjuuy tu'ugu saabunu oybyu es dyajkruuzjanajky ja Jesusu ñini'x. Ta t'abjity mut ja saabunu. Ta t'rajtáky ma tu'ugu o'kpu jut di'ibu naty yu'u tu dyajtsajtsjuty dyajpa'ajutyaty tsawiiñ, es oj t'agu'uy mut tu'ugu mujpu tsaa. ⁴⁷ Ja Mariu Magdalenu esu Mariu, ja Josee tyaak, yu'u 'yijxtu ma naty tu t'rajta'aky.

16

Jesús jyikpyekey

¹ Ko ja saabudu xuu ñajxy, ja Mariu Magdalenu, Salomee esu Mariu, ja Santya'agu tyaak, tjuuydyu ja pa'ak xu'kpu es ttukjaaxa'añ ja Jesusu ñini'x. ² Ta jantsy jeryur, xuuñubunu naty ma ja domingu xuu, jyajttu jam ma ja o'kpu jut. ³ Es jam tu'am ñayajttuñudu ak yu'ujuty:

—¿Pán xyjdi'imxam ja muj tsaa es xya'awátsxam ja jut?

⁴ Es ko jyajttu, ta t'ijxtu ko tu naty yajjudyu ja tsaa es ja jut awa'adsu naty 'yijnu. ⁵ Ta tyujkudu jutoty, es jam t'ijxtu 'yu'uñu aga'añgyu'u tu'ugu una'k di'ibu xóxyuty mut tu'ugu poop wit yeñ. Es yu'ujuty jyantsytsy'kudu. ⁶ Es ja'a 'yanmaayudu ja toxytyujkuty:

—Katu mdsu'ugudu. M'uxtaaydyur ja Jesús nazarenu di'ibu tu dyajkruuzpáttu. Pes tu jyikpyekey. Kyaj ñakyyaaty. Ixtu ja lugaar ma naty tu t'rajta'aktu. ⁷ Nujxtu es xy'awánudat ja 'yxprujkpty es ja Peedru: “Jawyiin ja'a ñejxy Galileeu. Japts xy'ixtat éxtam oj m'anu'amxudu.”

⁸ Net ja toxytyujkuty tsoy'ondu ma ja jut aa jantsy pojun es ñajxudu pnye'egyu mut ko naty tsoy'ugudu. Es ni pán wi'ix tka'anmaaydyu, ja'a ko jyantsytsy'ugudu.

Jesús kyxe'eky ma Mariu Magdalenu

⁹ Ko Jesusu naty tu jyikpyekey móñu domingu xuu, jayur kyxe'ky ma ja Mariu Magdalenu di'ibu Jesús tuuyur tyukmastut jaxtujk ja ka'óbyuty. ¹⁰ Ta ja Mariu oj ñejxy ma ja Jesusu 'yxprujkpty di'ibu wu'umdu jotmaymunt es jap jyu'uy ya'axtu naty. ¹¹ Es ko yu'ujuty tmáoodu ko Mariu 'yawánudu ko ja Jesús tu jyikpyekey es ko tu t'ixy, kyaj tmábajktu.

Jesús kyxe'eky ma nimajtsku 'yxprujkpty

¹² Oknum ja Jesús kyxe'ky tu'ay mudu wiink kxu'kun ma tyu'uyo'oydyu nimajtsku di'ibu tso'ondur tekyye'epy Jerusalén. ¹³ Ta yu'ujuty jyumbijttu Jerusalén es t'awa'anudu ja Jesusu 'yxprujkpty; per nan yu'ujuty kyaj yajkajxymuabajktu.

Di'ibu Jesús tyuknipejky ja 'yxprujkpty

¹⁴ Oknum ja Jesús kyxe'ky ma ja majk tu'ukpu 'yxprujkpty di'ibu naty meesu windum kaaydyur, es t'oodu mut ko kyujun'átyuty es kyaj tmábajktu ja di'ibu naty tu t'ixtu jiky. ¹⁵ Ta t'anmaaydyu:

—Nujxtu miidsuty ma nidagekyu naawiñudu ja'ay es xytyuk'xpráktat ja oybyu ayuk.

¹⁶ Di'ibátyts uj xy'axájur es nubajttur, nitso'ogur. Per pánuts xykya'axájur, ja'a nujxur ma ja tyudyu'umunu wínu xuu wínu tiempu. ¹⁷ Es di'ibáty xy'axájurts es xymuabáktats, yu'uts nmo'oydyur es ttúndat yu tyadu ixxwu'amun: Mudsu nxygyujxm dyajpudsámdat ja ka'óbyuty di'ibu ja'ay myudajttur; kyajxtur wiingátyru ayuk; ¹⁸ wyiitsa'aktur ja awa'andsa'añ; pán 'yuuktur ja venenu, kyaj ti jyátudat; es ko ja ky'u ttuknikónat ja di'ibu pujkur, net dya'agada'aktat.

Jesús tsyajpéty

¹⁹ Ko ja Nindsun'ajtam Jesús du'un jyunaandaay, ta ja Dios yajpatujka tsajpótm es 'yu'uñu aga'añdsyoo ma Dios. ²⁰ Oknum ja xprujkpty tsoy'ondu tkajxwa'xy ja oybyu ayuk majaty ja ja'ayuty. Es ja Nindsun'ajtam Jesús pyudákuu yu'ujuty, es mudu muj ixxwu'amunaty ttuk'ixtu ja ja'ayuty ko tuj'ajtunu'u di'ibu myadyáktur.

Oybyu Ayuk Di'ibu Lukus Jyaay

¹ Mugu'uk Tyófilu, may ja ja'ay ta tjatseky es tja ja'aya'añ yajxónu tyadu madya'aky di'ibu jajtū mut uudsaty yaa. Yu'ujuty yajtuundu tyadu madya'aky di'ibu ta tyuñ ta jyatyuty mut uudsaty. ² Xytyukmumadyáktats ja xprujkputajk di'ibu naty jap mut ja Jesús extu jawyíñup es tkajxwá'xtu ja Diosu 'yayuk. Yu'ujuty 'yijxtu tugekyu di'ibu tuun jajtū es tmadyaky óknum wí'ix tyuun jyjtu taadu tugekyu. ³ Es uj nandu'un, nbayo'oyats yajxón tugekyu extu ma tsyondaky, es uj tyam mij nduknijayu yu tyadu madya'aky éxtam tyimjajtū nidu'uk nidu'uk, ⁴ es du'un xyñijáwut es tuj'ajtanu'u di'ibu ta myajtuk'uxpéky.

Tu'ugu anklus t'awanu ko Fwank Yajnaabajtpu myina'añ jya'ta'añ

⁵ Ko ja Eroodus 'yijty rey jap Judeeu, net tsyunaay tu'ugu teety di'ibu xyu'ajtypy Zakariius es ja'a Abiuis ja'ay. Es ja Zakariiusu ñudo'oxy txu'ajty Elisabet, es yu'u tyuamp 'yaats ja Arón, teedywyindsungóp. ⁶ Esu Zakariius esu Elisabet tmamudoodu ja Diosu 'yana'amun. Es yu'u jiky'ajttup tuj'ajtanu'ut es ni pán mbaat kyapeky'ixudu. ⁷ Es kyaj ijty ja 'yu'un, ja'a ko yu Elisabet kyajpuyam 'yu'un, kyapty es yu'ujuty nimajtsk ta jyantsymujja'ayunu.

⁸ Tu'ugu xuu ko Zakariius es ja myuudeedyuty di'ibaty muat tmadunda ja Dios ma muj tsajptujk, ⁹ net tyukka'aju ja Zakariius es tyáktat muj tsajptugóty yajpoomjokpu, éxtam jaayum ja teetytyujk ttundu ta 'yity. ¹⁰ Nidugekyu ja'ay wyu'umdu taja'p es kyajxtáktu ko ja Zakariius dyajjéky ja poom. ¹¹ Net kyaxe'ky tu'ugu Diosu 'yanklus aga'añdsyoo ma ja artal ma dyajjéky ja poom. ¹² Ko ja Zakariius t'ijxy ja anklus, jyantsytsyu'ku es kyaj tnija'aju wí'ix jyuna'anut. ¹³ Net 'yanmaayu ja anklus:

—Zakariius, katū mdsu'ugu. Dios oj tmadoy ja mgajxtáku, es ja mndu'oxy Elisabet yu'u pyaadaampy tu'ugu u'un, katū di'ibu mdu'uk'áttup Fwank. ¹⁴ Mmadáttup ja jotkuj'ajtan, es may ja ja'ay xyonda'agut ko jya'tat naxwiñ. ¹⁵ Tadu m'u'un, yu'u itaamp muj ma Diosun. Kyaj t'uuga'añ yu'vnu es ni muk nuu es tmadátat ja Espírítu Santu extu ma kyajnum jya'ty naxwiñ. ¹⁶ Es yu'u yajjodumbíttup mayu israelítu ja'ay ma yu Nindsun'ajtum Dios. ¹⁷ Es ja tyadu Fwank yu'u nu'uxp jawyiuñ ma ja Nindsun'ajtum es tmadátat ja winma'añ es ja muk'ajtan éxtam tmadajty yu Diosu kyugajxpu Eliuis, es tpu'ajta'agut es amumdu'uk jot 'yítat ja u'un, teetytyujk mat ja 'yu'un 'yana'k es ttuk'uxpákt di'ibu kyaj Dios tmamudoy, es du'un t'uxkúktat ja ja'ay es t'axájtat ja Kristu.

¹⁸ Net ja Zakariius dyajtuuy ja anklus:

—¿Wí'ixats nnijáwut pán tuj'ajtan? Uj tats nmujja'ayunu es ja nndu'oxyats nandu'un.

¹⁹ Es ja anklus 'yadsoojumbijty:

—Ujtsu du'un Gabryel es nmaduñats ja Dios ma 'yity. Yu'uts ta xkyexy ma mijtsun es n'anumudu tyadu oybyu ayuk. ²⁰ Per ja'a ko kyaj xymu'ebeky, tyam mw'u'umut uum es nat extu ko ja m'u'un, jya'tat naxwiñ. Es tuj'ajtan ko tyadu n'ayúkatats yajkuydyunat ko ja tiempu tpaadat.

²¹ Es ja ja'ay 'yawijxtu jap taja'p es ñayajtuujudu ti ko ja Zakariius jyantsyjekeky jap tsajptugóty. ²² Es ko pyudsuumnu ja Zakariius, kyaj mbaat 'yokkajxnu, je'eyu 'yaa ky'u' dyaj'yí'xy. Net ja ja'ayuty jyunandu ko Zakariius ta 'yijxma'aty jap muj tsajptugóty.

²³ Es ko oj kya'pxy ja di'ibu xyu'ajtypy Mariiu. Es ja Mariiu, ja'a naty nijamyu't'ajtat tu'ugu yedyujk di'ibu xyu'ajtypy Josee, ja rey Davitu tyuamp 'yaats, es ta naty ja Mariiu ya'amdooy es muat pyáktat. ²⁸ Es ja Gabryel tyujku ma ja Mariiu tyujk, es tkajxpe'xy:

—Dios maygyépyaty Mariiu. Ni'igu mij ja Nindsun'ajtum mdsékyuty, Dios 'yity mut mijts. ²⁹ Es ko Mariiu tmadoodu tyadu ayuk, ta oj jyotmay'eeky es jyuna'añ jyodoty wyinma'añoty: “¿Ti 'yandijpyu tyadu kajxpo'xun?”

³⁰ Net ja Gabryel 'yanmaayu:

—Mariiu, katū mdsu'ugu. Dios mduna'anxup tu'ugu muj may'ajtan. ³¹ Mijts tu'ugu u'un, myajmín myajja'tap ya naxwiñ di'ibu mdu'uk'áttup Jesús. ³² Yu'u itup jantsy muj es yajjtat Dios Tsajpótmadu 'yU'un, es ja Dios myo'oyudat ja kutujkun éxtamu 'yapteety Davitu kyutujkun, ³³ es t'ana'amut ma naxwiñudu Israel es 'yítat winu xuu winu tiempu. Ni na'a kyakáxut yu 'yana'amun.

³⁴ Net ja Mariiu dyajtuuy ja anklus:

—Ķwī'ixu taadu dū'an jātūt? Kyajpūts nmədaty ja n'u'unk nŋa'ayuts.

³⁵ Es ja anklus 'yadsoojumbijty:

—Minu ja Espiritu Santu mā mijts es ja Dios Tsajpótmadu myajnitūkədup mut ja myuk'ajtən ɛxtəm tu'ugu yoots. Paədyu tadu u'unk di'ibu ja'taamp naxwiiñ, yu'u Diosu 'yU'unk es kyaj tmədaty ja pojpu. ³⁶ Yu mməgu'uk Elisabet yu'u nandu'n pyaadaampy tu'ugu u'unk, ojyya'ijty tu jyamūjja'ayunu. Es oy ja ja'ay jyajuna'andu ko kyaj mbaat ja Elisabet 'yu'unkpaaty, tyam 'yity tədujk po'o u'unkmūtt. ³⁷ Mut ja Dios kyaj ŋimūjjaaty es ti ttūnat.

³⁸ Net ja Mariiu t'anmāay ja anklus:

—Ķjtsu dū'an Dios mādūumbu. Wa'ants ja Dios xytyuktūñ ɛxtamts mij tu xy'anūumu. Mut ja tyaadu oj ja anklus ŋūjxnu.

Mariiu oj tku'ixy ja Elisabet

³⁹ Es mā tadu tiempu, net ja Mariiu oj ŋejxy jottəgoy mā tu'ugu kajpn di'ibu ijtp Judeeu tunoty kopkoty. ⁴⁰ Es net jyajty mā ja Zakariiusu tyujk es tkajxpe'xy ja Elisabet. ⁴¹ Es ko ja Elisabet tmədooy ja kyajxpo'xun, net ja 'yu'unk yi'xy jyodoty. Es ja Elisabet ja Espiritu Santu oj myo'oyaty ja winmā'añ esu muk'ajtən es ttūnat di'ibu Dios tseyjpy. ⁴² Net jyantsyjunāñ muk ja Elisabet:

—Dios tū mguni'xyuty mijts es ni tu'uk dū'an ja toxytyujk, es tū tkuni'xyu tadu m'U'unk. ⁴³ JYū'u tu'ugu may'ajtən jantsy māj di'ibu ja Nindsun'ajtamū tyāak myūmiimpy es xykyu'ixa'añuts! ⁴⁴ Mut kots tū nmədooy tadu mgajxpo'xun, yu n'u'unguts tū y'ixy mut ja xondakən njođotyuts. ⁴⁵ Tū ja Dios mguni'xyuty ko mij tū xymyubeky, es yu'u kyuydyūnəp ɛxtəm tū mya'anūumu.

⁴⁶ Net jyunāñ yu Mariiu:

N'awdajtypyuts ja Nindsun'ajtam Dios

⁴⁷ es njoťkujk'atyuts mādudsu nYajnitsókpu.

⁴⁸ Tuts ja Dióuts xyñi'ijxe'eky,

yu'ujats xytyuumbu'ajtp,

paaty nidəgekyu ja'ay winu xuu winu tiempu jyuna'andut kots uj nguni'xyuty.

⁴⁹ Dios di'ibu tugekyu muk'ajtən myədajtypy,

tū tu'uk tpujta'aky ja mūj'ajtən mā ujtsun.

⁵⁰ Winu xuu winu tiempu Dios tmədaty yu pa''ayo'on mut di'ibu yu'u awdajtudəp.

⁵¹ Dios tū ja myuk'ajtən dya'ixyuty,

es tū dyajtəgoodya'ay yu wyinmā'añ ja ja'ay di'ibu naymyujpūjtəkpu.

⁵² Tū tpujku ja 'yana'amən di'ibu ijttəp yajkutujkpu,

es tū tmo'oy ja di'ibu tuda'agyuty.

⁵³ Tū tmo'oy ja oy'ajtən ja di'ibu təgoy'ajtxəp es di'ibu yu'o'kədup,

es kyaj tmooy ni tii di'ibu mukja'ay.

⁵⁴ Tū tpuđuku ja israelitu ja'ayuty,

es kyaj tja'aydyugóy ɛxtəm jyunāñ

es ttuk'ixa'añ ja pa''ayo'on,

⁵⁵ dū'an ɛxtəm oj ttukwəndaky ja n'aptujk'ajtam Abraən, Isəə esu Jakoob.

⁵⁶ Mariiu oj wye'emy mā Elisabet tugek po'o, es nətənam oj ŋejxy mā ja tyujk.

Fwank Yajnəbajtpu myiñ jya'ty

⁵⁷ Es ko tpaty ja xuu mā 'yu'unk tpaada'añ ja Elisabet, net tu'ugu u'unk dyajjajty yedyujk.

⁵⁸ Es ja myədujkpa'ajuty es ja myəgu'uktujk tmədooda ko Dios tū ttuñ ja māj may'ajtən mā Elisabet, es myiindu kyajxpo'xudu es ttukxondaktu. ⁵⁹ Es ko tyuktujkxəbejty, net yajtsuka'añ ja Elisabetu 'yu'unk waanu mā ja yedyujk'ajtn*. Net tjamo'oyādu ja u'unk xuu ɛxtəm ja tyeety Zakariius xyuu. ⁶⁰ Es ja Elisabet jyunāñ:

—Kyaj. Dū'an txu'átut Fwank.

⁶¹ Es 'yanmāayudu:

—ĶPer tii? Kyaj ni pənu mməgu'uk di'ibu dū'an xyu'ajtypy.

⁶² Net dyajtəudu ja Zakariius mut ja ijxwə'amən wi'ix txu'átut ja 'yu'unk. ⁶³ Es ja Zakariius ttuk'ixy mut ja ijxwə'amən es yajmo'oyut tii mā kyuxja'ayut. Es net tkuxjaay: “Fwank txu'átut.” Es net jyotmay'o'ktu nidəgekyu. ⁶⁴ Es net ja Zakariius kyajxe'ky jatəgok es t'awdajttsondəky ja Dios. ⁶⁵ Paaty nidəgekyu ja myədujkpa'ajuty dū'añ wyu'amədyaydyu, es mā tugekyu Judeeu ŋax tmadyaktu ja'ay ɛxtəm tū jyātyuty. ⁶⁶ Es nidəgekyu ja'ayaty

* 1:59 Ko Dios tu'ugu kajxy'atypyu ttuun mada Abraən, net t'ane'emy esu Abraən mada tyuəmp 'yaats di'ibu yedyujk miin jajtəp, yajjutsujktu'udədu ja yedyujk'ajtanu kyopk, dū'anu ijxwə'amən wyu'amət ko tkpuaktu ja kajxy'atypyu di'ibu Dios tyuun mada Abraən. Ix Génesis 17:9-14.

ɟyotmay'o'ktu ko tmədoodu es űayajtaujudu nixim niyam: “ɟTi tyunaambu tadu u'unk?”, mut ko tui'ajtan ko Dios tu tkuni'xy tadu u'unk.

Zakariius tja'aygyuda'aky ja Dios

⁶⁷ Es ja Espiritu Santu dyajkajxy ja Zakariius du'un:
⁶⁸ Awdattu ja Nindsun'ajtam, ja Israelu Dyios, ja'a ko tu myiñ ma űdsajtam es xyajnitso'oga'anam.
⁶⁹ Tu xmyo'o'oyam tu'ugu jajpojpnuwatspu ma Davitu tyuamp 'yaats,
⁷⁰ éxtam ja Dios jyanáñ ko kyajxy ja kyugajxpu jékyur.
⁷¹ Es jyanáñ es xyajtsókum mut ja muk'ajtan mut űdsajtam nmuđsip'ajtam es taűekeyu di'ibu xy'axuk'ijxum.
⁷² Es du'un xytyuk'ijxum ja pya'ayo'on mut űdsajtam n'aptujk'ajtam, ko kyaj jajja'ayduűóy ja wya'ats kajxy'átypyu.
⁷³ Dios tyukwandak ja n'aptujk'ajtam Abraan
⁷⁴ ko kyaj ndsu'k nja'am es kyaj wi'ix xytyu'unam nmuđsip'ajtam, es nmuđu'unam
⁷⁵ ja Dios myaj'ajtangujxm es mudu tui'ajtan, njiky'ajtam ma 'yity taűekeyu njiky'ajtan'ajtam.
⁷⁶ Es ja Zakariius 'yajakjunañ:
 Es mijts, u'unk, mijts Dios Tsajpótmudu kyugajxpu es nujx xy'awánudu ja ja'ayuty ko myina'añ ja Nindsun'ajtam,
⁷⁷ es dyajmina'añ ja nitsokun, es tma'xa'añ ja ja'ayu pyojpu.
⁷⁸ Yu'u jatánubu taadu ko yu Dios tmudaty ja pa'ayo'on mut űdsajtam es dyajjuga'agut ma űdsajtam ja njotmay'ajtan'ajtam, es xmyo'o'oyam ja xondakun,
⁷⁹ es wyij kyajtat púnuty tsanaadyur ma koots'át, éxtam mbaat njuna'anam 'yawaxu o'kun, es xytyu'umo'o'oyam ma ja jotkujk'ajtan.
 Du'un tkajxtaay ja Zakariius.
⁸⁰ Es ja Fwank ye'ky pyejty esu Espiritu Santu myuk'ajtanmooyu es ttúnut di'ibu Dios tsyejpy, es jyiky'ajty aamyóty pejyóty extu ko jyajty ja xuu es dyajtsondáky es ijxy nide'xy tmugajxtu ja israelitu ja'ayuty.

2

Jesús myiñ jya'ty

¹ Ma tadu tiempu yu jajkutujkpu kopk, ja Sésur Augustu, dyajkutiky naty es ja ja'ayuty taűekeyu jajkujaja'yadya'ayut. ² Tyaadu tim jawyiin tsyondaky ja sensu ko 'yijty gobernadoor yu Kiriño ma Siryu ñaxwiñudu, ³ es ja ja'ay nidukeyu ñujxta'ayut es jajkujáyt majaty kyugajpnaty. ⁴ Paaty tadu Josee tso'oñ ma tadu Nazaret kajpn ma Galileeu ñax, es ñejxy ma Judeeu ñax ma Belén kajpn, mut ko jap myiñ jyajty naxwiñ ja Davit. Es ja Josee yu'u ijty 'yaptujk'ajtypy yu rey Davit. ⁵ Net oj ñejxy Belén mut ja ñudo'oxy Mariu, di'ibu u'unkmudu naty, es jajkujáyt. ⁶ Es ko 'yijttu jap Belén, net tpaty ja xuu ma dyajmina'añ ja maxu'unk. ⁷ Es jap tpaty ja 'yu'unk ka'axkóp, es t'abijty mut ja 'yuxpit es oj tke'eky ma juyujk tsajkaa jye'xy, mut ko yu'ujaty kyaj tpatu ja jajttákn.

Anklus esu borreegu kywentu'ajtruty

⁸ Es Belén kajpnbu'aay jap ja ja'ay mya'adu aamyóty di'ibu byorreegu kywentu'ajttap. ⁹ Net ti'in t'ijxpáty tu'ugu Dios ja 'yanklus, es ja Diosu myaj'ajtan tyu'xwa'xy ma yu'ujaty, es jyantsyñay'adsu'kudu. ¹⁰ Es ja anklus 'yanmaayy:
 —Katu mdsu'ugudu. Yu'uts uj nyajmiimpy ja oybu ayuk es di'ibu jajjotkujk'áttap nidukeyu ja'ayuty. ¹¹ Ko tyam tu myiñ jya'ty naxwiñ ma Davitu kyugajpnaty tu'ugu Yajnitso'kpu mut miidsaty, di'ibu du'un Nindsun'ajtam, ja Kristu. ¹² Du'un mduk'axkáptubu tadu u'unk: Jap xypyaattat 'yabityuty es kyo'knu ma juyujk tsajka ja'xtákn.

¹³ Es ti'in t'ijxkojkpu jantsy mayu anklus ma ja tu'ukpu anklus, esu Dios t'awdattu es jyan'a'andu:

¹⁴ Awdattu ja Dios di'ibu jam tsajpótm, es 'yittat aguik jotkujk ja ja'ayuty di'ibu Dios tsyejpy.

¹⁵ Net ko ja anklus ñujxtaayyu tsajpótm, ja borreegu kwentu'ajtrpu ñay'anmaayyudu nidu'uk

—Jo'om jap Belén es n'ijxumu tadu di'ibu tu jyátyuty, éxtam ja Dios tu xy'awa'anam.

¹⁶ Net ņajxtu jottagoy es tprattū Mariiū es ja Josee, es ja maxu'unk kyo'knū mā jūyujk tsajka ja'xtākn. ¹⁷ Ko t'ijxtu, net tmadyakwā'xtu ja u'unk éxtam ja anklus 'yanmaayū. ¹⁸ Es nidugékyuty di'ibū myūdoodu, dū'añū wyu'amudyaaydyū éxtam 'yanmaayūdu. ¹⁹ Per ja Mariiū tprajke'ky jap jyodoty tugekyū tyāādū es twinmaay mut yū'a. ²⁰ Es ja borreegu kwentū'ajtrū ņajxnūdu mā ja byorreeguty es tmūjjāwūdu es t'awdattu ja Dios mā tugekyū di'ibū yū'a tu tmūdowdu es tu t'ixtu, éxtam 'yanmaayū ja anklus.

Jesús yajmamiñ mā ja muj tsajptujk

²¹ Es ko tyuktujkxabejty, net yajtsijky waanu ja u'unk mā ja yedyujk'ajtan es tmooy ja xyūu Jesús, éxtam ja anklus 'yanmaayū ja Mariiū ko kyajnumū naty 'yu'unkmūdaty.

²² Es ko Mariiū oj kya'pxy ja xūū mā ņayyajwā'adsudat éxtam ja ana'amun di'ibū Dios myooy ja Moisés, net tmūnūjxtū ja Jesús Jerusalén mā ja muj tsajptujk es ja Dios yajtuk'ixa'añ. ²³ Tyāādū ttuundu dū'añ éxtam ja Diosū 'yana'amun jyūna'añ: "Ja jawyiimbu yedyujk di'ibū tu myaxu'unk'áty, yū'a tyukwinguwā'agup ja Dios." ²⁴ Paaty ņajxtu es tprajktā'aga'andū windsū'kūn éxtam ja Diosū 'yana'amun jyūna'añ: majtsk ja tsaybyiibū o majtsk ja pak dyajnujxtat.

²⁵ Es jap Jerusalén tsyūnaay tu'ugu yedyujk di'ibū xyū'ajtypy Simeonk, tu'ugu ja'ay di'ibū jiky'ajt tūy'ajtan mūat es t'awdaty ja Dios es t'awixy es ja Dios myo'oyudat ja jotkujk'ajtan mā ja Israel ja'ayuty. Myūdajtypy ja Simeonk ja Espiritu Santu, ²⁶ es tyuknija'aju ko kyaj ņa'oogut extu ko t'ixat jawyiin ja Diosū Kyristū di'ibū kyaxaampy. ²⁷ Es ja Espiritu Santu yū'a yajnujxū muj tsajptujk ņabotsoty. Es japū naty yū'a ko Mariiū es ja Josee dyajmiin ja Jesús es ttuna'andū wi'ixū Diosū 'yana'amun jyūna'añ. ²⁸ Net ja Simeonk t'axaju ja Jesús es tsa'andsooy, es t'awdajty ja Dios, es jyūnāñ:

²⁹ Dios, tyam mbaādūdsū net n'eeky jotkujk ko tyam tu xykyuydyūñ di'ibats oj xywyānda'aky,

³⁰ ja'a ko tats n'ixy ja Yajniśókprū

³¹ di'ibū tu xykyexy mā nidugekyū naxwīñūdu ja'ay,

³² es yū'a mayjya'ay tyuknijawūyaampy yū tūy'ajtan mā tugekyū naxwīñūdu, es nandū'añ 'yitū ja myū'ajtan ja m'israelitū ja'ayuty.

³³ Josee es ja Mariiū dū'añū wyu'amūdu éxtam jyūnāñ ja Simeonk. ³⁴ Net ja Simeonk tkuni'xy'ujaty, es t'anmaay ja Mariiū, ja Jesusū tyaak:

—Dios tu tprajta'agū tyādū m'u'unk di'ibū yajtagōyup mayū israelitū ja'ayuty di'ibū ņibi'tskajxup es kyaj 'yaxajuty éxtam ja Kristū. Es di'ibū 'yaxajup éxtam ja Kristū, yū'a yajjotkujk'ataampy es tkunū'xa'añ. ³⁵ Es dū'añ yajnijawūt ti ja'ay myūdajttap wyinmā'añōty. Es mut mij, dū'añū tyāādū xyjāwūt éxtamxyup ja mja'ajan ttuknaxy tu'ugu espaādū. Dū'añ jyūnaāndaay ja Simeonk.

³⁶ Es jap nandū'añ tu'ugu toxytyujk di'ibū xyū'ajtypy Anū. Yū'a ijty Diosū kyugajxprū, Fanwelū ņūax es ja Aserū tyūamp 'yaats. Tu jyantsymyūja'ayūnū. Jūxtujk jūmūjt tmūtsūnaay ja ņa'ay, ³⁷ es tu 'yijñū ku'eeky majta'px majtāxk jūmūjt. Es 'yijty mā ja muj tsajptujk es tmūdūūñ ja Dios xūūñ koots, 'yayū'ajty es kyajxtāky. ³⁸ Es ko kyajxtāay ja Simeonk, net jyajty ja Anū es tja'aygyudāky ja Dios es ņimadyak ja Jesús ja'ay wyinduuyuty di'ibū naty 'yawijxtap ja timpū ko ņitso'oktū ja Jerusalén ja'ay.

ņajxtu jatugok Nazaret

³⁹ Es ko tkuydyūūñ tugekyū éxtam ja Diosū 'yana'amun jyūna'añ, net ja Josee es ja Mariiū jyūmbijnūdu mut ja Jesús jap Nazaret mā Galileū ņax. ⁴⁰ Es ja Jesús ye'ky pyejty muk es kyūwinmā'añūty, es ja Dios kyūnu'xū oy.

Jesusu'unk yajpaaty mā muj tsajptujk

⁴¹ Es jūmūjt jūmūjt ja Josee es ja Mariiū ņajxtu xū'ajtrū Jerusalén mā ja paskū xūū. ⁴² Es ko ja Jesús dya'abejty majmajtsk jūmūjt, net ņajxtu nidugekyū Jerusalén es dyajnaaxā'añ ja xūū éxtam jūmūjt jūmūjt ttuundu. ⁴³ Es ko ja xūū ņajxñū, net ja Josee es ja Mariiū jyūmbijnūdu mā kyajnt. Kyaj wyinmā'añbyāttū pūn tu Jesús wye'emj Jerusalén. ⁴⁴ Yū'a jyūnāndū ko Jesús myiñ mut ja myūgu'uktujk o mā ja mayjya'ay di'ibū oy tu xyū'attu. Es dū'añ oj yo'oydyū tuk xūū. Es ko oj tsyū'ujūnū, net t'uxtaaydyū mā myūgu'uktujk esū myūtnaymyaayūbaty, ⁴⁵ es kyaj mā tprattū. Net jyūmbijttū Jerusalén es t'uxta'aya'andū jap.

⁴⁶ Es ko tyūgukxabejty, net tprattū muj tsajptujk ņabotsoty. Jap 'yu'uñū mā ja tsajptujk ya'axpūjkprū es tmūdoo'ity es dyajtāy. ⁴⁷ Es nidugekyū di'ibū myūdoodū dū'añū wyu'amudyaaydyū mut ja wyijy'ajtan es ja 'yadsoojūmbijtan di'ibū yajkpyy. ⁴⁸ Es dū'añū wyu'amudyaaydyū ja tyaak tyety ko 'yijxūdu. Es ja tyaak 'yanmaayū:

—Nitu, ėti ko dū'unats tu xytyūñ? Ujts es ja mdeety tats ntotmay'ooktu es tu n'uxta'aydyū.

⁴⁹ Net ja Jesús 'yanmaayū:

—¿Ti kots xy'uxta'aydyu? ¿Ti kyaj xyñijawu ko uj koonamts n'ita'añ ma ja nDeedyuts ja tyajk?

⁵⁰ Per yu'ujuty kyaj tjaygyujkudu éxtam 'yanmaayy.

⁵¹ Net ja Jesús ñajxnu mat yu'ujuty jap Nazaret es tmumudooy ja tyaak tyeety. Es ja tyaak trujke'ky tugekyu ma jyot wyinma'añ. ⁵² Es ja Jesús ye'ky pyejty es wyimbejty ja wyinma'añ, es ja Dios es nandu'unu ja'ay jyotkujk'ajtu.

3

Fwank Yajñubajtrñ tkajxwa'xy ja Diosu 'yayuk ma muj it

¹ Es ko ja Sésur Tibeeryu naty tu 'yane'emy Romu majmókx jamajt, net ja Ponsyu Pilatu 'yijty gobernadoor jap Judeeu, Eroodus 'yijty gobernadoor Galileeu, Feliru myuga'axu Eroodus 'yijty gobernadoor Ituuryu esu Trakonitu, Lisañus 'yijty gobernadoor Abiliñu, ² es ja Anás es ja Kaifás 'yijttu teedywyindsungópkyty.

Ma tadu tiempu ja Dios dyajky tu'ugu ayuk ma Fwank, ja Zakariisu 'yu'unk, jap ma ja muj it. ³ Es ja Fwank oj ñejxy ma tugekyu ja nax myuwingón ja Jordán mujñuu, es tkajxwa'xy ma ja ja'ayuty es t'anmaaydyu es jyodambittat, tmastu'uttat ja pyeey es ñubátat. Du'un ttúndut ja'agyujxm esu Dios mya'xudat ja pyojru. ⁴ Tyaadu ja'a du'un tyuun jyajtu éxtam jyunañ ja Diosu kyugajxru Isaiñu ko jékyur ज्याय:

Mudowdu. Jap ma muj it yajmudóy ko tu'ugu ja'ay kyajxy muk, es jyuna'añ:

“Uxkúkudu ja Nindsun'ajtamu tyu'u.

Tajtáwdu, yajkijxyudu ja tu'u ma ñaxa'añ.

⁵ Yajtuktúktu yu aguk tukkukru,

es yajkijxyadya'aydyu ja tun kopk.

Es ma ja tu'u wiity xugety, yajtáwdu,

es ma kyaj kyijxyuty, yajkijxyudu.

⁶ Es tugekyu naxwiñudu t'ixat ja Yajñitsókrñ di'ibu Dios kyaxaampy.”

⁷ Mayjya'ay tsoy'ondu ma ja kajpn es myiindu ma ja Fwank jam muj ittum es yu'u yajñubátat. Es ja Fwank myugajxu du'un:

—Miidsaty du'un éxtamu awa'andsa'añun. Es éxtamu tsa'añuty tkuga'aktu ja juun kaduibu tyóyat, miits mjanándur xytyjy ko mñitso'oktat mat ja mñubajtn es ko du'un ja Dios kyaj mdwydyúndut éxtamu pojru ja'ayuty. ⁸ ¡Kyaj tyu'ajtnuty! Jawyiin xytyuk'ixat mat ja mjiky'ajtn ko tuj'ajtn tu mjodambity, es kyaj mnaajyuna'anudat: “Udsajtn ja Abrañu tyuamp 'yaats.” Tuj'ajtn n'anamudu ko Dios mbaadu tyadu tsaajuty dyajmbity ja Abrañu tyuamp 'yaadsaty. ⁹ Es ja Diosu tyuadyu'unan tim wingoomp mat ja pojru ja'ayuty, éxtam ko mat ja jatsyu ndukpo'tu'kam yu kepy di'ibu kyaj 'yóyuty. Paaty tugekyu kepy di'ibu kyaj tyuamp'áty oy, yajpo'tu'ugur es yajruja'agat juunóty.

¹⁰ Net ja ja'ay dyajtuudu ja Fwank:

—¿Tiits ndúndur?

¹¹ Es ja Fwank 'yadsooy:

—Pun myudajtypy majtsk yu ñixuy, myo'oyur tu'uk di'ibu kyaju ñixuy. Es di'ibu jap ja tyojx, myo'oyur ja di'ibu kyaj tmudaty.

¹² Es nandu'un ñiiminudu Fwank ja yajkugubajtruty es dyajñubátat. Es yu'ujuty dyajñujmbijttu:

—Ya'uxrupjkrñ, es uadsaty, ¿tiits ndúndur?

¹³ Es ja Fwank 'yadsooy:

—Katu myajkugubéty ni'igu pun kyaju du'un jyuna'añ ja ana'amun.

¹⁴ Nandu'unuty ja soldaadyty yajtuujudu:

—Es uadsaty, ¿tiits ndúndur?

Es ja Fwank 'yadsooy:

—Katu xypujkudu adsip yu ja'ayu myeeñ. Katu xyñiwaambáttu ni pun nanatukukyujxm es tukjotkadá'aktu ja mmuju'uñty.

¹⁵ Es nidugekyu ja'ayuty tjantsyujp'ijxta ja Kristu. Paaty jyunandu:

—¿Ti tadu Fwank, wa'anu da jya'adyu Kristu?

¹⁶ Es ja Fwank jyunañ es tkajxte'xy mayjya'ayóty:

—Uj tyámuts nyajñubéty mat ja nuu. Per miimp jatuk'uk di'ibu myudajtypy ni'igu ja muk'ajtn es kyajts ndu'unuty uj. Es kyajts uj xyñitaku, ni je'eyu yu kyuk'uk nga'agájudat éxtamxyupts uj n'ityuts tyuumban. Per yu'u di'ibu miimp myajñubátadur mat ja Espiritu Santu esu juun. ¹⁷ Es yu'u kyujóty tmudaty ja tyuumbajn es dyajwa'adsa'añ ja triigu, es yajpu'ugut ja triigu ma ja tsya'x es ja triigu pyosta'ak yajno'ogut mat ja juun di'ibu ni na'a kya'eeky.

¹⁸ Es dā'un ja Fwank tkajxwījy ja ja'ay kanaḡ nax es ttukmūdoodu ja oybyu ayuk. ¹⁹ Es ja Fwank ttuk'ooy ja Eroodus ko ja Erodius dyajnejxy éxtam ja tyoxytyujkan, ja űudo'oxy yu myuga'axu Felipu, es mut kanaḡ nax ja tyuundugo'oyun. ²⁰ Paaty ja Eroodus tsiimyy ja Fwank es dā'un ni'igu ja pyojru myayu.

Jesús űabety

²¹ Kyajnumu naty yajtsimyy ko Fwank dyajnabéty ja ja'ay, myiñ nandā'un ja Jesús es oj űabety. Es ko naty kyajxta'aky, net ja tsajp 'yawatsy, ²² es ja Espiritu Santu kyudaky ma yu'un éxtam tu'ugu pak, es net ja Dios kyajxy ma ja tsajpan:

—Ūjts mij n'U'unk'ajtypy di'ibuts ndsejpy es jantsy jotkujkats mut mijts.

Jesukristu 'yaptujkuty

²³ Jesús i'px majk jumujtu naty tmudaty ko oga'an tkajxwa'xy mayjya'ayoty. Es ja ja'ayutu jyunandu ko Jesús u'unk'ajtu Josee. Ja Josee ja'a u'unk'ajtu ja Elii, ²⁴ Elii u'unk'ajtu Matat, Matat u'unk'ajtu Levi, Levi u'unk'ajtu Melki, Melki u'unk'ajtu Janay, Janay u'unk'ajtu Josee, ²⁵ Josee u'unk'ajtu Matatius, Matatius u'unk'ajtu Amós, Amós u'unk'ajtu Na'um, Na'um u'unk'ajtu Eslii, Eslii u'unk'ajtu Nagay, ²⁶ Nagay u'unk'ajtu Maat, Maat u'unk'ajtu Matatius, Matatius u'unk'ajtu Semey, Semey u'unk'ajtu Josee, Josee u'unk'ajtu Judaa, ²⁷ Judaa u'unk'ajtu Joanán, Joanán u'unk'ajtu Resu, Resu u'unk'ajtu Zorobabel, Zorobabel u'unk'ajtu Salatyel, Salatyel u'unk'ajtu Neeri, ²⁸ Neeri u'unk'ajtu Melki, Melki u'unk'ajtu Adii, Adii u'unk'ajtu Kosam, Kosam u'unk'ajtu Elmodam, Elmodam u'unk'ajtu Eer, ²⁹ Eer u'unk'ajtu Joswee, Joswee u'unk'ajtu Elyzeer, Elyzeer u'unk'ajtu Jorim, Jorim u'unk'ajtu Matat, ³⁰ Matat u'unk'ajtu Levi, Levi u'unk'ajtu Simeonk, Simeonk u'unk'ajtu Judaa, Judaa u'unk'ajtu Josee, Josee u'unk'ajtu Jonam, Jonam u'unk'ajtu Elyakim, ³¹ Elyakim u'unk'ajtu Meleee, Meleee u'unk'ajtu Mayñan, Mayñan u'unk'ajtu Matatu, Matatu u'unk'ajtu Natán, ³² Natán u'unk'ajtu ja rey Davit, ja rey Davit u'unk'ajtu Isa'ii, Isa'ii u'unk'ajtu Obeed, Obeed u'unk'ajtu Booz, Booz u'unk'ajtu Salmón, Salmón u'unk'ajtu Naasón, ³³ Naasón u'unk'ajtu Aminadap, Aminadap u'unk'ajtu Admín, Admín u'unk'ajtu Arnii, Arnii u'unk'ajtu Esrom, Esrom u'unk'ajtu Fares, Fares u'unk'ajtu Judaa, ³⁴ Judaa u'unk'ajtu Jakoob, Jakoob u'unk'ajtu Isaa, Isaa u'unk'ajtu Abraan, Abraan u'unk'ajtu Taree, Taree u'unk'ajtu Nakoor, ³⁵ Nakoor u'unk'ajtu Seruk, Seruk u'unk'ajtu Ragau, Ragau u'unk'ajtu Falek, Falek u'unk'ajtu Eeber, Eeber u'unk'ajtu Salu, ³⁶ Salu u'unk'ajtu Kaynán, Kaynán u'unk'ajtu Arfaksat, Arfaksat u'unk'ajtu Sem, Sem u'unk'ajtu No'ee, No'ee u'unk'ajtu Lamek, ³⁷ Lamek u'unk'ajtu Matusalén, Matusalén u'unk'ajtu Enok, Enok u'unk'ajtu Jareed, Jareed u'unk'ajtu Malalel, Malalel u'unk'ajtu Kaynán, ³⁸ Kaynán u'unk'ajtu Enós, Enós u'unk'ajtu Set, Set u'unk'ajtu Adán, di'ibu Dios ku'am yajkoj. Paaty mbaat njuna'anum ko Adán yu'adyu Dios ja myaank.

4

Mujku'ugóp k tjatún w'ixu Jesús pyekytyúnut

¹ Es ja Espiritu Santu dyajky ja muk'ajtan ma ja Jesús, es yajtso'onu ma ja Jordán mujnuu es yajnujxu ma ja muj it. ² Es jap 'yijty justyikxyxu. Es ja mujku'ugóp k tjatuuñ es ja Jesús pyekytyúnut. Es ja Jesús 'yayujty justyikxyxu, net yu'o'ku. ³ Net ja mujku'ugóp k jyunáñ:

—Pan mijtsu dā'un ja Dios m'U'unk'ajtup, yajjumbitu tyadu tsaa tsajkaaky.

⁴ Es ja Jesús 'yadsoojumbijtu:

—Yu Diosu jyaabyajtan dā'un jyunā'añ: “Kyaj jyatyim'yu'adyu tsajkaaky muut jyjiky'aty ja ja'ay.”

⁵ Net ja mujku'ugóp k dyajnejxy ja Jesús ma tu'ugu kopk di'ibu kujxm es tyuk'ijxu tuk pojun tugekyu it naxwiñudu. ⁶ Es ja mujku'ugóp k jyunáñ:

—Ūjts mij nmo'oyup ja kutujkan es muj'ajtan ma tugekyu naxwiñudu di'ibu nduk'ijxy. Ūjts tugekyu nyajmooy, es mbaadats nmo'oy di'ibuts uj ndsejpy. ⁷ Es paaty pan mnaagy-oxtnaaydyakup nwinduuyats es xy'awdatudats, nmo'oyup tugekyu.

⁸ Es ja Jesús 'yadsooy:

—Yu Diosu jyaabyajtan dā'un jyunā'añ: “Awdat ja mWindsún Dios, es mudún yu'u nadyu'uk.”

⁹ Oknam ja mujku'ugóp k dyajnejxy ja Jesús ma ja Jerusalén kajpn es dyajpejty ma muj tsajptajk kopk es 'yanmaayu:

—Pan mijtsu dā'un ja Dios m'U'unk'ajtup, nayyajkunáxudu yap naxkujxy, ¹⁰ ja'a ko ja Diosu jyaabyajtan jyunā'añ:

Dios t'ane'emy yu anklus es mgwentu'átudut,

¹¹ es myajpudu'ugudut mut ja ky'u

kadiibu tsayútut ja mdeky mut ja tsaa.

¹² Net ja Jesús 'yadsooy:

—Nandu'ən jyana'añ ja Diosu jyaabyajytun: “Katu xy'amdoy es ttūnut ja mWindsán Dios di'ibu kyaj 'yóyuty.”

¹³ Es du'ən ko ja majku'ugórk kyaj tpaty ja wiinkru winma'añ es ja Jesús ñaygyuákudat mat yu'u, net oj ñajxnu tuk tiempu.

Jesús tkajxwa'xtso'oñ ja Diosu 'yayuk

¹⁴ Ta ja Jesús jyumbijty jatugok Galileeu es ja Espírítu Santu myooyu mak'ajytun. Es ma tugekyu ja Galileeu ñax ja ja'yuty tmadyaktu di'ibu tyuun kyajx ja Jesús. ¹⁵ Es kajpngajpn ja Jesusu ja'ay dya'uxpejky ma ja tsajptujk, es nidugekyu ja'ay di'ibu myudoodu jyunandu ko oy di'ibu kyajx.

Jesús jap Nazaret

¹⁶ Net ja Jesús oj ñejxy Nazaret, ma naty tu yeeky tu pyety. Es ma ja saabudu xuu tyujku ma ja tsajptujk, éxtam jaayam ttuunk'áty, es tyunaaye'ky es tkajxa'añ ja Diosu jyaabyajytun. ¹⁷ Es myooyudu Diosu kyugajxpu Isaiiu ñeky. Ta Jesús tnaktuuy ja neky es tkajxy du'ən:

¹⁸ Nmudajtypyuts uj ja Diosu Jya'ajun,

es tats xymyo'oy ja tuunk

esuts ngajxwa'xat ja oybyu ayuk ma ja ayoobu ja'ay.

Es tats xkyexy esuts n'awánut

es ja tsimyjya'ay es ja po'oduumbu jajnasmátsut,

esuts nmo'oyut yu 'yijxun di'ibu wiints,

¹⁹ esuts n'awánudats ko tu jya'ty ja xuu

ko Dios ttūnut ja myaj'ajytun ja ja'ay.

²⁰ Net ja Jesús t'axaátsy ja neky es tmooy ja ja'ay es ñaxwe'tsy. Es jamu naty ja ja'ay nidugekyu ma ja tsajptujk ni'igu 'yijxudu. ²¹ Es ja Jesús jyunáñ:

—Tyam jajkyudyúñ tyadu Diosu jyaabyajytun ma miidsuty.

²² Es nidugekyu ja'yuty jyotkujk'ajty mat yu'u es wyu'umdaaydyu ja 'yuxpukun es ñay'anmaayudu:

—Tyaadu, ¿kyaj yu'udyu Josee ja 'yu'unk?

²³ Es ja Jesús 'yanmaayun:

—Tuy'ajytun miits mjuna'ana'andu éxtam ja kajxy jyunáñ: “Kudsooy, nayajytsoybyátudu mijts ku'əm.” Es net nandu'ən mjuna'anut: “Tun nandu'ən ja yaa ma mgajpnaty tugekyu éxtamts tu nmudoy ko tu xytyuñ jap Kafarnaúm.” ²⁴ Es tuy'ajytun n'anuumats miidsuty ko ni tu'ugu Diosu kyugajxy ya'axaju jajxon ma kyajpnaty. ²⁵ Tuy'ajytunats njuna'añ, may 'yijty ja ku'ekyty'oxy ma ja Israeli ñaxwíñudu ko 'yijty ja Diosu kyugajxpu Eliias, ma kyaj oj tyu'uy tugak jumajt jakujm. Es net ja ja'ay jyantsy'ayu'ajttu ma tugekyu ñaxwíñudu Israel.

²⁶ Peru Dios kyaj tkejxy yu Eliias ma yu israelitu ku'ekyty'oxyty, je'eyu tkejxy ma tu'ugu ku'ekyty'oxy ma Sareptu kajpn, ja'a di'ibu wingón ma Sidón. ²⁷ Es nandu'ən 'yijty jap Israel may ja ja'ay di'ibu myudajtyty ja lepru pa'am ma 'yijty ja Diosu kyugajxpu Eliseeu. Per ni tu'uk kya'agudaky, yu'u je'eyu Naamán di'ibu tso'omp jagam Siryu ñaaxóty.

²⁸ Es ko taadu tmudoodu di'ibu naty jap ma tsajptujk, net jyot'ambujktaaydyu, ²⁹ es pyudu'ktu es dyajpudsuumdu ja Jesús jap kajpnóty es dyajnjxtu ma kopk aa, ja kopk ma ja kajpn jajkojy, es tjakujubijpnaxandu jam. ³⁰ Es ja Jesús ñajxy jap mayjya'ayóty es tyu'uyo'oy.

Jesús dyajpudsémy ja ka'oybu ma tu'ugu ja'ay

³¹ Net ja Jesús jyujptáky Kafarnaúm ma Galileeu ñax, es jap dya'uxpejky ja ja'ay saabudu xuu. ³² Net ja ja'ay du'añu wyu'umudyaaydyu ko yu Jesús ya'uxpeky mat ja muk'ajytun es ja kutujkan.

³³ Es ma tu'ugu xuu, net jyajty ma ja tsajptujk tu'ugu yedyujk di'ibu ka'oybyu myudajtyty. Es ja ka'oybyu yaj'yaxkák ja yedyujk:

³⁴ —¿Ti ko yaa mmiñ mij ma udsuty, Jesús, Nazaret ja'ay? ¿Ti mijts min xya-
jktugoya'andu? Eñ n'ixy'ajtypyuts mij ko mDios'u'unguty.

³⁵ Ta Jesús oj t'oooy ja ka'oybyu:

—¡Amoñu! ¡Mastu'udu tadu ja'ay!

Net ja ka'oybyu jajkudaaju ja yedyujk es myastutu, ni wi'ix tkatuuñ. ³⁶ Nidugekyu ja'ay du'añu wyu'umudyaaydyu, es ñayjyunánudu nidu'uk nidu'uk:

—¡Mut ja kutujkun esu muk'ajytun tyaadu t'ane'emy yu ka'óybyuty es myumadóyuty, es tmastu'uty ja ja'ay!

³⁷ Es ja ja'ay tmadyaktu ma tugekyu kajpn éxtam ja Jesús tu ttuñ.

Jesús dya'aguda'aky ja Peedru myu't toxytyujk

³⁸ Netu Jesús tso'oñ ma ja tsajptujk es ñejxy ma ja Simongu tyujk. Es ja Simongu myu't toxytyujk, ja'a naty jantsy jumba'ambujkup, es tmunu'xtáktu ja Jesús es dya'aguda'agut yu'u. ³⁹ Es ja Jesús myujwa'ky ma ja ja'ay kyoknu es t'anmaay ja jumba'ám:

—Ka'ak jam.

Ta ja juamba'am jygaktaay. Netyu ryudu'knu ja toxytyuk es yajkaay ya'ukudu.

Jesús dya'aguda'aky may ja puma'ayuty

⁴⁰ Es ko ja xuu kyudaknu, nidagekyu ja'ayuty di'ibu myudajt ja puma'ay, di'ibu kanak nax myudajtypy ja rujkan, dyajmiindu ma Jesús. Es ja Jesús tpujtáky ja kyuu ma yu'ujuty nidu'uk nidu'uk es du'un dya'agudaktaaydyu. ⁴¹ Nandu'un ja ka'oybyu tmastuttu ja ja'ay yax jojkp:

—Mijts Diosu 'yu'unk.

Net ja Jesús tmakmugajxy ja ka'oybyu es kyaj t'ok'yajkajxnat ko Jesús yu'adyu Kristu, ja'a ko yu'ujuty nija'adur yajxon ko tyu'ajtanuty.

Jesús ja Diosu 'yayuk tkajxwa'xy Galilee

⁴² Es ko oj xuuñu jakumbom, ja Jesús tsoyo'on jap kajpnóty es oj ñejxy ma tu'ugu it jagam. Es ja ja'ayuty yuxtaayudu, es jyajitu ma naty ja Jesús, es tsojktu es wyu'umut, kudibu ñujxt. ⁴³ Per ja Jesús jyuñuñ:

—Tsojkur nandu'un uj nnejxat ma wiinkru kajpn es n'awánudats ja oybyu ayuk di'ibu ñigajxpy ja Diosu kyutujkan, ja'a ko paadyats ja Dios tu xkyxey.

⁴⁴ Es du'un ja Jesús jyudijty kajpngajpn es tkajxwa'xy ma ja Galilee tsyajptajkuty.

5

Jesús tway nimajtáxku ajkxmajtsputy

¹ Tu'ugu xuu ko Jesús 'yijty Jenesaret Myejyñbyu'am* muut ja mayjya'ay di'ibu jantsy-tyukmujkudu ko tmudowa'andu ja Diosu 'yayuk, ² net t'ijxy ko jam 'yity wingón majtsku barku. Ta naty ja ajkxmajtspu ryudsundu barkoty es tpujtu ja 'yajkxmajtsn. ³ Net ja Jesús ttuktajku tu'ugu barku di'ibu Simonk jya'a'ajtypy, es t'anmaay es jawaanu t'ak'yajnujxat mejyñóty. Net ja Jesús ñaxwe'tsy barkoty, es dyajtsondáky ttuk'ixa'añ ja ja'ayuty. ⁴ Es ko ja Jesús kyajxtaay, net ja Simonk t'anmaay:

—Yajnujxu mbarku mejyñgyjky, es kujubijpnáxku m'ajkxmajtsn es m'ajkxmátsut.

⁵ Esu Simonk 'yadsooy:

—Ya'uxrujkrp, tuk tsu'umuts uudsuty tu njatundu es ni tu'uguts tu ngamatstu. Per tyámuts nbujta'agut ja ajkxmajtsn yu'uguyxm ko mij mjuna'añ.

⁶ Es ko ja ajkxmajtsn tkujubijpnajxy, net tjantsymyajtstu may'ajkx, extu ku'tstsondák ja ajkxmajtsn. ⁷ Net ttuk'ijxtu ja ijxwu'umun ja myugu'uguty ma ja wiinkru barku es min ryudákudu. Es myiindu yu'ujuty, es dya'ujtstu may ja majtskrp barku extu kyinán ja byarku.

⁸ Es ko ja Simonk Peedru t'ijxy ja may'ajkx, net ñaygoxtanaaydyáku ma ja Jesús es jyuñuñ:

—Windsún, mastútkats, jujts pojpu ja'ay!

⁹ Du'un jyuñuñ ja Simonk, ja'a ko yu'u ñay'adsu'kudu mat ko tmajtstu ja may'ajkx. ¹⁰ Es nandu'un ñay'adsu'kudu ja Simongu myugu'uguty Santya'agu es ja Fwank, 'yu'unguty ja Zebedeu. Esu Jesús t'anmaay ja Simonk:

—Katu mdsu'ugu. Tyam oga'an ngaxa'añuts mij es xy'uxta'ayut ja ja'ay di'ibuts uju n'uxrujkan pyadundur.

¹¹ Es ko dyajmiindu ja barku jam pu'ujótm, net tnikaktu tugekyu es ñujxtu mat ja Jesús.

Jesús dya'aguda'aky ja ja'ay di'ibu myudajtypy ja lepru pa'am

¹² Es ko Jesús 'yijty ma tu'ugu kajpn, net ñimiinu tu'ugu yedyujk di'ibu myudajtypy ja lepru pa'am. Es ko tadu yedyujk t'ijxy ja Jesús, net ñaygoxtanaaydyáku es ñaxku'ijxu es tmanu'xtáky du'un:

—Windsún, pun mdsejpy, mbaadats xya'aguda'aky.

¹³ Net ja Jesús ja kyuu tpujtáky es ttooñ es t'anmaay:

—Ndsejpyuts es nya'aguda'agut.

Es netyu myastutu ja lepru pa'am es 'yagudaky. ¹⁴ Net ja Jesús 'yana'amu:

—Katu xy'awanu ni pán. Nujx ma yu teety es xytyuk'ixut ko tu mmastu'udyuty ja lepru pa'am. Es munujx ja windsu'kun di'ibu kyajxpy ja Moisés es ñayajwa'adsudut di'ibu tu myastu'udyuty ja lepru pa'am. Es du'un ja ja'ay xytyuk'ixut ko kyaj xyñakmyudaty tu lepru pa'am.

¹⁵ Per ja ja'ayuty tmadyaktu ma tugekyu kajpn wi'ix ja Jesús ttuuñ mat ja myuj'ajtan, es mayu ja'ay myiindu ma ja Jesús es tmudowa'andu es ya'aguda'agudut. ¹⁶ Es ja Jesús oj ñejxy kajxtákrp adukutuuy.

Jesús dya'aguda'aky tu'ugu xux ja'ay

¹⁷ Tu'ugu xuu ko Jesusu naty ya'uxpeky, jamu naty 'yu'uñudu ja fariseeuty es ja di'ibuty tsajptagóty ya'uxrujktur. Es yu'ujuty tsoy'ondu majatyu kyajpn'u'ungu Galilee, Judeu, es

* 5:1 Jenesaret Myejyñ yu'u nandu'un xy'ajtypy Galilee Myejyñ.

nandu'annu mā Jerusalén kajpn, es tmadoo'ittu es t'ixtu éxtam ja Jesús jyuna'añ es ttuñ. Esu Dios myuk'ajtunguyjxm ja Jesús dya"agudaky ja puma'ay. ¹⁸ Net jyajty ja ja'ayaty tku'aydyu tu'ugu mabajnu'unk mā kyo'knu tu'ugu yedyujk di'ibu xux. Es tjajajtkukyanda tugoty es tpujta'aganda mā ja Jesús. ¹⁹ Per kyaj mbaat oj dyajtaku, ja'a ko naty mayjya'ay. Net pyajttu mā tujkni'x es tnikuuydyttu es tktuuyñajxtu ja xux ja'ay mut ja myabajnu'unk jap Jesús winduuy mayjya'ay agijky.

²⁰ Ko Jesús t'ijxy ko taadaty myubujkudu, net t'anmaay ja xux ja'ay:

—Māgu'uk, nme'xyryuts yu mbojpu.

²¹ Net ja fariseeuty es ja di'ibuty tsajptugoty ya'uxpuktpu ñay'anmaayudu wyinma'añoty: “Tyadu yedyujk kyaj tmu'ixy ja Dios ko du'un kyajxy, ja'a ko yu'nyaydyu'ugu Dios ku'un mbaat tme'xy yu pojpu.”

²² Esu Jesús ñija'ap éxtam ja ja'ay jyunañ wyinma'añoty, es t'anmaay:

—¿Ti ko mwinnma'añ xyajjuna'andu ko uj kyajts nwindu'ugu Dios? ²³ Miits mjunándup kots uj kyaj nmudaty ja kutujkan esuts uj nma'xut yu pojpu. Es mjunaamp kots uj kyaj mbaat nya'aguda'agyu tyadu yedyujk esuts nyaj'yo'oyu'ugut. Paaty miits mjuna'andu ko kyaj ñimujjaty esuts uj du'un njuna'anut: “Ujts mij nbojpu'maxup.” Es jantsy nimujja es uj njuna'anudats: “Pudu'uk es myo'oyut”, ¿kudii? ²⁴ Es tyámats miidsaty nduk'ixa'añ ja nmuj'ajtn esuts uj, ja Naxwíndu Ja'ayudyu Kyudunaabyu, nya'aguda'aga'añu tadu yedyujk es du'un miidsaty nduk'ixut kots uj nmudaty ja kutujkan esuts nma'xut ja pojpu.

Net ja Jesús t'anmaay ja xux ja'ay:

—Pudu'uk, yajmúk ja mmabajnu'unk es nujx mā mdujk.

²⁵ Netyu ja yedyujk pyude'ky es dyajmujknu ja mabajnu'unk es ñujxnu mā tyujk es t'awdajty ja Dios. ²⁶ Es nidugekyu ja'ay du'ñu wyu'amadyaadyu es t'awdajttu ja Dios, es ni'igu tsyu'kudu es ñay'anmaayudu nidu'uk nidu'uk:

—Tyam tu n'ijxam di'ibuty jantsy muj.

Jesús tway ja Matewu

²⁷ Ko ja Jesús tsoy'onnu mā ja kajpn, net t'ijxy jap kajpnba'ajp tu'ugu yajkugabajtpu 'yu'uñu mā yajkugabéty, es ja'a txa'aty Leví. Net ja Jesús 'yanmaay:

—Pamiinguts mij éxtamdsu n'uxpukpu.

²⁸ Net ja Leví pyude'ky, es tmastuty tugekyu ja tyuunk es tpanejxy ja Jesús.

²⁹ Es óknum ja Leví ttuun tu'ugu muj xnu mā ja tyujk mut yu'uguyjxm Jesús. Es jamu naty may ja yajkugabajtpu esu wiinkpu ja'ayaty 'yu'uñudu mā ja meesu es kyaydyu mut ja Jesús es ja di'ibu ya'uxpejkyu. ³⁰ Es ja fariseeuty es ja di'ibuty tsajptugoty ya'uxpuktpu tni'o'o tniyáxudu ja Jesusu 'uxpukppty:

—¿Ti ko du'un mgay m'uuktu miidsaty mut ja yajkugabajtpu es mut ja pekyjya'ayaty?

³¹ Net ja Jesús 'yadsooy:

—Kyaj dyajtagoy'aty yu kudsooy di'ibu mak'ajt oy'ajtp, yu'ayu di'ibu pujkup. ³² Tuts nmiñ es nyáxuts yu pekyjya'aydyujk es jyodumbíttut. Pún junaamp: “Uj kyajts mbekyjya'ayaty”, ¿yu tadu ja'ayaty wi'ix mbaat jyodambittu?

Jesús dyajtáwdu ti ko kya'ayu'aty

³³ Net t'anmaaydyu ja Jesús:

—Yu Fwangu 'uxpukpu kanak ok 'yayu'attu es kyajxta'aktu. Es ja fariseeudyu 'uxpukpu nandu'un ttundu. ¿Es ti ko mij m'uxpukpu du'ñu kyay 'yuuktu?

³⁴ Es ja Jesús 'yadsoojudu:

—¿Ti mbaat miits xya"ayu'attu yu myutnaumyaayubu tadu pujkpu ko meeru ijt xondakan tyúñuty es ko tadu pujkpu 'yaku'ittu mut ja myutnaumyaayubutajk? ³⁵ Per pyaadup ja tiempu ko ja pujkpu yajpujkat, net 'yayu'áttut.

³⁶ Es nandu'un ja Jesús tpujtáky majtsku ijxrajtn es ttuk'uxpejky ko kyaj mbaat ñaydyuktúkytu yu tukpu winma'añ mut ja jembyu. Es jyunañ:

—Kyaj pún tpukeery tuk pedazu jembyu wit es yajtuk'abátsut tu'ugu vestiidu tukpu. Ja'a ko du'un yajtúnut, nuumujkp ja jembyu wit es kyúndsut ja vestiidu tukpu es kyaj ja jemywyit kyuxu'ugut yajxon mā ja tuk wit.

³⁷ Es nan kyaj ya'adamu yu vynu jembyu mā yu tukpu nuu'abutsunbyo'o. Pes ko jap yajpujta'agut, tu naty tyugoy ja jembyu vynu ko kyúndsut ja tukpu nuu'abutsunbyo'o. ³⁸ Paaty 'yóuty yajpujta'agut yu vynu jembyu mā yu po'oyu jembyu es du'un kyaj ti wyindugóyat. ³⁹ Es pún 'yikyru ja vynu di'ibu tu tsaamnu, kyaj tnakytsyky yu vynu jembyu, ja'a ko jyuna'añ: “Di'ibu tu tsaamnu ni'igu 'yóyaty.”

6

Jesusu 'uxpukppty tkujtu ja triigu saqudu xnu

¹ Mā tu'ugu saābudu xuu ja Jesūs mut ja 'yaxprijkpaty ņajxtu triigu kamoty. Es ja 'yaxprijkpatujk kutujtu ja triigu es twinxatstu es tju'xtu ja pyajk. ² Net nija'ajuty ja fariseenty dyajtuudu:

—¿Ti ko du'un xytyundu miidsuty mā saābudu xuu di'ibu kyaj ņigutikyuty?

³ Es ja Jesūs 'yadsooy:

—Es miidsuty, ¿ti kyajnum xy'uxpaktu di'ibu tyuun ja Davit ko yu'u es ja jyamyuuduty tmuđajtu ja yuu? ⁴ Tyujku ja Davit mā Diosu tyujk es tju'ty ja tsajkaaky di'ibu kuni'xy es tkaay yu'u es nandu'un tmooydu ja jyamyuuduty. Es kyaj jyanigutikyuty es yu'u tkāydyt, yu'u je'eyu ja teedyuty mbaat tkaaydu tadu tsajkaaky.

⁵ Es nandu'un jyunañ ja Jesūs:

—Es uj nmudajtyruts yu kutujkun nandu'un mā saābudu xuu.

Yedyujk di'ibu myudajtyr ja ky'u'u tuk adu'um tu'uts

⁶ Es mā jatu'ugu saābudu xuu Jesūs tyujku mā ja tsajptujk es dya'uxpejky ja ja'ayuty. Japu naty tu'ugu yedyujk di'ibu myudajtyr ja 'yaga'añgyu'u tu'uts. ⁷ Es ja di'ibuty tsajptugóty ya'uxprijktap es ja fariseenty trajadijtu ja Jesūs es t'ixa'añ pun ya''agudakypy ja ja'ay mā ja saābudu xuu, es du'un ttuundu ja anuu es tpekymo'oya'andu. ⁸ Peru Jesūs ņija'ap di'ibu wyinmaaydyr es t'anmaay ja yedyujk di'ibu ky'u'u myudajtyr tu'uts:

—Pudu'uk es mdánut yaa kujk'aay.

Es ja yedyujk pyade'ky es tyunaay jap kujk'ajp. ⁹ Net ja Jesūs t'anmaay ja wiinkru ja'ayuty: —Tyámuts uj miits nyajtwá'andu: ¿Ti mbaat ndu'unum mā ja saābudu xuu, ja oybyu o axuukru? ¿Nyajtsókum o nya'o'kum?

¹⁰ Net ja Jesūs t'ijxtaay nidugekyu di'ibu naty tu tyukwá'kmikyuty, es t'anmaay ja yedyujk:

—Xajtúw.

Es ko xyajtuy, 'yagudaktaay. ¹¹ Es ja fariseenty es ja myugu'ugaty 'yajkudu muk es ņay'anmaayudu ak yu'ujuty pun wi'ix mbaat yajtún ja Jesūs.

Jesūs twin'ixy nimajmajtsku 'yapóstuluty

¹² Es ko waanu jyejky, ta ja Jesūs oj ņejxy kajxtákrū mā tu'ugu kopk. Jam ja tsuu dyajnajxy kyajxta'aky. ¹³ Es ko oj xyuñu, net dyaxu di'ibuty ya'uxpejkyr, es twin'ixy nimajmajtsk di'ibu 'yapostula'áttur. ¹⁴ Yu'u xyuujuty: Simonk di'ibu Jesūs yajxabajt Peedru, Andrés, ja Simongu myuga'ax, Santya'agu, Fwank, Felipu, Bartolomee, ¹⁵ Mawew, Tomás, Santya'agu, ja Alfeeu 'yu'unck, Simonk ja kananeeu ja'ay, ¹⁶ Juudas yu Santya'agu 'yu'unck, esu Juudas Iskaryota di'ibu óknum kyuyajk ja Jesūs.

Jesusu mayjya'ay dya'uxpeky

¹⁷ Netu Jesūs jyunajky mā ja kopk mut yu'ujuty es jyajty mā tu'ugu joy it. Es japu mayjya'ay ņaymyujkudu di'ibu tso'ondup Judeeu, Jerusalen es mā myejeñbya'aju Tiru esu Sidón. ¹⁸ Tyaaduty tu naty jya'ttu es tmuđowa'andu ja Jesusu 'yaxprijkun es nandu'un 'yaguda'aktut di'ibu rijkudap. Es di'ibu majku'u ya''ayoojap, nandu'un ja Jesūs dya''agudaky. ¹⁹ Es nidugekyu ja mayjya'ay ttonandu ja Jesūs, ja'a ko mudu myuk'ajtan ja Jesūs dya''agudaky nidugekyu ja pa'am ja'ay.

Pánuty kuni'xyuty

²⁰ Net ja Jesūs t'ijxtu ja di'ibu ya'uxpejkyr, es t'anmaay:

—Kuni'xy miidsuty di'ibu ayoodap, pes m'ittap mā Diosu kyutujkun.

²¹ 'Kuni'xy miidsuty di'ibu tyam ayu'ajttap, pes mjotkuda'aktap.

'Kuni'xy miidsuty di'ibu tyam juuy yáxtap, pes óknum mxi'ik mxóndu.

²² 'Kuni'xy miidsuty ko ja'ayuty mga'oy'ixudu, mga'oy'axájudu, mya'axuk'ixtu es jyuna'andu wi'ixáty mut miidsuty ja'a kots miits xyryanu'jxtap, uj, ja Naxwíñudu ja'ayudyu Kyudnaabyu. ²³ Agujk'át jotkujk'áttu es xonda'aktu mā tadu xuu, pes, tsajpótmu Dios muj wiin mgumáydu. Nandu'un tadu ja'ayudyu 'yaptujkuty t'axaktundu ja Diosu kyugajxpty.

²⁴ 'Per puruobu miits mukja'aydyujkuty! Tyamu mjotkujk'áttu, per óknum m'ayówdut.

²⁵ 'Puruobu miidsuty di'ibu tyam kaay úktap, pes óknum m'ayu'áttut! 'Puruobu miidsuty di'ibu tyam xik xoondu, pes óknum mjotmay'oogat es mju'wydyut!

²⁶ 'Puruobu miidsuty ko nidugekyu ja'ayuty m'axájuty oy, ja'a ko du'un ja 'yaptujkuty t'axájudu di'ibu jékyp andakp jyuna'andu ko yu'u Diosu kyugajxpy!

Tsoktu ja mmudsip

²⁷ 'Per uj n'anmaaydyr miits di'ibu xymyadoo'ijttap, ko mdsóktap ja mmudsip es xytyúnut yajxón mut di'ibu mga'oy'ixap, ²⁸ es mgunu'xtap di'ibu mgajxpojkdap es ni'amdow nibujktsówu mā Dios di'ibu m'axaktuunudap. ²⁹ Es pun mgojxap tuk adu'um mā m'ama'atsy, mo'oy jatuk adu'um. Es pun ja pán mbujkuty yu mdsyamarru, jan ja mnixuy es wa'an nandu'un dyajnejxy. ³⁰ Es pán m'amdoojap di'ibu mmudajtyr, mo'oy, es pán tu ti

mbajkūt, katū xy'amdoy es dyajjambūt. ³¹ Es tundu miidsuty mat nidagekyu ja'ay éxtam kyatsyoktu es ya'ujaty ttúndat nandu'un mat miidsuty.

³² Pūn miits mdsojktap ya'uyu di'ibu miits mdsojkdap, źti oy'ajtan mduundap di'ibu kyatuundap ja wiinkpūty? Pes tyuundap ya'u nandu'un di'ibu 'yandijtap pekyjya'ay. ³³ Es pūn miits mduundap oy ya'uyu di'ibu miits mdsojkdap, źti oy'ajtan mduundap di'ibu kyatuundap ja wiinkpūty? Pes tyuundap ya'u nandu'un di'ibu 'yandijtap pekyjya'ay. ³⁴ Es pūn miidsuty mduk'ani'xyry ja meen' ya'uyu ja'ay di'ibu m'a'ijxap es mmugubátadut jatagok, źti oy'ajtan mduundap di'ibu kyatuundap ja wiinkpūty? Pes nandu'un di'ibu 'yandijtap pekyjya'ay tmo'oydu ya myeeñ ani'xy ry ja'ay di'ibu mugubátadap. ³⁵ Tsoktu es tundu ja oybyu mada mmadsip, tuk'anu'x ja mmeen' nandu'un ya ja'ay es kyaj xyjup'ixat es mmugubátadut, du'un xytyuk'ixat ko miidsuty Dios Tsajpótmadu 'yu'ungaty. Ja'a ko Dios nandu'un tyiimpy ya oybyu exta mat ya pekyjya'ay es pūnuty kyaj jya'aygyada'agyaty. Es di'ibu dan tyiimpy, Dios muj myay'ata'añuty. ³⁶ Pa'ayowdu ja ja'ay éxtam ja mDeedyu tsajpótmadu mba'ayóyuty.

Kyaj wiinkpūty nūgoo nbayo'oyum

³⁷ 'Katū xpyyayo'oy ja wiinkpū, es ja Dios nan kyaj miits mbayo'oyadut. Katū xpyekymyo'oy ja wiinkpū, es ja Dios nan kyaj mbekymyo'oyadut miidsuty. Pa'ayowdu, es ja Dios nandu'un mba'ayówadut. ³⁸ Mo'oy ja wiinkpū, es ja Dios mmo'oyadut nandu'un, oyu kijxn, ta'tspéky, winxity es ku'ujts. Es pūn oy xykyijxu ja wiinkpū ja jya'a, nandu'un myajkijxtat.

³⁹ Jesús ya'u pyujtáku tyadu ijxrajtan:

—'Tū mbaat tu'ugu wiints twijts'yo'oy ja myuwiints? 'Tū kyaj kyadawut nimajtsk ma tu'ugu jut? ⁴⁰ Ni tu'ugu xprajkū di'ibu myubaadap ja wyindsán, per ko oy dyajkéxy ja 'yaxpūkan, du'un jya'tat éxtam ja wyindsán.

⁴¹ 'Tū ko xy'ixy tu'uk ja kepywyayu'unk di'ibu jap mmugu'uk wyiinóty, es kyaj mij xytyuñ kwentu ja muj kepy di'ibu jap mwiiinóty? ⁴² 'Es wi'ix mjaná'añ: "Mugu'uk, n'okju'tamu tadu kepywyayu'unk di'ibu jap mmudajtypy mwiiinóty", es kyaj mnayjyáwuty ko mij xymyudaty ja muj kepy jap mwiiinóty? Mnaydijap ko mjiky'aty tū'ajtan munit. Yajpudsám jawyiinu tadu muj kepy di'ibu jap mwiiinóty, es du'un mbaat xy'ixy yajxón es xyjuudut tadu kepywyayu'unk di'ibu jap mmugu'uk wyiinóty.

Jya'ay'ajtan ja ja'ay yajtuk'xkajp

⁴³ 'Ni tu'ugu kepyu oybyu di'ibu tūmp'ajtp axuuk, es nan ni ya kepy di'ibu kyaj 'yóyuty es tyūmp'áty oy. ⁴⁴ Tu'uk tu'ugu kepy ya'xkajp mat ja tyūmp. Kyaj yajtūky ya iigu ma poop apūñ. Es nan kyaj yajtūky ya uuvu ma ya tume'eñky. ⁴⁵ Ja ja'ayū ojjya'aybyu tsuj kyajxy myadya'aky mat ko ijtp jyodoty ja oybyu, es ja axuk ja'aybyu myadyakypy ja tsaatsykyubétypy mat ko ijtp jyodoty ja axuk'ajtan.

⁴⁶ 'Tū ko miits xy'anuumaduts: "Windsán, Windsán", es kyaj xytyundu éxtamts njuna'añun? ⁴⁷ Ja ja'ay di'ibuts xyñiimpy es tmadoy ya n'axpūkanuts es tkuudyuñ, ⁴⁸ ya'u du'un éxtam ja yedyujk di'ibu kyoy ja tyujk. Es jawyiin tuidaju kuk es trujtáky ya pyotsy ujx tsaade'ekykyujxy. Es ko ja nuu kyeemy es txijty ja tujk amujaa, kyaj wi'ix jyaity, ja'a ko ta'tspéky oy pyoitse'egyuty ma ja tsaade'eky. ⁴⁹ Es pūn myadeebyuts uj ja n'axpūkan es kyaj tkuudyuñ, ya'u du'un éxtam tu'ugu yedyujk di'ibu kyoy ja tyujk nax wingujxy es kyaj tuidaju mat ja tsaabótsy. Ko ja nuu kyeemy, ja nūgom txijty ja tujk amujaa, net jyjity es tyūgooy tugekyu tugekyu.

7

Jesús dya'aguda'aky tu'ugu soldaadu windsanu tyuumbu

¹ Ko ja Jesús kyajxtaay ma ja ja'ayuty, net űjxnu Kafarnaúm. ² Jap tu'ugu soldaadu windsán di'ibu myudajtypy tu'ugu tyuumbu di'ibu jyantsytsyejpy. Es ya'u naty pūjkap es tim oogánap. ³ Ko ja soldaadu windsán tmadooy ko Jesús tu jyumbity, net tkejxy nija'ajaty ja israelitu mujja'aydyujk es ttúnat ja may'ajtan ja Jesús es dya'aguda'agut ja puma'ay. ⁴ Ya'ujaty tma'wingoonda ja Jesús es trujktsooda may'ajtan:

—Tadu soldaadu windsán nitujkap es xpyudákat, ⁵ ja'a ko ya'u tsyejpy ja naxwiñudu'ajtam, es ya'u oj dyajkojyaty ja ndsajptujk'ajtam.

⁶ Net ja Jesús űjxy mat ja mujja'aydyujk. Es ko wyingoona ma ja soldaadu windsanu tyujk, net tkejxy nija'adyu myatnaymyaayabu es t'anuumat ja Jesús:

—Windsán, kyajts uj xyñitaku es mij mdúkat madu ndujkan. ⁷ Paadyuts kyaj ni je'eyu nganayjyáwuty es nninujxat es n'amdówat ja may'ajtan. Je'eyu mjaná'anut es ja nduumbuts 'yaguda'agut. ⁸ 'Uj ku'am nmudajtypyuts ja nwindsán di'ibuts xy'ana'amp, es nandu'un nmudátyuts ja soldaaduty di'ibuts n'ane'empy. Es kots n'anuumu ya'ujaty nidu'uk: "űjx",

nəjxp; es kots n'anəmmə jatū'uk: "Min", miimp; es kots nduk'ane'emy yə nduumbəts ti ttūnat, tyiimpy.

⁹ Es ko tmədooyə taadə Jesús, net dū'əñə wya'əmmə, es tni'ijxəmbijty ja ja'ay di'ibə pamiinədəp es t'anmaəy:

—Tuy'ajtən ko ni tu'ugə Israel ja'ay kyajts nbaəty di'ibəts xymyubəjkr éxtəmmə tyadə soldaədə windsən.

¹⁰ Es ko jyajttə jatəgok mə ja soldaədə windsənə tyujk, tə naty 'yagudə'aky ja pumə'ay.

Jesús dyajjikypəky tu'ugə o'krə jap Nain

¹¹ Es óknəmm yə Jesús ñejxy mə tu'ugə kajpn di'ibə xyu'ajtypy Nain. Es jyamyədətudə ja 'yəxpəjkrə es ja mayjya'ay. ¹² Es ko jyajty kajpnbə'əay, net t'ijxy ko tməmiñ es dyajnahtəkəyā'andə tu'ugə o'krə. Es ja o'krə yə'u ijty tukrajkyə māank'ajtəp yə tyāak di'ibə naty ku'eeky. Es mayjya'ay ja o'krə tpanejxy. ¹³ Ko t'ijxy ja Jesús, net tra'n'ayooy ja ku'ekytyo'oxy es t'anmaəy:

—Katu mja'əy.

¹⁴ Net ja Jesús tməwingooñ es ttoof ja o'krə ku'əyən, es ja di'ibə naty kyiiipy wya'k'ə'adə. Es ja Jesús t'anmaəy ja o'krə:

—Məxy, əjts mij n'anmaəpy: jPudə'ək!

¹⁵ Net di'ibə naty tə 'yeeky oj wya'tskujkə es kyajxe'ky, es ja Jesús ttukkədəjku ja tyāak.

¹⁶ Es ko taadə t'ijxtə, nidəgekəy tsyə'kudəyāydyə es t'awdəjttə ja Dios es jyənandə:

—Tu'ugə Diosə myuj kugajxru tə kyaxə'eky mə adsajtəm.

Es nandə'un ñajjyənəndə:

—Dios tə myiñ es tpuđəkəyā'əñ ja kyajpn.

¹⁷ Net ja madyə'aky jyədijty mə Judeeñ ñax es di'ibə myəwington'ajtypy.

Fwank Yajnbajtrə kyexyē'ebyaty

¹⁸ Net ja Fwangə 'yəxpəjkrə tyukkəmədyəkədə tugekyə éxtəmmə tə jyətəty. Net nimajtsk dyaxə yə'ujty, ¹⁹ es tkejxy mə ja Jesús es dyajtəwə'əñ:

—Ti mij mdəy'ajtən ja Kristə di'ibə naty minəəmp, o n'awixtəpts ja wiinkrə?

²⁰ Es di'ibə Fwank kyajx tməwingoondə ja Jesús es t'anmaəydyə:

—Ja Fwank Yajnbajtrəts tə xkyexy esəts mij nyajtəwət pən mijtsə dū'un ja Kristə di'ibə minəəmp, o pən n'awixtəpts ja wiinkrə.

²¹ Netyə ko jyajttə, ja Jesús dya'agudəky ja mayjya'ay di'ibə pəjkədəp es dyajpədsəmy ja ka'oybyə di'ibə ja'ay myədajttəp, es nandə'un tmooy yə ijxən mayə wiindsəty. ²² Es ja Jesús t'anmaəy ja Fwangə 'yəxpəjkrəty:

—Di'ibə miits tə xy'ixtə es tə xymyədowdə, nəjxtə es xytyukkəmədyə'əktət ja Fwank ko yə wiints ijxp, yə xəneybyə ye'epy, di'ibə myədajtypy ja leprə pə'am tə 'yagudə'aky, yə natpə mudoop, di'ibə o'kr jikypəjkrə es di'ibə ayoop ya'awəndəp ja oybyə ayuk, ²³ es jotkujk yə'u pən kyaj jyot dyajtgóy mət əjts.

²⁴ Ko oj ñəjxnə di'ibə Fwank kyajx, net ja Jesús tnimədyəky ja Fwank es t'anmaəydyə ja ja'ay:

—ZTi dən miidsəty oj xyñinəjxtə es xy'ixə'andə mə məj itən? ZTu'ugə tsajkápyñ di'ibə wyinxijtypy ja poj? ²⁵ Es pən kyaj, zti dən oj xyñinəjxtə es xy'ixə'andə? ZTu'ugə yedyujk oy xyoxypəy? Miits mnijə'ədəp ko di'ibə də'un nayxyojxədəp jam 'yittə mə réydyə tyujkəty. ²⁶ ZPer ti dən oj xyñinəjxtə es xy'ixə'andə? ZTu'ugə Diosə kyugajxru? Yə'u də'un. Yə'u tu'uk di'ibə waanə ni'igə tmədəty ja məj'ajtən kudiinəmmə wiinkrəty ja Diosə kyugajxru. ²⁷ Fwank yə'u də'un di'ibə ja Diosə jyaəybyajtən myədyəkypy mə jyənə'əñ:

Ngejxypəts jawyiin ja n'ayuk kajxwə'xprəts

es myə'awətsxədət yə mnu'ə mdu'u.

²⁸ Tuy'ajtənəts njənə'əñ: Kyaj pən nidu'ugə ja'ay di'ibə waanə ni'igə tmədəty ja məj'ajtən es kudiinəmmə ja Fwank Yajnbajtrə. Per waanə tmədəty ja məj'ajtən otyyim di'ibəty pənəty ijttəp mə Diosə kyutujkən.

²⁹ Ko ja yajkugəbjtrəty es ja niməjya'ay tmədoodə ja Fwank, ta oj tkupəktə di'ibə Dios tyiimpy, ja'əgyəjxm oj ñəyaynbajttədə mət ja Fwank. ³⁰ Per ja fariseəty es di'ibəty tsajptəgóty yə'əxpəjktəp kyaj tkupəjktə di'ibə Dios tyiimpy, ja'əgyəjxm kyaj tkupəjktə es ja Fwank yajnbəttədət.

³¹ Esə Jesús 'yəkjanəñ:

—ZTis məət mbaət n'ijxkijxyə ja ja'əyətə di'ibəty tyam jykij'ajttəp, o wi'ix dya'ixyətə ja wyinmə'əñ? ³² Kəxu'ktəp éxtəmmə ənə'ku'ungun di'ibə uñəydyəp es kyuyəttə məəyóty es yə'əx jyoəktə mət ja myətkuyajtrəty: "Təts njaxu'uxy di'ibə yə'ajtsəp es kyaj tə m'atstə; es tə njə'əyəts di'ibə məət ja o'krə ñəxtəkə, es kyaj tə mju'əydyə."

³³ Es ja Jesús 'yəkjanəñ:

—Du'anu tyaađu tyam di'ibu kyaj t'axájudu ko 'yóyuty di'ibu Dios tyiimpy. Mut ko kyaj ja Fwank Yajnuabajtrü tkay ja tsajkaaky es kyaj t'iiky ja vinu, es miits mĵna'andu ko yu'u myudajtypy ja ka'oybyu. ³⁴ Es uj, ja Naxwifudu Ja'ayudyu Kyudnaabyu, ngaabyuts ja tsajkaaky es n'i'kyryuts ja vinu, es miits mĵna'andu: “Kax es am'uuk, es myutnaymyaayur ja pekyja'ayuty esu yajkugubajtruty.” ³⁵ Per di'ibu tu t'axájudu yu oybyu axprikun di'ibu Dios jya'a'ajtypy, tadu ja'ay dya'ixudu ko 'yóyuty di'ibu Dios tyiimpy.

Jesús ma tu'ugu farisee tyujk

³⁶ Es ko waanu 'yijty, net tu'ugu farisee wyooju ja Jesús es nujx kyay. Es ja Jesús oj tpanejxy es ñaxwe'tsy ma ja meesu. ³⁷ Tu'ugu pojru toxytyujk di'ibu jiky'ajtr jap kajpnóty, ko tnija'aju ko tu Jesús ñejxy kaabyu ma ja farisee Simongu tyujk, netu tadu toxytyujk dyajmiin tuk alabastru limetu ujts mut ja pa'ak xu'krü, es tyujku es ñaygyoxtnaaydyaku Jesús tyeky'ujxy. ³⁸ Ta tyujku jibyu extu ko dyajxe'ky ja Jesusu tyeky, es dyajtútsy mut ja wyaay es ttsu'xu ja tyeky es trujtáky ja pa'ak xu'krü ma Jesusu tyeky. ³⁹ Es ko t'ijxy tadu farisee pánu naty tu twoy yu Jesús, net jyanáñ wyinma'añoty: “Pán t'ajjtunu tyadu yedyujk yu'u tu'ugu Diosu kyugajxru, myuwinma'añbyaadyur pán yu'u toonur es wi'ixu tadu pojru toxytyujk jyiky'aty.”

⁴⁰ Net ja Jesús t'anmaay tadu farisee:

—Simonk, tyámats mij nmugajxa'añ waanu.

Es ja farisee 'yadsooy:

—Ya'axprikru, anmaagyuts.

⁴¹ Esu Jesús jyanáñ:

—Majtsku yedyujk tmuni'xy'áty mut ja meeñ. Tu'uk tmuni'xyuty mugo'xk mugo'px denaryu meeñ, es jat'u'uk justyikxmyujk. ⁴² Ko kyaj mbaat myugabetyuty, ja jajnu'xru mya'x ja myuni'xy nimajtsk. Es tyam anmaagyuts, ĵpán ni'igu tseyjry yu jajnu'xru?

⁴³ Es ja Simonk 'yadsooy:

—Pes uj njana'añuts ko yu'u di'ibu mya'x ja myuni'xy kajaa.

Net ja Jesús 'yanmaay:

—Mmudajtypy ja t'ajjtun.

⁴⁴ Net ja Jesús twin'ijxpejty ja toxytyujk es t'anmaay ja Simonk:

—ĵM'ijxpyru tyadu toxytyujk? Kots uj ndujku ma mdujk, kyajts miju nuu tu xmyo'oy es ujü ndekyuts nbujat, esu tyadu toxytyujk tats yu ndeky trujy mut yu wyinnuu es dyajtu'utsy mut ja wyaay. ⁴⁵ Mij kyajts tu xytsyi'xy, es yu'u ko tu tyaku es tyambaat tsi'ixy ja ndekyuts.

⁴⁶ Mij kyajts tu xypujtáku madsu ngubajk ja aseytu oliivu extam jaayu ja'ay ttundu, esu tadu toxytyujk tu trujta'aky yu pa'ak xu'krü madsu ndeky. ⁴⁷ Paaty t'ajjtun n'anamu, tyadu toxytyujk tats nma'xu yu myujpéky, ja'a ko yu'u dya'ixyuty kots xytsyeky muj. Ja'a ko yu ja'ay di'ibu junaamp ko kyaju pyeky es ujts nma'xur, tadu ja'ay xytyuk'ijxprts ko je'eyu waanu xytsyékutyts.

⁴⁸ Net ja Jesús t'anmaay ja toxytyujk:

—Yu mbojru tu yajma'xta'ay.

⁴⁹ Net jyotjunandu di'ibáty tu yajwówdu ma meesu mut ja Jesús:

—ĵPán ja'ayu tyaađu?, ko extu pojru mye'xypy.

⁵⁰ Es ja Jesús t'anmaay ja toxytyujk:

—Tats xmyuabeky, es paadyuts mij tu nyajnitse'eky. Nu'x jotkujk.

8

Toxytyujkuty di'ibu pyudujkudup ja Jesús

¹ Oknam ja Jesús jyudijty kajpnajpn es tkajxwa'xy ja oybyu ayuk di'ibu ñigajxpy ja Diosu kyutujkun. Es nimajmajtsku 'yuxprikru jyamyudátyuty. ² Es nandu'un jyamyudajtadu nija'ajuty ja toxytyujk di'ibu naty ja Jesús tu dya'aguda'aky es nija'ajuty di'ibu tu ttukmastu'uty ja ka'oybyu. Es nidu'uk yu'ajuty txu'aty Mariu Magdalenu, di'ibu Jesús tyukmas-tu juxtujk ja ka'oybyuty. ³ Es jat'u'uk txu'aty Fwanu, ñudo'oxy ja Kuzu, Eroodusu tyuumbu wyindsán, es jat'u'uk txu'aty Susanu, es may ja wiinkru toxytyujk di'ibu muat jyudijty ja Jesús es ja 'yuxprikpudy es pyudákuty.

Triiguwujru extamu ijxrajtn

⁴ Mayjya'ay tsoy'ondu ma tugekyu kajpn es tnimiin ja Jesús. Es ko myaymyijky ja ja'ay, net ja Jesús trujtáky tu'ugu ijxrajtn es jyanáñ:

⁵ —Tu'ugu triiguwujru 'yojtsy wujru. Es ma oj twujy, oj nandu'un kya'ay ja tyuamt ma padu'u, es ja ja'ay ttukta'andu, es ja joon tpiidu nandu'un. ⁶ Es nandu'un kya'ay ja tyuamt tsaade'ekykyxim ma kyaj kyúkyty ja nax. Paaty ko tadu triigu myujxy, net tyutsy, ja'a ko tim waanu nik'ajjtun. ⁷ Es nandu'un ja tyuamt kya'ay apyñoty. Ja triigu tyuamt myujxy ma apyñ.

Ta yajtátsa. ⁸ Es di'ibu ja täämt ka'a ma oybyu nax, yooñ yajxón, es tyuamp'ajty mægo'px ok di'ibu wuyj.

Es ko da'un jynáñ ja Jesús, net jantsy muk t'anmaay:

—Di'ibu mudoodap, wa'an tjaygyúkuu.

Ti ko ja Jesús ya'uxpeky madu ijxpajtun

⁹ Net ja Jesusu 'yuxpajkraty yajtájudu wi'ix dyajjuna'añ mat ja 'yijxpajtun. ¹⁰ Es ja Jesús jynáñ:

—Dios yu'u mduknijáwudap miidsaty di'ibu kyaj yajnijáwu ijty wi'ix ya'u yajkutiky. Per ujts n'awa'anap ja wiingátyryu ja'ay mat ja ijxpajtun mat ko yu'ujaty t'ixtat es kyaj tñijáwudat, es ko yu'u tmudówdat es kyaj tjaygyúkuu.

Jesús tkajxte'xy ja triiguwujpu éxtumu ijxpajtun

¹¹ Tyaadu 'yandijpy yu ijxpajtun: Yu täämt yu'u 'yandijpy ja Diosu 'yayuk. ¹² Es di'ibu ka'a ja täämt ma padu'ujun, yu'u 'yandijpy yu ja'ayuty di'ibu myudoodap ja Diosu 'yayuk, es net myiñ yu mujku'ugórk es pyujkxu ja Diosu 'yayuk ma jyot wyinma'añ es kudiibu tmábúktat es da'un kyaj yajnitso'ogudat. ¹³ Esu täämt di'ibu ka'a tsaade'ekykyujxy, yu'u 'yandijpy ja ja'ayuty di'ibu myudoodap ja Diosu 'yayuk es tmábúktat mat ja xondakun. Per ko da'un 'yittu éxtum ja triigu di'ibu 'yaats kyaj kyuktaku, mabúktat tuk tiempu, per ko myiñ ja ayo'on, kyaj tnakymyabúktu. ¹⁴ Es di'ibu ka'a ja täämt ma ja apyñ, yu'u 'yandijpy yu ja'ayuty di'ibu myudooda, per ja'a ko tpujta'aky ja wyinma'añ wi'ix myukja'ay'áttat es xyi'ik xyónat, paaty tmaustu'uttu di'ibu myudoodu es kyaj ttundu di'ibu Dios tsyepjy. Paaty da'un yu'ujaty éxtum di'ibu täämt tu jyi'xy es kyaj tu ñakwyinday.

¹⁵ 'Es di'ibu ka'a ja täämt ma oyñax, yu'u 'yandijpy ja ja'ayuty di'ibu 'yaxájudu mat tugekyu jyot, tmudowdu es ttundu es tpanujxtu Diosu 'yayuk. Es da'un yajxón wyindáwut ja pyujta'aky.

Lampru éxtumu ijxpajtun

¹⁶ 'Ni pán yu lyampru tkayajtoye'eky es netyu tkujiitsy mat ja tu'ts o tpujta'aky maba-jnbatku'p. Jam ja ja'ay tpujta'aky kujxm es yajxón jyájut tugoty, es ko pán tyákat, wa'ats 'yixat. ¹⁷ Es ni tii di'ibu ijtp ayu'udsyu es óknun kyawu'ummat ijxnide'xy, es kyaj jyaadyu ayu'udsyubu di'ibu kyaj yajnijáwut. ¹⁸ Paaty mudowdu yajxón. Di'ibu 'yaxájudap ja tuj'ajtan, Dios yákuu ni'igu winma'añ esu jaygyujkun, per ja ja'ayuty di'ibu myudoodu ja Diosu 'yayuk es kyaj tkuydyundu, Dios pujkudap ja wyinma'añ es ja jaygyujkun di'ibu yu'ujaty myudajttap.

Jesusu tyaak esu myuga'axuty

¹⁹ Ja Jesusu tyaak es ja myuga'axuty jyajttu es kyaj mbaat twinguwa'agadu yu'u, ja'a ko mayja'ayu naty. ²⁰ Es ja ja'ayuty oj 'yawánadu:

—Tu mdaak jya'ty mat ja m'útsyuty tap taja'p, es yu'u m'ixánudap.

²¹ Es ja Jesús 'yadsooy:

—Nidugekyu di'ibu Dios ja 'yayuk myudeepy es pyadiimpy, yu'u da'un n'axájupts éxtumdsu ndaagan es éxtumdsu nmuga'axun.

Jesús dyajmo'oty ja poj es dyajtmijtku ja mejyñ

²² Tu'ugu xuu ja Jesús tyujkudu mat ja 'yuxpajkpu ma ja barku, es 'yanmaayudu:

—Jo'om jam mejyñ ñinaxy.

Es ñujxtu. ²³ Es ko naty ñujxtu kujk'ám, Jesús oj myanaxnu. Es net ti'in myiñ ja muk poj es dya'ujtsta'aya'añ ja barku mat ja nuu es kyínat. ²⁴ Net ja uxpujkratujk dyujxtu ja Jesús es t'anmaaydyu:

—¡Windsún, Windsún! ¡Tyam ngupa'tsta'ayunu!

Net ja Jesús pyade'ky es ja poj es ja mejyñ tmagajxy. Ta oj wyu'amudya'ay amóñ es tamijtka. ²⁵ Net ja Jesús t'anmaay ja 'yuxpajkraty:

—¿Ti tu jyátyuty ja mmabujkan?

Es yu'ujaty da'ñnu wyu'amudyaaydyu es ñay'adsu'kudu es ñayajtájudu nidu'uk nidu'uk:

—¿Pánu da'unu tyadu ja'ay?, ko yu'u t'ane'emy ja poj es ja mejyñ, es myamadóyuty.

Gadaru ja'ay di'ibu myudajtypy ja ka'óbyuty

²⁶ Net jyajttu mejyñbyu'ajp ma Gadaru ñax, di'ibu ijtp Galileu wyinduuy. ²⁷ Ko Jesús pyudseemy ma ja barku, net ñiiniinu tu'ugu ja'ay di'ibu ka'oybyu myudajtypy es jékyup kya'oktsunaayñu tugoty. Jam tsunaay ma o'kpu jutun es jyiky'aty niwa'ats axwa'ats. ²⁸ Es ko t'ijxy ja Jesús, net ñaygyoxtanáaydyáku wyindum es yaxkeky:

—¿Ti mdunaampy mat ujts?, mij Jesús, Dios Tsajpótudu 'yU'unuk. Tunu may'ajtan, kátuts xy'adsipy.

²⁹ Du'an jyunāñ ja'a ko Jesús tu kyéxyaty es pyudsámut ja ka'oybyu mā tadū yedyujk. Kanak ok yu ka'oybyu tu tyuktáky, es ja ja'ayaty kyuwunūdu mā kyū'u es ja tyeky mat ja kadenu. Es yu ka'oybyu yu'u tukprojtup ja kadenu es myuñexyaty mā muj itan. ³⁰ Es ja Jesús dyajtūy:

—¿Ti mxu'ajtypy?

Es yu'u 'yadsooju:

—Hjts nxu'ajtypy Lejyonk*.

Du'an 'yadsooju, ja'a ko may ja ka'oybyu tu tyuku mā yu'u. ³¹ Es yu tadū mujku'u ya'amdooy ja Jesús es kyaj dyajñuxat mā ayoodákn. ³² Es jap wingón 'yjity yu'adsam may es jye'xy mā ja kopk wiin. Es ja ka'oybyu trujktsooy ja may'ajtan mā Jesús es dyaky ja kutujkan es tyákudat mā adsumun. Net ja Jesús tmooy ja kutujkan. ³³ Ja ka'oybyu pyudsamdu mā ja ja'ayun es tyajkadu mā adsumun. Netu tadū adsum ñujxtu jantsy pye'egyu nax jujp'am. Ta kyurūyuknajtū mejjñóty, es jap jyi'xtaaydyu.

³⁴ Es di'ibu kywentu'ajttup ja may adsum, ko t'ijxtu ti tu jyátyuty, net oj pyūy'ktsoondu mat ja tsu'ugu es oj tmadya'aktū mā ja kajpn es mā ja'ayuty di'ibu kamoty. ³⁵ Es ja ja'ayuty tso'ondu es t'ixa'andu di'ibu tu jyátyuty. Es ko jyajtu mā ja Jesús, net Prattu jam ja yedyujk di'ibu tu ñiwa'adsyuty ja ka'oybyu, es 'yu'uñu Jesús wyinduuy yajxon es wjy keje es witxu. Es tsyu'kadyaaydyu ja ja'ayuty. ³⁶ Es di'ibu naty tu t'ixtu, net tmadyaktu w'ix tu ñiwa'adsyudyu tadū yedyujk di'ibu naty myudajtypy ja ka'oybyu. ³⁷ Es mudu tyaadu nidugekyu ja'ay mā Gadaru kajpn tmanu'xtáky ja Jesús es tso'onnat jap, ja'a ko yu'ujuty tsyu'kudu muk. Net ja Jesús tyajku mā ja barku es ñujxnu. ³⁸ Ja yedyujk di'ibu tu myastu'udyuty ja ka'oybyu, net tmanu'xtáky ja Jesús es ñujxat mat yu'u. Per ja Jesús tyukñipjuk es wyu'umut, es 'yanmaayū:

³⁹ —Jumbit. Nujx mā mdujk es xymyadya'agut tugekyu di'ibu Dios tu tuñ mat mijts.

Es ja yedyujk ñujxnu es tmadyaky mā tugekyu kajpn éxtam ja Jesús ttuñ mat yu'u.

Jayru ñiux es ja toxytyujk di'ibu Jesusu wyit tyoon

⁴⁰ Ko Jesús jyajty mā jatū'ugu mejjñbya'a, net ja ja'ayuty oj juyj'yo'oyadu mat ja xondakan, ja'a ko nidugekyu ja'ayuty 'yawixtu naty. ⁴¹ Net myiñ tu'ugu yedyujk di'ibu xyu'ajtypy Jayru, di'ibu ijtp windsún mā ja tsajptujk. Tadū yedyujk ñaygoxtūnaaydyáku Jesús tyeky'ujxy es tmanu'xtáky es ñujxat mā ja tyujk, ⁴² ja'a ko tmudaty tu'uk je'eyu ñiux di'ibu majmajtsk jumajt, es tamū naty tyim'oogánna. Es ko Jesús oj ñeje, net māt ñujxtu mayjya'ay es jantsy adjimiky.

⁴³ Es mā tadū mayjya'ay jap tu'ugu toxytyujk di'ibu myudajtypy ja windaxyu pa'am es tu 'yayoyu naty majmajtsk jumajt, es tu yajmeeñdyúñ mā kudsooyun tugekyu di'ibu naty myudajtypy, es ni pñn kyaya'agudaku. ⁴⁴ Es yu'u ñiwingoon uxku'p tsoo ja Jesús es ñaydyukpatu ja wyit, es netu 'yagudaky.

⁴⁵ Net ja Jesús dyajtūy:

—¿Pánuts tu xytyoñ?

Es nidugekyu 'yanmaayudu:

—Kyaj 'yujtsuty.

Net ja Peedru jyunāñ:

—M'ijxypy ko mayjya'ay m'adjimikyaty, es xyajtúy pñn tu mdóñty.

⁴⁶ Net ja Jesús jyunāñ:

—Tuts xytyondu ja'ay nidu'uk. Nnija'abuts, ja'a ko yu nmuk'ajtanuts tu ya'aguda'agyuty.

⁴⁷ Es ko ja toxytyujk tñija'aju ko Jesús ñija'ap, net myiñ tsuyiipy es ñaygoxtūnaaydyáku Jesús wyinduuy es t'awa'anu mayjya'ay wyinduuy ti ko oj ttoñ, es netu 'yagudaky. ⁴⁸ Net ja Jesús 'yanmaayū:

—Tu m'aguda'aky mat ko tu xymyubeky. Tyam ñujxu net jotkujk.

⁴⁹ Tāmnamū naty 'yakkajxy ja Jesús ko jyajty nidu'ugu ja'ay di'ibu tso'omp mā tyajku Jayru di'ibu ijtp windsún mā ja tsajptujk, es ya'anmaay ja Jayru:

—Tu m'u'unk 'yo'knu. Kādii xyñakyñe'emy yu Windsún.

⁵⁰ Es ko ja Jesús tmadooy, net t'anmaay ja Jayru:

—Katū mlotmay'eeky. Mubujkuts je'eyu esu m'u'unk tsoy'ogut.

⁵¹ Es ko jyajttu mā ja Jayru tyujk, ni pñn tkayajtuk ja Jesús, yu'uyū Peedru es ja Fwank es yu Santya'agu es ja tyaak tyeety ja kixyu'unk o'kpu. ⁵² Es nidugekyu ja'ayuty jyantsyju'uy jyantsy'axtu mat ko ja kixyu'unk tu 'yeeky. Es ja Jesús jyunāñ:

—Katū mnakjyju'uydyu. Yu kixyu'unk kyaj tu 'yeeky. Māap jap.

⁵³ Es ja ja'ayuty je'eyu ttukixky ja Jesús, ja'a ko ñija'adup ko tu 'yeeky. ⁵⁴ Net ja Jesús tku'amumajtsu ja o'kpu es t'anmaay muk:

—Kixyu'unk, pudu'uk.

* 8:30 Ix Markus 5:9.

⁵⁵ Es ja kixyu'unġk jykypyejky jatugok es netu puyde'ky. Es ja Jesús jynáñ es yajmo'oyut ja kyaaky. ⁵⁶ Es ja tyaak tyeety du'ñu wu'umduyaadyu. Per ja Jesús tyuknirpjk es kadiibu pán t'awánut éxtam tu jyaty.

9

Jesús tkexy ja yuxpjkputjk es tkajxwaxtut ja Diosu 'yayuk

¹ Ta ja Jesús dyajnaymyujku nimajmajtsku 'yapóstuluty, es tmooy ja muk'ajtun es yu kutujkun es dyajjuga'agut nidugekyu ka'oybyu di'ibu ja'ay myudajtypy es dya'aguda'agut di'ibu pjkudup. ² Es tkexy es tkajxwaxtut w'ix ja Diosu kyutujkun. Es nandu'un tkejxy es dya'aguda'agut yu puma'ayuty. ³ Es ja Jesús jynáñ:

—Ni ti xykyayajnjxtut di'ibu mndu'uyo'oyduy. Ni mdajk, ni mmorral, ni mgaayñajxuk es kyajpu mmeen xymyujnjxtut. Es yu'uy mwit mmajnjxtap di'ibu mnikujxy es kyaj wiinkpu ja tukni'x xymyujnjxtut. ⁴ Ko mjjatta'agut ma tu'ugu tujk, kyaj mdsounut es mnajxtut wiink tsoo, w'u'umdu extu ko mnajxtut ma wiinkpu kajpn. ⁵ Es ma kyajpu ja'ay myajjatta'agyuty, net mdsoundut ma tadu kajpn es xywyinxittut ja naxjok ma ja mgu'uk éxtamu ixxwu'aman ko du'un wu'umdu pojpu maat.

⁶ Ko Jesús kyajxtaay, net tsoy'ondu yu'ujuty es ñujxtu kajpngajpn es tkajxwa'xy ja oybyu ayuk éxtam ja Jesús tu jynáñ, es dya'aguda'aktu ja puma'ay nidugekyu majaty kajpn.

Fwank Yajnubajtpu 'yeeky

⁷ Es ja gubernador Eroodus tmdooy tijaty ja Jesús tyiimpy, es kyaj tnijawu w'ix dya'itut, ja'a ko jamu ja'ay jyná'andu ko yu'u Fwank Yajnubajtpu ko tu jykyppeky. ⁸ Es nija'ajuty jyná'andu ko yu'u Eliis ja Diosu kyugajxpu, ko tu kyaxe'eky jatugok. Esu wiinkpu jyná'añ:

—Ja'a tu'ugu Diosu kyugajxpu di'ibu jékyu, ko tu jykyppeky jatugok.

⁹ Per ja Eroodus jynáñ:

—Hjts oj nni'ana'amu es yajnbixudu tadu Fwangu kyubajk, zes pánu tadu di'ibu tyiimpy tugekyu di'ibuts uj tyam nmudeepy?

Es ja Eroodus jyottugoooy w'ix t'ixut.

Jesús dyajkáy nimugoxk mil naxy ja ja'ay

¹⁰ Ko jymbijttu ja apóstuluty, net ttukmadyaktu ja Jesús di'ibáty tu ttundu. Es net ja Jesús yajnbixudu ma tu'ugu it di'ibu myuwingon'ajtypy ja Betsaydu. ¹¹ Es ko ja mayja'ay tnija'adu, net tranujxtu. Es ja Jesús 'yaxájudu es tmugajxtu w'ix ja Diosu kyutujkun es dya'agudaky ja puma'aydyujk.

¹² Es ko tsoy'ujunu, ta ñimiinu nimajmajtsku 'yuxpjkputy es 'yanmaayudu Jesús:

—Nayjyugajxudu maat ja ja'ayuty es ñujxnut po'xpu es t'uxta'ayut yu kyaaky majaty tujk es jap kajpnóty di'ibáty wingónuty, ja'a ko yaa ma n'ijtam kyaj tii.

¹³ Es ja Jesús jynáñ:

—Mo'oydu miidsuty ja kyaaky.

Es yu'ujuty jynandu:

—Kyajts ti nmudaty, je'eyu mugoxku tsajkaaky es majtsku ajkx. ¿O mdsejpy es uudsuty najx njúdyuts di'ibu juxtabu tyadu mayja'ay?

¹⁴ Ja'a ja'ayuty nimugoxk mil. Es ja Jesús t'anmaaydu ja 'yuxpjkputj:

—Yajnaxwaatstu ja'ayuty nijustykxymajkátuty.

¹⁵ Es du'un ttuundu es ñaxwa'tstaaydu nidugekyu. ¹⁶ Net ja Jesús t'axaju tadu mugoxku tsajkaaky es majtsku ajkx, es pyat'ijxy tsajwinm es tkuni'xy es tujkwa'xy es tmooydu ja 'yuxpjkputj es dyajwa'xut ma ja ja'ayuty. ¹⁷ Nidugekyu kyaaydyaadyu jotkuda'aky, es ñadujku majmajtsk katsy ja kaydyuk.

Peedru tnigajxy ko Jesús ja'a ja Kristu

¹⁸ Es ma tu'ugu xuu ja Jesús kyajxtáky anaydyu'uk mut ak yu'udyu 'yuxpjkpu. Esu Jesús yajtuujudu:

—¿W'ix ja ja'ayuty jyná'añ ko pánuts uj?

¹⁹ Es ja 'yuxpjkputj 'yadsoodu:

—Nija'ajuty jyná'andu ko mijts Fwank Yajnubajtpu, es wiinkpu junándup ko mijts Eliis, es wiinkpu 'yaktimjuna'andu ko mijtsu du'un tu'ugu Diosu kyugajxpu jékyu di'ibu tu jykyppeky.

²⁰ Net ja Jesús dyajtuuy:

—Es miidsuty, ¿w'ix mjuna'andu pánuts uj?

Es ja Peedru jynáñ:

—Mijtsu du'un ja Kristu di'ibu Dios wyin'ijx es tkejxy.

Jesús tnigajxy ja yo'kun

²¹ Es ja Jesús tyuknirpjk makta'aky es kadiibu pán t'awánut. ²² Es 'yak'anmaayy:

—Tuy'ajtn ɛj, ja Naxwiñadu Ja'ayudyu Kyudanaabyu, n'ayowa'añats muk es ɛj xy'axtija'andats ja mujja'aydyujkaty esu teedywyindsunaty es ja di'ibu tsajptagoty ya'axprijktap, esu ja'ayuts xy'a'oogat es tugakxabajtp jatugok njikyryakudats.

²³ Oknum t'anmaay nidugekyu ja'ayuty:

—Pun jaats pun xpypanjxa'añ, tsojkar es tmastu'udat ja ky'um winma'añ es bom bom jyiky'atāt ɛxtam tu'ugu ja'ay di'ibu kyruuz pyagiipy ko 'yo'kun tninejxy, esuts xpyatsoont. ²⁴ Ja'a ko di'ibu tsyeyjy es jyiky'atāt ɛxtamu ky'um winma'añ o ja ky'ummdsojkan, du'ambu ja'ay nayyajtugodyudap mat ja jyiky'ajtn. Es pun tsyeyjy es jyiky'atāt ɛxtamts ɛj ndukni'ixu, du'ambu ja'ay kyaj ñayyajtugodyudat mat ja jyiky'ajtn. ²⁵ ǂEs ti tyimpatyry otyim di'ibu ja'ayuty oy tjaniwindsun'ajtrɛ tugekyu naxwiñadu, pun nayyajtugooypur ku'um mat ja jyiky'ajtn ma ja Dios? ²⁶ Pun pánuts xytyuktsoyduump es ttuktsoydyuñ ja n'ayúkaty ya naxwiñ pojpr ja'ay wyinduuy, ɛj, ja Naxwiñadu Ja'ayudyu Kyudanaabyu, nan nduktsoydyunats kots nminat jatugok mudu myuj'ajtna nDeedyats esu nDeedyats ja 'yanklusadyu myuj'ajtn. ²⁷ Es n'anmamu tuy'ajtn ko nija'ajaty di'ibu ja yaa kyaj 'yooktat pun kyajnam t'ixy ja Diosu kyutujkan.

Jesús tyugatsy

²⁸ Es ko tyuktujkxabeyty, net ja Jesús pyatujka ma tu'ugu kopk es kyajxta'aga'añ. Es twooy ja Peedru, Santya'agu esu Fwank. ²⁹ Es ko ja Jesús jam kyajxta'aky, net ja wyiin jyujp tyugajtsy es ja wyit jyambijty jantsy wa'ats poop es jyantsytye'xy. ³⁰ Net kyaxe'ky nimajtsku yedyujk myadya'aky mat ja Jesús. Yu'udyu tadu Moisés esu Eliiis. ³¹ Es jyantsyjayy jyantsytye'xy juwadity ma Jesús esu Moisés esu Eliiis, es tmadya'aktu ja 'yo'kunu Jesús ɛxtam 'yayowa'añ jap Jerusalén. ³² Es ni'igu ja Peedru mat ja jyamuyat jyantsyjamaj'ajand. Net t'ijxtu ja myuj'ajtn ja Jesús es ja nimajtskpu ja'ayuty di'ibu naty mat ja Jesús. ³³ Es ko ja nimajtskpu ja'ay jyagamgáknadu ma ja Jesús, ta ja Peedru jyunañ:

—Windsun, oy ko tyam n'ijtam ja yaa. Es ngójudats tugugu axkada'ak tajk: tu'uk mat mij es tu'uk mat ja Moisés es jat'u'uk mat ja Eliiis.

Es ja Peedru kyaj tnijawu di'ibu kyajxypy.

³⁴ Es ko Peedru naty kyajxy, net myiñ ja yoots di'ibu abijtadu, es tsy'n'kadu ko ñay'ijxadu yoodsoty. ³⁵ Net tmadoodu kyajxy jap yoodsoty di'ibu junán:

—Tyaadu ɛjtsu n'U'un di'ibuts njantsytsyeyjy. Mumdowdu yu'u.

³⁶ Es ko da'un kyajxtaay, net t'ijxy ko Jesús jam naydu'uk. Es ni pán wi'ix tka'anmaaydyu ɛxtamu naty tu t'ixta.

Jesús dya'aguda'aky tu'ugu mixy di'ibu ka'oybyu myudajtyry

³⁷ Es jakumbom ko jyunaiktu jam kopkkajxm, mayjya'ay tsoy'ondu es oj jyujp'yo'oyudu. ³⁸ Ta tu'ugu yedyujk myiñ es t'anmaay muk ja Jesús:

—Windsun, tunu may'ajtn. Ixadu n'u'unk, ja'a ko yu'uyuts tu'uk nmudajtyry. ³⁹ Ko yu ka'oybyu tyuktakuty, ta yaj'ya'axyuty, wyijtsxityaty, ya'a'eebyaty, kyujy jyubipyaty es kyaj ñiwa'adsa'añaty. ⁴⁰ Tuts njamunu'xta'aky yu m'axprijkpty es ttukniwa'adsadu tadu ka'oybyu, per kyaj tu tmumada'aky.

⁴¹ Esu Jesús 'yadsooy:

—Ay miidsuty, ja'ayuty di'ibu kyaj jyiky'attu mudu tuy'ajtn es kyaj Dios tmabaktu! ǂExtu nu'uhndu du'un n'aktim'itut mat miidsuty es nmudanudat? Yajmin ja m'u'unk.

⁴² Es ko ja mixy myujwa'ky, net ja ka'oybyu ñaxkujubijpu es wyijtsxijta muk. Per ja Jesús t'oooy ja ka'oybyu es dya'agadaky tadu mixy es ttukudajku ja tyeety. ⁴³ Es nidugekyu ja'ayuty du'añ wyu'amudyaaydu mat ja Dios ja myuj'ajtn.

Jesús tnigajxy myumajtsk ok ja 'yo'kun

Es ko yu'ujaty du'añ wyu'amudyaaydu mat di'ibu naty tyiimpy ja Jesús, ta yu'u t'anmaaydyu ja 'yaxprijkpty:

⁴⁴ —Mudowdu yajxon es jaygyukudu es katu xyja'aydyugodyu tyadu ayuk. ǂjts, ja Naxwiñadu Ja'ayudyu Kyudanaabyu, nyajkyaka'añats ma ja mayjya'ay.

⁴⁵ Es ja 'yaxprijkptyk kyaj tjaygyukudu ɛxtam ya'anmaay es tujptsu'kadu es dyajtawut ɛxtam tu jyuna'añ.

Pán waanu muj

⁴⁶ Net ja 'yaxprijkptyk ñayyajtujudu oga'an pán ma yu'ujaty ni'igu muj. ⁴⁷ Peru Jesús ñija'ap di'ibu naty ja ja'ay wyinmaaydyup, es net tsa'ane'ky tu'ugu ana'ku'unk es trajtáky kujk'aa ma yu'ujaty. ⁴⁸ Ta 'yanmaayudu:

—Pún 'yaxájubu tyadu ana'ku'unk mat ɛjtskyajxm, nandu'anats xy'axaju. Es pánuts ɛj xy'axájup, nandu'un xy'axájudu pánuts ɛj xykyajx. Yu'u pún naybyujtákap ni'igu mutsk ma miidsuty, yu'u itap muj.

Di'ibu kyaj xyñi'o'o xyñiyáxum, yu'u du'un ijtp mat udsajtam

49 Net ja Fwank jyunāñ:

—Windsún, tats n'ixtu tu'ugu yedyujk di'ibu mət mįtsu mħu dyajpadsėmy yu ka'oybyu di'ibu ja'ay myudajtypy. Es nyajkuboįktuəts mət ko kyaj jyuđity mət uđsajtəm.

50 Es ja Jesuđ jyunāñ:

—Katu xyajkubóktu, ja'a ko di'ibu kyaj xymuđsip'ajtəm, yu'u ijtp ti'igyu mət uđsajtəm.

Jesuđ tjuįpkugajxu ja Santya'agu esu Fwank

51 Es ja tiempu wingoombu naty ma ja Jesuđ ņįjxānu tsajpótm. Net tpujtáky ja wyinma'añ mək es ņįjxa'añ Jerusalėn. 52 Es tkeįxy jayujp ja kugajxy es tjuįp'ixut ma tu'ugu samaritanu kajpn, es t'ħxta'ayut yu jajttákn. 53 Es ja samaritanu ja'ayuty kyaj t'axajuyandu, ja'a ko t'ixtu ko ja Jesuđ ņeįxy Jerusalėn.

54 Es ko ja 'yuxpuįkpuťy, yu Santya'agu es ja Fwank, tnija'adu tyaađu, net t'anmaaydyu ja Jesuđ:

—Windsún, ėmdseįpy es nyajnaxkudákum yu ĵnyu'a'ank jam tsajwĳnm es kyutuđóyut tadu ja'ayuty?

55 Net ja Jesuđ 'yįjħmbįjty es t'oodu es tmugajxtu:

—Miits kyaj xyñįjāwudu ti ja'aĵun mmudajttup. 56 Ėįts, ja Naxwĳñudu ja'ayudyu Kyudunaabyu, kyajts tu nmiñ es nyajtugóyudats ja ja'ayuty, ja'ats tu nnimiñ esats nya-įnitso'oga'añ.

Net oj ņįjxtu wiink kajpn.

Pānuty pyatsoonāndup ja Jesuđ

57 Es ko oj ņįjxtu tu'am, ta tu'ugu yedyujk 'yanmaayy ja Jesuđ:

—Windsún, uį ndseįpyuťs mbanįjxa'añ mij ma mįantsytyimneįxy.

58 Esu Jesuđ 'yadsooy:

—Yu wax myudajtypy ja 'yāank, es yu ĵuyujk di'ibu kaagudįtp myudajtypy ja pya'an, per uį, ja Naxwĳñudu ja'ayudyu Kyudunaabyu, kyajts nmudaty mats je'eyu nguabįk nbuįta'agut.

59 Esu Jesuđ t'anmaay jatu'uk:

—Pamiingats.

Es ja ja'ay jyunāñ:

—Windsún, nasmątsugats es nwu'umduťs mudu ndeedyuťs extu ko 'yoogut es nyaj-naxtákudats, es net nbanįjxtu.

60 Es ja Jesuđ t'adsooy:

—Mįj ņįjx kajxwa'x wi'ix ja Diosu kyutuįkūn. Nika'ak yu o'kpuťy. Wa'anu wiink ja'ayuty dyajnaxtákudu. Tyaađu yu'u tyiiimpy di'ibu kyaj jyotmaydyuñuty yu Diosu 'yana'amun.

61 Net 'yanmaayy jatu'ugu ja'ay:

—Windsún, nbanįjxpuťs mij, per nneįxyuťs jawyiin n'oknayjuugajxyuty mądsu nduįk.

62 Esu Jesuđ t'adsooy:

—Pān yajtsajkayuup, tųy tpuįta'agut ja 'yįjħu. Kyaj mbaat 'yįjħmbįty pūn tsyeįpy ja syurku tųy ņįjxtu. Es nandu'an pānats xurpanįjxaamp, yu'u myastuttā'ayup tuđekyu otytim tiity. Es pān kyaj tmastu'udā'añ tuđekyu yu jįjky'ajtun es xurpanįjxudats, kyaj tyuñ ma ja Diosu kyutuįkūn.

10

Jesuđ tkeįxy niduđu'px mąjmaįtsku 'yuxpuįkpuťy

1 Es óknūm ja Windsún Jesuđ twin'įjxy nandu'an niduđu'px mąjmaįtsk ja ja'ay, es tkeįxy nimajtskātuťy es ņįjxtu jawyiin ma tuđekyu kajpn ma Jesuđ ņįjxa'añ. 2 Ta ja Jesuđ t'anmaaydyu:

—May ja ja'ay di'ibu kyajnum t'amudoonáxtu ja oybyu ayuk. Du'an ja'aįty éxtum ja triigu tuumť di'ibu yajpuįkmuįkp, per waanu ja tuumbu. Paąty amdowđu ja Kugam es tkáxtu ja tuumbu esu ja'ay ttukniĵāwudut ja oybyu ayuk.

3 Tyámats miits ngaxā'añ es ņeįx xkyajxwa'xy. Es ixtu yajxón ko du'an éxtum ja borreegu 'yity tsiťoty ma ja waxka'ukūn, miidsuty nandu'an xurpaada'andu ja ja'ayuty di'ibu kyaj m'axajyua'ānudu oy. 4 Katu xymuunįjxtu mbįjñ, ni mmeėñdyujk, ni mgaayñajħuk es ni wiinkpu mgu'uk. Katu mwa'k'āwudu es xkyajxpe'xy ja ja'ayuty di'ibu mbáttup tu'agy. 5 Es ko mdákut ma mmo'oyuty ja ja'ay yu jajttákn ma tu'ugu tuįk, jawyiin xy'anūmāt: “Jotkuįk ma tyadu tuįk.” 6 Es pūn ja kudųk m'axájpu yajxón, Dios kunu'ħudup. Es pūn kyaj, katu xy'amdoį ja Dios es kyunu'ħudut. 7 Ma m'axájuty yajxón, wu'umdu ma tadu tuįk es kay uuktu di'ibu mmooyudup, mət ko pānuty kyajxwa'xyru yu n'ħpuįkūnats, nandu'an pyaadyuty ja ka'ay ukūn éxtum jyunā'añ ja ayuk: “Yu tuumbu páťup ja myuĵu'uñ.” Katu mįđity tuįkmdųjkm. 8 Es ko mĵa'tut ma tu'ugu kajpn ma m'axájudu, ju'xtu di'ibu myajmooydyup. 9 Ya'aguda'aktu di'ibu puįkup ĵap, es anūmā: “Tu wyingóñ ja Diosu kyutuįkūn ma miidsuty.” 10 Es ko mĵa'tut ma tu'ugu kajpn ma kyajpu ja'ay m'axájudu, pudsūmdu tu'agy es anūmādu:

11 “Extu naxjok di'ibu yaa ma mgajpn tu pyety madsu ndekyan, nwinxítupts. Per nijáwudu ko wyingón ja Diosu kyutujkan.”

12 Es ja Jesús t'anmaaydu ja 'yuxpajkputy:

—N'anamudu miidsaty ko ja tiempu tpaadut ma ja ja'ay yajpayo'oydyut, ja Dios yakaampy ni'igu ja tudydu'unun ma tada kajpn kadiinam ma Sodomu ja'ayaty.

Kajpn di'ibu kyaj jyodumbittu

13 Puroobu mijts Korazin kajpn, es puroobu mijts Betsaydu kajpn, ja'a ko pun ujtšxyup nbajtákyu ma Tiru kajpn esu Sidón kajpn yu maj'ajtan éxtum ma miidsaty, tada kajpn jékuyxuyup dya'ixyuty ja jyotmay mut ja pyojpakyujxm es jyodumbijtxuyup mut ja Dios. 14 Paaty ko tpaadut ja tiempu ma ja ja'ay yajpayo'oydyut, miidsaty m'axájup tu'ugu tudydu'unun waanu muk es kadiinam dyu'unaty ma Tiru es ma Sidón. 15 Es mij Kafarnaum kajpn, di'ibu naybyujta'agánup muj kajxm extu ma tsajpun, Dios yu'u mbujta'agudap ma ayoodákn.

16 Net ja Jesús t'anmaay ja 'yuxpajkputujk:

—Pun myubejkyu ja ja'ayaty éxtum miits xykyajxwá'xtu, uj xymyubujkputs nandu'un. Es pun kyaj m'axájuty miidsaty, nan kyajts uj xy'axaju es nan ni ja'a pánuts xykyajx.

Jyumbittu ja nidugu'px majmajtsku uxrajkputy

17 Oknam ko ja nidugu'px majkpu uxrajkpu jyumbijnudu, jyantsyxyondaktu es t'awa'anudu ja Jesús:

—Windsán, extu ja ka'óbyuty tu xymyamadówduts mut mijtskyujxm.

18 Netu Jesús t'anmaaydu:

—Uj tats n'ixy ja mujku'ugópk Satanás kya'ay tsajwinm éxtamu judsukan. 19 Uj tats nyaky yu muk'ajtan mut miidsaty es oy xytyuktaanut yu tsa'añ es yu ja'ybyu'uk es xymyumada'agut ja madsip Satanás mut tugekyu ja myujaa, es kyaj mbaat w'ix mdúñuty. 20 Per katu mxonda'aktu je'euy ko yu ka'óbyu tu mmamadówudu, ni'igu xonda'aktu mut ko yajkuja'ayun ja mxujuty jam tsajpótum.

Jesús xyonda'aky

21 Es netyu ja Jesús jyantsyjoyotkujkadyaay mut ja Espírítu Santu es kyajxtáky:

—Tatu, n'awdajtypyuts mijts di'ibu Windsán'ajtp tsajpótum es ya naxwíñ, ja'a ko ja ja'ay di'ibu ijtup éxtamu u'unuk ana'kuty tu xytyuk'ixy xytyuknijawu di'ibu mdukwinguyu'ts di'ibu junándap ko yu'ujuty wijy kejyuty. Es jantsy oy, Tatu, ko du'un tu xytyuñ éxtum mij xytsyekyan.

22 Es ko du'un kyajxtaktaay, net t'anmaay ja 'yuxpajkputujk:

—Yu nDeedyats tu xymyoodya'ayuts tugekyu. Ni pán tka'ixy'aty ja nDeedyats, ujts je'euy, ja'a 'yU'unuk. Es ni pánuts uj xykyax'ixy'aty, yu'uyudsu nDeety es ja ja'ayuty di'ibuts uj tu nnaaydyuk'ixyuty ma yu'ujuty.

23 Net ja Jesús twin'ijxpajttu ja 'yuxpajkputujk es t'anmaay ak yu'ujuty:

—Kuni'xy miidsaty di'ibu ijtup tugekyu tyaadu. 24 Ja'a ko may ja Diosu kyugajxpu es ja réyuty di'ibu jékuyup, jya'ixandu di'ibu miits tyam m'ijxtup, es kyaj t'ijxtu, es nandu'un tjamudowandu di'ibu miits tyam mmudoodap, es yu'ujuty kyaj tmudoodu.

Samaritanu oyjya'ay

25 Tu'ugu di'ibu tsajptugóty ya'uxrajkp pyade'ky es oj tmagajxy ja Jesús es dyajka'aja'añ. Ta dyajtuy:

—Ya'uxrajkpu, ¿tits ndúnup esuts nbaadut ja njiky'ajtanuts winu xuu winu tiempu?

26 Net ja Jesús 'yadsooy:

—¿Ti jap ijtup kaxja'ay ma ja Moisesu 'yana'aman? ¿Wi'ix xykyajxy?

27 Es ja di'ibu tsajptugóty ya'uxrajkp 'yadsooy:

—Mdsókup yu mWindsán Dios mut tugekyu m'ot mja'ajun, mut tugekyu m'anmaja'an, mut tugekyu mmujaa, mut tugekyu mwinma'añ, es nandu'un mdsókup ja mmudujkpa'a éxtum mij ku'am mnaydsyékyuty.

28 Net ja Jesús jyunañ:

—Tu yajxón m'adsoy. Pun mdiimpy du'un, mmadátup ja jiky'ajtan winu xuu winu tiempu.

29 Ta ja di'ibu tsajptugóty ya'uxrajkp naypyujta'agánup éxtum ja'ay di'ibu jiky'ajtp tuj'ajtan muut, es dyajtuy:

—¿Pánuts uj nmudujkpa'a'ajtypy?

30 Net ja Jesús 'yadsooy:

—Tu'ugu yedyujk winjunajkp ma ja tu'ujun di'ibu nujxp Jerusalén extu kyada'aky Jerikoo. Es myajtsudu ma'tspu es pyujkadyaayudu tugekyu di'ibu naty myudajtypy, es extu yu wuyt, es yajkepywejpy, es ñikákuu éxtamu o'kpu. 31 Es net tu'ugu teety ñajxy ma tada tu'u. Es ko oj 'yixyuty, net ñayo'oyu. 32 Oknam myiñ tu'ugu levitu di'ibu myudiimpy ja teety es ñajxy

mā tadā tu'u, es ko oj t'ixy, net nandū'an tnayo'oy. ³³ Per óknām myiīn tu'ugu samaritanū jā'ay di'ibū jūdiġtp mā nandū'unū tadū tu'u. Es ko t'ixy, net māk tġ'ajū es tpa'ayooy. ³⁴ Net tmawingoōn ja yedyujk es dyajtsoybyejty ja tsyayut māt ja aseytū oliivū es ja vinū, es t'adsiimy. Net dyajpejty mā kyū'am jūyujk di'ibū naty tyuk'uñāapy, es dyajjajty mā tu'ugu jājtākū es jap tkwentū'ajty yajxón.

³⁵ 'Es jakumbom ko ja samaritanū jā'ay tsoy'onnū, ta tju'ty majtsku myeēn es tmooy ja kudujk di'ibū mā jājtākū es t'anmaāy: "Kwentū'atū tyādū yedyujk, es pūn m'ak'yajmeeñdyuump, ūjts mij nmūgubātūp kots njūmbitūt."

³⁶ Net ja Jesús dyajtūy ja di'ibū tsajptūgōty ya'uxpūjkr:

—ġPānū tyādū nidūgūukpū mjūnāamp ko yū'u tmūdūjkpa'ajty di'ibū majtsū tadū ma'tspū?

³⁷ Ta ja di'ibū tsajptūgōty ya'uxpūjkr 'yadsooy:

—Ja di'ibū myūdajt ja pa'ayo'on māt yū'u.

Net ja Jesús jūnāñ:

—Nūjx mij es xytyūnūt nandū'un.

Jesús mā tyujkū Martū esū Mariū

³⁸ Es ja Jesús dyaj'yo'oy ja tyu'u es jyajty mā tu'ugu kajpn. Es jap tu'ugu toxytyujk di'ibū xyū'ajtypty Martū, es 'yaxajū mā tyujk. ³⁹ Martū tmūdaty tu'ugu myūga'ax di'ibū xyū'ajtypty Mariū. Es yū Mariū nāxwe'tsy Jesús tyeky'ūjxy es tmūdoo'ijty ēxtūm jūnā'añ. ⁴⁰ Es ja Martū kyā'awaādsaty māt ja tyuunk tnimiīn ja Jesús es t'anmaāy:

—Windsūn, ġkyaj xy'ixy ko yū Mariū xytyukmū'ixūts naydyu'ugu tyādū tuunk tūgekyū? Anūmū esūts xpyūdūkūt.

⁴¹ Es ja Jesús 'yadsooy:

—Martū, Martū, nūgoo m'oktuunnū jottūgoy māt mayū mduunk. ⁴² Je'eyū tu'uk mdūgoy'ajtxaty. Yū Mariū tū twin'ixy yū oybyū, es kyaj pūn pyujkxādūt.

11

Kajxtākūn

¹ Tūgok ja Jesús kyajxtāky mā tu'ugu it. Es ko kyajxtaktaāy, net tu'uk 'yanmaāyū ja 'yuxpūjkrū:

—Windsūn, tukni'ijxūgūts w'ixūts ngajxtā'agūt, dū'un ēxtūm ja Fwank ttukni'ijxū ja 'yuxpūjkrūty.

² Esū Jesús jūnāñ:

—Ko mgajxtā'aktūt, dū'un mjūnā'andūt:

Tatitū'unk, wa'an nidūgekyū jā'ay mwindsū'ugādū es m'awdātādū.

Mīn mijts es myajkutūkūt ja yā naxwiīn.

³ Es dū'āñūmts xymyo'oydyūt di'ibūts njū'xtūp.

⁴ Es xymyā'xādūts ūdsūdyū nbojptūy,

ēxtūmts ūdsūty nandū'un nma'xtū di'ibūts axūk tū xytyundū.

Es kudii xyajkutūky es ja ka'oybyū t'ixūt w'ixūts xyajpekytyūnūt.

⁵ Jesús nandū'un jūnāñ:

—Pūn nidū'uk miīdsaty myūdajtypty tu'ugu mātnaymyaayūbū, es tsū'pūn űjxy mā tyujk es t'anūmū: "Mūgū'uk, tuk'anū'xkūts tūgūgū mgaaky. ⁶ Yū'u tū jya'ty tu'ugūts ja nmātnaymyaayūbū di'ibū vyajūtuump, es kyajts nmūdaty tūts ndukjū'xūp." ⁷ Es 'yadsoy di'ibū tūgoty: "Kātūts xyñ'emy. Tūdsū ndūjk nyā'adūjkūnū es n'u'ungūts tyāmūts mūāt nmā'adū. Kyajts mbaāt nūbūde'eky es nmo'oyūt tii."

⁸ Esū Jesús t'anūmūdyū ja 'yuxpūjkrūtyujk:

—Njūnā'āñūts ko oy ja'ijty kyapūdyū'uga'āñ māt ko tmātnaymyaayūbūty, extū ko pyūdū'ugūt es tmo'oyūt tūgekyū di'ibū tsyejpy kudiiū 'yak'yajna'amūt. ⁹ Es dū'un ēxtūmts njūnā'āñ: Amdowdū Dios, es mmo'oyūdūt; xū'tā'aydyū, es xypyaātūt; kugajxādū mā tūjk āā, es myā'awātsxūdp. ¹⁰ Ja'a ko di'ibū 'yamdeery, 'yaxājūp; es pūn 'yuxtaapy, pyatypy; es pūn kugajxūp, ya'awātsxūp ja tūjk āā.

¹¹ 'Es miīts u'unkteedyty, ġtū mmo'oydyūp ja tsā'āñ ja m'u'unk ko m'amdōwūdūt ja ajkx?, ¹² o ġtū mmo'oydyūp tu'ugu jāybyū'uk ko m'amdōwūdūt ja tuttsāā? Kyaj, kudii. ¹³ Miīdsaty oy mbojry jā'ayty, mnūjā'ādūp di'ibū oy es xymyo'oyūt yū m'u'ungūty. Es nik ni'igū ja mDeedyū tsajpōtmūdyū tuknīgāxūdp yū Espīritū Santū di'ibū amdoojūdp.

Jesús yajnigajxy ko dyajtūn ja mūjku'ugōpku kyutujkūn

¹⁴ Es óknām ja Jesús dyajpūdsēemy tu'ugu ka'oybyū di'ibū naty yū jā'ay ya'ijtypty uum. Es ko ja ka'oybyū tmastūty ja jā'ay, net oj kyajxe'eky. Es ja jā'ayaty dū'āñū wpyūmūdyaydyū mūdū taadū. ¹⁵ Es nūjā'ajty ja jā'ay jūnāndū:

—Tyādū jā'ay yajpūdsēemy ja ka'ōybyūty māt ja myūk'ajtūn ja mūjku'ugōpk Belzebū.

¹⁶ Es nija'ajuty di'ibu 'yixándap t'amdoodu ja iixw'u'amanu mujpu di'ibu tsajpótm. ¹⁷ Es ja Jesús nija'ap di'ibu naty ja ja'ay wyinmaayduy, net t'anmaay:

—Oytyim di'ibuty yu kutujkan di'ibu naywya'xap es tsiyptundu tuk magu'uk, du'an ñayajkutugóyudu. Es pun tu'ugu jiky magu'uk ñaywya'xudu es tsiyptundu ak tukka'axaty, nandu'an ñayajkutugóyudu. ¹⁸ Es nandu'an pun naywya'xap ja mujku'ugórk Satanás esu myumajku'ujuty majts peky, žwi'ix mbaat jyeky yu kyutujkan? ŽEs wi'ix mbaat miits mjana'andu kots uj nyajpudsémy ja ka'oybyu mat ja Belzebuu kyutujkanu? ¹⁹ Es pun tų'ajtan éxtam mjana'andu kots uj nyajpudsémy ja ka'óbyuty mat ja Belzebuu kyutujkan, žti kutujkan myudajttap miidsu m'uxpjkpudy es dyajpudsámdu yu ka'oybyu? Paaty ka'am yu m'uxpjkpudy dya'ixyuty ko miits mgajxtugóyudu. ²⁰ Per pun ujts mat ja Diosu myu'ajtan nyajpudsémyats ja ka'óbyuty, tu naty ya'ixy ko tu jya'ty ja Diosu kyutujkan ma miidsuty.

²¹ Ko tu'ugu yedyjku mukpu 'yity kudsu'ugu es tkwenta'aty ja tyujk, kyaj wi'ix jyátat ja pyujke'eky. ²² Es pun miimp jatu'uk waanu mukpu di'ibu yu'u mameda'agudap, pjkudy'ayudap tugekyu di'ibu tyukkuwaampy es tyukjotkujk'ajtypy, es dyajwa'xat di'ibu tu pyujkuty.

²³ Di'ibu kyaj 'yity mat uj, yu'udsu naty xmyudsip'ajtp, es di'ibu kyaj dyajmiky mat ujan, yu'u naty 'yuxka'tsypy.

Ka'oybyu di'ibu jatugok jumbijtp

²⁴ Ko tu'ugu ka'oybyu pyudsemy ma tu'ugu ja'ay, net jyadity ma muj itan es t'uxta'ay ma pyo'xat. Es ko kyaj tpaaty, net jyuna'añ: "N'okjumbityats jatugok es nduktákduts ma tadu ja'ay." ²⁵ Es ko jyumbity, ta t'ixy ja ja'ay éxtam tu'ugu tujkan oydyuñ. ²⁶ Net dyajmiñ janjuxtujkpu myuga'óbyuty waanu axuukpu, es mat yu'u tyuku es tsyuanu ma tadu ja'ay. Du'an tadu ja'ay oj wye'emy waanu axuuk es kyaj éxtamu naty.

²⁷ Es ma ja Jesús du'an jyunañ, tu'ugu toxytyujk ma ja ja'ayuty yaxkeky:

—jKuni'xy di'ibu tu myajja'tyuty es myajtsi'tsu!

²⁸ Es ja Jesús jyunañ:

—Ni'igu jyotkujkuty di'ibu myudoodap éxtam ja Dios jyuna'añ es myumadoodap.

Jesús ya'amdooy es dya'ixudat tu'ugu muj'ajtan

²⁹ Es ko ja ja'ayuty 'yaknaymyúkadu ma Jesús, net ja Jesús jyunañ:

—Yu ja'ayuty di'ibu tyam jiky'ajttap, yu'u axuk ja'ayuty es t'amdowdu yu iixw'u'aman di'ibu myudajtypy ja muj'ajtan. Per kyaj yajmo'oyat ja wiinkpu iixw'u'aman, je'eyu éxtam 'yijty ja Jonás, Diosu kyugajxpu. ³⁰ Paaty du'an éxtam ja Jonás oj ya'ixy es yajniija'aju mat ja ja'ayuty di'ibu jittu jap Ninive, nandu'an uj, ja Naxwiñudu ja'ayudy Kyudunaabyu, n'itá'añuts éxtam tu'ugu iixw'u'aman mat ja ja'ayuty di'ibu tyam jiky'ajttap. ³¹ Es ko ja'ay yajpayo'oydyut, yu toxytyujk di'ibu jékyup yajkutujk ma jumboj myiñ, jikyryukaamp ti'igyu mat ja ja'ayuty di'ibu tyam jiky'ajttap es yu'u dyajniğaxu'ugut ko pekymyut di'ibu tyam jiky'ajttap, ja'a ko yu'u jagam tsyooñ es tmdowa'añ ja rey Salomonk ja kyajxwjuñ. Es taa ja yaa tu'uk di'ibu myudajtypy ni'igu ja muj'ajtan kadiinam ja rey Salomonk. ³² Es ko ja ja'ay yajpayo'oydyut, ja ja'ayuty di'ibu jékyup jittu jap Ninive kajpn, nandu'an jyikyryúktat ti'igyu mat di'ibu tyam jiky'ajttap, es yu'ujuty nandu'an dyajniğaxu'ugudat ko pekymyut ja ja'ay di'ibu tyam jiky'ajttap, ja'a ko yu'u Ninive ja'ay tmdoo'ittu ja Jonás ja 'yayuk es jyodumbijttu. Es taa ja yaa tu'uk di'ibu myudajtypy ni'igu ja muj'ajtan kadiinam ja Jonás.

Lampru éxtamu ixpajtan

³³ Ni pán tkayajtoye'eky tu'ugu lampru es tkujiidsut. Yu'u yajpujtákr kajxm es jyájut muk jap tugoty es di'ibu tujkup wa'ats 'yixat. ³⁴ Es pun ja uxpujkan di'ibu m'axájup oy yu'u, yajwa'adsup tugekyu mjot mwinma'añ éxtam ja oybyu lampru tkude'xy tugekyu ja tujk es wyu'umut wa'ats. Per pun ja uxpujkan di'ibu m'axájup axuuk yu'u, ya'axuugup tugekyu mjot mwinma'añ éxtam tu'ugu lampru axuukpu di'ibu kyaj mbaat yajxon kyude'xy. ³⁵ Paaty éxkam es kadiibu tadu uxpujkan di'ibu m'axájup jyátat éxtam ja lampru axuukpu es ma'at. ³⁶ Wa'an twe'emy éxtam ja lampru di'ibu wa'ats es oy, mat ko du'an yu mwinma'añ wyu'umda'ayut wa'ats es oy, éxtam ko ja oybyu lampru tkude'xy tugekyu ja tujk es kyaj wye'emy ni ti kugoots.

Jesús tnigajxy ja fariseeuty es di'ibu tsajptugóty ya'uxpjktp

³⁷ Es ko ja Jesús tmugajxtaay, net tu'ugu fariseeu wyooju kaabyu, esu Jesús tyujku jap tugoty es ñaxwe'tsy meesu winduuy. ³⁸ Es ja fariseeu muk tja'aju ko t'ixy ko Jesús kyaj tkuyduyñ ja fariseeu kyostumbru ko kyayduy koonam wa'ats wa'ats kyabujtu. ³⁹ Es ja Windsán Jesús jyunañ:

—Miits fariseeuty xyajwa'atstu wingujxy yu mvasu es yu mdexy. Es nandu'an miits mdsi'i mxatstu es mnaywyítadu yajxon es du'an mguxu'uktu mnikujxy tsuj. Per mjodoty mnaywyinnaxuj'a'ap es mmaadsaamp esu axuukpu mwinma'añ xymyudattu. ⁴⁰ jKujuanuty

miidsuty! Ķkyaj xynijāwada ko di'ibu tu dyajkoj wingujxy nanda'un jodoty dyajkojy?
⁴¹ Mādunda miidsuty ya Dios mat winu mjot, es du'un tugekyu wya'umda'ayut wa'ats.

⁴² Purooba miits fariseeuty, ja'a ko miits myojxtap yu xu'uk es yu ruuda es tugekyu aay uits, es kyaj xykyuudyunda extam tyu'ajtnaty es nan kyaj xytsyoktu ja Dios. Jawyiin toktu Dios es xykyuudyunat di'ibu yajnigutujkap es oy nanda'un xytyukwinyóxtat.

⁴³ Purooba miits fariseeuty, ja'a ko m'u'uhaya'andu jap tsajptagóty ma oybyu uñaa'yajin, es myajkajxpo'xa'andu tu'aay mat ja windsu'kan. ⁴⁴ Purooba miidsuty, ja'a ko du'un m'ittu extam ma tu'ugu o'kpu tu ñaxtaku es kyaj ya'ijxwa'umda, es ja ja'ay ñaxtu nikajxy es ni tkanijāwada ko jap ja o'kpu.

⁴⁵ Net 'yadsooy tu'ugu ja'ay di'ibu tsajptagóty ya'uxpajkrap:

—Ya'uxpajkrap, ko du'un tu mjuna'añ, xywyngajxprajtrats nanda'un uudsuty.

⁴⁶ Es ja Jesús jynañ:

—Purooba nanda'un miits di'ibuty tsajptagóty ya'uxpajkrap, ja'a ko xytyuksamu'aktu tsemy ja ja'ay di'ibu kyaj tmamada'agut, es miidsuty ni je'eyu mguwa'xypy xyky-atukpudaku. ⁴⁷ Purooba miidsuty, ja'a ko myajkojtap ja o'kpu kyupotsy ma yajnaxtaku ja Diosu kyugajxpu di'ibu m'aptujk ya'o'ktu. ⁴⁸ Du'un yajjaygyúku ko miidsuty ti'igy mat di'ibu tyuunda ja m'aptujkaty. Yu'ujuty dya'o'ktu ja Diosu kyugajxpraty es miits xya'óyudu yu kyupotsy. ⁴⁹ Paaty ja Dios tu jyuna'añ mat ja wyijy'ajtn: “Ngaxupts ja ngugajxyuts es yu n'apóstaluty, es nija'ajuty xypajadittat es nija'ajuty xya'ooogut.” ⁵⁰ Es ja ja'ay di'ibu tyam jiky'ajttap, ja Dios 'yamdeepy es xykyubáttat ja ñe'pyñ ja Diosu kyugajxpu di'ibu ya'o'ktu extu ma naxwiñudu tsyondaky, ⁵¹ extu Abelu ñe'pyñ extu jabaat ma Zakariisu di'ibu ya'o'ktu muj tsajptujk winduuy es artal uxku'uy. Paaty nanda'un n'anuumu ko ja Dios ttukkumadowa'anat yu ja'ay di'ibu tyam jiky'ajttap nidugekyu ja Diosu kyugajxpu di'ibu ya'o'ktu.

⁵² Purooba miits di'ibuty tsajptagóty ya'uxpajkrap, ja'a ko tu xyja'abeky ja awatsn di'ibu ya'awatsypy ma ja'ay tmamadowda ja Diosu 'yayuk. Ni miits mgatákudu es xya'aduktu pánuty jatukayándap.

⁵³ Ko ja Jesús tso'onnu, net ja fariseeuty es ja di'ibuty tsajptagóty ya'uxpajkrap jyantsyiyot'ambujktu waanu ni'igu mat yu'u, es oymyaaty dyajtnuy kanak nax, ⁵⁴ es t'uxta'ay ja winma'añ wi'ix dyajka'ajut es tni'uumat.

12

¹ Es waanu ni'igu ja'ay jyantsyñaymyujkudu kanak mil es jyantsyñay'adijmujkunudu es ñaydyukta'anunudu. Es ja Jesús t'anmaay jawyiin ja 'yuxpajkpraty:

—Naygywentu'átudu miidsuty es kudiibu mnaydyuk'ya'axaugudat mat ja fariseeudyu lyevaduuru, di'ibu 'yandijpy ja wyinma'añ extamu ja'ay di'ibu nay'andijudap jyiky'attu tui'ajtn muat. ² Tugekyu di'ibu ijtp yu'utsy tyam, óknam yajpraadat. ³ Es di'ibu tu xykyajxy ayu'udsyu koots, yajnija'adyaary xuuñ ma nidugekyu ja'ayuty.

Pún yajtsu'ugup

⁴ Miits mugu'uktujkaty, tyam n'anuumudu ko kyaj xytsyu'ugudat di'ibu nini'x ya'e'kypy es óknam kyaj mbaat ti tnakytyuñ. ⁵ N'anuumudu di'ibu mdsu'ugudap: tsu'ugudu Dios di'ibu ko tu trajku ja ja'ayu jyiky'ajtn, myudajtp ja kutujkun es pyujta'agut ma ja ayoodákn. Tay'ajtn, tsu'ugudu yu'u.

⁶ Tyo'ktap ja ja'ay mugoxk ja joonu'unk mat majtsku meeñu'unk, Ķkudii? Es ja Dios kyaj tja'aydyugóy ni tu'uk yu taadaty. ⁷ Katu miits mdsu'ugudu. Dios ni'igu miits mdsókudu kudiinun mayu joonu'unguty. Pes extu mwaay Dios ya'ijtpy madsyoy.

Pánuty ja Jesús yuxkajtp mayja'ayóty

⁸ Es n'anuumudu ko nidugekyu ja'ayuty di'ibuts xy'axájup extamu wyindsanun ya mayja'ayóty, uits, ja Naxwiñudu ja'ayudyu Kyudunaabyu, nanda'unats n'axaju yu'ujuty ma ja Dios 'yity mat ja 'yanklas. ⁹ Es di'ibuts kyaj xy'axaju mayja'ayóty ya naxwiñ, uj kyajts n'axaju nanda'un ma ja Dios 'yity mat ja 'yanklusuty. ¹⁰ Es oytyim pánuty di'ibuts uj, ja Naxwiñudu ja'ayudyu Kyudunaabyu, xykyajxprát axuuk, mbaat yu'u yajme'xy. Per di'ibu myu'udageepy myugajxtugeepy ja Espiritu Santu, yu'u mat ñaybyektyúkadat es ni na'a Dios kyapojpama'xudat.

¹¹ Es ko ja ja'ayuty myajnujxudat ma ja teedyuty, o ma ja justisuty, o ma ja di'ibu ni'igu myájuty ja kyutujkun, katu mnaydyukjotmaydyuñuty wi'ix m'adsówat o wi'ix mjuna'anat, ¹² ja'a ko yu Espiritu Santu yu'u mmo'oyudap ja ayuk wi'ix mjuna'anat.

Kudsu'ugu ja mukja'ay'át

¹³ Net tu'ugu ja'ay t'anmaay ja Jesús:

—Ya'uxpajkrap, anuumats ja nmuga'ax es dyajwa'xat ja kuma'añ esuts xymyo'oyut di'ibuts uj xyryatp.

¹⁴ Es ja Jesús 'yadsooju:

—Mexy, z'pánats uj tu xypyujta'aky éxtamu fwezán o di'ibu yajwá'xup ja kumá'añ?

¹⁵ Nandu'an ja Jesús t'ak'anmaaydu ja ja'ayuty:

—Ixtu es naygywentu'átudu miidsuty es katú xy'adsoktu ni tii, ja'a ko kyaj ja'ay yu'uyu t'itmtukjiky'aty ko mayu pyujta'aky t'udaty.

¹⁶ Net ja Jesús t'rajtáky tu'ugu i'xpajtun:

—Tu'ugu yedyujk mukja'ay 'yijty. Yu pyujta'aky jantsy wyinduu. ¹⁷ Ta ja mukja'ay ja wyinma'añ dyaj'yo'oy: “¿Tits ndúnup? Kyajts nmudaty mats nbujku'ugudu tyadu puja'aky.”

¹⁸ Es dyaj'yo'oy ja wyinma'añ, ta jyunáñ: “Tuts nnijawu tits ndúnup. N'ok'yajpude'egyudsu tyadu ndsa'xuts es ngójudats waana muj. Es jápats nbujku'kta'ayut tugekyu di'ibuts tyam tu nyajpude'eky es tugekyu di'ibuts nmudajtypy. ¹⁹ Nétats nnay'anuumadut: Mmudajtypy may pajke'eky di'ibu myajtúnup kanak jumujt. Po'x. Kay uuk. Jotkujk'át.” ²⁰ Peru Dios 'yanmaayu: “¿winma'añdyúk! Tyadu ux m'ooga'añ, es di'ibu mmudajtypy pajke'eky, z'pán myawu'umap?”

²¹ Es ja Jesús 'yakjunáñ:

—Es du'an jyátut ja ja'ayuty nidugekyu di'ibu pyujta'aky ñipujkajttap kyua'm oy'ajtunguyjxm, per kyaj t'ni'pajk'páttu ja oy'ajtan ma Dios.

²² Oknum ja Jesús t'anmaay ja 'yaxpajk'páty:

—Paaty n'anuumadu miidsuty, katú xywyinmaydu di'ibu mju'xtup es di'ibu mwit'áttup.

²³ Pes mat yu'uyu yu mjiky'ajtan es yu mnini'x di'ibu Dios tu mdukmay'átyuty, yu' du'an ni'igu oy kadiinam ja mje'xy mbeky esu mwit mnijam. ²⁴ Ixtu jeeky. Kyaj ñi'iptu es kyaj tsyiktu es kyaj t'udattu tsya'x es wi'ix ja Dios myo'oyuty ja jye'xy. ¿Es miidsuty ni'igu mjantsyayjtsókta kadiinam jeegyuty! ²⁵ Ni pún miidsuty mbaat kyaj ñayyajiky'átyuty waana jeky, oy muk mjanayjotmaydyuunabu. ²⁶ Es pún kyaj mbaat xytyundu tadu di'ibu waana, ¿ti ko mnayjotmaydyuunadu mat ja wiinkpu?

²⁷ Ixtu wi'ix yon ja puuj. Kyaj tyundu es kyaj tyá'aktu. Per n'anuumu ko ni ja rey Salomon mat tugekyu tsuy'ajtan, kyaj dyu'anutu éxtam yu'u. ²⁸ Es punu Dios yajpipy yu puuj di'ibu pi'tsp pojan es jakumbom yajno'knu, ¿ti ko kyaj xymyubaktu es adsajtam yu'u xywyitxum? ¿Ti ko miidsuty je'eyu waanu xymyubaktu? ²⁹ Katú mjotmay'ooktu es katú xy'axta'aydu tu mju'xtup es ti m'uuktup. ³⁰ T'uy'ajtan ko yu ja'ayuty di'ibu kyaj t'udúñ ja Dios, yu'uyu sitay naydyukjotmaydyuunup tugekyu tyaaadu. Per miidsuty katú du'an xytyundu, ja'a ko Dios Teety yu'u mDeety'ajttap es yu'u ñija'ap ko mdagoy'ajtxubu tyaaadu. ³¹ Naydyukjotmaydyuunadu miidsuty es mjiky'áttut éxtam ja Dios dyajkutíky, es net yu'u mmo'oyadut tugekyu di'ibu mdagoy'ajtxup.

³² Katú mdsu'ugadu. Ujts miits ngwentu'áttup éxtam ja borreegu kwentu'ajtpu tkwenta'aty ja byorreegu. Nandu'an yu Dios Teety 'yoyjya'ap es myajnajxadut ma yu'u yajkutíky.

Pujku'uktu ja m'oy'ajtan tsajpótm

³³ Tooktu di'ibu mmudajttap, es mo'oydu di'ibu t'ugoy'ajtxup; tukjottugoydu abujkun di'ibu ni wi'ix kyajátut, ja oy'ajtan jam tsajpótm, ma kyaj tyáktut ja ma'tspu es ni tii di'ibu yajwindugóyup. ³⁴ Mut ko ma xymyudaty pajke'eky yu m'oy'ajtan, nan japu mjot mwinma'añ 'yity.

³⁵ Nayjyajp'ixudu mat ja mlampru es xyajtóyut. ³⁶ Du'an éxtamu po'oduumbu di'ibu 'yawijxpy yu wyindsún ko jyambítut ma tu 'yotsy pajkpu nigaabyu, es netyu dya'awa'adsut ja tujk aa ko kyugajxat. ³⁷ Jotkujk yu po'oduumbu di'ibu ja wyindsún pákup wijy ko jya'tut. T'uy'ajtan n'anuumadu ko ja wyindsún dyajnaxwaadsut ma ja meesu es twingu'uyut es dyajkáyut. ³⁸ Es oy jya'tut tsu'pyn, o kajamóñum es yajpaadut wijy, jotkujku tadu po'oduumbu. ³⁹ Es mnija'adap miidsuty kooxyup yu kudujk t'ujawu ti ooru jya'tut yu ma'tspu, nétxyup 'yity wijy es kyajxyup ja toombu tyuku. ⁴⁰ Miidsuty nandu'an nayjyajp'ixudu, ja'a ko kyaj xyñijáwudu na'a uj, ja Naxwifñudu ja'ayudyu Kyudunaabyu, nja'taduts.

Oyduumbu es di'ibu kyaj

⁴¹ Net ja Peedru dyajtaay:

—Windsún, ¿ti tu xypyujta'agyu tyadu i'xpajtun je'eyu mat uudsuty, o mat nidugekyu ja'ay?

⁴² Es ja Jesús jyunáñ:

—N'okp'játakum tu'ugu kudujk t'udaty tu'ugu tyuumbu di'ibu kuwíjy es tyiimpy ti wyindsún tsyeyry. Ta ttukmanikaagu ja tyujk es dyajkáy dyaj'augat ja po'oduumbuty di'ibu jam. ⁴³ Jotkujk ja tuumbu ko ja wyindsún jya'tut es pyaadadut tkuydyúñ di'ibu tu yajtuknipéky. ⁴⁴ T'uy'ajtan n'anuumadu ko yu windsún ttuknipákudap tugekyu di'ibu myudajtypy. ⁴⁵ Per punu tadu po'oduumbu jotjunaamp: “Yu nwindsúnats kyaj tsyokja'ta'añ”, es net axuuk ttuun ja wiinkpáty ja po'oduumbu, es yu'u je'eyu kyaay 'yuknu es

myúkunu. ⁴⁶ Ko ja wyindsún jya'tut ja ooru mā yu'u kyaj tjejp'ixy, net tyukkumádowúdat jantsy muk es yajpajta'agut mā ja ja'ay di'ibu kyaj tkuydyundu 'yayuk.

⁴⁷ Ja'a ko yu po'oduumba di'ibu űija'ap wi'ix yu wyindsún tjatseky es kyaj du'an tkuydyuűi es kyaj tmámúdoy, nandu'un yajtukmúdowat muj. ⁴⁸ Per ja po'oduumba di'ibu kyaj tñijawu wi'ix tseky ja wyindsún es ttuű di'ibu nitujkup ja tudyu'unan, je'eyu waanu yajtukmúdowat. Ja'a ko di'ibu wyindsún tu myo'oyuty yu kyutujkun, yu'u ana'amúdap muk ja wyindsún, es di'ibu ni'igu yu kyutujkun tu myo'oyuty yu wyindsún, nan ni'igu 'yana'amúdat.

Jesuskuyxmu ja'ay yajtsiptúku

⁴⁹ 'Tuts nmiű naxwiűi es nyajmiűuts ja juun. Es njantsytsyékyuts esxyap tyam tyoy. ⁵⁰ Koonamts n'ayówúdu, es njotmay'oogudats extu ko yajkuydyúnat. ⁵¹ ¿Tii mjanándap miidsuty kots uj tu nmumiű yu jotkujk'ajtun ya naxwiűi? ¿Kyaj dya'unuty! Je'eyu jotmay nyajmiűiűuts. ⁵² Tyam űaywya'xa'anudu ja'ay di'ibu nimugoxk ijttap mā tu'ugu tujk. Nidugúuk tmúdsip'aty ja nimajtskpu, es ja nimajtskpu tmúdsip'aty nidugúukpu. ⁵³ Ja teety ttuk'ak'aty ja myaank, es ja maank ttuk'ak'aty ja tyeety; es ja taak ttuk'ak'aty ja űuux, es ja nuux ttuk'ak'aty ja tyaaq; es ja xekxy naydyuk'ak'ajttadup ak ja'ajuty.

⁵⁴ Jesús nandu'un t'anmaay ja ja'ay:

—Ko miits xy'ixtu yu yaak pyude'eky mā xu ű tsi'yity, net mjána'andu: “Tu'ujaamp”, es net tyu'uy. ⁵⁵ Es ko jyambojy, net mjána'andu ko 'yana'añ, es net 'yañ. ⁵⁶ Miidsuty di'ibu nay'andjúdap es jyiky'attu tų'ajtun muut, mñija'adup wi'ix jyata'añ ko pyojo es ko yaak pyude'eky, ¿ti ko xkykanijáwudu di'ibu Dios tyiimpy tyam mā miidsuty? ⁵⁷ ¿Es ti ko miidsuty ku'am xkykapyo'oydyu éxtum pyaadyuty?

⁵⁸ Ko pán mni'uuudat es mnajxtu nimajtsk mā ja kuduunk, nik oy ko mut mnayya'óyudat tu'am, kudiiu mnaymyunajxudat mā fwezán, ja'a ko yu fwez mgyakúdap mā polásiu, es mbajta'agudat pujxndugóty. ⁵⁹ N'anuumats mij, ko jap mdúkat, nétnum mbúdsámut koonum xkykabajtta'ayut tugekyu.

13

Tsojkup es njodambjttan

¹ Net ja ja'ay tnimiindu ja Jesús es ttukmumadyaktu éxtumu Pilatu 'yadu'atsy ko dya'eeky Galileeu ja'ayuty mā ja artal ko Dios twindsu'ugudu. ² Es ja Jesús jynánañ:

—¿Mjanándap xytyjy miidsuty ko ni'igu pyekyjya'ayudyu tyadu Galileeu ja'ayuty di'ibu o'ktu es kyaj dya'unuty ja wiinkpu Galileeu ja'ayuty? ³ Kyaj tyu'y'ajttunuty. Per pán kyaj miits mjodambittu, nandu'un mdugooodya'aydyut. ⁴ Es maanum yu potsyu kujxmbu di'ibu xyu'ajtypy Silo'ee jyity es dya'e'ky nimajmóx tųgúuk ja ja'ay, ¿mjánándap xytyjy miidsuty ko ni'igu yu'u pyekyjya'ayuty es kyaj ja wiinkpu ja'ay di'ibu Jerusalén es kyaj 'yo'ktu? ¿Kyaj tyu'y'ajttunuty! ⁵ Per pán miidsuty kyaj mjodambittu, nandu'un mdugooodya'aydyut.

Iigu kepy éxtumu ijxpajttan

⁶ Net ja Jesús tpujtáky tu'ugu ijxpajttan:

—Tu'ugu yedyujk tmudaty tu'ugu iigu kepy mā ja kyam, es oj űejxy es t'ixa'añ pán jamu iigu tsa'am. Es ni ti tkapaty. ⁷ Net t'anmaay ja ja'ay di'ibu kywentu'ajtypy ja iigu: “Ix. Tyámats tųguk jumajt kujk nmiű es n'xtá'ayúdsu tyuumbu tadu iigu es kyajts ti nbaaty. Tim po'tu'uk. Kudiiu je'eyu 'yadsiput.” ⁸ Es ja ja'ay di'ibu kywentu'ajtypy ja kam 'yadsooy: “Windsún, wa'an t'ak'ity jatuk jumajt. Tyámats ja nax ndaj'yúngut es mbajta'agudats ja abu'udu. ⁹ Es kots du'un ndúnat, net ni'ixam kooxyap nyajttamp'átut mā tadu jumajt myiű. Es pán kyaj, ta xpyo'tu'ugut.”

Jesús dya'aguda'aky tu'ugu toxytyujk judsuguty

¹⁰ Es mā tu'ugu saabudu xu ja Jesús ya'uxpeky mā ja tsajptujk, ¹¹ es ta tu'ugu toxytyujk di'ibu pujkup majmóx tųguk jumajt. Yu ka'oybyu tu yajwu'amunu judsuguty, es kyaj mbaat űaktyy. ¹² Es ko ja Jesús 'yixxu, net oj dyaxu es 'yanmaayy:

—Ujts tyam mij nya'aguda'agup.

¹³ Es net ja ky'u ttuknikooñ ja toxytyujk, es net ja űini'x tyuúdaay. Ta ja toxytyujk t'awdajty ja Dios. ¹⁴ Es jyot'ambejky ja di'ibu ijtp windsún mā ja tsajptujk, ja'a ko Jesús tu dya'aguda'aky mā saabudu xu tadu toxytyujk. Es ja tsajptujku űuwindsún t'anmaay ja ja'ayuty:

—Tu'uk tu'ugu samaan tudujk xu mbaat mmindu es m'aguda'áktut, per saabudu xu kyaj mbaat.

¹⁵ Net ja Jesús 'yadsooy:

—Miidsuty di'ibu nay'andjúdap es jyiky'attu tų'ajtun muut, ¿ti kyaj miidsuty saabudu xu xymyugájudu mburru es ja mdsajkaa es xyajnjxtu nu'ukpu? ¹⁶ Es tyadu toxytyujk yu'u

Abraān tuuamp 'yaats, es ja mǝjku'ugóp̄k Satanás tu ya'ityuty mǝdu tadu pa'am majmókx tuǝk jǝmǝjt, ėti ko kyaj 'yaguda'agudu tyadu toxytyujk saābudu xuu?

¹⁷ Es ko du'un ja Jesús jǝnǝn, nidagekyu myǝdsip tsoydyuundaaydyu, es ja ja'ayuty di'ibu tu tmudoy xyondaktaaydyu mut ja mǝj'ajtǝn di'ibu Jesús tu ttuñ.

Mortás tuumt éxtumu iǝxpajtǝn

¹⁸ Net ja Jesús jǝnǝn:

—ėWi'ix ya'ixy ja Diosu kyutujkan, es tits mbaat mǝut nyajkixyu? ¹⁹ Du'un éxtum tu'ugu mortás tuumt di'ibu tu'ugu yedyujk tu twǝjy es yajnijeepy mǝdu nax, es yoñ éxtum tu'ugu kepyǝn es ja joonuty tǝjta'aktu pya'an mā tadu xye'entsy.

Levaduuru éxtumu iǝxpajtǝn

²⁰ Es 'yajakǝnǝn ja Jesús:

—ėTi mbaat mat kyijxy ja Diosu kyutujkan? ²¹ Du'un yu'u éxtum ja levaduuru di'ibu tu'ugu toxytyujk pyajtǝkpyu mā mayu arinu es ttuktij'yo'oy koonum ñaydyuktǝkadya'ayuty.

Tujk aa xu'utspu

²² Es ja Jesús dyaj'yo'oy ja tyu'u, ñeǝxy Jerusalén es ñaxy kajpǝgajpǝn es ya'axpeky. ²³ Es nidu'uk yajtǝuju:

—Windsǝn, ėje'eyu niwaanu di'ibu nitsokp?

Es ja Jesús 'yadsooy:

²⁴ —Jottugoydyu es mdǝkǝdǝt mā tujk aa xu'utspu, ja'a ko may ja ja'ay tyǝkǝya'andu, es kyaj mbaat tyǝkǝdu. ²⁵ Es ko ja kudujk pyadu'ugut es dya'adǝkǝt ja tujk aa, net miidsuty di'ibu jap tǝja'p kyóxtǝp ja tujk aa, es mǝjǝnǝ'andǝt: “Windsǝn, ya'awa'ats ja mdǝjk esut ndǝkǝdǝt.” Es ja kudujk 'yadsówt: “Kyajts nnijawu mbǝn miidsuty es mā mdsóndu.” ²⁶ Es miidsuty xy'anǝmmut: “Ėdsajtm oj n'okka'ayambu ti'igy, es mijs xya'axpǝjk ngajpnótyts.” ²⁷ Es yu kudujk m'adsówdǝt: “Tu n'anǝmmudu ko kyajts nnijawu mā mdsóndu. jǝga'aktu ja yǝa nidagekyu miidsuty pojpu tuumbaty!” ²⁸ Jam mā ja'ay jǝu'uy ya'axtat es ñaydyutskǝdǝdǝt mut ja ayo'on, jam nandu'un miits m'ittǝt ko xy'ixtat yu Abraan, Isaa es ñu Jakoob es nidagekyu Diosu kyugajxpu mā Diosu kyutujkan, es miits myaj'yojkrpǝdsumǝndǝp tǝja'p. ²⁹ Es ja ja'ay myina'andu jagam mā xuu pyadsemy es mā xuu tsi'ity es mā jǝmboj es mā yukpoj, es ñaxwaatǝt es kyǝdyut mā Diosu kyutujkan. ³⁰ Es ta di'ibu tyam ax'ok, yu'u nǝjxtǝp jawyiin; es di'ibu tyam jawyiin, yu'u ittǝp ax'ok.

Jesús tniya'axy ja jerusaléngudu ja'ayuty

³¹ Es net jyajtǝ nija'ajaty ja fariseeuty, es t'anmaaydyu ja Jesús:

—Tsoon ja yǝa, ja'a ko ja Eroodus mya'oogǝnǝp.

³² Ta ja Jesús 'yadsooy:

—Nǝjx anǝmmudu tadu wax kots ǝj njǝnǝ'ǝn: “Ėjts nyajpǝdsumaambyuts yu ka'oybyu es nya'aguda'agudǝts yu puma'ay, es nyajkǝxa'ǝñts yu nduungǝts exǝt ko Dios jǝnǝ'ǝnǝtm.” ³³ Es mbaadǝts nyaj'yo'oyudǝts ja ndu'u exǝt koonǝmts nǝa'tudǝts Jerusalén. Mut ko kyaj mbaat tu'ugu Diosu kyugajxpu 'yeeky pǝn kyaj jyǝpǝty Jerusalén.

³⁴ Es ja Jesús 'yajakǝnǝn:

—Miits Jerusalén ja'ayuty, miits mya'o'ktǝp yu Diosu kyugajxǝpǝty es xykyuka'ǝtǝtu ja di'ibu Dios kyejxyru. Kanǝk ok miidsuty njayajmuka'ǝñ éxtumu tuttaak dyajmiky ja tyutku'ungǝty kyaknbatkǝ'p, per kyaj xykyurǝjktǝ. ³⁵ M'ixtǝp miidsuty ko yu mdǝjk wyu'mǝa'ǝñ kubak. Es n'anǝmmudu ko kyajts xyñaky'ixtat exǝt ko tǝǝadǝt ja xuu es miits mǝjǝnǝ'andǝt: “Dios kyunu'xǝp ja di'ibu miimp Nindsǝn'ǝjtmǝgyǝxm.”

14

Jesús dya'aguda'aky ja puma'ay di'ibu myǝdajtyru ja ki'ix

¹ Mǝ tu'ugu saābudu xuu ja Jesús ñeǝxy kaabyu mā tu'ugu windsǝn farisee tyujk, es tǝmdǝm pya'ixyaty yu wiinkpu fariseeuty. ² Es jam Jesús wyinduuy tu'ugu puma'ay di'ibu myǝdajtyru ja ki'ix. ³ Net ja Jesús dyajtǝnyu ja fariseeuty es di'ibaty tsajptǝgóty ya'axpǝjktǝp:

—ėTi ja ana'amǝn yajkutijkyru, es nya'agudǝkum ja puma'ay mā saābudu xuu, o kyaju?

⁴ Es yu'ǝjaty wyu'umdaaydyu amoñ. Net ja Jesús tku'unitoon ja puma'ay es dya'agudaky, es t'anmaay es ñǝjxt. ⁵ Net ja Jesús t'anmaay ja fariseeuty:

—Pǝn miidsuty yu m'u'unk o mdsajkaa kunajxp mā tu'ugu nǝdajñ, ėti kyaj mij xyjuudǝt pójǝn, oy jyatimsaābuxǝjaty?

⁶ Es kyaj 'yadsoojǝmbijttu ni wi'ix.

Yajwóy mā pǝjk ukǝn

⁷ Es ko t'ijxy ja Jesús yu ja'ayuty di'ibu tu yajwóy ko twin'ixtu yu uñǝaybyajn di'ibu windsǝ'kan mǝut mā meesu, net myooyudu tadu kajxwǝjǝn:

⁸ —Ko pūn mŕwŕwdut mŕ tu'ugū xūu mŕ jŕ'ay pyŕkŕ'ŕñ, katŕ m'u'uñū mŕ ja uñŕabyajŕ ja jŕj'ŕmbŕ. Mbaŕt myiñū wiŕnkŕ jŕ'ay di'ibu ni'igu mŕj ijtp es kŕdii mij, ⁹ es ja kudŕjk m'anūmŕdŕt: "Wa'tsu'uk jaa es yŕ jŕ'ay 'yu'uñŕt." Es mij mñŕjxŕt mŕt ja tsoydyu'un extŕ jam ŕx'am, es m'u'uñŕt. ¹⁰ Tyam ngŕjxwijy es ko myŕjwŕwŕt, u'uñŕ jam ŕx'am. Es ko myiñŕt di'ibu tŕ mŕwŕyuty, net m'anūmŕdŕt: "Mŕtnaymyaayubŕ, nax yamdsŕo mŕ uñŕabyajŕ di'ibu myŕdŕjtypy ja windsŕ'kŕn." Es dŕ'ŕn xy'axŕjŕt ja windsŕ'kŕn mŕ ja jŕ'ay 'yu'uñŕdŕt mŕt mij mŕ ja meesŕ. ¹¹ Di'ibu naymyŕjptŕkŕp, yŕ'u Dios puwijtsŕp; es di'ibu naybyŕjtŕkŕp yuunŕ naxypy, yŕ'u Dios ya'itŕp mŕj.

¹² Es ja Jesŕs t'anmaŕy nandŕ'ŕn ja kudŕjk di'ibu tŕ tŕwoy:

—Ko xywŕyŕwŕt ja jŕ'ay kaabyŕ, katŕ xywŕyŕwŕdŕ yŕ mŕmŕtnaymyaayubŕ es ja mŕmŕgu'uktŕjk, o mŕmŕdŕjkŕ'a, o mŕkja'aydyŕjk, di'ibu ŕknŕm mij mŕwŕwdŕp nandŕ'ŕn. ¹³ Kyaj dyŕ'ŕnŕty. Ko ja'ay xywŕyŕwŕt mŕ xŕn xytyuna'añŕty, mŕwŕwŕp yŕ ayŕoobŕ ja'ay, yŕ ŕxneybyŕ es yŕ wiŕntspŕ. ¹⁴ Pŕn mdiimbyŕ dŕ'ŕn, mgunu'xŕdŕp ja Dios, ja'a ko yŕ'ŕjŕty kyaj mbaŕt dyajjŕmbittŕ. Dios myajjŕmbijtxŕdŕp mŕ naty jyŕkypyeŕky ja jŕ'ayuty di'ibu jŕky'ajttŕp tŕy'ajttŕn mŕt.

Di'ibu rey tyuun ko 'yu'unk pyejky

¹⁵ Es ko tmŕdooy yŕ tyŕŕdŕ, tu'ugŕ di'ibu naty jam uñŕapy mŕ ja meesŕ t'anmaŕy ja Jesŕs: —jŕotkujk di'ibu kaapy mŕ ja Diosŕ kyutujkŕn!

¹⁶ Net ja Jesŕs jyunŕñ:

—Tu'ugŕ kudŕjk ttuna'ŕñ tu'ugŕ mŕj xŕn. Net tŕwooy may ja jŕ'ayuty. ¹⁷ Es ŕknŕm mŕ ja oŕgŕ tŕaty mŕ 'ya'ux'ata'andŕ, tkejxy tu'ugŕ tyuumbŕ es t'anŕmŕt ja jŕ'ayuty: "Mindŕ. Tŕ net yajpŕjtaktŕ'ay tŕgekyŕ." ¹⁸ Es nidŕgekyŕ di'ibu tŕ tŕwoy jyunandŕ: "Dŕ'ŕn xy'oknama'xŕt." Tu'uk jyunŕñ: "Ja'a ko tyŕmŕts tŕ njuy tu'ugŕ nax, es yŕ'ŕts nŕjx n'ixŕ'ŕñ. Tunŕ may'ajttŕn, dŕ'ŕn xy'oknama'xŕt." ¹⁹ Es jatŕ'uk jyunŕñ: "Yŕ'ŕts tŕ njuy mŕgoxk manŕwernŕ yuubŕ, es yŕ'ŕts nŕjx n'ijxmatŕ'añ pŕn yuup. Tun may'ajttŕn, dŕ'ŕn xy'oknama'xŕt." ²⁰ Es jatŕ'uk jyunŕñ: "Tyŕmŕts ndimŕjktŕ'ay. Kyajts mbaŕt nnejxy." ²¹ Es ko ja tuumbŕ jyunbijty, net ja wyŕndsŕn t'anmaŕy tŕgekyŕ. Net ja wyŕndsŕn 'yŕjka, es t'anmaŕy ja tyuumbŕ: "Nŕjx tyamyŕ woomŕk yŕ ja'ayuty di'ibŕty mŕj tŕ'ŕy mutsk tu'aŕy, es xyajmŕnŕt ja yŕŕ nidŕgekyŕ ayŕoobŕ ja'ayuty esŕ ŕxneybyŕ esŕ wiŕntspŕ." ²² Es ŕknŕm ja tuumbŕ t'anmaŕy ja wyŕndsŕn: "Tŕts ndŕñ ŕxtŕm tŕ mjunŕ'añ, es tŕpŕnŕm 'yak'awa'ŕdsŕty yŕ lugaŕ." ²³ Es ja wyŕndsŕn t'anmaŕy ja tyuumbŕ: "Nŕjx, ak'ix mŕ kajpnbŕ'a' es mŕ padu'u, es myiñŕt yŕ ja'ay esŕts yŕ ndŕjk 'yŕtsŕt. ²⁴ Ja'a ko di'ibŕts tŕ njawoy jawyiŕn es kyaj myŕndŕ, tyam kyajts nnakymyo'oyŕt es kyŕyŕt."

²⁵ Es mŕ tyimnejxy ja Jesŕs, pyanejxyuty ja mayjya'ay. Ta ja Jesŕs 'yijxŕmbijty es jyunŕñ:

²⁶ —Pŕn xyñimŕnaŕmbŕts ŕxtŕmŕts yŕ n'ŕxpŕjkrŕ, jawyiŕnŕts xytsyŕkŕt ŕj es ŕknŕm yŕ mdeety mdaŕk esŕ mñŕdo'oxy es yŕ m'u'unk es yŕ mŕmŕga'axŕty, es mij kŕ'ŕm. Es pŕn kyajŕ dŕ'ŕn xytsyky, kyaj mbaŕt m'ity ŕxtŕmŕdsŕ n'ŕxpŕjkrŕ. ²⁷ Es kyaj mbaŕt n'ŕxpŕjkrŕ'ŕty pŕn kyajts xyŕyadsoŕñ es mjŕky'ŕtŕt ŕxtŕm tu'ugŕ ja'ay di'ibu pyagiŕpy ja kyruuz ko 'yo'kŕn tŕnejxy.

²⁸ Pŕn miŕts nidu'uk mgojaampy tu'ugŕ potsy kŕjxm, ŕkyaj jawyiŕn xy'oktŕnŕt ja mgwŕntŕ es xy'ixŕt wi'ix xya'abaŕdŕt? ²⁹ Es pŕn je'eyŕ tŕ xyñidŕjŕ ja mbotŕy es kyaj mbaŕt xyñakyya"abety, nidŕgekyŕ ja'ayuty mij mdŕkxi'igŕdŕt ³⁰ es jyunŕ'añdŕt: "Tadŕ ja'ay je'eyŕ tŕ tŕojtŕe'egyŕ es kyaj t'ok'ya'abajnŕ."

³¹ 'O pŕn tu'ugŕ rey mŕt majk mil yŕ syoldaŕdŕ tŕyiptuna'ŕñ mŕt jatŕ'ugŕ rey di'ibu myŕdŕjtypy i'px mil yŕ syoldaŕdŕ, ŕkyaj jawyiŕn tŕniwinmayŕ pŕn mada'ŕgŕp o kyaj? ³² Es pŕn kyaj, netyŕ tkexy tu'ugŕ kyugŕjxy ko naty jagŕmŕnŕm myiñ ja myŕdsip es t'anŕmŕt ko wa'an tme'xy es dŕ'ŕñŕ 'yitŕt.

³³ 'Nan nidu'ugŕty miidsŕty, pŕn kyaj xymyastu'uty tŕgekyŕ di'ibu mŕmŕdŕjtypy, kyaj mbaŕt m'ity ŕxtŕmŕts ŕj ja n'ŕxpŕjkrŕ.

Kŕŕn tyŕgooyñŕ ja tyŕ'amts'ŕt

³⁴ 'Yŕ kŕŕn oy. Per pŕn tŕgooyñŕp ja tyŕ'amts'ŕt, ŕwi'ix mbaŕt ñŕktyŕñ? ³⁵ Kyaj ñŕky'ŕyuty, ni mŕ nax es ni mŕ ja abu'udu 'yity niko'obŕty. Je'eyŕ dŕ'ŕñŕ ñŕtŕgooyñŕ. Di'ibu mŕdŕodŕp, wa'an tŕjŕgyŕkŕdŕ.

15

Borreegu di'ibu tŕgooy Õxtŕmŕ ijxpajttŕn

¹ Es ja yajkugŕbjttŕjktŕ es pŕnŕty 'yandijttŕp pekyjya'ayuty tŕmŕjwŕ'ktŕ ja Jesŕs es tmŕdŕwŕ'andŕ ja 'yŕxpŕjkrŕn. ² Pŕŕty yŕ fariseeuty es ja di'ibŕty tsajttŕgŕty yŕ'ŕxpŕjktŕp ñŕy'anmaŕyŕdŕ:

—Tyŕdŕ ja'ay 'yaxŕjŕp ja pekyjya'ayuty es kyaydyŕ mŕt.

³ Net ja Jesŕs tŕjŕtŕky tu'ugŕ ijxpajttŕn:

4 —Pūn miidsaty nidu'uk nmūdajtypy tuk mūgo'pxu mborreegu es tu'uk tyūgoj, ųti kyaj xyajwū'mūdu tadu majta'px majmōkx majtāxkrū jam aamyōty es nujx xy'uxta'ay di'ibu tū tyūgoj extu ko xypyaadat? 5 Es ko xypyaadat, xypyujtā'agut mgejkykyujxy es mxonda'agut. 6 Es ko mja'tut mā mdujx, xy'anūmūdu mmūtnaymyaayūbu es ja nmūdajkra'a: "Xonda'aktu mūt ųj, ko tūts nbaaty ja nborreegats di'ibu naty tū tyūgoj." 7 Tyū'ajytūn n'anūmūdu ko nandu'an tam ni'igu ijt xondakan tsajpōtm mūt tu'ugu pekyjya'ay jyodūmbity es kyaj mūt ja nimajta'px majmōkx majtāxkrū ja'ay di'ibu nayjya'adap ko jyiky'attu tūy'ajytūn mūt es kyaj jyodūmbittū.

Toxytyujk tpaaty ja myeeñ  xtamū iixpajtūn

8 'O pūn tu'ugu toxytyujk myūdajtypy majk ja meeñ es dyajtūgōy tu'uk, ųti kyaj dyaj-toye'eky ja jyūn es tyūkut padu'krū jap tūgōty es t'uxta'ayut odyā'agyu extu ko tpaadat? 9 Es ko tpaadat, net dyajnaymyūkudat ja myūgu'uktujk es ja myūdajkra'a, es t'anūmūt: "Xonda'aktu mūt ųj, ja'a ko tūts nbaaty ja mneeñ di'ibūdsū naty tū nyajtūgōy."

10 Es ja Jesūs jyūna'añ nandu'an:

—N'anūmū miidsaty, ta yū ijt xondakan mā Dios ja 'yānkūsaty mūt tu'ugu pekyjya'ay ko jyodūmbity.

Mixy di'ibu axūuk jiky'ajt

11 Net ja Jesūs tpujtāky jatu'ugu iixpajtūn:

—Tu'ugu yedyujk tmūdajty majtskū myaank. 12 Es ja mutskrū t'anmaay ja tyeety: "Tatu, xymyo'oyūpts ja nguma'añūts di'ibūts ųj xypyatp." Net ja tyeety dyajwa'xy ja kuma'añ es tmooy. 13 Es ko waanū 'yijty, net ja 'yu'unk ja mutskrū dyajmujktaay ja kyuma'añ, es oĵ űujxū jagam mā wiink naxwiñūdu. Es jam dyajkujxtaay ja myeeñ mūt ja axūukrū jyiky'ajytūn. 14 Es ko ja myeeñ oĵ dyajkujxtaayñū tūgekyū, net myiñ tū muk yuu mā tadū naxwiñūdu, es 'yayū'ajnu. 15 Net t'uxtaay ja tyuunk mā tu'ugu yedyujk di'ibu jap kugajpn. Net kyajxū kyamoty es tkwentū'ātut ja ųdsūm. 16 Esū tadū mixy jantys yu'o'karp. Kyaj ti mūt ja jyot dya'ūtsut, extu jyaju'xānū di'ibu dū'an kuxū'kp  xtamū tsejtsyūn, di'ibū ųdsūm jū'xtap, es ni ti pūn kyamo'oyūty.

17 'Net jyotmay'e'ky es jyūnāñ: "ĴNu'ūdsū ndeety tmūdaty yū tuumbū mā tyujk es tmo'oy ja kya'ay 'yūkun nanadūku es ųj ja yāa n'ayōyūts mūt ja yuu! 18 N'oknūjxūts mādū ndeety, es n'anūmūds: Tatu, tūts nduundūgōy mūt ja Dios es mūt mij. 19 Kyajts xyūākyñitūku es mjūnā'anūt kots mij xy'u'ungaty. Axājūgats  xtam tu'ugu mduumbū." 20 Net tyu'udūjkū es űejxy mā ja tyeedy tyujk. Es ko naty myiñūm jagam, yū tyeety 'yijxū es pya'ayoojū, es űejxy oĵ jyūjpn'yo'oyūty, es 'yaxajū es myūnaanū es tsyu'xū.

21 'Net ja 'yu'unk 'yanmaayū: "Tatitu'unk, tūts nduundūgōy mā Dios es mūt mij. Kyajts xyūākyñitūku es mjūnā'anūt kots mij xy'u'ungaty." 22 Ta ja tyeety t'anmaay ja pyo'oduumbūty: "Juuttū pojūn yū wit ja oybyū es tukpujtā'aktū. Es mo'odyū nandu'an tu'ugu kyūjiits es yū kyū'uk, 23 es yajmīndū ja tsajkaa ja ni'xru es xyā'oogut es ngā'ay n'ūkūm es ja xūn ndu'unūm. 24 Ja'a ko tyādū n'u'ungats dū'an  xtam tū 'yo'kūn, es tū jya'ty jatūgok. Es tū naty tyūgooyñū, es tyam tū nbaadyūts jatūgok." Net ja xūn ttuūndū.

25 'Es ja 'yu'unk ja ka'axkōpĵ jaryū naty kamoty tyūñ. Es ko jyajty tujk wingōn, net tmūdooy ko ja'ay xyu'uxy es 'yatstū. 26 Net dyaxū tu'ugu tuumbū es dyajtūy: "ĴTi tuun jajtp?" 27 Es ja tuumbū 'yadsooy: "Yū m'utsy tū jya'ty esū mdeety tū tni'ana'amū es 'yoogut ja tsajka ni'x mūt ko tū jya'ty oy māk." 28 Es ja ka'axkōpĵ jyot'ambejky. Kyaj jap tyūkyāñ. Net ja tyeety pyūdsēmy es 'yanmaayū: "Tūku." 29 Es yū'ū t'anmaay ja tyeety: "Mnija'ap nāak jūmūjtūts mij tū nmūdūñ, es kyajts mij nmūdūgoy ni nā'a, es ni je'eyūts xykyamo'oy tu'ugu tsyibu'unk es ndūnūds yū nūxū mūdūdsū nmūtnaymyaayūbu. 30 Es tyam tū jya'tyū tadū m'u'unk di'ibū mneeñ axūuk tū ttuñ mūt ja kujeñdyo'oxyūty, es tū xyā'eeky yū tsajka ni'x mūt ko tū jyūmbity."

31 'Net ja tyeety jyūnāñ: "Nitu, mij dū'ūñūm m'ity mūt ųjts, es tūgekyū di'ibūts ųj nmūdajtypy, mijtsū mja'a. 32 Es tyam oy ndu'unūm tyādū xūn es nūxondākūm, mūt ko tyādū m'utsy dū'an  xtam ko tū 'yo'kūn naty, es tyam tū jyūmbity jūky. Tū naty tyūgooyñū, es tyam tū nbātūm jatūgok."

16

Tuumbū di'ibu axūuk myūdiūmpy ja wyindsūn  xtamū iixpajtūn

1 Nandu'an ja Jesūs t'anmaay ja 'yūxpūjkrūtyujk:

—Jaa tu'uk ijtyū windsūn mākja'ay es myūdajtypy tu'ugu tyuumbū di'ibu kywentū'ajtypy ja jyiky'ajytūn. Es ja mākja'ay ya'awa'anū ko yū tyuumbū ttuñ axūuk ja jyiky'ajytūn.

2 'Net ja wyindsūn myūjwoojū es yajtūujū: "ĴTii dūnū tyāgdū  xtam jyūnā'andū mūt mijts? N'okwijtsūm yū kwentū  xtam tū mduñ, ja'a ko kyaj nnakyajytūnā'añ." 3 Net ja tuumbū űayjyūnanū kū'ām: "ĴTitsū net ndūnūp tyam? Yū n'windsūnūts xypūjkyūyāmbūts

yá nduunguts. Kyajts nmúdaty yá mǎjǎǎ esuts nnaxttúnat, es tsoyduumbuts nandu'un esuts n'amdówat yá limosna." ⁴ Net ñajyynanǎ wyinma'añóty: "Tuts nnijawǎ wí'ixats ndúnat es nmúdatúdat pánats xy'axájǎp mǎ tyujk kots ǎj kyaj nduunk nbaǎdat." ⁵ Net tmǎgajxy nidu'uk nidu'uk di'íbu myuni'xy'ajtypy ja wyindsún. Ja jawyiinǎ du'un dyajttǎy: "¿Nú'un xymyuni'xy'áty ja nwindsúnats?" ⁶ Es ja'a 'yadsooy: "Ja'ats nmǎni'xyuty tǎgǎk mil litǎu yá aseytǎ oliivǎ." Net ja di'íbu kyawentǎ'ajtypy 'yanmaǎy: "Tyǎǎ mneky. U'uiǎ pojan es yajkoj jatǎ'uk es xyppyjta'agut mil jakujm je'eyǎ." ⁷ Es óknǎm dyajttǎy jatǎ'uk: "¿Nú'un mij xymyuni'xyuty yá nwindsúnats?" Es ja'a 'yanmaǎy: "I'px tuktujk mil kilǎ yá triigǎ." Es ja di'íbu kyawentǎ'ajtypy 'yanmaǎy: "Tyǎǎ mneky. Yajkoj ja wiinkǎ es xyákǎt je'eyǎ i'px majtsk mil." ⁸ Es ko ja wyindsún tñija'ǎjǎ, net ñigajxǎ oyǎ tadǎ tuumbǎ, ja'a ko kuwiyj mǎt tadǎ wyinma'añ.

Es ja Jesús jyǎñǎ:

—Yǎ naxwiǎñ, ta mayjya'ay di'íbu jiky'ajtp je'eyǎ meeñ ttsoktǎ es dyajnpata'andǎ es myǎkja'ay'ata'añ mǎt ja jyiky'ajtǎn. Es tadǎ adsojkǎ kyuwiyjyaty wí'ix tyónat mǎ ja wyindsún es tsyókǎdǎt ja myugǎ'uktujk. Per ja ja'ayaty di'íbu tyunándǎp éxtǎm ja Dios ttsekyǎn, kyaj du'un 'yadu'utstǎ.

⁹ Du'unats miits n'anǎmǎdu ko ja pǎjta'aky yǎ naxwiǎñ mǎ ja ja'ay di'íbaty tyuundǎp ja axǎk'ajtǎn, yajtǎndǎ yǎ pǎjta'aky pǎn wí'ix ja ja'ay mǎat mnaymyǎyudat es ko naty kyexy, net myajkupǎktǎt mǎ ja winǎ xǎu winǎ tiempǎ tsǎnǎaydyǎk.

¹⁰ 'Es pǎn kyuydyimpy mǎt ja waanǎbǎ di'íbu ja wyindsún tukmǎ'ijxǎp, nandu'un tkuydyúñ mǎt ja maybyǎ. Es pǎn toomp waanǎ, nandu'un tyoñ mǎt ja kajaabǎ. ¹¹ Pǎaty pǎn kyaj tkuydyúñ di'íbu wyindsún tukmǎ'ijxǎp yǎ naxwiǎñ, Dios nan kyaj myo'oyudat ja jotkujk'ajtǎn jam tsajpótm. ¹² Es pǎn miidsǎty kyaj yajxón xykyuydyundǎ di'íbu yǎ mwindsún jya'a'ajtypy, ¿wí'ix xytsyesty es myajmo'oyat di'íbu mij mja'a'átǎp?

¹³ 'Ni pǎn po'oduumbǎ mbaǎt tkǎmǎduñ majtskǎ wyindsún. Ja'a ko pǎn tuump yajxón mǎ ja wyindsún ja jawyiimbǎ, kyaj mbaǎt ñaktyúñ yajxón mǎ ja myǎmajtskǎ. Es pǎn ja myǎmajtskǎ wyindsún tsyeyjy ni'igǎ es tyuñ yajxón mǎt yǎ'u, kyaj mbaǎt ja jawyiimbǎ tnakymyudúñ. Pǎaty n'anǎmǎ miidsǎty ko kyaj mbaǎt xymyudúñ yǎ Dios pǎn mbǎjtǎkyry ja mwinma'añ mǎ ja meeñ.

¹⁴ Es ja fariseeytǎ di'íbu 'yadsojktǎp ja meeñ tmǎdoo'ittǎ tǎgekyǎ es ja Jesús ttukxi'iktǎ. ¹⁵ Net ja Jesús t'anǎǎydyǎ ja fariseeytǎ:

—Miits mnayyǎjǎnǎxǎdu éxtǎm di'íbu jiky'ajtp tǎy'ajtǎn mǎat mǎ ja mayjya'ayaty. Per ja Dios kyaj mbaǎt xywyin'ǎundǎ, ja'a ko yǎ'u ñija'ǎp ja mjot mwinma'añ. Es pǎn naybyujtǎkup mǎj, Dios 'yǎxtijpy.

Moisesǎ 'yana'amǎn esǎ Diosǎ kyutujkǎn

¹⁶ 'Éxtǎ mǎ jyiky'ajty ja Fwǎk Yajnǎbajtrǎ 'yjity ja Moisesǎ 'yana'amǎn es ja Diosǎ kyugajxǎpǎty ja 'yǎxǎjǎkǎn. Per óknǎm mǎ yǎ Fwǎk es tyambaǎt yajkajxwǎ'xy ja oybyǎ ayuk di'íbu ñigajxyry ja Diosǎ kyutujkǎn, es mayjya'ay 'yǎxtǎaydyǎp wí'ix agwanǎ tyákǎdǎt mǎ Diosǎ kyutujkǎn.

¹⁷ 'Pǎn kyaj 'yoktuunnǎ ni tuk peky ja letǎ di'íbu jyaa'ajtypy ja Moisesǎ 'yana'amǎn, jawyiin kyutǎgóyut ja tsajp esǎ nax.

Kasaǎdu ja'ayaty ñaymyastǎ'udǎdu

¹⁸ 'Pǎn tu'ugǎ yedyujk myastutyry ja ñǎdo'oxy es pyeky mǎt ja wiinkǎ, yajttǎgeepy ja pǎjk úkǎn wyindsún'kǎn. Es di'íbu pǎjkǎ mǎt tu'ugǎ toxytyujk di'íbu tǎ ñaymyastǎ'udyaty, nandu'un yajttǎgeepy ja pǎjk úkǎn wyindsún'kǎn.

Mǎkja'ay esǎ Lázǎru

¹⁹ Es nandu'un jatǎ'uk tmǎdya'aky ja Jesús:

—Jaa tu'uk ijty ja mǎkja'ay es ja wyit trǎjta'aky ak oybyǎ. Es bom bom jyantsykyay jyantsy'iiky éxtǎm ja ja'ay xyudúñ. ²⁰ Es jam tu'uk ijty nandu'un ja yedyujk jantsy ayoop es txǎ'aty Lázǎru, di'íbu naty ja nini'x tǎgekyǎ ak pu'uts. Es jam yajmastúty mǎ mǎkja'ayǎ tyujk ǎǎ. ²¹ Tyǎdu ayooǎ ja'a'ay, yǎ'u jyanayya'utsǎn mǎt ja di'íbu ka'ǎp mǎ ja mǎkja'ayǎ myeesǎ. Es ja uk ñiwéyaty majaty ja pyu'uts.

²² 'Es net 'yo'kǎn ja Lázǎru, es ja anklǎs yajnǎjxǎ mǎ ja Abraǎn 'yity. Net ja mǎkja'ay 'ye'ky nandu'un, es dyajnaxtǎjǎkǎdu, ²³ es ñeyjy ayoodǎknóty. Net 'yjixe'ky es t'ijxy ja Abraǎn esǎ Lázǎru. ²⁴ Ta yaxkeky: "¡Apteety Abraǎn, pǎ'ayooguts! Kǎx yǎ Lázǎru es dyajxoogut yǎ kyǎ'u jujp mǎt yǎ nǎu es min dyajxeemy yǎ nya'anats, ja'a ko nǎgoots n'ok'ayoonǎ mǎk mǎ tyǎdu jǎn." ²⁵ 'Es ja Abraǎn 'yanmaǎy: "Nity, jamyats ko mij tǎ m'ity oy ko tǎ mjiky'aty, es yǎ Lázǎru tǎ 'yayoy. Yǎ'u tyǎm jotkujk'ajtp, es mij m'ayoy. ²⁶ Nandu'un ja Dios tǎ trǎjta'aky tu'ugǎ

maj wok di'ibu abeky xya'ijtam, es kyaj pán mbaat ñejxy jamdsoo es ni pán yadsoo mbaat kyamiñ."

²⁷ Net ja mukja'ay jynañ: "Tunú may'ajtam, apteety Abraán, kax yu Lázaru mađsu ndeety yu tujyk²⁸ mađs nmadaty niməgoxktsu n'utsy, es t'anammat kadiibu yađ myínt nandu'ən ma tyadu ayoodákn."

²⁹ Es ja Abraán jynañ: "Yu'ujuty myđajttap di'ibu Moisés es ja Diosu kyugajxru kyuxjaadyu. i'Wa'an tpadundú!"

³⁰ Es ja mukja'ay 'yadsooy: "Tuy'ajtam, apteety Abraán. Per pán nidu'uk yu o'krú jykypu'akut es ñajxut ma yu'ujuty, yu'u yajtagajtsxup yu wyinma'añ."

³¹ Es ja Abraán 'yanmaayu: "Pán kyaj tpadúñ ja Moisés 'yana'amən es di'ibu jyaadyu ja Diosu kyugajxru, nan kyajm tma'akut oy jyajikyru'jkrú tu'ugu o'krú."

17

Puroobuty ko pekyoty nyajka'am ja wiink ja'ay

¹ Jesús t'anamtu ja 'yuxru'jkruty:

—Taa di'ibu ja ja'ay yajpekyotyimpy. i'Per purooba tadu ja'ay di'ibu yu myugu'uk yajtagaery. ² Nik oy es yajru'jta'agut mejyñoty mat tu'ugu paan yajtuk'yo'ktáyat es kyaj ko yu myugu'uk dyajtuundəgy.

³ M'nyagywenta'átudap mijts. Es pán yu m'utsy mmađgooyur, kajxwij. Es pán jodambijtr, pojrama'x. ⁴ Oy mmađgoyudat mij jaxtujk ok tu'ukru xən es jaxtujk ok myínt es jynañ'anat: "Ma'xkats", pes mma'xur.

Mabujkan muk'ajtam mən

⁵ Es ja apóstaluty t'anmaadyu ja Jesús:

—Windsún, tukmabujkats waanu ni'igu.

⁶ Es ja Jesús 'yadsooy:

—Oyxur je'eyu waanu xymudaty ja mabujkan éxtam tu'ugu mutsk mortás pajk, mbaatxur xuanamtu yu maj kepy: "Ñajx m'ity jap mejyñoty", es mmađdówadap.

Mduumbu tyu'unəm

⁷ Pán mmađajtypy miđsuty tu'ugu mduumbu es tsu'pən ja tuumbu jyambijnu ma mdujk, tu oj yu'uy kamoty o tu tkwenta'aty ja mborreegu, m'anamur: "Nax tugoty. U'wñ es mgáyut." ⁸ Kyaj, ¿kadii? Ni'igu t'anamtu: "Ya'abaadats ja n'a'ux esuts uj n'a'ux'átut. Oknam mbaat mij mja'a xya'abaadu es m'a'ux'átut." ⁹ Es ko tkuyduñ éxtam tyuk'ane'emuty ja wyindsún, ¿ti mbaat ja wyindsún jynañ: "Dios kujúyab?" Kyaj, ¿kadii? ¹⁰ Nandu'ən miđsuty ko xykyuyduunda'ay tageky di'ibu Dios tu mdu'ane'emuty, mjəna'andur: "Tu ndu'unəm je'eyu di'ibu tu nyajtuk'ana'aməm."

Jesús dya'aguda'aky nimajkrú ja'ay di'ibu myudajttap ja lepru pa'am

¹¹ Es ja Jesús tyu'uyo'oy es ñejxy Jerusalén. Jam ñajxy ma ñaybyadyuty yu Samaaryu mat ja Galileu. ¹² Es ko jyajty ma tu'ugu kajpn, net tpatu majk ja yedyuk di'ibu myudajttap ja lepru pa'am. Jagam ja tyánudu éxtam jynañ ja Diosu 'yana'amən, ¹³ es yaxkaktu:

—Jesús, Windsún, pa'ayooguts udsuty.

¹⁴ Es ko Jesús 'yixxu, net 'yanmaayu:

—Ñajxtu ma ja teety es m'ixudat.

Es ko oj ñajxtu, net 'yagudaktaadyu. ¹⁵ Net tu'uk ko t'ijxy es tu 'yaguda'aky, jyambijty es ya'axy jyeky t'awdajty ja Dios. ¹⁶ Es net tnimiñ ja Jesús es ñagyoxtonaadyáku es ñayjyuru naxkajxy es tja'aygyadáku. Esu tadu yedyuk yu'u samaritanu ja'ay. ¹⁷ Net ja Jesús jynañ:

—¿Tii kyaj tu 'yaguda'aktu nimajk? ¿Ma net ja nidaxtukru? ¹⁸ ¿Tii yu'uy nadyi'igy tyadu samaritanu ja'ay tu jyambity es t'awdaty ja Dios?

¹⁹ Net ja Jesús t'anmaay ja ja'ay:

—Pudu'uk es ñajx. Tu m'aguda'aky mat ko tu xymubeky.

Wi'ix myínt ja Diosu kyutujkan

²⁰ Es ja fariseety dyajtuudu ja Jesús:

—¿Na'a du'ən ja Dios yajkutuka'añ?

Es ja Jesús 'yadsooy:

—Ko yu Dios myínt es yajkutuka'añ, kyaj ya'ixut ko jya'ty éxtam yu naxwíndu ja'ay ja ryeyu. ²¹ Paaty kyaj mbaat njəna'anam: "Yađ net", o "Tam xim", mat ko yu Dios yajkutujkrú ma miđsuty.

²² Net ja Jesús t'anmaay ja 'yuxru'jkruty:

—Ja'tap ja tiempu ko miits xyjatsóktat es oy tu'ugun ja xən m'ítat ma uj, ja Naxwíndu ja'ayadyu Kyudanaabyu, es kyajts uj xy'ixut. ²³ Es ko miits m'anamxudat ja ja'ayuty: "Tyam net", o "Txim ja'a", kyaj mñajxtat es xy'ixta'ayadats. ²⁴ Ja'a ko uj, ja Naxwíndu

Ja'ayudyu Kyudunaabyu, du'unats ngaxu'uga'añ éxtam ko jyudsikyun tyukjajudyaya'ayut tugekyu tsajp. ²⁵ Per jayjyp n'ayówudats muk es ja ja'ayuty di'ibu tyam jiky'ajttap kyajts xy'axajudats.

Wi'ix jyumbítut ja Naxwiñudu Ja'ayudyu Kyudunaabyu

²⁶ 'Extam jyjatu jékyup ko ja No'ee jyiky'ajty, nandu'un jyata'añ kots uj, ja Naxwiñudu Ja'ayudyu Kyudunaabyu, nmínut jatugok. ²⁷ Ko No'ee jyiky'ajty, ja ja'ayuty kyay 'yuuuktá es dyajpáktu ja 'yu'unk exta ko tyujku ja No'ee má ja arku, es netyu myiinnu ja ayo'onduu es ja ja'ay jyi'xtaaydyu. ²⁸ Es nandu'un jyjatu ko jyiky'ajty ja Lot. Ja ja'ayuty kyay 'yuuuktá, tyook yaktu, ñi'ip kyojtu es ja tyujk kjojtu. ²⁹ Es ko ja Lot tsoyo'ón má ja Sodomu kajpn, netyu myiñ ja juunduu es yu azufrú juun di'ibu ka'a tsajwinm, es ja ja'ay 'yo'ktaaydyu. ³⁰ Es du'un ya'ixut kots uj, ja Naxwiñudu Ja'ayudyu Kyudunaabyu, ngaxu'ugat jatugok.

³¹ 'Es má tadu xuu, pán jam pajtp tujk nikuju, kyaj jyunákt es tyúkt tugoty es tjuudut di'ibu jap tyugoty. Es pánudyu naty jap kamoty, kyaj jya'ttut má ja tyujk. ³² Jamyatsta wi'ix jyjatu mut ja Lotu ñudo'oxy. ³³ Mut ko di'ibu jiky'ataamp mut ja ky'u'm winma'añ, du'ambu ja'ay yajtugeepy ja jyiky'ajtan, es di'ibu jiky'ataamp éxtamts uj ndukni'ixu, du'ambu ja'ay kyaj dyajtugóy ja jyiky'ajtan.

³⁴ 'Es n'anuumu nandu'un ko netu naty ja ja'ay mya'adu nimajtsk ti'igyú mabajn, tu'uk yajmunajxat es tu'uk wyu'umut. ³⁵ Es nimajtsku toxytyujk jyutsta ti'igyú, tu'uk yajmunajxat es tu'uk wyu'umut. ³⁶ Es nandu'un nimajtsku yedyujk di'ibu naty jap kamoty, tu'uk yajmunajxat es tu'uk wyu'umut.

³⁷ Es ja Jesusu 'yuxpjkpúty yajtuaju:

—Windsún, ¿má tyáadu du'un jyata'añuty?

Es ja Jesús 'yadsooy:

—Má ja o'kpu 'yity, jamu naty ja kus ñaymyíkyuty.

18

Toxytyujk di'ibu myu'i'impú tu'ugu fwez

¹ Jesús tpajtáky tu'ugu ixpajtan es ttuk'ixut ko ja'ay du'uñum kyajxta'áktut es kyaj jyotmay'ooktat. ² Du'un jyunáñ:

—Má tu'ugu kajpn jaa ijty tu'ugu fwez di'ibu kyaj twindsu'ugu Dios es ni pán tkatuñu kwentu. ³ Es má tadu kajpn nan jam tu'ugu ku'ekytyo'oxy di'ibu tyimmaye'ebyu tadu fwez es t'amdooy es ja myúdsip yajpayo'oyut mut ja tuj'ajtan. ⁴ Es jeky dya'ijtyu tadu fwez, kyaj tkuydyuñ. Per óknum ja wyinma'añ dyaj'yo'oy: “Oyuts ngawindsu'ugu ja Dios es ni pánats ngamaj'ixy, ⁵ peru tyádu ku'ekytyo'oxy nugoots xy'okna'amnu, paaty tyámudsu tuj'ajtan nduunut es kadiibu ñakymínut es xyñakyña'amudats.”

⁶ Es ja Jesús jyunáñ:

—Jaygyuku di'ibu kyajx ja fwez axak ja'ay. ⁷ ¿Ti kyaj ttuunut ja Diosu tuj'ajtan pánuty wyin'ixudu es tmánu'xta'agudu xuuñ koots es yajpudákuat? ⁸ Du'unats miits n'anuumudu es kyaj jyáktut esu Dios pyudákudu. Per kots uj, ja Naxwiñudu Ja'ayudyu Kyudunaabyu, nmínut jatugok yá naxwiñ, ¿tii nbaadupts ja ja'ay pán myabujktap ja Dios?

Fariseeu esu yajkugubajtpu

⁹ Es ja Jesús tpajtáky jatu'ugu ixpajtan mut ja ja'ayuty di'ibu nayjya'adup jyiky'aty tuj'ajtan mut es t'axak'ixy oytyim pánuty. Du'un jyunáñ:

¹⁰ —Majtsk ja yedyujk tu 'yotsy má ja muj tsajptujk kajxtáku. Tu'uk yu'u fariseeu, es jatu'uk yajkugubajtpu. ¹¹ Es ja fariseeu tanu, du'un kyajxta'aky: “Dios, nja'aayyudákypputs mij, ja'a ko uj kyajts ndu'unaty éxtam ja wiinkpu ja'ay di'ibu ma'tsp, di'ibu pekytyu-ump, di'ibu yajtugeepy ja pujk úkunu wyindsu'kan es ni ngadu'unudyats éxtamu tyádu yajkugubajtpu. ¹² Uj n'ayu'átyuts majtsk ok ja samaan es nyákyuts tuk peky ko wya'xy majk peky tugekyu di'ibats uj nbatyry.”

¹³ 'Per ja yajkugubajtpu wye'emy jagam, es ni je'eyu kyakooje'eky es pyat'ixut tsajwinm, je'eyu kyaatsy tkoxy es du'un ñu'xta'aky: “¡Dios, pa'ayooguts uj, kots uj nbekyjya'ayuty!”

¹⁴ Net ja Jesús jyunáñ:

—N'anuumu ko yu tyádu yajkugubajtpu ñujxnu má tyujk es oj wye'emy oy mudu Dios, es ja fariseeu kyaj. Ja'a ko pán naymyujpajtáku, Dios puwijtsap, es di'ibu naybyujtáku ayooobu es mutsk, Dios yu'u ya'ijtap muj.

Jesús tkuni'xy ja uná'ku'unguty

¹⁵ Ta ja ja'ayuty dyajmiindu 'yuna'ku'unguty má ja Jesús es yajkunu'xut. Es ko ja Jesusu 'yuxpjkpúty t'ijxtu taadu, net t'oodu ja di'ibu yajmiindap ja 'yuna'ku'unk. ¹⁶ Es ja Jesús dyaxu es t'anmaay:

—Mastu'utta, wa'andsu ana'ku'unguty xyñimínduts, es katu xyajjumbítu, mut ko ja Diosu kyutujkun yu'u jya'a'ajtypy di'ibu du'an éxtam ya'ujaty. ¹⁷ Es tu'ajtan n'anamu, pán kyaj t'axaju ja Diosu kyutujkun éxtam tu'ugu ana'ku'unk, ni na'a kyatákat jam.

Makja'ay tmuadya'aky ja Jesús

¹⁸ Es tu'ugu ana'ambu dyajtuy ja Jesús:

—Oy windsún, ¿tits mbaat nduñ esuts nbaadat yu njiky'ajtanuts winu xuu winu tiempu?

¹⁹ Ta ja Jesús 'yanmaayu:

—¿Ti ko mjuna'añ kots uj n'óyuty? ¿Ti mjunaamp xytyijy kots uj nDiósuty? Yu'uyu Dios naydyi'igy oy. ²⁰ Mij mnija'ap di'ibu Dios 'yana'amun'ajtypy: “Katú xyajtagóy ja puik úknu wyindsu'kun; katú myajja'ay'eeky; katú mdoñ mmeetsy; katú pán xywyngajxpéty; mwindsu'agup ja mdaak mdeety.”

²¹ Ja ana'ambu jynáñ:

—Tugekyu tyaadu tats nguudyuunda'ay extu kots nmutsk'ajty.

²² Es ko taadu tmudooy ja Jesús, net t'anmaay:

—Mdagoy'ajtxup tu'uk. To'kta'ay tugekyu mjiky'ajtan es xumyo'oyut yu ayoobu ja'aydyujk es du'an xypyaadat ja oy'ajtan tsajpót. Es óknum mmínut es xupyanajxaduts.

²³ Es ko tyaadu tmudooy ja ana'ambu, net muk jyotmay'e'ky, ja'a ko jyantsymukja'ayuty.

²⁴ Ko ja Jesús t'ijxy ko taadu makja'ay jyotmay'e'ky, net jynáñ:

—iTsip nimujaa esu makja'ay tyákadut ma Diosu kyutujkun! ²⁵ Tu'ajtan n'anamu ko waanu pojn es tu'ugu kameyu náxat xu'uñjyutóty es ñimujaaty es tu'ugu makja'ay tyákat ma Diosu kyutujkun.

²⁶ Es ja tyadu ja'ayuty di'ibu myudoodu jynandu:

—¿Es punu du'an, pán mbaat ñitse'eky?

²⁷ Es ja Jesús jynáñ:

—Di'ibu ja'ayuty kyaj mbaat ttundu, yu Dios mbaat ttuñ.

²⁸ Es ja Peedru 'yanmaayu:

—Windsún, hudsuty tats nmastu'utta di'ibuts nmudajttap es mij mbanejxy.

²⁹ Es ja Jesús 'yadsooy:

—Tu'ajtan, oytyim pánuty di'ibu myastutypy ja tyujk, ja tyaak tyeety, o ja myugu'uguty, o ja ñudo'oxy, o ja 'yu'unk, es xupyanajxaduts uj, ³⁰ Dios mo'oyudup waanu ni'igu ma tyaadu naxwiñdu, es ma ja naxwiñdu di'ibu miimp, 'yaxájur ja jiky'ajtan winu xuu winu tiempu.

Jesús tnigajxy myuduguk ok ja 'yo'kun

³¹ Net ja Jesús dyajnejxy wiink tsoo ja nimajmajtskpu 'yuxpujkrp, es t'anmaay:

—Tyam njo'omam Jerusalén ma yajkuudyuna'añ tugekyu di'ibu ja Diosu kyugajxpu kyuxjaaydyu, wi'ix uj, ja Naxwiñdu ja'ayadyu Kyudunaabyu, njata'añuts. ³² Pes xykuuyaka'anduts ma ja romanu ja'ay, es xytyukxi'iga'anduts, axuuk xytyuna'anduts es xywyindsuju'uga'anduts. ³³ Xywyopa'añuts es óknum xya'ooga'añuts; per kyumdugak xuu njikyuyuka'añuts.

³⁴ Es ja 'yuxpujkrutajk kyaj tjaygyukudu éxtam jynáñ ja Jesús es kyaj tñijáwudu ti kyajxpy.

Jesús dya'ijxpéky tu'ugu wiints

³⁵ Ko ja Jesús jya'táñ ma ja Jerikoo kajpn, tu'ugu wiints 'yu'uñu tu'aay t'amdoy ja limosnu.

³⁶ Es ko tmudooy ko ñaxy ja mayjya'ay, net ja wiints dyajtuy ti tu jyátyuty. ³⁷ Es jynandu ja mayjya'ay:

—Yu Jesús nazarenu najxp yadsoo.

³⁸ Net ja wiints yaxkeky:

—Jesús, Davitu tyuamp 'yaats, ipa'ayoogats uj!

³⁹ Es ja di'ibu najxtap jawyiin 'yooju es 'yamónat. Per ja wiints ni'igu jyantsyya'axy:

—Davitu tyuamp 'yaats, ipa'ayoogats!

⁴⁰ Net ja Jesús wya'k'a'aju es tnigajxu es myínat. Es ko ja wiints myiñ wingón, net ja Jesús dyajtuy:

⁴¹ —¿Ti mdsejpy es mij ndukmádúnat?

Es ja wiints 'yadsooy:

—Windsún, yu'uts ndsejpy esuts n'ijxpákat.

⁴² Jesús jynáñ:

—Axaju ja m'ijxun, tu m'agudaky ja'a ko tu xymyabeky.

⁴³ Es netyu ja wiints oj 'yijxwa'xy, es tpanejxy ja Jesús es t'awdaty ja Dios. Es nidugekyu ja'ayuty di'ibu 'yijxtu tyaadu, nandu'un t'awdajty ja Dios.

19

Jesús esu Zakeeu

¹ Net ja Jesús jyajty ma Jerikoo kajpn es ñajxy jap kajpnóty. ² Es jap tsyũũnu tu'ugu mukja'ay di'ibu xyu'ajtypy Zakeeu. Yu'u ijty yajkugubajtpu windsún. ³ Tadu Zakeeu t'ixa'añ ja Jesús. Per kyaj mbaat, ja'a ko yu'u xnaku'unck es jantsy mayjya'ay jap. ⁴ Net ja Zakeeu ñejxy pãye'egyũ jawyiin es kyaxpejty ma tu'ugu iigu kepy es t'ixa'añ ja Jesús.

⁵ Es ko ja Jesús jyajty ma yu'u jam, net pyat'ijxy es 'yanmaayũ:

—Zakeeu, jnak pojũn, ja'a ko koonũmts tyam nwu'uma'añ ma mdũjk.

⁶ Net ja Zakeeu jyanajky pojũn, es t'axaju ja Jesús mat ja oyyjot.

⁷ Es ko ja ja'ayuty t'ijxtũ, net ñay'anmaayũdu:

—Tu ñejxy jajttakpu ma tu'ugu pekyjya'ay ja tyũjk.

⁸ Net ja Zakeeu tyanaayeyky es t'anmaay ja Jesús:

—Windsún, tyãmũts nmo'oya'añ ja ayoobũ ja'aydyũjk ja njiky'ajtnũts kujkwa'xy. Es pũn tũts ndoñ pũn mat ja anũũ, tyãmũts nyajjũmbitũt taxk du'anũn.

⁹ Es ja Jesús 'yanmaayũ:

—Tyam tu jya'ty ja nitsokũn ma tyadu tajk, ko yu tyadu yedyũjk yu'u nandu'ũnu Abraanũ tyũũmp 'yaats. ¹⁰ Es uũ, ja Naxwĩũdu Ja'ayũdu Kyudũnaabyũ, tu nmĩũts es n'axta'ayũts es nyajnitso'oga'añũts pũn tu tyuũduũgũy.

Meeñ éxtũũ ixpajtũn

¹¹ Tyamũ naty ja ja'ay tmũdowdu, net ja Jesús trujta'agyũ tadũ ixpajtũn ja'agyũjxm ko wyingoomp Jerusalén es ko yu'ũjuty wyinmaydyũ ko netyũ ja Kristũ t'axajyũ'añ ja kyutujkũn éxtũũ ja reyũn. ¹² Es jyanáñ:

—Jaa ijty tu'ugu mukja'ay di'ibu oũ ñejxy jagam wiink naxwĩũdu es t'axajyũ'añ ja kyutujkũn éxtũũ ja rey es ókũũn jyũmbitũt. ¹³ Es ko tsoonáñ, net twoodsooy nimajk ja tyuumbũ es tmooydyũ nidu'uk nidu'uk kujktu'ugu meeñ di'ibu jantsy tsooxũ, es t'anmaaydyũ: “Yajtũndũ tadũ meeñ extũ kots uũ njũmbitũt.” ¹⁴ Es ja ja'ayuty di'ibu yu'u myũgũgajpn'ajtypy kyaj tsyékũty, es tyukpagajxũ ja wiinkpu kugajxy es ya'anũũmũt: “Kyajts ndsoktũ esũ tadũ yedyũjk ryey'átũt yaa.”

¹⁵ 'Per oũ tyũkũ rey, es jyũmbijty ma ja ñaxwĩũdu. Es ko jyajty, ta tnigajxũdyay ja tyuumbũ di'ibu tu tmo'oy ja meeñ. Es dyajtũũy nũ'ũn tu gyanaraty nidu'uk nidu'uk. ¹⁶ Ja jawyiimbũ myũjwa'ky es jyanáñ: “Windsún, majkũ du'ũnũn tu gyanaraty ja mmeeñ.” ¹⁷ Es ja rey 'yadsooy: “Oy. Mij yajxón tu mduñ. Es ko tũts xymyũdũũ yajxón mat waanũ, tyam nbũjta'aky es xyajkutũkũt majkũ kajpn.” ¹⁸ Es jatũ'uk myiĩũ es jyanáñ: “Windsún, ja mmeeñ tu gyanaraty mũgoxk du'ũnũn.” ¹⁹ Es nandu'ũn ja rey 'yadsooy: “Mij myajkutũkũp mũgoxkũ kajpn.” ²⁰ Net jatũ'uk myiĩũ es jyanáñ: “Windsún, tyaa ja mmeeñ. Tũts nbũjke'eky ma tu'ugu payũ. ²¹ Ndsũ'kũpts mij, ja'a ko mij mbayep'y di'ibu kyaj tu xyaky es mdsiikypy di'ibu kyaj tu xyũi'ipy.” ²² Net ja rey jyanáñ: “Mij, kyaj oy tu mduñ. Mat ja mgu'ũm ayuk ngũyákũt. Pũn mnijap'ap kots uũ nyajmiky di'ibũts kyaj nbũjta'aky es ndsiikyũts di'ibũts kyaj tu nni'ipy, ²³ ¿ti ko tu xykyapũjta'aky yu nmeeñũts ma yu bankũ?, es kots uũ nja'tũt n'axájũdũts nandu'ũn yu 'yajyudyũk.” ²⁴ Es t'anmaay di'ibu naty jãmũty: “Pũjũ tadũ meeñ es xymyo'oyũt di'ibu myũdajtypy majk.” ²⁵ Es yu'ũjuty jyanandũ: “Windsún, itam tmũdaty majk ja meeñ!” ²⁶ Es ja rey 'yadsooy: “Tũy'ajtũn n'anũũmũ miidsũty, di'ibu myũdajtypy, ni'igu 'yak'yaĩmo'oy, es pũn waanũ tmũdaty, yajpũkũ di'ibu myũdajtypy waanũ. ²⁷ Es pũnũty xymyũdsip'ajtpũts es kyaj tũseky esũts uũ n'ĩtũt rey, yajmĩn ja yaa es ya'ooktũ yũ nwindũũyũts.”

Jesús tyũkũ Jerusalén éxtũũ tu'ugũũ rey

²⁸ Es ko oũ jyanãanda'ay du'ũn, ja Jesús 'yaknejxy Jerusalén. ²⁹ Es ko wyingoõũ ma ja kajpnũty Betfajee es Betañũ, ma ja Olliũũs Kopk, jam ja Jesús tkejxy nimajtskũ 'yũxpũjkrũ, ³⁰ es t'anmaay:

—Nũjxtũ jap kajpnóty tu nwingo'onũm. Ko jap mja'ttũt, jap xypyaadũt tu'ugu burrũ kuwũũñ di'ibu ni pũnnũm tkatuk'u'ũũũ. Xymyũgãjut es xyajmĩnũt. ³¹ Es ko pũn myajtãwũdũt ti ko xymyũgãju, xy'anũũmũt: “Ja Windsún tsyeyjy.”

³² Es ja 'yũxpũjkrũty oũ ñũjxtũ es trãttũ du'ũn éxtũũ ja Jesús 'yanmaayũ. ³³ Es ko naty tmũgãju ja burrũ, net ja ñũwindsún yajtũũju:

—¿Ti ko xymyũgãjũdu tadũ burrũ?

³⁴ Es yu'ũjuty 'yadsoodũ:

—Ja'a ko yu'u Windsún tsyeyjy.

³⁵ Es dyajnũjxtũ ma ja Jesús es trũjãktũ ja wyit jam burrũ ñũkũjxy es ja Jesús ttũkejty. ³⁶ Es ko ja Jesús tyũ'uyo'oy, ja ja'ayuty dya'aptũ wyit tu'ãay ma ñaxã'añ. ³⁷ Es ko wyingoõũ ma

wyinjanaky ja tu'u mā ja Oliivus Kopk, nidugekyu ja mayjya'ayuty xyondaktu es t'awdajttu ja Dios mat ja'agyujxm di'ibu tu t'ixtu,³⁸ es jynandu muk:

—iDios kyunu'xubu tadu rey di'ibu miimp ja Nindsan'ajtmgyujxm! iWa'an t'ity ja xondakan jam tsajpótm! iMuj kujxm 'yítat ja Dios!

³⁹ Net nija'ajuty ja fariseeuty di'ibu naty jap mayjya'ayoty t'anmaagydyu ja Jesús:

—Ya'uxpajkpu, oo yu m'uxpajkputajk es 'yamóndat.

⁴⁰ Es ja Jesús 'yadsooy:

—N'anuumadu pun yu'ujuty amoondap, extu yu tsaa yaxka'aktap.

⁴¹ Es ko jyajty wingón mā t'ijxy ja Jerusalén kajpn, ta ja Jesús tnijuuy ja kajpn,⁴² es jynañ:

—Jerusalén ja'ayuty, pun m'oknija'adapxyup mā tyamu mxuu wi'ix xurpaattat ja jotkujk'ajtan. Per tyam ayu'udsyu 'yity mā miidsaty.⁴³ Es ja'tup ja xuu mā mmadsiputy jya'ttat es dyajkojtap mudu tsaa, nax, o tijátyuty mā ñaygyuwa'anadut, es tugekyu myajnadu-jkta'ayadut otytim madsooty⁴⁴ es dyajtugóyt ja mgajpn es dya'oogut ja mja'ayuty, es kyaj dyajwa'mmat ni tu'ugu tsaa nikuuabyéty mā ja mbotsy. Tugekyu tyaadu tyun jyátat ja'a ko kyaj tu xyñijawadu ko yu Dios tu mmimínadu.

Jesús dyajpadsémy di'ibu juuy to'ktup mā ja muj tsajptujk

⁴⁵ Net ja Jesús jyajty mā ja muj tsajptujk es dyajpadsémy di'ibu naty to'ktup es juudyup jap,⁴⁶ es t'anmaagydyu:

—Yu Diosu jyaabyajtan jynana'añ: “Yu ndajkats yu'u du'un mā ja'ay kyajxta'aky”, es miits xyajwa'andu ma'tspru aánk.

⁴⁷ Es bom bom ja Jesús ya'uxpeky mā ja muj tsajptujk. Es ja teedywyindsánaty es ja di'ibuty tsajptugóty ya'uxpajktap es nandu'un ja mujja'aydyujk t'uxta'aydyu ja winma'añ wi'ix ja Jesús 'yoogut.⁴⁸ Per kyaj tpattu wi'ix túnat, ja'a ko nidugekyu ja ja'ay tam yaxón tmudoo'ittu.

20

Jesusu kyutujkun

¹ Tu'ugu xuu Jesús dya'uxpeky ja ja'ayuty es tkajxwa'xy ja oybyu ayuk muj tsajptujk ñabotsoty, net jyajttu ja teedywyindsánaty es ja di'ibuty tsajptugóty ya'uxpajktap es ja mujja'aydyujk,² es jynandu:

—Anmaagyuts, ¿ti kutujkun mmat xytyuñ tyaadu es pán tu mmo'oyadyu tadu kutujkun?

³ Net ja Jesús jynañ:

—Ej nandu'un nyajtuwaambyuts tu'ugu ayuk miidsaty, es xy'adsoojambítat.⁴ ¿Pán mooyu yu kutujkun ja Fwank es yajnaabátat, yu'u Diosu, o ja'ayu?

⁵ Es yu'ujuty ñajjynánadu:

—Ko n'anma'ayum: “Yu'u Dios mooyu yu kutujkun, yu'u xy'anma'ayum: ¿Es ti ko xkyamabuktú? ⁶ Es pun n'anma'ayum: Yu'u wyinma'añudyu ja'ay, pojun nidugekyu yu ja'ay xkyuka'tsta'ayam, ja'a ko yu ja'ayuty myabajktap ko ja Fwank yu'u Diosu kyugajxpu.”

⁷ Paaty t'anmaagydyu ko kyaj tnijawu.

⁸ Net ja Jesús jynañ:

—Ej nan kyajts miits n'anuumadu ti kutujkanuts uj nmudajtypy.

Axuk kamgwentu'ajtputy ijxpajtan

⁹ Net ja Jesús tyujku madyakpu mat ja ja'ayuty, es trujtákyu tadu ijxpajtan:

—Jaa ijty tu'ugu yedyujk di'ibu kyoj yu uuvu kam mā ja ñax. Es óknam ttukmijky ja uuvu kam mudu wiink ja'ayuty es tsyo'onnu ja kugam, ñujxnu jeky.

¹⁰ Es ko tpaty yu tiempu mā ja uuvu yajtúkat, net ja kugam tkejxy tu'ugu tyuumbu es t'amdówt ja ja'ayuty di'ibu ja kugam pátap. Es ja ja'ayuty kyaj ti dyajky, je'eyu tkepywojpta es dyajjambijttu.¹¹ Net ja kugam tkejxy ja wiinkpu tyuumbu. Es nandu'un axuk tuundu, tkepywojpta es dyajjambijttu. Ni ti tkamoodyu.¹² Net ja kugam tkejxy jawiinkpu tyuumbu, es ja ja'ayuty dyajtsayujttu es dyajkáktu.

¹³ Es tim óknam ja kugam jynañ: “¿Tits ndúnup? N'okkexyudsu n'u'unk di'ibuts njantsyt-syejpy. Ko yu'u t'ixtat, wa'an twindsu'ugadut.”¹⁴ Es ja ja'ayuty di'ibu jam kywentu'ajttap ja uuvu kam, ko t'ijxtu, net ñay'anmaagydyu: “Tyaadu yu'u myuwammyaambyu tadu kam éxtamu kuma'añ. N'ok'ya'o'kam es udsajtam nja'a'ajtam yu tyaadu.”¹⁵ Net dyajpadsuumdu jap kamoty es dya'o'ktu.

Net ja Jesús dyajtuuy:

—¿Ti tyúnup mat yu'ujuty ja kugam? ¹⁶ Mínap es dya'o'kta'ayadyu tadu axuk ja'aydyujk, es tmo'oyut ja wiinkpu 'yuuvu kam.

Es ko ja ja'ay tmudoodu taadu, ta jynandu:

—iNi tkatsókat ja Dios!

¹⁷ Per ja Jesús wyin'ijxudu, es jynañ:

—¿Es ti myaydya'agaampy di'ibu jap mā ja Diosu jyaaybyajtun mā kaxja'ay 'yity?:
Yū tsaā di'ibu ja pojtsputujk myastutū,
tū tpaaty ja lyugaar mā ja tujk t'ujx'áty.

¹⁸ Es pán jam kaxjubijp mā tadū tsaā, kanak pedazū jam wya'xat. Es pán tadū tsaā nitimpajtap pánaty, tukwa'ayudya'ayudap.

¹⁹ Es ja teedywyindsúnaty es ja di'ibaty tsajptugóty ya'uxprijktap netyū tjamatsandū ja Jesús, ja'a ko yū'u űija'adap ko ja Jesús tū tpaajta'agyū tadū ijpajtun mut yū'ujaty. Per kyaj tmajtstū, ja'a ko ja ja'ay ttsu'ugudū.

Jesús tmaadya'aky ja kugubajtun

²⁰ Net tkajxtū ja kugajxyuty di'ibu nay'andijudap jyiky'attu tūy'ajtun muat, es t'uxtaaydyū ja winma'añ wi'ix dyajka'adut es tkayaka'andū mā ja gobernadoor. ²¹ Es t'anmaaydyū ja Jesús:

—Ya'uxprijkru, nnija'adapts ko mduk'uxpeky di'ibu tūy'ajtun es kyaj xyajtgátsy ja m'uxprijkan, ti'igyū mgajpxy oypyránaty muat, es mya'uxpeky mut ja tūy'ajtun mā ja Diosu tyu'u. ²² Anmaagyats, ¿tii mbaadats uj ngugubattu mā ja yajkutujkru kopk Sésur, o kyaju?

²³ Es ja Jesús űija'ap ja ja'ayuty 'yaxuk winma'añ es t'anmaagy:

²⁴ —Tuk'ijxkats tu'ugu meeñ. ¿Pán jam kaxkojy ja wyiin jyujp es pán ja xyūū kaxja'ay?

Es ja ja'ayuty 'yadsooy:

—Yū'u yajkutujkru kopk.

²⁵ Net ja Jesús jyunáñ:

—Pes mo'oy ja yajkutujkru kopk di'ibu yū'u jya'a'ajtypy, es mo'oy ja Dios nandu'an di'ibu yū'u jya'a'ajtypy.

²⁶ Es ja ja'ayuty űija'adap ko Jesús wyijyaty mut ja 'yayuk éxtam tū 'yadsoy. Es kyaj mbaat dyajka'adu wi'ix ko yū'u ya'uxpeky mut ja mayjya'ay, es net yū'ujaty 'yamoondaaydyū.

Ja'ay dyajtáwdu pán jikyupyáktap ja o'kruty

²⁷ Es óknam niija'ajuty ja saduseeuty myiindu mā ja Jesús. Ja saduseeuty jyuna'andū ko kyajp jikyupyuka'añ ja o'kruty. Paaty t'anmaaydyū ja Jesús:

²⁸ —Ya'uxprijkru, ja Moisés tkaxjaay pán tu'ugu yedyujk o'kp es tku'oogut ja űado'oxy es kyaj tū 'yu'unkpaaty ni tu'uk, ja o'krū 'yutsy pyákap ja ku'ekytoy'oxy. Es ko tpaadat ja 'yu'unk yedyujk, yū'u tyunikujxm'átap ja jamyil. ²⁹ N'ixy'ajtats ja ja'ayuty di'ibu niijxtujk tukka'ax. Es ja ka'axkórk pyejky, es 'ye'ky, es kyaj dya'u'unkpáty ja űado'oxy. ³⁰ Ta ja myamajtskru tpejky ja ku'ekytoy'oxy es nandu'an jyajty. ³¹ Es ja myadugaukru nandu'an jyajty. Extu ko 'yabudseemy niijxtujk, es ni pán tkatukpattu 'yu'unk. ³² Es ko tyaadu dū'an tugekyū űajxy, ta nandu'an ja toxytyujk 'yo'knu. ³³ Es yū'uts nyajtawaampy. Ko jikyupyákt, ¿pánuk yū'u nidu'uk űado'oxy'ajtypy?, ja'a ko yū'u tpuj'kabudsumdaaydyū tadū toxytyujk niijxtujkaty.

³⁴ Net ja Jesús 'yadsooy:

—Mā tyādu naxwifūdu, pujktap ja ja'ayuty, ³⁵ per di'ibaty nitujkrap es jya'ttut mā tadū jiky'ajtun es jikyupyáktat, kyaj űakypyáktat, ³⁶ ja'a ko kyaj mbaat űaky'oooktū. Pes dū'an 'yítat éxtam ja ánkłusaty, Dios 'yu'unk'átadut, mut ko tū jikyupyáktu. ³⁷ Mā yajmadya'aky ja kepy toy, ku'um ja Moisés xytyukniija'am ko yū o'krū jikyupyáktu. Es jap tkaxjaay ko Dios 'yanmaagyū: “Ujts Dios di'ibu ja m'aptujkaty xyDyios'ajtupts. Ujts dū'an ja Abraānu Dyios, Isāa esū Jakooob.” ³⁸ Dios, kyaj yū'u Dyios'aty mut ja eekypyū. Yū'u 'yity Dios mut ja jikyupyū. Es mut yū'u tugekyū jiky'ajtta'aydyū.

³⁹ Net naagyty ja di'ibu tsajptugóty ya'uxprijktap jyunandu:

—Oy tū xy'adsoy.

⁴⁰ Es kyaj pán 'yoknaydyuk'a'ijxūū es tii tnakyyajtáwdat.

Pánu tyūamp 'yaats ja Kristu

⁴¹ Net ja Jesús dyajtūdu ja'ajuty:

—¿Es wi'ix mjuna'andū ko ja Kristu yū'u Davit ja tyūamp 'yaats? ⁴² Davit ku'um jyuna'añ mā ja Salmū neky:

Yū Nindsan'ajtam Dios t'anūūū ujtsū nWindsán:

“U'ūñ yāā aga'añdsyoo mā ujūn

⁴³ extu kots uj nyajtgóyut tugekyū mij ja mmudsip.”

⁴⁴ ¿Es wi'ix mbaat yū Kristu tyūamp'áty 'yaats'átyuty yū Davit?, ja'a ko Davit ku'um jyunáñ: “NWindsánats.”

Jesús tniyajxy ja di'ibu tsajptugóty ya'uxprijktap

⁴⁵ Es ja ja'ayuty nidugekyū tmūdoo'ity ko Jesús t'anūūū ja 'yuxprijkpruty:

⁴⁶ —Naygywentū'átudu miidsuty muat ja di'ibaty ya'uxprijktap tsajptugóty. Yū'u pyujtáktap ja witu yembyū, es tsoktū es ja ja'ayuty 'yabo'x kyajxpo'xadut tu'āy yudu windsu'kun

es t'uxta'aydyu uñaabyajyn ja oybyu ma ja tsajptujk es ma ja xuu tyúñuty, ⁴⁷ es trujkudu ja tyujkuty ya ku'ekytyo'oxyuty, es kyajxta'aktu jeky es du'un twin'uuna'andu ja ja'ayuty, es ñay'andijudu jyiky'attu tuy'ajtan muut. Paaty patudap ni'igu ja tudydu'unan.

21

Ku'ekytyo'oxy ja myeeñ dyoxy

¹ Es ma ja muj tsajptujku 'yalkansiiu ja Jesús t'ijxy ko ja mukja'aydyujk trujta'aktu ja meeñ. ² Es nandu'an t'ijxy ko tu'ugu ku'ekytyo'oxy ayooba trujta'aky nandu'an majtsku mutsk meeñu'unk. ³ Es ja Jesús t'anmaay ja 'yuxpujkrutujk:

—Tuy'ajtan n'anuumu ko tyadu ku'ekytyo'oxy di'ibu ayoop tu dyaky ni'igu es kadiinam ja mukja'ayuty, ⁴ ja'a ko yu'ujuty tu dyaktu di'ibu yajnadujkap, peru tyadu ku'ekytyo'oxy tu dyaky tugekyu ja myeeñ di'ibu tukjiky'ajtan.

Jesús tnigajxy ko ja muj tsajptujk tyugoya'añ

⁵ Es nija'ajuty jyuna'andu ko ja muj tsajptujk 'yóyuty tsyújuty ya'ixy mut ja tsaa ja oyatypyu es mut di'ibu ja ja'ay tu tnayaktu éxtum ja windsu'kun. Net ja Jesús jyunañ:

⁶ —Ja'tup ja xuu ko tugekyu tyaadu di'ibu miits m'ijxtap jyijta'ayut es ni kyawu'umut ni tu'ugu tsaa nikuuabyéty.

Ijxwu'umun ko ja naxwiñudu tyugoya'añ

⁷ Es ja 'yuxpujkrutujk dyajtuudu ja Jesús:

—Windsun, ñna'a tyaadu jyata'añ du'un es wi'ix ja ijxwu'umun ko tyaadu du'un jyata'añ?

⁸ Es ja Jesús jyunañ:

—Naygywentu'atudu, kadiibu myajwin'uandut, ja'a ko may myina'añ di'ibu juna'anaamp: “Ujtsu du'un ja Kristu.” Es juna'anaamp: “Tu jya'ty ja tiempu.” Katu xypyanujxtu. ⁹ Ko xymyodówdut es jyuna'andu ja'ay ko myina'andu soldaadu es tsyiptuna'andu, kyaj mnay'adsu'ugudut. Dios tyuknibujtaku es yu'u tyun jyátut jawyiin, per kyajnum traaty ma ja naxwiñudu tyugóyut.

¹⁰ Tu'ugu naxwiñudu tsyiptunat mut ja wiinkpu naxwiñudu esu ana'ambu mut ja wiink ana'ambu. ¹¹ Es myínut ja muk uix, es majaty nax kajpn myínut ja yuu es ja muk pa'am, es jam tsajwinm ya'ixut ja ijxwu'umun di'ibu naxwiñudu ja'ay tsyu'ugudap.

¹² Es kyajnumu naty tyuñ jya'tyuty tugekyu taadu, miits myajmátstut, myajtsúmut es myajtsaatsyutunat, myajmunujxap ma ja kumdattujk es ma gubernador es ma réyuty, ja'a ko miits xypyanujxtupts. ¹³ Es du'un miidsuty xykyajxut ujtsu nja'a ma ja ja'ayuty. ¹⁴ Katu mjotmay'ooktu miidsuty wi'ix mnayñikajxtu'ududut, ¹⁵ ja'a ko ujts nyákap ja ayuk es ja winma'añ di'ibu ni pún ja mmedsip kyamada'agut es mjujpkugajxudut. ¹⁶ Es n'awanu miidsuty ko extu mdaaq mdeedyuty es ja mmuga'axuty es yu mmutnauymyaayubuty mgyákudap, es mya'oogudut nidu'uguty miidsuty. ¹⁷ Es nidugekyu ja'ayuty m'axak'ixudut ja'a ko miits xypyanujxtupts. ¹⁸ Per ko du'un ja ayo'on jya'tut, kyaj mjuna'anat ko Dios tu mja'aydyugooynu. Dios mgwentu'ajtudap oy, extu mwaay di'ibu mgubajkkajxm myudajtypy madsyoy. ¹⁹ Amuk jotmak mnaybyujta'agudut es xypyaadut ja nitsokan.

²⁰ Ko xy'ixtat ja Jerusalén kajpn ñadujkta'ayut mut ja soldaaduty, tu naty traaty ma kyutugoya'añ. ²¹ Es miidsuty di'ibu ijttap Judeeu, najxtu jagam yugoty; es púnuty ijttap Jerusalén, pudsumdu nandu'an netyu, es púnuty ijttap kamoty, kyaj jyumbítut kajpnóty, ²² ja'a ko ayo'on jatánap es yajkuudyuna'añ éxtum ja Diosu jyaabyajtan jyuna'añ. ²³ Puroobu yu toxytyujkuty di'ibu u'unkmuuduty es di'ibu ya'u'unktsi'tsp ko du'un jyátut, ja'a ko muk ayo'on ñáxtut ma ja nax, y ni'igu jyátut tsaaty kyubety ma tyadu ja'ayuty. ²⁴ Nija'adyu ja'ay ya'oogudut ja soldaaduty. Es nija'ajuty yajmunujxtut tsimy majatyu wiink naxwiñudu. Es ja wiink ja'ayuty di'ibu kyaj 'yisraelítuty 'lyana'amu ma ja Jerusalén kajpn extu ko kya'pxat ja tiempu di'ibu Dios tu trujta'aky.

Wi'ix jyumbítut ja Naxwiñudu Ja'ayudyu Kyudunaabyu

²⁵ Es ya'ixa'añ ja ijxwu'umun di'ibu Dios tyunaampy ma xuu es ma po'o es ma mudsá'a. Es ja naxwiñudu ja'ay kyaj tnijáwudu ti tunánap es nay'adsu'ugudap muk ko tmudówdut pyumimy yu jikymyejyñ es jyantsypyudu'agut. ²⁶ Es ja ja'ayuty extu o'ktsu'ogup mut ja tsu'ugu ko t'ixut di'ibu jatánap ya naxwiñ, ja'a ko extu yu mudsá'a yu'xa'añ. ²⁷ Net t'ixtat ko uj, ja Naxwiñudu Ja'ayudyu Kyudunaabyu, nminudats ya naxwiñ yoodsóty mut ja muk'ajtan es ni'igu muj'ajtan. ²⁸ Es ko oga'an tsyonda'agut tyadu ayo'on, jotkujkudu es kooju'uktu, ja'a ko pojpn myínut ja mniitsokan.

²⁹ Es ja Jesús nandu'an trujtáky ja ijxrajtan:

—Ixtu yu iigu kepy es oytyim di'ibu képyuty. ³⁰ Ko xy'ixtat xymimy yu 'yaay, miits mnija'adap ko tu wyingón ja ambu. ³¹ Es nandu'an ko xy'ixtat jyátudu tadu di'ibu tu n'anuumu, mnijáwadap ko tu wyingón ja Diosu kyutujkan.

³² Tūy'ajtn n'anūmudu ko tugekyu tyādu jyatā'añuty maanama naty ja ja'ayuty di'ibu tyam kyaj 'yo'kta'ayduyūnm. ³³ Ja tsajp es ja naxwiñudu nāxup, per ja n'ayūktas ni na'a kyakexy kyanaxy.

³⁴ Mnaogywentū'ātudup miidsaty. Katy mnaymastu'ududu es nūgoo mgay mma'uuktat es xymyūmay xymyūdajtat di'ibu yā naxwiñ, esu tadu xūn ajotkumiigyū ti'in myajtukja'ttat ēxtam ko ja juyujkuty yajnāky. ³⁵ Es du'un jyāttat nidugekyu naxwiñudu ja'ay kots uј nūjx nmiñ. ³⁶ Awix jūjp'ixtu es du'ūñam mgajxtā'aktat es du'un mnitso'oktat ko jyātat tadu ayo'on es muk ađ muk jot xywyinguwa'agudats, uј, ja Naxwiñudu Ja'ayudyu Kyudanaabyu.

³⁷ Xūñ ja Jesūs ya'axpeky mā ja mūj tsajptūjk, esu tsu'um jam dyajnāxy mā Oliivus Kopk. ³⁸ Es nidugekyu ja'ayuty jyajtta jēryup jap mā ja mūj tsajptūjk es tmūdoo'itā'añ ja Jesūs.

22

Tkajxy'attu pūn wi'ixu Jesūs yajmātsut

¹ Es ja pasku wyingoñu naty mā yajkāy ja tsajkaaky di'ibu kyaj tmūdaty ja levaduuru. ² Es ja teedywyindsānuty es ja di'ibuty tsajptugōty ya'axrajktup t'uxta'aydyu ja winmā'añ wi'ix 'yooout ja Jesūs, per ttsu'ugudu ja ja'ayuty.

Juudas tkayakā'añ ja Jesūs

³ Net ja mūjku'ugóp Satanás tmooy ja winmā'añ yu Juudas Iskaryotu di'ibu ijtp nidu'uk mā ja nimajmajtskpu Jesusu 'yuxrajkpu, ⁴ es oј ñejxy mā ja teedywyindsānuty es di'ibuty yu mūj tsajptūjk kywentū'ajttup, es myadyaky mut yu'ujuty wi'ix tkayakā'añ ja Jesūs. ⁵ Es ja ja'ayuty xyondaktu es t'anmaaydyu ja Juudas ko tmo'oya'andū meeñ. ⁶ Es ja Juudas tkupejky es t'uxtaay ja winmā'añ wi'ix tkayākut ja Jesūs ko kyaju naty nu'unu ja'ay.

Nindsun'ajtamu 'ya'ux

⁷ Es mā ja pasku ko ja ja'ayuty dya'ooktu ja byorreegu, ⁸ net ja Jesūs tkejxy yu Peedru mut ja Fwank es t'anmaay:

—Nūjx ya'abaadudu ja pasku a'ux.

⁹ Es yu'ujuty dyajttudu:

—Ma xytsyeky es nya'abaadudats?

¹⁰ Es ja Jesūs 'yadsooy:

—Ko miits mgajpndūkadut, net xpyaadut tu'ugu yedyujk di'ibu myūnejxypy tuk tsiyu nūn, es xpyanūjxtat extu mā tyujktūku. ¹¹ Es xy'anūmat ja kudujk: “Ja Windsān yu'u myajttūjup: Ma ja kwartu mā mbaat n'a'ux'āttudats mududsu n'axrajkptūjk tyam ja pasku?” ¹² Net mduk'ixudut tu'ugu mūj kwartu es oydyūñ mā ja tukniku'aybyu tūjk. Es xy'uxkūkut ja a'ux jam.

¹³ Es yu'ujuty ñujxtat es trattu tugekyu ēxtam 'yanmaayū ja Jesūs, es dya'abātudu ja pasku a'ux.

¹⁴ Es ko ooru oј tratnu esu ja'ay 'y'a'ux'āttut, ta ja Jesūs es ja 'yuxrajkptūjk ñaxwa'tstaaydyu meesu winduuy. ¹⁵ Net ja Jesūs jyunāñ:

—Njantsytsyékyuts es ndunū'añuts mut miits yu tyādu pasku a'ux mā kyajnumts n'eeky.

¹⁶ Ja'a ko n'anūmudu ko kyajts nnakykyāyut ja pasku a'ux extu ko yajkuydyūnat mā ja Diosu kyutujkan.

¹⁷ Net tkone'ky tuk vasu vinu es tja'aygyudāky ja Dios es t'anmaay ja 'yuxrajkpty:

—Matstu es xyajwā'xtat miidsaty. ¹⁸ N'anūmudu ko kyajts nnaky'uugudats ja vinu extu ko myīnat ja Diosu kyutujkan.

¹⁹ Es óknum tkone'ky ja tsajkaaky es tja'aygyudāky ja Dios, net ttujkwa'xy es tmooydyu ja 'yuxrajkpty es t'anmaay:

—Yu'u tyādu uјtsu nnini'x di'ibu yajkayakāamp mut miidsaty. Tundu du'un esats xyjamyātstat.

²⁰ Es nandu'un ttuñ mut ja vasu vinu ko kyaaydyaay mā ja a'ux es jyunāñ:

—Tyādu vinu, yu'uts ja nne'pyñ di'ibu yajtamaamp yaj'yokāamp kots n'oogut miidsaty m'oy'ajttūgyujxmuty es yu'ugyujxm ja Dios mmo'oyudat ja jembyu kajxy'átyryu.

²¹ Es ja yedyujk di'ibuts xykyayakāamp, ta tyam 'iyity mut hudsaty mā tyādu meesu. ²² Es tūy'ajtn ko uј, ja Naxwiñudu Ja'ayudyu Kyudanaabyu, nyo'oyats mā ja o'kan ja tyu'u, ēxtam ja Dios tu trūjta'aky. Per pūroobu ja yedyujk di'ibuts xykyayakāamp.

²³ Net ja 'yuxrajkpty ñayajttūjudu ak yu'ujuty pūnu da kuyakānp.

Pūn waanu mūj

²⁴ Net ak yu'ujuty ñayjyunānudu pūnu da ni'igu mūj ijtp. ²⁵ Es ja Jesūs 'yanmaayudu:

—Ja naxwiñudu ja'ayu gyéyuty esu gyobernadoorty ñaymūjprūjta'agudu, es tsoktu es ja ja'ayuty jyunā'andut ko yu'u jiyky'attu tūy'ajtn maat. ²⁶ Per miidsaty kyaj du'un xytyūndut. Ko mūj m'itā'ānat mā Dios, kyaj mnaymūjprūjta'agudat. Naybyūjta'agudu ēxtam di'ibu

waanu mutskpu, es di'ibu ana'amp, yu'u naybyujtakup éxtam tu'ugu tuumba. ²⁷ ¿Es pán ni'igu muj? ¿Di'ibu uñaapy ma ja meesu es kyay, o ja tuumba di'ibu wingiipy? Ja'a pán uñaapy es kyay, ¿kudii? Per uj tyámuats ma miidsaty éxtam di'ibu wingiipy.

²⁸ Es miidsaty tu xyjamyadattuts es tu nandu'un m'ayowdu mat uj. ²⁹ Paaty éxtam yu nDeedyuts tu xymyo'oyuts ja kutujkan, uj nmo'oya'añuts miidsaty nandu'un ja kutujkan ³⁰ es mgay m'uuktat mat ujts mats ja meesu kots uj nminat yajkutujkpu, es nbujta'aktat miidsaty éxtamu gobernadoorty es m'ana'amut ma ja majmajtskpu Israelu myaangudyu tyuamp 'yaats.

Jesús tnigajxy ko Peedru 'yuxti'a'añuty

³¹ Es ja Jesús t'anmaay ja Peedru:

—Simonk, ja mujku'ugórk Satanás tu t'amdoj yu kutujkan ma Dios es miits myajwijsxita'andu éxtam ja triigu yajwinxity. Ja'adsu tyaadu n'andijpy, íxup wi'ix myajpekytyúndu.

³² Per uj tuts nmunu'xta'aky ja Dios kudii pu mmubujkan tyugoy'átat. Es ko mij mjodambítat, xpyyudákat ja mmagu'ugaty es kyajts uj xymyastu'tuttat.

³³ Es ja Peedru t'anmaay ja Jesús:

—Windsún, uj nbanujxaambyuts mij oy mdimnuxat pujxndugóty, es extu óyuts ndim'oogut mat mij.

³⁴ Ta ja Jesús 'yadsooy:

—Peedru, n'anamu ko tyamu, ko kyajnumu naty ja tugaak 'yuy, mjuna'anut tugak ok ko kyajts mij xy'ixy'aty.

³⁵ Net ja Jesús dyajtuudu ja 'yuxpajkputy:

—Kots mij ngajxtu n'ayuk kajxwa'xpu es kyaj xymyunnajxtu ja mmorral mat ja mdu'ugaayuk es ni mmeednyujk es ni mgu'ugu ni'igubu, ¿tii mdugoy'ajtxu oynu'anun?

Es yu'ujaty jyuanandu:

—Ni tii.

³⁶ Net ja Jesús jyunañ:

—Pes tyam n'anamu, pán myudajtypy ja myorral es ja myeednyujk, wa'an dyajnejxy. Es pán kyaj tmudaty yu espaadu, wa'an tteeky ja wyit es tjúyut. ³⁷ Es n'anamu koonam yajkuudyúnut mat uj éxtam ja Diosu jyaabyajtun jyuna'añ: “Yajtúnup éxtamu axuk ja'ayun.” Pes, tugekyu di'ibu jaabyety ijtp mat uj, koonamu da'un tyuñ jyátudat.

³⁸ Es ja 'yuxpajkputy 'yanmaayudu:

—Windsún, tyam majtsku espaadu.

Es ja Jesús 'yadsooy:

—Mat yu'uy.

Jesús kyajxta'aky Jetsemanii

³⁹ Net ja Jesús tsoy'oñ es ñejxy ma ja Oliivus Kopk, éxtam jaayam ñejxy. Es ja 'yuxpajkputujk pyanujxudu. ⁴⁰ Es ko jyajttu jam, net ja Jesús jyunañ:

—Kajxta'aktu es kudii pu mbekytyúndat.

⁴¹ Net ja Jesús ñejxy abeky tuk ka'tske'egyun, es ñaygyoxtanagydyáku es kyajxtáky, ⁴² es jyunañ:

—Tatu, pán mdsejpy, yajjuga'agu tyadu vasu. Per kyaj tyúnut éxtamts uj ndseky, tun éxtam mij xysyeyky.

⁴³ Es net ñimiinu tu'ugu anklas di'ibu tsajpótm es jyotmakmooyu. ⁴⁴ Es ko jam jyantsy'ayoooy muk, net kyajxtáky mat tugekyu myujaa, es pyuxyikynty es xye'xy éxtamu ne'pyñ di'ibu ka'ap naxkujxy.

⁴⁵ Es ko pyade'ky ma naty kyajxta'aky, ta ñejxy ma ja 'yuxpajkputujk, es tpattu ak maadap, mat ko jyotmay'ooktu. ⁴⁶ Net ja Jesús jyunañ:

—¿Ti ko mma'adu? Pudu'aktu es mgajxta'aktat, kudii pu mbekytyúndat.

Jesús yajmátsy

⁴⁷ Tánnumu naty ja Jesús 'yakkajxy ko myiindu mayjya'ay es ja Juudas twinyo'oyudu, ja di'ibu ijtp ma nimajmajtskpu xpxjkrpu. Es ja Juudas tnimiñ ja Jesús es ttsu'xa'añ. ⁴⁸ Net ja Jesús t'anmaay ja Juudas:

—Juudas, ¿du'unuts xykyuyaka'añ mat tu'ugu tsi'xyu?, uj, ja Naxwíñudu ja'ayadyu Kyudunaabyu.

⁴⁹ Es ko ja 'yuxpajkputujk t'ixtu di'ibu jajtup, net dyajtuudu ja Jesús:

—Windsún, ¿n'ok'yajtu'unum yu espaadu?

⁵⁰ Es nidu'uk yu'ujaty dyajtsayujtu tu'ugu teedywyindsungórkpu tyuumbu es tnibo'tu ja 'ya'oydyatsk.

⁵¹ Net ja Jesús jyunañ:

—¡Mastu'ut! ¡Tu net!

Es net ja tyatsktoonū, es dya¹agudakū. ⁵² Es netū Jesūs t'anmaay ja teedywyindsánaty es di'ibū muj tsajptujk kywentū'ajttap es ja mujja'aydyujkaty di'ibū naty yajnujxándap:

—¿Ti ko mmindū mut ja espaadū es ja kepy, éxtumxyuyps uj nma'tspaty? ⁵³ Es kots uj n'ijty bom bom muj tsajptujk űabotsoty, ni je'eyats miits xykyatoondū. Per tyamū net tū tpaaty ja oorū mā miidsaty mmađ'agut es ja ka'óbyaty.

Peedru t'uxtij ja Jesūs

⁵⁴ Net tmajtstū ja Jesūs es dyajnujxtū mā ja teedywyindsungórku tyujk, es ja Peedru tpanejxy jagam jawū. ⁵⁵ Es ja ja'ayuty dyajmájūdu juun mā ja tujā'a, es 'yu'uñūdu xyamdu; es ja Peedru űaxwe'tsy nandu'un mā ja ja'ayuty. ⁵⁶ Net tu'ugu kiixy po'oduumbū t'ijxy ja Peedru 'yu'uñū jam juambu'ám. Es tūyū 'yijxu es juanáñ:

—Tyadu yedyujk, yu'u naty mut ja Jesūs juudity.

⁵⁷ Net ja Peedru juanáñ:

—Nitu, kyajts n'ixy'aty.

⁵⁸ Es ko waanu 'yijty, jatu'ugu ja'ay 'yijxu ja Peedru es 'yanmaayū:

—Mij mut yu'u mjudity nandu'un.

Net ja Peedru juanáñ:

—Kyaj 'yujtsaty.

⁵⁹ Es ko 'yijty éxtum tuk oorūn, net jatu'uk 'yanmaayū:

—Tūy'ajtan ko tyadu yedyujk mut ja Jesūs, ko Galileeu ja'ay yu'u.

⁶⁰ Net ja Peedru juanáñ:

—Kyajts nnijawū ti mij mgajxyry.

Es ko ja Peedru du'un juanáñ, netyū ja tugaak oj 'yuy. ⁶¹ Es ja Jesūs kyoo'awdijty es twin'ijxy ja Peedru. Net ja Peedru tjamyejtsy éxtum 'yanmaayū ja Jesūs: “Kyajnamū naty ja tugaak 'yuy ko mij mjuna'anut tugak ok ko kyajts xy'ixy'aty.” ⁶² Es net ja Peedru pyudseemy es kuwepy kuka'atsy juuyū.

⁶³ Es ja ja'ayuty di'ibū kywenta'ajttap ja Jesūs ttukxiktu, twojptū, ⁶⁴ twingudsu'umadu, es t'anūmudu:

—May pán tū mgóxyuty.

Jesūs, wyinduuyaty di'ibū ana'amdup muj tsajptugóty

⁶⁵ Es t'anmaaydyū w'ixátyuty es kyaj tmuj'ijxtū.

⁶⁶ Es ko oj xyuñū, net űaymyujkudu ja mujja'aydyujk es ja teedywyindsánaty es ja di'ibuty tsajptugóty ya'uxpūjktap, es dyajnujxtū ja Jesūs mā di'ibū ana'amdup muj tsajptugóty. Es jap dyajtūdu:

⁶⁷ —Anmaagyats, ¿mijtsū du'un mGristū?

Esū Jesūs 'yadsooy:

—Pūn n'anmaapy ko du'un, kyaj xymyubáktat, ⁶⁸ es pūn nyajtiibyats oytyiity, kyajts xy'adsówdat. ⁶⁹ Es tyam es extū winū xū winū tiempū, uj ja Naxwiñūdu ja'ayadyū Kyudūnaabyū, n'u'uñūdats mā 'yaga'añgyu'u Dios di'ibū tugekyū muk'ajtan myudajtyry.

⁷⁰ Net nidugekyū ja'ajuty dyajtūdu ja Jesūs:

—¿Tii mjuna'anaamp ko mij Dios m'U'unk'átyuty?

Esū Jesūs 'yadsooy:

—Tūy'ajtan, ujtsū du'un.

⁷¹ Net ja ja'ayuty űay'anmaayūdu:

—¿Ti nyajwā'anūm ja testiigu? Tū nmado'om tugekyū adsajtam di'ibū yu'u ku'am kyajxyry ko yu'u Dios 'yU'unk'átyuty.

23

Jesūs, Pilatū wyinduuy

¹ Ta nidugekyū ja ja'ayuty jam juntoty pyudu'ktaaydyū, es dyajnujxtū ja Jesūs mā Pilatū. ² Es jap tni'u'unūdu es juanandu:

—Tūts nbaattu ko tyadu yedyujk ni'igu dyajnaymyúk dyajnaydya'adsūdu ja nja'ay'ajtam es juana'añ ko kyaj ngugūbjtam mā yū yajkutujkpu kopk, es nandu'un juana'añ ko yu'u Kyristaty, tu'ugu rey.

³ Net ja Pilatū dyajtūy ja Jesūs:

—¿Mijtsū du'un ja israelitūdyū ryey?

Ta ja Jesūs 'yadsooy:

—Tūy'ajtan, ujtsū du'un.

⁴ Net ja Pilatū t'anmaay ja teedywyindsánaty es ja mayjya'ayuty:

—Kyajts nbatū ti pyojpu tyadu yedyujk.

⁵ Es ja ja'ayuty ni'igu juanandu waanu muk:

—Yu'u ni'igu dyajnaymyúk dyajnaydya'adsadu ja ja'ayuty, dyajtsondáky jap Galileeu, es extu yaa Judeeu.

Jesús, Eroodus wyinduuy

⁶ Es ko ja Pilatu tmudooyu taadu, net dyajtuy puñ Galileeu ja'ay yu'u. ⁷ Es ko t'anmaaydyu ko du'un, net tkejxy ja Jesús ma Eroodus di'ibu ijtp gobernadoor Galileeu es tu naty myiñ Jerusalén pasku'ajtpu.

⁸ Es ko Eroodus t'ijxy ja Jesús, net jyantsyxyondaky, ja'a ko tuuyur tja'ixy'atañ ko tmadoy'ajty di'ibu Jesús tyiimpy. Es yu'u t'ixa'añ ko Jesús ttúnat ja muj'ajtan. ⁹ Es dyajtuy may ja ayuk. Peru Jesús kyaj t'adsooy ni di'ibu.

¹⁰ Es nandu'un jap myiindu ja teedywyindsúnaty es ja di'ibuty tsajptagóty ya'uxpajktu, es ni'uunudu mukta'aky. ¹¹ Net ja Eroodus es ja syoldaadatujk kyaj t'agupajktu. Ta ttukixktu. Net ttukpajktu ja wyit éxtamu reydyujk es net tkejxy ja Jesús jatugok ma ja Pilatu. ¹² Ja Pilatu mut ja Eroodus naymyudisip'ajtudubu naty es ko tadu xuu ñaymyaabyujkudu jatugok.

Jesús ñiduku es 'yoogut

¹³ Es net ja Pilatu dyajnaymyujku ja teedywyindsúnaty es ja justisutujk es ja ja'ayuty, ¹⁴ es t'anmaay:

—Miidsuty tu xyajmíndu tyadu yedyujk es mjuna'andu ko dyajpu'du'uktu ja'ayuty, es uj tats nyajtúy es nbayo'oyats, es kyajts nbatu ni ti pyekey éxtam miits xyñ'uunudu. ¹⁵ Es nandu'un ja Eroodus kyaj ti tpatu ja pyojpu. Paaty tu tkajxambíty jatugok ma ujtsun. Es mut yu'u, ni ti tkatúñ di'ibu tukpaadudap ja o'kun. ¹⁶ Paaty ndsaqtsytyúnupts es óknumts nmasmátsut.

¹⁷ Pasku pasku ja Pilatu koonum tnasmatu tu'ugu tsimyja'ay di'ibu ja'ay tsyojktu. ¹⁸ Net ja mayja'ayuty yaxkakaaydyu muk:

—¡Kyaj! ¡Kyajts yu'u ndsoktu! ¡Nasmatsu Barrabás!

¹⁹ Es yu Barrabás yu'u naty tsimy ijtp mut ko tu naty tñibude'eky ja yajkutujkpu jap kajpnóty es yajja'ay'eeky.

²⁰ Es ja Pilatu ja'a jyatsojk es tjanasmátsut ja Jesús, paaty jatugoku Pilatu tjatukjay-gyuku'yáñ. ²¹ Per ja ja'ayuty 'yak'ya'ax 'yalkjoktu muk:

—¡Yajkruuzpát, yajkruuzpát!

²² Es myuduguk ok ja Pilatu t'anuumadu:

—¿Per ti ñun tu ttuundugóy? Új kyajts nbaaty ni ti pyojpu di'ibu kyu'oogap, wi'ix mbaat 'yeekey. N'oktsaqtsytyúñats es nmasmátsudats.

²³ Es ja ja'ayuty ni'igu jyunandu jantsy muk:

—¡Wa'an tkruuzpéty! ¡Wa'an tkruuzpéty!

Es ja'a ko muk yax jyojktu, net yajtuñ ti tsyojktu. ²⁴ Net ja Pilatu tkuyduuy éxtam yu'ujuty ttojktu. ²⁵ Es ko twin'ijxtu Barrabás, ta dyajpu'dsumdu jap pujxndugóty mut ko tu naty tñibude'eky ja yajkutujkpu es yajja'ay'eeky. Net tnasmajtsadu. Es ja Pilatu tkuyajky ja Jesús éxtam ja ja'ayuty ttojktu.

Jesús kyruuzpéty

²⁶ Es ko ja Jesús yajmunujxnu kruuzpajtpu, net tu'ugu yedyujk tmajtsu tu'aay di'ibu xyu'ajtypy Simonk es kyugajpnaty Sirene. Kyamoty naty tu 'yotsy. Es ja soldaadatujk 'yanmaay es tkajpat agwanu yu Jesusu kyruuz.

²⁷ Es jyantsypanujxudu mayja'ay, es ja'a muut mayu toxytyujk di'ibu jantsyjuuy jantsyyáxtu mut ja jotmay ko ja Jesús dyajkruuzpata'andu. ²⁸ Es ja Jesús tni'ijxambijty es t'anmaay:

—Miits toxytyujkuty di'ibu tsanaaydyu Jerusalén, kátats mij xyñij'u'aydyu. Nayñij'u'yudu miidsuty ku'um es yu m'u'unk m'una'kuty, ²⁹ ja'a ko mínur ja timpu ko mnyajyuna'andut: “Jotkujk di'ibu kyaj mbaat 'yu'unkpaattu, di'ibu kyaj tyim'u'unkpattu es di'ibu kyaj ya'u'unktsi'itstu.” ³⁰ Net ja ja'ayuty jyuna'andut: “Kopk, nijijtpajtkats udsuty”, es ja tun t'anuumat: “Yajnitugeegyats.”

³¹ Es t'ak'anuumadu Jesús:

—Új kyajts ni ti axuukpu ndúñam es xyajkruuzpatándapts. ¿Ti mjunaamp xytyijy es jyáttat ja Jerusalén ja'ayuty di'ibu ni'igu pyojpu ja'ayuty?, es yu'ujuty pátur ja muk tudyu'unun.

³² Es ja soldaadatujk dyajnujxtu nandu'un majtsku axuk ja'ay es dyajkruuzpata'andu mut ja Jesús ti'igyu. ³³ Es ko tmujajttu ma ja lugaar txu'aty Kalaveeru, net dyajkruuzpajttu ja Jesús. Es pu'aaybu'aay ja majtskpu axuk ja'ay. ³⁴ Es ko jam dyajkruuzpajttu, ja Jesús jyunañ:

—Tatu, pojpu'ma'xtu, ja'a ko kyaj tñijáwudu di'ibu tyuundap.

Es ja soldaadatujk ttuundu ja rifu es dyajwa'xat ja Jesusu wyit. ³⁵ Es ja mayja'ayuty t'ijxtu jam, es extu ja justisutujk ttukixktu ja Jesús es jyunandu:

—Wiink ja'ay tu dyajytse'eky. Wa'an ku'am tnayyajtse'egyaty pan tų'ajtan ko yu'u Kyristaty, ja di'ibu Dios tu twin'ixy.

³⁶ Net ja soldaądųtųk nandu'an tnixik ttukxiktų ja Jesús es t'awa'ąnudu ja vinu ta'am, ³⁷ es jynandu:

—Pan tų'ajtan mij ja israelitu ryey, nayyajnitso'ogudu mij ku'am.

³⁸ Es 'yity jam kyubajm kųja'ay grieeęu es latin es ebreu di'ibu janaąp: “Tyądu yu israelitaty ja ryey.”

³⁹ Es tu'ugu axuk ja'ay di'ibu jam kudų ijtp kruuzkųjxy nandu'an jynanń axuk:

—Pan mij mGristu, nayyajnitso'ogudu ku'am es uudsaty xyajts'o'ktudats nandu'an.

⁴⁰ Es jatu'uk t'oo y ja myugu'uk es t'anumu:

—Kųj xytsyu'ugu ja Dios ko mij nandu'an myajtydyń? ⁴¹ Udsajtam mut ja tų'ajtan tyam n'ayo'om, ja'a ko udsajtam ngumado'om di'ibu tu ndu'unam. Peru tyadu yedyųk ni tii tu tkatuundųgy.

⁴² Net jynanń:

—Jesús, xyjamyątsųpts ko mja'tut ma myajkutuką'ąń.

⁴³ Net ja Jesús 'yadsooy:

—Tų'ajtan n'anumu ko tyamyu nmųjxtat tsajpótm es m'ítut mut ųj.

Jesús yeeky

⁴⁴ Ja naty kįkųxyu, net tųgekyu naxwińudu kyoodsudyaay es 'yijty tųguk ooru wingoots, ⁴⁵ ja'a ko ja xuu wyindųktaay. Es net ja adų di'ibu mųj tsajptųgóty kyu'tswa'xy kųjkkujm.

⁴⁶ Net ja Jesús yaxkeky:

—Tatitu'unk, axąjųgųts ja n'anmųja'an.

Es ko du'an jynanń, ta 'yo'knu. ⁴⁷ Es ko ja soldaądu windsń t'ijxy éxtam jyjtu, net ja Dios t'awdajty es jynanń:

—Tų'ajtanu tyadu yedyųk kųj ja ttiundųgy.

⁴⁸ Es nidųgekyu ja mayjya'ayaty di'ibu 'yijxtu jap éxtam jyjtu, net tsoy'onnuđu jap es tkojxtu ja kyaatsy mut ja jotmay. ⁴⁹ Es nidųgekyu ja ja'ay di'ibu 'yixy'ajttų ja Jesús, mut ja toxytųjktaty di'ibu padso'onu Galileu, wu'umdu jagam es t'ijxtu éxtam jyjtu.

Jesús naxtuku

⁵⁰ Es tu'ugu yedyųk di'ibu xyu'ajtypy Josee es jyiky'aty tų'ajtan muut es kyugajpnaty Arimatee, Judeu nąąxóty. Es ja Josee nandu'an yu'u nidu'uk di'ibu ana'amp mųj tsajptųgóty.

⁵¹ Tadu Josee t'awixy nandu'an ko myńnt ja Diosu kyutuųkjan es kųj ti'igyu mut 'yity ja ja'ayaty di'ibu jnandu esu Jesús 'yoogut. ⁵² Net tninejxy ja Pilatu es t'amdooy ja Jesusu nini'x. ⁵³ Es ko dyajjanajktu kyruuzkųjxy, net t'abijttu mut tu'ugu mųj wit es trųjktatu ma tu'ugu o'kpu jut di'ibu naty yu'u tu dyajtsajtsųty dyajpa'ajųtyaty tsawiiń es ma kyajnum ja o'kpu naxtuku. ⁵⁴ Esu naty nųjyųj'ixudu ko ja saąbudu xuu dyajtsonda'aga'andu.

⁵⁵ Es ja toxytųjktaty di'ibu naty tu tsoyundu mut ja Jesús jap Galileu, tranųjxtu ja Josee es t'ijxtu ja o'kpu jut es wi'ix yajpųtąky ja Jesusu nini'x. ⁵⁶ Es nųjxnudu ma tųjkt es dya'uyųdyu ja pa'ak xu'kpu es ja ingwéntaty. Es net pyo'xtu ma ja saąbudu xuu éxtam ja ana'amn jyna'an.

24

Jesús jyikyppeky

¹ Es domingu xuu tsejkyu ja toxytųjktaty tmųjxtu ja pa'ak xu'kpu di'ibu naty tu dya'óyudu. Jam dyajnųxtu ma ja Jesús tu naxtuku. ² Ko jyjttu jam, net Prattu wiink tsoo ja tsą di'ibu naty 'yagu'uy'ajtypy ja jut. ³ Es ko tųjktadu jap, kųj trattu ja Jesusu nini'x. ⁴ Es kųj tmųwinma'ąńbyąttu ti tu jyątyaty. Netyu kyuxe'ky majtsku yedyųk di'ibu wyit jantsy tu'xp. ⁵ Net ja toxytųjktaty tsyu'kudu es naxku'ijxudu, es ja yedyųk 'yanmaayudu:

—Ti ko miits xy'uxta'aydyu yąą ma o'kpaty di'ibu jiky'ajtp? ⁶ Kųj ja yąą. Tu jyikyppeky. Jamyatstu wi'ix m'anmaayu ko nątyńm 'yity jap Galileu: ⁷ “Uj, ja Naxwińudu ja'ayudyu Kyudanaabyu, nųjkkųyaka'ąńts ma ja pekyjya'aydyųk es xyajkruuzpátudats. Es ko 'yítut tųguk xuu, njikypųkudats jatųgok.”

⁸ Net ja toxytųjktaty tjamyajsttu éxtam ja Jesús jynanń. ⁹ Es ko jyjndu jatųgok jap kajpnóty, net ttukmųadyaktu nidųgekyu ja nimajk tu'ukpu uxųjkrpu es nidųgekyu di'ibu jap ak'įttųp. ¹⁰ Esu tadu toxytųjktaty 'yijttu Mariu Magdalenu, Fwanu, Mariu di'ibu Santya'agu tyąk'ajtypy, es ja wiinkpu toxytųjktaty. ¹¹ Per ja uxųjkrpųtųjkt kųj tmųbjktu, es jynandu ko loku di'ibu kyajxtųp.

¹² Net ja Peedru tsoy'oń es nųjxy pųye'egy ma ja o'kpu jut es kyu'ijxu jap ogajp. Je'eyu jap ja wit 'yity di'ibu muut ja Jesús ya'abjty. Es net ja Peedru jynmbijnų jotmaymuut.

Jesús kyxe'eky Emaís tu'ay

¹³ Es net nimajtsku aɣpɔjkɔ tsoondɔ Jerusalén es ñajxtu mə ja Emaús kajpn, di'ibu jagam majk tuk mil metrɔn, ¹⁴ es kyajx myadya'aktu tugekyu di'ibu naty tu jyátyuty. ¹⁵ Es ko yu'ujuty du'un kyajx myadya'aktu esu Jesús ku'am ñiwingoonu es tyu'uyo'oydu muut. ¹⁶ Per ja Dios kyaj tyuk'axkajpn ko yu'ujuty ja Jesús. ¹⁷ Net ja Jesús dyajttu:

—¿Ti mmadyáktɔp tu'aay?

Es net yu'ujuty wyá'k'a'adu jotmaymuut. ¹⁸ Net yu'a nidu'uk di'ibu xya'ajtypy Kleofas 'yadsooy:

—Tugekyu ja'ayuty tñájawu di'ibu tu jyátyuty Jerusalén mə pasku xuu. ¿Tii mij naydu'uk mjabye'xy'ajtp Jerusalén es kyaj xyñijawu ti jam tu tyuñ tu jyátyuty?

¹⁹ Net ja Jesús dyajttu:

—¿Ti jap tu jyátyuty?

Es yu'ujuty jyannandu:

—Éxtum tu ttundu ja Jesús nazarenu. Yu'u tu 'yity Diosu kyugajxɔ di'ibu tyiimpy ja mu'ajttun es ya'axpeky mut ja Diosu kyutujkun, es nidugekyu ja'ayuty myu'ixudu. ²⁰ Per ja teedywyindsúnuty es ja njustisu'ajttun tu tkuyaktu mə ja Pilatu es dyajkruuzpátat. ²¹ Es uudsuty njuna'andu ko yu'u yajnitso'ogup ja israelítaty. Es tyam tyugukxuu mə dya'ooktu es dyajnaxtákuudu. ²² Nandu'un uudsadyu nmagu'uguty toxytyujk tats du'añu xyajwu'amudu. Aambyu jepy tu 'yotstu mə ja o'kɔp jut, ²³ per kyaj ja Jesusu ñini'x tu tpaattu. Net tu jyambijnudu es xytyukmumadya'aktus ko tu t'ixtu nimajtsku anklas di'ibu tu 'yanuamudu ko Jesús taa jyiky'aty. ²⁴ Es net tu 'yotstu nija'ajuty uudsadyu nmagu'uk es tu tpaattu éxtumu toxytyujk jyuna'andu, per ja Jesús kyaj tu t'ixtu.

²⁵ Net ja Jesús jyanañ:

—¿Ti ko mgujuunuty miidsuty? ¿Ti ko kyaj xymyubaktu tugekyu di'ibu Diosu kyugajxɔ kyuxjaay? ²⁶ Yu'ujuty oj tkuxja'aydu wa'ats ko yu Kristu 'yayowa'añ es 'yooga'añ es óknum yajkutúkt mut ja mu'ajttun.

²⁷ Ta ja Jesús oj 'yawá'anxudu ja Diosu 'yayuk mə ku'am yajnimadya'aky, tyimtsonda'aky di'ibu Moisés jyaay es tugekyu nu'un ja Diosu kyugajxɔ tkuxjaaydu.

²⁸ Es ko jyajttu mə Emaús kajpn, ja Jesús éxtum jyawu tyu'unaxañ. ²⁹ Per yu'ujuty dyajwu'amandu es t'anmaaydu:

—Wu'am mut uudsuty ja yaa. Tu tsyu'ujunu.

Net ja Jesús wye'emy es tyujku mut yu'ujuty. ³⁰ Es ko jam 'yu'uñu niduguu mə ja meesu es 'ya'ux'ata'andu, net ja Jesús tkone'ky ja tsajkaaky, es tkuni'xy. Net ttujkwa'xy es tmooydu ja nimajtskɔ. ³¹ Es net yu'axkajptu ko yu'adyu Jesús. Netu Jesús pojn tyagooy. ³² Es yu'ujuty ñajjyuanandu:

—Paadyumu du'un xyjatukja'am ja oy'ajttun ko mut tu ndu'uyo'oyum es nmadyákum es xytyuk'awa'anum ti ja Diosu jyaaybyajttun 'yandijpy.

³³ Es net yu' tsoy'ondu es ñajxtu jap Jerusalén. Es jap tu naty ñaymyúkuudu ja nimajk tu'ukɔp aɣpɔjkɔ mut ja jyamyaduty. ³⁴ Es yu'ujuty t'awa'anudu ja nimajtskɔ:

—Tu'ajttun ko ja Jesús tu jyikyppyeky. Simonk tu t'ixy.

³⁵ Net ja Kleofas mut ja myugu'uk tmadyaktu éxtum tu jyátyuty tu'aay es wi'ix tu t'axkaptu ja Jesús ko ja tsajkaaky tu ttujkwa'xy.

Di'ibu Jesús tyuknipejky ja yu'uxpɔjkɔ

³⁶ Es yu'ujuty t'akmadya'aktu tadu ayuk ko ti'in kyuxe'ky ja Jesús mə yu'ujuty es kyajxɔ'xudu, 'yanmaay:

—Agujk'at jotkujk'áttu miidsuty.

³⁷ Ta jyantsytsyu'kudu. Du'un jyannandu ko ixxma'ttuɔ. ³⁸ Es ja Jesús 'yanmaayudu:

—¿Ti ko mɔjotmay'ooktu? ¿Ti ko kyaj xymyubaktu ko ujtsu du'un? ³⁹ Ixtats ja nga'u es ja ndékyats ko ujtsu du'un ku'am. Toonguts es ixtu ko tu'ajttun. Yu ixxma'tun kyaj tmudaty yu xyixy es ja pyajk éxtum miits xy'ixtats uñ nmudaty.

⁴⁰ Es ko du'un 'yanmaay, tyuk'ijxu ja ky'u es ja tyekey. ⁴¹ Es yu'ujuty kyajpyum tɔubeky mut ja xondakan es du'añu wyu'amadyaaydu. Net ja Jesús 'yanmaay:

—¿Kyaj ti xymyudattu di'ibu nju'xum?

⁴² Net myooyudu tuk pedazu ajkx tsá'ayu'unk. ⁴³ Es ja Jesús tje'xy yu'ujuty wyinduuy. ⁴⁴ Es net 'yanmaay:

—Kots miidsuty muut n'ijty, n'anmaaydu ko yajkuudyuna'añ di'ibu Moisés es ja Diosu kyugajxɔ kyuxjaaydu es di'ibu mə Salma neky di'ibuts uñ xyñigajxɔ.

⁴⁵ Net ja Jesús tyukjagyujkudu ja Diosu jyaaybyajttun, es jyanañ:

⁴⁶ —Du'un 'yity kuxja'ay ko koonum yu Kristu 'yoogut, es kumduguk xuu jyikyppyákt.

⁴⁷ Es mut yu'uguyxm yajkajxwá'xut mə tugekyu naxwíñudu, tsonda'agut Jerusalén, ko yu ja'ayuty dyajtagáttat yu wyinma'añuty, net ja Dios pyojpama'xudu. ⁴⁸ Es miits m'ijttɔp testiigu mə tyaadu tugekyu. ⁴⁹ Mudowdu. Újts ngáxɔp mə miidsuty di'ibuts ja nDeety tu

twanda'aky. Per miits wu'umdu yaa Jerusalén extu ko xy'axájut ja muk'ajtun di'ibu Dios kyaxaampy.

Jesús tsyájpéty

⁵⁰ Net ja Jesús yajtso'onudu jap Jerusalén es yajnujxudu Betañu, es dyajpude'ky ja kyuu' es kyunu'xudu. ⁵¹ Es ko kyunu'xtaayuu, net tsyájpajnu es ñujxuu tsájpótm. ⁵² Net yu'ujuty t'awdattu Dios es jyambijttaayñu, jantsy jotkujk jyajnuđu Jerusalén. ⁵³ Es tim jap'ajttap ma ja muj tsájpajk es t'awdattu ja Dios.

Oybyu Ayuk Di'ibu Fwank Jyaay

Diosu 'yU'unk jymbity ja'ay

¹ Ko di'ibáty tsyondaky, taa natyñu ja'a di'ibu yajtjip Ayuk. Es yu Ayuk yu'u nandu'unu Dios, es mudamu naty ja Dios Teety. ² Yu'u naty 'yity jawyiin mudu Dios. ³ Ja Ayuk ja'a muut Dios dyajkojy tugekyu di'ibu jaa'ajtp. Tugekyu di'ibu yajkoj, kyaj oj ti kyojy pun kyaj ja'a muut. ⁴ Ja'a di'ibu yajtjip Ayuk, ja'a yajk ja jiky'ajtan nidugekyu di'ibu jiky'ajttap, es yu'u du'un ja jajun di'ibu ñu'umoooy tyu'umoooy nidugekyu ja'ayuty ya naxwiin. ⁵ Esu tadu jajun, yu'u dun jajp ma kyoodsuty, es kyaj yu koots'at mbaat dyajtagóyu tadu jajun.

⁶ Dios tkejxy tu'ugu ja'ay, Fwank'ajtp. ⁷ Ja'a oj myiñ es tnikaajxpátut di'ibu ijtp éxtum ja jajun, esu du'un nidugekyu ja ja'ayuty myabákudat. ⁸ Ja Fwank, kyaj yu'ujuty ja jajun, je'eeyu yu'u tnikaajxpétyu tadu jajun. ⁹ Ja jajun tuy'ajtanbu di'ibu kyujajpy kyute'xypy nidugekyu ja ja'ay, ja'a miin ya naxwiin.

¹⁰ Ijtpu naty ja ya naxwiin. Oyu natyu Dios ja'a muut tu tjayajkojy ja naxwiñadu, kyaj 'yaxkajpudu ja ja'ayuty. ¹¹ Ja'a oj tjanimíñ di'ibu jya'a'ajtpy, es kyaj oj kyupákudu. ¹² Per nidugekyu di'ibaty kupujkudu es myabújkudu, dyajngutujku es yu'ujuty 'yu'unk'átudat ja Dios. ¹³ Yu'ujuty kyaj Dios 'yu'unk'átutyut mat ko ja'ay yajmiin yajjajtadu, es ni mat ko du'unu ja'ay ttseky, Dios axájudap mat ko ku'umu du'un ttseky.

¹⁴ Di'ibu yajtjip Ayuk, ja'a jumbijp ja'ay es jyiky'ajty ma uudsuty. Es uudsuty tats n'ixtu ja myuj'ajtan, ja kyum muj'ajtan di'ibu tu'ugu Dios 'yU'unk'ajtpy, es tmadaty ak tim tuy'ajtan es ak tim kunu'xan. ¹⁵ Es ja Fwank ñikaajxpejtyy éxtumu tjestiigu es jyanáñ:

—Tyaadu du'un di'ibats n'andijpy kots njanáñ ko di'ibu miimp óknum es jawyiin uj, yu'u du'un jawyiin, ja'a ko taayamu naty jékyup kots uj nmiin.

¹⁶ Tu Jesukristu xkyuunu'xam kanañ nipat. ¹⁷ Myooy ja Dios ja Moisesu 'yana'amun, per ja tsojkan es ja tuy'ajtan yajmiin ja Jesukristu. ¹⁸ Ni na'anum pán tka'ixy ja Dios Teety, per yu Diosu 'yU'unk di'ibu jam mat ti'igyu 'yity ja Dios Teety, yu'ujuty tu xtyyuk'ijx xtyyuknija'am wi'ixu dun ja Dios Teety.

Fwank Yajnabajtpu tnigajxy ja Jesús

¹⁹ Yu Jerusalén israelítuty tkajxtu ja teedyuty esu levitu ja'ayuty di'ibu myaduundap ja teety, es dyajtawá'andu ja Fwank:

—¿Mbánu dun mij?

²⁰ Fwank 'yadsooyu tuy'ajtan:

—Ej kyajts nGrístuty di'ibu Dios wyandak tkajxa'añ.

²¹ Ta yajtuujumbijtudu jatugok:

—¿Mbánxu dun mij? ¿Tii mijtsu du'un ja Diosu kyugajxpu Eliiisu?

Ta Fwank 'yadsooy:

—Kyajts uj n'Eliiisuty.

Ta yajtuujumbijtkójubu:

—Pes, ¿tii mijtsu du'un ja Diosu kyugajxpu di'ibu minaambu?

Ta 'yadsooy:

—Kyaj.

²² Ta yajtuujumbijtudu jatugok:

—Pes, ¿mbánu dun mij? Ej nmunájxandupts ja tuy'ajtan ma ja di'ibats tu xkyxatu. Paaty, ¿ti ayúkuts xymyeepy esuts nmunájxat?

²³ Ta 'yadsooy ja Fwank:

—Ejtsu dun miimp kugajxy muj ittum es n'anuumadats miidsuty: “Yajtáwdu ja tu'u ma myina'añ ja Windsán” —du'un éxtum jyuná'añ ja Diosu kyugajxpu Isaiiu.

²⁴ Es nandu'un myiindu di'ibu fariseeu ja'ayuty kyajxtu. ²⁵ Net yajtuujudu ja Fwank:

—¿Ti ko myajnbéty pun kyaj mij mGrístuty, o m'Eliiisuty, o tadu Diosu kyugajxpu?

²⁶ Es ja Fwank 'yadsooy:

—Ej yajnabajtpats mat ja nuu, per ma miidsuty ta tu'uk di'ibu miidsuty kyaj xy'ixy'attu, ²⁷ es yu'u miimp óknum. Es kyajts uj xyñitaku, ni je'eeyu yu ky'u'uk nga'agájudat éxtumxyupts uj n'ityats tyuumbun.

²⁸ Tyaadu tyuun jyajtu ma ja naxwiñadu di'ibu xyu'ajtpy Betañu, Jordán mujnuu awiññ, ma ja Fwank dyajnbéty ja ja'ayuty.

Jesús, ja Diosu wyindsu'kun

²⁹ Jakumbom ja Fwank t'ijxy ja Jesús ko myuwingóñuty. Ta jyanáñ:

—ixtu! Tyaadu du'un ja Diosu Byorreegu'unk di'ibu wu'amp éxtumu windsu'kun es yajpojpnitugóyut ya naxwiññ. ³⁰ Tyaadudsu dun nmadyak kots njanáñ: “Óknum myiñ ma

uj tu'ugu yedyujk di'ibu da'un jawyiin kadiinam uj, ja'a ko taayum natyñu jékyur kots uj nmiin." ³¹ Kyajts uj ku'um nnija'aju pánu dan yu'u. Per nmiñats uj es nyajñabétyats mut ja nuu, es t'uxkáptat yu israelitu ja'ayaty.

³² Fwank nandu'un jynáñ:

—Hj nan tats n'ixy tsajwínm kyuda'aky yu Espírítu Santu da'un éxtam tu'ugu paku'unk, es kyaxke'eky má ja Jesús. ³³ Hj kyajñumdsu naty nandu'un nniyawu pánu'u. Per kodsú Dios xykyejxy nyajñabátat mut ja nuu, ja'ats xy'anmaay: “Ko yu Espírítu Santu xy'ixut jynaky es kyá'at má ja yedyujk, yu'u da'un di'ibu yajñabátur mut ja Espírítu Santu.” ³⁴ Tudsu net n'ixy, es ujtsu da'un nnikajxpejtypo ko yu'adyu Diosu 'yU'unk.

Jesusu 'yuxpukpu jawyiimbu

³⁵ Jakumbom taru naty jatugok ja Fwank mut nimajtsk di'ibu panujxudu. ³⁶ Ko Fwank t'ijxnajxy ja Jesús, ta jynáñ:

—jOk'ixtu! Tyaá da'un ja Diosu Byorreegu'unk.

³⁷ Ja nimajtskpu Fwangu 'yuxpukpu tmudoodu ko da'un jynáñ. Ta tranujxtu ja Jesús.

³⁸ Es net ja Jesús ñayyu'ijxu. Ta t'ijxy ko ryanujxudu. Ta t'anmaay:

—¿Ti dan m'axtaaydyur?

Es ja'ajaty 'yadsoodu:

—Ya'uxpukpu, ¿ma mij mdsuunu?

³⁹ Esu Jesús 'yadsoojambijtu:

—Min xy'ixtu.

Ta oj ñujxtu má dan tsyuuu. Es jam oj kyudsu'ujnuudu, ja'a ko má taxk yaxpunu naty.

⁴⁰ Es nidu'uk di'ibu Fwank panujxudu, ta oj tranujxy ja Jesús, ja'a yu Andrés, myuga'axu Simonk Peedru. ⁴¹ Kyajnumu naty ti tyuñ jyátyuty es ja Andrés oj t'axta'ay ja myuga'ax Simonk. Ta t'anmaay:

—Tu net nbátam ja Kristu di'ibu Dios wyin'ijx.

⁴² Ta ja Andrés oj tmunejxy ja myuga'ax Simonk má naty ja Jesús. Es ko ja Jesús t'ijxy, ta 'yanmaayu:

—Mijtsu da'un Simonk, Jonasu 'yu'unk. Es mij mxu'átur Sefus (di'ibu yaj'andijp Peedru).*

Jesús dyaxu ja Filipu esu Natanael

⁴³ Jakumbom ja Jesús tsoonáñ ñujxa'añ Galileu. Net tpaty ja Filipu es t'anmaay:

—Pamiingats.

⁴⁴ Yu Filipu, Betsaydu kyugajpnaty, má nandu'un 'yittu Andrés esu Peedru. ⁴⁵ Ta ja Filipu tsoyo'ón, oj t'axta'ay yu Natanael. Ta t'anmaay:

—Tats n'ixtu ja yedyujk di'ibu Moisés es di'ibu Diosu kyugajxpruty jyaadyu má ja Diosu jyaaybyajtan. Yu'u Jesús, 'yu'ungu Josee, di'ibu kugajpn Nazaret.

⁴⁶ Net ja Natanael jynáñ:

—¿Tii wa'an da mbaat pyudsemy Nazaret di'ibu oy?

Felipu 'yadsooju:

—Min xy'ixy.

⁴⁷ Ko Jesús t'ijxy myuwingóñty yu Natanael, ta jynáñ:

—Tyaá tu'uk myiñ ja israelitu ja'ay di'ibu kyaj 'yanda'aky.

⁴⁸ Net ja Natanael yajtuuju:

—¿Wi'ixuts mij xy'ix'aty?

Jesús 'yadsooju:

—Hj mij n'ixy'ajtyats kyajnumu naty Filipu mwóynty ko naty m'u'uñu iigu patku'uy.

⁴⁹ Net 'yadsooy ja Natanael:

—Ya'uxpukpu, imijtsu da'un Dios m'U'unk'ajtur, mijtsu da'un ja israelítadyu ryey!

⁵⁰ Jesús 'yadsooju:

—¿Xmyubujkpruts uj mij ja'a ko tu n'anuumu kots mij n'ijxy iigu patku'uy? Pes tyam xy'ixut di'ibuty ni'igu muj.

⁵¹ Nandu'un jynáñ ja Jesús:

—Jantsy tuj'ajtanats miits n'anuumudu ko m'ixtur awá'ats ja tsajp es xy'ixut ja Diosu 'yanklas pyat jynáktut má uj, ja Naxwíñudu ja'ayadyu Kyudunaabyu.

2

Pujk ukun jap Kanaa

¹ Kyumdugak xuu tu'uk ja pujk ukun 'yity jam Kanaa, ñaxwíñudu Galileu. Tamu naty nandu'un yu Jesusu tyaak. ² Es ja Jesús mut ja 'yuxpukpruty oj ñujxtu má ja ja'ay pyeky ko yajwoodu. ³ Ko oj ja vynu kyexy, ta ja Jesusu tyaak 'yanmaayu:

* 1:42 Peedru yu'u grieege kyajxy di'ibu yajpudsump tsaa.

—Kyajnuþ ja vina.

⁴ Ta ja Jesús t'adsooy ja tyaak:

—Nanitu'unþ, çti kots du'un xy'anuuþu? Kyajnumts uþ xyñapaaty.

⁵ Net ja Mariu t'anmaaydyu ja di'ibu naty jam winguudyuþ:

—Kuydyundu tugekyu di'ibu mduþ'ana'amþ.

⁶ Tamu naty tudujku nuudujk di'ibu ak tim tsaa, di'ibu israelituty yajtuunduþ ko ñayyajwa'adsudu. Es tu'uk tu'ugu nuudujk mugopx litran tyaku nuu. ⁷ Jesús t'anmaaydyu ja wingiubyuty:

—Ya'tutstu mudu nuu tyadu nuudujk.

Ta dya'ujtstu. ⁸ Net ja Jesús t'anmaaydyu:

—Jaapty net waanu es manijxtu ma xuduumbu.

Es du'un ttuundu. ⁹ Es ja xuduumbu t'ukmajtsy ja nuu di'ibu naty tu jyumbity vina. Ni tkanijawu ma myiñ, ja'ayu ja wingiubyuty ñija'aduþ ma tsooñ, ja'a ko yu'adyu naty tu tjuuttu ja nuu. Ta ja xuduumbu tmuj'yaxu ja puþkpu yedyujk. ¹⁰ Ta t'anmaay:

—Jawyiin t'uuktu nidugekyu ja vina waanu oybyu, es ko ja jabye'xyuty tu t'úknudu naty, nétnum yajmoodyu ja vina di'ibu kyaj nuþoo 'yóyuty. Es mij jumbit xytyuñ. Oknum xyaky ja vina waanu oybyu di'ibu naty mya'ijtypy puþke'eky.

¹¹ Yu iþxwu'umun di'ibu myudajtypy ja muj'ajtun di'ibu Jesús tyuun jap Kanaa, Galileu ñaaþoty, ja'a yu'u ja jawyiimbu iþxwu'umun di'ibu myudajtypy ja muj'ajtun di'ibu Jesús tyuun. Esu du'un dya'ijxu ja myuj'ajtun es ja 'yuxpuþkpuþy myuþjukudu.

¹² Ko tyadu xuu ñajxy, net ja Jesús jyujptákn Kafarnaúm mut ja tyaak esu myuga'axuty esu 'yuxpuþkpuþy. Jap 'yijttu majtsk tugak xuu.

Jesús dyajpuþsémy di'ibu juuy to'ktuþ ma ja muj tsajptujk

¹³ Es kom wingoombu naty ja israelitu pyasku xuu, ta Jesús pyatujku Jerusalén. ¹⁴ Jap muj tsajptujk ñabotsoty tpaty di'ibu tye'kypy éxtamu windsu'kun: tsajkaa, borreegu esu pak, es jap di'ibáty wyin'uñaaadyuþ ja tyeeky di'ibu ja'ayadyu myeeñ wyingugoondup es du'un tniþuk tnitundu. ¹⁵ Ko tyadu Jesús t'ijxy, ta tu'ugu wyoþn dya'o'oyu ak tim po'o. Net tvojppuþsuþmdaadyu di'ibátyu naty jap tye'kypy ja borreegu esu tsajkaa. Es tnaswájudu ja myeeñ di'ibu wyingugoondup ja meeñ es dyajjumbijty ja myeesu. ¹⁶ Es ja di'ibu tye'kypy ja pak t'anmaay:

—jajpuþsámdu tyaadu ja yaa! iþátudu nDeedyu tyujk xyajwa'añ maadyujk!

¹⁷ Net ja 'yuxpuþkpuþy tjamajtstu ja Diosu jyaabyajtun ma jyuna'añ: “Ndsojk'e'kpyyats ja mduþk.”

¹⁸ Net myiindu ja israelitu wyindsúnaty es yajtuujadu:

—çTi iþxwu'umun di'ibu myudajtypy ja muj'ajtun mij xytyuk'ijxtap ko mij xymyudaty ja kutujkun es du'un xytyuñut yu tyaadu?

¹⁹ Esu Jesús 'yadsooju:

—Jitu tyadu muj tsajptujk, es tugak xuuts ngójudats jatugok.

²⁰ Ta ja israelituty 'yanmaayudu:

—Justyikxytyudujk jumajt 'yity es 'yabejty, çes mij tugak xuu xykyoja'añ?

²¹ Per ja Jesús ko tmadyaky ja muj tsajptujk, ja'a du'un myadyakypy ja ky'um nini'x. ²² Paaty ko Jesús 'ye'ky es jyikypyejky, ja 'yuxpuþkpuþy tjamajtstu ko du'un Jesús jyunañ, es tmuþujktu di'ibu ijtp jaabybéty ma Diosu jyaabyajtun es di'ibátyu naty Jesús tu 'yanu'amxuty.

Ñija'ap ja Jesús ja ja'ay ja jyot wyinma'añ

²³ Ko naty ja Jesús 'yity Jerusalén ko pasku xuu, may ja ja'ay myuþjukudu ko t'ijxtu ja iþxwu'umun di'ibu myudajtypy ja muj'ajtun di'ibu Jesús tyuun. ²⁴ Per ja Jesús kyaj ñaygyuyajku ti'igyu mut yu'ujuty, ja'a ko 'yixy'ajttaadyuþ nidugekyu. ²⁵ Es ja Jesús kyaj t'awijxy esu wiingátyyru ja'ay tyukmuþadya'agáduþ wi'ixu ja'ay ja jyot wyinma'añ, yu'u ku'um ñija'ábu naty wi'ixu wyinma'añ ja ja'ayuty.

3

Jesús esu Nikodemu

¹ Nidu'uk di'ibu ana'amp muj tsajptugóty, fariseeu ja'ay, es ja'a txu'aty Nikodemu, ² ja'a ñimiin ja Jesús koots, es t'anmaay:

—Ya'uxpuþkpu, nniþa'adapts ko Dios tu mgéxyuty es xya'uxpuþktudats, ja'a ko ni pán mbaat tkaya'ixuty yu iþxwu'umun di'ibu myudajtypy ja muj'ajtun éxtum mij xya'ixuty, pun kyajpu Dios pyudúkaty.

³ Es ja Jesús 'yadsoojumbijtu:

—Jantsy tšy'ajtnuats mij n'anuumu, di'ibu kyaj jatugok myiñ jya'ty jemy, kyaj mbaat t'ixy ja Diosu kyutujkan.

⁴ Net ja Nikodemu dyajtšy:

—¿Per wi'ix mbaat tu'ugu ja'ay muj'una'knu myiñ jya'ty myumajtsk ok? ¿Wi'ix mbaat tyuku tyaak jyodoty es jya'tut ya naxwiñ jatugok?

⁵ Jesús 'yadsoojumbijtu:

—Jantsy tšy'ajtnuats mij n'anuumu, pán kyaj jatugok myiñ jya'ty jemy mut ja'agyujxm ja nuu es ja'agyujxm ja Diosu Jya'ajun, kyaj mbaat tyuku ma Diosu kyutujkan. ⁶ Pánu toxytyujk yajmiin yajjajtu, ja'ay yu'u; es pán ja Diosu Jya'ajun yajmiin yajjajtu, ja'ajun yu'u. ⁷ Katu du'uñu mwu'umu kots mij tu n'anuumu es tsokkup jatugok mmin mja'tut jemy. ⁸ Yu poj, pojpu'u ootyim maaty, es mmudeepy ko pyojj, per kyaj xyñjawa ma tsooñ es ni xykyanijawa ma ñejy. Es nandu'unu dunu tyaadu tugekyu di'ibu ja Espiritu Santu yajmiimpy yajjajtu jemy.

⁹ Ta ja Nikodemu dyajtšyumbijty ja Jesús:

—¿Per wi'ix mbaadu tyaadu du'un tyuñ?

¹⁰ Jesús 'yadsooju:

—Mijtsu du'un tu'ugu israelitadyu wyindsán, ¿es kyaj mij xyñjawa tyaadu? ¹¹ Jantsy tšy'ajtnuats mij n'anuumu, n'anmaabyats di'ibuts nnija'ap. Es tugekyu di'ibu tu ndukmumadya'aktu, yu'u dun di'ibuts tu n'ixy. Per miidsaty kyaj xymyubaktu di'ibuts uj miits njatukmumadyaktu. ¹² Es pán kyaj xymyubaktu di'ibuts uj miidsaty nja'awa'anup di'ibu ja ya naxwiñ ijt, ¿wi'ix xymyubaktut kots ndukmumadya'aktut di'ibu ijt tsajpótm? ¹³ Ni pánum kyapatuku tsajpótm, ujtsu du'un je'eyu, ja Naxwiñdu Ja'ayadyu Kyudunaabyu, es ya naxwiñ nguda'agyats. ¹⁴ Es éxtum ja Moisés tkuduuy ja tsa'añ di'ibu ak bronsu, nandu'un uj, ja Naxwiñdu Ja'ayadyu Kyudunaabyu, nyajpujta'aga'añuats kujxm. ¹⁵ Es nidugekyu di'ibuts xymyubajkpats uj, jiky'átup wínu xuu wínu tiempu.

Dios tseyjy ja naxwiñdu ja'ay

¹⁶ Ja'a ko yu Dios nugoo oj t'oktsojknú ja naxwiñdu ja'ayuty, paaty tuknigejy ja tyu'uk'U'unk, es punaty myubajktup jiky'átup wínu xuu wínu tiempu es kyaj kyutugódyut. ¹⁷ Ja'a ko Diosu 'yU'unk tkejy es dyajnitso'oktut ja naxwiñdu ja'ayuty, kyaj tkejy esu ja'ay ñajxtat ma ja tudyu'unan wínu xuu wínu tiempu.

¹⁸ Di'ibu myubekypy ja Diosu 'yU'unk, kyaj yu'u ñajxtat ma ja tudyu'unan wínu xuu wínu tiempu, per di'ibu kyaj myubékuty, yu'u ñajxup ma ja tudyu'unan wínu xuu wínu tiempu mut ko kyaj tmabeky ja Dios ja tyu'uk'U'unk. ¹⁹ Di'ibáty kyaj tmabaktu ja Diosu 'yU'unk, ja'a ñajxtat ma ja tudyu'unan wínu xuu wínu tiempu, mut ko ja jajun myiñ ya naxwiñ, es ni'igu oj tsoktu ja koots'át kadiinam ja jajun, mut ko axuuk 'yadu'utstu. ²⁰ Nidugekyu di'ibáty axuuk adátstup, kyaj tsoktu ja jajun, es kyaj tmawingón ja jajun kadiibu ñayajnidu'xudat di'ibu naty axuuk tyiimpy. ²¹ Per di'ibu jiky'ajttup mada tšy'ajtnu, myuwingeempy ja jajun es du'un dya'ixyuty ko yu'u oy tmaduñ ja Dios.

Fwank Yajnubajtu tngajy ja Jesús

²² Es ko waanu 'yijty, net ja Jesús mada 'yuxpujkruty oj ñajxtu ma yu Judee ñaxwiñdu. Jap waanu 'yijty es dyajnabattu ja ja'ayuty. ²³ Nandu'un ja Fwank Yajnubajtu yajnabéty naty jam Enón di'ibu myuwingon'ajtyy ja Salim, ja'a ko jamu naty ja kom nuu, es ja ja'ayuty ñajxtu es ñabáttut. ²⁴ Tyaadu du'un tyuun jyajtu kyajnumu naty yu Fwank yajpujta'aky pujxndugóty.

²⁵ Es di'ibu naty ja Fwank Yajnubajtu 'yuxpujkruty ñaygyaxudu mut tu'ugu israelituty pán wi'ixu ja'ay ñayajwa'adsudu. ²⁶ Net oj tñinajxtu ja Fwank es t'anmaagydu:

—Ya'uxpujkrú, ok'ix. Di'ibu naty mut mij ma Jordán mujnuu awinm, di'ibuts mij xytyukmumadyak, tam tyam yajnabéty, es nidugekyu ja'ayuty ak yu'u panajxup.

²⁷ Net ja Fwank 'yadsooy:

—Ni pán tii mbaat kamudaty pán kyajpu Dios tu myo'oyuty. ²⁸ Miidsaty ku'am xymyudoodu kots miits n'anmaagydu: “Tšy'ajtnu ko kyajts uj nGrístaty, je'eyats uj nyajkéxy jawyiin ma yu Kristu.” ²⁹ Ma tu'ugu ja'ay pyekyan, ja pujkpu yedyujk ja'a mut ti'igyu ja di'ibu pyejkypy. Es ja pujkpu yedyujk ja myutnaymyaayubu ni'igu xyonda'aky ko jam muat 'lyity ma yajmajuñ ja myutnaymyaayubu es tmudo'ity ja kyajxy myadya'aky. Es nandu'un uj, xondákpats jotkada'aky ko yu ja'ayuty tpanajxtu ja Jesús. ³⁰ Jesús yu'u ni'igu myuwiindajku'adu'utsy, es uj waanu ni'igats n'awaan n'amutsku.

Di'ibu tso'omp jam tsajpótm

³¹ Mut ko Jesús tso'oñ tsajpótm, paaty ni'igu myújuty kadiinam ja naxwiñdu ja'ay. Ujtsu du'unu naxwiñdu ja'ay. Paaty uj je'eyats nniyawu di'ibu ja ya naxwiñ. Per di'ibu kudakp tsajpótm, yu'u ñigopk'ajtyy tugekyu. ³² Paaty yu'u myadyakypy di'ibu tu t'ixy es

tmadoy, per ni pán tkamabeke di'ibu yu'u myadyakypy. ³³ Ja ja'ay di'ibu kyupejkyry ja ayak di'ibu yu'u kyajxypy, niguxu'kp ko tui'ajtan di'ibu Dios kyajxypy. ³⁴ Pánu Dios tu kyéxyuty, Diosu 'yayuk myadyakypy. Esu Dios tmooy ja Jesús yu Espiritu Santu tugekyu. ³⁵ Ja Dios Teety jyantsytsyepjy ja 'yU'unk, es tugekyu ttukkudajkudya'ay di'ibu jaa'ajtr. ³⁶ Di'ibu myabejkyry ja Diosu 'yU'unk, myudajtypy yu jiky'ajtan winu xuu winu tiempu; per di'ibu kyaj tmaubaka'añ yu Diosu 'yU'unk, kyaj tmuadaty ja jiky'ajtan winu xuu winu tiempu, yu'u yu 'yaxájur ja muk tudyu'unun di'ibu Dios mo'oyudup.

4

Jesús es tu'ugu samaritanu toxytyujk

¹ Myudoodu ja fariseeu ja'ayuty ko ni'igu naty dyajmáyu ja 'yuxpajkputy es yajnabéty ni'igu kudiinam ja Fwank Yajnabajtr. ² Oy kyaj ja Jesús ku'am yajnabejty, yu 'yuxpajkputy yu'ujuty yajnabajttu ja ja'ayuty. ³ Ko Jesús niija'aju tyaadu, net tsoyo'ón Judeeu es jyumbijnu Galileeu.

⁴ Ko tyu'uyo'oy, koonum ñaxy samaritanu ñaaxóty. ⁵ Jyajtta jap ma kajpn di'ibu xyu'ajtypy Sikar, di'ibu naty jaryu myuwingón yu Jakoobu ñax di'ibu 'yu'unk Josee tyukkumaay ja ñax. ⁶ Es jap tu'ugu nudajñ di'ibu Jakoob ñudajñ'ajt jékyp. Es ko jyajtta jap nudajñ agu'p ja Jesús, ja'a ko anu'xubu naty mut ko tu yo'oy, ta ñaxwe'tsy nudajñbyu'aay. Kijkyxyuu natyñ. ⁷ Net myiñ ma ja nudajñ tu'ugu samaritanu toxytyujk es tjuuda'añ ja nuu. Net ja Jesús t'anmaay: —Meegyuts waanu mnuu, tunu may'ajtan.

⁸ Tu naty ñajxtu ja 'yuxpajkputy kajpnóty es tjuya'andu di'ibu 'yagijxyu'áttup.

⁹ Es ja toxytyujk 'yadsooy:

—Mij m'israelitu, es uj samaritanu. ¿Wi'ixuts mij xy'amdoy ja nuu es nyajnu'uugut? (Yu israelítaty kyaj mut ti'igyu 'yity ja samaritanu ja'ayuty.)

¹⁰ Jesús 'yadsooy:

—Kooxyup xy'oknijawu ja may'ajtan di'ibu Dios yajkypy es pánuts uj di'ibu nuu m'amdooyup, tui'ajtanxyupts mij xy'amdoy yu nuu, es uxxyupts mij nmeepy yu nuu di'ibu yajjily'ajtypy ja ja'ayuty.

¹¹ Ja toxytyujk 'yadsooy:

—Windsún, ni xkyamudaty je'eyu di'ibu mut ja nuu xyjuudut. Ja'a ko jantsy kuk yu nudajñ, ¿wi'ixuts mij xymo'oyut yu jiiikypu nuu? ¹² Ja n'apteety'ajtam Jakoob xy-tyukmaw'u'mmaw tyadu nudajñ, ma yu'u ijty ñu'uuktu mut ja 'yu'unk 'yuna'kuty esu jyuyujk tsyajkaa. ¿Tii wa'anu da mij ni'igu mujuty kudiinam ja'a?

¹³ Esu Jesús 'yadsooy:

—Nidugekyu di'ibu yaa nu'úktup, paadudup jatugok yu tuudsu. ¹⁴ per di'ibu 'yikypy ja nuu di'ibuts uj nmeepy, ni na'a tuudsu kyanakypyaadudut. Ja'a ko di'ibuts uj nuu nmeepy, jap myujxtawut jyodoty es myo'oyudut ja jiky'ajtan di'ibu winu xuu winu tiempu.

¹⁵ Net ja toxytyujk t'adsooy ja Jesús:

—Windsún, meegyadsu tadu nuu es kudiibuts xyñakypyaadut yu tuudsu es ni nganakymyínduts ma tyadu nudajñ es njuududuts ja nuu.

¹⁶ Jesús 'yadsooy:

—Najx wow yu mña'ay es muut mmíndut ja yaa.

¹⁷ Ja toxytyujk 'yadsooy:

—Kyajts nmudaty ja nña'ay.

Jesús 'yadsooy:

—Mmudajtypy ja tui'ajtan ko mjuna'añ kyaj xymyudaty ja mña'ay, ¹⁸ ja'a ko nimugoxk tu xy'okmudajtr mña'ay, es di'ibu jam tyam mmudajtypy jatuu'ugu myedyujk, kyaj yu'u xyña'ayuty. Paaty tui'ajtan éxtam mjuna'añ.

¹⁹ Ko ja toxytyujk tmadooy, net t'anmaay ja Jesús:

—Windsún, n'ijxypyuts ko mij ja Diosu kyugajxpu. ²⁰ Ja n'aptujkuty di'ibu jékyp jyiky'ajttu, ja'a 'yawdajttu ja Dios yaa ma tyadu kopk. Per miits israelítaty mjuna'andu ko jaayu Jerusalén ja it lugaar ma n'awdajtam.

²¹ Jesús t'adsooy ja toxytyujk:

—Mubujkuts mij, miimp ja xuu ja ooru ma miits xy'awdátut ja Dios, es ni mgamíndut ma tyadu kopk es ni mganajxtat Jerusalén. ²² Miits samaritanu ja'ayuty, kyaj xyñijawudu ti m'awdajttup, per uudsuty israelítaty, niija'adapts tits n'awdajttup, ja'a ko tsooñ ja nitsokun ma ja israelítaty. ²³ Per minamp ja tiempu, es tyamu du'un, ko ja ja'ayuty di'ibu situy y'awdajttup ja Dios, t'awdátut mut winu jyot jya'ajun es mudu tui'ajtan, mut ko du'unu dun ttseky ja Dios es 'yawdátudut ja ja'ayuty. ²⁴ Dios yu'u du'un ja ja'ajun, es di'ibu 'yawdajttup ja Dios, 'yawdátut mut winu jyot jya'ajun es mudu tui'ajtan.

²⁵ Net ja toxytyujk t'anmaay ja Jesús:

—Hj nnija'abats ko minap ja Krista di'ibu Dios wyin'ijx. Ko myinat ja'a, ya'u xy'awa'anadya'ayum tugekyu.

²⁶ Net ja Jesus t'adsooy ja toxytyujk:

—Hjtsu du'an Krista di'ibu mmagajxup.

²⁷ Es net jyajttu ja 'yaxprijkruty. Es ko t'ijxtu ja Wyindsan myadya'aky mut tu'ugu toxytyujk, da'ainu wya'amadyaadyu. Per ni pan oj tkayajtay: “¿Ti mdsejpy?” o “¿Ti ko xymyutmadya'aky yu toxytyujk?”

²⁸ Net ja toxytyujk tnaswijtsu tsyiy es oj nejxy kajpnoty es oj t'awanadu ja kugajpn es t'anuumadu:

²⁹ —Min xy'of'ixtu tyapadu ja'ay di'ibats tu xy'awana tugekyu di'ibats tu nduñ. ¿Kyaju du'an jya'adyu tyadu ja Krista?

³⁰ Net ja ja'ayuty tso'ondu jap kajpnoty es tninixtu mut ja toxytyujk ja Jesus.

³¹ Ko naty ja toxytyujk tu nejxy kajpnoty, net ja Jesusu 'yaxprijkruty 'yanmaayy:

—Ya'axprijkra, kay oyna'unan.

³² Ta ja Jesus 'yadsooy:

—Tyapts ja je'xy nmudaty di'ibu miidsuty ni xykyanijawadu.

³³ Net ja 'yaxprijkruty ak ja'ajuty ñayajttuajudu:

—¿Tu da pan dyajmñ di'ibu kyayup?

³⁴ Esu Jesus t'anmaaydyu ja 'yaxprijkruty:

—Kots uj nduñ di'ibu tsyejpy panats tu xykyexy, ujts jotkadakpats extam jyawu ngay n'iigyats.

³⁵ Miits m'ayuk'ajttubu du'an: “Ko tyugoy'aty taxk po'o es nyajpudu'kam ja pujta'aky.” Per ujts miits n'anmaaydyup: “Ixtu kam! Tu pujta'aky tyutsnu es tu tpaaty ja tiempu es pyudu'agut.”*

³⁶ Di'ibu yajpude'kyry ja pyajta'aky, yaxajup ja myaju'uñ; esu pyajta'aky di'ibu yajpude'kyry, ja'a du'an itup wina xuu wina tiempu. Es du'an di'ibu wyijpy ja triigu es di'ibu yajpude'kyry, nimajtsk xyonda'akta. ³⁷ Es du'an dya'ixuty ko tyu'ajttunaty di'ibu 'yayuk'ajttup extamu tyadu: “Wiinkru wyijpy ja triigu es wiinkru yajpude'kyry.”

³⁸ Hjts miidsuty tu ngaxtu es xyajpudu'aktut ja di'ibu kyaj tu xyñiduungadu. Wiingátypyu tu tñiduungadu, es miidsudyu net myajpudu'ktup.

³⁹ May ja samaritanu ja'ayuty di'ibu tso'ondup kajpnoty tmubajktu ja Jesus, ja'a ko ja toxytyujk tu naty 'yanu'umxudu: “Tadu yedyujk xy'anmaayats tugekyu di'ibats tu nduñ.”

⁴⁰ Es ko myiindu ma Jesus, net tmunu'xtáktu es wya'umut mut ya'ujaty. Es ja Jesus oj wye'emy ma ja kajpn majtsk xuu mut ya'ujaty.

⁴¹ Ko ja kugajpnaty tmadoodu ja 'yaxprijkan ja Jesus, ni'igu mayjya'ay oj t'akmubaktu ja Jesus. ⁴² Net ja toxytyujk t'anmaaydyu:

—Nmubajknupts udsuty tyam, kadiinam je'eyu ko mij tu xyñigajxy, ja'a ko nandu'un udsuty ku'am tu nmadoyats. Nnija'adupts tyam ko tay'ajtan ko ya'u Kyrístaty di'ibu yajpojpnitugoyaampy yu naxwñudu ja'ay.

Jesus dyajtse'eky tu'ugu yajkutujkra tyuumbu

⁴³ Ja kyumdugak xuu ja Jesus tso'oñ Sikar es oj nejxy Galileeu. ⁴⁴ Ku'umu naty jayup tu jyuana'añ yu Jesus: “Ni tu'ugu Diosu kyugajxru kya'ity windsu'egu mut ja myugajpn.”

⁴⁵ Es ko ja Jesus jyajty Galileeu, ja ja'ayuty oj yaxajudu tsuj, ja'a ko nimayu naty di'ibu oj tu pyaskaxu'attu Jerusalén. Jap t'ijxtu ti Jesus tyuun tugekyu.

⁴⁶ Net ja Jesus jyajty Kanaa, Galileeu ñaaxoty, ma naty ja nuu tu dyajjumbity vnu. Es net tu'uk jyajty ja yajkutujkra tyuumbu di'ibu mju kyutujkan. Jam ja'a tsyuunu Kafarnaum es ja 'yu'unktamu naty tu pya'ambety jantsy muk. ⁴⁷ Ko tadu ja'ay tmadsooy ko Jesus tu jyuambity Judeeu es ko tu naty myñ Galileeu, ta tnimiñ es tmunu'xtáky es jyajta'agut, es nuj ja 'yu'unuk ya'agudáxuty, ja'a ko tim oogánubu naty. ⁴⁸ Ta ja Jesus t'anmaay ja ja'ay:

—Pan kyaj xy'ixtu ijxwu'umun di'ibu myudajtyry ja muj'ajtan, kyaj miidsuty uj xymyubáktut.

⁴⁹ Net ja yajkutujkra tyuumbu 'yadsooy:

—Windsan, jo'omdu tsojk, tunu may'ajtan, naam kyajnumts ja n'u'unuk 'yeekey.

⁵⁰ Ta Jesus 'yanmaayy:

—Nujx ma mdujk. Ja m'u'unuk tu 'yaguda'aky.

Ta ja ja'ay tmubejky extam ja Jesus tu 'yanu'amxuty. Ta jyuambity ma tyujk. ⁵¹ Es ko naty tyu'uyo'oy, oj jyuipkubaadaty ja tyuumbu di'ibu naty tso'ondup ma ja puma'ayun. Ta 'yanmaayy:

—ja m'u'unuk tu 'yaguda'aky!

⁵² Ta ja yajkutujkra tyuumbu 'yadsooy:

* 4:35 Ja'a taadu 'yandijpy ko tu net ja tiempu jya'ity ma ja ja'ayuty 'yaxajudat extamu Kristu.

—¿Ti ooru oga'an tu myubaadu?

Es ja'ajaty 'yadsoodu:

—Éxtam junakxyuu uxu'ay xyeemy ja jyuuu.

⁵³ Net ja u'unkteety tjamyejtsy ko nan janakxyuu naty tu 'yanu'amxaty ja Jesús: “Ja m'u'unk tu 'yaguda'aky.”

Net ja ja'ay es nidagekyu di'ibu tsyunaadyuup ma jyuuu tyujk tmubujkta ja Jesús. ⁵⁴ Tyaadu da'un ja myumajtskpu ijxwu'umun di'ibu myudajtypy ja muj'ajtun di'ibu Jesús tyuun ko jyumbity Judee es ñejax Galilee.

5

Jesús dyajtse'eky tu'ugu puma'ay pilu pa'aay

¹ Ko waanu 'yijty ja israelítaty tu'ugu naty ja xuu ttundu jap Jerusalén, es ja Jesús jap oj ñejax xu'ajtpu.

² Ma tadu kajpn myawingón ja kajpndujk aa di'ibu tyijtup Borreegu Tujk Aa, jap tu'ugu muj pilu ma ja'ay tsi'ida. Magoxku tyujk wiin tmudaty esu israelitu ja'ay ttiyta Betesda. ³ Japu naty ja ja'ay may pya'amgo'knudu naxkujxy. Tapu wiints, axneybyu, xux, di'ibu kyaj mbaat yi'xy. Jap 'yawixtu pilu pa'aay es ja nuu yu'xut. ⁴ ⁵ Japu naty tu'ugu yedyujk kyo'knu di'ibu i'px majmóx tugak jumajt kujk pya'am 'yity. ⁶ Ko ja Jesús t'ijxy ja puma'ay kyo'knu, ñija'abu naty ko jeky tu 'yayoouu, net t'anmaay:

—¿M'aguda'agaambu?

⁷ Ja puma'ay 'yadsooy:

—Windsún, kyaj pán pánats xpyujta'agup yap piloty ko jyayi'xy tyadu nuu. Tugok tugókats njatakuya'añ, wiinkpu jawyiin'ajtkojp.

⁸ Jesús t'anmaay:

—Pudu'uk, yajmúk ja mmabajn es nuix ma mdujkan.

⁹ Netyu ja puma'ay 'yagudaktaay. Ta dyajpude'ky ja myabajn es yo'oydsoyo'oñ. Es kom saabudu naty ma ja israelítaty dyajniutúku es t'amaay'átut, ¹⁰ yu'ujaty t'anmaaydu ja di'ibu naty tu 'yaguda'aky:

—Po'xunxuu tyam. Kyaj ñikutíkyuty es xytsyuumadítut yu mmabajn.

¹¹ Net ja yedyujk 'yadsooy:

—Yu di'ibuts tu xya'aguda'aky, yu'uts tu xy'anuumu: “Yajmúk yu mmabajn es nuix.”

¹² Net yajtuujdu:

—¿Pánxu du'un tu m'ana'amxaty es xyajmúkat yu mmabajn es mnujxat?

¹³ Es ja yedyujk kyaj tnijawu pánu dan ja'a di'ibu tu ya'aguda'agyuty, ja'a ko ma ja lugaarun mayu naty ja ja'ayuty es ja'a ko ja Jesús tu naty ñajxnu wiink tsoo. ¹⁴ Oknum jatugoku Jesús tpaty ma ja muj tsajptujk. Net ja Jesús 'yanmaay:

—Ix jaygyuku. Tyamu net tu m'aguda'aky. Katu mnakyppekytyúñ kaduibu mjátut o'ktáy.

¹⁵ Ta ja yedyujk jyumbijty es oj t'awanu ja israelítaty ko di'ibu tu ya'aguda'agyuty, yu'u du'un ja Jesús. ¹⁶ Paaty ja israelítaty t'rajudijtso'onda ja Jesús, mut ko ja puma'ayuty dya'agudaky saabudu xuu.

¹⁷ Es ja Jesús t'anmaay ja israelítaty:

—Yu nDeedyats tuumpnum tyambaat, es uj nandu'un tuumbuts.

¹⁸ Paaty yu'ujaty ni'igu oj 'yákuu, es paaty tjaya'oogánu mut ko ja Jesús kyaj tmay'aty twindsu'ugu ja po'xunxuu es mut ko nandu'unu Jesús jyunañ ko Dios yu'u tyeety'ajtypy, ja'a ko du'un ñaybyujta'agyuty nandu'un Dios.

Diosu 'yU'ungu kyutujkan

¹⁹ Net ja Jesús t'anmaaydu:

—Jantsy tuj'ajtunats miits n'anuumudu ko uj, Dios ja 'yU'unk, kyajts mbaat ti nduñ ngu'um winma'añuts. Ndiimbyats je'eyu di'ibuts n'ijxupy tuñ yu nDeedyats. Tugekyu di'ibudsu nDeety tyiimpy, nandu'un uj, Dios ja 'yU'unk, nduñuts.

²⁰ 'Pes ja nDeedyats xytsyojkruts uj es xytyuk'ijxpruts tugekyu di'ibu yu'u tyiimpy. Es xytyuk'ixagambuts waanu oyyjatytyu. Es ko xy'ixtat, du'ñnu mwa'umudya'ayduy. ²¹ Es éxtamu Dios Teety dyajjikyppeky ja o'kraty, nandu'un uj, ja 'yU'unk, nyajjikyppekupts di'ibuts ndsejpy. ²² Yu Dios Teety ni pán tkapayo'oy. Eñ, ja 'yU'unk, tu xymyo'oyuts tugekyu ja kutujkan es nbayo'oyuduts, ²³ es du'ñnuts uj tugekyu xywyindsu'ugudat, ja Diosu 'yU'unk, éxtam twindsu'ugudu ja Dios Teety. Di'ibuts kyaj xywyindsu'ugu uj, nan kyaj twindsu'ugu ja Dios Teety di'ibuts tu xykyexy.

* ⁵³ Ja ja'ayuty di'ibu jap myubujktp ijty ko winna'agana'aty jyunaky tsajpótm tu'ugu anklus es ja nuu dyajyi'xy, es di'ibu ja puma'ay jawyiin tujkup ma ja pilu, ja'a agudakp oytym di'ibu pa'amudyu naty tmudaty.

²⁴ Jantsy tɔy'ajtnats miits n'anannudu, di'ibu myadooljitypy di'ibuts ɔj ngajxyry es tɔmbeky ja di'ibuts ta xkykyxy, ɔj nmo'oyaambyats ja jiky'ajtn winu xuu winu tiempu, es kyaj ɔjxat ma tɔydyu'unun winu xuu winu tiempu, ja'a ko tats njo'tsu pyojpu es tats nmo'oy ja jiky'ajtn winu xuu winu tiempu. ²⁵ Jantsy tɔy'ajtnats miits n'anannudu, minamp ja tiempu, es tyamu du'an, ko ja o'kputy tɔmadowdat di'ibu ngajxyryats ɔj, Dios ja 'yU'unk. Es panuty kyuydyimpy ɔxtams ɔj n'anannu, yu'ats nmo'oyaamp ja jiky'ajtn winu xuu winu tiempu. ²⁶ Du'an ɔxtam ja Dios Teety tɔmadyt ja jiky'ajtn, nandu'unats ɔj ta xymo'oy esuts nmadat ta jiky'ajtn. ²⁷ Es ja Dios Teety tats nandu'un xymo'oy yu kutujkun es nbayo'oyadats ja naxwiñudu ja'ayaty, ja'a ko ujtsu du'an ja Naxwiñudu Ja'ayadyu Kyudanaabyu. ²⁸ Katu tyaadu du'ũñ mdu'uww'umudu, ja'a ko ja'taamp ja tiempu ma ja o'kputy di'ibu ta ɔxtakudu myadowap kots ɔj ngajxat, ²⁹ es di'ibu oy ta jyiky'aty ya naxwiñ, yu'u jikyryakur es ɔjxat ma ja jiky'ajtn winu xuu winu tiempu, per di'ibu ta jyiky'aty axuak ya naxwiñ, jyikyryakur es ɔjxat ma ja tɔydyu'unun.

Di'ibu ɔjxajpejitypy ko Jesús Diosu 'yU'unk

³⁰ ʔj kyajts ti mbaat ku'am ndũñats. ʔj nbye'ebyats ɔxtamsdu nDeety xytyuk'ane'emy. Pátur wi'ixats nbayo'oy, ja'a ko kyajts ɔj ngu'am winma'añ nyajtũñ, ja'ats ndiimpy di'ibu tseyjy ja Dios Teety di'ibuts ta xkykyxy. ³¹ Pan ujts naydyu'uk ku'am junaamp ko ujtsu du'an ja Diosu 'yU'unk, kyajts mij xymyabaktat. ³² Per taa jat'u'uk di'ibu nandu'un jyuna'añ, es di'ibu yu'u junaamp, tɔy'ajtnu'u. ³³ Miidsaty ku'am oj xyajtũwu ja Fwank Yajnbajtrɔ, es m'adsoojudu ko ujtsu du'an ja Diosu 'yU'unk. ³⁴ ʔj kyajts ndukmada'aky kots pan xyñikajxpátat. Je'eyats miits ndukjamyatstu ko ja Fwank jyunañ du'an ko miits mnits'oktat. ³⁵ Mut ko Fwank Yajnbajtrɔ, du'an yu'u 'yjity ɔxtam tu'ugu kudu'xn di'ibu xykyudu'xam ma mbaat nyo'oyum, es waanu tiempu mjotkujkudu miidsaty mdu kudu'xn. ³⁶ Es ɔj nmadajtypyts tu'ugu testiigu di'ibu ni'igu muj yu muj'ajtn tɔmadyt kadiinam yu Fwank. Di'ibuts ɔj ndiimpy, Dios Teedyats xymo'oy es ndũñat es nyajkugaxat. Es ja tuunk di'ibuts ndiimpy, yu'u yajngaxe'kypy ko Dios Teedyats ɔj ta xkykyxy. ³⁷ Nandu'un ja Dios Teety di'ibuts ta xkykyxy, pyajtákyry ja'a ko tɔy'ajtn di'ibuts ngajxyry. Ni na'anum xykyamudoogajxta es ni je'eyanum xykyaxxta. ³⁸ Kyaj ja Diosu 'yayuk 'lyity ma miidsaty, mut ko kyaj xymyabaktu kots miits nja'anannudu ko ujtsu du'an ja kugajxy di'ibu Dios Teety ta tkexy. ³⁹ M'axpajktur miidsaty di'ibu Moisés es ja Diosu kyugajxputy jyaaydyu, ja'a ko miits mjuna'andu ko mut yu'u xytyjy ta xygyanaraty yu mjiky'ajtn winu xuu winu tiempu. Moisés es ja Diosu kyugajxputy, ja'a jyaaydyu di'ibuts ɔj nnaustu'n nnakajxu, ⁴⁰ per miidsaty kyajts xy'axajya'andu ɔxtamu Yajñitsókpu esxyuats miits nmo'oy yu jiky'ajtn winu xuu winu tiempu.

⁴¹ Kyajts nyajtũñ ja muj'ajtn di'ibu ja'ay yajktur. ⁴² Yajxonats nnijawu ko miidsaty kyajpu Dios xy'awdattat. ⁴³ ʔj ta nmĩñats yu'agyujxmudsu nDeedyats, es miidsaty kyajts xy'axajjudu. Per koxyur myiñ ja wiink yedyujk mut ja kyu'am winma'añ, yu'u sitay m'axajjuder. ⁴⁴ ʔwi'ixats miits xymyabaktadats pan m'axtaaydyur ya ja'ayaty es mwindsu'ugudat, es kyaj xy'axta'aydyu esu Dios jyuna'anat ko miits m'oyjya'ay'atuty? ⁴⁵ Katu mjuna'andu kots ɔj miits xytyjy nni'uanu'andu nDeedyats wyinduuy. Moisés yu'u du'an mni'uanu'andur, di'ibu miits mjot'ajttur. ⁴⁶ Mni'uanu'andur mut ko miits kyaj xymyabaktu di'ibu yu'u jyaaywyu'am ma ɔj. ⁴⁷ Es pan kyaj miits xymyabaktu di'ibu Moisés kyaxjajy, ʔwi'ix miits xymyabaktat di'ibuts ɔj miits n'anmaaydyur?

6

Jesús dyajkáy nimogoxk mil naxy ja ja'ay

¹ Ko tyaadu du'an tyuun yajtu, net ja Jesús oj 'yawinnaxy ma ja Galileeu Myejyñ di'ibu nandu'un xyu'ajitypy Tibeeryus Myejyñ. ² May ja ja'ay panyaxudu mut ko ta naty t'ixy ja ijxwu'umun di'ibu myadajitypy ja muj'ajtn di'ibu Jesús tyuun ko ja puma'ay dyajmabaada. ³ Ta pyatujku ja Jesús ma tu'ugu kopk, es ɔjxwa'tstu mut ja 'yaxpajkputy. ⁴ Pyatnubu naty ja israelituty ja pyasku xuu. ⁵ Ko Jesús t'ijxy ko may ja ja'ayaty pyanujxudu, net dyajtuuy ja Filipu:

—¿Ma net nju'uyum yu je'xy di'ibu nmo'oyum yu tyadu mayjya'ay?

⁶ Jesús jyunañ du'an es t'ok'ix'añ wi'ix jyuna'añ yu Filipu, ja'a ko ɔjja'abu naty Jesús ku'am ti naty tyunaampy. ⁷ Net ja Filipu 'yadsooy:

—Majtsk mugo'px xuu nidũñ kyaj tpaadat es kujkwaanu nmo'oyum nidu'uk nidu'uk.

⁸ Net ja Andrés, ja myuga'axu Simonk Peedru, nan yu'u naty ja Jesusu 'yaxpajkpu, jyunañ:

⁹ —Tyam tu'ugu mixyu'unk di'ibu myadajitypy mogoxku tsajkaagyu'unk es majtsku ajkxu'unk, peru tyaadu waanu yu'u. Kyaj tpaadat mut ko mayjya'ayaty.

¹⁰ Jesús t'anmaay ja 'yaxpajkputy:

—Yajnaxwaatstu nidugekyu.

Net ñaxwa'tsta mugoxx mil ja yedyujkaty, es kyaj yajmadsyóy ja toxytyujkaty es ja uná'ku'unguty. ¹¹ Net ja Jesús tkone'ky ja tsajkaagyu'unk es tja'aygyudáky ja Dios. Net ttujkwa'xy es tmooy ja 'yuxpajkpty es ja 'yuxpajkpty tmooydu ja mayjya'ay di'ibu naty ta ñaxwa'tsta. Es nanda'un ttuun mut ja ajkxu'unk, tmooydu ja ja'ayuty mabaat 'yuts jyotkuda'aktat. ¹² Es ko naty ta jyotkuda'aktat, ja Jesús t'anmaaydu ja 'yuxpajkpty:

—Yajmujkta'aydu tugekyu yu tsajkaaky tyuktuka di'ibu ta ñaduka, kadibu ti wyindugóyut.

¹³ Net ja 'yuxpajkpty dyajmujktaaydu majmajtsk muj katsy di'ibu nadajku ma ja mugoxxku ja tsajkaagyu'ungun. ¹⁴ Es ko ja ja'ayuty t'ijxta ja ijxwa'aman di'ibu myudajtypy ja muj'ajtan di'ibu Jesús tyuun, net ñayjynánadu:

—Jantsy tuj'ajtanamu da'un ko yu tyaadu yu'adyu Diosu kyugajxru di'ibu minamp ya naxwiin.

¹⁵ Per kom ja Jesús ñija'aju ko jyamunajxa'anadu agwanu es pyujta'aga'anadu rey, paaty ja Jesús abeky ñaybyujtaku es pyatujku ma ja kopk es ita'an naydyu'uk.

Jesús yo'oy nuu wyingujxm

¹⁶ Es ko tsyu'ujanu, net ja 'yuxpajkpty jyunajktu ma ja mejiñbya'a. ¹⁷ Ta tyujkudu ma tu'ugu barku es 'yawinnaxa'andu Kafarnaum. Tu naty wyingoodsunu es kyajnumu naty ja Jesús jyumbity, ¹⁸ net jyantsymyini ja mak poj es ja mejiñ jyantsyñikapy. ¹⁹ Es ko tu naty tyu'uyoydu extam mugoxk o tudujk mil metran, net t'ijxta ko myuwingónaty ja Jesús ma ja byarku, nuu wingujxy yo'oy. Net tsyu'kadyaaydu. ²⁰ Ta ja Jesús myugajxu:

—Ujtsu da'un. Katu mdsu'ugudu.

²¹ Net ja'ajuty jyantsyxyondaktu es t'axájudu ja Jesús ma ja byarku. Es waanu 'yak'ijty, ta jyajtu ma naty ñijxta.

Ja'ay t'uxta'aydu ja Jesús

²² Jakumbom ja mayjya'ay tnija'adu pánaty wu'andu jam mejiñ awinm, ko yu'ayuty ja Jesusu 'yuxpajkpty ttuknájxta ja barku di'ibu naty ti'igyu, es ko kyaj ja Jesús jap tyujku mut ja 'yuxpajkpty. ²³ Net naaguty ja barku di'ibu tso'ondap ma Tibeerysu kajpn, jyajtu mawingón ma naty ja tsajkaaky tu tkaaydu ko ja Nindsan'ajtanu naty jawyini ja Dios tu tja'aygyuda'aky. ²⁴ Es ko ja ja'ay tujktu kwentu ko ni ja Jesús es ni ja 'yuxpajkpty naty kyanakjyápty, ta tyujkudu barkoty es ñijxta Kafarnaum es t'uxta'aya'andu ja Jesús.

Jesús yajkypy ja jiky'ajtan winu xuu winu tiempu

²⁵ Es ko jyajtu jamdsoo mejiñ awinm, ta trattu ja Jesús es t'anmaaydu:

—Ya'uxpajkru, ¿na'axu mja'ty yaa?

²⁶ Net ja Jesús t'adsooy:

—Jantsy tuj'ajtanats miits n'anuumadu, xy'uxtaaydupts mut ko mgaaydu, yajxon m'ujts mjojkadaktu. Kyajts mij xy'uxta'aydu mut ko xyjagyúudu oy ja ijxwa'aman di'ibu myudajtypy ja muj'ajtan di'ibats ndiimpy. ²⁷ Katu mdunda mut ja mga'ay m'ukan di'ibu kyaj 'yiki. Tundu mut ja mga'ay m'ukan di'ibu iigap es mmo'oyudat ja jiky'ajtan winu xuu winu tiempu. Tyaadu da'un ja ka'ay ukun di'ibats uj, ja Naxwiñudu Ja'aydu Kyudunaabyu, mmo'oyaambyuts, mut ko Dios Teety da'un tu xymyo'oyats ja kutujkan.

²⁸ Net ja ja'ayuty jyananda:

—¿Tits ndúndap esuts nguudyúnat di'ibu Dios tsyejpy?

²⁹ Ta ja Jesús 'yadsoojumbijty:

—Di'ibu Dios tsyejpy, yu'u es xymyubáktat ja di'ibu yu'u tu tkexy ya naxwiin.

³⁰ Ja ja'ayuty t'anmaaydu ja Jesús:

—¿Ti ijxwa'aman xytyuk'ixtupts di'ibu myudajtypy ja muj'ajtan esuts mij nmubáktaduts? ¿Tii dun mij ndiimpy? ³¹ Ja n'aptujk'ajtan kyaaydu ja manaa* jam ma muj itan, da'un extam ja Diosu jyaabyajtan jyuna'añ: “Yu'u yajk yu tsajkaaky di'ibu kudakp tsajpótm.”

³² Ta ja Jesús t'anmaaydu:

—Jantsy tuj'ajtanats miits n'anuumadu, kyaj ja Moisés mmooyudu ja tsajkaaky di'ibu kudakp tsajpótm, yu'u da'un nDeetyats di'ibu mmooyudap ja ka'ay ukun di'ibu kudakp tsajpótm. ³³ Ja'a ko tadu ka'ay ukun di'ibu Dios tu mmo'oyuty, yu'u da'un di'ibu tu kyuda'aky tsajpótm es tmo'oy ja jiky'ajtan ja naxwiñudu ja'ay.

³⁴ Net t'adsoodu:

—Windsún, da'uñumts xymyo'oydu tadu ka'ay ukun.

³⁵ Ta ja Jesús t'anmaaydu:

—Ujtsu da'un ja ka'ay ukun di'ibu yajkypy ja jiky'ajtan, es di'ibats xyñimiimp, di'ibats uj xymyubajkp, ni na'a yuu kyapaadudat es ni na'a tuudsu kyapaadudat. ³⁶ Per tats miits n'anuumadu, kyaj xymyubaktu óyats miits tu xyja'ixtu. ³⁷ Di'ibats ja nDeety tu xymyo'oy,

* 6:31 Ix Éxodo 16:13-16, 31.

nidugekyu myiñ ma'ujan. Es di'ibuts xyñimiimp, kyaajts n'axtjijut. ³⁸ Ja'a ko uj tu nguda'agyuts tsajpótm es ndúnuduts di'ibu ja Dios tsyejpy, es kyaj di'ibuts uj ndsejpy. ³⁹ Esu Dios tsyejpy es kyaajts nyajtagóyut ni tu'uk yu naxwíñuda ja'ay di'ibuts tu xymyo'oy. Nyajjikypyúkupts ma ja xuu di'ibu tim ux'okpu. ⁴⁰ Es di'ibu Dios tsyejpy, yu'u di'ibuts xy'ijxp es xymyabékyuts éxtam ja 'yU'unk, nmo'oyuyps ja jiky'ajtun wínu xuu wínu tiempu es nyajjikypyúkupts ma ja xuu di'ibu tim ux'okpu.

⁴¹ Es mudu tyaađu ko du'un tmudoodaaydyu ja israelítaty, ta tni'o'o tniyáxudu mut ko naty tu jyuna'añ ko yu'u du'un ja ka'ay ukun di'ibu tu kyuda'aky tsajpótm. ⁴² Ta ñay'anmaayudu:

—¿Tii kyaj jya'ajudyu tyadu Jesús, ja 'yu'ungu Josee? N'ixy'ajtamts udsajtam yu tyaaq teety. ¿Wi'ix jyuna'añ ko yu'u tu kyuda'aky tsajpótm?

⁴³ Net ja Jesús 'yanmaayudu:

—Katu mni'ow mniyaaxudu. ⁴⁴ Ni pán mbaat kyamiñ ma'ujan pán kyaj dyajmiñ yu Dios Teety di'ibuts uj xykyajx. Es di'ibuts xyryanajxp, yu'u du'un nyajjikypyúkupts ma ja xuu di'ibu tim ux'okpu. ⁴⁵ Es du'un éxtam ja Diosu kyugajxputy dyajwe'emy jaabyéty ma jyuna'añ: “Dios tyuk'uxpukaampy nidugekyu.” Es du'un nidugekyu di'ibuty myamadeepy ja Dios Teety es tkuydyúñ ja 'yana'amun, yu'u du'un mínur ma'ujan.

⁴⁶ 'Kyaj jaa pán jatuk'uk t'ixy ja Dios Teety. Újtsu du'un je'eyu tu n'ixy, es yu'udsu du'un tu xykyexy ya naxwiñ. ⁴⁷ Jantsy tuy'ajtunats miits n'anuumadu, di'ibuts xymyabujkp, myudajtypy ja jiky'ajtun wínu xuu wínu tiempu. ⁴⁸ Újtsu du'un ja ka'ay ukun di'ibu yajkypy ja jiky'ajtun. ⁴⁹ Ja m'apteedyuty kyaaydyu ja manaa ma ja muj it, es nan o'ktaaydyu, ⁵⁰ per ja ka'ay ukun di'ibu kudakp tsajpótm, ko pán tkay, kyaj ni na'a kya'ooktat. ⁵¹ Újtsu du'unu tadu ka'ay ukunu jikypyu di'ibu kudak tsajpótm. Ko di'ibu kyaapy 'yikypy tyadu ka'ay ukun, jiky'átup wínu xuu wínu tiempu. Ja'a ko tyadu ka'ay ukun di'ibuts uj nyakaampy, yu'u du'un ja nnini'xuts di'ibu nyakaambyuts es ja naxwíñuda ja'ayuty tmadátat ja jiky'ajtun.

⁵² Net ja israelítaty t'amujk tkajxmujktu es ñayjunánadu:

—¿Wi'ixu tyaađu xymyo'oya'anam nju'xam yu kyu'am nini'x'?

⁵³ Ta ja Jesús t'anmaaydyu:

—Jantsy tuy'ajtunats miits n'anuumadu, pán kyaj xy'axaju éxtamu ka'ay ukun yu nnini'xuts, di'ibu uj, ja Naxwíñuda ja'ayadyu Kyudanaabyu, nmo'oyaambyuts, es yu nne'pyñuts di'ibuts ndamaampy nyokaampy, kyaj xymyudátat ja jiky'ajtun. ⁵⁴ Di'ibu 'yaxájup éxtamu ka'ay ukun yu nnini'xuts esu nne'pyñuts, jiky'átup wínu xuu wínu tiempu es ujts nyajjikypyúkup ma ja xuu di'ibu tim ux'okpu. ⁵⁵ Mut ko yu nnini'xuts esu nne'pyñuts, yu'u du'un éxtam ja ka'ay ukun. ⁵⁶ Di'ibu 'yaxájup yu nnini'xuts esu nne'pyñuts éxtamu kya'ay 'yukun, yu'u du'un jiky'átup mut uj, es uj mut yu'u. ⁵⁷ Ja nDeedyuts di'ibuts xykyajxp, myudajtypy ja jiky'ajtun, es uj njiky'átuyats mut yu'agyujxm. Es nanda'unu tyaađu di'ibu 'yaxájup yu nnini'xuts esu nne'pyñuts éxtamu kya'ay 'yukun, ujtskyujxm jiky'átut. ⁵⁸ Ja'ats nmadyakypy ja tsajkaaky di'ibu kudak tsajpótm. Tyadu tsajkaaky kyaj dyu'unuty éxtam ja manaa di'ibu kyaaydyu ja m'apteedyuty es óknum 'yo'ktu. Di'ibu kyaapy ja tsajkaaky di'ibuts uj nyajkypy, jiky'átup wínu xuu wínu tiempu.

⁵⁹ Jap Kafarnaúm ma ja tsajptujk ya'uxpejky ja Jesús tugekyu tyaađu.

Mayjya'ay tmastu'uttu Jesús

⁶⁰ Ko tmudoodu yu xupujkan di'ibu Jesús yajkypy, nimay ja ja'ayuty di'ibáty panajxudu ñay'anmaayudu:

—Tyaađu di'ibu myadyakypy, nimajaá oy es ngupujkam. ¿Pán tyunaambyu kwentu?

⁶¹ Net ja Jesús t'ijxy ko ñi'oojuda ja ja'ayuty. Ta t'anmaaydyu:

—¿Tii nyajjot'ambujktup miidsuty mudu tyaađu? ⁶² ¿Wi'ixu da mjattu ko xy'ixut uj, ja Naxwíñuda ja'ayadyu Kyudanaabyu, nbatujkanut ma naty jékyup n'ityats tsajpótm?

⁶³ Yu'uyu ja Diosu Jya'ajun di'ibu yajkypy ja jiky'ajtun. Kyaj ti tsooty ni ti di'ibu ja'ay tyunándup. Di'ibuts uj tu nmadya'aky, jam tsyoon ma ja ja'ajun di'ibu yajkypy ja jiky'ajtun.

⁶⁴ Per taanam nidu'uguty ma miidsuty di'ibuts kyaj xymyabuktu.

Du'un jyunán ja Jesús mut ko tsondaky ñija'aju pánudyu naty kyaj myabékyuty es pánu naty kuyakánur. ⁶⁵ Es jyunán:

—Paadyats njuna'añ ko ni pán mbaat xykyanimiñats pán ja Dios Teety kyaajts xytyukn-imiñ.

⁶⁶ Net may ja ja'ayuty di'ibu naty panajxup ja Jesús myastútadu es kyaj mut 'yokjudijnudu.

⁶⁷ Net ja Jesús t'anmaay ja nimajmajtskpu 'yuxpajkputy:

—¿Tii mnajxándup miidsuty nanda'un?

⁶⁸ Es ja Simonk Peedru 'yadsooju:

—Windsán, ¿pánuts nbanajxtup? Mij naydyi'igyu mmudajtypy ja ayuk di'ibu myadyakypy ja jiky'ajtun di'ibu wínu xuu wínu tiempu. ⁶⁹ Údsuty tuts nmabuktu es nnija'adupts ko mij mGrístaty, Dios ja 'yU'unk.

⁷⁰ Jesús t'adsooy ja 'yaxprijkraty:

—Nimajmajtskats miits tš nwin'ixy, per nidu'uk pyadsemy mujku'u mäduumbu.

⁷¹ Ko tyädu Jesús du'an jynañ, ja'a naty 'yandijpy ja Juudas, Simonk Iskaryotš myaank, mat ko Juudas ya'u naty kayakánur oy jyaja'ajaty tu'uk di'ibu nimajmajtskprn 'yaxprijkraty.

7

Kyaj Jesusu myuga'axuty mynbákuđu

¹ Ko tyädu tyuun jyajtu, jaru naty jyudity ja Jesús ya'uxpeky Galileeu. Kyaj ñajxáñ Judeeu mat ko yu israelitu ja'ayuty jyaya'oogánudu.

² Es tyimpátubu naty ja xe'emdyujk xuu di'ibu myujtuundur ja israelítaty jap Jerusalén, ³ net ja Jesusu myuga'axuty 'yanmaayu:

—Pudsam ja yaa. Nujx Judeeu es nandu'anu m'axprijkraty di'ibu jápty t'ixtut ja muj'ajtun di'ibu mdiimpy. ⁴ Kyaj pán ti ayu'udsyu ttuñ pán tseyjpy es ja ja'ay tñijáwat. Mat ko mij xytyuñ tyädu, tuk'ixu net nidugekyu ja'ay.

⁵ Es du'an 'yanmaayudu ja myuga'axuty mat ko nan kyaj tmbujktu ko yu'u du'an ja Diosu 'yU'unk. ⁶ Net ja Jesús t'anmaaydu ja myuga'axuty:

—Kyajnum jya'ty ja n'oorats. Paadyats uj kyajts nñujxat mat miidsaty. Nujx miidsaty, mat ko mat miidsaty oy yu'u oytyim di'ibu ooraty. ⁷ Miidsaty kyaj mduk'ak'átadu pánadyu naxwiñudu winma'añ ja'a'ajtadur. Per uj sity xytyuk'ak'ajttaps mat kots uj n'awanu ko axuuk yu'u di'ibu tyuundur. ⁸ Nujx miits mxu'attu. Uj kyajts miits nñuutnájxtat mat ko kyajnum tpaaty ja n'oorats mats uj nñujxat.

⁹ Es ko du'an jynañdaay, ta oj wye'emy ja Jesús Galileeu.

Jesús ñejxy Jerusalén ma xe'emdyujk xuu

¹⁰ Ko waanu 'yjity ko naty ja myuga'axuty tš tsoyoondu, net ja Jesús tsoyo'õñ es ñejxy xu'ajtrn, oy kyanide'xyuty, abekyu ja'a ñejxy es kyaj madu mayjya'ay.

¹¹ Ja israelítaty 'yuxtaayudu jap xuujóty es jyuna'andu:

—¿Maã da netu tadu ja'ay?

¹² Es ma mayjya'ayuty tmadya'aktu ja Jesús, tap naak di'ibu junándur:

—Oy ja'ay yu'u.

Es wiingátyru junándur:

—Kyaj 'yoyjya'ayuty, mat ko twin'uuñ ja ja'ayuty.

¹³ Per ni pán kyamadya'aktu mayjya'ayoty, je'eyu ayu'udsyu, mat ko ttsu'ugudu ja teedy-wyindsánuty.

¹⁴ Es ko kyujkwa'xy ja muj xuu, net ja Jesús jyajty Jerusalén. Ta tyujku maj tsajptujk ñabotsoty es tyujku ya'axprijkrn. ¹⁵ Es ja israelítaty du'ũñ wyu'amudyaaydu ko tmadoo'ijttu éxtam ja Jesús ya'uxpeky. Net ñajjynánudu:

—¿Es wi'ixu tyädu oytyiiti tñijawu?, es ni je'eyu kya'uxpékyuty.

¹⁶ Jesús t'anmaaydu:

—Di'ibats uj nduk'axprijktur, kyaj yu'u myiñ mududsu ngu'am winma'añ, Dios yu'uts tu xkyexy es nduk'axprikudats éxtamts nduñ. ¹⁷ Pán ja pán ttuna'añ di'ibu Dios ñi'ana'amur, yu'u du'an ñijáwadur ko uj yu'u n'axprijknats Diósats xymyeepy. Kyaj yu'ujuty mat ja ngu'am winma'añts nduñ. ¹⁸ Di'ibu kajxp mat ja kyu'am winma'añ, nayajmujpudsamánur ku'am, per ja di'ibu yajmujpudsamaampy ja di'ibu tu tyuk'ane'emyuty, yu'u dñ kajxp tuj'ajtan es ni wi'ix tsow kyaj jyiky'aty axuuk.

¹⁹ 'Moisés yu'u dñ mmooyudu ja ana'amun, es ni tu'uk miits xkykamumadowdu es xkyakyudyundu ja 'yana'amun. ¿Es ti kots miits xya'ooga'andu?

²⁰ Net ja ja'ayuty 'yadsoodu:

—¿Mujku'u mij mbajdijtp! Tu mloku. ¿Pánu dñ mij mya'oogánur?

²¹ Jesús 'yadsooy:

—Mat ko saabudu xuu tu'ugu yedyujk nya'agudákyuts, paaty du'ũñ mwu'amudya'aydu. ²² Mjuna'andu ko Moisés yu'u du'an mduk'ana'amudu es xtytyúktut waanu ma ja yedyujk'ajtan yu'u mmaangu'unguty*, oy du'an ja m'aptujkaty di'ibu yajtsondák éxtam jaayum ajtúñ, kyaj yu'adyu Moisés. ²³ Miits mdsujktur yu'u mmaangu'unguty oy syaabudaty éxtam jyuna'añ ja Moisés 'yana'amun. ¿Es ti ko mjot'ambaktu mat kots tu'ugu yedyujk nya'agudaktaay saabudu xuu? ²⁴ Miits mjánandur ko 'yóyuty pán saabudu xuu mduundur di'ibu Moisés mduk'ana'amudu. Per kots uj nya'agada'aky saabudu xuu tu'ugu ja'ay, miits mjánandur: “¿Kyaj 'yóyuty!” Es du'an ya'ixy ko kyaj 'yóyuty di'ibu mbyo'oydyur.

Jesús tñigajxy pán ma tsoyõñ

²⁵ Net nidu'uguty ja ja'ayuty di'ibáty tsunaaydyur jap Jerusalén ñayajtuujudu:

* 7:22 Ix Lukas 1:59.

—¿Ti kyaj jya'ajudyu tyaadu di'ibu 'yuxtaaydyur es trajudittu es dya'ooga'andu? ²⁶ Pes tuxim mayjya'ayoty kyajxy, es ni pán wi'ix kya'ana'umxudu. ¿Ti wa'ana justisutajkuty tmubaktu ko tyaadu tyy'ajtnuty ko yu'udyu Kristu?

²⁷ Es wiingátypyu jyunandu:

—Kyaj. Kyaj mbaat, ja'a ko udsajtam nidugekyu nnija'am ma kyugajpnudyu tyaadu. Ko myinut ja Kristu, ni pán tkanijawut ma tsooñ.

²⁸ Ko naty ya'uxpeky maj tsajptujk ñabotsoty, net jyunán muk:

—Byeen xy'oknija'anadu miidsaty pándsu du'an uj es mats ndsooñ. Per uj kyajts ngu'am winma'añ nmiñuts. Ja'a di'ibu tyy'ajtanduump xykyajxrats. Miits kyaj xy'ixy'attu. ²⁹ Eñ sitay n'ixy'ajtypyats, mut ko jámuts ndsooñ ma yu'a, es yu'ats tu xykyexy.

³⁰ Net tjamatsandu es tjarajta'agandu pujxndugoty. Per ni pán tkamajtsy, mut ko kyajnamu naty tpaaty ja xyuu 'yooru. ³¹ May ja ja'ayuty di'ibu myubujktu ja Jesús ñayjyuna'anadu:

—Tyaadu du'an ja Kristu di'ibu minamp, mut ko ni pán mbaat xykyatuk'ixham yu iixwu'amun di'ibu myudajtypy ja maj'ajtan di'ibu tyiimpy es tu xytyuk'ixham.

Fariseenty tmatsq'andu ja Jesús

³² Ja fariseeutajkuty tmudoodu ko ja ja'ayuty du'an jyuna'andu. Paaty yu'ujuty es ja teedywyindsundajk ttuk'ane'emy ja maj tsajptujk kwentu'ajtpaty es tmátstat ja Jesús.

³³ Net ja Jesús jyunán:

—Waanuts n'ita'añ yaa mut miidsaty, es óknams njumbita'añ ma di'ibuts tu xykyexy.

³⁴ Xy'uxta'aydyuyps miidsaty es kyajts xypyaattut. Kyaj mbaat mnujxtu mats uj nnejxy.

³⁵ Net ja israelítuty ñayjyuna'andu ak yu'ujuty:

—¿Ma da ñujxa'añu tyaadu ko kyaj nbátum? ¿Wa'ana da ñujxa'añ ma ja nmugugajpn'ajtam di'ibu jittu grieeu ñaaxóty es dya'uxpaka'añ nandu'un ja grieeu ja'ayuty? ³⁶ ¿Ti dun yu taadu myadyakupy di'ibu tu xy'anma'ayum ko jyuna'añ?: “Xy'uxta'aydyuyps, per kyajts xypyaattut. Kyaj mbaat mnujxtu mats uj nnejxy.”

Jiky'ajtan kyaj kyexy ñaxy di'ibu Jesús yajkypy

³⁷ Ma ja maj xuu kyugajxanu, net ja Jesús tyunaaye'ky es jyunán jantsy muk:

—Pun ja pán tyuudsu, wa'ants xyñimiñ; es di'ibátyuts xymyubujkp, wa'an tnu'iiky. ³⁸ Du'un éxtum ja Diosu jyaaybyajtan jyuna'añ, di'ibuts xymyubujkp, du'un ja'a éxtum myuxat jyodoty ja kom nuu di'ibu yajjiky'ajtp.

³⁹ Es mut yu'a ja Jesús 'yandijpy ko di'ibu mubujkxur, di'ibu panujxur, yu'a du'un ja Dios mo'oyudur ja Espírítu Santu. Per kyajnamu naty jya'ty ya naxwiñ ja Espírítu Santu, ja'a ko Jesús kyajnamu naty jyumbity tsajpótm.

⁴⁰ Es ko ja ja'ayuty tmudoodu tyaadu, tap naaguty di'ibu junandu:

—Jantsy tyy'ajtandumu du'un ko tyaadu du'un ja Diosu kyugajxru di'ibu minamp.

Ja'ay ñaybyujkwa'xudu

⁴¹ Wiingátypyu ja'ayuty jyunandu:

—Tyaadu du'un ja Kristu.

Es ja wiingátypyu jyunandu:

—Kyaj, ja'a ko kyaj ja Kristu jámur tsoona'añ Galileeu ñaaxóty. ⁴² Du'un ja Diosu jyaaybyajtan jyuna'añ ko yu Kristu yu'a tyuamp 'yaats ja rey Davit es Belén kyugajpn'átut, ma myiñ jyajty yu rey Davit.

⁴³ Es du'un ja ja'ayuty ñaywya'xudu majtsk peky. ⁴⁴ Wiinkpnty jyatsojk esxyur yajtsímy, per ni pán du'un tkatuñ.

Fariseenty esu teedywyindsunuty kyaj tmubaktu ja Jesús

⁴⁵ Net ja maj tsajptujk kwentu'ajtpaty jyumbijttu ma ja fariseenty es ja teedywyindsunuty. Ta yajtuñjudu:

—¿Ti ko tu xykyayajmíndu?

⁴⁶ Net ja polusiíuty 'yadsoojudu:

—Ni pánu du'un kyakajxyñum éxtumu tyadu ja'ay!

⁴⁷ Net ja fariseenty t'anmaay ja polusiíuty:

—¿Tii nan tu mnayyákuu es tu mwin'uuñuty? ⁴⁸ ¿Ma mij xy'ok'ixxru ko nidu'ugu njustisu'ajtam o nidu'ugu fariseeu ja'ayuty tmubeky? ⁴⁹ Es yu ja'ayuty di'ibu kyanija'adur wi'ix ja Diosu jyaaybyajtan jyuna'añ, kajxpéky ja'a 'yittu.

⁵⁰ Nikodemu di'ibu naty koots tu tni'otsy ja Jesús, tapu naty nandu'un. Ta yu'a jyunán:

⁵¹ —Éxtum xytyuk'ixham ja n'ana'amun'ajtam ko kyaj mbaat ndudyu'unum pán di'ibu kyaj jawyiin nmudo'om es n'ixham tu dun yu'a tyiimpy axuuk.

⁵² Di'ibu naty jáputy 'yadsoojumbijttu:

—¿Tii mij nan mgalileeja'ayü? Ʋxruk ja Diosü jyaaybyajtan es xy'ixut ko ni tu'ugu Diosü kyugajxpü kyamin Galileu.

⁵³ Net ja ja'ayuty yo'oywya'xtu es nidu'uk nidu'uk ñijxtaaydyu ma ja tyujkuty.

8

Toxytyujk di'ibu yajtugeepy ja pujk úkunu wyindsu'kun

¹ Es ja Jesús pyatujku ma ja Oliivus Kopk.

² Jakumbom ko xuyüñ ja Jesús tyujku jatugok muj tsajptujk ñabotsoty. Ta myiindu ja ja'ayuty es ttuknabikadu ja Jesús, es ja Jesús ñaxwe'tsy es dyajtsondáky ja 'yuxpukun. ³ Net ja fariseeuty es di'ibuty tsajptugóty ya'uxpuktp dyajmiindu tu'ugu toxytyujk di'ibu tu yajkubaadu ko dyajtugóty ja pujk úkunu wyindsu'kun. Ta tpajtáktu kujk'am ma ja ja'ayuty. ⁴ Ta t'anmaaydyu ja Jesús:

—Ya'uxpukpu, tyadu toxytyujk tu yajkubaadu ko dyajtugóty ja pujk úkunu wyindsu'kun.

⁵ Yu Moisesü 'yana'amun xytyuk'ana'amdupts es nguka'adsadats es 'yoogat yu du'ambu toxytyujkuty. ¿O wi'ix mij m'okjunaambu?

⁶ Du'an jyanandu es tpajtáktu ja pyeky es du'an mbaat tni'unnadu. Ta Jesús wyindaky es jyaay naxkajxy mat tu'ugu kyüwa'xyry. ⁷ Es ko yajtunmbijtda, ta Jesús kyujku jatugok es t'anmaaydyu:

—Miidsuty nidu'uk di'ibu kyajpu pyojpu, wa'an tu'ugu tsaa ttukka'atsy jawyiinu tyadu toxytyujk.

⁸ Ta wyindaky jatugok ja Jesús es 'yakjaay naxkajxy. ⁹ Es ja'ajuty ko tyaadu tmudoodu, net ñajya'adu éxtam ñayñi'unnadu ku'am. Net pyudsuumdu nidu'uk nidu'uk, tsyondaky mat ja waanu mujja'aybyu es ttukkugajxu mat ja waanu uná'kpu. Es ko oj pyudsuumda'aydyu, net ja Jesús oj wye'emy nimajtsk mat ja toxytyujk. ¹⁰ Net ja Jesús wya'kkujku jatugok es t'ijxy ko kyaju naty ma pán, ja'ayu ja toxytyujk naydyu'uk. Net ja Jesús t'anmaay ja toxytyujk:

—Ñitu, ¿ma net ja di'ibu mni'a'unnadap? ¿Ni pán tu mgatukkumadóty?

¹¹ Ta ja toxytyujk 'yadsooy:

—Windsün, ni pán.

Net ja Jesús t'anmaay ja toxytyujk:

—Es ni ujts mij ngatukkumadówat. Nijxnu tyam es katü mnakypyekytyüñ.

Jesús éxtamu jajun ma naxwiñudu

¹² Jesús óknum jatugok t'anmaay ja ja'ayuty:

—Ujts du'an éxtam tu'ugu jajun di'ibu ñu'umeepy tyu'umeepy nidugekyu naxwiñudu ja'ay. Tugekyu di'ibats xypyaduump es xypyaujxp, du'an ya'ujaty éxtam di'ibu jedijtp nu'am tu'am mat ja jajun, es kyaj kyunap kyuja'pxat éxtam ja di'ibu jedijtp kubi'its ku'ook.

¹³ Net ja fariseeuty 'yadsoody:

—Mij ku'amu m'ayuk xwi'kajxpéty, du'an kyaj tyuñ.

¹⁴ Net ja Jesús 'yadsooy:

—Oyuts uj n'ayuk nnikajxpéty, tuump ja'a, mat ko uj nnija'abats mats ndsooñ es mats nnejxy. ¹⁵ Miits xypyayo'oydyupts éxtam kyuxe'eky. Kyaj xypyayo'oydyu éxtam tyu'ajtanuty. Uj ni pánats ngapayo'oy. ¹⁶ Per kots uj pán nbayo'oy, mat ja tu'ajtants uj n'anunmu, mat ko uj kyajts naydyu'uk ti nbayo'oy, ujts du'an mudadsu nDeety. Paaty nimajtskats udsuty. ¹⁷ Ma miits ja m'ana'amunuty ja'aybyéty 'yity: “Pán ja nimajtkpu ja testiigu ti'igyü kyajxtu, yu'u dan nmabujkam.” ¹⁸ Pes ujts du'an ku'am nayñidestiigu'ajtp, esu nDeedyats di'ibats xkyajx, yu'u dan jatu'ugu testiigu.

¹⁹ Net ja ja'ayuty yajtunadu:

—¿Mañ dan net ja mDeety?

Jesús 'yadsooy:

—Kyajts miits xy'ixy'attu, es nan ni nDeedyats xky'a'ixy'attu. Kooxyupts miits xy'ixy'attu, nan m'ixy'ajtpxyuyps yu nDeedyats.

²⁰ Tyaadu oj tkajxy ja Jesús ko naty ya'uxpeky ma ja muj tsajptujk ma jap 'yity ja limosnu abujkun. Es ni pán kyamajtsudu esxuy yajnejxynty puixndugóty, mat ko kyajnamu naty tpaaty ja xuyu 'yoora.

“Mats uj nnujxa'añ, kyaj miidsuty mbaat mnujxtu”

²¹ Net ja Jesús t'anmaaydyu jatugok:

—Uj nuixnupts, es miits xy'ixta'aydyuyps, es m'ooktp mat ja mbojpaty. Kyaj mbaat mnujxtu mats uj nnejxy.

²² Net ja israelituty ñajjyanánudu:

—¿Wa'ana da ñayya'ooga'añuty? ¿Paaty jyana'añ ko kyaj mbaat njo'omam ma yu'u ñejxy?

²³ Jesús t'anmaaydyu ja ja'ayuty:

—Miidsudyu da'un di'ibu ya naxwiiñ tu mmin tu mja'ttu, per ujtsu da'un di'ibu tsajpótm kúdakp. ²⁴ Paaty miits n'anuumudu ko m'ooktap pekymuut, ja'a ko pán kyaj xymyabuktá es uju da'un éxtamts njuna'áñ, m'ooktap pekymuut.

²⁵ Net yajtuujadu:

—¿Mbánxu dun mij?

Jesús 'yadsooy:

—Jawyíñupts miits tu n'anuumudu. ²⁶ Máyñamts ngakajxy es ngapayo'oyñamts miidsuty. Per ja di'ibuts tu xkyéxyats, ja'a da'un junaamp tuj'ajtán, es di'ibuts uj n'anmaapy ja ja'ayaty, yu'u di'ibuts tu nmadoy tkajxy ja di'ibuts tu xkyéxyats.

²⁷ Per ja israelítuty kyaj tjaygyúkadu ko ja Jesús jya'an'umxádu ko yu'u da'un U'unk'ajtap ja Dios. ²⁸ Paaty ja Jesús t'anmaaydyu jatógok:

—Kots miits xpyujta'aktat kujxm, nétats miits x'yáxkáptudats ko ujtsu da'un éxtamts miits nja'anuumudu ko uj kyajts ti nduñ mat ja ngu'am winma'áñats. Ndiimbyats ja'ayu di'ibuts ja nDeedyats tu xtyyukni'ixu. ²⁹ Di'ibuts xkyajx, da'uñum 'yity mat uj. NDeedyats kyajts naydyu'uk xyñas'ixu, ja'a kots da'uñum nduñ di'ibu yu'u tseyjpy.

³⁰ Ko tyáadu da'un jynáñ ja Jesús, may di'ibu myabujktá.

Diosu 'yu'unguty esu majku'ugópku 'yu'unguty

³¹ Net ja Jesús t'anmaaydyu ja israelítuty di'ibu mabujkxádu:

—Pán mbadiimpy éxtamts miits n'anuumudu, n'axpújkpu'átupts miidsuty, ³² es m'ixy'áttap ja tuj'ajtán, es yu tuj'ajtán yu'u myajwu'amadup awa'atstuu.

³³ Net ja fariseeuty 'yadsooda:

—Ujtsu da'unaty ja tyuamp 'yaadsuty ja Abraán, es ni na'anamts pán xkyatuumba'áty. ¿M'ix mij mjuna'áñ ko xyajwu'amut awa'atstuu?

³⁴ Jesús t'adsooy:

—Jantsy tuj'ajtanats miits n'anuumudu, pán tu'ugu ja'ay naygyuyajkap jyiky'átat mat ja pyekey, pes tuu da'un myamadá'agyaty ja pojpu es da'un 'yity éxtam njuna'anum ja pojpu tyuumbá juybyu. ³⁵ Es yu tuumbá juybyu, kyaj yu'u 'yity éxtam ja windsu'u 'yu'unk. Ja u'unk ja'a da'un winu xuu winu tiempu wu'amp éxtam ja tyaaq tyeedyu 'yu'unk. ³⁶ Paaty pán ja Diosu 'yU'unk myajwu'amadu awa'atstuu, tuj'ajtán ko awa'atstuu myajwu'amadu. ³⁷ Tuts nnijawu ko Abraán miits m'ok'átadu. Per xya'oogándupts mat ko kyaj xkyupuktá éxtamts miits nja'anuumudu. ³⁸ Uj yu'uts ngajxypy di'ibuds nDeety tu xtyyuk'ixy. Es miits xtyyundu nanda'un éxtam ja mdeedyaty tu m'an'umxádu.

³⁹ Net ja israelítuty 'yadsooda:

—Ujtsu da'un Abraán ndeety'ajtap.

Es ja Jesús 'yadsooya:

—Kooxyap miits m'u'unk'átadu Abraán, yu'xxyap mduundap di'ibu yu'u tyuun. ⁴⁰ Oyats miits tu nja'anuumudu ja tuj'ajtán di'ibuts uj nmadoo ma Dios, xya'oogándupts miidsuty. Abraán ni na'a da'un kya'adatsy. ⁴¹ Miidsuty nanda'un m'adu'atstú éxtam ja mdeety 'yadu'atsy.

Ta 'yadsooda:

—Uadsuty nmudajttupts ja nDeety ti'igy, yu'u Dios. Kyajts uadsuty nbuxyky'attu.

⁴² Jesús t'adsoojambijty:

—Kooxyap tyuj'ajtanaty ko Dios miits xyTyeety'áttu, pes xytsojktapxyupts miidsuty, mat ko uj nmiñats mat yu Dioskyujxm. Kyajts tu nmiñ mat ja ngu'am winma'áñats. Mat ko ja Dios tu xkyéxyats, paadyats tu nmiñ.

⁴³ ¿Ti ko xkyajaygyúkadu di'ibuts miits nja'anmaaydyup? Ja'a ko kyaj xymyudowa'andu di'ibuts uj ngajxwa'xypy. ⁴⁴ Miidsuty majku'ugópk mdeety'ajttap es yu'u miits mja'a'ajtudap, es ja'a miits mduundap di'ibu yu'u tseyjpy. Yajja'ay'o'krámu'u jawyíñup es kyaj ti tuu di'ibu tuj'ajtán. Ni na'a kyakajxy mat ja tuj'ajtán. Ko 'yanda'aky, ky'u'am ja'a yu'u kyajxypy, ja'a ko andakp yu'u, es yu'u yajtsondák ja andakán. ⁴⁵ Es mat ko tuj'ajtán miits n'anuumudu, paaty kyaj xymyabuktats. ⁴⁶ ¿Pán miidsuty nidu'uk dyajniguxu'ugut kots uj nmudaty ja nbojpu? Es pán tuj'ajtán di'ibuts uj ngajxypy, ¿ti ko xkyamabuktá? ⁴⁷ Di'ibu ja'a'ajtap ja Dios, myadoo'ijtypy ja Diosu 'yayuk. Per kom miidsuty kyaj mja'a'átadu ja Dios, paaty kyaj xymyadoo'ita'andu.

Taayum naty ja Kristu ko kyajnam ja Abraán

⁴⁸ Net ja israelítuty jynandú:

—Tuj'ajtán éxtamts mij n'anuumudu ko mij msamarítanaty es mmudajtypy ja ka'oybyu.

⁴⁹ Esu Jesús 'yadsooy:

—Kyajts uj nmudaty ja ka'oybyu. Di'ibuts ndiimpy, yu'u yajniguxe'kypy ko nwindu'kupts ja nDeedyats, es miits kyajts xywyindsu'ugadats. ⁵⁰ Uj kyajts n'axta'ay pánats xywyindsu'ugap. Jaa'ajtp pán tseyjpy esuts windsu'ugu n'ítat, yu'u da'unats xypyaye'epy.

51 Jantsy tų'ajtanuts miits n'anuumadu ko di'ibu pyadiimpy éxtamts n'anuumu, ni na'a kya'oogut.

52 Ta ja israelítaty 'yadsooda:

—Tyam tų'ajtan uudsaty njana'añ ko mij mmudajtypy ja ka'oybyu. Abraan es ja Diosu kyugajxpaty nidugekyu 'yo'ktaaydyu, es mij njana'añ: “Di'ibu pyadiimpy éxtamts n'anuumu, ni na'a kya'oogut.” 53 ¿Tii wa'anu da mij waanu ni'igu mmájaty es kadiinamdsu ndeety Abraan? Yu'u o'k, es ja Diosu kyugajxpaty nandu'an 'yo'kta. ¿Naránu du'un mij mnaybyujta'agyuty?

54 Ta Jesús 'yadsooy:

—Pun ujts ku'am naymyujpútkap, kyaj ti tsooty. Per di'ibuts tu xymyo'oy ja muj'ajtan, yu'u nDeedyats di'ibu miits nandu'an njanándup ko yu'u xyDyios'attu. 55 Per miits kyaj xy'ixy'attu. Új situy n'ixy'ajtypyuts. Kooxyuaps uj njana'añ kots kyaj n'ixy'aty, nugooxyuaps uj n'okpi'tskajxnu éxtam miidsaty. Per uj situy n'ixy'ajtypyuts, es nguydyimbyuts éxtam yu'u dyajngutúku.

56 Ja m'aptujk Abraan 'yixán ja tiempu mats uj nmiin yá naxwiin. Nugoo oj 'yokxondaknu ko oj t'ixy.

57 Net ja israelítaty t'anmaaydyu ja Jesús:

—Ni justyikxymyajk jamujnum xukyamadaty, ¿es njana'añ ko tu xy'ixy ja Abraan?

58 Jesús 'yadsooy:

—Jantsy tų'ajtanuts miits n'anuumadu, taayamdsu naty uj ko yu Abraan myiin jyjaty.

59 Net tkonu'kta ja tsaa es tjatukka'adsandu ja Jesús. Per ja Jesús ñayyu'tsu es tsoyo'ñ ma ja muj tsajptujk, mayjya'ayóty ñajxy es ñujxnu.

9

Jesús dya'ixpéky di'ibu wiints jajt naxwiin

1 Ko ja Jesús ñajxy ma tu'ugu lugaar, japu naty tu'ugu yedyujk di'ibu tu myiin tu jya'ty ya naxwiin wiints. 2 Net ja Jesús 'yuxpukraty yajtuujadu:

—Windsún, ¿ti ko du'an jyjaty yá naxwiinu tyadu yedyujk wiints? ¿Wa'anu da yu'ujaty mut ja tyaak tyeety ja pyojru, o mut ja kyuh'umbojru?

3 Esu Jesús 'yadsooja:

—Kyaj yu'ujaty mut ko pyojru ku'am tmadaty es ni kyaj yu'ujaty mut ko tyaak tyeety pyojru ja'ayuty, ja'a taadu es ya'ixat di'ibu ja Dios tyiimpy. 4 Ko 'yakxuuñmady, mbaadats n'aktúñ ja tyuunk di'ibats xkyajx. Miimp ja koots it ma kyaj mbaat pán tyuñ. 5 Kots uj n'ak'ityñam yá naxwiin, ujtsu du'an di'ibu kyude'xypy ja naxwiñadu ja'ayuty.

6 Ko tyaadu du'anu Jesús jyanán, net ñastsuju naxkujxy es dya'e'ky waanu mo'onts madu tsuyjy. Ta ttukwingutse'ky ja wiints. 7 Net ja Jesús 'yanmaayyu:

—Nujx mwimbujy ma yu Silo'ee pilu (di'ibu ayuk wimbudsamper Tu Yajkéxy).

Ta ja wiints oj wyimbujy. Net oj 'yijxpéky es ñejxy ma tyujk. 8 Net ja di'ibu ijty wiints ja myudujkra'ajaty es ja di'ibu naty tu 'yixadu ñajjyanánadu:

—¿Ti kyaj jya'ajadyu tyadu yedyujk di'ibu tu 'yity naxwa'tsp es t'amdoj yu limosnu?

9 Nidu'ugaty jyanandu:

—Ja'adsu tyaadu.

Wiinkraty jyanandu:

—Kyaj jya'ajaty, nandu'an kyuxe'eky.

Per ja yedyujk ku'am 'yadsooy:

—Újtsu du'an.

10 Net dyajtuudu:

—¿Wi'ix tyam mbaat m'ixy?

11 Ta ja di'ibu naty wiints 'yadsooy:

—Ja yedyujk di'ibu xyu'ajtypy Jesús, yu'u waanu mo'onsu'unk tu dya'eeky es tu xytyukwingutse'egyats, es tu xy'anuumats: “Nujx ma yu Silo'ee pilu es mwimbújat.” Tats oj nnejxy es tu nwimbujyuts. Nétats tu n'ijxpéky.

12 Net ja ja'ayuty 'yanmaayyudu:

—¿Maaxu net ja yedyujk?

Ta 'yadsooy ja di'ibu tu 'yijxpéky:

—Kyajts nnijawu.

Fariseety dyajtaw dyajtuda'aktu ja ja'ay di'ibu wiints tu 'yity

13 Net tmunujxtu ja di'ibu naty tu 'yijxpéky ma fariseety, 14 ja'a ko ja Jesús dya'e'ky ja mo'onsu'unk ma ja israelítaty ja pyo'xunxnu es dya'ixxwa'xy ja wiints. 15 Net ja fariseety dyajtáy ja yedyujk, ja di'ibu naty tu 'yijxpéky:

—¿Wi'ixu du'an ko tyam mbaat m'ixy?

Ta 'yadsooy ja di'ibu naty wiints:

—Yu'ats waanu mo'ondu'unk tu xytyukwingutse'egyats, oj nwimbujy, es tyam n'ijxrats.

¹⁶ Nidu'ugadya fariseeuty jyanandu:

—Tyadu yedyujk di'ibu du'an tu tuuñ, kyajra Dios jya'a'atyaty, mat ko kyaj tu twindsu'ugu ja po'xunxuu.

Es wiingatypyu jyanandu:

—¿Wi'ix mbaat tuuñ ja ijxwu'amun di'ibu myudajtypy ja muj'ajtan di'ibu tyiimpy pun yu'u pekyjya'ay?

Esu du'an kyaj ti'igyu winma'añ tmadattu.

¹⁷ Net jatugok dyajtuudu ja di'ibu naty wiints:

—Es mij, ¿wi'ix nandu'an m'okjunaqambu mudu tadu yedyujk di'ibu tu mmo'oyaty yu m'ijxan?

Net ja'a 'yadsooy:

—Pes uj junaqambuts ko yu'adyu Diosu kyugajxru.

¹⁸ Per ja israelitaty kyaj tmubekandu ko naty ja ja'ay tu 'yity wiints es ko tau 'yixpeky. Net oj twowdu ja tyaak tyeety ja di'ibu naty wiints. ¹⁹ Net dyajtuudu:

—¿Mijtsu tyadu m'u'unk di'ibu mjanandap ko jyajty naxwiin wiints? ¿Wi'ixu du'an 'yixyaty ko tyam mbaat 'yixy?

²⁰ Net ja u'unkteety u'unktaak 'yadsoodu:

—Tuy'ajtan ko udsadyu tyadu n'u'unk di'ibu miin jajt wiints. ²¹ Per udsaty kyajts nnijawudu wi'ixu du'an ko tyam mbaat 'yixy es ni nganijawuduts panu du'an tu ya'ixpekyaty. Yajtawdu yu'u. Muj ja'ay muj una'k yu'u. Wa'an mdukmumadya'agyaty yu'u.

²² Ja tyaak tyeety jyanandu du'an mat ko ja teedywyindsanaty ttsu'ugudu, ja'a ko tu naty nandu'an ñaygyaxudu ko kudiibu ñakykyupukudat tsajptugoty oytym panaty di'ibu junaqamp ko yu Jesús yu'u ja Kristu. ²³ Paaty ja tyaak tyeety jyanandu: “Yajtawdu yu'u. Mujja'ay muj'una'k yu'u.”

²⁴ Net ja israelitaty tnigajxu jatugok ja yedyujk di'ibu naty wiints. Ta t'anmaaydyu:

—Kajx tuy'ajtan, mat ko udsaty nnija'adapts ko tadu yedyujk pyojpaja'ayaty.

²⁵ Ta 'yadsooy di'ibu naty wiints:

—Kyajts uj nnijawu pan pekyjya'ay o kapekyjya'ay yu'u. Di'ibats oy nnijawu, ja'a kots uj tu n'ity wiints es tyam ijxrats.

²⁶ Net ja fariseeuty t'anmaaydyu:

—¿Wi'ix tu mdúñaty? ¿Wi'ix tu mmo'oyaty ja m'ijxan?

²⁷ Ta 'yadsooy ja yedyujk:

—Tuts miits nja'anumudu es kyaj xytyundu kwentu. ¿Ti ko miits xytsyokta es uj jatugok nnikajxpatudats? ¿Wa'anu da miidsaty nandu'an xpypanujxa'andu?

²⁸ Net ja israelitaty t'oodu es t'anmaaydyu:

—Mij mbanejxpyu tadu yedyujk. ¡Udsaty kyaj! Udsaty yu'ats mbanujxtap yu Moisés.

²⁹ Udsaty nnija'adap ko yu Moisés myugajxu Dios. Kyajts nnijawudu ma tadu yedyujk tsooñ.

³⁰ Ta 'yadsooy ja di'ibu naty wiints:

—iTim tagatsy mat ko mjuna'andu miidsaty ko kyaj xyñijawudu ma tyadu yedyujk tsooñ di'ibats uj tu xmyo'oy yu n'ijxanats! ³¹ Nnija'am yajxon ko Dios kyaj tmudoo'ity ja pekyjya'ayaty, ja'ayu myudoo'itytypy ja di'ibu awdajttap es tkuydyundu ja di'ibu Dios tsyepy.

³² Ni na'anum pan tkamadya'aky ko jyaaty di'ibu myeepy yu 'yixxan tu'ugu ja'ay di'ibu wiints ya naxwiin tu myiñ tu jya'ty. ³³ Kooxyubu tyadu yedyujk tu kyanin Dioskyujxm, kyajxup mbaat tuuñ ni ti.

³⁴ Net ja israelitaty 'yadsoodu:

—¿Wi'ixuts uj mij xya'uxpuka'andu?, di'ibu tu mmiñ naxwiin amuj pojra ja'ay. Net kyaj t'okkupujknudu tsajptugoty.

Pánaty jttap éxtamu wiints

³⁵ Myadoo Jesús ko kyaj t'okkupujknudu ma ja tsajptujk ja di'ibu naty wiints. Es ko Jesús mat ñaybyatu di'ibu naty wiints, ta dyajtuuy:

—¿Mmubejkyry mij ja Naxwiñudu Ja'ayadyu Kyudunaabyu?

³⁶ Net ja ja'ay 'yadsooy:

—Windsán, anmaagyats panu dun yu'u, esuts nmubúkat yu'u.

³⁷ Jesús 'yadsooy:

—Ujtsu du'an. Tu xy'ixy es tyam nmumadya'aky.

³⁸ Net ja ja'ay ñaygyoxtnaagydyáku Jesús wyinduuy, es jyanáñ:

—Windsán, nmubejkyryuts mij.

³⁹ Netu Jesús 'yadsooy:

—Ujts tü nmiñ esuts uj ja ja'ay nbayo'oydyut, es nmo'oya'añuts ja 'yijxun ja wiindsaty es nyajjumbitaduts wiints ja di'ibu junándup ko yu'u 'yixtu.

⁴⁰ Nidu'ugaty ja farisee'aty di'ibu naty maut jap ko tyaadu tmūdoodu, net jyunandu:

—¿Wa'anu da wadsaty nandu'un nwiints'attu?

⁴¹ Jesús 'yadsooy:

—Kooxyup miits mwiiints'attu, kyajxyup miits ja peky xymyadattu. Per kom mjánándup ko m'ixtu, pes mmudajttap ja peky.

10

Borreegu kwentu'ajtrü müdu byorreeguty

¹ Jantsy tüy'ajtnuuts miits n'anuumüdu, di'ibu kyaj tyuku mä korral aan es pyuty wiink tsoo, yu'u du'un ja ma'tspru. ² Per di'ibu tujkup mä korral aan, yu'u du'un ja borreegu kwentu'ajtrü. ³ Ja korral aa adunaabyu ya"awátsxup ja borreegu kwentu'ajtrü, es ja borreegu kwentu'ajtrü dyaxu mat ja xyuu ja byorreegu, esu borreegu pyudsamdu jap korraloty, ja'a ko dyo'kmadóy di'ibu kwentu'ajtrü. ⁴ Es ko naty tü dyajpudsumda'ay tugekyu, ta twinyo'oyu, es ja byorreegu pyanujxudu mat ko yo'kmadóyuty. ⁵ Per tu'uk di'ibu kyaj t'ixy'aty, ni'igu tkuge'eky, mat ko kyaj dyo'kmadóy ja di'ibu kyaj t'ixy'aty.

⁶ Du'un jyunán ja Jesús, per kyaj tjaygyujkudu ja ja'ayuty di'ibu ja Jesús 'yandijpy mä ja myadya'aky.

Jesús éxtamu oybyu borreegu kwentu'ajtrü

⁷ Paaty ja Jesús jyunán jatugok:

—Jantsy tüy'ajtnuuts miits n'anuumüdu ko ujtsu du'un éxtam ja korral aa mä ñaxtu ja borreegu. ⁸ Nidugekyu di'ibu jawyilin miindu es jyunandu ko yu'u Dios kyéxyuty, ma'tspruty yu'u. Per ja ja'ayuty di'ibuts uj nborreegu'ajtrüpy kyaj tyuunudu kwentu. ⁹ Ujtsu du'un ja korral aa. Di'ibu tujkup mä uj, yu'u nitso'ogup éxtam ja borreegu ko tyuku tsuu mä kyorral es pyudsemy ju'xpu jéxyup. ¹⁰ Yu ma'tspruty myindu je'eyu es myaadsa'andu es ya'ooga'andu es yajkutogoya'andu, per uj tü nmiñuts es ja ja'ayuty tmádattat ja jiky'ajtnu, es tmádattat ja jiky'ajtnu muj wiin kajaa.

¹¹ Ujtsu du'un ja oybyu borreegu kwentu'ajtrü. Yu oybyorreegu kwentu'ajtrü kyu'oogup ja byorreeguty. ¹² Yu müduumbu ja'ayu je'eyu wyinma'añ'ajtrüpy ja myuju'uñ. Ko kyaj yu'ujuty ja borreegu kwentu'ajtrü es kyaj tja'a'áty ja borreegu, paaty ko t'ixy myiñ ja waxka'uk, netyu kye'eky. Net ja waxka'uk tmatsy ja borreegu nidu'uk es nidugekyu dya"agakwa'xta'aydyu mat ja tsu'ugu. ¹³ Paadyu tadu müduumbu kye'eky, ja'a ko myujuydyuñ, es kyaj tkwéntuty ja borreeguty.

¹⁴ Ujtsu du'un ja oybyu borreegu kwentu'ajtrü. Uj n'ixy'ajtrüpyuts ja nborreeguts es nan xy'ixy'ajtrüts yu'ujuty, ¹⁵ éxtam ja nDeedyuts xy'ixy'átyuts es uj nandu'un n'ixy'átyuts. Nyajkypyuts ja njiky'ajtnu mat yu'ugyujxmu nborreeguts. ¹⁶ Nmudajtrüpyuts ja wiinkpüty ja nborreeguts mats jat'u'ugu ngorral, es nyajmínüpts nandu'un mä tyaadaty. Xymyadówdüpts uj yu'u, es tuk kajpu'ak 'yitü yu borreegu es ti'igyu ja kwentu'ajtrü.

¹⁷ Dios, yu nDeedyuts, xytsyojkrüts uj mat ko nyaka'añuts ja njiky'ajtnu es n'axajyua'añuts jatugok. ¹⁸ Kyajts pünü njiky'ajtnu xpyujkut pün kyajts uj nyaka'añ. Nmudajtrüpyuts ja muk'ajtnu es nyáküdu ja njiky'ajtnu es n'axájüdu jatugok. Tyaadu yu'uts xytyuk'ana'am yu nDeedyuts.

¹⁹ Ko ja israelítuty tmūdoodu tyadu Jesús ja 'yayuk, net oj ak ja'ajuty ñaygyajxtyyigüdu. ²⁰ May di'ibu junandu:

—Myudajtrüpy ja ka'oybyu es loku yu'u. ¿Ti ko xytyundu kwentu?

²¹ Peru wiinkpüty junandu:

—Ni pün di'ibu myudajtrüpy ja ka'oybyu es kyajxut du'un. ¿Tii wa'anu da tu'uk di'ibu myudajtrüpy ja ka'oybyu tmo'oyut yu 'yijxun yu wiindsaty?

Israelítuty kyaj tmábuktu ja Jesús

²² Ja'a naty ja disyembrü po'o mä ja ja'ayuty xyudundu mä yajmüjtüñ ko yajkuni'xy ja muj tsajptujk jap Jerusalén. ²³ Ja Jesús japu naty jyüdyty mä ja muj tsajptujk mä txu'aty Salomongu Tyujk Wiin. ²⁴ Net ja israelítuty dyajnabiküdu ja Jesús es t'anuumüdu:

—iNugoots njantsywyinmaydyu! ¿Ti kots tyam xykyadim'anuumüdu wa'ats pün mijtsu du'un mGristu, o kyaj?

²⁵ Net ja Jesús 'yadsooy:

—Tuts njajuna'añ, es kyaj xymyábuktu. Di'ibuts uj ndiimpy mat ja kutujkan di'ibüdsu nDeety tü xymyo'oyuts, yu'u yajni'gaxe'kypy yajxón es pándsü dun uj. ²⁶ Per miidsaty kyaj xymyábuktu mat ko kyajts miits nborreegu'attu. Extamts miits tü n'ok'anmaabyudu, ²⁷ yu nborreeguts xyo'kmūdodüpts, es yu'ujuty n'ixy'ajtrüpts es xypanyajtrüpts. ²⁸ Uj nmeebüts yu jiky'ajtnu winu xuu winu tiempu, es ni na'a kyatagóydyut; ni pánuts yu'u xykyarajkut.

²⁹ Yu'uts tu xymyo'oy ja nDeedyuts di'ibu waanu ni'igu muj'ajtun tmudaty, es ni pan mbaat kyapujkxaty di'ibu myudajtypy kyuh'ujoty. ³⁰ Dios Teety es uj, ti'igyu je'eju uudsuty.

³¹ Net ja israelitaty tkonu'ktu ja tsaa jatugok es tjakuka'adsandu.

³² Ta Jesus jynan:

—Tuts may nduñ oyuty mwinduuy mut ja myak'ajtanudsu nDeedyuts. ¿Di'ibu tyaadu miits xytyukkuka'adsandupts?

³³ Ta ja israelitaty 'yadsoodu:

—Kyajts mij ndukkuka'adsa'andu mut ko ti oy tu xytyuñ, yu'u du'un mut ko tu xykyawindsu'agu Dios mut ja m'ayuk. Mja'ay mij, es Dios mnaybyajta'agyuty.

³⁴ Net ja Jesus jynan:

—Ti kyaj jyaabyetyuty ma ja Diosu jyaabyajtan ko Dios jynan: “Miidsudyu du'un diosuty.” ³⁵ Es du'un ja Diosu jyaabyajtan jynan ko diosuty panuty ja Diosu naty tu tkexy ja 'yayuk. Es nnija'am ko yu Diosu jyaabyajtan yu'u du'un tay'ajtan tunap. ³⁶ Pes oy. Hjtsu du'un xywyin'ijx ja Dios es xykyejxyuts ya naxwiiñ éxtamu kyudanaabyu. ¿Es wi'ix mbaat miits mjuna'andu kots uj Dios kyajts nwindsu'agu mut yu'yu kots njnan ko hjtsu du'un ja Diosu 'yU'unk? ³⁷ Pan kyajpats nduñ ja di'ibudsu nDeety tyiimpy, kyajts miits xymyubáktat. ³⁸ Per pan tay'ajtan kots uj nduñ ja di'ibuts ja nDeety tyiimpy, oy xykyamabuka'andu ja n'ayukats, mabuktu ja di'ibuts uj ndiimpy, mut ko di'ibuts uj ndiimpy, yu'u dukjajgyukudap wa'ats ko ti'igyuts uj mut ja nDeedyuts, es yu'u ti'igyu mut uj.

³⁹ Net jatugok ja israelitaty tjamatsandu ja Jesus, per oj ja Jesus yo'oydyugóy.

⁴⁰ Net ja Jesus oy 'yawinnajxnu ma Jordán mujnu. Jap waanu 'yijty ma ja lugaar ma ja Fwangu naty tu yajnbéty tuuyur. ⁴¹ May ja ja'ayuty oj ñajxtu ma ja Jesusu, es ñay'anu'umxudu:

—Oy ja Fwank Yajnbajtpu tu tkatuñ ja ijxwu'umun di'ibu myudajtypy ja muj'ajtan, tay'ajtan di'ibu myadyak mudu tyadu ja'ay.

⁴² May ja ja'ayuty di'ibu ma tadu lugaar tmubajktu ja Jesus.

11

Lázarü 'yeeky

¹ Ma ja Betañ kajpn, jap tu'ugu yedyujku naty pyékyuty di'ibu xyu'ajty Lázarü. Majtsku myuga'ax toxtyujk di'ibu xyu'ajttap Martu esu Mariu. ² Tyadu Mariu yu'u óknum tyukni-taam ja Jesusu tyeku ja aseytu di'ibu pa'ak xu'kp, es dyajtútsy mut ja wyaay.

³ Net ja Martu esu Mariu kyajxykyajxtu ma Jesus es t'anmaaydu:

—Windsán, yu di'ibu mut oy mnaymyáuty mujta'aky pyékyuty.

⁴ Ko tyaadu Jesus tmudooy, net ja 'yuxpajkpty t'anmaaydyu:

—Yu pya'amu Lázarü kyaj yajkutagoya'añuty mut ja o'kan. Dios tyunaampy du'un es ja ja'ayuty myuj'ixudat es t'awdátat ja Dios es uj, ja 'yU'unk.

⁵ Oyu naty ja Jesus tjantsytsyoktu ja Martu esu Mariu esu Lázarü, ⁶ ko yu Jesus ya'anmaay ko Lázarü mujta'aky pyékyuty, jamajtsk xnu oj 'yakwe'emy ma ja lugaar ma naty 'yityun.

⁷ Net t'anmaaydyu ja 'yuxpajkpty:

—Jo'om jatugok Judee.

⁸ Ja 'yuxpajkpty 'yadsoodu:

—Ya'uxpajkpu, kyajnum jyeku ma jap ja israelitaty mjakuka'adsandu. ¿Tii mnajxamp jatugok jam?

⁹ Jesus 'yadsooy:

—¿Ti kyaj tyu'ajtanuty ko yu xnu tmudaty majmajtsk oorü? Pes ko pan jyudity xnuñ, kyaj kyunápat, mut ko kyude'xyuty ja jajun di'ibu ja ya naxwiiñ. ¹⁰ Per ko jyudity koots, kunajpup mut ko tugoy'ajtp ja jajun.

¹¹ Oknum jynan ja Jesus:

—Ja nmotnaaymyaayubu'ajtan Lázarü tu myanaxy. Per nejxyuts n'ok'yuxy.

¹² Net ja 'yuxpajkpty 'yanmaaydu:

—Windsán, pan tu myanaxy, mubaadabu du'unu'u.

¹³ Es ja Jesus ja'a jyamadyakypy ko naty ja Lázarü tu 'yo'knu, per ja 'yuxpajkpty, ja'a dun ttij myadyakypy ja Jesus ja ma'ay. ¹⁴ Net ja Jesus ttim'anmaaydu ja 'yuxpajkpty wa'ats:

—Lázarü tu 'yo'knu. ¹⁵ Xondákpats mut ko kyajtsu naty jap, mut ko du'un ni'igu 'yóyuty es miits xymyubáktat. Per jo'om n'ok'ijxnu.

¹⁶ Net ja Tomás di'ibu tyijpy Xeeñu'unk, t'anmaaydyu ja myu'uxpajkpty:

—Jo'omdu nandu'un udsajtan es n'o'kam ti'igyu mut yu'u.

Jesus yajikiypyujk es yajkypy ja jiky'ajtan

¹⁷ Ko jyajty ja Jesus Betañ, taxk xnu naty tmudaty ma ñaxtaku Lázarü.

¹⁸ Betañu kajpn tmawingon'aty ja Jerusalén tuguk mil metran. ¹⁹ Mayu naty ja israelítaty tu ñujxtu ma ja Martu esu Mariu es tsumaya'añ tputajuya'añ mut ko tu 'yeeky ja myuga'ax.

²⁰ Ko Martu tmudooy ko Jesusu naty wyingón, net nidso'oñ es oj tjuj'yo'oy, per ja Mariu oj wye'emy ma ja tyujk. ²¹ Martu t'anmaay ja Jesús:

—Windsún, kooxyur miju naty mjaaty yaa, kyajxyur tu 'yeeky ja nmuga'axats. ²² Per uj nnija'abats ko Dios mmooyur tugekyu di'ibu mij m'amdeery.

²³ Jesús 'yadsooy:

—Yu mmuga'ax jikyryákup jatugok.

²⁴ Martu t'adsooy:

—Uj nnija'abats ko jikyryákup ma ja tiempu ma ja o'kputy jyikyryáktat.

²⁵ Jesús t'adsooy:

—Ujtsu du'an ja jikyryujkan es ja jiky'ajtan. Di'ibats xymyubujk, oy 'yoogat, jikyryákup.

²⁶ Es nidugekyu di'ibu jiky'ajttar es xymyubúktats, kyaj 'yooktat ni na'a. ¿Mmubejkyryu tyaadu?

²⁷ Net ja Martu 'yadsooy:

—Ti ko kudii. Nmubejkyryats ko mij mGristaty, ja Diosu 'yU'unk di'ibu minán ya naxwiñ.

Jesús jyu'ay ma Lázaru ñaxtuku

²⁸ Es ko tyaadu Martu du'an jynáñ, net jymbijty es oj twoy ja 'yutsy Mariu, es t'anmaay ayu'udsyu:

—Ja ya'uxrujkr tu jya'ty. Yu'u mnigajxur.

²⁹ Ko Mariu tmudooyu taadu, pojun wya'tse'ky es oj tneijxy ja Jesús. ³⁰ Jesús kyajnumu naty tyuku kajpnóty, támmu naty ma ja lugaar ma Martu pyatu. ³¹ Ko ja israelítaty t'ijxtu wya'tse'ky ja Mariu es pyadseemy pojun, net jynandu ko yu Mariu ñeijxy juy yaxru ma naty tu ñaxtuku ja Lázaru, es oj tranujxtu.

³² Es ko ja Mariu jyajty ma naty ja Jesús, net ñaygoxtanaaydyáku Jesús tyeky'ujxm es t'anum:

—Windsún, kooxyur miju naty mjaaty yaa, kyajxyurts tu 'yeeky ja nmuga'ax.

³³ Ko Jesús t'ijxy jyu'ay yaxtu ja Mariu es ja israelítaty di'ibu mut myiindu, net ja Jesús ñajjya'aju jotmaymyut es 'yamutsk'ajty. ³⁴ Ta yajtuaju:

—¿Ma tu xyajnaxtúku?

Ta 'yanmaayudu:

—Windsún, min xy'ixy.

³⁵ Jesús jyu'ay.

³⁶ Net ja israelítaty jynandu:

—¡Ok'ixtu! Nugoodamu naty t'oktsojku.

³⁷ Per nidu'ugaty jynandu:

—Ja'a tyaadu di'ibu ja wiints myooy ja 'yijxun, ¿tii kyajxyabu da oynu'anun ti tu ttuñ es kyajxyur ja Lázaru tu 'yeegy?

Lázaru jyikyrye

³⁸ Jesús ñajjya'aju jatugok jotmaymyut es tmawingooñ ma naty tu ñaxtuku. Ja'a dun tu'ugu aank di'ibu tsaa 'yagu'ay'ajtyry. ³⁹ Net ja Jesús jynáñ:

—Yajjuga'aktu tadu tsaa.

Martu jynáñ:

—Windsún, xu'knur yu'u, ja'a ko tu 'yijnu taxk xuu ma 'yeeky.

⁴⁰ Es ja Jesús 'yadsooy:

—¿Ti kyajts mij tu n'anumu ko xymyubúktat, m'ixur ja Diosu myuj'ajtan?

⁴¹ Net ja tsaa dyajjugaaktu. Es ja Jesús pyat'ijxy tsajpótm es jynáñ:

—Tatu, nja'aygyudákyryats mij ko tu xymyudóyats. ⁴² Wa'adsats nnijawu kots mij du'num xymyudoo'ityats. Du'unats njana'añ mut ya'egyujxmu tyaad ja'ayety di'ibu yam, es tmubúktat ko ujtsu du'an mij tu xykyxy.

⁴³ Ko du'an jynandaay, net jynáñ jantsy muk:

—¡Lázaru, pudsum jap!

⁴⁴ Net ja o'krp pyadseemy, abity ja ky'u tyeky es ja wyiin juyr mut ja wyit. Ta Jesús jynáñ:

—Nikajtu'uttu es wa'an tnejxy.

Tkajxy'attu esu Jesús 'yoogat

⁴⁵ Es mudu tyaadu, net ja israelítaty di'ibu pyanujx ja Mariu tmubujktu ko t'ijxtu di'ibu Jesús tyuun. ⁴⁶ Per nidu'ugaty ja israelítaty ko t'ijxy yu tyaadu, net oj tneijxy ja fariseeety es ttukmumadyaktu di'ibu naty tu ttuñ ja Jesús. ⁴⁷ Net ja fariseeety es ja teedywindsúnaty ñaymyujkudu mut di'ibu ana'andap muj tsajptagóty, es jynandu:

—¿Ti net ndu'unam mada tyada yedyujk di'ibu nugo t'oktuunna ja ijxwa'amun di'ibu myudajtypy ja muj'ajtam? ⁴⁸ Pun nna'ijxam da'uñu, nidugekyu myubakudat ja ja'ayaty. Netu romanu soldaadaty myindat es tjittat yu nmuj tsajptujk'ajtam es dyajkutugóyut yu nnaxwiñdu'ajtam.

⁴⁹ Net nidu'ugaty di'ibu xyu'ajtypy Kaifás, yu'u naty teedywyindsungópik ma ja jumajt, ja'a junán:

—Miidsaty ni ti xykanyijáwudu, ⁵⁰ ni xykanyijáwudu ko ni'igu 'yóyuty es tu'uk je'eyu ja'ay tku'oogut ja nja'ay'ajtam es kyaj wyindugóyut ja nnaxwiñdu'ajtam.

⁵¹ Tyada Kaifás kyaj da'un jyunañ mat ja kyua'm winma'añ. Kom yu'u naty ijtp teedywyindsungópik ma ja jumajt, Dios mooyu ja winma'añ es jyuna'anat ko Jesús 'yooga'añ mat yu'ugyujxmu israelítaty, ⁵² es kyaj je'eyu tku'oogut ja israelítaty, per nandu'un dyajmujkta'aya'añ ja Diosu 'yu'ungaty ma 'yittu majatyu naxwiñdu. ⁵³ Net ja israelitu justisaty t'uxtaaydyu ja winma'añ wi'ix ja Jesús 'yoogut.

⁵⁴ Paaty ja Jesús kyaj ñakyjudijty nide'xy ma Judeeu, tim tso'on jap Judeeu es oj ñe'xy ma myuwingón ja muj it di'ibu ja kajpnu'unk xyu'ajtypy Efraín. Jap wya'u'mdu mat ja 'yuxprijkpty.

⁵⁵ Ko naty waanu 'yaktugoy'aty ja pasku xuu, net may ja ja'ayaty tso'ondu majatyu kajpn es ñujxtu Jerusalén es ñayajwa'adsa'añaty es tujp'ixa'andu ja pasku xuu. ⁵⁶ Jap tja'uxtaaydyu ja Jesús. Es ko jyajttu ma ja muj tsajptujk, net ñayajttuu ak ja'ayaty ayu'udsyu:

—¿Wi'ix mij mjuna'añ? ¿Minúbu daa xu'ajtpu o kyaju? ⁵⁷ Ja fariseeuty es ja teedywyindsánaty tu naty dyajngutúku ko ma Jesús t'ixtat, net tnigajxtat es yajmátsu.

12

Mariu ttukkuutsy ja Jesusu wa'ats nardu aseytu

¹ Tudujk xunnumu naty tkapaaty ja pasku xuu, Jesús oj ñe'xy Betañu ma naty tsuñnu Lázaru di'ibu naty Jesús tu dyajjikypyéky ko 'ye'ky. ² Es jap t'axkujkudu tu'ugu a'ux es ja Jesús 'ya'ux'átat; ja Martu ja'a wingiipy es ja Lázaru mat ja Jesús kyaydyu ma ja meesu. ³ Net ja Mariu dyajmiñ tuk limetu ja wa'ats nardu aseytu di'ibu pa'akxu'kp jantsy muk es jantsy tsoox. Net ttukku'utsy ja tyekyu Jesús es dyajtátsy mat ja wyaay. Tugekyu ja tugot jyantsywy'e'my mat ja pa'ak xu'kun. ⁴ Ja Juudas Iskaryotu, di'ibu naty uxprijkpu'ajtpu ja Jesús es nandu'un kyayaka'añaty, jyunañ:

⁵ —¿Ti ko tu kyayajteeky yu tyadu pa'ak xu'kun tugak mugop'x xuu nidún esxyup yajtukpudáku yu ayooobu ja'ayaty?

⁶ Per ja Juudas kyaj da'un jyunañ mat ko tpa'ayoy ja ayooobu ja'ayaty, ja'a yu'u ko mya'tspaty. Yu'u naty ijtp meeñnikoombajtpu ma ja Jesusu 'yuxprijkpty es tpukón ja meeñ di'ibu yu'u ñikoombejtypy.

⁷ Net ja Jesús 'yanmaayy:

—¡Mastu'ut! ¡Katu xy'oooy! Du'anats tu xytyuñ éxtam ja ja'ayaty ttukkuutstu ja o'kpu ko ñaxtukuya'añ. ⁸ Yu ayooobu ja'ayaty kyaj tyugoy'ata'añ, per uj kyajts da'uñam ni'ta'añ mat miidsaty.

Tkajxy'attu esu Lázaru 'yoogut

⁹ Ko ja israelítaty tnija'adu ko Jesús jyápu'adyu naty Betañu, net oj tninajxtu t'ixa'andu es nandu'un ja Lázaru di'ibu naty ja Jesús tu dyajjikypyéky ko 'ye'ky. ¹⁰ Net ja teedywyindsánaty dyajti'igyadu 'yayuk es wi'ix nandu'un 'yoogut ja Lázaru, ¹¹ mat ko mat yu'ugyujxmu Lázaru may ja israelítaty tmastuty ja teedywyindsánaty es tpanajxtu ja Jesús.

Jesús tyuku Jerusalén éxtam tu'ugu rey

¹² May ja ja'ayadyu naty tu ñujxtu paskuxu'ajtpu Jerusalén. Jakumbom ja ja'ayaty tmudoodu ko Jesús jya'ta'añ. ¹³ Net oj tmunajxtu tuuxy aay es da'un t'axajyua'andu ja Jesús. Ta jyana'andu muk:

—¡Awdattu Dios! ¡Kuni'xy di'ibu miimp éxtam ja Diosu Kyudunaabyu! ¡Kuni'xy ja Israelitu Ryeu!

¹⁴ Jesús tpaty tu'ugu burru'unk es ttukpejty, da'un éxtam jyuna'añ ma ja Diosu jyaay-byajtam:

¹⁵ Katu mdsu'ugudu miidsaty, ja'ayaty di'ibu tsunaaydyup ma Syon kajpn. Ix, tyaq myiñ ja mreyy ttuk'u'uñu tu'ugu burru'unk.

¹⁶ Ma ja xuu ko jyajty ja Jesús es ko tyaadu da'un ttuñ, kyaj ja 'yuxprijkpty tjaagyu'jkudu. Per óknam ko Jesús jyikyppejky es ñujxnu tsajpótum, net tjamyajtstu ko yu tyaadu tugekyu 'yity kuxja'ay ma ja Diosu jyaaybyajtam es da'unu naty tu yajkudyuñ mat ja Jesús.

¹⁷ Ja ja'ayaty di'ibu naty jap Betañu ko ja Jesús dyajjikypyejky ja Lázaru ko naty tu 'yeeeky, tmadyakmiin tmadyakxijptu di'ibu naty tu t'ixtu. ¹⁸ Paaty waanu may ja ja'ayaty tsoyo'ondu es ja Jesús tjuj'yo'oya'andu mut ko tmadoodu ko naty ja tadu ixxwu'umun tu tuñ di'ibu myudajtypy ja muj'ajtan. ¹⁹ Ko ja fariseeaty t'ijxtu ko Jesús ja ja'ay ak ja'a panujxap, net ñayjunánudu ak ja'ajaty:

—Ta xy'ixtu. Kyaj mbaat ti ndu'unum. ¡Nidugekyu ja ja'ayaty ak ja'a ryanujxtabu tadu ja'ay!

Grieegu ja'ay t'uxta'aydyu ja Jesús

²⁰ Es ma ja ja'ayaty di'ibu naty tu ñajxtu Jerusalén es t'awdata'andu ja Dios ma ja xuu tyúñty, tapu naty nidu'uguty ja grieegu ja'ayaty. ²¹ Tyaaduty ja'a ñinujxtu ja Felipe di'ibu kugajpn'ajtp Betsaydu, Galileeu ñaxxóty, es t'anmaaydyu:

—Windsun, ya'uts nja'ixándup ja Jesús es njamatmadya'aga'anduts.

²² Felipe oj tninejxy ja Andrés es t'awa'anu. Net nimajtsk oj ñajxtu ma ja Jesús es tmamadyaktu. ²³ Net ja Jesús jyunáñ:

—Tu net ja ooru tpaaty ma ja Diósuts uj, ja Naxwiñudu Ja'ayudyu Kyudunaabyu, xymyo'oya'añuts waanu ni'igu muj'ajtan.

²⁴ Tuj'ajtan miits n'anuumudu ko tu'ugu triigu pajk kyaka'ay ñaxxkujxy es kyaj myuxy, du'ñu ja tuamt tu'uk je'eyu 'yity, per ko kya'ay ñaxxkujxy es tyuogyo ja'aguyjxm ko myuxy, may ja tyuamp dyaky. ²⁵ Pán nayyajiky'ajtp ku'um ya naxwiñ, du'ñ éxtam ja ja'ayaty di'ibu pyujke'kypy ja triigu tuamt extu ko wyojka'ayuty, net tyuogyodya'ay. Per di'ibu jiky'ajtp éxtamts uj n'anuumu, du'ñ éxtam ja tuamt di'ibu mujxp es tyuamp'aty may. ²⁶ Ja'a ko pánaty jiky'ajtp éxtamts uj n'anuumu es xymyudúñuts, ñujxap nandu'ñ mats uj nnejxy, es nDeedyuts may'átudup nidugekyu di'ibátyuts xypyanujxtap.

Jesús tnigajxy ja 'yo'kan

²⁷ Tyam kugoots n'okjotmaymyuat'ajnu. ¿Wi'ixuts njuna'anut? ¿Ti njuna'anupts?: “Tatu, yajtsókuts kadiibuts n'ayotwut ma tyadu o'kan.” Per du'ñuts tu nmiñ naxwiñ esuts n'oogut. ²⁸ Net 'yakjanáñ: “Tatu, tun du'ñ es ja ja'ayaty m'awdatudut.”

Net yajmadooy kyajxy tsajpótm:

—Tuts du'ñ nduñ, es ndunaambyuts jatugok.

²⁹ Ja ja'ayaty di'ibu jap myadoodu ñayjunánudu ko anaa yaxp. Es wiinkpety ñayjunánudu:

—Tu'ugu anklus tu myugajxyuty.

³⁰ Net ja Jesús t'anmaaydyu:

—Kyajpu tyaadu tu yajmadooy mut ujtskyujxm, mut miitskyujxmudyu du'ñ. ³¹ Tyamu net ja tiempu tu jya'ty ma yu naxwiñudu ja'ay yajpayo'oya'añ, es tyamu net yajkutujkunjuudut di'ibu ya naxwiñ ana'amp. ³² Es kots uj nyajpujta'agut kujxm, nétats xñimiinda'aydyudats ja ja'ayaty.

³³ Es madu tyaadu Jesús yajyagyujku wi'ixu naty 'yooga'añ.

³⁴ Es ja ja'ayaty 'yadsoojudu:

—Tuts nmadowdu ma ja Diosu jyaabyajtan ko yu Kristu jiky'ataamp winu xuu winu tiempu. ¿Wi'ix mij mjuna'añ ko ja Naxwiñudu Ja'ayudyu Kyudunaabyu yajpujta'aga'añ kujxm? ¿Pánu dunu tadu Naxwiñudu Ja'ayudyu Kyudunaabyu?

³⁵ Net ja Jesús jyunáñ:

—Ak'ijtp ja jajun mut miidsuty, per waanu tiempu je'eyu. Yo'ogyojtu mut ko m'akmudajttabu tyadu jajun kadiibu mgugoodsudut. Mut ko di'ibu tu'uyepu kugoots, kyaj tnijawu ma ñejxy. ³⁶ Ehtsu du'ñu tyadu jajun. Naam n'ak'ijtpnams mut miidsuty, axájuduguts miidsuty es du'ñ miits mja'ay'átudut ja jajun es tkudu'xa'añ ja wiingátypyu.

Ko tyadu du'ñ Jesús jyunagandaay, net oj ñujxnu adukatuuy.

Ja'a ko israelítuty kyaj tmabuku Jesús

³⁷ Oyu naty ja Jesús tu tjantsjyaya'ixyuty ja ixxwu'umun di'ibu myudajtypy ja muj'ajtan ja'ay wyinduuyuty, kyaj myabukudu. ³⁸ Es du'ñ yajkuyduyuñ tyaadu di'ibu ja Diosu kyugajxy Isaiu kyuxjaay ma jyunáñ:

Nindsan'ajtam, ¿pán tu tmabeku di'ibuts uj tu ngajxwa'xy?

¿Pán tyuk'ijx ja Nindsan'ajtam myuk'ajtan?

³⁹ Es du'ñ kyaj mbaat oj tmabuku. Pes nan kyuxjaay ja Isaiu:

⁴⁰ Dios du'ñ jyunáñ:

“Tyadu ja'ay tu ñayyajwiindsudu es dyajjuuñ ja jyot wyinma'añ,

es kadiibu t'ixtat madu wyiinuty,

es ni tkajagyukudut mut ja jyot wyinma'añ,

es ni kyajambittut ma uj esuts nya'aguda'agut.”

41 Isaiia jynañ du'un mat ko tu naty t'ixy ja myuj'ajtana Jesús, es yu'a duna tyaadu ñimadyak.

42 Oy may ja israelítaty tjamubaktu Jesús, es ja'a mat naagaty ja wyindsánaty, kyaj jynandu mayja'ayóty mat ko ttsu'uguda ja fariseeuty kadiiba ñakykyupákadat tsajptugóty.

43 Ja'a ko yu'ujaty ni'igu tsoktu ko ja ja'ay yajmaj'átadu es kadiinam ja Dios yajmaj'átadat.

Jesusa'yayuk tyukpaye'epy ja ja'ay

44 Myiñ jatugok ja Jesús es jynañ jantsy mak:

—Di'ibats uj xymyubujkp, myubejypy nandu'un di'ibats tu xykyexy. 45 Es di'ibats tyam xy'ixjp, yu'a naty nandu'un 'yijxy di'ibats uj xykyajx. 46 Ujtsu du'un ja jajun. Tu nguda'agyats ya naxwiñ es di'ibats xymyubujkp kyaj wya'umut kugoots. 47 Uj kyajts ndukkumadoy di'ibu tu tjamadoy yu n'ayúkat es kyaj ttuñ kwenta, mat ko uj kyajts tu nmiñ ya naxwiñ esats ndukkumadówat ja ja'ayaty, nyajnitso'ogupts sitay. 48 Di'ibats xy'axtjip es kyaj ttuñ kwenta n'ayúkat, tam yu'a 'yawixyaty pán tukkumadówadup. Yu tyadu ayuk di'ibu uj tu ngajxyats, yu'a du'un nígxu'ugup ko pekymyuat ja ja'ay ja xuu ko ja'ay yajpayo'oydyat. 49 Mat ko uj kyajts ngajxy mudadsu ngu'am winma'añ, ja nDeedyats di'ibats xykyajx, yu'a tu xytyuk'ane'emy di'ibats ngajxup es di'ibats nduk'axpákat. 50 Es nnija'abats yu nDeedyats 'yana'amun, yu'a du'un wi'ix yajpaaty ja jiky'ajtan winu xuu winu tiempu. Pes di'ibats uj ngajxyty, ngajxytyats éxtamts ja nDeedyun tu xytyuk'ane'emy.

13

Jesús tpuja ja 'yuxpajkputujku tyeky

1 Tu naty ttipatnu ja pasku a'ux. Jesús ñija'abu naty ko ja ooru tu tpatnu es tmastu'udánnu ja naxwiñdu es ñjaxánnu ma Dios Teety. Ja'a du'ñamu naty tteky ja jya'ayaty di'ibu naty ya naxwiñ, es tyam dyajni'iguxe'eky mabaat jyantsysoyokta.

2 A'ux'atándabu naty, es tu naty ja majku'ugórk tyaku jyodoty wyinma'añóty ja Juudas, Simon Iskaryoty myaank, es tkayákat ja Jesús. 3 Jesús ñija'abu naty ko yu'a tsoyo'ón ma Dios Teedyun es jyambita'añ nandu'un jatugok ma ja Dios Teety, es nan ñija'abu naty ko Dios Teedyun naty tu myo'oyaty tugekyu ja kutujkan, 4 net wya'tse'ky ja Jesús meesu winduuy es ñaydyuknijaandútu ja ñikajxyudu wit es ñaydyukmoxmwu'unu tu'ugu twayu. 5 Net tpujaty ja nuu ma agubujun. Ta ñaxwe'tsy es tpuja ja tyékyaty ja 'yuxpajkputy es dyajtátsy mat ja twayu di'ibu naty tu ñaydyukmoxwuuñuty.

6 Ko naty tpujannu Simonk Peedru tyeky, netu Simonk jynañ:

—Windsán, ¿mij mbujaambyats ja ndeky?

7 Jesús t'adsooy:

—Tyam kyaj xyjaygyuku di'ibats ndiimpy, per óknam xyñijáwat.

8 Es ja Peedru 'yadsooy:

—Uj ni na'ats mij ndeky xykyapájut!

Jesús 'yanmaaya:

—Pán kyajts mij yu mdeky nbujy, kyajts mij n'axpajkpu'átat.

9 Simonk Peedru 'yadsooy:

—Windsán, kyaj yu'ayaty je'eyu ndékyats, nandu'un pujtsu ngu'u esu ngubajkats.

10 Es ja Jesús 'yadsooy:

—Di'ibu tu tsiida'ay, kyaj jyatyimnigutíkyaty tsyl'it tugekyu, yu'ayu je'eyu tyeky, mat ko wa'adsu'u tugekyu. Es wa'ats miidsaty, oy mgadimni'amúkaty.

11 Mat ko ñija'abu naty pánu naty kayakánap, paadyu du'un jynañ: “Es wa'ats miidsaty, oy mgadimni'amúkaty.”

12 Ko ja Jesús tpujaayudu ja 'yuxpajkputy ja tyékyaty, net jatugok ttuktujku ja ñikajxyudu wit. Net ñaxwe'tsy jatugok meesu winduuy es jynañ:

—¿Mjaygyukadup miidsaty yu tyaadu di'ibadsu du'un tu nduñ? 13 Miits xytyijtup Ya'axpajkpu es Windsán. Mmudajttup ja tuj'ajtan, mat ko ujtsu du'un. 14 Es pán uj, miidsu mYa'axpajkpu esu mWindsán, tats nbujy miidsaty ja mdékyaty, nandu'unu dún miits mnaybyuxadut nixim niyam. 15 Ujts miits tu nmo'oydyu tu'ugu i'xw'u'umun es miits xytyúndat nandu'un éxtamts uj tu nduñ. 16 Jantsy tuj'ajtanats miits n'anuumadu, ni tu'ugu po'oduumba di'ibu ni'igu maj kadiinamu wyindsán, es ni tu'ugu di'ibu miimp kexy kyamájuty es kadiinam ja di'ibu kajxup. 17 Pán mjaygyukadabu tyaadu es pán mbaduundup, m'ittup agujk jotkujk.

18 Kyajts miits n'anuumadu nidugekyu. Uj nnija'abats pánatyts tu nwinwitsy. Per koonam yajkyudyuna'añ éxtamu Diosu jyaaybyajtan jynañ: “Di'ibu kaay ukp ti'igyu mat uj, yu'a du'un tu jyambity nmúdsiputs.” 19 Tyam miits n'anuumadu naam kyajnamu du'un tyaadu tyuñ jyátaty, es ko yu tyaadu du'un tyun jyátadat, net xymyubáktat ko ujtsu du'un pánu du'un uj. 20 Jantsy tuj'ajtanats miits n'anuumadu, di'ibu 'yaxájup di'ibats uj ngejxyty, xy'axájuptsu naty uj, es di'ibats uj xy'axájup, 'yaxájup di'ibats uj xykyajx.

Jesús tnigajxy esu Juudas kuyaka'añuty

²¹ Ko du'ən jyuñaandaay ja Jesús, net ñajya'aju jotmaymyunt es 'yamutsk'ajty, es oj ttmkajxte'xy:

—Jantsy tuj'ajtanuts miits n'anumudu ko miidsaty nidu'uk xkykuyakaambuts.

²² Net ja 'uxpukpety ak je'euy ñaywyn'ixudu, ni tkanijawudu púnu du'ən 'yandijpy.

²³ Tu'ugu Jesusu 'uxpukpety di'ibu ni'igu ijty tsyejpy*, jamyu pyu'am naty mat 'ya'ux'aty.

²⁴ Simonk Peedru tyuk'ixu tu'ugu ijxw'umun es dyajttuy púnu du'ən taada. ²⁵ Net ja tu'ukpu 'uxpukpety ñimujwa'tsu ja Jesús es dyajttuy:

—Windsún, ¿púnxu du'ən taada?

²⁶ Jesús 'yadsooy:

—Mints n'ok'yajxeeky tuk pedazu tsajkaaky, es di'ibuts nmeery, yu' du'ən.

Es du'ən dyajxe'ky ja tsajkaaky es tmooy ja Juudas Iskaryotu, Simongu myaank. ²⁷ Ta Juudas t'axaju ja tsajkaaky tuk pedazu es tkaay. Net ja mujku'ugórk Satanás tyuktujku ja Juudas. Net ja Jesús jyuñañ:

—Di'ibu mdunaampy, tuungóju du'ən poján.

²⁸ Per ni pún di'ibu naty jam a'ux'ajttap tkajaygyujku ti ko du'ən jyuña'añ ja Jesús.

²⁹ Kom ja Juudas yu' naty ñikoombejtyty ja meeñ ma ja Jesusu 'uxpukpety, nidu'ugaty twinmaaydu ko Jesús ja'a 'yandijpy esxuyar ti waanu yajjuy di'ibu yajttundap ma ja xuu, o tmo'oyxuyar oyn'ənun ja ayoobu ja'ayaty. ³⁰ Ko Juudas t'axaju ja tsajkaaky, ta pyudseemy. Tu naty kyoodsunu.

Jesús tmo'oy ja jembyu ana'amun

³¹ Ko naty tu pyudsemy ja Juudas, net ja Jesús jyuñañ:

—Tyamu net ya'ixut ja nmuj'ajtanuts uj, ja Naxwíndu Ja'ayudyu Kyudunaabyu, esuts nya'ixudut ja myuj'ajtanu Dios. ³² Es kots uj nya'ixudut ja myuj'ajtanu Dios, netu Dios xmyo'oya'añuts ja di'ibu yu' naty nmuj'ajtan'ajtyty. ³³ Mugu'ugaty, kyajts jeky nnaky'ita'añ mat miidsaty. Xu'xta'ayándupts miidsaty, es du'ən éxtamts n'anmaaydu ja israelitaty, n'anumuduts miits tyam: Kyaj mbaat nmujxtu mats uj nnejxy. ³⁴ Tyaaduts miits nmooydu yu jembyu ana'amun: Naydsókudu nixim nyam. Du'ən éxtamts miits ndsoktu, nandu'ən mnaydsókudut nixim nyam. ³⁵ Pún mnaydsyókudap miidsaty nixim nyam, net nidugekyu ja ja'ay tñijawudut kots uj miits n'uxpukpety'attu.

Jesús tnigajxy ko Peedru 'uxxtija'añuty

³⁶ Simonk Peedru dyajttuy ja Jesús:

—Windsún, ¿ma mnejxy?

Jesús 'yadsooyu:

—Mats uj nnejxy, kyajts mbaat xypyanejxy tyam. Per xypyanejxapts óknam.

³⁷ Net ja Peedru t'anmaay:

—Windsún, ¿ti ko kyaj mbaat nbanejxy tyam? Eñ ngu'oogapts mij.

³⁸ Jesús 'yadsooyu:

—¿Tii tuj'ajtan kots mij xkyu'oogapts? Tyam ndim'anumtu tuj'ajtan, kyajnumu natyu tugaak 'yuy ko mij mjuna'ana'añ tugaak ok ko kyajts xy'ixy'aty.

14*Jesuskuyxmu ja'ay jya'ty ma Dios Teety*

¹ Net ja Jesús t'anmaaydu 'uxpukpety:

—Katu miits mjotmay'ooktu. Pujta'aktu ti'igyu mjot mwinma'añ ma Dios es nandu'ən ma uj. ² Madsu nDeety 'yity, may jam ja tsunaaydyákn. Pún kyajxyabu du'ən, tuxxuyapts uj miits n'anumudu. Nnejxyuts uj n'ok'uxkuku ma miits m'ittat. ³ Es netuts nmínat jatugok es nyajnjxtuduts miits es mjiky'attat mat uj. ⁴ Miits mnija'adap mats nnejxy es mnija'adap ja tu'u.

⁵ Tomás 'yadsooyu:

—Windsún, kyajts uudsaty nnijawudu ma mij mnejxy. ¿Wi'ixuts uj mbaat nnijawudu tadu tu'u?

⁶ Jesús 'yadsooy:

—Ejtsu du'ən éxtam tu'ugu tu'u, ejtskuyxmu ja'ay jya'ttu ma Dios Teety, ejtskuyxmu ja'ay tñijawudu ja tuj'ajtan, ejtskuyxmu ja'ay jyiky'attu. Ni pún kyaja'ty ma Dios Teety pún kyajts uj xmyubeky. ⁷ Kooxuyar miits xy'ixy'attats uj, nandu'ənxyuyar xy'ixy'attu ja nDeedyats. Es tu net xy'ixy'attu tyam, ja'a ko tu xy'ixtu.

⁸ Net ja Felipe 'yanmaay:

* 13:23 Fwank yu neky jyaay es yu'u ku'um nay'andijup ko jyuña'añ ja uxpukpety di'ibu Jesús ni'igu ijty tsyejpy.

—Windsán, tuk'ijxtugats ja Dios Teety, es mut yu'ayu.

⁹ Jesús t'adsooy ja Felipe:

—Felipe, jékyats kujk n'ittu mut miidsuty, ¿es kyajnamts mij xy'ixy'aty? Di'ibuts uj xy'ixy'ajtp, 'yixy'ajtypy nandu'an ja Dios Teety. ¿Ti kots mij xy'anuumu kots uj mij nduk'ixat ja Dios Teety? ¹⁰ ¿Ti kyajts xymyabékyats ko uj jtpamts mut ja Dios Teety, esu Dios Teety nandu'an jtpamu du'an mut uj? Di'ibuts miits n'anmaaydyur, kyaj yu'ajuty je'eyu ngu'am winma'añuts. Dios Teety yu'u jtp mut uj, es yu'u dun xymyeebyats di'ibuts ndunur es di'ibuts ngajxap tugekyu. ¹¹ Mubujktugats kots uj n'ity mut ja Dios Teety, es ja Dios Teety jtpamu'u mut uj. Mubujktugats mut kots du'an njuna'añ, o mubujktugats mut ko di'ibuts ndiimpy ya'ijxp ko tyu'ajtnaty di'ibuts miits n'anmaaydyur.

¹² Jantsy tay'ajtnan n'anuumudu ko di'ibuts xymyabujktap, tyúndap nandu'an di'ibuts uj ndiimpy. Es tyúndap waanu mújutyru mut ko uj najxnaps ma Dios Teety. ¹³ Eñ ndunaps di'ibuts miits xy'amdoodur mut ko xymyabáktats, es du'an nya'ixudaps ja myuj'ajtnu Dios Teety. ¹⁴ Paadyats miits n'anuumudu, ndunaps uj pun tits xy'amdoodur ajtskyujxm.

Jesús tnigajxy ko Espírítu Santu tkaxa'añ

¹⁵ Pun xytsoyoktaps miidsuty, mgydyúndaps ja n'ana'aman. ¹⁶ Eñts ja Dios Teety n'amdowur es mduknigáxudat jatu'uk di'ibu mbudákadur, yu Espírítu Santu di'ibu mduknigáxadur ja tay'ajtnan es 'yitat mut miidsuty winu xuu winu tiempu. ¹⁷ Es pánudyu naxwiñudu winma'añ ja'a'ajtudur, nan kyaj mbaat t'axájudu ja Espírítu Santu, mut ko kyaj t'ixtu es ni tka'ixy'attu. Per miits m'ixy'ajttap mut ko taa mut miidsuty es w'amp winu xuu winu tiempu mut miidsuty. ¹⁸ Kyajts miits nnika'aga'andu. Jambitaambuts es n'ita'añuts mut miidsuty. ¹⁹ Ko waanu 'yitat, kyajts xyñaky'ixtat pánudyu naxwiñudu winma'añ ja'a'ajtudur, per miits m'ixtu, es mjiky'áttap miidsuty mut ko uj njiky'átyuts. ²⁰ Es ma tadu xuu xypuyáktudu kwentu ko támudsu naty uj mudádsu nDeety, es miidsuty mut uj, es uj mut miidsuty. ²¹ Pán ñija'ap es tpadúñ yu n'ana'amanats, ya'ijxap kots xytseyky. Esu nDeedyats tsojkap di'ibuts uj xytsoyokp, es ajts nandu'an ndsóokaps, es nduk'ixuaps yu'u.

²² Jatu'ugu 'yuxpajkpu di'ibu nandu'an xyu'ajtypy juudas, per kyaj jya'ajuty di'ibu kayakánur, ja'a júnán:

—Windsán, ¿ti kots mij xytyuk'ixa'anduts udsuty es kyaj pánudyu naxwiñudu winma'añ ja'a'ajtudur?

²³ Jesús 'yadsooy:

—Di'ibuts xytsoyokp, pyadiimpy di'ibuts uj ngajxypy; esu nDeedyats tsókudur; es uj esu nDeedyats, mindaps es njiky'átudats mut yu'u. ²⁴ Per di'ibu kyajts xytseyky, kyaj tkuydyúñ di'ibuts uj ngajxypy. Tyadu kajxwíjan di'ibu miits yam mudoodur, kyajts uj nja'ajuty, yu'ayu jya'aju nDeedyats di'ibuts tu xkyexy.

²⁵ Miits n'ak'anuumudu tyaađu kots n'ak'yámmumuty mut miidsuty. ²⁶ Per ja Espírítu Santu di'ibu ja nDeedyats kyaxaampy ajtskyujxm, ja'a mbudákadur, mdukn'axpákadur tugekyu es mduknjamyátsudur tugekyu di'ibuts uj miits tu n'anuumudu.

²⁷ Nnayjyugajxurps mut miidsuty jotkujk. Es nmoodyurps miits yu njotkujk'ajtnats. Per kyajts nyaky ja jotkujk'ajtnan éxtam dyaktu pánudyu naxwiñudu winma'añ ja'a'ajtudur. Katu mjotmay'ooktu es ni xykyamadáttat ja tsu'ugu. ²⁸ Tu xymyudowdu kots tu njuna'añ: “Najxnaps, es minaps jatugok es n'itadats mut miidsuty.” Pun tay'ajtnats miits xytsoyoktu, mxondákturxyp ko xyñijáwudu kots uj nnejxy ma Dios Teety, mut ko yu'u du'an ni'igu maj kadiinam uj.

²⁹ N'anmaaydyurps miidsu tyaađu ko kyajnumu du'an tyuñ jyátyuty, mut ko najx tyuñ jyátyuty, net xymyabáktat. ³⁰ Kyajts nnakykyajxa'añ may mut miidsuty, mut ko miimp ja di'ibu ana'amp pánudyu naxwiñudu winma'añ ja'a'ajtudur, oy ni ti madakun tkamudaty mut uj. ³¹ Per du'an yajkuudyuna'añ éxtamu Dios Teety xytyuk'ane'emy es tnijáwudat ja naxwiñudu ja'ayuty ko uj ja nDeedyats ndsejpyats es nguydyimbyats di'ibuts yu'u xytyuk'ana'amp. Wa'tsu'uktu. Jo'omdu.

15

Uuvu aats

¹ Esu Jesús t'ak'anmaaydyu 'yuxpajkpty:

—Eñtsu du'an éxtam tu'ugu uuvu aats, es ja nDeedyats du'an éxtam di'ibu kywentu'ajtypy ja uuvu aats. ² Kyupo'typy oytym di'ibuty ja nxe'endsyats di'ibu kyaj tyuamp'áty, per wyindijpy es dyajwa'atsy yajxon di'ibu tuamp'ajtp, es ni'igu 'yaktuamp'átat. ³ Miidsuty wa'ats m'ittu mut ja n'axpajkanats ko tu nmo'oydyu. ⁴ Ittu ti'igyu mut uj, éxtam uj du'ñnamts n'ity ti'igyu mut miidsuty. Tu'ugu xe'entsy kyaj mbaat tyuamp'áty pun kyaj 'yity ti'igyu mut ja ñi'aats, es nandu'an jajtpu dunu tyaađu, miidsuty kyaj mbaat mduamp'átta pun kyaj ti'igyu m'ittu mut uj.

⁵ ʔjtsu du'an ja ñi'aats, es miidsadyu du'an ja xye'entsy. Di'ibu du'añum 'yity mat uj, es uj n'ityuts mat yu'ujuty, may tuamp'átat; pes kyaj mbaat ti xytyundu pñn kyajpñts uj. ⁶ Di'ibu kyaj du'añum 'yity ti'igyn mat uj, du'an yu'u éxtam ja xe'entsy di'ibu ya'o'xpñdsuamp es tyu'adsut es ya'o'xmúkat es yajñino'ogut.

⁷ Pñn miits m'ijttabam ti'igyn mat uj, es xykyuydyundu ja n'ana'amunñts, amdowdu di'ibu mdsokjpt es myajmo'oydyup. ⁸ Yu nDeedyats ya'ijxup yu myu'ajtn ko miits mduamp'áttu oy, es du'an ttuk'ixy ja ja'ayuty ko ujts miits n'axpñkpu'ajttup. ⁹ ʔj ndsojktupts miidsuty éxtamts ja nDeedyats xysyékuyats uj. Padúnduts ja ndsojkanñts di'ibuts uj nmudajtypy mat miidsuty. ¹⁰ Pñn mguydyundup ja n'ana'amunñts, mbadúndaba tyadu tsojkan di'ibuts uj nmudajtypy mat miidsuty, éxtamts uj nguydyúñts ja nDeedyadsu 'yana'amun es mbadúñts ja tsojkan di'ibu yu'u myudajtypy mat uj. ¹¹ ʔjts miits n'anmaaydyup es mxonda'aktat mat uj es du'an jotkuda'aky m'it mxóndut. ¹² Yu n'ana'amunñts yu'u tyaaðu: Naydsyókudu nixim niyam, éxtamts uj miits ndsoktu. ¹³ Di'ibu kyu'oogup ja myutnayyaayabuty, yu'u du'an ya'ijxup ko my'ajuty ja tsojkan tmadaty. ¹⁴ Miidsadyu du'an ja nmatnayyaayabuty pñn mduundup di'ibuts miits nduk'ana'amdup. ¹⁵ Kyajts miits nnaktyjytup mduumbu, mat ko ja mduumbu kyaj tnijawu ti ja wyindsán tyiimpy. Miidsuty ndjtu mntnayyaayabuty, mat ko tu nduk'ixtu tugekyu di'ibuts ja nDeety uj tu xytyuk'ixy. ¹⁶ Kyajts miidsuty xywyin'ijxtu. ʔjtsu du'an miits nwin'ijxtu es ndukñipjktup es m'ittat éxtamu xe'entsy di'ibu tuamp'ajtp ni'igu, es itup winu xuu winu tiempu, es du'an ja nDeedyats mmo'oyudup tugekyu di'ibu m'amdoodup mat kots xymyubáktu. ¹⁷ Pesu tyaaðuts miits nduk'ana'amdup: Naydsyókudu nixim niyam.

Di'ibu naxwiñudu winma'añ ja'a'ajtudup kyaj ttseky ja Jesús esu 'yaxpñkpu'ty

¹⁸ Pñn kyaj miits mdsókudu pñnadyu naxwiñudu winma'añ ja'a'ajtudup, jamyatstu ko uj jawyiññts kyaj xytsojktu. ¹⁹ Kooxyup miidsuty ja naxwiñudu winma'añ m'okja'a'átudu, mdsokpuxyup éxtam ja jya'ajuty. Per ujts miits tu nwinwitstu es kyaj m'okja'a'ajttunat ja naxwiñudu winma'añ, paaty kyaj mdsókudu. ²⁰ Jamyatstu yajxon éxtam tu n'anuumadu. Tu'ugu po'oduumbu kyaj ni'igu my'ajuty es kaðiñum ja wyindsán. Pñn ja ja'ayuty xyypajudjttats uj, nandu'an miits myajpajudita'andu. Kom kyaj tkuydyundu ja n'axpñkanñts ja ja'ayuty, nan kyaj tkuydyundut ja m'axpñkan. ²¹ Es du'an tugekyu tyaaðu myajtuktuna'andu mat ko miits n'axpñkpu'áttu es mat ko nan kyaj tsoktu di'ibuts xykyajx.

²² Kooxyupts uj ngamiñ es nmagajxtu, kyajxyup tmadatu ja pojpu. Per tyam kyaj mbaat ti ñaydukkugajxudu. ²³ Di'ibuts kyaj xysyoktu uj, kyajpu du'an nandu'an tsoktu ja nDeedyats. ²⁴ Kooxyupts tu ngaya'ixyuty yu muj'ajtan éxtam ni pñn wiink ja'ay tkatuñ, kyajxyup tmadatu ja pyeku ko tkakuydyundu. Per tu t'ixtu ja muj'ajtan di'ibuts tu nduñ, es kyajpyam xysyoktuts, es nandu'un ja nDeedyats kyaj tsoktu. ²⁵ Du'an yajkuydyuñ yu tyaaðu di'ibu ijtp jaaybyety ma ja Diosu jyaaybyajtan: "Nanatakúts uj xymyadsip'ajtpadu."

²⁶ Paaty ko myiñut ja Kajxwipju, ja Espírítu Santu di'ibu ja tu'ajtan tyiimpy kyajxyup, ja'a yákap ja tu'ajtan ujtskyujxm. ²⁷ Es nandu'un miits xyáktat ja tu'ajtan ujtskyujxm, mat ko jawyiñup es tyambaat miits tu m'ittu mat uj.

16

¹ N'anmaaydyupts miits yu tyaaðu kaðiibu xymyastu'uttaduts. ² Kyaj ja ja'ayuty m'okkupñkanut tsajptagoty, es ja'taamp ja tiempu ma ja ja'ayuty mya'ooga'anudu. Ja'ajuty oyu ðun ttjy ttundu di'ibu Dios tseyjpy. ³ Tugekyu du'an yu tyaaðu ttuna'andu mat ko kyajts xy'ixy'áttu es ni ja nDeedyats. ⁴ Per tuu n'awánudu ko du'an mduna'anudu. Es ko du'an mdúnudat, net miits xyjamýatstúdat kots mij tu nja'anuumadu.

Di'ibu Espírítu Santu tyiimpy

'Kyajts miits yu tyaaðu tu ndukmadya'áktu mat kodsu naty n'ity mat miidsuty. ⁵ Per najxñnups jam ma pñnñts xykyajx, es ni tu'uguty miits xykyajtáwdudats: "¿Ma mnejxy?" ⁶ Es miits mjotmaymyuudaty tyam, mat ko tu n'anuumadu ko uj najxñnups. ⁷ Tu'ajtanñts miits n'anuumadu ko oy ni'igu mat miidsuty kots uj nnejxy. Ja'a ko pñn kyajts uj nnejxy, kyaj myina'añ ja Kajxwipju, per kots uj nnajxñat, net nduknigáxtu. ⁸ Es ko yu'u myiñut, yu'u tyukñijawuyándup ko pyekmyuudaty pñnadyu naxwiñudu winma'añ ja'a'ajtudup, es wi'ixu ja'ay oy wye'emy madu Dios, es ko Dios pyayo'oy madu tu'ajtan. ⁹ Yu Kajxwipju yakaampy es ja ja'ayuty tnijáwdut ko pyekmyuud'áttu, ja'a ko kyaj xymyubáktats, ¹⁰ es ttukñijawuya'andu wi'ix oy wya'umdu madu Dios, mat ko najxñnups ma Dios Teety es kyajts miits xy'ok'ijxñudut, ¹¹ es mat ko Dios pyayo'oy tu'ajtan mñut, ja'a ko tu ya-jtukñibajtaagu es tyuydyundut ja mujku'ugópku di'ibu 'yane'empy pñnadyu naxwiñudu winma'añ ja'a'ajtudup.

¹² Máynñmñts miits ngatukmadya'áktu, per kyajpu miits mbaat xyjaygyúkadu tyam. ¹³ Per ko myiñut ja Espírítu Santu di'ibu mñut ja tu'ajtan, yu'u mdukn'i'ixudup tugekyu ja

təy'ajtən, mət ko kyaj jʏnə'a'nə'añ mət ja kyə'am winmə'añ. Ja'a myadyə'agaampy tugekyə di'ibə tə tmdoy, es mduknijawəyənədup di'ibə tunən jatənəp. ¹⁴ Es yə'uts xyajməj'ixənəp əj, mət ko 'yaxəjəyaampy əjtsə nja'ajəty es mduknijawəyə'anədu miidsəty. ¹⁵ Tugekyə di'ibədsə nDeety myədəjəty, əjtsə nja'a. Nan pəədyəts njanən ko yə Espiritu Santu 'yaxəjəp di'ibəts əj nja'a'ajəty es mduknijawəyə'anədu miidsəty.

¹⁶ 'Ko waənə tiempə 'yak'itət, kyajts miits xyñəky'ixətət. Es ko waənə nəjx 'yity, nətəts jatəgok xy'ixətət.

Aməy jətməy jəmbity xondəkən

¹⁷ Net nja'ajəty ja 'yəxpəjkrəty nəyajəttəjədu:

—Zi tə də'uən yə tyəədu myədyəkyə ko jʏnə'añ ko waənə tiempə 'yak'itət kyaj nnəky'ixəm, es kum'əknəm n'ixəm jatəgok, es jatə'uk ko jʏnə'añ: “Nəjxnəpts mə Dios Teety?” ¹⁸ Zi myədyə'agaampy mət jawaənəbə tiempə? Kyaj nməwinmə'añbyətəm ti dənə taədu myədyəkyə.

¹⁹ Net ja Jesús t'ijxy ja 'yəxpəjkrəty éxtəm yajətwə'anədu. Net t'anməədyə:

—Əj tə n'anəmədəts miits ko waənə 'yitət kyajts xyñəky'ixətət, es əknəm xy'ixətət jatəgok. ZTyəədu də'uən nməyajəttəjədu ak miidsəty? ²⁰ Jəntsy təy'ajtən miits n'anəmədu, ko miits mjə'ədyəp es mjətməy'ooktəp məənəmə naty ja jə'əy xyəndə'əktə pənədyə naxwifədu winmə'añ ja'a'ajədu. Per əknəm yə mjətməy jəmbity xondəkən. ²¹ Ko ja toxytəjək 'yū'ungu'unk tɾəədə'añ, jətmədyuktəjəkəp, ja'a mət ko tə tɾəəty ja ooru mə pyəkə'añəty. Per əknəm ko naty tə jya'ty naxwiin ja u'ungu'unk, ni təkəkyjəmyətsy ja pəjəkən di'ibə tə dyəjnəxy mət ko xyəndə'əky ko tu'ugə mixyū'unk tə dyəjmiin dyəjja'ty yə naxwiin. ²² Es nənədu'n dən miits mjətməy'o'ktəp tyəm, per nminənədupts miidsəty, es net ja m'əə mjətməy'əgə'añ tu'ugə xondəkən di'ibə kyaj mbəət ni pən mgarəjəkədu.

²³ 'Es mə tədu naty ja xəu, kyajts ti xyñəky'əmdəwt. Jəntsy təy'ajtənəts miits n'anəmədu ko yə nDeedyəts mmo'oyədup tugekyə di'ibə m'amdeepy mət ko xymyəbəktəts. ²⁴ Tyəmbəət miidsəty kyajnəm xy'əmdəwədu ni tii mət əjtskyəjxm. Amdəwədu, es xy'axəjədu, es jətkədə'əky mxdə'əktət.

Tsəjpy ja Dios Teety ja xpəjkrətyjək

²⁵ 'Təts miits nduk'əxpəktə tyəədu mədu ixpəjətn. Per minəp ja tiempə kəts miidsəty wə'əts ndukməmədyə'əgət ja nDeedyəts. ²⁶ Es mə naty tədu xəu, miits xy'əmdəwədu ja Dios Teety mət əjtskyəjxm. Es kyajts əj njətyim'anəmədəts ja nDeedyəts es mmo'oyədu di'ibə miits m'amdoodəp, ²⁷ mət ko yə Dios Teety mdsəjəkədu, mət kəts əj miits xysyəkəts es tə xymyəbəktəts kəts əj ndso'oñəts mə Dios. ²⁸ Əj ndso'oñəts mə ja Dios Teety es nmiinəts yə naxwiin, es tyəm nməstətnəts ja naxwifədu es nənəjxnəts jatəgok mə Dios Teety.

²⁹ Net ja 'yəxpəjkrəty 'yanməədyədu:

—Tyəm sitəy xy'anməədyəpəts təy'ajtən es ni xykyənəkyəjəttən ja ixpəjətn. ³⁰ Es tyəmədsə net n'ixtə ko tugekyə mij xyñəjə'ədyə'əy, es kyaj jətyimtsəkyəty pən myəjətwədu, mət ko nməbəjktəpts ko mij tə mdsəoñ mə Dios.

³¹ Jesús t'ədsədu ja 'yəxpəjkrəty:

—Pəs, ztyəmə net nməbəjktəp? ³² Miimbə net ja tiempə, es tyəmə də'uən, ko miits m'əgəkə'əxtət nidu'uk nidu'uk kəjəkənə'u kəjktu'u es xymyəstə'udə'əndəts, es nwe'əmə'añəts nədyu'uk. Per əj kyajts nwe'emy nədyu'uk mət ko ja nDeedyəts 'yity mət əj. ³³ N'anəmədu tyəədu es xypəəttət ja jətkəj'ajtən mət ko ti'igyə m'ittə mət əj. Yə naxwiin miits m'əyəwədu, per kətə mjətməy'ooktə, mət ko əj, təts nməmədə'əky ja məjku'ugəp di'ibə yəjktəjək pənədyə naxwifədu winmə'añ ja'a'ajədu.

17

Jesús tniğəjxtəgəy ja 'yəxpəjkrətyjək

¹ Ko tyəədu də'uən ja Jesús jʏnəəndəəy, net pyət'ijxy tsəjəpətm es jʏnən:

—Təttu'unk, tə net tɾəəty ja ooru. Yəjməj'ixəgəts əj, es əjts mij nyəjməj'ixədu. ² Pəs mijs tə xymyə'oyəts ja kutəjəkən mət nidugekyə jə'əyətə es nmo'oyədu ja jiky'ajtən winə xəu winə tiempə tugekyə di'ibəts mij tə xymyə'oy. ³ Esu tyəədu jiky'ajtən winə xəu winə tiempə, ja'a yə'u ko jə'əy mij, ti'igyə Dios, m'ixy'ətədu es xy'axəjədu əj éxtəm ja Kristu es tɾəəbəktət ko mij xykyəjəts yə naxwiin. ⁴ Təts mij nməj'ixy mət ko təts ngyədyuəndə'əy tugekyə di'ibəts mij xytyuk'anə'am es ndúnəduts yə naxwiin. ⁵ Məegyədsə net tyəm ja məj'ajtən di'ibədsə naty nmədəjəty kədsə naty n'ity mət mij ko naty kyajnəm ja naxwifədu kyəjy.

⁶ 'Es ja jə'əyətə di'ibəts mij xymyəoyəts yə naxwiin, təts nduknəjəwədu w'ixə dən mij. Mijsə naty mjə'a'ajəp, es xymyəoyəts əj mij. Tə tɾədundə ja m'əyuk. ⁷ Nijə'ədup ko mijs tə xymyə'oyəts tugekyə di'ibəts əj nmədəjəty, ⁸ mət ko əj tə nmo'oyəduts ja əyuk di'ibəts

mij xytyukmagaixu, es yu'ujaty 'yaxajadu es nijjadup kots uj nmiin éxtamu mGudunaabyu, esuts xymyubuktu ko mijsuts xykajx ya naxwiin.

⁹ Újts mij n'amdeepy mat yu'ujaty. Kyajts n'amdoy mat pánudyu naxwiinudu ja'a'ajtudup, ja'ayu je'eyu di'ibats mij xymyooy, mat ko xyja'ajuty. ¹⁰ Tugekyu di'ibats uj nja'a'ajtypy, mja'ayu nandu'un, éxtam nandu'un nja'adsu'u di'ibu tugekyu mja'a'ajtypy. Es yu'ujaty yajniyxu'kadup ja nmuj'ajtnats.

¹¹ Jumbijnupts tyam ma mijen. Kyajts nnaky'ita'an ya naxwiin, per yu'ujaty ijttap ya naxwiin. Tatitu'unk, agaduk axajtúk mat mij ja mmuk'ajtan es tun es ti'igyú 'yittat ja wyinma'añaty, éxtam udsajtam n'ijtam ti'igyú. ¹² Kots n'ak'ijty mat yu'ujaty, tats n'agudiky n'axajtúky mat ja mak'ajtan di'ibats mij xymyooy. Es ni tu'uk tu kyatugoy, ja'ayu du'un di'ibu naty tu tyugoy es du'un yajkuydyúnat éxtam ja mjaaybyajtan jyuna'an.

¹³ Tyámuts njambitanu ma mij. Es du'unats yu tyaadu njuna'an kots n'ak'ity ya naxwiin esudsu n'axpajkputy xyonda'aktat mat ja xondakan di'ibats uj nmudajtypy. ¹⁴ Tudsu du'un n'anuumudu di'ibats xytyuk'ana'am, es n'ak'anuumayándupts. Kyaj t'ixa'añ pánudyu naxwiinudu winma'añ ja'a'ajtudup, mat ko kyaj tyi'igyuty mat ja'ajuty, du'un éxtam kyajts ndi'igyuty mat pánudyu naxwiinudu winma'añ ja'a'ajtudup. ¹⁵ Kyajts mij n'amdoy es xyajpúdsámúty ya naxwiin. Di'ibats mij n'amdeepy es m'agu'udúk m'axajtúkup es kadüibu ja mujk'ugópky myamadagudat. ¹⁶ Kyaj yu'ujaty ja naxwiinudu winma'añ jya'a'átudu, du'un éxtamts uj kyajts ja naxwiinudu winma'añ xyja'a'áty. ¹⁷ Yu m'axpajkan ja'a du'un ja tuj'ajtan. Es mij mdukkuydyúnup yu m'ayuk es jyiky'áttat éxtam mij m'u'unk m'una'k. ¹⁸ Tats nduknigexy ja naxwiinudu ja'ay, éxtamts mij xytyuknigejxy ja ja'ay ya naxwiin. ¹⁹ Paadyuts uj nnaygyuákuty tugekyu es ndúnudats éxtam mij xysykye. Es nandu'un yu'ujaty ñaygyuákudat tugekyu es xytyúndat nandu'un éxtam mij xysykye.

²⁰ Kyajts n'amdoy je'eyu mat yu'ujaty, n'amdeepyats nandu'un mat nidugekyu di'ibats óknam xy'axajadupts éxtamu Yajnitsókpu ko tmadówdat ja 'yaxpajkanuty ja n'axpajkputs. ²¹ N'amdeepyats es tu'ugu wyinma'añ je'eyu 'yittat. Tatitu'unk, yajti'igyudu jyot wyinma'añ nixim nyam, éxtam ndi'igyu'ajtam, es du'un ja ja'ayaty tamabáktat ko mijs tu xkyexy. ²² Tats nmo'oy ja muj'ajtan di'ibats mij xymyooy es yu'ujaty nandu'un 'yittat ti'igyú, éxtam udsajtam n'ijtam. ²³ Új n'ityats ti'igyú mat yu'ujaty, es mij m'ity ti'igyú mat uj, es du'un kexy ka'pxy 'yittat ti'igyú ja wyinma'añaty éxtam udsajtam n'ijtam, es du'un ja naxwiinudu ja'ayuty t'ixtat kots mij xkyeexy, es ko mij nandu'un xytyvoktu yu n'axpajkputy éxtamts uj mij xysykye.

²⁴ Tatitu'unk, ndsejpyats esu n'axpajkputs nuix 'yittu mats uj n'ita'añ es t'ixtat ja nmuj'ajtanats di'ibats mij xymyooy, mat ko tats mij xysykye extu ma kyajnamu naty ja naxwiinudu kyojy. ²⁵ Tatitu'unk, mdiimpy ja tuj'ajtan. Kyaj m'ixy'átudu pánudyu naxwiinudu winma'añ ja'a'ajtudup. Per uj situy n'ixy'ajtypyats mij, es yu n'axpajkputs nijjadup kots mij xkyeexy. ²⁶ Tats n'awánudu éxtam mij ja mjot mwinnma'añ, es nduk'ixyryñamts, mat ko n'ita'añats mat yu'ujaty, es ja mdsojkan di'ibats mij xymyeepe 'yittat nandu'un mat yu'ujaty.

18

Jesús yajmátsy

¹ Ko tyaadu du'un ja Jesús jyunañ, net oj 'yawinnaxtu mat ja 'yaxpajkputy ma ja lugaar di'ibu xyu'ajtypy Sedrón Nəwok. Jap tu'ugu nugam ma 'yityu je'xykyépy. Jap ja Jesús tyajkudu mat ja 'yaxpajkputy. ² Esu Juudas di'ibu naty kyayakaampy yu Jesús, nan 'yixy'ajtypy naty tadu nugam, mat ko kanak oku naty tu ñaymyúkdud jap mat ja 'yaxpajkputy ja Jesús. ³ Netu Juudas jyajttu nugamóty maut ja maysyoladadyu esu polasiiaty di'ibu kyajxtu ja teedywyindsúnaty esu fariseeaty. Es tmánujxtu lyampru, tsyinwaty, pujn esu kepy. ⁴ Es kom ja Jesús nijja'abu naty ti naty jatánup, ta tninujxtu es dyajttuy di'ibu naty pajudijtudup:

—¿Pán m'axtaaydyap?

⁵ Net ja'ajuty 'yadsoojudu:

—Yu Jesús nazarenu.

Jesús 'yadsooy:

—Újtsu du'un.

Juudas di'ibu naty kuyakánup, tapu naty mat ja di'ibudyu naty pajudijttap ja Jesús. ⁶ Es ko ja Jesús t'anmaaydyu: “Újtsu du'un”, net 'yaxtukawa'ktu es kyadaadu naxkajxy. ⁷ Net ja Jesús jatugok dyajttujumbijttu:

—¿Pán m'axtaaydyap?

Net 'yadsoodu:

—Yu Jesús nazarenu.

⁸ Jesús t'anmaaydyu:

—Tats mij n'anmaadu ko ujtsu du'an. Pun ujts miits xy'axtaaydyur, na'ixtu, wa'an tnejxtu tyadu nja'ayats.

⁹ Du'an jynan' ja Jesús es yajkuudyunat di'ibu yu'u ku'am jan'an: "Tatitu'unk, ni tu'uk tu kyatagoy di'ibuts mij xymyooy."

¹⁰ Net ja Simonk Peedru tju'ty ja 'yespaadu es tnibo'tu ja 'yaga'añdyátsk tu'uk di'ibu xyu'ajtypy Malku, tyuumbu ja teedywyindsungópk. ¹¹ Esu Jesús t'anmaay ja Peedru:

—Pujta'ak jatugok yu m'espaađu ma xya'ity. Koonamts n'ayówat éxtam ja Dios Teety tu xytyuknibujtaagu es uj n'ayówudats.

Jesús, Anás wyindum

¹² Net ja soldaaduty es mut ja soldaadu windsungopk esu israelítuty ja polusiity tmajtstu ja Jesús es dyajnejxtu kútsimy. ¹³ Net jayujp dyajnejxtu ma yu Anasu tyujk. Yu Anás yu'u myu'tajtypy ja Kaifás di'ibu ma tadu jumajt teedywyindsungopk'ajtr. ¹⁴ Tyadu Kaifás yu'u naty tu t'ok'anmaabyudu ja israelítuty ko waanu oy es 'yoogat yu'uyu Jesús es kudii ko wyindugóyut ja israelítudyu ñax kyajpn.

Peedru t'uxtijy ja Jesús

¹⁵ Simonk Peedru es jat'u'uk ja xprujkra* t'akranujxtu ja Jesús. Yu 'yuxprujkra icy'ajtabu naty ja teedywyindsungópk. Paaty tyujku mut ja Jesús ma ja tyuja'a ja windsun. ¹⁶ Per ja Peedru jap oj wye'emý kemý'agu'r. Paaty pyudseemy ja xprujkra di'ibu icy'ajtabu naty ja teedywyindsungópk es oj t'anmau ja kemý'aa adunaabyu es tyákt yu Peedru. ¹⁷ Net ja kemý'aa adunaabyu dyajtuy ja Peedru:

—¿Tii kyaj mij m'xprujkra'átyuty nandu'unu tadu ja'ay?

Peedru 'yadsooy:

—Kyaj 'yujtsaty.

¹⁸ Es kom xujxru naty, ja teedywyindsungópk tyuumbuty di'ibu jap es ja polusiity tu naty juun dyajmájudu, es tamu naty tanu xyamdu. Esu Peedru nan tapu naty maudaty ñayyajokxrukudu ma ja juun.

Teedywyindsungópk dyajtuy dyajtuda'aky ja Jesús

¹⁹ Ta ja teedywyindsungópk dyajtuudsondáktu ja Jesús:

—¿Pánaty m'xprujkra'ajtypy es ti dnuu tadu di'ibu mduk'xprujktar?

²⁰ Jesús t'adsooy:

—Ixnde'xyats tu ngajxy mayja'ayóty. Taayamts nduk'ixtu tsajptagóty es ma ja Jerusalengu myuj tsajptujk, ma ñaymyúkudu ja israelítuty. Kyajts ti tu ngajxy ayu'udsyu.

²¹ ¿Ti kots uj mij xyajtáy? Yajtáwdu di'ibu tu tmudowdu n'xprujkanuts, es yu'u m'awánudap tits uj tu ngajxy. Yu'ujaty yajxón tnijáwudu wi'ixats tu nya'uxpeky.

²² Ko Jesús jynaaandaay du'an, net ja tsajptujk polusiity tu'uk di'ibu naty jap twimbojtse'ky ja Jesús es t'anmaay:

—¿Ti ko du'an xy'adsoy yu teedywyindsungópk?

²³ Jesús 'yadsooy:

—Pun tats ngajxtagóy, tuk'ixtu wi'ix tsoodsu du'an tu ngajxtagóy. Es pun tuy'ajtanuts ngajxy, ¿ti kots mij xykyoxy?

²⁴ Net ja Anás tkajxnajxy ja Jesús kútsimy ma ja Kaifás, teedywyindsungópk.

Peedru t'uxtijy mymajtsk ok ja Jesús

²⁵ Ja Simonk Peedru ñayyajokxrékyudyu naty ma ja juun, es 'yanmaayudu:

—¿Ti kyaj mij m'xprujkra'átyudyu tyadu ja'ay?

Ta ja Peedru t'uxtijy, jynan'.

—Kyaj 'yujtsaty.

²⁶ Net jatugok yajtuyju ja teedywyindsungópk tyuumbu, pyamagu'ugu di'ibu Peedru naty tu ttatskpo'ttu'uty:

—¿Tii kyajts mij n'ijxy jap nugamóty mut yu'u?

²⁷ Peedru t'uxtijy jatugok ja Jesús, es nety ja tugaak 'yuyu.

Jesús, Pilatu wyindum

²⁸ Net tmudso'ondu ja Jesús ma ja Kaifasu tyujk es tmunujxtu ma gobernadoora pyalasyu. Es kom xunñdyáknubu naty, ja israelítuty kyaj tyujkudu ma ja palasyu, mut ko éxtam ja kyostúmbruty tmudattu, pun tujkup, kyaj mbaat 'ya'ux'aty ma ja pasku. ²⁹ Paaty ja Pilatu pyudseemy es oj tmugajxtu:

—¿Wi'ix tsoo tyadu ja'ay xyni'uumudu?

³⁰ Net ja'ajuty 'yadsoodu:

* **18:15** Fwank yu neky jyaay es yu'u ku'am nay'andijur ko jynan'añ jat'u'uk ja xprujkra.

—Kooxyup kyay^uujuty tu'ugu axuk ja'ay, kyajxyupts mij tu ndukkudákuda.

³¹ Net ja Pilatu jynáñ:

—Yajnujxtu miidsuty, es payo'oydyu éxtam miits ja mgu'am ana'amán.

Ja israelítuty 'yadsoodu:

—Per údsuty, israelítuty, kyajts nmudattu kutujkun es nya'ooktúduats pán.

³² Es du'un yajkuydyuun éxtam ja Jesús naty tu jynana'añ wi'ixu naty 'yooga'añ.

³³ Pilatu tyujku jatugok ma ja palasyu es tmajwooy ja Jesús es dyajtuuy:

—¿Ti mijtsu du'un ja israelitu ryey?

³⁴ Jesús 'yadsooy:

—¿Taadu mij myajtiipy mut ja mgu'am winma'añ, o mut ko wiinkpety tu mdukmamadya'agudu?

³⁵ Pilatu t'adsooy ja Jesús:

—¿Wa'andsu da uj n'israelítuty? Yu mja'ayuty es yu teedywyindsúnuty, ja'ats uj tu xytyukkudákuda mij. ¿Ti mij tu xytyuundugóy?

³⁶ Net ja Jesús t'adsooy:

—Kyajts uj nyajkutíky éxtam ja naxwiñudu ja'ay ja ryéyuty. Kooxyupts uj n'ok'yajkutíky ma tyadu naxwiñudu ja'ay, yu nja'ayudyats tuxyup tsyiptundu es kyajxyupts tu xymyatstu ja israelítuty. Per kyajts uj nréyuty éxtamu naxwiñudu ja'ayudyu ryey.

³⁷ Net ja Pilatu 'yadsooy:

—Pes, ¿mijtsu du'un rey?

Jesús 'yadsooy:

—Ujtsu du'un rey, éxtam mij mjuna'añ. Paadyuts tu nmiñ naxwiñ esuts n'anumut ja ja'ayuty di'ibu dan tay'ajtan. Nidagekyu di'ibu tsyojktap ja tay'ajtan, myadoodap yu'ujuty di'ibuts uj ngajxy.

³⁸ Ta Pilatu 'yadsooy:

—¿Pán mbaat tnijawu di'ibu dan tay'ajtan?

Jesús ñiduku es 'yoogut

Ko Pilatu dyajtudaayy tyaadu, ta pyudseemy jatugok es oj tmugajxy ja israelítuty, es t'anmaay:

—Uj kyajts ti pyojpu nbatu tyadu ja'ay. ³⁹ Per du'ñum jaayum yajtún tu'uk tu'ugu pasku xuú yajnasmatu tu'ugu tsimyjya'ay di'ibu miits mjánandap. ¿Pes mdsojktap es nnasmátudats ja mrey?

⁴⁰ Net jatugok yaxkaktu:

—¡Taadu kyaj! ¡Nasmatsu Barrabás!

Yu tyadu Barrabás yu'u naty tu tnibude'eky ja yajkutujkpu.

19

¹ Net ja Pilatu tni'ana'amu ja Jesús yajwóput. ² Ja soldaaduty txugajtu ja apyñ éxtam tu'ugu koronu es trujtákudu kyubajkkujxm es ttukpójáktu tu'ugu tsu'unk wit. ³ Ta tmungoondu es t'anumudu:

—¡Muj kujxm mij israelítudyu ryey!

Es ta twimbojtsu'ktu.

⁴ Pilatu pyudseemy jatugok es t'anmaaydyu ja israelítuty:

—¡Ok'ixtu! Tyáats nyajpúdsémy yaa es xy'ixtat ko kyajts ni ti pyojpu ngapatu.

⁵ Ta Jesús pyudseemy mut ja 'yapyñgyoronu ma ja kyubajks es mut ja tsyu'unk wit. Net ja Pilatu t'anmaaydyu ja israelítuty:

—¡Tyaa net ja tyadu yedyujk!

⁶ Ko t'ijxtu ja teedywyindsúnuty es ja polusiuty, ta yaxkaktu:

—¡Yajkruuzpát! ¡Yajkruuzpát!

Pilatu jynáñ:

—Pes yajnujxtu miidsuty, mut ko uj kyajts nbatu pyekyu tyadu yedyujk.

⁷ Es ja israelítuty t'adsoodu ja Pilatu:

—Údsuty nmudajttupts tu'ugu ana'amán es 'yoogut éxtamu tyaadu, mut ko ñaybyujta'agyuty Diosu 'yU'unk.

⁸ Ko tyaadu Pilatu tmadooy, net tsyu'ku ni'igu. ⁹ Ta tyujku jatugok ma ja palasyu es dyajtuuy ja Jesús:

—¿Ma mij mdsooñ?

Peru Jesús kyaj 'yadsoojumbijtu ni wi'ix.

¹⁰ Net ja Pilatu jynáñ:

—¿Uj mij kyajts xy'adsowa'añ? ¿Kyaj xyñijawu ko uj nmudajtypyats ja kutujkun es nyajkruuzpátat, es nan nmudajtypyats yu kutujkun es nnasmátst?

¹¹ Jesús 'yadsooy:

—Ni ti kutujkaxxup mij xkykamadaty mut uj kooxyup ja Dios tu mgamo'oyaty. Paaty di'ibuts uj tu xkyuuyaky ma mij, yu'u ni'igu myudajtypy ja peky es kudiinam mij.

¹² Net ja Pilatu tja'uxtaay ja winma'añ es tasmatsuyañ ja Jesús, per ja israelítaty myuaxakákuu:

—¡Pun mnasmajtsup, kyaj maat mnaymyáyuty yu yajkutujkpu kopk! ¡Oytyim pánaty di'ibu naybyujtákup éxtam rey, yu'u ja yajkutujkpu kopku myúdsip!

¹³ Net ja Pilatu, ko tmudooyu tyaadu, tni'ana'amu es pyúdsúmut ja Jesús. Ta Pilatu nandu'un pyúdsemy es ñaxwe'tsy ma yajkutiky, ma ja lugaar di'ibu ja ebreeu tyukxu'ajtu Gabata, es 'yayukwimbúdsemy Tsaa Winwaabu. ¹⁴ Es éxtam kijkyxyu ma ja pasku xu, net ja Pilatu t'anmaaydu ja israelítaty:

—¡Tyaá net ja mrey!

¹⁵ Per ja'ajuty 'yadsoodu muk:

—¡Wa'an t'eekey! ¡Wa'an t'eekey! ¡Yajkruuzpát!

Ta Pilatu jyunañ:

—¿Tii ujts nyajkruuzpátup ja mrey?

Per ja teedywyindsúnaty 'yadsoodu muk:

—Húdsuty kyajts nmúdatu wiinkpu rey, yu'uyu du'unu yajkutujkpu kopk.

¹⁶ Es mudu tyaadu Pilatu ttukúdujkúdu ja israelítaty es ja Jesús kyruuzpátat. Net ja soldaadaty oj myunujxádu.

Jesús kyruuzpéty

¹⁷ Ta Jesús pyúdsemy mut ja kyruuz es ñejxy ma ja lugaar di'ibu xyu'ajtypy Kalaveeru, di'ibu ebreeu ja'ayuty tyukxu'ajttup Gólgotu. ¹⁸ Jap dyajkruuzpajttu mut nimajtsku wiingátypu ja'ay, tu'uk anañídsyoo es jat'u'uk aga'añdsyoo es ja Jesús kujk'ám. ¹⁹ Pilatu tni'ana'amu tu'ugu jaaybyajtun yajkxja'ayut Jesús kyubajky di'ibu junaamp: “Jesús nazarenu, yu israelítadyu ryey.”

²⁰ May ja israelítaty t'ijxtu ja jaaybyajtun es tkajxtu, ja'a ko myuwingón ja Jerusalengu tadu lugaar ma dyajkruuzpajttu Jesús, es ja jaaybyajtun kanak naxu naty tu tkaxja'aydyu, du'un ja ebreeu, grieegu esu latín. ²¹ Paaty ja teedywyindsúnaty t'anmaaydu Pilatu:

—Katu xkyuxja'ay israelítadyu ryey. Kuxja'ay tugatsy. Pujta'ak ko jyunañ ko yu'u israelítadyu ryey.

²² Per ja Pilatu t'adsoodu:

—Di'ibuts tu nguxja'ay, du'un wyu'amut.

²³ Ko ja soldaadatukaty dyajkruuzpajttaaydu ja Jesús, ta ja wyit dyajwa'xudu taxk peky kujktu'uk. Per ja kyapu kyaj xyuymíkyuty, du'ũu je'eyu ti'igyu kyojyuty. ²⁴ Ja soldaadaty ñajjyunañadu:

—Kyaj ngu'tswa'xum yu tyaadu wit. Nik net n'oktu'unum tu'ugu rifu es pán myudajtypy ja swertu, yu'u yajnjxup.

Tyaadu du'un tyuun jyajtu es yajkuydyúnat ja Diosu jyaaybyajtun ma jyuna'añ: “Dyajwa'xtats ja nwit ma ja'ajuty, es trifatundu mut ja ngápats.”

Es du'un ttuundu ja soldaadaty.

²⁵ Ma ja Jesusu kyruuz tamu naty ja tyaagu'unk, ja tyaagu'ungu myuga'ax, Mariu ja ñudo'oxyu Kleofus, esu Mariu Magdalena. ²⁶ Ko Jesús t'ijxy ja tyaagu'unk tyanu mut ja 'yuxpajkpu di'ibu Jesús ni'igu tsoyjk*, net ja Jesús t'anmaay ja tyaagu'unk:

—Nanitu'unk, tyaá net ja mmaank.

²⁷ Net t'anmaay ja 'yuxpajkpu:

—Ta net ja mdaagu'unk.

Net ja 'yuxpajkpu t'axaju ma ja tyujk.

Jesús 'yeeky

²⁸ Ko naty tyaadu du'un tu tyuñ tu jyátyuty, Jesús ñija'abu naty ko tugekyu tu yajkuydyuñ, es tkuydyúnat éxtam ja Diosu jyaaybyajtun, ta jyunañ:

—Tátsupts.

²⁹ Japu naty tukjarru xun vynu. Net dyajxo'ktu tu'uk yuunkpnaanu es tpujktáku ma tu'ugu mats jajpu'unk es ttuk'adíjudu. ³⁰ Jesús tmi'ky ja xun vynu. Net jyunañ:

—Tu net tugekyu yajkuydyuunda'ay.

Net wyindaknu es oj 'yo'knu.

Tu'ugu soldaadu tkaqtsymugúmu Jesús

* **19:26** Fwank yu neky jyaay es yu'u ku'um nay'andijup ko jyuna'añ ja 'yuxpajkpu di'ibu Jesús ni'igu tsoyjk.

³¹ Pyátnebu naty ja pasku xuu, es ja israelítaty kyaj ttsoktu es ja ñini'xuty wya'amat kruuzkujy ma ja po'xunxuu, ja'a ko nuqoo 'yokmajxu'ajnu. Paaty mudu tyaadu t'anmaaydyu ja Pilatu es tni'ana'amat es nuix yajtekytyjtu di'ibu jam kruuzkujy es pojan 'yooktu es dyajunakut ja ñini'x kruuzkujy. ³² Net ja soldaadatujkuty oj ñujxtu es ttájadu ja tyeky ja nimajtskpu di'ibu Jesusu naty muut 'yity kruuzkujy. ³³ Per ko twinguwa'kadu ja Jesús, ta t'ijxtu ko tu naty 'yo'knu. Paaty kyaj oj ttájadu ja tyeky. ³⁴ Es oy tja'ijxtu du'un, tu'ugu soldaadu ja lyanu ttukkaatsymyugu'umu ja Jesús. Ta ja ñe'pyñ pyadseemy es nandu'un pyadseemy éxtam jyawu nuu.

³⁵ Tuts uj yu'u n'ixy, es tui'ajtants njuna'añ es uj nniija'abuts ko tui'ajtun di'ibuts ngajxypp es ngxu'ajyuts es miidsuty nandu'un xymybúktut. ³⁶ Tyaadu du'un tyuun jyajtu es yajkuudyúnt éxtam ja Diosu jyaabyajtan jyuna'añ: "Kyaj ttájadu ni tu'ugu pyajk." ³⁷ Es jatuk pekyu jaabyajtan jyuna'añ: "Yixtap ja di'ibu lanu tukkaatsymyugu'umu."

Jesús ñaxtuku

³⁸ Ko tyaadu du'un jyajtu, Josee di'ibu kugajpn'ajtp Arimateeu es pyanejxypp ja Jesús, oy ayu'udsyu mut ko ttsu'ugu ja teedywyindsunuty, ta yu'u t'amdooy ja kutujkun ma Pilatu es dyajnu'axa'añ ja Jesusu ñini'x. Pilatu dyajky ja kutujkun. Ta Josee tmonejxy ja Jesusu ñini'x. ³⁹ Nandu'unu Nikodemu di'ibu tuuyup oj tmugajxy ja Jesús koots, tmonejxy i'px majk kilu ja pa'ak xu'kpu di'ibu ya'o'oyudap mudu mirru kepy esu alwes aay. ⁴⁰ Es du'un ja Josee es ja Nikodemu t'axájadu ja Jesusu ñini'x. Ta ttuknipijtu tu'ugu mantu wit mut ja pa'ak xu'kpu, éxtam ja israelítaty jaayum ttundu ko dyajnaxtáku'adu o'kpu.

⁴¹ Ma tadu lugaar ma dyajkruuzpajtu Jesús, japu naty wingón tu'ugu nugam, es ma tadu nugam japu naty tu'ugu o'kpu jut jembyu ma kyajnum pán o'kpu ñaxtuku. ⁴² Jap tpujaktu ja Jesusu ñini'x, mut ko tadu o'kpu jut wingonu naty es mut ko tsyonda'agánubu naty ja israelítaty ja myuj xuu.

20

Jesús jikyppyeke

¹ Domingu, ni nganay'axkajpumnem, Mariiu Magdalenu oj ñejxy ma naty tu ñaxtuku Jesús. Es ko jyajty jam, net t'ijxy ko ja tsaa di'ibu naty 'yagu'uy'ajtypp ja jut, kyaj ñakydyu'unuty éxtam yajpujaktu. ² Net jyambijty puye'egyu es oj ñejxy ma Simonk Peedru es ja xpujkrpu di'ibu Jesús ni'igu jyantsysoyk*, es t'anmaaydyu:

—Tu dyajpudsúmdu ja Nindsun'ajtam ja ñini'x es kyaj nniija'am maá dan tu tpujta'aktu!

³ Net ja Peedru es jatuk'uk ja xpujkrpu tso'ondú es oj ñujxtu ma ja jut aa. ⁴ Nimajtsk tso'ondú puye'egyu, per jatuk'uk ja xpujkrpu waanu muk puye'eky kadünam ja Peedru es ja'a jawyiin jajt. ⁵ Ta kyu'ijxu jap jutoty, es t'ijxy ja wit di'ibu ja Jesús tu naty yajtuk'abity, per kyaj tyujku. ⁶ Oknamu Simonk Peedru pyajajtu, es ja'a tujku jap jutoty es t'ijxy ja wit, ⁷ es nan 'yixx ko ja payu di'ibu yajtukkupijt ja Jesús ja kyubajk, kyaj naty ti'igyu 'yity mut ja di'ibu yajtuk'abijt ja Jesusu ñini'x. ⁸ Net jatuk'uk ja xpujkrpu di'ibu jajt jawyiin ma jut, nandu'un tyujku jap jutoty es t'ijxy éxtamu naty tu jyátyuty. Ta tmubejky ko Jesusu naty tu jikyppyeke. ⁹ Pes kyajnumu naty tjaagyúkadu éxtam ja Diosu jyaabyajtan jyuna'añ ko yu'u jikyppyaamp jatugok. ¹⁰ Netu tadu 'yuxpujkrpú ñujxnadu ma ja tyujk.

Jesús ñaydyuk'ixyuty ja Mariiu Magdalenu

¹¹ Per ja Mariiu ko jyajty jatugok, net wye'emy jap jut agu'p jy'u'uy. Jiibu naty ko kyu'ijxu jap jutoty. ¹² Ta t'ijxy majtsku anklus, ak poobu wiyt, 'yu'uñadu ma naty ja Jesusu ñini'x tu yajpujta'aky. Tu'ugu naty 'yu'uñu kyubajky ja Jesús es jatuk'uk tyeky ux'am.

¹³ Net ja Mariiu yajtuujadu ja anklus:

—¿Ti ko mju'uy?

Ta Mariiu 'yadsooy:

—Mut ko tu dyajnujxtu ja nWindsúndu ñini'x, es kyajts nnijawu ma tu tpujta'aktu.

¹⁴ Je'euyunamu naty du'un jyuna'añ ko 'yixxambijty. Net t'ijxy ja Jesús, per ja'a kyaj tnijawu pun ja'a du'un ja Jesús, ¹⁵ ja'a dan ttiij ja nugam'ijxpu.

Net ja Jesús yajtuujtu:

—¿Ti ko mju'uy? ¿Pán m'uxtaapy?

Ja Mariiu 'yadsooy:

—Windsún, pun mij tu xymyonejxy ja o'kpu ñini'x, anmaagyuts ma tu xypujta'aky esuts uj nyajnujxtu.

¹⁶ Net ja Jesús t'anmaay:

—¡Mariiu!

* 20:2 Fwank yu neky jyaay es yu'u ku'am nay'andijap ko jyuna'añ ja xpujkrpu di'ibu Jesús ni'igu jyantsysoyk.

Ja Mariin wya'kumbijty es t'anmaay mut ja ebreew ayuk:

—jRaboni (di'ibu ayuk wimbudsuump Ya'uxpajkpu)!

¹⁷ Net ja Jesús t'anmaay ja Mariin:

—Nasmajtsugats, ja'a ko kyajnumts nbatuku madsu nDeedyun. Per nujx annumdu nmugu'ugaty ko uj patujkunupts madsu nDeety di'ibu miidsaty nandu'un mDeety'ajttar, ujtsu nDios es miidsaty ja mDios.

¹⁸ Net ja Mariin Magdalenu oj ñejxy ma ja Jesusu 'yuxpajkputy es t'awa'ganudu ko tu t'ixy ja Jesús es ko ya'u naty tu 'yanu'umxudyu du'un.

Di'ibu Jesús tyuknipejkyry ja 'yuxpajkputy

¹⁹ Nan ja xuu domingu koots, ja uxpajkputy tu naty ñaymyujta'ayudu ni'agagy tugoty mut ko ttsu'ugudu teedywyindsunaty. Netu Jesús tyujku es ñaybyujtaku kujk'am. Ta kyajxpo'xudu es 'yanmaayudu:

—Jotkujk'attu miidsaty.

²⁰ Ko Jesusu du'un jyunaandaay, net ttuk'ijxtu ja ky'u ma tu tyuku ja klaavus es ja kyaatsy ma tu yajtukkimy ja lanzu. Es ja 'yuxpajkputy jyantsyxyondaktu ko t'ixtu ja Nindsun'ajtam.

²¹ Netu Jesús jyunañ jatugok:

—Jotkujk'attu miidsaty. Uj ngajxtupts miidsaty, du'un éxtumts uj ja nDeedyats xykyejxy.

²² Net tnapixu poju'unk ma ja 'yuxpajkputy, es t'anmaaydyu:

—Axájudu ja Espiritu Santu. ²³ P'un mbojprama'xtar, me'xy wya'umut; es p'un kyaj mbojprama'xtu, nan kyaj me'xy wya'umut.

Tomás t'ixy ja Nindsun'ajtam ko tu jyikyryky

²⁴ Esu Tomás, tu'ugu Jesusu 'yuxpajkpu di'ibu tyijtar Xeeñu'unk, kyaju naty jap ko myiñ yu Jesús. ²⁵ Net ja myugu'ugaty 'yanmaayudu:

—Tats n'ixtu ja Nindsun'ajtam.

Per ja Tomás 'yadsooy:

—P'un kyajts n'ixy ja ky'u ma tu tsyayuty ma ja klaavus tu tyuku, es ngudijudsu nguwa'xypy ma ja klaavus tu tyuku, es ngudijudsu nguwa'xypy ma ja kyaatsy tu tsyayuty, kyajts nmubáktut.

²⁶ Kyumduktujk xubun naty ñaymyúkadu ja uxpajkputy jatugok. Taru naty ja Tomás. Oyu naty 'yagajyaty ta tujk, Jesús tujku es ñaybyujtaku kujk'aay es tkajxpe'xy ja 'yuxpajkputy, oj t'annumudu:

—Jotkujk'attu miidsaty.

²⁷ Netu Tomás t'anmaay:

—Tomás, kudiju mguwa'xypy madsu ngu'u tsyayujty mut ja klaavus, es pujta'ak ja mgu'u ma tsyayujty ja ngaadsyats mut ja lanzu. jKyaj xykyamubáktut, mubak!

²⁸ Net ja Tomás 'yadsooy:

—Windsun, mij nDios'ajtyry.

²⁹ Jesús 'yadsooy:

—Tomás, mmabejkyry tyam mut ko tats mij xy'ixy. Kuni'xy di'ibats xymyubajktar óyudsu naty xyka'ixtu.

Ti ko Fwank tja'ay yu neky

³⁰ Ni'igu may ja ijxw'u'mun di'ibu myudajtyry ja muj'ajtan di'ibu Jesús tyuun 'yuxpajkputujk wyinduuyaty di'ibats kyaj ngaxjaay ma tyadu neky. ³¹ Peru tyaadudsu du'un tu ngaxja'ay yaa es miits xymyubáktut ko yu Jesús yu'u du'un ja Kristu, Diosu 'yU'unk, es ko xymyubáktut, mmadáttar ja jiky'ajtan winu xuu winu tiempu.

21

Jesús ñayyajku'e'egynty ma nijxtujkpu 'yuxpajkpu

¹ Oknum kyaxe'ky ja Jesús jatugok ma 'yuxpajkputy ma ja Tibeeryus Myejeñbya'a, Galileew it. Es du'un ya'ijxy: ² Tukmuku naty jam ja Simonk Peedru esu Tomás di'ibu tyijtar Xeeñu'unk, Natanael di'ibu kugajpn Kanaa, Galileew ñaaxóty, ja 'yuna'kuty ja Zebedeew es janimajtskpu wiinkpu 'yuxpajkpu Jesús. ³ Simonk Peedru t'anmaaydyu ya'ujaty:

—Nejts n'ok'ajxkmátsy.

Ta 'yadsoodu:

—Nujxándupts uudsaty nandu'un mut mij.

Ta ñujxtu ma tu'ugu barku. Es tu'ugu tsu'um ñajxy, kyaj ni tu'uk tkamajtstu ja ajkx. ⁴ Xuañdyáknabu naty ko Jesús kyaxe'ky mejeñbyu'aay, per ja 'yuxpajkputy kyaj tñijawudu pán ja'a dun ja Jesús. ⁵ Net ja Jesús dyajtuudu:

—Mugu'ugaty, ztu xymyatstu oynu'anun?

Es ja'ajaty 'yadsoodu:

—Ni nu'un.

⁶ Net ja Jesús t'anmaaydyu:

—Kujabipadu ja m'ajkxmajtsn aga'añdsyoo ma yu barku, es m'ajkxmátstut.

Ta tkujabijpudu, es óknum kyaj mbaat t'okju'tnudu ja 'yajkxmajtsn jap nujoty, mat ko mayu naty ja ajkx tu tyuku. ⁷ Net ja axpajkpu di'ibu Jesús jyantsytsyejpy*, t'anmaay ja Peedru:

—Ja'a tyaadu ja Nindsun'ajtam!

Ko tmadoodaay ja Simonk Peedru ko jya'ajuty ja Nindsun'ajtam, ta jatugok ttuktajku ja ñikajxyudu wit di'ibu naty tu tjeñ. Ta kyupuipnajxy nujoty es ñejxy mejyñbyu'am ma ja Jesusu naty. ⁸ Es ja myugu'ugaty jajittu mejyñbyu'am mat ja byarku es mudu 'yajkxmajtsn trawits trajudottu, mat ko ujtsu naty mat ja ajkx. Wingonu naty ma ja 'yajkxmátsttu éxtam mugo'px metrún. ⁹ Ko wyindu'utspadsuudu, net trattu juunu'unck di'ibu ja Jesús tu dyajmáju naty es tsaay tu'ugu ajkx, es tamu naty nandu'unu tsajkaaky.

¹⁰ Net ja Jesús t'anmaaydyu:

—Yajmíndu majtsk tugugu m'ajkx di'ibu tu xymyatstu.

¹¹ Simonk Peedru tyajku barkoty es dyajnejxy extu pu'ujótm ja 'yajkxmajtsn ujs mat ja muj ajkx mugo'px jajustyikxymyajk tuguk. Oyu naty jyantsymyáyuty, ja 'yajkxmajtsn kyaj kyu'tsy.

¹² Net ja Jesús t'anmaaydyu ja 'yuxpajkputy:

—Min m'armusal'attu.

Es ni pán tka'anmaaydyu: “¿Mbúnu dan mij?”, mat ko ñija'adubu naty ko ja'a ja Nindsun'ajtam.

¹³ Netu Jesús myajwa'ky es tkone'ky ja tsajkaaky es tmooydyu ja 'yuxpajkputy. Es nandu'un ttuñ mat ja ajkx.

¹⁴ Ja'a tyaadu ja myaduguk ok nibudu'uk ma traattu ja 'yuxpajkputy ko naty tu jyikyryekey ma 'ye'ky.

Jesús mudu Peedru ñaygyajxudu

¹⁵ Ko 'yarmusal'ajttaaydyu, net ja Jesús dyajtuuy ja Simonk Peedru:

—Simonk, Jonasu myaank, ¿xytsyojkpúts ni'igu es kudiiinm yu mmm'axpajkputy?

Peedru 'yadsooy:

—Windsún, mij mnija'ap kots uj mij ndseky.

Ta Jesús jyunáñ:

—Extam ja borreegu kwentu'ajtrpu dyajje'xy ja byorreegu'unguty, nandu'un mij awánudu ja'ayuty ja n'axpajkanúts.

¹⁶ Dyajtuujambijty ja myumajtsk ok ja Jesús:

—Simonk, Jonasu myaank, ¿xytsyojkpúts mij?

Peedru 'yadsooy:

—Mij mnija'ap kots uj mij ndseky.

Ta Jesús 'yadsooy:

—Extam ja borreegu kwentu'ajtrpu dyajje'xy ja byorreegu'unguty, nandu'un mij awánudu ja'ayuty ja n'axpajkanúts.

¹⁷ Myaduguk ok jyunáñ ja Jesús:

—Simonk, Jonasu myaank, ¿xytsyojkpúts mij?

Peedru jyotmaydyuktajku mat ko yajtuuy tuguk ok pun tseyjpy ja Jesús, es t'anmaay:

—Windsún, mij mnija'ap tugekyu. Mnija'ap kots uj mij ndseky.

Jesús 'yadsooy:

—Extam ja borreegu kwentu'ajtrpu dyajje'xy ja byorreegu'unguty, nandu'un mij awánudu ja'ayuty ja n'axpajkanúts. ¹⁸ Jantsy tuy'ajtanúts mij n'anuuma ko ijty m'ana'k'áty, mduktajkúp ijty ja mwit es mnejxy ma mij xytsyeyky. Es óknum ko mij mnujja'ayut, mxajwa'xup es wiinkpu mwit mdukpajta'agudup, es mnuunuxadut ma mij kyaj xytsyeyky mnujxa'añ.

¹⁹ Es mudu tyaadu Jesús ttuknijawu wi'ix 'yoogáñ ja Peedru es ja Dios tmuj'ixut. Net 'yanmaayy:

—Pamiingúts.

Fwank, ja axpajkpu di'ibu Jesús ni'igu tseyjpy

* 21:7 Fwank yu neky jyaay es yu'u ku'am nay'andijup ko jyuna'añ ja axpajkpu di'ibu Jesús jyantsytsyejpy.

²⁰ Ko Peedra 'yijxumbijty, net t'ijxy pyanejxyuty ja uxpijkrü di'ibu Jesús jyantsytsyojk†, di'ibu naty nandü'ün mä 'ya'ux'aty pyu'am ja Jesús, di'ibu yajtuuju: “Windsün, ¿pünä danu tadü di'ibu mguyakánur?” ²¹ Ko Peedra t'ijxy, net dyajtuuy ja Jesús:

—Windsün, esü tyäädü, ¿ti jatánur?

²² Jesús 'yadsooju:

—Pün ujts ndsejpy es jyiky'átat extü kots uj njumbítat, ¿ti mij xkywéntaty? Pamiingats mij.

²³ Net ja myu'uxpijkrüty ñayjunánüdü ko yu uxpijkrü kyaj 'yooga'añ. Peru Jesús kyaj dü'ün jünán, di'ibu sitü junán: “Pün ujtsats ndsejpy esü tyäädü jyiky'átat extü kots uj njumbítat, ¿ti mij xkywéntaty?”

²⁴ Uj tats nmäduy es tats n'ixy tugekyu tyäädü, es tugekyu di'ibuts uj tü nguxja'ay, ja'a dü'ün tüy'ajtün.

²⁵ May ja wiinkrü di'ibu Jesús tyuun. Kooxyur yajkuxjaayduyay nidu'uk nidu'uk tugekyu di'ibu Jesús tyuun, kyaju da ñibädüt ja naxwíñüdü mat ja mayñeky.

† **21:20** Fwank yu neky jyaay es yu'u kü'üm nay'andjup ko juna'añ ja uxpijkrü di'ibu Jesús jyantsytsyojk.

Di'ibu Ja Apóstulaty Tyuun Es Ya'uxpajk

Jesús jyuna'añ ko minap ja Espiritu Santu

¹ Tyófila, kots mij jayujp nnija'ayu, n'awa'ana di'ibu Jesús tyuun es ya'uxpajk, di'ibu tim jawyiin extu ko jyambijty jam tsajpótm.

² Kyajnuma naty tsyajpéty ja Jesús, es Espiritu Santakuyjxm tmooydyu ja apóstulaty di'ibu wyin'ixj ti tyunan kyajxándap. ³ Ko oj 'yeekey es jyikyppejky, ta kanak ok wa'ats dya'ixxu ko ta jyiky'aty jatagok, es ja Jesús kyaxe'ky ma ya'ujaty justyikxyxyuu, es t'awa'ana es ttuk'ixy wi'ix ja Diosu kyutujkun.

⁴ Tugok ko Jesusu 'yapóstulaty ñaymyujkudu, es t'anmaaydyu:

—Kyaj mbudsámdat miidsaty ya Jerusalén. M'awixtap yaa extu ko ja nDeedyats ttúnat éxtum tu twanda'aky, di'ibu tu ndukmumadya'aktu. ⁵ Tuy'ajtan ko Fwank Yajnuabajtpu yajnuabejty mut ja nuu, per jawaanu 'yaktagoy'aty ma mnubáttat mut ja Espiritu Santu.

Jesús tsyajpéty

⁶ Ko oj jatagok ñaybyatta'ayudu Jesús mut ja 'yuxpajkputy, ta dyajtudu Jesús:

—Windsán, ztyamu net xyajkutuka'añ esu israelitu ja'ay ñay'ana'amudu?

⁷ Jesús 'yadsooy:

—Kyaj miits mbaadudu es xyñijáwudat na'a ja Dios Teety ti tuna'añ. ⁸ Per ko ja Espiritu Santu mnimínudat, mmo'oyudap miidsaty ja mak'ajtan es net miits xypujta'aktat ja tuy'ajtan ujskyujxm Jerusalén, nu'anu Judeeu ñax, Samaaryu ñax es tugekyu naxwiñudu.

⁹ Ko Jesús kyajxtaay, ta pyatujku. Netu yoots myiñ es yu'tsu, es kyaj oj mbaat ñaky'ixudu ja 'yuxpajkputy. ¹⁰ Tamu naty tuyu 'yakpat'ixtu, ta ñiguxu'ktu ma ja'ajaty majtsku anklus, ak poobu wuyt, ¹¹ di'ibu anmaayudu:

—Galileeu ja'ayaty, zti ko mbat'ixtu tsajpótm? Pyaadap ja tiempu ma yu Jesús di'ibu tu pyatuku tsajpótm, yu'u ka'am kada'agap ya naxwiñ nandu'un éxtum tu xy'ixtu pyatuku.

Matiius yajwin'ixy

¹² Net oj jyambijttu ja apóstulaty jam ma ja Oliivus Kopk es yajjittu Jerusalén, di'ibu je'eyu tuk mil metræn jyagámuty. ¹³ Ko yajjittu Jerusalén, ta pyajttu myumajtsk niku'ay ma ja yajjittáknuty. Es ja apóstulaty ja'a txu'attu: Peedru, Fwank, Santya'agu, Andrés, Felipu, Tomás, Bartolomee, Maweu, Santya'agu ja Alfeeu myaank, Simon ja kananeu ja'ay, esu Juudas ja Santya'agu myaank. ¹⁴ Es ja apóstulaty nidugekyu ijty ñaymyúkadu es kyajxta'aktu mut ja Jesusu myuga'axuty, mudu Mariiu ja Jesusu tyagak, es mudu wiingátypyu toxytyujk.

¹⁵ Ko waanu 'lyijty, ta ñaybyatta'ayudu nidugekyu mugo'px ja i'pxu ja'ay. Ta yu Peedru tyanaaye'ky, es t'anmaaydyu:

¹⁶ —Mugu'uktujkuty, koonum tsyékyuty es yajkuudyúnat di'ibu Dios oj jyuna'añ jékyup. Yu Espiritu Santu dyajky ja Davit es t'anmaaydyu jékyup di'ibu oj jyatyuty mut ja Juudas di'ibu wyinyo'oyu ja ja'ayuty di'ibu pyajudijttu ja Jesús, es tmajtsu. ¹⁷ Udsajtam naty nmattjudijttam yu Juudas, es 'yapostulu'aty nandu'un. ¹⁸ Juudas yajmooy ja meeu esu Jesús tkuyákat. Net oj kyubajk ttukka'ay es oj pyujwa'xy esu tugekyu tyiints pyudsuumdaay. Es mudu tadu meeu ttukjuudyu tu'ugu nax. ¹⁹ Nidugekyu ja'ay di'ibu Jerusalén tsanaaydyup tnija'adu tyaadu. Ta dyajxubejty ja lugaar Aséldumu (di'ibu andijpy Ne'pyññax).

²⁰ Peedru 'yaktunáñ:

Davit oj jya'ay ma yu Salmu:

Wa'an twe'emy ja tyujk tukwa'ats,

es ni pán kyatsuanat jam.

Es nandu'un jyunáñ:

Wa'ana wiinkpu ttu'unxuty yu tyuunk.

²¹ Peedru 'yaktunáñ: “Weenu. Tyaa wiinkpu yedyujk di'ibus mut njudijttu ko n'ijttats mut ja Nindsan'ajtam Jesús, ²² ko oj Jesús yajnuabétyuty ja Fwank es extu ko oj ñujxnu tsajpótm. Koonum tsyékyuty es tu'uk wyu'amut testiigu mut uudsaty ko Jesús jyikyppejky jatagok.”

²³ Net yajwin'ixxy majtsku ja'ay: tu'uk txu'aty Josee Justu, Barsabasu myaank es jat'u'uk Matiius. ²⁴ Es ta kyajxtaktu du'un:

—Windsán Dios, mij m'ixy'ajtyypy ja ja'ayu jyot wyinma'añ. Tuk'ijxkuts nidu'uk di'ibu tyadu nimajtskpu mij ty wyuin'ixy ²⁵ es ttúnat ja tuunk di'ibu Juudas ta tnike'eky es ñejoy ma pyaadyuty.

²⁶ Net tuundu rifu es tnijáwat pán nigákap, es ñigaku Matiius. Net trujtaktu ti'igyu mut ja nimajk tu'ukpu apóstulaty.

2

Espírítu Santu myiñ

¹ Ko ja muj xnu traty di'ibu xun'ajtypy Pentukostés xnu, jaa naty ja mabujkrutujk ñaymyúkuđu tugoty, ² es ti'in tmdoodu ñojkta'aky tsajpótm es tyukwandsudyaay ja tujk éxtum tu'ugu muk poj. ³ Ta oj t'ijxpaattu éxtumu junya'ank, es jam oj wye'emy kujktu'ugu junya'ank ma kyubajkuty. ⁴ Ta ja Espírítu Santu myooyudu ja myuk'ajtun nidugekyu ni nu'unu naty jáputy. Ta tkajxtu wiingátypyu ayuk wi'ix yu Espírítu Santu myooyudu ja ayuk es tkajxtut.

⁵ May myiñ yu israelítuty jap Jerusalén esu Dios t'awdáttut, es may nu'un ja ja'ay naxwiñ dyajnajxtu jap ja xnu. ⁶ Ko yu'ujaty tmdoodu jam tsajwínm ñojkta'aky, ta ñaymyúkuđu mayjya'ay. Kyaj tñjawa ti tu jyátyuty ko nidugekyu oj tmdowdu ja apóstuluty mat ja myugu'uktujkuty tkajxtu wiingátypyu ayuk éxtum ja ja'ay di'ibu jagam tso'omp. ⁷ Ta di'ibu miindu xu'ajtpu du'añu wyu'umudyaaydyu, es ñay'anmaayudu nidu'ugáty:

—Galileeu ja'ayu tyaađu di'ibu kajxtap, ¿kudii? ⁸ Pes, ¿wi'ixu tyaađu nmudo'om kyajxtu éxtum udsajtumu n'ayuk'ajtm? ⁹ ¡Udsajtum nmi'inam ma wiingátypyu naxwiñudu! Ta yu ja'ay di'ibu tso'omp Partyu, Meedyu, Elam, Mesopotamyu, Judeeu, Kapadosyu, Pontu, Asyu, ¹⁰ Frijyu, Panfilyu, Ejiptu, Áfriku di'ibu myawingonu Sirene, es nandu'unu xu'ajtpu di'ibu tso'omp Romu. Nija'adyu ja'ay di'ibu jajtp israelítuty es nija'ajaty di'ibu tyuktujku ja wynnma'añ ja israelítuty. ¹¹ Ta nandu'unu di'ibu tso'omp Kretu es Araabyu. ¡Es udsajtum nidugekyu tyam nmudo'omu tyadu ja'ayuty tñgajxtu ja muj'ajtm di'ibu Dios tyiimpy es muk yajjáwu, du'un kyajxtu éxtum udsajtum ngajxum!

¹² Nidugekyu ja'ay du'añu wyu'umudyaaydyu es kyaj tñjawa ti tyúnup es ñay'anmaayudu nidu'uk nidu'uk:

—¿Ti tyaađu 'yandijpy?

¹³ Esu wiink ja'ay je'eyu oj ttukxi'iktu, es jyuna'andu:

—Ja'a ko múkudup.

Peedru kyama'añ

¹⁴ Ta yu Peedru mat ja myu'apóstulaty tyunaayuktu, esu Peedru oj kyajxy muk:

—Miits israelítu ja'ayuty es nidugekyu di'ibáty ijttap Jerusalén, mudo'ittu yajxon di'ibuts ngajxaampy. Tyam n'awanaya'añ di'ibu tu jyátyuty. ¹⁵ Ja nmagu'uk'ajtm kyaj myi'igyuty, éxtum miits mjuna'andu. Kyaj myu'ugudu ja'ayuty mat ko je'eyu ja yamu xnu waanu pyétyñum. ¹⁶ Tyaađu di'ibu miits yam m'ijxtap es nmudoodup, yu'u di'ibu junán ja Diosu kyugajxpu Joel:

¹⁷ Dios jyunañ: “Ko naty ja naxwiñudu tyugoyannu, nmo'oyupts ja nja'ajun ma nidugekyu ja'ayuty, es miidsuty ja m'u'unguty, yedyujk toxytyujkuty, tkajxtu ja n'ayúkat.

'Yijxtap ja ijxma'tun ja m'una'ktujk, es ja mmujja'aydyujkuty kyuma'aja'añ di'ibu Dios tyunaampy.

¹⁸ Es nandu'un di'ibuts xymyuduump, yedyujk esu toxytyujk, nmo'oya'añuts ja nja'ajunuts,

es tkajxudu n'ayúkat.

¹⁹ Ndunaambyuts ja muj'ajtm jam tsajwínm, esu ijxwu'umun nyajwu'uma'añuts naxwiñ, ja ne'pyñ esu juun jok.

²⁰ Kyaj ja xnu ñaky'ana'añ, du'añu wyingoodsuya'añ, es tyuatsa'añ ja po'o tsáptum éxtumu ne'pyñ.

Tugekyu tyaađu nduna'añuts kyajnamu naty jya'ty ja Diosu muj xnu ma yajpayo'oya'añ ja ja'ayuty.

Tadu xnu jantsy muj 'yita'añ es mat ni'igu ja muj'ajtm.

²¹ Es nidugekyu di'ibu manu'xtákudup éxtumu Nindsun'ajtm, nits'o'oktap.”

Ja'a du'unu tyaađu di'ibu kyuxjaay ja Diosu kyugajxpu Joel.

²² Net ja Peedru 'yajakñañ:

—Madowdu oy, mugu'uktujkuty israelítuty, di'ibu yam n'anumuyándup Jesús nazarenyujxm. Éxtum miits xujjávudu ko Dios twin'ijxy ja Jesús, du'un dyajnígaxe'ky miits mwinduuyuty ko Jesuskuyxm ttuuñ ja muj'ajtm, ijxwu'umun es di'ibu ja'ay du'añu maut wyu'umudya'aydyu. ²³ Miits xykyuyajtku ja Jesús ma ja romanu ja'ay es dyajkruuzpáttut es dya'ooktat. Du'un xytyuundu éxtumu Dios ttuknibajtáku es jawyiin tñja'aju. ²⁴ Peru Dios dyajjikpyejejk ja Jesús es dyajpudseemy ma oj ñaxtuku, mat ko kyaj mbaat myumada'agyuty ja o'kun. ²⁵ Es ja rey Davit tñmadyaky ja Kristu ko oj jya'ay jékyur: Taayamts n'ixy ja Dios nwinduuyuts.

Tama'a n'aga'añdsyoo, kyajts tii ndsu'ugu.

26 Paaty jyotkujk'áty yu n'anmaja'anuts, es paadyuts ngajxy ja alabanza ko Dios myájuty. Po'xuptsa nnini'x mat ja jotkujk'ajtun,

27 mat ko mij kyaj xyňa'ixut yu n'anmaja'anuts ma 'yity ja o'kputujkuty, es nan kyaj xyňa'ixut wyindagóyut ja mWə'ats Məduumba.

28 Tuts mij xytyukni'ixu ja nu'u tu'u di'ibuts xyajja'tup ma ja jiky'ajtun, es xymo'o'oyaambuts ja xondakan ma mij m'ity. Du'an jékypur tkuxjaay yu Davit.

29 Es ja Peedru 'yakjanán:

—Məgu'uktujkuty, ndukmu'awdajtabuts ko miits n'anamadu ja n'apteety'ajtm Davit tu 'yeeky es tu naxtaku, es tam ja kyupotsy 'yity tyambaat. 30 Davit yu'u Diosu kyugajxpu, es kyaj du'an jyanán mat yu kyu'am winma'añ, Dios yu'u wyandak es trujta'aga'añ nandu'un éxtamu reyən tu'ugu tyuamp 'yaats ja Davit. 31 Du'an éxtam 'yixy, paaty ja Davit jyanán ko jikyppyakur ja Kristu es ko yu nini'x kyaj wyindagóyut. 32 Es jantsy tų'ajtanu Dios dyajjikyppyeky ja Jesús, es ma taadu nidugekyu uudsuty ndestiigu'attu. 33 Dios dyajjikyppyeky ja Jesús es trujtaky pyu'ayy aga'añdsyoo es tmooy ja Espiritu Santu, du'an éxtam tu twanda'aky. Es tyam ja Jesús tu dyaky ja Espiritu Santu ma uudsuty. Es paaty du'an jyaty di'ibu miits m'ijxtup es mmədoodup. 34 Yu Davit kyaj tsyajpejty, du'an éxtam ja Davit jyanán: Yu Dios t'anmaay ujtsu nWindsún:

“U'uñup nbu'aayuts aga'añdsyoo

35 extu kots uj nyajtagóyut tugekyu miyu mmudsip.”

36 Esu Peedru 'yakjanán:

Jaygyukudu miidsuty nidugekyu israelituty. Jesús di'ibu miits myajkruuzpajttu, Dios oj trujta'aky éxtamu Windsún esu Kristu.

37 Ko oj ja ja'ayuty tmədowdu di'ibu kyajx ja Peedru, net jyotmay'o'ktu es dyajttadu ja Peedru es ni nu'unu apóstaluty:

—Məgu'uktujkuty, es uudsuty, ztits ndúndup?

38 Esu Peedru 'yadsooy:

—Ja'aydyugóydyu mgu'am winma'añuty es xy'axájudut ja Diosu wyinma'añ. Net mnubáttut Jesukristu xyuguyjxm, es ja Dios tma'xut miidsuty ja mbeky, es du'an xy'axájudut ja Espiritu Santu. 39 Miidsuty yu Dios tu mdukmawandaagadu mat yu m'u'unk m'unə'kuty, es nidugekyu ja ja'ayuty di'ibu jagam tsunaaydyur; nidugekyu di'ibáty ja Nindsun'ajtm Dios wyinwitsaampy.

40 Du'unu Peedru oj kyajxy jeky, es wyinma'añmyooyu:

—Mubaktu ko ja Jesús yu'u du'an ja Kristu, kadiibu Dios mdukkumədówudut mat ja pekyja'ayuty.

41 Pánuty myubujktu wi'ixu Peedru jyanán, ja'a oj nábattu. Janitugak milən ja ja'ay di'ibu myubujktup ja Jesús ja xuu. 42 Es ja mubujkputajk jyotmooydyur tugekyu di'ibu ja apóstaluty tuk'uxpukudup, nıayajti'igyudu madu myumubujkputy, kyajxtáktu es nıaymyujkudu, es ttujkwá'xtu ja tsajkaaky éxtamu Jesús ttuuñ ko jatim okpu tkaay madu 'yuxhrijkputajk.

Wi'ix jyiky'attu ja jawyiimbu mubujkputy

43 Esu apóstaluty ttuundu mayu muj'ajtun esu ijsxw'amən di'ibu du'añu yajwu'amadyaadyu ja ja'ayuty. 44 Nidugekyu di'ibu myubujktu ti'igyu 'yittu es dyajwa'xtu di'ibu naty myudajttup. 45 Pánuty ti myudajttup, tyo'ktup ja'a, es ja nıimeeñ dyajwa'xtu wi'ix pán tyugoy'ajtxuty, 46 es nıaymyujkudu muj tsajptujk nıabotsoty bom bom. Es majatyu tyujkuty kyaay 'yuktu ti'igyuty mat ja xondakan es mat ja oyyot es t'awdajttu ja Dios. 47 Es nidugekyu ja'ayuty jyanandu ko jyiky'attu tų'ajtan məut. Es bom bom wyimbejty yu'ujuty di'ibu kyupujktup ja Jesukristu.

3

Tekypyuma'ay yo'oye'eky

1 Tu'ugu xuu ja Peedru es ja Fwank pyatjukudu ma ja muj tsajptujk éxtam tugak yaxp xuu, di'ibu israelituty myudajttup ja ooru es kyajxta'aktu. 2 Es jap tu'ugu yedyujk ta'udsu tyeky, kyaj mbaat yo'oy. Du'unu danu tyaak tyim'yajmiin tyim'yajjajta naxwiin. Es bom bom ja myugu'uktujk myunejxyuty ma muj tsajptujk aa di'ibu xyu'ajtypy ja Tsujru, es t'amdowdu limosnu yu ja'ayuty di'ibáty tajkudup muj tsajptujk nıabotsoty. 3 Ko oj t'ixy ja tekypyuma'ay ja Peedru es ja Fwank, net t'amdoodu ja limosnu. 4 Net ja Peedru es ja Fwank 'yijxadu, esu Peedru t'anmaay ja tekypyuma'ay:

—Win'ijxtuguts.

5 Es ja tekypyuma'ay twin'ijxy, es t'awijxy ja limosnu. 6 Net ja Peedru 'yanmaayy:

—Kyajtsu nmeeh nmudaty, per tyam nmo'oyat di'ibuts nmudajtypy. Ja Jesukristu, nazarenu ja'ay, ja'a xyuugyujxm uj mij n'anmaapy: Padu'uk es yo'oyu'uk.

⁷ Net ja Peedru twijtse'ky ja tekypyuma'ay ma 'yaga'añgyu'u es trupujku dyajtnaagyuyjku, es netyu ja tyeky oj wye'emy muk es yajxon. ⁸ Es ja tekypyuma'ay pyujte'ky es tyunaaye'ky es yo'oydsyo'oñ. Net tyujku mudu Peedru es mudu Fwank muj tsajptujk ñabotsoty, ye'epy es pyuty ñepy es t'awdaty ja Dios.

⁹ Nidugekyu ja'ay t'ijxtu ko yo'oy es t'awdaty ja Dios, ¹⁰ es t'uxkajptu ko jya'adyu di'ibu natyu limosnu 'yamdeepy ja ja'ayuty ma ja muj tsajptujk aa di'ibu xyu'ajtypy Ja Tsujpu. Ta du'añu jyantsywyu'amudyaadyu.

Peedru tmdya'aky wi'ix ja tekypyuma'ay tsye'eky

¹¹ Ja tekypyuma'ay di'ibu natyu tyeky tu 'yakuda'aky, kyaj tnamatsu ja Peedru es ja Fwank. Es nidugekyu ja'ay jyantsywyu'amudyaadyu du'añu, es pyu'kn ñajxtaadyu ma muj tsajptujk pa'a di'ibu xyu'ajtypy Salomongu Tyujk Wiin. ¹² Ko Peedru t'ijxy ja mayjya'ay, ta t'anmaay:

—Miits israelituty, ¿ti ko du'añu mwu'amudyaadyu ko xy'ixy yo'oy di'ibu naty tekypyuma'ay? ¿Es ti ko miits xy'ixtuts nandu'un uudsuty? ¿Tii miits mjunándup ko ngu'amgutujkanuts tu nduñuts es yo'oye'egy tuadu yedyujk? ¿Ti mjanaamp miidsuty ko ni'igu wa'ats ja'ay es paaty uudsuty nmudatyuts ja kutujkan es ndunudats ja muj'ajtn?

¹³ ¡Kyaj dyu'anuty! Kyajts tu nduñ mat ja ngu'amgutujkanuts. Ja Dios di'ibu awdajtadu ja n'apteuy'ajtn, ja Abraan, Isaa esu Jakooob, trujtákyu tyadu muj'ajtn es nmuj'ijxum ja 'yU'unk Jesús. N'anmaapy yu'u ja Jesús di'ibu miits mgyajjktu mat ja romanustujk. Ko ja Pilatu tjanasmatsy'ajtn, miidsuty kyaj xkyupujktu. ¹⁴ Jesús, wa'ats ja'ay es jiky'ajty tuj'ajtn muat, per miidsuty kyaj xkyupujktu. Es miits m'amdoodu ja Pilatu tnamatsut tu'ugu yajja'ay'o'kpu. ¹⁵ Du'an miits xya'o'ktu ja Jesús di'ibu yajjypy ja jiky'ajtn. Peru Dios dyajjikyppyejky ma ñaxtujku. Es uudsuty n'ijxtuts es n'awa'anudup ko tu jyikyppyejky ja Jesús. ¹⁶ Ja'a ko ja Jesús yajmabéky, ja agyujxm yu yedyujk di'ibu m'ijxtap es xy'ixy'atta, tu Jesús trujta'aky muk ja tyeky es oy tu dyaj'yo'oye'eky.

¹⁷ Mugu'uktujkuty, tuts nmjawnu ko miidsuty esu mwindsúnuty oj xya'ooktu ja Jesús, kyaj xyñijáwudu ko yu'u Diosu 'yU'unk di'ibu mya'o'ktu. ¹⁸ Per du'an ja Dios ttuuñ éxtum jékyup t'anmaay ja kyugajxputujk ko yu Kristu koonum 'yayówat. ¹⁹ Paaty yajtgátstu mwinma'añ es yajjumbítu mjet mat ja Dios esu mbojpu yajma'xat, ²⁰ net ja Dios tkaxat ja oy'ajtn ko mdukniáxudat jatagok ja Jesús di'ibu pyujtáky Kristu. ²¹ Per koonum tsyékyuty esu Jesús wyu'umut jam tsajpótm extu ko Dios dya'óyat tugekyu, du'an éxtum twandaky jékyup mat ja kyugajxputy.

²² Moisés du'an t'anmaay ja n'aptujk'ajtn: “Miidsudyu mWindsún Dios kyaxaampy mat miidsuty nidu'uk ja mduamp m'aadsuty éxtamu kyugajxpu, éxtumts uj tu xkyexy. Koonum tsyékyuty es xymyudówdut miidsuty tugekyu di'ibu tadu Diosu kyugajxpu kyajxtap. ²³ Ja'a ko ja ja'ay di'ibu kyaj tmadowa'añ di'ibu tadu kyugajxpu kyajxypy, kyaj 'yittat mudu Diosu jya'ay.”

²⁴ Nanda'un ja Diosu kyugajxpu Samwel es nidugekyudyu Diosu kyugajxputujk di'ibu óknun kyajxtu ja Diosu 'yayuk, t'awa'anudu di'ibu jatánup tyam du'an. ²⁵ Miits mbátudup ja wandakan di'ibu Dios myajwu'amxudu mat ja kyugajxputy, nanda'un mbátudup ja kajxy'átypu di'ibu Dios tyuun muat ja n'aptujk'ajtn. Du'an éxtamu Abraan t'anmaay: “Ujts ngunu'xaampy nidugekyu naxwíñudu ja'ay mat tu'ugu mduamp m'aats.”

²⁶ Ko Dios dyajjikyppyejky ja Jesús di'ibu oy muduunu, net tkejxy jawyiin mat miidsuty es mgunu'xudat es nidugekyu miits xymyastu'uttat tadu mbékyuty.

4

Peedru esu Fwank, wyinduuyuty di'ibu ana'amdup muj tsajptugóty

¹ Tambaatnamu naty ja Peedru es ja Fwank kyajxy ko myiindu ja teetyujkuty esu saduseeuty es yu windsún di'ibu kywentu'ajtypy ja muj tsajptujk. ² Ta jyo'tambujktu ko yu Peedru es ja Fwank t'anmaay ja ja'ay ko tu Jesús jyikyppyejky es paaty ja o'kratujk jyikyppuka'andu nandu'un. ³ Net tmajtsu ja Peedru esu Fwank, es trujtáky puixndagóty es jap 'yittat jakumbombaat, ja'a ko tu naty tsyu'ujanu. ⁴ Es mayjya'ay tmbujktu di'ibu kyajxtu ja Peedru esu Fwank. Es du'an nimogoxk milun ñabyatu ja yedyujkuty di'ibu mbujktup, abeky ja toxytyujk es u'unk una'katy.

⁵ Jakumbom ñaymyujkudu jap Jerusalén ja israelitu ja'ayudyu wyindsún, ja mujja'aydyujkuty es ja di'ibuty tsajptugóty ya'uxpujktup. ⁶ Es tamu natyu Anás di'ibu ijtp teedywindsungóp, ja Kaifás, Fwank, Alejandru es nidugekyuty ja teedywindsungópku myugu'uguty.

⁷ Net oj yajwóy ja Peedru esu Fwank. Ta trujtáky kujkjóty, es dyajtuudu:

—¿Pán ja muk'ajtun tū mmo'oyuda, o pán xunəgyəjxm tū xya'aguda'aktu tadu tekypuma'ay?

⁸ Net yu Espiritu Santa wyinma'añmyooyu ja Peedru, es t'adsooy:

—Kugajpn justisu es mujja'aydyujkuty, ⁹ miidsaty tyam xajjtūwdū wi'ix tū 'yaguda'agyu tadu ja'ay di'ibu ijty tekypuma'ay. ¹⁰ Pes tyámats nnigajxat mat miidsaty es tnijáwədat nidugekyu israelítuty ko tyadu yedyujk di'ibu tyam miits mwinduuyaty, yu'u 'yagudaky ja Jesús nazarenu xunəgyəjxm, yu Kristu di'ibu miits myajkruuzpajttu esu Dios jajjikyppyujk jatəgok. ¹¹ Es yu Diosu jyaabyajtun tkajxy ja Jesús ma jyu'na'añ: “Yu tsaa di'ibu miidsaty pojtsputujk xy'axtjttu, yu tyadu tsaa tyamu net ñujxa'añ ma ja tujk t'ujx'átat.” ¹² Kyaj ni pán mbaadu wiinkru xyajnitsókum, mat ko ma tugekyu naxwíñadu je'euy ja Jesús ti'igyu mbaat xyajnitsókum.

¹³ Ko di'ibu ana'amdər muj tsajptəgóty t'ijxtu ko amuk jotmuk yu Peedru esu Fwank 'yadsoodu, esu Peedru esu Fwank du'un yu'ujty éxtam oytym pán yedyujkuty, kyaj t'udattū ja xprəjkan, net du'ñu wyu'amudyaadyu, es tmuwinma'añbyattu ko yu'ujty mət jydijttu Jesús. ¹⁴ Es ja'a ko tamə naty tyanu ja'a mət ja di'ibu naty tekypuma'ay, pəaty di'ibu ana'amdər muj tsajptəgóty kyaj mbaat wi'ix 'yokjunannu. ¹⁵ Net tka-jprədsəumdu tujə'p yu Peedru esu Fwank. ¹⁶ Net ñay'anmaayudu:

—¿Ti net ndu'unəm mudu tyadu ja'ay? Pes nidugekyu di'ibu tsunəgyədyər Jerusalén tū tnijáwədu ko yu'u tyuundər ja ijxwə'mən esu muj'ajtun. Kyaj mbaat n'anma'ayam ko kyaj. ¹⁷ Es kudíibə wyə'xat yu ayuk, wa'an n'ok'anma'ayam ko kyaj ni pán tnakyñigajxtat ja Jesús.

¹⁸ Net tməjwoodu jatəgok ja Peedru esu Fwank es t'anmaaydyu ko ni na'a jatəgok tkakajxtat es ni tkatuk'ixtat ja Jesusu ja'a. ¹⁹ Es ja Peedru es ja Fwank 'yadsoodu:

—Jəna'əndu miidsaty ko pátəp jajkuydyúnat di'ibu miits mgajxtəp, o pátəp jajkuydyúnat di'ibu Dios 'yane'empy. ²⁰ Kyaj mbaat nmastu'udyats es n'awánudats di'ibats tū n'ixy es tū nmədóyats.

²¹ Net yu di'ibu ana'amdər muj tsajptəgóty muk tməjajxtu ja Peedru esu Fwank es kudi'ibu du'un ñaky'adu'utstat. Ta net tsnəmajtsadu. Kyaj tpattu ja winma'añ wi'ix mbaat tttukkumədoy, mat ko nidugekyu ja'ay t'awdattū Dios mat ja myuj'ajtun. ²² Ko ja tekypuma'ay 'yagudaky, ja'a naty tmədaty ja jyuməjt justyikxy.

Məbujkputujk t'əmdowdu jotmuk'ajtun

²³ Ko jajnasmajtsadu yu Peedru esu Fwank, net oj ñujxtu ma naty yu myəgu'uktujkuty es t'awa'anudu nidugekyuty wi'ix yu mujja'aydyujkuty es ja teedywyindsənuty 'yanmaayudu. ²⁴ Ko t'awa'anudyaay nidugekyu tukmuku, net kyajxtáktu:

—Windsən, di'ibu tugekyu muk'ajtun myədajtypy, mij tū xpyəjta'aky yu tsajp, naxwíñadu, jikyməjəjñ es tugekyu di'ibáty ijtp ma yu'un. ²⁵ Mij oj mgajxy Espiritu Santakuyjxm esu n'apteety Davitkuyxm ko mjənán:

¿Ti ko yu wiinkru naxwíñadu jyot'ambaktu es yu israelitu ja'ayuty nəgoobu du'un wyinma'añbyaaty?

²⁶ Ja naxwíñadu réyuty pyudu'ktu esu israelítuty ja jyustisətujkuty ñaymyujkudu es tmədsiptso'ondu ja Nindsən'ajtam Dios es ja Kristu. Du'un jyu'nañ ja Davit.

²⁷ Təy'ajtn yu'u ko yəə Jerusalén ñaymyujkudu Eroodus, Ponsyu Pilatu mudu israelítuty es pənuty kyaj 'yisraelítuty, es tmədsip'ajttu mijə m'U'unk Jesús, di'ibu mij məbjtək éxtamu Kristu. ²⁸ Du'un yu'u ttuundu tugekyu di'ibu mijə naty tū xytyuknibujtaəgu jyátudat. ²⁹ Tyam, Windsən Dios, ok'ix wi'ix jyot'ambaktu, es meegyats ja muk'ajtn es kudíibə ədsaty ndsu'ugudu esats ngəjxwə'xtat mijə m'ayuk. ³⁰ Es mat mijə mmək'ajtn ndúñəts nya'aguda'agyats yu puma'ayuty es ndúndəts yu ijxwə'mən esu muj'ajtun mat ja mwə'ats məduumbu Jesús xunəgyəjxm.

³¹ Ko kyajxtaktəgydyu, ta ja tujk oj yi'xy ma naty jap tū ñaymyúkuđu. Net ja Espiritu Santa myooyu muk'ajtun, es tkajxtəgydyu mat ja mujəə yu Diosu 'yayuk.

Wi'ix ja jawyimbə məbujkru ñaybyudəkudu nixim niyam

³² Ja ja'ay di'ibuty 'yaxájudu Jesús myədajttu nidugekyu ti'igyu ja winma'añ es oy ñaydsyokkudu nidu'uk nidu'uk. Ni pán kyajənán “ujtsu nja'a” di'ibu naty myədajttəp. Nidugekyu twinmaaydyu ko tugekyu di'ibu naty myədajttəp, yu'u nandə'un dyajtúndat nidugekyuty. ³³ Es ja apóstaluty tnikajxajt'adu'utstə mat ja muk'ajtn ko Jesús təy'ajtn jykypəjky, es ja Dios t'əstəsykuyum'xy nidugekyuty di'ibu myəbujktu. ³⁴ Kyaj ni pənu naty ma yu'ujty di'ibu təgoy'ajtxəp. Ja'a ko pənuty myədajttəp ja ñaxuty o tyujk, tyo'ktu, ³⁵ net dyajmíundu ja meəñ es tkəyajktu ma ja apóstaluty. Net oj dyajwə'xtu nidu'ugátuty nə'un pán dyajtgoy'áty. ³⁶ Du'un ttuñ yu Josee, ja di'ibu apóstaluty jajxəbjttu Bernabee, di'ibu tyijpy Jajjotkujk'ajtrə. Bernabee, ja'a yu'u Leví tyəmp 'yəəts es jap jyajty naxwíñ ma

txu'aty Tsyipre. ³⁷ Yu'a tte'ky tu'ugu kyam nax di'ibu myudajyty, es dyajmiin ja meeñ es tkujajky ma ja apostulaty.

5

Ananiius esu Safiru

¹ Peru wiinkpu yedyujk di'ibu xyu'ajyty Ananiius, yu'u mut ja ñudo'oxy Safiru tto'ktu nandu'un tu'ugu ñax, ² es trujku'ktu waanu ja meeñ. Es ja meeñ di'ibu nadujku, Ananiius oj dyajnejxy ma ja apostulaty éxtam jyawu ka'pxy ja nax tsoo. Es ja ñudo'oxy ñija'ap tugekyu.

³ Netu Peedru 'yanmaagyu:

—Ananiius, ¿ti ko tu xytyu'umo'oy es tyáktu ja mujku'ugórk Satanás ma mwinma'añ es xyjawn'uuña'añ ja Espiritu Santu, es xyajwu'uma'añ oynu'unan ja meeñ di'ibu tu yajkujúy ja mnax? ⁴ Ja nax mijtsu mja'a ijty. Es ko xytye'ky, ja meeñ nandu'un mijts mja'a. ¿Ti ko tu xywyinmay xytyuna'añ yu tyaañ? Tu xyjawn'uuña'añ yu Dios, kyaj jya'ajuty ja naxwíñadu ja'ay.

⁵ Ko tmudooy yu'u Ananiius, ta oj kya'ay eeky. Es tsyu'kudyaadyu pánaty myudoodu di'ibu jajtú. ⁶ Net myiindu uná'ktujkuty, es t'abijtu Ananiius ja ñini'x es oj dyajnaxtáku.

⁷ Ko 'yijty tóguk ooru, tyujku Ananiiusu ñudo'oxy, ni tkanijawu ko tu 'yeeky ja ña'ay. ⁸ Ta Peedru yajtuaju:

—Anmaagyuts, ¿tu xytyooktu ja mnax éxtam tu dyajmiin ja meeñ?

Esu Safiru jyánán:

—Du'unuts tu ndeeky.

⁹ Netu Peedru 'yanmaagyu:

—¿Ti ko miidsuty ti'igyu mwinma'añ tu xyrujta'áktu? ¿Ti ko tu xyjawn'uuña'andu ja Nindsun'ajtamu Jya'ajun? Jap tupa'p myindu di'ibu oj tu dyajnaxtáku ja mña'ay, es tyam mijts nandu'un myajnaxtkaya'anudu.

¹⁰ Netyu ja Safiru kyudaay es 'ye'ky jam tyeky'ujxm Peedru. Ko tyujkudu ja uná'kuty, net trattu eeky. Ta dyajpudsuumdu es dyajnaxtáku ña'aybyu'ám. ¹¹ Jyantsytsyu'kudyaadyu pánaty myubjktu Jesús es nidugekyu ja'ay di'ibáty myudoodu tadu di'ibu jajtadu yu Ananiius esu Safiru.

May ja muj'ajtun yajtun

¹² Es ja apostulaty ttuundu may ja ixxwu'umun esu muj'ajtun. Es nidugekyu mubjkrutujk ñaymyujktaayudu ma txu'aty Salomongu Tyujk Wiin. ¹³ Tsu'kudap ja ja'ay di'ibu kyamubjktu ja Jesús es ñaymyúkadut muat ja mubjkrutujk, oy tmajja'adu. ¹⁴ Net tmubjktu ja Nindsun'ajtamu Jesús mayjya'ay, yedyujk toxytyujkuty. ¹⁵ Es extu dyajpudsuumdu ja puma'ayaty myabajngujxy jap tu'ajp, es ko ñaxut ja Peedru, oyjye'eyu 'yawax kya'at ma ja puma'ay. ¹⁶ Es ja ja'ayaty di'ibu Jerusalén kajpn myuwingón, nandu'un dyajmiindu ja pyuma'ayaty es di'ibu mujku'u ya'ayoojadup, es nidugekyu 'yagudaktaaydu.

Apostulaty yajtsúndu

¹⁷ Net ja teedywyindsungórk es ja sadusee ja'ay di'ibátyu naty jap tjantsyñaywynnaxujáwudu, ¹⁸ tmajtstu ja apostulaty es trujtáktu pujxndugóty. ¹⁹ Per tu'ugu Nindsun'ajtamu 'yanklus myiín es dya'awatsy ja pujxndujk koots es dyajpudseemy, es t'anmaagy:

²⁰ —Nujxtu muj tsajptujk ñabotsoty, es awánudu ja'ay ja ayuk di'ibu yu jembyu jiky'ajtun.

²¹ Ko oj xyuñu, net tyujkudu tsejkyu muj tsajptujk ñabotsoty. Ta ya'axpujksondáktu.

Es ja teedywyindsungórk es di'ibáty jap dyajnaymyujkudu nidugekyu israelítaty ja myujja'aydyujk di'ibáty naymyujkudup ma di'ibu ana'amdup muj tsajptugóty, net t'anmaagydu ja polusiuty es dyajmíndat ja apostulaty di'ibu jap pujxndugóty.

²² Per ko oj jya'ttu ja polusiuty ma pujxndujk, kyaj jap pán trattu ja apostulaty. Ta jyumbijtu jatugok, ²³ es t'anmaagydu:

—Adiky tu nbaadyuts ja pujxndujk jantsy yajxón es mut ja soldaaduty jap ma tujk aa tkwenta'attu, per kots tu nya'awa'atstu, ni pánuts jap tu ngapaattu pujxndugóty.

²⁴ Ko tmudoodu ja teedywyindsánaty esu muj tsajptujk kwenta'ajtpu wyindsán, net ñayajtuujdu ak yu'ujuty wí'ixu tyaañ kyuguxya'añ. ²⁵ Es ko waanu 'yijty, ta jyajty tu'ugu yedyujk di'ibu anmaagy:

—Tadu yedyujkuty di'ibu uxu'uy mbujtáktu pujxndugóty, tap dya'axpáktu ja ja'ay muj tsajptujk ñabotsoty.

²⁶ Net ja muj tsajptujk kwenta'ajtpu wyindsán oj ñejxy mut ja tyuumbatujkuty, es dyajmiindu yajxón ja apostulaty, ja'agyujxm ko tsyu'ugudu ko tsyaaga'adsudat ja ja'ay. ²⁷ Ko dyajmiindu, ta dyajnejxy ma di'ibu ana'amdup muj tsajptugóty, es ja teedywyindsungórk 'yanmaagy:

²⁸ —Tats miits nyajkubóktu es kyaj xyñakyya'uxpáktat ja ja'ayuty mat ja Jesusu'yuxpájkun. ¿Es ti tu xytyundu? Tu ja'ay xya'uxpájkta'aydyu miidsuty ya Jerusalén, es uudsuty xytyuknikujxm'atá'andu ko 'ye'kyu tadu ja'ay.

²⁹ Net ja Peedru mat ja apóstaluty'yadsodu:

—Koonum tsyékyuty es nmamudo'om ja Dios es kadiinam ja ja'ayuty. ³⁰ Dios di'ibu'yawdajt ja n'aptájk'ajtam, yu'u yajjikypuyuk ja Jesús di'ibu miits mya'oktu es xkyuduuaydyu kruuzkujxm. ³¹ Es ja Dios dyajtsajpejty es trujtáky ma'yaga'añgyu'u, es dya'ity Yajnisókrpu es Ana'ambu, es ja israelitu ja'ayuty jyodumbittut es yajma'xat ja pyojpu. ³² Es uudsuty n'ijxtats es n'awánuts di'ibuts n'ijx nmadoo, es nandu'un yu tuj'ajtan t'awanu ja Espírítu Santu di'ibu Dios tu dyaky di'ibu myamudeepy.

³³ Ko tmadoodu tyadu ayuk, ta jyot'ambujktu es tyim'ya'oogándu. ³⁴ Per ma di'ibu ana'amdup muj tsajptugótyu naty, jap tu'ugu fariseeu txu'aty Gamalyel, di'ibu yajxon ñija'ap ja tsajptujku'yuxpájkun es di'ibu ja'ay wyindsu'kup muj. Ta tyunaage'ky es tni'ana'amu es dyajpudsámdat ja apóstalu. ³⁵ Net t'anmaagy di'ibu ana'amdup muj tsajptugóty:

—Miits israelítuty, naygywentu'átadu oy di'ibu mdunaampy mudu tyadu ja'ayuty. ³⁶ Jamyatstu miidsuty ko kyaj jyékyubyuty pyude'ky yu Teudas di'ibu junán: “Ejts yaa ijtp muj.” Es tranujxtu taxk mugó'pxu yedyujk. Per dya'oktu Teudas, es nidagekyu di'ibu panujxudu tyagooydyaay. Es jap oj kyujxta'ay. ³⁷ Ko waanu 'yijty ko yajkujá'ayu sensu, net pyude'ky ja Juudas, Galileeu ja'ay, es mayjya'ay nandu'un pyanujxudu. Es nandu'un dya'oktu Juudas, es nidagekyu di'ibu panujxudu naty ñaywya'xtaayyudu. ³⁸ Paaty n'anamu, mastu'uttu tyadu yedyujkaty. Wa'an t'ixtu. Ja'a ko tyadu uxpájkun, pan yu'u ja'ayu jya'a, naxaambu'u, ³⁹ per pan ja Diosu'yuxpájkun, kyaj mbaat miits xyajtgódyu. Mnaaygywentu'átadup, mat ko tsojk najx mdsiptundu mat ja Dios.

⁴⁰ Nidagekyu tmadoodaaydyu. Net dyajmiindu ja apóstaluty. Ta twojptu kanak ok es jatugok dyajkuojktu muk ko Jesusu'yuxpájkun tpaduunnu. Net tasmajtsudu. ⁴¹ Net ja apóstaluty tso'ondu jap es jyotkujkadyaaydyu ko'yayoodu es tsoyodyuundu Jesuskyujxm. ⁴² Es kyaj tmatuttu esu ja'ay dya'uxpáktat, es tkajxwá'xtu ja oybyu ayuk ko Jesús ja'a du'un ja Kristu. Du'un ttuundu bom bom muj tsajptujk ñabotsoty es nandu'un dya'uxpejky tujkm tujkm.

6

Nijxutjku yajje'xywya'xpu

¹ Ja tiempu ñimaya'adutstu ja ja'ay di'ibuty myubujktup ja Jesukristu. Net di'ibáty kyajxtup ja grieequ dyajtsondáktu ja u'anan wi'ix dyajwa'xy ja je'xy bom bom. Du'un jyanandu ko kyaj yajxon yajkáydyu ja ku'ektyto'oxy di'ibáty kyajxtup ja grieequ. ² Net ja nimajmajtskpu apóstalu dyajnaymyujktaayadu nidagekyu di'ibu myubujktu, es t'anmaagydyu:

—Kyaj'loyuty kots uudsuty nmastu'uttat ja Diosu'yayuk ngajxwá'xtat es nyajwá'xadats ja je'xy. ³ Paaty miits mugu'uktujkaty, uxta'aydyu nijxutjku yedyujk di'ibu myudajtypy ja oyjyot es di'ibu jyagyujkup, di'ibu tu myo'oyuty ja Espírítu Santu myuk'ajtan es tnd tkajxtu di'ibu Dios tsyejpy, es tuknipaku tyadu tuunk. ⁴ Es uudsuty, apóstaluty, nyajnejxyryuts ja Diosu'yuxpájkun esu kajxtákan.

⁵ Nidagekyu ja ja'ayuty t'oyjya'adu éxtam ja apóstaluty oj twinma'añmyo'oydyu. Es net twin'ijxtu Esteebu, di'ibu ni'igu ja Dios tmabejky es ja Espírítu Santu mooyu muk'ajtan es winma'añ es ttúnat di'ibu Dios tsyejpy. Es nandu'un twin'ijxtu Felipe, Prókoru, Nikanoor, Timón, Parmenus esu Nikolás, Antyokiü ja'ay di'ibu tuuyup kyupujk ja israelítadyu myubujkun. ⁶ Net dyajmiindu ma ja apóstaluty, di'ibu kajxtáktu es tku'unikoonda.

⁷ Es ja Diosu'yayuk myujtjukuy'adústy es ñimaya'adutsty ja mubujkputujk jam Jerusalén, es extu nimay ja teetyujkaty tmubujktu ja Jesús.

Esteebu yajmátsy

⁸ Esu Esteebu myooyu Dios ja kunu'xan esu muk'ajtan es ttúnat ja muj ijxwá'aman esu muj'ajtan ma ja ja'ayuty. ⁹ Nan tamu naty ja ja'ay naaguty di'ibu yo'oydyup ma yajtijy Awá'atstuuyadu Ja'ayn Tsyajptujk. Tamu naty di'ibu tso'ondup Sirene ñaaxóty, Alejandriü, Silisyu esu Asyu, es dyajpudu'ktu tsip es t'anmaagydyu wi'ixáty ja Esteebu. ¹⁰ Per kyaj mbaat tmamadá'aktu, mat ko yu Espírítu Santu mooyup ja winma'añ ja Esteebu.

¹¹ Net ja Esteebu myudsip tmajuuydyu andákruty di'ibu juna'andup ko tu tmadoy ja Esteebu myugajxtugótyu ja Moisés es ja Dios. ¹² Mudu tyadu anuu dyajpudu'ktu ja mayjya'ay esu mujja'aydyujkaty es ja di'ibuty tsajptugóty ya'uxpájkup. Es nidagekyu tmajtsu ja Esteebu es dyajnijxtu ma di'ibu ana'amdup muj tsajptugóty. ¹³ Es dyajmiindu ja andákruty di'ibu junán:

—Tyadu ja'ay du'añam tmagajxtugóyu tyadu wa'ats lugaar es nandu'anu Moisesu 'yana'amun. ¹⁴ Tuts nmudoy ko jynaa'añ ko yu Jesús nazarenu, yu'u yajkutugoyaambu tyadu muj tsajptujk es kyaj n'okpadu'unanu di'ibu Moisés xytyukmunikákum.

¹⁵ Net nidagekyu di'ibu naty jap ana'amdap muj tsajptugóty, t'ijxtu tøyu Esteebu wyiin jyjyp éxtam tu'ugu anklus.

7

Esteebu, wyinduuynty di'ibu ana'amdap muj tsajptugóty

¹ Net ja teedywyindsungórk dyajttuy ja Esteebu:

—¿Tii tuy'ajttun tugekyu tyaadu?

² Net 'yadsooy ja Esteebu:

—Miits mugu'uktujkaty, mujja'aydujkaty, mudoo'ittu. Ja Dios di'ibu muj'ajttun myudajtypy, kaxu'k ma ja n'apteety'ajttam Abraan ko naty jap tsyuuu Mesopotamyu, ma kyajnumu naty tsooñ es tsyuuunat jap ma kajpn txu'aty Arán. ³ Es ja Dios t'anmaay ja Abraan: “Pudsum yaa mgajpnóty es mastu'ut ja mmagu'uktujkaty. Nujx mats mij ngexy wiink nax di'ibuts mij ndukni'ixyaaampy.” ⁴ Netu Abraan tsoyo'oñ ma ja Kaldeeu ñax es ñejoy tsunaabyu jap Arán. Netu tyeety 'ye'ky, es ja Dios dyajmiiñ yu Abraan ma tyadu nax, ma tyam ndsuna'ayam. ⁵ Per kyaj yajmooy ja ñax, ni kujm metru. Per Dios tyukmuwandaku: “Nmeebyuts mij tyadu nax esu m'u'unk m'ok.” Peru Abraan kyajnumu naty ja 'yu'unk, ⁶ es ja Dios 'yanmaayu: “Yu mduum m'aats jap tsyuuunat ma wiink nax, es jap tyuunat muk éxtamu muduumbu, es axuuk jyátat taxk mugo'px jumujt. ⁷ Per ujts nandu'an ndukkumudowaambuys yu tadu naxwiñadu, es óknam pyudsúmdat jap miidsu mduum m'aats es myndin yaa es xy'awdátudats.” ⁸ Dios kyajxy'ajtt mat ja Abraan es t'ujtáky éxtamu ijxwu'amun es ja 'yu'unk yajtsúkat waanu ma ja yedyujk'ajttun*. Paaty ko jyajty naxwiin yu 'yu'unk Isaa, ko tyuktujkxabeyty Abraan tsiiky yu Isaa waanu ma ja yedyujk'ajttun. Es ja Isaa nandu'an ttuun mat ja myaank Jakoob, esu Jakoob nandu'an ttuun mat majmajtsk ja myaanguty, di'ibu tnyump 'yaats ja majmajtskpu israelitu ñaxwiñadu.

⁹ Tyadu Jakoobu myaanguty di'ibu adsajttam n'apteety'ajttam, kyaj ttukmuj'ijxu ja myuga'ax Josee es ttukmude'ky éxtamu muduumbu ma yu Ejiptu ñax. Peru Dios yu'u kywentu'ajtyppyu naty ja Josee, ¹⁰ es dyajpudseemy ma naty 'yity ayo'onóty. Esu Dios tyuun esu Josee 'yagupúkadu ja faraón, Ejiptu ryey. Es ja rey pyujták yu Josee éxtamu gobernador Ejiptu es nandu'an ma ja rey yujk.

¹¹ Net myiñ ja muk yuu, esu muk ayo'on 'yijty ma tugekyu Ejiptu ñax es Kanán, esu n'aptujk'ajttam kyaj t'pattu ti jy'xtap. ¹² Es ko Jakoob tmudoy'ajty ko japu triigu ma Ejiptu, ta tkejy ja myaanguty, adsajttam n'aptujk'ajttam, es t'juyat ja triigu. Net tim jawiiny o'ñujxtu ja n'aptujk'ajttam. ¹³ Es ko myumajtsk ok ñujxtu, netu Josee t'anmaayduu ja myuga'axuty: “Uj Josee, miits xymyuga'ax'ajttap.” Net ja Ejiptu ryey tniija'aju ko yu Josee yu'u israelitu. ¹⁴ Net ja Josee tniigaxu tyeety Jakoob es nidagekyu myugu'uktujk, di'ibu nidagu'px majmóx ja ja'ay wyiinty. ¹⁵ Du'un jyajty ja Jakoob es tsyunaaydyaknbejky jap Ejiptu. Oknam 'ye'ky, es nandu'an 'yo'ktaayduu myaanguty. ¹⁶ Es du'un oj yajmunejy ja Jakoobu ñini'x jap Sikem, es dyajnaxtujku ma ja aank di'ibu Abraan jyuuy ma yu Amooru myaank.

¹⁷ Es kumjéknyam jyata'añty di'ibu Dios tyukmuwandaku Abraan, yu israelitu ja'ayuty tu myayu jap Ejiptu. ¹⁸ Net jap Ejiptu oj ryey'aty di'ibu naty kyaj t'ixy'aty ja Josee. ¹⁹ Tadu rey yajttuun ja axuk winma'añ es muk dyajmuduun nidagekyu ja n'aptujk'ajttam. Es t'anmaay yu u'unktaak u'unkteedyuty ko agwanu ja myaank di'ibu maxu'unk'ajtp, tnika'aktat es 'yooktat. ²⁰ Net ja Moisés jyajty naxwiñ. Es jantsy tsuj ijty ja u'unk, es ja tyeety tyaak pyujku'ku tgyuk po'o. ²¹ Net ko tnikaaktu, ja rey ñuxx dyajpude'ky es dyaj'ye'ky éxtamu 'yu'ungun. ²² Paaty ja Moisés ya'uxpajkudu tugekyu di'ibu ñija'ap Ejiptu. Ja'a ijty muj di'ibu myadyakupy es di'ibu tyiimpy.

²³ Ko tmudajty justyiky jumujt yu Moisés, ta jyunán tku'ixa'añ ja israelitu myugu'uguty. ²⁴ Ko jyajty ja Moisés, ta t'ijxy tu'ugu Ejiptu ja'ay ko axuuk ttuñ tu'ugu israelitu. Net ja Moisés tniwaandúty yu myugu'uk es dya'e'ky ja Ejiptu ja'ay. ²⁵ Es yu Moisés tmawinma'añbyáty ko yu israelitu myugu'uktujk tu t'jagyúkadu ko yu Dios dyajts'o'oga'añ ja israelítaty es t'pajta'aga'añ yu Moisés éxtamu yajmitsókpu. Per yu'ujuty kyaj t'jagyujkudu.

²⁶ Jakumbom ja Moisés t'patty nimajtsk ja israelítaty di'ibu naty jap naydsyi'karp, es ja Moisés dyajkuxáñ ja tsip. Ta t'anmaay: “Miits mnaymyugu'uk'ajttadup. ¿Ti ko mnaydsyiigadu?” ²⁷ Net di'ibu naty jyantsytsyi'kypy tnas'yojkuudu ja Moisés, es t'anmaay: “¿Pán tu mbujta'agyuty éxtamu windsunan o justisan mat uudsuty? ²⁸ ¿Ti xya'oogaambuts, éxtam uxu'uy xya'e'ky ja Ejiptu ja'ay?” ²⁹ Ko tmudooyu tyaadu, netu Moisés kyeky es ñejoy ma Madyanu ñax. Jap tsyunaay éxtamu jagam ja'ay es pyeiky. Net t'pattu majtsk myaank.

* 7:8 IX Lukus 1:59.

³⁰ Ko ñajxy justyikxy jumajt, japu naty muj ittum mywingtonu Sina'ii Kopk, net kyaxe'ky tu'ugu anklus ma tyoy tu'ugu apyñgyery. ³¹ Ko Moisés t'ijxy, ta du'ũũ oj wya'ũũ. Es ko tmawingooñ es t'ijx'oyayãñ, net tmdooy ko Dios 'yanmaayũ: ³² “Ujts Dios di'ĩbu Wyindsũn'ajtypy ja m'aptujk Abraan, Isaa esu Jakooob.” Net ja Moisés tyujku tsuyiĩbyu mdu tsu'ũgu, kyaj ñaydyuk'a'ijxu es t'ixut. ³³ Es ja Dios 'yanmaayũ: “Yajjunák ja mgu'uk mdekyujxjxy, mut ko wa'ats ja it lugaar ma mdanu. ³⁴ Tuts n'ixy wi'ix 'yayowdu ja nja'ayaty jap Ejiptu, es tuts nmduoy jyu'uy ya'axtu. Es paadyuts tu njunaky es nyajtso'oga'añuts. Pes min es ngaxut Ejiptu.”

³⁵ Oyjya'ijxma'tudu Moisés es 'yanmaayudu: “¿Pãn tu mbujta'agyaty éxtamu windsãn o justisun?”; óknuũ Dios kyajxu tyadu Moisés éxtamu windsãn es dyajpudsmat jap Ejiptu, ja anklus di'ĩbu kũx'u'k ma ja apyñgyery tpuujku ja Moisés. ³⁶ Moisés dyajpudseemy jap Ejiptu n'aptujk'ajtum es ttuun yu muj'ajtan esu ijxwu'ũmun jap Ejiptu es ma Tsapts Jikymeyeyũ, es nandu'ũn ko justyikxy jumajtu naty 'yity muj ittum. ³⁷ Tyadu Moisés t'anmaay ja israelítaty: “Dios kyaxaampy tu'uk miĩdsu mmũgu'uk éxtamu kyugajxpu, éxtamts uj tu xkyexy. Es xymyũbũktut yu'ũ.”

³⁸ Esu Esteebu 'yak'anmaayũ:

—Nan ja'a ja Moisés, jamu naty muut ma ja muj it, ma ja anklus myugajxu ma ja Sina'ii Kopk. Ja'a yajmooy ja ayuk di'ĩbu tuknija'ap wi'ix ja jiky'ajtan es dyajnaxut ma udsajtum. ³⁹ Peru n'aptujk'ajtum kyaj tmuũmudowandu ja Moisés, es t'axtjtu es jyajũmbitandu jatugok jap Ejiptu. ⁴⁰ Net t'anmaaydyu ja Arón: “Ndsoktupt es xyajkójut ja ndiũsats di'ĩbu udsaty xywyinyo'oyũdũp. Kyajts nnijáwudu ti jajtu tadu Moisés di'ĩbu tu xyajpudsa'ũmun ma Ejiptu ñax.” ⁴¹ Net ja Arón oj dya'agojwinnáxy tu'ugu tooru'unak ak ooru. Es net dya'o'ktu ja byorreegaty es ttukwindsu'kudu ja tooru'ungu 'yagojwinnáx. Net tmuũtuundu ja xũũ es xyondaktu mut di'ĩbu tu dyajkojtu. ⁴² Net ja Dios ñikákudu yu'ujuty es tmasuttu es t'awdátut ja mũdsa'a di'ĩbu jam tsajpótm. Pes du'ũn éxtam jap 'yity kũxja'ay ma yu Diosu kyugajxpu ñeky:

Miĩts israelítaty, ¿ti ojts xya'ooktu ja mborreegu,

es ojts xytyukwindsu'kudats

ko m'ijty justyikxy jumajt ma ja muj it?

⁴³ Kyaj dyu'ũnuty, mbagũũdyu ja tujk ma 'yity ja Molok di'ĩbu miĩts m'awdajttũp, es nandu'ũn mbagũũdyu ma 'yity ja Renfanu myũdsa'a, di'ĩbu nandu'ũn m'awdajttũp.

Es ja Molok es ja Renfan,

ku'ũm miĩts xya'awingojnajxtu es xy'awdata'andu.

Paadyuts uj miĩts nyajpudsuma'andu ma mgajpnuty es ma mnáxuty,

es ngaxa'añuts éxtamu mduũmbu waanu jagam ma Babiloũn ñax.

⁴⁴ Esu Esteebu 'yajakjunañ:

—Ma ja muj it, jam ja n'aptujk'ajtum tmdajttu tu'ugu wit tsajptujk ma ja Dios t'awdajttu. Dios ja Moisés tyuk'ijxu wi'ix tkójut. ⁴⁵ Es ja n'aptujk'ajtum t'axájudu yu tyadu wit tsajptujk éxtamu kuma'añ. Esu tyadu Joswee es di'ĩbu muut myiĩn, dyajmiĩn ja wit tsajptujk ko Dios dyajpudseemy yaa ja jekyjya'ay es tmooy ja ñax ja israelítaty. Es du'ũn 'yijty ma ja Davitu tiempu. ⁴⁶ Es yu Davit pyat ja may'ajtan Dios wyindum, es 'yamdooy es dyajkójut tu'ugu tujk ma tsyũnũt ja Dios di'ĩbu Jakooob 'yawdajit. ⁴⁷ Per ja Salomonk, Davitu myaank, yu'ũ kyoy ja Diosu tyujk. ⁴⁸ Per kyaj ja Dios Tsajpótmudu tsyũnũn ma ja tsajptujk di'ĩbu ja'ay kyejpy. Éxtum jyunañ ja Diosu kyugajxpu:

⁴⁹ Du'ũn ja Dios jyuna'añ:

“Yu tsajp yu'uts n'ũñaadyakn'ajtypy,

es ja naxwiĩndu yu'ũ madsu ndeky nbujta'aky.

¿Di'ĩbu dũnu tujk mgojãndũp esuts uj jap ndsũnũt,

o ja lugaar mats uj nbo'xut?

⁵⁰ Pes ujts ku'ũm tu nbujta'aky tũgekyu yu'ũ.”

⁵¹ Es ja Esteebu ni'igu t'ak'anmaaydyu:

—Miĩdsaty kyaj 'yóyaty ja mwĩnma'añuty, paaty kyaj xymyudowa'andu. Tuk nax ti'igyuty miĩdsaty mut ja m'aptujkuty, taayam miĩdsaty nandu'ũn xymyudsip'attu ja Espiritu Santu. ⁵² Ja'a ko yu'ujuty 'yaxuktuundu nidagekyu Diosu kyugajxpu es extu dya'o'ktu di'ĩbu jekyũp kyajx ko myina'añ ja di'ĩbu jiky'ajt tũy'ajtan muut. Es ko oj myiĩn, miĩts mgayajktu es 'yoogut. ⁵³ Miĩdsaty di'ĩbu tu t'axájudu ja Diosu 'yana'ũmun di'ĩbu ja'agyujxmu anklus myajmoodyu, kyaj tu xymyũmadowdu!

Esteebu yeeky

⁵⁴ Ko yu di'ĩbu ana'amdũp muj tsajptugóty tmdoodu yu tyadu ayuk, ta jyot'ambujktu es ñaydyutska'tadu ja 'agyujxm ja Esteebu. ⁵⁵ Peru Esteebu, mooyu ja Espiritu Santu ja muk'ajtan

esu winma'āñ es ttun tkajxat di'ibu Dios tsyejpy, es pyat'ijxy jam tsajpótm es t'ijxy ja Diosu myu'ajtn, es ja Jesús tyanu aga'añdsyoo ma Diosun. ⁵⁶ Net 'yanmaayudu ja Esteebu:

—ixtu! N'ijxyppyuts ja tsajp awa'ats, es ja Naxwíñudu ja 'ayudyu Kyudunaabyu pyu'ay aga'añdsyoo ja Dios.

⁵⁷ Es di'ibu ana'amdup muj tsajptugóty t'amajtstu tyatsk kadiibu tnakymyadówdut. Ta yaxkaktu jantys muk es tmudsitso'ondu ni'igu ja Esteebu es dya'ooga'andu. ⁵⁸ Net dyajpudsumdu jap Jerusalén es tkuka'tstu. Es di'ibu tyuundu, ja di'ibu ñi'u'annudu, tkujajktu ja ñikajxyudu wit es ttukkudajkudu tu'ugu aná'k di'ibu xyu'ajtypy Saulu. ⁵⁹ Es ko jam tsaaga'tstu ja Esteebu, net ja Esteebu kyajxta'aky:

—Windsún Jesús, axájuts ja n'anmaja'an.

⁶⁰ Net ñaygyoxtnaaydyáku ja Esteebu es yaxkeky muk:

—Windsún Jesús, katu xpyujta'aky ñikajxm yu tyadu peky.

Es ko da'un jynáñ, net oj 'yo'knu.

8

Saulu trajudity ja mubujkputajk

¹ Es ja Saulu yu'u muut ñaybyujkudu di'ibu ya'o'ku Esteebu.

Nan ja xuu oga'an trajudijttáktu mukta'aky ja mubujkputajkuty di'ibu jap Jerusalén. Es nidugekyu ja mubujkpu pyudsuumdu jap Jerusalén es ñaywya'xtaayudu ma ñáxudyu Judeeu esu Samaaryu. Yu'ayu apóstaluty oj wyu'umdu jap Jerusalén. ² Es nija'ajuty di'ibu Dios 'yawdajttup, dyajnaxtújkudu ja Esteebu es tñijuy tñiyaxtu. ³ Per ja Saulu tradu'udujku ja ja'ayuty nidugekyu di'ibáty ja Jesús pyanujxtup, tujkm tujkm tju'ttu yedyujk toxytyujk, trawjits trajudojttu es tsumdu.

Kristu yajnimadya'aky ma Samaaryu

⁴ Es di'ibáty pudsuumdu jap Jerusalén tkajxwa'xtu ja Diosu 'yayuk es ja ñitsokun oymyaaty ñujxtu. ⁵ Du'una Felipu ttuuñ es ñejxy ma tu'ugu Samaaryu kajpn. Es net dyajtsondáky tkajxwa'xy ko Jesús yu'u Kyrístaty di'ibu Dios tu tkexy. ⁶ Es ja ja'ay ñaymyujkudu nidugekyu, es tmadoo'ijttu yajxón di'ibu ja Felipu kyajxypy, es t'ijxtu nandu'un ja ijxwu'umun di'ibu myudajtypy ja muj'ajtn di'ibu Felipu tyuun. ⁷ Es may ja ka'oybyu t'axkejxy ja Felipu, es ya'axtu ja ka'oybyu ko pyudsemy. Es mayu xux ja'aydyujk es ja tekmya'atru 'yagudaktu. ⁸ Paaty nidugekyu ja'ay ma ja kajpn wyu'umdaaydyu jotkujk.

⁹ Jap tsyunaay tu'ugu yedyujk di'ibu xu'ajtypy Simonk. Es ja'a ijty bruju es twin'uuñ ja ja'ay jap ma tugekyu Samaaryu ñax es t'anuumdu ko yu'u muj 'yity. ¹⁰ Nidugekyu ja'ay muj mutsk tmubajktu es t'anmaaydyu:

—Tyadu Simonk t'ajtn ko Diosu myuk'ajtn tmudaty.

¹¹ Paaty tmubejky ja ja'ayuty ko jeky tu twin'uuñ mat ko byrújuty. ¹² Es ko Felipu tyuk'uxpjku ja oybyu ayuk di'ibu ñigajxypy ja Diosu kyutujkun, es tu tkexy ja Jesús éxtam ja Kristu, net tmubajktu ja ja'ayuty es ñubajttu, yedyujk toxytyujkuty. ¹³ Nandu'unu Simonk tmubejky es ñubejty. Net dyajtsondáky es tjamyudajty ja Felipu. Es ko t'ijxy tyadu ijxwu'umun di'ibu myudajtypy ja muj'ajtn di'ibu tyuun ja Felipu, net du'uuñ wyu'umu ja Simonk.

¹⁴ Ko ja apóstaluty japu naty Jerusalén tmadoodu ko yu Samaaryu ja'ayuty tu tkupáktu ja Diosu 'yayuk, net tkajxtu Peedru es ja Fwank. ¹⁵ Ko jyajttu jap Samaaryu, net kyajxtáktu es t'amdoodu ja Dios es tmo'oyut yu Espírítu Santu di'ibáty myubajktu, ¹⁶ ja'a ko kyajntu naty jya'ty ja Espírítu Santu ma yu'ujuty, je'eyu naty tu ñubattu mat ja Nindsun'ajtam Jesusu xyuu. ¹⁷ Es ko kyajxtaktaaydyu, net ja Peedru esu Fwank tku'unikoonda ja ja'ayuty, es du'un oj t'axájudu ja Espírítu Santu.

¹⁸ Ko ja Simonk t'ijxy ko ja Espírítu Santu tu myiñ ko ja apóstaluty tku'unikoonda ja ja'ayuty, net t'awa'ana meñ, ¹⁹ es t'anmaay:

—Meegyuts uj nandu'unu tadu muk'ajtn, es kots uj ngu'unikónudats ja ja'ayuty oytyim pánaty, 'yaxájudup ja Espírítu Santu.

²⁰ Net ja Peedru 'yanmaay:

—Oyu tadu mmeñ tyimtgóyut mat mij. ¿Tii mjunaamp xytyijy ko di'ibu Dios ñayajkypy, mbaat xytyijy yajty mat ja meñ? ²¹ Kyaj mbaat xytyuñ mat udsaty ja Diosu tyuunk, ja'a ko mwinma'āñ kaj wya'adsuty mudu Dios. ²² Mastu'udu tadu m'axuk winma'āñ. Mynu'xta'agu Dios es mbojuma'xadut. ²³ Nnija'abats ko naywyinnaxu xyjawa es ja peky mya'ijttup éxtamxyup tsimy m'ity.

²⁴ Net ja Simonk 'yadsooy:

—Mynu'xta'áktu miidsudy Nindsun'ajtam Jesús es kyajts uj du'un njátut éxtam tu mjana'āñ.

²⁵ Ko Peedru es ja Fwank t'awa'anudu yu Nindsun'ajtam Jesusu 'yaxpukun, net tkajxwa'xtu ja oybyu ayuk ma mayu samaritanu kajpn. Oknum jymbijttu Jerusalen jatugok.

Felipu esu Etyopiū ja'ay

²⁶ Es ko 'yijtyu tyaadu, tu'ugu Diosu 'yanklas myiū ma Felipu es 'yanmaayu:

—Pudsam yaa. Nūjx ma mūj tu'u kujunak di'ibu nūjxp Jerusalen extu ma Gazu kajpn es ņaxy ma ja mūj it.

²⁷ Felipu tsoyo'ou es ņejxy. Es jap ptraty tu'ugu yedyujk, Etyopiū ja'ay. Ja'a ijtp tesoreeru ma ja toxytyujk Kandasu, Etyopiū reynu. Tu 'yotsy jap Jerusalen es t'awdaty ja Dios.

²⁸ Jymbijnubu naty ma ja kyajpn, ttuk'u'uū ja kyarru es t'ixy ja Diosu kyugajxpu Isaiū ņeky.

²⁹ Net ja Espiritu Santu 'yanmaayu ja Felipu:

—Mūwingon es naybyaadudu mudu tadu karru.

³⁰ Es ko tmawingooņ ja Felipu, net tmadooy ko tkajxy ja tesoreeru ja Isaiū ņeky. Esu Felipu dyajtuuy:

—ņTi mnija'ap di'ibu jam mgajxyruu?

³¹ Es ja tesoreeru 'yadsooy:

—ņWi'ixuts nnijáwat pun kyajts pūn xy'awanu?

Es t'amdooy ja Felipu es pyátut ma jam 'yu'uū. ³² Ma jamu jaaybyajtan di'ibu naty kyajxyru, ja ijty yu tyaadu:

Oj tmonejxy ma 'ye'ky éxtum ja borreegun.

Es du'an éxtum ja borreegu ko ja'ay tnikeepy wye'emy uum,

nan kyaj oj ja 'yaa dyajwa'xy.

³³ Es ma 'yayo'on'ajty,

kyaj yajtuū ja ja'ay tūy'ajtan maat.

ņEs pūn mbaat jyun'a'ān ko yu'u ttuump t'aadsuty?,

ja'a ko ja jyiky'ajtan oj yajpukū yā naxwiū.

³⁴ Net ja tesoreeru dyajtuuy ja Felipu:

—Anmaagyats, tunu may'ajtan, ņpūnu du'an ņimadyakypy yu Diosu kyugajxpu? ņYu'u ku'um nayņimadyakur, o wiink ja'ayu?

³⁵ Net ja Felipu tmadyaage'ky ja jaaybyajtan di'ibu tu tkajxy, es t'awa'anu ja oybyu ayuk di'ibu Jesus ņigajxyru. ³⁶ Es ko ņajxtu ma tu'ugu nuu, ta ja tesoreeru jyunāņ:

—Yaa ta ja nuu. ņKyajts mbaat xyajnubétyu?

³⁷ Es ja Felipu 'yadsooy:

—Pūn mmaabekypy mat winu mjot, mbaat.

Es ja tesoreeru 'yadsooy:

—Nmabekypyats ko yu Jesukristu yu'ujaty ja Diosu 'yU'unk.

³⁸ Net t'anmaay es dyajwa'k'awut ja kyarru. Ta jyunajktu nimajtsk ma ja nuu. Ta ja Felipu dyajnubejty ja tesoreeru. ³⁹ Ko pyudsuumdu ma ja nuu, yu Nindsun'ajtamu Jy'ajun yu'u myunūjx ja Felipu, es ja tesoreeru kyaj ņaky'ijxu. Ta ja tyu'u dyaj'yo'oyū jantsy xondakp.

⁴⁰ Es ja Felipu jyajty ma Azotu kajpn, es ņajxy kajpngajpn es tkajxwa'xy ja oybyu ayuk, ja nitsokun di'ibu Jesus yajmiimpy, extu ko jyajty Sesareu kajpn.

9

Saulu jyodambity

¹ Ja Saulu kyaj tmastu'uty es tkajxykyopk'átut ma ja ja'ay di'ibáty 'yaxájuda ja Jesus éxtum ja Kristu. Paaty oj ņejxy ma ja teedywyindsungórk, ² es t'amdooy yu ņeky es ņūjxa'ān ma ja tsajptujk jap Damasku, es t'uxta'aya'ān ja ja'ay, yedyujk toxytyujkuty, di'ibu pyanujxtap ja Jesus éxtum ja Kristu, es tsumā'ān es dyajmina'ān Jerusalen. ³ Es ko ņejxyu naty tu'am, timjā'tánubu naty Damasku kajpnóty, net oj ņimíñuty muk tu'ugu jajun di'ibu tso'omp tsajpótū es jya'ty ma yu'u. ⁴ Net ja Saulu kyadaay naxkūjxy, es tmadooy ko yajmūgajxy:

—Saulu, Saulu, ņti kots xypyajudity?

⁵ Net ja Saulu dyajtuuy:

—ņMbūn mijts, Windsūn?

Es 'yadsooyu:

—ņjtsuts Jesus di'ibu mij mbajudijtyru. Ku'um mnayyajtsayūtyuty éxtumu yuubū ko tnepy yu kepyjyujptsétsy. ⁶ Pudu'uk. Nūjx kajpnóty. Jap mya'anuumat ti mdūnup.

⁷ Es ja yedyujkuty di'ibu mudu naty jyudity ja Saulu, du'ūñ wyu'amadyaaydyu ko tmadoodu tu'uk kyajxy es kyaj pūn t'ijxy. ⁸ Net ja Saulu pyude'ky naxkūjxy, per ko oj 'yijxwa'xy, kyaj mbaat 'yok'ijxnu. Es du'ūñ oj myunūjxudu witsy jap Damasku. ⁹ Es jap 'yijty tugak xuu wiints, es kyaj kyay 'yiiky.

¹⁰ Jap Damasku tsunaay tu'ugu ja'ay di'ibu xyu'ajt Ananius, di'ibu pyaduun ja Jesús. Ta ja Jesús 'yanmaay ijxma'tungyujxm:

—Ananius!

Ta 'yadsooy ja Ananius:

—Nindsun'ajtam, tyajats.

¹¹ Net ja Jesús 'yanmaay:

—Nujx ma tu'u di'ibu xyu'ajtypy Taydyu'u. Ma Juudasu tyujk xyajtawut tu'ugu yedyujk, Tarsu ja'ay di'ibu xyu'ajtypy Saulu. Kajxtákr yu'u. ¹² Tuts nduk'ixy ijxma'tungyujxm ko mij mduku ma 'yity es xykyu'unikóñ. Ta 'yixpejky jatugok.

¹³ Es ko tmadooy tyaadu, net ja Ananius 'yadsooy:

—Per Windsán, may ja ja'ay tu xy'anumuts wi'ix tu ttuñ axuak di'ibu mij mja'ay'ajttap Jerusalén. ¹⁴ Es tyam myiñ yaa nandu'un mut ja ñeky di'ibu tu myo'oyuty yu teedy-wyindsánuty, es tsuma'añ tmatsa'añ yu ja'ay nidagekyu di'ibu yaa m'awdajttap.

¹⁵ Jesús 'yanmaay:

—Nujx, ja'a ko tuts nwin'ixy yu ja'ay es yu'uts ngaxaampy es tkajxwa'xut ujtsu nja'a ma wiinkru naxwíñudu, ma ryéyuty, es nandu'un ma israelitu ja'ayuty. ¹⁶ Es nduk'ixuaps wi'ix muk 'yayówut ujtskyujxm.

¹⁷ Net ñejxy ja Ananius es tyujku tugoty ma 'yity ja Saulu, es tku'unikooñ es t'anmaay:

—Mágu'uk Saulu, yu'uts xykyajxp ja Nindsun'ajtam Jesús di'ibu kuxu'k jap tu'ajp ma naty mmiñ. Xykyéyuts es m'ijxwa'xut jatugok es ja Espiritu Santu mmo'oyudut ja muk'ajtan esu winma'añ es xytyun xykyajxat di'ibu Dios tsyeyjy.

¹⁸ Netu o j kya'ay Saulu wyiinóty éxtamu ajkx nimeeñ, es 'yixpejky jatugok. Net ja Saulu oj ñubety. ¹⁹ Ta kyaay 'yiky es trejky ja myujaa jatugok, es oj 'yakwu'amu waanu mudu Jesusu 'yuxrujkrú di'ibu tsunaaydyap Damasku.

Saulu tkajxwa'xy ja Diosu 'yayuk jap Damasku

²⁰ Net ja Saulu dyajtsondáky tkajxwa'xy ma ja israelítudy tsyajtájk ko Jesús yu'u Dios ja 'yU'unk, ja Kristu. ²¹ Nidagekyu ja'ay di'ibu myudoodu, net du'añu wyu'umadyaadyu, es ñay'anmaayudu:

—¿Tii kyaju tyaadu yu'ujuty ja ja'ay di'ibu pyajudijt es tmajtsy ja ja'ay di'ibu myujja'ap ja Jesús jap Jerusalén? ¿Tii kyaj tyaadu yu'udyu di'ibu yaa tu jya'ty es tmástat pánuty kyupujktap ja Jesusu 'yuxrujkan es dyajnujxtat ma ja teedywyindsánuty?

²² Esu Saulu tkajxwa'xy mut waanu ni'igu ja muk'ajtan es dya'ixuty ko Jesús yu'u Kristu. Es kyaj tmawinma'añbyaattu wi'ix 'yadsoojambittut ja israelítuty di'ibu tsunaaydyap Damasku.

Saulu kye'eky

²³ Es ko jeky 'yijty, net ja israelítuty ñaygyajxudu es dya'ooga'andu Saulu, ²⁴ per ja Saulu ya'awa'anu. Xunñ koots ja israelítuty 'yadunaay ma kyajpndáku es dya'ooga'andu, ²⁵ per ja mubujkrutájk trujtáktu ma tu'ugu muj katsy es dyajnujktu mut ja tejxyñ, tkutuyñajxtu koots ma ja kajpn nabots. Es du'un dyajkáktu Saulu.

Saulu jya'ty Jerusalén

²⁶ Ko Saulu jyajty Jerusalén, net ñaybyuwa'ku mut ja di'ibu Jesús 'yawdajttap. Per ja ja'ay di'ibu jap ijttap, tsu'kudu es wyinmaaydyu ko Saulu nugoo 'yanda'aky ko tu tmubeky ja Jesús. ²⁷ Per ja Bernabee yu'u oj dyajnejxy es tku'yajky ma ja apóstaluty es tmadyaky wi'ix yu Saulu tu t'ixy ja Jesús tu'aay es wi'ixu 'yanmaay. Nandu'un tmadyaky wi'ix ja Saulu tkajxwa'xy muk aa muk jot jap Damasku ko Jesús yu'u Kyrístuty. ²⁸ Net ja Saulu oj wye'emy mut yu'ujuty, es ja'a maat ñaxy tyaku Jerusalén, ²⁹ es myadya'áktu es ñaygyajxysyigudu mut ja israelítuty di'ibu kajxp grieege. Per tadu ja'ayuty ya'oogándap ja Saulu. ³⁰ Es ko ja Saulu ja myugu'uktájk tnija'adu, net tmunujxtu ma Sesaree kajpn. Ko jap tsoyo'ón, ta ñujxnu ma kyagajpnuty jap Tarsu.

³¹ Agujk jotkujk tsunaaydyu ja mubujkrutájk jam Judee ñaaxóty, Galilee es Samaaryu, es myujwiinudu ja myubujkan. Du'añam ja Nindsun'ajtam twindsu'ugudu, es mut ja Espiritu Santu pyudujkan ñimay'adu'tstus.

Eneeus 'yaguda'aky

³² Es ko Peedru tku'ijxy ja myumubujkruty, nandu'un oj ñejxy ma Liidu kajpn tku'ixa'añ di'ibu Dios jya'ay'ajttap jap. ³³ Es traty tu'ugu yedyujk di'ibu xyu'ajtypy Eneeus, di'ibu naty tu kyo'knaayñu tuktujk jumujt es tu 'yijnu xux. ³⁴ Esu Peedru 'yanmaay:

—Eneeus, Jesukristu mya'agudákrup. Pudu'uk. Winya'abu mmabajn.

Net ja Eneeus pyude'ky ko ya'anmaay. ³⁵ Es nidagekyu ja'ayuty di'ibu tsunaaydyap Liidu es Sarón t'ijxtaadyu ko 'yaguda'aky ja Eneeus. Ta tmastutta ja jyeky winma'añuty, es tranujxtu ja Jesusu 'yuxrujkan.

Dorkus jyikyppyeky

³⁶ Mā ja Jope kajpn, jāa tu'ugu toxytyujk tsynaay di'ibū Jesús 'yawdajtypy. Ja'a xyu'ajtypy Tabitū, di'ibū ayuk wimbudsūmp grieeḡ Dorkus. Tyādū toxytyujk tim tuump yajxon es tpuḡuku ja ja'ay di'ibū ayoodap. ³⁷ Net pya'ambejty ja Dorkus es 'ye'ky. Net yajpujy ja ņini'x es tpujākū mā tu'ugu kwartū tuk niku'aybyū. ³⁸ Jope yu'u myuwingón ja Liidū. Es ja'a ko di'ibū 'yawdajtup ja Jesús tñijāwadu ko Peedru naty 'yity Liidū, net tkajxtū majtsku myugu'uk es t'anmādat ja Peedru:

—Jottūgoy, jo'om Jope.

³⁹ Net ja Peedru oj ņejxy mut ja ja'ayaty. Es ko jyajty, ta yajmnejxy mā ja kwartū mā 'yity ja o'kpu Dorkus. Es nidugekyu ku'ekytyo'oxyaty jyu'uy ya'axtu, es ttuk'ijxtū Peedru ja witu jembyu esū wiingátyryū wit di'ibū Dorkus yajkojy ko jyiky'ajty. ⁴⁰ Net ja Peedru t'anmāay yu ja'ay es pyudsūmda'ayāt nidugekyu. Net ja Peedru ņaygyoxtnāaydyāku es kyajxtākū, tñaxmā'ijxu ja o'kpu Dorkus es t'anmāay:

—Tabitū, pūdu'uk.

Net ja Dorkus dyajwa'xy ja wyiin. Es ko t'ijxy ja Peedru, ta wya'tskujku. ⁴¹ Net ja Peedru tmajtsy kyū'ugajxy es dyajpude'ky. Net tmugajxy ja Dorkus myugu'uk esū ku'ekytyo'oxyaty, es ttukkūdujku jūiky. ⁴² Es nidugekyu ja'ay tñija'adyaaydyū jap Jope ko Dorkus tū jyikyppyeky, es may tmūbjktū ja Jesús éxtam Wyindsán. ⁴³ Peedru oj wye'emy kanak xū Jope mā ja po'ogo'tspu Simongu tyujk.

10

Peedru esū Kornelyu

¹ Jap Sesareeū kajpnōty tsynaay tu'ugu yedyujk di'ibū xyu'ajt Kornelyu. Ja'a ijty soldaādu windsán mā ja Batayonk Italyanu. ² Pes ja Kornelyu es pānuty mūt tsynaaydyap mā jyuun tyujk, ti'igyu t'awdattu Dios es twindsū'ugūdu. Nandu'an tmooy ni'igu limosnū es tpuḡuku ja israelīfaty, es du'ūñam t'awdaty ja Dios. ³ Tu'ugu xū, éxtam tūgak yaxpūn, net t'ijxy jantsy wā'ats ijmā'tangyajxm tu'ugu Diosū 'yanklus tyuku mā yu'u naty es 'yanmāayū:

—jKornelyu!

⁴ Es ja Kornelyu t'ixy ja anklus mut ja tsu'ugu. Net dyajtuay:

—Anmaagyats, Windsán. ĺTi mdsejpy?

Net ja anklus 'yanmāayū:

—Dios tu tmūdooy ko mgajxta'aky es ņija'ap wi'ix xpyudūku ja ja'ay di'ibū tūgoy'ajtxp.

⁵ Kax ja ja'ay jap Jope es yajwōwat ja ja'ay di'ibū xyu'ajtypy Simonk, di'ibū nandu'an xyu'ajtp Peedru. ⁶ Jap tsuūnu ja myuxū Simonk, po'ogo'tspu di'ibū tsūnaapy mejyūbyu'āay.

⁷ Ko ja anklus oj ņijxū, net ja Kornelyu tmugajxy majtsku tyuumba es tu'ugu syoldaādu di'ibū tyukmajotkujk'ajtypy otyyiety es y'awdajtypy ja Dios. ⁸ Ko ttukmūmadyaktaay, net tñigajxu Peedru jap Jope.

⁹ Jakumbom nidūgūnk tyu'uyo'odyu. Ko kyijkyxū'ajpn, tmūwingoonnū Jope kajpn, net ja Peedru pyejty tujk nikūjxy es kyajxtā'aga'añ. ¹⁰ Es nūgoo naty 'yok'yu'o'kūnū, abātūpnū naty ja kyaaky tyojx es kyaya'añ, net ja Dios ttuk'ijxy ja Peedru ¹¹ ko ja tsajp 'yawa'atsy es ko kyūda'aky naxwiiñ di'ibū kuxū'kp éxtam tu'ugu māj wit 'yamajts'ity taxk eskinū. ¹² Japu natyū may juyujk di'ibū taxkū tyeky, di'ibū kaagudijtp esū tsā'añ. ¹³ Netū Peedru tmūdooy kyajxy tsajwīnm, es 'yanmāayū:

—Pūdu'uk, Peedru. Ya'ook es xytsyu'udsat.

¹⁴ Esū Peedru 'yadsooy:

—Kyaj Windsán. Kyajts nje'xyūñam di'ibū ja'ay ya'axū'kup o yajpekykyā'ap.

¹⁵ Net jatūgok tmūdooy tsajwīnm kyajxy, es 'yanmāayū:

—Di'ibū Dios tu dyajwa'atsy, katū mij xy'andijy di'ibū ya'axū'kup o yajpekykyā'ap.

¹⁶ Ja'a jyajtu tūgak ok, es net jatūgok jyūmbijty di'ibū kuxū'k éxtam ja māj wit tsajwīnm.

¹⁷ Ta ja Peedru jyotmay'e'ky ti myadyakypū tyādū ijmā'tūn. Net jyajtu ja Kornelyu ja jya'ayaty mā ja Simongu tyujk āā, es dyajtuūdu pūn yu'u tyujk. ¹⁸ Net dyajtuūdu:

—ĺJapu Simonk, di'ibū nandu'an xyu'ajtp Peedru, mā tyādū tujku?

¹⁹ Es ja Peedru tamū naty tujkkūjxm jyotmay'eeky ko ti 'yandijpy di'ibū tu t'ixyū naty. Es ja Espiritū Santū 'yanmāayū:

—Ta ja'ay nidūgūnk m'ūxtā'ayaty. ²⁰ Pūdu'uk, jūnak es nūjx mādū tadū ja'ayaty. Kyaj xyjūppjāwat. ĺjts tu ngexy.

²¹ Net ja Peedru jyanajky mā naty jap 'yawixyaty ja Kornelyu ja jya'ayaty, es t'anmāay:

—ĺjtsū du'an di'ibū m'ūxtāaydyap. ĺTi mnimiindap?

²² Ta 'yadsoodu:

—Yu'uts xykyajxp ja soldaādu windsán Kornelyu, tu'ugu yedyujk di'ibū jiky'ajtp tūy'ajtūn mūt es di'ibū wyindsū'kup ja Dios, es tsojkūdap nidugekyu ja israelīfaty. Es tu'ugu Diosū

'yanklas 'yanmaāyū es mij myajwōwūt es mnūjxat mā ja Kornelyū tyūjk. Es ja Kornelyū tmūdowā'añ di'ibū mij mgajxyry.

²³ Net ja Peedru dyajtuju, es wye'emy mat yu'u tuk tsuu. Ta jakumbom ja Peedru jyamyudajtu da ja Jope ja 'ayuty di'ibū 'yawdajttap ja Jesūs.

²⁴ Ta jakumbom jyjattū jap Sesareea mā ja Kornelyū 'yawixyuty mat ja myūgu'uktūjk esy myatnaymyaayūbuty di'ibū tu twoy. ²⁵ Ko Peedru jyjaty mā ja Kornelyū tyūjk, net pyudseemy ja Kornelyū. Ta űaygyoxtnaaydyākū Peedru wyinduuy es twindsū'ugyaya'añ.

²⁶ Ta Peedru wujtsu'ku, es 'yanmaāyū:

—Tanū. űj nandu'anūts nja'ayuty ěxtam mijūn.

²⁷ Es tmūgajxy tyūjkūdu tūgoty. Jap tpaty ja Peedru mayjya'ay tu űaymyūkyuty. ²⁸ Net ja Peedru jyūnāñ:

—Miits mnija'adūp ko yū israelitūty jyūnā'andū ko pyekykya'at ja israelitu ja'ayuty ko űaymyūkadūt mat ja wiink ja'ayuty o tyūkat mā wiink ja'ayū tyūjk. Peru Dios tūts xytyuknijawū kyajts njūnā'anat ko 'yaxakja'ayuty pūn. ²⁹ Paaty kots oj xywyowdu, nētyuts mbadso'ōñ, ni wi'ixūts nga'anmaāy. Tyam awā'anūgūts tits ko oj tu xywyoy.

³⁰ Net ja Kornelyū 'yadsooy:

—Tyam myajtaxkxūp, ěxtamū tyādū oorū, tyāadsū naty űj nidūgōtyuts n'ayu'aty es ngajxta'agyuts. Net kyuxe'ky tu'ugu yedyūjk es ja wyit jandys tu'xp. ³¹ Nētūts xy'anmaāy: “Kornelyū, Dios tu tmūdoy ko mgajxta'aky es űija'ap wi'ix tu xpyyudūku di'ibāty tūgoy'ajtxudūp. ³² Nigaxū jap Jope tadū ja'ay di'ibū xyū'ajtypy Simonk, di'ibū nandu'an xyū'ajtp Peedru. Jap 'lyity mā po'ogo'tsprū Simonk di'ibū tsūnaapy mejyűbye'aay.” ³³ Nētyuts mij nniigajxū es mya'xta'ayut, es tu xytyūñū may'ajtan es tu mmiñ. Paaty nidūgekyū n'ijtam tyam mā ja Dios, es nmūdowā'añūts di'ibū Nindsūn'ajtam tu tkexy es xy'awānūdūts.

³⁴ Net ja Peedru t'anmaāy:

—Tyāmūts njaygyūku ko tūy'ajtan ja Dios nidūgekyū ja'ay ttsojktā'ay, ³⁵ es tkupūjktā'ay oytyun pūn ja'ayuty di'ibū windsū'kadūp es tmūdūñ. ³⁶ Dios t'anmaāy ja israelitu ja'ay es t'awa'anū ja ayuk di'ibū yajjotkujk'ātūdūp Jesukristūkyūjxm, di'ibū tūgekyū űiwindsūn'ajttaapy. ³⁷ Miits mnija'adūp nandu'an di'ibū tu tyūñ tu jyātyuty mā ja israelitūdyū űax, tsyondaky Galileea ko tu Fwank tkajxwa'xy es űūbātū ja ja'ayuty. ³⁸ Mnija'adūp nandu'an ko Dios yu'u mooy ja Jesūs nazarenu ja myak'ajtan es ja Espiritū Santū. Es ja Jesūs ttuūñ yajxōn es dya'agūdaky nidūgekyū di'ibū mat ja mūjku'ugōpk ja myak'ajtan 'yayoodūp. Tyāādū Jesūs tyuun mat ko Dios mūnt 'yity. ³⁹ Es űūdsuty, apōstulaty, testiūgūts nidūgēkyūty di'ibū Jesūs tyuun mā ja Judeea űax es nandu'an mā ja Jerusalēn kajpn. Oknūm dya'ō'ktū, tkūdūnydyū kruuzkūjxy. ⁴⁰ Peru Dios yu'u yajjikypūyjk ko tyugakxūbejty, es dyajkxūe'ky mā űūdsuty. ⁴¹ Kyaj kyuxe'ky ja Jesūs mā ja'ay nidūgekyū, je'eyū kyuxe'ky mā űūdsuty di'ibū Dios xywyin'ijxtūts jayūjp ěxtamū testiūgū. űūdsuty kāy űktūpts mat ja Jesūs ko Dios tu dyajjikypūyēky. ⁴² Esū Dios tu xykyéxyuts esūts ngajxwā'xut mat ja ja'ayuty es n'awānūdūts ko Dios tūy'ajtan tu tūjta'aky ja Jesūs ěxtamū fwezan mat ja jūkyppū es mat ja eekyppū. ⁴³ Nandu'an jēkyūp nidūgekyū Diosū kyugajxpu tmūgajxtū ja Jesūs, es t'anmaāydyū ko nidūgekyū di'ibū myūbūjktūp es t'axājūdu Jesūs, yu'u yajma'xtūp ja pyojpū.

Espiritū Santū myiñ mā di'ibū kyaj 'yisraelitūty

⁴⁴ Peedru tambāādū naty kyajxy ko ja Espiritū Santū myiñ mā nidūgekyū di'ibū myūdoo'ijttap ěxtamū Peedru jyūnā'añ. ⁴⁵ Net ja israelitūty di'ibū myūbūjktū Jesūs es mat ja Peedru myiñdu, dū'añū wyū'ūmūdyaydyū ko Dios tkexy ja Espiritū Santū nandu'an mā ja'ay di'ibū kyaj 'yisraelitūty, ⁴⁶ ja'a ko tmūdooy ja ja'ay kyajxtū wiingāty ja ayuk es t'awdaty ja Dios. ⁴⁷ Net ja Peedru jyūnāñ:

—Mūgu'uktūjk, űpūn nidū'uguty miidsuty kyaj ttseky esū tyādū ja'ay űūbātū?, ja'a ko Dios tu tkexy ja Espiritū Santū mā yu'ūjaty ěxtam nandu'an űūdsajtam.

⁴⁸ Net ja Peedru 'yanmaāyū es űūbātū mat ja Jesukristū xyūgyūjxm. Ko űūbejty, net ja Peedru t'anmaāydyū es 'yakwā'ūmat majtsk tūgūk xūū mat yu'ūjaty.

11

Peedru t'awanū ti ko űējxy mā kyaj 'yisraelitūty

¹ Es ja apōstulaty es ja myūgu'ugaty di'ibū jap Judeea myūbūjktū Jesūs, tmūdooū ko nandu'an yū Sesareea ja'ayuty di'ibū kyaj 'yisraelitūty tkupūjktū Diosū 'yayuk. ² Es ko Peedru jyūmbijty jap Jerusalēn, ja israelitūty di'ibū pyaduundap ja tsiky'ajtan es tmūbūktū Jesūs, net oj t'oodū Peedru dū'añ:

³—űTi ko oj tu xykyū'ixy di'ibū kyaj 'yisraelitūty, es tu xymyūtkay?

⁴Net ja Peedru tmadyaky extū mā tsyondaky tūgekyū di'ibū naty tu jyātyuty, es t'anmaāy:

⁵—űj tāpūdsū naty mā Jope kajpn. Es kodsū naty ngajxta'aky, nētūts n'ijxy tu'ugu ijxma'tūn. Es dū'añūts n'ijxy ěxtam tu'ugu mūj wit kyūda'aky tsajwinm, yajmajts'ity taxk

eskinu es jyaity mađsu naty ngajxta'aky. ⁶ Es kots n'ijxy yajxon ti naty jap ma witan, nėtus n'ijxy ja juyjk di'ibu taxku tyeky, tsa'añ es di'ibu kaagdijtp. ⁷ Es nmudooyts kyajxy tsajwinn, es xy'anannmuts: "Pudu'uk, Peedru. Ya'ook es xytsyu'udsut." ⁸ Es njanāñuts: "Kyaj Windsun. Kyajts nje'xyñam di'ibu ya'axu'kup o ja'ay yajpekykya'ap." ⁹ Nėtats xymyugajxy tsajwinn, es xy'anannmuts jatogok: "Di'ibu Dios ta dyajwa'atsy, katu mij xy'andijut di'ibu ya'axu'kup o yajpekykya'ap." ¹⁰ Tuguk okuts oj xymyugajxy, es jyumbijty pyatujku tsajwinn ja muj wit. ¹¹ Mađsu taadu n'ijxy, net jyaity nidugugy kugajxytu mađsu naty njajtta'aky. Ja ja'ay jap tso'oñ Sesaree es xyñiimiñuts. ¹² Nėtats ja Espiritu Santu xykyeje xy mut ja ja'ayty esuts xy'anmaay ko ni wi'ixuts ngawinmāyut kots nganujxt. Es nandu'un oj ñeje xy mut ej nidudujk yu nmugu'ugats. Nidugekyuts ndujkadyaadyu ma ja ja'ay tyujk. ¹³ Net ja Kornelyu xytyukmamadyakuts ko kyaxe'ky tu'ugu anklus ko ta naty tyanu es 'yanmaay: "Kax ja ja'ay jap Jope es xywyowut ja Simonk, di'ibu nandu'un xy'ajtp Peedru, ¹⁴ es yu'u m'anannmadup wi'ix mnitso'ogut, mij mut nidugekyu di'ibaty tsynaadyu ma ja mjuun mdujk."

¹⁵ 'Kots nyajtsondaky nmugajxyuts, ja Espiritu Santu net myiñ ma naty jam 'yity ja ja'ayty. Extu udsajtam oj n'axajam jawyiin, nandu'un yu'u oj t'axajadu. ¹⁶ Nėtats njamejtsy extamsu naty yu Nindsun'ajtam Jesus ta xy'anannm: "Tuy'ajtam ko Fwank yu'u mut ja nuu yajnabejty, per miits mnubattat mat ja Espiritu Santu." ¹⁷ Es pun yajk ja Dios nandu'un yu Espiritu Santu mut yu'ujty, extam udsajtam ko nmubujkam ja Nindsun'ajtam Jesukristu, ĉpūñuts ej esats ndsiptūnt mādū Dios?

¹⁸ Es ko ja myugu'uktujk jam Jerusalen tmūdodu tyadu ayuk, net 'yamoondaadyu es t'awdajttu ja Dios, es jyananda:

—Tuy'ajtam ko Dios tu dyaky nandu'un mut di'ibu kyaj 'yisraelituty es dyajtagatstat ja wyinma'añ es yajrojpmā'xut es jyiky'attat winu xuu winu tiempu.

Kristu yajmabėky jap Antyokiū

¹⁹ Net di'ibu ya'o'ktu Esteebu trajudijttu nandu'un nidugekyu di'ibu 'yaxajmadup ja Jesus extamu Kristu. Es nija'ajty di'ibu kaktu jyajttu Fenisyu, Tsyipre es Antyokiū. Jap oj tkajxwa'xy ja Diosu kyajxy mut ja israelituty je'eyu es kyaj mut ja wiink ja'ayty. ²⁰ Per nija'ajty di'ibu myubujk es di'ibu tso'ondū Tsyipre es Sirene, jyajttu ma Antyokiū kajpn es tmugajxtu nandu'un di'ibu kyaj 'yisraelituty, es dyajky ja ayuk ko yu Nindsun'ajtam Jesus yajnitso'ogudup. ²¹ Es ja Jesusu myuk'ajtan pyudujku yu'ujty. Es may ja ja'ay tmastuttu ja jyekwyinma'añuty es tmubujktu Jesus.

²² Ko tyadu ayuk tmūdodu di'ibu jap Jerusalen myubujktu, net tkajxtu Bernabee jam Antyokiū. ²³ Ko jyajty ja Bernabee, net t'ijxy extam ja Dios tu kyuni'xyuty, es jyantsyxyondaky es myooyu kajxwijn es mut ja 'yoyjyot tranujxtat ja Jesus. ²⁴ Ja Bernabee oyyja'ay es mādū Espiritu Santu, tranejxy ja Jesus. Es da'un ja Bernabee ttukpanejxy ja Jesus ja mayjya'ay.

²⁵ Ko tiempu ñaxy, net ja Bernabee oj ñeje ty'uxta'aya'añ ja Saulu jap Tarsu. ²⁶ Es ko tpaty, ta tmanejxy Antyokiū. Jap oj wuy'umdu Bernabee es ja Saulu tuk jumajt, dya'uxrajktu mayjya'ay es t'axajut ja Jesus. Jap Antyokiū tim jaywip tmooy ja xyuu kristyanu pūñuty myubujktup ja Kristu.

²⁷ Ma tadu tiempu tso'ondū nija'ajty ja Diosu kyugajxpu jap Jerusalen es jyajptaktu Antyokiū. ²⁸ Nidu'uk txu'aty Agaabu. Es ko ja mubujkputujk ñaymyujkudu Antyokiū, net jyanāñ yu Agaabu, extam yu Espiritu Santu tu 'yanu'umxuty, ko myina'añ ja muk yuu ma tugekyu naxwinnadu. Es tuy'ajtam jyajty ko Klaudyu tnigopk'ajty ja kutujkan. ²⁹ Net ja mubujkputujk di'ibu Antyokiū ttuknibujtākudu es ttuknigaxa'andu ja naybyuduku ja myugu'uktujk di'ibu jap Judee tsynaadyu, es tkaxut nu'un mbaat nidu'uk nidu'uk ti tmadaty. ³⁰ Es da'un ttuundu, ja Bernabee mādū Saulu tmunujxtu ja pudujkan, es tmooydu ja mājja'aydyujk jam Judee.

12

Santya'agu 'yeeky esu Peedru yajtsĩmy

¹ Es ma tadu tiempu yu Eroodus di'ibu rey'ajt Judee, tpadso'oñ es tmatsāñ pūnaty myubujktup ja Jesus extamu Kristu, ² es dya'e'ky mut ja espaadu yu Santya'agu, Fwangu myuga'ax. ³ Ko t'ijxy es tsojktu ja israelituty, net t'ane'emy es yajtsūmat ja Peedru nandu'un. Tyadu jyajtu ma ja pasku xuu, ma ja tsajkaaky yajkay di'ibu kyaj tmadaty ja lewaduuru. ⁴ Ko yajmajtsy ja Peedru, net yajpajtaky pujxndugoty es kywentu'atuty tyax peky ja soldaadaty. Ja wyinuty nidugekyu nimajmólku tu'uk di'ibu kwentu'ajtudup majtaxkáty. Eroodus yu'u jyuudaampy ja Peedru ko ja pasku xuu ñaxut. ⁵ Es du'un ja Peedru 'yijty pujxndugoty jantsykywentu'aty, per ja mubujkputujk jyantsykyajxtaktu es ja Dios dyajts'o'ogut ja Peedru.

Peedru pūndsemy pujxndugoty

⁶ Es ja ux ko kyajnamu naty xuuñu ma ja Eroodus dyajpudsum'añ ja Peedru mayjya'ay wyinduuy es dya'ooga'añ, tap 'yity ja Peedru kawuñi mat ja kadenu ma nimajtsku soldaadu, es jamajtsk jap pujndujk agu'p tkwentu'aty. ⁷ Net ti'in tu'ugu Diosu 'yanklus kyudaky ma ja pujndujk, es jyantsyukjajutyay. Net ja anklus oj tity'i'xy ja Peedru ma kyejky es oj dyajjotwiy. Net ja anklus 'yanmaayu:

—iPudu'uk pojun!

Netyu ja kadenu kya'adaay ma Peedru ky'u'u, ⁸ es ja anklus 'yanmaayu:

—Naywuyunudu es tuktu'ku ngu'uk.

Ko Peedru du'un ttuun, net ja anklus 'yanmaayu:

—Pujta'ak ja mgaru es pamiinguts.

⁹ Net ja Peedru tranejxy ja anklus, ni tkanijawu pun tui'ajtan di'ibu anklus tyiimpy, du'un wyinmaay ko iixma'tp. ¹⁰ Net ñajxtu ma jawyiimbu soldaadu. Ta ja myumajtskru. Ko jyajitu ma pujndujk aa, net ja muj pujndujk aa 'yawatsy ku'um. Ta pyudsuumdu tu'ajp ja Peedru mat ja anklus es yo'oydu tuk adajy. Net myastutu ja anklus es wuy'u'mnu Peedru naydu'u'uk. ¹¹ Net ja Peedru wyinma'añbyaty, es ñajyunanu:

—Jantsy tui'ajtan ko Dios tu tkexy ja 'yanklus kadibuts xya'oogut ja Eroodus esuts kyaj njatut extam tugekyu di'ibu ja israelituty tsojktup es xtyunuduts.

¹² Peedru twinmaay yu tyaadu, es oj ñejxy ma ja Mariu tyujk, yu tyaagu Fwank di'ibu nandu'un xuy'ajtypy Markus. Mayjya'ay ñaymyujku es kyajxta'aktu jap. ¹³ Es ko tmudoodu yajkóxy ja tujk agaj, net pyudseemy tu'ugu kixyudo'oxy di'ibu xuy'ajtypy Roode, es t'ixa'añ pan yu'u. ¹⁴ Es ko tmudooy kyajxy ja Peedru, xondakunguyxm kyaj ja tujk dya''awatsy. Net oj ñejxy pwe'egyuj jap tugoty es t'awa'anudu ko Peedru tap tyanu tujap'. ¹⁵ Net 'yadsooyu yu myugu'uk:

—Tu mloku.

Es ja kixyudo'oxy jyanañ ko jantsy tui'ajtan. Per yu'ujuty je'euy jyananda:

—Kyaj yu'udyu Peedru. Yu'u da 'yanklus.

¹⁶ Esu Peedru t'akkoxy yu tujk agaj. Net dya''awatstu. Es ko t'ijxtu Peedru, net du'uñu wuy'umadyaadyu. ¹⁷ Esu Peedru tyuk'ijxu ky'u'u kadibu ñakymadya'agut. Net tukmamadyaktu wi'ix ja Nindsun'ajtan tu jyuudyuty pujndugóty. Es 'yanmaayudu:

—Tukmamadya'ak yu Santya'agu esu nmagu'uk'ajtan.

Net pyudseemy ja Peedru es oj ñejxy wiink tsoo.

¹⁸ Es ko oj xuuñu, net jyantsygotmay'o'ktu ja soldaadutujk ko ti tu jyatyuty ja Peedru. ¹⁹ Netu Eroodus tkejxy ja soldaadu es t'uxta'ayut yu Peedru. Es ko kyaj ma yajpáty, ta yajwoodu ja pujndujk kywentu'ajtru es tñigajxtat wi'ixu Peedru naty tu pyudsemy. Net oj tui'ane'emy es 'yooktat ja pujndujk kwentu'ajtruty. Netu Eroodus tsoyo'ñ Judeeu es oj ñejxy tsunaabyu Sesareeu.

Eroodus 'yeeky

²⁰ Eroodus ttukjot'ambejky ja ja'ayuty di'ibu tsunaayduy jap Tiru es Sidón. Es yu'u ñaygyajxudu mat ja Eroodusu 'yofisyal di'ibu xuy'ajtypy Blastu, es tmooy ja meeñ es t'amdooy ja jotkujk'ajtan es ñaxut ja tsip. Es du'un ttuundu mat ko yu'ujuty t'axájudu ja jye'xy ma ja rey Eroodusu ñax. ²¹ Ko traty ja xuu di'ibu Eroodus tyuknibujtáku, net trujtáky ja rey wyit, es ñaxwe'tsy ma ja uñaaybyajn, es oj kyajxy. ²² Ko kyajxtaay, net ja ja'ay yaxkaktu:

—Tyaadu di'ibu ja yam kajxp, kyaj jya'ayuty! ¡Dios yu'u! ²³ Netyu tu'ugu Diosu 'yanklus myiñ ma Eroodus es dyajpa'ambejty mat ko kyaj yu'u Dios tmooy ja muj'ajtan. Net ja tanu'k jyu'xu es taanam 'ye'ky. ²⁴ Es ja Diosu 'yayuk oj yajkajxwa'xy oymyaaty.

²⁵ Ko Bernabee esu Saulu dyajkajxtu tyuunk, net tsoy'onda Jerusalén mat ja Fwank di'ibu nandu'un xuy'ajtypy Markus.

13

Bernabee esu Saulu tsoyonda Diosu 'yayuk kajxwa'xru

¹ Ma ja mubajkrutujk ñaymyúkadu Antyokiia, tam ja Diosu kyugajxputy esu ya'uxpjkputy. Yu'u xuy'ajttap: Bernabee, Simonk (di'ibu yajtijp Nijeer), Lusyú (di'ibu Sirene kugajpn'ajtr), Saulu esu Manaén (di'ibu muut ya'ktu Eroodus, ja Galileeu gobernador).

² Tu'ugu xuu ko naty yu'ujuty t'awdattu Nindsun'ajtan Dios es 'yayu'ajttu, net ja Espiritu Santu 'yanmaayu:

—Abeky pujta'aktu yu Bernabee esu Saulu es ttúndut di'ibuts aj tu ndukniwówudu.

³ Es ko kyajxtaktaaydu es 'yayu'ajttu, net tku'unikoonda ja Bernabee esu Saulu es ñayjugajxudu. Ta oj tsoy'onnuu nimajtsk.

Bernabee esu Saulu jap Tsyipre

⁴ Ko ja Espiritu Santu kyajxudu Bernabee esu Saulu, ta ñujxtu Seleusyú. Net tyujkadu barkoty es ñujxtu ma Tsyipre islu. ⁵ Ko jyajttu jikymyejyñ agu'uy ma ja Salaminu kajpn,

net dyajtsondáktu tkajxwa'xudu ja Diosu 'yayuk má ja israelítadu tsyajptajk. Es mat ñejoy ja Fwank éxtamu pyudajkudu. ⁶ Net jyadijttu má tugekyu kajpn es jyajttu má ja Pafus kajpn. Es jap tpatu tu'ugu israelitu di'ibu xyu'ajtypy Barjesús. Ja'a ijty xamaabyu es 'yanda'aky ko yu'u Diosu kyugajxpu. ⁷ Tyadu xamaabyu japu naty mat ja gubernadoor Serjyu Paablu, di'ibu wjy yedyujk. Net ja gubernadoor tngajxu Bernabee es ja Saulu es tmadowa'añ ja Diosu 'yayuk. ⁸ Per ja xamaabyu di'ibu griegu ayuk xyu'ajtypy Elimus myadsiptso'on ja Bernabee esu Paablu, es t'agajxu ja gubernadoor kadiibu tmbáktat yu Diosu 'yayuk. ⁹ Net ja Saulu, di'ibu nandu'un xyu'ajtypy Paablu, ja Espírítu Santu mooyu winma'añ esu mak'ajtan es ttúnat di'ibu Dios tsyejpy, es twin'ijxy mak ja xamaabyu, ¹⁰ es t'anmaay:

—jWin'u'ambu, mujku'ugópku 'yu'unk, mij du'añam xymyudsip'aty tugekyu di'ibu oy! ¿Ti ko je'eyu xyajma'ada'añ ja Diosu tyu'u? ¹¹ Paaty tyamu Nindsun'ajtam Dios mdukkumadowa'añty es myajwa'ama'añty wiints, jeky kyaj xy'ixat ja xuu jyajy.

Netyu oj wye'emy wiints es wyingoodsuyaay. Net myajtsy xyajy es t'uxtaay di'ibu wítsudap. ¹² Es ko ja gubernadoor t'ijxy yu tyadu, net tmbajky es du'añu wyu'amu mat ja Nindsun'ajtamu 'yuxpajkan.

Paablu esu Bernabee jap Antyokiú, Pisiidyu ñaxóty

¹³ Net ja Paablu esu jyamyuduty tyajkudu barkoty jap Pafus es jyajttu Perju, má ja Panfilyu ñax. Esu Fwank tníaknu ja jyamyuduty es jyumbijnu Jerusalén. ¹⁴ Netu Paablu mudu Bernabee tso'ondu Perju es jyajttu Antyokiú, jap má ja Pisiidyu ñax. Es saabudu xuu tyajkudu tsajptagóty es jap 'yu'uñudu. ¹⁵ Ko ja tsajptajku ñiwindsunaty tkajxtaaydu di'ibu Moisés kyuxjaay es ja Diosu kyugajxputajkaty, net tkajxyñigajxudu du'unu Paablu esu Bernabee:

—Mugu'uktujkaty, pun mmadajttup oynu'ununu kajxwíjun mat uudsuty, awa'anuguts.

¹⁶ Net ja Paablu tyanaay'eky es ja ky'u'u ttuk'ijxy es 'yamónat. Net t'anmaay:

—Mudowdu, miits israelituty es di'ibu Dios wyindsu'kudap. ¹⁷ Dios yu'u wyin'ijx udsajttamu n'aptajk'ajtam es dyajmáju ja Israelu ñaxwíñudu ko 'yjittu éxtamu jagam ja'ay má ja Ejiptu ñax. Es ok dyajpúdeemy mat ja myak'ajtan jap Ejiptu. ¹⁸ Esu Dios tmama'xtijky ja mayja'ay justyikxy jumajt má ja maj itan, ¹⁹ es ja Dios dyajtugoooy juxtujku naxwíñudu di'ibu tsanaaydyu má Kananu ñaxy, es tmooy ja ñax ja n'aptajk'ajtam. ²⁰ Net ja Dios dyajky ja kyutujkan taxk mugo'px jakujm jumajt mat ja fwézuty extu ko jyiky'ajty ja Diosu kyugajxpu Samwel. ²¹ Net ja Israel ja'ay t'amdoodu tu'ugu rey di'ibu yajkutútkap. Es ja Dios myooyu ja Kisu myaank Saúl es t'rey'átat justyikxy jumajt. Yu'u Benjamingu tyuamp 'yaats. ²² Es óknam ja Dios dyajjugéky ja Saúl es dyajrey'ajty ja Davit, es jyunán: “Tats nbaajty ja Davit, ja Isa'ii 'yu'unk, tu'ugu yedyujk di'ibu ndsejpyats. Yu'u tyúnup tugekyu di'ibats uj ndsejpy.”

²³ “Esu nidu'uk ja Davitu tyuamp 'yaats yu'u du'un ja Jesús, di'ibu Dios pyajtak es dyajnitso'ogut ja israelitu ja'ayuty éxtam twandaky. ²⁴ Es ko kyajnam ya'uxpeky ja Jesús, net ja Fwank Yajnabajpu tkajxwa'xy mat nidugekyu israelitu ja'ayuty es t'anmaay dyajtagátstut yu jyot wyinma'añ, ñabáttat. ²⁵ Es ko wyingón ja tiempu má Fwank dyajkajxtaay ja tyuunk, net t'anmaay: “Uj kyajpats nGristuty. Yu'u miimp óknam. Es uj kyajts xyñitaku, ni je'eyu yu ky'u'uk nga"agájudat éxtamxyuats uj n'ityats tyuumbun.”

²⁶ Esu Paablu 'yakjanán:

—Mugu'uktujkaty, miidsuty ja Abraanu tyuamp 'yaats es miidsuty di'ibu kyaj 'yisraelituty es nandu'unu Dios xywyindsu'ugudu, ja Dios tu tkexy yu 'yayuk es nnija'am wi'ix mbaat nniitsókam. ²⁷ Es di'ibu tsanaaydyur jap Jerusalén es ja wyindsunaty, kyaj oy tnija'adu pánu du'un Kristu, es ni tkajaygyujky wi'ix jyunán ja Diosu kyugajxputy di'ibu 'yuxpajktar má ja tsajptajk saabudu saabudu. Es ja mujja'aydyujk yu'u oj tuktunibajtagudu esu Jesús 'yoogat, es du'un tkuyduundu di'ibu ja Diosu kyugajxputy jyaadyu. ²⁸ Es oy tkapattu Jesús ni ti pyekey, yu'u 'yanmaaydyu Pilatu es dya'ooat. ²⁹ Es ko du'un ttuundu tugekyu éxtam jyunán di'ibu Diosu kyugajxpu yajwa'umdu jaaybyéty, net dyajjnajktu kruuzkujxy es dyajnaxtajkudu. ³⁰ Peru Dios dyajjikyppejky jatagok, ³¹ es kanak ok kyuxe'ky ja Jesús má ja myugu'uktujk di'ibu mmat jyadijttu ko tso'ondu Galileeu es ñajxtu Jerusalén, es yu'ajty 'yawu'anudap ja ja'ayuty ko Jesús yu'u du'un ja Kristu.

³² Paaty uudsuty tyam n'awánudu tadu oybyu ayuk di'ibu Dios jékyur wyandak mat ja n'aptajk'ajtam. ³³ Es tyam ja Dios tkuyduñ má udsajtam, ja'a tyuamp 'yaats, éxtam jyunán mat ko tu dyajjikyppeky ja Jesús, éxtam 'yity kaxja'ay má ja myumajtkpu Salmu má Dios jyunán: “Ujts mij xyTyeety'ajtp. Tyámuts nguxu'ugut kots mij n'U'unk'áty.” ³⁴ Es ko Dios dyajjikyppejky ja Jesús es kadiibu ñini'x mya'adut, du'un tkuyduyuñ éxtam jyunán ja Diosu jyaaybyajtan: “Mij nmo'oyur yu kunu'xan di'ibats nwandak ja Davit.” ³⁵ Paaty jyunán nandu'un má jat'u'ugu Salmu: “Katu xyña'ixy ja mduumbu ñini'x mya'adut ko 'yoogat.” ³⁶ Tuj'ajtan ko ja Davit jyiky'ajty, kyuyduun di'ibu Dios tsyejpy, net 'ye'ky es nandu'un ñaxtajku, du'un éxtam ñaxtajku 'yaptajk, es ja Davit ñini'x mya'ttaay. ³⁷ Per

ko Jėsus 'ye'ky, netu Dios yajjikyrujku, es kyaj mya'ty ja ņini'x. ³⁸ Mėgu'uktujkuty, nijawudu ko Jėsus mye'xyry ja rojru. ³⁹ Es pėn 'yaxajur ja Jėsus ęxtamu Yajnitso'kru, yajtuknima'xp tugekyu di'ibu kyaj mbaat yajme'xy ja'a di'ibu ryanujxudu ja Moisesu 'yana'amun. ⁴⁰ Naygywentu'atudu kaduibu jyatudat mut miidsaty di'ibu jyaadyu ja Diosu kyugajxru:

⁴¹ Miidsaty di'ibaty tukxiktur, du'au wu'umudu es mgutagodyut, ja'a ko u'j Dios, ndunaambyuts di'ibaty jantsy muj, di'ibu kyaj xmyubuktu oy ja ja'ay mjatukmadya'agadu. Es du'an myadyaktaay yu Paablu.

⁴² Ko ņaywya'xtaayudu ja ja'ay ma ja tsajptujk, netu Paablu esu Bernabee tsoy'ondu. Es ja ja'ay di'ibu kyaj 'yisraelituty t'amdoodu ko jatu'ugu saabudu 'yawanudat nandu'un yu kajxwjan. ⁴³ Es ko pyudsamdu tsajptugoty, may ja israelituty es ja wiink ja'ayuty di'ibu kyupujku ja israelitudyu wyinma'añ, tranajxtu Paablu es ja Bernabee. Es yu'ujuty kajxwjudu es ņayya'itudat Diosu kyunu'xun mut.

⁴⁴ Es ko jatu'ugu saabudu ņaymyujku jawaanu kyaj nidugekyudu ja'ay jap kajpnoty es tmudowa'andu ja Diosu 'yayuk. ⁴⁵ Per ko ja israelituty t'ijxtu ja mayja'ay, net axuk ņayja'adu es tanmaadyu Paablu ko kyaj tyu'ajtanuty ęxtam juna'añ, es wyingajxpatadu. ⁴⁶ Net ja Paablu es ja Bernabee tmugajxtu muk aq muk jot:

—Dios tu xkyexyuts es n'anumudats jawyiin miits israelituty, ko Dios myajnitso'oga'añuty mut ja Jesukristu. Per miits kyaj xmyubuka'andu es kyaj xy'axajya'andu Jėsus ęxtamu M'Yajnitso'kru, paaty tyam ngajxwa'xyuts ja Diosu 'yayuk mut di'ibu kyaj 'yisraelituty. ⁴⁷ Du'an tu xytyuk'ane'emyuts ja Nindsun'ajtam ko juna'añ: Tuts nbujta'aky ęxtamu jaj tu'xun ma nidugekyu naxwiñudu ja'ayuty, es dyajnitso'ogat.

⁴⁸ Ko tmudoodu ja ja'ay di'ibu kyaj 'yisraelituty, net xyondaktu es junanudu ko ja Diosu 'yayuk 'yoyuty. Es tmubujktaaydu nidugekyu di'ibu yajmiin ja Espiritu Santu es jyiky'atut winu xun winu tiempu. ⁴⁹ Es du'an oj tkajxwa'xy ja Diosu 'yayuk tugekyu kajpn. ⁵⁰ Per yu israelituty ņaygyajxudu mut ja myujja'aydyujk di'ibu jam kugajpnuty, es nandu'un mut ja toxytyujkuty di'ibu Dios 'yawdajttur es windsu'agu 'yitta, ta tmdsiptso'ondu Paablu esu Bernabee. ⁵¹ Netu Paablu esu Silus twinxijtu ja kyuk'ak es dyajjanajktu naxjok ęxtamu ijxwa'umun ko kya'oyuty ko tkakupaktu ja Diosu 'yayuk. Es net oj ņujxtu ma Ikoñu kajpn. ⁵² Es di'ibu myubujktu jap Antyokiū, net wyu'umdu jyantsyxyondaktu mut ja Espiritu Santu.

14

Paablu esu Bernabee jap Ikoñu

¹ Ma ja Ikoñu kajpn ja Paablu es ja Bernabee tyajkudu israelitu tsyajptugoty, esu Diosu 'yayuk tkajxwa'xudu. Es may tmubujktu, israelituty es nandu'un di'ibu kyaj 'yisraelituty. ² Per ja israelituty di'ibu kyaj tmubujktu, ttukjot'ambujktu di'ibu kyaj 'yisraelituty, es tmdsiptso'ondu ja di'ibaty 'yaxajudu ja Jėsus. ³ Oy du'an jyajty, ja Paablu es ja Bernabee ijttu jeky es tkajxtu mut ja mak'ajtan ja Diosu 'yayuk; es ja Nindsun'ajtam mooyu ja mak'ajtan es ttunut yu muj'ajtan esu ijxwa'umun di'ibu tyuk'ijxtu ja ja'ay ko tyu'ajtanuty ja namaj'ajtan di'ibu Dios tyiimpy ma ja'ayan. ⁴ Es ja ja'ayuty ņaywya'xudu majtsk peky: tuk peky di'ibu mut ja israelituty kyaj t'axajudu ja Jėsus, es jatuk peky di'ibu mut ja nimajtsku apostulu. ⁵ Net ja israelituty es jatuk pekyru di'ibu kyaj 'yisraelituty, ņaybyujtakudu t'igyu mut ja justisatujk es tni'u'umudu ja Paablu esu Bernabee es tkuka'adsandu. ⁶ Per ko Paablu esu Bernabee tnija'adu, ta kyaktu es ņujxtu ma Listru kajpn esu Derbe kajpn, Likaofnu ņaaxoty, es ma tadu kajpnuty ja ņaxwiñudu. ⁷ Es jap nandu'un tkajxwa'xy ja oybyu ayuk.

Paablu yajkuka'atsy jap Listru

⁸ Jap Listru 'yjity tu'ugu yedyujk di'ibu jajt naxwiñ tekmya'at es ni na'anum kyaj yo'oy. Jap yajpaty 'yu'uñu. ⁹ Tyadu yedyujk tmudoo'ity ęxtam ja Paablu juna'añ. Es ko ja Paablu t'ijxy ja tekmya'at, ņija'ap ko yu'u myubejkyru ja Dios es yu'agyujxm myubaadut es 'yaguda'agut. ¹⁰ Net ja Paablu t'anmaay muk ja tekmya'at:

—i'unaayuk!

Net ja tekmya'at pyujte'ky, es yo'oydsyo'oñ. ¹¹ Ko ja mayja'ayuty t'ijxtu ko ja tekmya'at yo'oydsyo'oñ, net yaxkaktu mut ja Likaofnu 'yayuk, junanandu:

—i'yu diosuty mut ja ja'ayu ņini'x tu jyanaktu ma udsajtam!

¹² ņayjyanandu ko Bernabee yu'u dios Jupiter, esu Paablu yu'u dios Merkuuryu, ja'a ko Paablu yu'u kyajxwa'xyru. ¹³ Jap ma tu'u kyajpndaku, jap 'yity ja Jupiter tsyajptujk. Di'ibu jap teety'ajtr dyajmiin ja tsajkaajuty nixoxy mut ja pu'jy, es mut ja mayja'ayuty

tja'awdatandu ja Paablū esu Bernabee, es ta tjaya'oogāndu ja tsajkaajuty es tjatuk-windsu'uguyāndu. ¹⁴ Per ko ja apóstaluty Bernabee esu Paablū tmūdoodu ko du'an ttuna'andu, net űayñiku'tsudu. Ja'a du'an ya'ijxap ko kyaj 'yóyuty di'ibu tyunāndap. Es tninujxtu ma ja mayjya'ay, es yaxkaktu:

¹⁵ —Mūgu'uguty, kātuts du'an xytyundu. Ħudsaty nandu'anuts nja'ayuty éxtam miidsaty, es tu nmiñuts es n'anumaya'añ ja oybyu ayuk es xymyastu'uttat yu tyāadu di'ibu ni nu'an mgatu'unxaty, es xpyyadūndut ja Dios, ja'a ko yu'u pyuják yu tsajp, naxwíñudu, jikymyejyñ es tugekyu di'ibu ijtp naxwíñ es ma jikymyejyñ. ¹⁶ Jékuyar nidugekyu naxwíñudu ja'ay tnikaktu Dios es jyiky'ajttu éxtamu kyu'am wyinma'añ. ¹⁷ Peru Dios oj dya'ixyuty ja 'yoy'ajtan, ja'a ko yu'u tkexy ja tuu es dyaky ja paja'taky oy, es du'an ja ja'ay jyotkujk'áttat es xyonda'aktat.

¹⁸ Du'an jyunandu Paablū esu Bernabee, es apenu ja'ayuty tkupujktu es kyaj du'an ttukwindsu'ugudut.

¹⁹ Net jyajttu israelítuty di'ibu tso'ondap Antyokiiu es Ikoñu, es t'anmaaydyu ja ja'ay es tkuka'atstat yu Paablū. Es ko twinmaaydyu ko tu 'yeeky, ta trajudojttu tmānujxtu kajpnbu'ajp. ²⁰ Es ko űaymyujkudu di'ibáty myubujktu Jesús jam Paablū pyu'āay, net tyuāayeky yu Paablū jatagok es tyujku kajpnóty. Es jakumbom tsoyo'oiñ mut ja Bernabee, űujxtu Derbe. ²¹ Es jap tkajxwa'xtu ja oybyu ayuk, es may ja ja'ay tmubujktu. Net űujxtu jatagok kajpngajpn, Lístu, Ikoñu es Antyokiiu. ²² Es dyajmujwiñudu myubujkun pánuaty 'yaxájudu Jesús éxtamu Kristu, es tjotmukmooydyu es ni'igu yajxon tradūndut ja Dios. Ta t'anmaaydyu: "Pun njo'oma'anam ma Dios, jawyiin nyajnajxam kanak pekyu ayo'on."

²³ Es ko kyajxtakta es 'yayu'ajttaaydyu, net twin'ijxtu di'ibuty mājja'ay'ajttap ma mubujkputujk űaymyúkudu. Net ja Paablū esu Bernabee ttukkudujkudu ja Nindsun'ajtam ja ja'ayuty di'ibu myubujktu.

Paablū esu Bernabee jyunbittu jap Antyokiiu ma Sírū űax

²⁴ Oknum űajxtu Paablū esu Bernabee ma Pisiidyu űax, es jyajty ma Panfilyu űax. ²⁵ Ta tkajxwa'xtu ja Diosu 'yayuk ma ja Perju kajpn. Net oj űujxtu ma ja Ataliu kajpn. ²⁶ Ja'a ko tyam ja tuunk tu kyexy, ta tyujkudu barkoty es űujxtu ma Antyokiiu kajpn, ma ja Dios myay'ajtanguyxmu tu yajtukkadákudu ja tuunk di'ibu naty tu ttuunda'aydyu. ²⁷ Es ko jyajttu Antyokiiu, net űaymyujkudu ja mubujkputujk es űaydyukmumadyákudu tugekyu di'ibu Dios tu ttuñ es traja'taky mut yu'ujuty, es wi'ix nandu'anu Nindsun'ajtam Dios t'axaju di'ibu kyaj 'yisraelítuty ko tmubaktu. ²⁸ Esu Paablū esu Bernabee jeky 'yjittu jam muat ja ja'ayuty di'ibu myubujktu Jesús.

15

Mubujkputujk űaymyúkudu jap Jerusalén

¹ Ma tadu tiempu, jam 'yjittu ja'ayuty di'ibu tso'ondap Judee es jyajttu Antyokiiu. Net yu'ujuty dyajtsondáktu ya'axpaktu di'ibu tu tmubeky ja Jesús, es t'anmaay:

—Pun mdsojktap es ja Dios myajnitso'ogudut, yu'u mdúnup éxtamu Moisés jyunāñ, ja yedyujk yajtsúkup waana ma ja yedyujk'ajtan.

² Es ja Paablū esu Bernabee muk űayyajxytsyi'kudu mut di'ibu naty du'an ya'axpajktap. Net ja mubujkputujk di'ibu 'yawdajttu Jesús traja'taktu es yu Paablū esu Bernabee es wingátypyu ja'ay űujxtat Jerusalén, es tkajxmuka'andu tyādu axpajkun mut ja apóstaluty es ja mājja'aydyujktu.

³ Es ja mubujkputujk jap Antyokiiu oj yajkajxtsoonda ja Paablū esu Bernabee es di'ibu muat űujxtu. Ko űajxtu kajpngajpn ma Fenisyu űax esu Samaaryu űax, net tmamadyaktu ko tu ja ja'ay di'ibu kyaj 'yisraelítuty tjā'aydyugoooyñ ja jyekywyinma'añ es tranujxtu ja Dios. Es nidugekyu ja myagu'uktujk jyotkujkadyaaydyu mudu tyādu ayuk.

⁴ Ko Paablū esu Bernabee jyajttu Jerusalén, net űaymyujkudu ja mubujkputujktu mut ja apóstaluty esu mājja'aydyujktu. Ta ja Paablū esu Bernabee ttukmumadyaktaaydyu tugekyu di'ibu Dios tu ttuñ mut yu'ugyujxmaty. ⁵ Es japu naty di'ibu tūyup ijtp fariseeuty es t'axaju ja Jesusu 'yayuk, es net naaguty tyuāayuktu es jyunandu:

—Nidugekyu di'ibu kyaj 'yisraelítuty es tmubeky ja Jesús, jujp'am mbaat yajtsíky ma ja yedyujk'ajtan éxtamu Moisés xytyuk'ana'amum, es nandu'an yajpanujxat tugekyu Moisesu 'yana'amun.

⁶ Net űaymyujkudu ja apóstaluty mut ja mājja'aydyujktu es t'axpuka'andu yu tyādu winma'añ. ⁷ Ko jeky űayyajxudu, netu Peedru pyude'ky, es t'anmaaydyu:

—Mugu'uktujktu, miits mnija'adap ko tūyupys ja Dios xpyyujtáky esuts ngajxwa'xudats ja oybyu ayuk mut di'ibu kyaj 'yisraelítuty, es tmubáktat yu'ujuty. ⁸ Dios űija'ap pun wi'ixu ja'ay jyot wyinma'añ tu'uk tu'uk. Pes nandu'an ja Dios tyuknigajx ja Espírítu Santu mut yu'ujuty, éxtam udsajtam oj xytyuknigajxam. ⁹ Dios du'an ttuñ mut yu'ujuty éxtam

udsajtam, es dyajwátsu nandu'an ja jyot ko tu t'axaju Jesús. ¹⁰ ĶMiidsuty ti ko kyaj xy'axaju di'ibu Dios tu t'pajta'aky? ĶTi ko miits xytyukkuwanuya'andu tyaaduty di'ibu myubujktu Kristu es tsumu'uktat tu'ugu tsemy jantsy jemtsy, di'ibu ni udsajtam es ni n'aptajk'ajtam tkamamadaktu tsumu'ugut? ¹¹ Ja'a ko udsajtam nmubujkam ko Dios tu xumyo'oyum ja namay'ajtan nitsokan mut yu'ugujxmu Nindsun'ajtam Jesús, nandu'an éxtam mut yu'ujaty.

¹² Net nidugekyu 'yamoondaaydyu es tmuoo'ijttu ko yu Bernabee esu Paablu ttukmumadya'aky yu i'xwu'amun esu muj'ajtan di'ibu Dios tu ttuñ mut yu'ugujxmuty ma di'ibu kyaj 'yisraelituty. ¹³ Es ko kyajxtaaydyu, net ja Santya'agu jynán:

—Mugu'uguty, mudowdu. ¹⁴ Simonk Peedru tu xytyukmumadyakam wi'ix ja Dios tim jawyiin may'ajtan tyu'unxudu di'ibu kyaj 'yisraelituty, es twin'ijxy ma yu'un di'ibu ja'ay'átudap. ¹⁵ Tyaadu du'an jyajtu éxtam ja Diosu kyugajxpty tkuxjaay ma Diosu jyaay-byajtan, ko Dios jynán:

¹⁶ Du'an ja Davit tyuamp 'yaats éxtam tu'ugu tujk di'ibu tu jyity, per jambitabats es ngójudats jatugok,

¹⁷ es ja isralitu ja'ay t'uxta'aydyat ja Nindsun'ajtam, nandu'un nidugekyu ujsu njá'ay di'ibu kyaj 'yisraelituty.

¹⁸ Du'an jynán ja Nindsun'ajtam, di'ibu tugekyu tyaadu yajnija'aju extu jékyup.

¹⁹ Esu Santya'agu 'yakjunañ:

—Paadyuts njuna'añ ko kyaj nyajkujo'pum ja di'ibu kyaj 'yisraelituty ko tmastu'udat ja jyeke winma'añ es tranujxtat ja Dios. ²⁰ Nguxja'ayam je'leyu ko kyaj tssu'tutst yu juyujk di'ibu tu ttukwindsu'ugu yu agojwinnáxuty, es kyaj tju'xtat ja ne'pyñ esu tsu'utsy di'ibu kyaj wa'ats tu wyindajxta'ay, es nandu'un n'anma'ayum ko kyaj myu'indúndut. ²¹ Ja'a ko extu jékyup tsyondaky yajkajxwa'xy ja Moisesu 'yana'amun ma tugekyu kajpn, es nandu'un yajkajxy majaty ja tsajptujk saabudu saabudu.

Neky yajkajxp ma di'ibu kyaj 'yisraelituty

²² Net ja apostaluty esu mujja'aydyujkuty es nidugekyu mubujkptujk twin'ixtu ja'ayuty es tkaxa'andu Antyokiia mut ja Paablu esu Bernabee. Es tkajxtu Juudus di'ibu nandu'un xyu'ajtypy Barsabás, esu Silus, nimajtsk di'ibu ijttap muj ma mubujkptujk. ²³ Es mut yu'ujaty oj ñujxtu ñeky di'ibu junaamp: “Udsuty, apóstaluty, mujja'aydyujkuty esu nmugu'uk'ajtam, ngajxpo'xta'ayuts miidsuty, mugu'uktujk di'ibu kyaj 'yisraelituty, di'ibu tsunaaydyup Antyokiia, Siryu ñaaxóty, nandu'un ja wiinkpudy di'ibu tsunaaydyup Siryu ñaaxóty es Silisyu ñaaxóty. ²⁴ Tats nmudoy ko tu tsyooñ yaa ja ja'ayuty di'ibu kyaj ngáxtats, es tu jap jya'ty dyajtagóy miidsu mjotkujk'ajtan, ya'uxpajktap es di'ibu myubujktap ja Jesús nandu'un tranujxtat ja Moisesu 'yana'amun es yajtsúkat waanu ma ja yedyujk'ajtan.

²⁵ Paadyuts nnay'uw ñaygyajxudu es oy ko yajnikajxpátut nidu'uguty di'ibu ma udsuty es nu'x mgu'ixudu miidsuty ti'igyu mut ja nmugu'uk'ajtam Bernabee esu Paablu, di'ibu njantsytsyojkam ²⁶ es di'ibu tu t'pajta'aky ja jyiky'ajtan es tyúnut mut ja Nindsun'ajtam Jesukristu. ²⁷ Du'an ngajxum yu Juudus mut ja Silus es yu'ujaty kyajxtat ku'um mut miidsuty es m'awánudut tugekyu tyaadu. ²⁸ Ja Espiritu Santu es nandu'un udsuty n'oyjya'adapts es kyajts nmo'oydyut wiinkpu x'pajkan, ²⁹ yu'uyu tyaadu: Kyaj xyju'xtat ja juyujk di'ibu tu yajtukwindsu'ugu agojwinnáx, kyaj xyju'xtat ja ne'pyñ es ja tsu'utsy di'ibu kyaj wa'ats tu wyindajxta'ay, es nandu'un kyaj mmu'indúndut. Es ko tyaadu du'an xytyúndut, oyu du'unu naty xytyundu. Wu'umdu mudu Dios.”

³⁰ Net tsyo'ondu yu Juudus mudu Silus, Bernabee esu Paablu, es ñujxtu Antyokiia. Ko jyajttu, net ñaymyujkudu ja mubujkpty es tkuyajktu ja neky. ³¹ Es ko ja'ay yajtukwingugajxudu ja neky, net jyantsyxyondaktu ko tmuodoodu jotkujk'ajtan. ³² Esu Juudus mut ja Silus, yu Diosu kyugajxy, ni'igu t'jotmukmooydyu es dyajmajwiinadu myubujkan ja mubujkptujk. ³³ Es ko 'yijty jeky, net ja mugu'uktujk jyugajxudu mudu jotkujk'ajtangyajxy, es jyumbijnut jap Jerusalén. ³⁴ Peru Silus oj wye'emy. ³⁵ Paablu esu Bernabee wya'umdu nandu'un Antyokiia. Jam mut nimaya wiingátypy yu'uxpajktu es tkajxwa'xtu ja Nindsun'ajtam Diosu 'yayuk.

Paablu tsyooñ myumajtsk ok Dios ayuk kajxwa'xpu

³⁶ Es ko waanu 'yijty, net ja Paablu t'anmaay ja Bernabee:

—Jo'om n'okku'ijxam ja nmugu'uk'ajtam ma tugekyu kajpn ma oj ngajxwa'xum ja Jesusu 'yayuk, es ni'ixam wi'ix jam 'yitta.

³⁷ Bernabee jyawowan yu Fwank di'ibu xyu'ajtypy Markus. ³⁸ Peru Paablu kyaj twowán yu Fwank, ja'a ko tu naty ñike'egyuty jam Panfilyu es kyaj 'yokpudujkanu ma ya'uxpajktu. ³⁹ Kyaj tkajx'o'oyudu, paaty yo'oywya'xtu. Bernabee mut ja Markus tyujkudu barkoty es ñujxtu Tsyipre, ⁴⁰ per Paablu twin'ijxy ja Silus es muut ñujxtat. Es ko ja myugu'uk

ñinu'xtákuda esu Dios myay'ajtán tyu'unxudat, net tsoy'ondú, ⁴¹ es ñajxtu Siryu es Silisyu, es dyajmujwiinudu myubujkan ja mubujkrutajk majaty ñaymyúkudu.

16

Timotee tjamyudaty ja Paablu esu Silus

¹ Esu Paablu mudu Silus jyajttu ma Derbe kajpn esu Listru kajpn. Jap tpattu tu'ugu mubujkrú di'ibu 'yawdajtypy yu Jesús. Ja'a txu'aty Timotee. Yu'u tyaak'ajtypy ja israelitu es nan 'yawdajtypy ja Jesús. Esu tyeety yu'u grieeгу. ² Es ja ja'ay di'ibu 'yawdajttup ja Jesús ma ja Listru kajpn esu Ikoñ kajpn jyuña'andú ko Timotee jyiky'aty tų'ajttan muut. ³ Paablu wyowaampy yu Timotee es tjamyuut'ata'añ. Net dyajtsujku waanu ma ja yedyujk'ajttan kadiibu tyuk'ak'átudat yu israelituty di'ibu tsunaaydyup ma tadu nax, ja'a ko nidugekyu tnija'adyaadyu ko Timotee tteety'áty ja grieeгу ja'ay.

⁴ Tugekyu kajpn ma ñajxtu, jam t'awa'anudu myugu'uktajk ja uxrujkan di'ibu tu dyaky ja apostuluty esu mejja'aydyujkaty di'ibu ijtup Jerusalén. ⁵ Es du'un yu mubujkrutajk myujwiinudu myubujkan es bom kom tmubujktu waanu may ja ja'ayuty.

Paablu yajtuk'ixy ja Masedoñu yedyujk

⁶ Esu Paablu mudu jyamyuudaty jyakajxwa'xándu ja Diosu 'yayuk ma ñaxwiñudu Asyu, per ja Espiritu Santu kyaj tkupejky. Net ñajxtu ma ñaxwiñudu Frijyu esu Galasyu, ⁷ es jyajttu ma tsyiba'an ja Misyu. Esu Paablu twinmaay es tyukya'añ ma ñaxwiñudu Bitiñu, per ja Jesusu Jya'ajun kyaj tkupejky. ⁸ Net ñajxtu kajaa Misyu ñaaxóty, es jyunajktu ma Trous kajpn di'ibu mejyñbyu'aay. ⁹ Es ja koots ja Paablu 'yijxma'ty, es t'ijxy tu'ugu Masedoñu yedyujk tyanu es myanu'xta'agyuty:

—Tunu may'ajttan, min Masedoñu es xypyudákudats.

¹⁰ Ko Paablu t'ijxyu tadu ijxma'tun, net uudsuty ndso'oñts es oj nnejxyuts Masedoñu, ja'a ko nnijáwuts es ja Dios xymugajxyuts es ngajxwa'xadats ja oybyu ayuk jam Masedoñu.

Paablu esu Silus jap Filipus

¹¹ Nétuts ndujkudu barkoty ma Trous, es oj nnejxtats tųyu ma ja Samotrasynu islu, es jakumbom njajttats mejyñbyu'aay ma Neápolus kajpn. ¹² Japts ndso'ondú esuts nnejxtu ma Filipus, di'ibu ni'igu myájuty jap Masedoñu. Ja yajkutujkrú kopk tni'ana'amú ko ja ja'ay di'ibu tsunaaydyup Filipus nandu'un tmudattu tų'ajttan éxtamu ja'ayuty di'ibu tsunaaydyup Romu. Es jap n'ijttats majtsk tugak xuu.

¹³ Es ma tu'ugu saabudu, net nnejxtats kajpnbu'ajp mjnubw'aay. Jap tu'ugu lugaar ma yu ja'ay ñajxtu kajxtákrú. Es jápúts n'uñaadyuts ngajxwa'xtats mut ja toxytyujk di'ibu oj ñaymyúkudu. ¹⁴ Es nidu'ugu toxytyujk txu'aty Lidyu, di'ibu kugajpn'ajtp Tyatira. Lidyu tye'kupy ja oybyu tsu'un'k wit es 'yawdajtypy ja Dios. Ko tmudoo'ity di'ibu Paablu kyajxpy, Dios tyukmubujku. ¹⁵ Net ja Lidyu ñubejty mut nidugekyu di'ibáty tsunaaydyup ma jyun tyujk, es óknmúts xy'anmaaydyup:

—Pun miits mjnándup kots uj tų'ajttan nmubeky ja Jesús, tunu may'ajttan es mmíndat madsu ndujk. —Mukta'aky jyunáñ es nwu'amudats.

¹⁶ Es ma tu'ugu xuu nnejxtats ma ja'ay kyajxtá'aktu, nétuts oj nbaattu tu'ugu kiixy di'ibu juybyu mduumbu. Ja'a myudajt ja mjuk'u wyinma'añ es yu'u mut xuyamay. Es ko xuyamay, net may ja meeñ tganaraty ja wyindsún. ¹⁷ Tyadu kiixy xypyuanjxtupts mudu Paablu, yu'u yaxkeky:

—Tyadu yedyujkaty myuduundup ja Dios Tsajpótudu, es tkajxwa'xy ja nitsokun mut miidsuty.

¹⁸ Es du'un 'yadatsy tadu kiixy kanak xuu. Netu Paablu jyotmay'e'ky, es wya'kumbijty es t'anmaay ja ka'oybyu:

—Mut ja Jesukristu xuu n'ane'emy es mbudsámút ma tadu kiixyu jyot.

Ta ja ka'oybyu myastutu pojun.

¹⁹ Ko ja kiixyu wyindsún t'ijxtu ko kyaj mbaat 'yokxumaayñu es kyaj mbaat 'yokganarajnu ja xumaabyu, net ja Paablu es ja Silus tmajtstu es dyajnejxtu ma justisutajk ma muj maay. ²⁰ Es dyajmiindu ma fwezán, es 'yanmaayudu:

—Tyadu israelitu ja'ayuty ni'igu tniudu'uktú ja ngajpn'ajttam, ²¹ es ya'uxruktu mudu wyinma'añ di'ibu udsajttam kyaj n'axájum es nyajtu'unum, ja'a ko udsajttam nromanaja'ay'ajttam.

²² Net ja ja'ay mut ja fwézuty jyot'ambujktu, es jyunandu esu wyit jyunákut ja Paablu esu Silus es twóptat mut ja pejkyepy. ²³ Es ko twojptaay, ta tmunajxtu pujxndugóty, es ttuk'ana'amudu ja pujxndujk ja'ay kywentu'ajtpu es muk t'ixy'it tkwentu'áttat. ²⁴ Es ko oj t'axaju kyutujkan ja pujxndujk ja'ay kywentu'ajtpu, net ja Paablu esu Silus oj yajmnejxy pujxndujk ogam es yu tyeky yajnima'tpejty ma moriyu di'ibu tukpa'adu'tuty es kadiibu kya'agut.

²⁵ Es ko oj tsyu'pu, net ja Paablu mut ja Silus kyajxtaktu es t'udu Diosu 'yalabanza, es ja tsimyja'ayuty tmudoo'ijttu. ²⁶ Net myiñi ja muk ujx, es tmuxijtdyaay ja potsy ux'ajp paat. Es net 'yawatstaay tugekyu puixndujk aa, es jyunajktaay ja kadenu tugekyu ma puixndujk ja'ayu tyeky esu ky'u. ²⁷ Es ja puixndujk ja'ay kywentu'ajtru oj jyotwijy. Es ko t'ijxy ja puixndujk aa tu 'yawatsta'ay, netu 'yespaadu tju'ty es ñayya'ooganu. Tu ttijy ja tsimyja'ay kyakta'ay. ²⁸ Net ja Paablu yaxkeky:

—Katu wi'ix mnyadyuñuty! Tyápatš uudsuty nidugekyuty.

²⁹ Net ja puixndujk ja'ay kywentu'ajtru t'amdooy ja juun, es tyujku pu'e'egyū jyantsytsyuyiipy mut ja tsu'ugu. Net ñaygyoxtnaagydyaku ma Paablu esu Silusu tyeky. ³⁰ Net dyajpudsumdu Paablu mut ja Silus, es dyajttuay:

—¿Tits ndúnep esats nnitso'ogut?

³¹ Esu Paablu mut ja Silus 'yadsoodu:

—Mmubákur ja Nindsun'ajtam Jesukristu, es mnitso'ogut. Es pánuty tsunaagydyur ma mjunn mdujk, pun nandu'un myubujktur, nitso'oktur.

³² Net ja Paablu esu Silus tkajxwa'xy ja Jesusu 'yayuk mut nidugekyu nu'anun tsyunnudu ma ja puixndujk ja'ay kywentu'ajtru tyujk. ³³ Nan ja koots ja puixndujk ja'ay kywentu'ajtru oj tmunejxy ja Paablu esu Silus ma ja tyujk. Netyu ja koots ñubajttaagydyu niduk juun niduk tujk. ³⁴ Net twooy ja Paablu esu Silus ma tyujk, es dyajkaagydyu, es ja puixndujk ja'ay kywentu'ajtru mudu pánuty tsyunaagydyur ma juun tyujk jyotkujkadyaadyu mut ko naty tmubaktu ja Dios.

³⁵ Jakumbom ja justisu tkejxy ja polusiu ma ja puixndujk ja'ay kywentu'ajtru, es tnamatsat ja Paablu esu Silus. ³⁶ Net ja puixndujk ja'ay kywentu'ajtru t'anmaay ja Paablu:

—Yu justisu tu kyajxykyéxy es miits nnasmatsudat. Es tyam mnuxxtat jotkujk.

³⁷ Peru Paablu t'anmaagydyu ja polusiiaty:

—Udsuty romanu ja'ayuty. Es tuts xywyoptu mayjya'ayoty es kyajnumts xyajjustisupaattuts, es tu xyryujta'aktats puixndugoty. ¿Es tii, tyámdsu net xyñasmatsuya'andu ayu'udsyu? ¡Pes kyaj! Wa'an ku'am tmiñ es xyajpudsumudats.

³⁸ Ta ja polusiu oj t'anumu ja justisuty ko Paablu esu Silus romanu ja'ay yu'ujuty. Net ja justisu tsyu'kudu es jyotmay'o'ktu. ³⁹ Net myiindu ja justisu es trujktsoodu ma'xun ma ja Paablu. Es net dyajpudsumdu Paablu esu Silus, es t'anmaagydyu:

—Tunu may'ajtan, tsoonu ja yaajuty.

⁴⁰ Ko pyudsunudu puixndugoty ja Paablu mudu Silus, net ñujxtu ma Lidyu tyujk. Es jap t'ijxtu ja myugu'uktujk, es tjtomukmoodyu nidugekyu. Net tsoy'onnuu ja Paablu esu Silus.

17

Paablu jap Tesalóniku

¹ Ta ñajxtu ma Anfípolis kajpn esu Apoloñu kajpn, es net jyajttu ma Tesalóniku kajpn. Jap tu'ugu israelitadyu tsyajptujk. ² Paablu, éxtam jaayamu naty ttuñ, ñejxy saabudu saabudu jap tsajptugoty tuguk sumaan, es tmumadya'aky, ³ du'un tuk'ixy es wa'ats t'awa'anu wi'ix ja Diosu jyaaybyajtan jyuna'añ ko koonum yu Kristu 'yayówt es jyikyryáku ma ja o'kun, es jyunáñ:

—Tyadu Jesús di'ibuts uj ngajxwa'xyppy mut miidsuty, yu'u Kristu di'ibu Dios wyin'ijx es tkejxy.

⁴ Net naagaty ja israelituty tmubujktu es ñaymyujku mut ja Paablu esu Silus. Nandu'un tmubujktu maygyrieegu ja'ayuty di'ibu 'yawdajttur ja Dios, es mayu toxytyujk di'ibu ijttur windsu'ugu. ⁵ Paaty ja israelituty di'ibu kyaj tmubujktu tja'adu naywyinnaxu, es ñaymyujkudu yedyujk di'ibu axuk ja'ay es yax jyojktu ma tugekyu kajpn. Net ñujxtu ma Jasonu tyujk, tyukny'a'andu es dyajpudsuma'añ ja Paablu mut ja Silus, es trujta'aga'andu mayjya'ay winduuy. ⁶ Per ko kyaj tpattu Paablu mut ja Silus, net trajudojttu ja Jason es mut ja myugu'uguty di'ibu naty jap, es dyajñajxtu ma justisu, es yax jyojktu:

—Tyadu yedyujkuty di'ibu yajma'ttaapy tugekyu naxwiñudu, tu yaa jya'ttu, ⁷ esu Jason tu dyajajitta'aky ma tyujk. Nidugekyu yu'ujuty myudsip'ajttury ja yajkutujkpu kopku 'yana'amun, es jyuna'andu ko ta jatu'ugu rey di'ibu xyu'ajttury Jesús.

⁸ Ko tmudoodu tyaadu ja ja'ayuty esu justisutujk, net jyotmay'o'ktu. ⁹ Net ja Jason esu myugu'uguty tkumultyujktu, es yajnasmajtsudu.

Paablu esu Silus jap Bereeu

¹⁰ Ko kyoodsunu, net di'ibu myubujktu Jesús dyajttu'ondu Paablu esu Silus, es ñujxtu Bereeu. Ko jyajttu jap, ta ñujxtu ma ja israelitadyu tsyajptujk. ¹¹ Tyadu israelituty ni'igu t'axájudu amumdu'uk jot ja 'yuxpukun kudiinamu Tesalóniku, es bom bom t'uxtaagydyu ma ja Diosu jyaaybyajtan pun tuy'ajtan éxtamu jyuna'andu Paablu mut ja Silus. ¹² Es nimayu taadu tmubujktu, es nandu'un tmubujktu di'ibu grieegu ja'ayuty, yedyujk es nandu'un

toxytyujk di'ibu ijttap windsu'ugu. ¹³ Es ko tnija'adu Tesalóniku israelítuty ko tama Paablu esu Silus tkajxwa'xy ja Diosu 'nyayuk jam Bereeu, net ñijxtu jam es dyajnayñibu'kudu. ¹⁴ Per ja Paablu myngu'uguty tkajxtu ma ja jikymyejyñbya'a, es ja Silus esu Timotee wu'hmdu Bereeu. ¹⁵ Es di'ibu jyamyudajttu Paablu mynujxu extu ma ja Atenus kajpn. Net jyumbijttu mut ja Paablu 'yayuk esu Silus mut ja Timotee ñaybyaadudut tsojk Atenus.

Paablu jap Atenus

¹⁶ Ko ja Paablu t'awixy ja Silus mut ja Timotee jap Atenus, net jyantsyjoytmay'e'ky ko t'ijxy jap kajpnóty oymyaaty tapu agojwinnáx. ¹⁷ Paaty ttukmadyaktu ma ja tsajptujk mut ja israelítuty es mut di'ibu kyaj 'yisraelítuty di'ibu Dios 'yawdajttap jap, es nandu'un ttukmadyaky bom bom di'ibu mut ñaybyadyuty ma maay. ¹⁸ Jap tpaty ja ja'ayuty di'ibu ñi'uxpukap epikuureus esu wiinkpu di'ibu 'yuxpejyapy ja estoykus. Net yu'ujaty ñaymyugajxudu mut ja Paablu. Tap di'ibu júnán:

—¿Wi'ix xy'anuumaya'anamu tyadu yedyujk di'ibu ku'ayuk es kyaj ti tniyawu?

Esu wiinkpu jyunandu:

—Yu tyaadu ya'uxpuka'añ es n'axájum wiink ja'ayu dyios.

Tyaadu jyunán ko Paablu tkajxwa'xy ja ayuk ko ja Jesús jyikyryeiky es ja'agyujxmu ja'ay jyikyryúktut nandu'un. ¹⁹ Netu Paablu dyajnujxtu ma tu'ugu it txu'aty Areópagu, ma ñaymyúkuu es ñaywynma'añmyo'oyudu. Jap t'anmaaydu Paablu:

—¿Ti xpxukun myajmiimpy tyamu jembyu? Udsuty nnijawuyándupts. ²⁰ Paadyuts nyajtúy ko xymyadya'aky yu wiinkpu. Yu'ats nnijawuyaambyuts ti 'yandiipy.

²¹ Paaty jyunandu mut ko nidagekyu Atenus ja'ay es nandu'unu wiink ja'ay di'ibu tsunaaay jap, yu'u myudowaampy ja jembyu xpxukun es tmadya'aga'añ ja jembyu ayuk.

²² Netu Paablu tyunaaye'ky ma jam ja ja'ayuty Areópagu, es t'anmaay:

—Miits Atenus ja'ayuty, tats n'ixy oymyaaty ko miits xyjantsy'awdattu di'ibu mwindsu'kudup. ²³ Es kots tu njudity kajpnóty, tats n'ixy ma tu'ugu m'artálaty 'yity kuxja'ay: “Yaa n'awdajttam ja Dios di'ibu kyaj n'ixy'ajttam.” Pes oy. Ja di'ibu miits m'awdajttap, oy xykya'ix'attu, ja'ats miits ndukmugajxándup.

²⁴ Ja Dios di'ibu yajkoj ja tsajp esu nax es nu'un ya naxwiin 'yity, yu'u windsun'ajtp ma tsajp es naxwiin. Kyaj ja'a tsyuuu tsajptugóty di'ibu ja'ay kyojtap, ²⁵ nan kyaj tyugoy'ajtxuty es ja ja'ay pyudákudut, ja'a ko yu'u nidagekyu xyajxájam, es xymyo'oyum ja njiky'ajttam'ajttam es tugekyu di'ibu nmudajttam.

²⁶ Yu'u tugekyu tu dyajkoj ja naxwiinudu ja'ay mut je'eyu ti'igyu ne'pyñ, es tu dyaky ja lugaar esu tiempu ma tsyunadut nidagekyu naxwiinudu ja'ay. ²⁷ Es ja Dios tu tpujta'aky tugekyu es ja ja'ay 'yuxta'ayudut es pyaadudut, mut ko tuj'ajttam kyaj jagam 'yity ja Dios. Taa ja'a ma adsajttam nidu'uk nidu'uk. ²⁸ Ja'a ko Dioskyujxm njiky'ajttam, nyu'xum es n'ijttam. Extam nandu'un jyunán nidu'uguty miidsu mjaabyuty: “Udsajttam xy'u'unk'ajttam ja Dios.”

²⁹ Ko adsajttam xy'u'unk'ajttam ja Dios, kyaj njuna'anum ko Dios yu'u éxtumu awinnaxu ooru, platu o tsaa, di'ibu ja'ay kyejpy éxtumu ky'u'm winma'añ. ³⁰ Dios kyaj ttukkumadooy yu ja'ayuty ko kyaj 'yawdátuty ma naty kyajnam tnijáwudu. Per tyam 'yane'empy mut nidagekyu naxwiinudu ja'ay es dyajttagátstut ja wyinma'añ es t'awdátut ja Dios. ³¹ Paaty ja Dios tpujtáky tu'ugu xuu ma tpayo'oya'añ yu naxwiinudu ja'ay mut ja tuj'ajttam mut ja'agyujxm ja ja'ay di'ibu tu twin'ixy; es twinma'añ'ijxy nidagekyu ja'ayuty mut ko dyajjikyryeiky tadu ja'ay.

³² Ko tmudoodu Atenus ja'ay ma jyikyryeiky ja o'kputy, tam ja ja'ayuty di'ibu tyuukxiktu, esu wiinkpu jyunandu:

—Jaadsu tadu nmudoo'ittut ko jatugok mgajxut.

³³ Net ja Paablu tsoyo'ón. ³⁴ Es nija'ajuty di'ibu myudoodu tmubujktu es tpanujxtu Paablu. Es tu'uk txu'aty Dyonís, di'ibu ijtp justisu jap Areópagu, es nandu'un tu'ugu toxytyujk di'ibu xyu'ajttapy Dámarus, es nandu'unu wiingátypyu ja'ayuty myubujktu.

18

Paablu jap Korintu

¹ Netu Paablu tsoyo'ón Atenus es ñe'xy ma Korintu kajpn. ² Es jap tpaty tu'ugu israelitu di'ibu xyu'ajttapy Akilu, jap kyugajpnuty ma Pontu ñax es naamnnum naty tsoyo'ón Italyu mut ja ñudo'oxy Prisilu, es jyajty Korintu, ja'a ko ja yajkutujkpu kopk Klaudyu tni'ana'amu es nidagekyu israelítuty tsoyondut Romu. Netu Paablu ñe'xy tku'ixa'añ ja Akilu esu ñudo'oxy Prisilu. ³ Es mut ko yu'ujaty nandu'un ya'o'oyudup yu wit tujk éxtumu Paablu dya'oyu, paadyu Paablu oj wye'emy mut yu'ujaty, es tmattuunmijky. ⁴ Es saabudu saabudu Paablu ñe'xy ma tsajptujk es t'anuumu israelítuty es di'ibu kyaj 'yisraelítuty, ko Jesús yu'u du'un ja Kristu es tmabúktut.

⁵ Tsyo'ondu Masedoñu yu Silus mut ja Timotee es jyjaty Korintu. Net ja Paablu tmastuty ja wyit tujk tuunk es tkajxwa'xnu mut ja israelítuty ko tuj'ajttanu Jesús yu'u du'un ja Kristu di'ibu yu'ujuty 'yawijxtap. ⁶ Per ja israelítuty net jyot'ambujktu es t'anmaaydyu wil'ixáty ja Paablu. Netu wyit twinxijty ja Paablu éxtamu iwxwa'amun ko kyajpu israelítuty tmubuka'añ, es t'anmaay:

—Miidsuty ku'am mmudajttap ja peky mut ko kyaj xytsyegy ja nitsokan. Es uj kyajtsu peky nmudaty. Es tyam nujx ngajxwa'xa'añuts ma ja'ay di'ibu kyaj 'yisraelítuty.

⁷ Net ja Paablu tso'oñ ma tsajptujk es ñejy ma tyujku Tisyu Justu di'ibu Dios 'yawdajtypy, di'ibu tsynaapy jap tsajptujk pu'aay. ⁸ Esu Krispu yu'u naty windsán ijtp ma ja tsajptujk, es mat nidugekyu di'ibu naty tsynaaydyup ma ja jyuun tyujk myubujktu ja Nindsun'ajtam Jesús ko tmdoodu di'ibu Paablu kyajx, es nandu'un may ja Korintu ja'ay tmubujktu ja Jesús es ñubajttu. ⁹ Net ja Nindsun'ajtam Jesús t'anmaay ja Paablu koots ma tu'ugu iwxma'tan, es jyuñañ:

—Katu mdsu'ugu. Kajxwa'x'adu'uts. Katu m'amón. ¹⁰ Ujts mij mut n'ity. Ni pún wil'ix mgatúnudut. Taa may ja ja'ay di'ibuts uj xymyubukándup ma tyadu kajpn.

¹¹ Net ja Paablu wye'emy Korintu tuk jumajt jakujm, es dya'uxpeky ja ja'ay mut ja Diosu 'yayuk.

¹² Es óknam 'yijty gobernador yu Galyón ma Akayu ñax. Es net ja israelítuty ñaymyukadu es tmdsupto'ondu Paablu, es dyajnujxtu ma justisutujk. ¹³ Es t'anmaaydyu gobernador:

—Tyadu ja'ay yu'u 'yanmaapy ja ja'ayuty ko t'awdátat ja Dios es kudii éxtam jyuñañ ja n'ana'amun'ajtam.

¹⁴ Paablu myugajxaambyu naty ja gobernador ko ja gobernador t'anmaay ja israelítuty:

—Punu tyadu ja'ay tu tyuundugóy o pan muju pyekey, tyámuts nmudówat yajxón es ndúnut ja justisu mut miits israelítuty; ¹⁵ per ja'a ko kyaj dyu'unuty, miidsuty tyam m'handu mut je'eyu ayuk es ja'ay xyujuty es miidsu m'ana'amunuty, paaty ixtu ku'am miidsuty. Uj, kyajts n'ity fwez madu tadu winma'añ.

¹⁶ Es net dyajpudseemy ma jap ja justisutujk. ¹⁷ Net nidugekyu grieeguty tmajtstu ja Sóstanus di'ibu ijtp windsán ma ja tsajptujk, es twojptu justisutujk wyinduuy ma ja gobernador Galyón. Per ja Galyón kyaj ttuññ kwentu yu tyadu.

Paablu jya'ty jatugok Antyokiiu es tsooñ myuduguk ok Dios 'yayuk kajxwa'xpu

¹⁸ Paablu wye'emy kanak xuu jap Korintu. Es net ñayjugajxu mut ja myugu'uktujk. Taa tyujkunu barkoty es ñejxtu mut ja Akilu esu Prisilu ma Siryu ñax. Ko kyajnam tyuku barkoty jap Senkreeru, Paablu ñaygyuka'ptaayy es tkuydyúnut éxtam twandaky. ¹⁹ Es ko jyjaty ma Éfesu kajpn, netu Paablu tnikeyu ja Prisilu esu Akilu es ñejy ma tsajptujk, es myadya'aga'añ mut ja israelítuty di'ibu jap naymyukadup. ²⁰ Es ja israelítuty myunu'xtaku es waanu 'yawku'amat, peru Paablu kyaj t'a'ijxu. ²¹ Net ñayjugajxu mut yu'ujuty, es t'anmaay:

—Ja'a kots n'ita'añ Jerusalén es nduna'añuts ja xuu di'ibu wingoomp. Per minupts jatugok pun junaamp ja Dios.

Net tso'oñ Éfesu es ñujxnu barkoty. ²² Ko jyjaty Sesareeu, ta ja Paablu pyatujku Jerusalén es tkajxpe'xy ja mubujkputujk di'ibáty naymyukadup jam. Es net jyu'ptáky Antyokiiu. ²³ Jap wye'emy jekyjyawan. Net tso'oñ jatugok es tku'ijxy kajpnadup ma Galasyu ñax es Frijyu ñax, es dyajmujwiinudu myubujkun nidugekyu púnuty 'yaxájudu Jesús éxtamu Kristu.

Apolus jap Éfesu

²⁴ Es ma tadu tiempu jyjaty jap Éfesu tu'ugu israelitu di'ibu xyu'ajtypy Apolus. Jap kyugajpnuty Alejandriiu. Es jantsy oy tkajxwa'xy, es ñija'ap yajxón ja Diosu jyaabyajtan.

²⁵ Tu jtaty ja Nindsun'ajtam Jesusu 'yaxpujkan es tsuj es wa'ats tkajxwa'xy ja Jesusu jya'a, oy yu'uyu je'eyu tnijawu di'ibu Fwank Yajnuabajtpu tyuk'uxpujka ja ja'ayuty. ²⁶ Netu Apolus muk aa muk jot tkajxwa'xy ma ja tsajptujk. Es ko tmdoodu Prisilu esu Akilu, net yajwooy abeky es ya'uxpujknudu waanu oy mut ja Jesusu 'yaxpujkan esu ñitsokan. ²⁷ Ko Apolus ñujxáñ ma Akayu ñax, ja myugu'uktujk di'ibu myubujktu jap Éfesu tjaaydyu tu'ugu neky mut di'ibu myubujktap jap Akayu, es t'axájut yajxón yu Apolus. Ko Apolus jyjaty Akayu, net trupujkudu ja'ayuty di'ibu tu t'axájudu Jesús éxtamu Yajniókpu mut ja Diosu mya'ajtan. ²⁸ Es mayja'ayóty ja Apolus oj tukkutaku israelitu ja'ayuty ko tpujtáky yajxón ja ñiwiin ñidu'u, es tuk'ixy ma Diosu jyaabyajtan jyuñañ ko Jesús yu'u Kristu di'ibu Dios wyin'ijx es tkejxy. Es kyaj mbaat ja israelítuty ñakyjyuñ'andu ko kyaj tuj'ajtan.

¹ Es ko Apolus 'yijty Korintu, netu Paablu tinajxnu tun kopk. Ta jyajty Ēfesu ma tpaty naagudy ja'ay di'ibu myubujktap. ² Esu Paablu dyajtauy:

—Ķtu xy'axajuda miidsaty ja Espiritu Santu ko xymyubujktu?

Net 'yadsoodu:

—Ni je'eyats tu ngamudoy ko jyaadyu Espiritu Santu.

³ Netu Paablu dyajtauy:

—ĶDi'ibu nubajtan muut tu mnubety miidsaty?

Es 'yadsoodu:

—Extam ja Fwank Yajnbajtrū oj yajnbety.

⁴ Esu Paablu 'yanmaayū:

—Fwank oj dyajnbety ja ja'ay di'ibu naty tu jyodambitta, es t'anuumudu es tmubaktat di'ibu ja miimp oknam, ja'a 'yandijpy ja Jesus.

⁵ Es ko tmudoodu tyadu, net nubajttaadyu mut ja Nindsun'ajtam Jesusu xyu. ⁶ Es ko ja Paablu tku'unikooñ ja ja'ayaty, net ja Espiritu Santu ņimiinudu, es ja ja'ayaty tkajxtu wiingatyru ayuk es tkajxwa'xtu ja Diosu 'yayuk. ⁷ Nimajmajtskun ja yedyujk wyinaty.

⁸ Tuguk po'o Paablu oj yo'oy ma ja tsajptujk, es ni nu'un kyaja'aw kyatsu'ku tmagajxy ja ja'ay es tmubaktat wi'ix ja Diosu kyutujkan. ⁹ Per tap ja ja'ayaty di'ibu kyaj tmubujktu di'ibu Paablu kyajxyru, es kyajxtu axuuk mut ko yu'u tranujxtu ja Jesus extam ja Kristu. Net ja Paablu tso'o'oñ ma ja tsajptujk es tmunejxy ja di'ibu myubujk ma Tiranu 'yeskwela, es jap muut ņaygyaxudu bom bonu. ¹⁰ Du'un ya'axpejky majtsk jamujt, paaty nidugekyu ja ja'ay ojts tnijawudu ja Jesusu 'yayuk jam Asyu ņaaxoty, du'un di'ibu israelitaty es nandu'un di'ibu kyaj 'yisraelitaty. ¹¹ Es ja Dios ttuun' jantsy muj ja muj'ajtan mut ja Paablu. ¹² Esu ja'ay ttuknimiindu Paablu yu payu esu wit, esu Paablu je'eyu yajtkpaty ja wit, es yajtkninajxtu ja puma'ay es 'yagudaktaadyu. Es panu ka'oybyu myudajttup, nandu'un pyudsuumda'ay.

¹³ Es jap nija'ajaty ja israelitaty di'ibu judijttap kajpngajpn es dyajpudsamdu ja ka'oybyaty di'ibu ja'ay myudajttap. Ta tjayajpudsamandu ja ka'oybyaty mut ja xyu ja Nindsun'ajtam Jesus, es t'anmaaydyu ja ka'oybyaty:

—Ujts mij n'ane'empy Jesus xyugyujxm di'ibu Paablu kyajxwa'xyru, ipudsamdu!

¹⁴ Es du'un tyuundu nijxujtk tukka'ax yu Eseevu, israelitu teedywyindsanu myaanguty.

¹⁵ Es tugok ko du'un ttunandu, ja ja'ay di'ibu ka'oybyu myudajttapyru net 'yadsooju:

—N'ixy'ajtyrjats ja Jesus, es nnija'abats pan ja Paablu, per miidsaty, Ķmbanu du'un miidsaty?

¹⁶ Esu tyadu yedyujk di'ibu myudajttapy ja ka'oybyu, net kyuxpujty ja'ay ņikujxy es axuuk ttuun nidugekyu, yajwojptaadyu tugoty, es dyajkaktaadyu niwa'ats axwa'ats es tsyayujttaadyu. ¹⁷ Es ko tnija'adu nidugekyu di'ibu tsunaadyup jap Ēfesu, israelitaty es di'ibu kyaj, net tsyu'kadyaadyu es twindsu'kudu ja Nindsun'ajtam Jesus.

¹⁸ Nandu'un may di'ibu myubujktu myiindu mayjya'ayoty es tnigajxtu ja pyeky di'ibu tu ttundu, ¹⁹ es may yu ja'ayaty di'ibu tu ttuñ yu bruju winma'añ, dyajmiindu ņeky es tnino'ktu mayjya'ay wyiindu. Es ko twijsttu ja kywentu nu'un ja ņeky tsyoo, ja'a twijstpudsamdu justyikxmyajk milu platu meeñ, es tu'ukru platu du'un extam tun xyu yajmujuy yu tuumba. ²⁰ Es du'un oj ņejxy ja Diosu 'yayuk oymyaaaty es dya'ijxu myuk'ajtan.

²¹ Es ko tyadu ņajxy, net ja Paablu jyunanñ ņujxa'añ Jerusalen, es ņaxa'añ Masedoñu es Akayu. Nandu'un jyunanñ ko tsooonat Jerusalen, ta ņujxa'añ Romu. ²² Net tkejxy jap Masedoñu nimajtsku pyudujkubu, Timotee mudu Erastu, esu Paablu 'yakwe'emy ma Asyu ņax.

Mayjya'ay ņayya'ax ņayjyokudu Ēfesu

²³ Es ma tadu tiempu ja ja'ay ni'igu ttuk'ya'ax ttukjoktu jam Ēfesu mut ja agyujxm panuty ryanujxtap ja Jesus extam ja Kristu. ²⁴ Tamu naty tu'ugu plateeru di'ibu xyu'ajttapy Demetru. Tadu Demetru ya'agojwinnajxyru mudu platu ja tsajptujk ma t'awdattu Dyanu, es net teeky ja tsajptujku'unk. Ni'igu myeeñbyaattu ja Demetru es panuty muut tyundu. ²⁵ Paadyu Demetru dyajnaumyujkudu ja ja'ay di'ibu tyuunk'ajttabu tadu tuunk, es t'anmaaydyu:

—Mugu'uktujk, miits mnija'adup ko tyadu tuunk, yu'u muut ja jiky'ajtan ņaxy yajxon.

²⁶ Per miits m'ijxtap es mmudoodup ko tadu Paablu jyun'a'añ ko yu dios di'ibu yedyujk kyoj ya'o'oyudup, kyaj yu'u Dyioñty. Es du'unu mayjya'ay ttukmubeky, kyaj yaayaty Ēfesu, nandu'un ma tugekyu Asyu ņaxwiñudu. ²⁷ Nugoõ tyadu t'okkudsu'agu'ajnu, kyaj yu'u je'eyu ko nduunk'ajtam kyutugoynt, nandu'un tsojk nujx pan kyaj t'okmujpajtaknu yu ndaak'ajtam Dyanu tsajptujk, nan tsojk nujx kyutugooyñu ja myuj'ajtan yu ndaak'ajtam Dyanu, di'ibu tyam 'yawdajttapy ja ja'ay ya Asyu es tugekyu naxwiñudu.

²⁸ Ko tmudoodu tyadu ja ja'ayaty, net jyot'ambujktaadyu es yax jyojktu:

—iMuj'kujxm yu Dyanu di'ibu Ēfesu ja'ay wyindsu'kadup!

²⁹ Es du'un ja ja'ayu wyinma'añ jyo'ptaaydyu ma tugekyu kajpn. Es net tmajstju ja Paablu jyamunat di'ibu xyu'ajtypy Gayu esu Aristarku, nimajtsku tadu yedyujk jap kyugajpnaty Masedoñu, es dyajnujxtu trawijts trajudojtta ma ja kyumdattujk, ma ñaymyujkudu mayjya'ay. ³⁰ Net ja Paablu nandu'un jyatukyañ jap es tjamugajxañ ja mayjya'ay, per ja di'ibu myubujktu kyaj ñasmajtsu. ³¹ Es nandu'un naaguty ja Paablu myutnaymyaayubu di'ibu kuduunk'ajttap Asyu, 'yanmaayy ko kyaj tyukat jap. ³² Es ma ja mayjya'ayu naty jap ni'igu jyantsyya'ax jyantsyjojktu, tam tuk peky di'ibu wiink junandup, es jatuk peky nan wiink. Ni kyayajjaygyuku ti dun kyajxtap o ti dun ko ñaymyukudu. ³³ Es nija'ajuty di'ibu jap ttukmumadyaktu yajxon ja Alejandra wi'ixu naty 'yadu'atstu. Es ja israelitaty tsojktu esu Alejandra ñiwa'kpuðsúmutat ma ja mayjya'ayun. Net t'adijwa'xtu ja ja'ayuty es dya'awatstu ja tu'u es tmanujxtu ja Alejandra mayjya'ay wyindum. Es yu'u ttuk'ijxy ja ky'u'u es 'yamondat es jyakajxañ mut yu'ujuty. ³⁴ Per ko tnija'adu ko yu'u 'yisraelitaty, net yax jyojktu nidugekyu oy majtsk oorun:

—iMuj kujxm yu Dyana di'ibu Éfesu ja'ay wyindsu'kudup!

³⁵ Net ja Éfesu uskribaan dya'amoñ ja ja'ayuty, es t'anmaay:

—Mugu'uktujk, Éfesu ja'ayuty, nidugekyu naxwiñudu ja'ay ñija'adup ko tyadu Éfesu kajpn yu'u 'yawdajtypy yu Dyana es tkwenta'attu yu Dyana 'yawinnax di'ibu kudak tsajpótm. ³⁶ Es kyaj mbaat pun jynana'añ ko kyaj tyu'ajtnaty. Paaty amondu es winmaydyu yajxon pun ti mdunándup. ³⁷ Yu tadu yedyujkuty di'ibu miits tu xyajmíndu, kyaj tu tmaatstu tiity jap tsajptugóty es kyaj wi'ix jynana'andu axuuk mudu ndios'ajtm Dyana. ³⁸ Es punu Demetru esu di'ibu muut tyundu myudajtypy ja tu'ajtn, es pun ñi'annuyaampy, pes taa yu fwez es taa yu justisatujk. Jam mbaat t'awanu es tkayáktu ja tyu'ajtn nidu'uk nidu'uk. ³⁹ Es pun miits mmudajttap jatu'ugu u'anun, pes mugajxtu justisatujk ko ja'ay yajnaymyukudu esu junttu xytyúndat yajxon. ⁴⁰ Ja'a ko pun yu'u gobyeeynu tnijáwt di'ibu tyam mduundup, mbaat xypyekymyo'oyum éxtamu tsiptuumba, mut ko kyaj mbaat nmo'oyum yu tu'ajtn di'ibu tyam mduundup.

⁴¹ Es ko tyaadu du'un jynanañ, net t'anmaay ja ja'ay es ñujxtaayñut.

20

Paablu jyudity Masedoñu es Gresyu

¹ Es ko ñajxy ma ja'ay ya'ax jyojktu, net ja Paablu dyajnaymyujku ja di'ibu tu tñubeky ja Jesús, es tmooydyu ja kajxwíun. Net ñaymyastuttaayudu. Ta ñejxy Masedoñu, ² es tku'ijxy kajpnajpn, es ni'igu tjomukwingajxudu ja myugu'uktujk mut ja 'yayuk, es óknam jyajty Gresyu. ³ Jap wye'emy tuguk po'o. Es ko jap tsoonáñ es ñujxánnu barkoty Siryu, net tñudooy ko ja israelitaty tyuna'añty axuuk. Paaty ja Paablu jynanañ ko jyambitit tekyku'um es ñaxat jatugok Masedoñu. ⁴ Net jyamyuut'ajttadu ja Sópatru, myaangu Pirru, di'ibu kugajpn Bereeu, ja Aristarku mut ja Segundu di'ibaty kugajpn Tesalóniku, ja Gayu di'ibu kugajpn Derbe, ja Timotee, es nandu'unu Tikiku mut ja Trófimu di'ibu tso'ondup ma Asyu ñax. ⁵ Tyadu mugu'uktujk tu ñajxtu jawyiin es tu xy'awixtats ma Trouu kajpn. ⁶ Es uudsaty n'awixxyats ja pasku xuu, es óknam ndso'oñts Filipus barkoty. Ja kyyumngoxk xuu nnaybyáttats mut ja nmugu'uktujk jap Trouu, es jap nwa'umats juxtujk xuu.

Paablu mudu mubujkputujk jap Trouu

⁷ Es ma ja domingu xuu, net uudsaty nnaymyujkudu mut ja mubujkputujk, es ja tsajkaaky jajtjukwa'xat éxtamu Nindsun'ajtm Jesús tnastu'unu. Paablu yu'u ya'uxpukudu tsu'p paat, mut ko tsoona'añ naty jakumbom. ⁸ Es tapu naty tu ñaymyukudu ma tu'ugu kwartu kujxmbu, ma naty mayu lampu tyoy. ⁹ Es tu'ugu ana'k di'ibu xyu'ajtypy Eutiku, tamu naty 'yu'uñu ventanu agu'uy. Ko Paablu jantsy jeky kyajxy, ta ja Eutiku ja tsuu pyátanu. Ko myanajxy, ta kyumaanajxy ma tuguk niku'uy tujk. Ko oj dyajpud'u'ktu, tu naty 'yo'knu. ¹⁰ Net ja Paablu jynajky ma ja Eutiku es tmáneef, es t'anmaay ja myugu'uktujk:

—Katu mjotmay'ooktu. Jiigy'u.

¹¹ Net ja Paablu pjejty jatugok es dyajwa'xy ja tsajkaaky, es kyaaydyu. Es net tmugajxtu extu ko xuuñu. Ta tso'o'ñ. ¹² Ja ja'ay di'ibu jam dyajnujxtu ja Eutiku jiiky, ni'igu ja'a wyu'umdaaydyu jotkujk.

Paablu ñejxy Miletu

¹³ Es ko Paablu ñajxa'añ tekyku'um, net jynanañ ko uudsaty nujxtupts jawyiin barkoty es nnaybyáttaduts Asu. ¹⁴ Es ko nnaybyáttaduts mut ja Paablu jap Asu, ta yu'u tyujku barkoty ma uudsaty, es oj nnajxtats ma Mitilene. ¹⁵ Es ndso'oñts jap jakumbom es nnajxtats Kiuu. Ja kyumduguk xuu njajttats ma Samos. Ja kyyumajtaxxuu nbe'xyats waanu jap Trojilyu. Taanum njajttats Miletu. ¹⁶ Es kom ja Paablu kyaj mayu tiempu tmudaty Asyu, kyaj ñujxañ Éfesu, ja'a ko tsejkyu jya'ta'añ jap Jerusalén es dyajnaxa'añ ja Pentakostés xuu.

Paablu tmagajxa ja Ēfesu mabujkputujk

¹⁷ Es ko 'yijty jap Miletu, net tmagajxa ja mājja'aydujxk di'ibu ijttap mā mabujkputujk ņaymyūkudu jam Ēfesu. ¹⁸ Es ko myiindu, net ja Paablu t'anmaāy:

—Miits mnija'adap wi'ixuts uj nnayjyagyépyuty extu mā nmiil jāwyiin mā yu Asyu ņaxwīñudu. ¹⁹ Tugekyu ja tiempu mats n'ijty mat miidsaty, nmuduūñuts ja Nindsun'ajtam Jesús yuunk naxypy, es nya'axyuts mada winnūu, es kanak peky di'ibuts tsip nyajñajx ja'agyujxm kots axuuk xytyuundu ja israelitu ja'ayuty. ²⁰ Ngajxwa'xyuts tugekyu di'ibu oy mat miidsaty, es nya'axpuktu tsajptugóty es mā mdujkuty. ²¹ Es tuts n'anūmu ja israelituty es di'ibu kyaj 'yisraelituty, es jyambittut mā Dios es tmabáktat ja Nindsun'ajtam Jesukristu. ²² Tyámuts nnejxy Jerusalén, es xykyéxyuts yu Espíritu Santu, ni nganijáwuts wi'ixuts jap njátut. ²³ Je'eyuts nnijawu ko majaty kajpn mats nnaxy, yu Espíritu Santu xy'anūmuts kots ndákt pujxndugóty es n'ayówaduts. ²⁴ Per mada tyáadu kyajts ndsu'egu. Esu njiky'ajtanuts kyaj ti tsooty mat uj, ko je'eyu nyajkúxat yu nduunguts di'ibuts tu xymyo'oy yu Nindsun'ajtam Jesús es n'anūmat ja oybyu ayuk ko Dios tsyepjy yu naxwīñudu ja'ay.

²⁵ 'Es tyam nnija'abuts tuj'ajtan ko ni pán miidsaty di'ibu tu nya'axpékyuts wi'ix ja Dios yajkutiky, kyajts xyñakywyin'ixtat. ²⁶ Paaty tyam n'anūmūya'andu ko kyajts uj miits xyppeky'ixtat ko m'ooktat pekyoty, ²⁷ mat ko tu n'awanu tugekyu yu Dios ja 'yayuk es kudiibu myajtagóyudat. ²⁸ Naygywentu'átadu, es nandu'un kwentu'attu ja mabujkputujk mā yu Espíritu Santu tu mbujta'agyuty es xykywentu'áttut nidugekyu ja ja'ay di'ibu pyojpūty tu tkubajtxaty yu Nindsun'ajtam Jesukristu mat ja kyu'am ne'pyñ kruuzkujxm.

²⁹ 'Es nnija'abuts kots nnujxat, net myinut wiink ja'ay di'ibu yajtagoyaampy yu di'ibu myabujktap ja Kristu, éxtamu waxka'uk di'ibu awa'an es dyajtagóty yu borreegu. ³⁰ Nandu'un nija'ajty miidsaty ku'am pyudu'uga'añ, es mmo'oya'anudu yu wiinkru xpukjan di'ibu kyaj tyu'ajtanuty, es ttukpanujxa'añ di'ibu tyam myubejkypy ja Jesús. ³¹ Paaty mnaigywentu'átadap. Jamyatsta ko tugak jumujt, xuuñ es koots, jibuts ko nmo'oy yu kajxwījūn nidu'uk nidu'uk miidsaty.

³² 'Mugu'uktujkuty, tyam n'anūmūdu ko wu'umdu mat ja Dios es kuydyundu ja ayuk di'ibu 'yawa'anap wi'ixu Dios xytyu'unxam ja may'ajtan. Tadu ayuk tmudaty ja muk'ajtan es xyajmuk'ajtam nidugekyu es xykyupujkam tsajpótm es n'ijtam mat yu'u di'ibáty myabujktap ja Jesús. ³³ Kyajts uj ni na'q tu ndseky ni pána myeeñuty o ja wyítuty. ³⁴ Yajxon xyñijáwudu ko tuts nduñ mudats ngu'mgu'u es tu nbagyuts di'ibu naty uj xykya'ijtxap es di'ibu ka'ijtxap ja njamyūdadyuts. ³⁵ Tuts miidsaty nya'axpeky es tu nduk'ixtu ko xytyūndut es xypuudákdut di'ibu tugoy'ajtxap, es xyjamyátstat ja Nindsun'ajtam Jesusu 'yaxpukjan ko jyanañ: "Ni'igu njotkujk'ajtam ko wiink ja'ay nbudujkam es kyaj ko wiink ja'ay xypudujkam."

³⁶ Ko du'unu Paablu jyanañ, net ņaygyoxtnaaydyáku es kyajxtáky mat yu'ujuty. ³⁷ Nidugekyu jyūdyadyu, es ņaymyánandu es ttsu'ixtu ja Paablu. ³⁸ Es ta wu'umdaadyu jotmaymyut, ja'a ko 'yanmaāy ko kyaj tnaky'ixtat. Es net oj tnaswówudu extu mā ja barku.

21

Paablu ņejxy Jerusalén

¹ Es ko nmastuttaayuts ja nmugu'uktujkuts, ndujkuts barkoty, es ja barku ņejxy tūy es jya'ty mā ja Kos kajpn, es jakumbom nnejxyuts Roodus. Nétuts jap ndso'onda esuts nnujxtu Pátaru. ² Jap Pátaru mbáttuts tu'ugu barku di'ibu nujxp Fenisyu, es ndujkaduts es oj nnujxtuts. ³ Najxtuts aga'añdsyoo mā Tsyipre es oj nnujxtuts extu Siryu. Esu kapitangu byarku, yu'u myuñejxypy ja tsemy Tiru, paaty ja barku oj ņejxy jap.

⁴ Jap nbáttuts di'ibu myubujktu ja Jesús, es n'ijttuts juxtujk xuu mat yu'ujuty, es yu'ujuty Espíritu Santukujxm t'anmaāydyu kudiibu Paablu ņujxat Jerusalén. ⁵ Es ko ņajxy juxtujk xuu, net ndso'onduts. Es nidugekyu nmugu'uktujkuts oj xyñaswówaduts, yedyujk toxtyujkuty es mat ja unu'ku'unguty, es ņujxtaadyu kajpnba'am jam pu'ujótm, es nnaigyoxtnaaydyákduts es ngajxtáktuts. ⁶ Nétuts nnayjyugajxadu es nnaymyánanduts es udsaty nnujxtuts barkoty, es yu'ujuty jyambijnadu mā tyujk.

⁷ Nyajkugujxaduts ja nvyaju mā jikymyeyñ Tiru es extu Tolemadyu. Es jap ngajxpo'xtuts yu nmugu'uktujkuts es nwa'umdu mat yu'ujuty tuk xuu. ⁸ Es jakumbomu Paablu es udsaty di'ibuts mat yu'u ndso'onda, najttuts mā Sesareu kajpn. Es nnujxtuts mā Felipu di'ibu Jesús ja 'yayuk kyajxwa'xap. Tadu Felipu yu'u tu'uk di'ibu mā yu nijxutujkpu yedyujk win'ijxadu di'ibu myabujktap ja Jesús, es yu'ujuty tpudákt ja ku'ekyty'oxyuty di'ibaty ayoodap. Es jap nwa'umdu mat ja Felipu.

⁹ Ja Felipä japa ñaux nimajtaxk di'ibu kyaj tü pyäktä es di'ibu ijttä Diosu kyugajxpu.
¹⁰ Ko jap n'ijttats waanu jeky, net jyajty tu'ugu ja'ay di'ibu xya'ajtypy Agaabu, di'ibu tso'omp Judeeu. ¹¹ Ta oy xyñimifñits es twijtse'ky ja pyo'owuñnu Paablu, es ñaydyukkawu'an ñaydyuktekywu'an, es jyuñañ:

—Yu Espiritu Santu du'an jyuna'añ: “Jap Jerusalén yu israelítuty du'an tkawuñnut yu tadu po'owuñnu ñiwindsún es tkayáktat mut ja romanu ja'ay.”

¹² Kots nmūdoodu tyaadu es mut ja Sesareeu ja'ay, nētats nmunu'xtáktu Paablu kadiibu ñijxat Jerusalén. ¹³ Peru Paablu 'yadsooy:

—¿Ti ko mju'ay mya'axtu? ¿Tits ko miits xyajjotmay'ooktu? Nayjya'abuts kyaj je'euy nyajkatsúm nyajtekytyúmut, extu nayjya'abuts es ngu'oogudats ja Nindsun'ajtam Jesús jam Jerusalén.

¹⁴ Kom kyaju Paablu wyinmaaydyugatsañ, nētats njunandu:

—Wa'an yajtún éxtamu Nindsun'ajtam Jesús ttseky.

¹⁵ Net nnayjyup'ijxudats es oj nnajxtats Jerusalén. ¹⁶ Es xyjamyudajttats nija'ajuty ja Sesareeu ja'ay di'ibu myubajktu Jesús, es xymyanujxtu ma ja tyujku Mnasón, tu'ugu yedyujk di'ibu tso'omp Tsyipre es jeky tü 'yijnu tmábeky ja Jesús, es yu'uts xymyo'oyándup ja jajttákn jap Jerusalén.

Paablu ñaygyaxudu mut ja Santya'agu

¹⁷ Kots njajttu Jerusalén, nētadsu nmūgu'uktujkats xy'axájudu jantsy yajxón. ¹⁸ Jakumbom nnajxtats mut ja Paablu ngu'ixtu yu Santya'agu, es tamu naty mayu mujja'ayduyk di'ibáty ja Jesús myubajktup. ¹⁹ Net ja Paablu tkajxpo'xtaay, es tmumadyaktaay ti ja Dios tü tuñ Paablukyujxm ma ja'ay di'ibu kyaj 'yisraelítuty. ²⁰ Ko tmūdoodu tyadu ayuk, net t'awdajttu Dios es 'yanmaayudu Paablu:

—Weenu, mūgu'uk. Tü xy'ixy ko kanak mil yu israelítuty tü tmábeky yu Jesús es nidugekyu yu'ujuty tranujxtu ja Moisesu 'yana'amun, ²¹ es tü jyuna'añ ja ja'ay ko mij mya'axpeky mut nidugekyu israelítuty di'ibu tsunaaydyap ma ja ja'ay di'ibu kyaj 'yisraelítuty, es kyaj tranujxtu ja Moisesu 'yana'amun es kyaj yajtsúkat yu 'yungaty waanu ma ja yedyujk'ajtan, es nan kyaj tranujxtu di'ibu jaayum ndu'unum. ²² ¿Ti ndu'unum? Ñijáwudubu net yu ja'ay ko tü mja'ty. ²³ Nik oy ko du'an xytyúnat. Tyaa nimajtaxku yedyujk di'ibu pyadunaampy yu wandakun. ²⁴ Nujx muut es mnayyajwa'adsudat mut yu'ujuty, es mij mgujúyubu tadu gastu tugekyu. Es ko ñaxudu tadu wandakun, net yu mwaay xykyaaaptat mut yu'ujuty es net nidugekyu ja'ay tmawinnma'añbyaadat ko kyaj tyu'ajtanaty éxtam tü jyuna'añ mut mij, es ko mij nandu'un oy xypyanejxy yu Moisesu 'yana'amun. ²⁵ Es mut di'ibu kyaj 'yisraelítuty es tmábektu Jesús, tü nja'ayum wi'ix ngajxmujkam ko kyaj tju'xtat yu tsu'utsy di'ibu tü yajtukwindsu'ugu agojwinnáx, kyaj tju'xtat ja ne'pyñ o tsu'utsy di'ibu kyaj wa'ats tü wyindajxta'ay, es nandu'un kyaj myu'indúndat.

Paablu yajmátsy ma muj tsajptujk

²⁶ Net ja Paablu tmünejxy ja majtaxkpu yedyujk, es jakumbom ñayyajwátsudu nidugekyu. Netu Paablu jyajty ma ja muj tsajptujk es t'awánat ja teetytyujk na'a dyajjajpkáxat ja wandakun es na'a dyajmínat ja windsu'kun.

²⁷ Ma kyajnum kyexy ja juxtujk xuubu wandakun, nija'ajuty yu israelítuty di'ibu tso'omp ma Asyu ñax, t'ijxtu ja Paablu ma ja muj tsajptujk tujja'a es ma yu'uyuty ja israelitu ja'ayuty mbaat tyákudu. Net ni'igu yax jyojktu ja ja'ayuty, es tmajtstu Paablu, ²⁸ es muk tmagajxtu ja ja'ayuty:

—Miits israelitu mūgu'ugaty, pudujkugats! Tyaadu du'an ja yedyujk di'ibu judijtp ootyim di'ibu kajpnaty, es ttuk'axpeky tugekyu naxwiñudu es kyaj twindsu'ugudu nmugunax'ajt nmugugajpn'ajtam, ni ja Moisesu 'yana'amun es ni yu nmuj tsajptujk'ajtam. Es nandu'un tü tmūduku ma tyadu muj tsajptujk ja grieeu ja'ayuty, es du'an kyaj tmuj'ixy tyadu wa'ats lugaar.

²⁹ Du'an jyuna'añ tyadu israelítuty ko tü t'ixy ma Jerusalén kajpn yu Paablu mut ja Trófigu di'ibu Éfesu kugajpn. Paaty jyunandu ko Paablu tü tmūduku ma muj tsajptujk tujja'a yu Trófigu di'ibu grieeu ja'ay.

³⁰ Tugekyu kajpn tnijawyandu ti tuun jajtup, es ja ja'ay myiñi pəye'együ. Net tmajtstu Paablu es pawitsy pajodoty dyajpudsuumdu ma ja muj tsajptujk, es netyu dya'adujktaaydyu ja muj tsajptujk'aa. ³¹ Tamu naty tim ya'oogánudu ja Paablu ko oj ya'awanu ja soldaadu windsungopk ko nidugekyu Jerusalén ja'ay ya'ax jyoktu. ³² Net ja soldaadu windsungopk dyajnaymyujku ja syoldaadutujk es ja soldaadu windsúnaty, es jyajttu pəye'együ ma mayjya'ayuty. Es ko ja ja'ayuty t'ijxtu ja soldaadu windsungopk mut ja syoldaadutujk, net ja Paablu tasmajtsudu es kyaj tnakywyojtu. ³³ Net ja soldaadu windsungopk tnimiñ ja Paablu es tmajtsy. Ta dyajnejxy kəwəñ mut majtsku kadenu. Es ko waanu 'yijty, net dyajtəy ja soldaadu windsungopk:

—ĶMbān mijts, es ti tu xytyuñ?

³⁴ Peru ja'ayuty yaxkaktu wiingátyuty éxtam kyaj mbaat yu soldaadu windsungopk tmdooogúku di'ibu dun tuj'ajtan. Es net ja Paablu yajmunejxy ma kwartel. ³⁵ Ko jyajty ma ja kwartelu 'yeskaleeru, net ja soldaadatujk kyay'u'ku es yajmunejxy ja Paablu, ³⁶ ja'a ko pyamiñuty ja mayjya'ay pyaya'axy pyajékuty:

—iYa'ookta!

Paablu kyama'añ ma nimayjya'ay

³⁷ Es ko Paablu dyajtukayāndu ma kwartel, net t'anmaay ja soldaadu windsungopk di'ibu ijtp ma ja batayonk:

—ĶTits mbaat nnigajxy?

Es ja soldaadu windsungopk 'yadsooy:

—ĶMij mjaitypy mgajxat grieeġu? ³⁸ ĶTii mij kyaj m'eijptuja'ayuty di'ibu tūyup mat tsyiptuñ yu yajkutujkru es dyajpudseemy ma muj ittum taxk mil yu jajja'ay'o'kruty?

³⁹ Net ja Paablu 'yadsooy:

—iKyaj! Israelitu ja'ayuts uj, jáputs ngugajpnuty Tarsu, di'ibu ijtp muj ma Silisyu ñax, romanu ja'ayuts uj. Tuna may'ajtan, meegyuts ja tiempu esuts ja ja'ay nmugajxat.

⁴⁰ Es ja soldaadu windsungopk tmooy ja tiempu. Netu Paablu tyunaaye'ky ma ja eskaleeru es ja kyua' tuuk'ijxy ja ja'ay es 'yamondat. Es ko 'yamoondaaydyu ja ja'ay, net oj tmugajxy mat ja ebreu ayuk, es t'anmaay:

22

¹ —Miits mujja'aydyujkuty es miits mugu'uktujkuty, madowdu wi'ixuts nnayñikajxtu'uda'añdyuts.

² Ko tmdoodu tkajxy ja ebreu ayuk, net ni'igu 'yamoondaaydyu. Es ja Paablu 'yanmaayudu:

³ —Ķj israelituts, japs nmaxu'unk'ajty Tarsu, Silisyu ñaaxóty, es yaats nye'ky Jerusalén es Gamalyéluts xya'uxpukj. Yajtuk'ijxuts oy ja n'aptujk'ajtamu 'yana'amun es amumdu'uk jótuts nmuduñ ja Dios, éxtam miidsuty nidugekyu tyam xytyundu. ⁴ Ķjts tūyup nmudsip'ajtuts yu di'ibu pyanejxypy ja Jesusu 'yuxpukun, extu nya'oogánuts es nyajnejxyuts tsimy yedyujk toxytyujk, mbujta'aga'añuts pujxndugóty. ⁵ Es ja teedywyindsungopk es nidugekyu di'ibu ana'amdu muj tsajptugóty ñija'adu ko yu'ujuty dyajktu neky mat ja nmu'israelit'ajtam di'ibu Damasku tsunaaydyup. Nujxpu dsu naty jam, n'xta'aya'añuts di'ibu myubujktup ja Jesús, es nyajmina'añuts ya Jerusalén es ndukkumadowa'añuts.

⁶ Ko nja'tánuts Damasku, éxtam kijkyxyu, nétuts n'ijxy jyaoy nikajxmuts tu'ugu muk jajun di'ibu tsajpót m tso'omp, ⁷ es ngudaayuts. Nétuts nmduoy tu'ugu ayuk ko jyana'añ: "Saulu, Saulu, ĶTits ko xyypajudty?" ⁸ Nétuts nyajtūy: "ĶMbān mijts?, Windsún." Es xy'anmaayuts: "Ķjtsuts Jesús nazarenu di'ibu mij mbajudijtypy." ⁹ Ja njamyuduts t'ijxtu ja jajun, per kyaj tjaagyujkudu ja ayuk di'ibuts uj xymyugajx. ¹⁰ Nétuts uj n'anmaay: "ĶTits ndúnup?, Windsún." Nétuts xy'anmaay ja Nindsun'ajtam: "Pudu'uk es nujx jap Damasku es jar m'anumadut tugekyu ti mdúnup."

¹¹ Es ko ja jajun oj xyajwiindsuts, nétuts ja njamyuduts xyajnejxy witsy extu njajtyuts Damasku.

¹² Jap tu'ugu yedyujk di'ibu xyu'ajtypy Ananius. Yu'u jyantsy'awdajtypy ja Dios es tkuydyuñ ja Moisesu 'yana'amun, es nidugekyu israelituty di'ibu tsunaaydyu Damasku yajxon muut 'yjity yu'u. ¹³ Es ja Ananius xyñimiiñuts es xy'anmaayuts: "Mugu'uk Saulu, ijxwa'x jatugok." Es netyu jatugok oj n'ijxwa'xyuts es net n'ijxyuts ja Ananius. ¹⁴ Nétuts xy'anmaay: "Yu Dios di'ibu n'aptujk'ajtam wyindsu'kudu jékyp, tu mwin'ixyuty es xy'ixy'átut di'ibu yu'u tsyeyjy, es xy'ixut ja Di'ibu Jiky'ajtp Tuj'ajtan Muut es xmyundowat di'ibu yu'u kyajxypy. ¹⁵ Esu Dios mbujta'agánup es xykyajxat ja 'yayuk ma nidugekyu naxwiñudu ja'ay, es xytyukmumadya'agut di'ibu tu xy'ixy es di'ibu tu xymyudoy. ¹⁶ Es tyamyu, katu m'ak'awix. Pudu'uk es mnabátat, es manu'xta'ak ja Dios esu mbeky mniwa'adsudat."

¹⁷ Kots njambijty Jerusalén, tats nnejxy ma muj tsajptujk es ngajxtákyuts. Nétuts n'ijxma'ty. ¹⁸ N'ijxyuts ja Nindsun'ajtam Jesús, es xy'anmaayuts: "Jottugoy es mbudsámut ya Jerusalén, mat ko kyaj tyadu ja'ay tñubuka'añ kots uj nGristaty."

¹⁹ Nétuts uj n'anmaay: "Windsún, yu'ujuty ñija'adu nidugekyu kots uj nnejxyuts ma tsajptujk es nmunejxyuts pujxndugóty di'ibu myubejkypp ko mij mGristaty, es uj tu nya-jwépydyuts. ²⁰ Es ko ja ja'ay dya'e'ky ja Esteebu, mij ja mduumbu di'ibu pyujtáak ja tuj'ajtan mijtskyujxm, támudsu naty mat n'ity ko dya'e'ky, extu ngwentu'ajtats ja wyit." ²¹ Es xy'anmaayuts ja Nindsun'ajtam: "Nujx. Ķjts mij ngaxaampy jagam ma ja'ay kyaj 'yisraelituty."

Paablu 'yjity soldaadu windsungopk ky'u'jótý

²² Tmūdoolijty ja ja'ay yaabaat ko jynān ko ñjxa'āñ mā ja'ay di'ibu kyaj 'yisraelitūy. Net ja ja'ayuty yaxkaktu:

—iYa'ook tadu ja'ay! iKyaj pyaadyuty jyiky'ātu!

²³ Es maanam ja ja'ayuty ni'igu ttuk'ya'ax ttukjoktu, tjandu wyitūy es t'axjābirtu, es ja naxway tjantsywyuju'uktu, ²⁴ net ja soldaadu windsangopk tni'ana'amū es ja Paablu yajmūnjxat mā kwartel, es yajwōpūt es tñigajxat ti ko ja'ay ya'axy jyeky mut yu'u. ²⁵ Es ko two'ondūnū es twopandu yu Paablu, net yu Paablu dyajttūy ja soldaadu windsūn di'ibu naty jam:

—iMmūdajtypy miidsū kutujkan es xywyōpūt tu'ugu romanū ja'ay, es kyajnam yaj-payo'oyu?

²⁶ Es ko tmūdooy yu soldaadu windsūn, net oj t'awanū ja wyindsūn, ja soldaadu windsangopk, es t'anmaay:

—Mnaygywentū'ātūdup mut di'ibu mdunaampy. Tyadu yedyujk, romanū ja'ay yu'u.

²⁷ Net ja soldaadu windsangopk tñimujwa'ky ja Paablu, es dyajttūy:

—iTūy'ajtan ko mij mromanūja'ayūdyu?

Es ja Paablu 'yadsooy:

—Tūy'ajtan.

²⁸ Es ja soldaadu windsangopk 'yanmaayū:

—iJts kajaats xytsyoobātū kots ūj nromanūja'ayuty.

Es ja Paablu 'yanmaayū:

—Per ūjts romanū ja'ayūts nā'abūts nmiīñ njajty yā naxwiīñ.

²⁹ Es yu soldaadu di'ibu naty wōpānū yu Paablu, net ñikaktaayūdu, es yu'ūbaat ja soldaadu windsangopk tsu'ku ko yu Paablu tū tkūwūñ es romanū ja'ay yu'u.

Paablu tmūgajxy di'ibu ana'amdup muj tsajptūgōty

³⁰ Es jakumbom yu soldaadu windsangopk tñijawūyāñ ti ko Paablu ñi'ūnūty yu israelitūy. Net tni'ana'amū es jynākut ja kadenu di'ibu Paablu kyū'ūwū'ūn'ajtypy, es dyajnaymyujku yu teedywyindsūnūty es nidūgekyū di'ibu ana'amdup muj tsajptūgōty. Netu Paablu dyajpūdsūmūdu es tpujktūktū mayja'ay wyinduuy di'ibu naty tū ñaymyūkūdu.

23

¹ Paablu tni'ijxe'ky di'ibu ana'amdup muj tsajptūgōty, es t'anmaay:

—Mūgu'uktujkuty, tūts njiky'aty extū tyambaat wī'ixūts kyaj nbekyiyawū mā ja Dios.

² Net ja Ananiūs di'ibu ijtp teedywyindsangōpk, t'anmaay ja ja'ay di'ibu tūnaapy jap Paablu pya'ay es t'abojtū'ūgūt ja Paablu. ³ Es ja Paablu t'anmaay:

—Dios yu'u mwōpūdup, mnay'andijyuty éxtūmū ja'ay di'ibu jiky'ajtp tūy'ajtan mūut. iTi ko yāā m'u'ūñ esuts xyryayo'oyūt éxtūm ja Moisesū 'yana'amūn jynā'āñ, es mijts kū'ūm kyaj xykyuydyūñ ja Moisesū 'yana'amūn ko mjūnā'āñ esuts nya'abojtstū'ūgūt?

⁴ Es ja ja'ayuty 'yanmaayūdu:

—iTi dū'ūn xywyngajxpēty yu teedywyindsangōpk?

⁵ Es ja Paablu t'anmaay:

—Mūgu'uktujk, kyajts nñijawū pūn yu'u teedywyindsangōpk. Pes dū'ūn ja Diosū jyaay-byajtan jynā'āñ: “Katū xykyajxpēky di'ibu ana'amp mgajpnōty.”

⁶ Ñija'ap ja Paablu ko tamū sadusee ja'ayuty esū farisee ja'ayuty, es t'anmaay mūk:

—Mūgu'uktujkuty, ūj nandū'ūn farisee esū n'aptūjktūts nandū'ūn fariseeuty, es tyāmūts xyajjustisūpaaty kots nūmūbeky es n'awīxūts ja jyikyryujkan di'ibu tū 'yeeky.

⁷ Es ko dū'ūnū Paablu jynāñ, net ja ja'ay ñaygajxytsyi'kūdu ak yu'ūjuty di'ibu naty tū ñaymyūkūdu, tū ñaybyūjtākūdu abekyū fariseeuty es abekyū saduseeuty, ⁸ mut ko yu saduseeuty jynā'andū ko di'ibu tū 'yeeky kyaj ñakyjyikyrye, ko kyaj jyaadyū anklus es kyaj jyaadyū anmūja'an. Per yu fariseeuty myūbejkyry ko yu o'krū jyikyrye kyatūgok, ko jyaaty yu anklus es jyaaty ja anmūja'an. ⁹ Es di'ibu ana'amdup muj tsajptūgōty nidūgekyū ñay'oojūdu ak yu'ūjuty. Es pyūdu'ktū nija'ajuty ja fariseeuty di'ibuty tsajptūgōty yu'axpūjktūp, es t'anmaaydyū:

—Tyadu yedyujk kyaj pyeky nbātūm. Yu'u da tu'ugu anklus o tu'ugu anmūja'an tū myūgajxyuty.

¹⁰ Es ni'igu jyantsymūjwīndūku ko ja'ay ñay'oo ñayya'axūdu ak yu'ūjuty. Ta ja soldaadu windsangopk jyotmay'e'ky ko yu Paablu ja'ay ya'ooğūdu. Net ja syoldaadūtk tkejxy es nūjx ja Paablu dyajtsoōndū es dyajmīnūtk jatūgok mā kwartel.

¹¹ Ja ux ja Nīndsūn'ajtan Jesús kyūxe'ky mā Paablu, es 'yanmaayū:

—Paablu, jotmūk mnaybyūjtā'agūdu. Extūm tū xykyajxy ja tūy'ajtan mut ūj ja yāā Jerusalēn, nandū'ūn xykyajxat ja tūy'ajtan ūjtskyūjxm jap Romū.

Tkajxy'ātū pūn wī'ixū Paablu 'yoogut

¹² Es jakumbom nija'ajuty ja israelituty ņaygyajxudu es dya'ooga'añ ja Paablu, es jyunandu:

—Wa'an ja Dios xytyukkumudo'om pun ka'ay ukum ma kyajnum nya'o'okum ja Paablu.

¹³ Di'ibu du'un tyunandubu naty naxy nijustyikxy ja yedyujkuty. ¹⁴ Net ņujxtu ma ja teedywyindsanuty es ja muija'aydyujkuty, es jyunandu:

—Udsaty tats nnaigyajxudu es Diosats xytyukkumodowdat kots ngayut pun kyajnumts nya'ooktu Paablu. ¹⁵ Tyam miidsuty es di'ibu ana'amdup muj tsajptugoty, amdownu tadu soldaadu windsangopk es bom dyajminudu tadu ja'ay ma miidsuty, es xywyin'uanat ko miits xyñijawuya'andu yajxon ja pyeky. Es udsaty, tamuts n'awixtu esuts nya'oogut ma kyajnum naty jya'ty.

¹⁶ Es ja Paablu ja tsyojmaank myudoo ti tyunandup, net ņejxy ma ja kwartel es t'awa'anu ja Paablu. ¹⁷ Net ja Paablu tmugajxy tu'ugu soldaadu windsun, es t'anmaay:

—Munajxu tyadu mixy ma ja soldaadu windsangopk, ja'a ko madya'aga'añ waanu mut yu'u.

¹⁸ Es ja soldaadu windsun tmanejxy ja Paablu tsyojmaank ma soldaadu windsangopk, es t'anmaay:

—Tadu Paablu yu'uts tu xy'amdoy esuts nyajminut ja yaa tyadu mixy. Yu'uk madya'agaamp waanu mut mij.

¹⁹ Es ja soldaadu windsangopk tku'umumajtsu ja mixy, es dyajnejxy wiink tsoo, es dyajtuy:

—¿Tits xy'awanuyaamp?

²⁰ Net ja mixy t'anmaay:

—Yu israelituty tu ņaygyajxudu es bom m'amdowa'añuty es xyajnujxtu ja Paablu ma di'ibu ana'amdup muj tsajptugoty, es 'yanda'aga'andu es tseky es xypyayo'oyut. ²¹ Kyaj mij xymyubakut, ja'a ko nijustyikxy naxy ja jya'ayuty di'ibu awixp ayu'udsyu, es tu jyuana'andu ko Dios tyukkumodowdat pun kaaydyup es kyajnum dya'ooktu Paablu; es tyam tap t'awixtu na'a xyajmin.

²² Net ja soldaadu windsangopk ņayjugajxu mut ja mixy es kyaj pan ya'awanut extum tu yajmumadya'aky.

Paablu yajkexy ma gobernador Felus

²³ Ta ja soldaadu windsangopk tmugajxy majtsku soldaadu windsun, es t'anmaay:

—Anumudu majtsk mugopxu msoldaadu es ņay'uxkukudut, es tugu'px majk di'ibu kwaagyujxy, es majtsk mugopxu di'ibu mut ja lyanzu, es ņujxtu Sesaree tyam muj koots.

²⁴ Es nandu'un ņay'uxkukudut yu Paablu es ttukpatut ja kwaay, es yajkwenta'attat kudiibu ti jyatudut es yajkyakut ma ja gobernador Felus.

²⁵ Es ja soldaadutujkuty yu'u tmunajxtu ja neky ma jyuana'añ: ²⁶ “Ujts Klaudyu Lisyus, ngexyuts tu'ugu neky mut mij, gobernador Felus, es ngajxpo'xa'añ. ²⁷ Yu israelituty tu tmatstu tadu yedyujk es dya'ooga'añ, per kots uj nnija'aju ko yu'udyu romanu ja'ay, netats oj nnejxy mudats ja nsoldaadutujk es nyajtsekyuts. ²⁸ Netats nyajnejxy ma israelituty di'ibu ana'amdup muj tsajptugoty, mut kots nnijawuya'añ ti ko tu tni'uanudu. ²⁹ Muj ja pyeky trajtakudu mut ku'am ja 'yana'amun; per kyaj tmudaty yu peky es dya'oogut o dya'itut pujxndugoty. ³⁰ Kots uj nnija'aju ko yu israelituty ttukniwinmayu dya'ooga'añ tadu ja'ay, paaty tyamats ngexy ma mijs; es nandu'un tuts n'anummu ja di'ibu ni'u'unup es najx dyaky yu tyu'ajtun ma mijun. Ja nnaybyatun.”

³¹ Net ja soldaadutujk dyajnujxtu ja Paablu extum tu ya'anumudu, es dyajnujxtu koots extu Antipatrus. ³² Jakumbom jyumbijttu ja soldaadu ye'ebyu ma ja kwartel, es ja kwaagyujxyru t'akpanujxtu ja Paablu. ³³ Ko jyajty Sesaree, ta tkuyajktu ja Paablu es ja neky ma ja gobernador. ³⁴ Es ko t'ijxy ja neky ja gobernador, net dyajtuy ja Paablu:

—¿Madsoo m'it mlugaar?

Es ja Paablu 'yadsooy:

—Silisyu ja'ayuts uj.

³⁵ Net ja gobernador Felus 'yanmaayu:

—Tyamats n'awixut ko kyada'agut ja ja'ay di'ibu tu mni'uanuty, esuts nmadowat wi'ix jyuana'añ.

Es ja Paablu yajpajtky ma ja tujk di'ibu Eroodus pyalasyu'ajt, es kywentu'atudu ja soldaaduty.

Paablu, ja gobernador Felus wyinduuy

¹ Kyummugoxk xuu kyudaky Sesaree ja Ananius di'ibu ijtp teedywyindsangopk, mut ja muija'aydyujk es tu'ugu wingajxpu di'ibu xyu'ajtypy Tertulu. Tyadu twinguwa'ku ja

gubernadoor Felus es tjarpujta'agāñ ja pyekey ja Paablu. ² Es ko ja gubernadoor dyajmiññ ja Paablu, net ja Tértulu tni'u'annu ja Paablu, es t'anmaay ja gubernadoor Felus:

—Nja'aygyudákypuuts mā mij, windsún gubernadoor, ko mijskyujxm jyaadyu oy'ajtun mā tyadu naxwifūdu, es mij m'ane'emy yajxon mut ja oybyu mwinmā'añ. Paaty kyaj mā tsip mut uudsuty. ³ Es mij tu xytyuñ yajxon tugekyu mā tyadu israelituty ja ñaxwifūdu. Nja'aygyudákypuuts mijts, gubernadoor Felus. ⁴ Per kudiibets mij nugoo ja mdiempu nyajtagóyut, tunu may'ajtun es xymyudoo'itāt di'ibuts uj ngajxaampy. ⁵ Tyadu yedyujk yu'u axuk ja'ay, es ñejxy oytym maaty es dyajtsiptūñ yu israelituty; es nandu'un yu'u ñigopk'ajtypy ja ja'ayuty di'ibu yajtijp nazarenu ja'ayuty. ⁶ Nandu'un tmadujku wiink ja'ay mā muj tsajptujk. Paadyuts nmajstā es ndaydyunānduts éxtamsu n'ana'amun jyuna'añ. ⁷ Net ja soldaadu windsungopk Lisyus myiññ es tyujku amujja, es dyajnejxy ja Paablu, ⁸ es xy'anmaaydyuts uudsuty di'ibu u'andup nmīndut mā mij. Es tyam mijs ku'am xyñijawut ja tuy'ajtan nidugekyu ti kots nni'annu.

⁹ Esu israelitu ja'ayuty di'ibu naty jáputy, nandu'un jyunandu ko tuy'ajtanuty.

¹⁰ Net ja gubernadoor ja ky'u'u ttuk'ijxy ja Paablu es kyajxut. Ta Paablu jyunañ:

—Tyam uj jotkujkats nnayjyáwuty es nnayñikajxtu'uda'añudyuts mā mij, mut ko nnija'abuts ko mij tyam m'ity jeky es myajkutiky mā tyadu naxwifūdu. ¹¹ Mijs ku'am mbaat xypyayo'oy ko je'eyunam majmajtsk xuu kots n'ojsy Jerusalén esats n'awdata'añ ja Dios. ¹² Es kyaj tuy'ajtanuty kots xypyaattu nnay'oojūds, es kyajts pán nyajnayñibudu'ku, ni mā muj tsajptujk es ni mā justisatujkuty, es ni di'ibu kajpnats pán muut ngatsiptūñ. ¹³ Tyadu ja'ayuty kyaj mbaat dyajtaydyákudu tits xytyukni'u'annu. ¹⁴ Di'ibu tuy'ajtan, nbanejxypyuts ja Jesús éxtam Kristu, di'ibu yu'u tyijtp anuu xpujkan. Nmūdiimbyuts ja Dios éxtamsu n'aptujk tmaduun. Nmūbejkypuuts tugekyu Moisesu 'yana'amun es tugekyu di'ibu Diosu kyugajxpu kyajxtu. ¹⁵ Es uj nmūbejkypuuts éxtam yu'ujuty nandu'un ko yu Dios dyajikypuka'añ tugekyu o'kpu di'ibu ijt oyjya'ay es nandu'un di'ibu ijt ka'oyjya'ay. ¹⁶ Es paadyuts du'uñm nduna'añ di'ibu oy Dios winduuy es nandu'un ja'ay winduuy.

¹⁷ Es kanak jumajits njudijty wiink nax wiink kajpn, es njūmbijtyats madsu nnaxu ngajpn es nyaka'añuts yu limosnu es ja windsu'kun. ¹⁸ Es jawyiinats nnayajwátsu. Jápūdsu naty muj tsajptujk ñabotsoty es mbujta'aga'añuts yu limosnu es ja windsu'kun, es kyaj mut ja mayjya'ay es ni nganayñibudu'uguduts ni pán muut. Es jap tsajptugoty xypyátuts ja israelituty di'ibu tso'omp mā ñaxwifūdu Asyu. ¹⁹ Es japs xypyattu ja israelituty di'ibu tso'omp mā ñaxwifūdu Asyu, ¿Ti ko ku'am tu kyamindu ja yaa es xyñi'annuduts mā mij, pūn tuy'ajtan myudajttap mā u'annu? ²⁰ Mut ko yu'ujuty kyaj myindu di'ibu tyam junāndup ja yaa, wa'an yu'ujuty tuy'ajtan tjana'andu pūn ti peky tu xypyaattuts ko nwindaay wyinduuyuty di'ibu ana'amdup muj tsajptugóty. ²¹ Je'eyu pūn yu'ujuty xyñi'annuyambuts ko njunāñuts muk jap mā di'ibu ana'amdup muj tsajptugóty: “Miidsuty tyam xypyekmyoodyuuts kots uj nmūbeky ko yu o'kpu tyajkypuka'andu.”

²² Ja Felus oy tñija'aju wi'ix tmbaktu di'ibu pyanujxtap ja Jesús éxtam ja Kristu, paaty ko tmdooy yu taadu, net jyunañ:

—Ko myínut ja soldaadu windsungopk Lisyus, n'akmūdōwūpts mijy m'u'annu.

²³ Es net ja Felus t'anmaay ja soldaadu windsún es ja Paablu 'yítāt tsimy, per tmo'oyut nandu'un yu awa'ats'ajtan es dyajtūkat yu myatnaymyaayubutujk es kyu'ixudut.

²⁴ Es ko 'yijty kanak xuu, ta jyajty jatugok ja Felus mut ja ñudo'oxy Drusilu, di'ibu israelitu ja'ay. Ta tñigaxu ja Paablu es myínut. Es tmdooy ko Paablu myugajxudu wi'ix ja jiky'ajtan ko Jesukristu yajmūbéky. ²⁵ Es ko ja Paablu 'yawā'anu es ja ja'ay jyiky'átāt tuy'ajtan muut es ñay'aguwítsudut ku'am, es ko ja'ay yajpayo'odyut, net ja Felus ñay'adsu'ku es t'anmaay ja Paablu:

—Winwá'ktútkuts tyam. Kots ja tiempu nmūdátut, net nnigáxut.

²⁶ Es ja Felus yu'u jyatsojk es ja Paablu myo'oyudut ja meēñ es tñasmátsut; paaty janaamuty tñigaxu. ²⁷ Du'un tyuun jyajty majtsk jumajt. Net ja Felus pyudsūmmu gubernadoor, es tyujku ja jembyu di'ibu xyu'ajtypy Porsyu Festu. Es ko ja Felus wyu'amāñ oy mut ja israelituty, paaty dyajwe'emy ja Paablu tsimy pujxndugóty.

25

Paablu, ja gubernadoor Festu wyinduuy

¹ Ko ja Festu jyajty es oj t'axaju ja kyutujkun es 'yítāt gubernadoor, kyumdugak xuu tso'oiñ Sesareeu es pyatujku Jerusalén. ² Es net ñimínudu ja teedywyindsúnuty es ja israelituty ja myujja'aydyujk, es tni'u'ambajttu ja Paablu, ³ t'amdooy ja may'ajtan es tñigáxut ja Paablu es dyajmínut Jerusalén. Du'un t'amdooy ko tu naty ñaygajxudu ja israelituty es dya'ooga'andu tu'aay. ⁴ Per ja Festu 'yadsooy ko Paablu tap 'yity tsimy Sesareeu, es yu'u ku'am jajpta'aggaamp jap. ⁵ Es jyunañ:

—Miits nidu'ugaty di'ibū myādajttap ja kutujkūn, mnūjxtap Sesareea kots ūj nnūjxat, es pūnū tadū yedyujk jamū pyeky, mbaāt xyñi'u'ambāttū.

⁶ Festū je'eyū jap 'yijty Jerusalēn tuktujk majk xūū es ta net jyunajky jatugok Sesareea. Es jakumbom t'axajū ja 'yuñaa'byajū mā 'yana'ama'āñ. Ta tñigajxū ja Paāblū. ⁷ Ko Paāblū tyujkū, net yajnādujukūdū ja israelitūty di'ibū tū tsoondū Jerusalēn, es t'pwtākūdū pyeky kanāk nax, per kyaj tyu'y'ajttūdujku. ⁸ Es net ja Paāblū ñayñikajxtūtu:

—Ūj, ni tīts tū ngatuundūgōy mūt ja israelitūty ja 'yana'amūn, ni mūt ja māj tsyajptujk es ni mūt ja yajkutujkprū kopk.

⁹ Per ja'a ko yū Festū wū'umaāamp oy mūt ja israelitūty, paaty ja Paāblū t'anmaāy:

—ĶTii mnūjxaāamp Jerusalēn es jāmutū ndūnūt ja tūy'ajttūn?

¹⁰ Net ja Paāblū 'yadsooy:

—Tyāmūts n'ity mā yajkutujkprū kopkū kyutujkūn, mā mbaādūts ja ndūy'ajttūn yajttūñ. Mnija'ap oy ko kyajts ūj ti tū nduundūgōy mūt ja israelitūty. ¹¹ Es pūn tūy'ajttūn ko tūts ti nduundūgōy di'ibūts ngumūdōwep es xy'a'oogūdūts, wa'ants xy'a'ooktū; per pūn kyaj ti tyu'y'ajttūnūty di'ibū xytyukni'u'ūnūp, kyaj pūn ja kutujkūn tūmūdaty esūts xykyuyākūt mā yū israelitūty. Paaty n'amdōyūts esūts xyajñūxūdūts mā ja yajkutujkprū kopk es yū'u kū'am xyppayo'oyūdūts.

¹² Ko naty ja Festū tū myadya'aky mūt ja jya'ayūty, ta t'anmaāy ja Paāblū:

—Mūt ko tū xy'amdooy es nyajñūxūtt mā yajkutujkprū kopk es yū'u jyustisūttūnūt, oy nyajñūxūtt.

Rey Agripū jya'ty es tku'ixy ja Festū

¹³ Ko 'yijty majtsk tūguk xūū, net jyajty jap Sesareea ja rey Agripū mūt ja toxytyujk di'ibū xyū'ajttūpy Berenise, es tkājxpo'xa'āñ ja gubernadoor Festū. ¹⁴ Es kom kanāk xūū jap 'yijttū, ta ja Festū tmūmadyaky ja rey wi'ixū Paāblū 'yity tsimy, es t'anmaāy:

—Tyap tū'ugū yedyujk 'yity puixndūgōty di'ibū Felūts tū dyajwe'emy. ¹⁵ Kots n'ijty Jerusalēn, net ja teedywyindsūnūty esū israelitūty ja myūjja'aydyujk tni'u'ūnūdū tadū yedyujk, es xy'amdooyūts es ūj n'jūnā'ānūdūts ko peky tūmūdaty es wa'an dya'ooktū. ¹⁶ Es ūj n'adsooyūts ko yū rōmānū 'yana'amūn kyaj ñigutīkyūty es nya'o'kūm ja ja'ay pūn kyajñūmū tyu'y'ajttūn dyaky es ñaywyindānūdūt mūt ja di'ibū ū'ūmp, es ñayñikajxtū'udūdūt. ¹⁷ Paaty ko yū'ūjty myiindū ja yāā, netyū jakumbom nnaxwe'tsy mā ūñaa'byajñ māts n'ane'emy, es nētūts nnigajxū tadū yedyujk. ¹⁸ Ja israelitūty kyaj oj 'yūūndū ēxtūmūts ūj tū n'okwinmāy. ¹⁹ Yū'u je'eyū oj ttukni'ūnūdū ēxtūmū israelitūty myūbūktū, es mūtt ja Jesūs di'ibū o'k; per ja Paāblū jyunāñ ko yū Jesūs jyi'ky'aty. ²⁰ Es kom kyajts nnūwinmā'āñbyaaty wi'ixūts ja tūy'ajttūn ndūnūt, nētūts ja Paāblū nyajttūy pūn nūjxaāamp Jerusalēn es jāpūts ja tūy'ajttūn ndūnūdūts. ²¹ Per ja'a ko yū'u 'yamdooy es ja yajkutujkprū kopk Augustū ttūnūt ja tūy'ajttūn, paaty ūj nya'ityūts tsimy ēxtū kots ūj mbaāt ngexy.

²² Net ja Agripū t'anmaāy yū Festū:

—Ūj nandū'ūn nūmūdōwāmbūyūts wi'ix jyunā'āñū tadū ja'ay.

Es ja Festū 'yadsooy:

—Bom xymūdōwūt.

²³ Jakumbomū Agripū es ja Berenise jyajttū es ni'igū dyajñigūxū'ktū ja myūj'ajttūn, es tyujkūdū mā ja kumoñdyujk mūt ja soldāādū windsūngōpkūty es mūt ja Sesareea myūjja'aydyujk. Net yū Festū tñigajxū yū Paāblū. ²⁴ Net ja Festū t'anmaāy yū Agripū:

—Rey Agripū es mūidsūty nidūgekyū di'ibū tū ñaymyūkūdū mūt ūjty, tyāā ja yedyujk. Māyū israelitūty tū xy'anūmūts mūt yū ja'ay jap Jerusalēn es yāā nandū'ūn Sesareea, es dū'ūn jyunā'ānūdū esūts nya'oogūt. ²⁵ Per ni wi'ix tsoots ngapātū pyojpū es 'yoogūt. Es kom yū'u kū'am tū t'amdooy es ja jyustisū yajttūnūt mā yū yajkutujkprū kopk Augustū, paaty tūts n'jūnā'āñ kots ngaxā'āñ jam. ²⁶ Es kyajts nnijawū wi'ixūts nnijāyūt yū nwindūnūn yajkutujkprū kopk mūt yū'u. Paaty tyāāts nyajmūñ mā miits nidūgekyū, es waanū ni'igū mā mij, yajkutujkprū Agripū. Tūndū may'ajttūn, yajttūwūdū tyādū ja'ay esūts xy'awānūt wi'ix mbaāt njā'ayūts, ²⁷ ja'a ko kyajts njawū tyu'y'ajttūnūty esūts ngāxūt mā ja yajkutujkprū kopk pūn kyajts n'awanū wi'ixū 'yū'ūnūn.

26

Paāblū, ja rey Agripū wyinduuy

¹ Net ja Agripū t'anmaāy yū Paāblū:

—Mbaāt mij xyaky ja mduy'ajttūn.

Ta ja Paāblū ttuk'ixy ja kyū'u es 'yamōndūt, es jyunāñ:

²—Jotkujkūts nnayjyāwūty esūts ngajxūt mūt mij, rey Agripū, esūts nnayñikajxtū'udūdūts nidūgekyū di'ibū israelitūty tū xytyukni'ūnūts, ³ es waanū ni'igū ja'agyujxm ko mij mnija'ap

tūgekyu wi'ixats jaayam tii ndundu, uudsaty israelitu ja'ayuty, es mjaygyukap di'ibats nmadyakupy. Paaty tunu may'ajtan, mūdoo'it yajxon.

⁴Yu israelituty nidugekyu tnijawu wi'ixats n'ijty mut yu'ujuty madsu ngajpn es nandu'an Jerusalen, kots nmutsk'ajty es extu tyambaat. ⁵Es yu'ujuty nandu'an ņija'adup, es pun tsojoktup jyuana'andut tui'ajtan, kots uj n'una'k'ajty fariseeu ja'ayuty. ⁶Es tyam xyajmifuts es xyŋi'uanuts kots uj nmubėkyuts ko Dios dyajjikypyuka'aŋ yu o'kpu extam wyandaky mut uudsadyu n'aptujkuty. ⁷Nidugekyu israelituty 'yawijxtup ko Dios tkuydyunut di'ibu wyandak, es ja'agyujxm t'awdattu Dios xuuŋ koots. Mij rey Agripu, yu'ugyujxmu tadu israelitu ja'ay xyŋi'uanudu kots uj du'an nujp'ixy. ⁸ĽTi kyaj miits xymyubaktu ko Dios dyajjikypyuka'aŋ ja o'kpu?

⁹Ujts ku'am nwinmaayats tuuyup kots uj nduna'aŋ mayu winma'aŋ es nmudsip'ataduts di'ibu pyanejxypy yu Jesus nazarenu. ¹⁰Es du'anut nduun kots n'ijty Jerusalen. Ja teedywyindsanuty xymyoodyuts ja kutujkan esuts uj nbujta'agut pujxndugoty ni nu'an di'ibu myubejkyu yu Jesus; es ko dya'o'kta, uj tadsu naty nnygyajxudu mut ja teedywyindsanuty. ¹¹KanaĽ okuts uj nduydyuun es agwanu tmastu'udut yu myubujkan. Du'an tu nduunuts tu'uk tu'ugu tsajptujk. Njantsyukmudsip'ajtyuts yu'ujuty es nbanujxuts extu wiink kajpn.

¹²Es kots uju naty nnejxy ma Damasku, yu teedywyindsanuty tu xymyo'oyuts yu kutujkan esuts nuix nmatsy di'ibu myubujktup ja Jesus. ¹³Rey Agripu, kotsu naty nnejxy, net jam tu'am n'ijxyuts kijkyxuu tu'ugu jajun di'ibu miimp tsajwinm. Jantsy muk jyay es kyaj dyu'anuty yu xuu jyay. Tadu jajun jyaytu mats uj nbu'aay es madsu njaymyuduty. ¹⁴Net uudsaty nidugekyu ngudaadaaydyuts, es nmadooyuts kots xymyugajxy mut ja ebreeu ayuk, es jyuana'aŋ: "Saulu, Saulu, Ľtiits ko xypajudity? Ku'am mnyajtsayutyaty, extamu yuubu ko tnepy yu kepyjyujptsėtsy." ¹⁵Nėtuts uj n'anmaay: "ĽMbun mij?, Windsun." Esuts xy'adsooy: "Ujtsuts Jesus, di'ibu mij mbajuditypy. ¹⁶Pudu'uk es mdanut. Tu nniimŋ es mij nmugajxa'aŋ es ngajxa'aŋ esu ja'ay xy'awanut di'ibu tyam tu xy'ixy es di'ibu m'ixup oknam. ¹⁷Es ujts mij nyajts'o'ogup ma israelituty es nandu'an ma kyaj 'yisraelituty. Es tyam ngexy es mnuixut ¹⁸ma ja'ajuty es xyal'ixwa'xut ja ja'ayuty es kyaj ņakyyo'oydyut ma ja koots it, wa'an dyo'oydyu ma ja xuuŋ it, kudilbu 'yok'ijnadut Satanas kyujoty, Dios kyu'ujoty 'yittut; esu du'unuts xymyubaktut es yajtuknima'kxtut ja pyeky es yajmo'oydyut ja kuma'aŋ mut panuty ijttup ja Diosu jya'ayuty." Du'unuts xy'anmaay ja Nindsun'ajtam Jesus.

¹⁹Paaty, rey Agripu, nmamudooyuts di'ibats ja Jesus xytyuk'ijx tsajwinm es di'ibats xy'anmaay. ²⁰Jayujts ngajxwa'xy ja oybyu ayuk ma ja'ayuty di'ibaty jap Damasku, ta net di'ibaty Jerusalen es ma tugekyu Judeeu ņax, es nandu'an ma di'ibu kyaj 'yisraelituty; es n'anmaayuts nidugekyu es dyajtagatstut yu wyinma'aŋuty es jyumbittut ma Dios es ttunut extam ja Dios jyuana'aŋ. ²¹Paadyuts xymyajtstut ja israelituty muj tsajptujk ņabotsoty esuts xyjaya'oogandu. ²²Peru Dios xypuyudujkuts es tyambaaduts ngajxwa'xy ja 'yayuk mut nidugekyu ja'ayuty ko yu Jesus yu'a du'an ja Kristu. Es je'eyu njuna'aŋuts di'ibu nandu'anu Moises es ja Diosu kyugajxpu kyaxjaaydyu. ²³Yu'ujuty jyunandu ko koonam yu Kristu 'yayowut es taanum 'yoogat; es ko 'yoogat, yu'a tim jayujp jikyppyukap jatugok es dyakut ja nitsokan mut di'ibu israelituty es di'ibu kyaj 'yisraelituty.

²⁴Es ko du'an jyunanŋ yu Paablu, net ja Festu yaxkeky:

—ĽTu mloku, Paablu! Mut mayu m'xrupjukan tu mjumbity loku.

²⁵Per ja Paablu 'yadsooy:

—Kyajts nloku, gobernadoo Festu. Tugekyu di'ibats ngajxypy, tui'ajtan yu'a. ²⁶Esu tyadu rey Agripu myudajtyy ja tui'ajtan di'ibats ngajxypy, paadyuts nnigajxta'ay yajxon ma yu'an, mut ko kyaj tyadu tyuun jyjatu ayu'udsyu. ²⁷Mij, rey Agripu, Ľtii mmubujk extam jyunanŋ yu Diosu kyugajxpytu. Nijja'abuts ko mmubejkyu.

²⁸Net ja Agripu jyunanŋ:

—Mut waanubu mij yu m'ayuk xytsyeky es nbanujxuduts yu Jesukristu, du'an, Ľkadii?

²⁹Net ja Paablu jyunanŋ:

—Pes mut jawaanubu o mut jamaybyu, Dios tsyeyju ko mij, rey Agripu, es nidugekyu ja'ayuty di'ibats yam xymyudoo'ijttup, nandu'unxyup mij nuix m'ittu extam uj, je'eyu ko kyaj mada kadenu.

³⁰Net ja rey Agripu pyude'ky, es nandu'anu Festu esu Berenise, es nidugekyu di'ibu naty jap uŋaaydyup, ³¹es ņujxtu wiink tsoo, es ņayjyunanudu:

—Tyadu ja'ay ni ti tu tkatun di'ibu patup tku'oogat o 'lyitut pujxndugoty.

³²Net ja Agripu t'anmaay ja Festu:

—Tuuxyup yajnasmatu tyadu ja'ay kooxyup ku'am tu tka'amdoy esu yajkutujkpu kopk pyayo'oyudut.

27

Paablu yajtmnejxy barkoty Romu tsoo

¹ Ko twinmaaydyu xyajnjx'a'anduts jap Italyu, net ja Festu tkuyajky ja Paablu esu wiingátypyu tsimyjya'ay mā ja soldaadu windsún Julyu, di'ibu jap ijtp mā byatayongu Augustu. ² Nétuts ndujkudu mā tu'ugu barku di'ibu naty tsoonaamp Adramityu es űjx'a'añ Asyu. Yu Aristarkuts muut nnujxtu, yu'u jap kyugajpnuty Tesalóniku, Masedoñu űaxwiñudu.

³ Jakumbom njajttuts Sidón. Es jap yu soldaadu windsún Julyu tmudajty yu oyyjot es tasmajtsu Paablu es nujx tku'ixy yu myutnaymyaayubuty. ⁴ Kots ndso'onda Sidón, nujxtuts aga'añdsyoo mā Tsyipre, mut ko muk jyantsypyoyj es kyaj mbaat tuyu nnejxyuts. ⁵ Es nnujxtuts ajkxnáx tsoo Silisyu pyu'aay esu Panfilyu, es njajttuts Miiru, Lisyu űaxwiñudu.

⁶ Jap yu soldaadu windsún tpaty jatuu'ugu barku di'ibu tso'omp Alejandrii es űjx'a'añ Italyu. Nétuts xyajtjku es nnujxtuts. ⁷ Es kanak xuujuuts ndu'uyo'oydyu ody'a'gyu, es jantsy nimujaa njajttuts wyinduuyu Gniidu. Es nandu'unu naty jyantsypyoyj. Nétuts nnujxtu wyinduuyu Salmón es n'awdijttuts mā Kretu, ⁸ es nnujxtuts nimujaa mejyñbyu'aay extu njajttuts mā tu'ugu di'ibu xyu'ajtypy Oybyu Jykymyejyñ'aa, Laseeu kajpn wingón.

⁹ Es dyajtgooydyu tiempu kanak xuu es kudsu'ugu kots n'aknujxtat mut ko wyingoonu ja xux po'o. Net ja Paablu dyajky ja kajxwñjun, ¹⁰ es t'anmaay:

—Mugu'uguty, ni'igu 'yaxhuguty yu tiempu. Pun n'aknujxum, n'ayo'ombátamu net es nyajtgo'oyamu net ja barku esu tsemy, es extu njiky'ajtan'ajtam.

¹¹ Per yu soldaadu windsún yu'u pyanujx éxtamu wyinma'añ yu barku űiwindsún es yu barku űigapitank, kyaj ja Paablu kyajxwñjun tmudooju. ¹² Es kom nik oy jatuu'ugu kajpn di'ibu xyu'ajtypy Fenise mā ja islu, es jap tu'ugu jikymyejyñ'aa madsuu xuu pyudsemy, ja'agyujxm may twinmaaydyu waanu oy ko űujxtat jap, es jap dyajnáxut ja xux po'o.

¹³ Ko tyugajtsy ja poj es myiñ naje'eyu yu jumboj, net űay'anmaayudu:

—Oy njo'omam.

Ta űujxtu mā myuwingón ja Kretu myejyñbya'a. ¹⁴ Per ko waanu 'yijty, net tyugajtsy ja poj es myiñ jantsy muk tuboj, ¹⁵ es dyajnejxy ja barku wiink tsoo. Es kom muk pyoyj, kyajts mbaat nnujxtu éxtams nnujx'a'andu. Nétuts nmatstuttu ja barku es ja poj myunujxudat madsuu myunujx'a'añuty. ¹⁶ Nétuts nnujxtu pyu'aay mā tu'ugu mutsk islu di'ibu xyu'ajtypy Kaudu, mā waanu poj myooñ. Es jantsy nimujaa nyajtjuktas mā barku ja barku'unk di'ibudsu naty tu nwoondu. ¹⁷ Kots nyajtjuku ja barku'unk, nétuts nwo'onda'tstu ja muj barku mut kanaagu tejxyñ kadiibu jyaanwa'xut. Es ndsu'kuduts ko űejxy ja barku pu'ujótm mā txu'aty Sirte. Es net nyajjunajktas ja barku wit es yu poj yajnejxyuty du'ñu. ¹⁸ Jakumbom kyajpu muk poj myooñ. Net ja barku tsyemy űugujubjptsondáky. ¹⁹ Es ja myudugak xuu uudsuty nyajpudsuumdu di'ibu mudu barku tyu'uyo'oy. ²⁰ Kanak xuu kyajpu xuu 'yok'ya'ijxnu, es ni madsa'a, ja'a ko ja poj es ja tuu muk jyantsywyepy. Nja'aydyu'gooydaayñuts tugekyu wi'ixuts nniitso'ogut.

²¹ Es ko jeky 'yijny, kyajts n'okkaayñudu, net ja Paablu jynañ:

—Mugu'uguty, tuxuyur xymyudoo'gukudu es kadiibuxuyur tu ndso'onum Kretu es kyajxyur du'un n'ayo'om. ²² Per tyam katu mjotmay'ooktu, ni pán kya'oo'ogut, oy tyadu barku wyindugóyut. ²³ Pes tsu'uy tu'ugu Diosu 'yanklus n'ijxyuts, ²⁴ es xy'anmaayuts: “Katu mdsu'ugu Paablu, mja'tup mā ja yajkutujkpu kopk. Nandu'unu Diosu may'ajtan mdu'unxu es nidugekyu di'ibáty mij mmauduty barkoty, kadiibu pán 'yoogut.” ²⁵ Paaty mugu'uguty, jotkujk'áttu. Eñ nmye'jkyuputs éxtum ja Dios jynana'añ. ²⁶ Per yu jikymyejyñ yu'u net xyajnjxum mā tu'ugu islu.

²⁷ Es ko 'yijty majtsk sumaan mats ndu'uyo'oydyu, net koots jápudsu naty Adriyatiku Jikymyejyñóty es ja muk poj xyajnejxyuts anajñ aga'añ. Es tsu'pun yu marineeraty wyinmaaydyu ko tpaada'andu nax. ²⁸ Net tkijxtu nu'unun kyúaty ja jikymyejyñ, es t'ijxtu ko je'eyu i'px majmólx tu'uk metru. Es waanu n'aknujxtuts, net tkijxkojku jatugok. Je'eyu i'px juxtujk metru. ²⁹ Es tsyu'kudu ko nujx kyotu mā jamu tsaa nujoty. Net dyajjunajktu taxku pujxn ajo'kn axku'p tsoo es t'awixtu jotmaymyuut wi'ix xuyñut.

³⁰ Es ja marineeraty twinmaaydyu, net dyajjunajktu ja barku'unk es kya'aga'andu. Nugoobu jynandu ko dyajjunaka'andu pujxn ajo'kn mā barku kopk. ³¹ Es ja Paablu t'awa'anudu ja soldaadu windsún es yu syoldaadutujk, es t'anmaay:

—Punu tyaadu kyaj wyu'umdu barkoty, kyaj ndsókum.

³² Net ja soldaadutujk ttsujktujktu ja barku'ungu tyejxyñ es dyajkunajxtu mejyñóty.

³³ Es kajamóñumu Paablu t'anmaaydyu nidugekyu:

—Tyam majtsk sumaan miidsuty kyaj mma'adu es kyaj mgaydyu. ³⁴ Tyam nmunu'xtáktup es mgádyut oynu'unun es xymyudátut ja mujaa es m'akjiky'áttut. Ni tu'uk pán kya'oo'ga'añ.

³⁵ Es ko du'un ja Paablu jynañ, ta tkone'ky tu'ugu tsajkaaky, es tja'aygyudáky ja Dios mā 'yitta nidugekyu. Net dyajwa'xy ja tsajkaaky es kyaay. ³⁶ Net nidugekyu jyotkujkadyaaydyu

es kyaaydyu nandu'un. ³⁷ Ja'a naty uudsuty nidugekyu majtsk mugo'px jatugu'px majmóx tu'uk. ³⁸ Es ko kyaaydaaydyu, net tkujubijpnajxtaaydyu yu triigu mejyńoty es ja barku waanu tyo'tykyut.

Barku wyindugoy

³⁹ Ko xynuńu yu marineeruty kyaj t'ixy'attu ja nax, per t'ijxtu tu'ugu pu'u jot es jyunandu pun mbaat ņejxy ja barku jam. ⁴⁰ Es tmudsujkadyaaydyu ja tejxyń di'ibu wyiint'ajtypy ja pujxn ajo'kn, es wu'u'mdaay jap mejyńoty. Es dyaj'yuuungadu ja kepy di'ibu ja barku tu'umooyur. Net trujtáku jatugok ja barku wyit es ja poj pyudékudat ņujxat ma pu'u ņipety. ⁴¹ Ja barku oj ņejxy. Esu net ja barku kyopk tya'tspejky pu'ujótm es kyaj mbaat ņakyyi'xy, es ja jikymeyjyń myu'wojppety jam barku ux'am es tya'pxtso'oń ja barku. ⁴² Net ja soldaadutujk tjaya'oogandu nidugekyu tsimyjya'ay kadiibu kya'agut nuguyaary. ⁴³ Per ja soldaadu windsan yu'u yajtso'ogaampy ja Paablu es kyaj dyajky yu kutujkun es ja syoldaadutujk dya'oogut ja ja'ay. Net dyajkutijky di'ibu jyajtypy ņuuwoonut es ņujxat jawyiin es traadut ja nax. ⁴⁴ Di'ibu kyaj tjattu ņuuwoonut, ta tmajstá taablu pedazu di'ibu ja barku tu tyuktujadya'ay, es du'un pyudsuumdaaydyu nidugekyu jikymeyjyńoty, es jyajttu ma nax.

28

Paablu jap Malta

¹ Ko nbudsuumdaaydyuts nidugekyu ma jikymeyjyńun, nétats nnija'adu ko ja islu txu'aty Malta. ² Es ja ja'ayuty di'ibu jap kugajpnuty jantsy oyjya'ayuty, oj dyajmájudu juun, ja'a ko xyuxy es tyu'uyu naty, es xywyoodaaydyuts nidugekyu es njokxpákudats. ³ Net ja Paablu dyajmińi yu ja'axyu tu'utspu es trujtáku ma juun. Es tu'ugu awa'andsa'ań pyudseemy ma ja ja'axyun, ja juun naty kyugekypy, ta tkumadsu'tsu ja Paablu, es jamyu oj wu'u'mu kyu'ugujxm. ⁴ Es ko t'ijxtu ja ja'ayuty di'ibu jam kugajpn ko Paablu tu tsyu'udsyuty yu tsá'ań es tam tyuuyn kyu'ugujxy, net ņay'anmaayy ak yu'ujuty:

—Paaty du'un tu jyatyu tyadu yedyujk ko tayı'ajtun axak ja'ay yu'u. Oy tu jyatse'eky jikymeyjyńoty, peru Dios kyaj tu pyajta'agyuty es jyiky'átut.

⁵ Peru Paablu je'eyu twinxijty ja tsa'ań juunoty es kyaj ti jyjaty. ⁶ Ja ja'ayuty nidugekyu t'awixtu na'a ja Paablu kyu'u kyixe'eky o pojun 'yoogut. Es ko jeky 'yijty es kyaj ti jyatuty ja Paablu, net dyajtugajstá wyinma'ań es jyunandu ko Paablu yu'u tu'ugu dios.

⁷ Es wingón ma ja it, tam tu'ugu yuudáknu ja'ay di'ibu xyu'ajtypy Publyu, es ana'amp ma tadu islu. Yu'uts xymyooy yu jajttákn es xyajkaaydyuts jantsy oy tugak xuu. ⁸ Es ja Publyu tyeety tap kyo'knu mut ja ne'pyńbya'am esu juun. Net ja Paablu oj tku'ixy ja puma'ay, es kyajxtáky es ja kyu'u trujtáku ma ja puma'ay. Es net 'yagudaky. ⁹ Net dyajmińdaaydyu yu pyuma'ay di'ibu jap tsunaaydyur ma islu, es 'yagudaktaaydyu nidugekyu. ¹⁰ Es xyjantsy-wyindsu'kudats, es ok kots ndujku ma jatugu barku, xymyoodyaayuts tugekyu di'ibuts nnidu'uyo'oyur.

Paablu jya'ty Romu

¹¹ Es ko n'ijttats tugak po'o jap Malta, taats ndujku ma tu'ugu Alejandriin byarku di'ibu jap yajnájx yu xuxpo'o es tmudaty kaxtsetsy di'ibu yu'u dyios'ajttap, di'ibu tyukxu'ajtypy dios xeeń, Kástor esu Póluks. ¹² Nétats uudsuty njajttu Sirakusu. Es jápats nwa'amadu tugak xuu. ¹³ Jápats ndso'onda es ndu'uyo'oyuts ma tugekyu mejyńbya'a extu njajtyuts Rejyu. Es jakumbom ndso'ondats, es kom jumbojpp, myumajtsk xuu njajttats Puteoli. ¹⁴ Es jápats nbattu nija'adyu nmegu'uktujkats di'ibuts xyajwu'amdu tuk samaan, es óknmmts nja'ttu Romu.

¹⁵ Ko ja nmegu'uktujkats jap Romu tu tmadowdu ko uudsuty nnejxtu, net tsoy'onda es xyujpp'yo'oya'andats tu'ay. Jamts nnybyátadu ma txu'aty Apyu Maay. Es óknmmts nnybyátadu mut ja wiinkru nmegu'uktujkuty ma txu'aty Tuguuu Jajttákn. Ko Paablu t'ijxy, net jyotkujku es tja'aygyudáky ja Dios.

¹⁶ Kots nja'ttu Romu, net ja Paablu yajmooy yu kutujkun es abeky tsuunat mut tu'ugu soldaadu di'ibu kwentu'átudup.

Paablu Diosu 'yayuk tkajxwa'xy jap Romu

¹⁷ Es ko 'yijty tugak xuu, Paablu tngajxu ja israelítadyu myujja'aydujyk di'ibu ijttap Romu. Es ko ņaymyujkudu, net t'anmaay:

—Megu'uktujkuty, ni ti tsipats ngatúń mut ja nmu'israelítuty es ni ja'a di'ibu jaayum tyu-undup ja n'aptujkadyuts. Per ja nja'ay'ajttam di'ibu Jerusalén xymyajtstets es xykyuyajkyuts ma romanu ja'ay. ¹⁸ Es ko xyajtuumdaayuts yu'ujuty, net jyunandu ko kyajtsu nbeky wi'ixats n'oogut. Es nétats xyjanasmatsuyándats. ¹⁹ Peru nja'ay'ajttam kyaj ttsojktu esuts nyaj-nasmátsut. Paadyuts uj n'amdooy esuts nmínut ya Romu es yu yajkutujkpu kopk ttúnut yu

njustisats, óyats ni tits wi'ix ngatukni'annu ngu'am ja'ay'ajtám. ²⁰ Paaty tu nyaxudya'aydu es nnay'ijx nnaybyátam es nmugajxut. Kadenu ku'uxótsyats uj n'ity ja'aguyxam di'ibu nujp'ijxam, udsajtam israelitu ja'ayuty.

²¹ Net jyunandu ja israelítudyu mujja'aydyujk:

—Udsaty kyajnamts n'axaju ni tu'ugu neky mijskyujxm di'ibu tso'omp Judee, es ni pán nmegu'uk'ajtám israelítuty di'ibu jajtr kyaj jyunana'án ko axuuk mij tu mduñ. ²² Udsaty nmadowaambyats di'ibu mij mwinmaapy es di'ibu mij mgajxaampy, ja'a ko nnija'abats ko oytyim maaty ja ja'ay jyunana'andu ko kyaj 'yóyuty nmabujkam ko Jesús yu'u Kyrístuty.

²³ Net trujtáktu tu'ugu xuu es jyajttu may ja ja'ay mā yu Paablu. Es jéryap tsyondaky es extu kyudsu'uju Paablu tngajxy ja Diosu kyutujkun, es du'an ttuk'ijxtu ja ja'ay pán wi'ix jyunandu yu Moisés es ja Dios kyugajxputy es ja ja'ay ttukmábáktut ko yu Jesús yu'u du'an ja Kristu. ²⁴ Es nija'ajuty tkupujktu éxtam ja Paablu jyunáñ, per yu wiinkru kyaj tmabujktu. ²⁵ Es ko kyaj ti'igyu tu ñaygyajxudu, net tso'onnúdu oga'an, tu ja Paablu jyunana'án:

—Oy tu jyunana'án yu Espíritu Santu mut ja n'aptujk'ajtám éxtam ya'anannu yu Diosu kyugajxpu Isaiu:

²⁶ Nuix annamu tadu ja'ay:

Oy miidsuty xyjamowdu,

ni na'a xkyajaygyúkadut;

oy xyja'ijxpu,

ni na'a xkyamawinma'añbyaattut.

²⁷ Mut ko tadu ja'ayadyu jyot tu jyumbittu juun,

kyaj myadowdu

es tu ja wyiin dyajpi'itstu,

du'an tka'ixtat mut ja wyiin

es tkamadówut mut ja tyatsk,

es kyaj tjaygyúkadut mut ja jyot,

es kyajts uj xynimíndat esuts nyajnitso'ogut.

²⁸ Esu Paablu 'yakjanáñ:

—Jaygyúkadu miidsuty ko tyam Dios t'awanaya'añu tyadu nitsokan mut di'ibu kyaj 'yisraelítuty, es yu'ujuty myadowándap.

²⁹ Ko Paablu du'an jyunáñ, net ja israelítuty ñaygyajxudu ak yu'ujuty es ñujxtu.

³⁰ Es ja Paablu 'yjity majtsk jumajt ka'pxy mā tyujk ajuydyiky es t'axaju nidagekyu di'ibu nimiinap, ³¹ es tkajxwa'xy wi'ix ja Diosu kyutujkun. Es ttuk'axpáktu nandu'an mut yu'uguyxam ja Nindsun'ajtám Jesukristu. Ni pán kya'adsipyuty.

Neky Di'ibu Paablu Tyuknigajxtu Ja Romanus Ja'ayuty

¹ Ēj Paablu, Jesukristu myaduumba. Diósats xywyin'ijx es xypyujtákyuts éxtamu 'yapóstalu esuts ngajxwa'xat yu oybyu 'yayuk.

² Tyadu oybyu ayuk Dios wyandak dyakáñ extu jékyup mat ja kyugajxputy, es yu'ujuty kyaxjaaydyu mā ja Diosu jyaaybyajtun. ³ Yu'u du'un ja ayuk mā yajmadya'aky ja Nindsun'ajtm Jesukristu, ja Diosu 'yU'unk di'ibu jya'ay'ajtungyujxm ijty ja rey Davit tyuamp 'yaats, ⁴ es nandu'un űiguxe'ekey ko Diosu 'yU'unk ko Espiritu Santakyujxm es mudu Diosu myuk'ajtm jykyppejky mā 'ye'ky. ⁵ Yu Jesukristu myay'ajtungyujxm tu xypyujta'agyuts éxtamu 'yapóstaluty, esuts ngajxwa'xat ja 'yayuk mā tugekyu naxwíñudu, es ndukmamadówuduts es ndukmabáktuduts. ⁶ Es nandu'un jam mā yu'ujuty Dios tu mwin'ixudu es mja'ay'átudat ja Jesukristu.

⁷ Nduknigajxtuptu tyadu neky miidsuty nidugekyu di'ibáty ijttap Romu, di'ibátyu Dios tojkdap es tu wyin'ixudu es dyajnjxtat tu'ugu jiky'ajtm wa'atspu. Wa'anu nDios Teety'ajtm esu Nindsun'ajtm Jesukristu mgunu'xudu es mmo'oyudu ja agujk'ajtm jotkujk'ajtm.

Paablu űujxa'añ Romu

⁸ Tim jawyiin, mat yu'ugyujxm Jesukristu, nja'aygyudákyuputs ja Dios mat nidugekyuty miidsuty mat ko yajmadya'aky'áty ja mmabujkanuty ootyim maaty mā tugekyu naxwíñudu.

⁹ Ja Dios di'ibuts nmádiimpy amumdu'uk jot es ngajxwa'xyuts ja oybyu ayuk di'ibu űimadyakypy ja 'yU'unk, yu'u du'un űija'ap wi'ixuts du'ñam njamatstu miidsuty mats ti n'amdoj nbujktsóy kots ngajxta'aky. ¹⁰ Ja'ats n'amdeepy nbujkseebyuts ja Dios es xyajmada'agut, pānu du'un yajkutiky, esuts űujx miits ngu'ixtu, ¹¹ mat ko nwin'ixándap es űjtskyujxm Espiritu Santu myadakan mmo'oyudut, es du'um yajmawwiinxudu ja mmabujkan. ¹² Ja'ats uj n'andijpy es ndsejpyuts kods naty n'ity mat miidsuty, nnayya'ijt nnayyaxo'onam nigijxy mudu tyadu mabujkan di'ibu nmadajtm.

¹³ Mugu'ugituty, ndsejpyuts es xyñijáwudut ko kanak ok tu njaninujxa'andū. Tu njantsyiyaku'ixa'andū es űjtskyujxm oy mwu'umdat mudu Dios, du'un éxtam tu ndūñuts mā yu wiinkpu naxwíñudu. ¹⁴ Pes xypyátruts ngajxwa'xaduts ja Diosu 'yayuk, du'un mā yu di'ibu grieegety es nandu'un di'ibu kyaj gyrieeguty, ma di'ibu űwijy kajxwijiuty es éxtam nandu'un di'ibu kyaj 'yuwijy kyajxwijiuty. ¹⁵ Paadyuts njantsyisyeky es ngajxwa'xa'añuts ja oybyu ayuk mā miits m'ittu jap Romu.

Oybyu ayuku myuk'ajtm

¹⁶ Pes kyajts uj nduktsoydyūñ ja oybyu ayuk, mat ko yu'u du'un ja myuk'ajtmu Dios es űitso'oktut nidugekyuty di'ibu myabujktap, tim jawyiin mat ja di'ibu israelituty, per nandu'un mat ja di'ibu kyaj 'yisraelituty. ¹⁷ Ja'a ko mat yu oybyu ayuk n'ixy'ajtm ko ja'ay je'eyu oy wyu'umdu mat ja Dios ko myabúkadu, éxtam ja Diosu jyaaybyajtm jyu'na'añ: "Di'ibu myabujkangyujxm oy wa'amp mat ja Dios, yu'u du'un jiky'átap."

Naxwíñudu ja'ayu pyeky

¹⁸ űija'am ko Dios tkexy extu tsajpótmu myuj tudyu'unun mat nidugekyu axak ja'ayuty, ja'a ko mat ja 'yaxuk'ajtm t'uxtijtu ja tay'ajtm. ¹⁹ űija'adap yajxon di'ibu mbaat yajni'awu wi'ixu du'un ja Dios, mat ko Diosu du'un tu tyuknijáwuda yu'ujuty. ²⁰ Na'abu Dios dyajkojy ja naxwíñudu es extu tyambaat, tugekyu tyadu mbaat xytyukjagyujkam wi'ix yu'u ja Dyios'ajtm, es ko Dios mbaat ttuñ oytyiity wina xuu wina tiempu. Paaty ni pān tkanime'xy oy jya'una'andu ko kyaj tñijáwudu. ²¹ Pes oy tja'ixy'ajtrudu du'un ja Dios, kyaj tu twindsu'ugudu éxtam ja Dios es ni je'eyu tu tkaja'aygyuda'aktu ja Dios, nik ni'igu tu dyajjuptogódyu. Ja'ayu wyinmā'añ'ajttap di'ibu kyaj ti ttsooty esu jyot wyinmā'añ trujta'aky jantsy juun. Paaty tu wye'emy kubi'its ku'ook. ²² Oy jyanayñigajxudu ko kyuyujy'átyuty, per nūgoj jyantsylyoku'atta. ²³ Ja'a ko tu dyajtgátstu ja myuj'ajtmu Dios di'ibu kyaj tyugoy, mat ja 'yawinnax ja ja'ayuty di'ibu o'ktap, es extu ya'agojwinnajxtap ja joon juyukuty, tsā'añuty esu añimal di'ibu taxku kyū'u tyeky.

²⁴ Paadyu Dios tu tna'ixy mat ja axuukpu winmā'añ di'ibu yu'ujuty myudajttap, es du'un tu twindu di'ibu tsoydyu'un mat nidu'uk nidu'uk. ²⁵ Mat ko kyaj tu tmabaktu ja tay'ajtm, ja'ayu ja andakan, es tu twindsu'ugudu es t'awdattu di'ibu Dios yajkoj es kyaj t'awdattu ku'umu Dios di'ibu may'ajt windsu'kup wina xuu wina tiempu. Wa'an du'unuty.

²⁶ Paadyu Dios tyukmu'ixuty yu wyinmā'añ ja tsoydyu'un mūtrpu. Pes extu yu toxytyukuty tūgatsy 'yadu'atstu es kadiinam éxtam jypaadyuty. ²⁷ Es nandu'unu du'unu yedyujkuty kyaj twindu mat ja toxytyuk, yu'ayu wyinmā'añ'ajttap 'yadu'udsā'andu

kajkkaknáxy. Yu yedyujkuty ttundu tsoydyu'un mæutru ak yu'ujuty, paaty dyajnæxtu ja ayo'on esu tæydyu'unun ma ja kyu'am nini'x, éstam ñitákædu.

²⁸ Es éstam yu'ujuty kyaj twindsu'ugaya'andu Dios, pes ja Dios tu 'yæxtjuna mut ja axuukpu winma'añuty, es du'un ttündut di'ibu kyaj jyapaadyaty ttündut. ²⁹ Yu'uyu jyot'ajt wyinma'añ'ajttup tugekyu axuk winma'añ, mu'induunk, adsojk, axukja'ay'ajttun, naywyin-naxuja'ak, yajja'ay'o'ktup, tsip ja'ayuty, win'u'andup, akjumbit ti t'ixtu, pi'tskajxtup, ³⁰ ñigajx ñimadyáktup axuuk ja myugu'uguty, myudsip'ajttup ja Dios, axuk kajxtup, muj pátdup, muj ñaydyjuda, myuwinnma'añbyat'adátstap axuuk, kyaju tyaak tyeety tmamadowdu, ³¹ kyaj ti tjaygyukaya'andu, kyaj tkuudyundu 'yayuk, kyaj tmadattu tsojkun, ni ti pa'ayo'on tkamadyty. ³² Yu'ujuty ñija'adup yajxon wi'ix ja Dios tu dyajnitúku. Ñija'adup ko di'ibáty tyuundubu tyaadu du'umbu, yu'u nitujkup ja o'kun; per du'umun t'aktundu, es extu tyukxondáktup ko wiinkputy nandu'un ttundu.

2

Du'unu Diosu tyedyu'unun trayo'oy éstam pyaadyuty

¹ Paaty mij di'ibu wiinkpu mbeky'ijxypy, kyaj mij xymyudaty ja nayñima'xu oy mdimpun'ajttup, ja'a ko wiinkpu xypyky'ixy, ku'am mij mnaydyunikajxpétyuty, mut ko yu'u mdimtiimpy di'ibu yu'u nandu'un tyiimpy. ² Yajxon nnija'am ko Dios tyukkumadowaamp nidugekyu pojru tuumbu es ko Dios trayo'oyaamp nidugekyu tuknáxuty du'un éstam tyu'ajttunuty. ³ Es mij ko xypyayo'oy ja wiinkputy es nandu'un m'adu'utsy éstam yu'un, ¿ti mjunaamp xytyjy ko mnitso'ogut ko ja Dios dyaka'añ ja tæydyu'ununu? ⁴ ¿O kyaj xymyujpajta'aky ja tsojkan es ja mya'xtujkan ja Dios, ni xypyapekyu kwentu ko ja'a du'un jyatiimpy esxyp mjodumbityu? ⁵ Nugoo mjanstykuyjuunuty es kyaj xajtagátsy ja mjet mwinnma'añ, es paaty mdukmujkanu ja tæydyu'unun ku'am es xykumadówat ko Dios trayo'oyut ja naxwiñudu ja'ayuty tæ'ajttun muut. ⁶ Tæ'ajttun ko Dios myo'oyaamp nidu'uk nidu'uk éstam pyaadadu. ⁷ Myo'oyaamp ja jyiky'ajttun winu xuu winu tiempu ja di'ibu mudu ma'xtujkan tyuundup ja oybyu es pyanajxtup ja oy'ajttun es ja windsu'kun es di'ibu yajtukjiky'átup winu xuu winu tiempu; ⁸ per mut ja 'yaku tyedyunaamp ja nugoo kuxkoobuty es di'ibu kyaj tkuedyuna'añ ja tæ'ajttun, di'ibu ja'ayu pyanejxypy ja axuk'ajttun. ⁹ Minaamp ja ayo'on es ja muk xaj ok xajun mut nidugekyu taaduty di'ibu tyuundup ja axuukpu, tim jawyiin mut ja di'ibu israelituty, per nandu'un mut ja di'ibu kyaj 'yisraelituty. ¹⁰ Per ni'igu Dios myo'oyaamp ja maj'ajttun, windsu'kun es agujk'ajt jotkujk'ajttun nidugekyu di'ibáty tyuundup ja oybyu, tim jawyiin mut ja di'ibu israelituty, per nandu'un mut ja di'ibu kyaj 'yisraelituty.

¹¹ Mut ko ja Dios kyaj tu'ugu ja'ay tseky es jatu'uk kyaj. ¹² Pes di'ibáty kyaj 'yisraelituty, kyaj tmadattu tadu Moisesu 'yana'amun. Paaty ko pyekytyundu, yajtukkumadówdup, per kyaj éstamxyp tñijáwudu wi'ix ja Dios t'ane'emy. Per ja israelituty myudajttubu tadu ana'amun. Paaty ko tkamadowdu ja ana'amun es pyojpætundu, yajtukkumadówdup éstam ja ana'amun jyuna'añ. ¹³ Ja ja'ay di'ibu jyamudoo'ijttypy ja Diosu 'yana'amun es kyaj tkuedyundu, kyaj yu'ujuty oy wya'umdu mut ja Dios, yu'uyu du'un oy w'u'andup mut ja Dios di'ibu kyuydyuundup éstam ja 'yana'amun jyuna'añ. ¹⁴ Pes du'un, ko yu di'ibu kyaj 'yisraelituty ttundu éstam ja ana'amun jyuna'añ, oy yu'ujuty tkamadajttubu ja Moisesu 'yana'amun, ¹⁵ ya'ijxadup ko Dios tu pyujtáxudu 'yana'amun ma yu wyinnma'añ, esu jyot wyinnma'añ nandu'un dyajkaxe'egy tyaadu ana'amun, mut ko yu wyinnma'añuty yajnidu'xup ko peky yu'u di'ibu tyuundup es ya'oybyudsuumap ko ttundu ja oybyu. ¹⁶ Du'un tyuna'añ jyata'añuty ja xuu ko Dios Jesukristukyujxm trayo'oya'añ ja ja'ayu ayu'udsyubu jyot wyinnma'añ, éstam jyuna'añ ja oybyu ayuk di'ibats ngajxwa'xypy.

Israelitu ja'ayuty esu Diosu 'yana'amun

¹⁷ Per mij mjunaamp ko m'israelituty, es xytyukmada'aky ja Moisesu 'yana'amun, es xytyukmaj xytyukpaadu ko mij mja'a'átyuty ja Dios. ¹⁸ Mnija'ap ja Diosu tsojkan es xywyin'ixut ja oybyu, mut ko ja Dios 'yana'amunu du'un tu mduki'ixuty. ¹⁹ Mnayjya'ap ko tæ'ajttun xñijawu wi'ixu wiints xñu'umo'oy xytyu'umo'oyut es wi'ix xkyujaj xkyudu'xut ja di'ibu jadijtp kubi'its ku'ook, ²⁰ es wi'ix xy'awij xkyujajxwjtup ja di'ibu kyaj tjaygyúkadu, es wi'ix xya'xpráktup ja uná'ku'unut mut ko xymyudaty ja tæ'ajttun es ja wijy'ajttun ma Diosu 'yana'amun. ²¹ Pes éstam mij mya'xpejkypy ja wiinkputy, ¿ti ko mganayya'xpekyuty mij ku'am? Mij mjunaamp ko kyaj nna'tsum, ¿es mma'tsp mij? ²² Du'un mjuna'añ ko kyaj nyajtago'oyum ja pñjk úkunu wyindsu'kun, ¿es myajtugeeppy mij? Mij m'axttijp ja agojwinnáx, ¿es tii, mme'tsypy ja ooru es ja platu di'ibu ijtp agojwinnáx tsyajttugótyu? ²³ Mdukmuj mdukpátup ko xymyudaty ja Diosu 'yana'amun, per kyaj xkyuydyuñ, es du'un kyaj xywyindsu'ugu Dios. ²⁴ Pes ja Diosu jyaaybyajttun du'un jyuna'añ: "Di'ibu kyaj 'yisraelituty myadugooodyup ja Dios mut miitskyujxmuty israelituty."

²⁵ Táy'ajtánu'u ko myajtsíky waanu má ja myedyujk'ajtan*, mdu'unxap oyna'anun pán mguudyiimpy ja Moisesu 'yana'amun. Per pán kyaj xkyuudyúñ, du'un éxtamxuyap mgadim'yajtsujkpa waanu. ²⁶ Es pán di'ibu kyaj 'yisraelítaty es kyaj tsyíkyuty waanu, es pán kyuudyiimpy ja Diosu 'yana'amun, du'un ja Dios pyajta'agyuty éxtamxuyap tu yajtsíky. ²⁷ Di'ibu pyadiimpy ja Diosu 'yana'amun oya naty kyatsíkyuty waanu má yu yedyujk'ajtan, ja'a nujx dyajniğaxe'eky ko pekymyunt mij ja'agyujxm ko kyaj xkyuudyúñ ja ana'amun oy xyjamadajtpu kaxja'ay es mjatsíky'ajtpu waanu. ²⁸ Kyaj níkujxy ja ja'ay 'yisraelítu'attu ko yajtsíky waanu má yu yedyujk'ajtan esu iwxwu'amun wyu'amut má nini'x, ²⁹ ja'agyujxm ja ja'ay táy'ajtan 'yisraelítu'attu pán wi'ix ja 'yaa jyótaty, pánu iwxwu'amun myudajttap di'ibu ja Espíritu Santu pujtáxhadap, kyaj tyimja'agyujxmty wi'ix ja ana'amun jyuna'añ. Pán pán myudajtypy ja iwxwu'amun 'yaajóty jyodoty, yu'u du'un ja Dios myujja'ap, kyaj yu'adyu ja'ayuty.

3

¹ Pes, çti muj'ajtan myudajtypy ko n'israelítu'ajtam? ÇMyudajtypy ja Dios waanu ni'igabu kunu'xan mut yu'ujaty? ÇTii myudajtypy ja muj'ajtan ko nyajtsujkam waanu? ² Ja'a. Oytyim wi'ix tsooty. Pes ja jawyiimbu, Dios tyukmu'awdajtu mut ja israelitu ja'ayuty es myoodyu ja Diosu kyu'am ayuk. ³ Táy'ajtan ko nimay yu'ujaty kyaj tkuudyuundu. ÇTii mbaat njuna'anam ko mut yu'u ja Dios kyaj tnakykuudyuna'añ di'ibu kyajx? ⁴ iNi wi'ix tsoo du'un ngawinma'añbyátam! Oy nidugekyu ja ja'ayuty jya"andákradu, Dios ni na'a du'un tkatúñ. Éxtam jyuna'añ ja Diosu jyaabyajtan:

Njaja'adap ja ja'ayuty ko 'yawa'kup di'ibu mgajxypy, kyaj pán jyuna'anat ko kyaj xpyayo'oy táy'ajtan muut.

⁵ Per pán yu n'axuk'ajtan'ajtam nya'ijxam ko Dios tyiimpy ja táy'ajtan, çwi'ix njuna'anam? ÇTii mbaat njuna'anam ko kyaj Dios ttuñ di'ibu kyaj pyaadyuty ko xytyukkumado'omu? (Du'unats ngajxy éxtam naaguty kyajxtu.) ⁶ Ni wi'ix tsoo mbaat du'un ngajuna'anam. Ja'a ko pán ja Dios kyaj ttuñ éxtam pyaadyuty, çwi'ix mbaat ttukkumadoy ja naxwíñudu ja'ayuty?

⁷ Pán ujtsu du'un andakp es ñigaxu'ugut ko Dios tyiimpy kyajxypy ja táy'ajtan esu du'unu ja'ay ni'igu oy ja Dios t'awdátat, çwi'ix mbaadu Dios xytyuudyúñats éxtamu pojru ja'ayun? ⁸ ÇTi ko ngajuna'anam?: "N'oktu'unam ja axukpu es du'un pyudsámot oy." Tam naagodyu ja'ay xñiwaambétyuts nanatuka kots nduk'axpekyn tyaadu. iWa'an ja Dios ttuudyúñaty éxtam ñitákuty!

Nidugekyu udsajtam ja peky xytyukka'am

⁹ Pes, çti mbaat njuna'anam ko n'israelítu'ajtam? ÇMbaat n'oybyudsu'amun mut ja Dios kudínam ja di'ibu kyaj 'yisraelítaty? iNi wi'ix tsoo! Pes tu nduk'ixtu ko di'ibáty israelítaty es di'ibáty kyaj 'yisraelítaty, nimajtsk pékyuty xymyamadákum ja pojru. ¹⁰ Tyaadu du'un di'ibu myadyakupy ja Diosu jyaabyajtan ko jyuna'añ:

Kyaj jaa ni tu'ugu ja'ay di'ibu jiky'ajtp táy'ajtan muut,

¹¹ kyaj jaa di'ibu wycinma'añ'ajtypy ja Dios es tkuudyuna'añ di'ibu tsyejpy ja Dios.

¹² Nidugekyu ja'ayuty jyudittu wiink nu'u wiink tu'u es tu ñayyajtugóyudu.

Kyaj jaa pán di'ibu tyiimpy ja oybyu, ni je'eyu tu'uk.

¹³ Má yo'kjútaty pyudsemy ja axuk ayuk, éxtam pyudsemy ja xu'kanu axukpu má yu o'kpu di'ibu tu mya'tnu ko nya"awátsum má 'lyity, mada ya'anaty 'yanda'aktu.

Yu 'yayuk du'un éxtam ja awa'andsa'añ xuwat.

¹⁴ Yu 'yaa ujts mut ja ko'ogyajxy tsaatsykyubétyru.

¹⁵ Kyaj tpekyjyáwudu ko yajja'ay'ooktu;

¹⁶ es otytim maaty ñujxtu,

yajka'adap ja ayo'on esu tug'ooyun mut ja wiinkpuy,

¹⁷ es je'eyu t'uxta'aydu ja tsip.

¹⁸ Kyaj Dios ttsu'ugudu.

¹⁹ Mugu'ugítaty, tugekyu di'ibu wu'amp jaabyéty má ja Diosu jyaabyajtan, myadyakupy pánaty ijttap ana'amun patku'uy, es du'un amonu 'yíttat nidugekyu ja'ay ko Dios pyayo'oyudat ja'agyujxm ko tijaty ttuun tkajxtu. ²⁰ Paaty ni pán kyawe'emuy oy mut ja Dios mut ko tjakuydyuna'añ ja 'yana'amun. Pes ja Diosu 'yana'amun ja'a tyiimpy es xyajnidu'xam ko udsajtam situy pojruja'ay'ajtam.

Mubujkangyujxm yajpaada'añ ja nitsokun

* 2:25 Ix Lukas 1:59.

²¹ Per tyamū Dios tū xytyuk'ijxam wi'ix oy nwu'umam mat ja Dios kyaj ana'amungyujxm. Ņikajxpejtypy yu'u ja Moisesu 'yana'amun es ja Diosu kyugajxpraty, ²² mat ko oy wyu'umdu mat ja Dios nidugekyu di'ibáty myubujktap ja Jesukristu éxtamu Jajnitsókrū. Kyaj win'ixy wingexy tkupeky. Oy yu'ujuty ja israelítuty o kyaj yu'ujuty, ²³ ti'igyu yu'u, mat ko nidugekyu tu pyekytyundū es du'an tu tmujagamga'aktū ja Dios. ²⁴ Perū Dios, mā yu myuj may'ajtan di'ibu ja'ay tu'unxap, űajajk ja Jesukristu éxtamu windsu'kun es oy nwu'umam mat ja Dios. ²⁵ Pes ja Dios yajk ja Jesukristu es ttam dyóktat ja űe'pyñ mā ja kruuzan es du'an tkabat tkumadówat nidugekyu ja naxwiñudu ja'ayudyu pyojpu. Es ko n'axájum ja Jesukristu éxtamu Jajnitsókrū, Dios jyo'odsup ja nbojpu'ajtam. Yu Jesukristu wyindsu'kun ja'ijxap ko Dios ttuñ mat ja tuj'ajtan ko oy nwu'umam ja'a mūat. Ma'xtujkun mūat xytyukninajxam ja pojpu di'ibu naty tu ndu'unam. ²⁶ Dios jajnide'xyppy es tyiimpy mat ja tuj'ajtan ko oy wye'emy mat ja ja'ay di'ibu myubujktap ja Jesús.

²⁷ Pūn du'an, ζmā net ja ja'ayudyu myuj pyáttanu? ¡Ni mā! ζTigyujxm? Ja'agyujxm ko ja'ay wyu'umdu oy mat ja Dios ko tmabaktu ja Jesukristu, es kyaj ja'agyujxm ko tkuydyundu ja ana'amun. ²⁸ Du'an jajnijawū ko mubujkangyujxm ja ja'ay oy wyu'umdu mat ja Dios es kyaj jya'agyujxmty wi'ix ja ana'amun jyuna'añ.

²⁹ ζTi israelitu ja'ayudyu je'euy ja Dios ja'ay'ajtap? ζTi kyaj nandu'un ja Dios tja'ay'áty pánaty kyaj 'yisraelítuty? Nandu'un di'ibu kyaj 'yisraelítuty. ³⁰ Pes ta ti'igyu je'euy Dios, es yu'u myutwe'empy oy mat yu' israelítuty di'ibáty myubujktap ja Jesukristu, es nandu'un oy wye'emy mat ja di'ibáty kyaj 'yisraelítuty di'ibáty nandu'un myubujktap ja Jesukristu. ³¹ Pūnū du'an, ζnjot'sum ja ana'amun ko n'axájum ja Jesukristu? ¡Ni wi'ix tsoo! Ni'igu du'an n'aktimnikajxrajtam ko oy ja ana'amun.

4

Di'ibu Abraan oj dyaky éxtamu ijxpajtan

¹ ζWi'ixu du'an ko yu n'aptee'tajtam Abraan oj wye'emy oy mat ja Dios? ² Pūn oy wye'emy mat yu'agyujxm yu oyybu tyu'unan, pes myudajtypy wi'ix tsoo myuj pyaadat. Per tim tuj'ajtan ko kyaj tmudaty ti mūat myuj pyaadat Dios wyindum. ³ Pes ja Diosu jyaabyajtan jyuna'añ: "Abraan myubujk ja Dios, es paaty oj oy wye'emy mat ja Dios." ⁴ Nnija'am ko yu tuumbu pátap ja myuj'u'uñ di'ibu tu tnidūñ, kyaj du'an jajmo'oy éxtamu may'ajtan. ⁵ Ni'igu, ja ja'ay di'ibu ja Dios myubujktap, ja Dios di'ibu kyaj tpekyuyjta'aky ja pekyjja'ayuty, Dios oy wye'emy mat tadū ja'ayuty ja'agyujxm ko myubúkuđu. ⁶ Tyagadu du'an di'ibu Davit junān ko jotkujk ja ja'ay pán oy wu'amp mudu Dios myubujkangyujxm es kyaj jya'agyujxmty di'ibu ja ja'ay tyiimpy. ⁷ Du'unu Davit jyuna'añ:

Jotkujk di'ibáty Dios tu mya'xaty ja pyojpu,

di'ibáty jajninajxp ja pyeky,

⁸ jotkujk di'ibáty ja Dios kyaj pyujta'agyuty éxtamu pojpu ja'ayun.

⁹ ζTii yu tyadu jotkujk'ajtan yu'uyū jajmo'oyaamp ja di'ibáty tu jajtsúktū waanu mā yu yedyujk'ajtan, o nandu'un jajmo'oyándup di'ibáty kyaj tsyikyuty? Pes nan jajmo'oyándup di'ibáty myubujktap ja Dios oy kyatsiky'ajtpudu. Mat ko tu n'okmadyákambū éxtam ja Diosu jyaabyajtan jyuna'añ ko mat ko Abraan tmabejky ja Dios, paaty oj oy wye'emy mat ja Dios.

¹⁰ ζPer na'á du'unu Abraan oj wye'emy oy mat ja Dios? ζTii mā naty tu jajtsikyū, o mā naty kyajnum? Kyaj 'yókyty, jaa mā naty kyajnum jajtsiky. ¹¹ Pes jawyiinu Abraan tmabejky ko Dios tkuydyuna'añ di'ibu naty tu twānda'aky, paadyu Abraan oy wye'emy mat ja Dios. Es extū óknamu du'an ja Dios t'anmaay ja Abraan es jajtsúktū waanu éxtamu ijxwu'umun ko Abraanu naty oy oj wye'emy mat ja Dios. Paaty mbaat njuna'anam ko yu Abraan yu'u du'unu 'yartujkyty nidugekyu di'ibáty myubujktap ja Dios oyū naty kyayajtsujkpu. ¹² Esu Abraan nandu'un 'yartujk'atudu nidugekyu israelítuty di'ibáty naty tu jajtsúktū waanu es nandu'un myubujktap ja Dios éxtamu Abraan tmabejky mā naty kyayajtsikyñam.

Mubujkangyujxm kya'pxy ja wāndakun

¹³ Pes ja Dios tyukwāndak ja Abraan es ja tyūmp 'yaadsaty ja naxwiñudu di'ibu jajmo'oyándup éxtamu kyumá'añty. Pes du'unu tyagadu jajwāndáky kyaj jya'ajuty mat ko Abraanu naty tu tkuydyūñ ja ana'amun, ja'a du'an mat ko tmabejky ja Dios. Paaty oj wye'emy oy mat ja Dios. ¹⁴ Pes pūn ja Dios tu naty twānda'aky ja kyunu'xan yu'uyū mat di'ibáty kyuydyuundap ja 'yana'amun, pes ja Diosu wyāndakun ni tiixyap tktsooty, mat ko ni pán mbaat tkakuydyūñ, es nanugoobū nmubujkumxyap. ¹⁵ Pes ja di'ibáty kyaj tkuydyundu ja ana'amun, pátap ja tyuydyu'unanu Dios; es mā kyaj jyaaty ja ana'amun, kyaj mbaat jajpekymyo'oydyu ja'agyujxm ko tkakuydyundu.

¹⁶ Es du'an xytyuk'ijxam ko nmudajtam ja wāndakun di'ibu Dios myooy ja Abraan ja'agyujxm ko nmubujkum ja Dios éxtamu Abraan tmabejky. Dios xykyunu'xam namay'ajtan, kyaj yu'ayuty je'euy di'ibu jajmooydyu ja ana'amun. Paaty mbaat njuna'anam

ko Abraan yu'u du'an aptujk ma nidagekyu di'ibaty myubujktap ja Dios. ¹⁷ Tyaadu du'an di'ibu myadyakyury ja Diosu jyaabyajtan: "Ujtsuts mij tu nbujta'aky éxtamu u'unkteety ma may ja naxwiñudu." Esu tyadu wandakun tsobatp mut ko Dios ku'am pyujták, ja Dios di'ibu yajjikypyejkyury ja o'kpaty es tkojy di'ibu kyajnum 'yity.

¹⁸ Es oy kyuxe'ky ko kyaj mbyaadaty, Abraan myubujk ja Dios es du'an 'yaptujk'átudu mayñaxwiñudu. Du'an éxtam ja Diosu naty tu 'yana'umxaty: "Yu mduamp m'aadsuty jyantsymyáyat." ¹⁹ Abraan myubujk ko Diosu naty tkuydyuna'añ yu wyandakun oy ja Abraanu naty tmudajnu mug'o'px jumajtan es jya'ajunap ko kyaj 'yok'u'unkrátnut, mut ko mujja'ayñu ni'igu mut ja ñudo'oxy Saara. ²⁰ Abraan kyaj oj tmú'amajtsk tmujotmajtsku di'ibu Dios wyandak, waanu ni'igu t'aktimmubejky es oj ja Dios tmajjáwu. ²¹ Pesu Abraan tim tuj'ajtanu naty tmudaty ko mut ja myuk'ajtanu Dios kyuydyunaambyu naty di'ibu wyandak. ²² Paadyu Dios oj oy wye'emy mut ja Abraan ja'agyujxm ko tmubejky.

²³ Ko ja Diosu jyaabyajtan jyuna'añ: "Abraan myubujk ja Dios, es paaty oj oy wye'emy mut ja Dios", tyaadu kyaj oj yajkuxja'ay mut yu'uyu Abraan; ²⁴ yajkuxjaay nandu'un mut udsajtumgyujxm di'ibu nmubujkam ja Dios di'ibu yajjikypyejky ja Nindsun'ajtam Jesukristu ko 'ye'ky. Paaty nandu'un udsajtam nwa'amam oy mut ja Dios. ²⁵ Jesús yajkuyajk es 'yoogat mut udsajtamu nbojpu'ajtam, es óknam jyikyrye'jky es du'an oy nwa'amam mut ja Dios.

5

¹ Es mut ko oy nwa'amam mut ja Dios ja'agyujxm ko nmubujkam, agujk jotkujk ni'jttam mut ja Dios Jesukristukyujxm. ² Es madu tyadu myay'ajtanu Jesukristu oy xyajpuds'amam mut ja Dios mut ko n'axájum éxtamu Yajnitsókrp, nxondákum tyam mut ko Jesukristu xymyutnuxa'anum es ni'jttam Dios wyindum. ³ Es kyaj yu'ajuty je'eyu ndukxondákum, nandu'un ndukxondákum ko n'ayo'om njottugo'oyum, mut ko nnija'am ko nmamadákum ja ayo'on, yu'u xymyo'oyum ja ma'xtujkan; ⁴ es ko nmamadákum ja ayo'on mut ja ma'xtujkan, nwa'amam oy mut ja Dios; es ko nwa'am oy mut ja Dios, jotkujk n'awijx njup'ijxm ja xuu ko Kristu myinut; ⁵ es ko jotkujk n'awijx njup'ijxm ko Kristu myinut, nnija'am ko kyaju Dios xywyin'u'anum, ja'a ko Espiritu Santukyujxm ja tsyojkan tpujtáky ma njot'ajt nwinma'añ'ajtam.

⁶ Pes ma naty tu nnitugo'oyunu mut ja pojpu es ni wi'ix tsoo mbaat nganayajnitsókum udsajtam ku'amuty, net ja Jesukristu 'ye'ky mut ja'agyujxmu pojpu ja'ayuty ko myiñ jyajty ja tiempu di'ibu Dios tu tpujta'aky. ⁷ Du'an jajtp ko tu'ugu ja'ay tku'eeky jatu'ugu ja'ay di'ibu jiky'ajtp tuj'ajtan muut. Wa'anu da es jantsy apenu yajpaadat pan tku'oogat tu'ugu ojyja'aybyu. ⁸ Peru Dios xytyuk'ijxm ko ni'igu xytyojkum, mut ko Jesukristu oj xykyu'o'kum maqanamu naty nbojpuja'ay'ajtam. ⁹ Es mut ko Jesús teemy dyejky ja ñe'pyñ ma ja kruuz esu du'an oy tu nwa'amam mut ja Dios, waanu ni'igu xyajnitso'oga'anum ma ja tudyu'unan di'ibu Dios myo'oyaampy ja pojpu ja'ayuty. ¹⁰ Ja'a ko maqanamu naty nnaamyudsip'ajtam madu Dios, Dios xpyujtákum agujk jotkujk mut yu'u ku'am mut ko 'ye'ky ja 'yU'unk Jesukristu, waanu ni'igu tyam xyajnitso'oga'anum mut ko Jesús jyiky'aty es tyam ni'jttam agujk jotkujk mut yu'u. ¹¹ Per kyaj yu'uyudyu tyaadu je'eyu, nandu'un ni'jttam xi'iky xoñ mut ko Dios xpyujtákum éxtamu myutnaymyaayabu mut ja'agyujxm di'ibu ja Nindsun'ajtam Jesukristu tu ttuñ mut udsajtumgyujxm.

Adán esu Kristu

¹² Du'an éxtam tu'uk je'eyu ja ja'ay kyaj tmudadooy ja Dios es madu tyaadu pojpukyujxm tsyondaky ja o'knu, paaty nidagekyu ja ja'ayuty 'yooktu, mut ko nidagekyu pyojpuutuundu. ¹³ Mut ko kyajnum ja Moisés t'axaju ja Diosu 'yana'amun, taa natyu pojputy ya naxwiñ. Per kyaju ja'ay tkakuydyundu ja ana'amun ma ana'amun kya'ity. ¹⁴ Per oy jyadu'anaty, o'ktu ja ja'ay ko Adán jyiky'ajty extu ko ja Moisés t'axaju ja ana'amun, oy tkakuydyundu tu'ugu ana'amun éxtam ja ana'amun di'ibu yajmooy ja Adán, di'ibu yajtukmu'ijxkijxyu ja di'ibu minamp.

¹⁵ Per kyaj tyi'igyuty, mut ko ja may'ajtan di'ibu Diosu ja'ay tyuunap, kyaj dyu'anaty éxtam ja peky di'ibu ja Adán tyuun, per ni'igu myájuty ja may'ajtan di'ibu Dios tyuun Jesukristukyujxm esu du'an mayjya'ay ttuk'oyudat. ¹⁶ Jatuk peky wi'ix ko kyaj tyi'igyuty ja may'ajtan di'ibu Dios tyiimpy madu ja'ayuty es ja peky di'ibu Adán tyuun. Mut ko tu'ugu ja'ay pyekykya'ay, nidagekyu ja'ay wyu'umdu pekyoty; es ko mayjya'ay ni'igu pyekytyuundu, net jatu'ugu yedyujk myiñ di'ibu mut ja'agyujxmu ja'ay oy wyu'umdu mut ja Dios. ¹⁷ Nidagekyu ja'ay 'yooktu mut ko tu'ugu yedyujk pyekytyuun, per ni'igu muj ja may'ajtan di'ibu Dios tyiimpy madu ja'ayuty, namay'ajtangyujxm wyu'umdu oy mut ja Dios es tmudattu ja jiky'ajtanu winu xuu winu tiempu mut yu'uyu tu'ugu ja'ay. Jesukristu.

¹⁸ Pes éxtamu Dios tpekymyooy nidagekyu ja'ay ja'agyujxm ko tu'ugu yedyujk pyekytyuun, nandu'un ko jatu'ugu yedyujk tuj'ajtan ttuun, du'an mbaat ja ja'ay oy wyu'umdu

mæt ja Dios es tmuđáttut ja jiky'ajtnu winu xuu winu tiempu. ¹⁹ Mæt ko éxtamu mayjya'ay pyekytuundu ja'aguyxmx ko tu'ugu ja'ay ja Dios tkakajxykyupejky, nandu'anu mayjya'ay wuy'umdu oy mæt ja Dios ja'aguyxmx ko jatu'ugu yedyujk ja Dios tkajxykyupejky.

²⁰ Ko Dios tmooy ja Moisés ja ana'amun, ni'igu ja'ay ttunandu ja pojpu. Es ko oj myuj myayu ja pojpu, ni'igu oj myuj myayu ja may'ajtn di'ibu Dios tyiimpy mæt ja ja'ayuty. ²¹ Es du'un éxtam pojpukyxmx ja'ay 'yooktu, nandu'un myujtak'adu'utsy ja Diosu myay'ajtn ko ja'ay oy wye'emy mæt ja Dios es yajmo'oydyut ja jiky'ajtn winu xuu winu tiempu Nindsun'ajtn Jesukristukyaxmx.

6

Eeky ma ja peky; jiky ma ja Kristu

¹ Pes, ¿ti net ndu'unum? ¿Tii n'akpojpatu'unum es du'un ja Dios xytyu'unxam waanu ni'igu ja may'ajtnu? ² ¡Ni wi'ix tsoo! Du'un n'ijtam éxtamu o'krpu ma ja peky. Pes, ¿wi'ix mbaat yu o'krpu pyojpatu'ni? ³ ¿Ti kyaj xyñj'awudu miidsuty ko ndi'iguyam mæt ja Jesukristu ko nnuabajtam, nandu'un ndi'iguyam ja'a mæt ko 'ye'ky? ⁴ Ko nnuabajtam, du'un n'ijtam éxtam ti'igyu n'o'kam mudu Kristu es ti'igyu mæt nnaxtujkam, es du'un éxtamu Kristu jyikyppyejky Dios Teety myuj'ajtnanguyxmx, nandu'un njiky'ata'anum wa'ats, kyaj n'okjiky'ajtnat axuuk éxtam ijtyan.

⁵ Mæt ko pun tu n'o'kam ti'igyu mæt yu'u, ti'igyu mæt yu'u njikyppuykam. ⁶ Es ko n'ijtam éxtam n'o'kam ti'igyu mæt ja Jesukristu ma ja kruuz, ja'aguyxmx du'un n'ijtam es nganakypyektyu'unum, kyaj ja pojpu nnakymyudu'unum éxtam ja ja'ayu wyindsun tmuđuñ. ⁷ Ja'a ko ma pán 'yeeky, ta tnike'eky ja pojpu. ⁸ Es mæt ko tu n'o'kam ti'igyu mæt ja Jesukristu, n'okmubujkam ko nandu'un njiky'ajtn mæt yu'u ti'igyu. ⁹ Nnija'am ko Jesukristu tu jyikyppyejky, ni na'a kyanaky'ooga'añ, kyaj ja o'kan ja muk'ajtn t'okmudajnu es myamadá'agudut. ¹⁰ Pesu Jesukristu 'ye'ky je'eyu tugekyu winu xuu winu tiempu es tkabejty tkmadooy tugekyu ja naxwiñadu ja'ayudyu pyojpaty, es tyam jyiky'aty ja Dios 'yoy'ajtnanguyxmx. ¹¹ Nandu'un nayj'awudu miits éxtamu o'krpu ma ja pojpu, es du'un éxtam tu mjikyppuyktu ti'igyu mæt ja Jesukristu es xymyudúndut ja Dios.

¹² Katu miits mnayyákuđu es ja pojpu m'awindumbákuđu es mdukmunujxudut ja jiky'ajtnu axuukpu. ¹³ Katu xyajtúndu yu mnini'x mgubajkuty éxtamu tyuumbajn ja ka'oybyu es du'un mduktúnudut ja pojpu. Nik oy naygyyákuđu amumdu'uk jot ma Dios éxtamu di'ibáty tu jyikyppuyktu, es yajtúndu mnini'x mgubajkuty éxtamu ja Diosu tyuumbajn, es du'un mduktúnudut di'ibu yu'u tsyejpy. ¹⁴ Mæt ko ja pojpu kyaj xywyindsun'áttut miidsuty, mæt ko miidsuty kyajpu ana'amun mya'itadu, yu'u situy ja Diosu myay'ajtn.

Pnatty myuduundap ja ka'oybyu

¹⁵ Pes mæt ko tyam n'ijtam mudu Diosu myay'ajtn es kyajpu ana'amun xyñakyya'ijtnam, ¿ti net n'aktu'unum? ¿Tii n'akpojpatu'unum? ¡Ni wi'ix tsoo! ¹⁶ Pes jaygyúkuđu miidsuty. N'okpajtkam éxtam tu'ugu ijxrajtn. Ko pán ñayyákuđu tmuđunat jatu'ugu ja'ay, pes tuumbu'ajtnu tadu ja'ay. Nandu'anu du'un miidsuty, pun mbanajxtap ja pojpu éxtam ja ka'oybyu tseky, pes yu'u mduumbu'ajtnudap ja ka'oybyu. Per pun mduundap miidsuty di'ibu ja Dios tsyejpy, mDiosmuduundap miidsuty. Pun mmuduundap ja ka'oybyu, mbátudap ja o'kan. Per pun mmuduundap ja Dios, mjiky'áttap tuj'ajtn mæt. ¹⁷ Per yajja'aygyudákp ja Dios, mæt ko oy miidsuty tnyup mduumbu'átadu ja ka'oybyu es xytyuundu ja peky, tyam tu xy'axájjudu ja xprujkan di'ibu myajmoodyu es mguydyuundap mæt winu mjet éxtam ja Diosu myuduumbuty. ¹⁸ Mbaat njuna'anum ko ma miidsuty oj myajpekymya'xtu, net oj mnaybyujta'agudu Diosu myuduumbuty es du'un mjiky'áttut tuj'ajtn mæt. ¹⁹ Kajxpuđu du'un wa'ats esuts otyim pnatty xyjajgyúkuđats. Tnyup miits mnaygyyajkudu ma ja axuk'ajtn es ja pojpu éxtamu ka'oybyu myuduumba, es mjiky'ajtn axuuk; per tyam nayyákuđu amumdu'uk jot ma Dios éxtamu myuduumbuty, es mjiky'áttut tuj'ajtn mæt, du'un éxtamu Dios tseky.

²⁰ Ko miidsuty ijty mduumbu'átadu ka'oybyu es mduktúnudu ja axuukpu, ni xykyatuundu kwentu di'ibu naty oy. ²¹ Pes, ¿ti mbujk mbattu ma tadu jiky'ajtnu axuukpu?, ko exu mdsodyuundap ko xyjamyatstu. Pesu tyagudu du'ambu jiky'ajtn yajmiimpy ja o'kan. ²² Per tu miits myajpekymya'xtu es tu myajpajta'aktu Dios mduumbuty. Es mæt ko tu mnayyákuđu amumdu'uk jot es mjiky'áttut éxtam ja Dios tseky, yu'u mmo'oyadap ja jiky'ajtnu winu xuu winu tiempu. ²³ Pes yu pojpu situy yajkyru ja mju'uñ, esu tadu mju'uñ yu'u du'un ja o'kan; per Dios nadu'uñ dyaky ja jiky'ajtnu winu xuu winu tiempu mæt ja'aguyxmx Nindsun'ajtn Jesukristu.

7

Kasaadu ja'ayuty éxtamu ijxrajtn

¹ Mägu'ugítaty, miidsaty yajxón xyñijáwadu ja Diosu 'yana'aman. Mnija'adap ko ja ana'aman je'eyu dyajkutíky mä ja'ayun maanam jyiky'aty ja ja'ay.

² N'okpajtákam, du'un ja ana'aman jyuna'añ ko tu'ugu kasaadu toxytyujk ti'igyu 'yity madu ña'ay maanam ja ña'ay 'yajakjy'aty; per pan o'kp ja ña'ay, wu'amp awa'atstúm ja toxytyujk es trákut ja wiinkpu yedyujk. ³ Paaty, panu tyadu toxytyujk nayyajkap mat jat'u'ugu wiinkpu yedyujk maanam 'yajakjy'aty ja ña'ay, yajtugeepy ja puik úkunu wyindsu'kan; per pan o'kp ja ña'ay, kyaj dyajtugóy ja puik úkunu wyindsu'kan ko wiinkpu yedyujk tpeky.

⁴ Nandu'un miits mägu'ugítaty, du'un miits m'ittu éxtamxyup m'ooktu mä ja ana'aman es mdi'igyudat mat jat'u'ukpu, ja'a njuna'anam madu Kristu di'ibu jikyppyujk ko 'yok'e'ky. Du'un ttuúñ es njiky'ajtam du'un éxtamu Dios ttseky. ⁵ Mat ko maanam naty ndu'unam di'ibu nnini'x'ajt ngubajk'ajtam tseyjpy, net ja ana'aman oj xyjot'yujkam ko pojpu yu'u di'ibu naty ndu'unam, es ana'amangyujxm ja pojpu je'eyu ni'igu oj xy'aktuktuna'anam ja axuukpu es xytyuknimi'inam ja o'kan mat ko du'un n'adátsum. ⁶ Per tyam, mat ko tu n'o'kum mat ja Jesukristu es tu n'awa'atspudsu'amunu mä tadu ana'aman, kyaj nnakymyudu'unam ja Dios mat yu'uyu ko ngyudyuna'anam ja ana'aman jaybyety, nmadu'unam ja Dios mat ja njot'ajt nwinma'añ'ajtam éxtam ja Espírítu Santu xytyukni'ijxam.

Peky di'ibu ijtp mä ujun

⁷ Pes, ¿mbaat njuna'anam ko ja ana'aman yu'ujuty ja pojpu? ¡Ni wi'ix tsoo! Tadu ana'amandsu du'un tu xytyuknijawu ti dan pojpu'ajtp. Kooxyubu tadu ana'aman tu kyajuna'añ: "Katu xy'adseky di'ibu wiinkpu jya'a'ajtypy", kyajxyuats uj tu nnijawu ko du'un pyojputy ko ndsojkam di'ibu wiinkputy myudajttap. ⁸ Per kots tu nnijawu ja ana'aman, ja pojpuats tu xymyo'oy tugekyu oytyim di'ibu axuk winma'añuty. Pes ko ja ana'aman kya'ity, kyaj ja pojpu ti muk'ajtan tmudaty. ⁹ Jit tu'ugu tiempu mats njiky'ajty ni nganija'ajts ja ana'aman. Per kots oj nnijawu ja ana'aman, net ja peky xytyuk'adsekyuats ja axuk'ajtan esuts xyajwe'emy éxtamxyuats n'eeky. ¹⁰ Ja ana'aman di'ibu Dios yajjwawu es uj nnijawut wi'ixats njiky'átut wínu xuu wínu tiempu, mat ja'agyujxm ja ana'aman uj nyajpujta'agyats esuts nbaadut ja tyuudyu'unanu Dios. ¹¹ Mat ja'agyujxm ja ana'aman ja pojpu tpaty wi'ixats xywyin'uanut esuts uj xyajwe'emy éxtamxyuats eeky n'ity.

¹² Tyaadu du'un xytyuk'ijxam ko tyadu ana'aman tyu'ajtanuty, wya'adsuty es 'yóyuty. ¹³ ¿Per tii, kyaj du'un jyaty ko di'ibu du'un oy tu tyugatsy axuuk es tats xya'eeky? ¡Ni wi'ix tsoo! Ja pojpu du'un di'ibuts tu xya'eeky, es mat yu ana'aman xytyukniija'ajts ti dan ja pojpu, mat ko mä yu ana'aman yajnijáwu ko jyantsy'axuugadyu tadu pojpu.

¹⁴ Nnija'am ko tadu ana'aman yu'u yajk ja Dios, per pekyjya'ayats uj, du'unuts uj n'ity pekyoty éxtam tu'ugu ja'ay di'ibu niteeky 'yity. ¹⁵ Kyajts nnijawu pan tits xyajjtp; kyajts nduñ di'ibuts ndsejpy, ni'iguts nduñ di'ibuts kyaj njatuna'añ. ¹⁶ Per pan ndiimbyats ja di'ibuts kyaj njatuna'añ, n'axkajpyats ko yu tadu ana'aman 'yóyuty. ¹⁷ Es du'un kyaj nnaky'ajtsuty di'ibu kyaj tmamudoy ja Diosu 'yana'aman, ja'a du'un ja pojpu di'ibu dun ijtp mä ujun. ¹⁸ Nnija'abats yajxón ko mä ujun, pojpu ja'ay, kyaj ni ti di'ibu oy, ja'a ko njatunaambyats di'ibu dun oy, per kyajts nmamada'aky. ¹⁹ Maaxyp jyapaadyuty ndúnudats ja oybyu éxtamts njadsekyun, ni'iguts n'aktúñ ja axuukpu di'ibuts kyaja'ijty njatuna'añ. ²⁰ Paaty kyaju dun 'yajtsuty di'ibu dun tyiimpy ja axuukpu, yu pojpu dun di'ibu ijtp mä ujun, yu'u dun tyiimpy ja axuukpu.

²¹ Di'ibuts xyajjtp, ko njatuna'añats di'ibu oy, per jam ja pojpu mats uj. ²² Yu njot nwinma'añuts kyupejkyu amumdu'uk jot ko 'yóyuty ko ja Diosu 'yana'aman jyuna'añ di'ibuts ndúnup, ²³ per taat mats uj n'ity tu'uk di'ibuts xymyudsip'ajtp. Yu pojpu yu'ats xytyuknimiimp ja axuk winma'añ, esu tyaadu tsyiptundu di'ibuts uj nnija'ap di'ibu oy, es du'unats xymyudaty éxtamu tsimyjya'ayan, es xytyuknudúñats agwana ja pojpu.

²⁴ ¡Puroobu uj mat yu'agyujxm tugekyu tyaadu! ¿Pántx xyajnitso'ogup mä tyadu nini'x di'ibu tu yajtuknikajxepety ja o'kanu? ²⁵ Yajja'avygudák ja Dios ko jyaaty ja nitsokan mat yu'agyujxmu Nindsun'ajtam Jesukristu. Pes du'unats uj n'ity: Nwinma'añgyujxmts uj njatseky es uj ndúnut di'ibu Dios 'yoyjya'ap, per ja pojpu di'ibu ijtp mats uj nniini'x, ja'ats uj xyajpekytyuump.

8

Jiky'ajtan Espírítu Santukyujxm

¹ Pes du'un di'ibáty ja'a'ajtudup ja Jesukristu, kyaj 'yawijxaty ni ti tyadyu'unam, ² mat ko ja Espírítu Santu di'ibu yajkypy ja jiky'ajtan ja'agyujxm ko ti'igyu n'ijtam madu Jesukristu, tu xyajnitso'kam es kyaj nnaky'ijtam mä ja pojpu es ja o'kan. ³ Tu ja Dios ttuñ di'ibu ja ana'aman kyaj mbaat oj ttuñ, ja'a ko naty ja myuk'ajtan kyujunákuty ko ja ja'ay ttundu di'ibu ñini'x kyubajk tsyojktap. Paaty ja Diosu 'yU'unk tkejxy es yajjxy éxtamu pekyjya'ay

es twindsu'kan'átut ja ja'ay pyojpakyujxm, es du'un dyajtugooy ja pojpu myuk'ajtm di'ibu naty ma dsajtam.

⁴ Es mut ko du'un ttuun, oj tkudyuun mut dsajtmgyujxm tugekyu di'ibu ja ana'amun xytyuk'ana'amum, es tyam njiky'ajtm éxtam ja Espírítu Santu xytyukni'ijxam, kyaj nnakyyjiky'ajtm éxtam ttseky ja nnini'x'ajtm ngubajk'ajtm.

⁵ Pes di'ibáty nayyajkadup mut ja di'ibu nini'x kyubajk tsyejpy; per di'ibu nayyajkadup ma Espírítu Santu, yu'u je'eyu wyinmaaydyup di'ibu Espírítu Santu tsyejpy. ⁶ Di'ibáty nayyajkadup mut ja di'ibu nini'x kyubajk tsyejpy, tyadu ja'ayuty pátdup ja o'kun. Per di'ibáty nayyajkadup ma yu Espírítu Santu, tyadu ja'ayuty pátdup ja jotkujk'ajtm es ja jiky'ajtm winu xuu winu tiempu. ⁷ Di'ibu nayyajkadup ma yu di'ibu nini'x kyubajk tsyejpy, myudsip'ajttup ja Dios, mut ko ni tkatsoktu es ni mbaat tkapadundu ja Diosu 'yana'amun. ⁸ Paaty di'ibu jiky'ajttup éxtam tsoktu ja nini'x kyubajkuty, ni na'a mbaat kyatukjotkuda'agadu Dios.

⁹ Per kom ja Espírítu Santu ijt ma miidsuty, kyaj mnakyyjiky'attu éxtam ja mnini'x mgubajku tsyojkan, je'eyu du'un m'akjiky'attu ti'igyu mut ja Diosu Jya'ajun. Pes di'ibáty kyaj tmadattu ja Jesukristu Jya'ajun, kyaj yu'u jya'a'átadu Jesukristu. ¹⁰ Pun m'ijttup ti'igyu mut ja Kristu, oy 'yoogat ja mnini'xuty pekykyujxm, jiky'ajttup ja mja'ajunaty ja agyujxm ko oy mwu'umdu mut ja Dios. ¹¹ Es kom ma miidsuty ijt ja Diosu Jya'ajun di'ibu yajjikypyujk ja Jesukristu ma 'ye'ky, nandu'un ja Dios yajjikypyukap yu mnini'xuty.

¹² Pes mgu'ugítaty, tam di'ibu tsyojkap es ndu'unam, per kyaj jya'ajuty es njiky'ajtm éxtam ja nini'x kabajk ja tsyojkan. ¹³ Mut ko pun mjiky'ajttup éxtam ttseky ja nini'x kabajkan, m'ooktup pekymyuat; per pun ja agyujxm ja Espírítu Santu myajtugooydup ja mnini'x mgubajku tsyojkan, net ja Dios mmo'oyudat ja jiky'ajtmu winu xuu winu tiempu.

¹⁴ Mut ko nidagekyu di'ibu Dios nayyajkadup es nu'umo'oy tyu'umo'oyudat ja Diosu Jya'ajun, tyaadudyu du'un di'ibu Dios 'yaxájup éxtamu 'yu'ungun. ¹⁵ Pesu tyadu Espírítu Santu di'ibu n'axájam, kyaj xyajtsu'k xyajja'am éxtamu tuumbu di'ibu kyaj tkudyuun, yu'u du'un xytyuktsojkan ja Dios éxtamu 'yu'ungun. Es ja agyujxmu Espírítu Santu n'anma'ayum: "Tatitu'unk." ¹⁶ Ja Espírítu Santu tyi'igyu ma yu n'anmaja'an'ajtm, es xytyuknija'am ko xy'u'unk'ajtm ja Dios. ¹⁷ Es ko dsajtm yu'u xy'u'unk'ajtm, nandu'un mudu Kristu xpyyada'anum ja kuma'añ; mut ko pun nbu'ayo'om ja Kristu, nandu'un xpyyátum es n'ijtm ma myuj'ajtm.

Muj'ajtm di'ibu miimp

¹⁸ Paaty kyajts ngwentupujta'aky ja ayo'on di'ibu tyam nyajkujx nyajnajxum. Pes kyaj mbaat ndukmu'ijxkijxum tadu muj'ajtm di'ibu nbaada'anum ok. ¹⁹ Pes tugekyu di'ibu Dios yajko 'yawijx jyjup'ijxtup es t'ixa'andu ja xuu tiempu ko Dios dyajnjiguxu'ugut di'ibáty 'yu'unk'ajttup. ²⁰ Ja'a ko ma ja Adán pyekytyuun, tugekyu di'ibu ya naxwiin ijt 'yayoy nandu'un mut ja agyujxmu pyojpu; kyaj 'yayoy mut ko yu'u ku'am ttsejky, Diosu du'un pyujták. Per kyaj wyu'amut du'añam, mut ko tugekyu di'ibu Dios pyujták 'yawijxtup ²¹ ko kyaj 'yokkutugoyannadu es pákup ja muj'ajtm, ja awa'atstuu'ajtm es ja kunu'xun di'ibu pyaattup ja Diosu 'yu'unguty. ²² Nnija'am ko extu tyam tugekyu di'ibu Dios pyujták moon tu'jkr éxtam tu'ugu toxytyujk dyajnáxy ja pujk ado'onun ko tpaada'añ ja maxu'ungu'unk. ²³ Es kyaj yu'ujaty je'eyu 'yayowdu mut ja pujk ado'onun, nandu'un dsajtm di'ibu nmudajtm ja Espírítu Santu di'ibu Dios tu xymo'oydsyondákum éxtamu tuamp di'ibu jawyiin tuamp'ajtp, es njup'ijxam ko Dios xymo'oyum tugekyu di'ibu xpyyátum mut ko xy'u'unk'ajtm, ja'a yu'u ko nmudajtm ja jembyu nini'x. ²⁴ Paaty udsuty ja nits'o'ok'ajtm tu nbátum ko du'un njup'ijxam. Ko ja'ay tu t'ijxnu di'ibu naty tu t'ujp'ixy, kyaj ja'a 'yok'yajtijnu ko t'ujp'ixy. Pes koxyup ja'ay tu t'axájudu, kyajxup nnakyyjup'ixy. ²⁵ Per ma kyajnum ti nmudajtm, pes n'ok'awijxum mudu ma'xtujkan.

²⁶ Nandu'un jajtpu du'un, ja Espírítu Santu xpyyudajkam ma n'ijtm ya'ayow ya'ama'at, mut ko kyaj nnija'am wi'ix ngajxtákum éxtam pyaadyuty, per ja Espírítu Santu xyñinu'xtákum mut dsajtm, mut ko yu'u myudeepu ko ngajx ndukam di'ibu kyaj mbaat ngajxpuudsu'umum. ²⁷ Es komu Dios ñija'adyaapy tugekyu ja ja'ay jtot wyinma'añuty, ñija'ap yajxon di'ibu ja Espírítu Santu 'yamdowaampy, mut ko yu'u 'yamdeepu ja Diosu jya'ayuty éxtum ja Dios ttseky.

Nmadákum Kristakuyxm

²⁸ Nnija'am ko Dios yu'u tyuknibujtákap tugekyu es ttuk'oy'áttut di'ibáty tsyojkadup, di'ibáty yu'u tu twoy, éxtum ta ttuknibujtaagu. ²⁹ Mut ko Dios nnija'aju ja ja'ay tim ux'ajp, es yu'ujaty twin'ijxy es 'yítut éxtamu 'yU'unk Jesukristu, es du'unu Jesukristu kya'axkopk'átut ma mayu myuga'axuty. ³⁰ Es pánudyu Dios tyuknibujtáku ux'ajp es t'u'unk'áttut, ja'a twooy; es pánuty wyoo, ja'a oy muat wye'emy; es pánuty oy muat wye'emy, ja'a pyujták es tmadáttut ja muj'ajtm.

³¹ Es mat ko tu nniija'am tugekyu tyaadu, zti dan mbaat n'aktimkajxam? Mat ko Dios xypuyujkam udsajtam, zpan xymyudsip'ajtam? ³² Mat ko Dios kyaj oj tkuyu'utsy ja kyum U'unk, ni'igu oj tkayaky es 'yoogut udsajtamgyujxm, zwi'ix tsoo net xykyamo'oyam tugekyu mudu 'yu'unk? ³³ Zpan mbaat tpekymyo'oy di'ibu Dios tu twin'ixy?, mat ko Dios ku'am oy dyajwe'emy mat ya'u. ³⁴ Zpan mbaat jyuna'afn: "Pekyjya'ayu tyaaduty?" Jesukristu ku'o'kudu, es kyaj je'eyu kyu'o'kudu, nandu'un jyikyppyeky jatugok es tam 'yity aga'aandsyoo ma Dios es xynu'xtakum. ³⁵ Zpan mbaat xypuyujkam ja Kristu tsyojkan? Ztii mbaat xypuyujkam ja ayon, o ja jotmay, o mat ko nyajpajudijtam, o ja yuu, o mat ko kyajpu nwi't'ajtam, o mat ko xya'ooga'anum mat ja espaadu? ³⁶ Pes extam jyuna'afn ja Diosu jyaabyajtan:

Mat mijtskyujxm udsaty n'ittu o'kun jujp'am;

du'unats udsaty n'ittu extam ja borreegu di'ibu yajmanujxtap ma ja o'kun.

³⁷ Ni di'ibuds taadu xykyatukmastu'udat ja Kristu. Pes yu'u du'un di'ibuts xytyukmamadakp tugekyu tyaadu, mat ko yu'u xytsyojkam. ³⁸ Paadyuts nmudaty ja tuj'ajtan ko ni ja o'kun es ni ja jiky'ajtan, ni ja anklusaty, ni ja ka'oybyuty, ni ja tyambu, ni ja di'ibu miimp kudakpnum, ³⁹ ni di'ibu tsajwinm, ni di'ibu ayoodaknoty es ni di'ibu Dios yajkoj, kyaj ni ti mbaat xykyatukmastutam ja tsyojkan ja Dios di'ibu myudajtypy mat udsajtam ma yu Nindsun'ajtam Jesukristu.

9

Wynwijtsypy ja Dios panuty tsyejpy

¹ Extamu myuduumbu Kristu, ngajxyudsu tuj'ajtan es kyajts n'anda'aky. Ja Espiritu Santu ana'amp madsu nwinma'afn es tuj'ajtanuts njuna'afn. ² Ndimmadajttiiubys ja amay jotmay. ³ Ouyxupt njetseyk es kajxpéky ndim'itut es kyajts n'ok'ijnat ti'igyu mudu Kristu pan o'oyurxyup es ttuk'oy'atut ja nmug'uk'ajtam, ja israelitu ja'ayuty, ⁴ ja Israelu tyuamp 'yaats du'un extam uj. Dios kyurpjkudu extamu 'yu'unguty es tyuk'ixxudu ja myuj'ajtan es ttuuñ ja kajxy'atypy mat ya'u, es tmoodydu ja 'yana'amun esa wyandakan es wi'ix twindsu'ugudat ja Dios. ⁵ Nan yu'udyu du'un ja tyuamp 'yaats ja Abraan, Isaa esa Jakoob, es nandu'un jya'ajtungyujxm 'yijty tadu tyuamp 'yaats ja Kristu, oy ja'ijty jyaDiosaty di'ibu ana'amp ma di'ibu jaa'ajtp tugekyu. iWa'an dya"awdaty ma tugekyu it naxwiñadu winu xuu winu tiempu! Wa'an du'unuty.

⁶ Per kyaj mbaat njuna'anum ko Dios tu dyajtagátsy ja wyandakan! Ja'a ko kyaj nidugekyu yu israelituty oy win'ixudu Dios extamu jya'ayan. ⁷ Es nan ni yu'u Dios tkaja'ay'aty nidugekyu ja Abraanu tyuamp 'yaadsaty, mat ko Dios t'anmaay ja Abraan: "Yu'uyu du'unu tyuamp 'yaats ja Isaa yajkwentapujta'agap extam mja'ajun." ⁸ Tyaadu xytyuknija'am ko kyaj ja ja'ay Dios 'yu'unk'atuty panu wi'ix pan ja tyuamp 'yaats tukmiñ ttukajtu, ja'a ja ja'ay Dios u'unk'ajtp di'ibu miin jajtu ma ja Dios tkudyduñ ja wyandakan, ⁹ mat ko du'un wyandaky: "Jumbitupts ma ja tiempu tpaadat esa Saaru tu naty dyajmin dyajja'ty tu'ugu u'ungu'unk."

¹⁰ Es kyaj yu'uyuty, nandu'un ja Rebeku 'yu'unk majtskpu, ti'igyu tteety'ajtu ja Isaa, udsajtam n'apteem'ajtam. ¹¹ Oyu du'un, kyajnum naty tyadu majtskpu u'unk myiñ jya'ty es ni tkatunamu naty tii, ni yu oybyu es ni yu axuukpu, ja'a ko tyuñuty di'ibu Dios tsyojk ko twin'ixy di'ibu yu'u kyupejkyu extamu jya'ayan, ¹² kyaj ja'agyujxm ko tu'uk tu'uk tii ttuñ tkatun, es ja Rebeku ya'anmaay: "Yu mga'axkókp yu'u tuumbu'atadap ja mutskpu." ¹³ Du'un extam ja Diosu jyaabyajtan jyuna'afn: "Ndsejpyats ja Jakoob, peru esa'uu kyaj."

¹⁴ Ztii mudu tyaadu mbaat njuna'anum ko kyaju Dios ttuñ ja tuj'ajtan? iNi wi'ix tsoo! ¹⁵ Mat ko Dios t'anmaay ja Moisés: "Tj nmudatupts ja pa'ayo'on mat ja di'ibuts uj nba'ayowaampy, es nmudatupts ja ma'xtujkan mat ja di'ibuts uj nmama'xtukaampy." ¹⁶ Es du'un kyaxe'eky ko di'ibu Dios tyiimp, du'un ttuñ mat ko yu'u ku'am pya'ayowaampy, kyaj mat ko ja ja'ayuty du'un tsoktu es ni mat ko ti oyna'unun tu tundu. ¹⁷ Mat ko ja Diosu jyaabyajtan jyuna'afn ko Dios t'anmaay ja Ejiptu rye: "Paaty tu nbujta'aky extamu rey es nya'ixuduts ma mijun ja nmuk'ajtanuts es du'un ya'ixat ja nmuj'ajtanuts ma nidugekyu naxwiñadu ja'ayaty." ¹⁸ Tyaadu xytyuknija'am ko Dios ya'ijxap ja pya'ayo'on ma di'ibu yu'u tsyejpy, es nandu'un dyajkujuunda'aky di'ibu yu'u yajkujuunda'agaampy.

¹⁹ Ja da panuts xy'anumap: "Pan du'unu du'un, zwi'ix mbaat ja Dios xyppekymyo'oyam oyna'unun pan kyaj mbaat pan tujpkuwa'agu di'ibu Dios tsyejpy?" ²⁰ Esuts uj n'adsoy: zEs mbánu dun mij ko du'un xyni'ow xyniyaxu Dios? zTii wa'anu tu'ts t'anuumu di'ibu yajkojap: "Ti kots mij du'un tu xypoty?" ²¹ Pes ja tu'ts pojtspu yajkejpy ja tyexy tyazu extam yu'u ku'am tseky. Yu'u páty dyajtanut kujkwa'xy ja mo'onts es trótsat tu'ugu jantsy oybyu di'ibu myu'uñapy ja pujy, es jakujkwa'xy mbaat dya'oyu tu'uk di'ibu oywyi'ix yajtuñ. Pes ja mo'onts jya'a'ajtypy yu'u.

²² Nandu'un jajtɔn du'un, ja Dios pátut ttúnut di'ibu yu'u tseyjpy. Yakaampy tu'ugu ijxpajtɔn wi'ix ja tɔydu'unun dyaky es dya'ixa'añuty ja 'yajkɔn es myumadak mat ja mya'xtujkɔn tadu ja'ayuty di'ibu yu'u tyuknibujtáku es ñajxtɔt ayoodaknóty. ²³ Nandu'un pátut es dya'ixudat yu myuj'ajtɔn mat ja ja'ayuty di'ibu yu'u myudajtypy mat ja pa'ayo'on, mat ko jawyíñubɔ naty yu'u tu ttuknibujtáagu es n'ijtm mɔ myuj'ajtɔn, ²⁴ adsajtm, di'ibátu Dios wyoo es tra'ayooy, kyaj jye'eyaty ja israelítu, per nandu'un di'ibuty kyaj 'yisraelítu.

²⁵ Extɔm jyuna'añ mɔ ja Diosu kyugajxɔ Oseeus tkuxjaay:

Di'ibátuysu naty kyaj nja'ay'átuys,

yu'uts nja'ay'áttɔp,

es di'ibátuysu naty kyaj ndseky,

njuna'anupts ko yu'uts ndsojktɔp.

²⁶ Es nan jam jyuna'añ:

“Kyajts miits nja'ay'áttu,

nan jamyu n'axájudɔt miidsuty éxtɔmts ja n'u'ungɔn”,

du'un jyuna'añ ja Dios di'ibu jiky'ajtp.

²⁷ Es mat ja israelítu, ja Diosu kyugajxɔ Isaiiu jyuna'añ: “Oy ja israelítu ja'ayuty jya-may'ajtpɔdu ja tuuamp 'yaadsuty éxtɔm ja pu'u jikymeyjyñbyu'aay, je'eyu waanu yu'ujuty ñitso'oktɔt. ²⁸ Mat ko yu Nindsun'ajtm Dios tsojk es kexy ka'pxy tkuyduunda'aya'añ yu 'yayuk mɔ tugekyu ja naxwiñadu.” ²⁹ Es éxtɔm nandu'un ja Isaiiu jyuna'añ jawyíñu:

Kooxyubu Dios di'ibu tugekyu muk'ajtm myudajtypy,

oj xykyatukmanikákum waandi'knu ja'ay,

tuuxyup ndimkutugo'oyum tugekyu,

éxtɔm jyajty ja Sodomu kajpn es Gomorru kajpn.

Israelítu ja'ayuty es ja oybyu ayuk

³⁰ ¿Ti xytyukjagyujkam tugekyu tyaadu? Pes xytyukjagyujkam ko yu di'ibu kyaj 'yisraelítu myubujknguyjxm oy wyu'umdu mat ja Dios oy tka'xtaaydu es du'un 'yitɔt mat ja Dios, ³¹ es ja israelítu sitay jyatunandu éxtɔm ja Dios t'ane'emy es du'unxyp oy wyu'umdu mat ja Dios, per yu'ujuty kyaj ttuk'oybyudsuumdu. ³² ¿Es ti ko tkatuk'oybyudsuumdu? Ja'a ko jyamada'agándu es ja Dios yajnitso'ogudɔt mat ja di'ibu yu'ujuty ku'am tyuundɔp es kyaj mat ja'agyujxm ko ja'ay t'axájudɔt Jesús éxtumu Yajnitso'okru, mbaat njuna'anum ko yu'u tyukkunajpɔdu. ³³ Du'un jyajty mɔdu israelítu éxtɔm jyuna'añ ja Dios mɔ ja jyaaybyajtm:

Nbujta'agupts mɔ Syon kajpn,
tu'uk di'ibu éxtumu tsaa yajtukkunáɔpɔp

es kyudáwdɔt ja ja'ayuty;

es di'ibátu myubejkyu yu'u,

ni na'a tkamádáttɔt ja tsoydu'un.

10

¹ Mɔgu'ugítu, di'ibɔts sitay njantsytsyeyjpy amumdu'uk jot es n'amdoy nbujktsóyuts ja Dios, ja'a du'un es ja israelítu ñitso'oktɔt. ² Ku'umts uj n'awanu ko yu'u sitáyuty 'yawdatándɔp ja Dios, per kyaj tjagyúkɔdu ti Dios tseyjpy. ³ Pes kyaj tjagyúkɔdu wi'ixu ja'ay oy wyu'umdu mat ja Dios, ja'a tyunándɔp es tra'yo'oya'andɔ kyu'am winma'añgyujxm wi'ix oy wyu'umdu mat ja Dios, kyaj tkupáku wi'ix ja Dios jyuna'añ es oy wyu'umdu ja'a mɔnt. ⁴ Jabaat ja Moisesu 'yana'amun tyuun ko myiñ ja Kristu, es du'un nidagekyu oy wyu'umdu mat ja Dios ko Kristu tmubuktɔ.

⁵ Moisés ñigajx wi'ixu ja'ay oy wyu'umdu mat ja Dios ana'amunguyjxm ko jyuna'añ: “Di'ibu kyuydyimpy tugekyu tugekyu di'ibu tadu ana'amun ñi'ana'amɔp, tadu ja'ay 'yaxájɔp ja jiky'ajtm winu xuu winu tiempu.” ⁶ Per ko ja'ay wyu'umdu oy mat ja Dios mubujknguyjxm, du'un jyuna'añ: “Katɔ mjuna'añ mjodoty mwinma'añóty: ¿Pánu da patákɔp tsajpótɔm?” (Ja'a du'un es dyajjunákɔt ja Kristu.) ⁷ Ni mgajuna'anɔt: “¿Pánu da kɔda'agup ayoodaknóty?” (Ja'a du'un es ja Kristu dyajjikypýákɔt.) ⁸ Pes du'un ja Diosu jyaaybyajtm jyuna'añ: “Wingu'uy agu'uy es aajóty jodoty ja ayuk xymyudattu.” Yu'u ja ayuk di'ibɔts uj ngajxwa'xyu. ⁹ Pɔn mat ja m'aa mjuna'añ: “Ngupejkyuys mij, Jesús, éxtumdsu nWindsún”, es pɔn nmubejkyu mat ja mjot mwinma'añ ko Dios yajjikypýajk ja Jesús ko 'ye'ky, net mñitso'ogɔt. ¹⁰ Mat ko mɔdu njot'ajtm nwinma'añ'ajtm nmubujkam ja Dios es net nwu'umum oy mat ja Dios, es mat ja n'aa'ajtm njuna'anum ko Jesukristu Nindsun'ajtm, es yu'u du'un xytyukpátum ja nitsokɔn.

¹¹ Pes ja Diosu jyaaybyajtm jyuna'añ: “Pán myubejkyu yu'u, ni na'a kyatsoy-dyu'unga'adɔt.” ¹² Tyaadu xytyukni'jam ko Dios kyaj t'ijxkixyu di'ibu israelítu o di'ibu kyaj 'yisraelítu, mat ko yu'u ku'am ja Jesús Nindsun'ajtm'ajtp mɔ tugekyu, es yu'u

kyuni'xypy maj wiin kajaa nidugekyaty di'ibu manu'xtakudap. ¹³ Mut ko ja Diosu jyaabyajtan jynana'an: "Nidugekyu di'ibu manu'xtakudap extamu Nindsun'ajtam, nits'oktap." ¹⁴ ¿Per wi'ix mbaat t'awdaty extamu Nindsun'ajtam tu'uk maanam kyaj tmabeky? ¿Es wi'ix mbaat tmabeky pun kyaj tmadoy yajmadya'aky? ¿Es wi'ix mbaat tmadowdu ya'uju 'yayuk pun kyaj ni pán kyatukmumadya'agadu? ¹⁵ ¿Es wi'ix mbaat yajtukmumadya'aky ja Diosu 'yayuk pun kyaj pán tyuknigéxhyaty? Du'un éxtamu Diosu jyaabyajtan tmadya'aky ja di'ibu kyajxwa'xtap ja Diosu 'yayuk ma jynana'an: "jyantsyúty ko jya'tta di'ibu xytyuknimi'inam ja oybyu ayuk!"

¹⁶ Per kyaj nidugekyaty ja israelitu ja 'ayuty tmabaktu ya ayuk, du'un éxtam jynanán ja Diosu kyugajxpu Isaiu: "Windsún, ¿pán tu tmabeky ja di'ibuts madsuty ngajxwa'xypy?" ¹⁷ Paaty, myabajktap ja ja'ay ja Dios ko t'amadonáxtu ja ayuk, es di'ibu 'yamadonajxtap, Kristu ya'u nímadyakypy.

¹⁸ ¿Per tii, kyaj tu tmadowdu ja israelítuty ja Diosu 'yayuku? ¡Ti ko kudii! Ja Diosu jyaabyajtan jynana'an: Ja ayuk tu yajkajxwa'xy es tu yajnijáwu ma tugekyu naxwíñudu, es ja 'yayuk tu jya'ty extu ma naxwíñudu kyugaxu.

¹⁹ ¿Per tii, kyaj ja israelítuty tu tjaygyúkadu ja Diosu 'yayuk? ¡Ti ko kudii! Pes jawyiinu Moisés jynanán ko Dios 'yawa'anu:

Nyajnaywyinnaxujáwudupts miidsuty mut di'ibuts may'ajtunguyjxm ndúnup ma di'ibu kyajts nja'ayuty,

ujtsuts miits nyajjot'ambáktap mut ja'agyujxm ja ja'ayuty di'ibu kyaj tjaygyukaya'andu.

²⁰ Es nandu'un Diosu kyugajxpu Isaiu jotmak'ajtan mut jynanán ko Dios y'awa'anu:

Di'ibuts kyaj xy'uxtaaydyu, ojts xypyaattu;

tats nnaidyuk'ixhyaty ja di'ibátyu naty kyajts xyajnidáwudu.

²¹ Isaiu t'anmaaydyu nandu'un ko Dios tmadaky ja israelitu ja'ayuty ma jynanán: "Tuk xadugóy tu n'awixyuts es tu nja'axajjaya'andu majtsk adu'umgu'uty es xyíimínaduts di'ibu kyajts xymyamadowdu es kujjuunaty."

11

Israelitu winwitsypyu

¹ Tyam nyajtáy: ¿Ti tuu Dios ttim'uxtijta'ay ja israelitu ja'ayuty? ¡Ni wi'ix tsoo! Pes uj ku'am israelitu ja'ayuts, tyuamp 'yaats ja Abraan esu Benjamink. ² Kyaj ja Dios t'uxtij ja jya'ay di'ibu extu jékyup nijawu éxtamu jya'ayuty. ¿Tii kyaj miits xyñijáwudu éxtam jynana'an ja Diosu jyaabyajtan ma yajmadya'aky éxtam ja Diosu kyugajxpu Elius tmu'u'an ja Dios mut ya'ugyujxmu israelítuty? Du'un jynanán: ³ "Windsún, tu dya'ooktu ja mgugajxputy es tu dyajkutagóydyu ya m'artal; ujts naydyi'igyu tu nwe'emey, es extu uj nandu'unats xya'ooga'andu." ⁴ ¿Per wi'ix ja Dios 'yadsoojumbijtu? Du'un jynanán: "Juxtujk mílnam ja ja'ayuty xy'akwu'amxudats di'ibu kyajnum twingoxtanudu ja Baalu 'yagojwinnáx." ⁵ Nandu'un jajtpu du'un 'yakwe'emey tyam waanu ja ja'ay di'ibu mut ja Diosu myay'ajtunguyjxm yajwin'ijxy. ⁶ Es pun Dios may'ajtunguyjxm wyin'ijxadu, kyaj mbaat njana'anam ko ya'u jya'ay'átudu Dios mut ko ku'am ti ttundu. Mut ko di'ibu yajpátp ja'agyujxm ko ti ndu'unam, kyaj ya'u yajtijy ko may'ajtunguyjxm yajpaaty.

⁷ ¿Wi'ixu du'un? Kyaj ja israelitu ja'ay oj tpaattu di'ibu jya'uxtaaydyup, per pyattu ja ja'ay di'ibáty ja Dios wyin'ijxadu. Es punaty Dios kyaj wyin'ijxyu, ju'undaaydyu jyot wyinma'añuty. ⁸ Yu'u du'un di'ibu ja Diosu jyaabyajtan myadyakypy ma 'yity kaxja'ay: "Dios myooyu juun jyot wyinma'añuty es ya wyiin kadiibu 'yixtat esu tyatsk kadiibu myadówdat. Es du'uñamu du'un tyambaat." ⁹ Es ja rey Davit 'yamdoo pyajktsoo ja Dios du'un:

Wa'an ja myaj xuu jyambitu éxtamu trampu esu tu'uyun,

éxtamu tsaa di'ibu tyukkunápudap

esu du'un yajtydyúndat.

¹⁰ Wa'anu wyiin twindsu'u twingoodsu kadiibu 'yixtat;

wa'an du'uñam 'yity ja jyubajk uutsy.

Nitsokan pánuty kyaj 'yisraelítuty

¹¹ Pes nyajtáwdu: ¿Tii kunajpudu kadaadu ja israelítuty es kyutagooydyu tugekyu tugekyu? ¡Ni wi'ix tsoo! Mut ko ya'ujaty pyojpauundu, ta ja nitsokan tu myiñ ma di'ibu kyaj 'yisraelítuty, es du'un ñaydyukwinmaxujáwudat di'ibu israelitu, es tsoóktat nandu'un di'ibu Dios tu tmo'oydyu di'ibu 'yaxaju Jesukristu. ¹² Mut ko pyektyuundu ja israelítuty es paadyu du'un dyajtagooydyu ja kyunu'xanaty, Dios tu tkuni'xy kanak nipat ja di'ibu kyaj 'yisraelítuty. Pes waanu kajaa yajkunu'xtat nidugekyu naxwíñudu ja'ayuty ko Dios tkunu'xta'ayut nandu'un ja israelítuty.

¹³ Nmögajxtupts miits di'ibáty kyaj m'israelitá'attu. Táy'ajtanu'u ko Diósats xykyajx esuts miits xy'apóstala'áttat. Paadytus nnaygyuyákytu amumdu'uk esuts ngyudyúnt tyádu tu'unun. ¹⁴ Es da'unuts nduñ esadsu nja'ay xytyuk'adsóktat ja nitsokan di'ibu miits mmudajttap, es da'un nandu'un naagaty ja israelítaty 'yaxájudap ja Jesús. ¹⁵ Ko ya'ujaty kyaj tkupajktá ja nitsokan di'ibu Dios jamo'oyánu, net ja Dios 'yaxtijá es jyunañ mmo'oya'anudu ja nitsokan miits di'ibu kyaj 'yisraelitá'attu. Es ko ya'ujaty ñayyajtgátsudat, da'un 'yítat éxtamxyup tá jyikyryáktá má tu 'yookta. ¹⁶ Ko ja Dios yajtukmay'áty ja jawyiimba tsajkaaky di'ibu miimp má ja jembyu pújta'aky, nandu'un yajtukmay'áty tugekyu tyádu pújta'aky. Es pun ja Dios yajtukmay'áty ja kepy'aats, nandu'un yajtukmay'áty ja 'yaay xye'entsy.

¹⁷ Mbaat njana'anum ko ja israelítaty da'un éxtam ja 'yaay xye'entsy tu'ugu oliivus kepy di'ibu kuyu'uy kudajy. Naagadyu tyádu kepxye'entsy tá yajkupootta. Pes miidsaty di'ibu kyaj 'yisraelitá'attu, di'ibu da'un éxtam ja kepxye'entsy aamyóty ujtso'tyryu, tá mya'agojmúktá mut ja oliivus kepy di'ibu ijtp kuyu'uy kudajy, es da'un miidsaty tá xy'axájudá mjiky'ajtan mut ya'ugyujxmú tadu oliivus kepyu kuyu'uy kudajy. ¹⁸ Paaty katá mnayjyáwaty waanu oy es kudiinum ja oliivus kepyu 'yaay xye'entsy ká'am. Pán mnayjyáwánu waanu oy, jamyats ko mij kyaj xymyo'oy ja jiky'ajtanu tadu kepy'aats. Nik ya'u da'un ja kepy'aats mij myajiky'ajtan.

¹⁹ Wa'anú da mjana'añ: "Ja'agyujxm tpo'ttu ja oliivus kepxye'entsy esuts xytyukjajpkójaya'andu uj." ²⁰ Táy'ajtanu'u ko ja oliivus kepxye'entsy oj yajpooty naagaty mut ko kyaj naty tmábuktá Dios, es da'un ya'ujaty éxtam tá tyu'udsyan. Es nandu'un táy'ajtanu'u ko miits myajtukjajpkójuda mut ko xymyábuktá Dios. Es katá mmaj mbaada mut ya'ugyujxm. Nik ni'igu naybyujta'agudu yuunk naxypy. ²¹ Ja'a ko Dios kyaj oj tme'xy ja israelítaty má kyaj tmdowdu, oy ya'ujaty da'un éxtam ja oliivus kepxye'entsy ká'am, žtii mjana'amp xytyjy ko myajma'xtat miidsaty di'ibu da'un éxtamu xye'endsyu oliivus kepy aamyóty? ²² Jajgyúkuđu ko ja oliivus kepy mut ja kyu'umxe'entsy esu xye'endsyu oliivus kepy aamyóty ujtso'tyryu, da'un ya'ujaty tu'ugu ijxrajtan di'ibu xytyuk'ijxam ja tsyojkanú Dios es nandu'un ya'uydu'unun. Pes ja táydu'unun tmooy ja israelítaty ko tpo'ty éxtam ja xye'endsyu tá'utspu, es má miidsaty dya'ixyaty ja tsyojkan. Per pun kyaj mnayya'ityaty mudu Diosu myay'ajtan, nandu'un miidsaty nujx m'ittá éxtamu kepxye'entsy di'ibu yajkupo'ttu. ²³ Es ja israelítaty, pun yajjumbijttap ja jyot wyinma'añ es ñaybyujta'agudat Dios kyá'ujóty, ya'udyu da'un yajpájta'aktap jatagok má naty 'lyity, mut ko Dios mbaat jam pyajta'agyaty jatagok. ²⁴ Ja ja'ay di'ibu kyuyiipy kyudajpy ja oliivus kepy, kyaj ttukjajpkóju mut ja xye'endsyu oliivus kepy di'ibu miimp aamyóty pejyóty. Per ja Diosu da'un ttuun mut miidsaty di'ibu kyaj 'yisraelitá'attu, éxtam ja kepxye'entsy di'ibu kyuyiipy kyudajpy ja oliivus kepy. Ko Dios tá mbujktá'agudu mut ja'a, kyaj tsyípty es tpujktá'agudat jatagok ja israelitu ja'ayaty mut ja'a, di'ibu ijttap éxtam ja oliivus kepy kyu'umxe'endsyaty.

Israelitu ja'ay ñits'o'oktu

²⁵ Mgu'ugítaty, Diósats tá xytyuknijawu di'ibu ijty kyayajniáwu, es kadiibu miits mnayjyáwudat mut kyaj kuwiy. Tuk peky ja israelítaty wu'umdup kjuun extá 'yamukudya'aydyat es tja'pxat ja di'ibu kyaj 'yisraelítaty di'ibáty 'yaxajyájudap ja Jesús. ²⁶ Ko da'un tyun jyáudat, net nidagekyu ja israelitu ja'ayaty ñits'o'oktat, éxtam ja Dios jyuna'añ má ja jyaabyajtan:

Má Syon pyadsámut ja Yajnitsókrpu

di'ibu yajrojpníwá'adsap ja 'yu'unk 'yuna'kadya Jakoob.

²⁷ Esu tyáadu da'un ja kajxy'átyryu di'ibats ndunaampy mut ya'ujaty kots nyajjuga'agánudu ja pyojpty.

²⁸ Mut ko ja israelítaty 'yaxtijtap ja oybyu ayuk má yajmadya'aky ja Jesukristá, Dios pújta'akap éxtamu myudsipan es xytyuk'oy'áttat miidsaty di'ibu kyaj 'yisraelítaty. Peru Dios wyin'ijx ja israelítaty es tja'ay'ata'añ es tpujta'aky éxtamu myutnaymyaayubu ja'agyujxm ko t'aptajk'áttu ja Abraan, Isaa esu Jakoob. ²⁹ Di'ibu Dios yajkypy, kyaj dyajjuge'eky; es ko twin'ixy, nan kyaj tnakypyjku. ³⁰ Miidsaty di'ibu kyaj 'yisraelítaty, kyaj xymyámdoodu ja Dios, per mut ko tyam ja israelítaty t'axtijtu ja Dios, mba'ayoojudap miidsaty. ³¹ Es da'un éxtam ya'u t'axtijtu ja Dios es miidsaty tá xy'axájudá, nandu'un da'un tá jyaty esu Dios tpa'ayówdat ja israelítaty, da'un éxtam miits mba'ayówudu. ³² Pes Dios ni'amuku ja ja'ay tpekymyo'oydya'ay mut ko kyaj myamudóyaty, es da'un ni'amuku ja ja'ayaty yajpa'ayówdat.

³³ Ja Diosu 'yoy'ajtan, wyijy'ajtan esu jyaagyujkan kyaj tmudaty ja kyugujkan, wyinnajxnup éxtam mbaat njajagyujkan! ¿Pán mbaat tmawinma'añbyaaty di'ibu Dios tá ttukniwajtaaga o di'ibu tyunaampy? ³⁴ Éxtam jyuna'añ ja Diosu jyaabyajtan: "¿Pán tá tjaagyuku ja Nindsun'ajtam ja wyinma'añ?, ¿pán tá myo'oyaty ja kajxwíjan? ³⁵ ¿Pán oynu'unun jawyiin tá tmo'oy ja Dios es da'un óknam mbaat myugabétyaty?" ³⁶ Ja'a ko Dios

tugekyu dyajkojtaay, es tsyokkungyujxm es myuj'ajtungyujxm tugekyu 'yity. iMuj'ajtan maut ja Dios winu xuu winu tiempri! Wa'an du'antaty.

12

¹ Paaty mugu'ugitaty, n'amdoo nbujktsoodupts miidsuty mat yu'ugyujxm ja Diosu pya'ayo'on, naysyakudu miidsuty ma yu'un extamu jilkyryu windsu'kun, wa'ats es di'ibu Dios 'yoyjya'ap. Tyaadu du'un sitay maut ya'awdaty ja Dios extam mbyaaduty. ² Es katu miits xymyudattu ja winma'aañ extam panudyu naxwifudu winma'aañ ja'a'ajtudap, nik ni'igu naysyakudu es ja Dios dyajtagatsat ja mlot mwinma'aañty es du'un xyjaygyukadat di'ibu Dios tsyeyjy, di'ibu 'yoyjya'ap, di'ibu oy es di'ibu wa'ats.

³ Mut ja'agyujxm kots ja Dios tu xytyu'unxu ja may'ajtan, paadyats miits n'anuumadu es katu mnayjyawudu waanu muj kujxm es kadiinam extam mbaadadu. Nik oy nayjyawudu ku'am extam pyaadyaty ja mabujkan di'ibu Dios tu mmo'oyudu. ⁴ Tu'ugu nini'x kubajk myudajtypy yu'u 'yaguxk 'yaxe'entsy. Tamu ky'u'u, tamu tyeky, nan tam wiingatyryu, es nidu'uk nidu'uk myudajtypy ja ky'u'umduunk. ⁵ Nanda'unu du'un mat udsajtam, oy njanimay'ajtam, tu'uk je'eyu nini'x n'ijtam mat ja Kristu, es nidu'uk nidu'uk ti'igya 'yity mat yu wiinkpty nidugekyu extam kanak peky ja nnini'x'ajtam.

⁶ Es ja Dios mat ja tsyojkan tu xymyo'oyum nidu'uk nidu'ugu madakan. Pun ja Dios tu mmo'oyu ja madakan es xykyajxat ja 'yayuk, madya'ak ja ayuk extam ja mabujkan di'ibu mmudajtypy. ⁷ Pun ja Dios tu mmo'oyaty ja madakan es xypudakut ja wiinkpty, kuydyun yajxon. Pun ja Dios tu mmo'oyaty ja madakan esu wiinkpty xya'uxpukut, ya'uxpuktu yajxon. ⁸ Pun ja Dios tu mmo'oyaty ja madakan es xyjotmukwingajxat ja wiinkpty, jotmukwingajxu. Di'ibu yajwa'xypy di'ibu myudajty jyaygyeyjy mat ja di'ibu tugeoy'ajtxap, tun yajxon. Es di'ibu patap yajkutukut, wa'an dyajkutiky es tyunat xonda'aky'aa xonda'akyjyot. Es di'ibu pyudajkap panaty ayoodap, wa'an trupakudu mat ja oyjyotkyujxm es mat ja tsojkan.

Di'ibu tyuundap panaty myabujktap ja Kristu

⁹ Naydsyokudu amumdu'uk jot. Uxtijtu ja axuukru es padundu ja oybyu. ¹⁰ Mnaydsyokudap nixim niyam extam tukka'axpan. Windsu'ugudu wiingatyryu ni'igu es kyaj mij ku'am.

¹¹ Yajmujwiinudu ja oybyu tuunk. Katu mnuux'attu. Mudundu Dios amumdu'uk jot.

¹² Jiky'attu xonda'aky'aa xonda'akyjyot mat ko xyjamyatsta di'ibu Dios tu mwandakxaty. Kupuk yajnaxtu mada ma'xtujkan ja m'ayo'on mlotmayaty es kyaj xymyastu'ttat ja mgajxtakan.

¹³ Yajwa'xtu miidsuty di'ibu mmudajttap mat ja mmamabujkpty di'ibaty tugeoy'ajtxadap. Axajudu yajxon panaty miin jajttap ma mdajk.

¹⁴ Amdow pajktsowudu Dios es tkunu'xat ja di'ibu mduunadap axuuk miidsuty. Du'un sitay xy'amdow xypyujktsowat es yajkunu'xtat, kyaj xykyajxapoktat.

¹⁵ Xonda'aktu mat ja di'ibu xondaktap. Pujay puyaaxu di'ibu juuy yaxtap.

¹⁶ Jiky'attu yuunk naxypy nixim niyam. Katu mmaj mbaadadu, nik ni'igu mjiky'attat tuda'aky yuunk naxypy. Katu mnayjyawudu miits ko mguwijy'attu.

¹⁷ Pun ja pan mdunaty axuuk, katu xytyuunambity axuuk. Yu'ayu mdunap di'ibu dan tugekyu pyajtaktap oy. ¹⁸ Uxta'aydyu wi'ix miits mjiky'attat ti'igya mat nidugekyu ja'ayaty. ¹⁹ Mugu'ugitaty, ni na'a miidsuty axuuk xykyatuunambittat ko axuuk myajtundat, ni'igu oy wa'an ja Dios ttukkumadoy ja ja'ay; mat ko Dios juaamp ma ja jyaabyajtan: "Ujtsats ndukkumadowaampy; ujtsats nmo'oyup extam pyaadyaty." ²⁰ Nanda'un xytyuk'ana'amam: "Pun yu mmadsip yu'o'kup, yajkay. Pun tatsap, yajnu'uuk. Pun mdiimbyu tyaadu, yu mmadsip myudatap ja tsoydyu'un mat ko axuuk tu mdunaty." ²¹ Katu mnaydyukmada'agyaty ja axuk'ajtan, nik ni'igu mamada'aktu ja axuk'ajtan mat ko xytyundat ja oy'ajtan.

13

¹ Tsojkap es miidsuty nidugekyu xymyudowdwt ja justisutajkuty es panaty yajkutujktap, mat ko tugekyu kutujkan myiñ ma Diosan, es ja Diosu du'un di'ibu tu trajta'aky nidugekyu justisuty. ² Paaty di'ibaty kyamuj'ijxypy ja justisuty, yu'u du'un kyamuj'ijxypy di'ibu Dios tu tni'ana'amu es du'un tkupakat ja Diosu tyuudyu'unan. ³ Mut ko ja justisutajkuty kyaj jyaa'aty esu ja'ay t'ajaw t'adsu'ugudat di'ibu ti oy tyuundap, ja'a du'un di'ibu axuuk adatstap. Ujmyjy'ataamp es ni xykyatsu'ugudu justisutajku? Tun di'ibu dan oy, es extu yu justisutajkuty mya'itadap kumay, ⁴ mat ko ja justisutajkuty Diosu du'un tu pyajta'agudu es xy'ijx'ijit xykywentu'ajtam. Per pun m'adatstap axuuk, mdsu'ugup mjawup, mat ko kyaj nanu'goobu tsuunadity ja 'yespaadu, Diosu du'un tu pyajta'agyaty es ttukkumadowat extam iitakaty

ja di'ibu axuuk adátstap. ⁵ Paaty koonam xymyumuódówdat ja justisatujkuty, kyaj jye'eyuty mut ko xytsty'ugudu ko axuuk mdúnudat, ja'a du'un mut ko du'un xytyuñ mut ko xynijawu ko du'un ja Dios dyajnigutúka. ⁶ Es paadya du'un xyaktá ja mgugubety di'ibu pyujtáktap ja justisatujkuty, mut ko tyundu má Dios tá pyujta'agudu. ⁷ Pes miits mgubáttap di'ibu mbátudap. Mgubáttap má ja yajkugubajtra, es ja mgugubety di'ibu myajktap má justisaty; may'at windsu'ugudu yajxón di'ibu mbátudap xymyay'at xywindsu'ugudu. ⁸ Katá pán xymyuni'xy'áttu, je'eyu ja tsojkan di'ibu mnaydyukninu'xudap nidu'uk nidu'uk. Mut ko di'ibu tsyejpy ja myagu'uk, tyaađu tá tkuudyuunda'ay ja Diosu 'yana'amán. ⁹ Ja Diosu 'yana'amán jyuna'añ: "Katá xyajtugóy ja pújk úkunu wyindsu'kún, katá myajja'ay'eeky, katá mmeetsy, katá m'adseky." Tugekyu tyaađu ana'amán mbaat ya'awijtsmíky má tyaađu ayúkyty: "Mdsókup ja mmudajkpa'ajuty éxtam mij ka'am mnaydsyékyuty." ¹⁰ Di'ibu tsyejpy ja myudajkpa'a, ni na'a kya'adu'utsut axuuk. Es du'un mut ja tsojkan yajkuudyuundaapy tugekyu tugekyu ja Diosu 'yana'amán.

¹¹ Es du'un miits mjiky'áttut, nijawudu wi'ixu du'un ja timpu'yíxyuty má njiky'ajtam. Kyaj n'ok'ijtam éxtam pánuty maadap, wíjy n'ijtam, mut ko waana ni'igu xymyawingo'onam ja nnitsok'ajtam'ajtam kadiinam má tim jawyiin oj n'axájam ja Jesukristu. ¹² Ja koots'át taa dán tim najxnup es tá dán tim xuññap, paaty n'ok'axtíjym ja di'ibu dán kubi'its ku'ook, es n'oknay'axkujkam éxtamu soldaady ñay'axkúkuty ko ñujxa'añ tsiptuumbu. ¹³ Njiky'ajtam tuda'aky, éxtam ko n'ijtam xuñña ixnide'xy má tugekyu. Kyaj nguga'ay ngu'úkum, kyaj nma'indu'unam es kyaj ndu'unam di'ibáty axuuk. Kyaj nnaydsyip'ijxam es kyaj pán ti ngatukma'ijxam. ¹⁴ Nik ni'igu nnayajtagajtsam éxtamxyapu Jesukristu nwit'ajt nnijam'ajtam, es katá miits xymyudu'udákudu es xytyúndat ja axuukpu di'ibu ja mnini'x mgubajk tsyejpy.

14

Kyaj mmugu'uk xyrye'ky'ixut

¹ Axájudu miits éxtamu mmuga'axaty ja di'ibu tá t'axájudu ja Nindsun'ajtam Jesukristu, oy ja myubajkanaty ya'ajuty kyamujwiinaty. Katá xymyudsipkajxta. ² Naagudyu ja'ay jyuna'andu ko mbaat tje'xy otyim tiity, esu wiinkpúty di'ibu kyaj myujwiinaty ja myubajkan, jyux'tap ya'yuyú aay ujts. ³ Di'ibu jye'xypy otyim tiity, tsojkap es kyaj t'axtíjat di'ibu kyaj du'un nanda'un ttuñ; es ja di'ibu je'eyu jye'xypy ja aay ujts, tsojkap es kyaj tni'ow tniyaaxat di'ibu jye'xypy otyiity, mut ko Dios tá 'yaxájuty nimajtsk. ⁴ ¿Mbánu dán mij es xyni'ow xyni'axat di'ibu myadiimpy ja wiinkpu? Es pán wu'amp oy o axuuk, kyaj mij mbaadyuty es xy'anuumat. Yu'u páttap ja wyindsún, ja'a njuna'anam ja Dios. Es wu'umap yajxón, mut ko yu Nindsun'ajtam mbaat yajwe'emuty yajxón.

⁵ Ta naagudyu ja'ay di'ibu 'yijxtap tu'ugu xuu amaay kadiinam di'ibáty tá ñaxy má ja sumaanan, es tá yu wiinkpúty di'ibu janándap ko tugekyu yu xuu ti'igyu 'yamaayaty. Wa'an nidu'uk nidu'ugu ja'ayuty ttuknibujtaagu éxtam ja Dios tá wyinma'añmyo'oyudu. ⁶ Di'ibu 'yamaay'ajtyru naagu xuu, du'un ttuñ mut ko du'unu dán ttij ja Dios t'oyjyawu. Ja'a di'ibu jye'xypy otyiity, ja'a du'un ttuñ es twindsu'ugut ja Nindsun'ajtam, es tja'aygyuda'aky ja Dios; es ja'a di'ibu kyaj tje'xy otyiity, nanda'un ttuñ es twindsu'ugut ja Nindsun'ajtam, es tja'aygyuda'aky ja Dios.

⁷ Kyaj n'oy'ajtungyujxm njiky'ajtam es kyaj n'oy'ajtungyujxm n'o'kum. ⁸ Pán njiky'ajtam, Nindsun'ajtam 'yoy'ajtungyujxm njiky'ajtam; es pán n'o'kum, Nindsun'ajtam 'yoy'ajtungyujxm n'o'kum. Má njiky'ajtam es nanda'un má naty tá n'o'kum, xyja'a'ajtam ja Nindsun'ajtam. ⁹ Paadyu Kristu 'ye'ky es jyikyrye'ky es du'un yajWindsun'átut, du'un di'ibu tá 'yooktu es nanda'un di'ibu jiky'ajttap.

¹⁰ Pes mij di'ibu kyaj tssu'utsy ja tsu'utsy, ¿ti ko xyni'ow xyni'axu mmamubajkpu di'ibu tsyu'tsypy ja tsu'utsy? Es mij di'ibu tsyu'tsypy ja tsu'utsy, ¿ti ko xy'axtíjy ja mmamubajkpu di'ibu kyaj tssu'utsy ja tsu'utsy? Nidugekyu udsajtam nwinguwa'aguya'anam ja Dios, es ya'u xpyayo'oyam. ¹¹ Mut ko yu Diosu jyaabyajtan jyuna'añ:

Du'un ja Nindsun'ajtam jyuna'añ:
Du'un éxtamu tui'ajtan kots njiky'aty,
nidugekyu ja'ayuty xywyingoxótánudats,
nidugekyuts xy'awdátudats,
du'un jyuna'añ ja Dios.

¹² Du'un udsajtam nidu'uk nidu'uk nyajkam ja tui'ajtan má Dios éxtam tá njiky'ajtam es tá n'adútsam.

Kyaj ndsiptu'unam mut ja mmugu'uk'ajtam

¹³ Paaty kyaj n'oknayñi'o'o n'oknayñi'axunam nixim niyam. Nik ni'igu xytyúndat kadiibu pyekykya'adat ja mmugu'uguty o di'ibu kyaj tsiptákdudat má ja myubajkan. ¹⁴ Mut ko

ti'igyu's n'ity mut ja Nindsun'ajtam Jesukristu, nmudajtpyuts ja tuy'ajtan ko kyaj ti je'xy di'ibu kyaj wya'adsuty. Per ja ja'ay di'ibu nayjyuananap ko taa yu je'xy di'ibu kyaj wya'adsuty, mut ja'a kyaj wya'adsuty. ¹⁵ Es pan mij kyaj xytyuñ kwentu éxtamu mmagu'uk ñayjyáwuty ma ja myubujkun, es mut ja di'ibu mje'xyxy xyajma'aty yu myubujkun, kyajp du'an xytyuñ mut ja tsojkan. Paaty katu xytyuñ es xyje'xy di'ibu yajpekytyunap ja mmagu'uk di'ibu Kristu kyu'o'ka. ¹⁶ Katu xytyuñ di'ibu ja'ay mbaat maat tkajxudity tmadyaagudity ja mjiky'ajtan éxtamu axuukpan. ¹⁷ Mut ko pan ja Dios tu xypyujtáku éxtamu 'yu'ungun, kyaj jya'ajaty mut di'ibu nju'xam o n'úkum, ja'a du'an mut ko njiky'ajtam éxtamu Dios tteky, es mut ja ti'igyu'át esu xondakan di'ibu Espírítu Santu xymyo'oyum. ¹⁸ Di'ibu myadiimbyu du'an ja Kristu, 'yoyjyáwup ja Dios es oybyudsámap ma yu ja'ayuty.

¹⁹ Du'an n'aktu'unam di'ibu xytyuknimi'inam ja agujk'ajt jotkujk'ajtan, di'ibu xypyudujkam es nyajmujwiin nyajkajaajam ja nmubujkun'ajtam nixim niyam. ²⁰ Katu xyajtugóy ja Diosu tyuunk mut ja aguyjxm di'ibu mje'xy mbejkyry. Tuy'ajtanu'u ko tugekyu yu je'xy peky, wa'adsu'u es oy, per axuuga'u ko nju'xam pan nnija'am ko mudu tyaadu yajpekyky'a'apy ja wiinkpaty. ²¹ Nik oy ko ngadimju'xam ja tsu'utsy es ngadim'úkum ja vinu, o ndu'unam oytym di'ibuty di'ibu mbaat maat nyajpekyky'a'am ja nmamubujkpu'ajtam. ²² Pan mjunaamp ko tugekyu je'xy peky 'yóyuty es ko mbaat xyje'xy tugekyu, du'ñumu du'an m'itat Dios windum. Jotkujk ja ja'ay di'ibu kyaj ttuñ di'ibu pyekyja'ap. ²³ Per ja di'ibu ti jye'xy es twinmay ko peky di'ibu tyiimpy, tyadu ja'ay pekytyuump ko tje'xy ja'aguyjxm ko kyaj mubujkangyujxm tu ttuñ.

15

Nidu'uk nidu'uk xypyátam es nyajjotkadákum ja nmamubujkpu'ajtam

¹ Kom adsajtam pánuty nmudajtam muj wiin kaja ja nmubujkun'ajtam, n'okmudana'ayum mut ja ma'xtujkun ja di'ibu dun kyaj tmudaty muj wiin kaja ja myubujkun, es kyaj njiky'ajtam éxtamu dun je'euy ja ndsojkan'ajtam jya'ty. ² Nidu'uk nidu'uk xypyátam es nyajjotkadákum ja nmamubujkpu'ajtam es du'an nyajmujwiin nyajkajaajam ja myubujkun. ³ Mut ko kyaj ja Kristu ku'am ñaydyukjotkadaku, du'an jyajtu éxtam jyuna'añ ja Diosu jyaabyajtan: "Ja di'ibu myajwingajxpajt, ajtsats tu xytyukka'ay." ⁴ Mut ko tugekyu di'ibu wu'amp ma ja Diosu jyaabyajtan, yajkuxjaay es nnaydyukni'ijxam es nmudajtam ja ma'xtujkun es jotkujk n'awijx njup'ijxam di'ibu minamp. ⁵ Wa'an ja Dios di'ibu xymyo'oyum ja jotkujk'ajtan esu ma'xtujkun, mmo'oyudu miits ja ti'igyu'ajtan es nidugekyu xypyadúndat ja 'yijxpajtanu Jesukristu, ⁶ es du'an ti'igyu xy'awdátat ja Dios, ja Nindsun'ajtam Jesukristu Tyeety.

Oybyu ayuk yajkajxwa'xy ma kyaj 'yisraelítuty

⁷ Nay'axájudu nidu'uk nidu'uk éxtam nandu'un oj m'axájudu ja Kristu miidsuty, es du'anu Dios 'yitat awdaty. ⁸ Mut ko n'awanudu ko yu Kristu myiñ es tpu'dakat ja israelítuty es tkuudyúnat di'ibu Dios jékyup tyukmawandak ja 'yartujkuty, es du'an ya'ixannu ko tyiimpy ja Dios éxtam wyandaky. ⁹ Nandu'un myiñ ma ja di'ibu kyaj 'yisraelítuty es tja'aygyada'áktat ja Dios mut ko yu'ajuty tu pya'ayówudu. Tyaadu du'an di'ibu myadyakypy ja Diosu jyaabyajtan:

Paaty n'awdataampy ma yu di'ibu kyaj 'yisraelítuty, es ngyu'áwupts ja mmuj'ajtan.

¹⁰ Es jatuk peky ja Diosu jyaabyajtan jyuna'añ:

Xonda'aktu miidsuty di'ibu kyaj 'yisraelítuty ti'igyu mudu Diosu jya'ayuty, ja israelítuty.

¹¹ Nandu'un jyuna'añ jatuk peky:

Awdattu Nindsun'ajtam nidugekyu miidsuty di'ibu kyaj 'yisraelítuty.

Wa'an nidugekyuty ja naxwíñudu ja'ayuty t'awdattu Dios.

¹² Nandu'un ja Diosu kyugajxpu Isaiu jyuna'añ ma jatuk peky:

Minamp tu'ugu tyuamp 'yaats ja Jesee,

es yu'u yajkutukaamp majaty naxwíñudu,

es yu'ajuty 'yawix jyup'ixtup es ñayákudat ma yu Jesee tyuamp 'yaats.

¹³ Wa'an ja Dios di'ibu xymyo'oyum ja awijxun, myajxonda'agudu miidsuty es mmo'oyudu ti'igyu'át ma yu nmubujkun mut yu'agyujxmu myuk'ajtan ja Espírítu Santu, es myujwiin kyajaat ja nmubujkun.

¹⁴ Mugu'ugítuty, nmubejkpyuts tuy'ajtan ko miits ni'igu xymyudattu ja tsojukan es ja nija'ajun, es nandu'un mjajttup wi'ix xkyajxwjtat nixim niyam. ¹⁵ Per tu nnijáyudu muk aa muk jot ma tuk pekyu tyadu neky, ja'a ndukjamyajstap di'ibu naak mjajttup es kyaj xyjatyugódyut. Du'anats tu nduñ mut kots myaj'ajtangyujxmu Dios tu xkyexy ¹⁶ esats nmudúnat ja Jesukristu es ttuk'oy'áttat di'ibu kyaj 'yisraelítuty. Ja'a ajts ndukmadiimpy ja

Jesukristu esuts uj ngajpxwa'xat ja oybyu ayuk di'ibu tso'on ma Diosun. Du'anats nduñ es 'yittat pánaty kyaj 'yisraelítuty éxtam ja windsu'kun di'ibu Dios 'yoyjya'ap, pánaty Espíritu Santakuyjxm tu wya'atsjattu.

¹⁷ Mut ko ti'igyuts n'ity madu Jesukristu, xondákrpts es uj ja Dios nmudúñts. ¹⁸ Nmadya'agupts ya'ayu di'ibu Kristu ku'am tu tuñ mut uj, esuts nduk'axájjudat di'ibu kyaj 'yisraelítuty ja Kristu, es tmmadódwat. Pes ja Kristu du'un tu tuñ mut ujtskyujxmudsu n'ayuk es di'ibats ndiimpy, ¹⁹ es mut ya'egyujxmu ixxwa'amun esu maj'ajtan di'ibats ja Espíritu Santu xmyooyuts ja muk'ajtan esuts ndúnat, es du'anats tu ngajxwa'xy tugekyu tugekyu ja oybyu ayuk extu Jerusalén es extu Iliryu ñaaxóty. ²⁰ Du'añamts uj ndseky es ngajxwa'xat ja oybyu ayuk majaty kyajnam yajngajxy ja Kristu, es du'un, mbaat njana'anum, kyajts ja potsy nyajpéty ma ja wiinkpu tu tpojtse'eky ja 'uyjx. ²¹ Ngyudyunaambyats éxtam jyuna'añ ja Diosu jyaabyajtan: 'Yixtubu taadaty di'ibu ja ja'ay kyaj oj yajnimadya'aky, jyaagyúkadubu taadaty di'ibu kyaj tmadoo'ijtu.

Paablu ttukniwinmayu es ñajxa'añ Romu

²² Paatykyujxmuts miidsuty kyaj nninujxtu, óyuts uj kanak ok miidsuty tu njaninujxa'andu. ²³ Per tyam, tats nya'abaadu ja nduungats ja yaa, es mut ko jumajt jumajt tu njaninujxa'andu miidsuty, ²⁴ tyam sitay nnujxaambats. Nujxaambats España es nnaxa'añts jawyiin Romu es ngu'ixtut. Es kodsu naty tu n'okxonda'aky waanu mut miidsuty, mbaaduts xpyudákudu esuts uj n'aknejxat mats tu nmidsoonu. ²⁵ Per maanum ngaku'ixtu, nujxaambats jawyiin Jerusalén es nyajnujxa'añts tu'ugu naybyuduku ma yu nmugu'uk'ajtam jap. ²⁶ Mut ko yu nmugu'uk'ajtam jam Masedonu es yaa Akayu ttukniwitaagudu es dyajmuka'andu meñ es ttukniwitaagudu ja nmugu'uk'ajtam di'ibu tugoy'ajtxudap jap Jerusalén. ²⁷ Yu'u ku'am tyukniwitaagudu ttuna'andu mat ja kyu'umdsokun, es páty es du'un ttúndat, mut ko ja israelitu ja'aygyujxmuty ja Dios kyunu'xudu, es paaty oyu du'un ko yu'ujaty dyajwa'xtu di'ibu myudajt jyaagyajtpat mut ja nmugu'uk'ajtam jam Jerusalén. ²⁸ Es kodsu naty tu ngyakyu tadu meñ es tu ngyudyúñdsu naty tyaadu di'ibats tu nyajtuknipéky, taats ndsoona'añ jam Jerusalén es nnujxanduts España, es ngu'ixtut miidsuty kots uj jam nnáxat. ²⁹ Es nmudajtypyuts ja tuy'ajtan ko ma najx ngu'ixtu, nujxupts mut tugekyu ja Kristu kyunu'xan.

³⁰ Mugu'ugítuty, es tyam n'amdoo nbujktsoodap miidsuty ma yu Nindsun'ajtam Jesukristu es mat ja Espíritu Santu tsojkan di'ibu xmyo'oyum, ³¹ es xyñigajxtaaguduts esudsu Dios xkyuwa'anat ma yu israelítuty jam Judee di'ibu kyaj tmadunda ja Kristu. N'amdeebuyts ja Dios nandu'un esu nmugu'uk'ajtam jap Jerusalén t'axájjudat mut ja ja'aygyudákan ja naybyuduku di'ibats ndukniwixtupts. ³² Es du'anats xonda'aky'aa xonda'akjyót najx ngu'ixtut miidsuty, pan junaamp ja Dios, esuts nxonda'agat kots nbo'xat mut miidsuty. ³³ Wa'an ja Dios di'ibu xmyo'oyum ja agujk'ajt jotkujk'ajtan, t'ity mut nidugekyu miidsuty. Wa'an du'anaty.

16

Kajxo'xun

¹ Ndukniwixtup yu nmumubujkpu'ajtam Febe. Yu'u oy Dios muduump ma ja nubujkpu'ajk ñaymyúkadu Senkreu. ² Tunu may'ajtan, axaju yajxon mut ja xyuugyujxmu Nindsun'ajtam, éxtam ñitákuty ja Diosu jya'ayuty. Pudákudu mut ti tugoy'ajtxap, mut ko yu'u tu tpuudákudu mayjya'ay, nandu'anats uj tu xpyudaku.

³ Tunu may'ajtan mayDios xy'anuumadu Prisila esu Akilu, yu nmumuduumbudyuts ma yu Jesukristu ñu'u tyu'u. ⁴ Yu'ujaty pyujtáktu ayo'on jup'amu jiky'ajtan nugoo kots uj xyajtse'eky. Nja'aygyudákypyuts yu'u, es kyaj 'yujtsy je'eju, nandu'un nidugekyu ja nmumubujkpu'ajtam di'ibu kyaj 'yisraelítuty. ⁵ Ndukniwixtudsu Dioskajxy nandu'un nidugekyu nmugu'uk'ajtam di'ibu naymyujkadup es t'awdatu Dios ma yu tyajku Prisku esu Akilu. MayDios xy'anuumadu nmunaymyaayubats Epenetu di'ibats njantsytsyeypy, di'ibu jawyiin jap Asu 'yaxaju Jesukristu. ⁶ MayDios xy'anuumadut yu Mariu, di'ibu jantsy tuun mut miitskyujxmuty. ⁷ MayDios xy'anuumadu Andróniku esu Junius, di'ibats mmut ndsimdsyunaay, yu'ujaty 'yaxájudu Kristu tim jawyiin maanumtsu naty uj kyajnam n'axaju; es yu'ujaty yajmay'áty yajwindsu'ugu ma yu apóstaluty.

⁸ MayDios xy'anuumadu Amplyatus, di'ibats uj njantsytsyeypy ma yu Nindsun'ajtam. ⁹ MayDios xy'anuumadu Urbani, di'ibats mmut nmudúñ ja Kristu. Nandu'un mayDios xy'anuumadu Estakyu di'ibats njantsytsyeypy. ¹⁰ MayDios xy'anuumadu Apelu, di'ibu tu tmmada'aky ja ayo'on ma tu tmdúñ ja Kristu. Nandu'un mayDios xy'anuumadut yu nmugu'uk'ajtam di'ibáty tsyunaaydyup ma Aristooobu jyuan tyujk. ¹¹ MayDios xy'anuumaduts ja nmugugajpn Erodión, es nandu'un ja di'ibu tsyunaaydyup ma ja Narsisu

juun tyujk. ¹² MayDios xy'anuumudut yu Trifenu esu Trifosu, yu toxytyujkuty myuduundap ja Nindsun'ajtam. Es nandu'un mayDios xy'anuumudu nmugu'uk'ajtam Përsidu, di'ibu jantsytyuun ma yu Nindsun'ajtam. ¹³ MayDios xy'anuumudu Rufu, di'ibu tu dya'ixyaty yajxon ko tmuduñ ja Nindsun'ajtam. MayDios xy'anuumudut yu Rufu tyaagu'unk, di'ibats tu xymyudaty éxtamu 'yu'ungun. ¹⁴ MayDios xy'anuumudut ja Asínkritu, Flegontu, Ermus, Patroobus, Ermes esu nmugu'uk'ajtam di'ibu jam muut 'yitta. ¹⁵ MayDios xy'anuumudu Filólagu, Julyu, Nereeu esu myaga'ax toxytyujk, Olimpyu es nidagekyu ja Diosu jya'ayaty di'ibu ijttap mat yu'ujaty.

¹⁶ MayDios mnay'anuumudut nixim niyam es mnaymyunánudut tsojkan muut. Nidagekyu yu nmugu'uk'ajtam di'ibu yam ma ja mabujkrutujk yo'oymyúktu, mduknigáxudu Dioskajxy.

¹⁷ Mngu'ugituty, n'amdoo nbujktsoodap es mnaygywentu'átudut miidsuty ma tadu ja'ayaty di'ibu je'eyu t'axkuku yajnaywya'xu es tpujta'aktu ja tsip, mat ko ya'xpraktu wiingu xprujkan ma yu di'ibu miits tu xy'axájudu. Mastu'uttu yu'ujaty, ¹⁸ mat ko tyaadu du'ambu ja'ay kyaj tmudundu Nindsun'ajtam Jesukristu, yu'uyu pyaduundap ja ky'am winma'añ es jeku kyajx myadya'aktu es du'un kuxu'kp ko 'yóyaty, du'un twinwepy twinjaaxy es twin'uañ di'ibu kyaj ñaygywentu'átyaty. ¹⁹ Nidagekyu tu tmadowdu ko miits mguyduundap ja Kristu 'yuxprujkan, es xondákruts ko du'un xytyundu. Ndejpyuts es miits mwijy'áttat es xytyúndut ja oybyu es xy'axtijtat di'ibu kyaj 'yóyaty. ²⁰ Dios di'ibu xymyo'oyam ja agujk'ajt jotkujk'ajtan, tsojk tta'annakuya'añ yu Satanás mdekyrpyatku'púty. Wa'anu Nindsun'ajtam Jesukristu mgunu'xudu miidsuty.

²¹ Mduknigáxudu Dioskajxy ja Timotee, di'ibats mat nduñ, es nandu'un yu nja'ayuts, ja Lusu, Jasón esu Sosípater.

²² Ujtsuts Tersyu, di'ibu tyadu neky yam jyaapy di'ibu Paablú ñaskajxup, nduknigaxtu Dioskajxy ma yu Nindsun'ajtam.

²³ MayDíósuk du'un juuna'añ ja Gayu. Yu'uts yam xyajjajttákp es dyaky ja tyujk ma ñaymyúxudu ja mabujkrutujk. Nandu'un mduknigáxudu Dioskajxy ja Erastu di'ibu Korintu tesoreer'ajtr, esu nmugu'uk'ajtam Kwartus.

²⁴ Wa'anu Nindsun'ajtam Jesukristu mgunu'xudu.

Dios ya'awdaty

²⁵ Es tyam, ittu mudu Dios di'ibu mbaat waanu ni'igu myajmukta'agudu mat yu'ugyujxm ja oybyu ayuk di'ibu Jesukristu yajmiin es di'ibats ngajxwa'xyru. Tyadu oybyu ayuk ya'ijxup di'ibu Dios tu ttuknibujtaagu, di'ibu ijty kyayajnijáwu maanamu naty kyakoju ja naxwíñudu, ²⁶ es tyam tu yajnijáwu ma tnigajxtu ja Diosu kyugajxpruty ma Diosu jyaabyajtan, du'un éxtamu Dios di'ibu winu xuu winu tiempu ijtr, t'ane'emy es yajkajxwa'xat ma tugekyu naxwíñudu es du'un yu'ujaty tmabúktat es tkuydyúndut.

²⁷ Ja Dios di'ibu je'eyu Dios'ajtr es tim wyijy'ajtan muut, wa'an ja'a Jesukristukyujxm tmadátat ja muj'ajtan winu xuu winu tiempu. Wa'an du'unaty.

Myatu'ukpa Neki Di'ibu Paablu Tyuknigajxta Ja Korintu Ja'ayuty

¹ Ejj Paablu. Diótsuts tu xypyujta'aky esuts xy'apostulu'átat ja Jesukristu. Ejj mat ja nmu'ug'uk'ajtm Sóstanus ² nduknigajxtadsu tyadu neky ja Diosu jya'ayuty di'ibáty naymyujkudap jam Korintu, di'ibáty ijtp ti'igyú mat ja Jesukristu. Dios tu tyukniwówuty es dyajnxajt tu'uga jiky'ajtanu wá'atspu, ti'igyú mat nidagekyú di'ibu oytyim maaty wyindsu'kudap ja Nindsun'ajtm Jesukristu, di'ibu du'un Wyindsun'ajttap yu'ujuty es nandu'un'udsajtm. ³ Wa'anu nDios Teety'ajtm esu Nindsun'ajtm Jesukristu mgunu'xudu es mmo'oyudu ja agujk'ajjt jotkujk'ajtm.

Wi'ixu kunu'xun yajpaaty Jesukristukyujxm

⁴ Du'uhams nja'aygyuda'aky ja Dios mat miitskyujxmaty, ja'a ko ja Dios tu mgunu'xudu mat yu'ugyujxmu Jesukristu. ⁵ Es ja'a ko m'ity ti'igyú mat ja Jesukristu, Dios tu mmo'oyuty tugekyú oytyim di'ibáty ja oy'ajtm ma m'anmujá'an, du'un ma tugekyú m'uw mgajxtu es du'un ma oytyiity xyjattu, ⁶ es mudu tyaadu ya'ixy ko di'ibats ngajxwá'x ma miidsaty Jesukristukyujxm, ja'a du'un ja tuj'ajtm. ⁷ Pes ni di'ibu Espírítu Santu myadakun mgatugoy'ajtxaty es mjiky'átat éxtam ja Dios ttseky maanam xy'ak'awixyñum ma myina'añ yu Nindsun'ajtm Jesukristu. ⁸ Yu'u myajmak'át mya'oy'átudap es mbudákudap kadiibu miits xymyudáttat ni ti pojpu ko myinat jatugok. ⁹ Dios kyuydyiimbyum di'ibu wyandakypy, es yu'u du'un di'ibu mdukniwoodap es mjiky'áttat ti'igyú mat ja yu'unk Jesukristu, yu Nindsun'ajtm.

Mabujkputajk ñaybyujkwa'xudu

¹⁰ Mugu'ugítaty, n'amdeepy nbujktseebyuts miidsaty Nindsun'ajtm Jesukristukyujxm, es mnayajti'igyudat es kyaj mnaybyujkwa'xudat. Jiky'attu mat ti'igyú jot winma'añ. ¹¹ Njuna'añudsu tyaadu, mugu'ugítaty, mat ko ja di'ibu tsunaaydyup ma ja Klo'ee jyunn tyujk tu xytyuknijáwats ko ak miits mnaydyij mnayyókudu. ¹² Mudu tyaadu, ja'ats n'andijpy ko nidu'uk nidu'uk miidsaty ak wiink jyuna'andu. Tu'uk jyuna'añ: "Ejj, Paablats xy'uxprijkra'ajtp" es jatuk peky jyuna'andu: "Ejj yu'u Apolus" es ja wiinkpty jyuna'andu: "Ejj yu'u Peedru" es jatuk peky jyuna'andu: "Ejj yu'u Jesukristats xy'uxprijkra'ajtp." ¹³ ¿Per ti, tuu ja Jesukristu ñaywya'xyuty kanak pekyú?, o uj Paablu, ¿kruuzpajtats mat miitskyujxmaty, o mnubajtta miits uj nxuugyujxmu? ¹⁴ Nja'aygyudákypyats ja Dios kots kyaj nyajnbajty nidu'uk miidsaty, tim yu'uy Krispu esu Gayu. ¹⁵ Es du'un ni tu'uk pán mbaat kyajuna'añ ko ñubajty mududsu nxuugyujxm. ¹⁶ Aa, per nandu'andsuga nyajnbajty ja di'ibu tsunaaydyup ma ja Estéfanusu jyunn tyujk, es kyajts nnakyjyamyetsy ja wiinkpu jat'u'uk pán tats nyajnbéty. ¹⁷ Pesu Jesukristu kyajts xykyejxy esuts nyajnbátat ja ja'ayuty, xykyajxats esuts ngajxwá'xat ja oybyu ayuk, es kyaj mat ja ayuk di'ibu ja ja'ayuty ku'am yaj'ajtp mat ja wyinma'añaty. Du'unats nduñ es kadiibu tyugóyat ja mak'ajtm di'ibu yajmudajtp ko Kristu 'ye'ky kruuzkujxy.

Kristu myudajtypy ja Diosu myuk'ajtm esu wyijy'ajtm

¹⁸ Ja Jesukristu 'yo'kun kruuzkujxy nanagoobu jyawu kyaxe'eky mat ja di'ibáty najxtap ma ja ayoodákn, peru di'ibáty udsajtm nniitsókum es njo'omum tsajpótum, ja'a tyaadu ja Diosu myuk'ajtm. ¹⁹ Es du'un jyuna'añ ja Dios ma ja jyaaybyajtm: Nyajkutugóyupts ja kuwinma'añbyu wyijy'ajtm, es nyajjagákupts ja jyaagyujkan di'ibu jaygyujkpu.

²⁰ Punu du'un, ¿ma net ja kuwijjyja'ay, o ja yu'uxprijkra'ajtp, o ja di'ibu kyajxy myadyakypy di'ibu yajpátp naxwiñ? Pes ja naxwiñdu wijy'ajtmaty, tu Dios dyajkaxe'eky ko loku yu'u. ²¹ Dios ñija'ap di'ibu tyiimpy, es ña'ijxypy es kadiibu ja naxwiñdu ja'ayuty 'yixy'átudat mat yu'ugyujxm ja wyinma'añaty, ja'ayu du'un yajniits'ogaampy ja di'ibu jotmooyup mat yu'ugyujxm di'ibu yajkajxwá'xp, oyu tyadu ayuk kyaxe'eky loku winma'añan.

²² Pesu israelítaty 'yixándap ja ijxwá'mum di'ibu myudajtypy ja muj'ajtm, esu griegaty 'yuxtaaydyup ja wijy'ajtm, ²³ peru udsajtm ngajxwá'xam ja Kristu ko kyruuzpejty. Yu israelítaty kyo'oyjya'adubu tyadu kajxwá'xan, es di'ibu kyaj 'yisraelítaty pyujtáktap éxtamu loku winma'añ, ²⁴ per di'ibu Dios tu twoy, oy yu'udyu israelítaty o griegaty, Kristu du'un ja Diosu myuk'ajtm esu wijy'ajtm. ²⁵ Pes ja di'ibu ja'ayuty jya'adap éxtam ja Diosu lyoku winma'añ, kuwinma'añ'u'u kadiinum ja kuwinma'añbyu di'ibu ya naxwiñ; es di'ibu jya'adap kyaj tmudaty ja Diosu myuk'ajtm, yu'u du'un waanu mak kadiinum ja naxwiñdu ja'ayudyu myujaa. ²⁶ Jamyatstu mugu'ugítaty, ko Dios tu mwówudu es mja'ay'atá'anudu, oy mganimay'ajtpudu miidsaty di'ibu du'un kuwinma'añ, es oy mganimay'ajtpudu di'ibu

myudajtypy ja kutujkan, es oy mganimay'ajtrudu di'ibu jotkujk ja'ayuty. ²⁷ Peru Dios tu twin'ixy ja ja'ayuty di'ibu naxwiñudu ja'ayuty pyujtáktap éxtamu kulókyty, es du'an Dios dyajtsoydu'unga'ay ja di'ibu naxwiñudu ja'ayuty pyujtáktap éxtamu kuwijpyan. Ja Dios tu twin'ixy ja ja'ayuty di'ibu ja naxwiñudu ja'ayuty pyujtáktap éxtamu di'ibu kyaj tmudaty ni ti mujaa, es du'an ja Dios dyajtsoydu'unga'ay ja di'ibu ja naxwiñudu ja'ayuty pyujtáktap éxtamu di'ibu myudajtypy ja mujaa. ²⁸ Dios tu twin'ixy ja ja'ayuty di'ibu ja naxwiñudu ja'ayuty 'uxtijtap éxtam di'ibu kyaj ti tsooty, es dyajkutagóyut ja di'ibáty ja naxwiñudu ja'ayuty pyujtáktap éxtamu maj kujxmbun, ²⁹ es du'an kyaj pán mbaat ñayjyáwudat maj kujxm Dios windum. ³⁰ Peru Dios tu myajti'igyudu miidsuty mut ja Jesukristu es mut yu'ugyujxmu Jesukristu nnija'am ti Dios tsyeypy, oy nwu'amum mut ja Dios, wa'ats n'ijtm es nniisókam. ³¹ Pes du'an éxtam jyuna'añ ja Diosu jyaabyajtan: "Pán ja pán ti ttukxonda'aky, wa'an ttukxonda'aky di'ibu Dios tu ttuñ."

2

Yajmadya'aky ja Kristu di'ibu tu yeeky kruuzkujy

¹ Mugu'ugítaty, kots uj nmiñ má miidsuty es ndukmumadyaktu ja Diosu 'uxpukun, kyajts nyajtuñ ja maj kujxmbu ayuk es ni yu wyinma'añ di'ibu tsip nimujaa. ² Pes kots n'ijty má miidsuty, kyajts nwinma'añ'atáñ jat'u'ugu wiinkpu, yu'uyu Jesukristu esu 'yo'kun kruuzkujxmbu. ³ Ya'ayow ya'ama'adats njam'ajty má miidsuty, ni nmujjaats es extu tsuyiibuts mut ja tsu'kun, ⁴ es ko ndukmumadyaktu ja Diosu 'uxpukun, kyaj ndukmudijayandu ja kuwijjya'aybyu'ayuk, ni'igu oj ndukmudijudu mut yu'ugyujxm ja Espiritu Santu es ja Diosu myuk'ajtan. ⁵ Paaty ja mmubajkan kyaxuty má yu Diosu myuk'ajtan es kyaj má yu ja'ayudyu kyuwijy'ajtan.

Espiritu Santakujxm ja Dios ñayajniñuxe'egynty

⁶ Di'ibu tu kyutakaty oy oy tugekyu ja Diosu 'uxpukun, mut yu'uts sitay nya'uxpukudats mut ja kuwijy'ajtan, es kyaj mut ja naxwiñudu ja'ayudyu wyijy'ajtan nya'uxpukudats, es ni mut ja wyijy'ajtan di'ibu yajtuundap di'ibu yajkutujktap naxwiñ. Pesu tyadu yajkutujkpu yu'uyjy'ajtan, kugáxup yu'u. ⁷ Ja wiyj'ajtan di'ibats uj tuk'uxpukp, yu'u du'an ja wiyj'ajtan di'ibu yu'uts ijtp es di'ibu Diosu naty tu ttukniñajtaagu nmuj'ajtan'ajtmgyujxm. ⁸ Ja yajkutujkpu má yu naxwiñudu kyaj tjaygyukudu; ja'a kooxyup yu'ujaty tjaygyukudu, kyaxyp dyajkruuzpajtu ja Nindsun'ajtam Jesukristu. ⁹ Per tim du'an jyajty éxtam jyuna'añ ja Diosu jyaabyajtan: Dios tu t'uxkuku mada di'ibáty tsojkadap, di'ibu ni pánam tka'ixy es tkamudoy es ni kyaja'ty wyinma'añóty.

¹⁰ Tyadu du'an tugekyu di'ibu Dios tu xytyuknija'am mut yu'ugyujxm ja Espiritu Santu, ja'a ko yu Espiritu Santu tyuk'ijxup tugekyu, es extu ja kúkpá nimujjaabu wyinma'añ ja Dios.

¹¹ Má ak ja'ayuty, ¿pán mbaat tnijawu w'ix ja jyot wyinma'añ tu'ugu ja'ay? Yu'uyu du'an ja 'yanmaja'an ku'an, ¿kudii? Nandu'an jajtpe du'an ko yu Diosu Jy'ajan, yu'uyu du'an ñijá'ap w'ixu du'an ja Dios. ¹² Es adsajtam kyaj tu n'axájom ja winma'añ di'ibu yu naxwiñ, yu'uyu sitay ja winma'añ di'ibu yajkypy ja Espiritu Santu di'ibu tso'omp má Dios, es du'an njaygyukam tugekyu di'ibu Dios xyñamo'oyam. ¹³ Pes du'anats udsuty nmadya'aky mut ja ayuk di'ibu ja Espiritu Santu xytyuk'uxpuktu, es kyaj yu'ujaty di'ibu miimp má ngu'am winma'añ; ja'ats ja'ay nduk'ijxp ja tuj'ajtan di'ibu ja Espiritu Santu yajkypy es tjaygyukudu pánaty tu'umooyadap ja Espiritu Santu.

¹⁴ Mut ko ja ja'ayuty di'ibu kyaj tmudattu ja Espiritu Santu, kyaj mbaat t'axájudu di'ibu ja Espiritu Santu yajkypy. Pesu tyadu ja'ayuty kyaj tjaygyukudu di'ibu Dios myeepy es janándap: "Loku winma'añ yu'u." Yu'uyu dun je'eyu di'ibu myudajttap ja Espiritu Santu mbaat tnijawu di'ibu Diosu ja'ay myeepy. ¹⁵ Di'ibu myudajttap ja Espiritu Santu, mbaat yu'ujaty trayo'oy tugekyu, es ni pán wiinkpu mbaat kyaj pyayo'oyuty. ¹⁶ Ja'a ko ja Diosu jyaabyajtan jyuna'añ: "¿Pán tu t'okwinma'añ'ijxpu ja Nindsun'ajtam? ¿Pán mbaat dya'uxpeky ja Nindsun'ajtam Dios?" Per adsajtam sitay nmudajtam ja Jesukristu wyinma'añ.

3

Paablú esu Apolus, Diosu myuduumbuty

¹ Mugu'ugítaty, kots ijty má miidsuty nya'uxpuktu, kyaj oj mbaat nya'uxpeky éxtam ja ja'ayuty di'ibu nu'ujwijts tu'ujwijtsap ja Espiritu Santu, ja'a oj nya'uxpeky éxtam pánudyu naxwiñudu winma'añ ja'a'ajtudap o éxtam pánaty jemy tu t'axájudu Jesukristu. ² Pes éxtam mbaat njuna'anum, extu koonam nmooy ja letsyu má jyapaadyuty nmo'oyut ja kudu'utspu je'xy, mut ko nan kyajnam mbaat xyje'xy ja kudu'utspu je'xy, es extu tyambaat

kyajnum mmada'aktu es xyu'xtut ja kudu'utspu je'xy, ³ mut ko du'ũnum m'akjiky'attu ẽxtam pũndyu naxwĩndu winma'añ ja'a'ajtudap. Jam di'ibu miits mnaydukmũdsip'ajtudap nixim niyam es mdsiptũn mdsipkajxtu nixim niyam, es du'un xya'ixudu ko ja'ayum mbanajxtap ja wyinma'añ di'ibu kyaj myiñ ma yu Nindsun'ajtam Jesukristu. ⁴ Ja'a ko miits nidu'uguty mjuna'andu: "Uj Paablats xy'axpukpu'ajtp" esu wiinkpu jyuna'andu: "Uj Apolusats xy'axpukpu'ajtp", es du'un mnaygyõjudu ẽxtam ja ja'ayuty di'ibu kyaj tpadundu ja Jesukristu.

⁵ Pes anmaagyats, ẽpũnu du'un Apolus?, es ẽpũnu du'un uj, Paablu? Hũdsaty je'eyu Diosu myuduumbu di'ibu oj mdu'axpũkudu es xmyubũktat ja Dios, es nidu'uk nidu'uk hũdsaty ndundu ja tuunk di'ibu Nindsun'ajtam oj xmyo'oydyats. ⁶ Mbaat njuna'anam ko ujts nnip ja tuumt, Apolus tya'x, peru Diosu du'un di'ibu yajmujx ja tuumt es yaj'ya'k yajpajt. ⁷ Di'ibu nip es di'ibu ta'xp, ni ti yu'ujuty, Diosu du'un tugekyu, mut ko yu'u yaj'yeempy yajpejtypy ja di'ibu yajniõp o yajta'xp. ⁸ Di'ibu nip es di'ibu ta'xp, yu'ujuty je'eyu tyuumbu'atudu Dios, esu Dios mujũduap nidu'uk nidu'uk ẽxtam tkuydyundu ja tyuunk. ⁹ Hũdsaty nmũduundap ja Dios, es miidsaty du'un ẽxtamu Diosu ñax es nandu'un ẽxtamu Diosu tyujk. ¹⁰ May'ajtangujxm ja Diõsats tu xypyujta'aky ẽxtamu pojtspu esuts nbojtsu'ugat ja potsy uix, esu tyam wiinkpu pojtspu yajkajxmup ja potsy. Per nidu'uk nidu'uk ya'ixup wi'ix pyotsy, ¹¹ mut ko Dios tu tpujta'aky ja Jesukristu ẽxtam yu'ayu pyotsy'ujx'aty, es kyaj mbaat pũn tpujta'aky jat'u'ugu wiinkpu. ¹² Pũn jaa pũn ttukjapu ooru, platu, tsujjátypyu tsaa, kepy, mũny o wãaxk aay ma tyadu tuunk tu tso'onda'aky, ¹³ ya'ixup ja tuunk ko ja'ay yajpayo'oydyat, ja'a ko yajno'kmãtsup mut ja juun. ¹⁴ Pũndyu naty oy tu pyotst es ja potsy kyaj ja juun yajtõyut, Dios kumãduap; ¹⁵ per di'ibu tu pyotsta es myamada'agyuty ja juun, yajtagõyup ja tyuunk tugekyu, oy yu'u kũam jyanitsõkput ẽxtam naak ñitse'eky ma ja juna'ank.

¹⁶ ẽKyaj xyñijawudu ko miidsadyu du'unu Diosu tyujk es ko yu Diosu Jya'ajun 'yity ti'igyu miidsaty? ¹⁷ Pũn ja pũn dyajkutagõyu tadu Diosu tyujk, Dios yajkutagõyubu tadu ja'ay, mut ko tadu Diosu tyujk, wã'ãds'u. Es tadu tyujk, miidsadyu du'un kũam.

¹⁸ Exkam pũn ñaywyin'ũũñuty. Pũn ja pũn ñayjãwuty kuwiji ẽxtam ja naxwĩndu ja'ayuty ja wyinma'añ, nayyajũmbitudu ẽxtam tu'uk di'ibu kyaj ti tjaty, es du'un jya'tut ẽxtam tu'ugu kuwinma'añbyu. ¹⁹ Pesu tyadu naxwĩndu ja'ayudyu wyiji'ajtan, yu'u dun tu'ugu loku winma'añ tpujta'aky ja Dios. Ja Diosu jyaaybyajtan jyuna'añ: "Dios ya'anaguga'ap ja kuwijjypyuty mut ja kyũam wiji'ajtan." ²⁰ Nandu'un jyuna'añ jatuk peky: "Yu Nindsun'ajtam ñija'ap ko yu kuwijjyja'ayudyu wyinma'añuty ni ti tkatsooty." ²¹ Paaty ni pũn kyanayjãwuty muj kajxm mut ko tpanujxa'anat tu'ugu ja'ay. Pes tugekyu oytym tiity, miits mja'a'ajttap, ²² extu uj, Paablu, yu Apolus, yu Peedru, ja naxwĩndu, ja jiky'ajtan, ja o'kun, ja tyambu, ja õknumbu. Miidsaty tugekyu mja'a'ajttap, ²³ es miits mja'a'atudu Jesukristu, esu Jesukristu jya'a'atyuty ja Dios.

4

Apõstulu tyuunguty

¹ Miits mbãtudap es xypyujta'aktudats ẽxtamu Jesukristu pyudujkubu, es ko yu'ats tu xytyuknipãktats esuts nya'axpũkat ja di'ibu Dios tu ttuknibujtaagu. ² Di'ibu yajtsojkr ma di'ibu tu tii yajtuknipẽky, yu'u es tkuydyũnt yajxon ẽxtamu wyindsũn tu tyuknipẽkyuty. ³ Es mut uj, kyajts nmajpujta'aky õyuts miits xypyayo'oydyat ja ndu'unũnats, o wiinkpu ja'ayudyats nandu'un xypyayo'oydyadats. Uj kyajts kũam mnaybyajtan jyuna'añ: ⁴ Oyats nganayjãwuty pekymuut, tyaadu kyaj muut ya'ixy kots uj kyajts nbekyjya'ayuty; yu Nindsun'ajtam yu'u du'un xypyaye'ebuyats. ⁵ Paaty ngajxwijtũ kadiibu pũn xypyayo'oyut ja tyu'unũnaty maanam kyamiñnum ja Nindsun'ajtam. Es ko yu'u myiñut, yu'u ya'ixudap di'ibu tyam ijtp ayu'udsyu, extu ya'ixudap wi'ix ja ja'ayuty nidu'uk nidu'ugu jyot wyinma'añ, esu Dios 'yanũmũdat ko oyu du'un tu ttundu.

⁶ Mgu'ugĩtuty, ndukmũmadya'aktu tyaadu es xytyuk'oy'ãttat miidsaty. Nbujtãkum ẽxtamu ijxpajtan ja Apolus es uj. Di'ibũ nmadyakypy, ja'a mut yu'ugyujxm n'ijxpajtanats miits xy'ijxnagũkũdat kadiibu xywyinwã'knãxtut di'ibu ijtp kuxja'ay, es kadiibu pũn ñayjãwũdat muj kajxm es t'axtjũt jat'u'uk. ⁷ ẽTii dun muut mmuj mgujxm kadiinum ja mmũgu'uguty? ẽTii dun mmũdajttap di'ibu kyaj tu xy'axaju? Es pũn tu xy'axaju, ẽti ko mnaybyujta'agyuty muj kajxm, ẽxtam kũam tu xygyanaraty?

⁸ Tu mmũkja'aydyãkũdu miidsaty es mmũdajttap tugekyu di'ibu mdsojktap. Mnayjã'ãdup ẽxtamu reyũn, es kyaj ti m'oktugoy'ajtxandu mut hũdsaty. iKooxyubu da m'okrẽyuty esuts hũdsaty nandu'unxyp nrey'attu mut miidsaty! ⁹ Per mut hũdsaty, apõstuluty, du'un hũdsaty ẽxtamdsu Dios tu xypyujta'aktu ax'am. Du'un hũdsaty ẽxtam ja ja'ay di'ibu tu yajtuknikajxpety es 'yoogat. Du'un hũdsaty ẽxtam ya'ixypyudũmbũn

ko nidugekyu ja'ayaty xy'ixudats es nandu'unu anklusaty. ¹⁰ Loku uudsaty ja'ay xytyijtu, mut kotsu Kristu nmudundu; jmiidsaty du'unaty Kristukujyxm m'ittu kuwinma'añbyaty! Uudsadyu du'un ya'ayow ya'ama'atru, es miits mnaybyujta'agudu oy muk. Ja ja'ayaty xtyyuknugoo xtyyuknukkoobuts uudsaty, es miits myajwindsu'ugudu. ¹¹ Extu tyambaat tuts n'ayowdu mudu yuu esu nuduudsu, nipatsy xupatsy uudsaty es axuugudsu ja'ayaty xtyyundu. Kyajts nmudaty ja ndujkaty. ¹² Anu'xudats mats ndundu mududsu ngu'u. Xykyajxpoktats ja ja'ayaty, per ngunu'xtupts yu'ujaty. Xyryajudijttupts, per nyajkujx nyajnajxtupts. ¹³ Xyñi'o'o xyñiyaxudupts, per n'adsoojumbijttupts yajxon. Extu tyambaat du'unats xyryujta'aktu éxtamu naxwiñudu pyosta'ak es éxtam di'ibu ja'ayaty pyawa'ku'ktap.

¹⁴ Kyaj nnijáyudu du'un mut ko nyajtsoydu'unga'aja'andu, ja'a du'un n'uwijpy ngajxwijpy éxtamdsu n'u'unk n'ana'kun. ¹⁵ Oyxuap miits xymyudajtrudu majk mibu ja'ayaty di'ibu mmooyudap ja Kristu 'yuxrujkan, ujtsu du'un di'ibu mduk'axájudu Jesukristu ko miits n'awa'anudu ja oybyu ayuk. N'okpujtákum ko ujtsu du'un éxtamu mdeedyun ma yu mjiky'ajtan mut ja Jesukristu. ¹⁶ Mut yu'ugyujxmts miits nmunu'xta'aktu es xyryadúndat di'ibuts uj tu nnastunu.

¹⁷ Mudu tyaadukuyxjm nduknigaxtu Timotee, di'ibuts njantsytsyejpy es njáwats éxtamdsu n'u'unk ma Jesukristu. Oy tmaduñ ja Nindsun'ajtam. Yu'u mdukjamýatsudap éxtamts uj njiky'aty éxtamu Jesukristu myubujkpu, du'un éxtam nduk'axpejky ma otyyim maaty ja mubujkputajk ñaymyúkuđu.

¹⁸ Nija'ajaty miidsaty di'ibu muj pátuđap, janándap xtytyjy ko kyajts mij nninujxa'añ. ¹⁹ Per tim tsojk nujx ngu'ixa'andu pun junaamp ja Nindsun'ajtam, nétats ndukni'ixudu taadu di'ibu muj pátuđap, ja di'ibu dún mbaat ttuñ o je'eyu du'un kyu'ayuk'aty'attu. ²⁰ Ja'a ko ja Diosu kyutuujkan, kyaj jyaayaty ma ja kajxy ayuk, ja'a du'un ma ja muk'ajtan. ²¹ Pes, ¿di'ibu dún mdsojktap, kots mij nujx ndukkumadowdu kots nnujxat, o ko nujx ngu'ixtu mut ja tsojkan es ja ojyot?

5

Mu'induumbu ma mubujkputy ñaymyúkuđu

¹ Tyam, du'un ja'ay jyna'a'andu ko jamu ja'ay di'ibu myu'induump ma miidsaty, jam nidu'uk di'ibu myuttsunaapy ja kyudaak. Tyaadu du'ambu du'un jantsy muj peky, es ni je'eyu kyayajpraaty tadu du'ambu ma yu di'ibu kyaj t'awdattu Dios. ² Ma miidsaty mmaj mbaadudu, ma jypaaduytu mmay mdajtat. Yu du'ambu ja'ay di'ibu du'un adatsp, koonam tseykuty es xy'uxwojppudsámdat ma miidsaty. ³ Oybts jagam n'ity mut miidsaty, jámats njot nja'ajun ma miidsaty, es tuts nbayo'oy yu tadu ja'ay di'ibu tu ttuñ ja muj peky. Du'unats tu nduñ éxtamxyupts uj njámaty ma miidsaty. ⁴ Pes naymyúkuđu mudu Nindsun'ajtam Jesukristu kyutuujkan, njam'átupts njot nja'ajun ma miidsaty, es nandu'un jyam'átat ja Nindsun'ajtam Jesukristu ja myuk'ajtan, ⁵ es tukkadúkuđu tadu ja'ay ja mujku'ugópk Satanás es tyaydu'unxudat ja ñini'x. Tundu miidsu tyaadu es du'un jyodúmbíttat esu 'lyanmaja'an ñitso'ogut ko myínat ja Nindsun'ajtam Jesukristu.

⁶ Miidsaty, katu xtyyukmuj xtyyukpaadudu mudu tyaadu di'ibu mduundap. Mnija'adup wi'ix jyna'añ tu'ugu ayuk: “Mut waanabu levaduuru pyude'eky tugekyu tugekyu ja tsajkakyjyátsy.” ⁷ Yajka'aktu tugekyu di'ibu myajma'tudap, di'ibu ijtr éxtamu levaduuru di'ibu tu ñajxnu, du'un m'ittat éxtam ja jembyu tsajkaaky di'ibu kyaj ti levaduuru tmudaty, éxtam tyam m'ittu, ja'a ko Kristu 'ye'ky udsajtamgyujx. Yu'u du'un udsajtam nbasku borreegu'ajtam. ⁸ N'oktu'unam ja pasku xuu mut ja tsajkaaky di'ibu kyaj tmudaty ja levaduuru. Ja'a njuna'anum kyaj ti peky, ja'ayu mut ja tuj'ajtan es ja wa'ats'ajtan.

⁹ Tu nduknijáyudu ko katu mnaymyáyudu mut ja di'ibáty mu'induundap. ¹⁰ Kyajts njajuna'anán es xymyastu'uttat tugekyu di'ibáty kyaj jya'a'átuty ja Dios, éxtam di'ibáty mu'induundap, o di'ibu adsojktap, o di'ibu toon ma'tstup, o di'ibu 'yawdajttap di'ibu kyaj Dyiosaty. Kooxyubu du'un, mdimpudsámdapxyup yu naxwiñ. ¹¹ Di'ibuts n'andijpy ma ja neky di'ibuts ngajx, pun jam tu'ugu ja'ay ñayñigajxyuty ko yu'u tpaduñ ja Jesukristu es du'añum myu'indúñ, o 'yadseky, o t'awdaty di'ibu kyaj Dyiosaty, o 'yabi'tsuty, o 'yami'ikyjya'ayuty, o mya'tspaty, esu du'ambu ja'ayaty kyaj muat mda'anmuk mwa'kmúkat. Pes du'ambu ja'ay ni je'eyu muat mgakaaymyúktat. ¹² Per uj kyajts xyryaaty nbayo'oyudats ja di'ibu kyaj tmaduñ ja Jesukristu. Miits mbátudap xyryayo'oyat di'ibáty muat mnaymyúkuđu. ¹³ Dios pyayo'oyubu taadaty di'ibu kyaj tmadundu Jesukristu. Paaty axwojppudsámdu tadu pekytuumbu ma miidsaty.

6

Mubujkputajk yuñndu ma fwez di'ibu kyaj Dyiosmuduumbuty

¹ Ko nidu'uguty miits xymyudáttut tu'ugu u'anán mat tu'ugu mmámábujkpa, ¿wi'ix ko mnejxy u'ambá má yu fwez di'ibu kyaj Dyiosmáduumbaty, má jypaádyuty xymy'u'anná má Diosu jya'ayuty? ² ¿Tii kyaj xynijáwádu ko Diosu myúduumbaty 'yana'amándap nidugekyu ja naxwínádu ja'ay? Es pun miidsaty mbaadánap xy'ana'amát ja naxwínádu ja'ayuty, ¿wi'ix ko kyaj mbaat xya'oyu tadá u'anán di'ibu tim yi'in tim waaná? ³ ¿Tii kyaj xynijáwádu ko údsajtam n'ana'amá'anam extá ánkusaty? Es ko dá'un, iná'un ngapayo'oyam di'ibu xypyátam má tyádu jiky'ajtam! ⁴ Pun ti tsip mmúdajttap má tyádu jiky'ajtam, ¿ti ko xkyawin'ixtá di'ibu kyaj myájaty ja kyutujkan má miidsaty, es yu'u mbyao'oyádu? ⁵ Njuna'añuts dá'un es mdsodyúndut miidsaty. ¿Tii ni tu'uk jam má miidsaty di'ibu mbaat dyajxemy ja tsip aká má Dios muduumbaty, es mgajxwíjudat? ⁶ Es miits mnayñi'u'annádu nixim niyam, jes jabaat ja'ay wyinduuy di'ibu kyaj Dyiosmáduumbaty!

⁷ Oytym wi'ix sooty mdugooyádu ak miits ko kyaxe'eky ja tsip má miidsaty. Nik waaná oy ko xymyudádundut ko mdúnádu axáuk o mdimmaadsádu. ⁸ Pes miidsaty axáuk xytyunda es xymyaatsta, ja'abaat ja mmágu'uktajkuty.

⁹ ¿Tii kyaj xynijáwádu miidsaty ko di'ibu dá'un adátstap kyaj t'ixtat ni ná'a ja Diosu kyutujkan? Katu mnaywyin'u'annádu. Pes ni ná'a tka'ixtat ja Diosu kyutujkan di'ibáty má'induundap, di'ibáty yajtugeepy ja pújk úkáná wyindsu'kan, ni yu di'ibu 'yawdajttap di'ibu kyaj Dyiosaty, ni yu di'ibu pekytyundap tsodyu'un máat ak yedyujk, ni yu di'ibu dá'un pyektyunda ak toxtyujk, ¹⁰ ni yu ma'tspaty, ni yu di'ibu adsojktap, ni yu ami'ikyjya'ayuty, ni yu pi'tskajxpaty, ni yu di'ibu ja'ay wyin'u'annádu es tpyjkádu myeeñ. ¹¹ Dá'un ijty nidu'uguty miidsaty; per tá myajwa'adsyaty, tá oy mwa'ámdá mat ja Dios mat ja agyujxm ja Nindsun'ajtam Jesukristu es mat ja agyujxm ja nDios'ajtama Jya'ajan.

Kyaj nma'indu'unam

¹² Nidu'uguty miits mjuna'anda: "Uj éxtama Jesukristu myáduumba, awa'atstuuyats n'ity esats ndúnat di'ibáts ndsejpy." Uj n'adsóyats miidsaty: Oyats awa'atstuuy uj n'ity es ndúnat tugekyu di'ibáts ndsejpy, kyaj tugekyu 'yóyaty esats uj ndúnat. Oyats tugekyu mbaat njatuumba, kyajts nnayyáduat esats xy'ana'amát oytty winná'añuty. ¹³ Wiingátyryu mjuna'anda: "Yu je'xy nigojy es jodoty ñajxat, esu jot nigojy es t'axájut ja je'xy." Per ujts mij n'anmaaydyup ko Dios yajminaampy ja tiempá má kyaj nakyajytuna'anam ja jot es ni ja je'xy. Per ni wi'ix tsoo mbaat mgajuna'anda ko yu nnini'x'ajtam tá yajpajta'aky es nma'indu'unam, pes ja nnini'x'ajtam yu'u dá'un Nindsun'ajtam 'yoy'ajtangyujxm, esu Nindsun'ajtam yu'u dá'un nnini'x'ajtam 'yoy'ajtangyujxm. ¹⁴ Es éxtam ja Dios dyajjikyppyejky ja Nindsun'ajtam Jesukristu, xyajjikyppyká'anam údsajtam nanda'un mat ja myak'ajtam.

¹⁵ Miits mnija'adap ko má n'axájum ja Jesukristu, yu nnini'x'ajtam dá'un wye'emy nidu'uk nidu'uk éxtam tuk pekyjyaty ja Jesukristu ñini'x. ¿Tii nbájkápts tuk peky ja Jesukristu ñini'x es nyajnaybyáduat mat tu'ugu kujeñdyo'oxy es dá'un wyu'amát ti'igyú mat yu'u? ¡ni wi'ix tsoo! ¹⁶ ¿O tii, kyaj xynijáwádu ko di'ibu nakyajytuna'anam mat tu'ugu kujeñdyo'oxy, nimajtsk ti'igyú 'yitta? Pes ja Diosu jyaaybyajtam jyuna'añ: "Ko tu'ugu yedyujk ñaybyuwa'aguty mat tu'ugu toxtyujk, dá'un wyu'ámdá nimajtsk éxtam tu'uk je'eyu nini'x." ¹⁷ Per ko n'axájum ja Nindsun'ajtam, ti'igyú 'yity ja njot nja'ajan'ajtam mat yu'u.

¹⁸ Kuga'aktá ja má'induunk. Oytym di'ibu wiinkpáty ja peky di'ibu ja'ay tyiimpy, kyaj dyajnbaxatáku ja ñini'x. Per ja di'ibu má'induump, myúdugeepy ja kyú'am nini'x. ¹⁹ ¿Tii kyaj xynijáwádu ko yu mnini'x yu'u tsyanaaydyáknu Espiritu Santu, di'ibu Dios mmooyádu, es ko ja Espiritu Santu 'yity má miidsaty? Paatykyujxm miits kyaj mnayñiwindsun'átádu ku'am, Diosu dá'un nWindsun'ajtam, ²⁰ mat ko yu'u kyubajt ja di'ibu údsajtam oy xyaparátam. Dá'un mbaat njuna'anam ko oy xyju'uyum es dá'un xyja'ay'ajtam. Paaty údsajtam nya-jtu'unam ja nnini'x'ajtam éxtama Dios tteky.

7

Kajxwíjún wi'ixu kasaádu'ujk jyiky'áttut

¹ Tyam n'adsoojambítuyats di'ibáts miits xyajttádu. Tyy'ajtanu'u ko oy es kyaj ja'ay pyúktá. ² Per kom tá nimay di'ibu má'induundap, paaty nidu'uk nidu'ugu yedyujkuty myúdatap ja kyú'am nádo'oxy, es nanda'un nidu'uk nidu'ugu toxtyujkuty myúdatap ja kyú'am ña'ay. ³ Yu kasaádu yedyujk kyuydyúnap di'ibu pátap ttúnat mádu ñádo'oxy es nanda'un ja kasaádu toxtyujk kyuydyúnap di'ibu pátap ttúnat mádu ña'ay. ⁴ Yu kasaádu toxtyujk kyaj yu'u je'eyu natyu'uk tja'a'áty ja kyú'am nini'x, máat ja ña'ay tja'a'áttu. Es nanda'unu dá'un ja kasaádu yedyujk kyaj yu'u je'eyu natyu'uk tja'a'áty ja kyú'am nini'x, máat ja ñádo'oxy tja'a'áttu. ⁵ Katu mnayjyujkugajxádu nixim niyam, ni ja yedyujk es ni ja toxtyujk. Pun mnay'uu mnaygyajxádu es mnaymyastu'uda'ánádu tuk tiempá es mgajxta'áktat es ok mnaybyuwa'agúdat jatákok, mbaat dá'un xytyunda ko tá xy'agajxtúktu

pun naak xuu mnaymyastu'uda'anadu. Per ko tpaadat ja tiempu, net jatugok mnaybyuwa'agudat, kaduibu ja mjuku'ugopk Satanás myajpekytunudat mat ja wiinkru ko m'awa'xy'ittu.

⁶ Dios kyajts xytyuknipejky es n'anuumadu tyaadu, je'eyudsu du'un njuna'añ éxtam tu'ugu ngajxwíjanuts. ⁷ Ejj jajunaqambuts es du'unxyup nidugekyu mjiky'atttu naydu'u'uk éxtam uj. Per wi'ixam ja Dios mmo'oyudu nidu'uk nidu'uk ja madakan, du'un mjiky'áttat naydu'u'uk o kasaadu.

⁸ Ejj n'anuumadu miidsuty naydu'u'uk ana'kuty, kixyudo'oxyuty esu ku'ekytyo'oxyuty, oy ja'ijty ko kyaj mbaktu, éxtam ujan. ⁹ Per pun kyaj mmada'aga'andu m'ittat naydyi'igyuty, waanu oy es mdimpáktat, kaduibu mnayyajtóyudat madu tsojkan.

¹⁰ Per ja di'ibáty tu pyaktu, nduk'ana'amdupts es kyaj ñaymyastu'ududat. Tyadu ana'amun tuj'ajtunu'u. Kyajts uj n'ana'amunaty, ja Nindsun'ajtam du'un ja 'yana'amun. ¹¹ Es pun ja pun tmastu'uty ja ña'ay, naydyi'igyuty du'un 'yityaty, o nik oy ttimnijodambitat ja ña'ay. Nanda'unu yedyujkuty kyaj tmastu'udy ja ñudo'oxy.

¹² Yu wiinkruty n'anmaabyats mudusu ngu'um winma'añ. Ko pun jaa yu nmamabujkru'ajtam tñudo'oxy'áty tu'uk di'ibu kyaj nmamabujkru'ajtam es 'ya'ijxup tsuunat madu ña'ay, yu nmamabujkru'ajtam kyaj tmastu'udat ja ñudo'oxy. ¹³ Es pun yu nmamabujkru toxytyujk myudajtypy tu'ugu ña'ay di'ibu kyaj nmamabujkru'ajtam, pun 'ya'ijxup tsuunat madu ñudo'oxy, kyaj tmastu'udat ja ña'ay. ¹⁴ Mut ko ja kasaadu yedyujk di'ibu kyaj Dios tmaduñ es 'yajakjy'aty madu ñudo'oxy di'ibu Diosmuduump, 'yaxájap ja Diosu kyunu'xun mat yu'ugyujxm ja ñudo'oxy. Es ja kasaadu toxytyujk di'ibu kyaj Dios tmaduñ es 'yajakjy'aty madu ña'ay di'ibu myudiimpy ja Dios, 'yaxájap ja Diosu kyunu'xun mat yu'ugyujxm ja ña'ay. Paaty ja 'yu'un'k 'yuna'kuty kyaj dyu'unuty éxtam di'ibu kyaj Dios tmaduñ. Ni'igu 'taxaju ja Diosu kyunu'xun mat yu'ugyujxm ja tyaak o tyeety di'ibu Diosmuduump.

¹⁵ Pun ja di'ibu kyaj tmaduñ ja Jesukristu tmastu'uda'añ ja ñudo'oxy o ña'ay mat ko tmaduñ ja Jesukristu, na'ix wa'an tnejxy. Pun du'un tseky, ja kasaadu yedyujk o ja toxytyujk di'ibu myudiimpy ja Jesukristu, kyaj jyatyimnigutikyuty es kyaj ñaywya'xudat, ja'a ko mat ko kyanaywya'xudat, ta nujx dyajtákuu tsipkajxy. Es ja Dios tu mdukniwówadu es mjiky'áttat aguik jotkujk. ¹⁶ Mut ko mij toxytyujk, Jesukristu myubujkru, kyaj xyñijawu pun mijtskyujxm ja mña'ay di'ibu kyaj yu'adyu Jesukristu myubujkru tmabúkat ja Jesukristu es ñitso'ogat. Es mij yedyujk, myubujkru Jesukristu, kyaj xyñijawu pun mijtskyujxm ja mñudo'oxy di'ibu kyaj yu'adyu Jesukristu myubujkru tmabúkat ja Jesukristu es ñitso'ogat.

¹⁷ Oytyim wi'ix sooty, nidu'uk nidu'uk mjiky'áttap du'un éxtam ja Dios myajmada'agudu, es du'un éxtamu naty m'ittu ko ja Dios mwoojadu. Du'unats nyajnigutúku majaty ja mubujkru'ajk ñaymyúkuu. ¹⁸ Pun ja Dios wyeepy nidu'uk di'ibu tu yajtsíky waanu*, wa'an tyaadu twe'emy du'ñu. Es pun wyeepy tu'uk di'ibu kyaj tsyíkyuty waanu, wa'an kyaj dyajtsíky. ¹⁹ Oy tu yajtsíky o kyajajtsujkru, ni ti tkatsooty. Di'ibu sitay nigutiky es nguydu'unam, ja'a es ndu'unam éxtam ja Dios dyajnigutúku. ²⁰ Nidu'uk nidu'ugu ja'ayuty wu'umut éxtamu naty ko ja Dios wyooyu. ²¹ Pun juuy naty m'ity ko Dios mwooyu, katú ti xyjawa mat yu'u. Per pun mmo'oyánudap ja m'awa'atstum'ajtam, axájadu. ²² Pes di'ibu naty juuy ijt ko Dios wyooyu es tmabúkat ja Nindsun'ajtam, tyam awa'atstúm ma Nindsun'ajtam; es nandu'un jajtru du'un ja ja'ay di'ibu naty ijt awa'atstúm ko Dios wyooyu, tyam 'yity juuyun ma yu Jesukristu. ²³ Dios tu mjúyudu tsoaaty. Katu mnayyákuu éxtam juuyun ma yu ja'ayuty. ²⁴ Pes du'un, mugu'ugítuty, wa'an du'ñum nidu'uk nidu'uk t'ity éxtam ko ja Dios wyooyu.

²⁵ Tyam n'adsoojambityats di'ibats xyajtuudap pun mbaat pyaktu m'u'ungu kixyudo'oxyatypyu, o kyaj. Yu Nindsun'ajtam Jesukristu kyaj oj xytyukmanikaaguts ni ti kajxwíjan madu tyaadu du'amba; per nwinma'añmyoodyupty uj, éxtam tu'uk di'ibu mbaat xumyabakta ja'agyujxm ko Nindsun'ajtam tats xypa'ayoy. ²⁶ Mut ko tyam nyajnaxunu nimajaa ja tiempu, paaty ujtsumu ngu'um winma'añ nik oy ko ja ja'ayuty 'yak'ittu du'ñu. ²⁷ Pun jamu mñudo'oxy, kyaj xymyastu'udat; es pun kyaj pán, kyaj xy'xta'ayut. ²⁸ Es pun mbujktap, kyaj yu'u pyojraty. Per di'ibáty pajktap, tyimmadatándap ja 'yamay jyotmáyuty ma tyadu jiky'ajtam, es uj kyajtsu tyaadu njatseky.

²⁹ Mugu'ugítuty, di'ibats nja'andijpy, yu'u tyaadu ko waanu je'eyu n'akmadajtam ja tiempu. Ayá bom ja di'ibáty kasaadaty du'un 'yajakjy'áttat éxtamxyup tu kyadimpaktu. ³⁰ Di'ibu ijt tap jotmaymyuat, du'un 'y'itit éxtam kyadimay kyadimajtu. Di'ibáty ijt xoondap, naybyajta'agudap éxtam kyadimxonda'aktu. Es di'ibáty ti tu tjuudyu, jiky'áttap éxtam tkadimja'ajuty di'ibu naty tu tjuy. ³¹ Di'ibu ya naxwiñ mduk'ijt mdukxoondap,

* 7:18 1x Lukas 1:59.

myajtundap ja'ajun muut, ni xykyadimtukmaj xykyadimtukpaadat, mut ko najx kujxp di'ibu ijtp naxwiin.

³² Ndsejpyuts es miits kyaj ti mnaydyukmay mnaydyuktajudat. Yu naydu'uk ana'ktujk yu'u 'yaa'ajty jyot'ajtypy wi'ix mbaat tmujjawa Nindsun'ajtam. ³³ Per ko pyajknadu, yu'u myaay wyiitsypy di'ibu ya naxwiin es wi'ix mbaat dyajxonda'aky ja ñudo'oxy. ³⁴ Nan tugatsyuy yu kasaadu toxytyujk mada di'ibu kyaj kysaaday. Ja di'ibu kyaj kysaadayt wyinma'añ'ajtypy di'ibu jya'a'ajtypy ja Nindsun'ajtam es da'an 'yitat wa'ats ma Dios, da'an ja ñini'x es da'an ja 'yanmuj'añ. Per ja kasaadu toxytyujk myaay wyiitsypy ja di'ibu ijtp naxwiin es wi'ix dyajxonda'agut ja ña'ay. ³⁵ Tyaadu n'anuumadu ja'a es xytyuk'oy'attut es kyaj mut kots nyajkubeky ko pan pyeky. Ndukmdsojktap tu'ugu oybyu jiky'ajtan di'ibu muut mnaygyuakudat amumdu'uk ma yu Nindsun'ajtam.

³⁶ Es pan jaa naak jyuna'añ ja u'unkteety ko waanu oy esu ñuux pyakut, ja'a ko yu jymujt wimbajt'adatsp, es pan 'yijxyty ko ja 'yu'unck kyaj t'a'ixu 'yitat naydu'uk, da'anu dan mbaat ttuñ éxtum 'yoobyudsu'umxdat. Mbaat dyajpéky. Taadu kyajpu pyojpty. ³⁷ Es pan yu u'unkteety kyaj dyajpuka'añ ja ñuux, mut ko t'ixy ko myudánu 'yitat naydyi'igy, es panu taadu u'unkteety junaamp es 'yitat kixyado'oxy ma yu tyeedyu tyujk, pes oyu da'an ttuñ. ³⁸ Pes da'an yu jawyimbun u'unkteety oyu da'an ttuñ ko yu 'yu'unck dyaky es pyakut, per ja myumajtskpu u'unkteety waanu oy ttuñ ko kyaj dyaky ja 'yu'unck es pyakut.

³⁹ Nigutiky es tu'ugu kasaadu toxytyujk 'yitat yu'uyu mut ja ña'ay maanum 'yakjiky'aty; per ko ja yedyujk 'yo'knat, niwa'ats kuwa'ats wye'emy taadu ku'ekytyo'oxy es pyakut mut di'ibu yu'u tsyejpy, yu'uyu di'ibu sitay nandu'an myubejkypy ja Jesukristu. ⁴⁰ Per uj njajuna'añats ko waanu oy es kyaj jatugok pyakut, es uj junaambats ko nmudajtypyuts ja Diosu jya'ajun kodsu da'an njuna'añ.

8

Je'xy di'ibu jyatukwindsu'kup ja agojwinnax

¹ Tyamsu net n'adsoojumbity ja di'ibuts xyajtuudap yu'ugyujxm ja je'xy di'ibu tu yajtukwindsu'ugu agojwinnax. Nnija'am ko nidugekyu nmudajtm ja jaygyujkun. Yu jaygyujkun yu'u da'an yajmaj yajpátap ja ja'ayuty, per ja tsojkan yu'u da'an yajmajwiin yajkajaajap ja ja'ayu myubujkun. ² Pan ja pan ñaymyujkuya'axyty ko yu'u tnijawu onu'unan, kyaj tnijawu éxtum dan pyaadyty tnijawu. ³ Per di'ibu tsyejpy ja Dios, icy'ajtap ja Dios.

⁴ N'okmadyakum ja je'xy di'ibu tu yajtukwindsu'ugu agojwinnax. Tyy'ajtanu'u ko ni tu'ugu agojwinnax kyaj ti tsooty, es tyy'ajtanu'u ko ti'igy je'eyu Dios, kyajpu wiinkpu. ⁵ Oy nija'ajuty jyuna'andu ko ta nima'y dios esu windsunuty tsajpótum es naxwiin, ⁶ adsajtam nnija'am ko ta ti'igy Dios di'ibu nmudu'unam es ma tugekyu tsyondaky di'ibu jaa'ajtp; es nan nnija'am ko ta ti'igy Windsun, yu Nindsun'ajtam Jesukristu di'ibu mut tugekyu oj yajkojy es di'ibu xyajiky'ajtam.

⁷ Per kyaj nidugekyu tnijawudu tyadu da'amba winma'añ. Naaguty da'ñum t'awdajttu agojwinnax, ku'am tjawudu ko pyojpty pan jyu'xtap ja je'xy di'ibu tu ñe'xy windsu'kun ma agojwinnax. ⁸ Tyy'ajtan ko di'ibu nju'xum, kyaj yu'ugyujxmty xy'axajum ja Dios; pes kyaj nduk'oybyudsu'umam pan nju'xum es ni ngajajtm axuuk pan kyaj nju'xum. ⁹ Naygywentu'atudu ko ti xytyundu. Oy miidsuty ti xytyundut es kyaj xyryekyujawudu, kyaju da'an xytyundut pan ja'aguyjxm xyajpekyka'adu ja mmugu'uk. ¹⁰ Ja'a ko pan tu'ugu mmugu'uk myubejkypy ko kyaj 'yoyuty ko ja'ay tju'xtu ja tsu'utsy di'ibu tu yajtukwindsu'ugudu agojwinnaxuty, es m'ijxap ko mgay m'iiky ma agojwinnaxuty yajwindsu'ugudu, žkyaju da xyonda'agut es tju'xtat ja tsu'utsy di'ibu tu yajtukwindsu'ugudu agojwinnaxuty? ¹¹ Es da'an mut ja'aguyjxm di'ibu mij mnija'ap xyajtugoy ja mmugu'uk, es mut yu'ugyujxm nandu'an 'ye'ky ja Jesukristu. ¹² Es ko da'an xyajpojttunat ja mmugu'uk di'ibu jya'ap ko kyaj 'yoyuty ko ja'ay tju'xtu taadu tsu'utsy, extu mbojptuump nandu'an mij ma yu Jesukristu. ¹³ Paadyats uj njuna'añ ko ni na'ats nganakyjyu'xtat jatugoku tsu'utsy pan mut yu'ugyujxm nyajtugoyuts uj ja mmugu'uk'ajtam.

9

Wi'ix ja Paablú dyajtun ja 'yawa'atstuu'ajtan

¹ ŽTii kyajts uj xytyijy mbaat nduñ di'ibuts ndsejpyu? ŽTii kyajts uj n'apóstaluty? ŽTii kyajts uj tu n'ixy ja Nindsun'ajtam Jesukristu? ŽTii kyaj miits xy'axajudu Jesukristu mut ko n'awa'anudu ko yu'u xyajintsókumu? ² Wa'anu da wiinkpu xykya'uxkáptats kots uj n'apóstaluty; per tyy'ajtan kots miidsu da'an xy'uxkaptu, ja'a ko xymyubaktu Nindsun'ajtam ja'aguyjxm ko n'awa'anudu jya'a es ja'aguyjxm tyy'ajtandaku kots uj n'apóstaluty.

³ Du'unats n'adsoojumbity di'ibátyuts xyñi'o'o xyñiyaxudap. ⁴ Ko uj nandu'an xpyáptuts es n'axájat di'ibuts xymyoodyap esuts ngay n'uugadats, ⁵ es nan mbaadats nudo'oxy'áty

tu'uk di'ibu Diosm'aduump, da'un éxtam ttundu ja wiinkpa apóstaluty es ja Nindsun'ajtam Jesusu myuga'axuty esu Peedru. ⁶ ¿O mjanándup miidsuty xytyijy ko uj esu Bernabee, je'eyats nimajtskuty kyaj mbaat nmastu'tuttu ja ngu'umduunk esuts ngajxwa'xtut ja Diosu 'yayuk? ⁷ ¿Tii, di'ibu soldaada'ajtp ku'am ñayñigástudy? ¿Es tii, di'ibu kyuyiipy kyudajpy ja uuvu kam kyaj mbaat tje'xyu? ¿Es tii, di'ibu borreegukwentu'ajtp kyaj mbaat 'tiiky ja letsyu di'ibu mya'tsyppu? ⁸ Es éxkam mjuna'ambudu ko uj njuna'añudsu da'un madudsu ngu'am winma'añ, per nandu'un tmadya'aky ja Moisesu 'yana'amun. ⁹ Pes da'un jyuna'añ: "Katu xy'ajiitsy ja noviuu ma twindeeñ ja triigu." Tey'ajtanu'u ko Dios kyaj da'un jyuna'añ mut ko tpa'ayoy ja yuubu, ¹⁰ adsajtamgyujxmaty da'un jyuna'añ; mut ko adsajtam n'oy'ajtunguyxmx Moisesu 'yana'amun jyuna'añ es ja yaj'yuubu es nandu'un ja triigu winda'ambu tyundu es t'ajot'attu es t'axájudut di'ibu pátap ma ja puja'taky pyude'eky. ¹¹ Nandu'un jajtru da'un, ja'a ko uudsuty, tuts miits nandu'un nduk'uxpuktü ja Diosu 'yayuk, xyjapátpats oyna'unun n'axájuduts miidsu mbudujkan. ¹² Pes pãna wiinkpaty 'yawijxtap es miits xpyudákudat, uudsuty waanu ni'iguts xyjapaattu.

Tey'ajtanu'u ko kyajts nyajtuundu di'ibuts xyjapáttap. Nik ni'iguts tu nmadãadu óyuts ti xyjatugoy'ajtxubudu. Da'unuts ndundu kadiibuts nyajtu'adúktat ko yajkajxwa'xy ja oybyu ayuk di'ibu Jesukristu ñimadyakypy.

¹³ Miits mnija'adup ko di'ibaty jap tuundup ma muj tsajptajk, yu'u ñijiky'ajttap di'ibu jap ma muj tsajptajk. Ja'a njuna'anum di'ibu jap ma ja artal tuundup ma yajpuja'taky ja windsu'kun, es yu'ujaty pátdup tju'xtat oyna'unun ja tsu'utsy di'ibu jap yaj'yajkp windsu'kun. ¹⁴ Nandu'unu da'un yu Nindsun'ajtam tyuknibujtaku ko yu di'ibaty kyajxwa'xtup ja oybyu ayuk, tadu tyuunk tyukjiky'áttap. ¹⁵ Per uj ni na'anumts ngayajtún di'ibuts xyjapatp, ni je'eyats miits ngatuknijáyudu tyaadu esuts ti oyna'unun xymyo'oydyudats. Nik óyuts ndim'oogat ma'anumts xkykarujkudu tyadu jotkujk'ajtan di'ibuts nmudajtypy kots nandu'unu ngajxwa'xy ja oybyu ayuk.

¹⁶ Tj kyajts mbaat ndukmu ndukpaadu mats ngajxwa'xy ja oybyu ayuk, mut ko yu'udsu da'unu Nindsun'ajtam tu xytyuknipeky esuts ndunat. iPaaty, pãroobu uj pãn kyajts nguydyúñ! ¹⁷ Kooxyupts uj ku'am tu n'okwin'ixy ngajxwa'xa'añuts ja nitsokan éxtamts nduk-ganarata'añ, n'axájuptyupts ja nmaju'uñuts; per uj kyajts nwin'ijxy ku'ama tyadu tuunk, Diósdusu da'un xywyin'ijx es xymyooyudsu tyadu tuunk. ¹⁸ Pes, ¿ti maju'uñuts n'axájupty? Yu'u je'eyu tyaadu kots ngajxwa'xy ja oybyu ayuk namay'ajtan es ni nga'amdóyuts esu ja'ay xpyudákudat éxtamts xyjapaaty kots uj n'apóstaluty.

¹⁹ Kyajts uj tu nyajtukmádeeky pãn; per da'unuts nnaygyooyuty éxtamu tuumbu juybyu ma nidugekyu ja'ayuty, es da'un nduk'axájudats ja ja'ayuty ja Jesukristu nu'unuts nmada'aky.

²⁰ Paaty kots n'ity ma yu israelituty, da'unuts n'ity éxtam yu'ujaty, es da'un t'axájudat ja Jesukristu; es mut ja di'ibu pyanujxtap ja Moisesu 'yana'amun, óyuts uj tadu ana'amun patku'ay nga'ity, ijtpts éxtam tu'uk di'ibu pyanejxpyru tadu ana'amun es da'un t'axájudat ja Jesukristu. ²¹ Nandu'un jajtru da'un mut ja di'ibu kyaj 'yisraelituty di'ibu kyaj tmadaty ja Moisesu 'yana'amun, ijtpts nandu'un éxtam di'ibu kyaj 'yisraelituty, ja'a da'un es t'axájudat nandu'un ja Jesukristu. Kyajts njuna'añ ko kyajts nguydyúñ ja Diosu 'yana'amun; pes Jesukristu 'yana'amunuts xyajkutujkp. ²² Kots n'ijty mut ja di'ibu kyaj tmadaty muj wiin kajaa ja myubujkan, nandu'unuts nnaybyujtaku éxtam di'ibu dan kyaj tmadaty muj wiin kajaa ja myubujkan. Kots n'ijty mut oytym di'ibu ja'ayuty, nandu'unuts nnaybyujta'agyuty éxtam yu'ujaty, es da'un naagaty ñits'oktut. ²³ Ndúñuts da'un tugekyu tyaadu mut yu'ugyujxmx ja oybyu ayuk, es da'un di'ibu myudoodup pyaadudat ti'igyu mut uj ja nitsokan.

²⁴ Tu xynjãwadu miidsuty ko ma tu'ugu pãnu'kkijxyuk, nidugekyu ja pãnu'kpu pãnu'aktu, per je'eyu ti'igyu di'ibu 'yaxájupty ja may'aty. Pes éxtamu ja'ay di'ibu pãnu'kkijxyup yaj-may'aty, nandu'un miits xy'ixtu wi'ixu Dios tseky es mjiky'áttat, es da'un mmay'átudat.

²⁵ Nidugekyu di'ibu pãnu'kkijxyuándup, nayjyujp'ijxadup es nayjyujwjtsumbijtadup oytym di'ibuty maut. Da'un ttundu es tganaráttat ja koronu ak ujts aaybyu di'ibu pojan ñi'xy; per adsajtam nnayjyujp'ijxam es nmamado'om ja Dios es da'un yu'u xymyay'ajtam mut tu'ugu koronu di'ibu ni na'a kyani'xy. ²⁶ Paaty ujtsu da'un éxtam ja oybyu pãnu'kpu di'ibu pãnu'kp tãnu ma pãnu'kja'ta'añ. O mbaat njuna'anum ko kyajts uj da'un éxtam tu'ugu ja'ay di'ibu koxaamp es tugok tugok tnixaje'eky, kyaj jya'ty ja kyoxo. ²⁷ Tj ndukmádeebuyts ja nniin'xats es njajwjtsumbityuts yajxon, kadiibuts uj nujx nwe'emy xkumay óyuts ja'ijty njakajxwa'xy ja oybyu ayuk.

10

Kajxwijn es kyaj n'awdajtam di'ibu kyaj Dyiósuty

¹ Ndsejpyuts es miits xynjãwudat mugu'ugítuty, ko yu n'aptujk'ajtam 'yijttu nidugekyu yoots patku'ay, es nidugekyu ttuknajxtu ja Tsapts jikymeyjã. ² Es da'un mbaat njuna'anum

ko nidagekyu ja'ajuty oj ñubajitta'aydu yoodsóty es ma ja jikymyejyñ ko ñaygyayajkuu ma Moisés. ³ Es nandu'un nidagekyu tja'xtu ja je'xy di'ibu Dios mooyudu, ⁴ es nidagekyu t'uktu ja nuu di'ibu Dios yajk, ja nuu di'ibu yajpudsuum tsagaadsóty; esu tadu tsagaats yu'u du'un kyudanaapy ja Jesukristu di'ibu naty ñajxp mut yu'ujuty. ⁵ Oy yu'ujuty nidagekyu oj jyamo'oyudu tyadu Diosu kyunu'xan, jatim jawaanu kyadim'o'ktaaydu muj ittum mut ko tkamudoodu Dios.

⁶ Tugekyu tyaadu du'un tyuun jyajtu éxtum tu'ugu ijxpajtan mut udsajtam, kadiibu nbadu'unum di'ibu kyaj 'yóyuty, éxtum yu'ujuty 'yadatsta. ⁷ Paaty miidsuty katu xymyay'at xywyindsu'ugudu agojwinnáxuty, éxtum yu'ujuty nimay 'yadatsta, éxtum jyuna'añ ja Diosu jyaaybyajtan: "Ja ja'ayuty ñaxwa'tstu kaay ukru, es pyudu'uktu ajts xondakru." ⁸ Kyaj nmu'indu'unum, éxtum yu'ujuty nimay 'yadatsta, es 'yo'ktu i'px tugak mil ma tu'ukru je'euy xuu. ⁹ Es nan kyaj nmu'udugo'oy nmugajxtugo'oyum ja Nindsun'ajtam Dios, éxtum naaguty yu'ujuty ttuundu, es paaty 'yo'ktu ko tsyu'tsudu awa'andsa'añuty. ¹⁰ Es kyaj nduk'ak'ajtam ja Dios, éxtum yu'ujuty nija'ajuty ttuk'ak'ajtu, es paaty ya'o'kudu ja anklus di'ibu Dios kyajx.

¹¹ Tugekyu tyaadu du'un jyajtu ma n'aptajk'ajtam es yajpajtáky jaaybyéty ma Diosu jyaaybyajtan éxtum tu'ugu ijxpajtan, es nnaydyuk'uwij nnaydyukkajxwíjym, udsajtam di'ibáty jiky'ajtam ma yu Nindsun'ajtam Jesukristu tyimminannu. ¹² Paaty di'ibu nayjya'ap yajxon 'yity mudu Dios, naygywentu'átudap kadiibu pyekykya'at. ¹³ Ko ti myajpekytyuna'anudu, ti'igyu yu'u éxtum di'ibu kyu'ijx kyubátudap nidagekyu ja'ayuty. Ja Dios yu'u mbudákdap miidsuty, pes yu'u kyaj mna'ixudat es mbekytyúndat pun kyaj mbaat xymyamada'aktu; nik ni'igu ko myajpekytyuna'anudu, net ja Dios mya'awátsxudat es myajnáxudat wiink tsow.

¹⁴ Paaty magu'ugítuty, katu xymyay'at xywyindsu'ugudu agojwinnáxuty. ¹⁵ N'anuumudu du'un, éxtum ja ja'ayuty di'ibu uyyaygyujk kajxyjyagyujkudap, es miidsuty ku'u mbaat xypayao'oyudu di'ibu yam n'anmaaydyup. ¹⁶ Ko n'ukum ja wínu ma ja káluz, yu'ugyujxm nja'aygyudákum ja Dios, es paaty ti'igyu n'ijtam mut ja Kristu ñe'pyñgyujxm; es ko ndujkwa'xam ja tsajkaaky es nga'ayum, paaty ti'igyu n'ijtam ja Kristu ñini'xkyujxm. ¹⁷ Pes kom tu'uk je'euy ja tsajkaaky di'ibu ndujkwa'xam es nga'ayum; oy njanimay'ajtam, nyajti'igyum ja nini'x tu'uk.

¹⁸ Puktu kwentu ma yu israelitu ja'ayuty. Pánuty jyu'xtap ja je'xy di'ibu tu yajpajta'aky windsu'kun ma ja artal, nayyajti'igudap mudu myugu'uktujk es Dios t'awdattu ma ja windsu'kun. ¹⁹ Kyajts njuna'añ ko yu agojwinnáx es ja tsu'utsy tmudaty ja muk'ajtan. Oy ja tsu'utsy tu jyanejxy windsu'kun ma agojwinnáx, ni wí'ix tsoo kyatagatsy. ²⁰ Yu'uts n'andijpy ko di'ibáty kyaj t'ixy'attu Dios es yojxtap ti oynu'unan, yu'ujuty tyukmuyojxtap ja majku'ujuty, es kyaj yu'udyu Dios, es kyajts ndseky es miits xypputaan xypyuwa'aktat ja majku'ujuty. ²¹ Kyaj mbaat xytyuk'uugudu ja Nindsun'ajtamu kyáliz es xytyuk'uugudu ja majku'ujudyu kyáliz, es ni mbaat mgakay ma ja Nindsun'ajtamu myeesu es nandu'un mgádyut ma ja majku'ujudyu myeesu. ²² ¿O yu'u du'un es nyajjot'ambujkam ja Nindsun'ajtam? ¿Tii wa'anu da udsajtam nmudajtam waanu ni'igu muk'ajtan kadiinam yu'uju?

N'oktu'unum di'ibu yajmujwiin yajkajaajap ja ja'ayu myubujkun

²³ Du'un jyuna'andu: "Nigutiky esats oytyiity ndúnat di'ibuts ndsejpy"; per kyaj tugekyu ttuk'oy'átat, es nan kyaj tugekyu tpuuduku ja ja'ay es jyiky'áttat éxtamu Dios ttseky. ²⁴ Ni pán je'euy tka'uxta'ayut di'ibu yu'u ku'am tyuk'oy'átap, per nandu'un t'uxta'ayut esu wiinkpáty ttuk'oy'áttat.

²⁵ Mbaat xyjuudyu es xyju'x xpyyáktat di'ibu to'kup maayóty, katu xyajtúy ma tsooñ es kyaj yajpekyjyáwat; ²⁶ mut ko tugekyu di'ibu naxwiin yajpátp, Nindsun'ajtam Diosu jya'a'ajtypy.

²⁷ O pun jaa naak di'ibu kyaj yu'udyu Dios muduumbu es mwówdut kaay ukru, es pun miits mnajxándap, ja'x tugekyu di'ibu mmooyudap. Kyaj xyajtáwat ma tpeky es kyaj yajpekyjyáwat. ²⁸ Per pun nidu'uguty mdukmumadyákudap: "Tyadu tsu'utsy yu'u tu yajpajta'aky windsu'kun ma yu agojwinnáxuty", katu xyje'xy, kadiibu tpekyjyáwat di'ibu tu m'ana'umxuty. ²⁹ Yu'uts nmadyakypy es kyaj ja wiinkru tpekyjyáwat, kyaj yu'ujuty es xyppekyjyáwat. Naak mbaat dyajtúy: "¿Ti ko yajpayo'oy kots nduñ di'ibu wiink ja'ay jya'ap peky? ³⁰ Es pun uj nja'aygyudákypypys ja Dios mut ja di'ibuts ngaay n'i'kypy, ¿ti kots xyñi'ow xyñiyaaxu kots ngay n'iiky esu Dios nja'aygyuda'aky?" ³¹ Pes oytyiity di'ibu mdiimpy, pun mgaay m'úktap, o mduundap otyiity, tugekyu xytyúndat es du'un ja ja'ayuty tmuj'ix tmujáwwat ja Dios. ³² Katu ni pán xykyayajnbaxatáku mut ja di'ibu mdiimpy, oyyu'ujuty ja di'ibu israelitu o kyaj 'yisraelítuty, o di'ibu Nindsun'ajtam Jesukristu myuduumbu. ³³ Pes uj, di'ibuts mdiimpy, ja'a es nidagekyu ja'ay t'oyjyáwat; kyajts uj n'uxta'ay wí'ixats ku'am nduk'oy'átat, ja'ats n'uxtaapy esu mayjya'ay ttuk'oy'áttat es du'un t'axájudat ja nitsokan.

11

Wi'ix jya'ay'áttut ja toxytyujkuty ma mabujkputujk ñaymyúkuda

¹ Paaty padundu ja ngajxwíjúnats, éxtams uj nandu'un nbaduñ ja kyajxwíjanu Nindsun'ajtam Jesukristu.

² Mugu'ugitaty, ngumaaydyap mat ko byeenats miits xyjamyatsta es ko xyppanujxta ja xupujkun di'ibu tu nmo'oydyu. ³ Nnsejpyats es xyjagyúkadat ko yu Jesukristu yu'u du'un ñigubajk'ajtypy nidu'uk nidu'ugu yedyujk, esu kasaada yedyujk yu'u du'un ñigubajk'ajtypy ja ñudo'oxy, du'un éxtam ja Dios ñigubajk'áty yu Jesukristu. ⁴ Pun tu'ugu yedyujk kyajxta'aky o tkajxwa'xy ja Diosu 'yayuk kupxa, yu'u du'un kyawindsu'kup ja Jesukristu di'ibu ñigubajk'ajtyp; ⁵ per pun tu'ugu toxytyujk kyajxta'aky o tkajxwa'xy ja Diosu 'yayuk es kyaj ñaygyupe'eñuty, yu'u du'un kyawindsu'kup ja ña'ay di'ibu nigopk'ajtyp. Ko du'un 'yadu'utsy, ñapatypy éxtam tu'ugu toxytyujk di'ibu tu ñaygyukeebuty. ⁶ Pun kyaj ñaygyupe'eñuty ja toxytyujk, nik wa'an ja wyaay tka'pta'ay. Per kom tsoydyu'unu'u mat tu'ugu toxytyujk ko ñaygyuka'pxudat, pes nik wa'an naaygyupe'eñuty; ⁷ per yu yedyujk kyaj ñaygyupa'anudat, mat ko Diosu du'un ñayyanikojtutu es dya'ixudat ja Diosu myuj'ajtan. Ja toxytyujk, Diosu du'un nandu'un pyujtáak es dya'ixudat ja yedyujku myuj'ajtan, ⁸ es ko Dios dyajkojy ja yedyujk es ja toxytyujk, kyaj ja yedyujk oj pyudsemy ma ja toxytyujku ñini'x, ja toxytyujk oj pyudsemy ma ja yedyujku ñini'x. ⁹ Ja toxytyujk oj kyojy 'yabaada mat yu'ugyujxmu yedyujk. Kyaj yu'ajuty ja yedyujk oj kyojy 'yabaada mat yu'ugyujxmu toxytyujk. ¹⁰ Paaty ja toxytyujk ñaygyupa'anudat mat yu'ugyujxm ja ánkusaty, es du'un dya'ixudat ko yu'u ja ña'ay ñaydyukkudúkyuty. ¹¹ Per ma yu Dios awdajtk, kyaj ja yedyujk 'yity pun kyaj pun toxytyujk, es nandu'un kyaj ja toxytyujk 'yity pun kyaj pun yedyujk. ¹² Ja'a ko ja jawyimbú toxytyujk oj pyudsemy ma ja yedyujku ñini'x, pes extu jaa tsondaky nidugekyu ja yedyujk wajmiin yajajtan ja toxytyujk; es tugekyu di'ibu jaa ijtp, Dios pyujtáak.

¹³ Miidsuty ku'am xyjagyúkadat. ¿Tii oy es tu'ugu toxytyujk kyajxta'agut mayjya'ayoty kuwa'adsu? Kyaj 'yoyuty, ¿kudi? ¹⁴ Pes ja ja'ay di'ibu jaayum tyuundap xytyuk'ijxam ko tsoydyu'unu'u ko yu yedyujk dyaj'yoon ja wyaay; ¹⁵ per kyaj dyu'unuty ja toxytyujk, tyukmuj'ajtypy ko wyaay dyaj'yoon, mat ko Diosu du'un tu myo'oyuty ja wyaay yeen es dyajnitukut ja kyubajk. ¹⁶ Pun jaa naak di'ibu kyaj t'axajuya'añu tyadu xupujkun, ñijawudap ko nidugekyu uudsaty, apóstulaty, nya'xupúktats du'un, es ja'a du'un éxtam jaayum ttundu oytym maadyu mabujkputujk ñaymyúkuda.

Kyaj 'yoyuty ko ja mabujkputujk tkamuj'ixtu ja Nindsun'ajtamu 'ya'ux

¹⁷ Per jatuk peky di'ibu nduknija'ayudap, kyaj mbaat ngumaydyu, pes du'un kyaxe'eky ko ma mnaymyúkuda esu Dios xy'awdátut, axuuk mnaydyúnudu ma jyapaadyuty yajxon. ¹⁸ Pes tim jawyiin, du'unats xytyukmumadya'aktu ko ma mnaymyúkuda es xy'awdata'andu Dios, mnaywya'xudap miidsuty. Es tuj'ajtan jyawu tyaaad. ¹⁹ Pes du'un jyaty es ya'ixat wa'atsti'knu púnudyu du'un myuúimpy ja Dios. ²⁰ Ko miits mnaymyúkuda es m'a'ux'ata'andu ni'amuku, kyaj 'yokja'a'ajnu ja Nindsun'ajtamu 'ya'ux. ²¹ Mat ko ma mgaya'andu, nidu'uk nidu'uk jyawyiin'aty tñixaju kya'ay 'yukun maanum naaguty 'yakwa'umdu mudu yuu, es naaguty extu nayyajmúknup. ²² ¿Tii kyaj miits xymyudattu mjuun mdajk ma mgay m'uukt, es du'un kyaj xywyindsu'ugudu ja Diosu jya'ay es xyajt-soydyúnda ja di'ibu kyaj ti tmudaty tjagyepy? ¿Wi'ix n'anuumudat? ¿Tii njuna'anapts ko oy di'ibu mduundap? ¡Mudu tyaaad, ni wi'ix tsoo mbaat!

Nindsun'ajtamu 'ya'ux

²³ Mat ko yu Nindsun'ajtam Jesukristu xymyooyuds tyadu xupujkun di'ibu tu nmo'oydyu. Nan ja koots ma ja Nindsun'ajtam Jesukristu oj yajkayakánu, ta tkone'ky ja tsajkaaky, ²⁴ es ko tja'aygyudáky ja Dios, ta oj ttujkwa'xy es jyunañ: "Tyadu nnini'xats yu'u du'un es xytyuk'oy'áttut miidsuty. Tundu du'un éxtamsu njamyajtsun." ²⁵ Es nandu'un ma 'ya'ux'ajtaay, ta tkone'ky ja káluz mudu vinu es jyunañ: "Tyadu vinu yu'u du'un ja nne'pyñ di'ibu yajnaxkudákyry ja jembyu kajxy'átypy. Tugok tugok xy'uuktat, tundu du'un éxtamsu njamyajtsun." ²⁶ Pes du'un tugok tugok xykyádyut tyadu tsajkaaky es xy'uuktat ja tyadu vinu, ja'a du'un mnigajxtap ja Nindsun'ajtamu 'yo'kun extu ko myinatnam.

Wi'ix yajtúnut ja Nindsun'ajtamu 'ya'ux

²⁷ Paaty oytym pánuty di'ibu kyaabyu tadu Nindsun'ajtamu tsajkaaky es t'iigyu tadu Nindsun'ajtamu vyinu éxtam oytym di'ibu ka'ay úkanuty, kyamuj'ijxyry du'unu Dios es tmudogoy ja Nindsun'ajtam Jesukristu ñe'pyñ esu ñini'x. ²⁸ Paaty ma xyñixajuya'anat ja tsajkaaky es ja vinu, nidu'uk nidu'uk jawyiin mnaybyawinmáyuudu pun tu xymyastu'uttu ja mbeky, taanum xyñixájudat ja tsajkaaky es xykyádyut es xy'uuktat ja vinu. ²⁹ Mat ko pun kyaj nbawinma'ayum ti 'yandijpy ja Nindsun'ajtamu ñini'x ko nga'ayum ja tsajkaaky es n'úkum ja vinu, ma yu'unu du'un myiñ ja tadyu'unun di'ibu Dios yajkypy. ³⁰ Paaty

nimay miits mbákúdu es mbag'i'ixtu, es niganaguty tu 'yooktu. ³¹ Per pñn ʔdsajtm jawyiin nmaybyawinma'ayum ku'um, kyaj n'axájum ja Diosu tyudyu'unun. ³² Ko yu Nindsun'ajtm xytyukkumado'om, ja'a du'un es xyjujwjtsumbjtm, kadiibu ja tyedyu'unun xpyyátum ti'igyú mut pñnydu naxwiñdu winma'añ ja'a'ajtm dñp.

³³ Pes du'un mugu'ugítuty, ko mnaymyúkúdu má m'a'ux'atá'andu tukmuku, nay'awixúdu es m'amukúduya'aydyat, net m'a'ux'áttat. ³⁴ Es pñn ja pñn yu'o'kunu, wa'an tkay má tyujkm, es du'andsoo kyaj pyaádudu ja tyedyu'unun má mnaymyúkúdu. Es ko nájx ngu'ixtu, net n'ak'awánúdu wiinkpu di'ibáty myajtm dñp.

12

Madakan di'ibu ja Espiritu Santu yajkypy

¹ Mugu'ugítuty, ndsejpyuts es xyñijáwúdu mut ja madakan di'ibu ja Espiritu Santu yajkypy.

² Mnija'adup ko maanumu naty kyaj mDiosmádundu, mnaydyukwooma'tudu ago-jwinnáx uum. ³ Paaty ndsejpyuts es tyam xyjaygyúkúdu ko ni pñn di'ibu ja Diosu jya'ajtm mooyudup ja winma'añ es jyuna'anat: "Kajxpéky ja Jesús." Es ni pñn mbaat kyajuna'añ: "Jesús yu'u du'unu Nindsun'ajtm", pñn kyaj ja winma'añ myo'oyuty ja Espiritu Santu.

⁴ Taa kanak nax ja madakan, per naydyi'igyú ja Espiritu Santu di'ibu madakan yajkypy.

⁵ Taa kanak nax wi'ix nmúdu'unum ja Nindsun'ajtm, per ti'igyú du'un je'eyu Nindsun'ajtm di'ibu nmúdu'unum. ⁶ Taa kanak nax tuunk di'ibu mák'ajtm mut yajtuñ, per ti'igyú ja Dios di'ibu múdu myak'ajtm yajtuñ tugekyu tugekyu. ⁷ Ja madakan di'ibu Espiritu Santu xymyo'oyum nidu'uk nidu'uk, ja'a du'un es nduk'oy'ajtm ni'amuku. ⁸ Naaguty myo'oyudu ja Espiritu Santu ja wjy'ajtm, esu naaguty myo'oyudu ja Espiritu Santu es kyajxtat múdu jaygyujkm. ⁹ Nan yu Espiritu Santu mooyup naaguty ja mabujkm, es nan yu'u naaguty mooyudup ja madakan esu puma'ay dya'aguda'aktat, ¹⁰ es nan yu Espiritu Santu mooyudup naaguty ja madakan es dya'ixúdu ja myuj'ajtm, es yu'u du'un nandu'un myeepy naaguty ja madakan es tmdya'agut ja Diosu 'yayuk di'ibu tu t'axaju, naaguty yajmo'oydyu ja madakan es t'axkápat di'ibu ka'oybu jya'a'ajtyy es di'ibu jya'a'ajtyy ja Dios, esu naaguty yajmo'oydyu ja madakan es tkajxt wiinkpu ayuk es naaguty yajmo'oydyu ja madakan es tkajxtuda'agut ti dñn yajmadyákp má tadu ayuk. ¹¹ Per tugekyu tyadu madakan, yu'u du'un yajkypy ja Espiritu Santu es yu'u du'un nandu'un yajwa'xypy ja myadakan má nidu'uk nidu'uk éxtum yu'u tteky.

Du'un n'ijtm madu Kristu éxtum tu'ugu nini'x

¹² Yu nini'x kanak peky tmdaty. Tam ja ku'u, tam ja teky es tam ja wiingátyy, per ti'igyú ñini'x'áty. Nandu'un jajtp ja Kristu mut ja jya'ay. ¹³ Es mut ko tu ʔdsajtm nidugekyu nñabajtm mut ja Espiritu Santu es n'ijtm éxtum je'eyu tu'ugu nini'x, oy n'israelitu'ajtm o ngrieegu'ajtm, oy kujuybyun o éxtum awa'atstuuybyun, nidugekyu nñabajtm ko Dios tu xymyo'oyum ja Espiritu Santu, ja'a njuna'anum ko Dios xyajtu'ukmujkm múdu Jesukristu éxtum tu'uk je'eyu nini'x.

¹⁴ Tu'ugu nini'x kyaj tyi'igyuty je'eyu tuk peky, kanak peky yu'u. ¹⁵ N'okpajtkam kooxyup ja teky jyuna'añ: "Mut ko kyajts uj ngu'ujuty, paaty kyajts uj nyu'ujuty ja nini'x", du'añum wye'emey es jya'a'átyuty ja nini'x. ¹⁶ O ja tátskxyup jyuna'añ: "Mut ko kyajts uj nwiinuty, paaty kyajts uj nyu'ujuty ja nini'x", oytym wi'ix tsooty wu'ambum jya'a'átyuty ja nini'x. ¹⁷ Pes pñn yu nini'x ijtp amuum ak wiin, ¿wi'ix mbaat myúdu? O pñn yu nini'x ijtp amuum ak tatsk, ¿ni'ix mbaat ti xiiigyuty? ¹⁸ Peru Dios tu tpujta'aky nidu'uk nidu'uk éxtum pyaadyuty má yu nini'x éxtum yu'u ttejky. ¹⁹ Kooxyup yu'uy y'ity ja wiin, o tatsk, o yu ku'u, kyajxyup ñaymykyuty yu nini'x. ²⁰ Paaty tsojkup kanak peky es tyu'ukmúkat tu'ugu nini'x.

²¹ Paaty kyaj mbaat ja wiin t'anum yu ku'u: "Kyajts mij xytyu'unxaty." Es ni yu kubajk mbaat tka'anum yu teky: "Kyajts mij xytyu'unxaty." ²² Kyaj mbaat du'un njuna'anum, mut ko yu yi'in waanudu di'ibu ijtp nini'xkyuxm, yu'u nik ni'igu tyuñ; ²³ es má nini'x kyaj nmujpajtkam, ngu'uy nyu'tsum tsuj. Es di'ibu kyaj mbaat 'yity iix nide'xy, yajnipa'amp múdu wit. ²⁴ Per di'ibu nnasja'am iix nide'xy, kyaj du'un tsyékyuty es yaj'yu'udsat o yajnipa'anat. Pesu Diosu du'un pyujtak ja nnini'x'ajtm es nmujpajtkam di'ibu ngu'uy nyu'tsum yajxon, ²⁵ es du'un kyaj kyuxu'egudu tsip má yu nini'x. N'okpajtkam, yu teky kyaj tsyiptuñ mut ja ku'u, o wiin mut ja tatsk. Pes tugekyu tyaádu nybyudujkudup nixim niyam. ²⁶ Ko nidu'uguty yu'ujuty 'yayowdu, nidugekyu wiinkpúty 'yayooda'aydyu nandu'un. Ko kyuxe'eky ko tuk peky tsuj, nidugekyu jyotkujk'ajtta'aydyu.

²⁷ Pes miidsudyu du'un ja Kristu ñini'x, es mbaat njuna'anum ko nidu'ugáty du'un éxtum ja kanak naxpu di'ibu tuump má tyadu nini'x. ²⁸ Du'un ja Dios tu tpujta'aky má ja mabujkpatujkuty nidu'uk nidu'uk mut ja tyuunk éxtum pyaadyuty. Tim jawyiin tpujta'ky ja apóstulaty; ja myumajtskpu tpujta'ky ja di'ibáty kyajxwa'xtup ja Diosu 'yayuk; ja myudugukpu tpujta'ky di'ibu Dios ja 'yayuk tyuk'axpajktup; óknum tpujta'ky di'ibu tyuundup

ja muj'ajtun, ja di'ibu ya "agudáktap ja puma'ay, ja di'ibu pyudajkadap ja di'ibu tugoy'ajtxap, ja di'ibu winma'añmyoodyap o ja di'ibu kyajxtap wiinkpa ayuk.

²⁹ ¿Tii apóstuluty ni'amuku? ¿Tii ni'amuku tkajxwa'xtu Diosu 'yayuk? ¿Tii tuk'axpajktap ni'amuku ja Diosu 'yayuk?, ¿o tyuundap ni'amuku ja muj'ajtun? ³⁰ ¿Tii myudajttap ni'amuku ja madakun es dya"aguda'aktat ja puma'ayuty? ¿Tii kyajxtap ni'amuku ja wiinkpa ayuk? ¿Tii kyajxtudáktap ni'amuku di'ibu 'yandijpyu tadu ayuk? Kyaj, ¿kadii? ³¹ Mujjottugódyu es xy'axájjudat ja Espiritu Santu myadakan di'ibu waanu ni'igu 'yóyuty, es n'aktukni'ixyuyándabu tadu na'u tu'u di'ibu ni'igu 'yóyuty.

13

Tsojkan

¹ Kooxyupts uj ngajxy ja ayuk kanak nax, es extu anklas ja 'yayuk, es kyajts nmudaty ja tsojkan mut oytyim pánuty, du'anxyupts uj éxtum tu'ugu tambooran o tu'ugu platiyu di'ibu je'eyu nugoo ñe'emy. ² Es pun ngajxwa'xypyuts ja Diosu 'yayuk, es pun njajy-gyujkadyaabyuts pun ti ja'ay ñija'a kyanija'adap, es pun nmudajtypyuts kajaa ja mabujkan, es extu xymyamadoodabts ja tun kopk kooxyupts n'anuumu: "Nujx wiink tsoo", per pun kyajts nmudaty ja tsojkan mut oytyim pánuty, ni tiixyupts uj ngatsooty. ³ Pun nyajwa'xypyuts uj tugekyu di'ibats uj nmudajtypy njaygyejpy, es pun extu ngyajkypyuts ja nnini'x es yajno'ogut éxtumu windsu'kan, per pun kyajts nmudaty ja tsojkan mut ja wiinkpaty, ni madsoots xykyatu'unxaty.

⁴ Di'ibu myudajtypy ja tsojkan, myudajtypy ja ma'xtujkan es oyjya'ay'áty, kyaj ti ñaywyinnaxajawu, kyaj moyj pyaada, kyaj jyoramáuty, ⁵ kyaj 'yago'oogyajxaty, kyaj t'uxta'ay di'ibu yu'uyu tyuk'oy'átap ku'am, kyaj wyin'áuty, kyaj ti tyukwin'ixy tyukjajp'ixy, ⁶ kyaj xyonda'aky ko ja yu wiinkpaty pyekytyundu, yu'uyu je'eyu tyukxondakypu ja tuj'ajtan. ⁷ Di'ibu myudajtypy ja tsojkan, du'añum ttuñ ja oybyu, du'añum myabeky, du'añum jyuip'ixy es du'añum myuma'xtiky. ⁸ Yu tsojkan ni na'a kyakugáxat; per najxpu'u ko ja'ay tkajxwa'xtu ja Diosu 'yayuk, ko ja'ay tkajxtu kanak naxpa ayuk, es éxtum ti tyam nnija'am. ⁹ Mut ko di'ibu nnija'am, waandi'knu yu'u; es di'ibu ngajxwa'xum ja Diosu 'yayuk, je'eyu yu'u waanu ma yu tadu tuj'ajtanu ka'pxyru; ¹⁰ per ko n'ixy'ajtam éxtumu du'an kya'pxyuty, net di'ibu dan waanu tyimtugooodya'ayut.

¹¹ Kots uj n'una'ku'un'ajty, kajxuts es winmaayuts éxtumu una'ku'ungun; per kots tu nya'knu muj'u'unk, taats tu nmastutnu una'ku'un'at. ¹² Nandu'an jajtpu du'an tyam, n'ijxum éxtum tii wiix wooxpnu, éxtumu ijxnu wingootspu, per óknum n'ixa'anum wa'ats. Tyam je'eyuts nnijawu waanu, per nnija'adya'ayaambyuts tugekyu, du'an éxtumu Dios tnija'adya'ay wi'ixuts n'ity. ¹³ Pes du'an yu mabujkan, yu jajp'ijxan esu tsojkan ijttau; peru di'ibu du'an jawyiin ma tyadu tuguakpu, yu'u du'an ja tsojkan.

14

Wiink ayukyajakjxy

¹ Uxta'aydyu ja winma'añ wi'ix du'añum mjiky'áttut mut ja tsojkan, es nandu'an es xymyudáttut ja madakan kanak peky, per waanu ni'igu es xykyajxwa'xut ja Diosu 'yayuk.

² Ko naagaty miits xymyadya'akta wiinkpa ayuk, Diosu du'an je'eyu mjajgyujkxadap, mut ko ni tu'uk miits xykyajygyúkudu, oy ja m'anmaja'an kyajxtap di'ibu kyaj ja'ay yajni'jawnu. ³ Nik ni'igu di'ibu kyajxypy ja kyu'am ayuk es tkajxwa'xy di'ibu Dios tuknija'ap, tyaada sitay kyajxwa'xypy ma ja di'ibu myudoodap, es yajmujwiinap ja myabujkan, jyotmekmeery es yajjotkujkpu. ⁴ Di'ibu kyajxypy yu wiinkpa ayuk, yajmujwiinap ja kyu'am mabujkan. Ja di'ibu kyajxwa'xypy ja Diosu 'yayuk, yajmujwiinap ja myabujkanuty pánuty mudo'o'ijtudap.

⁵ Uj jajnaambats kooxyup nidugekyu miits xymyudattu ja madakan es xykyajtxuxyup ja ayuku wiinkpa. Per waanu ni'iguts njatseky esxyup xykyajxwa'xtu ja Diosu 'yayuk es du'an di'ibáty myudoodap ma mnaymyúkudu dyajmujwiinadu myabujkan. Pes waanu ni'igu 'yóyudyu tyaada kadiinam ko ngajxum ja ayuku wiinkpa ma ni ngadimnija'am ti dan 'yandijpy ma tadu ayuk. ⁶ Paaty mugu'ugituty, pun ngu'ijxtap miits es nmugajxtat mut ja ayuk di'ibu kyaj xyajygyúkudu, ni madsoo mgatu'unxudat miidsuty. Miits mdu'unxudap je'eyu ko n'awánudat mut ja mgu'am ayuk di'ibu Diósuts uj xytyuknija'ap, o pun nmeery ja Diosu 'yuxpajkan esu kyajxwijn.

⁷ N'okpajtakum yu xuxn o yu kow, éxtumu tsajkapyñxyúxn o yu arpu, pun kyaj xyuxtugatsy kyoodugátsy, kyaj mbaat yajmawinma'añbyaaty ti dan yajxúxp o yajkoop. ⁸ Es ma yu soldaadu tsyiptuna'andu, pun ja trompetu kyaj yajtukxu'uxy wa'ats, ni pun kyanajyujp'ixudat es tsyiptuna'anat. ⁹ Du'an jajtpu du'an mut miidsuty ko xykyajxtu ja ayuk di'ibu kyaj pán tjajgyuku di'ibáty myudoodap, ¿wi'ixu ja'ay tni'jawudat ti miits mgajxtu? ¡Pes nugoo mna'axkajxtu!

¹⁰ Ta mayñaxu ayuk naxwiñ di'ibu ja'ayuty 'yayuk'ajttap, es tugekyu tmudaty ja ñiwiñ ñidu'u. ¹¹ Per pun uj kyajts njaygyuku ja ja'ayu 'yayuk di'ibats xyjamugajxp, du'un ñaxu tadu ja'ay mut uj éxtam di'ibu miimp wiink naxwiñadu, es uj nandu'unuts nnaygyoyuty mut yu'u éxtamu di'ibu miimp nan wiink naxwiñadu. ¹² Paaty éxtam miits xyjantsyotyktu xy'axajyua'andu ja Espírítu Santu myadakan, amdow pújksów yu Dios es mmo'oyudat tadu madakan di'ibu mut xytyudúkadat ja mmamubujkpty es xyajmujwiinudat ja myubujkan. ¹³ Paaty pun miidsaty nidu'uk mgajxtap ja tugatsypyu ayuk, m'amdow mbujktsówap ja Dios es mmo'oyudat ja madakan es xykyajxtuda'agut di'ibu dan mgajxypy ma tadu m'ayuk. ¹⁴ Pun kajxtákrpts mut tu'ugu wiinkpu ayuk, kajxtákrpts mududsu n'anmujaja'an, per kyajts njaygyuku ti dan ngajxypyuts. ¹⁵ ¿Tits ndúnup? Kajxtákrpts mut ja n'anmujaja'anuts, per nandu'un mut ja nwinma'añuts. N'áwupts ja Diosu 'yalabanzu mut ja n'anmujaja'anuts, per nandu'un mut ja nwinma'añuts. ¹⁶ Mut ko pun mij m'awdajtypy ja Dios je'eyu mut ja m'anmujaja'an mut ja wiinkpu ayuk, ¿wi'ix mbaat ja ja'ay di'ibu kyaj tjaygyuku jyuna'añ "wa'an du'unuty" ko mgajxtakta'ay, o wi'ix mbaat mgajxtakmíky mut yu'u pun kyadimnija'ap ti dan mgajxypy? ¹⁷ Oy jyantsyúyuty ko mij Dios xyja'aygyuda'aky, ni ti pudujkan xykyamo'oy yu mmamubujkpty, ja'a ko kyaj mjaygyujkxuty. ¹⁸ Nja'aygyudákyptyuts ja Dios ko uj ngajxypyuts ja ayuku wiinkpu ni'igu kudiinam nidugekyuty miidsaty. ¹⁹ Per mats nnaymyíkyuty n'awdata'andats ja Dios, nik óyuts ngajxt mugoxku n'ayúkuts mut ja njaygyujkanuts di'ibu ja'ayuty jyaygyúkadap es pyudúkadat, kudiinam kots ngajxt majk milu ayuk di'ibu kyaj yajjaygyúku di'ibu 'yamudoonajxtap.

²⁰ Mugu'ugítuty, katu mwinmaydyu éxtamu uná'ku'ungun, je'eyu ko xykyalo'nyíjáwadu wi'ix xytyúndat di'ibu axuuk. Per ittu éxtamu ja'ay di'ibu tu yeeky tu pyety ko oy xypyayo'oydyut. ²¹ Pes du'un jyuna'añ ja Dios ma jyaabyajtan: "Wiink ja'ay es wiink ayúkuts uj nyajtúnup, ndukkajxnáxupts uj ja n'ayúkuts ja jagam ja'ayuty ma tyadu nax kajpn, per ni du'unuts ja n'ayuk tkamubaktu", du'un jyuna'añ ja Nindsun'ajtam. ²² Tyaadu yu'u xytyukjagyujkam ko Dios xymyo'oyum ja madakan es ngajxamu wiinkpty ja ayuk éxtamu íjxwu'umun ma yu di'ibu kyaj yu'udyu Diosu myuduumba, per yajkypy ja madakan es ngajxwa'xam di'ibu xytyuknija'am es nduk'oy'ajtam di'ibáty myubujktap, kyaj jya'agyujxmuty pánuty kyaj Dios tmubaktu. ²³ Oyu du'un, n'okpújtákm pun miidsaty tu mnaymyúkudu, es tyákudat naak di'ibu kyaj yu'udyu mmamubujkpu o kyaj ti tñijáwadu ja Diosu 'yayuk, es mbaadudat nidugekyu mmadya'aky mut ja wiinkpu ayuk, ¿tii kyaj jyuna'andut ko miits tu mlókudu? ²⁴ Per pun myajpáttap xykyajxwa'xtu Diosu 'yayuk es tyáut naak di'ibu kyaj yu'udyu mmamubujkpu o kyaj ti tñijáwadu ja Diosu 'yayuk, es ko tjaygyúkadu mgajxyuty, ta nuix tjaygyuku ja pyojpu es ku'am nuix dyaj'yo'oy ja wyinma'añ ko tmudówat tugekyu di'ibu miits mmadyáktap, ²⁵ es du'un ñidu'xut di'ibu jyot'ajty wyinma'añ'ajtypy. Ta ñaygyoxtnaaydyu'agudat es t'awdátat ja Dios, es jyuna'anut ko jyantsy'ity ja Dios ma miidsaty.

Tandu tugekyu tuda'aky es éxtam pyaadyuty

²⁶ Mugu'ugítuty, di'ibats uj n'andijpy, yu'u tyaadu: Ko mnaymyúkudat es xy'awdata'andut ja Dios, tam di'ibu áwdap, tam di'ibu kyajxwa'xtap ja Diosu 'yayuk o di'ibu Dios tuknijáwudap, tam di'ibu kyajxtap ja ayuk di'ibu kyaj yajjaygyúku, o di'ibu kyajxtuda'aktap di'ibu ja wiinkpty tu tkajxtu; es tugekyu tyaadu, du'un xytyúndat es dyajmujwiin dyajka-jaadu myubujkan pánuty myubujktap ja Jesús éxtamu Kristu. ²⁷ Ko pun tkajxtap ja wiink ayuk, wa'an je'eyu nimajtsk o nidugauk tkajxy, es nidu'ugaty kyajxt, esu wiinkpu tkajxtuda'aktat di'ibu mmadyáktap. ²⁸ Pun kyaj jap pán di'ibu mbaat tkajxtuda'aky, kyaj pán tkajxtap ja wiinkpu ayuk ma mnaymyúkudu, ku'am xymyugajxtap ja Dios ma anaydu'uk m'ittu. ²⁹ Wa'an tkajxy majtsk o tugauk di'ibu 'yaxájudap ja Diosu 'yayuk, esu wiinkpty wa'an tmudoo'ittu es tpawinmádyut pun oy o kyaj 'yóyuty di'ibu tyaadaty myadyáktap. ³⁰ Es pun jam nidu'uk 'yu'uñu tmudoo'ity 'yaxájap nandu'un tu'ugu Diosu 'yayuk, wa'an t'awixy di'ibu jam kajxp, es 'yokkajxt yu'u. ³¹ Mut ko nidugekyuty miidsaty mbaat xytyuknija'awadu ja ayuk di'ibu Dios tu mmo'oyadu, nidu'uk nidu'uk situy. Net nidugekyu tjáttat es jyotmak'áttat. ³² Yu Espírítu Santu myadakan pyatka'uy 'yity mut ja di'ibáty 'yaxájadu, ³³ mut ko Dios yajkypy ja agujk'ajt jotkujk'ajtan, kyaj oywyi'ixuty ti ttuñ.

³⁴ Éxtam oytim maaty ja Diosu jya'ayuty ñaymyúkudu, yu toxytyujkuty amoondap. Kyaj pyaadyuty tyukkajxudat. Wa'an tnaydyukkudúkudu ja ña'ayuty, du'un éxtam jyuna'añ ma yu Diosu jyaabyajtan. ³⁵ Pun ñijawyaampy ti oynu'unun, wa'an dyajty ja ña'ay ma yu tyujk. Mut ko kyaj oy kyuxe'eky ko tu'ugu toxytyujk tyukkajxu ma ja mubujkptyujk ñaymyúkudu. ³⁶ Byeen xytyimpáktadu kwentu ko yu Diosu 'yayuk kyaj tsyondaky mut miidsaty, es ni miidsadyu dan je'eyu xykyal'axájadu.

³⁷ Pūn ja nāqk űayjyāwaty tmadaty ja madakun es tkajxwā'xut ja Diosu 'yayuk, o tmadaty ja wiinkpū Espīritu Santu myadakun, wa'an tjaygyuku ko di'ibu yam miits nduknija'ayudap, yu'u dū'an tu'ugu Nindsun'ajtamū 'yana'amun. ³⁸ Pūn kyaj tmūjpujta'aky, kyaj nandū'un yajmūjpujta'agut.

³⁹ Pes dū'un mūgu'ugitaty, uxta'aydyu ja winmā'añ wi'ix myajmada'agudut es xykajxwā'xut ja Diosu 'yayuk, per katū xyajkubēky pūn jaa naaguty tkajxwā'xy mut ja wiinkpū ayuk. ⁴⁰ Tundū tūgekyu tuda'aktyi'knū es ēxtam pyaadyaty.

15

Tūy'ajtan ko Kristu jyikyppyeky

¹ Mūgu'ugitaty, n'aktukjamyajstap ja oybyu ayuk di'ibu tū n'awānūdu, di'ibu miits m'axājūdu es di'ibu mūut amumdu'uk xymyūbuktu yū Nindsun'ajtam. ² Nandū'un mut yu'ūgyūjxmu tyādū ayuk miits mnitso'oktut pūn m'akpaduundap di'ibu tū n'awānūdu; es pūn kyaj xy'okpaduunna, nanūgoobū tū xymyūbuktu.

³ Di'ibu tim jūjp'ām oj n'axaju es miits nduknijāwūdu, ja'a ko Jesukristu 'ye'ky mut űdsajtamū nbojpu'ajtam, ēxtam jyūna'añ mā ja Diosu jyaabyajtan; ⁴ es ko dyajnaxtūjkūdu, es ko jyikyppyeky ja kyumdugak xūn, ēxtam jyūna'añ ja Diosu jyaabyajtan, ⁵ es ko kyaxē'ky mā ja Peedru es ōknūm mā ja apōstaluty, ⁶ ōknūm kyaxē'ky nimūgoxk mūgo'px naxy ja nmūgu'uk'ajtam wyinduuy. Māyū tadū nmūgu'uk'ajtam 'yākijky'attu, es tam di'ibu tū 'yo'knūdu. ⁷ Ōknūm kyaxē'ky mā yū Santya'agu, es nan net mā nidūgekyu apōstaluty.

⁸ Tim ōknūm ko tyāadu, nandū'un n'ijxyuts űj, ēxtamxyupts űj jawyūin o ōknūm nmiūñ nja'tyuts yā naxwiūñ. ⁹ űjtsu dū'an ēxtam tim űx'okpū mā yū tadū apōstaluty, es ni jē'yuts xykyanitaku esuts xy'anūmūm apōstalu, ja'a kots űj nbajudijtyuts yū Diosu jya'ayuty. ¹⁰ Peru Dios tats xymyay'aty xykyūni'xy esuts xyjyūjtāky ēxtam apōstalu. Per kyaj tū űjxy nanūgoobū, pes nik tats ndūñ ni'igu kūdiinūm yu'u nidūgekyuty; ōyuts oj ngatūñ mūdūdsū ngu'am mūjāa, mut ja myay'ajtangyūjxm ja Dios tū xyjyudaku. ¹¹ Kyaj tū tsyēkyuty, oy űj o yu'ūjaty tū tkajxwā'xtu, ti'igyu yu'u di'ibu yajkajxwā'xp, esū tyāadu dū'an di'ibu miits nmūbūjktap.

Jyikyppyuktu ja o'kpu

¹² Pes mut ko űdsuty, apōstaluty, tū ngajxwā'xtuts ko yū Jesukristu jyikyppyeky ko 'ye'ky, űwi'ix ko nāaguty miits mjūnā'andū ko yū o'kputy kyaj jyikyppyuktu? ¹³ Pes pūn kyajpu jikyppyūjkan mā yū o'kūn, nan kyajpu dū'an ja Jesukristu jyikyppyeky. ¹⁴ Es pūn kyajpu Jesukristu jyikyppyeky, kyaj tyūñ di'ibu ngajxwā'xum, es nan kyaj tyūñ di'ibu nmūbūjkan. ¹⁵ Es pūn dū'anū dū'an, űdsuty, ja apōstaluty, ka'ādūpts ēxtamū andākputy, ja'a ko tats n'okjūnāqambūdu ko yū Dios jajikyppyūjkan ja Jesukristu; es pūn andakun ja'a ko Kristu jyikyppyeky, nan andakun ja'a ko ja o'kputy jyikyppyuktu, ¹⁶ mut ko pūn kyaj yū o'kputy jyikyppyuktu, pes nan kyaj yū Dios tū dyajjikyppyeky ja Jesukristu. ¹⁷ Es pūn ja Kristu kyaj jyikyppyeky, kyaj tyūñ di'ibu miits nmūbūjktap, es pekyoty m'ak'ittu, ¹⁸ es nandū'un tyūgooydyū nidūgekyu ko 'yo'ktu di'ibu pyaduundū Jesukristu. ¹⁹ Pūn yaayū mā tyādū jiky'ajtan yā naxwiūñ nyajtu'unam ja Jesukristu myūbūjkan, di'ibāty kyaj tmūdūndū Jesukristu mbaqt jyūna'andū mut ja tūy'ajtan: "Pūroobū taaduty."

²⁰ Per di'ibu tim tūy'ajtan, ja'a dū'an ko yū Jesukristu jyikyppyeky ko 'ye'ky. Dū'an ja'a ēxtam ja pūjta'aky di'ibu jawyūin tūmp'ajtp. Pāadyū dū'an mut yu'u xytyuknija'am ko yū di'ibāty tū 'yo'knūdu jikyppyūktap. ²¹ Pes dū'an ēxtam tu'ugu yedyūjk dyajtsondāky ja o'kūn naxwiūñ, nandū'un tu'ugu yedyūjk dyajtsondāky es ja o'kputy jyikyppyūktat. ²² Di'ibuts nmadyakypy, ja'a dū'an ko nidūgekyu ja'ayuty 'yooktu mut ko tyūmp'āt 'yāqts'ātūdu Adān, es nandū'un di'ibāty 'yaxājūdp ja Jesukristu ēxtamū Yajjitsōkpu, Dios yajjikyppyūkdūdp. ²³ Per nidū'uk nidū'uk ēxtam pyāādūdu: Jesukristu dū'an jikyppyūjkan tim jawyūin; es ōknūm ko yū Jesukristu myūnūt, di'ibāty yu'u jya'a'ajtypy nandū'un jyikyppyūktat. ²⁴ Ta jya'tut ja tiempū mā ja Jesukristu ttukku'adūkat ja Dios Teety ja kyutūjkan mā naty tū dyajkutūgōy nidūgekyu wiinkpūdyū ana'ambūty, kutūjkanūty es pūnūdyū madakun myūdjattp. ²⁵ Ja'a ko yū Kristu koonam yajkutūktat extū ko 'yana'amūn patku'ūy tpujta'agut ja myūdsip. ²⁶ Es ja okpū mūdsip di'ibu Dios yajkutūgoyaaampy, yu'u ja o'kūn. ²⁷ Mut ko ja Diosu jyaabyajtan jyūna'añ ko Dios tū tpujta'aky ja Jesukristu 'yana'amūn patku'ūy oytyim di'ibūty. Kyaj ndukmūwūjtsam ja Dios, mut ko Diosu dū'an pyūjtākū tūgekyu Kristu 'yana'amūn patku'ūy. ²⁸ Es ko tyāadu tūgekyu yajpūjtaktāay Jesukristu 'yana'amūn patku'ūy, net kū'mū Jesukristu, ja Diosu 'yU'unk, űayyākūdat mā Dios, di'ibu pyūjtākū tūgekyu Kristu 'yana'amūn patku'ūy, es dū'an ja Dios tmūdajitta'ayut tūgekyu 'yana'amūn patku'ūy oytyim di'ibūty.

²⁹ Es pūn tūy'ajtan ko yū o'kputy kyajikyppyuktu, űti ko ja'ayuty tkunūbātūdu di'ibāty o'ktu jāūbety? ³⁰ űEs ti ko űdsuty dū'añmū nny'ayo'onmo'oyūdu kots nmūdūñ ja Jesukristu?

³¹ Bom bōmats n'ity o'kūn jūjp'ām. Tūy'ajtanū tyāadu, mūgu'ugitaty, ēxtamts nandū'an

tuy'ajtanu'u kots ndukjotkuda'aky kots miits nbujta'aktu éxtamu myubujkpa Nindsun'ajtam Jesukristu. ³² ¿Tits uj nbuk nbaadat ya naxwiiñ kots ndsuptuñ ya Éfesu mat ja di'ibu du'an éxtamu awa'an juyujkan? Pes kooxyp tyuy'ajtanuty ko ya o'kpaty kyaj jyikyppyeky, nik oxyxyp njuna'anum éxtam naaguty jyuna'andu: "N'okka'ay n'ok'úkum je'eyu. Aya bom n'o'kam."

³³ Katu mnayákyuty myajwin'uumut. Tuy'ajtan éxtam jyuna'añ tu'ugu ayuk: "Yu axuukpa jamyuat yajma'tyry ja oyja'ay'át." ³⁴ Yajjambitta miidsu mjiky'ajtan tuy'ajtan muut, es katu mnakypyekytyundu, pes naaguty miidsuty kyaj xy'ixy'attu ja Dios. Tu'ugu du'an amutsoydu'un kodsu du'an miits n'anuumadu.

Wi'ix ja o'kpa jyikyppyuktu

³⁵ Per jaa da naak xyajtáwdats: "¿Wi'ix jyikyppyáktat ja o'kpaty? ¿Wi'ixu ñini'x 'yixyuty di'ibu myudáttap?" ³⁶ ¿Nugoo m'okkujuun'ajnadu mat ja di'ibu xyajtáwdats! ¿Tii kyaj xyñijáwadu ko tu'ugu tuamt yajni'ipy, koonam tyugatsy jap naaxóty es tyuk'yoondu'uty, es yeeky pyety? ³⁷ Ja'a ko di'ibu mujxp es pyademy nax wingujxm, kyaj dyu'unuty éxtam 'yixyuty ko tu yajni'ipy o yajwujy, oy yu'adyu triigu o wiinkpa tuamt. ³⁸ Oknam ja Dios tmo'oy ja tuamp yu 'yijxan éxtam yu'u tseky, es nidu'uk nidu'ugu tuamp yajmo'oy ja 'yaay kyepy éxtam pyaadadu. ³⁹ Es nandu'un jajtpu du'an ko kyaj tugekyu ya nini'x tyi'igyuty; yu ja 'ayudyu ñini'x, tuk naxu'u, esu juyujk añimalu ñini'xuty, wiingu'u, esu joon juyujkaty, nan wiingu'u, esu ajkx ka'xmuty, nan wiingu'u. ⁴⁰ Nan taa di'ibu ijtp ma tsajp es ma naxwiñadu, per ak tyugatsy'u. Wiingu tsuy'ajtan ja tsajpótmadu es wiingu tsuy'ajtan di'ibu naxwiiñ ijttap. ⁴¹ Yu xuu jyaj tyu'xan, wiingu'u, es wiingu po'o es nan wiingu madsa'ajadyu jyaj tyu'xan, es extu ak madsa'ajaty tyugatsy ja jyaj tyu'xan ak wiink. ⁴² Nandu'un jyaty mat ja o'kpaty ko jikyppyukt. Yajtáju ja naxni'x di'ibu windageepy, es jyikyppyujkna ja nini'x di'ibu kyaj ñak'y'oogut. ⁴³ Yajtáju ja naxni'x di'ibu kyaj 'yóyuty, es jyikyppyujkna ja nini'x madu muj'ajtan. Yajtáju naxni'x di'ibu pag'i'ix, es jyikyppyujkna ja nini'x muk oy. ⁴⁴ Yajtáju éxtamu oytym di'ibu ja 'ayudyu ñaxni'x naxwiiñadu, es jyikyppyujkna ja nini'x éxtam 'yity tsajpótm. Pán jaa ja naxwiñadu nini'x, nan taa ja tsajpótmadu nini'x.

⁴⁵ Du'unu du'an jyuna'añ ja Diosu jyaabyajtan: "Yu jawyimba yedyujk, Adán, oj t'axaju ja jiky'ajtan." Per ja óknambu Adán, ja'a njuna'anum ja Nindsun'ajtam Jesukristu, ja'a Ja'ajan di'ibu yajkypy ja jiky'ajtan. ⁴⁶ Jawyiin yajmadáty ja naxwiñadu nini'x, es oknam di'ibu tsajpótmadu nini'x. ⁴⁷ Ja jawyimba yedyujk, ja'a di'ibu Dios yajkoj mat ja nax; ja mymajtskpu yedyujk, ja'a di'ibu tsajpótmadu. ⁴⁸ Di'ibáty ya naxwiiñ njiky'ajtam, nmudajtam ja nini'x éxtam di'ibu muut ja Dios dyajkojy ja Adán. Ko njiky'ajtam tsajpótm, nmudajtam ja nini'x éxtam tmudaty ja Nindsun'ajtam Jesukristu tsajpótm. ⁴⁹ Du'an éxtam udsajtam nguxu'kam kyojyuty ja Adán ya naxwiiñ, nandu'un nujx nguxu'kam éxtamu Jesukristu di'ibu tsajpótm.

⁵⁰ Di'ibu n'anuumayándap magu'ugítuty, yu'u tyaadu ko kyaj mbaat ndujkam tsajpótm mat ja ndsu'utsy'ajt nbajk'ajtam. Ja'a ko di'ibu o'kp, kyaj mbaat tyaku tsajpótm madu ñaxni'x. ⁵¹ Madowdu, n'anuumayándap di'ibu ijty kyaj yajni'jawa. Kyaj nidugekyu n'o'kam, per nidugekyu ndagatsa'ayñum ⁵² tuk pojun, du'an éxtam ko nwimbi'tsam es n'ijxwa'xam jatugok, ko yajmudówat yajtukxu'uxy ja trompetu óknambu. Yajtukxu'uxap ja trompetu, es ja o'kpaty jyikyppyáktat, es ni na'a kyanaky'ooktat, es nidugekyu ndagajtsam di'ibáty akjiky'ajtam. ⁵³ Mat ko ya njiky'ajtan'ajtam di'ibu o'kp, koonam yu'u tyugátsat mat ja jiky'ajtan di'ibu ni na'a kya'eeky, net yajkuudyúnat éxtam jyuna'añ ja Diosu jyaabyajtan: "Ja jikyppyujkan ja'a tu dyajkutugóy ja o'kun." ⁵⁵ Es jatuk peky ma jyuna'añ: "O'kun, ¿ma net tyam ja di'ibu muut tu mjaya'ayowa'añ?, ¿ma net ja mdsaa'tsytyu'unan?" ⁵⁶ Di'ibu yajkypy ja o'kan ja myadakun es xya'ayo'om, ja'a du'an ja pojpu, es ja pojpu myudajtyry ja muk'ajtan mat ja ana'amun di'ibu Dios yajk. ⁵⁷ ¿Per yajja'aygyuda'aky ja Dios ko xymyo'oyum ja madakun mat yu'ugyujxm Nindsun'ajtam Jesukristu!

⁵⁸ Paaty magu'ugítuty, panajxtu yajxon es du'ñum xytyúndat waanu ni'igu ja Nindsun'ajtamu tyuunk, mat ko miits mnija'adap ko kyaj ñanugoobaty yu tadu tuunk di'ibu mduundap ti'igyu mat ja Nindsun'ajtam.

16

Naybyuduku myiky

¹ Tyámats n'adsoojumbity di'ibuts xyajtáwdap wi'ix xyajmúktat ja naybyudukukyujxm es nbutujkam ja Diosu jya'ayuty di'ibu jap Judeeu ayoo jottagoodyup. Tundu du'an éxtam ndukni'ijxadu majatyu mubujkpatujk ñaymyúkadu jap ma Galasyu ñaxwiñadu. ² Domingu domingu miidsuty nidu'uk nidu'uk xykyoonwá'umdat wi'ixam pán tpaaty, es xyñikoombátat tadu naybyuduku mat ja agyujxm nu'ugy'ajtam, es kudíbu jaanam

mnaydyukjotmaydyúnudat tada naybyuduka kots nja'tut. ³ Kots nja'tut ma miidsaty, ta xpyujta'aktat ja ja'ay di'ibu miits mdsoktup esats uj jap Jerusalén ngáxudats mat ja neky di'ibuts nmo'oyup, es yajnijáwut pánu da'anaty, es min dyajtsooñ ja naybyuduka di'ibu miits mgajxtup. ⁴ Es pun waanu oy pyudsemy kots uj nandu'an nnajxtat, najxtup yu'ujaty mat uj.

Paablu tnigajxy majaty jyudita'añ

⁵ Kots nnajxtat, koonumts nnaxa'añ ma Masedoñu ñax, taanumts nja'tut Korintu. ⁶ Wa'andsu da nwu'umut waanu mat miits jap, o wa'andsu da ndim'yajnajxta'ayut tugekyu jap yu xux po'o; es nétats miits mbaat xpyudákudu mats n'aknujxa'añ óknum. ⁷ Ja'a ko kyajts je'eyu nnajxa'añ pajt kapajtr, wu'umaqambudsu da'un es n'ita'añ waanu mat miidsaty, pun junaamp ja Nindsan'ajtam Dios. ⁸ Per wu'umaqambats ya Éfesu extu ko Pentakostés xuu ñáxut, ⁹ mat ko nmudajtypyats tu'ugu tu'u es 'yoybyudsámat ja Nindsan'ajtam tuuunk, es taa may di'ibuts xtyukmádsip'ajttup.

¹⁰ Pun jajtr ja Timotee ma miidsaty, katu ti xtyuuktukjotmaydyunda. Wa'an t'ity jotkujk, mat ko yu'u ttuñ ja Nindsan'ajtam tuuunk, da'un éxtam uj. ¹¹ Paaty katu miits xy'extijtj; ni'igu xpyudákudat es dyaj'yo'oyat ja ñu'u tyu'u aguik jotkujk, esats min xykyu'ixy, mat ko tyámuts n'awixy ti'igyu mat ja wiinkpadyu nmagu'uk'ajtam.

¹² Yu nmagu'uk'ajtam Apolus, tats njantsyjya'anuumu esxyup oj mdimku'ixudu ti'igyu mat ja nmagu'uk'ajtam, per kyaj ñajxañ tyam. Najxtup ko ja tiempu 'yawátsuñamat.

Kajxwijn esu kajxpo'xun

¹³ Wijy m'ittat miidsaty. Du'añam amumdu'uk jot xy'akmábúktat ja Dios. Muk mnaybyujta'agudat. Katu mjotmutsk'attá. ¹⁴ Tundu mat ja tsojkan tugekyu di'ibu mdu-undap.

¹⁵ Ix, magu'ugítuty, miits mnija'adup ko ja di'ibu tsanaaydyup ma ja Estéfanus jyuan tyujk, yu'u dan tim jawyiin Akayu ñaaxóty di'ibu 'yaxájudu ja Jesukristu, es yu'ujaty tu tpuđákudu ja nmamubajkpa'ajtam. ¹⁶ Es ndsejpyats es miits xymuamódowdat yu'ujaty, es nidagekyu di'ibáty nandu'an pudajkudup mudu tyadu tuunk. ¹⁷ Xondákpats ko tu myindu Estéfanus, Fortunatu esu Akayku. Yu'ujaty tu ttundu di'ibu kyaj miits oj mbaat xtyyunda mat ko m'ittu jagam, ¹⁸ yu'ujaty tu dyaxonda'aktats ja n'anmaja'an, es nandu'an miidsu m'anmaja'anaty. May'at windsu'ugudu du'ambu ja'ayaty.

¹⁹ Majatyu mubajkputujk ñaymyúudu Asyu ñaaxóty mduknigáxudu Dioskajxy. Akilu esu Prisilu, es nidagekyu di'ibáty naymyujkudup ma yu'u tyujkuty, mduknigajxudup ja Dioskajxy ja Nindsan'ajtamgyujxm. ²⁰ Axájudu Dioskajxy di'ibu nidagekyu nmagu'uktujk'ajtam mduknigajxudup. Naymyunánudu nixim niyam kujktagok.

²¹ H; Paablu, nduknijáyudats miidsaty yu kajxpo'xun mududsu ngu'um letru.

²² Di'ibu kyaj tsoktu Nindsan'ajtam Jesukristu, wa'an t'itu kajxpeky.

¡Min tsojk, Nindsan'ajtam!

²³ Wa'anu Nindsan'ajtam Jesukristu mgunu'xudu miits nidagekyu. ²⁴ Nidagékyuty miits nduknigaxtu ndsojkanuts mat ja Jesukristukyujxm.

Myumajtskpa Neki Di'ibu Paablu Tyuknigajxtu Ja Korintu Ja'ayuty

¹ Eǵ Paablu. Dios tsoyokungyujxm xy'apostala'átyuts ja Jesukristu, ja'a njuna'anam ko tu xkykxyuts. Ti'igyu mut ja nmagu'uk'ajtam Timotee nduknigáxtadsu tyadu neky ja mubajkputajk di'ibu naymyukadup ma ja Korintu kajpn, es nidugekyu ja Diosu jya'ayuty ma ja Akayu ñax.

² Wa'anu Dios Teety es ja Nindsun'ajtam Jesukristu mgunu'xudu es mmo'oyudu ja agujk'ajt jotkujk'ajtam.

Paablu 'yayo'on

³ N'ok'awdajtam ja Dios, yu Nindsun'ajtam Jesukristu Tyeety. Yu'u du'un ja nDeety'ajtam di'ibu myudajtypy ja pa'ayo'on es xyajjotkujk'ajtam pan ti xyajjt xkykubajtam. ⁴ Dios xyajjotkujk'ajtam ma tugekyu n'ayo'on'ajtam, es du'un mbaat udsajtam nyajjotkujk'ajtam nandu'un di'ibáty ayoodup, es nmo'oyam nandu'un ja jotkujk'ajtam di'ibu Dios udsajtam tu xymo'oyam. ⁵ Mut ko du'un nbu'ayo'om mudu Jesukristu, nandu'un mut yu'ugyujxmu Jesukristu n'axájumu waanu mujpu jotkujk'ajtam. ⁶ Paaty pan udsuty ayoodupts, ja'a du'un es miits xmyudátat ja jotkujk'ajtam esu nitsokan; es pan ja Dios xyajjotkujk'ajtpats, ja'a du'un es nandu'un miits xyajjotkujk'ajtpadat es du'un xmyudánudut mut ja ma'xtujkan ja du'ambu ayo'on, éxtamts udsuty ngu'ix ngubaadudu. ⁷ Nmudajtypyuts ja tuj'ajtam, ko éxtam m'ayowdu tyam ti'igyu éxtam udsuty, nandu'un ja Dios nuǵ mmo'oyudu ja jotkujk'ajtam éxtamts udsuty xymo'oydyu.

⁸ Mugu'ugitaty, ndsejpyuts es xyñijáwadut na'unuts tu n'ayoy ma yu Asyu ñax. Byeen jyantsymyujwiin jyantsykyajaajuty tu n'ayóyuts, ni nmujaats kyanakykye'ty esuts nmudánut, es exta janánuts ko kyajts nbudsámut mududsu njiky'ajtam. ⁹ Nayjya'ajuts éxtam di'ibáty jaytuydyunaamp mut ja o'kan. Peru tyaadu du'un jyajty esuts nnijáwat wi'ixuts nbadúnut amumdu'uk jot ja Dios di'ibu yajjikypyejkypp ja o'kpúty, es kyajts njuna'anut ko uj ku'am nmamadá'agupts ja ayo'on. ¹⁰ Diósudsu du'un xy'agu'uduik xy'axajtjkr ma kudsu'ugubu o'kan juǵp'am, es ndukmu'awdajtypyuts ko yu'u du'unuts xy'akkuwa'ana'añ ¹¹ ko miits xpyudákudut mut ja mgajxtákan. Pan mayjya'ayuts xyñigajxtaagu, nandu'un mayjya'ay ja Dios tja'aygyada'aktat ja'agyujxm ko Diósuts ja muj may'ajtam tu xytyuunu.

Ti ko Paablu kya'ojsy Korintu

¹² Taa dun tu'uk di'ibuts xmyeepy ja jotkujk'ajtam, ja'a du'un kodsu nwinma'añ xmyi'inxu ko tats n'ity tuda'aky es wa'ats ya naxwiin, es waanu ni'igu ma miidsuty. Diósudsu du'un tu xpyyuduku mut ja tsoyokun es njiky'átuduts du'un. Kyajts tu njiky'aty mudu ja'ayu wyijy'ajtam. ¹³ Tu ndukniájyudu jantsy yu'ayy di'ibu mbaat xkykujxtat es xyjaygyukudut. Es ndsejpyuts es xyjaygyukudut yaxón, ¹⁴ du'un éxtam waananam kujkuts miits xyjaygyukudu. Ja'a tyaadu ko ma ja xuu ma myina'añ ja Nindsun'ajtam Jesukristu, miits nandu'un mxonda'áktat mut ujtskyujxm, es uj nxonda'águduts nandu'un mut miitskyujxmuty.

¹⁵ Mut kots ndukmu'awdatu tyaadu, tadsu naty n'oktuknibujtáku es nnujxa'añuts jawyiin ma miidsuty, es nmo'oya'andu ja xondakan ko ngu'ixtu majtsk ok. ¹⁶ Du'unuts nduknibujtáku ngu'ixa'andu kots nnujxa'añ Masedoñu, es óknam ngu'ixtut jatagok kots njumbitut Masedoñu, es du'unuts miits mbaat xpyyudákudu es n'aknujxuduts Judeeu. ¹⁷ ¿Tii kyajts nduknibujtáku yaxón kots njunañ nduna'añudsu tyaadu? ¿O mjanándup xytyijy miidsuty ko uj ndukniwaabats éxtamu ja'ayuty di'ibu uguyajt kajxkuyajtp? ¹⁸ Diosu du'un ñija'ap ko uj kyajts n'uguyaty ngajxkuyaty. ¹⁹ Mut ko Jesukristu, Diosu 'yu'unk, ja'a jya'a di'ibu Silvanu, Timotee esuts uj ngajxwá'xtup, ma Jesukristu winu xuu winu tiempu pyudsemy di'ibu oy es ni na'a di'ibu kyaj 'yóyuty. ²⁰ Pes ma yu'un yajkuudyún tugekyu di'ibu Dios wyandak. Paaty ko n'awdajtam ja Dios njuna'anam "wa'an du'anaty" mut yu'ugyujxmu Jesukristu. ²¹ Diosu du'un di'ibu udsajtam tu xybyujtákan es tyam amumdu'uk jot n'ijtam ti'igyu mudu Kristu. ²² Tu xy'ijxwá'umam, mut ko tu tpujta'aky njodoty'ajtam ja Espiritu Santu éxtamu ijxwá'umam ko tuj'ajtam di'ibu n'axajyua'anam.

²³ Diosu du'un ñija'ap wi'ixudsu njot nwinma'añ, es wa'ants yu'u xytyukkumudoy pan kyajts ngajxy tuj'ajtam. Tyambaatnamts nganejxy Korintu mut ko nga'ooja'andu es ngayajjotmaydyuktakuya'andu. ²⁴ Pes kyajts uj nnujxa'añ es miits xywyindsun'áttuduts ma yu mmubujkanaty; ja'a du'un situy ndsejpyuts nbudakuya'andu es xmyudáttat ni'igu jotkujk'ajtam esu xondakan, mut ko amumdu'uk jot xmyubuktu yu Nindsun'ajtam.

2

¹ Paadyuts uj njanañ es kyaj jatugok ngu'ixtat jotmaymyuat. ² Mut ko pun hjs miits nbajtáktap jotmaymyuat, ¿pánuts uj nuix xyajxonda'aky?, pun kyaj miidsuty, di'ibuts tu nyajjotmay'ooktu. ³ Paaty nduknigajxtu tadu neky mut ko kyajts nnujxáñ ma miits es nyajjotmay'ooktat, miidsuty di'ibuts xymyoodyup ja jotkujk'ajtan; mut ko janánuts kots uj nxonda'aky, nidugekyuty miidsuty nandu'un mxonda'akta. ⁴ Kots miits nduknigajxtu tadu neky, byeenudsu naty nnayjyawuty amaymyuat jotmaymyuat, extu juuyuts. Kyaj nnija'ayudu es mjotmay'ooktat, ja'a du'un es xyjáwadut ko byeen jyantsymyujwiinaty ja tsojkan di'ibuts nmudajtypy mut miidsuty.

Ma'xun di'ibu tu pyekytyuñ

⁵ Ko nduknija'ayudu tadu ja'ay di'ibuts uj nugoo oj xyajmáy xyajtajy, es waanu ni'igu miidsuty nidugekyu oj myajmáy myajtájudu, ⁶ kyajts ni'igu nnaktyuudyuna'añ. Tu byeen yajtukkumudoonu mut ko nidugekyu miidsuty tu xy'uxtijtu ma mnaymyúkuu. ⁷ Di'ibu mbátudup es xytyúndut, ja'a es xymya'xnut es xyajjotkujkadut, ja'a ko pun n'ak'yajjotmay'o'kam, tsojk nuix tkanakymyuduñ ja Dios. ⁸ Paaty nmunu'xtáktu es xytyuk'ixtat jatugoku mdsokan di'ibu nmudajttap mut yu'u. ⁹ Es di'ibu nduknija'ayudu ma di'ibuts ngajx ja neky, ja'a du'un nnijawuyaambyuts pun mbadúndup di'ibu oj n'anuumudu. ¹⁰ Pun mmama'xtujktap miidsudyu tyadu ja'ay, nme'xypyuts uj nandu'un. Es pun nme'xypyuts tii, pun jam ti yajma'xa'añ, miits m'oy'ajtunguyjxm ndúñuts du'un Jesukristu wyinduuy. ¹¹ Du'un ndu'unum kadiibu xy'awindumbujkam ja majku'ugópk Satanás, ja'a ko byeen nnija'am ja 'yaxuk winma'añ.

Paablú kyaj jyotkujk'áty jap TrouS

¹² N'awánudu nandu'un kots njajty ma TrouS kajpn esuts ngajxwa'xa'añ ja oybyu ayuk di'ibu Jesukristu ñimadyakypy, taa tu'uk kyaxe'ky ja nduunguts mađsu Nindsun'ajtamú naty tu dya'awa'atsy ja nnu'u ndu'ujuts. ¹³ Peru n'aa njótats kyaj tpaty ja pyo'xtákn mut ko kyajts nbaty ja nmagu'uk'ajtam Titu. Paadyuts oj jap ndsooñ es oj nnejxy Masedoñu ñaaxóty.

Kristakuyjxm nmadákm

¹⁴ Per yajja'agygyúakp ja Dios, di'ibuts du'uum nduk'oybyudseempe ty'igyu mut ja Kristu, es uatskyujxmaty ja Dios dyajnijawaty ja Kristu jya'a, di'ibu du'un éxtam tu'uk di'ibu muk pa'akxu'kp es oymyaaty ñaspoju. ¹⁵ Du'un uudsuty éxtam ja pa'ak xu'kun di'ibu Jesukristu tyukwinjekypy ja Dios es 'yabojwa'xy, du'un extu ma di'ibáty nitsóktap es extu ma nandu'un di'ibáty tugoodyup. ¹⁶ Mudu di'ibáty tugoodyup, du'un uudsuty éxtam di'ibu tok xu'kp; per mudu di'ibáty nitsóktap, du'un uudsuty éxtam tu'ugu pa'ak xu'kun. ¿Es pánu du'un mada'agup es ttúnudu tyadu tuunk? ¹⁷ Oytyim maadyuts nnejxy, ngajxwa'xypyuts ja Diosu 'yayuk. Per kyaj éxtam may 'yadu'utstu ttukganarattu éxtamu ajuuy ado'kraty, amumdu'uk jot es ty'igyu mut ja Jesukristu ngajxwa'xyuts uj Dios windum.

3

Jembyu kajxy'átyryu

¹ Ko du'unu tyadu nduknijayudu, ¿ti mjánandubu du'un xytyijy esuts nnayyajmujpudsumá'añuty ku'umu, o nigutikyú du'un nya'ixudats ja neky mats ja'ayuty xya'ity kumay, o n'amdówdut miidsuty ja neky mats uj xya'ittu kumay?, éxtam ttundu na'aguty. ² Pes miidsudyu du'un ku'am éxtamu tadu nekyu jaaybyéty ma yu njot nwinma'añuts, ja neky di'ibu mbaat tkajxy es dya'ayukwimbudsemy oytyim pánu. ³ Miidsudyu du'un mya'ijxadup ko m'ijttap éxtam tu'ugu neky di'ibu Kristu jyaay ja'agyujxm di'ibuts nduun ma miidsuty. Tyadu neky kyaj jya'ayuty mut ja tinta, yu'u jya'ayuty ma m'aa mjótuty mut ja jikyupy Diosu Jya'ajun.

⁴ Ndukma'awdajttaps ja Dios Kristakuyjxm ko du'un m'ittu. ⁵ Mut ko uj, kyajts ti madakun nmudaty esuts oynu'unun ti ndúnudats ja Diosu tyuunk, Diósudsu du'un xymyeepe ja madakun esuts ndúnut. ⁶ Pesu Diósudsu du'un tu xymyo'oy ja muk'ajtan es ngajxwa'xyuts ma nidugekyu ja'ayuty yu jembyu kajxy'átyryu. Kyaj n'anuumudu ko koonam tkuydyúndut ja ja'ayuty yu jaaybyétyy ana'amun, net ñitso'oktat. Kom kyaj ni pun mbaat tkuydyúñ tyadu ana'amun, paaty xy'o'kunwingajxam nidugekyu, per yu Diosu Jya'ajun xymyo'oyum ja jiky'ajtan.

⁷ Ja ana'amun di'ibu Moisés yajmooy es yajkuxjaay tsaagujxy, myiñ mut tu'ugu jajun, es kyaj ja israelitu ja'ayuty mbaat t'ijxtu ja Moisesu wyiin jyajp mut ko muk tye'xy, oyu tadu jajun tamú naty pyi'tstsondáknú waanaty. ⁸ Mut ko myiñ mut ja muj'ajtanu tadu ana'amun di'ibu 'yawá'anap ja o'kun ko kyaj yajkuydyuñ, waanu ni'igu ja muj'ajtan tu myiñ ko ja Espiritu Santu ja jiky'ajtan dyaky. ⁹ N'okjuna'anam ko muj'ajtan muut ja ana'amun oj tyuñ di'ibu ja o'kun 'yawá'anap ko ngakuydyu'unam, jwaanu ni'igu muj'ajtan muut ja jembyu

kajxy'átypyu ko xy'axájam ja Dios es oy nwa'umdu ja'a maut! ¹⁰ Ja muj'ajtun di'ibu tu'x ma ja wyiin juyj ja Moisés, ni ti tkatsooty ko ndukma'ijxkijxyum mut ja myuj'ajtana tyadu jembyu kajxy'átypyu. ¹¹ Es ja'a ko awaanap di'ibu muj'ajtun maut ijty, žwi'ix waanu ni'igu muj'ajtun tkamadátat di'ibu wu'amp winu xuu winu tiempu?

¹² Ja'agyujxm ko nnija'amu tyaadu, paaty ngajxwa'xum yajxon mak aa mak jot. ¹³ Kyaj nnaywyitwinguwujtsam éxtamu Moisés ñaywyitwinguwujtsu kudiibu ja israelitu ja'ayuty t'ixtat ja jajun di'ibu yungap es di'ibu kyaj jyeky. ¹⁴ Per ja israelitu ja'ayuty myudajttu yu jyot wyinma'añuty kubi'its ku'ook, es tyambaat kyaj tjagyukudu ko yu tadu jékýubu kajxy'átypyu tu'unajxpu naty, du'an éxtam ja Moisésu wyiin juyjpu jyajun, mut ko du'an yu'ujuty 'yity éxtam ja ja'ayu winguwuuñubun, di'ibu ni ti tka'ixtu. ¹⁵ Es du'añumu du'an tyambaat kyajpyum tjagyujkudu ko tkajxtu ja Moisésu 'yana'amun. ¹⁶ Per yu wyinwuuñ yajjuga'aktap ko tyi'igyudat mut ja Jesukristu. ¹⁷ Ja Nindsun'ajtam, Ja'ajun yu'a, es ma 'yity ja Nindsun'ajtamu Jya'ajun, awa'atstúm ja ja'ay 'yitta. ¹⁸ Paaty di'ibaty nmadu'unam ja Jesukristu, kyaj nwinguwuuñ'ajtam, ni ngamudajtam ja jot winma'añ kubi'its ku'ook, du'an udsajtam éxtam ja ijxnu wa'atspu di'ibu ñijajpy yajxon ja myuj'ajtana Nindsun'ajtam, es nan mut yu'ugyujxmu tadu myuj'ajtan yu Nindsun'ajtamu Jya'ajun xyajtagajts'adátsum waanu ni'igu pun wi'ix ja tiempu ñaxy.

4

¹ Paaty ni na'ats ngatsipke'exy, mut ko Diósats tu xytyuknipeky mut ja pya'ayo'onu tyadu tuunk. ² Tats n'axtjy di'ibu yajtuump ayu'udsyu, éxtamxyuaps uj ti nduñ tsoydu'un maut. Kyajts uj n'axta'ay wi'ixudsu ja'ay nwin'uundat, es kyajts uj nyajtagátsy ja Diosu 'yayuk; ja'a je'eyuts uj ngajxpy esu ja'ay ñijáwudat ja tuj'ajtan, es Dios wyinduuyats du'an nduñ. ³ Es pun kyaj jajnijáwu ja oybyu ayuk di'ibu ngajxwa'xtuapats, pun yu'lutsy 'yity éxtamu ja'ay wyiin juyj ko ñaywyinguu'xyuty, yu'a du'an jya'a'ajttubu taadu di'ibaty tugooodyap. ⁴ Kyaj tmabaktu ko yu Jesús yu'a du'an ja Kristu, mut ko ja mujku'u di'ibu ya naxwiñ ana'amp, yu'a yajkujuundákup. Yu'a kyaj ña'ixyuty es kyudu'x kyujájudat ja oybyu ayuku jyajun di'ibu ñimadyakypy ja myuj'ajtana Jesukristu, di'ibu dun ti'igyu éxtamu Dios. ⁵ Kots ngajxwa'xy ja Diosu 'yayuk, kyajtsu du'an uj ku'am nnayyajmupudsama'añuty. Di'ibu dun sitay, ngajxwa'xypyats oytym maaty ko yu Jesukristu yu'a du'ana Nindsun'ajtam, es uj je'eyuts nnayyajnide'xyuty éxtam miidsudyu mbudujkubu esu Kristu muj 'yitat. ⁶ Du'anats ngajxwa'xy mut ko Diosu du'an di'ibu janán: "Wa'an tjajy tte'xy ma ja koots'át", yu'a du'an yajjajpy yajte'xypy mađu njot nwinma'añ, es madu tadu jajun mbaat n'ixy'átyats tadu jaj tu'xun di'ibu ijtp ma yu Jesukristu wyiin juyjpan.

Jiky'ajtam mabujkungyujxm

⁷ Mut ko Diósuds du'an tu xytyukmay'átyats tadu oy'ajtan ma nnini'x, oydu'unaty éxtamu naxpotsytu'tsan, du'an ya'ixat ko Dioskyujxm yu tadu muk'ajtan jyantsymyujwiin jyantsykyajaaty, es kyajts uj nja'ajuty. ⁸ Xyñimiimbats ja ayo'on oytym di'ibaty kanak peky, per kyajts ndsipke'exy; nnu'amaybyáty nmuojotmaybyátypyats, per kyajts ndim'amutsk'aty; ⁹ jajyajpudijtpats, per kyajts nyajna'ixy; xyajajkudaqabats, per kyajts xymyamad'a'akta. ¹⁰ Pes oytym maadyats uj nnejxy, o'kan jajp'amats uj n'ity éxtamu Jesús o'kan jajp'am 'yijty. Ja'agyujxm udsaty du'an xyjaty es kyuxu'ugat oy ko 'yity ja Jesús ma nnini'xats. ¹¹ O'kan jajp'amats du'añam n'ittu mut yu'ugyujxm kots nmadundu ja Jesús es ñiguxu'ugat oy ko jyiky'aty yu Jesús ma nnini'xats di'ibu oogap. ¹² Es du'ana du'an ja o'kan tyuñ ma udsaty, es ja jiky'ajtan tyuñ ma miidsaty.

¹³ Di'ibats ngajxwa'xypy, yu'a du'an di'ibats uj ku'am nmabejkypy, du'an éxtam jyana'añ ja Diosu jyaabyajtan: "Nmabujkats, es paadyats oj ngajxwa'xy." ¹⁴ Nnija'abats ko Dios di'ibu yajjikypyujk ja Nindsun'ajtam Jesukristu ko naty tu 'yeeky, xyajjikypyuka'anam udsajtam es xyajnujxa'anam ni'amuku ma yu'u 'yity. ¹⁵ Tugekyu di'ibats tu xyjaty tu xykyubétyats, ja'a du'an es xytyuk'oy'áttat miidsaty, es du'an ko may di'ibu 'yaxájudap ja Diosu kyunu'xun, nandu'an myáuty di'ibu 'yawdatándap ja Dios es tjá'agyuda'aga'andu.

¹⁶ Paaty kyajts ndsipke'exy. Oyudsu nnini'x ngubajk jya'anuxu, bom bómudsu n'anmuj'añ myakta'aky. ¹⁷ Ja'a ko di'ibu n'ayo'om ya naxwiñ, pojnu'u ñaxy es waanu yu'a; per xytyukpátum waanu muj ja muj'ajtan di'ibu miimp muj wiin kyajaa es ijtp winu xuu winu tiempu. ¹⁸ Mut ko kyaj nmuj'ijxam di'ibu ya'ijxp, ja'a du'an di'ibu kyaj ya'ixy; ja'a ko di'ibu n'ijxam, najxp yu'a, per di'ibu kyaj ya'ixy, winu xuu winu tiempu 'yity.

5

¹ Ja'a ko nnija'am ko pyudu'ugat ja wit tujk ma n'ijtam ya naxwiñ, ja'a njuna'anam ja nnini'x'ajtam, xy'awijxam tsajpót m nidu'uk nidu'ugu wiinkpu nini'x di'ibu itap winu xuu winu tiempu. Diosu du'an xytyukniubjítakamu tyadu wit tujk, kyaj yu'ujuty ja ja'ay.

² Mä n'akjiky'ajtm ja naaxwiiñ, nmäxaj n'okxájam, ja'a ndsojkm es njiky'ajtm ma ja nniñi'x'ajtm di'ibü nmudajtm tsajpótm, ³ da'un neyx nmudajtm ya nini'x, es kyaj dyu'anuty éxtam tu'ugu ja'ay niwa'ats axwa'atspa. ⁴ Ko n'akjiky'ajtm yaä mudu tyadu nini'x, nmäxaj n'okxájam mat ko kyaj n'ita'anam éxtamu ja'ay di'ibü niwa'ats axwa'ats, ja'a nmudata'anam ja nniñi'x'ajtmu tsajpótmudu, es da'un di'ibü o'ktap tugátstap mat ja di'ibü ni na'ä kya'ooktat. ⁵ Esu Diosu da'un tu tuknibujtaagu es da'un tyun jyátudat mat adsajtm, es xymyo'oyam ja Espíritu Santu es yajnijáwt ko xypyátam ja oy'ajtm di'ibü miimp.

⁶ Paaty ko da'un, da'uñm nmudajtm ja muk aa muk jot. Nnija'am ko maanam n'akjiky'ajtm ma tyadu nniñi'x'ajtm, kyaj n'ijtm ma Dios. ⁷ Mubujkangujxm njiky'ajtm ya naaxwiiñ, es kyaj mat ko ti n'ijxam; ⁸ pes n'oktukm'awdajtm, per ja'a ndsojkm es ndukpudsámamu tyadu nini'x es jo'om n'ijtm ti'igy mat ja Nindsan'ajtm. ⁹ Paaty jaaym ndsojkm es njiky'ajtm yajxón éxtamu Nindsan'ajtm tteky, oy nja'ijtmu ma tyadu nini'x, o ma ya Nindsan'ajtm tsajpótm. ¹⁰ Mat ko koonam nidagekyu nwinguwa'aguya'anam ja Jesukristu es tpayo'oyat ja nbojpa'ajtm, es nidu'uk nidu'uk n'axájam éxtam xypyátam, éxtam ja oybyu o ja axuukpu di'ibü tu ndu'unam ma tu n'ijtm mudu tyadu nini'x.

Aguj'ajt jotkuj'ajtm yajnimadya'aky

¹¹ Mat ko udsaty ndsu'uk njáwudats ja Nindsan'ajtm es nnijáwats ja myay'ajt wyindsu'kan, paaty n'oktukmudjats ja ja'ayaty nandu'un. Dios nija'ap wi'ixats uj nmudúñ amumdu'uk jot, es ndsejpyats es miidsaty nandu'un xynijáwudat. ¹² Kyajts uj ka'am nnayya'oybyudsémyaty ma miidsaty, ja'a da'un es miidsaty waanu mjotkuj'áttat mat ujtskyujxm, es da'un mbaat xy'adsowdu tadu ja'ayaty di'ibü tyukmuj tyukpátudap di'ibü kixu'kp nikujxm, es kyaj di'ibü ijtp ma ja'ay jyot wyinma'añ.

¹³ Pán ja pán jyuna'añ kots uj nlókaty, ja'a da'un kots nmudúñ ja Dios; es pán kyaj tyu'ajtmaty kots uj nlókaty, ja'a da'un es xytyuk'oy'áttat miidsaty. ¹⁴ Ja'a kots ti nduñ, ya Jesukristu tsojkan xytyukmudjapts. Mat ko nmudajtypyats ja tuj'ajtm ko ya'u 'ye'ky mat ya'ugyujxm nidagekyu ja'ay, paaty nidagekyu ja'ay 'yitta o'kan patka'uy. ¹⁵ Jesukristu 'ye'ky mat ya'ugyujxm ja ja'ayaty nidagekyu, es da'un kyaj nnakjyiky'ajtm éxtamu nga'am winma'añ'ajtm, ja'a da'un éxtam tteky ja Jesukristu di'ibü oj xkyu'o'kam es oj jyikyppyeky mat adsajtmgyujxm. ¹⁶ Kyajts nnaky'ixy nnakjyúñ ni pán éxtam pánudu naaxwíñudu winma'añ ja'a'ajtmudap, kyajtsu da'un nnakjyúñ. ¹⁷ Esu da'un ko ja'ay tyi'igy mat ya Jesukristu, myudajtypy ja jembyu jyot wyinma'añ. Ta tyuoooyñ ja tnyubu jyot wyinma'añ. Kyaj 'yok'ijnu éxtamu naty ijty, tim jemy tugekyu tu wyu'amnu.

¹⁸ Tyadu tyiimpy tugekyu ja Dios, di'ibü ijty nmudsip'ajtm; per mat ja agyujxmu Kristu Dios xyajtugajtsam, es tyam nnaymyaayubu'ajtm mudu Dios, es tu xymyo'oyam ja tuunk es nyajmtnaymyáwudat ja Dios majaty ja wiinkpadyu ja'ayaty nandu'un. ¹⁹ Paadyats uj ngajxwa'xy ko ya'ugyujxmu Jesukristu ja Dios dyajti'igyaya'añ ma ya'un ja naaxwíñudu ja'ayaty es tjo'tnat da'un ja pyojpu. Tyadu da'un ja oybyu ayuk di'ibats ngajxwa'xy. Dióats xymyooy esudsu da'un ndúnat. ²⁰ Udsadyu da'un ja Kristu kyudunaabyu, da'un éxtamxyubu Dios ka'am mdukmanu'xta'agadu miidsaty mat uatskyujxm, nmanu'xtáktap mat ya'ugyujxmu Jesukristu, katu xymyadsip'attu Dios, nik ni'igu axájudu ja ti'igy'ajtm mat ya'u di'ibü Jesukristu xymyo'oya'anam. ²¹ Oy ja Jesukristu ni na'ä kyapojpátuñ, Dios tyukkubajt tyukkumadooju kruuzkujxm tugekyu adsajtm ja nbojpa'ajtm, es da'un oy nwa'amam mat ja Dios mat ko n'ijtm ti'igy mat ja Kristu.

6

¹ Es da'un éxtam adsajtm nmudu'unam ja Dios, n'amdoom nbujksoodap es kadiibu nanu'goobu xkyupáktat ja Diosu myay'ajtm. ² Ja'a ko da'un jyuna'añ ja Dios ma ja jyaaybyajtm:

Kots uj ja'ay nduunu ja may'ajtm, nmudoots mij m'aä myo'kn;

kots uj ja'ay nyajnitse'eky, nbudujkats mij.

Pes jaygyúudu. Tyamu da'un txuujaty ma Dios mduna'anxyaty ja may'ajtm, tyamu da'un txuujaty ma mbaat mnitse'eky.

³ Jiky'ajtpsts tuj'ajtm muat, kadiibats pán nyajtu'udagóyut ja jyiky'ajtm es kadiibu pán tkajxudít tmadyaagudítat axuuk di'ibats ndiimpy. ⁴ Nik ni'iguts nya'ixa'añuty ma tugekyu oytyim tiity éxtamu Diosu myaduumbu, pán tits uj xyjajt xkyubajtp, kots nmudanu ja ayon jotmay ma'xtujkan muat, kots ti xkyaj'ijtxu, kots muk tsagatsy ja jiky'ajtm nyajnáxy, ⁵ kots nyajwépy, kots nyajtsímy, kots nyajnibude'eky, kots nduñ muk, kots ngama'ay es kots nyajnáxy ja muk yuu. ⁶ Nya'ijxapts nandu'un mududsu njiky'ajtmu

wa'atspu, mut ja jaygyujkun, mut ja tsojkan tuda'akypyu, mut ja ma'xtujkan, mut ja Espiritu Santu, ⁷ mut ja ayuk di'ibu tuya'ajtan es mut ja Diosu myuk'ajtan. Du'un éxtam ja soldaada di'ibu yajtiimpy ja 'yespaada es dyajkutugoya'añ ja myudsip, es dyajtúñ ja di'ibu naydyukkuwánup ko ja myudsip yajkutugoya'añaty, nandu'unuts uj nyajtúñ ja tuya'ajtan es nyajkutugoya'añuts ja axuk'ajtan, es nyajtiimbyuts nandu'un ja tuya'ajtan esu ja'ay t'ixy'áttat ja Dios. ⁸ Na'aty nyajwindsu'ugats, es na'aty nyajmagajtagóyats, na'aty xyni'o'o xyni'axudupts, es na'aty xynimadyáktupts tsuj; na'aty xyajnajxtupts éxtamu pi'tskajxpu, es na'aty xy'ijxtupts éxtamu tuya'ajtan muutpu; ⁹ na'aty xy'ijxtupts éxtamu di'ibu kyaj t'ixy'áttu, es na'aty xyajnajxtupts éxtamu wyin'ixyan; oyats xy'ixtu je'eyats nga'o'kna, per akjiky'ajtpnams oy muk; yajtuyduumbats, per kyajts xytyim'ya'ooktu; ¹⁰ óyats nmay ndajyats, per du'uhams njotkujk'áty; ayoo jottugeebyats, per nyajjotkujk'ajtpyats nimay; oyats xy'ixtu ko kyajts tii nmudaty, per nmudajtpyats tugekyu.

¹¹ Korintu mugu'ugity, tu nmugajxtu muk aa muk jot mut ko tats miits nduk'ixtu njot nwinma'añats. ¹² Ndsoktupts miidsaty mut winuts njot; miidsaty kyajts du'un xytyoktu nandu'un uj. ¹³ Nmunu'xtáktup éxtam tu'ugu u'unkteety tmugajxy ja 'yu'unguty, éxtam nmo'oydyu ja n'aa njótats, nandu'un xymyo'oydyudats miidsaty.

Edsajtamu du'un ja Diosu tsyunaqydyákn

¹⁴ Katu mnaymyúdu mut ja ja'ayuty di'ibu kyaj tmabuktu Jesukristu, éxtamxyp muut m'ittu ja ja'ayuty ma' tu'ugu kukaru. Ja'a ko du'un mgu'uktat éxtam ja yuubu di'ibu kyaj tyuknáxyty. ¿Tii mbaat ñaymykyuty ja oy'ajtan mut ja axuk'ajtanu? ¿Tii mbaat nandu'un 'yity ja jajun mut ja koots'átu?, ¹⁵ o ¿wa'an mbaat ja Jesukristu tyi'igy'áty mut ja ka'oybyu?, o ¿wi'ix mbaat ja di'ibu myúdiimpy ja Jesukristu tyi'igy'áty mut ja di'ibu kyaj tmaduñ ja Kristu? ¹⁶ Kyaj ni nu'un kyatuknáxyty ja Diosu tyujk mada agojwinnáx. Pes adsajtamu du'un ja Diosu tyujk, éxtam ja Dios jynanúñ ma' yu jyaabyajtan: Jiky'átupts es judítupts mut yu'ujuty.

Éjtsu du'un xyDyios'áttup
es yu'udyudsu du'un nja'ay'áttup.

¹⁷ Paaty nandu'un ja Dios t'anumu jya'ayuty:

Tukpudsamdu'uttu es katu mnaymyádu mut ja axuk ja'ayuty,
katu m'adu'tstu éxtam ja 'yaxuk winma'añ,
nétsats miits n'axájudat.

¹⁸ Éjts miits xytyeety'áttup,
es miidsaty n'u'unk'át n'uná'k'áttup.

Du'un jyana'añ ja Dios di'ibu tugekyu muk'ajtan myudajtpy.

7

Wi'ixu Korintu ja'ay jyodumbittu

¹ Mugu'ugity, ja'a ko Diosu du'un xymywandákum, paaty nnayya'ijtam wa'ats ma' yu di'ibu mbaat xya'axu'kum, du'un éxtam nnini'xkyujxm es éxtam nandu'unu n'anmaja'an'ajtam. N'oktu'unum wi'ix n'ijtam wa'ats wa'ats ja'agyujxm ko Dios ndsu'kum.

² Aa'ajt jot'ajtagats. Kyajts pán wi'ix nduñ. Ni pánats ngawin'uañ es ni pánats ngayajnbaxutáktats. ³ Kyaj du'un n'anuumadu es miits ngajxpaattat, éxtam tu n'ok'anmaabyadu, miits m'ijttap njodoty nwinma'añótyats, ti'igy n'ijtam oy jiky es oy eeky. ⁴ Nugoots miits n'oktukma'awdajtanu es ndukjotkadákyypuats miidsaty majátyats n'ayoy, xondákyypuats es byeenats n'okjotkujk'ajnu.

⁵ Na'abats njajty Masedoñu, kyajts ni nu'un ngape'xy, nik ni'igats tu n'amaybyaaty njotmaybyaaty otyim maaty. Ak tsip xidsoo yadsoo es tsu'kubats jodoty winma'añóty, ⁶ peru Dios, di'ibu yajjotkujk'ap ja maay'ajpety, yu'ats xyajjotkujku ko jyajty ja Titu. ⁷ Kyaj jya'ayuty je'eyu mut ko jyajty, ja'a du'un mut ko byeenu naty xyonda'aky mut miitskyujxmty. Yu'ats xy'anmaay ko byeenats miits xywyin'ixa'andats, es xytyukmamadyáktats wi'ix miits xynimay xyni'ajtats es mnayjyotmaydyúnudu mut uj. Mada tyaadats oj ni'igu nxonda'agyats.

⁸ Oy ja jawyiimbu neky di'ibu nduknigajxtu oj myajmá myajtádu, kyajts tyam nnakyyawu. Es pán nja'ajats jawyiñup kots njaygyujku ko tadu neky myajjotmay'o'kudu waanu, ⁹ tyam xondáknupts, kyaj mut ko tu mjotmay'ooktu, ja'a du'un mut ko tu tadu ayo'on jotmay dyajtagátsy ja mwinma'añaty. Miidsaty myajnax myajkujxtu ja ayo'on jotmay éxtam ja Dios t'oyyawu esu du'un kyaj miidsaty tii mjajtadu axuk ujtskyujxm. ¹⁰ Ja amay jotmay di'ibu miimp ma' Dios, yu'u xyajjodumbijtam es xymyo'oyum ja po'xtákn, es mut yu'u kyaj mbaat nugoo nja'am. Peru tadu wiinkpu amay jotmay di'ibu naxwiñudu jya'a'ajtpy, ja'a xytyukpátam ja o'kna.

¹¹ Miidsuty myajnajx myajkujxta ja amay jotmay éxtam ja Dios t'oyjyawa. ¡Es ixta tyamu net wi'ix ta 'yabudsemy! Mdukjajgyujkudu tuda'aky ya tyaadu es xykajxtuda'agut di'ibu naty ta xytyunda, myajjotma'tudu es nandu'an myajtsu'kudu, nétats byeen xywyin'ixánduts miidsuty, es mdukkumodoodu di'ibu naty ta ttuñ ja axuukpu. Es ma tugekyu tyaadu, miits ta xya'ixudu ko kyaj xymyudattu ja pojpu ma tyaadu. Paadya du'an ta xytyukkumodowdu. ¹² Mnija'adup miits ko nduknigajxta ja neky, kyaj ja'agyujxmup nduknigajxta di'ibu tu-undagooy es ni di'ibu yajmudagooy, ja'a du'an es nduk'ixta Dios windum ko byeenuts nnayjyotmaydyúntu mat miidsuty. ¹³ Paaty mada tyaadu tats miits xyajjotkujkudu.

Per mada tyaadu di'ibuts ta n'axaju ya jotkujk'ajtan, waana ni'iguts ta nxonda'aky kots ta n'ixy ja Titu jyantsyjojkujkuty; pes nidugékyaty miidsuty ta xypyudákudu xyajkujkudu 'yaa jyot. ¹⁴ Kyajts n'anuguga'aju mats n'anmaay ja Titu kots nnayjyawaty jotkujk mat miidsuty. Es kom tugekyu di'ibu ta n'anumadu miidsuty, t'ajjtanu'u, nandu'an pyudseemy t'ajjtun di'ibuts ta n'anumu ja Titu kots njotkujk'áty mat miitsyujxmaty. ¹⁵ Es yu'u waana ni'igu mdsokudu ko tjamyetsy wi'ix miits xymyudoodu di'ibu yu'u mduknipujkudu es wi'ix xyajjajttáktu mat ja tuda'aky'át esu may'ajt windsu'kun. ¹⁶ Jt xoombuts ja'agyujxm kots kexy ka'pxy ndukmu'awdatu es xytyúndat di'ibu Dios tsyejpy.

8

Oyjya'ay'ajtan

¹ Tyam, mugu'ugítaty, nduknijawu'ya'andu wi'ix ja Dios ta dya'ixyaty ja 'yoy'ajtan majaty ja mabujkputujk di'ibu naymyujkudup Masedoñ. ² Oy tu dyajnáx dyajkaxtu ja ayo'on jantsy muj wiin kajaabu, byeen jyantsyjojkujk'aty'attu. Oyjya'ayooop jyajjotageebyudu, ta dyaktu ja naybyuduku éxtamxyp myukja'ay'attu. ³ Nduknija'adupts miidsuty ko yu'ujaty ta dyaktu naybyuduku xonda'aky'aa xonda'akyjyot tugekyu éxtam ta tpaattu, o waana ni'igu. ⁴ Pes extu xymyunu'xtáktuts es dyáktut ma myiky ja naybyuduku di'ibu yajtukpudákudat ja Diosu jya'ayaty. ⁵ Waana ni'igu dyajktu ja naybyuduku kudiinam éxtamts njawinmaay es dyáktut. Pes ñaygyujkudu yu'ujaty k'u'am jawyiin ma yu Nindsun'ajtam, es net ma udsajtam, du'an éxtamu Dios tseky. ⁶ Paaty tats n'anumu ja Titu es t'ak'yajmujkta'ayut ma miidsudy tyaadu tsojkungyujxmbu naybyuduku di'ibu yu'u yajmujktsondák tuuyup. ⁷ Pes miidsudy du'an mwa'kpudsuumdup ma tugekyu oytyim tiity: ma yu mmabujkan, ma xytyuk'uxpuktu Dioskajxy, ma oyjyot xymyudattu esu tsojkan mat uj. Es tyam, niwa'kpudsúmda nandu'an ma tyadu naybyuduku tsojkungyujxmbu.

⁸ Mada tyaadu, kyajts jayam miits n'ana'amdu, yu'uyu du'an es xyñijawudut wi'ix ja wiinkputy nandu'an pyudákudu, net miits nandu'an xya'ixudut ja muj wiimbu mdsokunaty ma yu nnumabujkpu'ajtam. ⁹ Mat ko miits mnija'adup ja Nindsun'ajtam Jesukristu tsojkan, myudajt muj wiin kyajaa ja muj'ajtan, per ñaybyujtáku éxtam tu'ugu asoobu ja'ay mat ja'agyujxm ko xytsyojkam es nbátam ja jotkujk'ajtan.

¹⁰ Ngajxpyuuts du'an éxtamu kajxwijn di'ibu mduktokudáktup. Junkt'ay mat ja mdsokungyujxm xyajtsondáktu jawyiin ja naybyuduku xyajmúktu. ¹¹ Pes tyam, aktundu di'ibu myajtsondáktu junkt'ay extu xyajkugáxtu. Mat ja du'numbu tsojkan di'ibu mmudajttu, yaktu éxtam ja Dios mmo'oyudu. ¹² Mat ko pun tu'ugu ja'ay yakaampy ja windsu'kun ma Dios, Dios kyupejkyu nu'an je'eyu dyaka'añ, es kyaj t'amdooy di'ibu kyaj nmudajtam.

¹³ Kyaj udsuty ndseky es miits mdugoy'ajtxudut ko tu xy'okpuduku ja wiinkputy, ja'a du'an es jyaa'átut ja ti'igyu'át. ¹⁴ Tyam miits mmudajttup mat di'ibu mbaat xypyudákudu di'ibáty tugoy'ajtxudup. Ko na'a yu'ujaty tmudáttut di'ibu mbaat mduktokududu, mmo'oyudup miidsuty ko naty nandu'an mdugoy'ajtxudu, es du'an jyaaty ja ti'igyu'át. ¹⁵ Éxtam jyuna'añ ja Diosu jyaabyajtan: "Di'ibu pyujtáak yajpudu'k may, kyaj oj ni'igu tmudattu; es di'ibu yajpudu'k waana, kyaj oj tyugoy'ajtxuty."

Titu esu jyamyudaty

¹⁶ Nja'agyudákyruudsu Dios ko tpujtáky yu amay jotmay Titu jyodoty wyinma'añóty, éxtamts uj nmajjotmaybyaty miidsuty. ¹⁷ Mat ko yu Titu kyupujk di'ibuts n'anmaay, es kom yu'u ku'am byeen mnijotmay'oogudu, tyam najx mgu'ixa'anadu mat ja kyu'umdsokun.

¹⁸ Ti'igyu mat ja Titu ngéxyuts jat'u'ugu nmugu'uk'ajtam di'ibu byeen yajmada'yak'áty majaty ja mabujkputujk ñaymyúkudu, mat yu'agyujxm ko jyantsy'óyaty ja tyuunk ma ja oybyu ayuk yajpaduñ. ¹⁹ Es kyaj yu'udyu tyaadu, nandu'an mat ko majaty ja mabujkputujk ñaymyúkudu yajwin'ijxy tyadu nmugu'uk'ajtam di'ibu judijtp mat udsuty, es nbudákudat ma nyajmujkamu tyadu naybyuduku di'ibu yam nduundupts, es du'an yajwindsu'agut ja Nindsun'ajtam es ya'ixut ko nbudakuya'anum nixim niyam. ²⁰ Ndsoktupts es kadiibuts ni pun xyñi'oo xyñijaxudut mat yu'agyujxmu tyadu naybyuduku di'ibuts nyajmijkyu, ²¹ ndunaambyuts éxtam pyaadyuty, kyaj jye'eyaty Nindsun'ajtam windum, nandu'anu du'an mayjya'ayóty.

²² Paadyuts jat'u'uga n'ngu'uk'ajtam ngexy nandu'an mat y'u'a, di'ibuts tu xytyuk'ixy ja tsojkan kanak nax, es tyam waanu ni'igu mat ko mdukm'aawd'atdu miidsaty. ²³ Pun ja pun dyajtay ja Titu ti tyuunk'ajtypy, an'numadu ko ujt'u nnuDios muduumbu es xykyudanats, es tyuñ mat uj es du'an xytyuk'oy'attat miidsaty. O pun yajt'udapts ja wiinkru n'ngu'uk'ajtam ko ti tyuunk'ajttap, an'numadu ko y'u'ujuty kyugajy'att'u majaty ja mbujkputajk ñaymyukadu es twindsu'ugadu Jesukristu. ²⁴ Ya'ixudu ko xyjantsysoyoktu yu tyadu kugajxyuty, es du'an xytyuknijawudat tugekyu yu nmamabujkpu'ajtam majaty ja mbujkputajk ñaymyukadu, wi'ix miidsaty ja tsojkan xymyudattu es nandu'an miits xya'ixudat ko tyu'ajtanuty tugekyu tyadu oybyu di'ibuts uj tu nmadya'aktu mat miitskyujxmaty.

9

Naybyudaku myiky

¹ Ja naybyudaku di'ibu miits nmo'oyandap tsojkanuyjxm ja nmamabujkpu'ajtam jam Jerusalen, kyaj tyimtsékyuty es nduknijáyudat, ² mat ko nnija'abuts yu m'oyjyóty. Byeenamts ngumaydu di'ibaty ijttap Masedoñu ñaxóty, ko miidsaty, Akayu ja'ayuty, m'awijx mjajp'ijxtap xypyudakuya'andu extu junktu'uyup, es mayu Masedoñu ja'ayuty byeen ttukxonda'aktu miidsadyu m'oyjyóty. ³ Paadyuts ngexyu tyadu n'ngu'uk'ajtam kadiibuts n'anuguga'adats mat ja di'ibu tu miitskyujxmaty nnimadya'agyats oy. Ja'a njuna'anum es mjanstynayjyup'ixudat éxtamts tu njuna'añ. ⁴ Es pun xymyutnaxtupts nidu'ugaty ja Masedoñu ja'ay es nbaadudats miits ma kyaj xy'awix xyjajp'ixtu, taadu xymyo'oyapts ja tsoydu'un madsu naty miits byeen tu ndukm'aawdatu; ja'a du'an kadiibuts ndimjuna'anat ko miidsadyu du'an mdsoidydu'un'ajttap. ⁵ Paatykyujxmaty uj nwinmaay ko tyadu n'ngu'uk'ajtam nauj mgu'ixudu jawyiin es mbudakudat xyajka'pxtat ja naybyudaku di'ibu miits mwandaktu junktu'uyup es xyáktat; es du'an ja naybyudaku di'ibu miits mya'awijxtap, du'an ya'ixy ko tsojkanuyjxm yaj'yáky es kyaj éxtamts uj pun ndukkuwanu.

⁶ Mjamyáttap ko di'ibu nip waanu, nan waanu dyajpude'eky ja pyujta'aky; es ja di'ibu nip kajaa, nan may dyajpude'eky ja pyujta'aky. ⁷ Nidu'uk nidu'ugaty miits xyáktat ja mbudajkan éxtamu naty tu xytyukniwinmáyudu, kyaj majtsk aa majtsk jot es kyaj agwánubu, mat ko Dios tsyejpy ko ti yaj'yáky xonda'aky'aa xonda'akyjyót. ⁸ Dios mbaat miidsaty mdukm'agununu'xaty tugekyu oytym tiity es du'an kyaj ti mdagoy'ajtxudat, extu mbaat miits waanu ni'igu xypyudakudu ja di'ibaty tugoy'ajtxudap. ⁹ Du'an éxtam jyuna'añ ja Diosu jyaaybyajtan:

Ja oyjya'aybyu majtsk adu'umgu'u tmo'oy ja ayoobu ja'ayuty;
es ni na'a Dios kyaja'aydyago'oyxyudat ja 'yoyjya'ay'ajtan.

¹⁰ Dios, di'ibu yajkypy ja tuamt di'ibu yajnip yajkojp es di'ibu yajkypy ja je'xy peky, mgunu'xa'anxudap ja mbujta'agyuty di'ibu naty mnip mgojtap, es miits ja puja'aky may xypyaattat, es myuj myáyt ja oy'ajtan di'ibu mduundap. ¹¹ Du'an miits xymyudáttat tugekyu ja namyadunu es xymyo'oydyat muj may pánaty ti tugoy'ajtxudap. Es di'ibu miits myajktap mat ujt'skyujxm oybyudsamaamp, mat ko ja n'ngu'uktuj'ajtam tja'aygyada'aktat ja Dios ko miits xykyaxtu ja pudajkan. ¹² Mat ko yajpudáku ja n'ngu'uk'ajtam, kyaj jye'eyuty ti oynu'unun nmo'oyam di'ibu tugoy'ajtxup, ja'a du'an es nandu'unu ja'ay muj wiin kajaabu tja'aygyada'aktat ja Dios. ¹³ Yu'ujuty 'yawdátap ja Dios, pes madu tyadu naybyudaku mdukm'ijxtap ko miits xykyuydyundu ja oybyu ayuk di'ibu Jesukristu ñimadyakypy, nandu'un yu'ujuty myay'at wyindsu'ugudap ja Dios mat ja oyjyotkyujxmbu ja naybyudaku di'ibu miits mduknigajxtap yu'ujuty, ¹⁴ es 'yamdom pyujtsówdap ja Dios mat miitskyujxmaty mat winu jyot, mat ko Dios muj wiin kajaa tu kyuni'xyaty mat miitskyujxmaty. ¹⁵ Yajja'aygyada'aky ja Dios mat ko tu xyjantsykyunu'xum muj wiin kajaa, di'ibu kyaj mbaat nnasja'am.

10

Paablu kyutujkan ko 'yapostulu'aty

¹ Ma tyadu neky, uj Paablu, n'amdoo nbajktsoodap mat ja yuunk'ajnt naxyp'ajtan es ja Jesukristu tsojkan, oy jam naagaty miidsaty di'ibu jnandap ko muk ayuk ndukni-gajxtu neky'am, per yuunk naxyp'ats n'ity ko miits nmugajxy wiin jujp. ² N'amdeepy nbajtseebyats ja may'ajtan, ko miits naujxx ngu'ixtu, kadiibu miits xytyuk'agwánudu es awa'an nmugajxat pánaty xyñi'u'unudabuts es jyuna'andu esuts ti nduñ mat ko uj n'ity éxtam pánaty myudajttap ja naxwíñudu winma'añ, pes nnayjja'abuts es muk aa muk jot nmugajxudats yu'ujuty. ³ Tyu'ajtan ko ja'ay udsaty, per kyajyum udsaty ndsiptuñ éxtam ja ja'ay pánaty ja naxwíñudu winma'añ ja'a'ajtudap. ⁴ Yu soldaada di'ibu ja

naxwiin, yu'u yajtuundap ja espaadu ma tsiyptunda; per uudsaty, kyaj uudsadyu tyaadu nya-
jtunda, nyajkutageebyuts ja axuk'ajtan. Diosats xymyoodypu di'ibuts muut nyajtu'adiky
tyadu axuk'ajtan es nyajkutagogydyuts di'ibu majku'u tyiimpy. ⁵ Nyajtugeebyuts oydyi'ibu
winma'añ di'ibu ya'adijkypy es ya'ixy'atut ja Dios. Tugekyu winma'añaty ndukmadijupts
es tmadodwat ja Kristu. ⁶ Ko miits xkyuydyuunda'aydyut, net sitay n'awixyats es
ndukmudodwat di'ibaty kyaj tkuydyunda.

⁷ Katu miidsaty yu'uyy xy'ixtu wingajxpyu. Pan ja pan nidu'ugaty ñayjyawudu ko
yu'u Jesukristu jya'ay'atyaty, paktu kwentu ko ujtsu du'an nandu'unu Jesukristu jya'ayaty.
⁸ Oyats uj njatukmaj njatukpaadu ja kutujkan di'ibuts nmudajtypy, kyajts nduktsoy-
dyuñ; pes ja'aguyjxm ja Nindsun'ajtamts tu xymyo'oy yu kutujkan es myaj wiin kya-
jaat ja mmabujkanaty es kyaj esuts miits nyajkutagogydyut. ⁹ Kyajtsu du'an uj miits
n'adsu'uguya'andu mududsu nneky, ¹⁰ extam naak jyuna'andu: "Tyadu Paablu nekykyujxyu
du'an je'euy xymyugajxum muk, per ko mut nnaywiynguwa'kum, yuunk naxxyrup es ni
ti tkatsooty ja 'yayuk." ¹¹ Per di'ibu dun junandap pyaktubu kwentu ko nandu'un extamts
winmuk jotmuk nmagajxy mats nnijayu kots jagam n'ity, nandu'andsu du'an winmuk
jotmuk ngajxat kots muut ku'am awingujk nnaybyaadudat.

¹² Kyajts nnaydyukma'ijxkijxyuya'añadyu tadu di'ibu ku'am naygyumaayup. Nugo
yu'ujaty lyoku'attu ko ku'am ñayyajkiyxubudu o ko ñay'ijxkijxyubudu nixim niyam. ¹³ Uj,
kyajts nmajuya'añ nbaadya'añ mut ja di'ibuts kyaj xypyaaty. Diosu du'an di'ibu pyujtakyu
yu ndsiba'anats mats nduñ, es jambaadats xymyooy esuts ndunat ma miidsaty. ¹⁴ Paaty
kyajts ndukpudsemy yu ndsiba'anats, extamxyupts kyaj n'ityñam tauyup mut miidsaty.
Ujtsu du'an jayajp'ajtp ndukniujxtu miidsaty ja oybyu ayuk di'ibu ñimadyakypy ja Je-
sukristu. ¹⁵ Kyajts ndukmaj ndukpaadu ja tuunk di'ibu wiinkpaty tu ttundu, extamxyupts uj
nja'ajaty. Nik ni'igats n'awixy ko myaj wiin kyajaat ja mmabujkanaty, es mbaat n'aktuñats
ni'igu ma miidsaty, ¹⁶ es nandu'un n'awanat ja oybyu ayuk waanu jagam ma Korintu,
ma kyajnum ja oybyu ayuk yajkajxwa'xy, es du'an kudiiu pan jyuna'anat ko uj yu'uts
ndukmajpudsumaampy di'ibu wiink ja'ay tu ttundu.

¹⁷ Extam jyuna'añ ja Diosu jyaaybyajtan: "Pan ja pan ti ttukxonda'aky, wa'an ttukx-
onda'aky di'ibu Dios tu tuñ." ¹⁸ Tyaadu xytyuk'ijxum ko kyaj ti tsooty ja di'ibu
naymyujpajtakup ku'am; di'ibu sitay tuump ko yu Dios jyuna'anat ko oy di'ibu ndu'unum.

11

Paablu es di'ibu nugoobu ñaydyijudu apóstulaty

¹ Tundu may'ajtan, mama'xtujktugats mats nugo ngu'uw ngugajxu.

² N'ama'ajtsy'ajttupts uj miidsaty Dioskyujxm. Miidsaty, Korintu ja'ayaty di'ibaty tu
xy'axájudu Kristu, du'an miidsaty extam tu'ugu kixyado'oxy di'ibu tu yajni'adsóy, es ujtsu
du'an extam ja u'unkteety di'ibu pápat es n'ijx'it ngwentu'attat extu ngayákat wa'ats ja'ayun
ma Jesukristu, extam jyawu xyña'ay'attu. ³ Per du'an extam ja ka'oybyu mut ja axuk
winma'añ twin'u'añ ja Eevu, tsu'kupts uj ko miits najx nandu'un mnayyákadu es mya-
jwin'uandut es xyajtagátstut ja oybyu mwinma'añ di'ibu naty nmudajttap ma Jesukristu.
⁴ Pes kyaj mdsipka'axtu miidsaty ko mnimínudu naak es tkajxwa'xtu es miits x'axájudut
jatu'ugu yajnitsókpá, es kyaj yu'adyu Jesús di'ibuts uj ngajxwa'xypy; o ko ttsóktat es miits
xy'axájudut ja wiinkpu ja'ajun di'ibu kyaj yu'adyu Espiritu Santu di'ibu tu xy'axájudu; o
miits xy'axájudut ja wiinkpu xprajkan, es kyaj jya'adyu oybyu ayuk di'ibu ñimadyakypy ja
Jesukristu di'ibuts uj miits tu n'awánudu. ⁵ Pes ni wi'ix tsoots ngawe'emy ux'am madu tadu
andákpáty di'ibaty nay'andijudap apóstulukópkaty. ⁶ Oyats uj nyajtijy ko kyajts njaty ja
uw kajx, kyajts ja'ijty xyjatagoy'ajtxaty ja wijy'ajtan, du'an extam tu nduk'ixtu kanak nax
di'ibuts tu nduñ.

⁷ ¿Tii wa'an nduundu axuuk ko n'awa'anudu ja Diosu 'yayuk ko ni nu'un oj mgatsobátxudu?
¿Es tii, paadyudsu du'an xy'axtijty es du'an miidsaty muj mbaadudat? ⁸ Ngupujkts ja
pudujkan di'ibuts xymyoodyu ja mabujkpaty di'ibu naymyujkadap ma wiink kajpnaty,
esuts miits nmudúndut. Tyaadu du'an tpaty extamxyupts yu'ujaty nme'tsyuts. ⁹ Es óyats oj
ti xytyugoy'ajtxu, ni tu'ugats miits nga'adsijpy. Ja nmaguy'uk'ajtam di'ibu ijtup Masedoñu,
yu'ats xymyoodyu di'ibudsu naty xytyugoy'ajtxap. Kyajnumts uj miidsaty ti n'amdoy esuts
xypudákadut, es ni na'ats miits nga'amdówdut di'ibuts uj nyajtagoy'ajtypy. ¹⁰ N'anuumudu
du'an mut ja tyuy'ajtanu Kristu, es ni pan majatyu ñaxwiñudu Akayu xkyapajkat yu
nxondákanats. ¹¹ ¿Es tii, mut kots du'an njuna'añ, mjunandap xtyvijy ko kyaj ndsoktu
miidsaty? ¡Diosu du'an ñija'ap kots miits njantsytsyoktu byeen!

¹² Per n'akkajxwa'xupts ja Diosu 'yayuk nan nandu'unu, es du'unu tadu di'ibu nay'andijudap
apóstulaty ni wi'ix tsoo tkapaattat wi'ix jyuna'anat ko yu'u tmudundu Dios extam ujun.
¹³ Tim tuj'ajtan ko tadu ja'ayaty kyaj yu'ujaty ja Jesukristu 'yapóstulu. Andakp yu'u es

je'eyu t'anuumadu ja ja'ayaty ko yu'a 'yapostulu'atadu Jesukristu. ¹⁴ Kyaj muk yajjawat ko du'un 'yadu'utstu, pes ku'am ja mujku'ugopk Satanás ñayyajtagatsyuty es ñayajku'x'e'egyuty éxtum tu'ugu Dios ja 'yanklus. ¹⁵ Paaty kyaj muk yajjawa ko yu Satanasa myuduumbuty nandu'un ñayyajtagatsudu es ñayajku'x'ugudu éxtumu Dios muduumbuty. Per oknum ja Dios tyukkumadowa'añaty éxtum ñitákuty.

Wi'ixu Paablu 'yayo'ombaaty

¹⁶ Jatugok n'ak'anuumadu ko kyaj mjuna'andut kots uj nlókuty; per pun du'unuts xy'ixtu, na'ijxtuguts es mínuts n'okkajxy éxtum tu'ugu loku, esuts uj nandu'un waanu nmuj nbaadut. ¹⁷ Kyajts ja yamu du'un njuna'añu tyaadu mut ja Nindsun'ajtamu kyutujkun, ja'a du'un xya"adútsputs ja nloku'atúts mats nmuj nbaadu. ¹⁸ Ja'a ko ta may di'ibu nayjya'adup muj kujxm, mínuts uj nandu'un n'oknayjyawuty muj kujxm. ¹⁹ Mut ko miidsuty nugoo m'okkuwiji'yaty'ajnuadu, muma'xtujktup ja lokutajkuty. ²⁰ Pes miidsuty myajnajx myajku'xtup ko yu taaduty m'ana'amadu es xymyudúndut, o ko mwin'uanadu, o ko mmaadsudu o extu ko mwimbojtsu'ugudu. ²¹ Oyuts ja'ijty njatsoydu'úñ kots du'un njuna'añ, jbeenats uj ndim'ya"ayow ndim'ya"ama'aduty esuts du'un n'adu'udsut!

Per pun wi'ix ja wiink muk aa muk jot ñayjyawuty es ñaymyujpajta'agyuty, mínuts uj nandu'un n'oknayjyawuty, oyuts uj du'un n'uy ngajxy éxtum tu'ugu loku.

²² ¿Tii du'un jyuna'andu ko 'yebreēja'ayuty yu'adyu? Nandu'unuts uj n'ebreēja'ayuty. ¿Tii du'un jyuna'andu ko yu'ujuty 'yisraelitaja'ayadyu di'ibu Dios wyin'ijxu? Nandu'unuts uj n'israelitaja'ayuty. ¿Tii du'un ñayñigajxudu ko yu'a Abraan tyuump'at 'yaats'atadu? Pes ujtsu du'un nandu'un xytuump'ajt xy'aats'ajtp ja Abraan. ²³ ¿Jun'andap ko tmudundu ja Jesukristu? Ujtsu du'un sitay ni'igu nmudúñuts ja Jesukristu. Oyuts du'un n'uy ngajxy lokun, tuts nduñ waanu ni'igu kudiuum yu'ujuty. Tuts xypyajta'aktu pujxndugoty kanak ok kudiuum yu'ujuty, es tuts n'ity o'kun jujp'am kanak ok. ²⁴ Mugoxk ókuts ja israelituty tu xymyo'oydyu ja i'px majmókx majtáxk ku'u ja naywyopu. ²⁵ Tugok ókuts tu nyajkepywyépy, tugókuts nyajtsaga'tsy, tugok ókuts tu njakiñ mut ja barku madsu naty njadity, tuk xuu tuk úxuts ngunaanudijty mejyñikujxy. ²⁶ Tuts kanak ok nnu'oyo'oy ndu'uyo'oy. Tuts n'ity o'kun jujp'am, majnjóty, ma yu ma 'tsputy, mats xyñ'udán xytyu'udánadu, ma nnu'israelitaja'ayuty, ma di'ibu kyaj 'yisraelituty, nu'aay tu'aay, kajpnóty, jikymyeyñóty, es ma yu ja'ayuty di'ibu nay'andjjudup mubajkputajkuty. ²⁷ Tuts njantsytyuñ mut ja amay jotmay. Kanak ókuts tu nyajnáxy ja tsuu ni ngama'ayuts. Tuts n'ayu'aty es tuts nyajnáxy ja tuuds, es tuts nyajnáxy ja xux, es waanats ja nwit nnijam.

²⁸ Taanumu wiingátypu waanu may di'ibuts xytyuunkmeepy, ja'a ko bom bómuts nmujotmaybyaaty nidagekyu pánuty 'yaxájjudup ja Jesús éxtumu Kristu. ²⁹ Ko pán 'ity yu'ayow ya'ama'at, nandu'unuts n'ity yu'ayow ya'ama'at; es pun ja pán ñayyajpekykya'ayuty, ujts maay tajp es njot'ambékyats mut ja di'ibu myugu'uk yajpekykya'apy. ³⁰ Pun du'unmuts n'akmuj n'akpaadu, akmu'akpaadupts mudu tyaaduty es nya'ixudats ja nya'ama'at'ajtunats. ³¹ Yu Nindsun'ajtam Jesukristu Tyeety, yu nDios Teety'ajtam di'ibu pákup ja may'ajt windsu'kun winu xuu winu tiempu, yu'u ñija'ap kots ngajxy ja tuj'ajtan. ³² Kots n'ijty Damasku, ja gubernadoor di'ibu naty myu'dimpy ja rey Aretus, yu'u pyujtáx ja tujk aa kwentu'ajtpaty ma tadu kajpn, esuts xymyatsánduts es xyajnu'xánduts tsimy; ³³ per xykyutuu'ñajxtuts ja mubajkputajk katsyoty ma ja kajpn nabotsu vyyentanu, es du'unuts xykyamajtsu.

12

Yajmunejx ja Paablu tsajpótm

¹ Oy ni tits ngaganaraty kots nnyamyujkumáuty, koonumts tyam ndukmumadya'aky ja ijxma'tun es di'ibuts uj Nindsun'ajtam tu xytyuk'ixy. ² Majmajkts jumujtup nyajmunejxyuts jam tsajpótm. Kyajts nnijawu pan ojtsudsu du'un mudats nnini'x ngubajk, o yu'uyudsu n'anmuj'a'an. Dios ñija'ap. ³ Per di'ibuts uj sitay tuj'ajtan nnijawu (pan ojtsudsu du'un mudats nnini'x ngubajkuts o kyaj, ñija'abu Dios) ⁴ ko jam tsajpótmnts nmudooy di'ibu kyaj pán tmawinma'añbyaaty o ñigutikyuty yajnjigajxat. ⁵ Mbaaduts uj njamuj njapaadu mudu tyaadu, per kyajts du'un nduna'añ; mujpaadupts mut éxtumts nya'ayow nya'ama'aduty. ⁶ Kooxyupts uj nmujyua'añ nbaaduya'añ, kyajxyubu taadu lyokawinma'añaty; óxyxyubu du'un kots nmuj nbaadu, yu'ats nmadyakypy di'ibu tuj'ajtan.

⁷ Nugoo 'yokmuj'ajnu di'ibuts n'ijx. Paadyu Dios dyajkutyky es ja mujku'ugopk, ja Satanás, xya"ayówat mut tu'ugu pujkunu mukpu kudibuts uj nnyabyujta'agudat muj kujxm. ⁸ Tugok ókuts nja"amdooy njabujktsooy ja Nindsun'ajtam esxyupts xytyukniwa'adsyu tyadu pujkun. ⁹ Per yu'u xy'adsooyts: "Yu nmay'ajtunats yu'u mdukmumada'agudabu tadu pujkun. Ko mij mya"ayow mya"ama'aduty, ya'ijxp ko ujtsu du'un di'ibu mmooyup ja mujjaa." Es mut kots du'un xy'anmaay ja Nindsun'ajtam, mbaaduts ndukmuj ndukpaadu

kots nya"ayow nya"ama'aduty, mut ko da'un ya'ixy ja Jesukrista myuk'ajtn. ¹⁰ Paaty jotkujkats nnaayjawaaty óyuts nya"ayow nya"ama'aduty, óyuts xyjani'o'ó xyjaníyáxubudats, óyuts xyjapajudijtrada, es óyuts xya"ayówdats mut ja ayo'on jotmay mut ya'ugyujxmú Jesukrista. Mut ko óyuts njaya"ayow'ajt njaya"ama'at'ajtrú, Jesukristats xymyujajameery.

Paablu tmamaj tmudajy ja mabujkputujk di'ibu Korintu

¹¹ Nugoots tu nloku'aty kodsú da'un tu nnaymyujpajta'agyaty, per miidsadyu da'un tu xtyuyktundu agwana. Mut ko miidsadyu da'un tu njapaadudu xyajmujpudsámudats, pes pun miits m'ijxkijxyudubu tadu di'ibu 'yandijtp apóstalu kópkytu mut uj, m'ixtup ko ni wi'ix tsoo ya'ujaty waanu oy tmadundu ja Dios es kadiinam uj. ¹² Pes kots n'ijty mut miidsaty, nya'ijxats kots njantsy'apóstaluty, ja'a ko mut ja ma'xtujkanats nduun kanak naxu ijxwu'amán, muj'ajtn es di'ibu ja'ay da'uñu muat wyu'amadya'aydyu. ¹³ Du'uñamts uj miits nbudajkadu éxtamts nbudajkadu ja mabujkputujk di'ibu wiink tsoo naymyujkadup; di'ibu da'un tu'uk muat tygatsy, ja'a da'un mut ko miits kyaj ti pudujkan xymyooydyu. Da'un xy'oknama'xtat pun tu nmudagoydyu mut ko kyaj tu n'amdowdu.

¹⁴ Tyámats njujp'ixy es nuix ngu'ixa'andu myudugak okpu, es kyaj n'adsipa'andu. Kyajts nbajedyt di'ibu miits mmudajt mjaygyajtpat, miidsadyu dan ku'am n'axtaaydyup; pes ya u'unk teedyuty ya'u dan pátdup n'axta'aydyut es t'ixtudu 'yu'unk 'yuna'kuty, es kyaj ya'ujaty ja u'unk ana'k di'ibu 'yixtup ja tyak tyedyuty. ¹⁵ Mut tu'ugu oyjyot nyajtúnudats tugekyu di'ibats nmudajtypy, es mut tugekyuts ja nmujaa nbudakudat miidsaty. ¿Tii xytsyojktupts miidsaty waanu pun nduk'ijxtup miidsaty ko njantsysoyktu byeen?

¹⁶ Ni na'a ti tu nga'amdowdu mudadsu ngu'am gastu, oy jyadu'anaty, taa di'ibu junándup: "Tyadu Paablu byeen pye'typtyuty es tu xylyoku'ijxum, es oytyim wi'ixuty tuu ya'u dyajpudsémy ja meeñ es tgasu'aty." ¹⁷ ¿Per wi'ix tsoots tu nyajpudsémy ja mmeeñ? ¿Tii mut ja di'ibats ngajx éxtamtsu ngudanaabyu? ¹⁸ Kots nduknipejky ja Titu es nuix ngu'ixudu, ngejxyuts ya'u mut jat'u'ugu nmug'u'uk'ajtn. ¿Tii yajpudsámudu ma miidsaty oynu'anunu gyanaratyu? Kyaj, ¿kadii? Nmudajttupts ti'igyú jot winma'añ. Ti'igyuts oytyiitu ndundu.

¹⁹ ¿Tii mjunándup miidsaty ko mudu tyadu neky, ja'ats ndiimpy es nnaayjawa'ama'añadyuts yajxón mut miidsu? ¡Kyaj dyu'anaty! Di'ibats tu nmadya'aky, da'unats njuna'añ éxtamu Jesukristu kyudanaabyu es Dios testiigu. Mgu'ugituty, tugekyu di'ibats ndiimpy, ja'a da'un es xyajmujwiin xyajkajaajudat ja mmabujkanaty. ²⁰ Mut ko nja'abats ko nuix ngu'ixtu, wa'anu da nga'okpátnat éxtamts uj ndseky, es nandu'un miidsaty kyajts xyryaattat éxtamts miits xyjapaada'andu. Nujpja'abats ko kyuxu'ugut ja tsip, nayni'o'ó nayni'yáxuk, aku, joramayu, pi'ts uy pi'ts kajxy, naybat'ijx nayjunaak'ijxun, muj patun. ²¹ Jujpja'apts kots nuix ngu'ixtu, ya nDiósats xtyuykajawupts di'ibats uj ndsoydyu'un'atup, es kots miits nimay nniju'ay nniya'axtat ko miits tu mbektyundu es kyajnam xymyastu'uttu ja axuk'ajtn, ja mu'induunk es ja ka'obyu winma'añ di'ibu mbaduundup.

13

Kajxwijn esu kajpo'xun

¹ Tyadu da'un ja myudugak okpu ngu'ixa'andu. Pun jaa di'ibu u'anun tyuda'aga'añ, koonam tsyékuty majtsk o tugaak di'ibu ñikajxpáttup, éxtam jyuna'añ ja Diosu jyaay-byajtn. ² Ko ja myumajtsk okpu ngu'ixtu, ndukjaygyujkadus di'ibu naty pektyuundup, es tyam n'aktukjaygyúkadus ya'ujaty esu wiinkpúty. Kots n'akniinajxtat jatugok, kyajts nnakyñima'xtat, ³ es da'un nduk'ixtat ko ujts ngudanaapy ja Jesukristu. Pes jaygyúkadu ko ya Jesukristu, kyaj ya'u ya"ayow ya"ama'aduty, muk'ajtnu da'un sitay myudajtypy di'ibu yajtiimpy ma miidsaty. ⁴ Tuj'ajtnu'u ko 'ye'ky kruuzkujxm éxtamu ya"ayow ya"ama'atrun, per tyam jiky'ajtp mut ja Diosu myuk'ajtn. Es nandu'anats uj n'ity ya"ayow ya"ama'at es ti'igyú mut ja Kristu njiky'áttudats, es Dios myuk'ajtangyujxmats miits nbudakudat.

⁵ Naywyinma'añ'ixudu miidsaty ku'am, es xy'ixtat pun mmabujktup ja Jesukristu. ¿Tii kyaj xyryaktu kwentu ko Jesukristu 'yity ma miidsaty pun mjantsymyabujktup? ⁶ Ndukmu'awdajttupts es miits xyñijawudat kots uj nmuduñ ja Nindsun'ajtn. ⁷ Kajxtákrpts es mjiky'áttat yajxón. Kyaj ya'ujaty esats uj miits xyajw'u'umdut oy, ja'a da'un es oy m'ittat mudu Dios, oy jyakux'e'ky kyaj 'yóyuty di'ibats nduun ngajx ma miidsaty. ⁸ Kyajts mbaat ndsiptuñ mut ja tuj'ajtn, yu'udsu da'un je'eyu mbaat nduñ ja tuj'ajtn. ⁹ Xondákrpts ko miits m'oy'at mmak'attu, óyuts uj nya"ayow nya"ama'aduty; es akkajxtákrpts es m'ittat éxtamu Dios ttseky. ¹⁰ Paaty maanam ngaku'ixtu, nja'ayuts ma tyadu neky es miits mnaayjajwíjtsambitadut ku'amaty, es kyaj jyatyimtsékuty es uj miits ndukkumadówdut kots uj nnajxtat; mut ko ja Nindsun'ajtamts tu xymyo'oy ya kutujkan es myuj wiin kyajaat ja mmabujkanaty, es kyaj esats miits nyajkutugódyut.

¹¹ Məgu'ugítəty, mats ngajxtəəyñə, ndukmədsojktəp es mjiky'əttət əgukj jotkujk. Əxtə'əydyə di'ibə myəjwə'mmədəp wə'əts mə ja mjiky'əjtən. Nəyyəjjotkujkədə es jyiky'əttə ti'igyə əgukj jotkujk. Pən mduundəbə də'ən, netə Dios, di'ibə yəjkyəp ja tsojkən esə əgukj'əjt jotkujk'əjtən, 'yítət mə miidsəty. ¹² Nəymyats nəymyənánədə nixim niyam Jesukristəkyəxm. ¹³ MəyDiosək də'ən jyənə'əndə nidəgekyə nməməbəjkpə'əjtəm.

¹⁴ Wə'anə Nindsən'əjtəm Jesukristə mgunu'xədə es ja Dios mmo'oyədə tsojkən esə Espírítə Santə mmət'ítədə nidəgekyə miidsəty.

Neky Di'ibu Paablu Tyuknigajxta Ja Galasya Ja'ayuty

¹ Eĵ Paablu, 'yapóstalu Jesukristu, es kyaj mat yu'ugyujxmaty ja naxwíñudu ja'ayudyu kyutujkan, es nan ni tu'ugudsu ja'ay tu xkyarujta'aky, yu'uts xpyujtáktu ja Jesukristu ku'am esu Dios Teety di'ibu Kristu yajjikypyujk. ² Eĵ mat nidagekyu yu nmugu'uk'ajtam di'ibu yam ijtup mat uj, nduknigáxtudsu tyadu neky ja mabujkputujk di'ibáty naymyujkadup Galasya. ³ Wa'an nDios Teety'ajtam esu Nindsun'ajtam Jesukristu mgunu'xudu es mmo'oyudu ja agujk'ajt jotkujk'ajtan, ⁴ ja Jesukristu di'ibu nayyajku éxtumu windsu'kun es xyajpojpnitugo'oyam es kudiibu nbadu'unam ja axuk'ajtan di'ibu ya naxwíñ, es madu tyadu Jesukristu tkuudyuun di'ibu Dios Teety tsoyok es ttúnat. ⁵ Pes n'ok'awdajtam ja Dios di'ibu myudajtypy ja mu'ajtan winu xuu winu tiempu. Wa'an du'anuty.

Kyaj ma wiink oybyu ayuk

⁶ Mugu'ugítuty, du'ñuts xyajwu'amu ko jantsy tim tsojk miits xymyastu'uttu ja Dios, di'ibu mwin'ijxudu es xy'axájut ja Kristu ñitsokan, es tyam mbanujxándup ja wiinkpu di'ibu tyijtup oybyu ayuk. ⁷ Per kyaj ti wiinkpu oybyu ayuk. Di'ibu dan sitay tim tu'ajtan, tam naagudyu ja'ay di'ibu mwin'uanánadup mat ko tsoyoktup dyajtagatsa'andu ja oybyu ayuk di'ibu Kristu ñimadyakypu. ⁸ Per pun ja pán mduk'uxpákuđu wiinkpu uxpujkan es kudiinam ja oybyu ayuk di'ibuts miits tu nduk'uxpáktu, wa'an yajkajxpeky winu xuu winu tiempu, oy tyim'ujtsuty, o tu'ugu anklas di'ibu miimp tsajpótm. ⁹ Nnikajxpejtypyats jatagok. Pun ja pán mduk'uxpákuđu wiinkpu uxpujkan es kudiinam ja oybyu ayuk di'ibu tu xy'axájudu, wa'an yajkajxpeky winu xuu winu tiempu.

¹⁰ Es kots du'an njuna'añ, zti njuna'amp xytyjy kots du'an njuna'añ, ja'a du'an esuts ja ja'ayuty xy'oy'ixut? Kyaju du'an. Ndejpyuts je'eyu esudsu Dios xy'oy'ixut. Kooxyapts uj ndseky nwu'ama'añ yajxon mat ja ja'ayuty, kyajxyapts uj nmuduñ ja Kristu.

Paablu tyuku apóstalu

¹¹ Mugu'ugítuty, jaygykudu miidsuty, ja oybyu ayuk di'ibu tu nduk'uxpáktu, kyaj yu'ujuty ja ja'ayudyu wyinma'añ. ¹² Kyaju ja'ayuts xytyukmumadyaky es ni tu'ugu ya'uxpujkrpu xkyutakni'ijxu, ku'amu Jesukristu xytyuknija'ajuts.

¹³ Tu xymyadowdu wi'ixuts uj njiky'ajty tuuyup kots uj ijty nbaduñ ja israelítuty ja kyostumbra, es wi'ixuts uj ijty njantsypyajudity ja di'ibu pyanujxtap ja Kristu es nya-jkutugoyáñuts. ¹⁴ Eĵts ijty waanu ni'igu nbadiimpy ja israelítudyu 'yuxpujkan kudiinamts ja nmaduknaxuty, ni'igu ijty nbaduñuts di'ibu ja 'yaptujk jaayam tyuundu. ¹⁵ Peru Dios tuudsu naty xywyin'ixy madsu naty kyajnam nmiñ nja'tyuts. Pes mat ja myay'ajtunguyajxm xywyooyuts esuts nmadúnat, ¹⁶ esuts xytyuk'ijxy xytyuknija'ajuts ja 'yU'unk, esuts uj ngajxwa'xut ja 'yU'unk jya'a ma di'ibu kyaj 'yisraelítuty. Pes kyajts uj n'amdooy ja kajxwíjan mat ni pán. ¹⁷ Es ni ngapatujkts Jerusalén esuts pán xya'uxpákuđuđts di'ibu naty apostulu'ajttup ma naty uj kyajnam, nik ni'iguts oj nnejxy ma ja Araabyu muj it, es óknamts njumbijty jatagok ma Damaska kajpn.

¹⁸ Extu ko ñaxy tuguk jumujt, nétuts oj nnejxy Jerusalén es ngu'ijxyuts ja Peedru. Es majmóxx xúuts nwe'emy jap mat yu'u. ¹⁹ Es kyajts jam n'ijxy ja wiinkpu apóstalu, yu'uyuts n'ijx ja Santya'agu, ja Nindsun'ajtam myuga'ax. ²⁰ Nmudajtypyats ja tu'ajtan ko di'ibu n'anmaaydyup, yu'u du'an ja tu'ajtan. Nija'ap ja Dios ko kyajts n'anda'aky.

²¹ Oknamts nnejxy ma yu Siryu ñax esu Silisyu ñax. ²² Kyajts xy'ixy'ajttu pánuty myubujktup ja Kristu jam Judee, ²³ je'eyu sitay tmudoo juna'andu: "Ja di'ibu tuuyup xypyajudijtam, tyam jyudity tkajxwa'xy nandu'un ko Jesús yu'ujuty ja Kristu di'ibu Dios kyajx es xyajnitso'oga'anam." ²⁴ Es t'awdattu Dios mat ujtskyujxam.

2

Apóstulaty tkupuktu ja Paablu

¹ Ko ñaxy majmajkts jumujt, nnejxyuts jatagok Jerusalén mat ja Bernabee, es nmunejxyuts ja Titu. ² Nnejxyuts jap mat ko Diósudsu naty tu xymo'oy ja winma'añ esuts jap nnujxut. Japuts nnaymyujkudu mat pánudyu mabujkputujk ñigopk'ajttup, es ndukmumadyakuyats ak ja'ajuty wi'ixuts ngajxwa'xy ja oybyu ayuk majaty kyaj 'yisraelítuty. Du'unats nduun kudiibu tyugóyt di'ibudsu naty tu nduñ es ndiimpyñamts. ³ Per oy ja Titu jyayu'udyu grieegu ja'ay, kyaj amujaa t'anmaaydyu es yajtsúkat waanu ma yu yedyujk'ajtan*. ⁴ Jam ja ja'ay naaguty di'ibu tujkudu es jyunandu mat ja andakunguyajxm ko yu'ujuty tranujxta Kristu. Yu'ujuty je'eyu myindu ijxu'k ijxtákrpu wi'ix ti yajtún ko n'ijtam

* 2:3 IX Lukus 1:59.

awa'adstúm yu'ugyujxmu Kristu. Tadu ja'ayuty xyja'anuumayánats es agwana nbadu'unum ja ana'amun. ⁵ Per uudsuty kyajts ngurujktu tadu xprujkn, ni je'eyu tuk pojun, es da'un ja tuj'ajtan di'ibu yajpátr ma ja oybyu ayuk wyu'umut ma miidsuty.

⁶ Kyajts xymyoodyu jembyu kajxwijn ja ja'ay di'ibaty kaxu'ktap ko ñigopk'ajttap ma ja mubujkrutajkaty. Kyajts uj nduñ kwentu pun pan yu'ujuty, ja'a ko Dios kyaj trayo'oy wingu'uy agu'uy éxtam ñayajkuxe'egyuty. ⁷ Kyajts uj wiink kajxwijn xymyoodyu, yu'ujuty ko Diosdsu naty tu xytyuknipeky ja tuunk esats ngajxwa'xat ja oybyu ayuk ma di'ibu kyaj 'yisraelítaty, da'un éxtam ttuknipejky ja Peedru ja tuunk ma ja israelítaty. ⁸ Es da'un éxtam ja Dios tkejxy ja Peedru éxtamu apóstalu ma yu'israelítaty, nandu'unats uj xykyejxy éxtamu apóstalu ma di'ibu kyaj 'yisraelítaty.

⁹ Paaty ja Santya'agu, Peedru es ja Fwank, di'ibu naty ijttap éxtam tñigopk'attu ja mubujkrutajkaty, tmwinma'añbyáttu kots Diosu naty tu xymyo'oyu tyadu tuunk, es xykumajtsyuts uj esu Bernabee. Da'un ttuundu tyadu éxtam naymyayukyujxm, es da'unats nnaayajti'igyadu esuts uudsuty ndúndut ma di'ibu kyaj 'yisraelítaty, es yu'ujuty 'yaktúndut ma yu'israelítaty. ¹⁰ Je'eyuts xy'amdoo xyryujktsoodu es da'unamts nbudákudat ja ayobutajkaty di'ibu ijttap Judee, di'ibats ni'igu ndunaampy.

Paablu twingugajxu ja Peedru

¹¹ Es ko Peedru oj ñejxy Antyokiia kajpnóty, ojts n'ooy mayja'ayóty, ja'a ko wa'ats yajnijáwu ko pyektyuun. ¹² Ja'a ko jawyiin tmátkaaydyu di'ibu kyaj 'yisraelítaty, éxta ko naagaty jyajttu ja israelítaty di'ibu tso'onda ma Santya'agu; net oga'an tmastuty ja Peedru kyáyat mat di'ibu kyaj 'yisraelítaty, mat ko tsa'ku éxtam jyuna'andu ja israelítaty. ¹³ Es ko yu'u t'ijxtu ja wiingátyryu israelitu di'ibu nandu'un ja Kristu pyanujxtap, ta tpaduundu ja Peedru 'yaxuk winma'añ, es éxtu Bernabee pyadu'udujku nandu'un. ¹⁴ Per kots n'ijxy ko kyaj dyajtu'uyo'odyu éxtam ja oybyu ayuk, nétats n'anmaay ja Peedru mayja'ayóty: "Mij m'israelitu, es kyaj xykyudyuñ ja israelítadyu kyostumbru, pes, žti ko xytyukkuwánudu ja di'ibu kyaj 'yisraelítaty es tkudyuñat ja israelítadyu kyostumbru?"

Di'ibáty oy wu'amdap mat ja Dios

¹⁵ Udsajtam apóstalu'ajtam, israelitu ja'ayuty udsajtam mat ko jap nmaxu'unk'ajtam, es kyaj udsajtam nya'andijum pekyja'ay éxtam di'ibu kyaj 'yisraelítaty, ¹⁶ nnija'am ko kyaj pan oy wye'emy mat ja Dios mat ko tpaduñ ja Moisesu 'yana'amun, yu'uyu di'ibu myubejkyry ja Kristu. Paaty udsajtam nandu'un nmubujkum ja Kristu éxtamu N'ajnit-sokpu'ajtam es oy nwa'umum mat ja Dios, es kyaj mat ko ngyudyu'unum ja Moisesu 'yana'amun, mat ko ni pan oy kyawe'emy mat ja Dios ko tpaduñ ja Moisesu 'yana'amun.

¹⁷ Pan n'ijxta'ayum wi'ix oy nwa'umum mat ja Dios mat ja Kristukyujxm, nya'ijxam ko nbojpuja'ay'ajtam, da'un éxtamu di'ibu kyaj 'yisraelítaty. žTi yu'u 'yandijpy ko Kristu xyajpektyu'unum? žNi wi'ix too! ¹⁸ Pes pan tyam nya'o'oyuaps di'ibats tu n'okjijtpu, pes nya'ijxapts kots uj tu waanu nduundugóy. ¹⁹ Mat ko kyajts uj ja ana'amun n'okpaduunnu, da'un traaty éxtamts uj tu n'oknu, da'unats uj njiky'aty éxtamu Diosu myaduumba, ²⁰ es mat ko Kristu ñayyajku windsu'kun mat ujtskyujxm jam kruuzkujxm, mbaat njuna'anam ko da'un éxtamxyuaps tu n'eeke kruuzkujxm mat ja'a. Paaty kyaj 'yok'ujts'ajnu di'ibu jiky'ajtp madu nnini'x, yu'u dan ja Kristu di'ibu jiky'ajtp ma ujun, es tyam nya'ixyudyats ko njiky'átyuats nmudúñats ja Kristu éxtamsu N'ajnitsókpu, mat ko yu'ats xytsyojk es ñayyajku windsu'kun mat ujtskyujxm. ²¹ Kyajts n'extijy ja may'ajtan di'ibu Dios tyiimpy ujtskyujxm, pes kooxyur mbaadu ja'ay 'yokwe'emy oy mat ja Dios ana'amungyujxm, kyajxyur jyatyimnigutikyuty es ja Kristu 'yeekyxyur.

3

Ana'amun esu mubujkun

¹ žAy Galasyu ja'ayuty! Ngoo mdimkujuun'aty'ajnadu miidsuty. žPan tu mribanaxudu? Tuts kexy ka'pxy ngajxwa'xy miits mwinduuyaty éxtamu Jesukristu oj kyruuzpéty, da'un éxtam ku'amxyur x'ijxtu.

² Anmaagyuts, žtu xy'axájudu miidsuty ja Diosu Jya'ajun mat ko tu xykyudyundu ja Moisesu 'yana'amun, o mat ko tu xymyubaktu di'ibu tu xymyudowdu? ³ žMjantskyujuunadyu da'un! Ja'a ko tu mdsonda'aktu mat ja Espíritu Santu, žwi'ix tyamu net xyajkugaxu'ya'andu mudu mgu'um winma'añuty? ⁴ žTii ni nu'un tu mgatu'unxudu éxtam tugekyu tu mjátudu mat ko tu xy'axaju Jesukristu? žJ junaambuts ko tu mdu'unxudu oynu'unun. ⁵ Pes yaj'yo'odyu mwinma'añ. Ko Dios mmo'oyadu yu' Jya'ajun es ttuñ ja muj'ajtan ma miidsuty, žti paadyu da'un ttuñ mat ko miidsuty tu xykyudyundu ja Moisesu 'yana'amun? Kyaj dyu'unaty, da'un ttuñ mat ko miits xy'axájudu ja Jesukristu éxtamu Yajnitsókpu.

⁶ Tim da'un jyajty éxtamu n'aptujk'ajtamu Abraan, pes ja Diosu jyaabyajtan jyuna'añ: "Abraan myubujk ja Dios, es paaty oj oy wye'emy mat ja Dios." ⁷ Esu tyadu yu'u

xytyuknijam yajxon ko di'ibaty myubajktap ja Dios, yu'u du'un tyuamp'ajt 'yaats'ajttap ja Abraan. ⁸ Jekyup ja Diosu jyaabyajttan nigajx ko Dios oy wu'ummat mat ja ja'ayaty di'ibu kyaj 'yisraelitaty ko myubakadu, es ja Abraan ya'awa'anu ja obybu ayuk ko Dios 'yanmaayu: "Mat mijskyujxm ngunu'xupts nidugekyu naxwiñadu ja'ayaty." ⁹ Pánaty ja Dios myubajktap, ja'a Dios kunu'xánudap madu Abraan, di'ibu nandu'un mubajk.

¹⁰ Di'ibu jiky'átandap éxtam ja Moisesu 'yana'amun jyuna'añ, ja'a 'yawijxtap ja Diosu tyudyu'unun, mat ko ja Diosu jyaabyajttan jyuna'añ: "Kajxpekyu 'yítut di'ibu kyaj tugekyu tugekyu tkudyuñ di'ibu ijtp kujayu ma yu ana'amun." ¹¹ Ja Diosu jyaabyajttan xytyuknijam yajxon ko kyaj ni pán oy kyawe'emy mat ja Dios ko tpaduñ ja ana'amun. Mat ko Diosu jyaabyajttan jyuna'añ: "Di'ibu myubajkungyujxm oy wu'ummat mat ja Diosu, yu'u du'un jiky'átap." ¹² Per ja ana'amun kyaj ti tmadya'aky ko Dios nmubajkam; di'ibu sitay jnaamp ja Diosu jyaabyajttan, yu'u tyaadu: "Di'ibu pyadiimpy tugekyu éxtam yu ana'amun jyuna'añ, tadu du'ambu jiky'átap winu xuu winu tiempu."

¹³ Kristu yajnaxj ja tyudyu'unun di'ibu udsajttam oj xyjarátam, es du'un xyajnutsókum ma ja tyudyu'unun di'ibu pátap nidugekyu di'ibu kyaj tkudyuñ ja ana'amun, mat ko Diosu jyaabyajttan jyuna'añ: "Di'ibu o'kp kuduy ma tu'ugu kepy, Diosu du'un tu kyajxpekyuty." ¹⁴ Es du'un ko yu di'ibu kyaj 'yisraelitaty t'axájuda ja Jesukristu éxtamu Yajnutsókpu, Dios kunu'xadap éxtam jekyup wyandaky ja Abraan. Es du'un ko nmubajkam ja Kristu, n'axájum ja Espiritu Santu di'ibu Dios wyandak.

Ana'amun esu wandakan

¹⁵ Mugu'ugítaty, min n'ok'yajtu'unum éxtamu ijxpajttan di'ibu udsajttam nidugekyu tu n'ijxum oynu'unun ma njiky'ajttan'ajttam. Ko tu'ugu ja'ay dyajti'igyadu 'yayuk o ttuñ ja kajxy'átapyu es tfirmaraty yajxon, ni pán mbaat tkapuwiitsy es ni mbaat tkayajmáju.

¹⁶ Nandu'unu du'un ja Dios tmooy ja wyandakan ja Abraan es ja tyuamp 'yaats. Ja Diosu jyaabyajttan kyaj jyuna'añ: "Yu mduamp m'aadsuty", éxtamxyup jyuna'añ may ja Abraanu tyuamp 'yaadsuty. Byeem yajxon jyuna'añ: "Yu mduamp m'aats", di'ibu 'yandijpy je'eyu tu'uk. Yu'u dun 'yandijpy ja Kristu. ¹⁷ Dios tu'ugu kajxy'átapyu ttuñ mat ja Abraan, es óknem ja Moisesu 'yana'amun oj myiñ taxk mugo'px ja l'ipx majk jmaujt. Paaty kyaj mbaat ja ana'amun dyajwe'emy éxtam kyaj t'oktuunnat di'ibu Dios wyandak mat ja Abraan. ¹⁸ Kooxyup udsajttam ja Dios xymyo'oya'anum ja kuma'añ mat yu'ugyujxm ko nguydu'unum ja Moisesu 'yana'amun, kyajxyup wandakungyujxm nyajmo'oyum ja kuma'añ. Per ja Dios wyandak ja Abraan ko tmo'oya'añ nade'uñ ja kuma'añ.

¹⁹ Pes, ¿wi'ixu dun tyuñ ja Moisesu 'yana'amun? Dios yajk es dya'ixyaty di'ibu du'un ja pojpu. Tadu ana'amun yu'u jatunán je'eyu extu ko myiñat ja Abraan tyuamp 'yaats di'ibu yajwandak. Dios myooy ja ánkluasduy tadu ana'amun, es tmo'oyadu Moisés éxtamu Diosu kyudunaabyu ma naxwiñadu ja'ay. ²⁰ Per ko Dios ja wandakan dyajwe'emy mat ja Abraan, ku'um twandaky, kyaj jyatyimtsékutyu ja kudunaabyu es yajkajxnáxat wi'ixu Dios jyuna'añ.

Di'ibu tyiimpy ja Moisesu 'yana'amun

²¹ Pes, ¿wi'ix njuna'anum? ¿Ti ja ana'amun yajtgajtsypy ja Diosu wyandakan? ¿Ni wi'ix tsoo mbaat! Kooxyup ja Moisesu 'yana'amun t'ok'yaky ja jiky'ajttan, ja'axyup je'eyu ja ja'ay wu'umdu oy mat ja Dios Moisés 'yana'amungyujxm. ²² Ja Diosu jyaabyajttan myadyakyu ko nidugekyu yu naxwiñadu ja'ayaty tu myumada'agadu ja pojpu, es du'un yu'uyaty di'ibu 'yaxájudap ja Kristu éxtamu Yajnutsókpu, 'yaxájudap di'ibu Dios wyandak.

²³ Ja ana'amun yu'u du'un éxtam ja pujxndujk kwenta'ajttu ko oj xymyudajttam ni'agajy extu ko Kristu myiñ, es ko Kristu myiñ, taanum oj xyñasmajtsum ko n'axájum éxtamu Yajnutsókpu. ²⁴ O mbaat njuna'anum ko yu ana'amun du'un éxtamu u'unk'ijxpu, xykywentu'ajttam yajxon extu ko Kristu myiñ es nwu'ummat oy mat ja Dios mubajkungyujxm. ²⁵ Per kom tu Kristu myiñ es tu n'axájum éxtamu Yajnutsókpu, tadu u'unk'ijxpu, ja'a njuna'anum ja ana'amun, kyaj xy'ok'ana'amunu.

²⁶ Mat ko miidsuty tu xy'axájuda ja Kristu, m'ijttap ti'igyu madu Kristu es ja Dios mbujtákap éxtamu 'yu'ungaty, ²⁷ mat ko nidugekyu udsajttam di'ibaty tu nnubajttam es n'ijttam ti'igyu miidk Kristu, du'un yu'u maat n'ijttam éxtamxyup tu'ugu wit di'ibu nduktujkam. ²⁸ Dios kyaj t'ijxkijxyu pnu du'un israelitu o pnu du'un kyaj, pnu du'un tuumbu o pnu du'un windsán, pnu du'un yedyujk o pnu du'un toxytyujk, ja'a ko ti'igyu miidsuty éxtamu ja'ay tu'ukpu ja'agyujxm ko ti'igyu mat ja Kristu Jesús m'ittu. ²⁹ Es pnu miits m'ijttap ti'igyu madu Kristu, du'un miidsuty éxtamu Abraanu tyuamp 'yaats es m'axájudap di'ibu Dios tyukmawandak ja Abraan.

4

¹ N'ak'anuumyaampy jatu'ugu ijxpajttan: N'okpúttakum ko ja ja'ayu 'yu'unk mutskátynum di'ibu ja kuma'añ 'yaxajyaaampy, oy ja kuma'añ tugekyu taja'a'ajtta'aya'añ

di'ibu tyeety myudajtypy, du'an ja'a éxtama tuumban. ² Ja u'unkteety myudajtypy ja u'unk'ixpɔn di'ibu kywenta'ajttap ja 'yu'unk, extu ko tpaadat ja tiempu ma ja tyeety tu ttuknibujaaga. ³ Du'an nandu'un udsajtam di'ibu xy'u'unk'ajtam ja Dios: ko ijty nmutsk'ajtam, ja'a njuna'anam ma kyajnam myiñ ja Jesús, koonam nmamudo'om éxtam xy'ana'amam ja di'ibu xkywenta'ajtam, ja'a njuna'anam ja Moisesu 'yana'amam. ⁴ Per ko tu tpaaty ja tiempu di'ibu Dios tu ttuknibujaaga, net ja Dios tkejxy ja 'yu'unk Jesús, tu'ugu toxotyujk yajmiin yajjajtu, es jyiky'ajty Moisesu 'yana'amam patka'uy, ⁵ es du'an kyaj xkyku'am'ajtam tadu ana'amam. Es ko n'axájum ja Jesús éxtama Yajniśókpu, tu tpaaty ja tiempu ma Dios xy'axájum éxtama 'yu'unk.

⁶ Es paadyu Dios tu tpuja'aky ja 'yu'ungu Jya'ajan njodoty'ajtam nwinma'añoty'ajtam ma jyuna'añ: "Tatitu'unk." ⁷ Es du'an kyaj mnaky'itat éxtama tuumban, tyam ja Dios m'u'unk'ajtudap; es ja'agyujxm ko m'u'unk'atudu, m'axájudap ja kuma'añ di'ibu Dios mmo'oyánuadap.

Paqblu tmamay tmudajy ja Gálatas mubujkputujk

⁸ Ko naty kyaj xy'ixy'attu ja Dios, mmaduundu ja di'ibu kyaj yu'udyu Dios. ⁹ Per tyam, ja'a ko xy'ixy'attu Dios, o ni'igu oy njuna'anam, Dios m'axájudap éxtama 'yu'unk, ¿wi'ix xymyudundu jatugok di'ibu kyaj ti wya'añ es ya'amá'at? ¿Ti mdojktap jatugok es yu'u xymyudúndat éxtama tuumbu juybyan? ¹⁰ Mmajuundap ja xuu, ja po'o es ja jamajt. ¹¹ Jotmaymyudats mat ko wa'anxyp tu tyugoy ja nduungats ma miidsaty.

¹² Mugu'ugitatu, nmamu'xtaktap es mjiky'atut éxtam xy'ixy'aty uj njiky'aty, ja'a ko tats njumbity éxtam miidsaty. Kyajts ja yam miits xymyupekytyúndats. ¹³ Pes yajxon xy-jamyatstut miidsaty ko tim jawyiin nduk'axpuktu ja oybyu ayuk, ja'a kots uj jam n'ijty miits mat mat kots nba'ambejty. ¹⁴ Es oy xyja'ayo'on'ajttu ja nba'amats kots xypya'am'ijxtu, uj ku'amts nnikajxpety ko kyajts oj xy'extijtu, ni'iguts xy'axájudu ja n'axpukunats es xy'axájudats jantsy tsuj éxtamxyup tu'ugu Diosu 'yanklus o éxtamxyabu Jesukristu ku'am. ¹⁵ ¿Wi'ix ko tu xy'extijtu yu n'axpukunats tyam? Tnyup nugoots xyjantsypya"ayoodu, ko extu mjauiudandu ja mwiinaty es xyjanamo'oyándats. ¹⁶ ¿Wi'ix kots tyam xy'ixtats miits éxtama mmúdsipun, mat je'eyu ko tu ndukmadya'aktu ja tuy'ajtan?

¹⁷ Di'ibu mdukmadjudap miidsaty es xypadúndat ja israelitudyu 'yana'amam, kyaj ttundu es miits xytyuk'oy'attut, ja'a tyuundap esats miits xy'extijtudats, ja'a tyuundap es miits xy'axájudat yu'ujaty éxtam yu'ujaty je'eyu xymyutnaymyaayubu'attu. ¹⁸ Byeen 'yoyety ko du'annam ndu'unamu kwentu ja wiingátypyu; per je'eyu ko amumdu'uk jot mat, kyaj yu'uyety kots miits mat n'ittu. ¹⁹ Nititaty, tyámats jatugok n'ayoy mat miits éxtam ko ja u'unktaaq dyajmiñ dyajja'ty ja 'yu'unk. Du'anats n'ayoy extu koonamts n'ixy ko Kristu jyiky'aty ma miids mjoj mwinma'añaty. ²⁰ Tyámats njantsyjatseky n'ita'añats mat miidsaty esxyup nmadyákum ku'am es ngajxwixyup éxtam miits mnayjyawudu, mat ko nekykyujxy kyajts nnijawu wi'ix ngajxwijtut, pes, kyajts nnijawu wi'ixats nwinmáyat mat miidsaty.

Agaar esu Saaru iyixpajtan

²¹ Anmaagyudsu tyadu miidsaty di'ibu pyanajxtap ja Moisés 'yana'amam, ¿Tii kyaj xyjayyúudu di'ibu Moisés xytyukmanikákum jaaybyety? ²² Pes du'an xy'anma'ayam ko Abraan myudajt majtsku 'yu'unk: tu'uk mat ja Agar, ja pyo'oduumba, es jatuk mat ja ñudo'oxy Saaru. ²³ Isma'el myiñ jyajty éxtama Abraanu 'yu'unk esu Agar. Peru Saaru kyajpu naty 'yunkpaatyñam, net ja Dios wyandaku yu'u es dyajmín dyajja'tut tu'ugu 'yu'unk. Paaty ja Saaru dyajmiñ dyajjajty ja Isaa éxtam ja Dios twandaky ja Abraan. ²⁴ Nbujátkypuats yu'u éxtama iixpajtan. Ja toxotyujku nimajtskpu, majtsk ja kajxy'átypyu tkudánudu: ja kajxy'átypyu di'ibu ja Moisés yajmooy ma ja Sina'ii Koptk, ja'a yu'u ja Agar kyudanaary. Pánaty tyuk'ituduabu tyadu kajxy'átypyu, du'an ja 'yu'unk 'yana'k myindu jya'ttu es 'yittat éxtam ja mduumba juybyu. ²⁵ Ja Agar kyudanaary ja Sina'ii Koptk jam Araabyu, myutnaybyátap ja Jerusalén, ma tyam ja ana'amam tpadundu mat ja 'yu'unk 'yana'kuty éxtam ja mduumba juybyu. ²⁶ Per ja Saaru ja'a 'yandijpy ja Jerusalén kajpn di'ibu tsajpótum. Yu'u du'an ndaak'ajtam udsajtam di'ibaty n'axájum ja Jesukristu. ²⁷ Pes ja Diosu jyaaybyajtan jyuna'añ:

Xonda'ak mij, toxotyujk di'ibu ni na'a m'u'unk tu xkykypaaty;
xi'ik xon mij ko ni na'a tu xkyayajnáxy ja pújk ado'onam ko u'unk yajpaaty.
Mat ko ja toxotyujk di'ibu kyaj 'yunkpaaty,
waanu mayu 'yu'unk tmadata'añ
es kudiinam ja wiink toxotyujkuty.

²⁸ Mugu'ugitatu, udsajtamudyu du'an éxtam ja Isaa, udsajtamdu du'an ja u'unk una'k di'ibu Dios wyandak dyaka'añ ma ja Saaru. ²⁹ Es du'an éxtam jékyup ja po'oduumba 'yu'unk ttukxiky di'ibu miin jajt naxwiñ Espiritu Santu myuk'ajtangyujxm, du'an tyam di'ibu

pyanųjxtap ja isralitudyu 'yana'amun xymųdsip'ajtam ūdsajtam mat ko mbanųxum ja Jesukristu. ³⁰ Ja Diosu jyaabyajtan ja'a xytyuknija'am ko Dios t'anmaay ja Abraan: "Ūxwor ja po'oduumba esu 'yu'unk, mat ko kyaj dyajwa'xut ja mjiky'ajtan mat ja mnudo'oxyu 'yu'unk." ³¹ Pes da'un, mugu'ugitaty, ūdsajtam kyaj xy'u'unk'ajtam ja po'oduumba, di'ibu 'yandijpy ko ūdsajtam kyaj nbadu'unam ja isralitudyu 'yana'amun. Ūdsajtam yu'u xy'u'unk'ajtam ja toxytyajk di'ibu awa'atstuuy, di'ibu 'yandijpy ko ta n'axajum ja Jesukristu es paaty xy'u'unk'ajtam ja Dios.

5

Awa'atstuuy'at Kristukyujxm

¹ Kristu xyajmitsokum es n'ijtam awa'atstuuy es kadiibu nnakyyjiky'ajtam extam ja ana'amun dyajtu'uyo'oy, paaty yu'ugyujxm ittu amumdu'uk jot mat ja Kristu es kyaj xykyupaktat es pan amujaj mdukkuydyumdat ja ana'amun.

² Jajgyukudaguts es mudowdu! Ūj Paablu, anmaayduypts mij ko pan miits mgupųjktap es myajtsuktat waanu ma myedyujk'ajtan, mat yu'u tu xy'uxtijtu ja Kristu, kyaj ni madsoo ja Kristu mgatu'unxudat. ³ Akjana'anųpts jatagok. Ko di'ibu nayyajkup es yajtsuktat waanu ma yu yedyujk'ajtan, mat yu'uyu taadu koonam tkuudyunat tugekyu ja ana'amun. ⁴ Es miits panaty mguydyunandap ja ana'amun es mat ja'agyujxm xy'axta'ayduy es oy mwa'umdat mada Dios, tu xymyastu'uttu ja Kristu es xy'uxtijtu ja Diosu kyunu'xun. ⁵ Per Espiritu Santukyujxm nmabųjukum ko oy nwa'umam mada Dios. ⁶ Mat ko n'ijtam ti'igyu mat ja Jesukristu, kyaj tyuñ ko ja'ay yajtsiky waanu o kyaj yajtsiky ma yedyujk'ajtan; di'ibu situy tuump ko nmabųjukum, ja'a ko nnaydsyojukum nixim niyam ja'agyujxm ko nmudajtam yu mabųjukum.

⁷ Oyu naty miits mdu'uyo'oydu. ĶPan tu myajtu'adukadu es kadiibu xykyuydyundat ja tų'ajtan? ⁸ Kyaj yu'udyu Dios, mat ko Diosu da'un di'ibu tu mwoyuty es xypyadunat ja Jesukristu. ⁹ Katu xyja'aydyugodyu ko mat waanubu levaduuru dyajpude'eky tugekyu tsajkakyyjatsy. ¹⁰ Ūj ndukmu'awdajtupts ja Nindsun'ajtam ko miidsuty kyaj mwinmaaydyugatstat. Dios tyukkumowaambu tadu ja'ay di'ibu myajinma'añdyugoyandap, wa'an tim panaty.

¹¹ Mugu'ugitaty, jajgyukadu di'ibu yam n'anuumayaampy. Kooxyur ūj n'akkajxwa'xy es miits myajtsuktat waanu ma myedyujk'ajtan, extam naaguty jyna'andu, Ķti kots xypyajudittu ja isralituty? Ja'a ko xypyajudittu yu'u, tyaadu niguxa'kp ko ngajxwa'xypyuts ko ja'ay je'eyu ñitso'oktu ja'agyujxm ko Kristu 'ye'ky kruuzkųjxm. ¹² Ma'amu da tyaaduty wooma't wijtsma'tpau kyajxyur ñaydsyukadu waanu je'eyu ma yu yedyujk'ajtan, wa'an ttimnidsujkta'ay tugekyu ja yedyujk'ajtan.

¹³ Mugu'ugitaty, Dios mwoojadu miidsuty es kadiibu tadu ana'amun xytyuktukudat, per kyaj es miits xytyuk'abat xytyukkajxpattat extam ja mgu'am winma'añ es ja mgu'amdsojkun. Naydsyokadu es naybyudukadu nixim niyam. ¹⁴ Tugekyu tadu ana'amun 'yawijtsmijkyppu tyaadu: "Mdsokup ja mmudųjkpa'a extam mij ku'am mnaydsykyuty." ¹⁵ Per pan miits mnaygyaay mnaydsyutsudap extamu añimalan nixim niyam, naygywenta'atudu es kyaj mnayyajkaxudat ak miidsuty.

Njiky'ajtam extam ja Espiritu Santu ttseky

¹⁶ Ngajxwijtap es mjiky'attat extam ja Espiritu Santu mduk'ixudu, es da'un kyaj mjiky'attat mat ja di'ibu ñini'x kyubajk wyinma'añ'ajtypy. ¹⁷ Mat ko ja'ay ttundu di'ibu ñini'x kyubajk wyinma'añ'ajtypy, myudsip'ajttap ja Espiritu Santu, es ja Espiritu Santu myudsip'ajtypy ja panaty tyuundap di'ibu ñini'x kyubajk wyinma'añ'ajtypy. Paaty miidsuty kyaj xytyundu di'ibu mjatunandap. ¹⁸ Pes pan ja Espiritu Santu mdu'umooyudap, kyaj myajkutukadu tadu ana'amun.

¹⁹ Wa'ats nnija'am wi'ix jyiky'attu panaty tyuundap di'ibu ñini'x kyubajk wyinma'añ'ajttap: ma'induundap, tyuundap kyajxtap ja axuk'ajtan, 'yadsojktap, ²⁰ yawdajttap ja agojwinnaxatu, byuru'ajttap, naymyudsip'ajttap, naywyinjup naywyin-gojttap, amu'ajtsy'ajttap, jot'ambųjktap mat waanu ti, je'eyu ñaymyujpajta'aga'anudu, naywya'xudap kanak peky, naymyudsip'ajttap, ²¹ naywyinnaxaja'adap, ami'ikyja'ay'ajttap, kuja'xpu'ajttap es panaty tyuundap tiity extam yu axuk tu'unan. Tu n'anuumadu, es n'ak'anmaayduy, ko panadyu da'un axukjiky'ajttap, kyaj 'yittat ma Diosu kyutujkun.

²² Per ja Espiritu Santu xyajjiky'ajtam waanu wiink, mat ko dyajmiñ ja tsojkan, xondakan, ti'igyu'at, ma'xtujkan, oyyja'ay'at, kajxykyupųjkan, ²³ tuda'aky'ajtan es nayjyujwjtsumbijtam ku'am. Tyadu jiky'ajtan kyaj tmudsip'aty ni tu'ugu ana'amun. ²⁴ Es ūdsajtam di'ibaty xyja'a'ajtam ja Jesukristu, da'un nyajtu'unam extamxyur tu

nyajkruuzpajtam di'ibu nnini'x'ajt ngubajk'ajtam wyinma'añ'ajtypy. ²⁵ Mut ko njiky'ajtam mat ja Espiritu Santu, n'oknaygyayajkam es xywyijts'yo'oyum ja Espiritu Santu.

²⁶ Kyaj ti ndukmaj'ajtam, kyaj ti ndu'unum es n'ijxum mabaat ja'ay tkupeky, es kyaj ti nnaywyinnaxaja'am ma'adsajtam.

6

Naybyudakudu nixim niyam

¹ Mugu'ugituty, pan mbattap miidsaty di'ibu tu pyekykya'ay, miidsaty di'ibu jiky'ajttap éxtam ja Dios t'oyjyawu, mgajxwijtup ja di'ibu tu pyekykya'ay es jyiky'átat éxtam ja Dios ttseky. Per tun yajxon es naygywentu'átudu miidsaty ku'am kadiibu mmamada'agudat ja pojru. ² Naybyudakudu nixim niyam pan ti mdsiptákkudup, es du'un xykyuydyundat ja Kristu 'yana'amun.

³ Pan naak nayja'adup muj kujxm, es kyaj du'un 'yity, ku'am ñaywyin'uuñuty. ⁴ Wa'an ku'am nidu'uk nidu'uk tñaygywentu'átyuty éxtam ja Dios ttseky, net mbaat oy ñayjyawut ko ti ttuñ es kyaj ñaydyukmu'ijxkijxyut mat ja wiinkruty. ⁵ Kujkja'a ja tuunk ayo'on nyajkujx nyajnaxum.

⁶ Xuryátam nyajwa'xum di'ibu nmudajtam mat ja di'ibu xytyuk'uxpajkam ja Diosu 'yayuk.

⁷ Exkam nnaywyin'uumudu miidsaty: ni pan mbaat tkatukxi'iky ja Dios. Ja nippu yajpude'kypu ja pyujta'aky di'ibu tu tni'ipy. ⁸ Pan ñipy éxtam ja di'ibu ñini'x kyubajk wyinma'añ'ajtypy, yajpudu'ugup ja o'kan; per pan ñipy éxtamu Espiritu Santu ttseky, 'yaxájup ja jiky'ajtan winu xuu winu tiempu. ⁹ Kyaj nmu'anu'xum es ndu'unum ja oybyu; mat ko pyaadup ja tiempu ma Dios xymyay'ajtam. ¹⁰ Paaty pan xyajmadakum ja Dios, wa'an nmay'ajtandu'unum mat oytytu pánuty nidugekyuty, es waanu ni'igu nmay'ajtandu'unum mat ja nmumubajkpu'ajtam.

Kajxwijn esu kajpro'xun

¹¹ Mududu ngu'umgu'u nnijayudu tyam es mat mujjatyudyu letru. ¹² Taaduty di'ibu mdukkuwa'anudup es myajtsúktat waanu, tyuundubu du'un mat ko yajxon ñayyajwu'uma'anudu mat ja israelítuty, kyaj ttsoktu ko 'yayówdut ja'agyujxm ko ja'ay t'awanu ko Kristu xykyu'o'kam kruuzkujxm. ¹³ Per yu'ujuty ku'am kyaj tkuudyundu ja Moisesu ana'amun, je'eyu ttsoktu es miits myajtsúktat waanu es du'un jyuna'andut ko nandu'un miits xykyupujktu es myajtsúktat waanu. ¹⁴ N'amdeebuyts ja Dios es ni na'ats uj ngamuj ngapaadut. Ndsejpyuts je'eyu es nmuduna'añuts ja Nindsun'ajtam Jesukristu mat ko 'ye'ky kruuzkujxm mat ujtskyujxm. Kots uj oj n'axaju Jesukristu, du'unuts uj éxtamxyupts uj nandu'un n'e'ky kruuzkujxm. Mat yu'u di'ibu jya'a'ajtypy ja naxwiñudu, kyajts ndimnakymujpajta'aky. ¹⁵ Mut ko n'ijtam ti'igyu mudu Kristu, kyaj ti ttsooty pan tu myajtsíky waanu o kyaj. Di'ibu situy tsobatp ko Jesús tu xyajtugajtsam es xytyukjiky'ajtam tu'ugu jiky'ajtanu jembyu es wa'atspu. ¹⁶ Wa'an ja Dios mguni'xyuty es mba'ayóyuty nidugekyu di'ibu dun jiky'ajttap éxtamts uj tu njuna'añ, es nandu'un tkunu'xat es tpa'ayóyut nidugekyu di'ibaty ijttup ja Diosu jya'ay.

¹⁷ Aya bom kyajts ndseky esuts pan xytsyipmugajxat mudu tyadu du'ambu winma'añ. Pes uj nmudajtypyuts madsu nnini'x ja tay mats xywyojptu yu'agyujxm kots nmuduñ ja Jesús.

¹⁸ Mugu'ugituty, wa'anu Nindsun'ajtam Jesukristu mgunu'xudu ni'amuku miidsaty. Wa'an du'unuty.

Neky Di'ibü Paablu Tyuknigajxtü Ja Éfesü Ja'ayaty

¹ Eǵ Paablu, mut ja'agyujxm ja Diosu tsojokun xy'apostalu'átyuts ja Jesukristu, ja'a njuna'anam kots tu xykyéxyuts. Nduknigajxtuptsu tyadu neky ja Diosu jya'ayaty di'ibáty naymyujkadup ma Éfesü kajpn es di'ibátyu Dios myaduundup oy es ti'igyü 'yittü mut ja Jesukristu.

² Wa'anü nDios Teety'ajtam esu Nindsün'ajtam Jesukristu mgunu'xadu es mmo'oyadu ja agujk'ajt jotkujk'ajtan.

Kunu'xun madu Kristu

³ N'ok'awdajtam ja Dios, ja Nindsün'ajtam Jesukristu Tyeety, mut ko tu xymyo'oyam tugekyu kunu'xun di'ibü ijtp tsajpótm mut yu'ugyujxm ko ti'igyü n'ijtam madu Nindsün'ajtam Jesukristu. ⁴ Jékuyup ma naty kyajnumu naxwiñadu kyojy, Dios tu naty xywyin'ijxam es xy'u'unk'ata'anam ja'agyujxm ko n'ijtam ti'igyü mut ja Kristu, es da'un n'ijtam ma Dios wa'áts es kyajpu nbojpu'ajtam. ⁵ Mut ja tsojokungyujxm oj xytyuknibujtákm extu jékuyup, es xy'axájum éxtamu 'yu'ungaty mut yu'ugyujxm Jesukristu. ⁶ Paaty madu tyadu, da'uñam n'awdajtam ja Dios mut ja muj may'ajtan di'ibü xytyu'unam mut ja'agyujxm ja 'yU'unk Jesús, di'ibü jyantsytsyeyjy. ⁷ Mut ko Dios xytsyojokun ni'igu, paaty oj xyajtsókam ja'agyujxm ko 'ye'ky ja Jesukristu, es da'un tme'xy ja nbojpu'ajtam, ⁸ es da'un ja Dios xytyuknijáwudats yu tsojokun jantsy muj, kots tu xymyo'oydyu tugekyu wijy'ajtan esu jaygyujkun, ⁹ es tu xytyuknijáwudats di'ibü ijty kyayajnijáwu di'ibü yu'u tseyjy, es tu ttuknibujtaagu nwinma'añoty di'ibü yu'u tyunaampy. ¹⁰ Yu'u da'un di'ibü tyuknibujtáku ko Kristu t'ana'amat tugekyu di'ibü ijtp tsajpótm es di'ibáty ijtp naxwiñ. Dios yu'u da'un tyuknibujtáku es jaykyudyúnat ko tpaadat ja tiempü.

¹¹ Ja'agyujxm ko ti'igyü n'ijtam madu Kristu, paaty ja Dios oj xywyin'ijxam jékuyup es tpejítáky es n'ijtam ja'a muat, di'ibü tyiimpý tugekyu éxtam t'oyjyawu. ¹² Da'un ttuun ko uadsaty, di'ibü jawyiin ja Kristu myabujktu, njiky'áttat wi'ixü Dios awdaty 'yítat ko tmudaty ja muj'ajtan. ¹³ Nandu'un ja Dios ttuun mut miidsaty. Ko miits xymyudoodyu ja oybyu ayuk di'ibü ñimadyakypy ja nitsokun, pes net xymyabujktu ja Kristu, es ja Dios m'axájudu éxtamu jya'ay es mmooyudu miidsaty ja Espiritu Santu di'ibü naty tu twanda'aky. ¹⁴ Es mut ko Dios mmooyudu ja Espiritu Santu, yu'u muat ya'ixy ko miits mja'ay'ajtudup ja Dios. Pes ja Espiritu Santu yu'u da'un éxtam tu'ugu ijxwu'umun jawyiimba, es da'un tyadyuka ko Dios tkuydyuna'añ di'ibáty tu twanda'aky, es da'un awdaty 'yítat ko da'uñam tmudaty ja muj'ajtan.

Paablu kyajxta'aky es tja'aygyuda'aky ja Dios

¹⁵ Paaty kots oj nnijawu ko miits tu xy'axájudu ja Kristu es ko xytsyoktu ja di'ibátyu Dios jya'ay'ajtypy, ¹⁶ da'uñamts njá'aygyuda'aky ja Dios miitskyujxmty, njamyeytsypypys miits kots ngajxta'aky. ¹⁷ N'amdeebuyts ja Nwindsün'ajtam Jesukristu Dyios, ja Dios Teety di'ibü ni'igu muj'ajtan myadajtypy, es mmo'oyadat ja Espiritu Santu di'ibü yajkypy ja wijy'ajtan esu ja'ay dyajtkunijáwat ja tuy'ajtan, da'un miits ni'igu oy xy'ixy'áttat ja Dios Teety. ¹⁸ N'amdeebuyts ja Dios nandu'un es tkujaj tkudu'xat yu mjot mwinma'añuty, es mduknijáwudat di'ibü dun mbátudup ko yu'u tu mwówadu es mja'ay'ata'anudu. Wa'an mduknijáwudu ja kuma'añu mujpu es oy di'ibü Dios pyujke'kypy mut ja di'ibáty 'yaxájudup ja Jesús. ¹⁹ Wa'an yu'u mdukjagygyúkadu ko yu Diosu myuk'ajtan kyaj tmudaty ja kyugujxan, ja'a ko yu'u yajtiimpý tugekyu tyadu muk'ajtan ma udsajtam ko nmubujkam ja Jesukristu, ²⁰ es nan ja'ayumu tadu muk'ajtan di'ibü ya'ijxu ko Jesukristu dyajjikyppejky jatagok es dyajnauxe'tsy 'yaga'añsyooy tsajpótm. ²¹ Dios pyujtáky ja Jesús es tniWindsün'áttat tugekyu yu muk'ajtan, kutujkan esu madakan, es ja Jesús da'un 'yana'amat kyaj jyatyimtyamyaty, nandu'un wínu xuu wínu tiempü. ²² Pes da'un ja Dios tmooy ja kyutujkan ja Kristu ma tugekyu di'ibü ijtp oymyaaty, es nandu'un tpejítáky ja Kristu es tniogopk'áttat ja mubujkputujk. ²³ N'okpajtákm ko yu Kristu da'un éxtam ja kubajk di'ibü wyijts'ye'epy ja nini'x, es da'un ja mubujkputujk éxtam ja nini'x. Myadajtypy ja Kristu nidugekyu ja mubujkputujk es ijtp ma tugekyu it lugaar.

2

Dios myaj'ajtungyujxm ja'ay ñitse'eky

¹ Da'un miidsadyu naty éxtamu o'kpaty mut yu'ugyujxm ko kyaj ja Dios xymyumdoodu es mbojpuuundu, ² xypyaduundu naxwiñadu ja'ayu wyinma'añuty es xypyanujxtu ñu'u tyu'u ja mujku'u di'ibü 'yane'empy nidugekyu di'ibü kyajpyam tmuadody ja Dios.

³ Nidagekyu ūdsajtum nandu'un tūyup njiky'ajtum éxtamu taadaty, es oj njiky'ajtum extam jyananda ja ngu'am winma'añ es ndu'unam di'ibu tsojoktap ja nmini'x'ajt ngubajk'ajtum. Nja'amini'n ja'ajajtum es xyñitajkam yu tadyu'unan di'ibu Dios yajkyry, ti'igyu mudu taadaty. ⁴ Per ja Dios jyantsymyudajtypy ja maj pa'ayo'on es nūgoo oj xyjantsysojokam, ⁵ paaty, oyu naty nja'ijtambū éxtamu o'kpu mat yu'ugyujxmu nbojpu'ajtum, xymyo'ooyam ja njiky'ajtan'ajtum ti'igyu mat ja Kristu. Pes mat ja tsojoknguyajxmu es pya'ayo'on ja Dios tu myajnitso'ogadu. ⁶ Es ko n'axajam ja Kristu éxtamu nYajnitso'ajtum, Dios pyujtakyry éxtam xyajjikyryjukam ti'igyu mat ja Kristu es xyaj'ijtam muat tsajpót. ⁷ Tyaadu ttuuñ es dya'ixyuty winu xuu winu timpu ko nūgoo xyjantsysojokam mat ko dyaky ja 'yoyjot mat yu'ugyujxmu Jesukristu. ⁸ Ja'a ko Dios may'ajtan mdu'unxudu, paaty mnitso'oktu mubajknguyajxmu, kyaj ja'agyujxmu di'ibu mduunda o mwinmaaydyu, Dios namay'ajtunguyajxmu'u du'un. ⁹ Paaty kyaj ni wi'ix tsoo mbaat ngamaj ngapatam, mat ko ja nitso'okam kyaj nmudajtam ja'agyujxmu ko tii ūdsajtum ndu'unam, yu'u taadu ñayajkyry ja Dios. ¹⁰ Mut ko Dios yu'u du'un oj xyajkojym es yu'u du'un tyuknibujtak ko ūdsajtam, ti'igyu mat ja Kristu, njiky'ajtum tu'ugu jiky'ajtan ja oybyu, du'un éxtamu Dios tu xytyuknibujtakam.

Agujk'ajt jotkujk'ajtan Kristukyujxmu

¹¹ Miits pánaty kyaj 'yisraelitaty, "kyaj tsikyuty" mdjuda pánaty naydyjudap "tsikyuty", pánaty yajtsujktap waana ma ja yedyujk'ajtan*. ¹² Jamyatsta ko tūyup mga'ijttu Kristu muat, kyaj 'yity mbaadadu ja kajxy'atypy ko Dios ja wandakan dyajwe'em y mudu israelitaty. Du'un ijty miidsaty ja naxwiñ, kyaj ijty ja Dios xy'ixy'attu es ni ti ijty xkyajajp'ixtu. ¹³ Miidsaty di'ibu naty majagam'ajttap ja Dios, tyam m'ittu ti'igyu mudu Jesukristu; ja Kristu, mat ja ñe'pyñgyujxmu tu myajminudu wingón ma Dios. ¹⁴ Kristu yu'u du'un yajti'igyu di'ibu israelitu es di'ibu kyaj 'yisraelitaty, es du'un tyam n'ijtam tuk kajpn je'eyu. Mat ja kyua'm nini'x Kristu yajjugák ja naymyudsip'ajtak di'ibu naty nmudajtam. ¹⁵ Kristu yajkugajxu tugekyu ja israelitu 'yana'amun es ja kyubojkun. Du'un ttuuñ es ja maitsk naxpu ja'ayaty tyi'igut mat yu'u ku'am, es du'un dyajxeemy ja naymyudsip'ajtak. ¹⁶ Mut ko Kristu 'ye'ky kruuzkujxy, ja'a oj dyajkéxy dyajnáxy ja tsip, es dyajnaymyu'oybyajkudu di'ibu israelitaty es di'ibu kyaj 'yisraelitaty.

¹⁷ Du'un ja Kristu dyajmiñu tyadu oybyu ayuk ma yu ti'igyu'ajtan ma miidsaty di'ibu naty majagam'ajttap ja Dios, es nandu'un ūdsaty, israelitaty di'ibu ijttabu naty wingón ma ja Dios. ¹⁸ Es tyam nidagekyu ūdsajtum, du'un éxtam di'ibu kyaj 'yisraelitaty es di'ibu israelitu, nmudajtam ja Espiritu Santu es mbaat njo'omam Dios Teety wyindum mat ko n'ijtam ti'igyu mudu Kristu. ¹⁹ Pes mat yu'u tyam miits mganakyjyagam'ittu ma Dios, ti'igyu m'ittu mat ja Diosu ja'ayaty éxtam pánaty tsanaaydyup tuk juun tuk tujk. ²⁰ Du'un miidsaty éxtam tu'ugu tujk di'ibu yajpojtsu'kp ma yu apóstulaty esu Diosu kyugajxpu ñikujxmaty, du'un yu'ujuty éxtam ja potsy'ujxun, es ja Jesukristu yu'u du'un éxtam ja maj tsaa di'ibu myajts'ijttaapy tugekyu ja potsy. ²¹ Pesu Jesukristu yu'u du'un di'ibu myudunaapy ja potsy extu ko ja potsy 'yabatut tu'ugu tujk di'ibu wa'ats es ma ja Dios tsyuuu. ²² Paaty mbaat njuna'anam es n'okpajtakam tu'ugu iixrajtan. Ko miits m'ittu ti'igyu mat ja Kristu, du'un miidsaty éxtam ja tsaa di'ibu ja Kristu yajtiimpy ma ja tujk tkojy ma Dios tsyuuu Espiritu Santukyujxmu.

3

Paablu tyuunk ma ja mubajkputujk

¹ Paatykyujxmu uj Paablu, n'ityuts tsimy mat yu'ugyujxmu Jesukristu, es xytyuk'oy'attat miidsaty di'ibu kyaj 'yisraelitaty.

² Pes tay'ajtanuts njawu ko tu xymyudowdu ko Diósuts ja may'ajtan xytyu'unxu esuts tu xytyuknipeky es miits n'awánudat ja Diosu 'yayuk. ³ Dios ya'ijxu di'ibu tyuknibujtaku di'ibu ijty kyayajniáwu esu Diósuts xytyuknija'ajuts uj, éxtam waanu tu n'awánudu ja nekykyujxmu, ⁴ es ko xykyajxtat, mbaat xypyaktu kwentu kots uj nnijawu ja Kristu ja'a di'ibu ijty kyaj yajniáwu. ⁵ Es di'ibu ijty kyayajniáwu, naamnam ja Espiritu Santu tu ttuk'ixtu ja Kristu 'yapóstulaty esu kyugajxputy. ⁶ Yu'u du'unu tyaadu: ko mat yu'ugyujxmu tadu oybyu ayuk ja ja'ay kyaj 'yisraelitaty di'ibaty 'yaxájjudap ja Kristu, 'yaxájjudap nandu'ambu ja kuma'añ éxtam ja di'ibu israelitaty. Es mat nidagekyu di'ibu 'yaxájjudap ja Kristu, Dios tu pyujta'agudu nandu'un éxtam tuk pedazu ja Kristu ñini'x, ja'a njuna'anam ko Dios tu yajti'igyuty mat ja Kristu. Paaty nandu'un yajwa'xtap mat ja israelitaty ja kuma'añ di'ibu Dios wyandak mat ja Kristu.

⁷ Diósuts xytyuk'ana'am esuts ngajxwa'xudu tyadu oybyu ayuk, es xymyooyats ja madakan esuts ndúnat. ⁸ Es óyuts uj ni ti ngatsoo'ajtpu mat otyyim pánaty di'ibu pyanajxtap ja Kristu, Diósuts tu xytyukkuduku esuts ngajxwa'xut ma yu di'ibu kyaj 'yisraelitaty, ja di'ibu ni pán mbaat tkanija'adya'ay. ⁹ Diósuts xytyuknija'adup es ndukjagyukudats wa'ats

* 2:11 ix Lukas 1:59.

nidugekyaty ja ja'ayudyu tadu di'ibu ijty kyayajniáwa, di'ibu myudajtypy pajke'eky ma naty kyajnum kyojy ja naxwíñadu, es extu tyam yajnija'adsyooñ. ¹⁰ Es ko Dios du'an ttuun, mbaat mabujkputajkkyujxm tñiáwadu pánaty myudajttap ja madakan es ja kutujkan tsajpótm, ko Dios myudajtypy mayñax ja wijy'ajtan ma tugekyu di'ibu ijtp. ¹¹ Du'an ja Dios tkuydyuun ma yu Nindsun'ajtam Jesukristu, di'ibu naty tu ttuknibujtaaga ma naty kyajnum naxwíñadu kyojy. ¹² Ja'a ko nmabujkam ja Jesukristu es xyja'ay'ajtam, mbaat nmawingo'onum ja Dios amumdu'uk jot. ¹³ Nmánu'xtáktap es kadiibu miits mdsipka'axtat mat kots uj yam n'ayoy ja'agyujxm kots ngajxwa'xy ja oybyu ayuk ma yu di'ibu kyaj 'yisraelítaty. Mbátadap miidsaty es mjetokujk'áttat, ja'a kots uj n'ayoy es oy mwu'amdat madu Dios.

Kristu tsojkan

¹⁴ Paadyats nnaygoxtanaaydyu'agyaty Dios Teety wyinduuy, ¹⁵ di'ibu yajko tugekyu di'ibu ijtp tsajpótm es naxwíñ. ¹⁶ N'amdeebuyats ja Dios Teety es mat ja mab'ajtan di'ibu ni'igu myudajtypy, es Jya'ajunguyjxm mmo'oyadat ja muk'ajtan, ¹⁷ es mat ko miidsaty tu xy'axájudu ja Kristu éxtamu Yajniósokpa, n'amdeebuyats es ja Kristu 'yítat winu xuu winu tiempy mjadoty winma'añótyaty. Du'an miits xymyudáttat ja tsojkan, éxtam ti tukjiipyy 'yity, kyaj yi'xy. ¹⁸ N'amdeepy nbujktseebyats es miidsaty, ti'igyu mat nidugekyu ja Diosu jya'ayaty, mbaat xyñiáwadu di'ibu du'an yeñ, wooñ, kajxm es kak ja Kristu tsojkan, ¹⁹ es xyñiáwadat tadu tsojkan, di'ibu byeen ni'igu myújaty es kyaj mbaat njaygyujkatya'ayam, es du'an Dios kexy ka'pxy jiky'áttat ma miidsaty.

²⁰ Ja Dios, di'ibu myudajtypy ja muk'ajtan es ttúnat waanu ni'igu kadiinum di'ibu adsajtam n'amdo'om es nwinma'ayam, du'an ttúnat mat ja myuk'ajtan di'ibu tuump ma adsajtam. ²¹ Wa'an ja'a mabujkputajkkyujxm esu Kristu Jesuskuyjxm 'yity mujáwa junajx najtsnájxu es winu xuu winu tiempy. Wa'an du'anaty.

4

Ti'igyu nnayya'ijtam Espiritu Santukuyjxm

¹ Kom uj tsimyyja'ay'ajtpats mat yu'agyujxm kots nmáduñ ja Nindsun'ajtam, uj nmánu'xtáktaps miits es mijiky'áttat éxtam ja Dios tseky, mat ko Dios tu myáxudu es mijiky'áttat du'an. ² Tuda'aky'áttu es oyjya'ay'áttu, es madatta ma'xtujkan mat ja wiinkpúty. Naybyudákudu nixim niyam mat ja oyjyotkuyjxm. ³ Éxta'aydyu es xymyudáttat ja ti'igyu'ajtan di'ibu ja Espiritu Santu yajkpye, es jiky'attu jotkujk nixim niyam. ⁴ Ti'igyu nnini'x'ajtam madu Kristu es ti'igyu je'eyu yu Espiritu Santu, du'an éxtam ti'igyu ja awijx jupjijxun di'ibu Dios xytyukniwo'om, ⁵ ti'igyu Nindsun'ajtam, ti'igyu nabajtan, ti'igyu mabujkan, es ⁶ ti'igyu Dios Teety di'ibu nWindsun'ajtam nidugekyu adsajtam es tyuñ ma nidugekyu adsajtam, es jyiky'aty ma adsajtam nidu'uk nidu'uk.

⁷ Tu Kristu xymyo'oyam nidu'uk nidu'uk ja madakan éxtam tseky. ⁸ Paaty jyuna'añ ja Diosu jyaabyajtan:

Ko pyatujka tsajpótm, tmánejxy di'ibu naty du'an éxtamu tsimyyja'ay',
es tmooy ja madakan ja ja'ayaty.

⁹ Mbaat nnayyajtu'am: "¿Ti 'yandiipyy tadu ayuk tsyajpajna?" Pes ja'a xytyukjagyujkam ko jawyiinu naty tu kyada'aky. ¹⁰ Es tadu di'ibu kadak, yu'u nandu'an di'ibu óknam patujka tim kajxm jam tsajpótm es 'yítat ma tugekyu di'ibu ijtp. ¹¹ Kristu ku'am di'ibu myooy tyadu madakan yu tyadu ja'ayaty, tmooy naak es 'yapostolu'áttat, wiinkpu di'ibu kyajxwa'xtap ja Diosu 'yayuk, wiinkpu di'ibu ñu'umooy tyu'umoojdyap ja ja'ayaty, wiinkpu di'ibu ja mabujkputajk 'yijx'ijjt kywentu'ajttap es dya'uxpaktu. ¹² Du'an ttuun es Kristu t'axkujkadya'ayat nidugekyu ja Diosu jya'ayaty, es du'an yajxón tmáduñat di'ibu ti'igyu ijttap mat ja Kristu, ¹³ es du'an adsajtam nwu'amum ti'igyu ma ja nmabujkan'ajtam es n'ixy'ajtam yajxón ja Diosu 'yU'unk, es nmáyujam es nmádu'unum ja Dios éxtam ja Kristu ttuun. ¹⁴ Kyaj nnakyñabyujtákam ana'ku'ungun di'ibu janaam jatsojk yajtugajtsypy ja wyinma'añ mat ja wiinkpu uxpujkan. Pes di'ibu du'an tyuundap, du'an éxtamu posta'agun di'ibu ja poj yajnyaxap oytyim maaty, mat ko ñayákyaty esu tadu andákraty tyuk'uxpákadat éxtam oy tsujpu di'ibu kyaj tyay'ajtanaty. ¹⁵ Nik ni'igu adsajtam nnaydsajkam nixim niyam, nmadyákam yu'ayu ja tyy'ajtan es nyaj'ya'kam ja nmabujkan'ajtam ko n'ijtam ti'igyu madu Kristu di'ibu ijtp éxtam ja nini'xu kyabajk. ¹⁶ Kristukuyjxm ñabyudákudu ja mabujkputajk es ti'igyu 'yitta éxtam tu'uk amuum nini'x; es ko ja mabujkputajk tyundu di'ibu oy, net myajpajta'agadu mabujkanguyjxm es dyajmujtákadu ja naydsyoku.

Jembyu jiky'ajtan ko Kristu mnuñ n'ijtam

¹⁷ Nduk'uxpaktu es nduk'ana'amdu es oy xykyuydyúndat di'ibu yam n'anmaaydyup. Kyaj xyñakuyyanyjxtat ja kyostumbraty es ja wyinma'añadyu taadaty di'ibu kyajpu Dios tmáduñ, mat ko ni ti tkatsooty tadu di'ibu jaayam tyuundap. ¹⁸ Di'ibáty kuydyu'unxádep kubi'its ku'ook yu tadu winma'añaty, tadu ja'ayaty nugoo 'yokjantsykyujuun'áty'ajñadu,

kyaj kyajxyjyagyüküdü es kyaj ttuktüküdü tadu jiky'ajtun di'ibu Dios yajkyppy, ¹⁹ nugoo 'yokjantsysoydyu'unduk'ajnadu es oytyiity t'aduunwinnáxtu, ttundu oytym tiity di'ibu kyaj 'yóyaty, es kyaj ñay'aguwítsuty. ²⁰ Per ja Kristu kyaj mduk'axpüjküdü es du'an mjiky'áttat, ²¹ pes miits mmüdoodu di'ibu yu'u tyuk'axpüjk, es du'an xyjaygyüjküdü wi'ixu du'an ja tayı'ajtun ma Jesús. ²² Paaty, éxtam ja ja'ay ñayñijéñuty es tnasjubiru wyitu pu'utyryu o di'ibu kyaj ñaktyyüñ, mastu'uttu miidsuty wi'ix tu mjiky'attu müdu m'axuk adsojkanaty di'ibu mnaydyukwin'u'anüdü, pes myajtugooyanüdü natyu m'axuk kostumbru. ²³ Nayyáküdü es ja Dios mmo'oyüdat ja jembyu jot winmä'añ, ²⁴ es éxtam ja ja'ay ko tsiida'ay es ttuktuku ja wyitu jembyu es wa'ats, nandu'an padu'udáküdü ja jembyu jiky'ajtun di'ibu Dios yajkoj ko ñayyajnikojtütü, es ya'ixüdü yu jembyu jiky'ajtun ja'agyujxm ko mjiky'attu wa'ats es tayı'ajtun müüt.

²⁵ Katu mnaky'anda'aktü, nik madya'aktü tayı'ajtun nixim niyam, mut ko nidugekyu nyajti'igyam, éxtam mbaat njana'anum tu'uk je'eyu nini'x di'ibu Kristu ñigubaj'ajtypy.

²⁶ Pün myajjot'ambüküdüp, éxkam mut yu'u mbekyüa'a. Katu xanaxu m'áküdü. ²⁷ Katu xylyugaarmo'oy yu mäjku'ugópk es mmamada'agudat.

²⁸ Di'ibu ma'tsp, kyaj 'yokma'tsnat, wa'an oy ttuñ es tmüdatut tii es tpu'dakat di'ibu jam tugo'y'ajtxüdüp.

²⁹ Katu mgo'oy'áw mgo'oygyajxtu, je'eyu kajxmadya'aktü di'ibu yajmüwiin yajkajaajep ja myabükün pánaty müdüdüüp, es ttuk'oy'átat. ³⁰ Kyaj xyajmáxyajtajtat ja Diosu 'yEspírítu Santa, pes ja Dios tu trájta'aky ma miidsuty éxtamu syeyu es m'ijxwü'amüdat éxtam mja'a'átüdü, es du'an myajtu'ukmujkta'ayüdat nidugekyu di'ibáty jya'a'ajtypy ma naty mmo'oya'anüdü tukmuku ja nitsokün.

³¹ Yajjuga'aktü tugekyu m'aku, tugekyu mjetmä'tun, tugekyu mni'o'on es tugekyu oytym di'ibüdyu axuk'ajtun. ³² Oyjya'ay'áttu es naymyuma'xtüküdü nixim niyam. Naybyo- jkrüma'xüdü nixim niyam, du'an éxtam ja Dios oj mbojprüma'xüdü miits mut yu'ugyujxm ja Kristu.

5

Wi'ix jyiky'áttat ja Diosu 'yu'unguty

¹ Mut ko miits m'u'unk'átüdü Dios, jiky'attu éxtam yu'u tseky. ² Naydsyóküdü nixim niyam, du'an éxtam ja Kristu oj xytyojküm es ñayyajku udsajtamgyujxm éxtam tu'ugu borreegu'unk yaj'yáky windsu'kän ma Dios, es mut yu'u xyajpojpanitago'oyam.

³ Ja'a ko miidsuty ja Dios mja'ay'átüdü, éxkam ko pün mmimadya'agüdü tayı'ajtun ko ta miidsuty nidu'uk di'ibu m'induundup, o wiingátypy axuk'ajtun, o ko miits m'adsojktap. ⁴ Katu mgo'oygyajxtu o mgyuxyi'iktu axuk, ni'igu mbaadu Dios xy'awdattu es xyja'aygyüda'aktut miidsuty, mut ko tu mdukniwa'adsüdü es kyaj mdu'un'áttu éxtamu tyadu tugekyu peky. ⁵ Mut ko miidsuty byeen yajxon xyñijáwüdü ko di'ibu m'induump, di'ibu axukrü tyiimpy o di'ibu meeñ'adsojkr (ja'a ko meeñ'adsojkr, du'an yu'u éxtam ya'awdattu di'ibu kyaj Dyíósuty), kyaj pyaadyaty 'yittat ma yajkutüktu ja Kristu es ja Dios. ⁶ Paaty éxkam ko pün mwin'üanüdü mut ja lyoku winmä'añ, jyuna'anat ko Dios kyaj tyukkumudowa'añ mut ko ndu'unümü tyadu axuk'ajtun, pes yu'ugyujxmü tyadu axuk'ajtun Dios tyukkumudowaampy jantsy tsaa'tsy nidugekyu di'ibu kyaj myumüdüyaty. ⁷ Paaty katu müüt mda'anmüky mwa'kmüky müdü tyadu du'ambu ja'ayaty.

⁸ Nandu'an miits m'ijttu kubi'its ku'ook, per mut ko m'ittu ti'igyü müdü Nindsun'ajtam, m'ijttap tyam ma ja jajun. Jiky'attu éxtamu pánaty yo'oydyap ma ja jajun, ⁹ pes pánaty yo'oydyap ma ja jajun, ojya'ayaty yu'u, wa'ats es tayı'ajtun jyiky'attu. ¹⁰ Naybyayo'oydyu es miits mjiky'áttat éxtam ja Dios tseky. ¹¹ Katu xytyundu di'ibu kyaj tyuñ, di'ibu tyuundup pánaty ja Kristu kyaj tmübüktü, ja'a müdüdüp wi'ix xyajnjigüxü'uktut ko kyaj 'yóyaty di'ibu yu'u tyuundup. ¹² Pes extu tsoydyu'unum nmadyákum di'ibu yu'ujaty tyuundup ayu'udsyu; ¹³ per pün yajnide'xypy tii ja jajun, ja'a xytyuk'ijxam wi'ix yu'u, ¹⁴ ja'a ko ja jajun tugekyu dyajnjigüxü'ktá'ay. Paaty jyuna'andü:

Jotwij, mij di'ibu maap,
püdu'uk, katu m'ity éxtamu o'krü,
es ja Kristu mgüdu'x mgyájüdat.

¹⁵ Paaty nduknipüktü miits ko mnayjyujwijsümbütüdüp. Katu mjiky'attu éxtamu kujjuunaty; ittu éxtamu di'ibu wijy kejy. ¹⁶ Tundu miidsuty byeen maanümü naty m'awa'adsüdat, mut ko 'yaxuuguty yu tiempü. ¹⁷ Katu miits mjümbittu kujjuun. Jay- gyüküdü wi'ixu Nindsun'ajtam tseky es njiky'ajtam. ¹⁸ Katu mma'uüktü, mut ko taadu myajtugooyüdüp, nik oy ko mdu'umo'oyüdat ja Espírítu Santa. ¹⁹ Nayyajxonda'agüdü nixim niyam mut ja Salmü esü üy di'ibu müüt ja Dios yajmüjájwü, yajnáxtu üy esü Salmü

mwinma'añóty Nindsun'ajtam myaj'ajtungyujxm. ²⁰ Du'añam xyja'aygyuda'aktut ja Dios Teety mat tugekyu ja Nindsun'ajtam Jesukristu xunygyujxm.

Wi'ix ja mabujkputajk jykly'attat ma jyun tyujk

²¹ Es mat ko nmay'ajt nwindsu'kam ja Kristu, nayjaygyukudu nixim niyam.

²² Miits kasaadu toxytyujkuty, naygyubakudu es windsu'ugudu yu m'u'unk mña'ayuty, da'un éxtamxyup mnyadyukkadakudu ja Nindsun'ajtam. ²³ Pes yu kasaadu yedyujk myudajtypy ja kutujkan ma yu ñudo'oxy da'un éxtam yu Kristu myudajtypy ja kutujkan ma yu mabujkputajk, es éxtam tu'ugu nini'x ti'igyu 'yity mat ja kyubajk, nanda'un ja mabujkputajk 'yity mat ja Yajnutsókpu. ²⁴ Per kom ja mabujkputajk naygyubajkudup ma ja Kristu, nanda'un ja kasaadu toxytyujk naygyubajkudup ma ja 'yu'unk ña'ay.

²⁵ Es miidsuty kasaadu yedyujkuty, mdsóktup yu m'u'unk mñado'oxyuty. Nanda'un jajtru da'un ko ja Kristu tsejky pánuty myubajktup es ñayyajku windsu'kam es yajnutsó'ogudat. ²⁶ Da'un ttuun es xytyukmastútum ja axuk'ajtan, mat ko tu naty xyajwátsum mat ja Diosu 'yayuk, da'un éxtam mada wa'ats nuu, ²⁷ es da'un ku'am ñaydyukwinguwa'agudat ja mabujkputajk, muj'ajtan muut, wa'ats, ni kyaxoodsuty, ni di'ibu axuk'ajtan tkamudaty. ²⁸ Nanda'un nidugekyu yedyujkuty tsoóktut ja 'yu'unk ñudo'oxyuty éxtam ñaydsyékuty ku'am. Di'ibu tseyjpy ja ñudo'oxy, naydsyojkubu da'un ku'am. ²⁹ Ni na'anam pán tkamudsip'aty ja kyu'am nini'x, nik ni'igu tmo'oy ja jye'xyryéky es tkwenta'aty yajxon, da'un éxtam ja Kristu ttuun mat adsajtam di'ibu ndu'ukmujkam mat ja'a, ³⁰ mat ko ndu'un'ajtam éxtam mbaat njana'anam nan xyini'x'ajtam. ³¹ Pes ja Diosu jyaabyajtan juna'añ: "Paaty ja yedyujk 'yabekyu ma yu tyaak tyeeduty es 'yitat yu'ayu mat ja ñudo'oxy, es da'un yu'ujuty 'yittat ti'igyu éxtam jyawu tu'uk." ³² Xytyuk'ijxam yu'u wi'ix ni'igu tyimmájuty di'ibu ijty kyayajni'jawa. Ja'ats n'andijpy ja Kristu es ja jya'ayuty. ³³ Yu'u da'un jajp'am es miits xytsóktut yu mñado'oxy éxtam mij ku'am, es yu kasaadu toxytyujk twindsu'ugudat yu ña'ay.

6

¹ Miits u'unk ana'kuty, mamadowdu mdaak mdeety yajxon ja'agyujxm ko mja'a'ajtudup ja Nindsun'ajtam, mat ko tyaadu da'un pyaadyuty. ² Ja jawyimba ana'amun ma Dios wandakan trujtáky, da'un juna'añ: "Mwindsu'ugup ja mdaak mdeety ³ es ja Dios mmo'oyudat tu'ugu jiky'ajtan ja oybyu es yeñ ya naxwiin."

⁴ Es miits u'unkteedyuty, katu nugoo xy'oodu es xytyunda m'u'unguty éxtam je'eyu xyajjot'ambuka'andu, kujwajtsambittu ni'igu yajxon es tuk'ixtu wi'ixu da'un ja Kristu tseky es njiky'ajtam.

⁵ Miits mmaduumbuty, mamadowdup ja mwindsun mwindájuty ya naxwiin. Tundu mada oy'aa oyjoty, éxtam jyawu xymyuduñ ja Kristu.

⁶ Mudundu yajxon, kudii jaayu ko m'ixadu es oy mat mwa'umdat. Pes tundu miidsuty xonda'aky'aa xonda'akyjyot éxtamxyup xymyudundu Kristu, mat ko da'una dan tseky ja Dios. ⁷ Tundu tsuj yajxon, éxtamu Nindsun'ajtam Jesukristu myuduumba, es kudii éxtamu ja'ayu myuduumba. ⁸ Pes mnija'adup ko nidu'uk nidu'uk, oyyu'udyu mduumba, o yu windaj o windsun, 'yaxájup ma yu Nindsun'ajtam Jesukristu éxtamu naty ja oybyu tu ttuñ.

⁹ Es miidsuty windsun windájuty, nanda'un xytyundat mat ja mduumbuty, es katu xy'adsu'uk xy'ajawudu. Jamyatstu miidsuty ko yu Nindsun'ajtam Jesukristu di'ibu ijtp tsajpótm, mni Windsun'ajtudup miidsuty ti'igyu mat ja mduumbuty, es yu'u kyaj t'ixy pánu da'un windsun windaj o pánu da'un mduumba, mada tuj'ajtan trayo'oydya'ay tugekyu.

Di'ibu madsip'ajttup ja mabujkputy

¹⁰ Mugu'ugítuty, éxtam tim okpu ngajxwijnats n'anuumadu ko muk mnyabyujta'agudat ti'igyu'ajtungyujxm ma Nindsun'ajtam, di'ibu ni'igu muk'ajtan myudajtypy. ¹¹ Éxtamu soldaaduty ñayxóxudu mat ja pujxn éxtamu wit es ñaygyuwa'anudat ma ñejy tsiptuumba, nayxóxudu miidsuty mat di'ibu Dios myeepy ja jya'ayuty, es da'un mbaat xymyamad'a'aktu di'ibu mat ja mujku'ugópk mwin'u'ana'anadu. ¹² Mat ko yu nmadsip'ajtam, kyaj yu'u jya'ayuty. Di'ibu mdsajtam nmamada'aga'anam, yu'u taadu nidugekyudyu mujku'u esu ka'oybyu di'ibu ana'amdap es yajkutujktup kubi'its ku'ook ya naxwiin es pánuty jam tsajpótm di'ibu kyaj tmamadowdu Dios. ¹³ Paaty, éxtam tu'ugu soldaadu ta'tspéky ñaybyujta'agyuty, nanda'un miits ta'tspéky mnyabyujta'agudat mat tugekyu di'ibu Dios yajkyup, es da'un xymyamad'a'aktut miidsuty ko ja mujku'u muut mdsiptundat ko naty myiñ ja ayo'onxuu. Es ko naty tu xyajkxutu miits ja mdsiptu'unanaty, nayya'itadu amumdu'uk jot ma Dios. ¹⁴ Pes da'ñam da'un mnyaya'itadut. Tim jawyiin, pujta'akta ja tuj'ajtan éxtamu mwanun, es net xyryujta'aktut ja mwa'ats jiky'ajtan éxtamu mgaatsywywanun, es yu'u muut mnyaguwa'anudat; ¹⁵ es naygyu'ugudu mat ja ayuk esu xykyajxwa'xtat ja ayuk di'ibu yajmiimp ja jotkujk'ajtan, ¹⁶ es éxtamu soldaadu tmudaty ja 'yeskuudu, mabuktu miidsuty ja Jesukristu, mat ko mada tadu mabujkan mbaat xya'aduktu ja juandi'pxn di'ibu ja ka'oybyu

ñasmajtsəp mə miidsəty. ¹⁷ Es éxtəm soldaada tpejta'aky ja pyujxngúp es dyajtse'egy kyəbajk, pəjta'aktə miidsəty ja nitsokən, es yajtúndə ja Diosu 'yayuk éxtəm ja espaada di'ibə ja Espiritu Santu yajky. ¹⁸ Katə xymyastu'uttə ja kajxtákən; də'əñəm amdow pəjksówdə ja Dios éxtəm ja Espiritu Santu mnə'umo'oy mdu'umo'oyədə. Nayya'ítədə wiy keyy, katə mmədsipka'axtə, es ninu'xtə'aktə nidəgeky Diosu jya'ayəty. ¹⁹ Xyñigajxtəagudəts əj nandə'ən, esədsə Dios xypyudákət es ngəjxədəts, es mək əə mək jot nya'əxpəkədəts wə'ətstiknə di'ibə ijty kyayajnijáwə, də'ən éxtəm ja oybyə ayuk jyənə'añ. ²⁰ Tyaədə də'ən di'ibədsə Dios xytyuk'ana'am esəts ndúnət, es tyáməts ngutsimdsyənə mət kodsə tyədə nduñ. Kajxtə'aktə esə Diósəts xymyujəamo'oyət esəts əj ngəjxtudə'agədət ni nə'ən tsə'k ja'əjən, də'ən éxtəm pyaadyəty ngəjxət.

Kajxpoxən

²¹ Yə nməgu'uk'əjtəm Tíkikə, di'ibə ni'igə ndsojkəm es di'ibəts əj tyam oy xypyudəjkəp mət ja Nindsən'əjtəm tyuunk, yə'u mdukməadyə'agədəp pən wi'ixəts əj tyam n'ity es pən wi'ixəts əj tyam nduñ. ²² Paəty miits nduknigəxtə es mdukməadyə'agədət pən wi'ixəts ədsəty tyam n'ity, es mjotkujkədət.

²³ Wa'an ja Dios, yə nDeety'əjtəm, esə Nindsən'əjtəm Jesukristə, tmo'oyədə ja ti'igyə'át, ja naydsyokə es ja məbəjkən, nidəgeky ja nməgu'uk'əjtəm di'ibə pyənəjxtəp ja Nindsən'əjtəm, ²⁴ esə Dios kunu'xədəp nidəgeky di'ibə 'yawdajttəp ja Nindsən'əjtəm Jesukristə amumdu'uk jot winə xəñ winə tiempə.

Neky Di'ibu Paablu Tyuknigajxtu Ja Filipus Ja'ayuty

¹ Үҗ Paablu, tukmuku mat ja nmugu'uk'ajtam Timotee, Jesukristu myaduumbuty. Ndukni-gajxtu tsu tyadu neky nidugekyu ja Diosu jya'ayuty di'ibu jittap Filipus kajpnoty es di'ibuty kywenta'ajttap ja mubujkputajk madu pyudajkubuty. ² Wa'an ja nDios Teety'ajtam es ja Nindsan'ajtam Jesukristu mgunu'xadu es mmo'oyudat ja agujk'ajt jotkujk'ajtam.

Paablu tnikajxtaagu ja Filipus mubujkputy

³ Tugok tugokuts miits njamatsta, nja'aygyudakypuys ja Dios mat miidsuty. ⁴ Kots miits nnigajxtaagadu, du'uhum xyonda'aky ja n'aa njot ⁵ mat ko tim jawyiin ko xy'amudoonajxtu ja oybyu ayuk es extu tyambaat, ti'igyu ndu'unam es yajkajxwa'xat ja oybyu ayuk. ⁶ Paaty ndukma'awdajtupts ko Dios 'yaktunaambyum ma miidsu tyadu oybyu tuunk di'ibu tu dyajtsonda'aky, es ya'abatadya'ayaampy extu ko yu Nindsan'ajtam Jesukristu jyambitat. ⁷ Mut ko xypyatpats esuts du'un nna'yjyawuty es njamatsta mat ko njantsysoyoktu, mat ko miidsuty du'uhum xyajwa'xtu mat uj di'ibu Dios mmooyudap, du'un extam kots ndsimdsyuanu o kots ngajxwa'xat ja Kristu niitsokan es nayjtuudyaku ja oybyu ayuk. ⁸ Pesu Dios nija'ap yajxon nu'unuts miits njantsysoyoktu nidugekyu mat ja Jesukristu tsyojkan, ⁹ es n'amdeepy nbujkseebuty ja Dios es dyajmujwindukat ni'igu yu mdsokan nixim niyam, es mduknijawadat wa'atsti'knu wi'ixu du'un ja Dios tteky es njiky'ajtam, ¹⁰ es xywyin'ixtat miits di'ibu du'un oy, es du'un mjiky'attat wa'ats, es kyaj xymyudattat ja pojru extu ko Kristu myinat, ¹¹ es du'uhumu mjiky'ajtanuty dya'ixudat ko Kristu mdukmudajtudap ja oybyu mjot mwinnma'antuty, es ko xymyay'at xywyindsu'ugadu ja Dios, es du'unu ja'ayuty tmay'at twindsu'ugudat es t'awdattat ja Dios.

Xondakp ja Paablu ko Kristu 'yayuk yajkajxwa'xy

¹² Mugu'ugituty, ndsejpyuts es xynijawadat extamts uj tu njaty tu ngubety, tu myujwinda'aky ja oybyu ayuku kyajxwa'xan. ¹³ Pes du'un nidugekyu ja soldaaduty ma ja Sesar pyalasyu esu wiingatyppyu oytym madsoty nija'adap kots uj n'ity tsimy mat kots nmuduñ ja Kristu. ¹⁴ Es ko t'ixtu ja nmugu'uk'ajtam ndsimdsyuanuts, may xyonda'aktu es tkajxwa'xtu ja Diosu 'yayuk, es ni ti tkajawadu, ni'igu tjomto'oydyu ja Nindsan'ajtam.

¹⁵ Tsy'ajtan ko naaguty tnmadya'aktu Kristu tsipkyujxm es naywyinnaxajawagyujxm, es tama wiingatyppyu tnmadya'aktu mat ja oyjyotkyujxm. ¹⁶ Panuty nimadyaktap ja Kristu mat ja oyjyotkyujxm, du'un ttundu mat ko xytsyoktats es tnijawadu ko tyaats uj esuts nnitanut ja oybyu ayuk; ¹⁷ es ta panuty nimadyaktap ja Kristu mat ko flayajmujpudsuma'andud ku'um, es kyaj amumdu'uk jot, je'eyu du'un ttundu esuts ndsipjawut ya pujxndagoty. ¹⁸ Per oy mat oyjyotkyujxm o kyaj myut'oyjyotkujxmuty, kyajxwa'xtubum ja Kristu 'yayuk; esu tyagudadu du'un xyajjotkujkup es waanu ni'iguts xy'aktim'yajxonda'aky, ¹⁹ mat ko nnija'abuts ko pudsamaambuts uj pujxndagoty mat ko miits xyñigajxta'aktudats es kots xpyudaku ja Kristu Jya'ajan. ²⁰ Pes n'awixxypyuts amumdu'uk jot es ni na'ats ndsoyтынат, per amuk jotmakuts ti ndun ngajxat es du'uhum yaj'ixat ma uj ja Kristu myuj'ajtan, oyuts njiky'aty o oyuts n'eeey. ²¹ Mut uj, pan akjiky'ajtpats, n'akmudunupts ja Kristu; es pan o'kpuys, mat uj waanu ni'igu 'yoyuty. ²² Es pan mat kots n'akjiky'aty, mbaadadu du'un ni'igu nmuduñ ja Kristu. Kyajts nnijawu di'ibuts njotmo'oyup. ²³ Du'unuts uj extam tu'ugu ja'ay 'yity adijmiky anajñ aga'añ: njatsejpyuts esuts uj n'ooget esxyuyps n'ity mat ja Kristu. Waanu ni'igu 'yoyuty mat uj, ²⁴ per mat miidsuty, waanu ni'igu 'yoyuty esuts n'akjiky'atut ya naxwiin. ²⁵ Kots du'un ndukma'awdaty, nnija'abuts uj ko akjiky'ataambuts ya naxwiin es nbudakudat miidsuty es ndukmadundat ja Jesus, es myuj myayut ja it xo'onan di'ibu mmudajttap mubujkungyujxm, ²⁶ es du'un kots n'itat jatugok mat miits, mmudattap wi'ix tsoo waanu ni'igu m'it mxondat mat ya'ugyujxmu Jesukristu.

²⁷ Per wa'ants xyjaty tits xyajtp: nayya'itadu du'uhum extam ja oybyu ayuk di'ibu Kristu nimadyakypy, es du'un oyuts xyjanasmajtsaba es nuix ngu'ixtu, o oyuts n'aktim'ijtpu tsimy esuts pan xyñiminut es xytyukmamadya'agudats wi'ix miits mjattu, nnijawayaambuty ko miits ti'igyu mnayya'itadu muk aa muk jot ja mubujkungyujxm di'ibu yajpatp ma ja oybyu ayuk, m'aktundu ma xytyuk'uxpaktu ja oybyu ayuk, ²⁸ es ni na'a mganayyakudat ma yu mmudsiputy es m'adsu'ugudat oyna'unan. Tyaadu ya'ijxap wa'atsti'knu ko tyugoya'andu ya'ujuty es ko miits mnitso'oga'andu. Diosu du'un ku'um di'ibu mmooyudabu tadu nit-sokan. ²⁹ Pes mat yu'ugyujxm ja Kristu Dios tu mmo'oyudu ja may'ajtan kyaj jye'eyuty ko xymyubeky ja Kristu, nandu'un m'ayoy mat yu'ugyujxm ³⁰ es xytyunat nandu'ambu ja tuunk di'ibu extam tuuyup xy'ixtu nduñuts kots uj ndsiptuñ mat ja ka'oybyu, es xymyudowdu ko du'uhumts n'aktuñ.

2

Kristu yuj'ajtn esu myuj'ajtn

¹ Pün mjotmukmooyudap ja Kristu, pün myajjotkujk'ajtudap ja'agyjxm ko mdsókudu, pün ja Espiritu Santa muut m'ittu, es pün mba'ayoodap ja ja'ayuty, ² mdúndap wi'ixuts uj n'it nxónat jotkuda'aky ja'agyjxm ko ti'igyu ja winma'añ xymyudattu, ti'igyu mnaydsyókudu nixim niyam, ti'igyu mnayjyáwudu es ti'igyu mjot mja'ajunaty. ³ Di'ibu mdúndap miidsuty ma mjiky'attu, ni ti xykyatúndat di'ibu je'eyu ku'am xytyuk'oy'áttat o mnaymyuj'ajta'agudat mut ja wiingátypyu, naybyujta'agudu yuunk naxypy, es xyjáwut ko myújuty ja wiingátypyu es kadiinam miidsuty ku'am. ⁴ Wa'an nidu'uk nidu'uk miits t'axta'aydyu ja di'ibu tyuk'oy'áttap ja wiinkpudy, kyaj je'eyu di'ibu ku'am mduk'oy'áttap.

⁵ Wa'an nidu'uk nidu'uk miits xymyudáttat ja mjot mwinma'añ éxtam tmudajty ja Nindsun'ajtam Jesukristu. ⁶ Oy yu'u du'añam Dyíosuty, kyaj jyanáñ agwanu es dyajtúnt ja kyutujkun di'ibu myudajt, ⁷ es ñaydyukniwatsu di'ibu jya'a'ajtypy, es ñaybyujtáku éxtam tu'ugu mduumbu, es myiñ jyajty naxwiñ éxtamu ja'ay. ⁸ Es ko jya'ay'ajty, waanu ni'igu ñaybyujtáku yuunk naxypy, es tmamudooy ja Dios Teety, exta tkupejky ja o'kun kruuzkujxy. ⁹ Paady Dios tu myo'oyuty tugekyu muj'ajtn esu ana'amun, es pyujtáku éxtamu Wyindsun nidagekyu ánklastap ja ja'ayuty di'ibu jaa, ¹⁰ du'un nidagekyu yu'ujuty oytyim maaty, oytysajpótmaty, oyñaxwiñuty es oyñax patku'puty, nidagekyu yu'ujuty ñayyoxtnaaydyu'agudat ¹¹ es t'axkáptat ko Jesusu du'un Windsun ma tugekyu. Du'unu tadu yajtúnat Dios Teety myuj'ajtnagyjxm.

Du'un ja mubujkputy éxtam ja mudsa'q

¹² Magu'ugituty, du'un éxtamts miits du'añam xymyudoodu, es kyaj jyaayuty je'eyu kots n'ijty ma miidsuty, es tyam waanu ni'igu kots n'ity jagam ma miidsuty, tundu wi'ix oy mwu'umdat mut ja Dios, es mmudáttap ja tsu'ugu ko du'un xykyatúndat, ¹³ ja'a ko Dios du'un tyiimpy ma miits m'aa mjótaty, ja'a mwinma'añmyooyudap es xytyóktat ko xytyúndat di'ibu yu'u tseyjpy.

¹⁴ Tundu tugekyu, ni mga'ákudat es ni mganaygyugajxudat, ¹⁵ es du'un xya'ixudat ko m'u'unk'átudu Dios es ko mjiky'attu wa'ats, es kyajpu mbojpu. Du'un mjiky'áttat ma tadu axuk ja'ayuty esu kjuuundajkuty ya naxwiñ, du'un m'ittat ma yu'ujuty éxtamu mudsa'q ko jyajy tye'xy ma koots itan. ¹⁶ Pün mduundabu du'un miidsuty, nmudajtypyuts wi'ix tsoots n'it nxónat ko myínat ja Kristu, mut ko ya'ixut ja nduungats ko kyaj tu ñapa'aty. ¹⁷ Oyats n'oogut éxtamu windsu'kun esudsu nne'pyñ tyam yókat éxtam di'ibu yajtuknitaambu windsu'kun, xondákpats ja'agyjxm ko miits oy xymyudundu ja Jesukristu mmubujkangyujxm. Xondákpats mut miidsuty, ¹⁸ es ndsejpyuts es nandu'un mxonda'áktat mut uj.

Timotee esu Epafroditu

¹⁹ Ko Dios jyuna'anat, ngaxaambyuts tsojku Timotee es min xy'awánats wi'ix m'ittu miidsuty, es du'un xyajjotkujkudat. ²⁰ Pes kyájuts pün nmudaty ja wiinkpu di'ibuts muut tyi'igyu ja n'aa njótuts, es minmay mnidájudu wi'ix m'ittat yajxon miidsuty. ²¹ Nidagekyu yu wiingátypyu, yu'u je'eyu wyinma'añ'ajtypy di'ibu ku'am tyuk'oy'áttap es kyaj tkajxwa'xa'añ ja Jesukristu 'yuxpajkun. ²² Per miidsuty byeen yajxon xyñijáwudu ko éxtam tu'ugu u'unk uná'k trudaku ja tyeety, du'unuts ja Timotee tu xypyudaku kots ngajxwa'xy ja oybyu ayuk. ²³ Paaty jantsy je'eyats yu'nnijáwut wi'ix tyu'uwi'ity yu njotmáyuts, ndu'unuts njajana'añ es nduknigaxa'añ ja Timotee. ²⁴ Ndukmu'awdajtupts ja Dios ko tsojkuats uj nandu'un nnejxat.

²⁵ Du'unuts tu nwinmay ko ngajxambítat yu Epafroditu, di'ibuts uj muut ti'igyu nduñ esuts muut nyajjuptagóy ja axuk'ajtn, ja'a di'ibu miits xytyuknigajxtu esuts xypyudákat mats ndsimdsyunnu. ²⁶ Pes yu'u byeen mjawin'ixa'anudu jatugok nidagekyu miidsuty es amaymyuat jotmaymyuat ko miidsuty tu xymyudowdu ko tu pyékyuty. ²⁷ Es tuj'ajtnu'u ko tu pyékyuty, pes jatim jawaanu tu jya'eeky; peru Dios tu pya'ayóuty, es nandu'un uj, kadiibuts njátat ni'igu o'ktáy. ²⁸ Paaty byeen njantsytyuknigaxandu miidsuty es mxonda'áktat jatugok ko xy'ixtut, es xonda'agupts mut miidsuty mut ko Epafroditu jya'tut oy muk ma miidsuty. ²⁹ Axájudu xonda'aky'aa xonda'akyjyót éxtamu nmamduumbu'ajtam ma yu Nindsun'ajtam, es tsoktu byeen nidagekyu di'ibu du'un éxtam yu'un. ³⁰ Pesu Epafroditu jawaanu tu kya'eeky ko tmudún ja Kristu, es ñaybyujtáku ma kyudsu'uguty kots xypyudajku ma miidsuty kyaj mbaat xypyudajkudu.

3

Tsobatp ko Kristu ya'axaju éxtamu Yajnutsókpu

¹ Məgu'ugitaty, xonda'aktu Nindsən'ajtamgyujxm. N'anmaayambijttap di'ibu tə n'ok'anmaabyudu. Kyajts ni ti nay'adsijpun ngajawu es n'anumət janaam jatsojk yu ngajxwijnəts, mut ko də'un miits kyaj xyja'aydyugodyut.

² Naygywentə'atudu es kyaj mwın'umndut di'ibu mduk'axpakanədup di'ibu kyaj tyu'ajtanuty, es mdukmudijyanədup es myajtsuktat waanu mə yu myedyujk'ajtan*. ³ Per ədsajtamu də'un meeru ja ijxwə'umən nmədajtum di'ibu myədajttap ja Diosu jya'ayuty, n'awdajtum ja Diosu jya'ajtan muət es nxondakum mut ko xyja'a'ajtam ja Nindsən'ajtam Jesukristu, es kyaj n'ajot'ajtam ja nikujxyudu. ⁴ Ta may ja ja'ayuty di'ibu naymyujpajtakədup mut ko tə tkuudyuñu tadu kostumbru. Mut kooxyur yu'əyü ko ngyudyu'unəm ja kostumbru es tsyobátxyur oyu'nən, u j nandə'un mbaatxyuəts nnaaymyujpajta'agyuty waanu ni'igu kədiinumu wiinkputy. ⁵ Nyajtsijkyuəts u j ko tyuktujkxəbejty madsu naty tə nmiñ tə nja'ty naxwiñ, israelitu ja'ayuts u j, Benjamingu tyuəmp 'yaəts, ebreu ja'ayuts u j, ebreu ja'ay 'yu'unk, es xətam Moisesu 'yana'amən yajpaduñ, fariseeəts 'yijty; ⁶ es di'ibəts ni'igu nduun, njantsypyajudijttakəts ja di'ibu myəbjktu Jesús xətam ja Kristu, es ngyudyuñəts ja Moisesu 'yana'amən xətam ni pən mbaət xykyani'umnu mut ti peky. ⁷ Per mut yu'əgyujxmu Jesukristu, tugekyu tyəadu di'ibəts u j ijty nmujpajtakypy, tyam nbajtakypyuəts xətam ni ti tkatsooty; ⁸ kyajts u j ti nnekyjyawu ko yajtukmə'ijxkijxyu ja oy'ajtan di'ibu yajmədajtp ko Jesukristu ya'ix'əty, u j Nəjnitsokpu. Kristakyujxm tugekyuəts tə nmastu'utta'ay. Posta'əgan njəwəts tugekyu tyadu esəts nganarətat ja Kristu, ⁹ esədsu naty tə nwe'em yu'əgyu mut yu'u. Kyajts u j n'əxtə'ay esəts nwu'umət oy mut ja Dios ja'əgyujxm kots njakuydyuna'añ ja ana'amən, ja'ats n'əxtə'ay w'ixəts oy nwu'umət mut ja Dios mut ko Dios oy tmatwe'em yu'əgyu ja ja'ay ja'əgyujxm ko tmbəktu Kristu. ¹⁰ Ja'ats ndsejpy es u j 'ixy'ətat yajxon yu Jesukristu, es yu'u tyunət mats ja njiky'ajtan mut ja myuk'ajtan di'ibu myədajtp ko jykypyejky. Ndsejpyəts es nmənax nyajnəxət ja ayo'on xətam oj jyaty, es də'un n'itəduəts xətam yu'u ko 'ye'ky, ¹¹ es oy tyimwi'ix tsooty nduəpəts esəts njikyppəkat kots n'oogət.

¹² Kyajts u j n'andijy kots tə tugekyu yu'u nbattaəyü ko kots u j kexy ka'pxy n'óyuty xətam Dios tseky, per nməjəts ndiimpy mabaəduəts nmada'aky esəts ngyudyuñət ja winmə'añ di'ibu Jesukristu myədajtp ko dyajtsondəky esəts xyja'a'əty. ¹³ Məgu'ugitaty, u j kyajts njuna'añ ko tats nganarəty ja may'aty. Ta tə'uk di'ibəts təy'ajtan ndiimpy. N'okja'aydyugóyəts di'ibu tə ñəjxnu, esu nməjəə nyajtuñ mabaəduəts nmada'aky es nməməda'əgəduət di'ibu miimpnəm. ¹⁴ Də'unəts u j xətam ja'ay di'ibu mək pəy'u'kp es jawyiin jya'tə'añ mə kyugəxu ja pəy'u'kn, esu Dios xymyo'oyəduəts ja may'aty di'ibu Jesukristəkyujxm xytyukniwowa esəts njiky'ətat jam tsəjpótm.

¹⁵ Nidugekyu ədsajtam di'ibətyu Dios tə tluəkyəyuku yajxon di'ibu yu'u tsəjpy, də'un njiky'ajtam. Es pən jaa ti oyu'nən xywyinmaydyu miidsəty mut ja wiink winmə'añ, wa'an ja Dios mmo'oyudu jaygyujkən es xyjəgyuəduət di'ibu də'un təy'ajtan. ¹⁶ N'okjiky'ajtam xətam Dios tə xytyukni'əam.

¹⁷ Məgu'ugitaty, jiky'attu xətam xy'ixy njiky'ətyəts u j. Nandə'un xypya'ixət di'ibəty nandə'un jiky'ajttap xətaməts u j njiky'aty. ¹⁸ Ja'a ko ta may di'ibu jiky'ajttap xətam tə n'ok'anmaabyudu kanək ok nibədu'ək, es tyam xətu jiiyəts n'anmaayambittu ko myədsip'ajttap ja Kristu, kyaj tsoktu es ya'anuməduət ko Kristu 'ye'ky kruuzkujxm, ¹⁹ pəəty pətpuñ jixət mə ayoodək. Jam ja wyinmə'añ tpuəta'aktu mə ja kaəky je'xy es tyukməj tyukpəduəp di'ibu tsoydyu'un məət. Yu'əyü je'əyü wyinməəydyəp di'ibu yə naxwiñ. ²⁰ Per ədsajtam, tsəjpótməduə ja'ay'ajtam, es n'awijx njəjp'ijxəm es jam kyuda'əgət yu Nəjnitsokpu'ajtam, yu Nindsən'ajtam Jesukristu. ²¹ Yu'u yajtgətsəp ja nniin'x'ajtam di'ibu ayoop, es də'un kyəxu'əgət xətam kyə'əm nini'x di'ibu jyantsymyədajtpy ja muj'ajtan; də'un ttunət mut ja myuk'ajtan esu kyutujkən di'ibu mənə 'yane'em yu'əgyu di'ibu jaa ijtp.

4

Ijtp nxondakum mə Kristu

¹ Pəəty məgu'ugitaty, di'ibəty njantsysojktəp es njantsy'ixə'əndə, xytyukxondəktəpəts u j miidsəty. Akpanəjxtu Nindsən'ajtam amumdu'uk jot.

² Nmənə'xtəkypy mij Evoodu, es nandə'un mij Sintiə, es xymyastu'uttət yu mdsip tuənk winmə'añuty, es yajkəx yajnəxtu oytym tii tyimwi'ixəty, xətam tukka'axpən mə yu Nindsən'ajtam. ³ Es mij Sisiə, di'ibəts oy xypudəjkə ko nmədu'unəm ja Nindsən'ajtam, n'amdeepy nbəjktsepy es xypudəkət waanu tyadu nimajtskpu toxtyəjk. Yu'əts xypudəjkəduə es ngajxwa'xyəts ja oybyu ayuk, ti'igyu mut ja Klementu es yu wiinkpədyu nməməduəmbəty di'ibədyu xyu jəaybyəty ijtp nekykyujxy, ja xyuəjty pənəty myədajttap ja jiky'ajtan winu xəu winu tiempu.

* 3:2 İx Lukus 1:59.

⁴ Du'añam mxonda'aktut ma yu Nindsun'ajtam. N'ak'anmaayambijttap es m'it mxóndat.
⁵ Wa'an nidagekyu tñijáwudu ko miits xynásjáwudu mut ja ja'ayaty. Wingoomp ja Nindsun'ajtam Jesukristu.

⁶ Katu mmay mdajtu, nik oy, pun ti tuun jajtup, kajxta'aktu es amdow pújtsówdu Dios, es xyja'aygyuda'aktut nandu'un. ⁷ Netu Dios mmo'oyudut yu 'yagujk'ajt jyotkujk'ajtun, di'ibu waanu ni'igu myájaty kadiinam di'ibu ja'ay mbaat tjaagyuku. Esu tyadu agujk'ajt jotkujk'ajtun kyuwá'anup ja mjot mwinma'añ ti'igyu mut ja Jesukristu.

May wisttu ma tugekyu di'ibu oy

⁸ Es tim ok, mugu'ugítaty, may wisttu ma tugekyu yu'u: tugekyu di'ibu dan táy'ajtun, tugekyu di'ibu nitujkup ja may'ajt windsu'kun, tugekyu di'ibu táy'ajtun maut, tugekyu wa'ats'ajtun, tugekyu di'ibu oybyudsuump, es tugekyu di'ibu ya'oyñigajxp. May wisttu ma tugekyu di'ibu dan oy es di'ibu nitujkup ja may'ajt windsu'kun.

⁹ Tuunda'aktu di'ibu tu nduk'axpeky, di'ibu tu ndukni'ixudu, di'ibu tu xymyudowdu njuna'añuts, es di'ibu tu xy'ixtu nduñuts. Tundu du'un, es yu Dios di'ibu xymyo'oyam ja agujk'ajt jotkujk'ajtun, itup mut miidsaty.

Filipus ja'ay tmo'oydu pudujkun ja Paablu

¹⁰ Xondákpats byeen ma yu Nindsun'ajtam ko miits xyjamyátstus jatagok. Kyajts njuna'añ ko tudsu naty xy'okja'aydyugeebyuduts, ja'a du'un mut ko kyaj tu m'awaadsu'attu esuts xypyudukudut. ¹¹ Kyajts njuna'añ mut ko tu n'ityuts mut ja n'amay njotmáyuts, pes muyaak mabatu yu'u es ngonformarátuts mut di'ibuts nmudajtypy. ¹² Nnija'abuts wi'ix njiky'átut ko ti kye'ty es ko ti kyake'ty. Tuts nmuyujy esuts njotkujk'átut pun tits xyjajtp xkyubajtp, kots njotkuda'aky o kots nyu'eegyu, ko ti yajmadaty yajjaygyepy may o ni tii. ¹³ Mbaaduts oytyim tiity nwinguwa'agu, mut ko ja Kristu yu'ats xymyujameepy. ¹⁴ Per miits mduundu oy kots xypyudukudu mats n'amay njotmay.

¹⁵ Miits Filipus ja'ayaty, byeen tsuj xyñijáwudu kots ndso'oñ Masedoñu es najx ngajxwa'xa'añuts ja oybyu ayuk, kyajpu wiinkpu mabujkputujk di'ibuts xypyudukuduts.

¹⁶ Kanak ok nibudu'uguts miits xytyuknigajxtu naybyuduku kodsu naty uj n'ity Tesalóniku.

¹⁷ Kyajts jayam n'anuumudu du'un esuts xy'aktuknigáxtuduts ni'igu may'aty, ja'ats ndsejpy esu Dios mgunu'xudut ja'agyujxm ko du'un xytyuundu. ¹⁸ Tuts n'axájydu'ay tugekyu, es tyam nmudajtypyuts extu nan ni'igu, mut ko Epafroditu tuts xytyukkaduku ja mmay'aty. Du'un yu'u éxtamu pa'ak xu'kpu di'ibu yajtukwindsu'kup ja Dios, di'ibu kyupejkyu es t'oyjyawu. ¹⁹ Paadyu Dios mmo'oyudup miidsaty tugekyu di'ibu myajtagoy'ajttap, du'un éxtam ni'igu oy'ajtun tmudaty tjaagyepy ma Jesukristu. ²⁰ N'ok'awdajtam ja nDios Teety'ajtun winu xuu wina tiempu. Wa'an du'unaty.

Kajxpo'xun

²¹ Yajnáxts ja nDioskajxy nidu'uk nidu'uk di'ibáty Dios ja'a'ajtudup. Yu nmagu'uk'ajtun di'ibuts jayam maut n'ity, nandu'un mduknigáxudu Dioskajxy. ²² Nidagekyu Diosu jya'ayaty mduknigáxudu Dioskajxy, es waanu ni'igu di'ibáty ijttap ma yu yajkutujkpu kopk ja tyujk, mduknigáxudu Dioskajxy.

²³ Wa'anu Nindsun'ajtam Jesukristu mgunu'xudu nidagekyu miidsaty.

Neky Di'ibū Paablū Tyuknigajxtū Ja Kolosū Ja'ayaty

¹ H̄j Paablū, mat ja Dios tsojokungyujxmuts xy'apostulu'átyuts ja Jesukristū, ja'a njuna'anum ko tū xkykxyxuts. Tukmuku mat ja nmūgu'uk'ajtūm Timotee, ² nduknigaxtūdsu tyadu neky ja nmūgu'uguty, ja Diosū jya'ayaty di'ibū oy muduunap es ti'igyū 'yittū mat ja Kristū es jyiky'attu Kolosū kajpnōty.

Paablū tñigajxtaagu ja Kolosū mabujkputy

Wa'anū nDios Teety'ajtūm ngunu'xudu es mmo'oyudu ja agujk'ajt jotkujk'ajtūn. ³ Du'añūmts nja'aygyuda'aky ja Dios, ja Nindsūn'ajtūm Jesukristū Tyeety, kots miits nñigajxtaagudu, ⁴ pes nmūdoodū ko xymyubūktū Jesukristū es ko xytsyoktū nidugekyū di'ibāty ja'a'ajtudap ja Dios. ⁵ Du'un xytyundu mat ko m'awijx mjūpp'ijxtap ja kuma'añ di'ibū Dios xytyuknibujkū'kum tsajpōtm, du'un éxtūm jyuna'añ ja oybyū ayuk, ja tūy'ajtūn di'ibū tū xymyūdowdu. ⁶ Tam yajkajxwa'xy yū tyadu oybyū ayuk mā tugekyū naxwifūdu, es yajmiūmpy ja madakūn mat di'ibāty kyupajktap, du'un éxtūm jyajty mat miidsūty extū mā xtyimmūdoodū es xymyubujktū ko Dios xyajnutsókūm myay'ajtungyujxm. ⁷ Mduk'uxpajkudu tyadu tūy'ajtūn yū Epafras, yū nmūgu'uk'ajtūm di'ibū ndsojkaūm es xypuydjkaūm es nanda'un oy tmūdūñ ja Kristū mā miidsūty. ⁸ Es yū'udsū du'un xytyukmāmyak miidsū mdū'unūnūty es ko xymyūdattu ja tsojkaūn di'ibū ja Espiritū Santū tū mmo'oyudu.

⁹ Paaty extūm mā ja xūts nmūdoodū ko xymyubūktū Jesukristū, du'añūmts ngajxta'aky esū Dios kexy ka'pxy mduknijāwūdu di'ibū tseyjpy, es Espiritū Santūkyujxm mmo'oyūdu tugekyū wijy'ajtūn esū jaygyujkaūn. ¹⁰ Du'unūts ngajxta'aky es mjiky'attat éxtūm ttseky ja Nindsūn'ajtūm Jesukristū, es du'añūm xytyūndat di'ibū yū'u 'yoyjya'ap, esū mjiky'ajtūnūty dya'ixudat tugekyū oytym di'ibūty ja oybyū mdūun, es xy'ixy'atūt waanū oy ja Dios. ¹¹ Nbujktseebūty ja Dios es yū'u myajmūjwiin myajkaaxadūp ja mmbūjkaūn mat ni'igū ja myuk'ajtūn, es du'un xymyūmada'aktū tugekyū mat ja ma'xtujkaūn esū xondakūn, ¹² es mja'aygyuda'aktap ja Dios mat ko tū mduknibujtaaguty es m'axājūdu éxtūm kuma'añ es m'ittat mā ja jaj tū'xūn mat ja di'ibāty yū'u ja'a'ajtudap. ¹³ Dios tū xya'a'awa'atspādsūmūm mā ja agoots'at, ja'a njuna'anūm mā yajkutiky ja mājku'ugōpk, es xypuyjtākūm mā yajkutiky ja 'yU'unk di'ibū jyantsytsyeyjpy, ¹⁴ di'ibū o'k mat ūdsajtūmgyujxm es du'un oj xyajnutsókūm es oj tme'xy ja nbojpa'ajtūm.

Kristūkyujxm nmūdajtūm ja agujk'ajt jotkujk'ajtūn

¹⁵ Ti'igyū Jesukristū éxtūm ja Dios Teety. Di'ibū tū t'ixy ja Kristū, nanda'un tū t'ixy ja Dios Teety di'ibū kyaj ya'ixy; es taa naty ja Kristū mā kyajnūmū naty ti kyojy. ¹⁶ Mūdu Kristū yajkoj tugekyū di'ibū jam tsajpōtm es yā naxwiiñ. Yū'u mānt yajkoj di'ibū ya'ijxp es di'ibū kyaj ya'ixy, pūnūty yajkutujktap, ana'amdp es kuduunk'ajttap. Kristū mānt es Kristū 'yoy'ajtungyujxm tugekyū yajkoj. ¹⁷ Kristū taayūmū naty 'yity mā kyajnūmū naty otyiity kyoyjūm, es yū'u du'un di'ibū ya'ijtpy tugekyū mā yū lyugaarūty. ¹⁸ Kristū tñigubajk'aty yū jya'ayaty di'ibū ijttap éxtūm ja ñini'x. Taayūm ja Kristū 'yity jawyifūp, es yū'u jayūjp jikpyyūjk, es tñikubajk'atūt tugekyū oytym tiity. ¹⁹ Pesū Diosū du'un tsojok esū Jesukristū 'yitūt éxtūmū Dios kū'am, ²⁰ es mat yū'ūgyujxmū Jesukristū, Dios pyujta'agān ja agujk'ajt jotkujk'ajtūn mat yū'u kū'am, du'un tugekyū di'ibāty ijtp tsajpōtm es nanda'un di'ibū yā naxwiiñ. Dios pyujtākū tyadu agujk'ajt jotkujk'ajtūn mat yū'ūgyujxmū Jesukristū ko tteemy dyejky ja ñe'pyñ kruuzkūjxm.

²¹ Miidsūty ijty kyajpū Dios mja'ay'atūdu, pes yū mjiky'ajtūnū axūkpū ya'ijxū ko miits nmūdsip'ajttap ja Dios; ²² per tyamū Jesukristū tū tpujta'aky ja mdi'igyū'ajtūn mat ja Dios, mat ko tū 'yeeky kruuzkūjxm es myajnūjxūdu Dios windūm, es xywyinguwā'agūdu wā'ats, ni tiijy mbojpa. ²³ Esū tyāgūdu du'un sitay tyunaampy pūn miits mbaduundap es mjiky'ajttap éxtūm ja Kristū ya'uxpejky, es kyaj xymyastū'uttū es xymyubūktū yū oybyū ayuk di'ibū miits mgupajktū ko xymyūdoodū. Nan yū'ūyūmū tyadu oybyū ayuk yajkajxwa'xy tyam yā naxwiiñ oytym maaty, es yū'u dūnū tyadu oybyū ayuk di'ibū Kristū oj xytyukmūgaxūts es ngajxwā'xūdu.

Xondakp ja Paablū oy tsyimsyūnūnū

²⁴ Es tyam xondākpūts kots miits ngu'ayōwūdu, esū du'unūts nyajka'pxy di'ibū tūgoy'ajtp ja Kristū 'yaym'ojūn ja'agyujxm pūnūty myūbujktap, di'ibū ijttap éxtūmū Kristū ñini'x. ²⁵ Diosūts tū xypuyjta'aky esūts nbūdāktū nidugekyū yū jya'ayaty, es xkykyexyūts es ngajxwā'xūdu tugekyū tugekyū yū 'yayuk, ²⁶ ja'a yū'u di'ibū ijty kyayajniāwū extū tim jékyp, per tyam ja Dios tū ttuknijāwūdu ja jya'ayaty. ²⁷ Tū Dios ttuknijāwū jya'ayaty ja māj oy'ajtūn di'ibū ijty kyayajniāwū, es ttuknibujtaagu mā nidugekyū naxwifūdu ja'ayaty. Esū tadū di'ibū kyaj

yajnijáwá extá timjékyap, yá'u dá'uná Kristu di'ibu ijtp má miidsaty, di'ibu m'awijxtap es mdukpáadúdat ja muj'ajtan.

²⁸ Es ja Kristu, ja'a dá'un di'ibuts uj ngájxwa'xypy. N'awa'anupts es nduk'uxpejkyputs nidugekyu ja'ayaty es tjaygyúkadat yu'ujuty yajxón, es ndukwinguwa'agudats ja Dios, ti'igyu 'yittat mat ja Kristu, oy es wa'ats. ²⁹ Paadyats nduñ amujáa di'ibudsu Kristu xymyeepty, mat ko yu'u dá'un di'ibu jiky'ajtp má ujan.

2

¹ Ndejjpyuts es xyñijáwudat ko ndúñats mat wínudsá njot mat miidsaty, es mat nandu'un di'ibu myuduundap ja Jesukristu má yu Laodiseeu kajpn, es mat nidugekyu wiingátypyu di'ibuts kyaj xy'ixtats wingujxm. ² Nduñudsá dá'un es nyajxondá'agudats ja 'yaa jyótuty yu'ujuty, es nandu'un 'yittat ti'igyu má ja tsojkan. Ndejjpyuts es tugekyu tugekyu tjaygyúkadat di'ibu Dios tyuknibajtáku es kyaj yajnijáwá ijty, es yu'u dá'un ku'am ja Kristu. ³ Pes má yu'un yajpaaty tugekyu tugekyu ja wijy'ajtan esu jaygyujkan. ⁴ Pes n'anuumadu tyaadu kadúibu pán mwin'uan mwinxájúdat mat ko tsuj yajmadóy. ⁵ Oxyyáputs n'ity jagam mat miidsaty, jámats njot nja'ajan má miidsaty, es xondákpats kots nnijawá ko tsuj yajxón ti xytyundá es xymyábuktá amumdu'uk jot ja Nindsun'ajtam Jesukristu.

Jembyu jiky'ajtan má Kristu

⁶ Paaty dá'un éxtam miits oj xy'axájúdu Jesukristu éxtamu Nindsun'ajtam, dá'un mjiky'áttat éxtam yu'u jyiky'ajty. ⁷ Extam tu'ugu kepy máku 'yaats ya'ityaty, nandu'un miidsaty ti'igyu mák muat m'ittat ja Jesukristu. Yajwimbajt'adu'utsta ja mmbubjkanaty, dá'un éxtam myajtukni'ijxádu, es dá'unam xyja'aygyuda'aktat ja Dios.

⁸ Exkam pán mwin'uanudu mat jat'u'ugu wiinkpu uxpujkan, di'ibu yu'u tyu'unun'ajttap ja ja'ayaty, es mdukanuxja'anudu ja uxpujkan o ja tyu'ununaty ja jekyjya'ayaty, es mduk'awdátúdat ja ánkusaty má jyapaadyaty xy'awdátat ja Kristu.

⁹ Mat ko má yu Jesukristu, jam 'yity tugekyu ja Dios'ajtan, ¹⁰ es miits m'ijttap ti'igyu mat ja Jesukristu, di'ibu ñigopk'ajtypy nidugekyu yajkutujkputy es ana'ambuty. ¹¹ Es ja'a ko m'ijttap ti'igyu mádu Kristu, tu miidsaty nandu'un myajpajta'aktá ja ijxwá'umun es dá'un kyaj xyajtúndat di'ibu mnini'x mgubajk tsojktap, es kyaj dyu'unaty yu ijxwá'umun éxtamu israelítaty tpujta'aktá ko ja'ay yajtsíky waanu má yedyujk'ajtan*. ¹² Ko miits mmbajttá, oj mnahtákudu mádu Kristu, es nandu'un muat mjikyppyujktá, mat ko xymyábujktá ko myudajtypy ja mák'ajtan ja Dios di'ibu yajjikyppyujka. ¹³ Tuuyádu má naty kyajnum miits xy'axájúdu Jesukristu, Dios m'ijxádu miits éxtamu o'kputy, mat ko naty mbekyjya'ay'áttu; peru Dios tu myajjikyppyákudu ti'igyu mat ja Kristu. Dios tu mma'xádu tugekyu mbojputy. ¹⁴ Pesu Kristu kyupujk yajnájx ja tudyu'unun di'ibu udsajtam oj xy-jarátam mat yu'ijgyujxmu nbojpu'ajtam. Mbaat njuna'anam ko dá'un éxtam yu'u dyajnejxy kaxja'ay tugekyu ja nbojpu'ajtam es yajkaxwejpy kyubajky má ja kruuz, éxtamxyup ja kyu'ambujpu tkumadóy. Es mat ko 'ye'ky, Kristu tkubejty tkumadóoy ja nbeky'ajtam. ¹⁵ Dios oj tpujka ja mák'ajtan es ja kutujkan pánaty myudajttap, es oj dya'amutsk'aty ijxnide'xy majjya'ay wyindum es t'ixtat ko tu tyagoydyu.

Mujjotmay'ooktu di'ibu tsajpótm

¹⁶ Es mat ko nnija'am tugekyu tyaadu, katú mnayyákudu miits es pán mbayo'oyudat di'ibu mju'xtap, o di'ibu m'u'ktap, o ti xuu m'amaay'ajttap, o ti po'o 'yaane'eky, o má ja po'xanxuu. ¹⁷ Tugekyu tyaadu yu'u je'eyu éxtamu awax di'ibu jaminán; peru Kristu dá'un ja tui'ajtan. ¹⁸ Exkam mbujkxádu yu may'aty taadaty di'ibu nayyajnájxáduap mat tuda'aky es ja'a 'yawdajttap ja ánkusaty. Yu'ujuty jyuna'andu ko tu t'ixtu ijxma'tan, es paaty ñaybyujta'agudu muj kujxm. ¹⁹ Peru dá'ambu ja'ayaty kyaj 'yittá ti'igyu mádu Kristu. Esu Kristu, dá'un yu'u éxtam ja nini'x kubajk, es ja di'ibáty n'axájum éxtamu n'Yajnitsokpu'ajtam, dá'un n'ijttam éxtam ja ñini'x. Esu ja'a ko n'ijttam ti'igyu mádu Kristu, nmudajtam ja jiky'ajtan esu majáa, es muktákp ja n'anmujá'an'ajtam éxtam ja Dios ttseky.

²⁰ Mat ko miits tu m'ooktu mat ja Kristu, mnaydyukniwa'adsádu ja naxwíñudu ja'ayaty ja wyinma'añaty esu tyuungty. ¿Es ti ko m'aktimjiky'attu éxtam pánudyu naxwíñudu winma'añ ja'ajtadap?, ¿ti ko m'aktimnaydyukkudádu ja 'yana'amunaty?, éxtam jyuna'andu: ²¹ "Katu xtyoñ. Katu xyje'xy yu tuxiidu. Katu xkyone'eky." ²² Tugekyu tyádu ana'amun yu'u myadyakypy di'ibu je'eyu ya naxwíñ kyexy ko nju'xam o ko nyajtu'unam, es tugekyu tyádu ana'amun yu'uy jya'aju naxwíñudu ja'ay. ²³ Tadu ana'amun mbaat kyaxe'eky éxtamu wijy'ajtan, mat ko dyajkuxe'eky es ni'igu Dios ndsojkan, es n'ijttam yuunk naxypyu, es njujwijsambijttam ja nnini'x'ajtam; per ni madsóo kyatúñ es nnayjyujwijsambijttam di'ibu ja nini'x kubajk tsyeyty.

* 2:11 Ix Lukas 1:59.

3

¹ Pes éxtam miits tu mjikyppyaaktu mut ja Kristu, ja'a mbayo'oydyap di'ibu tso'omp tsajpótm, ma yu Kristu 'yu'unu ma 'yaga'añdsyoo ja Dios. ² Winma'añ'áttu di'ibáty miimp tsajpótm, katu xywyinma'añ'áty di'ibu ijtp naxwiiñ. ³ Pes miits m'o'oktu mut ja Kristu, es tyam xymyudattu mjiky'ajtan pñjke'eky mut ja Jesukristu ma Dios. ⁴ Kristu du'un ja njiky'ajtan'ajtam. Es ko yu'u kyuda'agat jatugok, mguxa'uktap miidsuty nandu'un mut yu'u ma ja myuj'ajtan.

Jiky'ajtan di'ibu tu ñaxy, esu jembyu

⁵ Pes yajkutugóy ja mwinma'añ ja axuukpu di'ibu mmudajttap, mut ko naxwiiñadu jya'aju taadu. Katu mnayyákudu es mmumada'agudut tyadu axuukpu winma'añ: ja mu'induunk, ko ja'ay kyaj ñay'aguwits ñayjyujpkuwitsudu, ko kyaj ti ñaydyukma'ixudu ti pán myudajtyy, ko 'yadsoktu, mut ko Dios pyajtákyryu tyadu adsojkan éxtamxyap n'awdajtamu di'ibu kyaj Dyio'suty, ⁶ es ja Dios tyuadyunaampy jantsy tsaatsy tugekyu di'ibáty tyu-undubu tyadu axuugátyryu. ⁷ Miits mduundu tyaaduty maanamu naty kyaj xy'axájudu Jesukristu. ⁸ Per tyam, ja'a ko mja'a'ajtudap ja Kristu, mastu'uttu tugekyu tyaaduty: ajk to'oyun, naymyujkajxuk winma'añ, nay'o'o nayyaxun esu tsaatsykyubétyryu ayuk. ⁹ Kyaj mnaywyin'uan mnaywyinxájudut nixim niyam, mut ko miidsuty tu xymyastu'uttu ja mjekyjyiky'ajtanu axuukpu. ¹⁰ Jiky'attu ja jiky'ajtanu jembyu, mut ko Diosu du'un di'ibu oj xymyo'oyam yu tyadu jiky'ajtan es tyugajts'adu'atsy extu ko Dios n'ixy'ajtam yajxon. ¹¹ Ko n'axájam ja Jesukristu, Dios xkywentupajtakum éxtamu jya'ayun, oy n'israelitaja'ay'ajtam o di'ibu kyaj 'yisraelitaty, di'ibu naty tu yajtsúktu o di'ibu kyaj yajtsúktu, di'ibu jagam ja'ay o kukajpn ja'ay, di'ibu windsún o mduumbu. Di'ibu sitay nigutiky, ja'a es xyja'a'ajtam ja Kristu, es ja Kristu yu'u du'un ijtp ma tugekyu di'ibu ijtp.

¹² Dios mdsokjudap miits es tu mwin'ixudu es yu'u mja'a'átudap. Paaty jiky'attu éxtam ja Dios tseky, es mudattu pa'ayo'on, oyjyot, tuda'aky'át, yuunk naxypy esu ma'xtujkan. ¹³ Naymyama'xtúkudu nixim niyam es naymya'xudu pun ja pán ñaymyudagóyuty mut ja wiinkpu. Du'un éxtam ja Kristu oj mma'xudu, du'un xytyúndut nandu'un miidsuty. ¹⁴ Di'ibu ni'igu tsojkap, ja'a du'un ja tsojkan, es ja tsojkan yajmjuktapxy kexy ka'pxy tugekyu tugekyu. ¹⁵ Wa'an ja agujk'ajjt jotkujk'ajtan di'ibu Kristu yajkypy, tnu'umo'oy ttu'umo'oy ja mjot mwinma'añaty es mjiky'áttut éxtam ja Dios tseky. Ja'a ko mudu tyaadu du'un ja Dios mwoojudu es tukmuk m'íttut, éxtam tu'uk je'eyu nini'x. Es ja'aygyuda'áktu.

¹⁶ Wa'an ja Kristu 'yayuk t'ity ma yu mjot mwinma'añaty, es yu'u mnaydyukni'ixudap nixim niyam ja oybyu kajxwíjün. Mudu ja'aygyudákan ma Dios, wudu Salma, Diosu 'yalabanzu, es di'ibu Dios 'yoyjya'ap. ¹⁷ Pes tugekyu di'ibu mduun mgajxtap, tundu Nindsun'ajtam Jesús xymygyajxm, es ja'aygyuda'áktu Dios Teety Jesukristukyajxm.

Wi'ix ja jembyu jiky'ajtan

¹⁸ Miits kasaadu toxytyjykuty, naygyabúkudu ma mña'ayaty, mut ko du'un nigutíkyuty mdsunudat éxtamu Nindsun'ajtam Jesukristu tseky. ¹⁹ Es nandu'un miidsuty kasaadu yedyujkuty, mdsóktap yajxonu m'u'unk mndu'o'oxyuty es katu a'ak jot'aku muut mdsunudu. ²⁰ Es miidsuty u'unk ana'kuty, mamudowdu ja mdaak meety, mut ko tyaadu du'un 'yoyjya'ap ja Nindsun'ajtam. ²¹ Es miits u'unkeedyuty, katu nandu'unu m'u'unk xyajjot'ambáktu es kadiibu tsyipka'axtat. ²² Es miits mduumbuty, mamudowdu ja mwindsún mwíndajuty ja naxwiiñ. Katu du'un xytyuñ je'eyu ko m'ijxtúnudu es du'un mnayyajpudsémyuty wa'ats mut yu'ujaty, tundu mudu oy'aa oyjyot, éxtam jyawu xymyudúñ ja Nindsun'ajtam. ²³ Oytym tiity di'ibu mduundap, tundu yajxon xonda'aky'aa xonda'akyjyót, éxtam xymyudundu Nindsun'ajtam es kyaj éxtam xymyudundu ja'ay. ²⁴ Pes mnija'adap ko yu Nindsun'ajtam mmo'oyánudap éxtam ja may'aty ja kuma'añ, mut ko miits xymyudundu yu Kristu di'ibu dan mWindsun'ajttap. ²⁵ Ja di'ibu adátstap axuuk, 'yaxájap ja tudydu'unun éxtam pyaadyuty, ja'a ko Dios kyaj pán tpayo'oy win'ixy wingexy.

4

¹ Es miidsuty windsún wíndajuty, yajtúnda ja mduumbuty éxtam pyaadyuty. Nasjawa ko nandu'un miits mmudajttap tu'ugu mWindsún jam tsajpótm.

² Mugu'ugítaty, du'añum mgajxta'áktut, wijy m'íttut es xyja'aygyuda'áktut ja Dios. ³ Nandu'un kajxta'áktu es amdow pñjksówdu Dios esuts uj xpyudákat esuts ngajxwa'xut ja oybyu ayuk, esadsu ja'ay nduknijáwat di'ibu ijty kyaj yajnijáwu, pes ja'agyujxmuts ndsimdsyuanu. ⁴ Amdow pñjksówdu mut ajtskyujxm, wa'andsu Dios xpyudáku esuts yajxon wa'ats ngajxwa'xuduts éxtamts xpyyaaty ndúnut.

⁵ Es miits, jiky'attu wijy kejy mut ja di'ibu kyaj t'axaju ja Jesukristu. Tundu ma tugekyu tiempu xymyudaty esu ja'ay xytyuknijáwat ko Jesukristu yajnitsókp. ⁶ Wa'ana mgajx mmadyakan du'añum 'ityy tsujti'knu, es mjátap wi'ix miits xy'adsówdut nidu'uk nidu'uk.

Kajxpo'xun

⁷ Үн нмугу'ук'ajtам Тiкiкi ди'ибi ндоjкiм, оуиts хуруудакi кoтs нмiдундi ja Nиндсун'ajtам, уи'и мдукнiмaдыa'агудар wi'ixуts ja yam н'ity es мjоткуjк'аттa. ⁸ Paаты ндукнигaxтi миiдсyтy es м'ану'амxиdиt wi'ixуts ja yam, es мmo'oyиdиt ja jоткуjк'ajtи. ⁹ Mиит нанди'иn иейхy уи нмугу'ук'ajtам Онiсими, ди'ибi ндоjкiм es oy тмiдiи Nиндсун'ajtам, миiдсyтy ja ммугагаjрн. Yи'иjытy мдукнiмaдыa'агудар тгeкyи wi'ix ja yam jыты.

¹⁰ Aристаркi, уи нмiдсiмдсyиnаabyиts, мдукнигiхиди Diosкаjxy; es нанди'иnи Markиs, уи мyугу'уги Bernabee, jуnа'аи mayDios. Pиn мниниxидар ja Markиs мгу'ixa'аниди, axiжиди yajxon. ¹¹ Nанди'иn мдукнигiхиди Diosкаjxy ja Jesiс di'ибi yajтijр Justи. Tyаадyи dи'иn уи'иyытy нидугиик ja israelиты di'иби мyибиjктар ja Jesiс es ttундi мiт иj ja Diosи tyуиnk, es уи'иts хyмyеepы ja jоткуjк'ajtи. ¹² Mдукнигiхиди Diosкаjxyи Epaфpиs, Kristи мyидуумбi, es уи'и нанди'иn ммугагаjрн'ajттар. Ду'ииm т'амдоy тpиjктсoы ja Diosи ма кyajxa'taky, es мiк м'иттiт ti'igyи мiди Jesukristи, es амумду'ук jот мjiky'аттiт iхтiмi Diosи тtеky. ¹³ Mиt ko иj testiигyts wi'ixи Epaфpиs ийaydyukjотmaydyиiиtы мiт миit-skyиjxmытy es нанди'иn уи Kristи мyидуумбiтy di'иби tsиnааyдыиp ма уи Laodiseeи кajрн es ма уи Yerapolиs кajрн. ¹⁴ Yи kudsooy Lukиs, ди'иби njantsytsyojкiм, мдукнигiхиди Diosкаjxy, es нанди'иnи Demиs.

¹⁵ MayDios хy'аниmиt ja нмугу'ук'ajtам ди'иби иjтp Laodiseeи, es нанди'иn уи Nimфiс хyмyо'oyиdyиt ja Diosкаjxy, esи мiбиjкpиtиjк di'ибiтy наймyиjкидар ма уи tyиjк.

¹⁶ Ko хyкyajxa'tayдыиt tyади neкy ма миiдсyтy, net хyкyiхтiт ма ja мiбиjкpиtиjк di'ибiтy наймyиjкидар Laodiseeи, es jар yajкajхтiт нанди'иn; es миitс хyкyajxa'tит нанди'иn ja neкy di'ибиts нgejхyрy Laodiseeи. ¹⁷ Tиnи may'ajтиn, аниmи Arkипи: “Kyudyиn yajxon ja тyиnk di'иби ja Nиндсун'ajtам тi мmo'oyытy es хyмyиdиnиt.”

¹⁸ Mугу'угиtытy, иj Paаблi, ндукниjайыдiтс миiдсyтy уи kajxpo'xиn мiдидси нгу'иm лeтpи. Mиnи'xta'aktи Diosи мiт иjтskyиjxmи. Kiтiтс хyja'ayдыиgодыи кoтс н'ity ja yam тsимy. Wa'ани Diosи мгуни'хиди миiдсyтy.

Myutu'ukpu Neki Di'ibu Paablu Tyuknigajxtu Ja Tesalóniku Ja'ayaty

Tesalóniku ja'ay tnaštúnudu wi'ixu Dios yajmábéky

¹ Ɖj Paablu, mut ja Silvanu esu Timotee, nduknigajxtuptu tyadu neky ja mubujkputujk di'ibu ijtup ti'igyu mut ja Dios Teety esu Nindsun'ajtam Jesukristu, es ñaymyúkuđu ma ja Tesalóniku kajpn. Wa'an ja Dios mgunu'xudu es mmo'oyudu ja agujk'ajt jotkujk'ajtam.

² Du'añumts nja'aygyuda'aky ja Dios mut miidsaty, es njamyajstap kots ngajxta'aktu.

³ Es ndukjamyeytsypyudsu nDios Teety'ajtam wyindum wi'ix miits xymyudattu ja mubujkan, éxtam miits mdundu mut ja tsojkan, es éxtam miits du'añum 'yawix xyujp'ixtu Nindsun'ajtam Jesukristu ko jyumbita'añ. ⁴ Mugu'ugítaty, Dios mdsojkudup miits, es nnija'abuts ko yu'u tu mwin'ixudu. ⁵ Kots miidsaty oj n'awánudu ja oybyu ayuk, kyaj jye'eyaty ja ayuk ngajxyuts, ja Espiritu Sántats xypyudujku es ngajxaduts muk'ajtam muut, es ja'aguyxjm kots uj nnijawu ko tyu'ajtamudu tyadu ayuk. Wa'ats xyñijáwudu wi'ixats oj nja'ay'aty ma miidsaty, es xytyuk'oybyudsámut.

⁶ Mbaduudu miidsaty di'ibu uudsaty es ja Nindsun'ajtam tu nastúnuduts, es m'axájudu ja ayuk mut tu'ugu xondakan di'ibu ja Espiritu Santu mmooyu, oy xyajnaxtu byeen ja ayoon. ⁷ Es mudu tyaadu xyajktu ja ixxwu'umun ma nidagekyu yu Diosu myubujkputu jam Masedoñu es Akayu. ⁸ Mut ko ma miidsaty tsoyo'ñ ja Nindsun'ajtam ja 'yayuk es tu yajkajxwa'xy kyaj jye'eyaty Masedoñu es Akayu, per nandu'un oytym maaty yajnijáwu wi'ix miits xymyubúktu ja Dios, es mudu tyaadu kyaj ñakypyaadytu ngajxtaduts ti. ⁹ Nik yu'u ku'amaty tmadya'aktu wi'ix ko oj ngu'ixtu, miits xy'axájuduts yajxon es wi'ix tu xymyastu'uttu ja agojwinnáx es xypyuanjxtu es xymyuduundsondáknuđu ja jiiqypyu Dios. ¹⁰ Tyukmumadyaktu nandu'un ko miidsaty m'awijx mjup'ijxtup ko kyada'agat tsajpótm ja Diosu 'yu'unk, ja Nindsun'ajtam Jesús di'ibu Dios yajjikypyujk ma 'ye'ky. Yu'u du'un di'ibu xyajntsókum ma ja maj tadyu'unun di'ibu miimp.

2

Paablu tyuunk jap Tesalóniku

¹ Pes miidsaty ku'am nnija'adup mugu'ugítaty, ko éxtumts miits oj ngu'ixtu, kya- jts nanagooñu ngu'ixtu. ² Oyats naty wi'ix tu nyajtúñ es tu nyajwingajxpeytytu jam Filipus, éxtam xyñijáwudu, peru Dios tats xypyudaku esuts ngajxwa'xut amumdu'uk jot yu oybyu ayuk ma miidsaty, oy jyakuxe'eky ja adsijpu. ³ Mut ko ni wi'ix toots nga'anuguga'aju ma di'ibudsu naty ngajxwa'xypy, ni ngamadya'agyudsu natyu axak kajxy es ni ngawin'umna'añuts pán. ⁴ Ni'igudsu Dios xwyinuma'añ'ijxy es xytyuknipejkyuts ja oybyu ayuk. Ɖj kyajts ngajxy wi'ixu ja'ayuts xy'oyjyáwut, Diosu du'un sitay, di'ibu tyuk'ijxwuyaapy ja njot'ajt nwinma'añ'ajtam. ⁵ Éxtam miits xyñijáwudu, ni na'ats pán ngawinwepy ngawinjaaxy mut ja tsujti'knubu ayuk, es ni tits ngatuk'ubety ngatukkajxpéty mut kots nganarata'añ ja meef. Diosu tyaadu ñija'ap. ⁶ Kyajts ni na'a nga'uxta'aydu ja'ayaty esuts xymyujjáwut, oy tyimmiits'ajtpu es oytym wiingaty'ajtpu. ⁷ Oyats mbaat njanaybyujta'agyudyats éxtamu kutujkan muutpu, mut kots xy'apostulu'attu ja Kristu, kyajts uj du'un nduuf. Naybyujtáts tuda'aky éxtam tu'ugu u'unktaak ti'ix'ity tkwenta'aty ja 'yu'unk jantsy tsuj. ⁸ Byeenuts miits ndsoktu, ja'aguyxmxuts uj nnyajya'aju es kyaj jye'eyaty nduknijáwudut ja oybyu ayuk, es extu nandu'un es miits ngu'oogudut. ⁹ Mugu'ugítaty, miits njamyajstap wi'ixats tu ndundu xunñ koots es kadiibu miits n'adsiptat ma naty jam nduknijáwudu ja oybyu ayuk di'ibu Dios kyajx.

¹⁰ Miits nnija'adup, es nandu'un ja Dios, wi'ix uudsaty dyajnujxtu tu'ugu jiky'ajtanu wa'atspu, tuda'akypyu es ni pán mbaat xykyapeky'ixyuty kots n'ijtu ma miidsaty di'ibu nandu'un myubujktup ja Dios. ¹¹ Nandu'un xyñijáwudu wi'ix tu nya'it nyajxondu es wi'ix tu nbumay nbutájudu nidu'uk nidu'uk miidsaty, du'un éxtam ttuñ ja u'unkteety mut ja 'yu'unk 'yuna'k. ¹² Pes tu nyajxondu'aktu es tu nyajjotkujk'átta, es extu tu nduknipaktu es mjiky'áttat éxtam pyaadyty pánuty ja'a'ajtudup ja Dios, di'ibu mwoojudup es najx muut m'ittu ma yajkutiky mut ja muj'ajtam.

¹³ Paaty nja'aygyudaktiilbyuts ja Dios ko miits xymyudoodu ja Diosu 'yayuk di'ibuts oj ngajxwa'xy, m'axájudu éxtam ja Diosu 'yayuk, es kyaj xy'axájudu éxtamu ja'ayu 'yayuk. Es tay'ajtanu'u ko Dios t'ayúkaty di'ibu mujwiinup ma miidsaty di'ibáty myubujktup.

¹⁴ Mugu'ugítaty, ko miits m'ayoodu ma mbaadijtudu mmugugajpnuty, nandu'un m'ajjtu éxtam jyajttu jam Judee ja Diosu jya'ay di'ibu ijtup ti'igyu mudu Jesukristu. Pes yu'ujty nandu'un pajudjtuđu myugugajpnuty, ja israelítaty. ¹⁵ Tyadu israelítaty yu'u ya'o'ktu

nandu'anus Nindsun'ajtm Jesús, éxtam naty nandu'an tu dya'ooktu ja myugugajpn di'ibu Dioskugajxpa'ajttu, es nandu'unuts uudsuty ojts xy'uxkaxtu. Kyaj jyiky'attu éxtam ja Dios ttseky, es aknaymyudsip'ajttadup mat nidugekyu ja'ayuty, ¹⁶ pes extu jyayajkubokandu kots ngajxwa'xy ja Diosu 'layuk ma di'ibu kyaj 'yisraelituty, es nandu'an fittso'oktat. Es mat yu'u t'aktim'yaj'ya'k'adu'tsypy ni'igu ja pyojputy. Paaty óknum ja Dios myo'oya'anudu ja muk taidyuu'unan di'ibu miimp ma yu'ujaty.

Paablu jyanajxa'añ Tesalóniku

¹⁷ Mugu'ugituty, kots miits nmasuttu waanu, oy nganay'ijxam, du'afnams miits nmudattu njodoty nwinma'añotyuts, es byeenuts njajumbita'añ es najx nwin'ixtu. ¹⁸ Uj Paablu, tats njanajxa'añ kanak ok, per ja mujku'ugóp Satanás yu'uts oj xya'adiky. ¹⁹ Pes çtits uj n'awijx njup'ijxtup?, çtits uj n'ijtm'ajt nxo'onan'ajttup?, çtits uj ndukjotkujk'ajttup?, es çtits uj ndukwingudak ndukjotkadáktup ko naty n'ijtm ma ja Nindsun'ajtm Jesukristu ko myinat? Pes miidsadyu du'an. ²⁰ Miitskyujxmaty nwinguda'aky njotkada'aky es nxonda'agyuts.

3

¹ Pes kom kyajtsu naty n'okmumada'agánnu, nétuts nnaygyajxudu esuts nwa'umduats Atenus, ² es ngaxa'añuts ja nmugu'uk'ajtm Timotee es mgu'ixudat, mat ko yu'u du'an nandu'an Dios maduumbu es tu tyuñ mat uj es wya'xat ja oybyu ayuk di'ibu Jesukristu ñimadyakypy. Es ngejxpyuts yu'u es dyajmujwiinat ja mmubujkunaty es mjomtuko'oyadut mmubujkungyujxm, ³ kudiibu ni pán kyatsipka'axat madu tyaadu. Pes miits mnija'adup ko tu nyajtuknibujtákm es n'ayowa'anam. ⁴ Pes mats n'ijty mat miidsuty, n'anmaaydyu ko nyajna'axa'anam ja ayo'on jotmay, du'an éxtam tu jyaty. Mnija'adubu'u. ⁵ Paaty kom kyajtsu naty uj n'okmudanayannu, tats ngejxy ja Timotee es tnijáwut wi'ixu naty xyajtu'uyo'oydyu ja mmubujkun, pes tsu'kubu naty ko wa'anxyup ja ka'oybyu tu myajpekyky'a'adu es ni ti tkatsooty di'ibuts nduun ma miidsuty.

⁶ Per tyam tu jya'ty ja Timotee ko tu tsooñ ma miidsuty, es yajmiimpj ja oybyu ayuk mat ja mmubujkun es ja mdsokun di'ibu miits nmudajttup. Du'an jyuna'añ ko miits du'afnau xyjamyátstuts mat ja tsojkan, es byeenuts xyjawn'ixa'andu, du'an éxtams miits nwin'ixa'andu. ⁷ Paaty mugu'ugituty, oy nja'ayo'ombát njajotmaybyátpats, tats nbeky ja jotkujk'ajtm mat yu'ugyujxmu mmubujkunaty. ⁸ Mat uudsuty du'an éxtamu jembyu jiky'ajtm kots nnijáwudu ko miits amumdu'uk m'ittu ma yu Nindsun'ajtm. ⁹ Pes çwi'ix mbaat muj wiin kaja nja'aygyada'agyuts ja Dios mat miidsuty, es mat ja muj xondakan esu jotkujk'ajtm di'ibuts tu xymyo'oy Dios windum? ¹⁰ Xuañ koots n'amdóyats ja Dios es najx ngu'ixtu es n'aktuk'axpáktut ni'igu di'ibu kyajnam oy xyjagyukudu.

¹¹ Wa'an ja Dios Teety ku'am, esu Nindsun'ajtm Jesukristu, dya'awa'atsy ja nu'u tu'u es najx ngu'ixtu. ¹² Wa'an Nindsun'ajtm dyajmuj dyajmáyu yu mdsokun waanu ni'igu es mnaydsyókudat nixim niyam es mat oytym pánuty, du'an éxtams miits ndsoktu. ¹³ Wa'an mjom mwinma'añ yajmo'oy ja jotmuk'ajtm es m'ittat wa'ats, es ni ti mbojpu jam nDios Teety'ajtm wyindum ko myinat ja Nindsun'ajtm Jesukristu mat nidugekyu di'ibu Dios jya'a'ajttup. Wa'an du'anuty.

4

Jiky'ajtm di'ibu Dios tyukjotkadakypy

¹ Mugu'ugituty, maanu kyakexyñm n'ak'awanayándup nandu'anus wiingátypyu. Ko oj ngu'ixtu, ngajxwijtá wi'ix miits mjiky'áttat éxtam ja Dios ttseky, es tyámuts n'amdoj es waanu ni'igu du'an m'akjiky'áttat. ² Mat ko miits mnija'adup yajxon ko yu'uyuts uj tu nya'uxpeky di'ibudsu Nindsun'ajtm Jesukristu tu xytyuknipeky. ³ Pes ja Dios tseyjy es miits nidu'uk nidu'uk mnayya'ítudat wa'ats; kyaj pán myu'indúnt. ⁴ Nidu'uk nidu'uguty miits xyjáttat wi'ix xyjajwjtsumbáttat ja mgu'am nini'x es mnayya'ítudat wa'ats es windsu'kan muut, ⁵ kyaj pán ñayákudat ja ñini'x tsojkungyujxm, éxtam ttundu yu ja'ayuty di'ibu kyaj t'ix'attu ja Dios. ⁶ Exkam miits nidu'uk mwin'uandu o mbekytyundu mat ja mmugu'ugu ñudo'oxy. Tats miits n'anumadu es tu n'awánudu ko Dios tyuaydunaampj jantsy muk tsaatsy tugekyu di'ibu du'an adástup. ⁷ Pes Dios tu xywyo'om es xyja'ay'ata'anam es njiky'ajtm tu'ugu jiky'ajtmu wa'atspu; kyaj tu xywyo'om es njiky'ajtm ja jiky'ajtmu axuukpu. ⁸ Paaty pán ja pán di'ibu kyaj tmuj'ixu tyadu axpájkun, kyaj yu'ujaty t'uxtijy ja naxwiñudu ja'ay, ja'a du'an ja Dios, di'ibu tu mmo'oyudu ja 'yEspíritu Santu.

⁹ Es éxtam ja tsojkan tukka'axpán, kyaj jyatyimtsékytu nnijáyudat, mat ko ja Dios tu mduknijáwudu miidsuty ku'am es mnaydsyókudat nixim niyam. ¹⁰ Pes du'afnau miits mnaydsyókudu nixim niyam mat nidugekyu nmugu'uk'ajtm di'ibu jiky'ajttup ma tugekyu Masedoñu ñax. Per nmanu'xtáktup, mugu'ugituty, esu mdsokun xyajmujwindak'adu'udsut waanu ni'igu. ¹¹ Jiky'attu yajxon es xywyits xymyádyat ja mgu'amduunk mat ja m'aa mgu'u,

éxtam tu nduk'ana'amdu, ¹² es du'an mwindsu'agudat di'ibū kyaj Dios tmabuktū, es kadiibū nandu'an ti mdugoy'ajtxadut.

Wi'ixu Nindsun'ajtam jatugok myina'añ

¹³ Məgu'ugítaty, kyajts ndseky es kyaj xyñjávudut wi'ix jyaty mat ja di'ibū myubajktabu naty ja Jesukristū ko 'yo'ktū, kadiibū miits mjotmay'ooktat éxtamū wiingátypyū di'ibū kyaj tjuip'ixtū ko Jesukristū yajjikypyukaampy di'ibáty jya'a'ajttap. ¹⁴ Nmabajktam yajxón ko du'an éxtamū Jesukristū jyikypyeyky mā 'ye'ky, nandu'an nmabajktam ko Dios yajjikypyukaampy ja o'kpaty di'ibáty tu tmabuktū ja Jesús.

¹⁵ Du'anats miits n'awánadu éxtamū Nindsun'ajtam kə'am jyunáñ, ko di'ibáty udsajtam akjiky'ajtam ko jya'tut jatugokū Nindsun'ajtam, kyaj udsajtam njo'omam jawyiin es óknam ja o'kpaty. ¹⁶ Mat ko yu Nindsun'ajtam Jesukristū kə'am kədə'agaamp tsajpótū, yajmudówap ko tu'uk mak kyajxa'añ mat ja kutujkūn, kajxəp ja arkanklus es xu'uxəp ja Diosu tyrompetū, net ja di'ibáty myubajktū ja Kristū ko 'yo'ktū, jikypyáktap jawyiin; ¹⁷ óknam di'ibáty tu nwa'umam jily'ajtrə nyajmujjo'omam ti'igya mat yu'ujuty yoodsóty, es nbátam ja Nindsun'ajtam pojoty, es du'an n'ijtam mat ja Nindsun'ajtam winu xəu winu tiempu. ¹⁸ Paaty mudu tyadu ayuk nayyajjotkukədu nixim niyam.

5

¹ Məgu'ugítaty, mat ja xəu tiempu, kyaj jyatyimtsékyuty es nduknijáyat. ² Miidsaty yajxón xyñjávudu ko ja xəu tiempu mā myina'añ ja Nindsun'ajtam, jaa mā naty nga'aa'ajt ngajot'ajtam, éxtam ko ja ma'tspu koots jya'ty. ³ Pes ko ja'ay ñayjyunánabudu: "Tyam situy agujk jotkujk ndsuna'ayum, kyaj ti amay jotmay", net ti'in myiñ mā yu'ujuty ja kutug'o'oyun, éxtam dyajnáxta ja puik ado'onanu toxtyujkəty ko ja 'yu'ungu'unk ttimpaadánna, mā ni wi'ix tsoo mbaat kyanitse'eky. ⁴ Per miits məgu'ugítaty, kyaj m'ittū kubi'its ku'ook, kyaj ja Nindsun'ajtam mdukajajtpátadut ti'in éxtam ja ma'tspun, ja'a ko mnija'adap wi'ixu du'an myina'añ jya'ta'añ. ⁵ Nidugékyuty miits mja'a'átudu Dios esu Jesukristū, kyaj mja'a'átyuty ja ka'oybyu. ⁶ Paaty kyaj n'ijtam éxtam pánuty maadəgooydyap, n'ok'ijtam wijy keyy es nnayyjjuwijtsum. ⁷ Pánuty maadap, koodsu mya'adu; es pánuty uk múkadap, koodsu y'uuk myu'ugudu, ⁸ per udsajtam pánuty xəuñ'át ja'a'ajttap, wijy keyy nnayya'ijtam. Du'an n'ijtam éxtamū soldaədu di'ibū nayxyojxəp mat ja pujxngaa'tsy, naygywentu'ajtam mat ja mabajktūn es ja naydsyokū naymyay'at; es éxtamū soldaədu ñaygyipyuty mudu pujxngúp, nandu'an nnayya'ijtam ja'agyujxm ko n'awijxəp ja nntsokan'ajtam. ⁹ Dios kyaj oy xywyin'ijxəp es n'axájum ja təydyu'unan, ja'a du'an es n'axájum ja nitsokan mat yu'əgyujxm Nindsun'ajtam Jesukristū. ¹⁰ Yu'a 'ye'ky mat udsajtamgyujxm es njiky'ata'anam mat yu'a, oy nja'o'kumbū es oy njiky'ajtambū. ¹¹ Paaty nayyajkukədu, es naybyudəkədu nixim niyam es yajmujwiin yajkajaədu ja mmabajktəty, du'an éxtam jaayam xytyundu.

Kajxwíjən

¹² Məgu'ugítaty, nduknipəktəp es xymyay'at xywyindsu'agudat ja di'ibáty tuundəp mat miidsaty, es m'əwij mgajxwíjədu mā yu Nindsun'ajtamū tyuunk. ¹³ Oy tsuj xytyukx-onda'aktat es xytsyóktat ja'agyujxm di'ibū tyuundəp. Jiky'attu ti'igya jotkujk mat oytym pánuty.

¹⁴ Nandu'an nduknipəktū, məgu'ugítaty, es tukmədíjədu ja di'ibáty kyaj ti ttuna'añ. Jotmuk wingajxədu di'ibáty maəy tajtəp, pudəkədu di'ibáty kyaj oy tñijávudu ja Diosu 'yayuk, es mədattu ma'xtujkəp mat nidugəkyu ja'ay.

¹⁵ Exkəp miidsaty nidu'uk myajjəmbit axəuk mat ja di'ibáty axəuk mduunədu. Ni'igu du'añam xyjəttat xytyundat ja oybyu nixim niyam mā miidsaty, es oytym pánuty məut.

¹⁶ Du'añam m'ittat agujk jotkujk. ¹⁷ Kajxtaktáwdu. ¹⁸ Ja'aygyuda'aktu ja Dios oywyi'ix mjat mgəbəttat, mat ko tyəədu du'an ja Dios tsyeypy es mdúndat éxtamū Jesukristū myəduumbəty.

¹⁹ Kyaj miits xyujpkuwa'agudat di'ibū Espírítu Santu mduknija'adəp, es du'an kyaj juun jyəmbittat ja mwinnə'añuty. ²⁰ Kyaj xy'axəkjávudut ko ja'ay m'awə'anxədu ja ayuk di'ibū Dios winmə'añmyooyədu. ²¹ Ijxkijxyədu təgekyu ja xəpəjkəp mat ja Diosu jyaəbyajtan. Axájədu je'eyu di'ibū dən oy. ²² Uxtijtu təgekyu di'ibū kyaj 'jóyuty.

²³ Wa'an ja Dios, di'ibū xymyo'oyam ja agujk'ajt jotkujk'ajtan, myajwatsta'ayuty təgekyu təgekyu, es dya'ítat ja mjot, m'anməja'an esu mnini'x mgəbajk, ni ti pyooyəp, exta ko myinət ja Nindsun'ajtam Jesukristū. ²⁴ Yu Dios di'ibū mwoojədu, kyuydyiimpə di'ibū kyajxpy, ja'a kyuydyunaampy təgekyu tyəədu.

Kajxpo'xən

²⁵ Məgu'ugítaty, xyñigajxtə'agudəts uədsaty.

²⁶ Mənandu nidugəkyu nməgu'uk'ajtam éxtamxyəp xymyo'oydyu ja mayDios.

²⁷ Nduk'ana'amdap mat ja Nindsən'ajtəmə kyutujkən, es yajtukwingugajxədət tyadə neky nidəgekyə ja nməgu'uk'ajtəm.

²⁸ Wa'ana Nindsən'ajtəm Jesukristə mmay'at mgunu'xədə.

Myumajtskpa Neki Di'ibu Paablu Tyuknigajxtu Ja Tesalóniku Ja'ayuty

¹ Ʋj Paablu, mut ja Silvanu esu Timotee. Nduknigajxtupty tyadu neky ja mabujkputujk di'ibu ijttap ti'igyu mut ja Nindsun'ajtam Dios Teety esu Nindsun'ajtam Jesukristu, es ñaymyúkudu ma Tesalóniku kajpn. ² Wa'anu nDios Teety'ajtam esu Nindsun'ajtam Jesukristu mgunu'xudu es mmo'oyudat ja agujk'ajt jotkujk'ajtam.

Yajpayo'oyup ja ja'ay ko Kristu myina'añ

³ Mgu'ugitaty, oy ko du'añumts nja'aygyuda'aky ja Dios mut miidsuty, éxtam pyaadyuty, mut ko muj wiin kajaa yu mmabujkanuty esu mdsojkanuty di'ibu miits mmadajttap mut ja wiinkputy. ⁴ Extam mbaat kots uudsuty n'ity ma Diosu myabujkputujk ñaymyúkudu, nayjya'adupts muj es jotkujk mut ja ma'xtujkan es ja mabujkan di'ibu miits mya'ixxadup, oy ja mmudsiputy mja'awa'ktujkabudu es ja ayo'on jotmay xyajnáxtu. ⁵ Tyaadu ya'ixxup ko Dios tmadaty ja tuj'ajtan éxtam tpayo'oy es du'un mbaadyuty es m'ittat ma kyutujkan, di'ibu miidsuty tyam mgu'ayodup.

⁶ Pes tuj'ajtan di'ibu Dios tyiimpy; ya'ayówup di'ibu miits mya'ayoojadup, ⁷ es mmo'oya'anudu ja mbo'xtáknuty miidsuty di'ibu ayo'on jotmay yajnaxtup, nandu'un éxtam uudsuty. Tyaadu du'un ja xuu ma kyuxu'uga'añ ja Nindsun'ajtam Jesukristu ko kyuda'agat tsajpótm junya'angóty mut ja mukpu'yánklusuty. ⁸ Tyuudyunaampy ja di'ibu kyaj t'ix'attu ja Dios es ni tkatundu kwentu ja oybyu ayuk di'ibu ñimadyakypy ja Nindsun'ajtam Jesukristu. ⁹ Tyaadaty yajtukumudowándup winu xuu winu tiempu es yajpajta'agat jagam, kadiiibu jam 'yittat ma Nindsun'ajtam es ma ja myuj'ajtan esu myuk'ajtan. ¹⁰ Du'un jyátu ko myínut ja Nindsun'ajtam ma tadu xuu, es wyindsu'ugudat ja jya'ayuty es myuj'ixudat nidagekyu ja myabujkputy. Jam miidsuty nandu'un m'ittat mut ko tu xymyubaktu ja tuj'ajtan di'ibu tu nduk'axpaktu.

¹¹ Paadyats du'añum ngajxta'aky mut miitskyujxmty, n'amdeepy nbujktseebyats ja Dios es mduknitákudat es mja'ay'átudat. Nandu'unuts ngajxta'aky esu Dios myuk'ajtungyujxm kyuydyúnup tugekyu di'ibu oybyu mdunándup ja agyujxm ko xymyubaktu, ¹² es du'un ja Nindsun'ajtam Jesukristu yajmujjáwup mut yu'ugyujxmu m'oyjiky'ajtan, es yu'u nandu'un mmo'oyudup es miits myajmujjáwudat ma wiink ja'ayuty.

2

Muj tugoybyekyjya'ay

¹ Mgu'ugitaty, es wi'ix jyata'añ kyubata'añ ma ja tiempu ko myínut ja Nindsun'ajtam Jesukristu es xyajnaymyuka'anum mut yu'u, n'andeebyats ² es kyaj pojun mwinmaaydyugátstut es katu mya'adsu'ugudu ja agyujxm ko jamu ja'ay di'ibu junándup ko tu jya'aty ja Nindsun'ajtam. Kyaj du'un xymyubáktut pun jyuna'andu ko Dios tyuknijja'aju, o junándup ko du'unuts uj tu ngajxy o du'un tu'ugu neky jyuna'añ di'ibatsk uj tu nja'ay. ³ Katu mnayyákudu es wi'ix tsoo mwin'uumudat. Pes jawyiin ja ja'ay tñibudu'uga'andu Dios es nandu'un kyuxu'ugat ja muj tugoybyekyjya'ay di'ibu tu yajkajxpeky es kyutugóty. ⁴ Tyaadu axuk ja'ay naybyujtákup myudsip di'ibu ja ja'ayuty myudajttap éxtamu dyiósuty, es myudsip'ajtypy tugekyu di'ibu ja ja'ayuty 'yawdajttap. Pes extu naxwa'tsp ma Diosu tyujk, es jyuna'añ ko yu'u du'un Dios'ajtp.

⁵ Pes jamyatstu kots n'ijty mut miidsuty, n'awa'anudu ko du'un jyata'añ. ⁶ Mnija'adup tyam ti ya'adujkup, es du'un ñigaxu'ugat pán ja'a ma ja tiempu di'ibu ja Dios tu ttukñibujtaagu. ⁷ Taa ja'anu ja axuk'ajtan di'ibu tadu muj tugoybyekyjya'ay tyunaampy ayu'udsyu. Per di'ibu ya'adujkup tyam, óknum nujx jyage'eky. ⁸ Es ko jyuga'agat, net yajnijawwya'añ pánu du'un ja muj tugoybyekyjya'ay, di'ibu Nindsun'ajtam Jesukristu ya'oogaampy ko ñibiixudat es dyajtugoya'añ madu jya'j tyu'xan ko naty myiñ.

⁹ Ko tadu muj tugoybyekyjya'ay myina'añ, pudákudup ja mujku'ugórk Satanás. Ni'igu muk'ajtan muut myina'añ es ttuna'añ oytym di'ibuty ja muk'ajtan, es andakungyujxm ttúnat ja muj'ajtan, ixxwu'umun es di'ibu ja'ay du'añu yajwu'umadyaadyup. ¹⁰ Es myabudsamaampy oytym di'ibuty ja pojpu'yandakan es twin'umna'añ twinxaja'añ di'ibáty nujxtap ayoodaknóty. Tyaadu nujxtap ayoodaknóty mut ko kyaj tu tsoktu es t'axájudat ja tuj'ajtan di'ibaxyp tu yajnitse'egyuty. ¹¹ Ja'agyujxm ko tkamabaktu ja tuj'ajtan, paaty ja Dios tpujtáky wi'ix yajwin'uumudat, es du'un tmabáktut ja andakan, ¹² es yajpekyymo'oydyut nidagekyu pánuty kyaj tmabaktu ja tuj'ajtan, ja'a tsojoktup ja axuukpu.

Ti'igyu ya'ittu ja mabujkan

¹³ Per oy ko ũdsuty dā'ñāmts nja'aygyda'aktats ja Dios mat miitskyujxmaty, mǣgu'ugítaty, ko mdsokkǣdǣp ja Nindsun'ajtam, mat ko Dios mwin'ijxadu jawyifur es mniitso'oktat mat yā'ugyujxm ja Espírítu Santu di'ibu mya'ijtǣdǣp wǣ'ats, es ja'agyujxm ko tǣ xymyǣbuktǣ ja tǣy'ajtan. ¹⁴ Tyǣadu dā'ñān mdukniwoojǣdu Dios mat yā'ugyujxmu oybyu ayuk di'ibuts ũdsuty ngajxwǣ'xtǣp, es xymyǣdǣttǣ ja Nindsun'ajtam Jesukristu myuj'ajtan.

¹⁵ Pes dā'ñān mǣgu'ugítaty, dā'ñān amumdu'uk jot xymyǣbuktǣt ja Kristu es katǣ xyja'aydyǣgǣdyu ja xǣpǣjkǣn di'ibu tǣ n'anǣmǣdu es tǣ nduknigaxtǣ nekykyujxy. ¹⁶ Ja Nindsun'ajtam Jesukristu kǣ'am, es ja nDios Teety'ajtam, di'ibu xytsyojkǣm es myay'ajtangyujxm tǣ xymyo'oyǣm ja jotkujk'ajtan winu xǣu winu tiempǣ es ja oybyu di'ibu n'awijxǣm, ¹⁷ wǣ'an yā'ujaty mǣjtmǣkmo'oyǣdu es mya'itǣdǣt dā'ñān es xytyun xykyajxtǣt tǣgekyu di'ibu oy.

3

Xyñigajxtǣ'agǣdats ũdsuty

¹ Mǣgu'ugítaty, mǣ kyajnǣmts nyajkugǣxu tyǣdu neky, n'ak'anǣmǣyǣndǣp es xyñigajxtǣ'aktǣdats es dā'ñān ja Nindsun'ajtam Jesukristu 'yǣxpǣjkǣn wya'xǣt pojǣn es ja ja'ayaty t'axǣjudǣt mat ja may'ajt windsu'kǣn, éxtǣm miits tǣ xy'axǣjudǣ. ² Amdow pǣjksǣwǣdu nandu'ǣn ja Dios es xyajtso'ogǣdats mǣ ja axǣk ja'ayaty, mat ko kyaj tyǣgǣkyaty yǣ ja'ayaty tmǣbuktǣ Diosu 'yayuk. ³ Per kyuydyiimpǣ ja Dios ja 'yayuk, yǣ'u myajmǣjwiin myajkajaaxǣdǣp ja mmǣbǣjkǣn es m'agǣ'ǣdǣk m'axajtǣkǣdǣp es myajtso'ogǣdǣp mǣ ja kǣ'oybyu. ⁴ Ndukmu'awdajtǣpts ja Nindsun'ajtam ko miits xytyǣndǣt di'ibu nduk'ana'amdǣp, es dā'ñān xy'aktǣndǣt. ⁵ Wǣ'anǣ Nindsun'ajtam mbudǣkǣdu es xyjǣwǣdǣt ja Diosu tsyojkǣn es xymyǣdǣttǣ ja Jesukristu mya'xtujkǣn.

Xypyǣtm es ndu'unǣm

⁶ Mǣgu'ugítaty, nduk'ana'amdǣp ja Nindsun'ajtam Jesukristu xyǣgyujxm, es mnayjyǣbǣkǣdǣt mǣ oytyim di'ibuty ja nmǣgu'uk'ajtam di'ibu kyaj tyuna'ǣñ es di'ibu kyaj jyiky'aty ti'igyǣ éxtǣm ja xǣpǣjkǣn di'ibuts tǣ nja'awǣnǣdu. ⁷ Pes miits mnija'ǣdǣp wi'ix mjiky'ǣttǣt es xypyǣnǣjxtǣt di'ibuts tǣ nnastǣnǣdu; tuunǣts ǣj kots mǣtt miits n'ittǣ, ⁸ es ni ngakǣy nga'ǣktǣts nadǣ'ñǣn. Ni'igǣts nduǣñ n'ayooy xǣñ koots kǣdiibu nidu'uk mdimpaǣdǣdǣt ja kǣ'ay ukǣn miidsaty. ⁹ Oyǣts ǣj mǣǣǣt nja'amdowǣdu esxyǣpts miits xypyudǣkǣdu, nik ni'igǣts nduundǣ es nmo'oydyǣt tu'ugu nǣ'u tu'u ja oybyu di'ibu mbadǣndǣp. ¹⁰ Kots n'ijty mat miidsaty, nmooydyu tyǣdu kajxwǣjǣn: "Di'ibu kyaj tyuna'ǣñ, kyaj kyay 'yuuǣt." ¹¹ Pes dā'ñān n'anǣmǣdu mat ko tats nnjǣwǣ ko nidu'ugaty miidsaty nǣgoo m'oknuux'ajnadǣ, kyaj mnaydyukjotmaydyǣnǣdu mǣgu'amduunk, je'eyu mwinjǣn mwindǣjku xymyadya'aky di'ibu mgadimpǣtǣp. ¹² Tǣdu dā'ñāmbu ja'ay nduknipejkyryǣts mat ja Nindsun'ajtam Jesukristu kyutujkǣn, es tmastu'udǣdu tǣdu dā'ñāmbu winmǣ'ǣñ. Wǣ'an ttuǣ t'ayoy yajxǣn es ñayyǣjkǣy ñayya'uugǣdǣt kǣ'am.

¹³ Mǣgu'ugítaty, kyaj m'anu'xǣt es xytyun xykyajxtǣt di'ibu oy. ¹⁴ Pǣn ja pǣn kyaj tmǣdoogukǣya'ǣñ di'ibuts nmadyakypǣ mǣ tyǣdu neky, m'ixtǣp pǣnadyu dā'ñān es katǣ ti mǣtt xy'ǣmuk xykyajxmǣktǣ, es dā'ñān tsyoodyu'ungǣ'ǣt. ¹⁵ Per katǣ xypyujtǣ'aktǣ éxtǣm mǣmǣdsipǣn, ni'igǣ xyñǣ'ǣmo'oy xytyu'umo'oydyǣt éxtǣm mǣmǣgu'ugǣn.

Kajxpǣ'xǣn

¹⁶ Yu Nindsun'ajtam di'ibu yajkypǣ ja agujk'ajt jotkujk'ajtan, wǣ'an yǣ'u miits mmo'oyǣdu wi'ix tsoo ja jotkujk'ajtan winu xǣu winu tiempǣ, es wǣ'anǣ Nindsun'ajtam t'ity mat nidǣgekyu miidsaty.

¹⁷ ǣj Pǣablǣ, nduknijǣyǣdats miidsaty yǣ kajxpǣ'xǣn mǣdǣdsu ngu'ǣm letǣ. Dǣ'ǣnǣts nja'ay mǣ tǣgǣkyǣdsu nneky. ¹⁸ Wǣ'anǣ Nindsun'ajtam Jesukristu mǣgunu'xǣdu nidǣgǣkyaty miidsaty.

Myatu'ukpu Nemy Di'ibu Paablu Tyuknigajx Ja Timotee

¹ Uj Paablu, Jesukristu 'yapostulu, es kéxyuts nmiñ ma Dios yu nYajnutsokpu'ajtam esu Nindsun'ajtam Jesukristu, di'ibu ndukjotkujk'ajtam, ² nduknigejxypuuts miju tyadu neky, Timotee. Du'unuts mij njawu éxtamdsu n'u'unk, ja'a ko ujts mij tu ndukmabeky ja Kristu. Wa'an ja Dios Teety esu Nindsun'ajtam Jesukristu mguni'xyuty es mmo'oyuty ja pa''ayo'on esu agujk'ajt jotkujk'ajtam.

Kyaj yajkupákt ja uxpujkan di'ibu kyaj tyu'ajtanuty

³ Kom tu nduknipeky kots oj nnejxy Masedonu ñaxóty, w'um Éfesu kajpnóty es xy'anumudu tadu ja'ayuty es kaduibu ya'uxpákt di'ibu kyaj tyu'ajtanuty, ⁴ es anumudu ko kyaj tmajpujta'agut ja 'yaptujku madya'aky esu wiinkpu jekymyadya'aky, mut ko tugekyu tyadu je'eyu dyajtugóy ja tiempu es kyaj xytyu'unxam ni madsou, es ni xykyarudujkam es ngyudyu'unam mut ja mubujkan di'ibu ja Dios tu xytyukniupujkam.

⁵ Ja'agyujxmu tyadu ana'amun es nixim nyam nnaydsyojkam mut ja wa'ats aa wa'ats jot es mut ja tyu'ajtanbu mubujkan. ⁶ Naaguty tu tmadu'udagódyu tyadu uxpujkan es tu ñaygyuákyuty mut ja nanugooba kajxy madya'aky. ⁷ Byeen jyatuk'uxpaka'andu ja Diosu 'yana'amun, per ni tkajaygúkudu di'ibu myadyáktap es ni di'ibu tuk'uxpujktap éxtamxyap jyaty'ajtanmudaty.

⁸ Nnija'am ko oyu tadu ana'amun ko nyajtu'unam éxtam pyaadyuty. ⁹ Nnija'am nandu'un ko ni tu'ugu ana'amun kyayajpujta'aky mut ja di'ibu tyuundap ja oybyu. Tadu ana'amun ja'a du'un mut ja di'ibu niye'epy yujk'ye'epy, di'ibu kyaj 'yagyupeky kyajxykypéky, di'ibu axuk ja'ayuty, di'ibu pojru ja'ayuty, di'ibu kyajru Dios tmaj'ixy, di'ibu kyaj ttuñ kwentu Diosu 'yuxpujkan, di'ibu yajja'ay'o'ktap, es extu di'ibu ya'o'ktap ja tyagak tyeedyuty, ¹⁰ di'ibu mu'induundap, di'ibu yedyujkuty tyuundap tsoydyu'un mautru ak yu'ajuty, di'ibu tyo'ktap ja ja'ay, di'ibu andáktap, di'ibu Dios tyukkajxpejty mut ja andakangyujxm, es di'ibu oytyiity wiink tyiimpy kaduunam éxtam ja tyu'ajtanbu uxpujkan. ¹¹ Ja'a n'andijpyuts ja oybyu ayuk di'ibu muj'ajtan mautru esu Diosu kuni'xyru xytyukniupujkats es ngajxwa'xudats.

Paablu Dios tja'aygyuda'aky ko pya''ayóuty

¹² Nja'aygyudákyputy ja Nindsun'ajtam Jesukristu mut kots tu xymyo'oy ja madakan mudadsu nduunk, es mut kots tu xywyin'ixy es tu xyrujta'agyuts es ndúnudats ja tyuunk, ¹³ es du'unuts tu xytyuknipeky óyuts uj jawyíñup ngamuj'ixxy mudadsu n'ayuk, es óyuts oj njajuna'añ tsáatsykyubéty mut yu'u, es nbajudijtyuts ja jya'ay. Peru Dios myudajt ja pa''ayo'on mut uj, ja'a ko kyajnumdsu naty nmabeky ja Jesukristu es kyajtsu naty nnijawu tiidsu du'un ndiimpy. ¹⁴ Paaty ja Nindsun'ajtam myaj'ajtan oy jyantsymyájuty mut uj, ti'igyu mut ja mubujkan es ja tsojkan di'ibu nandu'un mudajtam mut ko n'ijtam ti'igyu mudu Jesukristu.

¹⁵ Byeen tyu'ajtanuty, es nidugekyu tmabáktut, ko Jesukristu myiñ naxwiiñ es dyanitso'oga'añ ja pojru ja'ayuty, es ma du'ambu pyekyjya'ayuty nik ni'igu axuuk uj. ¹⁶ Per paadyu Dios tmudajty ja pa''ayo'on mut uj, esu Jesukristu dya'ixudat ja mya'xtujkan muj wiin ma uj. Es du'unuts xyajtúñuts éxtamu di'ibu ni'igu tmudaty ja pyojru, éxtamu ijpajtan mut ja di'ibuty óknamu naty myubakándap yu'u, es tja'a'áttat ja jiky'ajtanu wina xuu wina tiempu. ¹⁷ N'awdajtam ja Dios, rey wina xuu wina tiempu, di'ibu myudajtyru ja windsu'kan esu muj'ajtan, yu'u tu'uk Dios'ajtp, di'ibu kyaj ya'ixy es di'ibu nina'a kya'eeky. Wa'an du'unuty.

¹⁸ U'unk Timotee, di'ibu tyadu nduknipejkyru, ti'igyu yu'u éxtam ja mugu'ak mmimay-dyákudu ja Diosu jya'a jawyíñup. Paaty mut yu'u mbaat amumdu'uk jot xy'aktimmadúñ ja Dios nu'unu mmujaa. ¹⁹ Mudat du'uñam ja mubujkan amumdu'uk jot es mudat ja mjet mwinma'añ wa'ats. Naaguty kyaj trujktujkudu ko ja Dios jyawinma'añmyo'oya'anudu. Paaty ñayyajwinma'andugoooyudu es tmastuttu ja mubujkan ma Kristu. ²⁰ Du'un jyajttu ja Imeneeu esu Alejandra. Paaty es tnijáwudat jatuk xuu es kyaj tmu''udugoy tmagajxtugóyut ja Dios, ndukkudujkats ja mujku'ugópk Satanás.

2

Paablu ttuknipeky ja Timotee es kyajxta'agut

¹ Tim jup'am nmunu'xtáktap esu ja'ay tni'amdówudut, tniagajxtaagudut nidugekyu ja'ayuty, es tja'aygyuda'aktat ja Dios ja'agyujxmuty, ² nidugekyu réyuty es nidugekyu justisuty, es du'un mbaat njiky'ajtam yajxon es ni pán mut ngatsiptu'unam, es ndu'unam ja oybyu es njiky'ajtam éxtam ja Dios ttseky. ³ Tyadu du'un oy, es yu'u du'un 'yoyjya'ap ja Dios yu nYajnutsokpu'ajtam, ⁴ pes yu'u tseyjpy es nidugekyu yajnitso'ogudut es nandu'un tjaygyúkadut di'ibu dun tyu'ajtan. ⁵ Ja'a ko ta ti'igyu je'eyu Dios, es nan ti'igyu je'eyu di'ibu

udsajtm xykyudanaabyu'ajtm ma Dios, yu ja'ay Jesukristu, ⁶ nanyajku ma 'ye'ky, es du'an tkubejty tkumdooy ja nitsokun nidugekyu naxwiñudu ja'ayuty. Esu tyaadu jaya'ijx ma ja tiempu yajtuknibujtaku. ⁷ Mada tyaadats uj oj nyajpajta'aky ja Diosu 'yayuk kajxwa'xpu esu apóstalu, es ndukni'ixudats ja tuy'ajtm es ja mabujkan mat ja di'ibu kyaj 'yisraelituty. Tuy'ajtmats njana'añ, kyajts n'anda'aky.

⁸ Ndsejpyats esu ja'ay oytym maaty kyajxta'aktut, dyajpudu'uktut ja kyu'ajuty mat ja wa'ats aa wa'ats jot, kyaj ñayajjot'ambukadut es kyaj tsiyiptunat nixim niyam. ⁹ Esu toxytyujk ñaywyitadut yajxon adayu, es kyaj ñayñiwook ñaygyxwoogadut es ñayajmajpudsamudut, es ni je'eyu kyanayya'oydyukadut mat ja ooru o perlu, es ni mat ja wyitu tsooxatypy. ¹⁰ Wa'an ttundu ja oybyu tuunk di'ibu patup ttundat nidugekyu toxytyujkaty di'ibu myuduundap ja Dios. ¹¹ Wa'an yu toxytyujkaty amofiu es yuunk naxyry tmadooty ja uwij kajxwijn. ¹² Kyajts uj nyajkutiky es ja toxytyujk ya'axpukat o ja yedyujk t'ana'amut. Wa'an amofiu t'amadoonaxy, ¹³ mat ko Dios dyajkojy jawyiin ja Adan es oknumu Eevu. ¹⁴ Yu Adan kyaj oj yajwin'uuñ, ja'a du'an ja ñado'oxy di'ibu yajwin'uñ, es ko oj yajwin'uuñ, net oj pyekyky'a'ay. ¹⁵ Per ja toxytyujk jyotkujk'attut ko tpadundu ja u'unktaak'ajtm, ko tmudatu ja mabujkan, es ko tpadundu yajxon mat ja tsojkan, ja wa'ats'ajtm es ja tuda'aky'ajtm.

3

Wi'ix tyúndut ja mabujkputujku kywentu'ajtpaty

¹ Tuy'ajtmu'u tyadu ayuk: Pun ja pún tseky es tyúnat ja mabujkputujk kwentu'ajtpu, oyu tadu tuunk di'ibu tseyjy. ² Di'ibu kwentu'ajtpu ma mabujkputujk ñaymyúkadu, jiky'atup wa'ats es éxtam kyaj mbaat yajpekmyo'oy, di'ibu myudajtypy ti'igyu ñado'oxy, di'ibu jiky'ajtp tuda'aky es ñay'aguwitsaty, di'ibu naymyay'ajit naywyindsu'kup, di'ibu oyña'ajuty 'yaxájup ja ja'ay yajxon ma ja tyujk, di'ibu mbaat ya'axpeky, ³ di'ibu kyaj myu'iiky, di'ibu kyaj tsiyiptujkaty, di'ibu oyjya'ay, di'ibu tuda'aky amumdu'uk jot, di'ibu kyaj myeeñ'ooguty, ⁴ di'ibu yajxon ana'amp ma tyujk es du'an tmo'oyat ja ijxajtmu 'yu'unk 'yuna'k es myumadówadut es wyindsu'ugadut; ⁵ pes pun tu'uk kyaj tjaty 'yana'amut ma yu kyu'umdujk, žwi'ix mbaat tkwentu'aty ja myumabujkpaty ma ñaymyúkadu? ⁶ Kyaj tyúnat mabujkputujk kwentu'ajtpu di'ibu naamnum tmamabujktsooñ ja Dios, mat kooxyup du'ambu tsojk nuix ñapudsemy muj kajxm es tsojk nuix ñajaty éxtam ja majku'ugópk oj yajkajxpeky. ⁷ Nandu'an koonam tseykyuty es ñaywyindsu'ugadut ma yu di'ibu kyaj yu'adyu Diosu myuduumbu, kaduibu pún kyawindsu'ugadut es ja majku'ugópk yajpekky'a'adut.

Wi'ix tyúndut di'ibu pyudujkadup ja mabujkputujku kywentu'ajtpaty

⁸ Es nandu'an di'ibáty pyudujkadup ja mabujkputujku kywentu'ajtpaty, yu'u di'ibu naymyay'ajit naywyindsu'kup, di'ibu kyaj kyo'oy'áy kyo'oygyajxy, di'ibu kyaj myu'iiky myumi'igyaty, di'ibu kyaj myeeñ'ooguty. ⁹ Nandu'an koonam tseykyuty es tmu'oktáwat ja tuy'ajtm di'ibu Dios tu dya'ixyuty di'ibu nmabujkam, es myadátut wa'ats ja jyot wyinma'añ, ¹⁰ es jawyiin ya'ijxamátsy; es pun kyaj tmudaty ja pyeky, wa'an ttuñ ma ja mabujkputujk ñaymyúkadu. ¹¹ Es nandu'an koonam ja ñado'oxyuty ñaymyay'át ñaywyindsu'ugadu, kyaj 'yabi'ts'attut, es ygyupak kyajxyupáktut. ¹² Pes tu'uk di'ibu pyudujkup ja mabujkputujku kywentu'ajtpu, yu'u túnup di'ibu myudajtypy tu'uk je'eyu ñado'oxy es di'ibu jyajtypy t'ana'amut ja 'yu'unk 'yuna'k ma yu jyuñ tyujk. ¹³ Mat ko yu pudujkabaty di'ibu yajxon tuundap, patadup tu'ugu windsu'kan es du'an amumdu'uk jot tmadya'aktut ja mabujkan di'ibu myudajtypy ma Jesukristu.

Wi'ixu Dios dya'ixyuty ja tuy'ajtm

¹⁴ Tim tsojk nuix ngu'ixa'andu, per tyam nduknigaxtu ma tyadu neky jaabyéty, ¹⁵ es pun akwu'amupts, mnijáwup wi'ix mnayya'ityuty ma Diosu jya'ayuty, pánaty myubujktup ja Diosu jikyppu es dya'ittu ja tuy'ajtm. Es ja tuy'ajtm, du'an yu'u éxtam tu'ugu pilaar di'ibu pyattanaary ja tjknix, es nandu'an éxtam ma tsonda'aky ja tujk. ¹⁶ Tuy'ajtmu'u ko ni'igu muj ja Diosu jya'a di'ibu ijty kyaj yajnijáwu: Miin jajt ja Kristu mada ja'ayu ñini'x, ya'ijxu ja Espírítu Santu ko wa'ats yu'u, ijxudu ja ánkusaty, yajnimaydyák ma naxwiñudu ja'ayuty, mabujkudu ja'ay ya naxwiñ, ya'axaju jam tsajpótm.

4

Di'ibu myatstúttup ja mabujkan

¹ Per ja Espírítu Santu xytyuknija'am wa'atsti'knú ko má naty ja tiempu ttiempatnú má jyambita'añ Nindsun'ajtam, naagaty ñika'agándup ja myubujkanaty es tranajxa'añ ja xprujkan di'ibu miimp má ja ka'oybyu di'ibu win'u'ándup. ² Ja'a myamadowándup ja ja'ay di'ibu nay'andljúdup jiyky'attu tuj'ajtan muut, di'ibu kyaj tnakyjyáwudu es 'yaxuugaty ko pyekytyunda, éxtamxyup tá tyooydygooyñ jyot wyinma'añ má tu'ugu pujxnu jantsy ambu. ³ Tyadu win'u'ambu kyaj tkupáktu es pán pyak 'yuugat, es nandu'un jyuna'andu ko taa je'xy di'ibu kyaj yajju'xat, oy ja Dios tjarujtákyu tyadu je'xy es tju'xat ja myubujkpaty es di'ibáty ñija'adup ja tuj'ajtan, es tja'aygyuda'aktat ja Dios. ⁴ Pes tugekyu di'ibu Dios pyujtá, oy yu'u es kyaj udsajtam n'uxtijam ni tii pán n'axájam es nja'aygyudákam ja Dios, ⁵ má ko du'un ja Diosu 'yayuk es ja kajxtákan pyujtákyu wa'áts.

Jesukristu 'yoymyuduumbu

⁶ Pán mduka'xpejkyru tyaadu ja nmagu'uk'ajtam, mijtsu du'un tu'ugu oybyu myuduumbu Jesukristu, es m'uts mjothkuda'agup má ja mubujkan es má ja oybyu xprujkan di'ibu mbadiimpy. ⁷ Per katu xytyuñ kwentu'lyoku winma'añaty es di'ibu jeky myadyáktup nan nugoobu. Nik naybyujta'agudu amumdu'uk jot xymyudúnat ja Dios. ⁸ Pes je'eyu waanu ttuk'oy'aty ja nini'x kabajk ko nyaj'yungum, per di'ibu sitay waanu ni'igu nduk'oy'ajtam ko n'awdajtam ja Dios es nmadu'unum. Taadu du'un tsobatp má tyadu jiky'ajtan di'ibu tyam es nandu'un má tadu jiky'ajtan di'ibu miimp. ⁹ Tyaadu du'un jantsy tuj'ajtanu'u, es nidugekyu tmabáktu. ¹⁰ Tyaadukyujxmu du'un ndu'unum ja delijensu es nmamadákam, má ko tu nnaygyujkam má Diosu jikyryu, di'ibu tá ttuknibujtaagu ja nitsokan má nidugekyu ja'ayaty, es waanu ni'igu di'ibu myubujktup.

¹¹ Kajxwa'x es ya'xpruk tugekyu tyaadu. ¹² Exkam pán mduksi'igadu má ko mwimbu'udsutyñam; ja'a du'un myákup ja ixpajtan má ja di'ibáty myubujktup ja Jesukristu, éxtam mij ja m'ayuk, éxtam mnayya'ityaty má ja tsojkan, éxtam mnayya'ityaty má ja mubujkan, es extam ja mjiky'aty wa'áts. ¹³ Maanumts uj ngaja'ty, tukwingugajxudu es kajxwa'x ja Diosu jyaabyajtan, es xya'xpráktu. ¹⁴ Yajtán ja madakan di'ibu Dios mmooyu ko ja mujja'aydyujkaty dyajnáxtu ja Diosu 'yayuk, trujtáktu ja ky'u'a má mij es mgunu'xu.

¹⁵ Tyam yajtán tugekyu di'ibu Dios mmooyu, es du'un tugekyu mbaat t'ixtu ko mij xyajmuj xyajmáyu ko xytyuñ éxtam ja Dios ttseky. ¹⁶ Kwentu'at ja mjiky'ajtan es ja m'xprujkan. Du'añmu du'un xytyúnat, es du'un najx mnitse'eky es nandu'un di'ibáty mmamadoodudup.

5

Wi'ix Timotee jya'ay'átut má ja mubujkpuujk

¹ Katu xy'ooy xya'axy ja mujja'ay yedyujkaty; ni'igu xykyajxwíjút éxtamxyup yu'u xytyeety'áty. Mudat yajxon yu una'ktujkaty éxtamxyup xymyuga'ax'áty. ² Mudat yajxon yu mujja'aydyoxytyujkaty éxtamu mdaagu'unk, esu una'ktoxytyujkaty éxtamu mmuga'axan, má winu ojyot.

³ Pudaku ja ku'ekytyo'oxyaty di'ibu dan sitay tagoy'ajtxudup. ⁴ Pán jaa ku'ekytyo'oxy di'ibu myudajtypy ja 'yu'unok o 'yok, tadu u'unok ok yu'u dan jawyiin pyudákup ja tyaak o ja ñanitu, es du'un tkuudyúnat éxtam pyaadaty má nandu'un ja fyamilyu, dya'ixat ko tmay'ajnjáwu tugekyu di'ibu tyaak tyeety tyuundu má yu'ugyujxmuty, má ko du'un dan ttseky ja Dios. ⁵ Ja ku'ekytyo'oxy di'ibu sitay tá wye'emy kujm adu'uk, yu'uyu 'yaá'ajty jyot'ajtypy ja Dios, kyaj tmabe'xy es kyajxta'agut es t'amdow trujktsówat ja Dios xunñ koots. ⁶ Per ja ku'ekytyo'oxy di'ibu winma'añdyugeery es je'eyu tyaku xik xoombu, du'unu'u éxtamu o'kpu oy jyajiky'átyñam. ⁷ Tuk'ana'am tugekyu tyaadu nandu'un, kadiibu tii yajtukpeky'ixat. ⁸ Pes pán ja pán kyaj ñaydyukjotmaydyuñaty ja myugu'uktujkaty, o waanu ni'igu yu ky'u'am familyu, tñ dan t'uxtijy ja mubujkan es waanu axunuk yu'u wye'emy kadiinam ja di'ibu kyaj tmabeky, ja'a ko yu'u jotmayduunup ja myugu'ugaty.

⁹ Yu'uyu mgujáyp ja ku'ekytyo'oxy di'ibu tá tyagu'pxnaxnu jymujt es di'ibu tá pyeky tógok je'eyu, ¹⁰ di'ibu oy yajnija'ap ko tá 'yoyjya'ay'áty, ko tá yajxon tnu'umo'oy ttu'umo'oy ja 'yu'unok 'yuna'k, ko tsuj tá tmudaty ja jyabya'at jyabye'xy má ja tyujk, ko tá ttekyryujy ja Diosu jya'ayaty, ko tá tudaku di'ibu ayoo jottagooyduap, ja'a ko oydyi'ibaty ti tá ttuñ ja oybyu.

¹¹ Per katu xykyupeky yajkujáyat ja ku'ekytyo'oxy kujk una'kpu es dyákat ja naybyudaku. Má ko wyinma'añ myínat es pyuka'andut jatugok, tá najx tmastu'uttu wi'ix tmadúnat ja Kristu, ¹² es du'un ñayyajpekyka'adu má ko kyaj Kristu t'okmadunánudu éxtam tá ñaywyanda'agudu. ¹³ Waanu ni'igu jyudittu wyinjan wyindujk, oytiiyt tuktyk ttukajxudu es nugoó ñakumadyaagudu. Tá jyambijnudu nuux; es kyaj ñuuxaty je'eyu, nandu'un 'yabi'ts'áttu, nugoó oytiiyt tnamadya'aktu di'ibu kyaj pyaadaty es tmadya'aktat. ¹⁴ Paaty ndsejpyuts esu ku'ekytyo'oxy di'ibu kujk una'kpu pyákat, es tmadátut ja 'yu'unok 'yuna'katy, es t'a'u'ni' t'adsunat ja jyuan tyujk, kadiibu tluagar'mo'oyat ja nmudisip'ajtam

es ñibi'ts'áw ñibi'tskajxudat. ¹⁵ Pes naaguty ja ku'ekytyo'oxyu du'ambu éxtamu taadu tu wyinma'añdyugódyu. Paaty ñaydyukpawitsy ñaydyukpabo'odyuty ja ka'oybyu.

¹⁶ Pún jaa toxytyujk di'ibu myubejkyppu ja Jesús es tmadaty ma tyujk ku'ekytyo'oxy, wa'an ku'am tprudaku, es kyaj tna'ixat es jyatyim'yajpudákut ma ja mabujkputujk; pes du'an mbaat ja mabujkputujk tprudákudu ja ku'ekytyo'oxy di'ibu sitay ni tii tkamadaty tkajagyppu.

¹⁷ Yu muija'ayuty di'ibu tuundup majaty mabujkputujk ñaymyúkudu, pátap ja windsu'kun esu pudujkun, es waanu ni'igu pánuty kyajxwa'xtup esu ja'ay ttuk'ixtu ja Diosu 'yayuk.

¹⁸ Pes ja Diosu jyaabyajtan jyana'añ: "Katu xpyujta'aky ja 'yajiidsu noviu ma twindeeñ ja triigu." Es nandu'an jatuk peky jyana'añ: "Yu muduumbu pátap yu myuju'uñ."

¹⁹ Es ja muija'ayuty di'ibu tuundup ma ja mabujkputujk ñaymyúkudu, katu xkyupeky es yajni'unnat pún kyaj kyuxe'eky majtsk o tugauk di'ibu ñikajxpáttup. ²⁰ Per pún tuj'ajtan ko tmadaty ja peky oypyanuty, win'oo mayjya'ayoty ma mabujkputujk ñaymyúkudu, es du'an ja wiingátyppu tpráktudu kwentu kadiibu du'an nandu'an 'yadu'tstát.

²¹ Yijxyppu myudeery ja Dios es Nindsun'ajtam Jesukristu mat ja 'yanklusadyu wyinwitsyppu, ko nduknipeky tyadu axpújkun es xpyadúnat du'añam mat ja oyjotkyujxm, es kyaj win'ixy wingexy. ²² Ko xywyin'ixa'anat naak di'ibu ana'amap ma mabujkputujk ñaymyúkudu, jawyiin xy'ixat wi'ix jyiky'aty, du'an éxtam ngajxwiy, mat ko pún mbujtákyppu tu'uk di'ibu axauk jiky'ajtp, nan mmudajtyppu du'an ja peky. Exkam mbekykya'a.

²³ Es mat ko janaam jatsojk mjotpekyuty, kadii xyñaky'uugut yu'uyu wa'ats nuu, uk nandu'an oynu'unanu wina éxtamu jottsooy.

²⁴ Pes yu ja'ayudyu pyojpu naaguty byeen tyimniguxe'egyuty es ñija'adup ja ja'ay ko yajtukmudowándup, per naaguty ja ja'ayudyu pyojputy jaanam yu'ixy óknam. ²⁵ Nandu'an oy kyuxe'eky ko ja oybyu yajtuñ; es di'ibáty kyaj 'yóyuty, kyaj mbaat wye'emy ayu'andsyu.

6

¹ Nidugekyu di'ibu po'oduumbu'ajttup, yajxon tmay'at twindsu'ugudat ja wyindsúnaty, kadiibu yajmugoy'áw yajmugoygajxat ja Dios es ja n'axpújkun'ajtam. ² Es pún yu po'oduumbu yu'u wyindsun'ajttup ja Dios muduumbaty, ni'igu waanu oy tmadúnat mat ko tmamabujkpu'áttu. Tuk'axpak es kajxwa'xu du'an.

Tuy'ajtanbu namyudunu

³ Pún ja pún dya'axpeky di'ibu kyaj 'yóyuty es kyaj ñejxy ti'igyu mat ja Nindsun'ajtam Jesukristu 'yaxpújkunu oybyu di'ibu ngajxwa'xum, ⁴ taadu naymyujpúttákap es ni ti tjaygyuku. Yu'uyu du'an wyinma'añ'ajtyppu tmadya'aga'añ yu axuk winma'añ. Es ma yu tyaadu myiñ ja naywyinnaxujja'ak, naymyudsip'ajtuk, kanaydyukmu'ijxuk tii, naydyukwin'ijx naydyukujp'ijxuk tii, ⁵ esu yajnaydsyi'k yajnaygyojxuk, kyaj jyotxaamdu. Tadu ja'ayuty kyaj 'yóyuty ja jyot wyinma'añ es kyaj tuijawa ja tuy'ajtan, jyana'andu ko yu n'axpújkun'ajtam yu'u du'an ma yajganaraty ja oy'ajtan. Mastu'udu tadu di'ibu du'anu wyinma'añ. ⁶ Tuy'ajtanu'u ko di'ibu nmabujkam, yu'u du'an yajkyppu ja oy'ajtan ko ja'ay ttukjotkuda'aky di'ibu myudajtyppu. ⁷ Pes ni ti oj ngamami'inum naxwiñ, es nan ni ti ngamunujja'anum ko n'o'ukum. ⁸ Per pún yaa nmudajtam ja ka'ay ukan es ja wit nijam, mat yu'uyu tyadu njotkujk'ajtam. ⁹ Peru di'ibu wyinma'añ'ajtyppu ñayyajmukja'aydyu'aga'añaty, kyaj tsyiraty kya'at pekyoty. Ja'a myudajtyppu maylyoka winma'añ es di'ibu ja'ay yajpekytyuunup, es du'an dyajnjuxat es dyajtagóyat. ¹⁰ Ja'a ko ja'ay t'adsokta meef, yu'u du'an yajmimpuy otyim di'ibu axak'ajtanaty; es ta naak, mat ko 'yadsokta, tu tmaustu'uttu ja Nindsun'ajtam Jesukristu es nugoo ñayya"ayówadu ma jyiky'attu.

Timotee ya'anmaay es amumdu'uk jot tpanujxat ja mabujkun

¹¹ Per mij Timotee, Dios m'u'un'ajttup, kuka'ak tugekyu tyadu axak'ajtan. Jiky'at mat ja tuy'ajtan es éxtamu Dios tseky, mada mabujkun, mada tsojkun, mada ma'xtujkun, mada yuunk'ajt naxypu'ajtan. ¹² Panujx tugekyu amumdu'uk jot ja mabujkun, es windumbuk ja jiky'ajtanu wina xuu wina tiempu, pesu tyaadu du'an ja Dios mdukniiwoojadu es tu mnayyajnide'xyuty mat ja mmabujkun mayjya'aywyindum. ¹³ Dios, di'ibu myeepy ja jiky'ajtan tugekyu di'ibu jaa ijtp, esu Jesukristu, di'ibu kyajxtudák oy Ponsyu Pilatu wyindum, ja'a ñija'adup ko tyam nduknipeky ¹⁴ es xkyuydyúnat di'ibu nduknipekyppu. Katu xywyijstugátsy es kadiibu myajpeky'ixat, es tun du'an extu ko myínat ja Nindsun'ajtam Jesukristu, ¹⁵ ko du'an jyat kyubátat éxtam ttukniubjítaku ja Dios, di'ibu ti'igyu kuni'xy Dios'ajtp, Rey'ajtp ma réyuty es Windsun'ajtp ma windsúnaty, ¹⁶ di'ibu tu'uk kyaj 'yeeky, di'ibu jiky'ajtp ma ja jajun ma ni pún mbaat kyamuwingóñaty, ni tu'ugu ja'ay kya'ixyuty, es ni mbaat tka'ixy. ¡May'ajt windsu'kun es muk'ajtan maat ja Dios wina xuu wina tiempu 'yítat! Wa'an du'anaty.

¹⁷ Uwij kajxwiy ja mukja'aydyujkuty ko katu nugoo myuj pyaadudu es kyaj je'eyu tjotmo'oyat ja mukja'ay'at, mat ko kujx najxpu'u. Wa'an ni'igu tpujta'aky ja wyinma'añ

má Dios, di'ibu jiky'ajtp es xymyo'oyam tugekyu majwiin kyajaa es njotkujk'ajtam. ¹⁸ Tuk'ana'amdu es ttúndat di'ibu da'un oy. Wa'an nanyajmakja'aydya'agudu mat ja oybyu tuunk, es dyajwa'xa'anat di'ibu myadajt jyagyajptap. ¹⁹ Es ko da'un ttúnat, ñapatyru éxtam ttukujp'ixy ja jyiky'ajtan di'ibu miimp óknam, es da'un 'yaxájap ja jiky'ajtan di'ibu tuy'ajtanba.

²⁰ Timotee, padún ja uxrxjkun di'ibu ta xy'axajm. Katu xymyudoogúku yu naxwíñudu ja'ayu lyoku winmá'añ, ni di'ibu myadyakmujktap di'ibu nugooba tyijtap wijy'ajtan. ²¹ Pes naaguty di'ibu pyanujxtaba tyadu winmá'añ, ta tmastu'uttu ja mabjkun.

Wa'an Dios mgunu'xudu nidagékuty.

Myumajtskpa Nedy Di'ibu Paablu Tyuknigajx Ja Timotee

¹ Ҳj Paablu, Jesukristu 'yapóstulu, Diosu tsojkungyujxm uј tu nyajkéxy es ngajxwa'xut ja jiky'ajtun di'ibu wyandak es nmudajtam ko n'ijtam ti'igyu mada Jesukristu. ² Nduknigejxpyyudsu tyadu neky mij Timotee. Du'unuts mij njawu éxtamsu n'u'unk. Wa'anu nDios Teety'ajtam esu Nindsun'ajtam Jesukristu mguni'xyuty es mmo'oyaty ja pa'ayo'on es ja agujk'ajt jotkujk'ajtam.

Timotee oyajniqajxy

³ Njamyetsypyuts mij kots ngajxta'aky xunñ koots. Nja'aygyudákyppyuts ja Dios di'ibuts nmadiimpy mut ja wa'atspu jot winma'añ, éxtam ttuundu nandu'un ja n'aptujkuts. ⁴ Byeenuts njamyetsy ja mwinnu, es njawin'ixaampy esuts njotkujkadya'ayut. ⁵ Pes njamyetsypyuts wi'ix mij amumdu'uk jot xymyubeky ja Dios, du'un éxtam yu mnanitu Loydu esu mdaagu'unk Eunisu, yu'ujuty myudajttu jawyiinu tyadu mubujkun, es nmudajtypyuts ja tayı'ajtam ko mij tyam nandu'un xymyudaty.

⁶ Paaty ndukjamyetsy es xyajmújut ja madakan di'ibu Dios mmooyu kots mij ngu'unikooñ. ⁷ Pesu Dios kyaj oj xymyo'oyum di'ibu maat njajptsu'kam njajpja'am, ja'a ojts xymyo'oyum es njotmuktákm mut ja tsojkan es mut ja ujwujtsambijtam. ⁸ Paaty katu mdsodyuñ es xymyadya'agut ja Nindsun'ajtam esu 'yuxpújkun, es ni mut uј kots yam n'ity tsimy yu'ugyujxm ja Nindsun'ajtam, es nik mudanu mut ja Diosu myuk'ajtam ja ayo'on jotmay di'ibu yajpátr ja'agyujxm ja oybyu ayuk. ⁹ Dios oj xyajmitsókum es oj xytyukniwo'om es njiky'ajtam wa'ats, kyaj ko naty ti tu ndu'unum oy, ja'a du'un mut ko du'un ttuknibujtáku, es mut yu'ugyujxmu Kristu oj xytsyojkam extu ma natyu naxwiñudu kyakojuñam. ¹⁰ Tu dya'ixyudyu tyadu tsojkan ko myiñi jayjty ja nYajnitsokpa'ajtam Jesukristu, di'ibu myumadak ja o'kun, es yu'ugyujxm ja oybyu ayuk yajxon yajkajxwa'xy ko yu'a xyajjikyryuka'anam es xymyo'oya'anam ja jiky'ajtam winu xuu winu tijam.

¹¹ Diósuts xywyin'ijx esuts ngajxwa'xudu tyadu oybyu ayuk, es xykyejxyuts éxtamu apóstulu esuts nya'uxpákat di'ibu kyaj 'yisraelituty. ¹² Paatykyujxmuts ngu'ayowu tugekyu tyadu. Per kyajts ndsodyuñ, mut ko nnija'abuts mats tu nbujta'aky amumdu'uk ja nwinma'añuts, es nmudajtypyuts ja tayı'ajtam ko yu Kristu myudajtypy ja mak'ajtam es tkuwa'anat ja tuunk di'ibuts tu xytyuknipeky extu ko myinutnum yu'a.

¹³ Padún ja xupújkunu oybyu éxtam tu xymyudoy ma ujtsun, es jiky'at ma ja mubujkun es ja tsojkan di'ibu nmudajtam ti'igyu mada Jesukristu. ¹⁴ Mut ja Espiritu Santu pyudujkun di'ibu ijtr ma udsajtam, kwentat'at di'ibu Dios tu mduk'amubujtaagaty.

¹⁵ Mnija'ap ko nidugekyu di'ibáty tso'ondup ma yu Asyu ñaxwiñudu xyñikáktuts, es extu yu Fijelu esu Ermójanus. ¹⁶ Wa'an ja Dios tmuđaty ja pa'ayo'on ma ja di'ibu tsunaayduw ma ja Onesifuru jyuun tyujk, mut ko kanak ókuts xyñimiiñ es oj dyajkujku ja n'aa njótuts, es kyaj tsoyodyuñ óyats nja'ijty tsimy. ¹⁷ Nik ni'igu ko jyajty Romu, nétuts oj xy'exta'ay extu kots xypyaty. ¹⁸ Wa'anu Nindsun'ajtam Jesús myo'oyuty ja pya'ayo'on ko myinut jatugok. Mij mnija'ap yajxon nu'un oj xyjantsypyudujkam jap Efesu.

2

Wi'ixu Timotee tmuđannt ja ayo'on Jesukristukyujxm

¹ Es mij Timotee, di'ibuts n'u'unknawaampy, mudat ja mujaa kunu'xungyujxm di'ibu nmudajtam ko n'ijtam ti'igyu mut ja Jesukristu. ² Ja aa ayuk di'ibu tu xymyudoy ngajxyuts mayjya'ay windum, tuknirup mij yu ja'ayuty di'ibu junaamp tayı'ajtam es mbaat dya'uxpeky ja wiink ja'ayuty óknun.

³ Du'un éxtam tu'ugu soldaadu tmuđada'aky ja ayo'on, nandu'un mij mamada'ak ja ayo'on Jesukristukyujxm. ⁴ Pes ni tu'uk di'ibu soldaadu'ajtr tkatuktaku wiink ja'ayudyu tyu'unun, tyim'awijxpyu es tkuudyúnnt ja wyindsunu 'yana'amun. ⁵ Nandu'un jajtrp du'un yu pnyu'kkijxyubn, kyaj t'axaju ja myay'aty pun kyaj tkuudyúñ éxtam ya'ane'emy. ⁶ Nandu'un ja ja'ay di'ibu kamduump myudajtypy ja tayı'ajtam es jayujp trákat ja pujta'aky. ⁷ Yaj'yo'oy ja mjot mwinnma'añ di'ibuts ngajxpyu, esu Nindsun'ajtam yu'a mduknijawudup yajxon tugekyu.

⁸ Jamyats ja Jesukristu, di'ibu jikyryujk óknun ko 'ye'ky, es ko yu'a tyuump'ajt 'yaats'ajtu ja rey Davit. Tyadu du'un ja oybyu ayuk di'ibuts uј ngajxwa'xyru. ⁹ Mut yu'ugyujxmu tyadu di'ibuts ngajxwa'xyru, nyajkejxy nyajnajxpyyuts ja ayo'on, extu ijtrats kawunñ mut ja kadenu éxtam tu'ugu axuk ja'ay. Per ja Diosu 'yayuk di'ibuts ngajxwa'xyru, kyaj 'yity kawunñ mut ja kadenu. ¹⁰ Paadyuts nyajkéxy nyajnáxyuts tugekyu es ttuk'oy'áttat di'ibáty

ja Dios wyin'ijx, es yu'ujaty tmudáttat ja nitsokan di'ibu ja'ay myudajttap ko ti'igyu 'yittu mudu Jesukristu, ja nitsokan di'ibu winu xuu winu tiempu es mat ni'igu muj'ajtan.

11 Tyaadu du'an tui'ajtan:

Pun tu n'o'kam mat yu'u, nandu'un nuix njiky'ajtam mat yu'u.

12 Pun nmudana'ayam ja ayo'on, nuix nyajkutujkam nandu'un mat yu'u.

Pun n'uxtijam yu'u, xy'uxtijam nandu'un yu'u.

13 Pun kyaj nguydu'unam ja n'ayuk'ajtam ma yu Kristu, yu'u sitay kyuydyiimpy ja 'yayuk ma udsajtam,

ja'a ko kyaj mbaat yu'u tkanitanu ja 'yayuk.

Muduumbu di'ibu Dios 'yoyjya'ap

14 Tukjamyatstu tyaadu es tuknipuktü Nindsun'ajtamgyujxm, es tmastu'uttat ja naygya-jxysyiuu mudu ayuk di'ibu ni madsoo kyatuñ. Yu'u je'eyu yajma'ttup di'ibáty myudoodup.

15 Tun exta mbaat xytyuk'oybyudsemy Dios windum, éxtam tu'ugu oybyu muduumbu di'ibu kyaj tii di'ibu tyuktsoydyunup, di'ibu oy tuk'uxpukp ja ayuk tui'ajtanbu. 16 Katu xpyragajxy yu ayuk di'ibu kyaj tyuñ, mat ko di'ibu pyagajxtap kya'adu waanu ni'igu ma ja peky ko tiempu ñaxy. 17 Pes ja 'yuxpuknuty kyajajaú éxtam ja pu'utsan kyajajaú. Yu'u du'ambadyu du'un tadu nimajtskpaty ja Imeneeu esu Filetu. 18 Tu yu'u tmastu'uttu ja tui'ajtan. Du'un jyuna'andu ko ja jikyuyjukn tu ñaxy, es du'un dyajit dyajma'attu naagaty ja myubjukn.

19 Per kyaj mbaat dyaj'yu'xtu ja Diosu tyuy'ajtan, mat ko Dios tuu trujta'aky éxtamu potsy uix, es ma tyadu potsy uix 'yity jaabyéty: "Yu Nindsun'ajtam 'yixy'ajtypy di'ibu yu'u jya'a'ajtypy." Es nan kuxja'ay 'yity: "Di'ibu janándup ko jya'a'atydyu Nindsun'ajtam, tsojkup es tmastu'uttat ja pojru."

20 Pes ma tu'ugu mukja'ayu tyujk, kyaj jyatyim'yu'uyty tmudaty ja vasu esu texy di'ibu oogu es di'ibu platu, nan jap'ajtp ja naxtexy esu agujajtsunbyók; naagaty tyuñ windsu'kangyujxm es naagaty kyaj du'un tyuñ. 21 Di'ibu nayya'ijtudup wa'ats es ñayjyubekyaty ma ja axuk'ajtan, du'un yu'u éxtamu vasu esu texy di'ibu yu Nindsun'ajtam yajtiimpy ma oytym di'ibaty ja tuungu oybyu.

22 Mastu'ut ja una'ktujkadyu wyinma'añ. Panujx tu'ugu jiky'ajtan éxtam di'ibu Dios tsyejpy, di'ibu mubjukn muatru, tsojkun muatru, ti'igyu'ajtan muatru, mat tugekyu di'ibu wa'adsu 'yaa jyot twindsu'ugadu Nindsun'ajtam. 23 Katu xytyuñ kwentu loku madya'aky di'ibu ni madsoo kyatuñ. Mnija'ap ko yu'u yajmiimpy ja tsiptuunk. 24 Tu'ugu Nindsun'ajtam myuduumbu kyaj 'yitat tsipoty; ni'igu 'yoyjya'ay'átat oypyánaty mat, di'ibu jyatyty es ya'uxpukat, myudátap ja ma'xtujkan 25 es tjujwitsambítat mat ja tuda'aky'ajtan ja di'ibu nugoó kuxkoop, wa'anxyp ja Dios tnayajjambijrtap ja wyinma'añ es tjaygyúkat ja tui'ajtan, 26 wyij kyajtat, es du'un kya'ittat éxtam mbaat njuna'anam ma ja mijku'ugópik myudátyaty tsimy es tyuktuna'añaty oytyiiti éxtam yu'u tseky.

3

Wi'ix naty ja ja'ayuty ko ja ayo'onxuu tpátnut

1 Nijawu ko ma naty ttipatnu myina'añ ja Jesukristu, byeen ayo'on mat 'yaknaxa'añ ja xuu tiempu. 2 Ja ja'ayuty jyambijnudat adsojkraty, meen'oogaty, muj kuxjmaty, nugoó ñaygyu'a'axudu kudiinan pán, kyaj tmamadowdu tyaak tyeedyaty, ni ti tkamujáwudu, kyaj tmaj'ixtu Dios, 3 kyaj tmudattu ja oyyjot es ni pa'ayo'on, abi'ts, kyaj ñayjyujwitsambítadu, myudsip tugekyu di'ibu oy, 4 yajja'ay'o'kraty, oytyiiti ttuktákudu, es muj pátap. Yu'ayu 'yuxta'ayándup ja xik awu'kuk ma jyapaadyaty t'awdátat ja Dios. 5 Du'un ñay'andijudat éxtamxyp myubaktu, per kyaj tkupaktu ja muk'ajtan ko jyiky'átat éxtamu Dios tseky.

Katu mda'anmúk mwa'knúktu mudu du'ambu ja'ay. 6 Mat ko yu'ujaty tyákudu ma yu wiink tujk es t'awindumbuka'añ ja toxytyjku pekymuutru, di'ibu pawijts pawo'onup oytym di'ibu axukpá winma'añaty, 7 es yu'ayam pyajudijttap ja xupjukn, per ni na'a nuix tkajaygyúkudu ja tui'ajtan. 8 Tyaadu yedyukaty yu'u pyanajxtap ja ñu'u tyu'u ja ejiptu brújaty Brasu esu Jambirus, di'ibu myudsijp'ajtu ja Moisés, es yu'ujaty nandu'un tmudsip'attu ja tui'ajtan. Tu wyinma'añdyugódyu ma mubjukn. 9 Per kyaj dyajkajaajut, mat ko nidugekyu ja'ayaty tnijáwadut ko yu'u kyulókyu, du'un éxtam jyajtyu tadu nimajtskpa ejiptu brújaty ko tmudsijptu ja Moisés.

Di'ibu Paablu 'yaktuknipuk ja Timotee

10 Per mij mbadiimpy yajxón ja n'uxpuknats, éxtamts njiky'aty, éxtamts tu nduknibajtagu, éxtamdsu mubjukn, éxtamts nma'xtíky, éxtamdsu ndsojkan, éxtamts tii nyajkéxy nyajnáxy, 11 kots nyajpajúdyt es kots n'ayoy. Mnija'ap yajxón tugekyu éxtamts uj njajty ngubejty ma yu kyajpnu Antyokiia, Ikoñu es Listru, kots ngu'ayo'oju axuk mats nyajpajúdyty. Per ja Nindsun'ajtam xyajtsókats ma tugekyu tadu ayo'on. 12 Pes tui'ajtanu'u

ko nidagekyu di'ibáty jiky'atándup wa'ats ma Jesukristu, yajpajuditándup yu'u. ¹³ Peru axuk ja'ayuty esu win'u'ambuty du'uñum ñujxtat waanu ni'igu o'ktáy, jya'aywyin'andut es ñaywyin'andut ku'am.

¹⁴ Per mij, it yajxon mat ja di'ibu tu xyjaty es mat di'ibu tu xymyabeky. Mij mnija'ap pán tu mdukní'ixuty. ¹⁵ Pes extu tu mdimmutsku'unk'áty tu xyñijawu ja Diosu jyaabyajtan. Yu'u mduknijáwudup es myajnujxudat ma ja nitsokan mat yu'ugyujxmu mmubajkan ma Jesukristu. ¹⁶ Dios wyinma'añmyooy ja jya'ayuty es tkaxja'ayut tugekyu ja Diosu jyaabyajtan, es tugekyu tadu Diosu jyaabyajtan tuump oy es nya'uxpajkam, nduk'ana'amum, nya'o'oyum, es nujwixtsambijtam pán éxtam jyiky'átat tuy'ajtan muat, ¹⁷ du'an ja Diosu jya'ay kexy ka'pxy 'yaxpáktat, tñijáwudat es tündat tugekyu ja oybyu tsujpu tuunk.

4

¹ Yu Dios esu Nindsun'ajtam Jesukristu 'yijx ñija'adup éxtam n'anumu. Pes minaamp ja Jesukristu éxtamu yajkutujkpu es ttukkumadowa'añ ja jiky'ajtpaty es ja o'kpaty éxtam pyaadyuty nidu'uk nidu'uk. ² Kajxwa'x ja Diosu 'yayuk es xytyuknipáktat ja ja'ayuty es tmabúktat, ujwixtsambit, jotmukwingajxu es ya'uxpak ma'xtujkan myuat. ³ Mat ko pyaadup ja tiempu ma ja ja'ayuty kyaj tnakymyudanaya'andut ja uxpujkanu oybyu; ja'ayu tyúndup éxtam ja kyujuun winma'añuty, 'yuxta'ayduap may'aamp ja ya'uxpajkpaty, per yu'ayu di'ibu yu'ajuty tsojktap tmadoo'ita'andu, ⁴ es kyaj tmadoo'ita'andut ja tuy'ajtan, ja'ayu myadoo'ita'andup oytyim di'ibu jekymyadya'agyuty. ⁵ Per mij, naywyixts'yo'oyadu, wa'an títimti títimwi'ixuty. Mudanu ja m'ayo'on. Ijtp xykajxwa'xut ja oybyu ayuk. Tuk'ix ja ja'ayu Kristu ñu'u tyu'u. Kuydyún yajxon mat ja mduunk éxtam ja Diosu myuduumba.

⁶ Es uj, windsu'kunts nnujxánu, tyimpátypyuts ja n'o'kun. ⁷ Tuts nmumada'aky ja tsip. Du'anuts uj éxtamu ja'ay di'ibu tu pyayu'kja'ty ko pyayu'kkijxyudu. Kyajts uj nmastu'uty ja mubajkan. ⁸ Es tyam xy'awixxpus ja may'aty ja'agyujxm kots tu njiky'aty tuy'ajtan muat. Ja Nindsun'ajtam di'ibu pyaye'epy éxtam pyaadyuty, ja'ats xymyo'oyaamp ja may'aty ja xuu ko myínut. Es kyaj 'yujtsaty je'eyu, nandu'an di'ibáty ijtp xoondup ko myina'añ.

Paqbla tuk'ane'emy ja Timotee wi'ix tyúnut

⁹ Tunu may'ajtan nimiingats tsojk. ¹⁰ Pesu Demas, ja'a 'yadsejpy di'ibu yajpátp naxwiin, tuts xyñike'eky es tu ñujxnu Tesalóniku. Kresentu tu ñujxnu ma Galasyu ñax, esu Titu tu ñujxnu ma yu ñaxwiñudu Dalmasyu. ¹¹ Yu'ayu du'anu Lukas ak'ijtp ja yam mat uj. Uxta'ay yu Markus es mmínut muat, mat ko mbaadats xpyyudu ma ja tuunk. ¹² Yu Tíkiku tuts ngexy ma yu Efesu kajpn. ¹³ Ko mmínut, myajmínupts ja nnimótsats di'ibats nyajwu'am Trouas ma yu Karpu tyujk; myajmínup nandu'an ja nnékyuts abity'ambu, es katu xyjaydyugoy ja njaabyajtanbo'o'ák.

¹⁴ Pujxnga'tspu Alejandra byeenats tu xytyuñ axuuk. Yu Nindsun'ajtam tukkumadowudup éxtam tu 'yadu'atsy. ¹⁵ Mnaygywentu'átadup mada tadu Alejandra, mat ko muk tu tmadsip'aty di'ibu ngajxwa'xum.

¹⁶ Kots uj tim jawyiin njanayñikajxtu'udánu ma ja justisutajk, ni púnats xykyapu'u'u xykyapukajxu. Nidagekyuts xymyastuttaaydyu. Peru Dios tyúnap ja may'ajtan es kadiibu tpujktáku du tyaadu. ¹⁷ Per ja Nindsun'ajtam xpyyudujkats es xymyujagaamooyats, éxtamts mbaat ngajxwa'xta'ay tugekyu ja nitsokan es t'ix tmadowdat nidagekyu ja'ayuty di'ibu kyaj 'yisraelítuty. Es du'anu Nindsun'ajtam xyajtsékyuts es kyajts ja kaa uj xytsyu'tsy, ¹⁸ es yu'uts xy'akkuwa'anap mat oytyim di'ibu axuk'ajtanuty, es xpyyujku'ugudats es xyajnujxudats ma yu tsajpótmadu kyutujkan. Maj'ajtan muat yu'u 'yítat winu xuu winu tiempu. Wa'an du'anuty.

Kajxo'xun

¹⁹ MayDios xy'anuumadu Prisila esu Akila, es ja di'ibu tsanaayduap ma ja Onesifaru jyuan tyujk. ²⁰ Erastu tu wye'emy Korintu; esu Trófimu, mat ko pa'ambajt, nnikékyuts Miletu kajpnóty. ²¹ Tunu may'ajtan es mmínut naam kyajnam myiñ ja xux tuboj.

MayDiósuku du'an jyana'andu Eubulu, Pudentu, Linu, Klaudyu es nidagekyu nmagu'uk'ajtam.

²² Wa'anu Nindsun'ajtam Jesukristu t'ity mat mij, es wa'an ja Dios mgunu'xudu nidagekyuty miidsaty.

Neky Di'ibu Paablu Tyuknigajx Ja Titu

¹ H̄j Paablu, Diosu myuduumba esu Jesukristu 'yapóstalu, ja'a njuna'anam kots tu xkykexyuts es nya'uxpákuť di'ibáty ja Dios tu twin'ixy es t'axájudat ja Jesukristu, du'un tñijáwudat ja t'ay'ajtan di'ibu nmabujkum, ² es yu t'ay'ajtanguyajxm amumdu'uk tñijáwudu ko t'udattu ja jiky'ajtan winu xuu winu timpu, mut ko Dios, di'ibu kyaj 'yanda'aky, extu ma kyajnamu naty ja naxwiñudu kyojñum xywyandakum tadu jiky'ajtan, ³ es tyam ko timpu tpaaty, xytyuk'ane'emyuts es tu xytyuknija'am ja 'yaa 'yayuk di'ibuts uj tyam ngajxwa'xyry, di'ibu Dios, ja nYajnutsokpu'ajtam, tu xytyuknipékuyts. ⁴ Mij Titu, nduknigejxypyu tyadu neky. Du'unats mij njawu éxtamsu n'u'unk, ja'a ko ujts mij tu ndukmabeky ja Kristu. Wa'an ja Dios Teety esu nYajnutsokpu'ajtam Jesukristu mguni'xyuty es mmo'oyuty ja agujk'ajť jotkujk'ajtan.

Titu tyuunk jap Kretu

⁵ Kots mij nyajwe'emy jam Kretu, ja'a es xya'abaádat yajxon di'ibu naty ak'abaáduyaaamp, es xywyin'ixut ja mujja'ayuty di'ibu túndup majatyu mabujkputujk ñaymyúkuđu tu'uk tu'ugu kajpn, du'un éxtam oj nduknipeký. ⁶ Ja'a mbajta'agup ja mujja'ay yedyujkuty di'ibu kyaj pán mbaat mut ti tyukniwaambétyuty, di'ibu tu'uk je'e'eyu ñudo'oxy, di'ibu 'yu'unk myabejkypy ja Jesukristu, kyaj t'udaty ja axuakpu jyot wyinma'añ, myumadeepy ja tyaak tyeedyuty, es di'ibu kyaj ñugoy kyaxkoy. ⁷ Es mut ko ja mabujkputujku kywentu'ajtpu di'ibu tu yajtuknipéký ja Diosu tyuunk, koonum tmanujxut wa'adsu jyiky'ajtan, di'ibu kyaj ñaymyujpajta'agyuty, kyaj jyot'ambeky mut waanu tii, kyaj myu'iiky, kyaj tsyip'uxta'ay, kyaj 'yadseky, es kyaj myeetsy; ⁸ nik ni'igu ja'ay dyajjajta'agut oy tsuj ma tyujk, di'ibu tyiimpy yajxon, t'ay'ajtan, wa'ats ja'aybyu, Dios muduumba, nay'aguwjts nayjyujkuwujtsap, ⁹ di'ibu 'yook'ajtyu es jyiky'aty éxtam ja xprajkanu t'ay'ajtanbu. Pes du'un mut ja oybyu xprajkan mbaat t'jotmakmo'oydu ja wiinkpuy es jyiky'átat du'un. Es nandu'un mbaat tuk'ixy yu tyego'oyun di'ibáty kyaj tranujxa'andu ja t'ay'ajtan.

¹⁰ Mut ko ta mayu ja'ayuty di'ibu kyaj ñay'aguwits ñayjyujkuwujtsuty di'ibu ya'xprajktap andaknguyajxm, es waanu ni'igu taadaty di'ibu tyukkuwa'anadup es tkuydyúndat ja israelitadyu kyostumbru. ¹¹ Koonum tsyékuty njajwujtsambijtm extu ko nya'amo'onumu taadaty, mut ko wyooma't wyujtsma'ttup mut ja axuakpu xprajkan, di'ibu tsunaagydyup tukjann tuktajk, es tyuk'xprajktap di'ibu kyaj ñigutikyuty es tganarata'andu ja meen.

¹² Pes tu'ugu Kretu ja'ay tyuun mut ja kyumgugajpnyujxm jyunañ: "Yu Kretu ja'ayuty, du'ñum yu'ujuty 'yanda'akta, kyaxuty, ñuuxuty es du'un éxtamu juyujk añimalun."

¹³ T'ay'ajtanu taadu. Paaty jujwujtsambit amujaa, es du'un wa'ats t'udáttut ja mabujkan.

¹⁴ Wa'an t'astu'uttu ja israelitadyu myadya'agyuty, es nandu'unu tadu ja'ayudyu kyutujkan di'ibu tu tuk'xpraktu ja ja'ay di'ibu 'yaxtjtap ja t'ay'ajtan.

¹⁵ Mut ja di'ibáty j'ayadajttap ja jyot wyinma'añ wa'ats, tugekyu yu'u wya'adsuty; per di'ibáty kyaj t'ubaktu, kyaj t'udaty ja jyot wyinma'añ wa'ats, es ni tii ma yu'u kyawa'adsuty. Pes extu yu jyot wyinma'añ esu jya'ajun tugekyu 'yaxuk'ajta'ay. ¹⁶ Du'un jyuna'andu ko t'ixy'attu Dios, per di'ibu tyuundup yajnjigaxu'kudup ko kyaj tyu'ajtanaty; pes kyaya'oyjyáwudu es kyaj kyajxykyupáktu, es kyatimtuundup di'ibu oy.

2

Oybyu esu wa'atspu xprajkan

¹ Per di'ibu mij mya'uxpákuť, ja'a di'ibu nujxp ti'igyy mut ja oybyu xprajkan.

² Tuk'xprak ja mujja'ay yedyujk es ñayjyujwujtsambitadut ku'am, di'ibu naymyay'ajť naywyindsu'kup, oy tñijáwut ja Diosu 'yayuk, esu Dios t'padúnut tsojkan muut es ma'xtujkan muut. ³ Tuk'xprak nandu'un ja mujja'aydyoxytyujkuty es windsu'kun muut jya'ay'átat, kyaj pyi'ts'áw pyi'tskajxat, kyaj myu'uuk myumu'ugudat, es di'ibu yajktap ja oybyu jujwujtsambijtan. ⁴ Du'un mbaat tukni'ixudu ja kasaádu una'ktoxytyujkuty es t'sótkat ja ña'ay es ja 'yu'unk 'yuna'kuty, ⁵ ñayjyujwujtsambitadut, wa'ats jyiky'áttut, tkwentu'áttut ja jyuan tyujk, ñaygyubákuđuť ma ña'ay, esu du'un ni pán tkakajxpraádat axuak ja Diosu 'yayuk.

⁶ Tukni'ixudu nandu'un ja una'ktujkuty es ñayjyujwujtsambitadut. ⁷ Es mo'oy mij ku'am tu'ugu oybyu kajxwujun esu i'xpajtan ma oytym tiity tugekyu. Ko xytyukni'ixut, tun mut tugekyu windsu'kun esu tuda'aky'ajtan. ⁸ Pán mduknij'ixap ko nidugekyu tjiky'áttut ja jyiky'ajtanu wa'atspu di'ibu kyaj mbaat pán mut ti yajni'de'xyuty, pes net ja Kristu jya'ayudyu myudsip t'udáttut ja tsoydu'un, ja'a ko ni madsu mbaat tkpaaty yu axuk'ajtan ma yu njiky'ajtan'ajtam.

⁹ Kajxwij nandu'un ja po'oduumbaty es tmamadówdat ma oytyim tiity yu wyindsán wyindájuty, a'uw agajx es kyaj ñaygyu'adsówdat. ¹⁰ Katu ti ttoñ tmuwá'añ. Wa'an t'ity yajxon tuda'aky, es du'un oypyánaty ijaxp ja jyiky'ajtun ko ja 'yuxpajkuna Dios, yu nYajnutsokpa'ajtam, byeen jyantsy'oy jyantsytsyújuty.

¹¹ Es mut ko Dios dyaka'añ ja ñitsokun ma nidugekyu ja'ayuty, tu xytyuk'ijxam ja 'yoy'ajtun. ¹² Es yu oy'ajtun xytyuk'uxpajkum ko koonum nmastútum ja jiky'ajtunu axuukpu, nnayjuywjtsumbijtam es njiky'ajtam yaa ma tyadu naxwíñudu wijy keju, tui'ajtam muut es éxtum ja Dios ttseky, ¹³ maanum n'awijx njup'ijxam ja tiempu ko muj'ajtam muut myina'añ ja Jesukristu, ja'a nmujDios'ajtam esu Yajnutsókpu. ¹⁴ Jesukristu ñaygyuyajku ma ja o'kun ma adsajtam xyjarátum, es du'un oj xyajtsókum ma ja axuk jiky'ajtun, oj xyajwátsum, xyja'a'abujkum, xyja'ay'ajtam es ndu'unum tugekyu di'ibu oy.

¹⁵ Tukni'ixu mij tugekyu tyaaðu, es jotmukmo'oyduy es jujwjtsumbit mut tugekyu m'ana'amun di'ibáty mmado'oxup. Katu mnayyákyuty es pan mgamaj'ixudat.

3

Dios mabujkputajk pátudup es tyúndat

¹ Tukjamyatsta ko twindsu'ugudat ja yajkutujkpu es myumadówdup ja justisajkuty, es ttúnat oytyim tiity yajxon, ² katu jya'ayñi'ow jya'ayñiyaxudu, yuunk naxyry es oyjya'ay'áttup, es dya'ixudat ma 'yaa jyot ko tyuda'agyuty mut nidugekyu ja'ayuty.

³ Pes adsajtam nandu'un ijty ngujuun'ajtam es kyaj ijty nmamado'om ja Dios. Du'un ijty njudijtam éxtum ja ja'ayun di'ibu tu tyu'udugóy es 'yane'emyuty oytyim di'ibu winma'añaty, njiky'ajtam axuk, nnaywyinnaxuja'am mut tii, ndukmudsip'ajtam tii oypyánaty es nnaydyuk'ak'ajtam ijty nixim niyam. ⁴ Per ko Dios, yu'u nYajnutsokpa'ajtam, dya'ijxu 'yoy'ajtun esu tsoyokun ma ja naxwíñudu ja'ay, ⁵ oj xyajnutsókum, kyaj mut ko tuxyup oynu'unun ti oy ndu'unum, ja'a du'un mut ko tmudaty ja pa'ayo'on mut adsajtam, Espiritu Santakuyjxm oj xyajwátsum es oj xymyo'oyum ja jembyu jot winma'añ, éxtumxyup jemy xyajmi'inum jiky'ajtpu. ⁶ Mut yu'ugyujxmu Jesukristu, nYajnutsokpa'ajtam, Dios tu xymyo'oyum ja Espiritu Santu, ⁷ es myay'ajtanguyjxm oy nwa'ama'anum mut ja Dios, es du'un n'awijx njup'ijxam ja kuma'añ, ja jiky'ajtunu winu xuu winu tiempu.

⁸ Tyaaðu du'un tui'ajtun, ndsejpyats es byeen xyñikajpátat tugekyu tyaaðu, ja'a du'un es di'ibáty myubujktup ja Dios ñaygyuyákudat es ttúnat yu'uyu oybyu. Tyaaðu du'un oy es tuump mut nidugekyuty. ⁹ Katu xymyadya'aktu di'ibu ni ma mgatu'unxudu, es ni mganaymyujpajta'aga'anudat nidu'uk nidu'uk wi'ix jyiky'ajttu ja m'aptajkuty, es katu ti mnaydyukwin'ix mnaydyukjup'ixudu o mnaygyajxysyigudu mut ja'agyujxmu Moisesu 'yana'amun. Tugekyu taadu ni madsuo mgatu'unxudu.

¹⁰ Es pan ja pan dyajnaywya'xa'añaty ja mabujkputajk, tukjaygyuku tugok, es pan kyaj kyajxykypéky, tukjaygyuku jatugok; es pan kyaj mdimmamadóyaty, katu xyñakutyuñu kwentu. ¹¹ Pesu tadu du'ambu ja'ay kyaj jyiky'aty tui'ajtun muut, es yu kyu'ambojpkuyjxm ñaydyugóyuty.

Di'ibu Paqblu tyuknipejkyu ja Titu

¹² Naskaxuyaambuyts ja Artemus o ja Tikiku. Ko jya'tut, tun esuts xyñija'tut Nikópolus kajpnóty, mut ko du'unuts tu ndukniwitsa ko nyajnaxa'añuts ja xux po'o jap. ¹³ Pan mabaat mmada'aky, puduku yu Zenus esu Apolus, es xymyo'oyut di'ibu tugoy'ajtxup, es dyajtu'uyo'oyut ja ñu'u tyu'u kaduibu ti tyugoy'ajtxudat. ¹⁴ Tukni'ixudu yu nmagu'uk'ajtam nandu'un es ttúndat ja oybyu es tpuákudat di'ibu tugoy'ajtxup, esu jyiky'ajtun tyúnat.

Kajxpo'xun

¹⁵ Nidugekyu nmagu'uk'ajtam di'ibuts ja yam muut n'ittu, mduknigáxudu ja Dioskajy. MayDios xy'anuumadu nmagu'uktajk'ajtam. Wa'an ja Dios mgunu'xudu nidugekyuty midstuty.

Neky Di'ibü Paablu Tyuknigajx Ja Filemón

¹ Ëj Paablu. Tsimdsyunaabyuts mut kots ngajxwa'xy ja Jesukristu 'yayuk. Ëj esu nmagu'uk'ajtam Timotee nduknigáxtudsu tyadu neky mij, mamaduumba, mugu'uk Filemón, ² es yu Jesukristu myaduumbaty di'ibü naymyujkadup ma mdujk, éxtam nmagu'uk'ajtam Apyu esu Arkipu, di'ibü muut nmadu'unum ja Jesukristu. ³ Wa'an ja Dios Teety esu Nindsun'ajtam Jesukristu mgunu'xadu nidagekyu miidsaty, es mmo'oyudu ja agujk'ajt jotkujk'ajtam.

Filemongu tsojkan esu myubujkan

⁴ Kots ngajxta'aky, du'uñumts nja'aygyuda'aky ja Dios mijtskyujxm, ⁵ mut kots tu nmadoy wi'ix xymyubeky ja Nindsun'ajtam Jesús es ko xytsyeky pánaty Diosu jya'a'ajtypy. ⁶ N'amdeebuyts ja Dios es du'uñum x'uxta'ayut wi'ixu ja'ay xytyuknijáwudat ja di'ibü nmubujkam, esu du'un xywyinmudooda'ayut tagekyu ja oy'ajtam di'ibü nmudajtam ja'agyujxm ko ti'igyu n'ijtam mudu Kristu. ⁷ Jotkujkats es xondákpats mut ja mdsojkan, ja'a ko mut mij mugu'ugitu, ja Diosu jya'ayaty tu 'yagujk jyotkujkadu.

Paablu ja Filemón t'amdoj ja may'ajtam mut ja Onesimukuyjxm

⁸ Paaty mudu tyaadu, oy éxtamu Jesukristu 'yapóstala xypyátpats es nduk'ana'amut di'ibü mdúnur, ⁹ njamunu'xta'agaampy tsojkanjyujxm. Ëj Paablu, mujja'ayñats es tyámats ndsimdsyuumu mut kots nmuduñ ja Jesukristu, ¹⁰ n'amdeepy tu'ugu may'ajtam mut ya'gyujxmu Onésimu, di'ibuts uj nmudajtypy éxtamdsu n'u'ungun, ja'a ko ujts ja'a tu ndukmabeky ja Kristu ko oj xykyu'ixy yaa maats ndsimdsyuumu.

¹¹ Tuuyur yu Onésimu ni ti tu'unun mgamooyu, per tyam mdu'unxadubu net yajxon, éxtamts uj tu xymyuduñ ja yam. ¹² Nduknigajxumbijtypy jatugok, oyxyur jyadu'un'ajtpu éxtamdsu ngu'am jotun. Pes axaju yajxon. ¹³ Ëj tuuxyupts njajuna'añ esxyur 'yakwe'emy mut uj, esxyur xymyuduñats ma mij njapaadyuty maanumts n'aktsimdsyuumu mut ya'gyujxm kots ngajxwa'xy ja oybyu ayuk. ¹⁴ Per kyajts njatyimtsey es xy-jatyimpudákudats pan kyaj mij mjuna'añ. Ndsejpyuts esuts xypyudákat mut mij ja mgu'amdojkan, paaty kyajts n'ak'yajwa'umya'añ ja Onésimu ja yam. ¹⁵ Wa'anu da Onésimu oj mmastu'udyuty waanu tiempu, es tyam xymyudátat winu xuu winu tiempu, ¹⁶ kyaj ñakydyu'anaty éxtam tu'ugu ja'ay juybyu, tyam du'un waanu oy éxtam tu'ugu mugu'uk di'ibü njantsytsyejpy. Ëj njantsytsyejpyuts byeen, per mij mbátup es xytsyókat waanu ni'igu, kyajnam éxtamu ja'ay juybyu, per waanu oy éxtam tu'ugu mugu'uk di'ibü jemyñam t'axaju Nindsun'ajtam.

¹⁷ Paaty mugu'ugitu Filemón, pan xy'axkajpats éxtam miju mmamaduumba ma yu Nindsun'ajtam Jesukristu, tunu may'ajtam, axaju Onésimu éxtam jyawu uj ku'am xy'axájuts. ¹⁸ Pan tu oynu'anun mmadugóyaty, o pan jaa wi'ix tsoo xymyujuy xymyugwéntaty, tukkabajtkats uj mij. ¹⁹ Ëj Paablu, tyaadu nja'ayuts mududsu ngu'am letru: Ujts ngubátup. Oy jyambaadaty uj mij ndukjamyetsy ko xymyuni'xy'ajtpats uj mij mudu mgu'am jiky'ajtam, mut ko ujtsu du'un di'ibü mduknija'aju ja Jesukristu ñitsokun. ²⁰ Mugu'ugitu, tunu tyadu may'ajtam di'ibü n'amdeepy nbujktseepy mut ja Nindsun'ajtam Jesukristakuyjxm, es du'unats xyajxonda'agut. Tun éxtam tukka'ax'ajtam ma Kristu.

²¹ Nijayu mut ko ndukmu'awdajtpats ko mguydyunur, es nnija'abuts ko mdúnur waanu ni'igu kadünam di'ibü yam n'amdeepy. ²² Nandu'un n'amdoj es xy'axkúkudats ja njajttákn, mut ko njajp'ijxpyuts ko mut ya'gyujxmu m'amdo'o mbajktso'onaty miidsaty, Diósets xymyo'oyur esuts n'awa'átspudsámut es nujx ngu'ixtu.

Kajxo'xun

²³ MayDiósuk jyuna'añ ja Epafrus, yu nmudsimyjya'ayuts mut ya'gyujxmu Jesukristu. ²⁴ Nandu'un mduknigáxudu Dioskajxy ja Markus, Aristarku, Demus esu Lukus di'ibuts xypyudujkadup ma ja tuunk.

²⁵ Wa'an miidsu Nindsun'ajtam Jesukristu mgunu'xadu.

Neky Di'ibū Yajtuknigajxtu Ja Ebreeu Ja'ayaty

Jesukristukyjxmu Dios kyajxy

¹ Tim jékyyr kanaġ ok es kanaġ naxu Dios ttukmugajxy ja kyugajxpyty ja n'aptujk'ajtam, ² per naamnum xytyukmugajxum ja 'yU'unk. Yu 'yU'unk mađu Dios dyajkojy tuġekyu di'ibū jaa'ajtp, es tu tmo'oy tuġekyu éxtamu kyuma'añ. ³ Ja Diosu 'yU'unk yu'u du'un jajp éxtamu Dios Teety, es yu'u du'unu Dios nandu'un éxtamu Dios Teety. Tuġekyu di'ibū tsajpótm es ya naxwiñ ye'epy es 'yity éxtam t'ane'emy mut ja myuk'ajtan.

Waanu muj ja Jesús kadiinam ja ánkłusuty

Jesukristu yu'u tu xyajpojpnitago'oyam udsajtam naxwiñadu ja'ayaty, es óknum ñaxwe'tsy aga'añdsyoo ma Dios Teety yajkutiky tsajpótm. ⁴ Paaty tu ttukja'ty ja Jesús tamudátat ni'igu muj'ajtan kadiinamu ánkłusuty, pes tu t'axaju éxtamu kyuma'añ ja xyuu waanu muj kadiinamu ánkłusuty. ⁵ Mut ko Dios ni na'a tka'anmaay ni tu'ugu anklus:

Ųjts mij xyTyeety'ajtp.

Tyámuts ngu'xu'ugut kots mij n'U'unk'áty.

Es nan kyaju Dios t'anmaay ni tu'ugu anklus:

Ųjts mij xyTyeety'átup,

es mijts n'U'unk'átup.

⁶ Nandu'un ko Dios tkaxa'añ ya naxwiñ ja 'Yu'unk di'ibū ijtp éxtamu ka'axkópk, du'un jyuna'añ:

Wa'anu n'ánkłusuts t'awdátyuty.

⁷ Es ko Dios xytyuk'ixa'anam wi'ixu du'unu 'yánkłusuty, du'un jyuna'añ:

Dios ñaskajxup ja 'yankłus éxtamu poj, es éxtamu junya'angun.

⁸ Per ko Dios tñimadya'aky ja 'yU'unk, du'un jyuna'añ:

Mij Dios, winu xuu winu tiempu ja mgutujkan 'yity,

myajkutúkup mut ja t'aj'ajtan.

⁹ Mut ko tu xytsyeky ja t'aj'ajtan es tu xy'uxtijy di'ibū axuuk;

paaty tu ni'igu nmo'oy ja xondakan kadiinamu mmagu'uktujkaty.

¹⁰ Es nandu'un ja Dios t'anuumu ja 'yU'unk:

Mij Windsún, tim jékyyr xyajtsone'ky xyajtsondáky ja naxwiñadu,

es mij ku'am xpyujtáky ja tsajp.

¹¹ Yu'ujaty tuġooydya'aydyup,

per mij mwu'umup winu xuu winu tiempu.

Niduġekyu yu'ujaty 'yamujadya'ayat éxtamu wit tyiky;

¹² es du'un xy'adijmúkat éxtamu tuk wit, es xyajtuġátsut,

per mij du'uñam m'ity éxtam m'ity,

kyaj mjiky'ajtan kyukáxut.

¹³ Dios ni na'a tka'anmaay ni tu'ugu anklus:

U'uñu mats n'aga'añdsyoo,

extu kots nbujta'agut ja mmúdsip mdekyppatku'p.

¹⁴ Ja ánkłusuty, ja'ajun yu'ujaty, es yajkexy es tpuđukudat ja di'ibáty 'yaxajuyándup ja nitsokan.

2

Waanu ni'igu nbadu'unum ja Diosu yuxpajkan

¹ Paaty, tim tsojkap es ni'igu nbadu'unum ja Diosu 'yuxpajkan di'ibū nmúdo'om, kadiibu nduġo'oyam. ² Ja xupajkan di'ibū yajmooydyu ja n'aptujk'ajtam ankluskyujxmuty, yu'u sitay tu ya'ixy ko tyu'ajtanaty, mut ko di'ibáty kyaj tkuudyuundu, tyukkumúdoo éxtam pyaadyuty. ³ Pes, žwi'ix mbaat udsajtam nyajnimaxum pun kyaj ndu'unumu kwentu es kyaj n'axájumu tadu muj nitsokan? Pesu Nindsun'ajtam Jesukristu ku'am jawyiin oj tadu tkajxwa'xy, es ja 'yapóstuluty di'ibū 'yaxájudu ja 'yuxpajkan, yu'ujaty yajty'ajtandujkudu.

⁴ Dios ya'ixu ko tyu'ajtanaty mut ko tmooy ja myuduumbuty es ttúnat kanaak ja muj'ajtan esu ijxwu'umun, es dyajwa'xy ja Espírítu Santu myadakan éxtam yu'u ttsejky.

Yajpajta'aky ja Jesús éxtamu ja'ay

⁵ Dios kyaj tu tpujta'aky ja 'yánkłusuty es 'yana'amut ma yu jembyu naxwiñadu di'ibū itaamp. ⁶ Per jap tu'ugu lugaar ma yu Diosu jyaaybyajtan ma jyuna'añ:

Dios, žti tsoy'ajttup ja ja'ayaty,

ti ko xyjamyetsy es xytyuñu kwentu?

⁷ Tu tuk tiempu xya'amutsk'aty ja ja'ay kadiinam ja ánkłusuty;

mij tū xypujta'aky es 'yittut mat ja maj'ajtun esu windsu'kun,

⁸ mij tū xypujta'aky es yu'u tniwindsun'átut tugekyu di'ibu ijt.

Ko tpujtáky esu ja'ay twindsun'áttut tugekyu di'ibu ijt, kyaj ti oj wye'emy di'ibu ana'amudup. Per kyajnum n'ijxum pún mamudoop otyiity tugekyu. ⁹ Per n'ijxum ja Jesús, di'ibu Dios puajtáka waanu tiempu esu ánkusaty maj' yittut kadiinumu Jesús, es tyam 'yo'kanguyxum ko 'yayooy tmadaty éxtumu may'aty ja maj'ajtun esu windsu'kun, es du'un ja Dios myaj'ajtunguyxumu Jesús dyajnáx dyajkúxut ja adsu'ux o'kun es nidugekyu ja'ay ttuk'oy'áttut.

¹⁰ Tugekyu di'ibu ijt 'yity mat Dioskyujxum, es yu'uguyxum tugekyu 'yity. Dios jyatsojk dyajnáxá'añ tsajpótum ja ja'ayuty éxtumu 'yu'ungun, paaty tkejxy ja Jesús es 'yayówt má 'ye'ky, mat ko du'unu dun ja Jesús mbaat dyajpojpanitugódyu ja ja'ayuty es dyajnitso'ogut.

¹¹ Es ja di'ibu ja'ay yajnitsekypu es ja ja'ay di'ibuty yajnitso'ogudup, ti'igyu ja Tyeety. Paaty kyaj ja Jesús ttuktsoydyúñ es jyuna'anut ko tmuga'axuty, ¹² éxtum jyuna'añ má ja Diosu jyaabyajtan:

Dios, ujtsuts mij nduk'ixy'átup ja nmuga'axudyuts,

es n'áwuduts ja m'alabanzu má mubujkputujk ñaymyúkadu.

¹³ Es nandu'un jyuna'añ:

Uj nbujtákyuyuts ja njot n'ánumuts má Dios.

Es nandu'un jyuna'añ:

Tyaats uj, mat ja u'unguty di'ibudsu Dios xymyoooy.

¹⁴ Du'un éxtumu ja'ay ja nini'x esu ne'pyñ tmudattu, nandu'un ja Jesús 'yijty éxtumu ja'ayuty, es mat ko 'ye'ky tkutujkanjuty di'ibu yajja'ay'o'kp, ja'a njuna'anum ja mujku'ugópk, ¹⁵ es du'un dyajnitso'oktut di'ibu tsyu'kudup ja o'kun mabaat jyiky'attu éxtumu tuumbu juuybyun. ¹⁶ Pes ja Jesús kyaj myiñ es tpuđukuyáñ ja ánkusaty, yu'u sitayu ja Abraqanu tyuamp 'yaadsuty. ¹⁷ Es paadyu Dios tpujtáky éxtumu naxwiñudu ja'ayuty es du'un tpa'ayówt ja ja'ay ko Dios tmadúñ, es du'un, éxtumu teedywyindsungópk tuda'akypyu, tpujtá'agut ja windsu'kun es ja ja'ay yajpojpanuma'xat. ¹⁸ Es mat ko Jesús ku'um tu 'yayooy ko ja mujku'u jyayajpekytyunánu, paaty mbaat tyam tpuđukadu nandu'un nidugekyu di'ibáty ja ka'oybyu tsyejpy es pyekytyúñat.

3

Waanu maj ja Jesús kadiinam ja Moisés

¹ Mugu'ugituty, Diosu jya'ayuty, panuty ja Dios wojuđu, pujtá'aktu mjot mwinmá'añ tugekyu má Jesús, apóstulu es teedywyindsungópk di'ibu ngajxwá'xum má ja ja'ayuty.

² Pesu Jesús kyuydyuun tugekyu di'ibu Dios tuk'ana'amú ttúnut, du'un éxtumu Moisés nandu'un tkuydyuun ko Dios pujtáky es tngopk'átut nidugekyu ja Diosu jya'ayuty. ³ Peru Jesús pátyup ni'igu windsu'kun kadiinumu Moisés, du'un éxtum di'ibu kyejpy tu'ugu tujk pátyup ni'igu windsu'kun kadiinam ja tujk di'ibu tu tkojy. ⁴ Tugekyu tujk, tam di'ibu yajkóju. Nandu'un jajtpe du'unu Dios di'ibu yajkoj nu'un tugekyu jyaajuty.

⁵ Moisés, éxtum tu'ugu muduumbu, yu'u sitay myuduun yajxónu Dios má ja Diosu jya'ayuty, es t'awa'ánu tii ja Dios kyajxaampy óknam. ⁶ Peru Kristu, éxtumu Diosu 'yU'un'k, tyiimpy ja oybyu má Diosu jya'ayuty, es udsajtam du'un xyja'ay'ajtam pan n'akmubujkum yu'u es amumdu'uk jot n'awijxum di'ibu xytyukwándákum.

Po'xtákn má Dios

⁷ Paaty jyuna'añ ja Espírítu Santu má ja Salmu neky:

Pun mmudoodup tyam ja Diosu 'yayuk,

⁸ katu m'áa mjot xypujta'áktu juun,

éxtum 'yadutstu ja m'aptujkuty ko tniбуд'ktu ja Dios es twinmá'añ'ijxtu jam maj ittum.

⁹ Es ja Dios jyuna'añ:

Oy miidsadyu m'aptujk tja'ijxtu justyikxy jumajt di'ibuts nduun má ja maj it, xywyinmá'añ'ijxtuts ja'a.

¹⁰ Paadyuts n'ajku mat yu'ujaty, es njuna'añuts:

“Du'áñumu tadu ja'ayuty wiink tu'ujum yo'oydyup má jyot wyinmá'añ,

es kyaj tu tpaduna'andu ja nnu'u ndu'ujuts.”

¹¹ Paadyuts oj nwanda'aky mududsu n'aku,

esuts njuna'añ: “Ni na'a taaduty kyatákadut madsu nbo'xtákn.”

¹² Paaty miits mugu'ugituty, naygywentu'átudu kadiibu ni tu'uk miits tkamudátut ja jyot wyinmá'añ axuuk es t'axtjudu Nindsun'ajtam Dios. ¹³ Ni'igu bom bom mnay'uwij mnaygyajxwíjduť nixim niyam, éxtum ja Diosu 'yayuk jyuna'añ “tyam”, es kadiibu ja pojpu mwin'áñndut es myajju'unxudat ja mjot mwinmá'añuty. ¹⁴ Mat ko madu Kristu nbátum ja

oy'ajtn, yu'nyu ko Dios nmadu'unum mabaat njiky'ajtn, du'nfum nmabujkam éxtum ko oj nmabujkts'o'onum Kristu.

¹⁵ Yu'nyu 'yandijpy ja Diosu jyaabyajtn ma du'nyu jyna'añ:

Pyn mmudoogujkadup ja Diosu 'yayuk tyam,

katu juun xymyudattu mlot mwinma'añuty éxtum 'yadutsta ja di'ibáty ñibadu'ktu Dios.

¹⁶ ¿Es pánudyu dnu tyadu 'yandijpy ja di'ibáty myadoodu es tmudsip'ajtn Dios? Ja'a du'nyuty nidagekyu di'ibu natyu Moisés tu dyajpadsúmdu ma Ejiptu ñax. ¹⁷ ¿Es pánudyu Dios yajjot'ambujk justyikxy jumujt? Ja'a du'nyuty di'ibáty pekytyuundu es 'yo'ktaagydyu jam muj ittum. ¹⁸ ¿Es pánudyu Dios tyuknibujtáku es twandaky es kyaj tyákudat ma Diosu pyo'xtákn? Ja'a du'nyu di'ibu kyaj tmamudoodu Dios. ¹⁹ Es mat yu'nyu Dios xytyuk'ijxum ko kyaj oj mbaat tyákudá ja 'agyujxm ko kyaj myabujkada.

4

¹ Paaty naygywentu'ajtn, ja'a ko tyambaadu Dios xywyandákum es mbaat ndujkam ma yu'nyu pyo'xtákn, éxkam miidsuty nidu'uk mgatákudu jap, ² mat ko yajtukmugajxum údsajtn nandu'nyu ja oybyu ayuk, du'nyu éxtum ja'ajuty; per ni wi'ix kyatu'unxudu ko tmudoodu, mat ko kyaj tmabujktu di'ibu Dios wandáxudu. ³ Per údsajtn, di'ibáty nmabujkam, tujkam ma Diosu pyo'xtákn; per di'ibáty kyaj tmabujktu, du'nyu yu'nyuty éxtum ja Dios jyna'añ:

Ajkupts mat yu'nyuty, es tats nwanda'aky

ko ni na'a taaduty kyatákudat madsu nbo'xtákn.

Du'nyu jyna'añ oy tjatuundaay tugekyu ko oj dyajkojy ja naxwífudu, ⁴ mat ko ma ja Diosu jyaabyajtn tmadya'aky ma ja myujxutujk xuuu:

Ko tyuunk ttuundaay,

kyumjuxtujk xuuu oj pye'xy.

⁵ Ma jatuk peky ja Diosu jyaabyajtn jyna'añ:

Kyaj tyákudat madsu nbo'xtákn.

⁶ Yu'nyu xytyukjagyujkam ko naagaty 'yaktakya'andnum ma tadu po'xtákn. Pánuty jawyiin ya'awa'anudu ja oybyu ayuk kyajyum oj tyákudu, ja'agyujxm ko tkamamudoodu. ⁷ Paaty ja Dios trujtáky tu'ugu jembyu tiempu, éxtum ja Diosu 'yayuk jyna'añ "tyam", éxtumu Davit waanu óknum tmadyaky ma ja Diosu jyaabyajtn:

Pyn mmudoogujkadup ja Diosu 'yayuk tyam,

katu juun xymyudattu mlot mwinma'añuty.

⁸ Pes, kooxyp ja Joswee oj dyajnujxtu ja israelítuty es dyajtákyxyp ma yu Diosu pyo'xtákn, kyajxyp ja Dios oj tngajxy ja wiinkpu tiempu. ⁹ Paaty njagyujkam ko je'euyum wye'emyñum pújke'eky tu'ugu po'xtákn ma pyo'xtat ja Diosu jya'ayuty; ¹⁰ es di'ibu tu tyujknu ma tyadu po'xtákn es tam pyo'xnu, tu ja tyuunk ttuunda'ay, du'nyu éxtum ja Dios pye'xy ko tyuunk ttuundaay. ¹¹ Pes n'okjottugo'oyum es ndujkam ma yu tadu po'xtákn, kadliibu ni tu'uk tkapanujxtat di'ibáty kyaj tmabujktu Dios.

¹² Ja'a ko yu Dios ja 'yayuk myudajtypy ja muk'ajtn es ja'agyujxm jyaaty ja jiky'ajtn. Tyuktujkadyaary ma ni tu'ugu espaadu di'ibu majtsku 'yaa mbaat kyatuku, tujkpu ma ti ja ja'ay wyinmaaydyu o tsojktup, yajnguxe'kypu nidagekyu ja ja'ay jya'ay'ajtn. ¹³ Dios ñija'adyaary tugekyu di'ibu ijtp. Mat ja Dios, kyaj ti 'yity ayu'udsyu, tugekyu 'yity ijx nide'xy ma yu'nyu di'ibu koonum ndukkudakya'annum ja ngwentu'ajtn.

Jesukristu teedywyindsungopk'ajtp

¹⁴ Es nandu'nyu nmudajtn yu ndeedywyindsungopk'ajtn jam tsajpótm. Yu'nyu du'nyu ja Jesús, Diosu 'yU'unk, di'ibu tu ñujxnu tsajpótm. Paadyu du'nyu n'aktimmabujkam ja Dios mat wínu njot'ajtn. ¹⁵ Pes yu ndeedywyindsungopk'ajtn yajxon tñijawu yu n'ayo'on'ajit njotmay'ajtn es ko tyagoy'aty ja nmujaa'ajtn, mat ko Jesús ku'um tmamadaky ja ayo'on jotmay ko ja mujku'nyu jyaajpekytyunánu, éxtum údsajtn nandu'nyu nyajnajxum. ¹⁶ Paaty n'oknínajxum ja Dios ma yajkutiky, mat ko nnija'am ko yu'nyu xymyo'oya'annum ja pa'ayo'on, es mya'ajtnagyujxm xpyudakya'annum ma údsajtn xtyuagoy'ajtnum.

5

¹ Ya naxwíñ yu teedywyindsungópky yajtukwíjstútp ma yu ja'ayuty, es yajtuknikajxpéty éxtum ja ja'ayuty ja kyudanaabyu ma Dios, es tmay'at twindsu'ugut ja Dios mat ja'agyujxm ja ja'ayudyu pyojpu. ² Es komu tadu teedywyindsungópky pojpu ja'ayuty nandu'nyu, mbaat tmudaty ja pa'ayo'on mat ja tsuudajkuty es di'ibu tuundagooy kajxtagooydyu, ³ paaty koonum tmo'oyut ja Dios ja windsu'kun mat ja'agyujxmu ky'ambójpu, nandu'nyu mat ja'agyujxmu ja'ayudyu pyojpu.

⁴ Ni pán mbaat kyanaybyajta'agyuty ku'um éxtumu teedywyindsungóp, Dios yu'nyu du'nyu di'ibu wyin'ijxypy di'ibu yajtukyaampy ma tyadu tuunk, du'nyu éxtum jékyup twin'ijxy ja

Arón. ⁵ Es nan ni yu Kristu kyanaybyujtáku ku'am éxtamu teedywyindsungópk, Dios yu'u du'an di'ibu pyujtá ja Kristu, éxtam jyunáñ ma jyaabyajtan:

Ujts mij xyTyeety'ajtp.

Tyámats ngu'xu'ugut kots mij n'U'unk'áty.

⁶ Es nandu'an jaabyéty 'yity jatuk peky:

Mijtsu du'an mdeety'ajtp winu xuu winu tiempu, du'an éxtamu Melkisedek.

⁷ Ko tyadu Jesús jyiky'ajty ya naxwiñ, net kyajxtáky es mak jyuu, es t'amdooy trujktsooy ja Dios di'ibu mbaat kyutiky es kyaj ja Jesús ttuknáxat ja o'kun. Amadoonajxu Dios ja agyujxm ko tmu'udooy. ⁸ Es oy jyaDios'u'ungaty, jyajt tmu'udówat ja Tyeety ja agyujxm ko 'yayooy; ⁹ es ko ttuundaay tugekyu di'ibu Dios tsyejpy, ja agyujxm dyajnitseky winu xuu winu tiempu nidugekyu di'ibáty nandu'an mudooy, ¹⁰ es ja Dios tu pyujta'agyaty teedywyindsungópk, du'an éxtamu Melkisedek.

Kujotmay ko nmastítum ja mubujkun

¹¹ Taanam may di'ibuts n'aktukjagyukyaampy, per tsip es ndukni'ixudat miidsaty, mat ko tu mjumbittu kujuun. ¹² Taaxyur miidsaty mjaya'uxpajknu ma wiinkpaly, mat ko tu jyajknu ma miits xy'axájudu Jesús; per mdugoy'ajtxudap pán mduk'uxpákadap jatugok jemy ja tuj'ajtan di'ibu kyaj tsyipyty ma Diosu 'yayuk. Pes miidsaty du'an m'ak'ittu éxtamu maxu'ungun di'ibu kyaj mbaat tje'xy ja kudu'utspu, tsyoyktap pán yajtsi'idsudap. ¹³ ¿Es wi'ix mbaat tu'ugu maxu'ungu'unk di'ibu tsi'tsp nduk'uxpajknu ja jiky'ajtanu oybyu es di'ibu axuuk? Kyaj mbaat tjagyuku, ¿kudii? ¹⁴ Esu tadu je'xyu tu'utspu, yu'u je'eyu taadu pán myudajtypy ja tyuts; es nandu'an ja xupajknu tsippu, yu'u jyagyujknap je'eyu ja ja'ay di'ibu mbaat tmuinma'añbyaaty yu oybyu esu axuukpu.

6

¹ Nyajtu'uyo'oyam ja Diosu 'yayuk koonam oy nnija'am di'ibu Dios tsyejpy. Kyaj natim ja'ayam ndu'un ngajxm di'ibu tu nyajtukni'ixum ko Kristu nmubujktso'onam, ja'a ko tápnam may di'ibu yajnijawayaamp. Kyaj ja'ayam jatugok ndu'un ngajxm wi'ix tseky ko ja'ay tmatstu'uty ja axuk jiky'ajtan es kyaj yajpaadat ja ayo'on winu xuu winu tiempu, ko yajmabéky ja Dios, ² ko ja'ay yajmabéty, ko ja'ay yajku'anixajy, ko ja o'kpu jyiky'pyáktat es yajpao'oydyut, tam di'ibu yajmo'oydyur ja ayo'on winu xuu winu tiempu es tam di'ibu yajmo'oydyur ja jiky'ajtan winu xuu winu tiempu. ³ Ndu'unamu du'an pán junaambu Dios.

⁴ Ja ja'ayaty di'ibu tu tnijáwadu ja Diosu jya'a, di'ibu tu t'axájudu ja Diosu myadakun, di'ibu tu ja Espiritu Santu tmadattu. ⁵ di'ibu tu t'ixtu ko oy ja Diosu 'yayuk es ja mak'ajtan di'ibu miimp kudakp, ⁶ ko du'ambu ja'ay pyekykyá'adu es jatugok jyiky'attu axuuk éxtam 'yijty jyiky'attu, kyaj 'yok'o'oyanu es jatugok jyambitát ma Dios. Du'an traaty éxtamxyur ja Diosu 'yU'unk jatugok dyajkruuzpáttu esu Diosu jya'a yajnixi'iky yajtukxi'iky. ⁷ Pes yu'u du'an éxtamu kam di'ibu 'yuktatsypy ja nuu tuu. Pánu tyadu kam yajwindiipy ja pyujta'aky di'ibu yajtuunop, Dios kunu'xadup; ⁸ per pán je'eyu 'yapyñbyudsemy, kyaj tsyobaaty. Tyadu kam tím tsojk yajkajxpoka'añ es yajnino'oga'añ.

N'awijx njajp'ixum di'ibu ti'igyu xya'jttam

⁹ Oyuts miidsadyu du'an njanija'ayabudu, mugu'ugítaty, ndukmu'awdajtapt es ko kyaj miits xymyastu'uttu ja Kristu es kyaj xy'uxtijttat ja nitsokan di'ibu yu'u yajkpyy. ¹⁰ Dios tyiimpy éxtam pyaadyaty; kyaj tja'aydyugóyut di'ibu miidsaty oy mduundap. Dios jyamyátsap ko miits xya'ijxadu mdsokan mat ja jya'ayuty, mat ko xypudajkudu es du'ñam xy'aktimpudákudu. ¹¹ Ndsejpyuts es miits nidu'uk nidu'uk xy'aktimmadúndat ja Dios mat winu m'aa njot mabaat mjiky'attu, es du'an xypyaattat ja oy'ajtan di'ibu m'awixtap. ¹² Kyajts ndseky mjambitát nuux, ni'igu xypyanjxtat ja tyu'unanaty ja di'ibu myuduundap ja Dios mudu ma'xtujkan, es du'an t'axájudu ja kyuma'añ di'ibu Dios oj twanda'aky.

¹³ Es du'an jyajty mat ja Abraan. Dios wandaku es jyunáñ ko tkuydyuna'añ. Pes kom kyaj 'yity ni pán di'ibu ni'igu tmadaty ja muj'ajtan pánxyur maat trujta'aky ja wandakan, ta Dios ñajjynanu ku'am. ¹⁴ Du'an jyunáñ: "Tuy'ajtan ko njantsykyunu'xaampy es nmo'oyaampy ja mduamp m'aats tugoymay. Uj Dios, nwandáky'puyts." ¹⁵ Abraan myabujk ja Dios ma'xtujkan maat, paaty t'axaju di'ibu Dios tukniwandaku.

¹⁶ Ko ja ja'ayaty tmo'oya'andu ja mak'ajtan esu tuj'ajtan di'ibu kyajxtap, net tmo'oydyu ja mak'ajtan mat ko dyajtestiigu'áty di'ibu mjuu kyutujkan, es jyuná'andu: "¡Por tsyos!", es du'an dyajtydyúkudu ja myadya'aky. ¹⁷ Paadyu Dios nandu'an tmooy ja mak'ajtan ja wyandakan ko jyunáñ ko kyuydyúnup di'ibu wyandak. Es du'an ttuuñ es ttuk'ixtat ja di'ibáty kuumayaampy ko kyaj tkakuydyúnat tugekyu di'ibu wyandak, kyuydyunaambyu'u. ¹⁸ Kyaj mbaadu Dios 'yanda'aky. Yu'u tu xymo'oyam yu wyandakan mat ja tuj'ajtan. Yu'u du'an xyajjotkujkam nidugekyu udsajtam di'ibáty ninujxadup es ñitso'ogut, es du'an ja Dios

tu xymyo'oyum es nmudajtam tų'ajtam ko ndajkam tsajpótm es n'ijtam mat yu'a. ¹⁹ Ja awijx jup'ijxun di'ibu nmudajtam, ja'a ti'igyu ya'ijtypy ja njot'ajt nwinma'añ'ajtam éxtam ja puixn di'ibu ja barku wyo'on'ijtypy mejnyóty es kyaj ma ñejxy ja barku. Du'un udsajtam n'ijtam éxtamxup nnajxam ma ja maj tsajptajku 'yadnydyuk es n'ijtam mudu Dios ma Waanu Wa'ats It Wa'ats Lugaar. ²⁰ Jar oj tyaku ja Jesús es ja nu'a tu'u xya''awátsxam, esu du'un jyjaty es 'yitat teedywindsungópk winu xuu winu tiempu, du'un éxtamu Melkisedek.

7

Du'unu Jesús tyeety'áty éxtamu Melkisedek

¹ Tyadu Melkisedek, Salem ryey ijty es teety di'ibu myuduun ja Diosu Tsajpótmudu. Ko Abraan jyambijty ma oj tu tsiptuñ naty ma tu tmamada'aky ja réyuty, tyadu Melkisedek tsoyo'ón es oj tų'ajpy'oyo ja Abraan, es tkuni'xy. ² Netu Abraan tmooy ja Melkisedek tuk peky di'ibu wa'x majk peky di'ibu naty tu tų'ajku ja réyuty ma tsiptuñ. Yu xuu Melkisedek ja'a 'yandijpy “Rey Tų'ajtandumbu”, es nandu'un “Salem ryey” ja'a 'yandijpy “Rey Di'ibu Yajtsipwa'xp.” ³ Yu Diosu jyaabyajtam kyaj xytyukmamadyakum pánu dan ijty tyaak'ajtypy es tyeety'ajtypy, es pánu du'un ijty 'yapteety'ajttap; ni xykatukmamadyakum ko myiñ jyjaty es ni xykya''anma'ayum ko tu 'yeeky. Ma tyaadu tugekyu du'un kyaxe'eky éxtam ja Diosu 'yU'unk, es teety'ajttap winu xuu winu tiempu.

⁴ Pes, jaygyukadu wi'ix jyantsymyájudyu tyadu Melkisedek. Yu n'apteety'ajtam Abraan tmooy tuk peky di'ibu wa'x majk peky di'ibu naty tu tų'ajku ja réyuty ma tsiptuñ. ⁵ Du'un ja Moisesu 'yana'amun jyuna'añ ko ja teedyuty di'ibu yu Leví tų'amp 'yaadsuty, yu'u yajmo'oydyur tuk peky ko wya'xy majk peky ja myu'israelitu ja'yuty ja pyajta'agyuty, oyu tyaaduty nandu'un jyayu'ujaty ja Abraanu tų'amp 'yaadsuty. ⁶ Peru Melkisedek, oy kyayu'udyu Leví tų'amp 'yaats, yajmooy tuk peky di'ibu majk peky wa'x ma ja Abraan, di'ibu naty tu t'axaju ja Diosu wyandakun, esu Melkisedek kyunu'x ja Abraan. ⁷ Es wa'ats yajnijáwu ko di'ibu kunu'xp, ni'igu myájuty kadiinam di'ibu yajkunu'xp. ⁸ Yu teedyuty di'ibu yajmooydyur ja pų'ajta'aky, ja'ay yu'ujaty es 'yooktu; per ja Diosu jyaabyajtam xytyukmamadyakum ko ja Melkisedek du'un éxtam tu'uk di'ibu jiky'ajtp. ⁹ Es ko ja Abraan oj yoxy ma ja Melkisedek, mbaat njana'anam ko Leví es nidagekyuty ja wiingátypyu Abraanu tų'amp 'yaadsuty nandu'un tmoodyu ja yojxun; ¹⁰ mat ko oy jyatų'ajttanuty ko Leví kyajnamu naty myiñ jya'ty, japu naty ja Abraan ñini'xóty es ñe'pyñóty tmadajnu di'ibu yajminaampy yajja'taampy ja Leví.

¹¹ Pán tim oy tim wa'ats ja ja'ay wye'emyxuyar ja Moisés 'yana'amungyujxm, kom yu ana'amun 'yawá'annur esu Leví tų'amp 'yaadsuty teety'ajttap, ¿ti ko koonam jyaat'átut jat'u'ugu teety éxtamu Melkisedek es kadiinam éxtamu Arón? ¹² Es pán kyaj ja Arongu tų'amp 'yaats 'yokteety'ajnu, nandu'un tseykyuty es tyagátsut ja ana'amun di'ibu junaamp punaty teety'áttap. ¹³ Ja Jesukristu, di'ibu tyadu Diosu 'yayuk 'yandijpy es tyeety'átut, kyaj yu'a ja Leví tų'amp'áty t'aaats'átuty, 'yutsyu taadu tų'amp 'yaats, tuk pekyryu ja Israelu tų'amp 'yaats di'ibu ni na'a jya'ay kyateety'áty éxtam ja Moisesu 'yana'amun jyuna'añ. ¹⁴ Yajnija'ap wa'ats ko ja Nindsun'ajtam jam pyudseemy ma Judaa tų'amp 'yaats, es kyaj ja Moisés du'un tnigajxy ko jam pyudsúmat ja teety ma Judaa tų'amp 'yaats.

¹⁵ Ni'igu wa'ats yajjaygyúku di'ibuts tu nnigajxy ko jyaat'átut ja wiinkpu teety éxtamu Melkisedek, ¹⁶ tu'u'ugu teety di'ibu kutujkun myudajtypy es tyeety'átut winu xuu winu tiempu, es kyaj ana'amungyujxm di'ibu junaamp pánu tų'amp 'yaats tyeety'átut. ¹⁷ Tyaadu du'un jyunañ ja Dios:

Mijtsu du'un teety winu xuu winu tiempu,
du'un éxtamu Melkisedek.

¹⁸ Paaty ja Moisesu 'yana'amun kyutugooy ko muk'ajtam tkamudáty es kyatúñ, ¹⁹ ja'a ko Moisesu 'yana'amun ni tii kexy ka'pxy wa'ats oj tkayajwe'emy, per ni'igu waanu maj tyam di'ibu njup'ijxam, es yu'ugyujxm udsajtam nmwingo'onam ja Dios.

²⁰ Dios wyandak ko ja Jesús tyeety'átut. Ja wiink teedyuty kyaj yajnikajxpejty mudu wandakun, ²¹ per ma sitay yu Nindsun'ajtam oj tyeety'áty mudu wandakun, mat ko ja Diosu jyaabyajtam jyuna'añ:

Dios tu ñaywyanda'agyuty es kyaj dyajtagátsut ja 'yayuk:

“Mijtsu du'un teety winu xuu winu tiempu,
du'un éxtamu Melkisedek.”

²² Es du'un n'ijxam ko mat ja Jesús Dios tu tų'ajta'aky ja kajxy'átypyu di'ibu waanu oy kadiinam ja jékyubu. ²³ Ja wiinkpu teedyuty nimay 'yjty, ja'a ko 'yo'ktu es tų'ajkudu wiingátypy; ²⁴ per mat ko Jesús jyiky'aty winu xuu winu tiempu, winu xuu winu tiempu tyeety'átut. ²⁵ Paadyu Jesús ku'am mbaat dyajnitsokta'ay, tyam es winu xuu winu tiempu,

nidugekyu di'ibu miindap ma Dios mut ya'aguyaxm ja Jesús, pesu Jesús da'añam jyiky'aty es ñikajxtu'udat ma Dios.

²⁶ Paadyu Jesús yu'u da'an ja teedywyindsangópk di'ibu xytyugoy'ajtxam. Yu'u dan wa'ats es kyajpu pyojpu, kyaj dyu'anaty éxtamu pekytyuumbu, es yajpjtáky waanu kajxm kudii tsajpótmadu. ²⁷ Ja wiinkpadyu teedywyindsangópkaty ñigutiky dyáktat bom bom ja windsu'kun, tim jawyiin mut ja kyua'mbojpu es óknam mudu ja'ayuty ja pyojpu; per ja Jesús tugok je'eyu mut wínu xuu wínu tiempu dyajky ja windsu'kun mut ja'aguyaxm ja ja'ayadyu pyojpu ko wyindsu'kun'ajty ma ja kruuz. ²⁸ Ja Moisesu 'yana'amun pyujtákyru éxtamu teedywyindsangópk yu pekyjya'ayuty; per óknam ja Dios tpujtáky ja wandakan esu 'yU'unk tyedywyindsangópk'átat, di'ibu jajt oy wa'ats wínu xuu wínu tiempu.

8

Jesús nGudunaabyu'ajtam

¹ Di'ibu ni'igu muj di'ibats uadsaty yam n'uu ngajxtap, ja'a ko yu Nindsun'ajtam Jesús, nideedywyindsangopk'ajtam, 'yu'uñu tsajpótm ma Dios yajkutiky. ² Jam ja Jesús tyedywyindsangopk'aty ma ja tsajptájk di'ibu Dios yajkoj tsajpótm. Ya naxwiñ yu wit tsajptájk di'ibu Moises yajkoj, yu'uyu yu'u ya'agojwinnajxu tadu tsajptájk di'ibu tsajpótm. ³ Nidugekyu teedywyindsangópk yajpjtáktu es tmo'oydyat ja yojxan esu windsu'kun ja Dios, paadyu Jesús koonam dyaky ja windsu'kun nandu'an. ⁴ Kooxyup ja Jesús yyaaty ya naxwiñ, ni je'eyuxap kyateety'aty, mut ko taanam teedyuty di'ibu yajktap ja windsu'kun éxtam dyajniugutúku ja Moisesu 'yana'amun. ⁵ Peru tyadu windsu'kun, yu'uyu ñikojtútan di'ibu jam tsajpótm; da'an yu'u éxtam ko Moisés dyajkojáñ ja wit tsajptájk, ta Dios 'yanmaayu: "Yajkoj meeru éxtam ja ixpajtan di'ibu nduk'ijx ma Sina'ii Kopk." ⁶ Per ja tuunk di'ibu tyiimpy ja Jesús tsajpótm, yu'u ni'igu tmudaty ja muj'ajtan kudiinam ja tuunk di'ibu pyadu-undap ja Moisesu 'yana'amun, mut ko Jesús yu'u da'an nGudunaabyu'ajtam ma yu jembyu kajxy'átyru. Tyaadu di'ibu jembyu tu 'yoyu, waanu ni'igum yu'u 'yóyuty es ni'igu oy ja wandakan di'ibu muut kudiinam ja Moisesu 'yana'amun.

⁷ Kooxyup yajxón tyuuñ ja kajxy'átyru di'ibu jawyíñup, kyajxyup tu dyajtagátsy mut ja wiinkpu. ⁸ Peru Dios pyekymooy ja israelitu ja'ayuty, es jyunañ: Ja'taamp ja tiempu es nya'óyudats ja jembyu kajxy'átyru mut ja israelitu ja'ayuty esu Judaa ja'ayuty.

⁹ Per kyaj dyu'anaty éxtam di'ibu jékyup nya'uyuyats mut ja 'yaptájkaty kots nyajpdsuumdu ma Ejiptu ñax, éxtamu u'unkteety ko tmaty ja 'yu'unk ky'u'ugujxy es tkwentu'aty dyajtu'uyo'oy; per yu'ujaty kyaj tkuyduundu ja kajxy'átyru di'ibats nmudajttu, paadyats nmastuty.

¹⁰ Per ja'taamp ja tiempu mats uj ja n'ana'amun nbujta'agut ma yu israelitu jyot wyinma'añuty, éxtumxyup kyuxja'ayuty nekykyujxy.

Ujtsu da'an xyDyios'átap, es yu'ujaty nja'ay'átupts.

¹¹ Kyaj ni pán najx ttukni"ixu es ni tka"anamat yu myugu'uk:

"Ixy'at ja Nindsun'ajtam",

pes nidugekyats najx xy'ixy'attu, myujja'ay myutskja'ayuty.

¹² Nma'xupts uj tugekyu di'ibu tu ttuundugódyu, es kyajts nnakyjyamyátsut ja pyojpu.

¹³ Ko Dios jyuna'añ ko dya'oyuya'añ ja jembyu kajxy'átyru, yu'u xytyuknija'am ko tu tyujknu es kyaj ñaktyuñ ja kajxy'átyru di'ibu jékyup o'oyu; es di'ibu jeky tu 'yijnu, tim tsojk kyutugoyánu.

9

Naxwiñudu tsajptájk esu tsajpótmadu

¹ Es ma tadu jékyubu kajxy'átyru di'ibu Dios pyujtáky mut ja israelítuty, Dios tyukniujk ja Moisés wi'ix dyajkojút ja wit tsajptájk es wi'ix ja ja'ayuty t'awdáttat ja Dios. ² Pes, da'an ja wit tsajptájk dyajtanaydujku: ja jawyiin adnydyikyru ja'a txu'ajty Wa'ats It Wa'ats Lugaar. Jap 'yijty ja kandaleeru es ja meesu mut ja tsajkaaky di'ibu tu yajpjtáky windsu'kun. ³ Myumajtsk adny uxka'p, jap 'yijty ja myumajtsk adnydyikyru. Ja'a txu'ajty Waanu Wa'ats It Wa'ats Lugaar. ⁴ Jap 'yijty ja ooru artal ma yajpoomjókta, es ja kaaxu ma yajpújke'ky tu'ugu ooru tu'ts mut ja je'xy di'ibu Dios yajk es txu'aty manaa. Jap nandu'an 'yijty ja Arongu tyajk di'ibu Dios yajpuj es yajtamp'aj, es ja tsádsétsy ma Dios tkaxjaay yu majkpu mandamyentu. Tyadu kaaxu ñiwi'tyuty jodoty es nikujxy ak tim ooru,

⁵ es kaaxu ajup nikuajxy 'yawingojnáxyuty majtsku tsajpótmudu jiky'ajtputy di'ibu yajitjup kerubingaty, mut ja kyakn ya'pwa'xy es dya'anika ma ja Dios dyajpojpanitagooy ja ja'ayuty.

Per tyam kyajts ngajxtu'xa'añudsu tadu wit tsajptujk. ⁶ Ko ijty du'un abaadu 'yity, net ja teedyuty ijty tyákudu jap es ttundu ja tuunk di'ibu Dios tu myo'oyudu. ⁷ Per ma yu myumajtsk aduudyikypyu, yu'ayu ijty tujkup ja teedywyindsungópok tugok ma tu'ukpu jamajt; es ko tyuku, koonam tmánejxy ja juyujk tsajkaaju ñe'pyñ es ttukwindsu'agu Dios mut yu'ugyujxmu kyu'umbojpu es nandu'un ja ja'ay ja pyojputy. ⁸ Du'un ja Espiritu Santu xytuknijja'am ko ma tadu wit tsajptujk, kyaj ñigutikyuty esu ja'ayuty tyákudat Dios windum. ⁹ Esu tadu wit tsajptujk yu'ayu je'eyu tu'ugu ijpajtan di'ibu yajpaduump tyamyu, es ja'a 'yandijpy ko ja windsu'kun es di'ibu ja ja'ay yojxtup, kyaj mbaat mut ja'agyujxm ja ja'ayuty wyu'umdu wa'ats ja jyot wyinma'añuty. ¹⁰ Tugekyu tadu ana'amun yajkutijky tyi ja ja'ay kyaj 'yuuktup es ñayajwa'adsudat, es wyitpujtat, es tpujtat ja tsyim tyexy. Du'añamu du'un yajtñudu taadu extu ko Dios dyajtugátsat.

¹¹ Per tu myiñ ja Kristu, es tyam yu'u du'un teedywyindsungópok ma oytym tiidyu oybyu di'ibu tu myiñ; es ma yu Kristu tyeedywyindsungopk'áty tsajpótm, yu'u waanu oy es kudinam di'ibu naxwiñudu ja'ay yajkojtup. ¹² Es jap ja Kristu tyujku ma ja Waanu Wa'ats It Wa'ats Lugaar, ja'a njana'anum Dios wyindum tsajpótm, es kyaj oj dyajnejxy ja tsiyip ñe'pyñ esu tsajkaju'ungu ñe'pyñ éxtamu windsu'kun; yajnujx ja kyu'am ne'pyñ es dyajky ja windsu'kun tugok je'eyu mut winu xuu winu tiempu, es du'un oj xyajnitsókum winu xuu winu tiempu.

¹³ Ko naaguty kyawa'adsuty éxtum jyana'añ ja Moisesu 'yana'amun, yu teedyuty tyukx-ijxkudu ja tsiyibu ñe'pyñ es ja tooru ñe'pyñ, es mut ja terneeru jyaam di'ibu tu ñejxy windsu'kun. Du'un yajkyudyuun ja ana'amun es yajpujta'aky ja ja'ay wa'ats ma ñini'x. ¹⁴ Pan du'un ja ja'ay nikuajxy wya'atsy, waanu ni'igu ja Kristu ñe'pyñ tmudaty ja muk'ajtan es dyajwa'adsat ja njot nwinma'añajtan es nmudu'unam ja Diosu jiiikyryu, ja'a ko mut yu'ugyujxm ja Espiritu Santu ja Kristu ñayajku ma Dios es wyindsu'kun'aty, ni nu'anu axuk'ajtan.

¹⁵ Es paaty ja Jesukristu tjujkuwa'ku mut ja 'yo'kun es dyajti'igyuya'añ ja Dios mut ja naxwiñudu ja'ayuty mut tu'ugu jembyu kajxy'átyryu, es yajma'xta'ayut tugekyu ja pojpu di'ibu tu yajtuñ ma ja jawyiimbu kajxy'átyryu. Du'un ttuun es di'ibaty ja Dios oj wyinwitsudu, t'axájudat ja kuma'añ winu xuu winu tiempu di'ibu Dios oj twanda'aky.

¹⁶ Ko yajnijáwu ko tu'ugu ja'ay 'yeeky di'ibu tu naty ja ayuk dyajwe'emy, nétnam tyuñ ja ayuk di'ibu tu dyajwe'emy. ¹⁷ Kyaj tyuñ ja ayuk di'ibu tu dyajwe'emy pan jiky'ajtpnum ja ja'ay, jaanum tyuñ ko naty tu 'yo'knu. ¹⁸ Paaty ma ja jawyiimbu kajxy'átyryu, je'eyu tyuñ ko ne'pyñ tsiyñ xye'xy. ¹⁹ Ko Moisés tkajxwa'xy tugekyu ja Diosu 'yana'amun ma nidugekyu ja'ayuty, net twijtse'ky ja lanu tsaptspu es ja isopu kepy, es dyajxe'ky ma ja tsajkaju'ungu ñe'pyñ esu tsiyibu ñe'pyñ ttaam'yo'oy mut ja nuu, es ttuknixijky ja ana'amun neky es nandu'un nidugekyu ja ja'ayuty. ²⁰ Net jyan'añ ja Moisés: "Tyadu ne'pyñ di'ibats tu nxijjxy, yu'u ñikajxpejty ja kajxy'átyryu di'ibu Dios tu t'ane'emy es xykyudyúndat." ²¹ Moisés nandu'un mut ja ne'pyñ ttukxijky ja wit tsajptujk es tugekyu di'ibu jap yajtuundup ko Dios t'awdatu. ²² Pes ja ana'amun yajkutijky es jawaanu kyaj tugekyuty wya'ats'áttut mut ja ne'pyñ. Es pan kyaj ja ne'pyñ yajtémy yaj'yéky éxtamu windsu'kun, kyaj yajme'xy ja pojpu.

Kristu 'yayo'ongyujxm ja peky wya'atsy

²³ Du'un wyatsy ja wit tsajptujk es di'ibaty jap tuump. Peru tyaadaty yu'ayu je'eyu tsajpótmudu tsajptujku 'yijxpajtan. Paaty koonam oj wya'atsy ja tsajptujk di'ibam tsajpótm mut ja windsu'kun di'ibu ni'igu tmudaty ja muj'ajtan. ²⁴ Paadyu Kristu kyaj oj tyuku ma tsajptujk di'ibu ja ya naxwiñ, ja tsajptujk di'ibu je'eyu 'yagojwinnajx'ajtyty ja tsajpótmudu tsajptujk. Kristu tujku tsajpótm es xykyuduna'ayum udsajtam Dios windum. ²⁵ Yu teedywyindsungópokuty tujkadup ma ja Waanu Wa'ats It Wa'ats Lugaar jamajt es dyaktu ja windsu'kun ja ñe'pyñuty ja tsiyivu'unk o tsajkaju'unk. Peru Kristu kyaj du'un ñayajku windsu'kun kanak ok nibudu'uk. ²⁶ Kooxyup 'yokdu'unaty, koonumxyup 'ye'ky kanak ok ko ja naxwiñudu tsyondaky es tyambaat. Per naamnum yu xuu yu tiempu di'ibu tim óknum, ja Kristu jya'ty naxwiñ es ñayákyuty windsu'kun je'eyu tugok mut winu xuu winu tiempu, es tjo'odsánu ja ja'ayudyu pyojputy. ²⁷ Extam tu yajtuk'amudajtaagu es nidugekyu ja'ayuty 'yoogut tugok je'eyu, net yajpayo'oydyut, ²⁸ nandu'un ja Kristu ñayajku windsu'kun tugok je'eyu es tjo'odsánu ja ja'ayudyu pyojputy. Es ko myinat myumajtsk okpu, kyaj ñakyñayaka'añuty éxtamu windsu'kun, minamp es tmunujxa'añ ja di'ibaty naty tu 'yaxájudu éxtamu Yajnitsókpu es 'yawix jyujp'ixudu.

10

¹ Ja ana'amun di'ibu Moisés yajmooy, du'an ja'a éxtamu awax di'ibu yajniuxe'kypy wi'ix 'yity ja oy'ajtan di'ibu miimnám, ja ana'amun kyaj jya'ajuty ja oy'ajtan ku'am. Paaty ja windsu'kun di'ibu ja'ay yajktap jumajt jumajt, kyaj mbaat ja ja'ay dyajw'umdat oy wa'ats pánuty Dios myawingoodup. ² Pes pán tay'ajtanxyup ana'amungyujxm dyajwa'atsy ja ja'ayu poyjpaty, kyajxyup t'okja'anu ja pyeky es kyajxyup t'ok'yajknu ja windsu'kun. ³ Per ja windsu'kun di'ibu ja ja'ay yajktap jumajt jumajt yajtukjamyajstap ja ja'ay ko pekyjya'ay ja'ajuty, ⁴ mut ko ja tooru ne'pyñ esu tsyiip ne'pyñ ni na'a mbaat tkayajjuge'eky yu pojpu.

⁵ Paaty ko myiñ ja Kristu, net t'amaay ja Dios:

Kyaj mij xytsyejky es myajtukwindsu'ugut ja juyuk esu myajmo'oyut ja yojxan, paaty mij tu xymyo'oyats tu'ugu nini'x.

⁶ Kyaj tu xy'oyjyawu ko ja juyuk ñitoy, ni ja di'ibu ja'ay yojxtap pekykyajxm.

⁷ Tats njanán: "Tyaats uj,

du'an éxtam jaybyety 'yity mut uj ma ja jaaybyajtan, esuts nduna'añ di'ibu mij mdsejpy."

⁸ Jawyiin jyanán ja Kristu ko Dios kyaj tteky es yajtukwindsu'ugut ja juyuk es yajtóyut ja yoxy di'ibu ja ja'ay yajktap, oy ja Diosu naty tu tjayaky ja ana'amun di'ibu tyuk'ane'embu tudu windsu'kun. ⁹ Ta jyanán: "Tyaats uj, esuts nduna'añ di'ibu mij mdsejpy." Du'an xytyuknija'am ko Dios yajjuge'eky tudu jawyiimbu maywindsu'kun es trujkta'aky ja windsu'kun di'ibu ja Kristu yajk. ¹⁰ Xyajwatsam ja Dios mut ko Jesukristu ttuñ di'ibu Dios tsyejpy ko ttukwindsu'ku ñini'x tugok je'eyu mut wínu xuu wínu tiempu.

¹¹ Nidugekyu teetyujkuty bom bom trujta'aktu ja windsu'kun nan ja'ayambu kanak ok, oyu tyadu windsu'kun ni na'a mbaat tkajo'otsy ja pojpu. ¹² Per ko Jesukristu ñayyajku tugok je'eyu éxtamu windsu'kun mut ko pojpu wínu xuu wínu tiempu, net ñaxwetsy Dios Teety 'yaga'añdsyoo. ¹³ Jam t'awixy extu ko Dios tyukmamada'agadut yu myudsipaty, ¹⁴ ja'a ko mut yu'agyujxmu tudu tugokpu windsu'kun dyajwe'emy tugekyu ak oy wínu xuu wínu tiempu ja di'ibaty nu'uyo'oy tu'uyo'oydyup es wa'ats jya'ttat. ¹⁵ Yu Espiritu Santu ti'igyu jyuna'añ, mut ko jawyiin tmadya'aky:

¹⁶ Du'an jyuna'añ ja Dios:

Oknams nbujta'agaduts ja jembyu kajxy'átypyu mut ja israelítaty.

Nbujta'agapts yu n'ana'amunaty ma jyótaty, es njaaywyu'amadats ma ja wyinma'añaty.

¹⁷ Es jatuk peky jyuna'añ:

Nina'ats ngajamyátsut ja poyjpaty es ni ja 'yaxuk'ajtanuty.

¹⁸ Es ko ja pojpu du'an yajme'xy, kyaj ñakysyékuty ja windsu'kun esu pojpu yajma'at.

N'okmawingo'onam ja Dios amumdu'uk jot

¹⁹ Mgu'ugítaty, mut ko yu Kristu tteemy dyejky ja ñe'pyñ éxtamu windsu'kun mut ja nbojpa'ajtam, paaty mbaat ndajkam amumdu'uk jot ma Dios, ²⁰ mut ko du'an éxtamu teedywindsungópk ñajxy ma ja aduudyúk es jya'ty ma Dios, nandu'anu Kristu ñayyajku windsu'kun es dya'awatsy yu nnu'ajt ndu'ajtam jembyu, di'ibu xytyukpátam ja jiky'ajtan wínu xuu wínu tiempu es xyajjo'omam ma Dios. ²¹ Mut ko nmudajtam tu'ugu teety mujpu di'ibu kyudunaapy ja Diosu jya'ayuty, ²² paaty n'okmawingo'onam ja Dios amumdu'uk jot, mut ko yajxón nnija'am ko yu njot'ajt nwinma'añ'ajtam tu wyatsta'ay es kyaj ti nbekyjya'am, es ko tu yu nnini'x'ajtam wyatsta'ay mut ja wa'atspu nuu. ²³ Min n'akmabajkam ja Jesús amumdu'uk jot, mut ko yu'u tay'ajtan tkuydyuna'añ di'ibu wyandak, ²⁴ es n'ok'uxta'ayam ja winma'añ es nnaybyudajkam nixim niyam es nmudajtam waanu ni'igu tsokan es ndu'unum di'ibu oy. ²⁵ Naagaty kyaj ñakyñaymýkudu mut ja myu'uxpajkpaty. Kyaj n'adsátsum éxtam yu'ujaty, n'oknayjyotmakmo'oyam nixim niyam, es waanu ni'igu tyam, mut ko tyimpátnap ma Jesús jyumbita'añ.

²⁶ Pán njanija'am ja tay'ajtan es n'akpekytyuun'adátsum, kyaj ñakyjyaaty ja windsu'kun di'ibuxyup nyajkam ma Dios es ja nbeky'ajtam xytyukniwátsum, ²⁷ ja'a dan je'eyu mut ja tsu'k ja'ajan n'awijx njajp'ijxam ja Diosu tyadyu'unun es ja juan di'ibu ño'kta'ayaampy ja Diosu myudsipaty. ²⁸ Ko pán kyaj tmaj'ixy ja Moisesu 'yana'amun, kyaj jyaa'ata'añ ja pa'ayo'on, yu ana'amun yajkutijkyu es 'yoogat ja pojpu tuumbu pán jaa majtsk o tuguuu testiigu. ²⁹ Pes waanu ni'igu ñitákuty ja maj tyadyu'unun di'ibu tyukta'ay tyuknajtup ja Diosu 'yU'unuk, es du'an t'uxtijtu ja kajxy'átypyu di'ibu Dios yajnaxkadák mudu ne'pyñ, es nandu'an kyaj tmaj'ixtu ja Espiritu Santu di'ibu yajmiimpy ja Diosu tsyokan ma ja ja'ayuty. ³⁰ Byeen yajxón nnija'am ko Dios jyanán: "Ujtsu du'an xypyatp es nbayo'oyudats, es tay'ajtan nmo'oyudats nidu'uk nidu'ugu tyadyu'unun éxtam pyaadyaty." Es nandu'an

juanañ: “Pyayo'oyaampy ja Dios ja jya'ayuty.” ³¹ Mæk ayo'onu'u ko nga'ajam ma ja jiiqyru Diosu tyadyu'unan.

³² Jamyatstu ko natyu Dios tu mduknijawudu ja tyy'ajtan es xymyamadaktu mat ja ma'xtujkun ja muj ayo'on ko ja axak ja'ayuty mbajudijtu. ³³ Naagaty miidsuty oj myajwingajx myajjupkajxtu es myajtundu axak ijxnide'xy, esu wiinkpety mbu'ayo'ojudu di'ibu du'un jajtu. ³⁴ Miits mmudajttu ja pa'ayo'on mat ja di'ibu naty jat ijtr tsimy pu-jxndugoty, es extu mat ja xondakan xymyamadaktu ko mbajkxudu di'ibu naty mmudajttup, mat ko mnija'adup ko tsajpótm mmudajttup di'ibu waanu ni'igu 'yoyuty es ijtram winu xuu winu tiempu. ³⁵ Pes, katu xymyastu'uttat ja mmabujkunaty, mat ko óknam ja Dios mmay'ata'anudu. ³⁶ Mudattu miidsuty ja ma'xtujkun es xytyúndat di'ibu Dios tsyejpy, es du'un xy'axájudat di'ibu yu'u tu twanda'aky. ³⁷ Pes ja Diosu jyaaybyajtan junaamp: Wingoomp ja tiempu, tim tsojk myina'añ jatagok.

Kyaj jyaka'añ.

³⁸ Di'ibu myabujkungyujxm oy wu'amp mat ja Dios,

yu'u du'un jiky'átup;

per pán tu'ujubijtr,

kyajts uj ja'a muut njotkujk'átat.

³⁹ Per udsajtam kyaj ndu'un'ajtam éxtam 'yadu'atstu di'ibáty tu'ujumbijttup es wyindagoydyu, udsajtam nbajo'omam ja Dios, es yu'u nujx xyajniitsókam.

11

Mabujkun

¹ Ko mmabujkam ja Dios, nmudajtam ja tyy'ajtan ko yu'u xymyo'oya'anam di'ibu tu xywyandakam, es nnija'am ko Dios tyiimpy di'ibu kyajx oy nga'ijxam. ² Ja n'aptujk'ajtam ja'a sitay myabujktu éxtam ja Dios 'yanmaayudu. Paadyu Dios 'yoyjya'adu.

³ Mabujkungyujxm njaygyujkam ko mat ja Diosu 'yayuk, tugekyu di'ibu ya'ijxp yajkoj jékyup mat di'ibu kyaj oj ya'ixy.

⁴ Mabujkungyujxm ja Abel twindsu'ku ja Dios mat tu'ugu windsu'kun waanu oybyu kadiinam di'ibu yajk ja 'yajtsy Kain, paaty ja Dios trujtáky ja Abel éxtamu ja'ay di'ibu tyiimpy ja tyy'ajtan es tkupejky ja wyindsu'kun. Oy ja Abel tu jya'o'knú, du'un ja'a éxtamxyup 'yakkajxy, ja'a ko yajmadya'aky wi'ix tmabejky.

⁵ Mabujkungyujxm ja Enoku Dios myunujxu tsajpótm jiiqy, es ni pán tkanaky'ijxy, mat ko ja Diosu naty tu myunejxyuty. Du'un ja Diosu jyaaybyajtan tmadya'aky ko Dios jotkujk 'yity mat ja Enok kyajnumu naty tmunejxy. ⁶ Kyaj pán mbaat ttukjotkuda'aky ja Dios pán kyaj tmabeky, ja'a ko pán myawingeempy ja Dios, koonam tmabakat ko jyaaty ja Dios es ko kyuni'xyty di'ibáty 'yuxtaaydyup.

⁷ Ko No'ee Dios 'yawa'anu ko myina'añ ja mæk tuu, mabujkungyujxm ja No'ee dyajkoj tu'ugu barku jantsy muj es tsoy'ogut yu'u mudu fyamilyu, oyu naty kyakuxe'eky ko myina'añ ja tuu; es du'un mat ko tmabejky ja Dios, ja No'ee oj wye'emy oy mat ja Dios, es dyajniuxe'ky ko pekymuut ja naxwiñudu ja'ayuty.

⁸ Mabujkungyujxm ja Abraan tmawudooy ja Dios ko ya'anmaay es pyudsámut ma ja ñax kyajpn, es ñuxat ma wiink nax di'ibu 'yaxajyaampy éxtamu kuma'añ, oy tkanijawu ma ñejxy. ⁹ Mabujkungyujxm tsyanaay wit tagoty éxtamu jaybye'xyun ma ja naxwiñudu di'ibu natyu Dios tu tyukmawandaaguty; es du'un ttuundu ja Isaa es ja Jakoob, di'ibu naty tu t'axájudu nandu'unu tadu wandakan. ¹⁰ Es Abraan tamu naty t'awixy ja kajpn mat ja potsy ujxu mækru, di'ibu Dios tyuknibujtáky es yajkoj.

¹¹ Mabujkungyujxm ja Abraan t'axaju es 'yu'unkteety'ata'añ oy naty jyamujja'ay'ajnu, esu Saaru kyaj mbaadu naty 'yu'unkmadáty, mat ko Abraan myabujk ja Dios ko kyudyunaampy ja wyandakan; ¹² es du'unu tyadu Abraan, di'ibu oy naty jyamujja'ay'ajnu, tmudajty tugoymyayu tyuamp 'yaadsuty, jantsy may éxtamu madsa'a tsajpótm o éxtamu pu'u jikymyeyñbyu'aay, di'ibu ni pán mbaat tkamadsyoy.

¹³ Nidugékyadyu tyadu ja'ayuty 'yo'ktu es kyajyum oj t'axájudu di'ibu Dios oj tyukmawandaagudu; per mabujkungyujxm oj jagam tmuj'ijxpejty xondakan muut, es tjaygyujkadu ko jyabye'xy'áttu ya naxwiñ. ¹⁴ Pes di'ibu du'un tyuundup, ja'a yajjagyujkúp wa'ats ko 'yak'uxtaapyñm ma kyugajpn'átat. ¹⁵ Kooxyup ja'a twinma'añ'áttu ja ñax kyajpn ma tu tsoyóndu, tuuxyup ñajumbijnudu; ¹⁶ per kom ja'a du'un tsoyoktup ja waanu oybyu kajpn, ja'a njuna'anam ja di'ibu tsajpótm, paadyu Dios kyaj ttuktsoydyúñ es jyana'añ ko yu'u Dios jya'ay'átudu, pes tam ya'ukjukudu tu'ugu kyajpn.

¹⁷ Ja Abraan, ko Dios 'yanmaayy es ttukwindsu'ugudat ja 'yu'unlk, myumadoo ja Dios es nujx dya'ooga'añ ja 'yu'unlk Isaa es wyindsu'kun'átat, oyu naty ja Dios tyukwandakudu ko 'yanmaayy: ¹⁸ “Yu'ugyujxmu Isaa xymyudátat ja tuamp aats.” ¹⁹ Du'un ttuúñ mat ko

tpawinmaay yajxon ko Dios mbaat dyajjikypyéky ja Isaa. Es ja'agyujxm ko tu Abraan tuknibujtaagu es dya'oogut ja 'yu'unlk, du'unu naty éxtamxyap ja Abraan t'axaju jatugok jiiky ja 'yu'unlk ma naty tu t'ok'yajkpu windsu'kun.

²⁰ Mubujkungyujxm ja Isaa t'anmaay ja Jakoob esu Esá'uu ja kunu'xun di'ibu minamp. ²¹ Mubujkungyujxm ja Jakoob ko naty tyim'ooganna, tkuni'xy ja 'yókuty, Josee 'yu'unguty, es ñaygyudijyuty ma ja tyajk es t'awdaty ja Dios. ²² Mubujkungyujxm ja Josee ko naty tyim'ooganna, t'anmaay ja myuga'axaty ko Dios yajpudsama'anudu Ejiptu es yajnujxa'anudu jatugok ma ja kya'amgajpn, es paaty ja Josee ttuk'ana'amdu ya'ujaty, t'anumudu: "Ko miits mbudsámdat yaa, myajnujxtap nandu'an ja nwaay nbajkuts."

²³ Mubujkungyujxm ja Moisesu tyaak tyeety yaj'ya'ku tugak po'o ayu'udsyu, mut ko jyantsytsyujaty es kyaj ttsu'kudu es tkakuydyunat ja reyü 'yana'amun. ²⁴ Mubujkungyujxm ja Moises ko oj ya'knu, kyaj tkupejky es ya'andijut ko myaank'átyuty ja reyü ñuux. ²⁵ Waanu ni'igu tsejky es axuuk yajtunat mut ja Diosu jya'ayuty, es kadiinamxyap ko tuk tsojk pekyoty xyonda'agut. ²⁶ Es mut ko 'yawijxyru naty ko ja Dios myo'oya'añudyu naty may'ajtan, paaty twinmaay ko waanu ni'igu 'yóyuty 'yayówat mut yu'ugyujxm ja Kristu, kadiinam tmudátat tugekyu ja myukja'ay'ajtanuty ja Ejiptu ja'ayuty. ²⁷ Mubujkungyujxm ja Moises kyaj ttsu'ku ko 'yékuty ja rey, es tso'on Ejiptu; es dyaj'yo'oy ja tyu'u éxtam jyawu t'ixy ja Dios ku'um, oy ni pán mbaat tka'ixy ja Dios.

²⁸ Mubujkungyujxm ja Moises ttuun ja pasku xuu, es ttuk'ane'emy ja israelituty es ttuknix-ijktut ja tyujk agaj mut ja borreegu ñe'pyñ, es du'un ja anklus di'ibu Dios kyajx es dya'oogut ja Ejiptu ka'axkópkuty, kyaj dya'oogut ni tu'ugu israelitu jya'ayuty. ²⁹ Mubujkungyujxm ja israelitu ja'ayuty ttuknajxtu ja Tsapts Jikymyejyñ éxtam jyawu windu'atstuu; per ko ja Ejiptu ja'ayuty nandu'un tjatuknaxandu, nidugekyu ñuuj'xtaadyu.

³⁰ Mubujkungyujxm ja Jerikoo kajpn nabots kyudaadaay ko ja israelitu ja'ayuty tna"awdijtu ja kajpn juxtujk xuu. ³¹ Mubujkungyujxm ja kujeñdyo'oxy Raap kyaj 'ye'ky ko kyudaadaay ja kajpn nabots, mut ko yu'u t'axaju es dyajajjtáky ja majtskpu ijxtuumbu.

³² ¿Tits n'aktinnimadya'agut ni'igu ja ja'ayuty di'ibu myubajktu Dios? Pes kyajtsu tiempu nmudaty esuts nnimadya'agut ja wiink ja'ayuty éxtamu Jedeón, Barak, Sansón, Jeffee, Davit, Samwel esu wiingátypyu ja Diosu kyugajxpaty. ³³ Mubujkungyujxm myamadaktu wiink naxwiñudu, tyuundu di'ibu dan tuy'ajtan, 'yaxájudu di'ibu Diosu naty tu tyukmawandaagudu, yajmujk ja kaaju 'yaa, ³⁴ yajpi'tstu ja muj juun, yajtsók kadiibu 'yoogut mut ja espaadu, myujaadujku ko naty ja myujaa kya'ity, naybyujtákuu jotmuk ma tsiyitundu, es myamadaktu ja myudsip di'ibu tso'ondup wiink naxwiñudu. ³⁵ Japu toxytyujk di'ibu Dios yajjikypyujkxudu ja 'yo'kpaty.

Peru wiingátypyu ja'ayuty 'yo'ktu ayonon jajp'am mut ko tmubajktu ja Dios, es kyaj t'uxtijandu ja Dios es tsoy'ogut; mut ko ñija'adubu naty ya'ujaty ko du'un 'yooktat, óknam ja Dios nujx yajjikypyukudu mut ja waanu oybyu jiky'ajtan.

³⁶ Naaguty yajnixik yajtukxiktu es yajwojptu. Wiingátypyu yajtsiimy kawuñ mut ja kadenu. ³⁷ Naaguty 'yo'ktu kuka'atsy, wiingátypyu 'yo'ktu kimy mut ja espaadu, esu wiingátypyu yajju'twa'xy. Naaguty jyuditta éxtamu ayoobu ja'ayuty maayam, ya'ayu wyit'ajttap ja borreegu ak esu tsiyip ak, ni ti tkamudajtu, pyajudijtudu ja ja'ay es axuuk yajtuundu. ³⁸ Tyadu ayoobuty jyudijtu win'aamy wimbejy es jyiky'ajttu aangoty es nax jutoty. Tugekyu tyaadu, Dios mduumbuty ya'u, es pánudyu naxwiñudu winma'añ ja'a'ajttap kyaj ñitakuty es jyiky'áttat ti'igyu muut. ³⁹ Mut ko tmubajktu ja Dios, ja'agyujxm ya'oyjya'adu. Oyjyadu'anuty, ni pán nidu'uk ya'ujaty tka'axaju di'ibu Dios wyandak, ⁴⁰ mut ko Dios tu naty ttuknibujtaagu waanu oy mut adsajtam, ja'a yu'u es je'eyu mut adsajtam 'yittat kexy ka'pxy oy es wa'ats.

12

Ayo'on ko Diosu 'yayuk kyayajmudóy

¹ Paaty ko nnija'am ko may ja ja'ay nmudajtam nbu'aay'ajtam di'ibu yajnujxak'k ja myubajkun, n'ok'yajjugakum tugekyu di'ibu xy'adsipam, es nmatstútum ja peky di'ibu xyajwinma'añjyo'pam, es kyaj n'anuxam ndu'unam di'ibu Dios tseyjpy, es n'okpayu'kam muk ma tadu puyukkiyxuyak di'ibu nmudajtam winduuy.

² N'okpajtakum ja n'ijxan'ajtam ma Jesús, di'ibu yajjaa'ajtpy es yajka'pxyru ja nmubajkan'ajtam. Ayoo ja Jesús ko 'ye'ky kruuzkujxy, kyaj tmujpajtak ja tsoydu'un, es tyam 'yu'uñu 'yu'aaaybyajn aga'añdsyoo ma Dios yajkutiky tsajpót.

³ Yaj'yo'oydyu miidsuty ja mjot mwinma'añ wi'ix ja Jesús jyantsy'ayooy pojpu ja'ayuty kyaj'ujoty, es kyaj m'anuxadut es ni mgatsipka'axtat. ⁴ Pes miidsuty kyajnam m'ooktu ko xymyudsipsoonu ja pojpu; ⁵ es tu xyja'aydyugódyu miidsuty ko Dios mjakajxwíjudu éxtamu jyaaybyajtan jyana'añ:

Nitítaty, katá xýkyo'oyjáwadu

ko ja Nindsun'ajtam mjujwijsambítadat,

es katá xymyádsipke'exy ko mmakmugajxadat,

⁶ mat ko jyjwijsambijitypy di'ibu ya'a tsyejpy,

es tyukkumudeepy nidugekyu di'ibu 'yaxájur éxtamu 'yu'unk 'yuna'k.

Du'un jyuna'añ ja Diosu jyaaybyajtan. ⁷ Miits mgupáktur ja m'ayo'onaty éxtamu Diosu

jyjwijsambijitan, mat ko tyadu ayo'on ya'u mduk'ijxur ko Dios du'un mjaréjta'agudu

éxtamu 'yu'ungu. ⁸ Tii jaa da una'ku'unk di'ibu kyajpu tyagak tyeety jyjwijsambítada? Kyaj,

¿kudii? ⁸ Per pun ja Dios kyaj miits mjujwijsambítadu éxtam nidugekyu 'yu'unk, pes kyajpu

dan mij m'u'unk'átada, du'un miidsaty éxtamu páxykyuty. ⁹ Ko ijty nmutsku'unk'ajtam,

ya ndaak'ajt ndeety'ajtam nmay'ajt nwindu'kam, es xyjwijsambijitam, es waanu ni'igu

tsyékyuty es nnaydukkudajkam ya nDeety'ajtam di'ibu tsajpótm, es du'un nmudajtam

ja jiky'ajtam. ¹⁰ Yu ndaak'ajt ndeety'ajtam xyjwijsambijitam éxtam ya'adyu kyu'am

winma'añ mat ko nduk'oy'ata'anam, es je'eyu xytyu'unxam waana tiempu; peru Dios

xyjwijsambijitam es nduk'oy'ajtam es n'ijtam wa'ats éxtam ya'u, es du'un njiky'ajtam mat

ya'u winu xuu winu tiempu. ¹¹ Táy'ajtam ko ni tu'ugu tadyu'unan kyayajjáwu oy, ni'igu

yajjáwu muk; per di'ibu myaya'kup ja tadyu'unan, myudajttar óknamu jotkujk'ajtam mat

ko jyiky'aty wa'ats.

N'okpujtákam ja njot'ajt nwinma'añ'ajtam ma Jesús

¹² Paaty, katá xymyádsipka'axtu miits ya tyadu ayo'on, es katá mdu'un'áttu éxtamu

ja'ayuty di'ibu kyu'u tyeku tu 'yanu'xanu; ¹³ ittu éxtamu ja'ay di'ibu oy je'epy, du'un

xypyudákadat ja ja'ay di'ibu tekywyi'its, es 'yaguda'agut ja tyeku, es kyaj ni'igu 'yadónat.

¹⁴ Úxta'aydyu es m'ittat ti'igyu otyyim pánaty muut, es jiky'attu tu'ugu jiky'ajtanu

wa'atspu, mat ko du'unu dan je'eyu mbaat mduku tsajpótm es mjiky'áttat mat ja Dios.

¹⁵ Naymyajttagóyudu es kudiiu ni pán miits mgatagoy'ajtxadat ja Diosu mayja'ajtam, es

nidu'uguty mga'ittat éxtam ja ujtšu ta'ambu di'ibu pa'amduump esu mayja'ay ja pa'am

ttukpaaty. ¹⁶ Exkam miidsaty nidu'uk mma'indundu, es kyaj xypyáxtat ja Diosu myay'ajtam,

éxtamu Esa'uu, di'ibu pyajxy ja ka'axkopt'ajtam es ttukwingubejky ja tojx di'ibu tagok je'eyu

tyojxy. ¹⁷ Nnija'am ko óknam ja Esa'uu tja'axajyáñ ja tyeedyu kyunu'xan, per oj ya'axtijy;

es oy ok jyajyay jyajxy, ni wi'ix tsoo oj mbaat tkanakyyajtagátsy éxtamu naty tu 'yadu'utsy.

¹⁸ Kyajyám miits xymyawingoondu tu'ugu kopk di'ibu yajtoomp es di'ibu teepy, ma ja

agoodspu esu muk poj, ¹⁹ ma ja trompetu ya'axy, es ma ja Diosu 'yaa yo'kn. Pánaty myadóodu

ja 'yaa yo'kn oj tmanu'xta'aktu es kyaj 'yokmugajxanut, ²⁰ mat ko kyaj tnamadaktu ja

ana'amun ma jyuna'añ ko oogur kuka'atsy ya ja'ay o otyyim di'ibu añimálaty di'ibu pajtk ma

ya Sina'ii Kopk. ²¹ Nūgoo jyantsyñay'adsu'kanuty éxtam di'ibu ya'ijx, éxtamu Moisés ku'am

jyuna'ñ: "Tsayiibyuus mat ja tsa'ugu."

²² Per tu miits xymyawingoondu ja Syon Kopk jam Jerusalén, ja Diosu kyajpn di'ibu ijtp

tsajpótm, ma 'yity kanak milu ánkusaty di'ibu naymyujkadur mat ja ijt xo'onan, ²³ ma nimay

ja Diosu 'yu'unk 'yuna'kuty di'ibu xuu ijtp jaaybyéty tsajpótm. Tu miits xymyawingoondu

ja Dios, di'ibu nidugekyu ja ja'ay pyaye'epy, es nan tu miits xymyawingoondu ja ja'ayu

jya'ajanaty di'ibu jiky'ajtta táy'ajtam muut es o'kta, esu Dios tu pyajta'agudu ak oy ak wa'ats,

²⁴ ma Jesús, di'ibu kyudunaapy ja ja'ay ma ja jembyu kajxy'átyryu, es ma ja ne'pyñ di'ibu tu

xyajwátsum es ni'igu oy tnigajxy kadiinam ja Abelu ñe'pyñ.

²⁵ Dios tyadyuun di'ibu kyaj tsojktu es tkuydyúndat ja ana'amun di'ibu yajk

ma ya Sina'ii Kopk. Exkam ko xykyatundu kwentu di'ibu xytyukmumadíákam ja

tsajpótmudu. Pes waanu ni'igu maku tadyu'unan xypyátam pun kyaj nguydu'unam

di'ibu xyja'anma'ayam tyam. ²⁶ Ma Sina'ii Kopk ja naxwíñudu tsayiiipy es pamiimp

ko Dios tmugajxy ja israelituty. Per tyam xtyukmawandákam: "Jatagókuts je'eyu

nyajtsuyaya'añuts kyaj ya'u jje'eyudyu naxwíñudu, nandu'un ja tsajp." ²⁷ Ko Dios jyuna'ñ

"jatagok", ja'a 'yandijpy ko tugekyu di'ibu tu dyajkojy, yajjuga'agaampy di'ibáty mbaat

yi'xy, es du'un 'yítat di'ibu kyaj mbaat yi'xy. ²⁸ Ja it lugaar ma Dios yajkutiky, ma n'ita'anam

es kyaj ja'a yaj'ixy, wu'amur ya'u winu xuu winu tiempu. Paadyu Dios nja'aygyudákam es

n'awdajtam éxtam pyaadyuty, ²⁹ mat ko ya Nindsun'ajtam Dios, du'un ya'u éxtam ja juun

di'ibu yajkutugeepy.

13

Wi'ixu Dios ttseky es njiky'ajtam

¹ Du'ñam mnaydsyókudat nixim niyam éxtam tukka'axpun. ² Kyaj xyja'aydyugóydyut es

m'oyjya'ay'áttat mat ja di'ibu jajttar ma mdujk, pes naaguty ni tkanijawu tu dyajjajtta'aktu

anklus.

³ Mjamyátstap xykyu'ixtadu pujxndujk ja'ayuty, du'un éxtamxyup miits nandu'un m'ittu tsimy mat ya'ujuty. Pawinmaydyu nandu'un di'ibu axuuk yajtuundap mat ko tmadunda Kristu, du'un éxtamxyup miits nandu'un axuuk tu myajtúnda.

⁴ Byeenam miits xywyindsu'ugudat ja puik ukun. Mudattu wa'ats ja puik ukun. Mat ko Dios tyuydyundap pánuty ma'induundap es di'ibu kyaj twindsu'uguda ja puik ukun.

⁵ Katu xy'adsoktu meen. Jotkujk'attat mat di'ibu mmadajttap, mat ko Dios tu juna'añ: "Ni na'a ngana'ixat, es ni na'a ngamastu'udat." ⁶ Paaty amumdu'uk jot njuna'anam: Yu Nindsun'ajtam Dios yu'uts xypyudujkap.

Kyajts ndsu'ugat kots pan wi'ix xytyuna'anat.

⁷ Byeen xytyimjamyátstap wi'ix tmaduunda ja Kristu ja ja'ayuty di'ibu miits mduk'axpujkadu ja Diosu 'yayuk, es mjamyátstap wi'ix ja jyiky'ajtan kyugujxudu, es du'unu dun miits nandu'un mjiky'áttat.

⁸ Extam Jesukristu 'yijty, du'un tyam 'yity, es du'añam 'yita'añ winu xuu winu tiempu. ⁹ Ak tim panujxtu Kristu, es katu xypyanejxy ja wiinkru axpujkun di'ibu myadyáktap tugatsy. Ni'igu oy ko nyajmuktakam ja njot'ajt nwinma'añ'ajtam Dios myay'ajtangyujxm es kyaj ja'agyujxm ko tii ja'ay kyaay 'yúktap windsu'kangyujxm, pes di'ibu kyaay 'yúktap kyaj ti tsooty.

¹⁰ Údsajtam nmudajtam tu'ugu artal ma yajpujta'aky ja windsu'kun, es kyaj pyaadyuty tju'xat ja teetyujk di'ibu tuundap ma ja israelitu ja'ayuty twindsu'uguda ja Dios. ¹¹ Ja teedywindsungórk yajnujxtap ja juyujk añimalu ñe'pyñ ma ja Waanu Wa'ats It Wa'ats Lugaar, éxtamu windsu'kun es ja ja'ayuty ja pyojru ñiwa'adsadat, per ja juyujk añimalu ñini'xaty myunujxtap kajpnbu'am es ñitóyut. ¹² Nandu'un ja Jesús ñayyajku windsu'kun kajpnbu'am, es mat ja ky'um ne'pyñ dyajwa'adsat ja naxwiñudu ja'ayadyu pyojru. ¹³ Pes n'okpajo'omam ja Jesús kajpnbu'am, es jamu ja'ay xy'axuk'ijxam éxtamu Jesús ya'axuk'ijxy. ¹⁴ Kyaj ya nmudajtam ja nax kajpn di'ibu ijtp winu xuu winu tiempu, ja'a n'axta'ayam di'ibu miin kudakp. ¹⁵ Paaty éxtamu nwindsu'kun'ajtam, du'añam n'ok'awdajtam ja Dios mat ja Jesukristakyujxm, es n'awdajtam ja Dios mat ja n'aa'ajtam. ¹⁶ Kyaj xyja'aydyugódyut es xytyúndat di'ibu oy esu ja'ay xypyudákudat muat di'ibu mmadajttap. Ko du'un xytyúndat, Diosu du'un mwindsu'kudap, es yu'u du'un 'yoyjya'ap.

¹⁷ Dios tu pujta'aky naaguty es mgwentu'átudat es mya'axpákudat miidsuty éxtam ja Dios tteky mjiky'áttat, mat ko ya'ujuty kyuyáktabu kywentu ma Dios. Mamadowdu ya'ujuty yajxon, es du'un mgwentu'átudat es mya'axpákudat xonda'aky'aa xonda'akyjyót; per pan kyaj xymuamadowdu miidsuty, jotmay'ooktap ya'ujuty es ni wi'ix tsoo kyaj du'un oy mdu'unxudat.

¹⁸ Nigajxtákudats uudsuty. Tyy'ajtanuts uj njuna'añ, kyajts tii nbekyjyáwudu es njiky'ata'andats wa'ats éxtam ja Dios tteky. ¹⁹ Waanu ni'iguts n'amadowdu es xymyuanu'xta'áktat ja Dios esats njumbítat tsojk ma miidsuty.

Kajxpo'xun

²⁰ Ja Dios, di'ibu yajkypy ja agujk'ajt jotkujk'ajtan es dyajjikypyejky ja Nindsun'ajtam Jesús, di'ibu ijtp éxtam ja oybyorreegu kwentu'ajtpu es ñe'pyñgyujxm oj xytyukmaw'umam ja kajxy'átyryu di'ibu tuump winu xuu winu tiempu, ²¹ wa'anu Dios mmo'oyudu tugekyu di'ibu oy, es xytyúndat di'ibu tsyejpy, es Jesukristakyujxm pujta'agut ma mjot mwinma'añuty di'ibu 'yoyjya'ap. N'ok'awdajtam ja Dios, di'ibu myudajtyry ja mu'ajtan winu xuu winu tiempu. Wa'an du'anaty.

²² Mugu'ugítaty, nmunu'xtáktap tsujti'knu miidsuty es xy'axájt es xykyuydyúndat yajxon ya ngajxwijnuts di'ibu tu nmo'oydu ma tyadu nekyu'unk. ²³ Nandu'un n'awanudu ko yu nmagu'uk'ajtam Timotee tu 'yawaw'atspudsémy, es pan jajtp tsojk, najxapts muat ngu'ixtu miidsuty.

²⁴ MayDios xy'anumudat nidugekyu di'ibáty m'uwij mgajxwíjjudap, es nidugekyu Diosu jya'ayuty. Nandu'un ja italyanu ja'ayuty mduknigáxudu Dioskajxy nidugekyu.

²⁵ Wa'an ja Dios mgunu'xudu nidugekyu miidsuty.

Neky Di'ibu Santya'agu Jyaay

Dios yajkypy ja wijy'ajtan

¹ Ҫj Santya'agu, Diosu myuduumba esu Nindsun'ajtam Jesukrista myuduumba. Ndukni-gajxtaptsu tyadu neky majmajtsk ja Israelu myaangu tyuamp 'yaats di'ibu oj ñajxtu tsunaabyu ma wiink naxwiñudu.

² Mugu'ugitaty, nayjyawudu jotkujk ko myinut oytyim di'ibu ayo'onaty. ³ Pes mnija'adap miidsaty ko m'ijxmatšudu yu ayo'on ja'agyujxm ko xymyubuktu Nindsun'ajtam, miits m'xpraktap es xymyamadat'aktut oytyim di'ibu ayo'onaty. ⁴ Ja'a tsojkap es xyjattat wi'ix oy xymyamadat'aktut ja ayo'on, du'un m'ittat kexy ka'pxy éxtamu Dios tseky, es kudii ni tii mdugoy'ajtxudat.

⁵ Pán miidsaty nidu'ugaty mdugoy'ajtxap ja wijy'ajtan, amdowdu Dios, es ja Dios mmo'oyudap; ja'a ko yu'u ñayajkypy yajxon, ni je'eyu xykya'o'om. ⁶ Es ko xy'amdowdu, koonam tsyékuty es xy'amdowdu mudu mubujkan, es kyaj xyujjprjawudat; ja'a ko di'ibu juyjpra'ap, du'un yu'u éxtam ko ja jikymyejyñ ñikapy es ja poj yajnejxyaty xidsoo yadsoo. ⁷ Di'ibu du'un éxtamu tyaadu, nanatuku ti t'awixat mat ja Nindsun'ajtam, ⁸ mat ko tuk peky tteky tyam, es bom dyajtagatsy ja wyinma'añ.

⁹ Ja nmugu'uk'ajtam di'ibu ayo'o jottageery, nayjyawudap agujk jotkujk mat ko Dios yu'u pudakudap. ¹⁰ Es ja di'ibu makja'ay, nayjyawudap agujk jotkujk ko natyu Dios 'yamútskyaty. Ja'a ko du'un yu'u éxtamu puji di'ibu ijtr ujtsoty, kyaj jeky 'yity. ¹¹ Ko xuu pyudsemy es mak 'yañ, ni'xp ja ujts, es ja pyajy kya'ay, ta tyugoy ja tsuy'ajtan. Du'un ja makja'ay tyugoyut ko naty ni'igu ñayajmakja'aydy'a'aga'añaty.

Kyaju Dios pán dyajpekytyñ

¹² Jotkujk ja ja'ay ko dyajnaxy ja ayo'on mat ja ma'xtujkan, es mudu tyaadu mo'oyudap ja Dios ja jiky'ajtan winu xuu winu tiempu di'ibu Dios wyandak tyukmay'ata'añaty nidugekyu di'ibaty tsojkadup. ¹³ Ko pán ñayjyawuty pyekytyuna'añ, kyaj jyuna'anat ko Dios mo'oyudyu tadu winma'añ, mat ko kyaj pán mbaat ttuñ esu Dios pyekytyunat, es kyaj Dios ti ttuñ es ja ja'ay pyekytyunat. ¹⁴ Ja'agyujxmu ja'ay pyekytyuna'andu ko ja 'yadsojkan ñaydyukwin'uanudu, es mat ja kyu'umdsokjan ñayajtagóyaty. ¹⁵ Ko ja'ay tsoktu di'ibu kyaj 'yóyaty, jaa myiñ ja pojpu; es ko tyadu pojpu myujwindáknu, jaa myiinnu ja o'kan.

¹⁶ Mugu'ugitaty, katú mnaywyin'uanudu. ¹⁷ Tugekyu oybyu esu tsujpu, Dios ja'a yajkypy, di'ibu tu trajta'aky ja jaj tu'xun tsajpótam. Dios Teety ijtramu'u éxtam 'yity, kyaj tyugatsy. ¹⁸ Tsojkkanguyujxm tu xymyo'oyam yu njiky'ajtan'ajtam winu xuu winu tiempu mat ko n'axájum ja tu'y'ajtanbu ayuk, es ndu'un'ajtam éxtam ja jawyiin tuamp ma tugekyu di'ibu Dios yajkoj.

Mubujkan

¹⁹ Mat ko tyaadu du'un nnija'am, mugu'ugitaty, miidsaty nidu'ugaty m'ittap xy'awixtat es xymyudoo'ittat di'ibu mya'awa'anudap. Es katú mnay'oojudu mat waanu tii, es kyaj mnayyajtot'ambúkudat mat waanu tii. ²⁰ Mat ko yu ja'ayaty di'ibu ajkap, kyaj du'un ttuñ ja Diosu tsojkan. ²¹ Paaty mastu'uttu tugekyu di'ibu kyaj 'yóyaty es ja axak winma'añ di'ibu muijwindujkap ya naxwiñ, es axájudu tuda'akytyi'knu yu kajxwijn di'ibu Dios tu trajta'aky mjodoty mwinma'añoty. Mat ko tadu kajxwijn myudajtypy ja mak'ajtan es dyajnitso'ogudu m'anmaja'an.

²² Paaty kuydyundu éxtam jyuna'añ ja Diosu jyaaybyajtan; katú je'eyu xymyudoo'ittu. Mat ko pán je'eyu xymyudoo'ittu es kyaj xykyuydyundu, ku'am mnaywyin'uanudu miidsaty. ²³ Di'ibu je'eyu tmudoo'ity ja Diosu jyaaybyajtan es kyaj tkuydyuñ, ²⁴ du'un yu'u éxtamu ja'ay ko tku'ixu ijxnóty ja wyiin juyjpr, es ko ñejxy wiink tsoo, kyaj tnakyjyamyetsy wi'ix 'yixyaty. ²⁵ Per ja ja'ayaty di'ibu kyaj tjá'aydyugóy di'ibu myudeery, es ti'igyu trajta'aky ja wyinma'añ wi'ix ja tím oybyu ana'amun jyuna'añ di'ibu yajwu'amp awa'atstúm, es du'uñam traduñ yu ana'amun, kunu'xadap ja Dios.

²⁶ Per pán nayjya'ap ko twindsu'ugu Dios, es nugoo ñanigajxy ñakuxkajxy, naywyin'u'unup ku'am es ni ti tkatsooty di'ibu 'yandijpy twindsu'ugu Dios. ²⁷ Di'ibu oy 'yawdajtypy ja Dios, pyudajkap ja ke'egyu'ungaty esu ku'ekytyo'oxyaty ko 'yayow jyottagooodyu, es kyaj ñaya'axuhgaty mat ja naxwiñudu winma'añ.

2

Ayoobu ja'ay esu makja'ay, ti'igyu nnaydsyojkan

¹ Mugu'ugítuty di'ibu myubajktap ja Nindsun'ajtam Jesukristu di'ibu ni'igu myudajtypy ja mui'ajtan, kyaj xywyin'ixtat ja ja'ay ni tu'uk es jatuk. ² N'okpajtakum ko myiñ ma miits mnaymyúkuđu tu'ugu makja'ay di'ibu oyu wyit ñijam es mat ja kyuijts ak ooru, es myiñ net tu'ugu ayoobu ja'ay mat ja wyit ñijam patsy patsy, ³ es pun miits m'axájudap yajxon ja di'ibu oy xyoxy, es xy'anuumadut: "U'uñ yaa ma tyadu oybyu uñaaybajñ", per ja ayoobu ja'ay xy'anuumadut: "Mij tanu jar", o "U'uñ yaa naxkajxy", ⁴ madu taadu xyaxuyty ko xytyoktu ja makja'ay es xy'axtijty ja ayoobu ja'ayuty. Ko xytyuudu da'un mat ko m'adsoktu, mbekytyuundabu da'un.

⁵ Madowdu mugu'ugítuty es jaygyúkuđu tyaadu. Yu ayoobutajkaty di'ibu ijtup ya naxwiñ, yu' da'un ja Dios tu wyin'ixudu es ni'igu ja mubajkun tmadattut es t'axájudut éxtamu kyuma'añuty es jyiky'átut tsajpótm mat ja Dios, mat ko Diosu da'un tu twanda'aky tmo'oya'añ punaty tsojkudap; ⁶ per miits mduktsoyduundap ja ayoobu ja'ayuty, mat ko xymyay'at xywyindsu'agudu di'ibu makja'ayuty. ¿Ti kyaj yu makja'ayuty yu' da'un di'ibu mwijts mbo'tadap es mui'uumudu kumdattagoty? ⁷ ¿Ti kyaj yu'ujaty di'ibu kyajxpáttap ja tsujti'knubu xyuu ja Nindsun'ajtam Jesús di'ibu mja'a'ajtudap?

⁸ Oyu da'un xytyuñ pun mguydyiimpy ja Diosu 'yana'amun di'ibu ni'igu myajaty ma jyaabyajtan: "Mdsokap ja mmudajkra'ajuty éxtam mij ku'am mnaidsyékuty." ⁹ Es pun miits mwin'ijxtap punaty mdsokándap, taadu da'un maut mbekyky'a'ay Dios windum mat ko kyaj xykyuydyuñ yu 'yana'amun. ¹⁰ Ko tu'ugu ja'ay tkuudyuñ tugekyu ja Diosu 'yana'amun, per mat tu'uk je'eyu tyagoy, pekyjya'ay yu'u, da'un éxtamxyap tugekyu ja ana'amun tu tkakuydyuñ. ¹¹ Ja'a ko Dios jyunañ: "Katú xyajtagóy ja pujk úkunu wyindsu'kun", jyunañ nandu'un: "Katú myajja'ay'eeky." Es da'un, oy xykyayajtagóy ja pujk úkunu wyindsu'kun, per pun tu myajja'ay'eeky, kyaj xykyuydyuñ ja Diosu 'yana'amun. ¹² Paaty miidsaty kajx madya'aktú es jiky'attu éxtam di'ibu yajnikajxtútm ma ja Diosu 'yana'amun di'ibu xy'awa'anum wi'ix kyaj n'ijtam pekyoty. ¹³ Pes di'ibu kyaj tu tmadaty ja pa'ayo'on mat ja wiingátyruu, nandu'un kyajru Dios pya'ayowa'añuty; per di'ibu tu tmadaty ja pa'ayo'on mat ja mugu'uguty, ni ti tkajajpjawaya'añ ja xuu ko ja ja'ay yajpayo'odyut, mat ko Dios pya'ayowa'añuty nandu'un.

Kyaj ti tsooty ja mubajkun pun kyaj ti oyajtuñ

¹⁴ Mugu'ugítuty, ¿wi'ix tyuñ ko ja'ay jyuna'añ ko myubejkyu ja Dios, per kyaj ti oy tuñ? ¿Tii mbaadu tadu myubajkun tuknitse'egyú? ¹⁵ N'okpajtakum, pun nidu'ugu nmamubajkra'ajtam tmadaty ja wyit ñijam ya'ayow ya'ama'at es tyagoy'ajtxaty ja kya'ay 'yukan, ¹⁶ es miidsaty nidu'uk xy'anuumat: "Nujx madu Dios, mugu'uk, es wa'an yu'u mmo'oyaty di'ibu mij mdugoy'ajtxap", es pun kyaj ti pudajkun xymyo'oy, ¿ti oy'ajtanu taadu? ¹⁷ Nandu'un jajtru dnu tyaadu di'ibu je'eyu tmadaya'aky'aty ko tmabeky es kyaj dyajniuxe'eky ma jyiky'aty, kyaj tyuñ di'ibu myubejkyu.

¹⁸ Wa'anu da nandu'un naaguty jyuna'añ: "Mij nmubejkyu ja Dios, per uñ ndiimbyats ja oybyu." Ejts n'adsowup: "Weenu, tuk'ijxkuts mij ko xymyubeky ja Dios es kyaj xytyuñ ja oybyu, es uñ mij nduk'ixap mat ja oybyu ndu'ununuts ko nmubejkyu ja Dios." ¹⁹ Mij nmubejkyu ko tu'uk je'eyu Dios. Oyu da'un ko xymyubeky; per nandu'unu muijku'udujk tmabaktu ko jyamuty ja Dios, es extu tsuyuydyup mat ja tsu'ugu. ²⁰ ¿Tii kyajnum xy'oktimjajgyujkanu mij kujuun, ko kyaj tyuñ ja mubajkun pun kyaj ti yajtuñ? ²¹ ¿Wi'ix xy'ixy ko ja n'apteety'ajtam Abraan oj wye'emy oy mat ja Dios? Ja'aguyjxm oy wye'emy mat ja Dios ko dyajnejxy ja 'yu'unuk Isaa es t'atukwindsu'ugayán ja Dios. ²² Tu xy'ixy ko Abraan dya'ijxu ko Dios tmabejky es ja'aguyjxm tmamudooy ja Dios, es di'ibu tyuun oj dyajka'pxy ja myubajkun. ²³ Es da'un yajkuudyuun éxtam jyuna'añ ma ja Diosu jyaabyajtan: "Abraan myubajk ja Dios, paadyu Abraan oy wye'emy mat ja Dios", es ja Abraan yajtijy Diosu myu'tnauyaa'yubu.

²⁴ ¿Tu xy'ixy? Oy nwu'amum mat ja Dios ko nmamudo'om ja Dios es kyaj jye'eyuty ko njuna'anum ko nmubajkun. ²⁵ Nandu'un mat ja kujen'oy'oxy Raap. Ja'a oy oj wye'emy mat ja Dios ja'aguyjxm di'ibu tyuun, mat ko t'axaju es dyu'tsy ja nimajtkru israelitu di'ibu ijxtuundap, es t'rudajku es dyajkéky ma ja myu'adipun. ²⁶ Es da'un xytyuk'ijxum éxtam ja nini'x di'ibu tagoy'ajtxap ja 'yanmaja'an, o'kpu yu'u, es nandu'un yu nmubajkun 'yity éxtamu o'kpu, pun kyaj ndu'unum ja oybyu.

3

Ya'an

¹ Mugu'ugítuty, oyu da'un ko kyaj may miits mna'ybyujta'agudu ya'uxpajkraty ma ja mubajkratujk ñaymyúkuđu. Muija'adap ko di'ibu nya'uxpajkun, yu'u waanu ni'igu pyayo'oyaampy ja Dios pun kyaj oy nguydyu'unum. ² Nidugekyu nbekytyu'unum; per pun jaa pun kyaj kyajtagóy, yu'u da'un sitay jiky'ajtr t'ajtan maut es nandu'un mbaat

t'ane'emy tugekyu ñini'x. ³ Es éxtam ko tu'ugu juyujk nduk'aja'anakum ja frenu, ja'a da'un es xymyamad'o'm es mbaat n'ana'amam tugekyu ñini'x. ⁴ Ixta nandu'an ma yu barku. Oy jyamajjatyuty esu muk poj jyayajnajxa'añuty oytyim maaty, per di'ibu 'yane'empy tyuknidijap es dyajnajxat ma tjantsyitim'yajnajxa'añ mat tu'ugu mutsk kepyu'unk di'ibu xyu'ajtyu timón. ⁵ Nandu'un jajtup da'un mat ja ja'ayuty ja ya'an. Mutsku'a, per naymyupujtákap ko kyajxy. Nnij'a'eny yajxon ko tu'ugu junya'angu'unk ño'kta'ayup ja tun kopku mujjátyru. ⁶ Es yu ya'an ya'u da'un éxtamu tadu junya'angu'unk, extu mbaat dyajtugóy ja jot winma'añ tugekyu ja'agyajxm di'ibu kyajxy. Da'un ja ya'an éxtam tu'ugu jumbajk di'ibu tu tyoy ayoodaknóty, es óknam dyajtoybyéky oytyim na'ajuty, es da'un dyajtugoodya'ay tugekyu ja ja'ayu jyiky'ajtan.

⁷ Yu ja'ayuty mbaat dyaj'yujy nidugekyu kanak naxu añimal, éxtamu joon, tsá'añ, es di'ibu jikymyeyñóty tsunaayduyup, es tu dun dyaj'yujy; ⁸ per ni pán mbaat tkayaj'yujy ja ya'an, mat ko yu'u da'un éxtamu awa'andsa'añ ja xyuwat di'ibu extu ya'o'kp es ni na'a kyape'xy. ⁹ Es mat ja nya'an'ajtam n'awdajtam ja Dios Teety, es nan mat yu'u n'amdo'om ko Dios tkajxpókat ja ja'ayuty di'ibu Dios tu dyajkojo ko ñayya'agojwinnajxu. ¹⁰ Es nan ma n'aa'ajtam pyadsemy majtsk nax ja ayuk, yu ogyajxy esu axuk kajxy. Magu'ugítaty, jkyaj'yóyaty ndu'unamu da'un! ¹¹ ¿Mbaat yu pa'ak nuu esu ta'am nuu tuk náxyuty pyadsemy ma tu'ugu nuu myuxy?, ¹² o ¿mbaat tu'ugu oliivus kepy tyuamp'áty tsabox límu, o ja muuxy'aats tyuamp'áty pox? Nan kyaj mbaat myuxy ja pa'ak nuu ma myuxy ja ta'am nuu.

Wijy'ajtan di'ibu Dios yajkypy

¹³ Pán nidu'ugaty miits nayjya'ap kuwijy es kuduy'ajtan, wa'an dya'ixyuty mat ja oybyu jiky'ajtan es mat ja yuunk'ajit naxyupuy'ajtan di'ibu miimp ma ja wijy'ajtan. ¹⁴ Per pán da'uñamu da'un miits xyñaywynnaxujáwudu es je'eyu ku'am xytyuk'oy'ata'andu, katu mdimjuna'andu ko mij mguwijy'attú, mat ko andakan yu'u es kyaj tyuy'ajtanaty. ¹⁵ Pesu tyadu da'ambu kuwijy'at, kyaj yu'u dyaky ja Dios. Yu'u wyinma'añ'ajttap ja naxwiñadu ja'ayuty, es myiñ ma yu majku'ugórk. ¹⁶ Mat ko ma ja'ay tñaywynnaxujawu es je'eyu kyu'amsdojkan dyajtuna'andu, ja nandu'un myiñ ja aku esu tsip, es tugekyu axuk'ajtan; ¹⁷ per ja di'ibu myudajttap ja wijy'ajtan di'ibu tso'omp ma Dios, tim jayujp'ajtp tmadattu ja jiky'ajtan wa'atspu, kyaj tsiyptajkuty, oyjya'ay, tuda'aky, ajiiky amagu'uk, myudajttap ja pa'ayo'on, es tyiimpy ja oybyu. ¹⁸ Pánaty tyuundap esu ja'ay tsuñnudu jotkujk, ja'agyajxm mayjya'ay tsuñnudu tui'ajtan maat.

4

Myudsip'ajttap ja Dios pánaty tsojktap ja naxwiñadu winma'añ

¹ ¿Ma ja tsip tsooñ ko ak miits mnayyajot'ambákudu es mdsiptundu nixim niyam? Pes di'ibu da'un mya'adatsudap, yu'u tadu m'axuk winma'añ ko ak miits mnayyajmujpudsuma'anudu.

² Mdsojktap otyiity di'ibu kyaj xymyudattu, es kyaj xyryaattu; myajja'ay'o'ktap es naywynnaxu xyjáwudu ko ja'ay ti tmadaty, per kyaj ni wi'ix tsoo xykyapaattu es xymyudáttat di'ibu mdsojktap. Mdsiptuun mdsipkajttap. Kyaj xymyudattu di'ibu mdsojktap mat ko kyaj xy'amdooy ja Dios; ³ es pán m'amdoodap, kyaj mmo'oyudu mat ko xymyudattu axuk winma'añ es mat ko je'eyu xyajtuna'andu ma mgu'amsdojkan.

⁴ Miits, ja'ayuty di'ibu Dios myastúttap, kyaj xyñijáwudu ko pán naymyaayup mat di'ibu ijtp ya naxwiñ, kyajp ja Dios tsookty. Pánaty tsojktap es ñaymyaya'anudu mat di'ibu ijtp ya naxwiñ, myudsip'ajttap ja Dios. ⁵ Pes kyaj ñanagoobuty ja Diosu jyaaybyajtan jyuna'añ ko yu ja'ajun di'ibu Dios tu tpa'at'aky es lyitit ma udsajtam, yu'u tseyjpy es udsajtam je'eyu xyja'a'ajtam. ⁶ Peru Dios xypudujkam ni'igu mudu myay'ajtan. Paaty jyuna'añ ja Diosu jyaaybyajtan: "Dios'yuxtiipy di'ibu muj kujxmup, per pyudajkup myay'ajtangyajxm di'ibu yuunk náxyuputy." ⁷ Paaty naygyuyákudu ti'igyu ma Dios. Katu xykyupaktu ja majku'ugórk, net miits mguga'agudat. ⁸ Mawingonda Dios, es yu'u nandu'un mmawingónudap miidsaty. Yajwa'atstu mgu'a esu mjot mwinma'añ, miidsaty, pojpu ja'ayuty es di'ibáty 'yaduunmukándap da'un di'ibu Dios tseyjpy, es nandu'un ja naxwiñadu winma'añ. ⁹ Ya'ixudu ko tui'ajtan mjotmay'eeky mat ja mbojpaty. May tajtu es jáwudu. Yajtagátstu mxik mxo'onun mat ja mju'uy myaxun, esu mxondakan yajtagátstu mudu m'amay mjotmay. ¹⁰ Amutsk'attu ma Dios, es yu'u mbujta'agudap muj.

Kyaj nnibi'tskajxm ja nmagu'uk'ajtam

¹¹ Magu'ugítaty, katu mnayñ'ow mnayñiyaxudu nixim niyam. Di'ibu ñi'o'o ñiyáxup ja myugu'uk es tñibi'tskajxu, da'un ja'a éxtamu ja'ay di'ibu junaamp ko kyaj tugekyu ja Diosu 'yana'amun tyuñ. Es pán mjunaamp ko tam ja Diosu 'yana'amun di'ibu kyaj tyuñ, kyaj mij xykyuydyuñ ja ana'amun, da'un mij éxtamu ana'ambuñ di'ibu junaamp ti oy es ti ka'oy. ¹² Peru Diosu da'un je'eyu di'ibu yajk ja ana'amun, es nan yu'u da'un mbaat

xytyukkumudo'om, es nan ya'u mbaat xyajnisóokam es xyajkutugo'oyum; ¿per mbánu dun mij ko xyñibi'tskajxu ja mmugu'uguty?

Kyaj yajnijáwudu ti miimp kadakp

¹³ Okmudowdu miidsaty di'ibu junándap: “Bom o juxtajm njo'omum wiink kajpn, es jap n'ijtam ndo'k nyajkam tuk jamajt, es da'un nganarajtam ja maymyeeñ.” ¹⁴ Per ni je'eyu xykyanjáwudu ti miin mgudáxxup aya bom! Pes yu ja'ayuty ja jyiky'ajtan da'un éxtam nima'aju'unlk, waanu 'yity es tuk pójnu tyagoodya'ay. ¹⁵ Di'ibu oy es njuna'anam ya'u tyaadu: “Punu Dios tsyejpy es xy'akmo'oyum ja njiky'ajtan'ajtam, ndu'unam xi'idu ya'adu.” ¹⁶ Per ko mij mjuna'andu xytyuna'andu xi'idu ya'adu aya bom, mgawindsu'kabu da'unu Dios, mat ko je'eyu mnayyajmaj mnayyajkamaty. Es ko nmaj ngujxam, pekytyu'unumu da'un. ¹⁷ Ja'a pán ñija'ap tñunat ja oybu es kyaj tuñ, pekytyuump ya'u.

5

Kajxwijn mat ja makja'ay

¹ Mudowdu tyaadu, miits makja'aydyujkaty. Ja'u ya'axtu mat ko myiñ ja ayo'on di'ibu mjantsyya'ayowanudap. ² Di'ibu mmudajjt mjaygyajptap, da'un ya'u Dios wyindum éxtam ti tugekyu wyindagoodya'ay, es éxtamu wit di'ibu ja ajkxytyik ta tsyu'tsjujtta'ayuty. ³ Yu m'oogu meeñ es ya mblatu meeñ ta tyowadya'ay, esu tyadu tow ya'u yajnjixu'ugap ko kyaj yajxon ta mduñ mat ja mmeeñ, es ya'u da'un éxtam ja junya'ank di'ibu myajtóyudap. Tu xylikoombát xylihpjkráttu maymyeeñ ma tady xu'u di'ibu tim óknum. ⁴ Per ja mwju'uñ di'ibu mgamoodyu ja mduumbaty di'ibu yajmujktu ja mbajta'aky, ja'agyujxm ja tuumbu mni'unudu, es myudodaay ja Dios di'ibu tugekyu mak'ajtan myudajtypy. ⁵ Ya naxwiñ miidsaty ta mjiky'attu es ta mnaymyo'oyadu jotkujk'ajtan, es ta m'uts m'jotkuda'aktu, éxtam ja ja'ay dyajni'xu ja tsajkaa di'ibu ya'oogaampy. ⁶ Miidsaty ta xyñiwaambáttu nanataku. Yu'u jyiky'attu tuj'ajtan maut, es xy'a o'ktu, es kyaj ñaygyuwanu.

Ma'xtujkan esu kajxtákan

⁷ Mugu'ugítaty, ma'xtúktu miits extu ko myínat ja Nindsun'ajtam. Tu xy'ixtu wi'ix ja naymyaduunubu ja'ay t'awixtu ja oybu pyajta'aky. Mat ja ma'xtujkan t'awixtu ja potn es myínat ja nuu tuu. ⁸ Paaty nandu'un miidsaty ma'xtúktu es ti'igy mwinma'añ xpyujta'aktat ma Kristu, mat ko nuu dun tim wingoomp ma myina'añ ja Nindsun'ajtam. ⁹ Mugu'ugítaty, kadii mnayñi'unudu nixim niyam, es kadiiu myajpayo'oydyat, ja'a ko Dios di'ibu pojpu pyaye'epy, taa ja'a. ¹⁰ Mugu'ugítaty, jamyatsta Diosu kyugajxpu es pajta'aktu éxtamu ijxrajtan wi'ix tmadnaay ja ayo'on esu ma'xtujkan tmadajtu. ¹¹ Pes udsajtam njuna'anam ko jotkujk ya'ujuty di'ibáty ta tmadada'aktu ja ayo'on. Tu xymudowdu ja Jopu mya'xtujkan, es xyñijáwudu wi'ix ja Nindsun'ajtam óknum oj myo'oyaty ja jotkujk'ajtan, mat ko jyantsypya'ayoy yu Nindsun'ajtam.

¹² Mugu'ugítaty, di'ibu tim jujp'am, katu xyajtestiigu'áttu ya tsajp, ni yu naxwíñudu es ni ja wiinkpu. Nik oy ko mjuna'andut “oy” di'ibu oy, es “kyaj” di'ibu kyaj, kadiiu Dios mdukkumadówudat.

¹³ Pán ja pán 'yayoy jyottagoy, wa'an tkajxta'aky; es pán ja pán jyotkujk'áty, wa'an t'ay ja alabanu. ¹⁴ Pán ja pán pyékyuty, wa'an t'woy ja mwjja'aydyujk di'ibu tuundap ma mabujkpatujk ñaymyúkuu, es tñagajxtaagut ja puma'ay, es mat ja Nindsun'ajtam Jesukristu xyuugyujxm ttukjaaxut waanu aseytu oliiuv. ¹⁵ Es pán mmabujkptap ko Dios tñunat éxtam mgajxta'aktu, yu puma'ay aguda'agap; es pán pekytyuan, Dios ma'xadap ja pyojpu. ¹⁶ Paaty pán miidsaty ta xymudagoydyu wiinkpety, mamayats nidu'uk nidu'uk, es pujktsów ja ma'xun. Nayñigajxtaagudu nixim niyam es m'aguda'aktat. Ko kyajxtáky tu'ugu ja'ay di'ibu jiky'ajtp tuj'ajtan maut, yu kyajxtákan myudajtypy ni'igu ja mak'ajtan. ¹⁷ Okwinmaydyu ko ja Diosu kyugajxpu Eliiasu da'un ijty jya'ay'áty éxtam udsajtam. Ja'a amumdu'uk jot kyajxtáky es kadiiu tyu'ujut, es kyaj tyuuy téguk jamajt jakujm. ¹⁸ Ko jatógok kyajxtáky, nétnam tyuuy jatógok, es oj wyinduy ja pajta'aky.

¹⁹ Mugu'ugítaty, pán miidsaty nidu'uk myadu'udageepy ja tuj'ajtan esu wiinkpu ja'ay tyuknijambityaty, ²⁰ nijáwudu miits ko yu di'ibu ta ja pojpu ja'ay tukmastu'uty ja ñu'u tyu'u ja axu'kpu, es ttuknijambitya ja nu'u tu'u di'ibu Dios xytyukni'ijxam, tadu da'ambu ja'ay tyiimpy es tsyo'ogut ma ja o'kun, es ya'ugyujxm ja ja'ay yajtuknima'xut may ja pyeky.

Myutu'ukpu Neku Di'ibu Peedru Jyaay

¹ Uj Peedru, Jesukristu 'yaróstu, ja'a njuna'anam ko tu xykyéxyuts. Ndukniqajxtu tsu tyadu neky di'ibátyuty kyaj ñaky'ittu ma yu Israelu ñaxwíñadu, es tsyunnadu oymyaaty ma yu ñaxwíñadu: Pontu, Galasyu, Kapadosyu, Asyu esu Bitiñu. ² Dios Teety mwin'ijxadu éxtamu jawyiin tnija'aju es ttukniubjátaku. Espiritu Santu myuk'ajtungyujxm myajpujaktaku Diosu jya'ay, esu du'un xymyamadówdat ja Dios es mwa'atstat mat ja Jesukristu ñe'pyñ. Wa'an ja Dios ni'igu mgunu'xadu es mmo'oyadu ja agujk'ajt jotkujk'ajtan.

"N'ok'awdajtam ja Dios"

³ N'ok'awdajtam ja Dios, Nindsun'ajtam Jesukristu Tyeety, di'ibu tu xytsyojkam es xypya'ayo'om es xyajmi'in xyajajtam jemy es xytyuk'awijxam ja jiky'ajtan di'ibu winu xuu winu tiempu, ja'a ko ja Nindsun'ajtam Jesukristu jyikyppyejky jatugok. ⁴ Paaty adsajtam n'awijx njajp'ijxam ko Dios xymyo'oya'anam ja kuma'añ di'ibu pujke'eky ya'ijtypy tsajpótm, di'ibu kyaj mbaat kyutugoy, ni mbaat kya"axuagu es ni mbaat kyani'xy éxtamu puju o aay ujtun. ⁵ Ja'a ko xymyubaktu Dios, yu'u mguwa'anudap mat ja myuk'ajtan maanum xy'awixtu ja tiempu ma yu'u dya'ixa'añaty ja ñitsokan, di'ibu myudajtypy pujke'eky koonum myínat ja tiempu di'ibu tim óknum.

⁶ Paaty miits mjantsy'it mjantsyxondu, oyu daa kanak peky ayo'on jotmay xyjapaadaambadu je'eyu waanu tiempu. ⁷ Ja'a ko miidsu mmabujkanaty, du'un éxtam ja ooru di'ibu ya'ijxmatasamp madu juun es ya'ixat pun oyu du'un. Ja mabujkan di'ibu myumadakyry ko ya'ijxmátsy, waanu ni'igu tsobaaty kudiiinum ja ooru di'ibu kujx najxp, es du'un miidsudyu mmabujkanaty ko du'un ya'ijxmátsat, mbaadudap miidsuty ja mui'ajtan es ja windsu'kan es myajniqajxat oy ko Jesukristu myínat.

⁸ Oy xykyaxitu ja Jesukristu, mdsojktap miidsuty ja'a; es oy yu'u xykyaxitu, mmabujktap miidsuty yu'u es mjantsyxonda'aktu éxtam kyaj yajpaaty ja ayuk wi'ix mbaat yajkajxpudsémy, ⁹ mat ko xyajpuda'aktu ja puja'aky di'ibu ma ja mmabujkanaty, ja'a njuna'anam, m'axájudap ja m'anmujá'anu ñitsokan.

¹⁰ Yu tyadu nitsokan ja'a di'ibu Diosu kyugajxpaty 'yuxpujktu es trpayo'oyduy, es ya'ujaty junandu ko Dios mmo'oya'anadu ja kunu'xan. ¹¹ Yu Diosu kyugajxpaty jyanijawayandu na'a du'anu tyaadu es wi'ixu du'un jyata'añ. Es ja Kristu Jya'ajun yu'u naty ijr mat ya'ujaty, es tyuknija'aju es koonum yu Kristu tmamada'agut ja ayo'on jawyiin es óknum t'axájut yu myuj'ajtan. ¹² Peru Dios tyuknija'adu ja kyugajxpaty ko yu tyadu kajxwíjan kyaj myut'yu'u'áttu, ja'a es adsajtam nduk'oy'ajtam. Miidsuty tu xymyudowdu tyadu oybyu ayuk di'ibu tu m'anu'umxadu mat ja myuk'ajtanu Espiritu Santu di'ibu tso'on tsajpótm, es extu yu ánkusaty jyanijawayandu tyaadu.

Wa'ats njiky'ajtam

¹³ Paaty, miidsuty nidugékyuty, naybyujta'agudu wijy es pe'typy, es ya'oyadu yajxonu mjiky'ajtan. Awixtu mat winu mjet ja kunu'xan di'ibu m'axajuyandap ko Jesukristu myínat jatugok. ¹⁴ Extam u'unuk uná'katy di'ibu mudoodap, mamadowdu miidsuty yajxon ja Dios. Katu mjiky'attu mat ja axuk adsojkan di'ibu mmadajttu ko naty kyajnam xyñijáwadu wi'ix ja Dios ttseky es njiky'ajtam. ¹⁵ Jiky'attu wa'ats, ja'a ko Dios di'ibu tu mwin'ijxadu, wa'adsu'u; ¹⁶ tyaadu du'un kyajxypy ja Dios ma jyaaybyajtan: "M'ittap miidsuty wa'ats, mat kots uj nwa'adsuty."

¹⁷ Ja'a ko xyTyeety'áttu ja Dios, di'ibu pyaye'epy nidu'uk nidu'uk, es kyaj wyin'ixy wyingéxyuty, naam m'akjiky'ajtrnum naxwiñ. m'akjiky'áttap es xymyamadówdat ja Dios, es xywyindsu'ugudat. ¹⁸ Mnija'adap éxtam tkabejty tkumadooy ja Dios es dyajtso'ogut ma tadu axuukpu jiky'ajtan di'ibu xytyukmunikakam ja n'aptujk'ajtam. Pes ja Dios kyaj tkabejty ja nitsokan'ajtam mat ja platu meen ooru meen di'ibu najxp; ¹⁹ jantsy tsooxu Dios mgujuuyadu es mnitsu'oktat ko mbojpu tkabejty madu Jesukristu ñe'pyñ di'ibu tyukwindsu'ku éxtam tu'ugu borreegu di'ibu ni tii tkamudaty ja axuk'ajtan. ²⁰ Jékuy ja Diosu du'un ttukniubjátaku kyajnum naty dyajkojy ja naxwíñadu, per tyam ma tyadu xuu tiempu ko yu naxwíñadu kyuxanna, tu kyuxe'eky miits m'oy'ajtungyujxmty. ²¹ Es Jesukristukyujxm xymyubaktu Dios, di'ibu yajjikyryujka ma 'ye'ky es tu tmo'oy ni'igu ja mui'ajtan, es du'un nmubujkam ja Dios es n'ajot'ajtam.

²² Es mat ko tu xymyamadowdu ja tuj'ajtan, tu xyajwa'atstu m'anmujá'an es mat winu mjet mnaydsyókudat nixim niyam, éxtam jyawu mdukka'ax'áttu. ²³ Pesu myajmiin myajajtadu jemy mat ya'ugyujxm ja Diosu 'yayuk di'ibu ijr winu xuu winu tiempu; kyaj dyu'anaty éxtam ja jiky'ajtan di'ibu kujxp najxp, di'ibu m'axájudu ko mmiin mjajttu naxwiñ, ²⁴ mat ko xytyuknija'am ja Diosu jyaaybyajtan ko jyuna'añ.

Du'an ja ja'ayuty éxtum ja aay ujtsan,
es ja myuj'ajtanuty éxtum ja aay ujtsu pyujyan.
Tutsp ja aay ujts es ja pyujy kya'ay;

²⁵ peru Dios 'yayuk, jittuur wina xuu wina tiempu.

Esu tyadu ayuk ja'a ñigajxyry ja nitsokan di'ibu tu myajtukmudowdu.

2

¹ Paaty miidsuty, mastu'uttu tugekyu axuk'ajtan. Kyaj pún xywyin'uundat. Katu nan nugoobu je'eyu m'akjana'andu ko xymyubaktu Dios, mya'ixadubu du'an mat ja ngu'am jiky'ajtan, es katu xyñaywynnaxujawudu mat tii. Mastu'uttu tugekyu pi'tskajxy.

² Extamu maxu'ungu'unguty jantsy tsi'idsaamp, du'an miidsuty nandu'un xytysoktat ja Diosu 'yayuk, es du'an xymyuyaak xymyubátat ja Diosu ñu'u tyu'u es xymyudátat ja nitsokan, ³ mat ko tu xyñijawudu ko Nindsun'ajtan jyantsy'óyuty mat adsajtam.

Du'an ja Kristu éxtumu tsaa jiiikypyu

⁴ N'okmawingo'onum adsajtam ja Jesús. Yu naxwiñadu ja'ayuty tu 'yaxtjudu, peru Dios jyantsyseyjpy es tu twin'ixy, es dyajtuñ éxtamu tsaa jiiikypyu ma potsy ujx.

⁵ Xyajtu'unum adsajtam nandu'un éxtum ja tsaa jiiikypyu, di'ibu muat ja potsy dyajpéty ma Dios tsuunuya'añ. Ma tadu tsunaaydyákn, ja Jesukristu tu xpyujtakam éxtumu teetyujkaty, wa'ats ja'ay, es nwindu'kam ja Dios, es n'awdajtam mat ja njot'ajtam es madu n'anmaja'an'ajtam, es ja Dios 'yaxájup yu n'awdajtan'ajtam éxtamu windsu'kan di'ibu yu'u tseyjpy. ⁶ Paadyu Dios jynañ ma ja jyaabyajtan:

jixtu' tj nbajta'agyats ma Syon kajpn tu'ugu tsujpu tsaa ma potsy ujx,
di'ibuts uj tu nwin'ixy.

Di'ibu 'yaxájudup, ni na'a tkamadátat ja tsoydu'un.

⁷ Es mat miidsuty di'ibu myubjktup, tadu tsaa myudajtypy kajaa yu muj'ajtan; per mat di'ibu kyaj tmabaktu, kyuydyimbyu tyaadu éxtum jyuna'añ ja Diosu jyaabyajtan:

Ja tsaa di'ibu ja pojtspu kyaj ttsojktu,

tu net jya'ty ma ja tujk t'ujx'áty.

⁸ Es nandu'un yajkyudyuñ jatu'uk ma jyuna'añ:

Tyaadu du'an ja tsaa di'ibu yajtukunajrup es yajkadáy.

Tyukunajrudup yu'ujuty di'ibu kyaj tkupaktu ja Diosu 'yayuk, mat ko du'unu dun tu pyujta'agadu Dios.

⁹ Peru Dios tu mwin'ixadu miidsuty di'ibu myubjktup, mmaduundup ja Rey éxtumu teetyujkaty, wa'ats ja'ayuty miidsuty, ja'ay di'ibu Dios ja'ay'ajtudup. Yu'u mwin'ixadu es xykyajxwa'xut ja oybyu tuunk di'ibu yu'u tu trujta'aky, mat ko mduknioodu'udyuty ko m'ijta ma ja koots'at, es myajnejxyuty jiky'ajtrp ma ja jyájunu tsujpu. ¹⁰ Tuuyup kyajpu Dios mja'ay'átadu, per tyam sitay yu'u mja'ay'ajtudup; tuuyup kyaju Dios mba"ayoojudu, per tyam tu mba"ayowudu.

Ayo'on yajmmada'aky mat ja ma'xtujkan

¹¹ Mugu'ugítuty, nmanu'xtáktupts miidsuty, éxtum jabye'xyjya'ay ma wiink nax wiink kajpn, katu xy'anujx xy'a'oogudu di'ibu ja nini'x kubajk tseyjpy, di'ibu myudsip'ajtypy ja n'anmaja'an'ajtam. ¹² Mudattu oybyu mjot mwinma'añ mat ja di'ibu kyaj t'ixy'attu Dios, es du'an yu'ujuty, oy tyam mjaniwaambajttubu nanatakukyujxm éxtumxyup m'axukja'ay'attu, 'yixtup ja oy'ajtan di'ibu miits mduundup, es ko ja'ay yajpayo'odyut, net t'awdátat ja Dios.

¹³ Nindsun'ajtamgyujxm mmdowdu pánuty yajkutujkr ya naxwiñ, du'ay ja yajku-tujkrakórk, mat ko yu'u waanu kujxm ja kyutujkan, ¹⁴ es pánuty ana'amdup kyutujkan patku'ny, pánuty kyejxyry es ttukkumadowat di'ibáty axuuk adústap es oy tnimadya'agut di'ibáty oy tuundup. ¹⁵ Mat ko Dios tseyjpy es miidsuty oy xytyúndat, es du'an xya'amóndat di'ibu nanatakukyujxm mniwaambajttudup.

¹⁶ Jiky'attu miidsuty éxtumu di'ibu kyaj myadúñ ma wiink ja'ay, es katu mnaybyujta'agadu kujjuun ma ti xytyuna'andut axuuk. Jiky'attu éxtum ja Diosu myaduumbu. ¹⁷ Windsu'ugudu mujpu mutskpu. Tsoktu mmamabjkrpety. Windsu'ugudu es awdattu Dios. Muj'ixtu ja yajkutujkrp kopk.

¹⁸ Miidsuty di'ibu mduundup, windsu'ugudu mwindsun mwindaj es mmdowdu, kyaj jya'ayuty je'eyu di'ibu oyjya'ayuty, nandu'un di'ibu ana'amp muk. ¹⁹ Ja'a du'an oy ko xymyamada'aktu ko nanugoobu mya"ayowudu, ja'agyujxm ko xyñijawudu ko Dios 'yijxyry. ²⁰ Per pan miits mduundup ti oynu'unu axuuk, es mat ja ma'xtujkan xymyamada'aky ko mdukkumadóyuty, ¿ti oy'ajtanu dun taadu? Per pan m'ayoodup mat ko ti oy tu xytyuñ, es mmamadáktup mat ja ma'xtujkan, tyaadu du'unu Dios 'yoyjya'ap. ²¹ Paadyu Dios xywyo'om es du'un nma'xtujkam, ja'a ko Kristu 'yayooy mat adsajtamgyujxm, es xymyo'oyum tu'ugu ijxrajtan es nbadu'unum yu'u. ²² Jesukristu kyaj pyekytyuñ es ni

na'a tkawin'u'uañ pán. ²³ Ko pán wi'ixáty 'yanmaayy, kyaj wi'ixáty 'yadsoojumbijty; ko tsaatsyuyunudu, kyaj t'adsu'kudu, je'eyu tukkuudjku ja Dios, di'ibu pyaye'epy mut ja t'ajtan. ²⁴ Kristu ja nbojpu'ajtam myunajx ma ñini'x kruuzkujxm. Du'un ttuuf es n'ijtam éxtam o'kpu ko nbekytyuna'qnam es njiky'ajtam éxtam pyaadyaty, es du'unu Kristu 'yo'kangyujxm oj nwátsum ma ja nbojpu'ajtam, es tyam njiky'ajtam t'ajtan muut, éxtamu Dios dyajniigutúku. ²⁵ T'ayyup du'un miits m'ijttu éxtam ja borreegu di'ibu tu 'yaxyoy, peru tu njambittu ma Kristu, di'ibu mgwentu'ajtudap éxtam tu'ugu borreegu kwentu'ajtpu.

3

Wi'ix jiky'áttu ja kasaaduty

¹ Nandu'un miidsuty kasaadu toxytyujkuty, naydyukkudákudu ja mña'ay, es du'un, oy mña'ay tkamabaktu ja Diosu 'yayuk, mduk'axájudap ja Jesukristu kyaj ja'agyujxm ko wi'ix xy'anuumadu, ² ja'a du'un ko t'ixtat ko miits xyjiky'attu wa'atspu jiky'ajtan es windsu'kun muut. ³ Nayya'oy nayyajpaadudu. Kyajts yu'u n'andijy es xymyamay xymyudajtat ja mwit mgu'ugu jantsy oybyu, o wi'ixu mwaay mgubajkkujxy xyajtsujtáku, o wi'ix ja mnini'x oy kyuxu'ugut mudu ooru. ⁴ Ja tsuj'ajtan di'ibu kyaj ñaxy es ni'igu tsoatp Dios wyindum, ja'a yu'u ko ja'ay oyjot oywyinma'añ tmadattu es jiky'attu yuunk naxypu. ⁵ Pes du'un ñayya'ijttu tsuj ja wa'atspu toxytyujk jékyap, wyindsu'kudu ja Dios es ñaydyukkudákudu ja ña'ay. ⁶ Du'unu Saaru, yu Abraanu ñado'oxy, tmamadooy ja Abraan, es ttijy "nwindsán". Miits mja'ttup du'un éxtamu Saaru pán mduundap ja oybyu es kyaj ti xytsyu'ugudat.

⁷ Es nandu'un miidsuty kasaadu yedyujkuty, mama'xtúktu mñado'oxyaty. Windsu'ugu éxtam yu'u pyaadyaty. Kyaj jye'eyaty mut ko toxytyujkuty 'yamaayaty, per mut ko nandu'un tmadattu mut miidsuty ja jiky'ajtan di'ibu tu mmo'oyudu ja Dios mat ja kyu'amdsojkan. Tundu du'un, es net kadiibu ni tii mga'adsipadat ko mgajxta'áktat.

Di'ibu ayoodup ko ttundu ja oybyu

⁸ Di'ibuts uj tu njatak'uxpaka'andu nidagekyu miidsuty di'ibu myubujktup ja Kristu, yu'u tyaadu: Ittu ti'igyu, naymyama'xtúkadu nixim niyam, naydsyókudu nixim niyam mut winu mjot, pa'ayowdu ja'ay, es tuda'aky'áttu. ⁹ Ni na'a xykyayajumbittut axuuk ko pán axuuk mdúnudat, es ni xykya'oojumbittut ko pán m'oojudat. Nik ni'igu kunu'xtu, mut ko Dios mwoojudu es xy'axájudat yu kunu'xan. ¹⁰ Éxtam jyana'añ ja Diosu jyaaybyajtan:

Di'ibu tsyejpy jiky'ata'añ oy es jeky,
kyaj 'yanda'agut es kyaj axuk kajxy tkajxat;

¹¹ kyaj t'oktuunnat ja axuk'ajtan; ja'a tyúnup ja oybyu,

'yuxta'ayup ja ti'igyu'át, es kyaj jiky'áttu tsipoty.

¹² Mut ko Dios tam kywentu'átyaty ja ja'ay di'ibu jiky'ajtp t'ajtan muut,
es myado'oxaty ja kyajxtákan,
per myudsip'ajtypy di'ibu axuuk adátstap.

¹³ Pán amumdu'uk jot miidsuty du'ñum xytyundu oy tugékyaty, ¿pán axuuk mdúnudap?
¹⁴ Per pán m'ayoodup mut ko mjiky'attu wa'ats, Dios mgunu'xánudap. Katu pán xytsyu'ugudu es katu mmay mdajtu. ¹⁵ Mut winu mjot awdattu Kristu éxtamu mWindsán. Du'ñum jujp'ixy mnayya'itúdat es xy'adsówdut pánaty myajttuujudap ti ko xymyubaktu Dios, es ti m'awjx mjujp'ijxtup. ¹⁶ Mudattu ja mjot mwinnma'añ wa'ats, es du'un ko pán mniwaaambátudat nanatuku mut ko miits m'uxpajkpu'átyaty ja Kristu, yu'ujaty ku'am wa'umda'aydyup tsoydu'un muut. ¹⁷ Es pán du'unu Dios ttseky es m'ayówdut, ni'igu 'yóyaty m'ayówdut ko mjiky'attu wa'ats, es kyaj m'ayówdut mut ja tadydu'unun ko mjiky'attu axuuk.

¹⁸ Mut ko Kristu, oy ni ti peky ktatuuf, tugok je'eyu mut winu xuu winu tiempu 'ye'ky ma jyapatu n'o'kum adsajtam pekyjya'ayaty, es xytyukniwátsum ja nbojpu'ajtam es xyajnjuxum wa'ats Dios wyindum. Oj 'yeeky ja Jesusu ñini'x, per Espiritu Santakyujxm jiky'pyejky. ¹⁹ Mudu 'yanmaja'an oj ñejxy ma ja anmaja'anaty di'ibu tsimy ijttup, es jap oj tkajxwa'xy ja Diosu 'yayuk, ²⁰ ja anmaja'an di'ibu kyaj tmamadoodu ko Dios jya'awjixudu ma'xtujkan muut esxyup jyodumbijttu maqnam ja No'ee naty dya'oyu ja arku, ma oj je'eyu niduktujk ja ja'ay tsoy'oktu ko ja ayo'onduu myiif. ²¹ Ja tadu nuu, du'un ja'a tpaty éxtamu nabajtan di'ibu xyajnitsókam. Ja nabajtan, kyaj yu'ujaty es nuagyujxm ja nini'x wya'atsat, ja'a du'un esu ja'ay jyot wyinnma'añ wa'ats 'yittat Dios wyindum. Ja nabajtangyujxm nniitsókam ja'agyujxm ko Jesukristu jiky'pyeky ma 'ye'ky, ²² di'ibu patjuk tsajpótm es tyam 'yity aga'añdsyoo ma Dios, es oytyim di'ibu áklusaty es oytyim di'ibaty ja kyutujkanaty tmamadowdu ja Jesús.

4

Naybyudu'kam nixim niyam

¹ Es da'ün éxtam 'yayooy ja Kristu ya naxwiiñ, nandu'ün miits mudattu ja winma'añ éxtam ko 'yayooy, ja'a ko di'ibu da'ün tu 'yayooy ma ñini'x kyubajk, tu tmasuttu'ay ja pyeky ² es jyiky'átat éxtam ja Dios ttseky mabaqada jyiky'ajtan, es kyaj éxtama ñini'x kyubajk ttseky. ³ Tsy'a'a nanda'ün ko mjiky'ajttu éxtam jyiky'atttu pánaty kyaj tmudundu Dios, mjiky'ajttu éxtam mnini'x mgubajk ttsojktu, m'adsojktup tii, ami'ikyjya'ay m'lijttu, je'euy mgáxaty, es m'awdajttu ja agowinnáx. ⁴ Di'ibu ijty mmygu'uk'ajttak esu ka'ay ukun mat winu m'ot. ¹⁰ Naybyudakudu nixim niyam éxtam ja Dios tu mmo'oyudu nidu'ugátyuty ja madakan. Yajtundu yajxon ja kanak pekyryu madakan di'ibu Dios tu mmo'oyudu. ¹¹ Ko pán tkajxwájat ja myegu'uk, wa'an t'anuumu éxtam ja Dios tu tyuk'uxpékyuty. Es ko pán ttukpuduku tii ja myegu'uk, wa'an ttuñ mat ja muk'ajtan di'ibu Dios tu mmo'oyuty, es da'ün Dios awdaty 'yitit Jesukristakyjxm ma tugekyu di'ibu ijtp. Wa'an Dios tmudaty ja muj'ajtan winu xuu winu tiempu. Wa'an da'ünaty.

⁷ Tuu wyingón esu ja'ay yajpayo'oydyat. Paaty miits ittu tuda'aky, wijy es mgajxta'aktat.

⁸ Paaty wa'an t'ity nan ni'igu tsojkan ma miidsuty, mat ko ma ja'ay ñaydsyókudu, may ja peky ñaydyuknima'xudu. ⁹ Es naymo'oyudu nixim niyam yu jajttak esu ka'ay ukun mat winu m'ot. ¹⁰ Naybyudakudu nixim niyam éxtam ja Dios tu mmo'oyudu nidu'ugátyuty ja madakan. Yajtundu yajxon ja kanak pekyryu madakan di'ibu Dios tu mmo'oyudu. ¹¹ Ko pán tkajxwájat ja myegu'uk, wa'an t'anuumu éxtam ja Dios tu tyuk'uxpékyuty. Es ko pán ttukpuduku tii ja myegu'uk, wa'an ttuñ mat ja muk'ajtan di'ibu Dios tu mmo'oyuty, es da'ün Dios awdaty 'yitit Jesukristakyjxm ma tugekyu di'ibu ijtp. Wa'an Dios tmudaty ja muj'ajtan winu xuu winu tiempu. Wa'an da'ünaty.

'Yayowdu pánudyu Kristu myubajktup

¹² Mugu'ugítuty, katu da'ün mwa'amudu mat ja muk ayo'on di'ibu myajnajktup. Katu xywynmaydyu es kyaj da'ün jyátat di'ibáty myubajktup ja Kristu. ¹³ Ni'igu mxonda'aktat, mat ko pán da'ün miits xytyukmuktá ja Jesukristu 'yayo'on, nandu'ün xytyukmuktat ni'igu ja xondakan ko naty myiñ jatagok. ¹⁴ Es pán ja ja'ayuty mduunudup axuuk mat ko xypyanaixtu Jesukristu, xonda'aktá, mat ko 'yity ma miidsuty ja Diosu Jya'ajun di'ibu ni'igu muj'ajtan myudajtyty. ¹⁵ Per ko m'ayówdat miidsuty, kyaj mat ko myajja'ay'ooktu, o mmaatstu, o m'axukja'ay'áttu, o m'abi'ts'áttu, o mat ko oytyiity xytyuktákudu di'ibu kyaj mbaadudu. ¹⁶ Mat ko pán m'ayoodup ko Kristu mja'ay'átudu, kyaj tyadu tsooydyu'ünaty; ni'igu xy'awdátat ja Dios mat ko miits mja'ay'átudu Kristu.

¹⁷ Mat ko tu tpaaty ja tiempu ma Dios tpayo'oya'añ ja jya'ayuty; es pán tsondakp ja Diosu pyayo'oyan mat udsajtam, tuj'ajtanu'u ko 'yakjata'andu di'ibáty kyaj tkupaktu ja oybyu ayuk di'ibu Dios kyajx. ¹⁸ Yu'u dunu tyagdu di'ibu 'yandijpy ja Diosu jyaaybyajtan ma jyuna'añ: "Pán tsip es ñitso'ogut ja ja'ay di'ibu jiky'ajtp tuj'ajtan muut, zti jatánudup ja pekyjya'ay es pánaty kyawindsu'kadup ja Dios?" ¹⁹ Paaty pán yu'u tsojkan'ajtyty ja Dios es n'ayo'om, n'okjiky'ajtam yajxon, éxtam dyajngutúku ja Dios di'ibu xyajkójum es kyuydyiimpy di'ibu kyajxyty.

5

Wi'ix yajkajxwijtu ja mubajktupjyk

¹ Nmanu'xtáktupts ja mujja'aydyujkaty ma mnaymyúkudu. Pes uj nandu'ün mujja'ay éxtam miidsuty. Taptsu naty uj n'ixy ja Kristu ko 'yayooy ma ja kruuz es 'ye'ky, es uj nandu'ün ndukmukaambyats mat miidsuty ja muj'ajtan di'ibu óknun nigxu'ugaamp. ² Paaty nmanu'xtá'aktá, ko éxtam ja borreegu kwentu'ajtpu dyajju'xe'eky yajxon ja byorreeguty, nandu'ün miits xykywentu'áttat yu ja'ayuty di'ibu Dios tu mdukkadákudu. Tundu da'ün xonda'aky'aa xonda'akyjyót, éxtama Dios ttseky, es kyaj mat ko tu myajtuk'ana'amdu o mat ko mmeen'ook'áttu. ³ Katu je'euy xy'ana'ama'andu ja ja'ayuty di'ibu Dios tu mmo'oyuty es xykywentu'áttat, ni'igu yajxon m'ittat mat yu'ujuty éxtama ijxpajtan. ⁴ Mat ko da'ün xykyuydyúndat, es ko myiñut ja Borreegu Kwentu'ajtpu Wyindsun, ja'a njuna'anum Nindsun'ajtam Jesukristu, mmay'atánudup. Per kyaj mmo'oya'anudu ja ujts aagygorónu éxtam di'ibu ya naxwiiñ naymooyudup ja ja'ayuty ko gyanarattu ma pyayuk'kkijxyudu. Tyadu koronu pójanu ñi'xtá'ay. Peru di'ibu Dios xymyo'oyum, ijtp winu xuu winu tiempu.

⁵ Miits ana'ktujkaty, mamudowdu ja mujja'aydyujkaty; es nidugekyu miits mujja'aydyujkaty es ana'ktujkaty, naybyudakudu nixim niyam mat ja tuda'aky'át, mat ko

Dios myadsip'ajtyty ja di'ibu mujpátup,

per pyudajkup pánaty yuunk naxyty ja'ay'ajttup.

⁶ Paaty yuunk náxpyudu Dios wyindum, es da'ün ja'tup ja tiempu ma Dios mya'ita'anudu muj. ⁷ Tukkaduku tugekyu Dios di'ibu m'otmay'ajtyty, mat ko yu'u naydyukjotmaydyuunup mat miidsuty.

⁸ Jiky'attu miits toda'aky es wjy, mut ko yu mmadsip, ja mǝjku'ugórk, du'an jyadity éxtam ja kaa myu'uy mut ja yuu es t'axta'ay ti 'yokju'xur. ⁹ Tukmamaada'aktu ja mǝjku'ugórk ja agyuxm ko xymuubaktu Dios, ja'a ko xyñijawudu ko du'an 'yayoodur ja mmamabujkruty oytyim maaty. ¹⁰ Paaty ko naty miidsuty tu m'ok'ayowdu waanu, Dios nǝjx mǝjwjitsumbitudu oy, myuj myáyat ja mmabujkunuty, es oy xyñijawudu ko Dios mdsókudu. Yu Dios xykyunu'xam mǝj wiin kajaa, es xywyo'om es ti'igy n'ijtam madu Jesukristu ma myuj'ajtan winu xuu winu tiempu. ¹¹ Myudajtypy yu Dios ja mǝj'ajtan winu xuu winu tiempu. Wa'an du'anuty.

Kajxpo'xun

¹² Ma tyadu neky tu nnijáyudu miidsuty, nyajtúñats ja Silvanu éxtamu uskribaan, mmamabujkra'ajtam es nmu'uk'ajtam di'ibu oy tmadún ja Nindsun'ajtam. Tu nnijáyudu tuk aa majtsk aa es mjotkujk'attut, es n'anuumudu ko di'ibu ndukniija'ayudur, ja'a du'an ja Diosu myay'ajtanu tǝy'ajtanbu, es ko du'an mjiky'attut.

¹³ Es éxtam ja Dios tu mwin'ixudu miidsuty, nandu'an tu yajwin'ixtu yu mmamabujkruty di'ibu naymyujkadur Babiloñu. Nidugékyuty yu'ujuty mduknigáxudu Dioskajxy. Esu Markus di'ibats nja'ap éxtamdsu n'u'ungun, nandu'an mduknigáxudu Dioskajxy. ¹⁴ Naygyajxpo'xudu nixim niyam es naymyunánudu éxtam tukka'axrun. Wa'an ja Dios mmo'oyudu jotkujk'ajtan miidsuty di'ibu Jesukristu jya'ay'ajttur.

Мыамajтскрә Некы Ди'ибү Пеедрә Джааы

¹ Ёж Simonk Пеедрә, Jesukristu myәduumbә esu 'yapöstulә, ja'a njuna'anam ko tu xkyxәyuts. Nduknigajxtuptsә tyadә neky miits di'ibätу nDios'ajtm esu Yajnitsökrә Jesukristu, di'ibү tyiimpy ja täy'ajtm, tu xymyo'oyam yu mabujkan jantsy oybyu.

² Axәjudә ni'igү ja kunu'xәn esu agujk'ajt jotkujk'ajtm mat ko xy'ixy'attә Dios es ja Nindsun'ajtm Jesus.

Mabujkputujku jyiky'ajtmnty

³ Dios mat ja myuk'ajtm tu xymyo'oyam tәgekyә di'ibү xytуәgoj'ajtm es njiky'ajtm әxtamә Dios tseky, yu'u xywyo'om mat ja myuj'ajtm esu 'yoj'ajtm. ⁴ Es mat yu'ugyujxmә tyaadudyә Dios tu xymyo'oyam ja oybyu tsujpә wandakan, es du'un n'ijtm oy es wa'ats, әxtamә Dios 'yity oy es wa'ats, es du'un n'әxtijam di'ibätу ja nini'x kubajk tseyjpy es dyajma'aty di'ibätу ijtp yә naxwiif. ⁵ Paaty mat winu mjot naybyujt'agadә mat, es xy'ak'ya'ixudәt ja mjiky'ajtmnty mat ja mmәbujkan; es ko xymyudättәt ja mabujkan, nandә'un xymyudättәt ja oyyja'ay'ajtm; es ko xymyudättәt ja oyyja'ay'ajtm, nandә'un xymyudättәt ja wjy'ajt kejy'ajtm; ⁶ es ko xymyudättәt ja wjy'ajt kejy'ajtm, nandә'un xymyudättәt ja ma'xtujkan; es ko xymyudättәt ja ma'xtujkan, nandә'un xymyudättәt ja jiky'ajtm wi'ixә Dios 'yitat windsә'ugә; ⁷ es ko xymyudättәt ja jiky'ajtm wi'ixә Dios 'yitat windsә'ugә, nandә'un xymyudättәt ja tsojkan mat ja mmәmәbujkpty; es ko xymyudättәt ja tsojkan mat ja mmәmәbujkpty, nandә'un ja naysyoku nixim nyam.

⁸ Pәn tәgekyә tyadә oybyu winma'añ mmәdajttәp es xyajmәj xyajmәyudә, kyajә naty nәgoobә mnajiky'attә es nan kyajә naty nanatәku tu xy'ixy'attә ja Nindsun'ajtm Jesukristu. ⁹ Per di'ibү kyaj du'un tmәdaty tyadә oybyu winma'añ, du'un yu'u әxtam tu'ugә wiints, o nandә'un әxtam tu'uk di'ibү mbaat 'yixy je'eyu wingön, mat ko tu tjә'aydyugöy ti ko Dios tu yajwa'adsyaty mә yu pyojpә di'ibү tyuun. ¹⁰ Paaty mәgu'ugitaty, ni'igү mnaybyujt'agadә mat es xyә'ixudәt mә yu mjiky'ajtm ko tуә'ajtmnty ko Dios mwin'ixudә es mwoojudә. Pәn mduundabә du'un, ni na'a mgatu'udәgödyat, ¹¹ mәj wiin myajni'awәtsudәt es mdәkudәt mә yajkutiky winu xәn winu tiempә ja nYajnitsokpә'ajtm, ja Nindsun'ajtm Jesukristu.

¹² Paaty du'añam n'aktukjamyatstә tәgekyә tyaadә, oy xyjanijәwudә es myә'ijxudәp xkyuydyundә ja täy'ajtm di'ibү tu myajtuk'әxpәktә. ¹³ Du'unәts nnasjawә ko xpyәtptәs esәts nyәkat tyadә kajxwijәn mәgnәmәts n'akyjyiky'aty. ¹⁴ Pes yu Nindsun'ajtm Jesukristu tәts xytyuknijawә ko tsojkәts n'oogәnnә. ¹⁵ Paaty n'akkajxwijtә es du'añam xyjamyәtstәt tәgekyә tyaadә öyats njә'o'krә.

Peedrә mәndә jyamyunt oj t'ixtә ja Kristu

¹⁶ Ko oj nduk'әxpәktә wi'ix ja Nindsun'ajtm Jesukristu myuk'ajtm es ko jyambitә'añ yә naxwiif, kyaj oj nduknmadya'aktә anәn madya'aky di'ibү ja'aydyu naty tu dya'öyudә, pes mәdәdsu ngu'am wiinәts әәdsyaty tu n'ixtә Jesusu myuj'ajtm. ¹⁷ Mat ko әәdsyaty tәmәdsu naty mat yu'u ko Dios Teety myooyu windsә'kan esu mәj'ajtm, ko myәgajxә extә tsajpötm, es jyunañ: "Tyәәdәms du'un ja n'U'ungәts di'ibәts njantsytsyeyjpy, di'ibәts mәәt njotkujk'aty." ¹⁸ Es әәdsyaty kә'am tu nmәdowdә ko Dios oj du'un jyuna'añ, mat ko tәmәdsu naty mat ja Jesús kuni'xykyopkәjxm.

¹⁹ Es du'un ni'igү oy yajnijәwә ko tуә'ajtmnty ja ayuk di'ibү Diosu kyugajxpә yajwә'mdә jәabybyety. Paaty miits xymyubәktәt yajxon di'ibү yu'әjuty kyәxjәaydyu, mat ko yu 'yәxpәjkanuty, du'un yu'u әxtam tu'ugә kudә'xn di'ibү kyude'xyry ma ja koots it extә ko jyajә'ugәt ja xәәñ'ät es pyәdsәmәt ja jayxyuә es tkudә'xәt ja mjot mwinma'añuty. ²⁰ Tim jәjр'äm xyjәgyükudә tyaadә: Ni tu'ugә Diosu kyugajxpә kә'am kyawinma'añbyaaty di'ibү jәabybyety ijtp mә Diosu jәaabyajtm, ²¹ mat ko kyaj ja Diosu kyugajxpty tyukjәtәdә tii ja'ay wyinma'añgyujxm, ja Espiritu Santә winma'añmyooyudә.

2

Pәnuty ya'әxpәjktәp ja andakan

¹ Nandә'un mә ja israelitu kajpn ijttә andәkrpty di'ibү jәnandә ko yu'adyu Diosu kyugajxpә, es du'un nandә'unә yu'әxpәjkrә andәkrpty mdukniminәdәp miidsyaty yu әxpәjkanә әxәgәtyrpy. Es extә 'yәxtijttәp yu Nindsun'ajtm di'ibү tu 'yeeky yu'ugyujxmnty, es du'un һaydyukniminәdә kә'am pojan ja kutәgo'oyam. ² Oyu tyaadә jyadә'un'ajtpә, nimay di'ibү pyanәjxaampy yu 'yaxuk jiky'ajtm, es paadyu ja'ayuty t'әxtijtә ja täy'ajtm. ³ Tadә yu'әxpәjkrә andәkrpty nәgoо 'yok'adsojknudә, es tsyoka'әndәp es miits xymyujdydyat

yajxon ko naty mdukmamadya'aguda yu kya'oywynma'añuty; per jantsy jékyp oj Dios trujta'aky ja da'ambu ja'ay es yajtaydyundat.

⁴ Mut ko Dios kyaj oj trojpmame'xy ja ánkľasaty di'ibu pekytyuundu jékyp, es tkjubijpu ma maj koots'át, es jap oj dyajwe'emy kuwuañ mut ja kadenu, es trujke'ky extu ko yajpayo'oydyat. ⁵ Nan kyaj Dios oj trojpmame'xy ja jekyjya'ayuty, ni'igu tkejxy ja ayo'onduu es dyajji'xtaay nidugekyu tadu axuk ja'ayuty, je'eyu dyajtséky ja No'ee, di'ibu kyajxwá'x esu ja'ay wá'ats jyiky'áttat, ja'a mut nijaxtjukpu ja'ayuty. ⁶ Nandu'an ja Dios oj tľukkuudooy ja pekyjya'ayuty ma Sodomu kajpn esu Gomorru kajpn, trine'ky es extu wya'umdaay jaam. Du'anu tyaadu oj wye'emy éxtamu ixpajitun wi'ix jya'ta'an kyabata'andu ja axuk ja'aydyujk; ⁷ per yajtsók ja Lot, tu'ugu ja'ay di'ibu jiky'ajt tay'ajtan muat, di'ibu maay taj ko t'ixy tadu axuk jiky'ajtan ma tadu axuk ja'ayuty. ⁸ Pes tadu ja'ay di'ibu jiky'ajt tay'ajtan muat ma ya'ujuty, 'yayooy bom bom ma ja 'yaa jyot ko t'ixy es tmuudooy ja axukpu tu'un kajxun. ⁹ Es du'un ja'ixy ko Nindsun'ajtan Dios ñija'ap wi'ix dyajnitso'ogat di'ibu mduunap, es wi'ix trujku'uga'añ ja axuk ja'ayuty ko yajpayo'oydyat.

¹⁰ Dios tyukkuudoowaampy waanu ni'igu di'ibáty yajtuundap ja 'yaxuk winma'añ es t'axtjtu pánuty myudajttap ja kutujkan. Tadu ya'axpujku andakpu, tsoydyu'undúky es kujjuunaty, es kyaj tsya'aguda es twingajxpáttat di'ibáty maj ja kutujkan myudajttap. ¹¹ Oy ja ánkľasaty di'ibu ni'igu tmuudaty ja myuk'ajtan esu kyutujkan es kadiinamu tyadu andákruty, kyaj tkajxpóktu mut ya'ujuty Nindsun'ajtan wyindum.

¹² Per ya tyaadu da'ambu andákruty kyajxtap di'ibu kyaj tjagyúkudu, du'un tmuudatu jyot wyinma'añ éxtamu ujts juyujk di'ibu 'yami'in 'yajajtu es ja ja'ay ya'oogadat. Paaty du'un 'yooktat éxtamu ujts juyujkan, ¹³ ayówdap éxtam tu dya'ayowdu myugu'ugaty. Ni kyatsoydyundu xuu'am kyaya'añ 'yuga'añandu. Es yu'u dun ayon tsoydyu'un ko ñaymyúkudu mut miidsaty es kyadyu, je'eyu kyax'attu, es je'eyu mwini'una'anudu miidsaty.

¹⁴ Per je'eyu du'un tjantsy'ixy tjantsytyúñ ja toxytyujkuty es muat pyekytyúnut, mut ko je'eyamu du'un pyekytyuna'añ. Es du'un dyajtugóy ja ja'ayuty di'ibu mbaat twini'unañ. Tyadu andákruty naydukanujxadup ja di'ibáty ja'ay kyaj tmuudaty kajaa ja myubujkan. Je'eyu myeeñ'oogaty. Dios tu kyajxpékuty. ¹⁵ Tadu andákruty tu dun tyagoydyu mut ko tu tmuudu'udugódyu ja Diosu ñu'u tyu'u, es ja'a pyanujxtap ja wyinma'añ ja Balán, Beoru myaank, ko tjananaratán ja meen ko tkamamudooy ja Dios. ¹⁶ Peru Dios yajkajx ja Balangu byurru éxtamu ja'ayun, es 'yooju mut ko kyaj oy tunañ.

¹⁷ Tu'ugu nudajñ di'ibu tu tyatsnu kyaj mbaat dyajnaxy ja tudsu, esu yoots di'ibu yu poj wojpuyukap kyaj dyaky ja tuu; jajtru du'un nandu'una tyadu ya'axpujku andakpu, paadyu Dios pyujta'aga'anudu ma agoots it winu xuu winu tiempu. ¹⁸ Pes mut ja 'yanuu axpujkan dyajtúñ ja naxwiñudu ja'ayudyu 'yaxuk winma'añ, es dyajtu'adiky di'ibuty apénunam tmastu'uty ma jyiky'aty pyojputúñ. ¹⁹ Tyadu andákruty je'eyu twanda'aktu ko ja'ay wá'ats jyiky'áttat, es ku'am 'yittu pekyoty. Pes nidu'uk nidu'uk 'yane'emyudyu tadu di'ibu tu myumada'aguty. ²⁰ Ko pán tmastu'uty ja 'yaxuk'ajtan ja'agyujxm ko t'ixy'attu Nindsun'ajtan éxtamu Yajnitso'oku Jesukristu, es óknam tnijumbity es ñagyuyákyuty mut ja 'yaxuk'ajtan, waanu o'ktáty wya'umut kadiinam jawyifur. ²¹ Nik óyxup ko ni na'a tkadimnijawu yu oybyu nu'u tu'u, mut ko di'ibu myadsondak yu nu'u tu'u oybyu es óknam tmastu'uty es tnijumbijnu ja 'yaxuk'ajtan, ²² ja'a tyukpatypy éxtam jyuna'añ ja ayuk: "Yu uk ñijumbijtypy ja 'yauusy es tje'xy", es "ja udsam ko wya'atsnuadsiida'ay, jumbijtp es neix myo'ontstsi'iy jatugok."

3

Mínap jatugok ja Nindsun'ajtam

¹ Mugu'ugituty, tyaadu du'un ja myumajtskpu neky di'ibu nduknijayadup. Ma ja jawyiimbu neky es ma tyadu myumajtskpu nandu'un nduknijayudu es xyja'aygyúkudut yajxon. ² Jamyatstu ja xpujkan di'ibu ja Diosu kyugajxputy ñigajxtu jékyp; es nandu'un ja Nindsun'ajtan Yajnitso'oku 'yana'amun di'ibu yu 'yapóstulaty mdu'axpujkadu.

³ Tim jujp'am jamyatstu ko naty tyimminanu ja Jesús, mnija'tadap yu ja'ayuty di'ibu jiky'ajttap mdu 'yaxuk winma'añ esu ky'umdsokjan, es ya'ujuty mduksi'igadup miidsaty ⁴ es jyuna'ana'andu: "Jesús wyandak ko myina'añ jatugok, ¿kadi? Pes, ¿ma net? Yu n'aptujk'ajtan tu 'yo'knadu, per du'ñam wye'emy tugekyu nandu'un éxtamu naty ko yu naxwiñudu tsondaky." ⁵ Tyaadaty ja tuxkíkruty kyaj tjagyúkuya'andu es kyaj tjamyatsa'andu ko jantsy jékyp taayumu naty tsajp esu nax, di'ibu Dios mut ja 'yayuk pyujtak esu nan ñuwimbudsamut, es dya'ity nuugukóty, ⁶ es mut ja nuu, ja ayo'onduu, Dios dyajkutugooy ja naxwiñudu ja'ayuty. ⁷ Peru tsajp esu nax di'ibu jaa tyam, Dios tu jyuna'añ ko yajtoyaampy ko ja'ay yajpayo'oydyat es ko naty dyajkutugoya'añ ja pekyjya'ayuty.

⁸ Katu xyja'aydyugódyu magu'ugítaty, ko mut ja Dios tuk mil jumajt kyaj jyékyuty yu'u, es ni tu'ugu xuu kyarójunaty. Mut ja Dios, ti'igyu yu'u, da'un éxtam tuk xuu o éxtam tuk mil jumajt. ⁹ Kyaj tyuy'ajtunaty éxtam naagaty juna'andu, ko Dios jajkp tkuydyúñ yu di'ibu wyandakupy. Ja'a da'un ko xymyuma'xtujkam, es ja'a da'un jajkpy ja tiempu es ja pojpu ja'ay jyodumbittat, es t'axájudat ja Jesús, kadiibu kyutagódyut.

¹⁰ Per ja'tap ja tiempu ma myina'añ ja Nindsun'ajtam Jesukristu ko ni nga'awijx ngajup'ijxam, éxtam ja ma'tspu myiñ ni jawyiin tkanigajxy. Es ma tadu tiempu yu tsajp n'ijxtago'oyum mut tu'ugu muk pumi'imam. Yu xuu esu po'o esu mudsa'ajaty tyoyu'kta'ayut, es wyingin wyinga'at ak juun, es yu naxwiñadu es tugekyu di'ibu ja yaa jajno'kta'ayut.

¹¹ Es kom da'un tugekyu kyutagoya'añ, da'un miidsaty byeen yajxon xy'ixtat wi'ix mjiky'áttat wa'ats es éxtamu Dios tseky ¹² maanam xy'awixtu myina'añ tadu xuu, es xytyúndat wi'ix tsojk myiñat. Ma tadu xuu jajno'oga'añ es kyutagoya'añ mut ja juun di'ibu ijtp tsajwinm, es di'ibu jaa'ajtp, tugekyu jyuywyu'xta'ayut ko muk tyóyut. ¹³ Peru Dios tu twanda'aky xymyo'oya'anam ja jembyu tsajp esu jembyu naxwiñadu ma tugekyu jajtunat di'ibu tuj'ajtan.

¹⁴ Paaty magu'ugítaty, maanam miits xy'awix xyjup'ixtu ko myina'añ jyata'añ tugekyu taadu, jiky'attá éxtam ja Dios tseky, wa'atsti'knu, kyaj mdsiptúndat, es ni mgapekytyúndat, es da'un kyaj ti xyjáuudat di'ibu mjatánudap ko ja'a myiñat. ¹⁵ Jaygyúkudu, es yu Nindsun'ajtamu mya'xtujkan ko kyaj tsojk myiñ, ja'a myeepy ja tiempu es jyodumbittat ja pojpu ja'ayuty, es yu'u jajnitso'ogaampy. Da'un nandu'un tim mnijáyudu yu nmagu'uk'ajtam Paablu mut ja kyuwijy'at di'ibu Dios mooyu. ¹⁶ Da'un ja Paablu tkajxwiy ja ja'ayuty ma tugekyu ñeky di'ibu jyaay. Tuj'ajtanu'u ko yu'u tu tkaxja'ay naagaty di'ibu tsip njaygyujkam. Taa yu ja'ayuty di'ibu kyaj jajxon t'axájudu ja Diosu jyaaybyajtan, es kyaj ñay'aguwitsadu mut ja Diosu 'yuxpajkan, yu'ajaty kyutajtap ja Paablu 'yuxpajkan di'ibu tsip es jajjaygyúkut, da'un éxtam tkutajtu di'ibu nandu'un jaybyety ijtp ma Diosu jyaaybyajtan. Da'un dyajtydyúkudu k'uam ko Dios tyuydyuna'anudu.

¹⁷ Per miits magu'ugítaty, tu xyñijáwudu tugekyu tyaaðu. Paaty éxkam ko tyadu da'ambu ja'ayuty mwín'uunudu es xymyastu'udat yu mjiky'ajtanu wa'atspu es ma xymyabeky ja Dios. ¹⁸ Yajmuj jajmáyudu wi'ix ni'igu oy xy'ix'áttat ja Nindsun'ajtam Jajnitso'kpu Jesukristu. Muj'ajtan muut yu'u 'yitit winu xuu winu tiempu. Wa'an da'unaty.

Myutu'ukpu Neku Di'ibu Fwank Jyaay

Jesús yajkypy ja jiky'ajtun

¹ Ja'ats miits nduknija'ayudup pánu naty jaayam ijtp ko kyajnumu naty ja naxwíñudu tsonda'aky, di'ibu myooy ja jiky'ajtun nidugekyu di'ibu jiky'ajtp. Ja'ats uudsuty tu n'ix tu nmadowdu es tu ndoñ tu nmátstuts mududsu ngu'ujuty. ² Tu yajnijáwu yu jiky'ajtun, es uudsuty tu n'ixtu di'ibu yu jiky'ajtun yajkypy, es tyam miits nduknijáwudu es ja'a du'un ja jiky'ajtun winu xuu winu tiempu. Yu'u naty ijtp mudu Dios Teety es tu kyaxe'eky mut uudsuty. ³ Paadyats miits ndukmumadya'aga'andu di'ibats tu n'ixy es tu nmadóyats, es nandu'un miits mdi'igyudya'aydyut mut uudsuty es mut ja Dios Teety es mut ja 'yU'unk Jesukristu. ⁴ Du'un nnijáyudu es udsajtam nxondákum nidugekyu ti'igyu es jotkuda'aky.

Diosu du'un ja Jajun

⁵ Tyaadu du'un ja ayuk di'ibats ja Jesukristu xytyuk'uxpajk es ngajxwa'xyats ma miidsuty ko yu Dios yu'u du'un ja Jajun, es ma yu'u kyaj ti agoots'ajtun. ⁶ Pun juna'anum ko ti'igyu n'ijtam mut yu Dios, es ndu'uyo'oyam agoots, andákum es kyaj ndu'unum ja tui'ajtun. ⁷ Per pun tu'uyo'oyam ma ja jajun, nmudajtam ja ti'igyu'at nixim niyam esu 'yU'unk Jesukristu ñe'pyñ xyajwátsum mut tugekyu nbojpu'ajtun.

⁸ Pun njuna'anum ko kyaj nbojpuja'ay'ajtun, naywyin'u'unum ku'am es ni ti tui'ajtun ngamudajtam. ⁹ Per pun mayajtsam ko nbekytyu'unum, Dios di'ibu tyiimpy ja tui'ajtun, xpyojpuma'xa'anum es xyajwátsum tugekyu nbojpu'ajtun. ¹⁰ Per pun juna'anum ko ngapektyu'unum, mut yu'u ngakupajkam ja Diosu 'yayuk es ndijam ko andakp ja Dios ko juna'añ: "Yu ja'ayuty pojputuundabu tugekyu."

2

Kristu udsajtam xyñikajxtútum

¹ Nitítuty, tyámats miits nnijáyudu kaduibu mbekytyúndut. Per pun jaa pán pyekytyúñ, nmudajtam tu'uk di'ibu xyñikajxtútum Dios windum. Yu'u du'un ja Jesukristu di'ibu tyiimpy ja tui'ajtun. ² Pes yu'u ku'am naydukwindu'ku kruuzkujy es du'un tkumadooy ja nbojpu'ajtun. Es kyaj 'yudsajtamuty je'eyu, nandu'un tkumadooy nidugekyu ja naxwíñudu ja'ayudyu pyojpu.

³ ¿Wi'ix mbaat nmudajtam tui'ajtun ko n'ixy'ajtam ja Dios? Pes mudu tyaadu ko nguydyu'unum ja 'yana'amun. ⁴ Mut ko di'ibu junaamp: "Ej n'ixy'ajtyppyats ja Dios", es kyaj tkuydyúñ ja Diosu 'yana'amun, tyadu ja'ay andakp es ni ti tui'ajtun tkamudaty. ⁵ Per ja ja'ay di'ibu kyuydyimpy ja Diosu 'yana'amun, kexy ka'pxy tmudaty ja Diosu tsojkan, es du'un nnija'am ko ti'igyu n'ijtam mudu Dios. ⁶ Mut ko pun njuna'anum ko nbanujxam ja Jesukristu, xpyyátam es njiky'ajtam éxtamu Jesukristu jiky'ajty.

Jembyu ana'amun

⁷ Mugu'ugítuty, kyajts miits nduknijáyudu ana'amunu jembyu. Di'ibu nduknija'ayudup, ja'ayam nmudajtap di'ibu jawyíñup mya'anmaaydyu. Tyadu jeky ana'amun, ja'ayam ja ayuk di'ibu tu xymudowdu. ⁸ Oyu du'un, tyaadu di'ibu nduknija'ayudup, yu'u tu'ugu jembyu ana'amun, es ya'ijxap ko tui'ajtanu'u ma Kristu es nandu'un ma miidsuty, mut ko najxp ja kugoots'at es jaj tu'xnuu ja tui'ajtun.

⁹ Di'ibu junaamp ko 'yity ma ja jajun es kyaj tseky ja myugu'uk, taadu ijtpam kugoots. ¹⁰ Di'ibu tseyjpy ja myugu'uk, jiky'ajtp ma ja jajun, es ni ti kyayajpekykyu'ayuty. ¹¹ Per di'ibu myudsip'ajtypy ja myugu'uk, jiky'ajtp es jyudity ma wyingoodsuty, es kyaj tnijawu ma ñejy, mut ko ja koots'at tu yajjambityuty wiints.

¹² Nitítuty, nnijáyudats miidsuty mut ko Dios tu tme'xy ja mbojputy mut yu'ugyujxmu Jesukristu. ¹³ U'unkteedyuty, nnijáyudats miits mut ko tu xy'ixy'attu Jesukristu di'ibu taayam ko naxwíñudu tsondaky. Éna'kuty, nnijáyudats miits mut ko tu xymymada'aktu ja mujku'ugópk.

Nitítuty, nnijáyudats miidsuty mut ko tu xy'ixy'attu Dios. ¹⁴ U'unkteedyuty, nnijáyudats miits mut ko tu xy'ixy'attu Jesukristu di'ibu taayam ko naxwíñudu tsondaky. Éna'kuty, nnijáyudats miits mut ko yajxon tu xy'axájudu ja Diosu 'yayuk mut winu mjot. Paaty xymyudattu muk'ajtan es tu xymymada'aktu ja mujku'ugópk.

¹⁵ Katu xytsoyoktu ja naxwíñudu winma'añ, mut ko yu ja'ay di'ibu tsoyoktup ja naxwíñudu winma'añ, kyaj tsoyoktu ja Dios Teety. ¹⁶ Mut ko tugekyu di'ibu jaa'ajtp naxwíñ, ko ja'ay t'uxta'aydyu di'ibu nini'x kubajk tseyjpy, ko t'adsoktu ko tii t'ixtu es ko myuj pyaadudu ko tii tmudat tjaygyaptu, tugekyu tyadu winma'añ esu du'ambu jiky'ajtan jaa myiñ ma

yá naxwíñúdu, es kyaj myiñ má Dios. ¹⁷ Perú Dios yajkutégoyaaumpy ja naxwíñúdu winma'añ mut tugekyu di'ibu ja'ay adsojktap naxwíñúdu winma'añgyajxm, per ja ja'ay di'ibu kyuydyiumpy ja Diosu tsojkan, jiky'ajtp winu xuu winu tiempu.

Tuy'ajtan esu andakan

¹⁸ Nititaty, tu jya'ty má tyam tu'uk óknum ja oora. Tu xymyadowdu ko myina'añ di'ibu myúdsip'ajtpy ja Kristu. Pes nugoo 'yokmay'ajnu di'ibu myúdsip'ajttap ja Kristu. Paadyats nnijawu ko tu net jya'ty ja tiempu di'ibu tím ok. ¹⁹ Tamu ja'ay di'ibu púdsuudu má uúdsaty, per kyaj yu'u t'axájúdu Kristu éxtamu Yajnitsókpu. Mut kots xyñikaktu, paaty ya'ixy ko kyaj t'axájúdu Kristu es nan kyaj yu'udyu nmamabujkpu'ajtm.

²⁰ Per miúdsaty kyaj mdu'un'áttu, mut ko Kristu mmooyudu ja Espírítu Santu es miúdsaty nidugekyu nnija'adup ja tuy'ajtan. ²¹ Nnijáyúdsats miits mut ko yajxón xyñijáwudu ja tuy'ajtan, kyaj nnijáyúdu éxtam di'ibu kyaj tñijawu. Miúdsaty yajxón xyñijáwudu ko má yu tuy'ajtan, kyaj myiñ ja andakan.

²² Yu'u du'un andakp di'ibu junaamp ko yu Jesús kyaj yu'udyu Kristu. Esu taadu yu'u du'un di'ibu myúdsip'ajtpy ja Kristu, pes 'yaxtijpy ja Dios Teety es ja 'yU'unk. ²³ Es di'ibu 'yaxtijpy ja Diosu 'yU'unk, nan kyaj 'yity ti'igyú mmut ja Dios Teety. Per pán 'yaxájup ja Diosu 'yU'unk, nan ijtp ti'igyú mut ja Dios Teety.

²⁴ Miúdsaty, pes jiky'attu éxtamu Jesukristu 'yaxpukun di'ibu m'axájúdu exta jawyíñup. Es ko du'un xytyúnat, m'ittap ti'igyú mut ja Dios Teety es mut ja 'yU'unk. ²⁵ Es tyaadu du'un di'ibu Jesukristu tu xytyukwándakum, ja jiky'ajtan winu xuu winu tiempu.

²⁶ Tats miits nnijáyúdu es mnaogywenta'átudat mudu tadu di'ibuty mwin'unnánudap. ²⁷ Per miúdsaty kyaj mdugoy'ajtxadu pán mduk'axpukudap, ja'a ko Jesukristu tu mmo'oyudu yu Espírítu Santu, es yu'u mduk'axpukudap tugekyu. Es yu'u du'un ja tuy'ajtan es kyaj tmudaty ja andakan. Paaty ittu ti'igyú mut ja Kristu, éxtam yu Espírítu Santu tu mya'axpukudu.

²⁸ Pes tyamu net nititaty, ittu ti'igyú mut ja Kristu es mnaoyotmakmo'oyadat ko yu'u kyaxu'ugut jatugok, es kyaj xymyúdsodyúndat ko myínut. ²⁹ Mnija'adup miúdsaty ko Jesukristu tyiumpy ja tuy'ajtan. Pes nijáwudu nandu'un ko di'ibu tyuundap ja tuy'ajtan, yu'u du'un u'unk'ajttap ja Dios.

3

Diosu 'yu'unguty

¹ Jaygyúkadu éxtam ja Dios Teety xyjantsysojkan es xy'u'unkniwa'aganum. Es tuy'ajtanu'u xy'u'unk'ajtam. Paaty kyaj xy'ixy'ajtam pánudyu naxwíñúdu winma'añ ja'a'ajtudap, ja'a ko kyaj t'ixy'attu ja Dios.

² Mugu'ugitaty, udsajtam xy'u'unk'ajtam ja Dios. Es kyajnum xytyuk'ijxam wi'ix n'ak'ijtam, per ko Jesukristu kyaxu'ugut, du'un n'ijtam éxtam ja Kristu, mut ko n'ixa'aganum wi'ixu du'un yu'u. ³ Es nidugekyu di'ibu du'un 'yaxájúdup ja Kristu éxtamu Yajnitsókpu, yu'ujuty nayajwátsup ku'am éxtamu Jesukristu wya'adsaty.

⁴ Per di'ibu pekytyuump myúdgeepy ja Diosu 'yana'amam. Yu'u ja peky ko kyaju Dios ja 'yana'amam yajpaduñ. ⁵ Es nnija'adup ko Jesukristu myiñ yá naxwiñ yajpojpnitugeebyu, es kyaj yu'u tmudaty ni ti peky. ⁶ Es nidugekyu di'ibu ijttap ti'igyú mut yu'u, kyaj yuúdyty mut ja pojpu. Per nidugekyu di'ibu pekytyuundap, kyaj t'ixy'aty ja Kristu, es nan kyaj yu'u jya'a'átuty. ⁷ Nititaty, éxkm mwin'unnadu pán. Pánu Kristu ja'a'ajtap, ja'a tyiumpy ja tuy'ajtan éxtam ja Kristu ku'am. ⁸ Per di'ibu pekytyuump, yu'u ja'a'ajtap ja mujku'ugórk, ja'a ko yu'u mujku'ugórk pyekytyiumpy jawyíñup exta tyambaat. Yu Diosu 'yU'unk tu myiñ naxwiñ es dyajkutégoya'añ di'ibu ja mujku'ugórk tyiumpy.

⁹ Ni tu'uk udsajtam di'ibu Dios xy'u'unk'ajtam njiky'ajtam njiky'ajtam éxtamu pojpu tuumbu, mut ko nmudajtam ja jiky'ajtan di'ibu Dios tu xymyo'oyum es kyaj mbaat ni'igu ndu'unum ja pojpu, mut ko xy'u'unk'ajtam ja Dios. ¹⁰ Es mudu tyaadu ñiguxe'eky pánudyu Dios u'unk'ajttap es pánaty ja mujku'ugórk u'unk'ajttap. Mut ko di'ibu jiky'ajtp axuuk es kyaj tteky ja myugu'uk, kyaj jya'a'átuty ja Dios.

Naydsyokum nixim niyam

¹¹ Pes di'ibu Jesukristu xytyuk'ana'amam exta jawyíñup, tyaadu du'un ko nnaydsyokum nixim niyam, ¹² es kyaj ndu'unum éxtam ja Kaín di'ibu ja'a'ajtap ja mujku'ugórk es dya'e'ky ja myuga'ax Abel. ¿Es ti ko dya'e'ky? Mut ko Abel jyiky'aty tuy'ajtan mmut es ja Kaín kyaj.

¹³ Mugu'ugitaty, katu du'ñu mwu'umadu pán mduk'ak'ajtudap pánudyu naxwíñúdu winma'añ ja'a'ajtudap. ¹⁴ Mut ko ndsojkan ja nmugu'uk'ajtam, nnija'am ko yu Dios tu xyajjugákum má yu o'kun es tu xyajmi'num má yu jiky'ajtan. Di'ibu kyaj tteky yu myugu'uk, wu'amp yu'u má ja o'kun. ¹⁵ Di'ibu kyaj tteky ja myugu'uk, yu'u du'un yajja'ay'o'kpu. Es miits nnija'adup ko ja yajja'ay'o'kpu kyaj tmudaty ja jiky'ajtan winu xuu winu tiempu.

¹⁶ Nnija'am di'ibu ðan tsojkan'ajtp, mut ko Jesukristu dya'ijxu ko jyiky'ajtan dyajky mut udsajtamgyujxm. Es ðu'un xypyátum udsajtam es nyajkam ja njiky'ajtan'ajtam mut ja'agyujxm ja nmagu'uk'ajtam. ¹⁷ Pán ja pán tmødaty tjagygyepy di'ibu ndukjiky'ajtam, es t'ixy ja myagu'uk tyagoy'ajtxaty, es kyaj tpa'ayoy, ðwi'ix mbaat tmødaty ja Diosu tsojkan?

Amumdu'uk jot naybyajtãkam ma Dios

¹⁸ Nitituty, kyaj nnydsyojkam je'eyu wingu'uy agu'uy, naydsyojkam éxtam mbaat ya'ixy di'ibu ndu'unum mut ja tøy'ajtan. ¹⁹ Du'un nnija'am ko xyja'a'ajtam ja Dios es n'ijtam jotkujk Dios windum ²⁰ ko nbekyjya'am, Dios ni'igu myújaty es kuðiinum udsajtam n'jot'ajt nwinma'añ'ajtam, ñija'ap yu'u tugekyu. ²¹ Mugu'ugitaty, pán kyaj ti nbekyjya'am, nwinguwa'kam jotkujk ja Dios, ²² es yu'u xymyo'oyum di'ibu udsajtam n'amdo'om, mut ko nguydu'unum ja 'yana'amun es ndu'unum di'ibu yu'u tsyejpy. ²³ Es ja Dios tni'ana'amun es nmabujkam ja 'yU'unk Jesukristu es nnydsyojkam nixim niyam, éxtam ja Kristu xytyuk'ana'amun. ²⁴ Pán nguydu'unum ja Diosu 'yana'amun, jiky'ajtam mut yu'u, es yu'u jyiky'aty mut udsajtam. Nnija'am ko yu'u jyiky'aty ma udsajtam, mut ko tu xymyo'oyum ja Espiritu Santu.

4

Espiritu Santu esu ka'oybyu

¹ Mugu'ugitaty, jaa may ja ja'ay di'ibu nayñigajxødøp ko yu'u ya'uxpøktu es ko xytyukn-im'inum ja Diosu 'yayuk. Katu miits xymyubøktu, ja'a ko taa may di'ibu andãktøp, je'eyu xywyin'ana'anum. Ixtu yajxonu tadu 'yuxpøjkan es net xymyubøktøt pán tøy'ajtan ko yu'u Dios tja'a'aty.

² Du'un xyñijawødøt ko yu'u Diosu Jya'ajun tja'a'aty: nidugekyu pánaty junãndøp ko yu Jesús yu'edyu ðu'un ja Kristu, Diosu 'yU'unk di'ibu miin ya naxwiin éxtamu naxwiinødu ja'ay, ja'a myødajttøp ja Diosu Jya'ajun. ³ Ja di'ibu junãmp ko Kristu kyaj ðu'un oj myiñ, kyaj ja Espiritu Santu tmødaty, ja'a taadu myødsip'ajtypy ja Kristu. Es tu xymyudowødu miidsøty ko myina'añ di'ibu myødsip'ajtypy ja Kristu. Pes ta net ya naxwiin.

⁴ Nitituty, miidsøty Dios mja'a'ajtødøp. Tu xymyumada'aktu tadu andakpøty, mut ko yu Espiritu Santu di'ibu miidsøty muut m'ittu, ni'igu yu'u myújaty es kuðiinumu ka'oybyu di'ibu ja ya naxwiin. ⁵ Tadu andakpu yu'u ja'a'ajtødøp ja naxwiinødu winma'añ, paaty tkajxwa'xtu ja naxwiinødu winma'añ, es myødoo'ijtuødu ja ja'ay di'ibu naxwiinødu winma'añ ja'a'ajtødøp. ⁶ Per udsajtam Dios xyja'a'ajtam. Di'ibu Dios 'yijxy'ajtypy, myødoo'ijtypy ja ayuk di'ibu ngajxwa'xum. Per di'ibu kyaj Dios jya'a'atyty, kyaj xymyudoo'ijtam. Es ðu'un mbaat n'uxkajpøm pán myødajtypy ja Espiritu Santu di'ibu tøy'ajtan yajkypy, es pán myødajtypy ja ka'oybyu di'ibu win'amp.

Dios yu'u ðu'un ja tsojkan

⁷ Mugu'ugitaty, n'oknaydsyojkam nixim niyam, mut ko yu tadu tsojkan myiñ ma Dios. Nidugekyu di'ibu myødajttøp ja tsojkan, yu'u Dios u'unk'ajtødøp, es 'yixy'ajttøp ja Dios. ⁸ Di'ibu kyaj tmødaty ja tsojkan, kyaj yu'ujaty t'ixy'attu Dios, mut ko Dios yu'u ðu'un ja tsojkan. ⁹ Dios xytyuk'ijxum ja tsojkan udsajtam ko tkejxy ja tyu'uk U'unk ya naxwiin es nmødajtam ja njiky'ajtan'ajtam mut ya'agyujxmu 'yU'unk. ¹⁰ Kyaj 'yødsajtamaty jawyiin ndsojkan ja Dios, jawyiin'ajtp yu'u oj xytsyojkan es xytyuk'ijxum mut ko xytyuknigajxum ja 'yU'unk es xyajpojpnitøgo'oyum.

¹¹ Mugu'ugitaty, mut ko ðu'un ja Dios tu xytsyojkan, nandu'un nnydsyojkam nixim niyam. ¹² Ni na'a pãnu Dios tka'ixy. Per pán nnydsyojkan nixim niyam, Dios ijtp ma udsajtam es nmødajtam ja tsojkan. ¹³ Es mut ko Dios tu xymyo'oyum yu Espiritu Santu, tu xytyuk'ijxum ko yu'u 'yity mut udsajtam, es udsajtam n'ijtam mut yu'u. ¹⁴ Es tuts n'ixyøts ku'um es ngajxte'xyøts ko Dios Teety tkejxy ja 'yU'unk ya naxwiin éxtamu Yajnitsøkpu. ¹⁵ Oytym pánaty di'ibu 'yijxkajpy ko Jesús yu'u Dios 'yU'unk'atyty, jiky'ajtp mut ja Dios es ja Dios jyiky'aty mut yu'u.

¹⁶ Es ðu'un nnija'am es nmabujkam ko Dios xytsyojkan. Dios yu'u ðu'un ja tsojkan, es pán nnydsyojkan nixim niyam, Dios jiky'ajtp mut udsajtam, es udsajtam njiky'ajtam mut ja Dios. ¹⁷ Es ko njiky'ajtam mut ja Dios, muj máyøp es kexy ka'pxy 'yitøt ja ndsojkan'ajtam es ndukmu'awdajtam ko Dios xypyayo'oyum, ja'a ko n'ijtam ya naxwiin éxtamu Kristu. ¹⁸ Ma jyãmuty ja tsojkan, kyaj jyãmuty ja tsu'kan. Di'ibu myødajtypy kexy ka'pxy ja tsojkan, yajkekyu ja tsu'øgu. Ja'a ko pán ndsu'kam tii, njujptsu'kam ko xytyukkumødowa'anum di'ibu tu ndu'undøgo'oyum. Ko ti ndsu'kam, kyaj kexy ka'pxy nmødajtam ja tsojkan.

¹⁹ Dios jawyiin xytsyojkan udsajtam. Paaty udsajtam ndsojkan ja Dios. ²⁰ Pán ja pán jyana'añ: "Uj ndsejpyøts ja Dios", es kyaj tteky ja myøgu'uk, andakpu taadu. Pán di'ibu kyaj tteky ja myøgu'uk di'ibu yaa 'yijxpy, nan kyaj mbaat tteky ja Dios di'ibu kyaj t'ixy. ²¹ Mut ko Dios tu xytyuk'ana'amun ko di'ibu tsyejpy ja Dios, nandu'un tsøkøt ja myøgu'uk.

5

Wi'ix ja ka'oybyu nnumadákum

¹ Nidugekyu di'ibu 'yaxájur ja Jesús éxtam Kristu, yu'u du'an ja Dios u'unk'ajtudur. Ja ja'ay di'ibu tsyejpy tu'ugu u'unkteety, nandu'an ttseky yu u'unkteedyu 'yu'ungaty. ² Ko ndsojkum ja Dios es nguudyu'unum ja 'yana'amun, ndsojkumu naty nandu'anu 'yu'ungaty. ³ Es ko ndsojkum ja Dios, nguudyu'unumu naty yu 'yana'amun. Es kom xy'u'unk'ajtum ja Dios es ndsojkum, kyaj muk nja'am es nguudyu'unum di'ibu yu'u xytyuk'ana'amum, ⁴ mut ko nidugekyu udsajtum di'ibu xy'u'unk'ajtum ja Dios, nnumadákum es kyaj ndu'unum ja naxwiñudu winma'añ. Nnumadákum mut ko numabjkum ko ja Jesús yu'u Kristu, Diosu 'yU'unk. ⁵ Pánaty myubjktur ko Jesús yu'u Diosu 'yU'unk, myumadáktur es kyaj túndut ja naxwiñudu winma'añ.

Jesús yajniğajxy ko Dios 'yu'unk'átyaty

⁶ Ko Jesús myiñ yu naxwiñ, oj ya'ijxwe'emy mut ja nuu es ja ne'pyñ, kyaj jye'eyaty ja nuu, ja'a mut ja nuu es ja ne'pyñ. Es ja Espiritu Santu ku'am dyajtydyáku, es ni na'a kya'anda'aky. ⁷ Tuguu k jyam'aty tsajpótm di'ibu yajtydyujkubu tyaadu: ja Dios Teety, ja Diosu 'yU'unk esu Espiritu Santu. Es ti'igyu ja tui'ajtan di'ibu yajktur. ⁸ Es tuguu jyaa'áty naxwiñ di'ibu yajtydyujkadubu tyaadu: ja Espiritu Santu, ja nuu es ja ne'pyñ. Es ti'igyu ja tui'ajtan di'ibu yajktur. ⁹ Numabjkum ko tnikajxpátu ja'ayaty. Per yu Diosu ñikajxpajtan kanak nipat 'yóyaty. Yu Dios tu jyuana'añ ko Jesús yu'u 'yU'unk'ajtury. ¹⁰ Di'ibu myubejkyry ja Diosu 'yU'unk, myudajtury jyodoty wyinma'añóty di'ibu ñikajxpejtyry ko tui'ajtanaty. Per di'ibu kyaj tmabeky ja Dios, du'an t'ixy éxtam 'yanda'aky ja Dios, mut ko kyaj tmabeky ja Diosu ñikajxpajtan ko jyajunáñ: "Jesús uj n'U'unk'ajtury." ¹¹ Tyadu nikajxpajtan yu'u du'an: ja Dios tu xymyo'oyum ja jiky'ajtan winu xuu winu tiempu, esu tyadu jiky'ajtan 'yity mut ja 'yU'unkkyujxm. ¹² Di'ibu 'yaxájur ja Jesús éxtam ja Diosu 'yU'unk, myudajtury tyadu jiky'ajtan. Per di'ibu kyaj t'axaju Jesús éxtam ja Diosu 'yU'unk, kyaj tmudaty tyadu jiky'ajtan.

Kajxwíjun esu kajxpo'xun

¹³ Nnija'ayudpts miits di'ibu myubjktur ja Diosu 'yU'unk, es xyñijáwudut ko xymyudattu ja jiky'ajtan winu xuu winu tiempu.

¹⁴ Kyaj ndsu'k nja'am ko n'amdo'om tii ja Dios, mut ko nnija'am ko ti n'amdo'om di'ibu ijtr ti'igyu di'ibu yu'u tsyejpy, yu'u xymyudo'om. ¹⁵ Es mut yu'uyu ko xymyudo'om, nnija'am ko xymyo'oyumu naty di'ibu n'amdo'om.

¹⁶ Pán 'yijxyry ko tu'ugu myugu'uk tuñ ja peky di'ibu kyaj myunejxyaty ma ja o'kun, wa'an tkajxta'aky ma Dios kudiiu 'yoogat. Ja'a ko taa yu peky di'ibu munajxp ma ja o'kun, es mudu tyadu peky kyajts njuna'añ es kyajxta'agut yu'uguyxm. ¹⁷ Tugekyu axuukru yu'u du'an peky. Es taa yu peky di'ibu kyaj myunejxy ma ja o'kun.

¹⁸ Nnija'am ko di'ibu myudajtury ja Dios éxtamu Tyeety, kyaj pyektyuun'adu'utsy, mut ko Diosu 'yU'unk tkwentu'aty di'ibu Dios jya'a'ajtury, es kyaj ja mujku'ugópk wi'ix tyuñaty.

¹⁹ Nnija'am udsajtum ko Dios xyja'a'ajtam esu mujku'ugópk yu'u ja'a'ajtudur tugekyu di'ibátyu naxwiñudu winma'añ ja'a'ajtudur.

²⁰ Es nnija'am nandu'an ko ja Diosu 'yU'unk tu myiñ es tu xymyo'oyum yu nwinma'añ'ajtam es n'ixy'ajtam ja Dios. N'ijtam ti'igyu mut ja Dios es mut ja 'yU'unk Jesukristu. Tui'ajtanaty ko yu'udyu Dios, es yu'u du'an yajkyry ja jiky'ajtan winu xuu winu tiempu. ²¹ Nititaty, éxkam ko xywyindsu'agudut di'ibu kyaj Dyos'aty.

Myumajtskpu Neky Di'ibu Fwank Jyaay

Tuy'ajtan esu tsojkan

¹ Ëj, mujja'ay Fwank. Nduknigajxtuptsu tyadu neky ja Kiiryu di'ibu Dios wyin'ijx, esu 'yu'unguty di'ibuts uj njantsysojktap; es kyaj jye'eyuty uj, nandu'an nidugekyu di'ibu tu nnijawudu ja tuy'ajtan. ² Ndsoktats miits mat yu'ugyujxmu tuy'ajtan di'ibu nmudajtam njodoty nwinma'añoty, es 'yity mat udsajtam winu xuu winu tiempu. ³ Wa'ana Dios Teety es ja 'yU'unk Jesukristu mgunu'xudu, es mmo'oyudu ja pa'ayo'on esu agujk'ajt jotkujk'ajtan, es ja'a muat n'ijtam ma ja tuy'ajtan esu tsojkan.

⁴ Byeenuts tu njantsyxyonda'aky kots tu nnijawu m'u'unguty jyiky'attu mat ja tuy'ajtan, du'an éxtam ja Dios Teety xytyuk'ana'amam. ⁵ Es tyam, mugu'ugitu Kiiryu, nmunu'xtákyruuts ko nnaidsyojkan nixim niyam. Tyaadu di'ibu nduknija'ayur, kyaj yu'ujuty ja Diosu 'yana'amamu jembyu, ja'ayumu'u di'ibu n'okmudajtambu extu jawuyinur; ⁶ esu tyaadu du'an ja tsojkan ko nguudyu'unam du'an éxtam jyana'añ ja Diosu 'yana'amam. Yu'u ja ana'amam di'ibu mmadoodu extu ko xymuabujktsondaktu Kristu, ja'a ko nnaidsyojkan nixim niyam.

Win'u'umbuty

⁷ Pes may jaa jyudity ja win'u'umbutuk ma tyadu naxwiñudu di'ibu kyaj t'axájudu ja Jesús ko yu'udyu Kristu, Diosu 'yU'unk di'ibu kyajx ya naxwiñ éxtamu naxwiñudu ja'ay. Di'ibu du'an andakp, yu'u du'an myudsip'ajtypy ja Kristu. ⁸ Naygywentu'átudu, kudibbu tyugóyut di'ibu tu xytyundu, es du'an kexy ka'pxy myajkumádyut.

⁹ Di'ibu 'yaktimnikeempy ja Jesukristu 'yuxpajkan es kyaj wye'emy mat yu 'yuxpajkan, kyaj 'yity mat ja Dios; per di'ibu 'yaxájur es tkuydyúñ ja Jesukristu 'yuxpajkan, ijtp mudu Dios Teety es nandu'an mudu 'yU'unk Jesukristu. ¹⁰ Pan ja pan mninujxudu mya'uxpuka'anudu wiink, es kyaj yu'ujuty ja Jesukristu 'yuxpajkan, katu xykyupaktu es mya'uxpukadut ma miits mnaymyúkadu. ¹¹ Es nan katu miits xyajjotkujk'attu ni wi'ix tsoo.

¹² Máyñamts miits nja'anuumyua'andu, per kyajts nja'aya'añ ma tyadu neky. Nujxagambuts ku'am ma miidsuty es nmumadya'aga'andu ku'am, es du'an kya'pxut ja nxondakan'ajtam.

¹³ Yu mmuga'ax di'ibu Dios nandu'an win'ijxu, esu 'yu'unguty, mduknigáxudu Dioskajxy.

Myuduguukpu Neki Di'ibu Fwank Jyaay

Gayu oy yajniqajxy

¹ Eij mujja'ay Fwank. Nduknigejxypyudsu tyadu neky mij, Gayu di'ibuts njantsytsyejpy tuy'ajtun muut. ² Pes mugu'ugitu, n'amdeebuyts ja Dios es oy muk m'itut, du'un extam oy m'lity mwe'emy mudu Dios. ³ Pes xondakpats muk ko myiindu nidu'ugaty ja nmugu'uk'ajtam es xytyukmumadya'aktats ko mij xypyaduñ ja tuy'ajtan. ⁴ Ni tits ni'igu xykyayajxonda'aky kots nnijawu ko n'u'ungadyats 'yittu ma ja tuy'ajtan.

⁵ Mugu'ugitu, oy xytyuñ ko xypyudaku ja nmugu'uk'ajtam, es ni'igu punaty wiink tsoo tso'ondup. ⁶ Yu'ujaty ku'um tu tmadya'aktu ma mubujkpatujk ñaymyukudu wi'ix xytsyojktu. Es oy xytyuñ mut ko xypyudakudu ma tyu'uyo'oydu, mut ko Dios tsyejpy es du'un xytyuñ.

⁷ Pes yu'ujaty jyudittu tmudundu Jesukristu es tkajxwa'xtu Jesukristu 'yayuk majaty ja ja'ayaty, es ni tka"axajudu pudujkun ma tadu ja'ayaty di'ibu kyaj t'axajudu Jesukristu.

⁸ Paaty udsajtam xypyatam es nbudujkam, mut ko du'un muut ti'igyu nmadu'unam ja Dios.

Diótrefes esu Demetryu

⁹ Du'unats tu nnijayu ja mubujkpatujk di'ibu naymyujkadup ma mij, per jap 'yityu tadu Diótrefes di'ibu tim'ana'amaamp es kyaj tkuudyuna'añ extamts nja"anumtu.

¹⁰ Paaty kots njajpta'agut, net ndukmumadya'aktut nidagekyu miidsaty extamts udsaty xyñibi'tskajxudu, xyñi'oo xyñiyaxudu mut ja andakungyujxm; es mudu tyaadu kyajyum jyotkuda'aky, nan ni ja'a tka"axaju ja nmugu'uk'ajtam di'ibu najxtup ya'axpajkpu, es kyaj tkupeky esu wiinkpu 'yaxajudut. Es punaty 'yaxajuyandup, 'yaxwojppudseempu tsajtygoty.

¹¹ Mugu'ugitu, katu xypyaduñ ja axuukpu ijxrajtun. Padun ja oybyu. Di'ibu oy tyiimpy, Dios ja'a'ajtup; per di'ibu tyiimpy ja axuukpu, kyaj tka'ixy'aty ja Dios.

¹² Byeen yajxon tmadya'aktu nidagekyu ko Demetryu jyiky'aty tuy'ajtun muut. Es tuy'ajtun yu'u, mut ko jyiky'aty extam ja Dios ttseky. Nandu'un udsaty nnikajxrajtupstu tyaadu, es mij mnija'ap ko kyajts n'anda'aktu.

¹³ Máynamts miits nja"anumtuya'andu, per kyajts nja'aya'añ ma tyadu neky, ¹⁴ nujxambuts ku'um ma mij es nmutmadya'aga'añ wingu'um agu'um.

¹⁵ Dios myajjotkujk'átudup. Nmugu'uk'ajtam di'ibu yam mduknigaxudu Dioskajxy. Tunu may'ajtan, mo'oydu ni'amuku Dioskajxy di'ibáty jap ma mij.

Neky Di'ibu Juudas Jyaay

¹ Eĵ Juudas, Jesukristu myaduumbu, myuga'axu Santya'agu. Nduknigajxtaptsu tyadu neky ja ja'ay di'ibu Dios Teety tu twin'ixy es tja'a'ata'añ, es di'ibu Jesukristu kyuwaampy. ² Wa'anu Dios mmo'oyudu pa'ayo'on, agujk'ajt jotkujk'ajtan esu tsojkan.

Pánuty tyuk'axpajktap ja andakun

³ Mugu'ugítuty, byeenats tu njantsytsyegy nduknijayaya'andu ja nitsokun di'ibu nmudajtum. Per nja'abats ko koonamts nnijávyt es nmunu'xta'aktut es xtyyúndut wi'ix kyaj pán dyajtagútsut di'ibu nmubujkam, di'ibu tugok je'eyu yajmooy ja Diosu jya'ayuty. ⁴ Ja'a ko tu ja ja'ay andakungyujxm tyákudu ma miidsaty. Yu'u ja Diosu 'yayuk 'yandijpy di'ibu extu jékyup ma yajjaaywyu'um ko du'ambu ja'ay windagoyándup, éxtam pyaadyuty. Mut ko 'yaxukja'ay'áttu, jyanandu ko Dios myaj'ajtungyujxm nyajpojuma'xum, es paaty mbaat nmú'indu'unum, es 'yuxtijtap ja Nindsun'ajtam Jesukristu.

⁵ Paaty miits ndukjamyatsa'andu, oy xyjanijáwudu, ko oy ja Dios tjajajpudsuumdu Ejiptu nidagekyu israelitu ja'ayuty, óknum dyajkutagooy di'ibu majaty kyaj tmubujktu. ⁶ Es nija'ajuty ja anklus di'ibu kyaj tmumadooy ja Dios, es tmastuty ja tyuunk di'ibu Dios mooyu, Dios myudajtypy tsimy ma koots it es tukkumadowa'añ ko tpayo'oyut. ⁷ Nandu'un jyajtu Sodomu esu Gomorra mut ja wiingátypyu kajpn di'ibu myuwingon'ajtypy. Tadu ja'ayuty naygyu'yajkudu es myú'indúndut, es túndut di'ibu kyaj jyapaadyuty ttúndut. Paaty ja Dios dyajkadaky ja junya'ank tsajpótm es dyajtooydyaay tugekyu ja kajpn. Es du'un ja Dios xtytyuk'ixum wi'ix tpaydyuna'añ ja pekyjya'ayuty.

⁸ Per oy tjatimnijáwudu tugekyu tyáadu, nandu'unu tadu andakpu dya'axuugudu kyu'um nini'xuty es t'uxtijtu ja Diosu kyutujkan, es extu wyingajxpajttap pánuty ijttap jam tsajpótm. ⁹ Per extu yu arkanklus Migel kyaj du'un t'ooj ja mujku'ugórk ko dyajtsiptáktu mut ko tjajajnjaxáñ ja Moisesu ñini'x, je'eyu t'anmaay: "Wa'an ja Nindsun'ajtam mwin'oooyuty." ¹⁰ Peru tadu andákruty ñi'o'odap di'ibu kyaj tnijáwudu. Du'un yu'ujuty éxtamu ujts juyujk, kyaj jyagyúkdudu es ñayajtagóyudu.

¹¹ Jpuroobuty yu'ul, mut ko t'uxtijtu ja tuj'ajtan es tpadundu ja kyu'um winma'añ éxtamu Kain. Kyaj ttundu di'ibu Dios tsyeypy, mut ko myeeñ'oooguty éxtamu Balán, es éxtamu Koree, du'un 'yooktet ja'agyujxm ko tnibudu'uktu ja Dios. ¹² Ko mnaymyúkdudu es mgay m'uuktu Dios tsyojkungyujxm, tyádu andákruty tyákudu ma miidsaty, es ni kyatsoydyundu es xymyutkay xymyut'uuktu. Du'un yu'ujuty éxtamu borreegu kwentu'ajtpu di'ibu naygywenta'ajttap ku'am, éxtamu yoots di'ibu kyaj tmudaty ja tuu es yajnejxyuty ja poj, du'un yu'ujuty éxtamu je'xykyépyun di'ibu kyaj tyuamp'áty, éxtam tu'ugu kepy di'ibu tu tyutsnu mudu ñi'aats ñigoxy. ¹³ Tadu andákruty, yu'u myunajxtap ja jiky'ajtanu axuukpu extu mbaat yajtsoydyúndu. Du'un yu'ujuty éxtamu jikymyeyjñ ñikapy es dyajpudsémy ja axuukpu mejyñbyu'aay, es nandu'un éxtamu madsa'ada'atsy ko ñaxy tsajwinm ko tye'xy muk es waanu 'yity, ta pyi'itsy, esu du'unu tadu andákruty wyu'umdu muk agootstuuu winu xuu winu tiempu.

¹⁴ Yu'udyu dunu tyaaduty di'ibu tim jékyup myadyak ja Enok, ja Adanu 'yok myujxutjk naska'axubu. Du'un jyunáñ ja Enok: "N'ijxats ja Nindsun'ajtam ko myiñ mut kanak milu 'yanklusaty, ¹⁵ es tpayo'oyut nidagekyu ja ja'ay es tkumadowat ja axuk ja'ayuty di'ibu tu ttundu tugekyu axuukpu, es mut ko nandu'un mut ja axuk ayuk tu tkajxpaaatu ja Dios." ¹⁶ Esu tyádu andákruty myu'undup ja Dios esu wiingátypyu, ni na'a kyajotkuda'aky mut ja di'ibu myudajttap. Ja'a tyuundup di'ibu yu'u ku'am tsyojktap, kyu'awak'áttu es ñayajmujpajta'aga'anudu, es oy myadya'aktu mut ja wiinkpu ja'ayuty ko ti tsoktu di'ibu ku'am tyuk'oy'áttap.

Kajxwíjun mut ja mubujkruty

¹⁷ Per miits mugu'ugítuty, jamyatstu wi'ixu Nindsun'ajtam Jesukristu 'yapóstaluty xtyukmumadyákam. ¹⁸ Du'un jyanandu: "Ja tiempu di'ibu tim okpu jaa'ataamp ja ja'ay di'ibu tyukxi'igaampy ja Diosu 'yuxpajkum es jyiky'ata'añ éxtam yu'u ja 'yaxuk winma'añ." ¹⁹ Tyáadu du'ambu ja'ay yu'u yajnaywya'xup ja nmugu'uk'ajtam es jyiky'attu éxtam ja ñini'x kyubajk tsoktu, es kyaj tmudattu ja Diosu Jya'ajun.

²⁰ Per miits mugu'ugítuty, yajmujwiin yajkajaaju nmubujkan nixim niyam, es kajxta'aktu éxtam ja Espiritu Santu mnu'umo'oy mdu'umo'oyudu. ²¹ Naymyudátudu mut ja Diosu tsyojkan es jup'ixtu ko myina'añ ja Nindsun'ajtam Jesukristu, ko mut ja pya'ayo'on xymyo'oya'anum ja jiky'ajtan winu xuu winu tiempu.

²² Pa"ayowda pánuty kyaj oy tñijáwudu ti ja Dios tsyejpy. ²³ Di'ibū tēu dān tim-nayyajtēgoyánūnūp, yajtsō'ok éxtūm jyawū xyjuuty jūnóty; esū wiingátyryū pa"ayow es yajtsō'ok, per éxkūm mya"axūūgūdu mūt ja 'yaxūk jiky'ajtūn.

²⁴ Ja nYajnitsokrū'ajtūm, ja Diosū tu'ukrū di'ibū myūdajtyry ja māk'ajtūn es kādīibū mbekykya'adat es myajkaxū'ūgūdu wā'ats Dios wyindum mā ja myūj'ajtūn, es mūt ni'igū xondakūn, ²⁵ wa'an ja'a tmūdattū ja mūj'ajtūn, māk'ajtūn, es ja kutujkūn. Dū'ūn 'yijty Nindsūn'ajtūm Jesukristūkyūjxūn mā kyajnūmū naty tsyonda'aky ja naxwīñūdu, tyamū dū'ūn 'yity, es winū xūn winū tiempū dū'ūñūm 'yītūt. Wa'an dū'ūnūty.

Di'ibu Dios Myooy Ja Jesukristu Es Ttuknijawudat Ja Myaduumbuty

¹ Di'ibuts nguaxaapy ma tyadu neky, yu'u di'ibu Dios myooy ja Jesukristu es ttuknijawudat ja myaduumbuty di'ibu tsojkap es tsojk tyuna'an jyata'antuty. Jesukristu tkejxy nidu'ugu 'yanklas ma uj, Fwank, Jesukristu myaduumba, es tats xytyuknijawu tugekyu tyada. ² Paaty ma tyadu neky nnikajxpeytyats ko tyay'ajtunaty di'ibuts n'ijx nmadoo, ko yu'u ja Diosu 'yayuk es di'ibu Jesukristu xytyuk'ijx xytyuknija'ajats.

³ Dios kunu'xadap di'ibuty kyajxtap, es kunu'xadap nandu'un di'ibu myudeepy ja myadya'agy tyadu ayuk, es tmabuktat es tkuydyundat di'ibu ijtp yaa kaxja'ay, mat ko tu wyingon ja tiempu ma tyuna'an jyata'antuty.

Fwank tnijay ja mabujkputajk nijuxtuk pekypyu

⁴ Uj Fwank. Nnijayats yu mabujkputy di'ibu naymyujkadap ma juxtukpu kajpn Asyu naaxoty. Wa'an ja Dios mgunu'xadu es mmo'oyudu ja agujk'ajt jotkujk'ajtan, ja Dios di'ibu ijtp, du'antam 'yity, es du'antam 'yita'an. Nandu'un mgunu'xadat ja Espiritu Santu es mmo'oyudat ja agujk'ajt jotkujk'ajtan, ja Espiritu Santu di'ibu ijtp ma ufaaybyajn ma Dios yajkutiky, es ttuñ juxtuk naxu tuunk. ⁵ Es nandu'un ja Jesukristu, di'ibu nikajxpejtypy ja tny'ajtan, mgunu'xadat es mmo'oyudat ja agujk'ajt jotkujk'ajtan, di'ibu jawyiin jikyryujk ko 'ye'ky, es tyam yajkutiky ma nidagekyu naxwifudu ja'ayadyu ryey. Jesukristu xytsyojkam, tu xyajwatsam ja nbojpu'ajtam mat ja ne'pyñ. ⁶ Es tu xyryujtakam yajkutukpu es teedyaty, es nmadu'unum ja Dios Teety. jN'ok'awdajtam ja Jesukristu di'ibu winu xuu winu tiempu tmdaty ja muj'ajtan esu mak'ajtan! Wa'an du'antuty.

⁷ Ixtu, Kristu miimp yoodsoty. Nidagekyu naxwifudu ja'ay t'ixtat, es extu ja'ajuty di'ibaty yajkruuzpajtudu; es nidagekyu naxwifudu ja'ayaty jyuyay ya'axtat ko t'ixtat. Es du'an jyata'an. Wa'an du'antuty.

⁸ Nindsun'ajtam Dios, di'ibu tugekyu mak'ajtan myudajtypy, yu'u du'an junaamp: "Ujtsu du'an extam ja A es extam ja Z, ujtsu du'an ja jawyiimbu es ja tim okpu, di'ibu ijtp, du'antam 'yity, es du'antam 'yita'an."

Fwank t'ixy ja Kristu

⁹ Uj Fwank, mmmabujkputy. Mat yu'agyujxmu Jesus uj n'ityats mat miidsaty ma Diosu kyutujkan, ayon es ma'xtujkan. Tats xyjapajta'aktu extamu tsimyja'ay ya ma islu di'ibu xyu'ajtypy Patmus, mat ko ngajxwa'xyats ja Diosu 'yayuk es nnigajxy nmimadya'agyats ja Kristu. ¹⁰ Ma tu'ugu domingu xuu ja Espiritu Santu xyngudakuts. Nétats nmadoo extam pan muk kyajxy n'axku'ayats mat tu'ugu ayuk, du'an extam ya'axy ja trompetu, ¹¹ es xy'anmaayats:

—Kaxja'ay nekykyujxm di'ibu m'ijxypy, es tuknigaxu tadu neky ja mabujkputy di'ibu naymyujkadap ma tyadu juxtukpu kajpn: Éfesu, Esmirnu, Pérgamu, Tyatiiru, Sardus, Filadelfyu esu Laodiseeu.

¹² Nwa'kambijtyats es n'ixa'anats púndsu dun xymyugajxp. Nétats n'ijxy juxtukpu ooru kandaleeru, ¹³ es kujk'aay ma tadu kandaleeru, n'ijxyats kyaxe'eky extam tu'ugu yedyujk, es naywyixxaty yeñ, extu tekyjuyj'ambaat, es tmdaty tu'ugu 'yooru kaatsywyuun di'ibu jantsy muju 'yok. ¹⁴ Yu wyaay poop extamu lanu pooppu, es extamu tsajp'e'pyky, esu wyiin du'an kyaxe'eky extamu janya'angun. ¹⁵ Yu tyeky jantsy tu'xp, extamu bronsu ko muk 'yambeky; esu kyajxy jantsy muk, extam 'yuutsy pyamimy ja muj nuadax. ¹⁶ Ma yu 'yaga'anngyu'u tmdaty juxtukpu madsa'a, esu wyiin jyujp tu'xp extam ko ty'e'xy ja xuu mat winu myujaa. Es ma 'yaa pyudsemy extam tu'ugu espadau jujpki'pyñ es majtsku 'yaa.

¹⁷ Kots n'ijxy, ngudaayats tyeky'ujxy extamu o'kpu. Es yu'u tyuknikooñats ja 'yaga'anngyu'u, es xy'anmaayats:

—Katu mdsu'ugu. Ujtsu du'an ja jawyiimbu es ja tim okpu. ¹⁸ Ujtsu du'an di'ibu jiky'ajtp. Tats n'ok'o'kpu, nétats njikyryejky, es njiky'atyats winu xuu winu tiempu, es nmadajtypyats ja kutujkan esuts nyajikyryuakat ja o'kputy. ¹⁹ Kaxja'ay di'ibu tu xy'ixy, di'ibu jaa tyam, es di'ibu ya'ixaamp oknum. ²⁰ Yu'u du'an 'yandijpy ja ayu'udsyu winma'an, ja juxtukpu madsa'a di'ibu tu xy'ixy madsu n'aga'anngyu'u es ja juxtukpu ooru kandaleeru. Ja juxtukpu madsa'a ja'a 'yandijpy ja juxtukpu n'ayuk kajxwa'xrats ma ja mabujkputajk naymyukadu, esu juxtukpu kandaleeru ja'a 'yandijpy ja mabujkputy di'ibu naymyujkadap ma juxtukpu kajpn.

2

Ayuk yajtuknigéxy ja mabujkputajk jap Éfesu

¹ Du'an xyñijáyt yu n'ayuk kajxwá'xpruts di'ibu ijtp má ja mabujkputajk ñaymyúkudu jam Éfesu. “Du'an jyuna'añ di'ibu myudajtypy jxhtujku madsa'a 'yaga'añgyu'ujóty es jyudity kujk'aay má tadu jxhtujkpu ooru kandaleeru: ² Uj nnija'abuts di'ibu mduundap, wi'ix mmuktundu, es ja ma'xtujkan di'ibu mmudajttap. Es nnija'abuts ko kyaj mbaat xymyuma'xtúktu ja axuk ja'ayuty. Nan nnija'abuts ko tu xywynma'añ'ixtu di'ibu nugooby ñayñigajxudu ko yu'u 'yapóstaluty, es tu xyajnidu'xtu ko yu'udyu andákruty. ³ Tu xymyudánudu es xytyuknaxtu ja ayo'on mut ujtskyujxm, es ni tu mgatsipka'axtu. ⁴ Per má miidsuty tam tits nga'oyjya'ap, yu'u ko kyaj xy'oknakytsyojknudats éxtam jawyíñur. ⁵ Jamyatstu éxtam tuuyap xytsyojktats es yajxonats xymyuduundu. Yajjambittu mjot es jiky'attu jatagok éxtamu naty jawyiin. Pún kyaj mjodumbittu, nninujxtap es nbujkudat ja mgandaleeru má 'yity. ⁶ Oyu du'an xytyundu ko xykyatsoktu ja nikoláytudyu 'yaxuk jiky'ajttan, mut ko uj nandu'un n'axuk'ijxpyuts. ⁷ Di'ibu mudoodap, wa'an tjagyúkudu di'ibu ja Espírítu Santu 'yanmaaydyubu tadu mabujkputajk má ñaymyúkudu. Pún madakp, tyaadu nmo'oyapts es tju'xtat ja ujts tuamp di'ibu yajjiky'ajtp es tsajpótm 'yity.”

Ayuk yajtuknigéxy ja mabujkputajk jap Esmirna

⁸ Nijayu nandu'un yu n'ayuk kajxwá'xpruts di'ibu ijtp má yu mabujkputajk ñaymyúkudu jam Esmirna: “Du'an jyuna'añ yu jawyiimbu esu tim okpu, di'ibu ok'o'kpu es net jyikyppyeky. ⁹ Uj nnija'abuts ko m'ayoodap. Per jotkujkudu mut ko Dios mdsókudu es mbudákudu. Es nnija'abuts ko nugooy mni'ow mniyaaxudu di'ibáty naydyíjadap ko 'yisraelítuty, di'ibu sitay je'eyu ko myajku'umadúndu. ¹⁰ Katu mdsu'agudu mut ko m'ayowa'andu. Yu muijku'ugópku yu'u wyinma'añ myo'oyaampy ja myuduumbuty es mbujta'aga'añuty pujxndugóty miidsuty nidu'uguty, es waanu tiempu mya'ayowa'añuty muk, es du'an xymyastu'uttat ja mmabujkanuty. Yajti'igyudu mjot mwinma'añuty extu o'kanbyaaty, es ujts miits nmo'oydyur yu jiky'ajttan wínu xuu wínu tiempu. ¹¹ Di'ibu mudoodap, wa'an tjagyúkudu di'ibu 'yanmaaydyur ja Espírítu Santu tadu mabujkputy di'ibu naymyujkudap: Pún madakp, kyaj ja'a pyaadudat ja ayo'on di'ibu du'an éxtamu ja'ay 'yooktu myumajtsk ok.”

Ayuk yajtuknigéxy ja mabujkputajk jap Pérgamu

¹² Nijayu nandu'un yu n'ayuk kajxwá'xpruts di'ibu ijtp má ja mabujkputy ñaymyúkudu jam Pérgamu: “Du'an jyuna'añ di'ibu myudajtypy ja espaadu jujpki'pymbyu es majtsku 'yaga: ¹³ Uj nnija'abuts ko mdsuunudu má ja Satanás 'yane'emy. Es nan nnija'abuts kots miits xyryanajxtu amumdu'uk jot, es kyajts xymyastu'uttu oy tjaya'o'ktu ja n'ayuk kajxwá'xpu Antipus má miidsuty, jap má ja Satanás tsyuuu. ¹⁴ Per má miidsuty tam tits nga'oyjya'ap, mut ko tam ñaymyikyuty mut miidsuty di'ibu pyanajxtap ja Balamu 'yaxprijkan. Tadu Balan yu'u wyinma'añmyooy ja Balak wi'ix dyajpekytyúnat ja israelítuty, ttuktsu'tstu ja tsu'utsy di'ibu tu yajtukwindsu'ugu ja agojwinnáxuty, es myu'indúndu. ¹⁵ Njuna'añudsu du'unu tyaadu mut ko má miidsuty, ta di'ibu pyanajxtap ja nikoláytudyu 'yaxprijkan, mut ko uj nandu'un n'axuk'ijxpyuts. ¹⁶ Paaty jodumbittu. Pún kadii, nujxpruts es nyajkutagóyuptsu tadu axuk ja'ayuty mut ja espaadu di'ibu pudsuamp madsu n'aa. ¹⁷ Di'ibu mudoodap, wa'an tjagyúkudu di'ibu ja Espírítu Santu 'yanmaaydyur ja mabujkputy di'ibu naymyujkudap: Pún madakp, ndukju'xpruts ja ayu'udsyubu manaa. Es nandu'un nmo'oyapts tu'ugu poop tsaa di'ibu myudajtypy kaxja'ay yu xyuu jembyu di'ibu ni pún tkanijawu, ja'ayu ñija'ap di'ibats nmeepy.”

Ayuk yajtuknigéxy ja mabujkputajk jap Tyatiiru

¹⁸ Nijayu nandu'un yu n'ayuk kajxwá'xpruts di'ibu ijtp má ja mabujkputajk ñaymyúkudu jam Tyatiiru: “Du'an jyuna'añ ja Diosu 'yU'unk di'ibu myudajtypy ja wyiin éxtamu janya'angun, esu tekye du'an éxtam ja bronsu di'ibu jantsy tu'xpr: ¹⁹ Uj nnija'abuts di'ibu mduundap. Nnija'abuts ja mdsojkanuty, yu mmabujkanuty, yu mma'xtujkanuty, es wi'ixu Dios xymyuduundu. Es nnija'abuts ko tyam xytyundu oy waanu ni'igu kadiinam jawyíñur. ²⁰ Per mdugooydyur mut ko xyña'ixtu tadu toxytyujk Jezabel di'ibu nayñigajxur ko yu'u Diosu 'yayuk tkajxwa'xu, per je'eyu 'yanda'aky es twin'uundu ja di'ibats xymyuduundu, es myu'indúndut es nan tju'xtat ja di'ibu tu yajtukwindsu'ugu agojwinnáxuty. ²¹ Uj tats njamo'oyu tiempu esxyur yu'u tu jyodumbity, esxyur tu dyajtagátsy ja wyinma'añ. Per kyajpu du'an tu ttuna'añ, kyaj tu tmastu'uty ja mu'induunk. ²² Ja'agyujxm ko kyaj tmastu'uty ja pekytyu'unan, ujtsuts nyajka'ap tu'ugu pa'am es 'yayówat muk, nandu'un 'yayówat pánaty muut pyekytyundu pún kyaj tmastu'uttu ja pyekytyu'unan. ²³ Es nya'oogapts ja Jezabelu 'yu'unguty, es du'un nduknijáwadats nidagekyu mabujkputajkuty kots uj n'ixy'aty ja jyot wyinma'añuty, es nidu'uk nidu'uk miits ndaydyúndut o ngumádyut éxtam mbaadudu. ²⁴ Per miidsuty nija'ajuty di'ibu ak'ijttap Tyatiiru di'ibu kyaj tranajxtu

tadu axak uxpujkan es ni kanijawudu di'ibuty ya'ujaty tyjrtap ya Satanasa 'yuxpujkunu ayu'udsyabu, kyaj nnakymyo'oyuty wiinkru ana'amun, ²⁵ je'eyu ko xkywenta'attat di'ibu mmudajttap extu kots uj njambitut. ²⁶ Pun madakp es ttuu di'ibuts uj ndsejpy, nmo'oyuarts uj ja kutujkan es 'yana'amut ma tugekyu ja naxwiñudu, ²⁷ es du'an 'yana'amut extam ko ja naxtu'ts yajtukwepy ja puixndajk, es tyukpu'uju, du'an extamu nDeedyats ta xymyo'oy esuts nyajtukutut. ²⁸ Nandu'an nmo'oyap ja jayxyu. ²⁹ Di'ibu mudoodap, wa'an tjaygyukudu di'ibu ja Espiritu Santu 'yanmaaydyap ja mubajkruty di'ibu naymyjukudap."

3

Ayuk yajtuknigéxy ja mubajkrutyk jap Sardus

¹ Nijayu nandu'an ya n'ayuk kajxwa'xpu'ts di'ibu ijtp ma ja mubajkrutyk ñaymyúkudu jam Sardus: "Du'an jyuna'añ di'ibu myudajtypy ja juxtujku madsa'a es ja Diosu Jya'ajun di'ibu tyiimpuy juxtujk naxu tuunk: Uj nniija'abuts di'ibu mduundap. Oy miits mjaiky'attu, du'an m'ittu extam eekyru. ² Paaty wijtu es muk tundu ja mjot, mo'oydu mak'ajtan di'ibu akwa'umprum, di'ibu jawaanu kya'o'knu, ja'a ko tats n'ixy es kyaj tyim'oyuty di'ibu mduundap Dios windum. ³ Jamyatstu ja oybyu n'uxpujkanuts di'ibu m'axaju. Kuydyundu es yajtagátstu mwinma'añuty es mjiky'attat. Pun kyajru du'an xytyundu, nujxapts ti'in, extam tu'ugu ma'tspu, ma ni xkya'awixyudsu naty. ⁴ Per jap Sardus tap naagudyu ja'ay di'ibuts situy taayumts xymyuduundap amumdu'uk jot. Yu'u tyaaduty jyudittat mut uj poop witxu, mut ko du'an ñitukudu. ⁵ Pun madakp, nan ndukpujta'agupts ja poop wit, es kyajtsu xyuu njo'tsut ma 'yity kuxja'ay nekykyujxy ja xyujuty panuty jiky'ajttap winu xuu winu tiempu. Ni'iguts n'axajut extamdsu nja'ajun madsu nDeety 'yity mut ja 'yanklusaty. ⁶ Di'ibu mudoodap, wa'an tjaygyukudu di'ibu ja Espiritu Santu 'yanmaaydyap ja mubajkruty di'ibu naymyjukudap."

Ayuk yajtuknigéxy ja mubajkrutyk jap Filadelfyu

⁷ Nijayu nandu'an ja n'ayuk kajxwa'xpu'ts di'ibu ijtp ma ja mubajkrutyk ñaymyúkudu jam Filadelfyu: "Du'an jyuna'añ di'ibu ni madsu pyojru, di'ibu ja Tuy'ajtan es di'ibu myudajtypy ja rey Davitu 'yawatsn; es ko dya'awa'atsy tii, ni pun mbaat tkaya'adiky; es ko ti dya'adiky, ni pun mbaat tkaya'awa'atsy. ⁸ Uj nniija'abuts di'ibu mduundap. Tats mbujta'aky tu'ugu tajk aa awa'ats ma miidsaty, di'ibu ni pun mbaat tkaya'adiky. Oy nugoo xkyamudajtpu maja, tu xkyuydyundu ja n'ayukats es kyajts ta xy'axtijty. ⁹ Ja mju'ugópk muduumbut, tadu andákruty di'ibu nayñigajxudap ko yu'u 'yisraeliity, per nugoo je'eyu 'yanda'aktu, nyajkoxtánadupts mdeky'ujxy, es du'an tñijawudat ko tats uj miits ndsoktu. ¹⁰ Tu xkyuydyunduts ja n'ana'amun ko tu xymyudattu ja ma'xtujkan, es mudu tyaadu ujtsats mij nguwa'anap ko naty myiñ ja ayo'on di'ibu minaaamp ma tugekyu naxwiñudu, es yajtukkumodowa'añ di'ibu jiky'ajttap naxwiñ. ¹¹ Uj minapts sojok. Mudattu mwinma'añoty es padundu ja n'uxpujkanuts di'ibu tu xy'axajudu, kadiibu pun mbujkudat ya mmay'aty. ¹² Pun madakp, mbujta'agupts uj es 'yitat extam tu'ugu pilaar madsu nDiosu tyujk. Jap wu'umut winu xuu winu tiempu. Ni pun tkayajjuga'agut. Nguxja'ayuprts ma ja madákruty ja nDiósudsu xyuu. Es nan nguxja'ayudats ja nDiósudsu kyajru xuu, ja jembyu Jerusalén di'ibu kudakp tsajpótm. Es nan nguxja'ayaambuyts ya jembyu nxu'ts. ¹³ Di'ibu mudoodap, wa'an tjaygyukudu di'ibu ja Espiritu Santu 'yanmaaydyap ja mubajkruty di'ibu naymyjukudap."

Ayuk yajtuknigéxy ja mubajkrutyk jap Laodiseeu

¹⁴ Nijayu nandu'an ja n'ayuk kajxwa'xpu'ts di'ibu ijtp ma ja mubajkrutyk ñaymyúkudu jam Laodiseeu: "Di'ibu du'ñam 'yity extam jaayam es di'ibu ñigajxyry es ttuu ja tuy'ajtan, ya'u du'an di'ibu yajtsonek yajtsondak tugekyu di'ibu Dios yajkoj, es du'an jyuna'añ: ¹⁵ Uj nniija'abuts di'ibu mduundap. Tim tuy'ajtan ja'a du'an ko je'eyu mjokx'attu. Ni mgatstn'attu es ni mga'an'attu. Ndsejpyats es mdstn'attat o m'an'attat. ¹⁶ Kom je'eyu mjokx'attu, paaty n'ok'axtijty extam ja ja'ay ya'uudsaty di'ibu kyaj jyot tkupeky. Mudu tyaadu, ja'ats n'andijpy ko ni xkyadimtsóktats es ni xkyadimtuk'ak'attats. Kyajts miits xymyutnaymyaayabu'attu es ni xkyamudsip'attats, es kyajtsu du'amba ndseky di'ibu du'an. ¹⁷ Miits mjanandap: Muxja'ayudyats udsaty, kyajts ti xytyugoy'ajtxudu, extu nani'iguts nmudattats. N'anmaaydyupts miidsaty: Dios m'ijxudap extam tu'ugu muk ayooobu ja'ayun, es extamu niwa'ats uxwa'atspun, es extamu wiints. ¹⁸ Paaty n'uwijy ngajxwiy esuts xyñimindudats es xyjudyat ja wa'ats ooru, es du'an situy mmakja'ay'attat. Es nandu'an ma ujun min xyjudyu mwitu pooppu, es mnyawyitxadat, kadiibu m'ittat niwa'ats uxwa'ats. Es nan ma ujun mmínut es xyjudyat ya mwiindsooy, es du'an mbaat yajxon m'ixtat. ¹⁹ N'oodupts es njajwijtsambijttupts nidugekyu di'ibuts ndsejpy. Paaty jodambittu es mut winu mjot xkyuydyundat di'ibuts miits n'anmaaydyap. ²⁰ Mudowdu, tyápu'ts tajk agu'uy ngugajxu. Pun pun myudeebyats ja n'ayuk es dya'awa'adsat ja tyujk

aa, tákubuts es n'ítaduts mat yu'u, es til'igyuts ngáyut. ²¹ Pán madakp, nya'u'uñuaps til'igyu ma uj, es maut nyajkutúkuduts, du'un éxtamts uj nmamadaky ja pojru es uñaaybyuts til'igyu madsu nDeedyuts, es nyajkutíkyuts mat yu'u. ²² Di'ibu mudoodup, wa'an tjaygyúkudu di'ibu ja Espiritu Santa 'yanmaaydyup ja mabujkraty di'ibu naymyujkadup."

4

Wi'ixu Dios yajwindsu'ugu tsajpótm

¹ Es óknum n'ijxyuts tu'ugu tujk aa awa'ats tsajpótm. Es xymyugajxyuts jatugok ja di'ibu myudajtypy ja 'yayuk éxtamu trompetu, es xy'anmaayuts:

—Ku't ja yam, es nduk'ixut di'ibu koonum tyuna'añ jyata'añuty óknum.

² Netyu ja Espiritu Santa xymyunejxyuts tsajpótm. Es jámuts n'ijxy tu'uk 'yu'uñu ma 'yuñaaybyajn. ³ Yu wyiin jyujp tye'xy éxtam ko tye'xy ja oybyu tsaa di'ibu xyu'ajtypy jaspe es kornalina. Es jamu natyu i'tsy juwadity ma ja 'yuñaaybyajn, es jyantsytye'xy, éxtam tu'ugu tsuxk jajun es éxtam tye'xy ja oybyu tsaa di'ibu xyu'ajtypy esmeralda. ⁴ Es n'ijxyuts ma ja uñaaybyajn juwadity i'px majtáxku uñaaybyajn ma 'yu'uñudu es yajkutíky i'px majtáxku mujja'aydyujk, ak poobwíxú es mat ja 'yooru koronu kyubajkkajxm. ⁵ Esu uñaaybyajn di'ibu itkijky pyudsemy ja anaa judsuk. Es wyindum tyoy éxtam juxtujku tsinwaty, di'ibu 'yandijpy ja Diosu Jya'ajan di'ibu tyiimpy juxtujk naxu tuunk. ⁶ Esu uñaaybyajn di'ibu itkijky, nan jam tu'uk éxtamu jikymyejyñ, yajtuk'ijxnajxp éxtamu viidru. Es windujp uxku'p es pyu'aybyu'aa'y 'yity nimajtáxku jiky'ajtrpu di'ibu windiky ja ñini'x mat ja wiin. ⁷ Tu'uk ja jawyiimbu kyuxe'eky éxtamu kaa, ja myumajtskpu kyuxe'eky éxtamu tooru, ja myudugaukpu du'an tmudaty éxtamu ja'ayu wyiin jyujpun, es ja myumajtáxkpu kyuxe'eky éxtamu witsnan kyaagudity. ⁸ Tyadu nimajtáxkpu jiky'ajtrpúty nidu'uk tmudaty ja kyakn tudujk. Esu kyakn nikujxy kyaknbatku'ay tmudaty ja wiin. Es xunñ koots du'uñum jyuna'andu:

Nugoo 'yokwa'ats'ajnu yu Nindsun'ajtam Dios,

di'ibu tugekyu muk'ajtan myudajtypy,

di'ibu du'uñum ijt, di'ibu ijtpe es du'uñum 'yita'añ.

⁹ Es tugok tugoku tadu nimajtáxkpu jiky'ajtrpúty t'awdattu es twindsu'ugudu es tja'aygyuda'aktu di'ibu uñaary tsanaary uñaaybyajnoty ma yajkutíky, es jyiky'aty winu xuu winu tiempu, ¹⁰ net ja i'px majtáxkpu mujja'aydyujk twingoxtanadu di'ibu uñaary tsanaary uñaaybyajnoty, es t'awdattu di'ibu jiky'ajtrpúty winu xuu winu tiempu, es trajta'aktu ja kyoronu uñaaybyajn windum, es jyuna'andu:

¹¹ Nindsun'ajtam Dios,

mijtsu du'un mbátup es xy'axájut

ja muj'ajtan, windsu'kun esu muk'ajtan,

mat ko mijtsu du'un tu xyajkojta'ay tugekyu di'ibu ijtpe,

es mgu'umdsokanguyajxm mij xya'ity es xyajkojy.

5

Neku di'ibu winjaya windujp uxku'p, es ja Borreegu'unk

¹ Nétats n'ijxy ma Diosu 'yaga'añgyu'u tuk pityu neky di'ibu winjaya windujp uxku'p, es juxtujku seyu. ² Net tu'ugu muk anklus kyajxkéky:

—Pán pákup es dyajjunákat ja seyu es dya'awa'adsudu tyadu neky?

³ Per ni tsajpótm, ni naxwiñ es ni nax patku'p kyajáputy pán mbaat dya'awa'adsyu tadu neky, es ni mbaat tka'ixtu. ⁴ Nétats uj njantsytyujku jiiybu, ja'a ko kyaju naty pán yajpaaty pán pákup es dya'awa'adsut ja neky es t'ixut wi'ix jyuna'añ. ⁵ Net tu'uk ja ni'i'px majtáxkpu mujja'aydyujk xy'anmaayuts:

—Katu mju'ay. Yu Judaa tyuummp 'yaats di'ibu yajtijp Kaa, di'ibu nandu'un tuump'ajt aats'ajtup ja rey Davit, yu'u tu myada'aky. Yu'u mbaat dya'awa'adsyu tadu nekyppyity es dyajjunákat ja juxtujkpu seyu.

⁶ Nétats n'ijxy kujk'am ma ja ni'i'px majtáxkpu mujja'aydyujk es ma ja nimajtáxkpu jiky'ajtrpúty di'ibu ijtpe ma Dios yajkutíky wyindum, es n'ijxyuts tu'ugu Borreegu'unk tyanu di'ibu kaxu'kp éxtam tu 'yokwindsu'kun'ajtrpu. Es tmudaty yu Borreegu'unk juxtujku wyaj es juxtujku wyiin. Es ja juxtujkpu wyiin, yu'u 'yandijpy ja Diosu Jya'ajan di'ibu tyiimpy juxtujk naxu tuunk es di'ibu Dios tu tkexy ma tugekyu naxwiñadu. ⁷ Tadu Borreegu'unk yu'u oj ñeju es t'axaju ja neky di'ibu naty ja Dios myudajtypy ma ja 'yaga'añgyu'u. ⁸ Es ko t'axaju ja neky, ja nimajtáxkpu jiky'ajtrpúty es ja ni'i'px majtáxkpu mujja'aydyujk ñaygyoxtanaydyáku Borreegu'unk wyindum. Nidu'uk nidu'ugu mujja'aydyujk tmudattu arpu esu ooru tsim ujts mudu poom, di'ibu 'yandijpy ja Diosu jya'ayadyu kyajxtákan, ⁹ es t'awdu tyadu jembyu ay: Mijtsu du'un mbátup es xy'axájut tyadu neky es xyajjunákat ja juxtujkpu seyu.

Paaty mat ko ta mnejxy windsu'kun,
es mat ja mne'pyñ xyjuuy
éxtam ja Diosu jya'ayuty,
púnaty jiky'ajttu ma maygyajpn, ma wiinkru may ayuk kajxpty, es ma mayñaxwiñdu.

¹⁰ Tu xpyyujta'aktu yajkutujkpty esu teedyuty,
es tmudúndat ja Dios es yajkutúktat naxwiñ.

¹¹ Nétats n'ijxy kanak miyongu ánkhusuty juwadity ma ja i'px majtáxkru mujja'ayduyjk,
es ja nimajtáxkru jiky'ajtpaty, es ma di'ibu uñaapy tsunaapy uñaabyajnoty, ¹² es jyuna'andu muk:

Yu Borreegu'unk di'ibu ta ñejxy windsu'kun,
pátap winu xuu winu tiempu t'axájut ja kutujkun,
muj'ajtan, wiyj'ajtan, muk'ajtan,
windsu'kun, oy'ajtan esu awdajtan.

¹³ Es nmudooyats nandu'an nidugekyu di'ibu jiky'ajttap tsajrótm, naxwiñ, nax patku'p,
es jikymyejyñoty jyuna'andu:

Pátadap ja Dios esu Borreegu'unk
ja awdajtan, windsu'kun, muj'ajtan
esu muk'ajtan winu xuu winu tiempu.

¹⁴ Ja nimajtáxkru jiky'ajtrpu jyuna'andu:
—Wa'an du'unuty.

Es ja ni'i'px majtáxkru mujja'ayduyjk ñaygoxtunaaydyákuu es t'awdajttu Dios.

6

Juxtujkru seyu

¹ Nétats n'ijxy ja Borreegu'unk ko dyajjanáky myutu'ukru seyu ma ja juxtujkru. Es nmudoogajxyuts nidu'ugu nimajtáxkru jiky'ajtpaty, es jantsy muk kyajxy, éxtam ja anaa ñekyan:

—iMin!

² Nétats n'ijxy tu'ugu poop kwaay, es di'ibu tyuk'uñaapy tmudaty tu'ugu ti'pxn, es trujtákuu tu'ugu koronu. Ta oj pyudsemy éxtam di'ibu madakp es myada'aga'añ.

³ Ko ja Borreegu'unk dyajjanajky ja myumajtskru seyu, nmudoogajxyuts ja myumajtskru jiky'ajtrpu kyajxy:

—iMin!

⁴ Es pyudsemy tu'ugu tsapts kwaay. Es di'ibu tyuk'uñaapy yajmooy ja kutujkun es yajtsiptákuu ma tugekyu naxwiñdu, es ja ja'ayuty ñayya'oogadut nixim niyam. Es yajmooy tu'ugu muj espaadu.

⁵ Ko ja Borreegu'unk dyajjanajky ja myudugaukru seyu, nmudoogajxyuts ja myudugaukru jiky'ajtrpu jyuna'añ:

—iMin!

Nétats n'ijxy pyudsemy tu'ugu yak kwaay. Es di'ibu tyuk'uñaapy, ya'u myudajtypy tu'ugu balanu. ⁶ Es nmudooyats kyajxy kujk'aay ma ja nimajtáxkru jiky'ajtrpu, es jyuna'añ:

—Je'eyu tuk kilu triigu xyákuu tuk xuu nidún, es táguk kilu sebaadu xyákuu tuk xuu nidún,
per ni je'eyu xykyatónat ya aseytu oliivu es ni ya vnu.

⁷ Ko ya Borreegu'unk dyajjanajky ja myumajtáxkru seyu, nmudoogajxyuts ja myumajtáxkru jiky'ajtrpu jyuna'añ:

—iMin!

⁸ Nétats n'ijxy tu'ugu bayu kwaay. Es di'ibu tyuk'uñaapy, ja'a txu'aty O'kun. Es ux'aay pyamínuty ja di'ibu ñiwindsun'ajtypy ma ja o'krutujk. Yajmooyduy ja kutujkun es dya'ooktat tuk peky ja di'ibu wa'xp taxk peky ja naxwiñdu ja'a'y, dya'oogat mat ja espaadu, yuu, pa'am esu awa'an juyujkaty.

⁹ Ko ja Borreegu'unk dyajjanajky ja myumogoxkru seyu, n'ijxyuts artal patku'uy ja 'yanmujja'anuty ja ja'ayuty di'ibu naty tu 'yooktu mat ya'ugyuxm ja Diosu 'yayuk di'ibu naty ya'ujuty tu tkajxwa'xtu. ¹⁰ Tyaadu kyajxtu jantsy muk:

—Nindsun'ajtam Dios, mij sitay nmudajtypy tugekyu kutujkun. Mjantsywy'a'adsaty es mduy'ajtanmudaty. ¿Extu na'anam xpyayo'oya'añ es xytyukkumadowa'añ ja naxwiñdu ja'ayuty mat kots tu xya'ooktu?

¹¹ Net yajmooyduy nidu'uk nidu'uk pyoop wit, es tyuk'ana'amudu:

—Awixtu mat ja ma'xtujkun jawaandi'knu. Nandu'an éxtam midsuty oj m'ooktu, tuu dun tyimpatypy ma dun 'yooga'andu ja mmugu'uk di'ibats uj nandu'an nja'ay'ajttap. Yu'u yajka'pxaampy ja jyamyunt di'ibáty oogándap mat kots xymyudúñ.

¹² Ko ja Borreegu'unuk dyajjunajky ja myuduujkru seyü, nétats n'ixy ko myiñ ja tgoomyuk uxj, ja xuu yuküdyaaý éxtamü yuk wit, yu po'o jümbijttaý tsapyt, du'un éxtamü ne'pyñ, ¹³ esu müdsä'a kya'ay naxkujxy éxtam ja iigu tümp kya'ay mä ja kyepy ko myiñ ja muk poj. ¹⁴ Du'un ja tsajp ya'ijxtügooy éxtamü neky ko ya''axaatsy. Tügekü tun kórkaty esu naxwíñdu di'ibu jikymyejñóty yajwijtsxijttaadyu. ¹⁵ Net yu naxwíñdu ja'ayuty ja ryey ñayyu'tsudu ängóty es muj kaadsóty, ti'igyü mat ja mukja'aydujyk, soldaádu wyindsúnaty, yajkutujkruy, yajmuduumbuty esu maduumbuty, ¹⁶ es t'anüñdu ja tun kopk esu kaats:

—Nijjijtrajkats üdsaty es yu'tskats küdiibats x'ixat ja di'ibu uñaary uñaarybyajngüxm, es küdiibats xypaádat ja muk tadyu'unan di'ibu yakaampy ja Borreegu'unuk, ¹⁷ ja'a ko tü net jya'ty ja muj xuu mä ja tadyu'unan 'yita'áñ, zes pán mbaat tmamada'aky?

7

Israelitu ja'ayuty di'ibu yajtsaadyu

¹ Oknams n'ijxy nimajtáxku wiinkru anklus tyánudu, tu'uk mä xuu ryudsemy, jatu'uk mä xuu tsiy'ity, jatu'uk mä jumboj myiñ, es jatu'uk mä yukpoj myiñ, es tmajtswü'umdu tügekü pójaty, küdiibu ryójat ya naxwíñ mä tügekü äy kepy, es ni mä jikymyejñ.

² Nétats n'ijxy jatu'ugu wiinkru anklus di'ibu miimp mä xuu ryudsemy, mat ja syeyü Dios di'ibu winu xuu winu tiempü ijtr. Tyádu anklus tmüaxukyky ja nimajtáxku anklus, ja di'ibu Dios tü tmo'oy ja kutujkan es tadyuñat yu naxwíñdu esu jikymyejñ, es 'yanmaáyu:

³—Katu xutyadyundu yu naxwíñdu esu jikymyejñ, es ni yu äy kepy. Awixtu extu kots ndsa'ayutnäm wyimbokkajxm nidügekü yu Nindsün'ajtam Diosu myuduumbü.

⁴ Du'un nmüdüyats ko mügo'px jajustyikxymajtáx mil yajtsaadyu ja israelitu ja'ayuty, ja nimajmajtsk pekyru ja Israelu tümp 'yaats: ⁵ nimajmajtsk mil yajwinwijtstü ja Judaa tümp 'yaats, nimajmajtsk mil ja Rubengu jya'a, nimajmajtsk mil ja Gaadu jya'a, ⁶ nimajmajtsk mil ja Aseru jya'a, nimajmajtsk mil ja Neftaliu jya'a, nimajmajtsk mil ja Manasesu jya'a, ⁷ nimajmajtsk mil ja Simeongu jya'a, nimajmajtsk mil ja Levi jya'a, nimajmajtsk mil ja Isakaru jya'a, ⁸ nimajmajtsk mil ja Zabulongu jya'a, nimajmajtsk mil ja Joseeju jya'a, es nan nimajmajtsk mil ja Benjamingu jya'a.

Mayjya'ay wyitxuty poop

⁹ Oknams n'ijxy tgoomyay ja ja'ay di'ibáty jiky'ajttü mä maygyajpn, mä wiinkru may ayuk kajkraty, es mä mayñaxwíñdu. Es tamü naty tyánudu uñaarybyajn winduuy mä ja Dios yajkutiky, es Borreegu'unuk wyinduuy, es wyitxuty poop, es tmüdatü kyü'ujótmü tüxü'äy. ¹⁰ Es nidügekü yaxkaktü muk:

Yu nitsokün myiñ mä yu Nindsün'ajtam Dios,

di'ibu uñaary mä uñaarybyajn mä yajkutiky,

es nandu'un myiñ mä yu Borreegu'unuk.

¹¹ Nidügekü ánküsaty wü'umdaadyu tanü juwüditü mä ja müjja'aydujyk, es mä ja nimajtáxku jiky'ajtraty, es mä ja uñaarybyajn mä Dios yajkutiky. Net ñayjujpuñdu naxkujxy wyinduuy mä Dios yajkutiky, es t'awdatü Dios, ¹² juña'andu du'an:

jWa'an du'anaty!

Yu awdajtün, muj'ajtün, wijy'ajtün,

ja'aygyudákün, wandsü'kün, kutujkän esu muk'ajtün,

wa'an tügekü tyáádu tja'a'áty yu Nindsün'ajtam Dios winu xuu winu tiempü.

Wa'an du'anaty.

¹³ Net nidu'ugu müjja'aydujyk xyajtuuyats:

—Z'Pánüdu dñn tyáádaty di'ibu ak poop ja wyit, es mä dñ tsooñdu?

¹⁴ Uj n'adsooyats:

—Windsün, mij mnija'ap.

Yu'u 'yadsooy:

—Tyáádu du'un di'ibu tü dyajnáxtü ja muk ma'ay tajün, di'ibu tü dyajwa'atstü es tü dyajpoobü ja wyit mat ja Borreegu'ungu ñe'pyñ. ¹⁵ Paaty 'yittü uñaarybyajn winduuy mä ja Dios yajkutiky, es tmüduñdu ja Dios xuuñ koots mä tyujyk. Es ja Dios yu'u kwentu'atánudap es 'yítat mä yu'u. ¹⁶ Ni na'a kyanaky'ayówat mat ja yuu es ja taüdsü, es ni ja xuu kyatsa'ayüdat, es ni kya'an'oogut, ¹⁷ mat ko yu Borreegu'unuk di'ibu ijtr uñaarybyajn windum mä Dios yajkutiky, yu'u kywentü'ajttap éxtam ja byorreegu, es dyajnjxat mä myuxy ja nüñ di'ibu yajkyru ja jiky'ajtün. Es ja Dios yajtátsxüdat tügekü ja wyinnü.

8

Myujxutujkru seyü

¹ Ko ja Borreegu'unuk dyajjunajky ja myujxutujkru seyü mä ja neky, ta du'üñu 'yamoondaáý tsajpótm éxtam kujm ooru. ² Nétats n'ijxyu tadu jxutujkru anklus di'ibu

tunaadyur Dios windum. Yu'ujuty yajmoodyu kujktu'ugu trompetu. ³ Oknam myiñ jatu'ugu anklus mat tu'ugu ooru junnxijn. Ta tunaay artal winduuy. Ta yajmooy mayu poom es yajpoomjokut es ttukwindsu'ugut mat ja kyajxtakan di'ibaty Diosu jya'ayuty, ma ja ooru artal di'ibu ijtp uñaabyajin winduuy ma Dios yajkutiky. ⁴ Es ja poom jok, ti'igy mat ja kyajxtakan di'ibaty ja Diosu jya'ayuty, pyatuku ma Dios 'yity. ⁵ Ta ja anklus ttukko'oju ja junnxijn mat ja jumbajk ma ja artal, es tjubijpe'ky naxwiñ. Net myiñ ja anaa judsk esu ujx.

Juxtukru trompetu

⁶ Ta ja juxtukru anklus ñayjuj'ijxadu es ttukxu'uxa'andu ja trompétuty.

⁷ Ta ja myutu'ukru anklus ttukxuxy ja trompetu. Ta oj myiñ ja tutsn, junya'ank tuktuuku mat ja ne'pyñ, es kya'ay naxwiñ. Ta tyooy tuk peky ja naxwiñdu di'ibu wa'x tuguk peky, mat nandu'un tuk peky ja aay kepy di'ibu nandu'un wa'x tuguk peky. Es nan tyooy tugekyu tsuxk maa.

⁸ Ta ja myumajtskru anklus ttukxuxy ja trompetu. Ta yajjubijpe'ky jikymyejñóty éxtam tu'ugu muj kopk di'ibu winya'amp mat ja junn. Tuk peky ja jikymyejñ di'ibu wa'x tuguk peky jymbijty ne'pyñ. ⁹ Es tuk peky 'yo'ktu di'ibu wa'x tuguk peky di'ibu naty tsunaadyur jikymyejñóty, es tuk peky tyagooy ja di'ibu wa'x tuguk peky ja barku.

¹⁰ Ta ja myudugukru anklus ttukxuxy ja trompetu. Ta oj kya'ay tu'ugu muj madsa'a tsajpótmdu, jantsy winya'amp kya'ay ma tuk peky ja mujnau di'ibu wa'x tuguk peky, es ma nuu myux. ¹¹ Ja madsa'a ja'a txu'ajty Ta'am. Es tuk peky ja nuu di'ibu wa'x tuguk peky jymbijty ta'am. May ja ja'ay 'yo'ktu mat yu'agyujxma tadu nuu.

¹² Ta ja myumajtáxkru anklus ttukxuxy ja trompetu. Ta oj ñaywya'xyuty tuguk peky ja xuu, ja po'o es ja madsa'ajuty. Net tuk peky ja xuu, ja po'o es ja madsa'a oj jymbity koots. Paaty xuuñ myukwingoodsu taxk ooru es nandu'un koots myukwingoodsu taxk ooru.

¹³ Nétats n'ixxy tu'ugu witsn kyaagudity tsajwinm. Es nmudooyats ko muk ya'axy, es juna'añ:

— ¡Ay! ¡Ay! ¡Ay! Puroobu yu naxwiñdu ja'ayuty ko jatugukru anklus t'aktukxu'uxtat ja trompétuty.

9

¹ Ta ja myumogokru anklus ttukxuxy ja trompetu. Nétats n'ixxy tu'ugu madsa'a di'ibu ka'a naxwiñ. Tadu madsa'a yajmooy ja kuk jutu 'yawatsn. ² Net ja madsa'a dya'awatsy ja kuk jut, es jap jyantspyudseemy ja jok éxtam ma tu'ugu muj jorna. Esu tadu jok yu'u yajwingoodsu ja xuu, es kyoodsudyaay tugekyu ja tsajwinmudu it. ³ Es ma tadu jok pyudsamdu mu'u es ñaywya'xtaayudu naxwiñ. Esu tadu mu'u yajtuk'ana'amdu es ttápat ja ja'ayuty éxtam 'yadu'utsta jaybyu'uk, ⁴ yajtuk'ane'emy es kadiibu dyajwindugóyut ja aay ujts, ni ja maa es ni ja kepy, yu'ayu je'euy tyápur ja ja'ayuty di'ibu kyaj yajtsaadyu wyimbokkajxy mat ja Diosu syeyu. ⁵ Per kyaj yajtuknipejky es dya'oogat, je'euy dya'ayówat mugoxk po'o. Ko tyipy, du'un myákyuty éxtam ko ja ja'ayuty tyápuu jaybyu'uk. ⁶ Ma tadu tiempu ja'ayuty jyantsyja'oogandu, per kyaj mbaat ni wi'ix tsoo.

⁷ Ja mu'ujuty du'un kyaxu'uktu éxtamu kwaay di'ibu tu ja'ay twu'unda'ay es dyajnjxa'añ tsiptuumbu. Yu kyubajk nandu'un kyaxe'eky tmudaty éxtamu ooru koronu, esu wyiñ juajp du'un éxtamu ja'ayun. ⁸ Es yu wyaay du'un tmudaty éxtamu toxytyjku wyaay, esu tyats du'un éxtamu kaadúts. ⁹ Yu ñini'x du'un jyuunaty éxtam tmudaty puixn. Es ko kyaagudity, yu kyakn du'un juna'añ éxtam ko yu maagyaru 'yamu'uy ko ñixty tsiptuumbu. ¹⁰ Yu pyi'ixy du'un éxtamu jaybyu'uk mat ja tyajpn, es mat yu'u dya'ayoy ja ja'ay mugoxk po'o. ¹¹ Tadu mu'u tmudatu tu'ugu wyindsñ, es yu'u du'un ja ka'oybyu anklus di'ibu windsan'ajtp ma ja kuk jut. Tyadu ka'oybyu anklus txu'aty ebreu ayuk Abadon es grieegu ayuk Apolyonk, di'ibu 'yandijpy yajktugebyu.

¹² Tu ñaxy tu'uk ja muk ayo'on, per tugoy'ajtp jamajtsk.

¹³ Ta ja myududjukru anklus ttukxuxy ja trompetu. Nétats nmudooy éxtam pán kyajxy ma ja ooru artal di'ibu ijtp Dios windum, ¹⁴ es t'anuumu ja myududjukru anklus:

— Mugaju tadu nimajtáxkru anklus di'ibu ijtp tsimy Eufrates mujnuubu'aay.

¹⁵ Es du'un oj yajnasmátsadu tadu nimajtáxkru anklus di'ibu naty tu yajjuj'ixy ma tadu ooru, xuu, po'o esu jumajt, es dya'oogat tuk peky ja ja'ayuty di'ibu wa'x tuguk peky. ¹⁶ Es nmudooyats nu'un ñiwínuty ja soldadu kwaagyujxyty, ja'a nidugékyuty majtsk mugopx miyonk.

¹⁷ Es n'ixxyats ijmá'tungujxm ja di'ibu tyuk'uñaadyur ja kwaay tmudatu kyaatskyujxy ak puixn, tuguk kolor: tsapts, azul es pu'ts. Es ja kwaayuty tmudatu kyubajk éxtamu kaq, es ma 'yaa pyudseemy ja junya'ank, jok esu azufu. ¹⁸ Ja tuk pekyru ja'ayuty di'ibu wa'x tuguk peky 'yo'ktadyu mada tadu junya'ank, jok esu azufu, di'ibu pudsuum ma tadu kwaay

'yaa. ¹⁹ Mut ko tadu kwaayuu myak'ajtan tmudaty ma yu 'yaa es ma yu pyi'ixy. Pes yu pyi'ixyuty du'un kyaxe'eky éxtamu awa'andsa'añ mudu kyubajk. Es yu'u mut dyajtsayuty ja ja'ayuty.

²⁰ Per di'ibu akwa'umdu ja ja'ayuty di'ibu kyaj 'yo'ktu mudu tadu ayo'on, nan kyaj tmastuttu es t'awdattut ja ka'oybyu es nandu'un ja agojwinnax di'ibu ooru, platu, bronsu, tsaa, kepy, di'ibu ni na'a mbaat kyax'ixy es kyamudo, es ni na'a mbaat kyayo'oy. ²¹ Esu tadu ja'ayuty ni je'eyu tkamastuttu ja bruju'ajtan, mu'induunk esu ma'tsk.

10

Anklus mut tu'ugu nekypyity

¹ Oknam n'ijxyuts jatu'ugu muk anklus di'ibu kudakp tsajpótm, abity mut ja yoots. Es kyubajkkuxy tmudaty ja i'tsy. Yu wyiin jyajp jyantsytye'xy éxtamu xuu, esu tyeke du'un kyaxe'eky éxtam majtsku pilaar di'ibu winya'amp. ² Es ky'u'ujóty tmudaty tu'ugu nekypyity. Es trujítaky ja 'yaga'añdyéky ma yu jikymyejyñ, esu 'yanajñdyéky trujítaky ma naxwíñudu. ³ Net kyajxkéky muk éxtam tu'ugu kaa myu'uy. Es ko du'un yaxkeky, ta ja juxtukpu anaa kyajxtu. ⁴ Nétuts uj njaja'ayañ éxtam ja anaa jyunañ. Per tats nmudooy xymyugajxyuts tsajpótm, es xy'anuumats:

—Katu xkyuxja'ay di'ibu ja anaa tu tkajxy. Mudat ayu'udsyu mjodoty mwinma'añóty.

⁵ Nétuts n'ijxy ja anklus di'ibu naty tu ñaxwa'aky ma ja jikymyejyñ es ma ja nax, es tkone'ky ja 'yaga'añgyu'u, ⁶ es jyunañ:

—Dios di'ibu jiky'ajtp wina xuu wina timpu, es yajkoj ja tsajp, naxwíñudu, jikymyejyñ, es tugekyu di'ibu jaa'ajtp ma yu'u, yu'uts ndestiigu'ajtypyuts ko tuj'ajtan yu'u di'ibu tyam n'anmaaydyar. Dios kyaj ñakyjyaka'añ ma tkuyduyuna'añ ja di'ibu wyandak. ⁷ Per ko ja myujxtujkpu anklus tukux'axa'añ ja trompetu, ta naty tyuñ jyatyuty di'ibu Dios kyaj dyajnjija'aju ma ja ja'ayuty, éxtam jékyup t'awa'anudu ja myuduumbuty, ja kyugajxputy.

⁸ Net di'ibudsu naty tu xy'okmgajxpu tsajpótm, jatugok xymyugajxyuts, es xy'anmaayats:

—Najx axaju tadu nekypyity di'ibu myudajtypy ja anklus ky'u'ujóty.

⁹ Nétuts nninejxy ja anklus, es n'amdooyats esuts xymyo'oyat ja nekypyity. Tats ja'a xy'adsooy:

—Tyaa, mats, ju'x. Ma m'aa xyjáwut pa'ak éxtamu seeru pa'ak, per mjodoty jyumbítat ta'am.

¹⁰ Nétuts n'axaju ja nekypyity, es oj nje'xyuts. Es n'aajótyuts nja'aju pa'ak éxtamu seeru pa'ak, per kots nja'xtaay, net jyumbijty ta'am njodótyuts. ¹¹ Nétuts xy'anmaay:

—Mgajxwa'xup ja Diosu 'yayuk jatugok di'ibu párup pánuty jiky'ajttup ma maygyajpn, ma mayñaxwíñudu, ma wiinkpu may ayuk kajxputy, es ma mayryéyaty.

11

¹ Nétuts xymyooydyu tu'ugu tsajkápyñ di'ibu du'un éxtamu kijxn, es xy'anmaaydyuts:

—Najx es xkyijjxt ja Diosu tsyajttujk esu 'yartal, es madsyow naak jap di'ibu Dios awdajttap. ² Per katu xkyijjxy ja tsajttujk taja'a, mut ko ta yajkayáky mut ja naxwíñudu di'ibu kyaj 'yisraelítaty. Es yu'ujuty tyuktaanán tyukwa'agándup justyikxymyajtsk po'o ja Jerusalén kajpn. ³ Esuts uj ngáxup majtsku ndestiiguts, u'xpu wixu, es yu'udsu n'ayuk kyajxwa'xup majmajtsk mug'o'px jatug'o'px xuu.

⁴ Tyadu majtskpu testiigu yu'u du'un ja majtskpu oliivus kepy es ja majtskpu kandaleeru di'ibu jtp Dios windum. ⁵ Pún ja pún tyuna'anudu axuuk, yu'ujuty yajpudsámdup ja junya'ank ma 'yaa, es tno'kta'ayut nidugekyu ja myudsip. Esu du'un 'yooktat oytyim pánuty di'ibu tunánup axuuk. ⁶ Tyadu testiiguty myudajttup ja muk'ajtan es dya'adúkut ja tsajp kadibbu tyu'ujat ja timpu ma tkajxwa'xudu ja Diosu 'yayuk. Es nan myudajttup ja muk'ajtan esu nuu dyajjumbítat ne'pyñ, es dya'ayówdut ja naxwíñudu ja 'ayuty mut kanaak naxu ayo'on naak ok yu'u tsoktu. ⁷ Per ko naty tu tkajxwa'xta'aydyu ja Diosu 'yayuk, net ja axuk juyujk di'ibu pudsámp ma ja kúk jut tmattsiptuna'añ yu nimajtsku testiiguty, esu axuk juyujk myada'aga'añ es ja yoogudut, ⁸ es ja ñini'x wya'umut tu'ugiky ma tadu kajpn má kyruuzpejty ja Nindsun'ajtam. Es mut ko yu kugajpnuty jyantsymyujpojpa'ay'attu, yajxunyejky Sodomu es nandu'un Ejiptu. ⁹ Es tugek xuu jakujm t'ixtat ja ja'ay pánuty jiky'ajttup ma maygyajpn, ma may ayuk kajxputy, es ma mayñaxwíñudu, es kyaj ñigutkyuty dyaj-naxtákuudu tadu o'kputy. ¹⁰ Nidugekyu naxwíñudu ja'ay xyondakta'ayut mut yu'ugyujxmu 'yo'kan, es jyantsyñayjyáwdut jotkujk, extu nayduknigáxudup ja may'aty nixim niyam mut ko tadu majtskpu Diosu kyugajxpu tu jyantsyya'ayóyuty. ¹¹ Per ko ñajxy tugek xuu jakujm, Dios yajjikypuyk es dyajpude'ky jatugok. Es nidugekyu di'ibáty ijxudu jyantsyñay'adsu'kudyaayudu. ¹² Net majtsk ja testiiguty tmudoodu kyajxy muk tsajpótm, es jyuna'añ:

—iKu'ttu yam!

Ta pyatujkudu tsajpótm yoodsóty, es yu myúdsiputy 'yijxudu. ¹³ Netyu myiín ja muk ujx, es tyuúooy tuk peky ja kajpn di'ibu wa'x majk peky. Es jaxtujk mil ja ja'ayuty 'yo'kta mat ja ujx. Es nu'un ja ja'ayuty 'yaknadajku mat ja tsu'ugu t'awdajtu ja Dios.

¹⁴ Du'un jyajty ja myumajtsk ok nibudu'ak ja ayo'on. Per tim tsojk myina'añ ja myudugaukra.

Myujxujkpu trompetu yajtukxu'uxy

¹⁵ Ja myujxujkpu anklus ttukxuxy ja trompetu. Net yajmudooy kajxy muk tsajpótm, es jyuna'añ:

Tyamu netu Nindsun'ajtam Dios esu Kyristu

tu dyajkutujtsooná'andu naxwiín,

es yajkutuka'añ winu xuu winu tiempu.

¹⁶ Net ja ni'i'px majtáxkra mujja'ayduyk di'ibu naty uñaayduy uñaaybyajnoyty Dios windum, ñayjyujpudu es t'awdajttu Dios, ¹⁷ es jyuna'andu:

Windsun Dios di'ibu tugekyu muk'ajtan mmudajtypy,

mijtsu du'un m'ijjt, es mijts du'un m'ijtp.

Nja'aygyudákyryuts mij ko tu xyajtsonda'aky myajkutíky.

¹⁸ Yu naxwiínudu ja'ayuty ajkudup mat mij.

Per tu jya'ty ja xuu mā mij xytyukkumadówat.

Es nandu'un tu net tpaaty

mā ja o'kruty xurpyayo'oya'andu

es xyajjumbita'añ oy ja mmuduumbuty

di'ibu tu m'ayuk tkajxwa'xtu,

es nidugekyu mja'ayuty, muj mutsk,

di'ibu mij m'awdajtudup,

es tu net tpaaty mā mij xyajtugoya'añ ja di'ibáty yajma'ttup ja naxwiínudu.

¹⁹ Net 'yawatsy ja Diosu tsyajptajk di'ibu tsajpótm, es kyuxe'ky tsajptugóty ja kaaxu mā 'yity ja kajxy'átyryu di'ibu Dios tyuun mudu jya'ay. Ta myiín ja muk ujx, anaa judsúkyty esu muk tatsnduu.

12

Toxytyujk esu sarpyentu

¹ Es net kyuxe'ky tsajpótm tu'ugu muj ijxwa'umun: tu'ugu toxytyujk mat ja wyit éxtamu xuu tye'xy, es tyekypyatku'ay du'un kyuxe'ky éxtamu po'ó, es kyubajkkujxm tmudaty ja koronu mat majmajtsku madsa'a. ² Tyadu toxytyujk u'unkmudu naty, es ya'axy mat ja pajkan, ja'a ko ayoop mat ko dyajja'ta'añ ja maxu'unk. ³ Net kyuxe'ky tsajpótm jat'u'ugu muj ijxwa'umun: tu'ugu sarpyentu di'ibu muj es tsapts, es juxtujku kyubajk es majku wyaj, es mat ja koronu mā tu'uk tu'ugu kyubajk. ⁴ Yu pyi'ixy ttukpajudojte'ky tuk peky ja madsa'a di'ibu wa'x tuguk peky. Ta tkujubijpnajxy naxwiín. Tyadu sarpyentu wya'kwa'umu mā ja toxytyujk di'ibu naty yajja'taampy ja maxu'unk, es tjuna'añ ja maxu'unk jantsy netyu ko jya'tut. ⁵ Ja toxytyujk dyajajty tu'ugu u'ungu'unk yedyujk di'ibu yajkutukaamp mat ja pyujxndajk mā tugekyu naxwiínudu. Net ja 'yu'unk yajpajku es yajmunejxy mā Dios es ja uñaaybyajn mā yajkutiky. ⁶ Es ja toxytyujk oj kyaknu mā muj it, mā naty ja Dios tu tyuknibujtaagaty tu'ugu lugaar. Es jap yajmo'oyat ja kya'ay 'yukun majmajtsk mugo'px jatuga'px xuu.

⁷ Net ja tsip tyuunu tsajpótm: ja Migel es ja 'yanklus tsiptuundu mat ja sarpyentu es mat ja sarpyentu 'yanklus. ⁸ Per kyajyum myadaktu ja sarpyentu esu 'yanklus, kyaj ñakyajna'ijxy ja sarpyentu esu 'yanklusaty 'yítut tsajpótm. ⁹ Du'un oj yajkujubijpnáxyu tadu sarpyentu, di'ibu 'yandijpy mujku'ugóp es Satanás, di'ibu wyin'i'impý nidugekyu ja naxwiínudu ja'ay. Ta naxwiín yajkujubijpnajx mat ja 'yáklusaty.

¹⁰ Nétats nmudooy kajxy muk tsajpótm, es jyuna'añ:

—Tu jya'ty ja Diosu ñitsokun, myuk'ajtan esu kyutujkun. Nan ana'amnubu net ja Diosu Kyristu, es tu yajkujubijpnáxy tsajpótm ja di'ibu ñi'e'unup ja nmugu'uk'ajtam. Xuuñ koots tmu'uuñu Nindsun'ajtam Dios. ¹¹ Yu nmugu'uk'ajtam tu tmumada'aktu mat yu'ugyujxmu Borreegu'ungu ñe'pyñ, mat ja 'yayuk es mat ja tyu'ajtan di'ibu tu yajkajxwa'xy. Pes kyaj tjajptsu'kudu 'yo'kun, ni'igu tmundudu Dios otyim'ooktat. ¹² Paaty xonda'aktu miidsaty di'ibu jttup tsajpótm. Per puroobu miidsaty di'ibu jiky'ajttup naxwiín es jikymeyeyñóty, mat ko ja mujku'ugóp tu mnijnákuđu awa'an es ñija'ap ko tyimpatyryu du'un ja tiempu.

¹³ Ko ja sarpyentu naty tu yajkujubijpnáxy naxwiín, ta tjaya'ayowañ ja toxytyujk di'ibu naty tu tpaaty ja maxu'unk. ¹⁴ Per ja toxytyujk yajmooy majtsku kyakn éxtam tu'ugu muj witsnu jya'a, es mbaat kyaagudíty mā ja muj it. Jap wya'umut tuguk jamajt jakujm, es

yajmo'oyut ja kya'ay 'yukan, es kadiibu mbaat wi'ix 'yadu'atsy ja sarpyentu. ¹⁵ Ja sarpyentu t'u'tsy ja nuu, es oj dyajmujnuugooy es jyu'udut ja toxytyujk. ¹⁶ Per yu naxwiñudu pyudujku ja toxytyujk, awats ja naxwiñudu es t'uktaay ja mujnuu di'ibu naty ja sarpyentu tu t'u'atsy. ¹⁷ Es mudu taadu ja sarpyentu tukjot'ambejky ja toxytyujk. Ta oj ñexy tsiptuumbu mut ja toxytyujku tyuamp 'yaats di'ibu akwa'umdup, ja'a njuna'anum di'ibu pyaduundup ja Diosu 'yana'amun es tranujxtu ja Jesukristu 'yaxrujkan. Es ja sarpyentu tyunaay pu'ujotm jikymeyjnybyu'aay.

13

Nimajtskpu axuk juyujk

¹ Esats n'ijxy jikymeyjnyoty pyudsemy tu'ugu axuk juyujk di'ibu myudajtypy juxtujku kyubajk es majku wyaj. Es tu'uk tu'ugu wyaj tmudaty ja koronu. Es ma yu kyubajkaty tmudaty tu'uk tu'uk kuxja'ay ja xyujaty di'ibu Dios myudageepy. ² Tyadu axuk juyujk di'ibuts n'ijx, du'an kyuxel'ky ja ñini'x éxtamu kuxyubyujy, esu tyeky éxtamu osu, esu 'yaa éxtamu kaa. Yu sarpyentu yu'u mooyu ja myuk'ajtan esu kyutujkan es 'yana'amut. ³ Nidu'ugaty ja axuk juyujku kyubajk, du'an éxtam jyawu tmudajty tu'ugu muj tsayut di'ibu ya'oogudup. Per ja tsayut oj 'yagada'aky. Es ja naxwiñudu ja'ayaty du'añu jyantyywya'umduyaadyu es tranujxtu ja axuk juyujk. ⁴ Es nidugekyu ja'ay t'awdajttu ja sarpyentu mut ko tu tmo'oy ja kyutujkan ja axuk juyujk. Es t'awdajttu nandu'an ja axuk juyujk, jyana'andu:

—¿Pánu du'an éxtamu tyadu axuk juyujk?, ¿es pánu mbaat muat tsiptuñ?

⁵ Es ja sarpyentu yajmooy ja tu'u es ñaymyujpajta'agudut esu Dios tmugajxtugoyut. Nandu'an yajmooy ja tu'u es 'yana'amut justyikxymajtsk po'o. ⁶ Es du'an tmugajxtugoooy ja Dios es twin'abat twingajxpátu ma tsyuuu es di'ibáty jittup tsajpótm. ⁷ Nandu'an yajmooy es tsiptuñut mut ja Diosu jya'ayaty, extu tmamadaktu, es yajmooy ja kutujkan ma tugekyu kajpnaty, ma tugekyu ayuk kajxpaty, es ma tugekyu naxwiñudu. ⁸ Es nidugekyu ja'ayaty t'awdajtta'ayudu tadu axuk juyujk, ja'a njuna'anum ja di'ibáty kyajru xyuu 'yity kuxja'ay ma ja ñeky ja Borreegu'unk di'ibu Dios yajk windsu'kan. Esu tadu neky tmudaty kuxja'ay extu ma naty kyajnumu naxwiñudu kyooy, ja xyuu nidugekyu di'ibáty myudajttup ja jiky'ajtan winu xuu winu tiempu.

⁹ Di'ibu mudoodup, wa'an tjagygyúku. ¹⁰ Di'ibu yajmanujxándup tsimy, tsimy yajmanujxtat, es di'ibu oogándup mudu espaadu, mudu espaadu 'yooktat. Paaty pánaty jittup ja Diosu jya'ay, wa'an muk aa muk jot dyajnáxtu pun ti ayo'on tukkadáku, es du'añum tmbáktat ja Dios.

¹¹ Oknams n'ijxy pyudsemy naaxóty jatu'ugu axuk juyujk, tmudaty majtsku wyaj éxtam ja borreegu, es du'an jyuna'añ éxtamu sarpyentu, ¹² es tmudaty tugekyu kyutujkan ja jawyiimbu axuk juyujk, es yu'u tmudúñ. Es du'an ttuñ esu naxwiñudu ja'ayaty 'yawdátudut ja jawyiimbu axuk juyujk di'ibu yajtsók ja muj tsayut. ¹³ Nandu'an ttuñ ja ijxwa'umun di'ibu myudajtypy ja muj'ajtan, extu yajkadákyu ja jynya'ank tsajpótm ja'ay wyinduuy, ¹⁴ es du'an twin'añ ja naxwiñudu ja'ayaty mut ja muj'ajtan di'ibu ja jawyiimbu axuk juyujk tuktuunup. Es yajtuk'ane'emy es dyajnikojtu'uttat tu'ugu awinnax es twindsu'agudut ja jawyiimbu axuk juyujk di'ibu jyayajtsayujt mudu espaadu es 'yakjiky'ajty. ¹⁵ Es ja myumajtskpu axuk juyujk yajmooy ja kutujkan es tmo'oyut ja jyiky'ajtanu tadu awinnax es dyajkajxtu, es extu dya'oogut di'ibáty kutaj 'yawdátuty. ¹⁶ Esu tadu myumajtskpu axuk juyujk tyakkuwa'anu es nidugekyu muj mutsk, mukja'ay esu ayoobu ja'ayaty, muduumbuty esu yajmuduumbuty, yajtsa'ayut ma 'yaga'añgyu'u o ma wyimbok. ¹⁷ Es du'an ni páñ mbaat kyajuy kyateegyuty pun kyaj tmudaty ja sey, ja'a njuna'anum pun kyaj tsya'ayuty mut ja xyuu o ja ñumbru ja jawyiimbu axuk juyujk. ¹⁸ Tyaadu yu'u tsojku ja jaygyujkan. Es di'ibáty kuwiy mbaat tnijawudu di'ibu 'yandijpy yu ñumbru tadu axuk juyujk, mut ko yu ñumbru ja'a 'yandijpy ja xyuu tu'ugu yedyujk. Yu ñumbru ja'a tudujk mugo'px jatugu'px tudujk.

14

Mugo'px jajustyikxymajtáx mil ja'ayaty di'ibu udup

¹ Oknams n'ijxy ja Borreegu'unk ko naty jam tyanu ma Syon Kopk. Jamu naty muat mugo'px jajustyikxymajtáx mil ja ja'ayaty di'ibu naty tsaj'ay wyimbokkajxy mut ja seyeyu ja Borreegu'unk esu Dios Teety. ² Es nmudooyuts tsajwinm jyuna'añ éxtamu nuudáx 'yuatsy pyumimyu, es éxtamu anaa muk ya'axy, du'an éxtamu my arpu koobu kyowdu. ³ Es t'uwdu jembyu uy uñaaybyajn winduuy ma Dios yajkutiky es ma nimajtáxkpu jiky'ajtpaty es ma ja mujja'ayduyujk. Ni páñ mbaat tkajaty tadu uy, ja'ayu je'eyu tadu mugo'px jajustyikxymajtáx mil di'ibu oj ñitso'oktu naxwiñ. ⁴ Yu'u du'anuty di'ibu tsuj yajxón tu jya'ay'áttu, di'ibu nayyajwa'ats'ajtudup éxtamu kixyudo'oxyuty, es tranujxtu ja

Borreegu'unk oytyim maaty ñejxy. Yu'u du'unaty oj ñitso'oktu ma naxwíñudu ja'ay es ijttap éxtam ja tñmp di'ibu jawyiin tñmp'ajtp es yajtukmáyoxy ja Dios esu Borreegu'unk. ⁵ Ni na'a oj kya'anda'aktu, ja'a ko wa'ats ja'ayuty yu'u.

Di'ibu kyajxtap ja niduguu'kpu anklus

⁶ Nétuts n'ijxy jatu'ugu anklus kyaagudity tsajpótm, es tmudaty ja oybyu ayuk di'ibu winu xuu winu tiempu wa'ump, es yajkajxwa'xut ma tugekyu nax kajpn, ma tugekyu naxwíñudu, es ma tugekyu wiinkpu ayuk kajxpu. ⁷ Es jyuna'añ jantsy muk:

—Windsu'ugadu Dios es awdattu, mat ko tu net jya'ty ja ooru ma net trayo'oya'añ ja naxwíñudu ja'ayuty. Awdattu di'ibu yajkoj ja tsajp, naxwíñudu, jikymyejyñ, es ma nuu myuxy.

⁸ Es ja myumajtskpu anklus tranejxy ja jawyiimbü anklus, es jyuna'añ:

—Tu net, tu net jyijtta'ay ja Babilonu muj kajpn di'ibu nidugekyu naxwíñudu ja'ayuty tu dyajtugóy mat ja 'yaxuk tu'unan, éxtam ko pán dyajmi'igyuty ja myugu'uk.

⁹ Es ja myuduguu'kpu anklus tranejxy ja jawyiimbü nimaajtsk, es jyuna'añ muk:

—Pun ja pán t'awdatyu tadu axuk juyuk, es pán naayajkup yajtsa'ayut wyimbokkujxy o ma kyua, ¹⁰ Dios jantsy tukkumadówudup muk ma ja lugaar mudu azufru junya'ank di'ibu yajtukujp'ijxp, ma 'yayówdut Diosu 'yanklus wyinduuy es Borreegu'unk wyinduuy. ¹¹ Ja juun di'ibu tsa'ayudup, ja'a yajpudu'agup ja jok winu xuu winu tiempu. Ja'a njuna'anam ko yajtukumadówa'añ winu xuu winu tiempu nidugekyu di'ibáty 'yawdajttap ja axuk juyuk, o ja 'yawinnax, o ko tu yajtsa'aydu mat ja syeyu. ¹² Wa'an yu'u dyajtotkujka ja Diosu jya'ay es tmadándat ma'xtujkun maat oytyim ti ayo'onaty, ja'a di'ibu kyuyduundup ja Diosu 'yana'aman es oy tmádunda ja Jesús.

¹³ Nétuts nmúdooy tsajpótm, es xy'anmaayuts:

—Kuxja'ayu tyáadu: “Jotkujk di'ibu tyam o'ktup es di'ibu óknam oogamp ja'agyujxm ko tmabaktu ja Nindsun'ajtam.” Ja Espírítu Santu du'un jyuna'añ: “Tuy'ajtan ko yu'ujaty jyotkujkuty, mat ko jabaada du'un myuk'ayoy es tyuñ. Dios mo'oyudup ja pyo'xtákn es myay'ata'añaty mat ko oy tu tmáduñ naxwiñ.”

Ja'ay yajpayo'oydu

¹⁴ Nétuts n'ijxy tu'ugu poop nima'a. Jam 'yu'uñu ma tadu nima'a kyaxe'eky éxtam ja Naxwíñudu Ja'ayudu Kyudunaabyu. Jam tmudaty kyubajkkujxm tu'ugu ooru koronu, es tkakápyuty tu'ugu mnydsyujkn jantsy jup. ¹⁵ Ta pyudseemy tsajptugóty jatu'ugu anklus, es muk tmegajxy di'ibu uñaary nima'agujxm:

—Tu net trapaty ja ooru. Yajpudu'uk ja mbujta'aky mudu tadu mnydsyujkn, mat ko tu tsya'amy ja naxwíñudu pyujta'aky.

¹⁶ Ta ja di'ibu naty uñaary nima'agujxm, ttsujkmijky ja naxwíñudu pyujta'aky.

¹⁷ Ta pyudseemy jatu'ugu anklus ma ja tsajptujk tsajpótm, tmánejxy nandu'un tu'ugu mnydsyujkn jantsy jup. ¹⁸ Ta pyudseemy jatu'ugu anklus ma ja artal di'ibu jam kywentu'ajtypy ja juun, es muk dyaxu ja di'ibu myudajtypy ja mnydsyujkn jupru, es t'anuuu:

—Mat ja mnydsyujkn tsujkmúk ja naxwíñudu 'yuuvu, mat ko tu tsya'amy.

¹⁹ Ta ja anklus dyajmijky ja uuvu ma ja naxwíñudu. Ta tniko'obejty es twinma'adsa'añ. Ja'a tyáadu 'yandijpy ja muk tsáatsytyu'unan di'ibu Dios yakaampy. ²⁰ Ja uuvu oj ya-jwinma'atsy kajpnba'ay. Es ma ya'amá'tsu pyudseemy ja ne'pyñ tuk metru jakujm kyujxmyty es pyue'ky téguk mugopx mil metran.

15

Anklusaty mat ja juxtujkpu ayo'on

¹ N'ijxyats tsajpótm jatu'ugu muj ijxwu'aman di'ibu ja'ay du'uñu yajwe'empy. N'ijxyats juxtujka anklus mat juxtujka óknambu ayo'on. Es mudu tadu juxtujkpu ayo'on kyujxta'ay ja Diosu 'yajkan.

² N'ijxyats nandu'un éxtam kyaxe'eky tu'ugu jikymyejyñ, éxtamu viidru tuktuaku mat ja junya'ank. Es n'ijxyats nandu'un ja di'ibu myumadaktu ja axuk juyuk mat ko kyaj t'awdajttu ja 'yawinnax es kyaj tkupujktu ja syeyu. Tamu naty yu'ujaty tyánudu jikymyejyñgyujxm, es tmudaty ja 'yarpu di'ibu natyu Dios tu myo'oyudu, ³ es t'awdu ja Moisesu 'yuy, ja Diosu myuduumbu, es ja Borreegu'ungu 'yuy. Esu du'un 'yawdu:

Windsun Dios di'ibu tugekyu muk'ajtan myudajtypy, jyantsymyujaty es jyantsy'oy jyantsyujaty di'ibu mdiimpy.

Mij myajkutujkp mudu tuj'ajtan, mij myajkutijkyru nidugekyu naxwíñudu ja'ay.

⁴ Nindsun'ajtam, pán mgawindsu'ugadup, pán mga'awdatudup?

Mat ko mijtsu dan je'eynu di'ibu wa'ats,

paaty nidagekyu naxwiñudu ja'ayu myíndut
ma mij es m'awdátudut,

mut ko ta t'ixtu ko tuy'ajtun tugekyu di'ibu mij mdiimpy.

⁵ Oknams n'ijxy jam tsajpótm 'yawa'atsy ja tsajptujk, ja Diosu tuyk. ⁶ Jap tsajptugóty pyudsumdu tadu juxtujkpu anklus di'ibu myanejxyry ja juxtujkpu ayo'on, es wa'ats poop ja wyyt es jyantsytxe'xy, es tmudaty ja 'yooru kaatsywyuan di'ibu muj ja 'yok.

⁷ Net nidu'ugu nimajtáxkpu jiky'ajtpaty di'ibu ijtup Dios windum, yu'u myooyu kajktu'ugu anklus oorú tsim nidu'ugáty ujts mut ja muk tudyu'unun di'ibu yajkypy ja Dios di'ibu ijtup winu xuu winu tiempu. ⁸ Es ja tsajptujk 'yujtspejty mut ja jok di'ibu miimp ma ja Diosu myuj'ajtun es ja myuk'ajtun. Es ni pán mbaat oj kyatuku exta ko kyujtáayñam ja juxtujkpu ayo'on di'ibu myunajxtup ja juxtujkpu anklusaty.

16

Ayo'ondsím

¹ Nétats nmudooy pyudsemy ja kajxy tsajptugóty di'ibu tyuk'ane'empy ja juxtujkpu anklus:

—Najxtu es tuktaamdu'uttu ja juxtujkpu tsim di'ibu myudajtypy ja muk tudyu'unun di'ibu Dios yajkypy naxwiñ.

² Ja jawyiimbú anklus oj ñejxy. Ta tuktaamdúty ja tsyim naxwiñ. Net pyudseemy ja muk pu'uts ñikajxmuty di'ibu mukjantsy pujkpu ma nidagekyu di'ibáty myudajttap ja axuk juyujku syeyu es di'ibáty nandu'un 'yawdajttap ja awinnax.

³ Net ja myumajtskpu anklus tuktaamdúty ja tsyim jikymyejyñóty. Ta ja jikymyejyñ jyambijty éxtamu ne'pyñ, du'un éxtamu o'kpu ne'pyñ. Ta 'yo'ktaaydyu nidagekyu di'ibu jiky'ajttap jikymyejyñóty.

⁴ Ja myudagukpu anklus tuktaamdúty ja tsyim majaty mujnau es majaty nuu myuxy. Ta jyambijttaay ne'pyñ. ⁵ Nétats nmudooy ja anklus jyuna'añ:

—Dios, mijts m'ijjt es mijts m'ijtup. Wa'ats mij. Mdiimpy ja tuy'ajtun es du'un xytyukkumadówat, ⁶ mut ko tuktaam ttuk'yojktu mij. M'ayuk kajxwa'xpu ñe'pyñ, es miyu mja'ayuty. Es tyam mij xytyuk'iiky ja ne'pyñ. Pes du'un ñitákuda.

⁷ Nétats nmudooy nandu'un kyajxy exta ma artal, es jyuna'añ:

—Oyu du'un, Windsán Dios di'ibu tugekyu muk'ajtun myudajtypy. Tu xyryayo'oy yajxon mut ja tuy'ajtun.

⁸ Ja myumajtáxkpu anklus tuktaamdúty ja tsyim ma ja xuu. Es mut yu'u ni'igu oj myujy ja xu'an es tsa'aydyut ja naxwiñudu ja'ayuty. ⁹ Es du'un ja ja'ay jantsy muk tyoodyu mut ja xu'an. Per ni mut yu'u kyajodumbijttu, kyaj t'awdajttu Dios di'ibu yajkypy tyadu tudyu'unun. Ni'igu tmu'adugoooy tmugajxtugoooy ja Dios.

¹⁰ Ja myumagoxkpu anklus tuktaamdúty ja tsyim ma yajkutiky ja axuk juyujk. Ta kyoodsadyaay ma 'yane'emy. ¹¹ Net ja ja'ayuty ñayya'andsu'udsudu mut ja muk pujkun di'ibu yajnajtup. Per ni mut yu'u tkamastuttu ja 'yaxuk winma'añ di'ibu tyuundap. Ni'igu tmu'adugoooy tmugajxtugoooy ja Dios.

¹² Ja myududujkpu anklus tuktaamdúty ja tsyim ma ja Eufrates mujnau. Ta ja nuu tyutsy es 'yawa'adsut ja tyu'u ja réyuty di'ibu miindap ma xuu pyudsemy.

¹³ Nétats n'ijxy ma ja sarpyentu 'yaa, es ma ja axuk juyujku 'yaa, es ma nandu'un ja kyugajxpu di'ibu andakpu 'yaa, pyudsemy tugugú mujku'u di'ibu kuxu'kpu éxtamu nootsy. ¹⁴ Tyaadu yu'u du'unu mujku'ujety di'ibu tyuundap ijxwa'aman di'ibu myudajtypy ja muj'ajtun, es nujx twowa'andu ja réyuty majaty naxwiñudu es ñaymyujkta'ayudut es tsyiptuna'andu mut ja Nindsun'ajtam Dios di'ibu tugekyu muk'ajtun myudajtypy, ko traadut ja tiempu. ¹⁵ “Madowdu es jaygykuda. Uj, Diosu 'yU'unk, nmína'añuts ti'in, éxtam ko jya'ty ja ma'tspu. Jotkujk di'ibu naty wijy es wixtu, kadiibu tsoydyu'un mut jyudítat niwa'ats uxwa'ats ja'ay wyinduuy.”

¹⁶ Ta ñaymyujkudu ja naxwiñudu réyuty ma ja lugaar di'ibu ebreu ja'ayuty tyukxu'ajttap Armajedón.

¹⁷ Ja myujxxtujkpu anklus tuktaamdúty ja tsyim pojotm. Ta yajmudooy kajxy ma Dios yajkutiky es ma ja tsajptujk jam tsajpótm, es jyunañ muk:

—iTu net tyuñ jyátyuty!

¹⁸ Net myiñ ja anaa judsuk, es ja naxwiñudu jyantsypyamiimy mut ja muk ujx. Kyaj ni windii du'ambu ujx kyanaxy exta ma tsondaky ja naxwiñudu ja'ay. ¹⁹ Ta ja Jerusalén kajpn tsa'pxwa'xy tuguk peky. Es majaty kajpn naxwiñ jy'a'adugooodyaay. Es ja Dios tjamejtsy ja Babiloñu muj kajpn es ttuk'uuga'añ ja vyinu, ja'a njana'anum ja tudyu'unun di'ibu yajkypy mut ja 'yaku. ²⁰ Net tugekyu islu es tugekyu kopk tyugooodyaay. ²¹ Nandu'un kya'ay tsajpótm yu tatsn jantsy mujjátuty, exta justyikxy kilu jye'emdsyaty tu'ugáty. Es ja

naxwíñudu ja'ayuty tnu'udugoy tñagajxtugóy ja Dios mut ja myuj ayo'onu tada tatsn, mut ko muk ayo'onu du'an yu'u.

17

Kujeñdyo'oxyu 'yayo'on

¹ Net myiñ nidu'ugu nijxutjukpu anklus di'ibu myudajttu ja juxtjukpu tsim, es xy'anmaayuts:

—Min es nduk'ixut ja tyaydyu'unun ja muj kujeñdyo'oxy di'ibu uñaapy mejyñwinyingjxm.

² Yu naxwíñudu ja'ayu ryéyuty tu ñaygyuyákadu es pyekytyundu mut yu'u, es ja naxwíñudu ja'ayuty tu myu'uuk myumu'ugadu mut yu'u, ja'a njana'anam t'axtjtu ja Dios es tranujxtu ja kujeñdyo'oxyu 'yaxuk winma'añ.

³ Kodsu natyu du'an tu xy'awanu, nétats ja anklus xymyunejxy muj ittum. Jámuats n'ijxy tu'ugu toxytyujk ttuk'u'uñu tu'ugu tsapts axuk juyujk. Tadu axuk juyujk windikyü ñini'x tñudaty mudu axuk ayuk kuxja'ay di'ibu Dios muut twingajxpéty. Juxtjukpu kyubajk tñudaty es majku wyaj. ⁴Tadu toxytyujk ñaywyixuty mut ja tsu'unk wit es tsapts wit, es 'yoydyñuty mut ja ooru, mut ja tsujjátypyu tsaa esu perlü. Es tñudaty kyuhjoty tu'ugu ooru tsim ujts mut ja axukpu. Ja'a tyaadu 'yandijpy ja 'yaxuk jiky'ajtan. ⁵ Es wyimbokkujxy tñudaty kuxja'ay tu'ugu xuu di'ibu tsip yajmudoop: “Ja Babiloñu muj kajpn, naxwíñudu kujeñdyo'oxyudyu tyaak es nandu'un tyaak'átyuty nidugekyu di'ibáty axuk jiky'ajttap naxwiñ.” ⁶ Nétats nbejkyu kwentu ko tada toxytyujk múkubu naty mut ja Diosu jya'ayudyu ñe'pyñ es mut ja ñe'pyñuty pánaty o'ktu mut ko t'awdajttu ja Nindsun'ajtam Jesukristu. Es kodsu taadu du'an n'ijxy, tats du'ufu oj njantsywyu'amu.

⁷ Nétudsu tada anklus xy'anmaay:

—¿Ti ko du'ufu mwe'emy? Tyam nduknijáwut di'ibu 'yandijpy yu ayu'udsyu winma'añ: tada toxytyujk esu tada axuk juyujk di'ibu tyuk'uñaapy, di'ibu myudajtypu juxtjukpu kyubajk es majku wyaj. ⁸ Tadu axuk juyujk di'ibu tu xy'ixy, yu'u tu'uk di'ibu jékyup jiky'ajt, es tyam kyaj ñakjyaa'áty, per pudsumaamp kuk jutoty, es ñejxy ma kyutugooyñut.

Ja naxwíñudu ja'ay di'ibu xuyu kya'ity kuxja'ay nekykyjyxy extu ma naty kyajnumu naxwíñudu kyoy, ja'a du'ufu wyu'amudya'aydyut ko t'ixtat jatugok jya'ty ja axuk juyujk di'ibu jékyup jiky'ajt. Es yu xyujjuty di'ibu kuxja'ay ma ja neky, ja'a xyujjuty di'ibáty myudajttap ja jiky'ajtan winu xuu winu tiempu.

⁹ Tyámuts nñigajxtut di'ibu tsojkap ja wijy'át kejy'át es jajyagyúkut. Ja juxtjukpu kubajk ja'a 'yandijpy ja juxtjukpu kopk ma tada toxytyujk 'yu'uñu. ¹⁰ Es nandu'unu tada kubajk, yu'u 'yandijpy ja juxtjukpu réyuty. Nimugoxk tu 'yoookta, ja myududjukpu tam yajkutiky tyam, es ja myujxutjukpu, yu'u kyajnum myiñ. Es ko myiñut, je'eyu waanu 'yifut. ¹¹ Es ja axuk juyujk di'ibu jékyup ijt es tyam kyaj ñakjyaaaty, yu'u du'an rey ma tada nijxutjukpu, es jya'ta'añ jatugok éxtam ja myuduktjukpu rey, per ñajxpu du'an ma kyutugooyñut.

¹² Ja majkpu wyaj di'ibu tu xy'ixy, yu'u du'an majku rey di'ibu kyaj dyajtsonda'aktunam yajkutúkut. Per 'yaxajyándap ja kutujkan éxtamu rey tuk ooran mut ja axuk juyujk.

¹³ Tyadu majkpu réyuty ti'igyü wyinma'añuty, es myo'oyup ja myuk'ajtan es ja kyutujkan ja axuk juyujk. ¹⁴ Tsiptunaamp mut ja Borreegu'unk. Per ja Borreegu'unk mamada'agudup, mut ko yu'u Windsun'ajtp ma windsunuty es Rey'ajtp ma réyuty. Es di'ibáty yu'u muut, Dios wooju yu'ajuty, wyin'ix, es oy tñudunda Dios.

¹⁵ Ja anklus xy'anmaayuts nandu'un:

—Tadu mejyñ di'ibu tu xy'ixy ma 'yu'uñu ja kujeñdyo'oxy, yu'u du'an 'yandijpy ja ja'ay pánaty jiky'ajttap ma maygajpn, ma wiinkpu may ayuk kajxpéty, es ma mayñaxwíñudu.

¹⁶ Ja majkpu waj es ja axuk juyujk tyuk'ak'átup ja kujeñdyo'oxy, es dyajwu'umut niwa'ats axwa'ats. Es extu tsyu'tsta'aydyup ja ñini'x, es ñino'kta'aydyup di'ibu wa'amp. ¹⁷ Diosu du'an tu pyajta'agudu es dyajtuunudu Diosu wyinma'añ, ti'igyü ñaybyjta'agudu es dyaky ja kutujkan éxtamu rey ma ja axuk juyujk extu ko yajkuudyuunda'ayut di'ibu Dios ñaskajxu.

¹⁸ Tadu kujeñdyo'oxy di'ibu tu xy'ixy, yu'u du'an 'yandijpy ja muj kajpn di'ibu 'yane'empy ja naxwíñudu ryéyuty.

18

Babiloñu kajpn kyutugoy

¹ Nétats n'ijxy jatu'ugu anklus jyunaky tsajpótm mut ja myuj kutujkan. Ta ja naxwíñudu wye'emy kude'xy mut ja jyajpn, ² es muk kyajxy:

—Tu net, tu net jyjitta'ay ja Babiloñu muj kajpn, es tu jyumbity mujku'u tsanaaydyákn. Ni pán jap kyanaky'ity. Yu'uyu je'eyu jap tsanaaydyup ja ka'óbyuty, es jyp'attu ni'amuku axuk joon axuk juyujk. ³ Du'an tu yajtuydyúñ mut ko ja Babiloñu kajpn tmastuty ja Dios, es wiinkpu t'awdaty, es nidugekyu naxwíñudu ja'ayuty ti'igyü mut yu'u. Es ja

naxwifnudu réyaty pyekytyuunda mat ja Babiloñ ja'ayaty. Esu ajuuy ado'kpu di'ibaty majaty naxwifnudu, myukja'aydyaktu mat ko ttukmudeeky nidagekyu di'ibaty amdoop es ñayajmujpudsuma'añaty.

⁴ Nétats nmadooy jatu'ugu kajxy myiñ tsajpótm, es jyuna'añ:

—Pudsumdu ma tadu kajpn, miidsaty di'ibaty nja'ay'ajttap, kediibu xymyatpekytyúndat es kudiiu miits myajtyudyúndat mat yu'ujaty. ⁵ Ja'a ko yu pekytyu tsajpótm, extu myabátnap ja tsajp, es tu ja Dios jyamyajtsxaty ja pyoyp. ⁶ Tuunambit nandu'un éxtamu wiinkpu tu t'axaktúñ. Mugubat majtsk du'unun éxtam yu'u tu dyaky, es taam'yo'oy majtsk du'unun myákuty di'ibu ya'ukp éxtam yu'u oj ttaam'yo'oy. ⁷ Tyadyún es ya'ayow nandu'un éxtam tu myuj tu pyaadu. Pes yu'u du'un jyuna'añ jyodyty wyinma'añóty: “Tyaats n'u'uñ éxtam tu'ugu reyn. Kyajts uj ngu'ekytyo'oxyaty, ni na'ats nga'ayówat.” ⁸ Paaty ma tu'ugu xuu t'in myinat ja pya'am, 'yayo'on, jyotmay, yuu, es mat ja junya'ank yajnino'ogat, mat ko Nindsun'ajtam Dios jyantsymyájaty di'ibu tu pyekymyo'oyaty es tkumadówat.

⁹ Yu naxwifnudu réyaty di'ibu tu pyekytyuunda mat yu'u es du'un tu dyajtagódyu jyiky'ajtan, ñiju'uy ñiya'axtup ko t'ixtadu tadu kajpn ko tyoy. ¹⁰ Wu'umdaaydyap jagam jyantsytsyu'ugut mat ja tyadyu'unun, es jyuna'andut:

—¡Ay, puroobu mij Babiloñ muj kajpn di'ibu tu 'yane'emy! Jantsy tuk pojan tu myiñ ja mdudyu'unun.

¹¹ Yu ajuuy ado'kpty majaty naxwifnudu ju'udyup nandu'un es pya'ayówdubu tadu muj kajpn, mat ko kyaj tnakypyaadat pán jyúyap ja tyeeky yaky, ¹² mat ko ni pán tkanakjyuydyu ja ooru, ja platu, ja tsujjátypyu tsaa, ja perlu, ja oyatpyu wit di'ibu tsu'unk, tsaptspu, seedubu, kanak naxu oyatpyu kepy di'ibu pa'ak xu'kp, ja tsujjátypyu di'ibu kojpn mat ja marfil, bronzu, pujxn es ja mármol; ¹³ es nandu'un ni pán tkanakjyuydyu ja kanelu, pa'ak xu'kpu, mirru, poom, vinu, aseytu oliivu, arinu, triigu, tsajkaajaty, borreegaty, kwaayaty, kárraty, es extu ja'ayaty ijty tyo'ktup. ¹⁴ Es du'un yu ajuuy ado'kpty t'anumudut tadu kajpn:

—Kyaj xuyñakmyudaty tadu mje'xy mbeky es tugekyu tadu oyatpyu di'ibu tu xyjantsyt-syeky. Tuñ dan tyagoodya'ay wínu xuu wínu tiempu yu mmukja'ay'át esu mdsuj'ajtan.

¹⁵ Pánaty ajuuy ado'ktup ma ja Babiloñ kajpn es ñayajmukja'aydya'agudu jap, jagam tyánadut mdu tsu'ugu ko du'un 'yayówat ja kajpn, es yu'u jy'uuy ya'axtat:

¹⁶ —¡Ay, puroobu muj kajpn! Tsuj tu 'yity éxtam tu'ugu toxytyuk mat ja wyitu oyatpyu, tsu'unkpu, tsaptspu, es 'yoydyúñaty mat ja ooru, tsujjátypyu tsaa esu perlu; ¹⁷ jes tuk pojan tu tyagooy tyadu jyiky'ajtan!

Es nandu'un yu barku jaj'ye'ebaty esu di'ibaty tuundap jap barkoty, es di'ibaty mduundap jikymyejyñóty, wu'umdu jap jagam ¹⁸ ko t'ixtat pyade'eky ja jok ma tyoyu tadu muj kajpn, es jyuna'andut muk:

—Ni maq du'ambu kajpn éxtam tu 'yityu tyadu muj kajpn, ¿kudii?

¹⁹ Es mat ja jyotmay ñaydyukkuwaju'kudu naxway, es jyantsyju'uy jyantsyya'axtu:

—¡Puroobu tadu muj kajpn! Mat ja myukja'ay'át tu ñayajmukja'aydya'agudu nidagekyu di'ibu myudajttap ja barku. ¡Es tuk pojan tu tyagoodya'ay!

²⁰ Es ja kajxy 'yakjuna'añ tsajpótm:

—Miidsaty pánaty ijttap tsajpótm, es miidsaty apóstulaty esu Diosu 'yayuk kajxwa'xpty es nidagekyu di'ibu Dios jya'a'ajtypy, xonda'aktu mat ko Dios tu ttukkumadoy yu tadu kajpn éxtam tu mdúnudu.

²¹ Net tu'ugu anklus kumajaabu tkone'ky ja tsaa di'ibu du'un éxtam tu'ugu muj paan, es tkujubijpu jikymyejyñóty, es jyuna'ñ:

—Nandu'un mij Babiloñ muj kajpn, myajkujubipnaxa'añ, es ni na'a jatagok mgakuxu'ugut. ²² Ni na'a kyanakyyajmudówat mgajpnóty ja trompet xuxpu, tsajkapyñxyúxpu esu arpu koobu. Es ni kyanakyyajp'átat ja mmaduumbuty di'ibu xpekyuty, es ni ma kyanakyyajmudówat jap ja jujts tu'unun. ²³ Kyaj jap ñakyyajut ni tu'ugu lampu, es ni na'a jap kyanakyyajmudówat yajtúñ ja xuu ma ja pújkpty. Ja m'ajuuy m'ado'kpty tu 'yittu naxwiñ jantsy muj, es tu twin'uundu nidagekyu naxwifnudu ja'ayaty mat ja byuruu winma'añaty.

²⁴ Pes ma tadu kajpn tu yajpaaty temy yeky ja Diosu 'yayuk kajxwa'xpty ja ñe'pyñ, es ja ñe'pyñ di'ibu Dios jya'ay'ajtypy, es nidagekyu ja ñe'pyñ ja ja'ay di'ibaty ja'ay ya'o'kudu naxwiñ.

19

¹ Nétats nmadooy jantsy muk ja ja'ayaty kyajxtu tsajpótm, es jyuna'andu:

¡Awdattu Dios!

Yu nitsokan, muj'ajtan esu muk'ajtan,
yu'u Dios jya'a'ajtypy.

² Pesu Dios paye'epy mut ja tuy'ajtan, es tu tmo'oy ja kumado'on ja muj pekykyajpn es ñajxat ayodaknoty. Mut ko tu dyajpekytuñ ja naxwiñadu ja'ayuty es dya'e'ky ja Diosu myuduumbuty, paadyu Dios yajambijtxuty.

³ Net jyunandu jatugok:

—Awdattu Dios. Pes timjókup winu xuu winu tiempu ma yajnine'egy taadu.

⁴ Es ja ni'i'px majtaxkpu mujja'aydyujk es ja nimajtaxkpu jiky'ajtruty di'ibu ijttap Dios windum, ñaygyoxunaaydyakadu, t'awdajttu Dios es jyuna'andu:

—Wa'an du'anuty. ¡Awdajtta'aydyu Dios!

⁵ Nétuts nmudoogajxy ma uñaaybyajn ma Dios yajkutiky, es jyuna'añ: Miidsuty di'ibáty myuduundap ja Nindsun'ajttam Dios, mujja'ay mutsk ja'ayuty, awdattu Dios.

Nixadúñ ja Borreegu'unk

⁶ Nmudooyuts nandu'an ko nimayjya'ay kyajxtu, du'anuts nmudooy éxtamu nuudax 'yuutsy pyumimy, es éxtamu anaa muk ya'axy, es jyuna'andu:

Awdajtta'aydyu ja Nindsun'ajttam Dios di'ibu tugekyu muk'ajttan myudajtypy, mut ko yajkutiky.

⁷ N'okxondákum, n'okjotkujkam es n'okwindsu'kam, mut ko Dios jyantsymyájtuty es tu net traaty ma ja Borreegu'unk pyuka'añ,

es tu ja ñudo'oxy ñayjyujp'ixyuty.

⁸ Tu yajmo'oy ja wit ja oybyu es ja wa'atspu di'ibu tu'x jedsujkp, es ñayxóxadat. Pes ja oybyu wit ja'a 'yandijpy ja oybyu di'ibu tyuun kyajxtap ja Diosu jya'ayuty.

⁹ Nétuts ja anklus xy'anmaay:

—Kuxja'ay: “Jotkujkuty di'ibáty tu yajwówdu ma tyadu xuu ko ja Borreegu'unk pyuka'añ.” Es xy'ak'anmaayuts:

—Tyaadu du'an tuy'ajtan di'ibu Dios kyajxypy.

¹⁰ Njakoxtanuyáñuts anklus tyeky'ujxy, es nja'awdatáñuts, per yu'uts xy'anmaay:

—Katu du'an m'adu'utsy. Nmudiimbyuts ja Dios éxtam mij, es éxtamu mmagu'ugaty di'ibu pyanujxtap ja Jesusu 'yuxpukun. Awdat ja Dios.

Pes ja tuy'ajtan di'ibu Jesús yajk, ja'a yu'u di'ibu wyinma'añmyeepy ja Diosu kyugajxpu.

Di'ibu tyuk'uñaapy ja poop kwaay

¹¹ Nétuts n'ijxy ja tsajp awa'ats, es kyuxe'eky tu'ugu poop kwaay. Es di'ibu tyuk'uñaapy txu'aty Di'ibu Kyuydyimpy ja 'Yayuk, es nandu'an txu'aty Tuy'ajtan, mut ko tuy'ajtan muut pyayo'oy es tsyiptuñ. ¹² Yu wyiin du'an éxtamu junya'ank jyantsytye'xy, es jam kyubajkkajxm tmudaty may ja koronu. Es tmudaty ja xyuu kuxja'ay di'ibu yu'uyu nay-dyi'igy ñija'ap. ¹³ Es ja wyit ne'pyñ ne'pyñ. Es txu'aty Diosu 'yAyuk. ¹⁴ Es pyanujxudu tugoymay nidsiptuumbuty di'ibu tsajpótin. Ak poop ja wyit, ja oybyu esu wa'atspu, es ak poop kwaaygyujxy. ¹⁵ Es di'ibu xyu'ajtypy Diosu 'yAyuk, jap 'yaaatóty pyudsemy tu'ugu espaadu juppu, es yu'u muut dyajtsayuta'añ ja naxwiñadu ja'ayuty. Es yajkutuka'añ mudu pujxndajk. Es ttukkumadowa'añ, mut ko Dios di'ibu tugekyu muk'ajttan myudajtypy, jyantsy'ajkanu mut ja naxwiñadu ja'ay. Paadyu du'an ttukkumadowa'añ éxtam ko jyawu yajwinma'atsy ja uuvu tump. ¹⁶ Es tmunejxy kuxja'ay ma ja kyapu es ma ja pyuyu tyadu xuu: “Rey'ajtp ma réyuty es Windsun'ajtp ma windsunuty.”

¹⁷ Nétuts n'ijxy tu'ugu anklus tyanu jam xuu ñikajxm es t'anuumadu jantsy muk ja joon juyujk di'ibu ka'agudijtp:

—¡Min naymyúkudu ma ja muj xuu di'ibu Dios tyunaampy! ¹⁸ Min es xytsyutu'tstat ja tsyu'udsyadyu réyuty esu soldaadu windsunuty, ja jotmuk ja'ayuty, ja kwaayuty es mut ja di'ibu tuk'uñaayudap, nidugekyu ja'ay ja tsyu'udsyuty, pánuty yajjuudyuyap es pánuty awa'atstuuy ijttap, nandu'an ja muj ja'ay mutsk ja'aybyu.

¹⁹ Nétuts n'ijxy ko ja axuk juyujk es ja naxwiñadu ryéyuty dyajnaymyúkudu syoldaaduty es tsyiptuna'añ mut ja di'ibu poop kwaaygyujxy es mut ja nidsiptuumbuty. ²⁰ Per ja axuk juyujk wyinduuy ja muj ijxwu'umun di'ibu myudajtypy ja muj'ajttan. Es mudu tyadu muj ijxwu'umun ja kugajxpu di'ibu andakp tu twin'uundu naty di'ibáty tu ñayákyuty es ja axuk juyujk tsya'ayudat, es t'awdajttu ja 'yawinnax. Net nimajtsk yajku'udu'uju jiigyuty ma yu mejyñ di'ibu teepy azufu. ²¹ Es yu syoldaaduty ya'oktaay mut ja 'yespaadu di'ibu pudsunamp 'yaaatóty di'ibu tyuk'uñaapy ja poop kwaay. Es nidugekyu joon juyujk di'ibu ka'agudijtp 'yujts jyotkadaktu mudu tadu tsyu'udsyuty.

20

Mil jumujtpu

¹ Nétats n'ijxy tu'ugu anklas jyunaky tsajpótm mat ja kuk jutu 'yawatsn, es tkawítsyuty tu'ugu maj kadenu. ² Ta tmajtsy ja sarpyentu, tadu majku'ugórk, ja Satanás, es tkawu'ufi ttekywyu'ufi mat ja maj kadenu, es 'yitat tsimy tuk mil jumujt. ³ Ta tkujubijpu kuk jutoty, es dyajni'adjiky i'xwá'amun mat kadiibu tnakywyin'uanut ja naxwíñudu ja 'ayuty extu ko kya'pxat tuk mil jumujt. Ta naty koonam 'yok'yajnasmatyaya'añ waana.

⁴ Nétats n'ijxy uñaaybyajnuty, es jam 'yu'uñudu di'ibátyu naty tu t'axájudu ja kutujkun es pyayo'oydyat. Yu'udyu du'un di'ibu yajnibo't ja kyabajkaty mat ko tranujxtu ja Jesusu 'yuxpujkan es tkajxwá'xudu ja Diosu 'yayuk. Nandu'un kyaj t'awdajttu ja axak juyujk es ni ja 'yawinnax, es ni tkakupajktu yajtsa'ayat wyimbokkajxy o ma ky'u mat ja axak juyujku syeyu. Es ja Dios yajjikypuykudu, es 'yana'amdu mat ja Kristu tuk mil jumujt. ⁵ Tyaadu du'un ma tim jawyiinu Dios dyajjikypyejky ja ja'ayuty. Per di'ibu akwa'amdu ja o'kpaty, yu'ujaty kyaj jykypuykutu extu ko kya'pxat tuk mil jumujt. ⁶ Kuni'xy es jotkujkaty di'ibátyu Dios yajjikypuykudu ma tyadu jawyiimbu jikyuyujkun. Kyaj pyaadadut ja ayo'on di'ibu du'un éxtamu ja 'ay'yooktu myumajtsk ok, ja'a du'un tmudundut ja Dios esu Kristu éxtamu teedyuty, es 'yana'amdu mat ja Kristu tuk mil jumujt.

⁷ Ko naty tu ñaxy tuk mil jumujt, ta Satanás yajnasmatyaya'añ ma tsyimy'ity. ⁸ Es net ñujxat naxwíñ, es ñujx twín'ufi tugekyu naxwíñudu, ja Gook naxwíñudu esu Magook naxwíñudu. Ja Satanás yajnaymyujktá'ayudup nidugekyu naxwíñudu ja'ayuty di'ibu ni mbaat nga'okmadsyo'onu, du'un éxtamu pu'u di'ibu jikymeyjñbya'ay, es tsyiptuna'andu. ⁹ Oytyim madsoty ma tugekyu naxwíñudu ta tsyo'ondu, es dyajnadujktu nidugekyu Dios ja jya'ayuty ma ja kajpn di'ibu Dios jyantsyseyjpy. Peru Dios dyajnajky tsajpótmu junya'ank di'ibu mat tnino'ktaay nidugekyu tadu ja'ayuty. ¹⁰ Net ja majku'ugórk di'ibu naty ja'ay tu twín'ufi, yajkujdu'uju ma ja mejñ di'ibu teepy azufu, ma naty nandu'un tu yajkujdu'uwu ja axak juyujk es ja kugajxpu di'ibu andakp. Jap 'yayówat xuuñ koots winu xuu winu tiempu.

Payo'oyun ma ja poop uñaaybyajn

¹¹ Nétats n'ijxy ja Dios 'yu'uñu ma tu'ugu maj uñaaybyajn pooppu. Esu tsajp esu naxwíñudu juygaktu ma naty 'yity, es ya'ijxtugooodyaay. ¹² Es n'ijxyuts ja o'kpaty, maj mutsk, tyánudu Dios winduuy. Ta ja neky oj ya'aya'pwa'xy, es ya'ixy wi'ix tu tyundu nidu'uk nidu'uk. Es nandu'un wiinkpu neky ya'aya'pwa'xy ma 'yity kaxja'ay ja xyuujaty pánaty jiky'ajttap winu xuu winu tiempu. Esu Dios trayo'oy es ttukkumadooy ja o'kpaty éxtam nidu'uk nidu'uk tu 'yadu'utstu, du'un éxtamu naty 'yity kaxja'ay nekykuyjxm. ¹³ Tam 'yijtta tugekyu ja o'kpaty, ja'a mat di'ibu o'ktu mejñóty, es tugekyu yajpayo'oydu éxtam tii tu ttundu. ¹⁴ Yu o'kan esu infyernu tu naty nandu'un dyajktá'aydu ja o'kpaty tugekyu di'ibu naty yu'ujaty myudajttap. Net ja o'kpaty yajkujdu'uwudu ma ja mejñ di'ibu ya'amp éxtamu juun. Ko ja'ay jam 'yayowdu, du'un ja'a éxtam 'yooktu myumajtsk ok. ¹⁵ Ja'ay ja'ay di'ibu xyuu kaxja'ay nekykuyjxy ma yajjaaybety ja xyuujaty pánaty jiky'ajttap winu xuu winu tiempu, yu'uyy kyaj yajkujdu'uwudu ma ja mejñ di'ibu ya'amp éxtamu juun.

21

Jembyu tsajp esu jembyu naxwíñudu

¹ Nétats n'ijxy ja jembyu tsajp esu jembyu naxwíñudu, mat ko yu jawyiimbu tsajp esu jawyiimbu naxwíñudu kyaj maanu, es kyaj maanu jikymeyjñ.

² Es n'ijxyuts nandu'un ja jembyu Jersalén kajpn di'ibu tso'omp tsajpótm ma Dios, es kyada'aky, es jantsy tsuj oydu'ufi éxtamu pujkpu toxutyujk ko pyuka'añ. ³ Es nmadoogajxyuts jantsy muk ma uñaaybyajn ma Dios yajkutiky, es jyuna'añ:

—Tyamu net ja Dios 'yity mat ja ja'ayuty, es jyiky'ata'añ mat yu'ujaty, es yu'ujaty tja'ay'ata'añ. Ku'mam ja Dios 'yita'añ mat yu'ujaty, es Dyios'átudut. ⁴ Esu Dios yajtátsxudut tugekyu ja wyinnuu. Kyaj 'yok'ijnat ja o'kan, ja'ay yaxan o ja pujk ado'onan, ja'a ko tugekyu di'ibu tu 'yity, tu ja'a ñaxy kyexy.

⁵ Net ja di'ibu uñaapy ma yajkutiky jyuna'añ:

—Ujts nyajkejpy tugekyu ak jemy.

Nandu'un jyuna'añ:

—Kaxja'ay, mat ko tyaadu di'ibats ngajxypy, tuj'ajtanu'u es mbaat xymyabeky.

⁶ Nétats xy'anmaay:

—Tu net yajkuudyuunda'ay. Ujtsu du'un éxtam ja A es éxtamu Z, ujtsu du'un ja jawyiimbu es ja tim okpu. Di'ibu tútsap, ujtsuts nnamo'oyup es t'uugut ja nuu di'ibu pudsuamp ma myuxy es dyaky ja jiky'ajtan. ⁷ Es di'ibu myumadakyu ja pojpu, yu'uts nmo'oyubu tyaadu éxtamu kyuma'añ, ujtsu du'un xyDyios'átup, es yu'uts n'u'unk'átut. ⁸ Per di'ibáty juyjpa'adup, di'ibátyuts uj xykyamabujktu éxtamu Yajnutsókpu, di'ibáty jiky'ajttap axuuk,

yajja'ay'o'ktup, ma'induundup, bruju'ajttup, 'yawdajttup di'ibu kyaj Dyio'suty, es nidugekyu di'ibu andaktup, taaduty nidugekyu pyaadudu es yajpajta'agat ma ja mejñ di'ibu teepy azufru. Ko ja'ay jam 'yayowdu, du'un ja'a éxtamu ja'ay 'yooktu myumajtsk ok.

Jembyu Jerusalén

⁹ Nétuts xyñimiiñ nidu'ugu anklus di'ibu tu ttuktaamdu'uty ja tsyim mat ja ayo'on, esuts xy'anmaay:

—Min es nduk'ixat di'ibu pyukaampy ja Borreegu'unk.

¹⁰ Net mudu Espiritu Santu myuk'ajtan oj xyajnejxyuts ma tu'ugu muj kopk jantsy kujxm, es xytyuk'ijxyuts ja muj kajpn Jerusalén kuni'xyru ko kyuda'aky, jam tsoyo'ñ tsajpótm ma Dios 'yity. ¹¹ Esu tadu kajpn jantsy tu'xp mat ja Diosu jyajan. Esu tyu'xun du'un éxtamu tsujátypyu tsaa, éxtamu tsaa'ju'unk di'ibu xu'ajtypy jaspe, wa'ats éxtamu viidru. ¹² Es juwudity ja kajpn ñabótsyuty majpny es kujxm, mat majmajtsku tyujk aa. Es tu'uk tu'ugu tujk aa tmudaty tu'ugu anklus di'ibu kywentu'ajtypy. Es ma tadu tu'uk tu'ugu tujk aa 'yity kuxja'ay tu'ugu xyuu ja majmajtskpu Israela myaank. ¹³ Tugauk 'yixy ja tujk aa ma xuu pyudsemy, tugauk 'yixy ma yukup myiñ, tugauk 'yixy ma ja xuu tsy'iity es jatugauk 'yixy ma myiñ ja jumboj. ¹⁴ Ja potsy di'ibu ñabots'ajtypy ja kajpn, majmajtsku 'yujx tmudaty. Es ma ja majmajtskpu potsy ujx kuxja'ay 'yity tu'uk tu'ugu xyuu ja nimajmajtskpu Borreegu'ungu 'yapóstulu.

¹⁵ Yu anklus di'ibuts xymyugajx tmudaty tu'ugu ooru kijxn, es tkijxa'añ ja kajpn, ja tyujk aa es ja ñabots. ¹⁶ Ja kajpn kwadraadu 'yity, yu yeñ'ajtan ti'igyu mat ja wyooñ'ajtan. Ja anklus tkijxy ja kajpn mat ja kyijxn, esu yeñ'ajtan wyinjajty majtsk mil jamajtsk mugopx kilometru. Yu yeñ'ajtan, ti'igyu yu'u mat ja kyujxm'ajtan es wyooñ'ajtan. ¹⁷ Net tkijxy ja wyooñ'ajtan ja ñabots, es wyinjajty tugupx mugoxk metru. Ja kijxn di'ibu ja anklus yajtiumpy, du'un ja yeñ'ajtan éxtam di'ibu ja'ay yajtiumpy.

¹⁸ Ja kajpn nabots pyótsyudyu naty mat ja jaspe tsaa. Es ja kajpn, ak tim wa'ats ooru, du'un kyuxe'eky éxtamu viidru wa'atspu. ¹⁹ Ja kajpn nabots pyots'yjx mat kanak naxu oyatpyu tsaa. Ja jawyiimbu tsaa txu'aty jaspe. Ja myumajtskpu txu'aty zafiiru, ja myudugaukpu txu'aty ágatu, ja myumajtaxkpu txu'aty esmeraldu, ²⁰ ja myumagoxkpu txu'aty onise, ja myudujukpu txu'aty kornalina, ja myujxujukpu txu'aty krisólitu, ja myuduktujkpu txu'aty berilu, ja myudaxtukpu txu'aty topasyu, ja myumajkpu txu'aty krisoprasu, ja myumajk tu'ukpu txu'aty jasintu, ja myumajmajtskpu txu'aty amatistu. ²¹ Ja majmajtskpu tujk aa, majmajtsk je'eyu ja perlu. Tu'uk tu'ugu tujk aa, ti'igyu je'eyu t'agaj'aty ja perlu. Es ja muj tu'u di'ibu kajpngijky, ak tim wa'ats ooru, éxtamu wa'ats viidru.

²² Es kyajts n'ijxy ni tu'ugu tsajptujk jap, mat ko yu Nindsun'ajtam Dios di'ibu tugekyu mak'ajtan myudajtypy, esu Borreegu'unk, yu'u tsyajptujk'ajttubu tadu kajpn. ²³ Tadu kajpn kyaj tteky esu xuu es ni yu po'o ñi'anadut, mat ko Dios esu Borreegu'unk, ja'a jyajan maat kyude'xyaty. ²⁴ Es ja jajun ma tadu kajpn, ja'a kyudu'xup nidugekyu naxwiñudu ja'ay, es ja naxwiñudu réyaty tmamindut ja myukja'ay'at ma ja kajpn. ²⁵ Du'uñam wyu'amut awa'ats yu kajpn nabots aa. Ni na'a kya'adukut, mat ko jap kyaj kyoodsaya'añ. ²⁶ Es ja naxwiñudu ja'ay tmamindut ja myuj'ajtan es ttukwindsu'ugudut ja Dios. ²⁷ Es ni na'a kyatúkudu di'ibu axuuk, o di'ibu tsoydyu'un maat, o win'u'ambuty, yu'uyu tákudap di'ibu xyuu ijtp kuxja'ay jap Borreegu'unk ñekykyjxy ma yajjaabybyety ja xyuu'jaty pánaty jiky'ajttup wínu xuu wínu tiempu.

22

¹ Nétuts ja anklus xytyuk'ijxy tu'ugu mujnuu di'ibu mujxp ma uñaaybyajn ma Dios esu Borreegu'unk yajkutúktu. Tadu nuu jantsy wa'ats éxtamu viidru, es yu'u du'un yajkpyu ja jiky'ajtan wínu xuu wínu tiempu. ² Tadu nuu pyaye'eky muj tu'ugijky ma tadu kajpn. Es mujnuubu'agay majtsk adu'um yoñ ja kepy di'ibu yajkpyu ja jiky'ajtan es tyuamp'aty majmajtsk ok tuk jamajtpu, winduk po'ojaty tyuamp'aty. Es ja kepy'aay yu'u tsooyo'átup ja naxwiñudu ja'ayaty. ³ Es ni ma kyanaky'ítat ni tii di'ibu kajxpojkr.

Ma tadu kajpn, Dios esu Borreegu'unk yajkutuka'andu, esu myuduumbuty 'yawdata'anudu, ⁴ es 'yixtup ja Dios ja wyiin jyujp, es tmudáttat ja Diosu xyuu ma wyimbok. ⁵ Jap kyaj kyoodsaya'añ. Es di'ibáty ijttup jap, kyaj tsóktat ni ja lyampru es ni yu xuu ñijájudut, mat ko yu Nindsun'ajtam Dios kudu'xanup, es yajkutúktat wínu xuu wínu tiempu.

Tsojk ja Kristu myina'añ

⁶ Nétudsu anklus xy'anmaay:

—Tyadu ayuk, tuy'ajtanu'u es mbaat xymyubuktu. Paadyu Nindsun'ajtam Dios di'ibu wyinma'añmyeepy ja kyugajxputy, yu'u tu tkexy ja 'yanklus es yajtuk'ixa'andu ja myuduumbuty di'ibu tsojk tunán jatánup.

⁷ Du'un ja Jesukristu jyana'añ:

—iMudoo'ittu! iTsojkuts nmina'añ!

iJotkujk di'ibáty pyaduundap ja n'uxprijkanats di'ibu ijtp kuxja'ay ma tyadu neky!

⁸ Uj Fwank. N'ijx nmudoots tugekyu tyaadu. Es kots n'ijxtaay nmudoodaay, taats nnaygoxtanaaydyaku anklus tyeky'ujxy di'ibudsu naty tu xytyuk'ixy, es nja'awdatáñats.

⁹ Per yu'uts xy'anmaay:

—Kátuts xy'awdaty. Nmúdiimbyats ja Dios, éxtam mij, es éxtamu mmagu'ugaty di'ibu Dios ja 'yayuk kyajxwá'xadup, es nidugekyu di'ibáty pyaduundap ja Diosu 'yuxprijkan di'ibu ijtp kuxja'ay ma tyadu neky. iAwdat ja Dios!

¹⁰ Es ja anklus xy'ak'anmaayats:

—Kajxwá'x yajxónu tyadu Diosu 'yuxprijkan. Katu xykyuyu'utsy, mut ko tu dun tyimpaty ja tiempu ma yajkuudyuna'añ. ¹¹ Pánaty axuuk adátstap, wa'anu du'un t'aktimtuun'adu'utstu; es pánaty pyanujxtap ja ka'oybyu winma'añ, wa'anu du'un t'aktimpanujx'adu'utstu; es pánaty pyanujxtap ja tui'ajtan, wa'anu du'un t'aktimpanujx'adu'utstu; es pánaty kyuyduundap ja Diosu wyinma'añ, wa'anu du'un t'aktimkuudyuun'adu'utstu.

¹² Du'unu Jesukristu jyuna'añ:

—iTsojkuts nmina'añ! Es kots nmínut, nmo'oya'añats nidu'uk nidu'uk éxtam pyaadyaty wi'ixaty tu jyiky'attu. ¹³ Ujtsu du'un éxtam ja A es éxtamu Z, ujtsu du'un ja jawyimbú es ja tim okpu. Ujtsu du'un di'ibu tugekyu yajtsondák, es ujtsu du'un nandu'un di'ibu ya'abatadyaary.

¹⁴ Jotkujkudyu taadaty di'ibáty tu tpujtu yajxónu wuyt, ja'a njuna'anam di'ibu tu jyodumbittu es tu tmastu'uttu ja pyojpu. Yu'adyu dun je'eyu pátdup tyákut ma tadu kajpn es tju'xut ja ujtsu tuump di'ibu yajkypy ja jiky'ajtan wínu xuu wínu tiempu. ¹⁵ Mut ko ni na'a mbaat kyatákuu jap di'ibu myudajttap ja axuk winma'añ, yu brújaty, mu'induumbuty, yajja'ay'o'kpuaty, yu di'ibu 'yawdajttap di'ibu kyaj Dyiosaty, es di'ibáty tsojktap tyuundap ja andakun.

¹⁶ Uj Jesús, tats ngexy ja n'anklus es t'awánut nidugekyu ja mubujkpuujk ma ñaymyúkuu. Ujtsu du'un ja Davitu tuump 'yagats, es ujtsu du'un éxtamu jayxyuu di'ibu móñam pudsuum.

¹⁷ Yu Espíritu Santu esu Borreegu'ungu ñudo'oxy, ja'a njuna'anam ja ja'ay di'ibu myubujktap ja Jesukristu, ja'a junándap:

—iMin!

Es di'ibu myumudeepy, wa'an nandu'un tjuna'añ:

—iMin!

Es di'ibáty tútsudap, wa'an tmindu es t'axájudat nadu'uñu ja nuu di'ibu yajkypy ja jiky'ajtan wínu xuu wínu tiempu.

¹⁸ Uj n'anmaabyats nidugekyu di'ibáty myudoo'ijttap yu Diosu 'yayuk di'ibu ijtp kuxja'ay ma tyadu neky, pun ja pán tnikoñ yu tyaadu di'ibu ijtp kuxja'ay, Dios nandu'un niko'onxadup ja 'yayo'on di'ibu ijtp kuxja'ay ma tyadu neky. ¹⁹ Es pun ja pán oynu'anun tpuwitsy yu ayuk di'ibu ijtp kuxja'ay ma tyadu neky, Dios nandu'un puwijtsxadup di'ibu naty pádup tju'xut ja kerytyuumap di'ibu yajjiky'ajtp, es kyaj tyákut ma ja Diosu kyajpn. Yu kerytyuumap esu Diosu kyajpn kuxja'ay 'yity ma tyadu neky.

²⁰ Di'ibu tyaadu ñigajxyry, du'un jyuna'añ:

—Tsojkuts nmina'añ.

Es nandu'unats njuna'añ:

—Wa'an du'unaty. iMin, Nindsun'ajtam Jesús!

²¹ Wa'anu Nindsun'ajtam Jesús tkunu'xtu nidugekyu ja Diosu jya'ayaty.